




四庫全書存目叢書編纂委員會編

齊魯書社




四庫全書存目叢書

集部  
第八一冊



責任編輯：孫言誠 賀 偉

ISBN 7-5333-0615-5



9 787533 306151 >

EB21/03

# 四庫全書存目叢書·集部八一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 53.25 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

# 集部第八一冊目次

## 集部·別集類

歐陽南野先生文集四卷

〔明〕歐陽德撰  
中國社會科學院文學研究所藏明嘉靖刻本

一

潘笠江先生集十二卷近稿十二卷附錄一卷

〔明〕潘恩撰  
蘇州市圖書館南京圖書館藏明嘉靖至萬曆刻本

一三九

章介菴文集十一卷

〔明〕章袞撰  
首都圖書館藏清乾隆十八年章文先刻本

五三三

芝園定集五十一卷別集十卷外集二十四卷（一）

〔明〕張時徹撰  
四川省圖書館藏明嘉靖刻本

七一六

歐陽南野先生文集四卷

〔明〕歐陽德撰

中國社會科學院文學研究所藏明嘉靖刻

本

附《四庫全書總目·南野文選

四卷》提要

歐陽南野先生文選序

歐陽南野子文集行於世久矣門人督學少洲馮君慮其浩博授集于予選其尤有關於學者若干篇謀諸會稽尹陽山莊君將梓以傳而門人宗伯石麓李君亦以所選集寄至遂叅互校輯共得文二百一十篇釐爲四卷而屬余序之曰通天地萬物一氣耳良知氣之靈也生天生地生萬物

南野先生文選序

而靈氣無乎不貫是謂生生之易天地萬物一體之仁也孔門之學惟務求仁以天地萬物爲一體仁者覺而已醫家以痿痺爲不仁言不覺也故曰吾有知乎哉無知也蓋有不知而作我無是也言良知本來具足無知而無不知也此學脉也顏氏如愚故能默識以發聖蘊至孟軻氏指示不學不慮之旨而義始明備濂溪之明通公



溥明道之明覺自然其幾矣良知者千聖之絕學也我陽明先生於絕學之後慨世儒相沿之弊首捐斯旨以覺天下將邇濂洛以達於鄒魯蓋深知學脉之有在於是也海內同志之士見而知之與聞而知之者莫不知有致良知之說然能卓然自信實致其知者有幾能超然自悟於言教之外者有幾是不可知也良知本無知凡可以知知可以識識是知識之知而非良知也良知本無不知凡待聞而擇之從之待見而識之是聞見之知而非良知也是皆不能自信其良知疑其不足以盡天下之變而有所待於外也道不待言而顯聖人立教皆助道法耳良知亦法也果能自悟不滯於法知即良知之知識即良知之識聞見即良知之聞見原未嘗有內外之

南野先生遺集

二

分蓋良知不由知見而有而知見即良知之用渾然一體澄然兩忘舍此亦無良知之可致也良知即易變動周流天地萬物之生機縱泥聞見知識不復可以適變其旨微矣顏子之默識睿而爲愚者也子貢子張之徒不能自信必假於知識聞見以助益之依倣測億良知反爲所蔽千百年相沿之習亦居乎可見矣南野子蚤歲聞從先師於虔所謂見而知之者也沉粹敏慧才足以達先師素所授記凡振牖淬鍊蓋無所不至而其顯體默究孳孳疊疊以承藉之者亦無所不用其情蓋師門之冠也予不肖辱交於南野子三十餘年受益最深師門晚年宗說每舉相證未嘗不爽然稱快以爲聞所未聞若飲醇醴盎然且溢於面所謂交相益者非耶先師嘗謂獨

南野先生遺集

三

知無有不良南野子每與同志論學多詳  
於獨知之說好好色惡惡臭乃其應感之  
真機戒自欺以求自慊即所以慎之功  
也良知不學學者復其不學之體而已良  
知不慮慮者復其不慮之體而已非有所  
加也其殼鯨見於堂下之牛其怵惕惻隱  
見於入井之孺子其不屑不屑見於行路  
乞人之嘔蹴真機所發神感神應豈一毫

南野先生文選序

四

有假於外而後然哉所謂一體之學與卓  
然之信超然之悟蓋庶幾無愧焉集中無  
非斯義此其大畧也儒臣得君自古爲難  
昔者河汾之學不行於身而見於貞觀之  
朝蓋房杜王魏諸賢爲之表章有以致之  
先師之學不啻河汾南野子身際

聖朝宣昭禮樂之化過於房杜諸賢即其  
所履益信儒者有用之學於師門與有光

焉予不肖已分無補於世石麓諸君敦行  
懋學津津柄用以繼其志固所謂聞而知  
之者也後之讀是集者知所考鏡從信入  
悟反求而自得之所以官天地煦萬物生  
生之機不容自己聖學庶將有賴焉昇  
嘉靖甲子夏五月吉友人龍溪王畿識

南野先生文選序

五

歐陽南野先生文選序終

歐陽南野先生文選目錄

卷之一

書

答章介菴

答陳盤溪三

答劉道夫

答傅石山

答周陸田

寄京中諸友

答羅整菴先生壽困知記二

答陶鏡峯

答徐少湖二

答周良卿

答問五條

答胡仰齋

答柯雙華

南野先生文集目錄

答歐夢舉二

寄夏東巖

答王克齋二

寄黃久菴

答聶雙江

寄王鯉塘

答曾龍江

寄徐芝南

寄沈石山二

卷之二

書 祭文 傳

答王鯉塘

答陳明水

答馬問菴

答鄭東廓三

答郭中洲

答林子仁

答楊芳洲二

答高公敬

答張卿理

答王士官

答項甌東

答王心齋

寄魏水洲

答裴魯岡

答李古原二

答高維盡

答萬五溪

答霍渭厓

答確齋兄牋

寄王龍溪

答方三河二

寄聶雙江

答王在菴

寄徐少湖

答戚南玄

答敖純之

南野先生文集目錄

答歐夢舉

答薛中離

答甘泉先生

寄汪道甫

答季彭山二

答張紹中

答嚴節推二

答王仁仲

寄聶雙江

寄吳伯升

答張維時

答友人

寄王遵巖

答魏莊渠

寄橫溪翁

答朱芝山

答陳履賢

寄徐少湖

寄劉三峯

答曾雙溪



答李占原

答王鯉塘

答補之玄畧純用思畏

答王龍溪二

答友人

答友人

答友人問學經

答王蒙泉太守

答曾思極

答魏水洲二

答戚補之

寄敖純之

答蕭文奎

答周良卿

答陳明水

答彭雲根

寄李汝貞

答張仕儀

答希冉

答劉成卿

祭王心齋文

祭薛中離文

祭戚補之文

祭戚南玄文

祭劉晴川文

大司馬翁公傳

卷之三

書

寄唐荆川

答曾思極

答陳豹谷

答王堦齋二

寄聶雙江二

答萬安徐司訓

答應傲菴

答閻啓明二

答陸主政子翼

答王新甫督學

答王武陽

答項旣東

答湯繼寅

答孫宗禹

答陳履旋

答馮州守

答沈思畏

寄張浮峯

答雷古和

答劉華峯

答顧日巖

答徐波石

答陳明水

寄王龍溪

答殷時訓

答陳督學

答沈思畏侍御三

答陸汝成秋官

答黎本靜僉憲

答朱子和

答周以介

答鄭望溪二

答葛子才

答項旣東

答聶雙江二

答朱鎮山

答賀龍岡

答何益之二

答朱鎮山督學

答楊汝容

答毛伯祥沈惟順

答鄭元健二

答翁東崖

答貢玄畧

答梅純甫

答錢緒山

答陳華山

卷之四

序 記附雜著

送許廷陳歸省序 徐子別言

贈麥元實序 蔡道卿贈言

諸儒理學語要序 別楊季卿序

使汴贈言 贈胡青厓督學江西序

送新甫督學廣西序

呂巖野別言 贈鄭室甫序

贈茅稚卿擢刑部主事序

刻薛先生約言序 南江子贈言

南野先生文集目錄

壽槐軒易翁七十序

贈鄒東廓召宮洗序

送劉晴川北上序 繆子入覲贈言

送李子督學山東序

贈葛子序已酉 復儒林書院記

壽州學藏書記 大酉洞書院記

九華山陽明書院記

維陽書院記 樂昌縣遷復舊學記

集義堂記 從叔格菴先生別

贈徐遠卿 書柯行可卷

答董兆時問 贈陶仲良

林平泉贈言 耐軒卷丙申

吳伯敘卷 平易解

洗心箴 徐任夫贈言三條

王汝文贈言 贈畢介卿

送魯伯慎今招遠 九卦說贈蔡衡州

聖人之心無窮論 性理策

大宰龍湖張公之官南都序

南野先生文集目錄

歐陽南野先生文選目錄終

歐陽南野先生文集卷之一

友人王

門人李春芳選編

馮惟訥校訂

書

答章介菴

教諭懇至非深愛篤念何以有此今之君子道義有命者惟一身名檢事業之爲務其於朋友故舊之善惡休戚若越人視秦人之肥瘠漠然不加憂喜於其心而猶以爲自脩自道而不知蔽於爲我之私所厚

南野先生文集卷之一

者薄無所不薄也已豈所謂有不忍人之心者耶吾兄切切惻惻惟恐僕陷於不善亟欲振而出之仁人君子之道固如此耳感謝何可言所論今日學者之於道非不能言之弊不能行之弊也又云良心所發何處無之然發而不能知知而不能克者多矣誠然誠然夫人之學所以必致其獨知無自欺而求其自慊是以知行令一言行相顧意誠心正身脩而明德明於天下矣吾兄每引頰舌之感好爲人師之患舍田而芸人之田之病以爲戒蓋深懲多言之失而恐譁學者出乎此此正不致其良知之弊敬間教夫乃

僕之底裡抑有欲陳於左右者敢不自竭人之心各有所明各有所蔽古之聖賢亦必親師取友好問好察然後能去其所蔽以適於道助我之憾啓予之喜孔子猶有望於其徒而離索之父子夏不自知其過况吾輩乎僕自問學以來誠賴朋友講習切磋而後此心之是非義利公私邪正取舍漸明而克治漸密故嘗自念人不可一日而不求友故凡士君子有意於僕者未嘗不相勉以學其始往往因僕而感發而後反甚賴其相長之益自謂不如是豈惟鄙心有所不慊而離索孤陋之損亦又甚矣雖其拒而不信

南野先生文集卷之一

反從而笑且毀者亦多有之退自思孔門之學用力於仁弟子始教猶曰汎愛故子路車馬輕裘與朋友共孟子於齊王好樂好貨皆與百姓同之况人心同然之善而曰人不足與言乎相與未久誠意未孚遽望其翻然而悟且信固有所未可況趨而避之者孔子猶欲與之言而當時毀且沮者何限終不以衰其汲汲之心茲非吾輩所當學者哉安得避毀譽利害之及而潔己以自爲也是以常不敢不盡以爲是所以爲求仁之學者也惟其泛然而交粹然而遇者則亦不敢強聒而力誘之如來諭所云耳若假借以資



口說獵取以濟奸私則良知之明誠未忍自欺而今天下讒妬勝忿之私交馳並作即有言行相顧知行合一真誠惻怛視天下為一體者猶未必遽能消其鄙詐之心而動其公聽虛受之誠况脩辭不立其誠以言不言歸人者而能有所濟耶此則僕之決不敢也僕非不量已而徒以徇人者顧其心誠知取友之益自用之損同人之善自私之非故必如是而後自慊而又思夫人之讒妬勝忿而無有公聽虛受非講明良知之學亦不能使之自知其非而舍之以歸於是此鄙心所為惓惓者也愛念之及竭盡其愚仁為

答陳盤谿

奉手教垂誦高文皆切實踐履之言非泛為論說者受教多矣中間所引孺子入井之惻隱蹕蹕之食之羞惡達於面目之泚澁鯁之牛之戚戚發明良知不

學而能不慮而知最為親切後世之學止坐信此不及乃自生枝節自作艱難以成其意見不思吾身動靜語默行止又速視聽食息知識思慮莫非良知之所為而一毫之人力無所與焉所謂天命之謂性率性之謂道也人惟不能循其良知而作奸作惡用智自私是以動靜語默之間皆失其則故曰莫不飲食鮮能知味也故君子之學循其良知而不自私用智以鑒其天命耳矣靜而循其良知也謂之致中中非靜也動而循其良知也謂之致和和非動也蓋良知妙用有常而本體不息不息故常動有常故常靜常動常靜故動而無動靜而無靜故凡動而無靜靜而無動者物也良知心之神明妙萬物者也體用一原動靜無端者也知此則知致知之功夫來教謂無將迎無內外動靜功夫方成一片無有間斷者切實懇到無復餘蘊敬敬敬然又謂未應止可謂之養知已應方可謂之致知是猶未免少有動靜之分而未見神之無動靜也夫循良知而無所虧歉之謂致致非有所推廣增益也循良知而無所損害之謂養養非無所充滿流動也豈有二哉來教又謂若只說致知而不說勿忘勿助則恐學者只在動處用功夫知

忘助者良知也勿忘助者致良知也夫用功即用也用助動也故不動而微不言而信亦動也雖至於澄然無際亦莫非動也動而不動於欲則得其本體之靜非外動而別有靜也故曰動而正曰道用而和曰德故君子慎動來致所論動靜雖以所遇之時言然而良知之全體大用毫釐不察則未免微有動靜先後之殊而精一之旨未免微有差失更願取傳習錄中答陸原靜書文錄中答倫彥式書一觀庶動靜合一之功不爽毫髮矣仙釋之辯甚善甚善今人徒以不立文字直指人心爲佛學之獨見超悟而不知吾儒之學正直指人心者也惟夫致知在於格物明德在於親民不若佛氏之空虛蕩蕩遺棄人倫焉耳文錄中山陰縣學記親民堂記辯別甚明亦願一熟復之風便不吝詳教荷荷堂章波及自有公論君子之於天下可行則行可止則止視吾良知之所不容已者耳故通國舉之而不喜舉世非之而不顧蓋痛癢固自有在而吾之所以自搔自摩安得人人而喻之聞欲勇於一決此固執事之素心更望從容裁酌即此是學也

二

其歸計無柰披晤末期程竹素來辱翰教恍如相接也承諭象山語錄中詹子南所記公都子問鈞是人也一段竊意此自是子南入頭處慈湖集中所載炳講師求訓一段今無其本髮辨記得亦是此意古人之學只在善利之間後來學者不知分善利於其心而計較揣摩量於形迹文爲之粗紛紛擾擾泛而無歸故宋儒主靜之論使人反求而得其本心今既知得良知更不須論動靜矣夫知者心之神明知是知非而不可欺者也君子恒真知其是非而不自欺致知也故無感自虛有感自直所謂有爲爲應迹明覺爲自然也是之謂靜若有意於靜其流將有是內非外喜靜厭擾如橫渠所謂累於外物者矣夫人者天地之心故萬物皆我天地一身故格物所以致我之知親民所以明我之德合內外動靜之道也若愛憎取舍於其間即是以己性爲有內外矣鄙劣所聞者如此高明幸有以教之

三

披讀翰教確有定見且皆得之真實踐履而非揣摩想像之所及敬服敬服道之不明正惟學不知心之良知而悵悵然求之於外既聞良知之說矣又或混

於見聞知識之真妄錯雜者誤認以爲良知而疑其有所未盡不知吾心不學而能不慮而知之本體非見聞知識之可混而見聞知識莫非妙用非有真妄之可言而真妄是非輕重厚薄莫不有自然之知也故近世學者聞而不信信而不盡其蔽蓋在於此能信其說者又不知有格物之功不能真實懇到爲其善不爲其不善故或恣情縱意而旦晝所爲有以梏其知而亡之或恬淡虛靜以爲圓融瑩徹而人情事理偏枯缺漏則亦不足以致其知要皆良知本體見之未徹而未免安於意之所習道之所由以不行也

南野先生遺稿卷之一

七

乃高明所見迥異於是大道晦冥久矣超脫積習直造本真百年僅見豈惟非劣者仰藉沾溉無任慕望惟弘毅體道任重致遠不枉爲此一大事故出現於世也新刻奉覽蓋先師絕筆便中更望垂教幸甚

### 答劉道夫

論及良知雖愚夫愚婦之所與知能行而致之則難稍有一毫意必固我之私即是良知之蔽故致知之功直是意必固我消磨得盡始爲真切甚善甚善但謂三子不得爲聖之時著其心未免有蔽既有所蔽則不得謂之精明既不得謂之精明則其知亦不得

謂之良此則求良知似太深也夫良知不學而能不慮而知故雖小人閒居爲不善無所不至者其見君子而厭然亦不可不謂之良知雖常人恕己則昏者其責人則明亦不可不謂之良知而況於三子者乎苟能不欺其知去其不善者以歸於善勿以所惡於人者而施於人則亦是致知誠意之功而即此一念可以不異於孔子而況於三子者乎三子之蔽蓋其氣質之所重然其萬物一體之心未始與孔子異昔人所謂四時之氣者也四時之氣不可不謂之元氣三子之心不可不謂之聖惟其氣質之所重消磨未盡故不得謂之時也況三子之蔽三子之良知自知之亦自克之其所以爲聖者在乎良知之能致而不繫乎氣質之所重故學者之希聖亦惟在乎不欺吾之良知而不必希高慕遠謂必如何而後爲良知也知即行行即知本體固如此此二字本以功夫言先師所謂真知即所以爲行不行不足謂之知又謂知之真切篤實處即是行行之明覺精察處即是知細玩此語尊意乃更親切也學力有覺誠爲難得從此日就自己知得善不善處毫髮不肯自欺遷善改過懲忿窒慾自然日進高明矣願望願望

南野先生遺稿卷之一

八



答傅石山

論及知行合一於日用應接之間恍若有得足見近來用功真切忻慰忻慰夫心之良知之謂道心雜以私意之謂人心知也者致其良知於人心道心之間而不欺也行也者致知之功真實懇到恒久而不已也孟子所謂知而弗去是也真知即所以爲行不行不足謂之知言實致其知於人心道心而不已焉即所以爲行苟不實致其知則亦不足謂之知此聖人致知之學最爲緊切所以異於後儒者也後世棄其良知從事於外知之之功茫無下落尚安有所謂行

南齊先生集卷之十一

九

哉來論謂並進交脩之功無物不有無時不然則近之矣然謂之並謂之交猶有二也二則不能無先後也若無物不實致其知無時不實致其知則一而已矣孰爲知焉孰爲行焉而何先後之可言哉來論謂行先於知心有未安誠未安也夫知行合一者也不可先也不可後也君子無時無物不致其知語默如是動靜如是學問思辯無不如是故無時非行無物非行而無時無物非知矣若謂知行畧有先後而行不可以先知則二之也是其用功猶非精一於人心道心之間者也來論謂日用應接講求有不到處便

不能免於悔尤其間亦無私意亦無客氣如何不能中道夫悔有二有悔其心之不善者有悔其行之不得者悔其行之不得者又有二有察見其非心者有留情於順逆者此人心道心之分也夫君子誠致其知而不已焉則凡當講者良知自不能不講也講求未到者良知自不能已也凡當講而不講當講求其至而不講求其至即此一念已是怠意已是忽心是自是自足之蔽其爲私意客氣莫大焉其可悔者蓋在於此而不在於行之不得也凡此只是不真實致良知之故實致其知無此悔矣若謂既無私意既無

南齊先生集卷之十一

十

答周陸田

來教示以所疑足知別來用功精實日有所就月有所將矣某罔所知識姑就來教以讀夫心無動靜動靜其應迹也來教所謂動中求靜順應不擾殆有見

於動中之靜求不擾於應酬之中而未究夫無動無靜之良知也夫良知無動無靜故時動時靜而不倚於動靜君子之學循其良知故雖疲形骸體而非勞也精思熟慮而非煩也問察辨說而非聒也清淨虛澹而非寂也何往而不心逸何往而不日休故學貴循其良知而動靜兩忘然後爲得來教所謂興革一念不能少置是未免倚於動矣既倚於動則非良知廓然大公之本體如是而復求動中之靜復求順應不擾則愈動愈亂安得而靜安得而弗擾又舍其動應而求之則如來教所謂欲求心逸日休之美而於

南野先生遺集卷之十一  
十二

而已非判然二途也夫循其良知則其於爲政也知利之所當興而思所以興之弊之所當革而思所以革之皆良知之自然也何必興革一念不容少置此念既息則良知常動常靜何必動中求靜良知常思常逸何必別求心逸欲求不擾反以爲擾欲求日休雖休非休故循其良知之謂大公順應之謂居敬行簡聰明睿智皆由此出殊途百慮莫非一致尚何踈漏隱微之足患哉執事但息其憧憧之念得其挾提之心隨事而辨其是非因物而審其可否則可見心之良知本然完具如尺度盡天下之長短權衡盡天下之輕重規矩盡天下之方圓自然事事見得事事簡要蓋莫非良知之流行變化而良知之外別無理之可見別無簡之可執者審如是則中人以下者雖愚必明况執事之高明哉舍是而求見理則必爲非理舍是而求行簡則必爲居簡之簡此後世之學所以異於聖人者也高明以爲何如

南野先生遺集卷之十一  
十二

寄京中諸友

別久未緣脩問惟時聞諸兄切磋不懈慰浣之極末習澆浮吾徒耳濡目染久矣所不可變者惟有獨知一念循此而致之方是去僞著誠而論者顧疑其僞

則亦見之未審耳雖然吾徒果能自信其良知而循之而無欺之者乎然則世人之論固導善之師規過之友而豈可惡哉君子之志於道猶之飲食夫知饑而食知渴而飲皆吾心獨知所不容已者不爲人信從而爲而豈因人之疑議而沮惟其念天下之同饑渴而將與天下共飲食之則不能無望其信吾之所謂飲食真足以療饑渴耳使吾徒飲甘食鑿膚革充盈信吾說者亦飲食之而充盈則疑信半者必信吾說而飲食之而疑者將亦不能堅其疑矣然則吾徒欲與天下同歸於善會獨知又焉所致其力乎某顧

南野先生遺集卷之一

十三

瞻時勢未見可行之機老耄踰堇堇羣士私迓互學今春復還每有感觸歸思戚然惟念四方之士群聚南雍覲少遂平生求友之志萬一終無所發則亦反歸林壑進無補於時退幾有益於道耳

答羅整菴先生寄附知記

披讀大篇明暢痛快溫潤精密使人起敬起慕昏瞶警發鄙吝消融有道者之言其感人如此而況於親炙之者乎承翰教拳拳引誘使盡其所欲言以求歸於是其無似先生長者不鄙其愚俯就曲成感幸何可云喻顧管閒學不躐等故古之學者有聽而弗問

其固所知識何足以承先生長者之教然隱之於中有未能渙然而無疑者謹誦述所聞惟執事裁教焉竊觀記中反覆於心性之辨謂佛氏有見於心無見於性故以知覺爲性又舉傳習錄中云吾心之良知即所謂天理也謂此言亦以知覺爲性者某嘗聞知覺與良知名同而實異凡知視知聽知言知動皆知覺也而未必其皆善良知者知惻隱知羞惡知恭敬知是非所謂本然之善也本然之善以知爲體不能離知而別有體蓋天性之真明覺自然隨感而通自有條理者也是以謂之良知亦謂之天理天理者良

南野先生遺集卷之一

十四

知之條理良知者天理之靈明知覺不足以言之也致知云者非增廣其見聞覺識之謂也循其惻隱羞惡恭敬是非之知而擴充之以極其至不使其蔽昧虧缺有一念之不實者所謂致曲以求誠故知至則意誠矣此與佛氏所謂圓覺所謂含藏識者既已不同而其功在於格物益與佛氏異矣物者事也思慮覺識視聽言動感應酬酢之迹者也上而天子之用人理財下而農商之耕鑿貿易近而家之事親事長遠而天下之正民育物小而童子之灑掃應對大而成人之變化云爲莫非思慮覺識視聽言動感應酬

酢之迹皆其日履之固然而不可易者然有善有惡有正有邪格物者爲善而不爲惡從正而不從邪隨其位分脩其日履循其良知之天理而無所蔽昧虧歉者也物無方體知無方體格物之功亦無方體物無窮盡知無窮盡格致之功亦無窮盡日積月累日就月將而自有弗能已者不如是則日晝所爲梏其良心而其違禽獸不遠矣故格物者聖門篤實真切用力之地沒身而已者也彼佛氏以事爲障以理爲障既不知所謂格物而其徑超頓悟又焉有積累就將之實哉某之所聞如此竊考之孔曾思孟濂溪南軒先生遺書卷之一  
十五  
明道之言質之楞伽楞嚴圖覺涅槃諸經其宗旨異同頗覺判別然而尊教云云是以不能渙然於中也惟高明幸終誨之又觀記中有云厭夫學問之繁而欲徑達於易簡之域某嘗聞學問思辨皆明善之功善者人心天命之本然所謂良知者也良知至易至簡而其用至博若孝親敬長仁民愛物之類千變萬化不可勝窮而其實一良知而已故簡者未嘗不繁而繁即所以爲簡非有二也夫學者學其所不能良知之用至博皆不學而能者也蔽於私而後有不能則必學而後能是故本能愛親蔽於私則有所不愛

學愛親而後能愛矣本能敬兄蔽於私則有所不敬學敬兄而後能敬矣故學也者學其事而能之脩其善而去其不善格物之功也然有蔽而後有學則其真妄錯雜善惡混淆必有不知不明者矣問者問其所不知思者思其所不得辨者辨其所不明皆就所學之事真妄善惡之間講究研磨察識辨別求能其事而後已焉耳學而能之則善得矣拳拳服膺而弗失所謂篤行之者也故曰五者廢其一非學果能此道而後本然之善全體明淨查滓渾化而無有蔽昧焉歟者離本然之善則別無可學可問之事舍學問之繁則別無至易至簡之功也讀書亦問辨之一端書也者紀人心善惡是非之迹者也古人善惡是非之迹亦吾心善惡是非之迹也從事於學者或取決於師友或考正於詩書其要去吾之不善脩吾之善學而能之而已故曰學於古訓是故道積厥躬而德脩罔覺也故古訓非外身心非內也讀書非先脩身非後也後世未免岐而二之二則離離則遠其於不遠人以爲道之旨似覺微有小異耳惟高明幸終誨之某竊惟教學之興蓋聖帝明皇憂民之欲動情勝喪其良心五品失序百行乖錯相戕相賊罔所底極於

是勞民勸相匡直而輔翼之使之自易其惡自盡其性當其時教無異學學無異習不但養於庠序者知實用其力豐豐實免之微亦各安其業而敏於善君卿大夫各循其職而盡其心上下之間皆以實德實行爲學而不務於論說之繁知見之多百僚師師比屋可封非苟然也世衰道微諸子百家不知循其天性之真而各以其意之所見者爲道爲我兼愛縱橫術數兵刑名法寂滅虛無之習紛然雜出然皆力行深造斐然成章故足以亂實學而溺人心聖賢者作而拯人之溺亦惟示天性之善而道以日履之功慎

論語集注卷之十一

十七

念慮之微而決其蔽陷之端使之無爲其所不爲無欲其所不欲各循其本心而已非多爲論說使人廣其知識於外也厥後學諸子者往往通其說以求獲演其義以立言其流爲訓詁爲詞章以諸子自名而浸失諸子之宗爲聖人之學者亦復博通道德仁義之意貫穿諸子百家之言相與並駕其說於天下以爲講之精辨之悉知之明庶乎其學之不差其說心未爲不善也源遠末流枝盛本披爲說愈繁爲道愈難並實宜有所不能及天子諸侯有所不暇爲雖學校之後秀亦往往汨於論說蕩其知識依擬形似

於飾功能非復真切篤實致其良知於日履之間以達之天下是故知德者鮮矣先知覺後知先覺覺後覺固常有任其責者仰惟先生大人正己以率物明道以淑人實德實行巍然後學山斗之瞻自任之重宜不可得而辭某寡陋無聞固願日操几杖親承無行不與之教時勢牽縛莫之能遂而徒託之簡劄言不盡意尚賴教思無窮誨迪不倦庶以成痿不忘起之志耳臨風南向無任耿耿

又

今月十九日拜領八月朔日教劄反復傾竭惟恐後生小子學失其道以陷於邪僻誨之詳愛之真佩服感激何有窮已其嘗莊誦前後書記心性理氣之辨其要欲學者識取本性體認天理而知所用力此子思原天命孟子道性善之意大學止至善之教也每祇奉至言以爲聖人所以正三綱而敘九疇其精神命脉端在於此顧恐頑鈍塞劣未能服膺而弗失耳又嘗自念孟子論性善以惻隱羞惡恭敬是非爲言

程門學者亦以下見入井其心怵惕爲天理之自然所謂良知者也故竊意良知二字正指示本性而使知所用其力者其爲繁詞以清高聽非如尊教所

謂柄鑿不入蓋恐千里之外詞不達意使長者無所施其裁成則非請益之道故意之所及不懼瑣瑣惟懼不盡耳伏讀教劄謂人之知識不容有二孟子但以不慮而知者名之曰良非謂別有一知也今以知側隱羞惡恭敬是非為良知視聽言動為知覺殆如楞伽所謂直識及分別事識者某之所聞非謂知識有二也側隱羞惡恭敬是非之知不離乎視聽言動而視聽言動未必皆得其側隱羞惡之本然者故就視聽言動而言統謂之知覺就其側隱羞惡而言乃見其所謂良者知覺未可謂之性未可謂之理知

南野先生支蓮

卷之一

十九

之良者蓋天性之真明覺自然隨感而通自有條理乃所謂天之理也猶之道心人心非有二心天命氣質非有二性源頭支流非有二水先儒所謂視聽思慮動作皆天也人但於其中要識得真與妄耳良字之義竊意晦菴所謂本然之善者正孟子性善之旨人生而靜以上不容說纔說性時便有知覺運動性非知則無以為體知非良則無以見性性本善非有外鑠故知本良不待安排曰不慮而知者其良知猶之曰不待安排者其良心擴而充之以達之天下則仁義不可勝用若楞伽所謂直識則非孟子之所謂

良者其於側隱羞惡恭敬是非乎何有宜不得比而同之矣教劄引知性知天等語謂凡知字皆虛下一字皆實虛實既判體用自明不可以用為體某竊意字義固有無虛實體用言者如止至善之止為虛為用知止敬止之止為實為體知字以虛言者如教劄所引知性知天知此事知此理皆言其用者也若良知之知明道嘗言良知良能原不喪失以舊日習心未除故須存習此心久則可奪舊習上云良知下云此心似指其實體言之大學致知之知與身心意物為類似不得為虛字而與知性知天之知同為用也

南野先生支蓮

卷之一

二十

然體用一原體之知即用之知則亦本無二知殆立言各有所當耳教劄謂某前書隨其位分脩其日履雖云與佛氏異然於天地萬物之理一切置之度外更不復講則無以達夫一貫之妙只緣認良知為天理於天地萬物上良知二字安着不得不容不置之度外耳以其所聞實異乎是凡所謂日履者吾心良知之發於視聽思慮與天地人物相感應酬酢者也夫人所以為大地之心萬物之靈者以其良知也故隨其位分日履大之而觀天察地通神明育萬物小之而用天因地制節謹度以養父母莫非良知之



用離却天地人物則無所謂視聽思慮感應酬酢之日履亦無所謂良知者矣若於天地萬物之理一切不講豈所謂隨其位分脩其日履以致其良知者哉惟是講天地萬物之理本皆良知之用然人或動於私而良知有蔽昧焉權度既差輕重長短皆失其理矣必也一切致其良知而不蔽以私然後爲窮理盡性一以貫之之學良知必發於視聽思慮視聽思慮必交於天地人物天地人物無窮視聽思慮亦無窮故良知亦無窮其所以用力者惟在其有私無私良與不良致與不致之間而實周乎天地人物無有一

南軒先生文集卷之十一

廿一

處安著不得而置之度外者也教劄又謂某所論學問思辨但本領既別則雖同此進爲之方先後緩急自有不可得而同者蓋以良知爲天理則易簡在先易簡居後則可緩謂天理非良知則易簡居後功在在先則當急又云始之開發聰明終之磨礪入細所賴者經書而已善讀書者莫非切已易簡之妙於是乎存豈可謂凡讀書者皆遠人以爲道乎然某非以學問思辨爲後而可緩但謂學問思辨者學問思辨其良知耳善讀書者開發良知之聰明而磨礪之日精日密不以一毫私意自蔽不以一毫私欲自

南軒先生文集卷之十一

廿二

累則大訓古典莫非切已博識泛觀莫非易簡非外讀書而別有尊奉其良知從事於易簡之道然必直能於讀書之際念念無自欺而求自慊無爲其所不爲無欲其所不欲乃可謂之開發磨礪不遠人以爲道者而無先後緩急之可言也教劄謂有物必有則故學必先於格物今以良知爲天理乃欲致吾心之良知於事物則道理全是人安排出事物無復有本然之則矣某竊意有耳目則有聰明之德有父子則有慈孝之心聰明之德孝慈之心所謂良知也天然自有之則也視聽而不以私意蔽其聰明是謂致良知於耳目之間父子而不以私意奪其慈孝是謂致良知於父子之間是乃循其天然之則所謂格物致知也天理之則民之秉彝故不待安排而錙銖不爽即凡多聞多見其闕疑闕殆擇善而從者秉彝之知其則不遠猶輕重長短之於尺度權衡舍此則無所據而不免於安排布置非所謂不遠人以爲道者矣教劄謂某前書所舉不及伊川晦菴二先生疑因其格物之訓於良知之說有礙而然非敢然也昔人謂天下萬世事當以天下萬世之心處之一言不合遷分彼此是誠何心况晦菴百世之師後學之衆承聽

受宜如何也以其所聞於晦菴所論格致之功未嘗  
少有遺闕其曰事事物物擴充其良知無自欺求自  
慊無爲其所不爲無欲其所不欲者雖非晦菴格致  
正訓然皆古聖緒論而晦菴所祖述焉者則亦未至  
於有礙也惟是濂溪通書言數章及聖學章明道定  
性書及學者須先識仁諸語詳詳懇懇指出本原無  
異於大學知本之教明道表章大學雖頗有更定未  
嘗補格致之傳竊意其或以獨知爲知以無自欺而  
求自慊爲致知而別無可補之說者故因論格物致  
知而以濂溪明道爲言非以伊川晦菴爲可外也使

南野先生遺集卷之

廿三

二先生如在尚恐受教無地不足以從弟子之列然  
而異同之論則雖向承教授親爲弟子亦豈可不盡  
其愚蓋二程亦時異於濂溪而游楊諸子亦時異於  
二程古之聖人亦未嘗有都俞而無吁咈不如是則  
何取於講學何貴於親師取友此某之志也銘感厚  
德極欲勉承錫論庶或寸進誠知無已之愛不倦之  
教必不以其愚而遂棄之傾塵軼驅馳又文詞蕪穢  
不能宣悉萬惟推見至隱啓部發蒙不勝幸甚

答陶鏡峯

比承翰教無間會友取善切磋不懈甚幸甚幸來教

知爲心之本體格物無間動靜從事格致而誠正功  
夫合下俱了此易簡之理俟聖無惑然誠敬存之勿  
助勿忘而物來順應無所用智則大學問思辨篤行  
之功正戒懼慎獨有事焉者其間必有體認漸次廣  
大精微而卒未可以一言一時籠罩者也此皆真實  
踐履之語而非想像揣摩之所及敬佩敬佩然細究  
尊意似未免疑良知過於簡易致知涉於籠統須有  
所裨補增益然後足以盡其全此則殆非所以論良  
知也良知者性之昭明靈覺者也天下無性外之事  
無性外之學凡百慮殊途無有出於良知之外者學

南野先生遺集卷之

廿四

問思辨皆所以致良知然而知學問思辨者亦良知  
也良知者學問思辨之本體學問思辨者良知之功  
用學問思辨之功雖至於人一己百人十己千無非  
循其本體之功用亦無非用功於本體非有二也然  
人各有見則亦有不可不察者孔子言敬以直內而  
程子云若以敬直內則便不直矣夫敬以直內與以  
敬直內相去豈遠哉而其相反乃如此故用功於本  
體與用功以求本體亦微有毫釐之異所以必曰致  
良知者貴有辨也誠敬存之言亦須看若不然則  
亦有以敬直內之病矣故君子之學念念致其良知

終身用之有不能盡而非徒以一言籠罩以取一時之捷也夫念念循其良知則無忘念念循其良知而無毫末之加焉則無助勿忘勿助云者欲學者惟良知之循必有事焉而不墮於忘助之病耳非致知之功猶有待於勿忘勿助以裨補增益之也有所裨補增益則為助助與忘等而其害甚之矣夫物來順應無所用智者事事順其良知以應之而不用其私智良知之所是則為之良知之所非則去之良知之所不能則學之良知之所疑則問辨之是謂廓然大公之學其體段本至廣其功用本至精其積累自有漸南野先生遺集卷之一 廿五

答徐少湖

承惠學則蒙訓諸書所論尊德性而道問學真聖門一以貫之之旨至所謂君子終身踐行無往非學尤足以砥近時空言無當之膏肓而詞旨燦然讀之者

皆知入門下手無所疑惑蓋本諸深造自得而立言其入人自別也良知二字未見數數提掇豈尚有疑於此殆亦言各有當而偶未之及耳此二字是吾人精神命脉孟子言人之所以異於禽獸者幾希放其良心者其好惡與人相近也者幾希舜居深山之中其所以異於野人者幾希蓋其端甚微人多忽而不察而致與不致之間聖愚懸絕矣大學中庸必以慎其獨知為言蓋必毋自欺而能自慊然後為能極其至外此則無以見其所謂德性者而亦無所施其學問之功矣近與諸兄講此愈見的實所愧功夫未能精純尚賴吾兄切磋庶克有濟身任師道以覺來學南野先生遺集卷之一 廿六

又

使至知三函並徹記室為慰伏承寵答詞旨暢達如獲面承期於斯道千里同心斷金如蘭未矢弗諼惟吾兄不鄙愚謬使終受直諒多聞之益區區之望良知二字近日常有忘之上似頗厭苦其說以為數言近語專言近泥不若隨方設教使人易曉然孔子稱求仁子思道中庸孟子道性善彼豈不知隨方設教者耶其亦良工苦心也已且將使學者曉暢經術乎依

文聞說可也如欲其切近精實知所用力而外此以爲說是誣之矣即如來教所謂認意見爲良知以任意所適即爲合道入於空虛便於偷惰者此等學徒依傍語言附託門牆滋功利之心長虛浮之見雖親承孔孟貫穿經訓終成墮落然其不得其實師友問辨講學不明淪胥至此亦可閔也夫大學之道要之於誠意亦既切且盡矣然而必曰致知云者蓋意與知有辨意者心之意念良知者心之明覺意有妄意有私意有意見所謂幾善惡者也良知不睹不聞莫見莫顯純粹無疵所謂誠無爲者也學者但從意念南野先生遺集卷之七  
廿七  
認取或未免善惡混淆浸淫夫真誠知所謂良知而致之毋自欺而求自慊則真妄公私昭昭不昧何至於誤認意見任意所適也哉故凡誤認意見任意所適皆是見良知未真當此之時其中固隱然有自疑自沮而未能自信自慊者此正不睹不聞之中莫見莫顯之幾誠之不可掩也惟其平日所學不知此爲精神命脉苟於動念處認取補塞罅漏是以或作或輟乍昏乍明終無可據蓋良知二字講之不明其弊至此是以不得不厭其聒且泥也來教謂欲令學者且絕談論且勿揣摩一味於心地上着實體認先識

取良知固口庶不錯下功夫此真實懇到對病之藥然學者必問於師必辨於友談論亦未可廢顧恐未必學之於己思之於心而徒嘵嘵問辨空言無益誠學而思之則凡所疑所悟而不能自安者良知自不容已於問辨而不問不辨亦非所以致其良知矣默而識之學而不厭誨人不倦孔子以爲何有於我而學者所視以爲的不外乎此然默而識之則學而不厭學而不厭則誨人不倦矣默識誨人初無二致而吾兄宗主斯文尤未可因噎而廢食也如何

答周良卿

南野先生遺集卷之八  
廿八  
所問良知明誠之說周知天下之務之說大人不失赤子之心之說蓋以周知庶務爲良知而不知是非之心之爲良知也是非之心自一心之是非以至於庶務之是非古今萬變之是非無不能知然非必周知庶務通達萬變而後謂之良知若通達萬變而後謂之良知則赤子焉得而有之也猶之明能察色非必盡察天下之色而後謂之明聰能聽聲非必盡聽天下之聲而後謂之聰此聰明自赤子時已有離婁師曠者不失其赤子之聰明者也是非之心自赤子時已有大人者不失其赤子之是非者也所疑大人

與赤子之心果若是同乎試觀離婁師曠之聰明與其爲赤子時同與不同則可知矣知離婁師曠不能有加於其赤子之時之聰明能勿失焉耳矣則知大人不能有加於其赤子之時之心能勿失焉耳矣勿失之功先儒所論種種色色皆是惟其不知以赤子之心爲主故支離決裂泛濫無實苟知以赤子之心爲主則皆所以不失其赤子之心者也是非之心無所蔽之謂明無所欺之謂誠故明則誠矣誠則明矣吾人平生安身立命只此是非之心是箇根源此心一蔽則顛倒錯亂莫之所極此心不欺則千變萬化

南野先生文集卷之十一

十九

無不在道誠知此理雖今之世俗人情亦莫非實學而况先儒之所論種種色色者乎

### 答問五條

私意一齊放下則良心流行不息矣學與思卽是一齊放下的功夫無所住而生其心之說若善用之卽是情順萬事而無情情順萬事而無情之說苟不善用卽流於猖狂自恣故君子之學要其所以用力者何如言語不足泥也不睹不聞無思無爲是睹聞思爲一循其良知而未嘗有所睹聞思爲卽是情順萬事而無情者也用功精密自見非言說之所能盡

動而無靜靜而無動物也動而無動靜而無靜神也良知是心之神明貫乎動靜者也良知上用功則動靜自一若動靜上用功則見良知爲二不能合一矣宜體驗之

格致誠正卽是養孟子言養氣亦只在慊於心上用功慊於心卽是致良知後世所謂養却只守得箇虛靜習得箇從容與聖賢作用處天地懸隔

好惡是心之所有作好惡是心之所無所謂如鏡之照妍媸者得之鏡照物必有影影者在鏡上則鏡不明矣用功克治卽是行其所無事

南野先生文集卷之十一

三十一

吾人只是爲道之志不切若爲道之志如取科第之志則拈起筆來無非以明道爲心矣此學者深痼之病宜實體察

### 答胡仰齋

來教真切痛快乃知於吏事倥傯之中而能實用其力此格物致知之實學與億想談說者迥不作矣慰羨所論比來同志但講良知而遺却致的意思是蓋億想談說而未嘗實用其力者正恐良知亦未能知得耳夫知良知而後知所以致良知良知與知識有辨知識是良知之用而不可以知識爲良知猶聞見

者聰明之用而不可以聞見爲聰明此毫釐千里之分比來同志恐亦只講箇知識耳夫知識必待學而能必待慮而知良知乃本心之真誠惻怛不學而能不慮而知者而人爲私意所雜不能念念皆此良知之真誠惻怛故須用致知之功致知云者去其私意之雜使念念皆真誠惻怛而無有虧欠云耳孟子言孩提知愛知敬亦是指本心真誠惻怛自然發見者使人達此於天下夫致其良知之真誠惻怛則念念真誠惻怛矣念念真誠惻怛即是念念致其良知矣故某嘗言一切應物處事只要是一念良知蓋一念不是良知即不是致知矣此千聖傳心之學先師喫緊之意執事於此當已洞然承教輒及之亦欲執事致謹於毫釐之辨也

### 答柯雙華

讀翰教至誓將與此生俱斃之語爲之惕然若沉冥之頓拔也道不遠人然志之者多而得之者寡良由未有與生俱斃之志而種種外好所以斃此一生者無限道之所以不明也心之本體猶之太虛太虛之中無物不有而無一物能爲太虛之染汚苟太虛染汚一物則非復太虛之本體而不能爲無物不有者

矣故凡富貴利達文章事業忻戚苦樂一切愛憎取舍皆足以爲心體之累而失其富貴利達文章事業之本然凡以志之弗專耳誠志於斯道斃而後已則無復富貴利達文章事業之愛憎取舍於吾心所謂欲仁而仁者矣四海之內同志寥寥吾兄之所志如是所造如是陟山必巔窮水必源非兄復誰望也

### 答歐夢舉

伏承翰教謙虛下問僕罔所知識而賢者不見棄如此懣感何可當也雖然執事豈真有所疑殆欲以發區區詞之所未達者耳僕前書謂良知與知識有辨執事不以爲非獨未能釋然於其體用無二之說凡今疑此者寔多而未察夫言之各有所當也請以水喻皆水也其源一而其流清濁異清者不失其本源濁者失其本源雖失其本源然不可以濁者爲別一源雖則清濁未始異源然不可不知其源之本清也是故不可混也亦不可二也良知與知識何以異於是良知至善者也知識則有善有惡不知所辨則認知識爲良知而善惡混矣岐而二之則外知識以求良知良知何從而見哉此源流清濁之論也來書云良知者知惻隱知羞惡不慮而知繼之者善而此知

已具由於義理之性者也。知識者喻義喻利隨念而起成之者性而此知方萌由於氣質之性者也。又云喻義者根於良知體用同也。喻利者滯於氣稟體用異也。夫既以喻義爲知識而又根於良知則非二知矣。獨其所謂滯於氣稟體用異者語意頗覺未瑩。若以喻利爲非良知之本體則可若以爲別一體用則五行陰陽陰陽太極繼之者善善即性之體成之者性性即善之成道一而已。豈容有二故先儒論義理之性與氣質之性二之則不是人但於其中要識其善端而擴充之耳。來書謂僕於致知之要有引而不發之機殆執事好學不倦惟恐言之有未盡耳。豈固以爲然哉。夫大學論學之道自天下國家而歸之正心又舉正心之功而歸之誠意舉誠意之功歸之致知已是發露無餘故致知者學之要不容更復有要而別有可發者也。今姑就大學所言以復夫所謂誠其意者在慎其獨知獨知也者良知也。慎之者致知也。凡人意念之善惡無有不自知者善則慊不善則不慊雖小人之爲不善無所不至而其消沮愧悔自有不能慊於心者此良知之不容自欺所謂誠不可掩者也。小人猶然況衆人乎。夫良知不可欺也而顧

南野先生文集卷之一

三十三

欺之欺之則有所不慊有所不慊則有所不致矣。良知不可欺也而不欺之不欺則無所不慊無所不慊則無所不致矣。程子云天德王道其要只在慎獨此是舜之所以精一於人心道心之間者也。致知在格物格物是致知之所在非外致知而復有格物之功。物者良知之感應酢酢實有其事如喜怒哀樂視聽言動待人接物皆是也。良知感應酢酢皆有其事而人未必皆循其良知不循其良知則知善或不爲知惡或爲之甚者掩其不善而著其善而事事不善矣。循其良知則知善必爲知惡必不爲而事事善矣。爲善不爲不善者格物也。事事善則物格矣。事事善則無所不慊於心而知致矣。昔者孔子告顏子以非禮勿視聽言動告仲弓以主敬行恕告樊遲以居處恭執事敬與人忠與其告諸弟子者不一而足蓋皆格物致知之實學即精一之傳也。來書所論格物致知之功蓋僕未盡其說而執事以舊聞通之故中間微有隔礙執事誠於事事物物無自欺而求自慊以致其良知則孔子之本旨衆說之紛紜皆不待辨析而自明矣。來書云考聖賢之經傳參事物之散殊不過以資吾心之知識豈藉此以收致知之全功哉。夫君

南野先生文集卷之一

三十四



子多識前言往行以畜其德非以資知識而已也學者誠能於事事物物之間念念毋自欺而求自慊則凡考經傳參事物莫非畜德之學致知之全功苟以資吾心之知識則亦不得謂之致知矣

二

承下問欲僕揭示要領僕鄙人也何足以知之雖然執事非真有深疑而不可解也亦知今之學者未能無疑而求相與講明之耳則僕亦何敢不盡其愚夫致知格物之學先須體認良知明白而後有所用其力良知與知識有辨知識者良知之用而不可遂以

南齊先生文集卷之十一

三十五

知識為良知良知者知識之本體不學而能不慮而知者也故孩提之童莫不知愛親敬兄而見孺子入井者不待安排皆有怵惕之心小人閒居為不善無所不至者見君子而自厭然而行道之人皆不屑躡蹴之食此所謂是非之心人皆有之蓋其心所獨知自上智以至於下愚其體一者也然而有聖愚之分者致與不致之間耳致之云者充之而極其至之謂充之而極其至者實為其良知所欲為之事而不為其良知所不欲為之事如知愛知敬而達之天下無弗愛且敬焉怵惕入井而不以內交要譽雜之焉見

君子厭然而因以盡改其不善而不詐善以掩惡焉不屑躡蹴而不以宮室妻妾之奉喪失其心焉蓋即吾心感應酬酢之事而循善良知之是是非非者而格之以充其本體之善非若後世懸空擬議於形迹之粗以為格致者也堯舜之禪受湯武之放伐伊尹孔子之取予父速非決擇於其良知則將何所取正非即禪受放伐取予父速之事而實循其良知而為之則亦何以致其知耶阿意曲從割股以為孝者暴管蔡察其心之是非公私之間於良知毫髮無所欺也耶故知良知之所以為良知則知所以致知知所以致知則知所以格物知所以格物則致知之功切近精實知行合一非若後世之廣其知識見聞使初學之士泛濫而無所歸者比也執事於此固已實用其力僕何敢贅聊因虛懷所及而陳其所見以請正耳

南齊先生文集卷之十一

三十六

寄夏東巖

王順渠示執事所惠書云近世講學者好舉良知作話頭第轉脚處頗與先儒異其讀之未知尊意所在敢具以請良知者是非之心人皆有之者也夫自念慮之間以至於喜怒哀惡視聽言動之發綱常倫理

禮樂刑政之達天地萬物古今事變之散殊出是則入非出非則入是而人心是是非非之良知有耿然不可昧者凡愚不肖之放僻邪侈無所不為蓋欺其是非之心而不致聖人正心脩身以明明德於天下蓋致其是非之心而無所蔽學者之博學審問慎思明辨而篤行之其功至於人一己百人十已千亦惟不欺其是非之心以克其本然之善而已故講學常舉良知為言者正欲學者知學問之所用力如示農夫以穀種而使之栽培灌溉不然則彼將焉所種焉所培溉縱復培而溉之焉知非稂莠莫稗何以成收獲利養之功也某之所聞者如此嘗以為循此而脩下焉者可使由之上焉者可使知之庶幾徹上徹下之道自顧用功不精又無緣親炙大賢受鞭策滋灌之益耳良便不惜鐫誨至望至望

答王克齋

承翰教反覆曉譬惟恐學失其道以陷於邪僻而欲求所謂至當歸一精義無二者今之君子愛人以德有過於執事者乎而其憫念不肖欲振勵以匡翼之有過於執事者乎感刻感刻然鄙見本不異於執事而其說小異惟執事微察其意耳執事曰天地萬物

本吾一體隨感而應則自然有親疎內外之分動於意乃始不得其理而紊其本然之分者故君子慎動僕則曰人心本與天地萬物為一體隨感而見則親疎內外各有條理動於意乃始有親疎內外之分而失其本然之理鄙見以理者天之理分者有意於分之也不動於意而循天之理則寬裕溫柔足以有容文理審察足以有別有意於分之則所謂有所忿懣恐懼好樂憂患而不得其正者學者之學莫先於天理人欲之辨雖困勉之極其學問思辨之功至於人一己百人十已千亦莫非所以循天之理而不可雜以人之意然其幾乃在毫釐之間故人不可不用其精明果確之力也僕蓋有志於此而未能伏承盛愛因欲求箴切砥礪以幸有造焉而執事果不鄙其愚開其誠而教之僕乃今益有望矣幸甚幸甚執事又引第五倫事以為欲忘親疎一內外意及動而不得其故者夫人心親疎內外本有條理而欲忘之是忘天之理也天理非人之可忘而亦不待人之分之蓋皆未免於有已克已則復禮矣析之有以極其精而不亂然後合之有以盡其大而無餘此語亦須善看蓋循天之理而不雜以人之意則小德川流大德敦

化豈人所得析且合者亦不待先析之而後合之也  
文詞抽訥不能達意又匆遽不盡所懷惟執事裁教

二

執事貴而能貧習俗紛靡而能不淆其所自立每私  
竊敬服非中有所主胡能至是顧合併無常未緣承  
教恒以爲歎向者鄙說聊以求正代面質耳比承開  
示慰幸何如來教謂此道理一分殊渾融之中繁然  
者在親疎內外皆具於與天地萬物一體之心其有  
親疎內外之分恐即本體之條理天理之流行謂之  
意動或者非歟此數語精明的確執事蓋實體諸心

壬子

而自得之誠若是則雖有親疎內外然莫非同體而  
吾心實未嘗有親疎內外之分雖則吾心不生親疎  
內外之分而等殺又未嘗不行乎其中蓋無所分別  
者然後能全其同體之心而親疎內外各得其理苟  
分別彼此則同體之心未免有間而其分之殊者皆  
非其本然之分矣故一念分別百種病痛皆依以生  
此念不作亦何至混親爲疎混外爲內蓋天理流行  
條理自然有不容昧而後之分親分疎者皆未免爲  
蔽耳區區之恩詞不達意倘不棄孤陋推誠見教感  
激無任

寄黃父菴

新羅蓋 聖眷所注喜慰何可言但今日事勢有非  
一人一日之力所能轉移而閭閻之者要在執事誠  
心實意乘機進會操全急緩隨乎時利鈍成敗付之  
天而無一毫求可求成見小欲速之心則凡百施爲  
拍拍中節天下可幾而理矣用人之道不必人人如  
已苟任之當其才率之以其道鼓之得其機所謂靈  
丹一粒點鐵成金向蒙垂諭謂必須一分曉不可  
放過此自君子取友輔仁之方恐未可以爲因才舉  
使之則也如何正億第遠來諒自有處分既在彼中  
有節先生書卷之一

四十一

更須周慎無使女醫之徒得以出入無使游偵因而  
有所媒孽此是第一義諸僕久無紀綱頃時借威重  
根究警察庶幾不至日後不可收拾耳王明谷須留  
在彼中即以此事託之俟洛村至更代乃善餘來者  
能悉

答聶雙江

久不奉教然聞朋輩聚磨礪日精光輝潤澤所被  
多矣肯原之會一時風動然欲爲實切磋須彼此神  
思精專乃能有益群則難聚泛則難入其勢有不得  
不然者鄙意執事與東廓諸公時尋勝境一遊居止

旬日諸友之深造者先後繼至相與真切砥礪既則各於其鄉隨機接引自然有親有切可久可大矣良知二字就人命根上指出本體功夫直是切實著明謂之不學而能不慮而知則本體自然一毫人力不與焉者學者循其自然之本體而無所加損然後為能致其良知大學言如好好色如惡惡臭自慊而已曷嘗致纖毫之力故曰大人者不失其赤子之心赤子原無艱難蹊徑此誠意之旨也傳聞朋友論往往不一殆一時激厲頽隋之言未必其深造自得之道也高明以為何如

寄王鯉塘

良知二字吾輩終日講之不盡似是贅說然凡運用應酬善惡紛紜正惟良知昭然確然不可欺昧乃有依據凡良知之所欲為者必善其所不欲為者必惡故曰無為其所不為無欲其所不欲如此而已矣近日朋輩中往往以意念知識為良知意念知識所謂幾善惡者也善惡錯雜則無以用其致之之功良知所謂誠無為者也無善無惡而能知善知惡故良知雖不雜於意念知識而不可以意念知識為良知孟子子謂不學而能不慮而知不慮而知正以其離於知

能而不學不慮者乃可謂之良知良能耳

答魯龍江

來教舊染未得潔淨種種應酬未免作奸作惡未能大公順應又謂工夫賴人幫扶非是自家立定腳根此數語足見體察精密矣夫作奸作惡未得其平只是浮氣妄動志者氣之帥也古人自持其志終日戰戰兢兢如臨深履薄故志定而氣從之中有主而夾持自易為力吾輩為氣勝習奪只可責志而已依違夾雜有物足以尚之即不可以言志如三軍之帥并心一力鼓舞衝鋒求全於死生之際乃足以言志志定欲忘廓然大公然後物來順應僕蓋愧此而未能者敢竭其愚以求是正

寄徐芝南

學莫大乎志志不精純則生理息滅乍斷乍續乍昏乍明茫乎未知所際僕近乃深識此病時與諸友下榻道院就實料理說到精專純一人人酸澁難受乃知自己亦是放過未曾酸澁中討滋味也

寄沈石山

扞格外物亦是聖學別派但恐為此說者尚多意見想像果能如其所說實落用功亦自有疑有悟自然

對得先師所教愈更精一不若彼說籠統闊漏終不  
足以盡性也朋友好立論者且可默然相與薰蒸磨  
礪切其內省之心若與一一解駁祇恐成口說耳如  
何

二

吾輩幸賴師訓知學之方然此事須從冷澹寂寞中  
磨煉蕩滌一番俗情欲根消拔都盡乃有真意發動  
乃有生生不已之機仕途擾擾欠此一着執事先登  
千洋矣朋友中器足以任重志足以道遠鮮有如執  
事者自此精詣深造又焉可涯哉瞻望山林清致  
增飄泊之感今京中無一人可託欲俟黃洛村會試  
之便專以託之第恐渠不能了此則明年夏間給由  
徑歸矣浮雲外物枉却爲此一大事故出見於世豈  
僕之志耶

歐陽南野先生文選卷之一終

歐陽南野先生文選卷之二

友人王

門人李春芳選編

馮惟訥校訂

書

答王鯉塘

承論日用間舉足落口莫非良知一不檢點便有差  
失不能檢點之時不識此知汨沒在何處夫良知雖  
不待檢點而有而檢點即良知之用一不檢點即不  
用其良知矣然而良知未嘗息也所謂與薪之不見  
爲不用明焉然而明未嘗亡也大學言致知正欲學  
者時時檢點毋自欺而求自慊則舉足落口莫非良  
知此顏子所以有不善未嘗不知知之未嘗後行者  
也吾輩今日不能如顏子之知正坐因循將就不能  
檢點耳執事高明斷斷無此卽如來教亦可謂檢點  
極精者矣承問漫及之

答陳明水

屢辱翰教知雖流離顛沛哀痛荒迷之中而功夫日  
進其所以鞭策駕鈍者多矣讀吾兄與緒山別紙謂  
近時學者往往言良知本體流行無所用力遂至有

認氣習為本性者誠然誠然吾兄謂須有以救之不若說致知功夫不生弊端鄙意則謂今之認氣習為本性者正由不知良知之本體不知良知之本體則致知之功未有章實可據者故欲救其弊須是直指良知本體之自然流行而無用力者使人知所以循之然後為能實用其力實致其知不然却恐其以良知為所主之域以致知為所入之途未免岐而二之不得入門內也如善惡惡亦是徹上徹下語循其本體謂善皆其本體之謂惡故好善惡惡亦只是本體功夫本體流行只是好善惡惡且故在今日良知二字尤須緊要提掇也如何

### 答馬問菴

屢辱翰教慰浣良劇示及異同之說要之不足深論此心此知萬古所同殊途百慮莫非一致學者誠不失其良心則雖種種異說紛紛緒言譬之具楚閩粵方言各出而所同者義苟失其良心則雖字字句句無二無別於古聖猶之孩童玩戲粧飾老態語笑步趨色色近似而去之則遠矣吾兄以為如何慈湖論學往往指出本體使人於此實落用功積累深厚乃能有得與近世或勿其易或疑其徑者正是不同俟

他日更盡之承下問草草奉復

### 答鄒東廓

來教所論數端皆學者實病因之省發多矣象山先生云千虛不博一實有真實志念得真實朋友切磋虛見自着不得總是學未靠實悠悠可愧耳鄉中向學者鷄鳴子和之機皆盛德所薰此中諸生雖日進謹終是勢利場中填實切磋者寡南嚮馳神若在天土不得掉翅相從耳

### 二

近聞邱報吾兄得逐初服士或以為戚而同志莫不為兄喜戚者未忘世俗之念喜者可知也董冠浴沂無適非學耳誠使此學日明是身退而道亨豈非吾儕之願哉聞吾兄以懲忿以窒慾為聖門第二義之語為非某切以為存乎其人耳學誠得第一義則懲忿窒慾皆第一義也苟落第二義則雖無思為有不免為第二義耳如何

### 三

吾鄉同志得兄為之宗盟又得松谿極意鼓舞時音無聞者皆翕然向風誠為大快乃今松谿內擢豈非好事多乖耶然在今日非聞風嚮慕之為難必得真

實爲切身明斯道者乃有靠托此三君子精誠字格不徒在風聲意氣之間所謂寸鐵不掛斷咽絕吭者也若群趨隊習恐祇成知解宗徒究竟無益耳某昨遣家僮具疏請告杜門兩月矣聞部中持之未獲旦晚當再疏倘遂所請得相從於青山綠水之間傾承至教甚幸先師文錄序發明精到有益來學甚善甚善但辨解謬似畧費詞簡未入刻得精刪去如何

### 答郭中洲

承諭良知之學同志講得其明但覺致字全無下落其竊謂致字無下落即是良知講得未明良知果明致字即不容無下落矣聞近日同志往往以爲善去惡無聲無臭二語各執所見以爲捷徑積累之別鄙意人心着不得一毫意必惟念念爲善去惡而已矣雖念念爲善去惡然本無意必之可着也何嘗不徑捷何嘗不積累來教亦是有感於二者之說細玩答龍溪東泓諸書別鈞州諸作驚發同志良多然而捷徑積累之非二稍覺未曾指出不知如何

### 答林子仁

辱手教諭以比擬知識之病此後世學術所以自作障蔽者也透此一關則如來諭所謂綿綿密密平平

坦坦不着纖毫氣力是真實着力者矣夫一念不起則正念長存萬緣緣皆空則萬事皆實此正廓然大公物來順應之學良知之本體也就此靠實磨礪毋自欺而常自慊易簡久大可馴致矣知至至之知終終之惟子仁留意焉

### 答楊方洲

承罹禍後手書氣益壯志益堅真所謂弘毅之器任重致遠者也幸甚幸甚良知二字是千古精神命脉聖人之學莫要於慎獨獨知也者良知也慎之也者不欺其知以致乎其至也學者莫不講此乃反觀內省未能澄然融釋自慊於中則亦不免於自欺而已矣誠不自欺則知至意誠而無所不慊孟子所謂反身而誠樂莫大焉者學至誠且樂而凡榮辱得喪之繫乎外者舉不足以嬰其心反覆來翰其殆進於是矣仗惟日新又新區區之望

### 二

自吾兄罹患以來屢得翰教確乎獨立不懼遜世無悶之志警發良多誠如是則凡利害得喪交錯於前而心畧無沾滯如浮雲往來於太虛條聚忽散而不能爲太虛之障礙也誠如是則凡應事接物種種作



用莫非根心生色不假智慮安排不待意氣激作所謂君子所性之學誠有不言而喻者矣想吾兄數載所造當已達此惜無緣飲河充鼯鼠之腹耳

答高公敬

昨承翰教過自謙抑謂常以去病爲心而未能又謂覺時則無病可去不知何以爲砭劑而使之永不萌者僕何知何以仰承垂問雖然執事固言之矣夫覺則無病可去然則患在於不覺耳常覺則常無病常存無病之心是真能常以去病之心爲心者矣然覺有徹底者有不徹底者立志精切凡天下可忿可慾

南軒先生遺集卷之十一

六

之類見聞不染知識不萌紛紜交錯於吾前而吾心昭然坦然纖毫無所動於其中此徹底者也外染聞見內萌知識習以成心潛混真志雖警惕嘗存而無掃蕩廓清之力此不徹底者也直覺徹底則心嘗無病雖習氣間乘忿慾或作慾之室之如烈火燎毛太陽消冰蓋不覩不聞而莫見莫顯尚何斯須之能忘而亦安待於把持而死守者也苟立志之始有所未徹則雖時時懲忿窒慾而惡根未拔徒刈其苗所以生東滅西乍縱乍緊竟墮意見終非實際矣中離第二義之說亦是爲志未徹底徒用力於忿慾者而發

人心無聲無臭一旦不可得而見豈有二義三義也執事所見已非中離所謂到此正好着實用功吾輩德不日進正坐始志不精後功不繼拖泥帶水悠悠玩日徒憑一知半解依傍聞見以自附益古人所謂蕩滌邪穢斟酌飽滿動盪血脉流通精神吾輩殊未見此等作用尚何望化氣質之偏而成中和之德哉細讀來教固將進僕於是矣謹當服膺以求無負

答張卿理

承手翰貶損刻責惟懼學之日退足占卿理之日進矣君子用力於學仕途之視平居其難百倍然而未

南軒先生遺集卷之十一

七

肯百倍其功者非自怠則自足其病皆始於自欺卿理不自欺且不自足矣其能自怠乎世情險巇可畏凡浮沉俯仰與縱誕抵觸者固不足論有志於學者往往操心勵行以求免於人夫操心勵行則是矣而求免於人則大端已失大本已蹶縱使深遠實詣卒歸於作僞而已矣蓋學者當使此心如石不可轉席不可卷利害得喪之途其幾矣乎

答王士官

來教謂人心自靜自明自能變化自有條理原非可商量者不待着一毫力又謂百姓日用不起一念不

作一善何嘗鶻突無道理來又謂今世爲學用功者苟非得見真體要皆助長必不得已不如萬緣放下隨緣順應又謂人志苟真必不至爲惡不勞過爲猜防此數語者足知執事獲學日新緣平時以猜測意必爲學勞心竭慮未有得力乃今既悟其非若披雲霧而見青天矣然須實有得力處處兢兢業業不顯亦臨無斃亦保乃爲實際若以意見承當恐未免認賊作子漸流入縱恣怠緩去也執事未有此聊以相警耳夫志真則不但不至爲惡而猜防之念亦無自起然真未易言也夫萬緣放下乃可隨緣順應然

南野先生文集卷之二

上

平日愛憎取舍習染成性放下未易言也要須從血脉骨髓透出乃能契合此語不然恐未得如好好色惡惡臭之自慊於心猶未免爲意之也昔孔子十五志學此志從血脉骨髓透出謂之真志亦即是真體積累之久至七十而後不踰矩今百姓日用不起不作亦未嘗鶻突亦即是真體就此積累日精日熟亦能立能不惑馴致知命從心否吾儕爲學只如百姓日用不起不作亦是血脉骨髓否凡此皆不可不辨也承諭輒復以請惟高明裁教

答項甄東

諭以橫逆突來初間甚覺費力惟以古人自處乃知真能動心忍性真是法家拂士幸甚幸甚是天所以王執事於成而執事可爲善承天意者矣然既費力而後覺而後以古人自處猶是執事前此功夫想今造淵入微見在一念可以配天地質鬼神可以考三王俟後聖無古無今無覺無不覺縱有千妖百怪猶之薄冰見日飛蛾撲燈已耳何足介無我之懷也夫賢愚之辨野有公論南野先生文集卷之二自有公論君子固有舉世不見是而曠懷以待於百世况一夫受憎之口而四方清議自昭然乎南野先生文集卷之二教誨量不足容誠不能動所致及已自脩固當如此然亦不必以此繫累反使心地不坦蕩也

南野先生文集卷之二

九

答王心齋

承諭友朋中有志向者往往有討求之若僕所見誠亦有之君子之心毋自欺求自慊而已誠求自慊則雖困心衡慮勉強其所不逮究極其所未至莫非自慊而何至於苦學南野先生文集卷之二知不真非無自欺而求自慊之功誠非自慊之功則雖樂其所樂亦非良知之所以爲樂者矣彼中友朋切磋如何得吾兄點撥南野先生文集卷之二宜各有得力處也

寄魏水洲

久不聞起居想侍養日歡且得求友於青山綠水之間慰幸何如近日當路稍稍加意於講學諸人議者輒以爲躐造於連年諸疏夫躐之所起則誠有之矣然道之興廢自有天命君子得其志則行不得其志則止若脂韋俛仰媚世以爲容而曰吾將以行道則所喪多矣惟是吾儕接人處事有多少不盡分處則可因之以自省學問之功亦緣是而日進矣先師嘗教云惟有乞恭克讓是自己本領功夫不問朝市山林不可一日而離焉者也若緣此有所驚動悔改以爲隨時變易之道固當如是縱足以自信自安終歸於私而已耳未由披晤良懷耿耿行且投袂振轡望雲壑而依歸當相從以聽春鳥之鳴也

答裘魯岡

論及告子之學所以警發其者至矣即其言曰性無善無不善而所謂不得於心勿求於氣孟子亦以爲可則告子豈實憚自用者冥憚自用而能不動其心則後世孰非不動其心者哉愚意告子蓋有見於性之無善無不善吾惟得其性而已凡求諸心求諸氣以爲義者皆不得爲善學也此其見豈不高明超

脫而何物足以動其心耶然有見於無善無不善而不知善不善之莫非性也有見於後世求諸心求諸氣者之未爲善學而不知性之未始外乎此也其自信以爲自得其性而不自知其陷於意見不免於正助之欲矣以告子之高明超脫猶未免於意見之病然則吾輩之所以自陷溺者可不思所以自拔哉幸有以教之

答李古原

承翰教論以知行合一之說此固今之君子向所共疑而近乃釋然者也敢述以請夫聖人之學不失其本心而已心之良知之謂知心之良能之謂行良知良能一也故行之者知之真切運用而知也者行之明覺精察本合一者也知而不真切運用是謂億度非本心之知行而不明覺精察是謂冥罔非本心之行矣故學以不失其心者必盡其知行合一之功夫後能得其知行合一之體故事親而知行合一則得其本心之孝事兄而知行合一則得其本心之友讀書講論而知行合一則畜其本心之德以至事物細微無往而不知行合一則無往而不盡其本心之條理曲折此合一之學所以異於後世之知而不行行

石一切應酬皆是真心作用方可以言尚行此念篤切方可以言立志朋友講習所貴觀省覺察謙虛受益究極病源痛自刮磨庶幾所謂麗澤兌者不如是則所志所行皆為苟道而凡曉曉想度爭較於異同之辨皆不免為自暴自棄者也僕悠悠歲月學道無成病正坐此仰承傾教輒以所自悔恨者奉復庶幾相與其勉此學不負初志耳

答萬五溪

比奉書知前此短牘已微尊覽且有取於鄙說而獎誘其進其無似豈敢望執事之訓哉每自念古人之

南野先生文選卷之二

十三

學以自慊為至以毋自欺為功然反而求之未能圓融澄澈快足於心只是為知識聞見以後習染迷蔽雖覺其非只在迷蔽中刮磨洗濯如何會得潔淨若能反本窮源覺悟初心不涉聲臭不屬思為兢兢業業自強不息方是一塵不染萬化從出之門而力不逮心終未知所濟高明以為如何

答霍渭庄

承示復湛甘泉先生書謂春秋書春王正月實創制垂憲前古無此書法蓋孔子作之也聖人力量與眾不同堯舜禪讓湯武放伐孔子立教垂憲皆常事也

盥手莊誦無任悚惕自學術不明人多依違苟且於俗情世態之間詭詞飾行曲遂其私既非聖人心術又焉知聖人力量仰承來教真所謂震雷驚霆警世聾聵非但依經闡義而已所引證周人改子月為歲首而不以子月為正月春秋書王正為寅正而非以夏時冠周月反復詳盡覺我未悟然徐而思之猶有未盡領畧者經書桓公八年冬十月雨雪十四年春正月無冰僖公十年冬大雨雪成公十年二月無冰皆紀異也周不改月則冬之雨雪春之無冰固其常候矣而何足為異元史授時曆法上推往古下驗方

南野先生文選卷之二

十四

來考左傳所載日南至者三獻公十五年僖公五年昭公二十年皆正月朔則皆改月也以曆法推之皆合經書日食三十六以改月推之合者十七先一月者六失閏也先兩月者二再失閏也若不改月則惟再失閏者兩月可合而其餘皆不合矣豈曆法盡繆乎古今制度雖時異世殊然朝會大事必於歲首經書公即位者八其七皆在元年正月周不改月而以子月歲首則即位當在冬十有一月孔子書王正為寅正豈取子月之事而繫之寅月乎凡此數端嘗稽訂細繹竟未融會某又別有疑義并附請教今傳經

者發褒貶之說立正變之例竊惟聖人作經以立教其所褒必其可以爲後世訓者其所貶必其大本足觀而小節未盡者春秋載五百之事莫盛於桓文桓文蓋無父無君之尤亂臣賊子之魁其行事之可稱者猶不免假仁濟私爲三王之罪人而何足褒之以爲訓夫亂臣賊子無父無君則大本已失亦奚待事而貶之今考二百四十二年之間晉文之命秦穆之誓衛武抑戒賓筵之詩皆可以爲訓者則筆之於書取之於雅而葵丘五命首止盟辭皆削而不錄聖人之情殆可見矣孟子云仲尼之徒無道桓文之事南齊先生遺書卷之十一

者是以後世無傳焉凡今之所詳皆孔子之所不欲道而傳者也孔子不欲傳之懼滋亂賊之惡後人顧繁衍增益以爲春秋之義如是或者其未然乎夫亂臣賊子之所爲泯而不傳猶懼其傳直斥其無足道不足置褒貶於其間猶懼人之喜談而樂道之若不正其本而徒取其彼善於此者而是非曲直加焉亂臣賊子將有所藉口矣故其竊以爲詳載其事爲萬世訓者書詩之旨盡削其迹示萬世戒者春秋之義也高明以爲如何某不敏竊有志師友講習之益而荏苒歲月未詣素心仰惟高明振斯文以覺來學伏

惟不鄙俯賜啓迪幸甚幸甚

答確齋兄

向謂姪齋至手教體認真切進脩不懈甚感其幸所惜隔遠無緣披對耳去惡爲善自是格物致知真實功夫大學所謂如惡惡臭如好好色毋自欺而恒自慊者也然而惡惡臭好好色豈有意乎其中而曰好色必好惡臭必惡惟有感乎外而好惡自應之蓋良知之靈如此去惡爲善者亦若是而已矣其要只在慎獨非意之也諸兄言去惡爲善者滯於有心殆亦爲滯於有心者而發非必謂去惡爲善者皆滯於有

心也滯於有心則與惡惡臭好好色者異不得謂之良知亦不謂之誠矣孩提之愛親者良知也而亦有惡怒其親者則不可謂之良孟子之言蓋謂良知自孩提而已有以見知之本良非謂孩提所發無非良知而無復不良者也良知自孩提而已有故人皆可用其致知之功然則孩提所發已有不良者矣故人不可不用致知之功此聖賢教學之意也曾點之狂蓋其心無私累不爲利害毀譽所局不爲信果適莫所繫庶乎得其本心矣然無聖人戰兢惕勵之功故未免少失之肆所謂罔念作狂者也若其克念則作

聖矣故狂者聖之基若今之學者則未免以蕩爲肆而所謂戰兢惕勵者又未免局於利害毀譽繫於信果適莫亦非廓然大公之學也匆遽占復不盡欲言惟實用其力又當得之

寄王龍溪

頃聞訪道吳門遠想仙踪飄然自恨宿無靈骨不得陪奉言笑浮漚身世閃電光陰眼中色色種種豈有一毫干涉凡情不能割舍真是自愚自累即今斷塞多岐踉蹌實地深思猛省鎮密精專庶幾不負尊教耳程松溪到數日矣約遲遲迎心齋荆川枉教第恐

南齊先生遺集卷之十一

十一

心齋有老親荆川不肯入關塲耳南玄亦約相過然世緣未盡但能作倏忽遊驚馬渚地幸兄徹骨一鞭也中離此來且得與諸兄翱翔台蕩收拾精神完養性命了此一大事此日不再此會難得蓋僕今而後悔之晚矣十月間想同過金陵附近同志諸兄期於牛首燕磯第恐不能久居中離來時當別作期會也老師年譜宜乘時脩集然前輩脩譜自有法度須相倣效不可自出意見譜無法言無文其傳必不遠成稿幸商訂入刻未可草草也廬陵作宰數月真可使民無訟昨畧節序入未盡事情江西之變獻俘北上

蓋恐西北撤備東南耗財倘患出意外幾不可測直欲止

親征爲社稷計逆知

上意必怒諸奸黨必譏而不暇顧也親行以當之又先題知以杜諸奸之口中間遣回旗牌不奉大將軍鈞帖皆有曲折得宸濠賂覬要津簿籍立命焚之江彬欲假此有所羅織以大將軍牌遣中貴十數輩來詰遇諸鎮江氣勢洶洶論以禍福曉之義理其人羅拜而去竟以此爲諸奸所沮不得見

上初欲乘機進會撥亂反正竟亦不得行矣此三事

南齊先生遺集卷之十一

十一

諸兄富有能聽其詳者以無可憑証未及序入幸商確何如也紀講學一事所貴簡要包括孟子七篇有發明宗旨處有辨析異端處即此便可爲法向見象山譜亦畧得之猶有未盡諸兄細加裁教當不爲苟作也

答方三河

政學本非二事學以求盡其心故真誠惻怛克周偏滿其臨民也生養安全非以市恩德者督罰非以示威其與人也遠而不撓邇而不褻非以用知恭而有禮非以納交嚴而不怒非以寡怨毀譽不驚利害不

休非以作氣無所不盡其心而已矣執事之高明故固不俟瑣贅然平日相與規切之義含是無所自盡者高明以為何如

二

執事謙光下問雖邂逅傾蓋者猶感盛意况素辱相信相愛如鄙人者乎嘗聞古之君子視民如傷故能愛用財如已出故能節見不吝而內自省故能恕心如太虛利害毀譽如浮雲故能應常應常定故動罔不當此非戒懼謹獨精一之至者未易言也嘗昔相與切磋此道今執事對局臨境正受用得力之地于南野先生遺集卷之十

寄孫雙江

近日知學者頗多但未見有志向精專者所謂如好色如惡惡臭然者種種世緣割舍不斷假饒玄覽超見終成虛想大學言知止止者心之本體亦即是功夫苟非一切止息何緣得定靜安固便將見前酬應百慮認作天機活潑何啻千里此某之所深悔而

痛懲者惟執事有以教之

答王在菴

承翰賜慰浣之劇所示莊子語足知吾兄簿書倥傯而好學不懈若此莊子雖未能無蔽要從自己實踐中立言吾輩因其言以求入種種嗜欲不全放下終難湊泊直須胸中打疊潔淨不著古人一語而心心相契乃是吾輩真實命根此孔子所以欲無言者也近覺學之不進皆由談說想像康賡實踐功夫每一思之真是耳熱汗下良朋日遠何以教我

寄徐少湖

南野先生遺集卷之十  
士夫自浙來領而談者知吾兄職事所繁亦煞有難處道之不明人人蔽於所私是非愛憎靡有所定病目眩蒼黃俚耳混雅鄭何足恠也故君子立身於毀譽利害之外而寂然無所用其心種種施為如身之飽煖寒煥必求自慊而後已故獨立而不懼競趨而不徇群而諛之而不自信群而謹之而不自廢所望於吾兄者如此吾兄之所以自待者亦如此復何言哉復何言哉堅志熟仁為大受遠到之地千萬自愛

答戚南玄

虛懷之教非某所及然不敢不自勉也古之人富貴



利達名勢紛華淡然不入於其心其學之所至至於見善則遷聞過則喜然孟子以爲猶有大焉者謂其遷善改過猶未免以已與之也夫遷善改過以已與之猶未足以爲大況如某者富貴利達雖未如世之沉溺而幾微隱約猶有未能忘情者其遷善改過所謂泥裏洗土塊何足以與於古人之虛懷者耶近得與龍溪切磋而後知猛省欲根澄潔心源仰冀惠然枉教庶幾有寸進耳

答教純之

承純之手書慨然欲脫去舊習期於斯道一日千里甚幸甚幸中間推許太甚殆過於相信愛而不知其惡然敢不自勉以副盛意所惜往往相聚未嘗直從心地真切砥礪拔去私邪而徒口吻談說未有定靜安慮之實則區區自誑誑人負諸君多矣雖悔何及來書謂天下事理本諸吾心而自足君子之學求其放心而已此數語者真聖學要旨又謂素性喜靜人事職業兩并殊覺此心未有脫然之時此殆用功未精未得真靜故也人心本靜只緣名利兩端變出種種得喪利害榮辱毀譽貪愛憎嫌詘迫苦惱之私君子學以致道誠有飯糗茹草若將終身遯世不見知

而不悔之志一切情欲真如解枷脫鎖此心真是其介如石凡視聽言動喜怒哀樂百端作用皆是真心發見不染私邪方是求其放心方是真靜故灑掃應對莫非實學造次顛沛莫非樂境人事職業自能坦蕩蕩矣不然未免徒爲戚戚流浪光陰願純之努力自愛無若僕之時過而悔也

答歐夢舉

來書倦倦下問以先儒居敬窮理克己反躬之言中庸學問思辨篤行之訓足知執事謙虛受益而所以啓教僕者亦不淺也窮理盡性以至於命本孔子傳易之說窮理者盡性至命之功也明道云窮理便盡性至命命者性之原性者理之體理者性之理離性則無從求所謂理者但不知窮之之功將何如作用便可以盡性至命若如後世所謂先窮理而後盡性恐非惟與聖門窮理之功作用不同而所謂理字恐亦未有着落也學問思辨行皆誠之者所以明善善者人心天命之本然即所謂性即所謂理而非博學則無以明之故君子有弗學學之弗能弗措學者學其所不能學而能之而後已也聖人所能者安在吾輩所不能者安在如何可以學而能之讀書考古

皆問辨之事知學則問辨思始有根據不至於泛問  
遠思勞而無功者矣孔門以不求安飽敏事慎言為  
好學門人之好學莫如顏子不遷怒不貳過非禮勿  
視聽言動其功也是故可以時時習之若後世所謂  
學與聖門時習之旨却恐未相脗合凡此皆僕所疑  
而欲以請教者使旋適倦且病草畧不暇脩辭惟執  
事求之言意之外有以見教幸甚

答薛中離

奉別且十年真朋離索所與講習者彼此根脚不實  
精神虛泛意氣浮動漫濫相扇淪胥以溺去歲龍溪  
南野先生大還來之二

相處逾月始覺舊習之非新春移居道院日與諸友  
求歸根復命之實細細尋求只是特色貨利斬截不  
斷所以放舍生產作業不下自生纏繞自作障蔽種  
種談仁說義只成戲論始知前輩所謂在身忘身在  
家忘家者方是格物致知然非有真志真功不容以  
虛見虛說湊合此語也諸友相與者亦有數輩漸造  
真實悔舊尚新乃知成已成物實是一事從前誤已  
誤人悔之已晚惟兄不棄而教之承文旃抵浙即遣  
書到天真尋訪不得復以書還此會可謂樂事無涯  
所願諸兄不護已私不執已虛心開懷相薰相摩

不在此百年勝事也年譜當及時稿須用考亭象  
山二譜作樣大書分註各有法度摘書疏中語須  
文簡意盡於道有足發明使人不必求全文而大端  
已自可見乃善門生似不必附入前輩無此譜例且  
恐同志或生諍論無益有損種種神異似亦可刪無  
已則別為紀異錄乎然聖人所不語者何為割捨不  
得也譜中已稍附鄙見隨處批註尚俟 尊裁

答甘泉先生

近日士夫論致良知之學往往補良能一語以為良  
知猶有未盡其竊疑之乃不知本先生云爾也然大  
南野先生大還來之二

學只言致知不言致能孟子亦只言知愛知敬而不  
言能鄙意能知愛知敬即是能致此知即是成能即  
此是學而問思辨者問思辨此學而已勿忘勿助者  
勿忘勿助於此學而已不知先生尊意以為何如

寄汪道甫

去歲聞遭變士夫莫不懷忿含怒小醜逞凶毒辱衣  
冠至此人人欲得而甘心焉徐觀事勢為道甫深遠  
慮乃皆自解化謂迫困獸而激之鬪反致自戕此皆  
愛道甫厚者乃有是言其他休戚不相關者則皆漫  
然洵洵忿懣而已有苗貳固益贊禹以謙受而道舜

之事夫舜何罪可引何慝可負以爲毫髮有所未盡猶可自致其力不必責之人也父子兄弟免後世蹠血禁庭之慘蓋譴損之益仁義之利如此道甫憂不如舜而已矣彼罪惡貫盈天誅固不能逃道甫何患焉人惟不見未形之禍故亢而有悔故智者不窮忿以及身仁者不固敵以危已道甫鑒古達今區區之言或有合乎

### 答季彭山

承示惕龍諸說僅讀一二過諸生轉相傳觀并其本亡之尊意慮今之爲學者淪於空寂甚盛惠也夫良知常寂常感無爲而無不爲淪空執有要皆失真慮之誠是也第未知執事蓋常淪於決濟虛蕩識其病而亟反之故爲是誠耶抑亦逆料其必至於是而預誠之也今之學士僕未見其能盡除情欲之累而入於空寂者也若其誕蕩不羈則是志未篤切縱恣自是恐未可以此爲淪虛之似至於執有而不化者則居然可見矣執事其何以救之

又

往歲朋友喜聽吾丈敷析經義然亦有以是病吾丈者僕竊意喜者固未爲得而病者亦復失之

南野先生文集卷之二

廿五

南野先生文集卷之二

廿六

經本是發明此學使人知所用力懲忿窒慾遷善改過日進於道非但爲經書添註腳立新論以資學者談說助其文詞已也而學者乃以爲談說文詞之資如是而喜則已舛矣有志實踐者所貴問辨討論明是非善惡之實無徇偏見無蔽曲說然後可以造道以講經爲病則將任胸臆之所裁幾何不徇於所蔽而去道愈遠耶此僕所謂喜者固未爲得而病者亦復失之者也然吾丈於經義自童年時已能深思默悟有出於舉業之外者既知學脉引伸觸長精研妙詣所自得者益多然則精神之所流注恐未免習心根據其中將有潛滋密蔓爲廓然太公之累而不自覺者亦未可以爲小小疵病而不之察也吾丈臨政處事光明磊落自是學力所到至於時以才氣智識撓和未能純是性靈作用或亦緣此堂下之言不足以仰契高明聊效芹曝之私亦渴欲聞教庶以來吾丈之盡言云耳

### 答張紹中

僕之學何足以爲人師而紹中攜謙執下僕亦冒然當之不辭以紹中真切懇到之意不可虛且不可逆也夫學莫大於真切懇到三軍可奪帥匹夫不可奪

志真切懇到故也朝聞道夕死可矣真切懇到故也悠悠虛度言行不相顧表裏不如一則不能真切懇到之爲病耳紹中寬裕溫柔仁者之度而或者謂宜濟之以發強剛毅鄙意以爲只真切懇到致其良知則自然弘毅足以勝重任而遠到矣惟紹中念之

答嚴節推

先儒論人之不幸以無耻與不聞過爲大夫過未易聞雖有告者未必能盡古之聖人設誹謗之木欲盡聞過而已故謗者聖賢之所幸至於聞譽則惕然如負芒坐針以爲未能無一毫之不稱也知耻故也僕

南野先生文集卷之二

廿七

每當毀譽之際亦自動心但提起此意便覺有進步處此未足爲執事道聊效進修之助耳今人有志者少無志者多寮案之間欲求一德一心傾竭肺腑豈可多得但在我者坦然蕩蕩如天包海涵使皆圓于其中則莫不樂爲我盡凡易之道近而不相得則凶或害之亦其常也

又

來書恣喜怒播威福之說足知哀矜惻怛異乎深文巧詆者也斯民何幸斯民何幸萬事皆本於心凡法官心刻則法刻心恕則法恕心精法精心粗法粗推

之又不但用法爲然故心學不可斯須離也然今世有志者少志純潔凝定者尤少執事之志卓立如是更加純潔更加凝定前書所謂未發以前氣象有不思而得不言而信者矣

答王仁仲

心無動靜學亦無動靜惟是志向堅定真實則雖紛紜膠擾如有柁之舟縱遇風波搖蕩一揆便轉矣用力與靜時難易固有不同然官職既脫謝不得且湏隨分如此若得靜而學則虛靡歲月多矣高明以爲如何各以事牽未及款承然此事不在多言但辨得

南野先生文集卷之二

廿八

徹底真心即無適非道惟仁仲念之

寄聶雙江

數年間吾鄉賴諸公率作文風大振今東廓不免一出青原主盟執事與念菴諸兄有不得辭而亦吾鄉諸同志之所屬望者也親民是心之本體本體如此功夫亦合如此常善救人則無棄人常善救物則無棄物所以親之也棄而不救救而不善是亦自棄而已某每覺與人猶自別擇同異以此欠真誠惻怛未能親得在雖往往自訟終未造實際乃知聖凡只差毫釐之間而相去天壤矣周崦山卓然自樹又能虛

已從善朋儕中所不可及此來必有相長之益便間示知之

寄吳伯升

書院想已結期近日諸友精進何如朋友群居貴開心相告虛心相受乃能有益古人脩身如今人業舉業舉者欲其中選脩身者欲其中道欲舉業之中選則必出其所業與朋友商之一字一句務求極純無疵而後為有志於中選者欲身之中道則必吐露真心與朋友商之一念一言務求極純無疵而後為有志於道者近世學者於舉業亦不肯傾心商量少故南野先生遺書卷之十一

答張維時

書至知得與波石諸君常聚甚慰一真一切真此雖佛氏語然聖學亦不能外也志向真偽毫釐之際精一不二則小德川流大德敦化無不在我種種外慕只是不真一真則萬偽消除矣惟及時自強不懈因

風有以助我區區之祝

答友人

明日東行今日促裝方遽忽拜翰教喜慰無量來教無自欺三字是心學真訣吾輩正坐自欺耳人心赤子之初本自澄靜無欲後來染習種種多欲夫種種欲之種種克之是自纏自縛逐旋自解必無盡脫之理要得脫盡不如不縛孟子言良知是指赤子之心大學言致知亦是完全赤子之心吾輩日晝所為多是枯亡而徒想像心體展轉話言自欺莫甚歟某歸來應俗始知學力未至嗣此當別求實地穩步惟記南野先生遺書卷之十一

寄王遵巖

過杭讀執事天真祭文葉故如蛇向道若趨非振奮豪傑何以有此過省適旌旆東巡無緣披對以容所請歎歎何如同仁諸友賴數公相與匡輔振作精采一新用志不分乃疑於神學者無精一志向未免以意氣為發憤以談說為問辨以億度為思慮以把捉為躬行與真志作用尚隔一層執事道義先覺幸有以警發之也

答魏莊渠

向承示六書精蘊首卷數十字發明古學皆平日所  
嘗聞教意思精到渾成不假安排嘉惠多矣第其他  
未緣遍觀盡識竊意古人制字本少後來增廣日多  
作者未必皆有至德所作未必皆根至理今欲一一  
發明以意逆志恐未能盡如首卷數十字之渾成無  
瑕也故鄙意以為此書不必盡備執事推自得之實  
以淑諸人莫如別為論著如體仁說等指示學脉開  
闢路徑使人實踐而深造之要之此心此理自可俟  
後聖於百世縱使前聖之精制字以示後聖之蘊不  
必因字以發亦未為不可尊意如何某困學無聞唯  
是粗浮病痛日漸體察明白乃知真稟真命之學誠  
不容鹵莽滅裂聲音笑貌為也執事不棄愚陋有以  
教之

寄橫溪弟

常州不得會荆川乃緒山亦先過三日乘王龍溪信  
宿而別從前過失更煅煉一番大抵學不必過求精  
微但粗重私意斷除不淨真心未得透露種種妙談  
皆違心之言事事周密皆拂性之行向後無真實根  
脚可剗定得安望其有成也願與賢弟共相鞭策時  
光不待人矣

答朱芝山

伏承手翰謂此學却是失真却難得真實意思訓詞  
精切感激佩服但謂良知無下手得力處稍得萌芽  
又被摧折而況果是萌芽否耶此却恐求良知太深  
是以自信而復自疑也良知即是獨知顯淺易知簡  
易易從蓋雖童穉穉愚蒙獨知未嘗不明雖放僻邪侈  
獨知未嘗不良雖昏迷蔽昧獨知未嘗可以自欺孩  
提知愛敬乞人不屑踴蹴之食小人見君子而厭然  
況學者乎慎其獨知日精日明五常百行皆由此出  
苟自欺自迷則曰靈所為特之反覆雖其事親從兄  
亦義襲而已矣故學問之道惟此知最真最近不假  
強為不待遠取上智下愚皆可持循吾兄猶謂無下  
手得力處何耶夜氣之說是為已斷喪良知者指點  
端倪使旦晝有用力處故曰好惡與人相近言羞惡  
是非之知不容泯滅佳章所謂非待夜始清者也後  
世舍獨知而求之虛明湛一却恐茫然無着落矣知  
者不言言者不知自是老氏宗旨老氏致虛守靜竊  
冥玄默夫杳冥玄默則不可言故知者不言言者不  
知若聖人之學曰脩辭立其誠而已曰言顧行行顧  
言而已曰言不盡意不言而信而已豈若老氏所得

者耶老氏所得在此所蔽亦在此其流爲爲我爲自  
私亦不可不察也

### 答陳履賢

履賢資質甚美志向甚正惟是求之急迫是以欲速  
不達急迫與立志真切不同急迫只是私己反爲不  
誠來書所謂憤激病重者既自知矣惟憤激故不能  
慮以下人不能慮以下人故種種拂亂而矯僞狂妄  
之議皆所不免夫識者固不能亮履賢之志然志既  
未誠則固有僞妄在到此不痛懲僞妄盡檢點平生  
大欲洗濯滌滌使德盛體恭可以養人於善而徒委  
之魔業付之無可奈何則終於不誠而已矣誠則動  
靜合一細微曲折心無不到而亦自脫洒磊落又焉  
有牽纏架漏之病誠則常精常明又焉有當局則迷  
事往則悔之病履賢欲求深根固本只在立誠來書  
所謂將虛與認作堅志正是以賊爲子此憤激所從  
生而百種病痛所由出也消此一病則無適非道然  
非師友夾持恐不能以離索之力消磨得也

### 寄徐少湖

頃得聞北江書知已過浙想今綵侍歡娛之日久矣  
喜與東廓念菴荆川諸兄先後彙征朝家之慶第南

都失友江右失所師資然豈敢以偏而不咸之情致  
私憾於盡取也功利之習入人已深居養於人猶能  
潛移默奪而況群衆相扇成風以吾兄精明之志堅  
定之力周旋其間必且化人而不受化第無虞之戒  
諒亦未能忘者養晦所以順時然養之云者養力而  
使之足養氣而使之充養心而使之壯此中作爲固  
未可泰然晏然而已也謙虛自牧與獨立不懼二者  
固並行不悖惟兄念之

### 寄劉三峯

書院中朋友聚散何如道學志切則會友自不容  
然數聚數散而於身心病痛包藏掩覆不肯指點洗  
刷責善之言不肯虛受則循之無會而已矣古之人  
去不善真如惡臭之著鼻如疾病之在身志不如是  
則亦只是改換念頭病根依然俱在如此悠悠蕩蕩  
而欲心體瑩徹是拂浮塵存積垢而望鏡之明也朋  
友會聚幸爲致此意相去千里無任拳拳

### 答曾雙溪

執事與商甫同官于浙皆有政聲學問之力不可誣  
也然精神須用完固功夫須是嚴密近日有志之士  
亦有於世情上調停得無病痛時調上補湊得無缺



漏亦能有益於民然只是調停世情補湊時調的心亦即是調停補湊的學問此中多少漏泄多少放過湏是以真誠惻怛之心行真誠惻怛之政然後能內省不疚想執事正如此因論輒及之

### 答李古原

來教謂儒者專以著述爲務其教人又專以存心爲言不知已馳心於言語文字之末其所著述非其所急務誠然誠然著述所以明道豈足以害道然專以爲務則務外矣存心是聖賢第一義君子各以仁存心以禮存心者也仁者愛人有禮者敬人而孩提無不知愛無不知敬大人者不以貨色名利自私用智斷喪其赤子之心者也如是而學是謂身教徒以爲言則非教矣夫道由之而後知知之而後言億而知之億而言之則於已於人皆不足以達道故好學則無物非學言語文字亦學也身教則無行非教言語文字亦教也來教所謂即行以明心因心以爲學僕何足以及此而亦安敢不自勉哉甘泉先生諸著述亦各發其所蘊吾輩治身心之病諸書皆如藥方取其對証者服之則適言莫非精妙不然則五經四書未必爲功也何如

### 答王鯉塘

來教謂千病萬疴皆軀殼生出誠然誠然夫不從軀殼起念雖富貴功名何者非道從軀殼起念雖道德仁義何者非私今脩身學道者要得自家種種皆好似是爲已而究極根源未免猶是務外好勝裏許盡軀殼之私湏是善與人同方能脫離軀殼不然却恐七重鐵城內天君出頭不得也如何如何

### 答補之玄畧純甫思畏

得書知補之病痼初愈玄畧遭大故蕪承保齋之論極荷眷念大抵喪中亦湏常得朋友提撕不然或衰傷大甚或牽泥浮文皆足以耗斁精神而所謂必誠必信者反有所不盡勢則然也古人居喪讀禮亦是涵養孝誠玄畧於此想自分曉補之諸友却湏時常相過無使玄畧寂寥也學無巧法惟是此心真實即無復可言苟此心不實則亦無復可言純甫思畏書中所謂習心乘間竊發而不自知覺而悔之則已無及者恐亦只是欠真實之故不可謂有真心而舊習猶爾也不自慊即是自欺此中容分毫解說不得區區草土餘生無復他志喪事後即爲深林長谷之計儻不即死爲諸友作異日匡廬主人也

答王龍溪

遭喪以來精神大覺耗損靜居點檢半生種種作用與所謂靜專動直靜翁動闢者寔相背馳如之何其能有諸已如之何其能克實輝光夫志專之本也慾忿翁之賊也一放過則無學可講一透過則亦無學可講要須真實朋友夾持乃不虛浪往在南雍兄拳拳拯我藥我當時自是心勝未有以承之乃今不得朝夕繼見念之悵然儻便差南來索我於浩溪幸甚又

久聞衡山之遊連書奉促無請因過匡廬青原之闢披對一兩月遂了先師年譜不知俱曾達否夏間還自青原棲息南明日與諸生從脚根下檢點將從前種種世味濃處冷淡一番始覺吾人赤子時心地本自平易真實種種障蔽盡是自起自作徒自受累目今警惕頗深日望枉教倘遂能發山陰之舟甚幸甚幸

答友人

自先師提掇孔門致知二字士大夫始諄諄然良知之學相傳浸久習其說不既其實知字或未有的確若之何致之蓋孟子良知微諸孩提言赤子之心也

吾人爲赤子時意慮不作欲習未染愛敬中出是非內明不由學問匪涉思爲上天之載無聲無臭至矣博學學此力行行此問此辨此思此得此聖功也而或意必內萌功利熾然離真起僞日迷以遠覺而脩之所貴息黜補劑復歸其真而顧憑其意必不淨之體輔以聞見思索之知展轉混惑各安其習語上達者淪虛語實踐者逐物雖復邁往篤切要爲假借近似歸于失其赤子之心者也蓋今之真見良知者或寡矣故或失則忽或失則滯或失則無忌憚或失則多顧慮皆起於功利蔽於意必根柢穢雜知見緣飾迷似爲真離本愈遠既居之不疑則欲反無由誠可懼也

答友人

近與友朋講習始覺吾儕大患在未有真志獨知耿耿誠不可欺然志不立則亦因循鹵莽言行肯馳亦勢所必至者執事作興文教此處更須提掇志立則道不外求君子愛人小人易使所以成政者也惟執事念之

答友人問學經

承下問孔顏之學幸甚幸甚蓋堯舜相傳曰人心道

心惟精惟一孔子得其道以教當世其答顏子之問曰克己復禮爲仁仁道心也夫道心之微也而克周不可窮故行之而千變萬化不可勝用言之而五經四書不可勝載五經之言言其行也教人行之非教人言之也由漢以來講五經四書精研其義者爲不少矣然而如孔顏之自得者或未之見何也求之書不求之心言其言不行其行蓋孔子之學易曰所居而安者易之序所樂而玩者爻之辭夫居安乎易之序而後能樂玩乎爻之辭矣世之學經者能如孔子之學易者乎孟子曰大人者不失其赤子之心今竟

南野先生遺集卷之七

三十九

學經者其果求以不失其赤子之心者乎學之不講數百年於茲矣今世通患大患無志有志矣患無師友講明安於所習自以爲得不傳之學於遺經而不自知其違道遠矣凡執事所以致力於孔顏之學者何如所得於經者何如能一來講求其志幸甚幸甚

### 答王蒙泉太守

來諭有提撥大端大本之說夫學正患大端不明耳良知之靈於義利公私誠僞分毫不可欺蔽某嘗謂無功利之心則通體是義出義則入利矣一體萬物則通體是公出公則入私矣不失赤子之心則通體

是誠稍有起作即入於僞矣大端既明則禍福利害莫之能二二則間不二則無間來論謂中間遺值不偶吉凶禍福死生利害以之此殆大端既明之效耶又謂志不篤行不力而間斷居多則恐所謂明者尚未能澄瑩精一抑執事望道未見之心也良便尤望惠教幸甚

### 答曾思極

來書皆從身心踐履體貼發問非苟爲浮辭飾說足知爲學不鹵莽也喜慰何如所謂中無定主馳驚紛華學脉病源已曉然明白僕何言哉夫良知本靈良

南野先生遺集卷之七

四十一

知本誠千變萬化中主常定非強作之也毀譽榮辱得喪禍福牽誘於外心生愛憎情存取舍自蔽其靈自賊其誠故主宰搖奪而內多疑沮如來書所謂心有所不屑爲而事不得不爲有所欲爲而勢不容以爲此正是良知本靈是非本明而未免爲毀譽得喪愛憎取舍牽制搖動凡此只緣志不真切之故苟有朝聞道夕死可矣之志則所欲有甚於生所惡有甚於死者死生大矣欲惡不存而况毀譽榮辱得喪禍福之小者果孰爲可愛孰爲可憎耶無可愛故無可取無可憎故無可舍愛憎取舍兩忘故心同太虛常

明常定千變萬化真實無妄當行則行當止則止當生則生當死則死又何疑沮之有來書述僕嘗言心有不善事無不善夫事之不善皆生於心心善則自無不善之事故曰事無不善非謂心既善矣則百無所擇而可以無所不為也若一心有所不為一心為事不得已曲為之即此曲為已是毀譽榮辱得喪禍福所牽已失其有所不為之心矣心曲事曲事曲心曲未有隨俗習非而良心昭然獨存者故大學言身心意知物一是都是一錯都錯所言格致誠正脩一了都了一不了都不了合外內之道者也大抵學莫

南野先生集卷之十一

四十二

大於立志孔子言志學志仁志道匹夫不可奪志漢言志伊尹之所志陽明先生言志者人之使命不續則人死病源學脉端的不外乎此千里奉拳言不盡意願思極無忽乎其志而已

### 答魏水洲

來教知同此懷慰浣之劇示以痛處知痛非是未發功夫功夫只在已發處用已發似為成男成女非無極太極混然之體又云一二論篤知已不兌義外之論又云接引固盛德事然舍已從人何特得超彼岸臻實際足知凡所悟入不淺淺也第提尋語意猶未

免以動靜內外人已相待為二猶未能澄然兩忘如來教所謂常一而止者雖與事外者病證不同其為未得良知本體則一而已然來教却已入微當是靜養中得之惟是毫釐之間不精察明辨則未免一塵之蔽爾幸更垂教

### 二

往歲令親以兄所作行狀來索鄙文知兄文學大進想心學亦如此矣薰聞從事玄化之學此與吾儒功稍同而志迥異所謂彌近理而大亂真者不可不察也數歲不得一會良以為念青原螺渚之間幸數與南野先生文

南野先生集卷之十一

四十三

東廓念菴諸丈求切磋之益望兄不至未嘗不增慨也吾輩開山法主豈可使木魚絕響如此其父先師如綫之脉將誰續耶悵念悵念

### 答戚補之

來書謂涉歷得喪死生之際外面雖若整暇而透裏檢察終有不妥貼者在足見補之用功細密不苟且放過也凡私意甚微處却甚真却是聖凡大界限然須從根本究竟始得昔人謂齊得喪一死生者言得喪死生皆循其良知耳良知本體生亦自愛死亦自惡得亦自喜失亦自憂皆其虛靈之因應變化如大

空浮雲起滅無礙即是死生得喪處之一也今俗人以死生得喪爲心固有所著然以齊死生得喪爲心者亦是從死生得喪上發心亦有所著有著即是作好作惡即是凡情惟循其良知無所倚著即是真好真惡即是王道即是天則此須立心之始有著無著一一分曉則凡情自別天則自見若只於不妥貼處洗滌却恐是支流辨濁清也來書又謂官極小精神力量須極大此是補之仁爲已任之志然就中亦須檢察若從官大官小處發此心則猶是凡情俗根也此根不拔宜其於叢勝之中利害安危倉皇躲閃也

南野先生文集卷之二

四十三

來書所云者皆枝葉之發生有不容自起者耳到此更不可於倉皇躲閃處着力楊湯止沸不如火滅而沸自息矣相別之後相念益深來書脫樊籠就陶冶以了平生幸甚幸甚然亦不必以此累心即當官有種種不誠處矣乞休之舉恐亦未便得間則脫屣而往耳用志精一則無地非陶冶自作障礙則無地非樊籠此亦不可不知也

### 寄教純之

別純之甚久數從洛村諸兄知京中相與講學之詳騏驎奔軼驚駘望風長嘶矣學患無志有志矣患不

知良知不足以適道尤爲大患者志不精一而遂以意見爲良知非徒無益而又害之矣吾輩講習日久豈不各見大意然於世俗富貴勢力之習雖未嘗沉溺根著而隱微之間要亦未能盡忘則亦豈得爲精一之志而意見之爲蔽亦不可不察也自謂寬裕溫柔焉知非優游怠忽自謂發強剛毅焉知非躁妄激作忿戾近齋莊瑣細近密察矯似正流似和毫釐不辨離真逾遠居之不疑則欲反無由矣然非實致其精一之功消其功利之萌亦豈容以知見情識而能明辨之者純之志道篤切又得良友之輔行著習察深造自得幸有以助我

南野先生文集卷之二

四十四

### 寄蕭文奎

移舟言別擬夜泊荒濱對榻論心而事勢左阻惘然分袂茲承手書謂離合忻戚有主張之者非惟不當容心抑亦不必容心此聖神所以樂天哲人所貴知命者也又謂吾輩受用只是此學更無分毫可疑幸甚幸甚夫學以性命爲宗然性也有命君子不謂性命也有性君子不謂命何則天一人一體性命無二謂性者以強力必致爲功故不足以知天而盡性謂命者以縱任無作爲賢故不足以知人而至命凡此各

有所倚未免二之意見爲蔽迷本喪真矣管子思語盡性而察焉魚推鬼神闡隱微之旨蓋言命也孟子語知命而遠巖牆避桎梏立順受之教蓋盡性也道不可以用智求理不可以無心得故君子無所不盡其心而未嘗有所容心所以順性命之理通神明之德豈容毫釐倚著將遂千里謬迷矣把玩來教因偏示朋儕莫不矇發醒解深省惕然第稍疑執事不容心一語似有所倚得無濫信乎性之有命而微忽乎命之有性耶知容心爲病遂并與盡心爲疑耶夫強力必致非所以言學愆此不爲將入於縱任無作蓋

南齊先生遺集卷之一

四十五

有愆而輕將有激而重其勢必然其究且踈脫缺漏因循玩弛故兩忘則無事矣然豈易言哉今執事種種醅醑視文理密察強毅齋莊者如何反省精思則百尺竿頭豈更無步可進耶蓋孔子四十而後不惑然猶發憤忘食不知老之將至况吾儕乎便中千萬裁教書末閑時艱危至欲流賈生之涕此亦在吾輩藏器待時總怨天尤人不得也如何如何

### 答周良卿

兩得書及齒說知進學不憚爲慰士之學教官之教猶農之耕田駿之勸相不力則民失其所以爲生然

世之人去農而業商舍五穀而事蕘稗誤已久矣今欲盡去其所誤以歸於正非大勇不能所幸良知在人無有提而不悟呼而不醒者然須真有爲聖人之志直截將有識以來種種習氣徹底勘破全體放下則赤子之心本自光明瑩徹本自充拓變化如日中天如水行地真不假知識湊泊意氣幫助者想良卿久已洞然於此比來磨礪煅煉新得如何千萬寓示

### 答陳明水

先師謂致知存乎心悟故古聖有精一之訓若認意念上知識爲良知正是粗看了未見其所謂不學不

南齊先生遺集卷之一

四十六

慮不係於人者然非情無以見性非知識意念則亦無以見良知周子謂誠無爲神發知知神之爲知方知得致知知誠之無爲方知得誠意來書啓教甚明知此即知未發之中矣格物二字先師以謂致知之實蓋性無體以知爲體知無實事物乃其實地離事物則無知可致亦無所用其致之之功猶之曰形色乃天性之實無形色則無性可盡惟踐形然後可以盡性云爾大抵會得時道器隱顯有無本末一致會未得則滯有淪虛皆是爲病學苟知本但當於日用實履處蕩滌習氣盡其本心居處必於是執事必於

是與人必於是自然上達天德矣兄謂如何

答彭雲根

某於執事未嘗磨礱顏色而相聞有日殊切馳騁遠  
勤翰教獎借過情非所敢當然類情因之警發不啻  
拜百朋之賜矣致知之學傳自孔門而後世求之聞  
見知識以影為形先師陽明公闡慎獨之訓而為之  
言曰獨知也者良知也戒慎恐懼毋自欺而求自慊  
所以致知也於是學者恍然知明物察倫精義妙用  
不遠於心而得之然邇來亦未免求之講說想像亦  
歸於聞見知識而已矣人心虛靈雖小人間居為不  
善者與聖人同然涵養擴充不以欲蔽使虛靈之用  
火燃泉達足以保四海則君子之所以克念作聖者  
也擁爐諸作皆執事精詣之見既聞教矣更願靜觀  
默識姑置古人種種論議如生在未有文字以前直  
從自心虛靈獨知涵養擴充以得其炯然不可欺物  
然不可已者則凡荀程歐子之言其精純者皆發吾  
心所自有而其疵駁者亦足以知其受病之所自以  
為內省之助此固古人多識畜德之道計執事用力  
於此既深當有以教我也迨冗占復須面承盡所欲  
言

寄李汝貞

儒佛異同之辯不必急急於此而彼之言說近吾儒  
者亦不必故加排斥以求異要在念念不欺良知自  
強不息到得精義入神則千古是非只在目前毫釐  
彷彿如見黑白矣不然流入意見想像終無自得也  
治心病如治身病紛紛衆言莫非方藥惟對病求方  
苦口服藥則適言俚語無不為益况其近道者乎方  
非對治藥不猛進則聖人經訓徒長意識况其不出  
于聖人者乎來書所謂時時內照惺惺不昧果能如  
此致其良知喜如此怒如此樂如此目于色耳于聲  
口鼻四肢于臭味安逸莫不如此則五賊不能為盜  
七情不能為翳莫非吾良知之用矣來書謂敬字不  
如覺字喫緊此恐是泥文着相意見所蔽心常惺惺  
即覺即敬不敬則亦不得謂之覺此亦不可不察也

答張士儀

來書極是懇切讀之警策多矣虛浮傲物是人生障  
道因緣然傲非必以輕忽為心肆陵侮之行而後謂  
之傲也見己之是而不自見其過見人之不若己而  
不見其勝已不能善與人同而樂取諸人皆傲惰之  
心也故虛浮之氣日隨知識以長而不自覺今士儀



自覺其傲則傲不能為士儀病可知矣然僕豈敢謂吾輩精神志意果無纖微之近乎傲與虛浮而謂士儀之言為無病認病刻責過甚者耶昔顏子有不善未嘗不知故知之未嘗復行今吾輩誠能于己之不善知之者則不復行如是而致其知則凡幾微隱伏必不可得而欺亦如顏子之未嘗不知故非謙則不足以復而非深自刻責則不能謙願士儀益勉之甚冗草草作復諸友相見出此見意久不得玄畧書殊懸念使中亦望道此

答希冉

來書謂欲因事勉強收拾放心何為事至之時將欲勉強者又不能自致而此心茫然不知所之足見別後省察不懈然亦是學問頭腦不甚分明所以有此夫心者仁義之心放其良心者不仁不義之心收其放心者去其不仁不義以復其心之仁義蓋已所自有而自得之者也夫學道莫先於立志志苟真切如饑之求食渴之求飲欲仁斯仁欲義斯義矣凡欲勉強而不能自致者志不真切故也希冉去吾千里之遠然志欲通書便能通書豈有自己仁義之心不假外求顧欲勉強而不能自致耶於此可以責志矣明

德者明其明德於天下國家親民者親其天下國家之民民非對君而言如務民之義民可使由之民即人也如必對君言民則庶人豈復有親民者哉夫言親親仁民愛物則民與親對物與民對若專言民則親與物皆舉之矣若專言物則如厚德載物成已成物之類親與民皆舉之矣豈亦以人為禽獸草木邪小試暫屈且可脩已待時救水可以盡權祿養不如善養古之孝事其親者如此千萬努力薄遠草草

答劉成卿

來書足見為學真切然尚有可論者謂良知之學無間動靜則誠然矣謂隨事精察細處皆理暇則靜坐更覺此心靈瑩不昧却似微有動靜之分也夫意念之知覺為感知覺之感應為事覺接人即意在接人是為接人之事覺靜坐即意在靜坐是為靜坐之事故事者非他意念之感應者也靜坐非暇接人非接靜坐非無接人非始有也意有善惡故有格不格之物致知者良知文理密察知善必為知不善必改是謂各得其理是謂靈瑩非有二也今往往二言之恐是語病然毫釐不察則接人與靜坐有兩種境界各得其理與此心靈瑩有兩種功夫其於精一之旨將

不免於千里之謬矣來書又謂學者所以疑良知之說皆習見口耳之知遂以爲外初不知達天德之知誠然誠然然口耳在外而知即天德之知也故知一而已矣無內外也無自欺以自慊者知亦一而已矣亦無內外也今之疑者恐未嘗有正心誠意之志尚何內外之能辨哉來書又謂浮氣橫生遇事過於慷慨峭而不裕益無柔克之道知峭而不裕爲浮氣即是良知既知之即警惕懲艾氣自不浮即是柔克即是致知然浮氣亦只是好勝與功利之私根着於心故感觸則勃然而動然蕩滌好勝與功利之私浮氣

南齊先生文集卷之十一

五十二

自無由生所謂持志以養氣者也若不知於志上着力別求柔克之道恐未免如扶醉漢扶起一邊倒着一邊矣先塋工方嚴作復草草

### 祭王心齋文

嗚呼自先師倡道多士景馳中行不得狂狷徒思海邦崛起天挺環奇泛千里之夜航叩龍門而攝齊毅然任重餘力靡遺道之云遠邁往不辭師喜謂我乃今得狂者而與之逍遙歌竟哲人既萎凡聲應氣求者鼓踵延頸望廬爲歸莫不虛往實還喜色溢眉猶之旅人瑣瑣忽卽次而懷衾蓋兄迪德自身率作有

機樂必誅孔志靡慙伊其所以使人不惑與民咸宜者蓋出乎聲色之外而今不可復追矣嗚呼哀哉憶昔豫章之館接榻連帷都門執別携手牽衣相期謂何兄心我知我官白下兄家近畿瞻望伊邇合并有時剖疑辨惑眷我依依兄有倚廬之感我奉先櫬而西謂易纖之後彼我無羈或遲兄於匡麓或從兄於海濱兄駕宜枉我舟可維詎意幽明之隔遽在今茲也嗚呼哀哉嗚呼哀哉道之不明學者各是所習異路多岐躬行無實於斯紛披慨頭顧之將老悟曩昔之既非方且會友輔仁畢力於斯神完氣守其殆庶幾所望於兄者如舟忙師如沉疴之藥醫一朝遽忽嗟予持此其從誰誠摧裂悲愴不覺涕泗之交頤也悵隙駒之飛驤感蓬露之易晞倘朝聞之可與競畧刻於璧珪維岳瀨之爲嚴寔神輶而鬼窺靈爽不昧尚相我於冥冥也宿草可待絮酒無期聊馳薄奠臨風凄其

南齊先生文集卷之十一

五十三

### 祭薛中離文

嗚呼聖學濯旃降自周程天啓先師以覺我人兄聞風而崛起昆弟嗣其蜚英始鑽堅於南都繼仰高於及城曰大道其不遠惟寡欲以養心察良知之獨燭

見天性之孔神豈日乾而夕惕若臨履於淵水剪康  
衢之榛穢寒多岐之紛紜慨任重而道遠剛邁往而  
遐征置幾譽於若一何得喪之能嬰既遭蹶以林卧  
益鉤極於精深謂困苦與拂鬱始天意之可謀胡六  
十而湓化曾不假以邀齡某等別兄八載恍若暮與  
今晨讀研幾質疑之錄若面命而耳聆得伏枕之環  
函惠進脩之好音矢盡滌其偏蔽酌雅志於平生此  
緘未啓函計先承諒眇末之在念取近譬以相箴敬  
服膺而勿墜敢忘垂絕之殷勤知靈爽之不昧聽斯  
語於冥冥

祭戚補之文

嗚呼別補之餘十年矣雖書簡時通問辨往復然常  
恨不得覲面砥礪如金陵時去歲聞引疾得謝士民  
懇留上官催復任而補之堅卧不起予以爲自今以  
往相携於山水間追舞雩之遊尋詠春之樂將有日  
矣而補之遽爾長逝豈不哀哉補之之卒予不知月  
日戚致中書以今年正月至自金陵沈思畏書四月  
至自閩皆云去年五月不言何日計墓上今宿草矣  
而予之悲始新也夫人必有欲明明德於天下之志  
而後可與其學然或不知致知以爲本格物以爲功

南軒先生文集卷之十一

五十三

又或不得其要求知於聞見離物於身心故泛濫無  
歸而不可與適道補之既有其志又知其本又得其  
要而學之不倦此豈惟近世朋友中所難及雖古之  
學者如補之豈易得哉然豐其才而畜其年豈天遂  
無意於斯文也往予官金陵惟補之與貢玄畧首來  
請學旣而沈思畏張士儀諸子相率繼至乃今倡和  
成風微寧間向學者無慮數十百人則皆二三子者  
身率之也而補之遽尔不作豈惟數子失所匡輔予  
苟存喙息倘相從朋輩探九華三山之勝欲求起助  
於補之而不可復得矣嗚呼哀哉遙將薄奠寓我哀  
思補之有靈尚啓翼吾黨于冥漠之間庶幾日進於  
無疆是固補之平日與人爲善欲明明德於天下之  
心也嗚呼哀哉

祭戚南玄文

嗚呼南玄有濟世之才造道之力方期其任重遠到  
而竟未究其志之所極六十曰耆况過其紀然吾黨  
之所望者未涯則又惡能無憾於天奪之亟也南玄  
直諒多聞相規相益其法言凜凜恐人口陷於惡如  
迅雷之震驚而異語恟恟誘人同歸於善如和風之  
煦育嗚呼乃今不可復聞已矣蓋四方同志所同嗟

南軒先生文集卷之十一

五十四

豈予二三人者獨銜哀而內戚也。滁為先師過化之地而全椒為屬邑。流風未遠。廟貌可即。或目擊而與或神會而得重以南玄之切切。惻惻振奮。誘掖况良知之在人心。其耿耿不可欺者。昭如爛如。中天白日。豈昔則融明而今遽晦。蝕然則南玄相規相益之意。或亦可以無憾。而吾黨學道未聞良朋凋謝。將孰與論心而考德。誠抱痛綿綿不自知其摧裂也。聊陳淺貧。寫此悲悵。南玄有靈。諒我衷臆。我思我行尚無忘默啓而陰翊也。

### 祭劉晴川文

嗚呼忠信篤敬之學。孝友仁讓之行。正直寒謫之節。循良愷悌之政。默而成之。不言而信。如吾晴川。非吾黨所願學而未能者歟。謂天佑斯文。假兄以年。使後死者得與于斯也。孰謂其遽已耶。嗚呼。天之意果何如也。憶昔與兄師門共學。接席連床。動踰數月。語焉而不厭。其騷然焉而不疑。其秘相觀相砥之益。惟予與兄自細之而朋儕或未盡知也。宦轍驟離。垂三寸載。回首往事。喟焉悵恨。乃者兄脫羈馭。予以憂還側。聞雲津白鶴之會。與二三同志更唱迭和。旋相為主。私心幸願。喟息苟存。相從有日。言別南明。有懷耿耿。

曾未數月。忽以病告。饋藥使還。謂必無虞。日望有瘳。計首遠聞。撫膺一痛如癡。如夢。嗚呼。哀哉。江渚徘徊。竟成永訣。疾不得問。欽不得視。易簀之言。不得聞。平昔所期付之渺茫。姑痛在心。誰訴。誰語。嗚呼。死者誠無愧於生者矣。而今而後。生者亦豈敢有愧於死者哉。惟兄靈爽不昧。啓翼吾黨。使日進於無疆。固平日直諒之心也。嗚呼。哀哉。

### 大司馬翁公傳

公名萬達。字仁夫。別號東崖。揭陽鮑江里人也。其先甫人。徙揭陽。上五年。公舉進士。除戶部主事。嘗主河西告緡。劾諸豪閹出貨及侵地姦狀。尋視通州漕諸豪亡敢抗漕法。又陳言鹽筴便宜事。

上從之。京師饑。公以郎中奉命行縣發粟多全活。部尚書以為能。尋拜二千石。守梧州。其治郡以興學。校正風俗為首務。會咸寧侯仇鸞提兵戍梧。軍吏藉聲勢橫甚。公捕首事者十餘曹。盡遣之一軍。皆畏服。梧苦督府共億。公省繇費便民。而督府倚辦郡中公又事事立辦。居四年。上下胥安。其政丁酉。安南人鄭惟僚上莫登庸篡立狀。

上命咸寧侯及司馬卿二人將兵討之。公以廣西按

察副使置軍中時登庸佯言薄廣東且採毒藥試刃收巴豆圍集置上流埋竹筒地中陷馬足又行金塞上間我軍關吏無所禁公募敢死士梁文翰等微得虜虛實乃下令諸吏民即出塞外通虜者罪收族謀者遂絕公乃謁毛公曰大司馬奉

詔討賊懸孤軍深入此難以趣利龍憑二州諸夷趙楷草應李寰等且約虜為內應此發難不難三人者深相結急之則易為變又楷寰精悍難卒勝獨韋應悞易禽應禽楷寰可虜也語曰攻堅則瑕者堅攻瑕則堅者瑕顧能降此三人登庸易與耳毛公曰善則

南齊先生集卷之十一

五十五

以兵屈公公陰使人召思明府酋長黃朝授方略伏甲士禽應無何獲楷寰皆論死登庸固以駭懼而公曰吾且益先聲伐之會亂騰峽反酋勝海刺死海弟公丁反故地公出奇計虜斬公丁而從兩軍收公丁餘黨鼓譟進夾擊賊皆殊死拒徑布蒺藜蒺藜隘塞巨木懸石樹杪伏機弩毒鏢戟莽觸立死公皆以計奪之乘勝逐北斬首數百級盡降其衆三千人初四峒轄忠州其後峒蒙黃賢相割據峒峒改隸思明府忠州數爭之議未決乃下公議公曰今之議峒者三州郡相持議蓋一則不相下議中分則取國籍變置

之非民便也議立縣立所縣簿責急難以得民和所權輕緩急非所賴此三者則有司之計過也不若割屬南寧置通判一人鎮撫之以指揮戍守此得峒完峒民曰幸甚黃賢相不奉令且負峒反督府問公狀公曰峒父老苦賢相久矣今且有主奈何從賢相反哉願遣一偏將軍移軍南寧旦夕且下居有頃賢相以地降登庸聞之恐甚乃曰上發兵討我諸將不急擊顧先平諸內夷嘗我也公護軍軍龍憑壁虜境上軍吏獲謀者丁南傑致麾下公盡得虜狀釋其縛遣之丁南傑告登庸曰趣降不者且為虜登庸

南齊先生集卷之十一

五十六

愈益恐乃歛關請降遣諸子莫文明入朝上疏請罪詔罷安南為都統使司登庸以都統使監其國公論最加秩賞資優厚先是擢參政浙江督府疏請留公遂改廣西仍治軍事至是擢四川按察使尋以陝西布政使拜右副都御史巡撫陝西乙巳進兵節右侍郎總督宣大諸邊始至奏裨將卻永美與等罷之諸將奉約束唯謹秋發卒乘亭郵分布既定乃陰遣健卒數百行察勤怠以殊和油納竹筒中給之豹曰亡守者第殊署其處勿復問而亭卒即面縛受罪由是人人震懼亡敢失伍者八月匈奴大入分徵諸

將兵卻之簡材官善射者夾道而伏虜多射死尋遁去上聞之賜璽書勞公時壯士王千斤力戰死公哭之哀以死事聞請爲之立祠官其子邊人無不感泣公以邊地踔遠虜出沒難備乃東自老營堡距滑石澗築塙二萬丈許告成事進公右都御史蔭子思佐國學生大同宗室克灼等謀不道且開虜入公知之則授成大同將周尚文發奸狀公又推轂尚文本謀口不言功詔繫克灼論如法公進左都御史再蔭公弟萬程會議復河套公上議凡數千言大要論復套與搗巢不同惟謹烽燧輯行伍足饋餉以俟虜南寧先生遺集卷之十一  
手札一

隙爲計之得語在公奏牘中已酉春虜宣寇宣府且薄居庸奪關入公上疏曰虜素號宣府諸將易與即盛氣入其鋒不可當誠得大同將周尚文部銳卒代宣府將虜可格也上從之且趣尚文行虜薄曹家庄不虞尚文卒至尚文當虜數十萬力戰三日夜圍屢解公聞之從壯騎數千赴尚文軍騎士諫曰虜衆公且無柰虜何俱死無爲也公叱曰逗遛者傳軍法躍馬爲諸騎先距虜壁四十里會大風起公則車騎曳柴進虜太驚曰翁太師至矣夜解圍而遁公遣尚文從輕騎掩虜破之獻首功四十級

上大喜進公兵部尚書齊賜甚厚五月召入爲兵部尚書尋奔喪去庚戌七月大同諸將失利烽火通京師群臣上議請亟召公入公居廬疽發背固請終喪八月虜由古北口入薄城下上憂之甚趣召公代兵部尚書公聞詔泣曰臣待罪行間主憂至此此臣效死報主之秋也乃倍日并行乘傳四十日詣闕下而大將軍仇鸞雅不喜公上數問公不至鸞乘譖公乃以侍郎王公爲兵部尚書罷公不用尋復兵部右侍郎經畧紫荆諸關事會疽發病甚上疏乞骸骨且終喪南寧先生遺集卷之十一  
手札一

上怒坐疏不敬褫職公既還而上念公不置壬子十月復公兵部尚書公方約車游武夷次三河公崇丘在焉語友人曰我死必居此至清流病作語其僕曰趣歸吾將逝矣次上杭病乃亟公仰天哭曰臣驚下徒受上知不意先填溝壑臣死何憾其如君恩何侍者問家事不答死後二日乃歛正寢而欣如生年五十五詔至公蓋棺矣公子以聞請葬祭如故事制曰可太史氏曰余讀漢記視霍去病馬援爲將豈不偉丈夫哉然當武帝時天下不無事矣驃騎馮貴戚之權則用武之資也夫彼從光武起

故知兵卒 天子脩太平之業士去尺籍久矣公以  
書生言其事決筴制勝若嘆惜宿將此遵何術哉余  
聞公生六年喪陳太夫人哀之甚及樹先尚書基親  
荷舉負土此其閑於人倫蓋天性也公為郎時日與  
余及山陰王汝中南昌魏師說吉水羅達夫毘陵唐  
應德諸子談性命之學至夜分不寐雖數有軍功一  
切以寄勝大都誠意所致則忠孝者之為耶記曰我  
戰則克公近之矣

南野先生文集

卷之二

六十二

歐陽南野先生文選卷之二終

歐陽南野先生文選卷之三

友人王

門人李春芳選編

馮惟訥校訂

書

寄唐荆川

遠遠不得時承動定尊體想願養完固龍溪全焦之  
期曾一踐約否自入京益覺善與人同之難平居所  
與遊處志同氣合相敬相愛自謂有根心生色之實  
至遇齟齬拂逆未免憎嫌又自以為好善惡惡之本  
心而不知黨同伐異是已非人固已潛滋暗長乃知  
舍已從人樂取諸人以為善真大舜之所以為大然  
非有不善未嘗不知知之未嘗復行者亦未易以深  
造乎此也日月于邁白髮被髮主盟斯文在二三君  
子向見思齋寄書念菴銳然於此道過從間為道瞻  
企

答曾思極

仰齋還承手翰論及近功足見冗不廢學甚慰遠懷  
茲檢查原書偶不見畧記憶大意似謂處俗事多生  
厭懌所與共事者非吾黨易動客氣夫厭懌非必因



俗事而後生也要之有厭事之心故遇事輒發耳客氣亦非必非吾黨而後動也吾心客氣本未消除故拂意斯萌耳苟心不厭煩則無事非道安有可厭之事客氣消盡則衆寡小大處之如一又安有動氣之時故曰與人忠執事敬此仁者之事蠶貂可行思極試驗之此心以爲何如風便更希往復

### 答陳豹谷

唐照磨來承教翰牒感慰無任良知之學來論所謂篤志用功死生一念者既盡之矣審如是自能毋自欺而常自慊自能見過內訟不咎未嘗不知知之

未嘗復行自能精義利用窮神知化今之學者卑之則泥于粗淺形迹之末而不足以致精高之則玄悟妙詣未免流于意想知識而無補于實用要皆未嘗篤志用功死生一念之致然也如是而欲格物致知以明明德于天下猶之却步而求前也夫明其惻隱羞惡之德于天下而仁義不可勝用明其恭敬是非之德于天下而禮智不可勝用故近之爲愛親敬兄遠之爲仁民愛物本皆實事莫非躬行非志篤而不以忿欲二其心者不足以與此執事師帥一郡身教言教當與諸共學者立志處警省提掇使之自成自

正恐志之一字未有着落則所謂篤而二者俱閒淡而凡識見之所到思索之所及俱爲捕風捉影無着實跟脚也僕近日所身親試驗者如此惟明念之先師倡絕學之緒所賴以承傳不墜緊二同志是望惟高明念之鄧仲質不及作書幸出此見意

### 答王弼齋

兩承手教謂良知之體未能灑然謂心不專一爲事所亂足知執事學以致道內省精密如此幸甚慰甚夫良知至虛至靈是是非非本無方體本自灑然者

也忽而不戒私意時作於是拘牽壅繫而有不得灑然者是非之心一而不二雖事物紛擾而是非常定所謂道心也戒而不精人事時雜殆有不能專一物交而引而爲物所亂者孟子言思則得之思也者戒慎審察之謂精之功也故能得其本心而物莫能奪一之用也物莫能奪故是是非非圓神不滯無往而不灑然者精一之極也故曰齋戒以神明其德戒懼慎獨之外別無巧法矣然非真有志於大人之學欲明其明德於天下者不足以語此故莫先於辨志志者精志一斯一夫用志精一而氣習意見消融不

盡力不逮志者有矣未有志不精一而能精義入神者也執事天常甚厚往歲傾嚮誠切而歎會不數未卒所請至今常以爲憾連發兩緘良切得朋之喜輒此奉答尚俟來教

二

示以續疑數十章反覆潛玩知皆體驗所得而非若世之入耳出口者也然其中亦有沿習舊聞察之未精者鄙見所及不敢不盡輒因良便粗陳梗槩

疑云意者心之發未發之時本體常明非意也以意爲心則心常有意則有所意之發以時是

常無意也常無所也又云心者知之體而寂感有時意者感之始而變動不一

人心生意流行而變化無方所謂意也忽焉而紛紜者意之動忽焉而專一者意之靜靜非無意而動非始有蓋紛紜專一相形而互異所謂易也寂然者言其體之不動於欲感通者言其用之不礙於私體用一原顯微無間非時寂時感而有未感以前別爲未發之時蓋雖諸念悉泯而兢業中存卽懼意也卽發也雖憂患不作而怡靜自如卽樂意也卽發也喜怒哀樂之未發謂之中蓋卽喜怒哀樂之發而指其有

未發者猶之曰視聽之未發謂之聰明聰明豈與視聽爲對而各一其時乎聖人之常以其情順萬事而無情是常有意而常無意也常有意者變化無方而流行不息故無始常無意者流行變化而未嘗遲留重滯故無所伊尹任的意思在是所重在救民故不得爲聖之時蓋異乎無所重滯而時出之者耳故有所者意有所重非謂常有意爲有所必有時未發有時而發然後爲發之以時而無意無所也

疑云世之言正心格物異者格物之說紛然而不得其本既知其本而又過於合一不言先後其於

格物之際猶未喻也又云心與萬物同行而感居其中聖人患人之不能常寂有感累之故獨致意於感曰先誠其意意既有所累非由心之本體則不誠矣故誠亦正也又患人以其出於心者爲誠而有我之心非心也必其本體之常明至虛至明而後謂之心此誠之所自山本體常累意不可得而誠也故曰先致其知致亦正也誠意者正心之中舉其尤要者言互爲先後體用一原之道也大學言先後蓋秩然有序而不可少有交互者今夫心之不正由其意念有妄非但邪妄俗情也凡遲留

重滯而有所着與墮墮斷滅而無所在皆妄也心無妄念則得其正誠者念念不妄正心之功也故欲正其心者先誠其意正則念念無妄誠之極矣故意誠而後心正此正秩然先後之序有不可亂者也知也者夫人各正性命誠立而神發者也故莫神於知亦莫誠於知雖小人習爲不善而其厭然之意誠中形外自不能已故意本誠其不誠者自知而自欺之耳致其自知之不可欺者而一毫必無所欺誠之功也故曰欲誠其意者先致其知如是則內省自慊獨知之明無少虧歟而意無不誠致知之極矣故曰知至而後意誠此又秩然先後之序有不可亂者也今日聖人患夫欲正心者不知意感之始心體易累尤爲切要故示之以誠意而意非心體則不誠誠亦正也又患夫欲誠意者誤認有我之心不知常寂而至虛至明者乃爲本心故示之以致知致亦正也如此則是就正心工夫中提掇兩種收病之要其於先後可以交互爲用未見其秩然不可亂者此恐是泥舊聞之辭若經文却是就身心上遞進指出得效處以證其必在所先簡易明白無牽纏繳繞艱難險阻之態夫人皆可用力而所以救兩種之病者亦未嘗不在

南野先生全集卷之三

六一

其中也

疑云心本與天地萬物同體但特於形體則不能相通故時靜而存時動而察誦詩讀書考其道於古講習討論質其適於人無非欲使其心與天地萬物同流貫徹而毫髮無間是謂真見其所當然而不容已不惑是也真見其所以然而不可易知命是也如是則不以物爲外以心爲內合一不二至於物也至於物然後無往而非寂矣格物學者事也知至而意誠盛德事也故各有先後

南野先生全集卷之三

誠工夫孟子所謂萬物皆備於我強恕而行以至於誠者也夫人神發爲知五性感動而萬事出物也者視聽言動喜怒哀樂之類身之所有知之所出者也視聽喜怒哀樂之類有一有不中節不中節苟密察其心之不可欺者則莫不自知之故知也者事物之則有條有理無過不及者也物出於知知在於物故致知之功亦惟在於格物而已格也者循獨知自然之則視聽格之喜怒哀樂之以至於曲折細微莫不格之改非禮以復禮改過不及以就中然後能慊其獨知而無不誠事親從兄如此即是格事親從兄之物

親師取友如此即是格親師取友之物  
此即是格親師取友之物  
神治民之物自家以至於天下自天子以至於庶人  
自始學以至於成德不可須臾離者故格物之功  
身心則切近精實於事為則周偏詳細於天地之間  
則備矣今以天地萬物為物以靜存動察考古質人  
真見其所當然與其所以然而不感知命內外合  
然後為格至於物然則農工商賈必有所不能為而  
何以誠其意何以修其身況不感知命豈初學所及  
又焉有不感知命者尚未誠意而意誠德盛者乃  
無格物之功乎若意誠心正者格物之功猶不可廢  
則所謂先後者特未定也大學心意知物四字正為  
後人差認謂動有意而靜無意故外意以求心而正  
心之功幾流於禪寂謂見識為知而外物為物故即  
物以求知而格物之功不得以著已格致誠正其功  
既異則如適遠者水陸山途舟車輜輶之用雖道歸  
於同而或交互相為非必秩然有序者矣或者謂道  
同功同則惡有先後何必序言夫得天下在得其民  
得其民在得其心得其心在聚其所欲違其所惡夫  
學之所謂先亦若此矣君子深造以道則要居安

則資深資深則左右逢原大學之所謂後亦若此矣  
豈聚欲違惡之外別有得心得民之道而深造以道  
然後用居安資深之功耶亦可以知大學本末始終  
先後之序矣

### 寄聶雙江

昨承枉教正憂懷無緒倉卒舉所聞中和之說知是  
知非之說以請正於左右而執事以為或失則太精  
或失則太粗未蒙肯肯忖測尊意必以知是知非者  
心之用也感物而動莫顯莫見者也心體貞靜隱微  
所謂未發之中不可以知是知非言者也體立用行  
靜虛動直而是是非非各中其節不得其體而從事  
於用則未矣執事蓋操存涵養實見此義非之得口  
耳想像者故然稽證據自信而無疑某之所聞無以  
異此然亦微有未盡協者夫隱顯動靜通貫一理特  
所從名言之異耳故曰中也者和也中節也其名則  
二其實一獨知也故是是非非者獨知感應之節為  
天下之達道其知則所謂貞靜隱微未發之中天下  
之大本也就是是非非之知而言其至費而隱無少  
偏倚故謂之未發之中就知之是是非非而言其至  
微而顯無少乖戾故謂之中節之和非離乎動用顯

見別有貞靜隱微之體不可以知是知非言者也程  
子謂言和則中在兵中言中則涵喜怒哀樂在其中  
蓋體用一原顯微無間之道至其答蘇季明之問謂  
知即是已發已發但可謂之和不可謂之中又謂既  
有知覺却是動怎生言靜者蓋為季明欲求中於喜  
怒哀樂未發之前則二之矣故反其詞以詰之使驗  
諸其心未有絕無知覺之時則無時不發無時不發  
則安得有所謂未發之前而已發又不可謂之中則  
中之為道與所謂未發者斷可識矣又安得前乎未  
發而求其所謂中者也既而李明自悟其言曰莫是  
於動上求靜否程子始是其說而猶未深然之正恐  
其端倪微差而毫釐之間猶未免於二之也夫體立  
用行靜虛動直者蓋聖人內外兩忘一以貫之之學  
而端倪微差未免於二之則雖與後世是內非外及  
内外交養者不同然其未得精一之旨則一而已猶  
涼期造雲門水關清風一榻幸公傾竭以教三陽關  
泰謠膺多祉牽阻未緣射慶先遣薄儀東望馳邇公  
進於化我愧知非耿耿此心將以俟後聖於百世者  
蹉跎積歲念之悵然近作二篇奉覽千萬批教  
又

誨諭諄切皆深造自得之言其中有小異於其所聞  
者於吾輩學問頗緊要關係執事皆援據先師訓語  
而推極其蘊然或未盡先師之意也敢具以請來教  
云先師謂良知是未發之中此是骨髓入微處若從  
此致之便自能感而遂通便自能物來順應便自能  
三字先師提省人免得臨事揣摩入義藥料曰雖  
然誠然便自能之說其義有七如曰視能明使自能  
察五色聽能聰使自能別五聲體用之義也先師所  
謂未發在已發之中而未嘗別有未發者存無前後  
内外而渾然一體者也如曰能食便自能飽能飲便  
自能醉是執事所主功夫效驗之義蓋微有先後之  
差而異乎體用一源者矣夫良知者常寂常感常應  
常廓然未能寂然則其感必不通未能廓然大公則  
其應必不順故致知之功致其常寂之感非離感而  
求寂也致其大公之應非無所應以為廓然也蓋即  
喜怒哀樂而求其未發之中念念必有事焉而莫非  
行其所無事時時見在刻刻完滿非有未發以前未  
臨事底一段境界一種功夫免得臨事揣摩入於義  
襲者也夫念念有事毋自欺而恒自慊即是集義即  
是致和即是致中故曰中也者和也中節也一也二

之則所謂未發者或近於二氏之虛靜其發而臨事或未免以揣摩義襲爲感通順應而不自覺亦勢有必至者矣來教云虛靈知覺自全體不得岐而二自功夫又不可混而一要之虛靈是體知覺是用又必虛而後靈也無欲則靜虛靜則明無事則虛虛則明此是周程正法眼藏可容以所知所覺混能知能覺也耶夫知覺一而已常虛常靈不動於欲欲動而知覺始失其虛靈者虛靈有時失而知覺未嘗無似不可混而一然未有無知覺之虛靈而不虛不靈亦未足以言覺故不可岐而二然此皆爲後儒有此四

南軒先生遺集卷之十一

十一

字而爲之分疏云耳若求其實而質以古聖之說則知之一字足矣不必言虛與靈而虛靈在其中虛之一字足矣不必言靈言知而靈與知在其中蓋心惟一知知惟一念一念之知徹首徹尾常動常靜本無內外本無彼此焉有虛而後靈與夫能知所知種種分別也凡種種分別者蓋未免因數字之義依文生解展轉附會非從一念之知徹底直透而不見有所謂體用先後者以執事之高明未必有此然毫釐之間亦不可不精察也周子立無欲之旨動靜皆無欲也程子所謂無事蓋情順萬事而無情內外兩忘而

澄然無事者也有動靜內外之分則用功未免有取舍有先後雖未必是內非外然要之未能兩忘則一而已來教又謂以能知覺爲良則格物自是功效以所知覺爲良是宜以格物爲功夫此執事自謂推見先師之意而不盡同其說者然恐未然也夫知以事爲體事以知爲則事不能皆循其知則知不能皆極其至故致知在格物格物在致知然後爲全功後世以格物爲功者既入於揣摩義襲而不知有致知之物以致知爲功者又近於圓覺真空而不知有格物之知及其死轉添補其然成章愈習愈熟去道愈遠

南軒先生遺集卷之十一

十一

矣故格物致知之學既不失於揣摩而亦不墮於空虛此先師所以發千聖之秘也而尊意則稍異矣雖反復究竟自以爲說異而意同無乃意有所主可以推而同之而非必自然契合也耶惟濯去舊意姑無自信以爲同也姑自疑以爲或未能無異也則千聖之秘昭然矣執事力行卓識非其所及而某必竭其愚若無所讓焉者望執事爲吾黨宗盟不敢自外姑聽其小異而遂已也東廓念菴諸兄望傳示相與裁訂見教幸甚

答萬安徐司訓



頃聞諸生亟稱盛德殊切企慕茲承遠使長箋拳拳問學謂學者學爲人而已矣切要切要又書中反覆惟踐履之爲務口耳談說之爲戒與世之空言無實者天淵懸絕敬服敬服但謂六經四書皆爲人之法度學爲人者按其述而學之却恐未及深考六經論學宗趣未盡古人爲學之道此則僕之所願聞教者也夫堯舜精一於人心道心大學定靜安慮以止至善中庸戒懼謹獨以致中和至善得中和致則大本立而達道行此古人近裏切已須臾不離之學而學之弗能辨之弗明則人一已百人十已千而不能自已者不知執事所謂學爲人者其亦若此也乎則不當徒按其述而已也即如來教謂論語中弟子入則孝一章甚明甚近只一二時講之便了而未有能盡行之者又謂孝弟中如冬溫夏清昏定晨省出告反面之類易知易行而未有能盡行之者矣夫甚明甚近易知易行又孩提之所固有而卒未之能行亦可思其故矣此豈非少艾妻子種種外慕有以奪其根心之愛耶夫人子非深愛根心則溫清定省之類雖一一擬古述而行之猶未足言孝而况外慕既奪其心則雖欲擬述古人必不可得譬之風寒痰濕

戕賊元氣筋節痿痺支體未強則揖讓拜起周旋進退雖欲學無病之人勢不能矣故道有本學有源古人踐履之學養性以達道根心以生色其親師取友如病就醫審問明辨如饑求食如渴求飲彼誠有不能自己者也故堯舜君臣之間都俞吁咈自相師資如恐不逮孔子憂學之不講喜起予之益發憤忘食不知老之將至子路顏淵親老家貧從師於患難之中幾遭死亡而不舍此非用力於仁既竭吾才真見道之無窮真知己之不足者未易以矯強爲此也凡來教中僕所疑而欲請者尚多第以踐履二字世所

答應做菴



承手書教以學問之道幸甚幸甚且復拳拳以不  
相與講明爲憾鄙心更切也謹畧具請教惟高明裁  
焉來教謂陽明公道學自修之功未嘗有缺又謂孔  
子教顏子以博文約禮其他如問仁問孝之類皆因  
材而篤未嘗輒語以高遠之事誠然至謂陽明公教  
人畧下學而語上達及門之士能者從之然不能者  
則多矣此殆承傳之誤未盡公立教之旨也公之教  
本之大學其言曰學莫要於致知知也者已所獨知  
誠不可掩不慮而知者也應物處事慎其獨而毋敢  
自欺格物以致之也至於事事物物能循其知而自  
慊焉則物格知致而意誠矣小人見君子而厭然若  
人之見其肺肝其獨知之明誠中形外至微而顯苟  
由此而慎乎其獨改不善而遷於善則亦可以爲君  
子蓋古之所謂上學者如此而陽明述之雖閒居爲  
不善無所不至者亦可使與能焉執事乃病其畧下  
學語上達而及門之士有能與不能殆狃於後世以  
心學爲上達而專謂讀書考古者爲下學歟審若是  
則凡所謂道學自修博文約禮或亦未盡先聖之旨  
矣敢并述所聞以請大學者學其所未能修者修其  
所已學良知知惻隱知羞惡知恭敬知是非人皆一

之不學而能者也欲動私勝而後有所未能故學焉  
以求能而學之弗能則弗措焉處事應物慎其獨知  
而不自欺者學之功也讀書考古則所以問辨其所  
學而亦博學之一事問生於有所不知辨生於有所  
不明有時乎爲之學則無時無事而不習焉者也孔  
子曰博學於文約之以禮文非獨詩書六藝已也物  
相雜故曰文若視聽言動之類燦然有文者也於視  
聽言動物物而學之其要克已復禮而已故博學者  
博學其禮禮一也故曰約約禮者約禮於文文不可  
窮也故曰博其實則所謂非禮勿視聽言動者也本  
非二事非有先後孔子之言可考也謂先博文而後  
約禮孔子無是言也謂通古今達事變爲博文尊所  
聞行所知爲約禮謂格物致知爲博文克已復禮爲  
約禮孔子無是言也皆後儒以已意附益之也今之  
學者習於附益之說率聖訓以就之者不少矣其爲  
教謂必求文字索講論以明其知而後慎獨知以誠  
其意若秩然有條然獨知無間可息不可得而後也  
文字講論莫非良知之用而亦莫非慎獨之所在不  
可得而二也其流以知識爲良知知識甚廣而良知  
之蔽日深以詞說先踐履踐履日衰而詞說之文日

盛執事所謂兢華忘實者亦嘗深察其端識其重而亟反之乎來教又謂宜使人誠意正心以修其身庶幾士有實用而淳厚之治可復嗟乎執事及此言也斯民之幸也然自三代而下亦君可觀矣要之格物致知之道不明而浸遠以至於今先講說以廣知識漢人之蔽也而今則以爲聖學之宗務踐履以充良知孔孟之教也而今則以爲近日之特倡二者執實孰虛孰淳孰濁其若黑白之易辨者其在高明當既有定見矣性無情誨區區之祝

答問啓明

南野先生遺書卷之三  
使至得書知抵家及入陝消息爲慰承諭客况頗足順靜淵默中覺有春意遇事叢還亦順應得去不至動意益決志守師訓以此學時時覺照更有滋味不識此意流通既久便可語廓然大公便可語良知否又云關中無可語此者問與儒學師生一論意頗懇切思欲鼓舞數人以其此學然亦不過唯唯未見其出而辨論者及覆披誦知別後進學不懈內以成已外以成物使朋輩皆能若是吾人不淺多乎幸甚幸甚其間功夫有當商者輒因來論及之良知未嘗不靜然不可專求順靜凡感應酬酢紛紜轉輾良

知昭然不動於邪妄莫非靜也淵默中固有恬愉春意然七情感發喜怒哀懼各有所常得其當良知之所自慊莫非春意也順應固不至大動意念然事有當熟思審處者雖至於困心衡慮夜以繼日亦良知所不容已非自私而用智莫非順應也要之良知一念覺照即一念大公順應念念覺照即時時大公順應在志之決與不決何如耳啓明既決志則其深造自得居安資深非難矣良知人所同有孩提之童皆知愛敬見孺子入井皆知怵惕後長皆知徐行嘽蹠之食乞人猶知不肩放僻邪侈者見君子猶知慚悔相師以及階及席即豎子爲之無以異於聖人凡告人而唯唯無辨安知非至易至近之道有以感其同然之心也耶然亦有蔽於舊習之久而茫然不知所謂如醉迷強奔忘返其家雖告之諄諄而聽之藐藐者惟先覺者真誠惻怛誨語不倦既其醒然而悟則問途求導自有所不容已而精神之所風動自遠將不但師生數人而已即如來書所謂省刑薄賦與民休息荒餒作急處賑番夷內寇常費議處未敢安枕而卧即此是良知怵惕惻隱故事好謀之念循此知而克之實爲其事即是格物致知之學與有司事此

即是與有司共學與將校事此即是與將校共學推而達之將無不可與語此者矣承啓明遠問不覺縷縷然心之惓惓猶有非言語所能盡者惟啓明亮之

又

承示賑濟及墩堡諸議委曲詳明救時急務經國遠猷爲之有序成之以漸足徵明德新民之實學幸甚慰甚君子隨其所居之位事事物物循其是非之知毋自欺而求自慊所是必爲所非必不爲果斷縝密無所不盡故物格而知致此知是心之明德是天理之昭明靈覺處知常不欺即是天理常流行知致於

南野先生文集卷之三

七

事事物物以達之天下即是明德明於天下啓明謂日用動靜先明諸心以致良知本體務使念念覺照天理流行既得之矣又謂有未能豁然處還須指點方得通快無乃自生疑貳自作滯礙乎凡人心疑貳滯礙未能自快皆未免功利之私牽制顧慮雖與顯顯自欺者不同然亦未得爲無自欺也啓明於此更加斬截當無不豁然者矣先明諸心然後力行伊川先生此語意亦未瑩明道先生謂明得盡渣滓便渾化却與天地同體然則不力行者豈得謂明諸心乎啓明引用此語意思何如毫釐千里亦不可不察也

心之精微言莫能宣加以筆戔之餘語無倫次萬萬心照白崖道長儻出此商之

答陸主政子翼

昨者竟日淹留然鄙懷尚未盡也格物致知是吾人日用間身心上著實工夫心必有意意必有知知必有物物也者知之感應酬酢若視聽言動喜怒哀樂之類所謂萬物皆備於我者也知也者自知之明視聽言動之非禮喜怒哀樂之不中節一切善與不善誠密察而不自欺則莫不知之所謂物之則也格如格其非心之格是正其不正以歸於正凡感應

南野先生文集卷之三

七

酢酢察其自知之不可欺者物物格之視聽言動去非禮以復於禮喜怒哀樂去過不及以中其節一切事爲必不肯掩不善而著善使吾自知之明常自快足極乎其至而無有厭然不滿之處於身如此是謂修身於事親從兄宜其家人如此便是齊家於事上臨民錢穀甲兵用人立政莫不如此便是治國平天下吾人舍此一段功夫更無安身立命處然非真有明明德於天下之志亦只是空談子翼明敏特達僕所望於子翼者不但爲一代名世偉人然名世偉人事業亦不能舍此格物致知別有着力處也先師大

學古本提掇此事頗明今往一冊觀之請於日用間切已體驗必有所得亦必有所疑更能迂程過我信宿而別則後會雖未可期亦庶幾不負子翼拳拳之愛矣

### 答王新甫督學

王節推來領手書講義及祭陽明先師文知別後新功精進且啓迪諸生大有發明夫如是德安得而不日崇業安得而不日廣也喜幸之餘聊因來書所及少效區區以助進修來書謂官不得暇未能以心照事纔煩輒有靜想靜想既生惡外之心益甚病痛自

南野先生遺書卷之三

二十三

覺然終不能強夫自覺則不待強不能強則覺未必真切也蓋猶是厭煩想靜之心覺厭煩想靜之病譬之夢中輕醒與寤後尚有間耳夫厭煩殆起於以心照事乎夫心知覺運動而已事者知覺之運動照者運動之知覺無內外動靜而渾然一體者也以心照事則未免有內外動靜之分必以為非靜則不能照非暇則不能靜事煩則不能暇而愛憎取舍展轉相尋為病矣夫官不可以求暇也民未遂其生與未復其本心何啻水火之焚溺治民者將以救焚拯溺也烏得厭煩厭煩求靜得非救焚拯溺之心有所未切

乎新甫誠體察此心之或未切與以心照事或未能無內外動靜之分於此得力則厭煩想靜之病自當釋然無有自覺而不能強矣來書謂此心本體原自與天地上下同流一着念起旋為障礙而本來分量有未能盡誠然誠然心之良知本自真誠惻怛於親本自能親於民本自能仁於物本自能愛此真誠惻怛周流於親親仁民愛物之中而變動不居皆其本體之自然而不容一毫意必著於其間真如天地之覆載而與之同流稍着意必便不能周流變通而充塞天地矣所謂上下同流而着念旋生障礙者如此

南野先生遺書卷之三

二十三

近時朋友乃欲於自心體認箇上下同流體段而應用隨作應語隨答任運騰騰無作無住以是為見本體為無障礙恐駸駸流入玄虛濇蕩此固非新甫所云然亦不可不知此蔽也來書謂孔孟所謂致知所謂盡心功夫只是去私如磨出鏡之本體則萬物靡不停當此是合下自得自悟決非湊泊襲取如是下手則本體原自高明廣大功夫亦自切實此論極精當然須知得良知是箇真誠惻怛溫恭退讓的心五倫百行皆此一念故致者致此盡者盡此而所謂自得自悟高明廣大者原無毫髮不切實也來書謂後

進甚聰明但卑幼不敢承當之病深入骨髓近聚百餘人於省下教之必拔去其根方有可進凡不可承當者必以為高遠不可幾及故耳夫堯舜之道孝弟而已矣孔子之道忠恕而已矣今語人以堯舜孔子或不放當若語人以愛親敬兄已所不欲勿施於人又何不放當之有故夫子循循善誘而善教則無棄人新甫念之來書謂誠未能動任性往往柄鑿甚至有已行而思之久而自慚者是見體察之密夫性無不善故其發無不惻隱無不恭敬所謂良知者也念念任其良知而無不致則愛人而人恒愛敬人而人恒敬故凡抵牾柄鑿者或未嘗念念致其良知者也誠念念致其良知又焉有已行而後思既久而後慚乎此可以知未能動物之故矣講義直寫自心所見於學者極有益首篇言聲色之非禮自外來此殆亦相沿之誤蓋孔子所謂非禮勿視聽者乃視聽之非禮已之私也如聽法語而弗從弗改聽異語而弗悅弗釋即是已私即是聽不由禮視之非禮亦如此類勿者勿此非在外也他篇亦有欲論者且未能一一姑俟後便新除殊出意外辭疏發已月餘倘更有嚴命則服闋後戒行遂不敢緩相見未期凡可益我者

寄書示知幸甚幸甚

答王武陽

書知近况為慰且聞彼中士友向學者衆雖大邦自宜有此亦吾兄有以感之也近日東廊晴川諸公杜會南明小館留十餘日兩邑士友聚者數十人卓然者不少反從講習甚受麗澤之益昨有患私意不能消盡者僕告之曰志不真則放逸而為私意志真則不放逸私意無由生矣其友乃自敘立志未嘗不真即今親師收友與凡應事接物莫不專心致志而放逸竟不能無宜別有消除之方則喻之曰今人行康莊坦途固未嘗不專心致志然而行歌亥險徑者則心又加嚴矣若夫羊腸鳥道左右深淵全生殞命係於慎肆之間則其專心致志比之歎亥險徑者已自不同同視康莊坦途則幾於無所用心者矣今諸君亦嘗以心之存亡為軀命生死乎則其專心致志恐未必如行羊腸鳥道者戒之嚴而凡所以於其心者間隙未嘗空塞其與所謂無以尚不可奪者相去何如恐未得遂謂之志真聖人言戒懼毋自欺言見寶承祭臨淵履薄已是進修要訣此外別無方法可設也其友曰心體平易如此却似意必則告之曰君

子必誠其意必慎其獨亦是意必乎以此爲意必却恐以怠緩縱弛爲平易則終於放逸而已矣時諸友皆惕然有省令郎在會中告行輒書奉聞或可爲彼中切磋之助也諸友向學得力者爲誰便中幸示知馬獅山兄朱損巖年兄見問幸致萬一意

答項甌東

頃者陶新岑遣使以尊教至立候占復既卒卒附短狀矣所示地方事宜皆切民隱私錄警發尤多第二條謂能知能行方是學又歷舉諸書如學於古訓之類皆兼知行如學問思辨好學近智之類皆單主讀

南齊先生遺集卷之三

十六

書屬知而言鄙心切有未安者夫學何爲者也人性本善故其知本良自親長之愛敬以達之天下皆良知本然之用不學而能者也蔽於私而後有不能必學焉以求能學焉以求能者去其蔽以復其良知之本能者也故學者學其所不能必無時無處無事不用其力其用至博而學之弗能則弗措焉學而有所不知則問問而不得於心則思思而不明則辨誦誦詩讀書者問辨於古人親師取友者問辨於今人篤行則學問思辨而不已焉者也問辨者學之一事讀書者又問辨之一事而曰學問思辨單主讀書竊所未

安者此也孔子稱好學近乎智力行近乎仁又曰知及之仁守之而其論智則曰不惑其論惑則曰愛之欲其生惡之欲其死曰一朝之忿忘其身以及其親論好學則曰不遷怒不貳過曰不求安飽敏事慎言就正有道然則無纖毫忿忿惑惑乎其心而後可以言智必不以纖毫忿忿惑惑其心而後可謂好學而後爲知之功讀書則就正之事問辨之謂也力行則學之不已篤行之謂也仁則智之不息及則守之之謂也知及而仁不能守則雖得之必失之然則必得之而後可以言及矣夫道豈有未行而能得者未有所得

南齊先生遺集卷之三

十七

則亦安所守也則孔門之所謂知行所謂知仁斷可識矣而專以讀書爲好學近智竊所未安者此也學古訓之說始於傳說昔者高宗恐德弗類恭默思道蓋師事甘盤既知修道修德之學知思道之功受師友之益矣其命說曰納誨輔德曰爾訓朕志予邁乃訓蓋以甘盤望說也故說稱學於古訓以對訓志邁訓之命若曰維古有訓匪說能訓蓋不敢以甘盤自居云耳然必如古人之訓而學焉自修其道自修其德孫志時敏終始典於是而巳然後道積厥躬德脩罔覺故曰古訓是式則說之所謂學古訓者然也



與孔子學詩學禮學易之說一也夫學詩則可以興是故必有興也學禮則可以立是故必有立也學易則可以無大過是故必居而安乎易之序也不然則三百之詩不達於政不能專對蓋知誦而不知學雖多而無益如此則古之所謂讀書亦不輕矣而後之所謂讀書則通其詁文識其意義而已矣以是爲知不亦輕乎於是以存心讀書分先後內外而不知其非二也不知其非二則將二之二之則失其道非徒無益而又害之矣夫存心猶之乎養生讀書猶之乎飲食也養生飲食果可二乎果有先後內外乎飲食

答湯繼寅

陶新岑鄒東廓相過亟稱愛民之政知繼寅之所以獲於上下者如此今人動稱作縣之難殊以爲苦然古聖兢兢業業克艱何敢以易心乘之而未見其苦者何也蓋其所以不敢易者精密於人心道心之幾知好生之德有未易盡而功利在所不計乃今之所以難者則皆功利之私而於所謂以不忍人之心行不忍人之政者或忽而不察是古人難今人之所易而今人易古人之所難也夫難易之辨其機甚微僕於

寅蓋不徒以今之能吏循吏相望輒效此致愛助之忱云

答孫宗禹

來書謂終日百爲此心少有蔽翳便有可悔真覺志學之密不可以造次顛沛或離又謂毀譽一念尤爲大病聲負其實輒不免於動心此皆近裡者已實語但不知宗禹所謂志是何等志志既辨則學無蔽病所覺自別蓋古人之志欲明其明德於天下明其明德於天下者欲發揮其親親仁民愛物之德於天下也故隨時隨處隨事無非學盡其親親仁民真誠惻

答陳履旋



來書謂應酬過多輒自厭煩既覺不免降心順俗愈覺不靜是蓋有意求靜故厭應酬之多厭之而不能去故降心以應而靜意未嘗忘也故愈覺不靜周子云無欲故靜今有意求靜欲也厭煩又欲也勉強順俗又欲也心惡得而靜哉又云不知未感之前還須用功抑仍在事上磨練使之慣熟以至自無煩惱而後已如此則是別有無事之時而所謂事上磨練者只作得半截功夫非大學格物致知宗旨也夫身必有心心必有意意必有知知必有事若有無事之時則亦當有無心無意無知之時耶身心意知物未始南野先生遺集卷之三  
五十一  
須臾無則格致誠正之功亦不可須臾離又焉有未感之前又焉有還須用功之疑耶夫格物致知者就身心意知感應之事精一於有過無過善與不善之幾無過則已知過則改無不善則已知善則遷於以自慊其獨知而未嘗有意必固我於其間夫改過遷善以慊其獨知則物格而知至未嘗有意必固我於其間則意誠心正而身修此古人兢兢為善必有事焉之功也故雖紛紜勞擾而不以為苦雖淵默澄靜而不以為樂蓋此心之知無間於紛紜勞擾與淵默澄靜不可得而厭不可得而貪故惟日兢兢斃而後

知與聞見之知初無二理謂聞見之知即所以致天德之知是知其本無二然於所謂第二義者或未深察而謂意之間猶有彼此則於所謂本無二者亦未免察焉不精至謂天資高者頓悟不由聞見其次必由聞見則已居然二之而究其實則有大不然者夫孩提知愛敬乞人知耻嗔蹴皆不由學慮而自知豈皆天資高者耶伏羲至聖然仰觀俯察遠求近取豈無聞見而能類萬物之情耶先師云良知即是獨知時此知之外更無知吾契但於居處執事與人之際視聽言動之間念念慎其獨知無自欺而求自慊則南野先生遺集卷之三  
五十二  
良知一以貫之有不假言說而自明者矣  
來書云諸生讀書作文不可謂之非學不可謂之非良知  
自天子以至於庶人皆以修身為本故皆以格物致知為本而隨其位分各有其物物者事也讀書作文者諸生之事猶知人安民為天子之事耕田鑿井為農夫之事制器通貨為工商之事灑掃應對為弟子之事皆其意之所用者而意有善不善故事有正不正惟慎其獨知而格之必盡其本然之善而正其不正以歸於正幾微之間一毫不以自欺則灑掃應對

便可到聖人事而況於讀書作文苟自欺其獨知不盡其本然之善則雖一匡天下民受其賜猶不得謂之仁義不得謂之學而況若今之讀書作文以功利爲心者乎明道寫字時甚敬曰非是要字好卽此是學其看史逐行看過不蹉一字及上蔡舉史書成誦又戒之曰玩物喪志吾契試以此二事令諸生於自心精察如何謂之學謂之喪志則讀書作文便可到聖人事矣

良知解云陽明不宗於堯舜而宗乎孟子蓋以孟子殺而聖人之道不傳故從孟子說起以明聖人

南野先生文集卷之三

三十二

之道又云陽明言良知而不言良能此知行合一之說言良知而良能在其中矣

陽明先師本大學格物致知爲教因後世學者以知識爲知以凡有聲色貌象於天地間者爲物失却大學本旨故爲之說曰致知是不欺其獨知獨知之知孟子所謂良知是也物是身心上意之所用之事如視聽言動喜怒哀樂之類詩所謂天生蒸民有物有則孟子所謂萬物皆備於我是也格物是就視聽喜怒哀樂諸事慎其獨知而格之必循其本然之則至於其極以自慊於其知如書言格其非心之格是也蓋先

南野先生文集卷之三

三十三

師發明大學致知本旨而引孟子以正後世之誤近時乃又有不及良能之疑又失却先師言良知之旨矣舉良知則良能固在其中然非別有所謂良能而故以良知該括之也能者知覺之運動知者運動之知覺舉良能則良知亦在其中如孟子言降才爾殊不盡其才則又言能而不及知蓋身心工夫一真俱真一得俱得若不於工夫上求實際而於文義上求分曉則將有無窮可疑而辨之雖明亦無分毫干已者矣近日學者固已皆知有知行合一之說然皆未嘗用知行合一之功故精一之旨終亦未明夫人惟一心心惟一念一念之中明覺精察之謂知真切懇到之謂行知不能真切懇到是知而不行知而不行即是病卽不得謂之知行不能明覺精察是行而不行行而不知卽是病卽不得謂之行故心之知行本一而人之不能一者失其本心者也故學之道必念念明覺精察念念真切懇到然後爲道心精一之功讀書如此卽是讀書知行合一應事接人如此卽是應事接人知行合一蓋心體本如此學亦如此非若後世以讀書考古爲知應事接物爲行判然二事而欲合一之也惟慎其獨知念念毋自欺而恒自慊則

知行無不合一者矣

同志約中云靜中觀良知本體如何驗諸天理動處果從良知發見便是自然天理有物有則至易至簡若有造作安排則是自私用智支離駁雜非良知也

良知即是獨知獨知非閒居獨處之謂也靜亦此知動亦此知雖稠人廣衆中視聽言動喜怒哀樂紛交錯應此知之明是是非非毫髮不能自欺即此是獨即此是良知本體從慎獨不自欺處發用即是良知發用即是天理物則雖至於勉強困衡亦不爲造作南野先生遺集卷之三

答沈思畏

來書謂區區常言格物之功不問時之順逆事之煩簡地之險夷人之難處易處皆可以用其力是其實不誑語足見思畏體驗所得然必立心之始不見有所謂順逆難易可以取舍惟見吾心是非善惡從之知不及去之如探湯者然後爲能與於此苟分別種

種順逆種種險夷種種難易如彼如此則既有所擇取而順逆難易之心爲之主矣順逆難易之心爲之主則雖有時而主宰不亂精神亦疑猶不足謂之格物何者從其好惡順逆之心也而況遇逆且難支吾牽強意與沮撓尚何格物之可言乎譬如惡笋穿地不務去其竹根則堅實之土雖笋不能穿不得謂之無笋而虛疎之土必且茁然有萌顧以磚石軋之尚得謂之能去竹笋使不穿地者哉來書欲脫泥淖以就清冷此是順逆難易之心分別去取此意熾然則雖不肯甘過惡如身處淵穢罪犯刑戮汲汲焉不敢南野先生遺集卷之三

寄張浮峯

僕往歲家食則浮峯在諫垣比出山而浮峯正分守

故邦南北相避如此嘉會信難諧耶但有懷望南都  
接去春翰教謂數年涉事對境覺意見想像毫髮不  
得力日用酬酢只是是非兩端感應無窮自知自  
覺自省自改極是直截極有精微所患只恐欲不能  
割纖微苟安俄頃變換平直之中便多窒礙乃假玄  
虛粉飾暗昧口進退于意見之中積歲累時總無日  
新之益此其病甚于自畫者矣誠然誠然僕以爲欲  
不能割更別無可解說只是志不果確志確則止止  
則感應酬酢湛然虛靈寂無所動於世間種種色色  
澹泊無味不見可欲又焉有欲不能割者近時有謂  
內野先生集卷之三 三十五

### 答雷古和

睽違兩月無任懷念忽奉手書恍如面即書中所稱  
天地逆旅升沉浮陰榮名委蛇好毀幻劫而人以身  
游乎天地之間所與日月爭光者此心而已此古和  
超然之見非世俗所可企及者也夫人未有不見其  
大而可與共學未有不實致其知而能立乎其大者

心之良知本自虛靈本自高明廣大不自欺而常自  
慊則虛靈之用克周而不窮故於其身也見善如不  
及見不善如探湯而未嘗有所激作也其於人也尊  
賢而容衆嘉善而矜不能而未嘗有所忿嫉也其於  
得喪毀譽若浮雲之聚散於大虛而不能爲礙若鳥  
音之過耳別擇分明而未嘗有所留滯也其撫世剛  
物是是非非隱微之幾莫見莫顯如權衡之推移而  
輕重各得其平也古和於此庶幾近之矣劉元城所  
害釋停之說殆亦有見於虛靈之用如權衡之於輕  
重者然而未易言也故學莫大於無欲聲色貨利常  
情之所溺而志士所不屑然志士之志直欲行高  
世名垂不朽則亦未免於意必之累而激作忿嫉交  
關於中亦足以汨其虛靈之用以古和之高明世俗  
嗜好自不足以干之然而志士意必之累則亦不可  
不察也庠生談經之暇有可以助我者無惜遠示庶  
因之效其一得以相切磋耳

### 答劉華峯

一別甚久展翰教如對面談浣慰可知漸脩頓悟理  
本無二而悟非可以曉解言也譬如人在夢中諸景  
見前紛紜雜擾既覺即景相盡滅湛然澄寂如是而

後可以言悟徒事曉解未有不涉於想像者矣簿書期會卽此是學古人立斯立而道斯行亦不外乎法制禁令之間故曰灑掃應對便是形而上者顧恐道心未能精一則無往而非俗矣來書脫去時俗效法道化之說亦恐外俗以求道未得爲一貫之學也海門土地壩沒人民逃移生養撫輯正賢者別利器于盤錯之秋其要在愛民之心真切懇到而已來書文法拘繫亦恐是此心未能真切懇到之故今人誠于求名誠于趨利者雖有文法莫之能拘曾謂愛民誠切而文法又能拘繫之也相見未期輒因使還少效

南寧先生文集卷之三

三十一

區區

### 答顧日巖

金陵數承切磋之益方以爲快速尔逃隔倪仰增慨使至領翰教謂蔽習深痼明晦不常存亡互勝在執事未必有此聊以自警耳然古之人云惟聖罔念以聖人或未能無罔念則執事所云殆亦自覺其有近似而非故爲泛詞可不謂能見其過而內自訟者歟夫見其過者知也內自訟則若兩邊之求勝而不容有所掩匿覆蓋故改過必力遷善必勇慎獨致知之功也夫良知未嘗不明也忽而不察則有時而或晦

耳亦未嘗不存也舍而不操則有時而或亡耳雖有時或晦而未嘗不知其晦也察之斯復明矣雖有時或亡而未嘗不知其亡也操之斯復存矣僕以是知執事之決非明晦不常存亡互勝者也決非蔽習深痼者也殆亦以是不忘其臨深履薄之心耳當以尊教偏告諸同志庶幾各有警焉以不負執事之遠念

### 答徐波石

披誦手書如奉面對所論淑人者忘已爲先能自得師則可以師天下望之厚而教之至知感知感夫人莫病於自見其善莫善於自見其不善自見其善則謂人莫能已若自見其不善則與人莫非我師然見過內訟孔子發已失之嘆以爲能此者或鮮則豈非真志未易立而勝心之易爲蔽歟此中會友拳拳以真志勝心爲言僕誠賴諸友交警互惕相與各自見其不善而自勉焉所恨會聚不能數講習不能繼故未能大有所發耳來教謂相逢莫非友相觀莫非道僕以爲勝心除而真志立則於斯其殆庶幾雖未之能亦安敢不自力也被晤未期有懷耿耿何時合允慰此傾渴

### 答陳明水

出山來不覺三春矣塵緣冗冗與日作息又復不逢  
臨川之便遂不及一通音問徒有馳嚮耳詹生來領  
手教兼承惠寄大作三復無任喜慰來教謂覺妄滅  
妄不論遲速已與先師無照無妄宗旨尚隔幾塵此  
吾兄省察至密處教我多矣然既得知無妄無照之  
良知則覺妄滅妄亦即是無照無妄古之人知過即  
改知非即復從兢兢業業不顯亦臨中來是良知本  
體如此則亦常常是箇兢兢業業不顯亦臨底良知  
亦即是無過無非無改無復本體功夫原無有二後  
之不知良知而覺妄滅妄者意見所蔽自不能不二  
南野先生遺書卷之三  
也願望願望

寄王龍溪

聞辭攸之變先師遺稿并作煨燼良可慨也洛村匡  
廬之期久候不至何耶昨過此住數日期七月復來  
匡廬之興未已兄能不孤夙期否東廓去冬來會南  
明直是功夫縝密須臾不離朋友中往往起發然求  
其真辨箇明明德於天下之志真格物以致其知者  
亦未可多得嘗思譬之行路吾輩直須穩步疾走作  
後來人引導此實切望於兄而弟亦不敢不竭力撐

持也便布此不多及

答殷時訓

得書知近况極慰所云比年以來惟知天地間止有  
此學一生止有此事又云不全放下終難湊泊可謂  
用志不分必欲纖塵淨盡一疵不存者矣甚善甚善  
又云世間一切無益可省之務盡欲屏捐而矯枉之  
過漸成迂陋此則有可論者夫一切世務知其無益  
而可省者則省之誠是也此正格物致知之學不得  
謂之矯枉若以矯爲心則於事物之應雖有益而不  
可省者將爲矯之一念所蔽或一繁屏而不自覺或

南野先生遺書卷之三

甲上

覺其過而又不肯勇改此則於物爲不格於知爲不  
致未免有喜靜厭動之偏矣夫萬物皆備於我而天  
生蒸民有物有則則者非他也良知是是非非其則  
不遠不待睨而視之彼者也事事物物循是非本然  
之則而處之必得其正爲之必用其極則貧賤富貴  
夷狄患難出處進退皆有實則而不吝以任意爲之  
此僕所願與朋輩共勉焉而不吝者因便附致區區  
幸與諸同志商訂如何便中還示知之

答陳督學

比聞銳意興學士子翕然向風得書知創建書院選



士而教之誠可謂拳拳於此矣近時士大夫雖名為  
有忘於學者未免藏頭改面不肯直下承當其稱名  
借號以爲但當潛脩默進不必立此名色不知裏許  
盡是媚世趨避私意果何所脩而亦何所進也故僕  
嘗謂爲小人而有忌憚則不能爲真小人爲君子而  
有忌憚則不能爲真君子如來書所云可謂直行不  
已者矣近日王新甫督學廣西其邁往亦如此誠得  
督學如二君者十數輩又何患此學之不明善人之  
不多也科舉仕宦猶之舟楫將以載濟人之物而布  
之四方者故舉業之學脩之於身則濟人之體立達  
南軒先生遺集卷之十二 申十二  
之於政則濟入之用行顧恐學之者未有欲明明德  
於天下之志耳如卽舉業之物循其獨知而格之必  
蘊之爲德行而發之爲文辭必以行吾之志而非以  
爲榮身肥家之計則亦所謂灑掃應對便可到聖人  
事顏孟周程復生其道必不易此由此而推之凡爲  
官者簿書期會稅歛刑罰亦莫非格物致知之功蓋  
善惡邪正不必應物其要只在定志志邪而物邪志  
正而物正矣凡此諒已瞭然明析啓迪諸士之餘罔  
以自考幸甚幸甚

答沈思畏侍御

傳習錄得廣布之甚幸序文發揮明白且平正通達  
非苟作者矣朋友中欲易投戈二字亦知思畏本諸  
標戈而反用之不易亦無害第以其疑於投戈息馬  
之云未利者得易之尤善也所論日每悠悠亦若無  
大惡者然德不神明則知齋戒功夫尚未能耳誠然  
誠然夫警惕是良知悠悠即非良知非良知即是昏  
昧昏昧即是惡今既云悠悠矣豈得謂無大惡耶又  
云費盡氣力病痛愈多却不如侍師側時雖若不甚  
費力意思反覺妥帖此似是厭困勉而樂順易以能  
無病爲心體而不以能覺多病爲功夫即此一念亦  
南軒先生遺集卷之十三 申十三  
是悠悠縱今時時安帖未必真洒然無累之本心也  
然費力亦是病蓋古之欲明其明德者其志意誠切  
真如惡惡臭如好好色故雖用力困勉人一已百人  
十已千皆心之所自慊未嘗費力故凡費力撐支只  
是此志未能誠切之故費力撐支其病小所以費力  
由未能誠切其病大最宜精察也書末所云當時傳  
聞之悞或亦疑似億度之詞耳然其人亦云失不在  
思畏但鄙意却恐思畏自反無失未免少動故以消  
除客氣致無虞之微耳聞士向未知學今得思畏道  
之朱憲副督之但數與提撥良知工夫自當有進進



不懈者承欲此中擇一人往彼主會思之不甚穩便且亦未有可往之人鄙意思畏當身任此事方便說法其二司及太守中往年嘗與共學者時一叩其操志用力視舊何如因托之分教一方未必無一倡群和之助也

二

來翰自見已過痛自刻責是致良知切實功夫果若是將駁駁不貳過矣中間有箇意思為主是學利困勉工夫與生知安行不同處然却是良知覺得必須如此如睡者欲醒眼自不容不睜扶病者欲行足自

南軒先生遺集卷之三

甲十四

不容不撐拄既自不容不如此則勉強亦即是自然若只以不費力為自然却恐流入恣情縱意去也戰戰兢兢臨深履薄何嘗不用力然皆良知自覺自修作用何嘗於本體上添得些子又何嘗不自然今人不知良知則自然亦正是安排耳愛人不親及其仁禮人不答及其敬無一毫門面客氣見之詞色間則至誠未有不動聞諸公於此等處甚服思畏德厚幸更勉之傳習錄後附以或問及定論於學者極有益甚好甚好承欲擇一人往彼中登壇說法恐須東漸一行他人不能任此也

三

得書知政事匆冗中用工畧不以懈誠如是德安得而不日進業安得而不日脩四方同志皆能真切如是此學將不待講說而自明於天下矣所疑數條皆從自心上體貼出來非想像談說者然致知功夫進進不懈自當渙然冰釋矣適得新除之報冗且偶病書不能詳聊發其端

來書云剛隱羞惡辭讓是非乃人所必有者但為私欲間隔不能常常流行然當事之時自反此心亦無別念却不甚懇到真切不知何故且如寵為

南軒先生遺集卷之三

甲十五

兒童時一時不侍母側遑遑若無所歸今離老母一年餘矣雖有感觸不無思念乎居則又淡然非兒童時油然之愛於此欲求懇到則又自生枝節若只任其本然又非真愛本體至如臨親故之喪不盡哀傷覺隱微之過不甚羞耻凡此之類不知何以致吾力也

四端七情之發其輕重厚薄良知各有自然之則致其良知一毫不以自欺則隨其輕重厚薄莫非真切莫非懇到不必皆厚且重者而後為真切懇到也即如父母之喪自初喪而既葬而小祥而大祥哀以漸

殺而未嘗不真若必以厚且重者爲真愛則小样大样之哀皆不得爲真愛乎孺子入井自父母而旁親而路人莫不怵惕然輕重則有間若必以厚且重者爲真切則旁觀路人皆不得爲真切者耶隱微之過不甚耻固非勇改之心然形顯之過甚耻亦非務實之志務實之志薄則勇改之心微耻形顯之過則隱過必不甚耻其病一也惟致其獨知而不欺則諸病皆去矣致其獨知而不欺便是自反來書謂當事之時自反此心却似別起一念此念起則念念係縛四端七情不能曲暢旁通以盡其本然之則不免自生疑惑或者由於此乎

來書云敬者主一無適只主一箇天理非是讀書則一心在讀書上作文則一心在作文是突然凡如讀書作文之類不專心致志則不可得然專心致志幹此一事又以逐物若曰只在此間去其欲速爲人一切雜念則此心亦不免着於其上寵日間所行之事夜夢仍復來擾則此心不能無着於此專心致志又能無着不知何如而後可也天理即是良知良知即是獨知獨知不欺心常惺惺之謂敬獨知惺惺私欲不雜之謂一凡讀書作文專

心致志獨知惺惺更無私欲之雜是爲格物致知稍不惺惺私意萌動乃是逐物乃是有所着而蔽其知非專心致志便爲逐物也程子云灑掃應對只看所以然如何正是此意夜夢煩擾固是心有所着然亦不盡是日間所行之事但日間惺惺工夫不曾真切故心常浮動則夜間愈益浮動矣

來書云良知心之本體處事之尺度規矩達之天下更古今而不易者也竊於日用間亦只憑此作主然其所爲之事有昨以爲是今則覺其爲非已以爲是因人議論則又以爲非者若謂或爲毀譽得失之念所蔽則如迎送賓客發落事務細行小事其得失毀譽亦無上念然亦有見得前後不同者何也又如一事自見未當必須考証講求然後停妥則良知猶有不足乃待於外面幫補耶且伯夷伊尹柳下惠已造聖人之域良知豈不能全部各見一偏者何也若謂其稟賦未得中和則三子尚不能變化氣質何以謂之聖人

良知無方無體變動不居故有昨以爲是而今覺其非有已以爲是而因人覺其爲非亦有自見未當必考証講求而後停妥皆良知自然如此故致知亦當

如此然一念良知徹頭徹尾本無分今時人已內外之分也今朋輩中致知之功未甚透徹者正緣不知良知變動不居而以爲有方體有人已內外之分故聞良知之說者亦遂疑其事持已見不復講求而以致知爲未盡也聖人只是良知通明不雜於欲其氣質偏勝處却有化得盡與未盡其未盡者所謂未純乎天道如夷惠諸聖是也雖未純乎天道然不害其爲聖雖不害爲聖然不得爲純乎天道之聖假以之年功深力到則亦純乎天道矣

來書云克己工夫必拔去欲根方爲實學是矣然

自以此身則有此根故佛老之學因其根之難拔將一切人事俱從斷滅今聖賢之學正要人事上用功則飲食男女俱不可去者既爲此事欲拔此根則實不能也如何則可

要去此欲之根便將此事斷滅然則要拔去好生惡死之根亦須從性命斷滅耶佛老恐未必如此欲亦是七情之一循良知則爲性之欲不循良知則爲私欲如饑欲食渴欲飲良知之本然也甘食甘飲則動以氣而不循其良知矣故拔去欲根在致其良知而於氣其要只在慎獨

來書云致知工夫不論有事無事造次顛沛只是一箇天理爲主是矣然無事之時則覺此心精明靈爽事物紛擾不免撓亂縱使用心省察亦不能虛明平妥且如臨深陷險或意外變故心即不免驚動必是強制雖則強制亦難安穩况強制又難致知之學也若曰死生得喪俱有定命何必如此則又自爲解說自生枝節非良知本體不知何如而後可也

良知有不思不慮時亦自有千思萬慮時但千思萬慮而此心是是非非文理密察則紛擾亦即是精明靈爽亦即是虛明平安今以紛擾爲撓亂而惡之此是好靜厭動乃又用心省察以求所謂虛明者却似捏目生花而又搖頭以避之也臨險而驚與臨事而懼皆是良知本體但恐吾子之臨險而驚或動於氣而失其本體未必如孔子臨事之懼耳謂臨險驚動爲非而強制以止之則非致知之學惟念念致其良知則氣不能動而得其驚懼之本然亦即是虛明平安矣

來書云師云學問費力亦不是工夫且如好好色惡惡臭何曾費力亦不是志不真切是矣然好色

到而後以中的應事接物知行合一而後可以中道  
然必念念明覺精察念念真切篤實乃爲合一始以  
此始終以此終無先後之可言也

來書云孔子假我數年卒以學易可以無大過先  
儒謂聖人深見易道無窮言人不可不學而又不可  
以易而學是矣然聖人心與造化爲一其無過  
固不待學易而後能然學者欲寡其過不在此心  
天理人欲上用功如何學易便能寡得若曰學易  
便是存天理去人欲便是趨吉避凶則功夫何如  
着力若只存其文字自爲警省則又不止學易便

南軒先生遺集卷之三

五十一

能如此且伏羲畫卦取陰陽意偶文王重卦變加  
一倍法不知如何本於圖書若謂不過只是陰陽  
則人心一呼一吸一動一靜已即是矣何必仰觀  
俯察圖書之理雖不外於陰陽然其交錯變代之  
妙則不能知吾人學易不知亦當究竟否也  
易變易也良知消息盈虛變易無方聖人先得良知  
之所同然者於是立像以盡意係辭以盡言皆所以  
發明良知消息盈虛變化無方之妙故象辭亦謂之  
易致其良知循其消息盈虛之理盡其變化無方之  
用是謂居而安乎易之序如此則觀象玩辭觀變玩

占自不能已是謂樂而玩乎爻之辭此君子學易之  
道也良知本無過而人之消息盈虛則雖上聖未必  
能盡循良知變化無方之妙非獨孔子爲然也故孔  
子發憤忘食齋戒神明而於象變辭占韋編三絕其  
學易之功須臾不離以求免於大過如此知孔子學  
易之功則凡觀天察地遠求近取與夫則圖書極著  
數其功皆可得而推矣

### 答陸汝成秋官

南軒先生遺集卷之三

五十二

往在京師相與究格物致知之說愧未能盡然知汝  
成真能用心於內不徒以鄙言爲足悅而己也  
亦安能不奉奉於汝成乎夫格物者即日用踐履之  
事物而格之必循其獨知務極其當而不雜以私意  
之謂也致知者致吾獨知於踐履之間必自慊而不  
自欺之謂也即以簡刑言之動於賤惡忿疾之意則  
有當宥不宥動於親愛哀矜之意則有不當宥而宥  
動於憂患恐懼之意則或宥或不宥皆不得其當此  
惟吾心自知之故必循其獨知務求其當而不雜以  
私意然後爲能格簡刑之物各極其當而無私意之  
雜則獨知始快然滿足而簡刑之知致夫然後仁愛  
之德克明於簡刑之中矣由此而推之欲明其德於

天下者其道誠無以易此所望汝成加意體念終身由之誠有不能盡者沈思畏道長談間亦曾商之乎

### 答黎本靜金憲

曩得外補之報心頗疑之曾二守轉致手書始知爲高堂計此區區疇昔繁念故知本靜情所汲汲必如此而後憐而其他非所計者別來許時每念不得與諸君朝夕論心輒抱耿耿乃今幸本靜官此近地猶得書問相聞也象山先生謂爲學在人情事變上用功自事親以至治民皆事變也愛親信友與夫忠君仁民之心皆良知之發至善之情也如本靜今日即

南野先生遺書卷之三

五十三

事親之事而格之千思百慮無所不用其情則事親之良知始慊而無少虧歟愛親之善明諸身而無不誠矣推之信友獲上治民無不皆然則物無不格知無不致而善明於天下此正仕學切實功夫而今人或視爲長物故別求當官之法當官之法豈有更要於此者哉向與本靜奉拳言此想今亦自覺果有實用人便適病倦草草裁答有新得不吝遠示得因效切磋也

### 答朱子和

來書謂蒞任以來未嘗得一日休暇以從事於問學

足知子和好學之志念念不忘然猶講之未明未免如子夏所謂仕優則學云者夫子夏以文學爲學故必如來書所謂得休暇以從事若孔子之學所告煩非諸賢者可見矣居處執事出門使民州里蠻貊造次顛沛無時無處不用其力此豈有待於休暇哉來書所謂體察此心以求無負正是孔門求仁宗旨既知此意便當時習而說又何至以案牘之事爲蒿目薰心者乎僕幸賴先覺啓迪真見此學是萬事根本是生人命脉真有不可須臾離者正欲與子和諸賢時復商訂顧未緣面晤有耿耿耳儻公程之便一枉

南野先生遺書卷之三

五十四

敝廬庶幾盡所欲言

### 答周以介

以介尋繹鄙言復枉書問甚善甚善聊就所及少效區區來書謂水湧爲波波平爲水以此狀心誠有如明訓者第水本無波而心則有念謂無波爲止水則謂無念爲本心可乎夫水一也湧則爲波不湧則平而爲止水念一也危則爲人心不危而微則爲道心危微之幾間不容髮知念之常有而不知有之易以危知念之本微而不知微而未嘗無則皆未免失其本心此正不可以不精察者也來書又謂此念有著

物時有不着物時妄念固爲人心而着處未必皆妄  
察之固所當精而去之似非心體夫心必有念念必  
有事如鏡必明明必有照耳必聰聰必有聞無照則  
焉有所謂明無聞則焉有所謂聰無事則焉有所謂  
念無念則焉有所謂心照鏡之明照色照空而無非  
色非空之時惟着色與空則昏矣耳之聰聞喧聞寂  
而無非喧非寂之時惟着喧與寂則瞶矣心之念靜  
專動直而無非靜非動之時惟着靜與動則妄矣故  
念不能無而着不可有此亦毫釐之間不可不精察  
者也書末所論虛玄易惑而忠信難入此最近來好  
尚空談不務實行之深病然高明中庸本無二致則  
吾輩實學全功亦不可認忠信虛玄爲二或倚於一  
偏也

與鄭箕裘

執事主盟斯文固將以文進多士而教之僕竊觀近  
日敝邦之文殊切疚心而未知所救固知執事之憂  
心有甚於僕而必思所以救之者也夫脩德於身而  
吐之爲辭如居燕而談京華之壯麗居越而談湖山  
之明秀莫非實履親切有味所謂善言德行其與善  
爲說辭者固皆不可易及而實學文之準則也若程

南齊先生文集卷之三

五十五

南齊先生文集卷之三

五十五

試之文前輩工爲之者其學亦自可見蓋猶欲往燕  
越或慕說奇勝日從其嘗往返者參稽圖誌問辨而  
思索之必審必熟如是而立言亦往往得其近似乃  
近日則直取近似之言剽其緒餘以爲圖誌所載京  
華之壯麗湖山之明秀盡於是矣則惡能有萬一得  
其彷彿者乎象山先生嘗自笑只關得時文然象山  
蓋關其挾功利之心而工於文藝以濟之者也若志  
欲自明其明德於天下而以舉業進如陽明所謂修  
見君之贊者則孔孟之所貴又惡得而關之故僕以  
爲救時文之弊必使士子修德而講學蓋導之實往  
燕越則其稽圖考誌審問熟思自不敢苟而其言之  
似與不似亦將自求而自知之若徒咎其文之繆由  
於經之不明而不率之以修德之學則終將各以其  
意治經而未必經之明各以其意作文而未必文之  
則也弊滋甚矣高明以爲何如

二

使還領手札知諸生奉白鹿之教幸甚幸甚諭以良  
知自無不能誠然誠然自無不能者乃其本體擴而  
充之以增益其所不能而弗能則弗措者乃其功夫  
大學所謂毋自欺而求自慊中庸所謂已所不欲者

勿施於人孟子所謂推不忍以達於所忍推不為以達於所為則擴而克之功也蓋孩提能知愛親敬兄而堯舜之道不外乎孝弟夫子之忠恕亦惟推所求乎子與弟者以事父兄耳及其至則人人親其親長其長而天下平豈非至近而至遠者哉執事天賞其厚誠于此體驗擴克則深造自得左右逢原有不假外求者矣

### 答葛子才

來書謂前書憂懼之說非為毀譽利害而然蓋懼其事之有未當而憂其心之有未盡夫如是則即戒懼謹獨之功格物致知之學矣然亦有疑似之微不可以不察者夫懼其事之有未當則求當其事而已憂其心之有未盡則求盡其心而已求當其事之謂懼而未嘗有所懼也求盡其心之謂憂而未嘗有所憂也故其心常如臨深履薄亦當如鑑空衡平故戒懼恐懼亦即是不憂不懼不如是則未免為有所憂懼失其大公順應之體而涉於自私自用智之蔽雖其屈伸往來之常而毫釐倏忽猶不免於利害毀譽之雜矣子才誠於此益加精密如古之所謂切瑳琢磨者固區區之所深望也相見末期有懷耿耿

### 答項曉東

來書身心情性之德人倫日用之常在所當格天地鬼神之變鳥獸草木之宜豈能盡格之也惟或為意之所注知之所及者使不可以不格如仰以觀乎天文俯以察乎地理曰仰觀則天文是吾意知中一物矣觀之而必上律天時焉或躍次之失其度惟戚戚焉修省而無一毫怨天之意此即格吾意中天文之物也曰俯察則地理是吾意知中一物矣察之而必下襲水土焉或崩騰之失其常亦惟戚戚焉修省而無一毫咎地之意此即格吾意中地理之物也格者格吾意之所注知之所及者之一歸於正非是格天地鬼神鳥獸草木之不正以歸於正也

程門論格物者謂物物致察究轉歸已如察天行以自強察地勢以厚德來教正亦相似然物在彼而格在我猶有彼此之分也夫意用於仰觀則仰觀為一物意用於俯察則俯察為一物同一觀察也而用心不同有鹵莽滅裂者有沉溺倚着者有以盡職業者有以謀功利者有以為暴者有以禦暴者有如來教反身以修德者蓋敬忌善惡異而格與不格由分其



心之獨知有昭然不可掩者即觀察之事而格之主  
致勝怠改惡從善正其不正以盡其當然之則然後  
知至而意誠是觀天察地亦莫非日用身心性情之  
學蓋意即觀察之意知即觀察之知觀察即是知之  
事來教所謂格者格吾意之所注知之所及者之一  
歸於正非格天地鬼神鳥獸草木之不正以歸於正  
者得之但上文語意尚未瑩耳

來教云朱子解格字已不同而又謂必欲盡格天  
下之物如今年雷從何處起吾聽其起處起可也  
又何必格之况一草一木其榮瘁開落始終本末  
之故吾又何能盡格之格之又何用哉是不求於  
內而求於外不求諸心而求諸物此陽明所以有  
格者正也正意知中之物之不正以歸於正之謂  
也

意用於播穀種樹芟草斬木則播穀種樹芟草斬木  
為一物即播種芟斬之物而格之則於草木之榮瘁  
開落始終本末一一用心講究以盡吾播種芟斬當  
然之則然後吾之知始自慊而意無不誠如此則講  
究草木亦是誠意正心之功非不求於內而求於外  
不求諸心而求諸物者蓋所主不同作用自別推而

至於士之讀書作文商之通功易事仕者之事君治  
民童子之灑掃應對莫不皆然程子云灑掃應對與  
精義入神通貫一理雖灑掃應對只看所以然如何  
正此意也故播種芟斬亦即精義之地蓋凡盡人之  
性盡物之性莫非吾良知之事格吾盡人盡物之事  
以致吾良知仁知之用合內外之道也又陽明所謂  
格物者格其意之物格其知之物意知物為一今云  
正意知中之物着一中字似未免為二幸更察之

來教云若指物字為視聽言動便屬身字指為喜  
怒哀樂便屬意字指為身之所以接乎天下國家  
者便屬知字矣

身心意知物雖各有所指其實一好惡而已幾好惡  
根之心著之身而達之家國天下知即好惡之知物  
即好惡之事格好惡之事以致其好惡之知而後好  
惡之意誠故逆推功夫則自修身而本之格物其用  
力於好惡一也順推功效則自格物而達之身修其  
收功於好惡一也名言雖殊實體無二若泥名執言  
則無由得其實矣

來教謂孟子謂萬物皆備於我正以身心性情之  
德人倫日用之常天地鬼神之變鳥獸草木之宜

其理皆備於我也如以發育萬物峻極于天爲聖人之道以爲飛魚躍察于上下爲君子之道則何一物而不備於我者耶若反身正誠便是聖人窮理之學強恕而行便是君子格物之學所謂格者非止講究思索之謂所謂物者止視聽言動喜怒哀樂之謂也

天地鬼神鳥獸草木莫非日用身心性情之學前觀天察地一段既畧言之茲不必復論矣夫道塞乎天地之間所謂陰陽不測之神也神凝而成形體發而爲知知感動而萬事出焉萬事出於知故曰知者天

南野先生遺集卷之三

本主

我而知又萬事之所取正焉者故曰有物有則知也者神之所爲也神無方無體其在人爲視聽爲言動爲喜怒哀樂其在天地萬物則發育峻極者即人之視聽言動喜怒哀樂者也爲之飛魚之躍以至山川之流峙草木之生生化化者人之視聽言動喜怒哀樂者也故人之喜怒哀樂視聽言動與天地萬物周流貫徹作則俱作息則俱息而無彼此之間神無方體故也故格吾視聽言動喜怒哀樂之物則範圍天地之化而不過曲成萬物而不遺神無方體故也來教請反身而誠便是窮理強恕而行便是格物又謂

格非止講究思索者皆得之至謂物非止視聽言動喜怒哀樂耶恐未然夫非惟勿視聽言動而天下歸仁喜怒哀樂中和致而大地位萬物育視聽喜怒哀之外更有何物蓋古之言視聽喜怒哀者有見於神通天地萬物而爲言後之言視聽喜怒哀者有見於形對天地萬物而爲言通則一對則二不可不察也

來教謂知行合一先因陽明之言而僭爲之論自謂愚者之一得先後二字如志至氣次二字之義非今日知之明日而後行之也若謂君子隨時隨處隨事念念明覺精察念念真切懇到總是知行合一此與陽明所謂知是行之明覺處行是知之

南野先生遺集卷之三

本主

真切處知是行之主意行是知之工夫知是行之始行是知之終事說亦似不同蓋學問宗旨在先德行而後文藝學問工夫必先講學而後自修尊意似主先儒所說以講論文藝爲學問爲知以執事與人爲自修爲行以講論文藝爲學問爲知以執合一此說之蔽久矣而後世心學不明有志者方汲汲於讀書以廣其知識爲首務不知讀書乃問辨之一事問辨乃學之一事而學之全功固有所在也故其蔽不能以速解夫聖人之學精一於人心道心而

已矣故必一念之中發強剛毅足以有執文理密察足以有別乃為知行合一之功夫執事與人必有講論必有文藝講論文藝亦必與人蓋莫非吾心視聽言動之用而豈有知行之分哉惟講論文藝時吾之用心或純乎道或雜以人必於二者之間致其發強剛毅文理密察知行合一之功然後講論之物格講論文藝之知致然後念精而不雜一而不二意誠心正而身修如此則文藝亦即是德行講論亦即是自修不然則未免於二之非精一之學矣

來教謂聖人論學如曰學而時習之是便專言知

而包力行在既以自修對道學以力行對好學以篤行對博學以尊德性對道問學則所指便不只

本十三

倒一邊矣今日始學之謂學加功精密謂之修然則中庸好學近乎智力行近乎仁力行固可謂加功矣好學亦可謂始學矣孔子不知老之將至只是好學其於門弟只許顏回為好學然則孔顏亦為始學而未及於力行乎雖其所謂好學者皆專言之學非如學庸所舉皆偏言之學然若以好學為始學不宜聖人立言如此之不倫也且學便是行則好便是力如何却舉好學而歸之智舉力行

而歸之仁也

中庸言博學之而學之弗能弗措審問之而問之弗知弗措孟子言不學而能者其良能不慮而知者其良知皆以學屬能以問辨思索屬知蓋良知本能愛親敬兄本能忠君信友汨於私意始有所不能必學焉而後能大學所以求能其事而人未有不行其事而遽能者夫不行不可以求能則知不行之不可以為學矣讀書考古親師取友皆問辨思索之功學中之一事廢其一則非學故學偏言則對問與思如論語學而不思中庸道問學孟子學問之道之類是也

南齊書卷之二十三

本十四

專言則兼辨問與思如大學道學自修論語學而時習及好學力行之類是也偏言專言雖異而皆未有不以篤實踐履為學者今則專言則包力行殆以學屬知而不屬能沿後儒之悞而非先聖之旨也夫始學謂之學加功精密謂之修有味乎學謂之好悅親信友事上治民無所不學謂之博學而時習謂之力行有味乎學則得其本心是謂知及及之者得之者也學而時習則無復私意之雜而本心不息是謂仁守守之者奉奉服膺而弗失者也故知及之仁不能守之則雖得之必失之夫謂之得則行而有得謂之

非若後世之知行所謂學詩以言學禮以立學易以無太過者如此而非若後世之讀書者也

答聶雙江

伏承翰教反覆詳切惟恐吾黨迷繆失却先師宗旨幸甚幸甚然鄙見尚有欲請者敢粗陳其畧來教謂立本之學傳習錄中自有的確公案不可以其論統體景象效驗感應變化處俱作功夫看以此作功夫看未有不着在支節而脫却本原者又云以知覺爲良知是以已發作未發以推行爲致知是以安排爲涵養其於公案不但隔幾重而已也竊意本體功夫

南野先生文集

卷之三

效驗誠不可混然本體是功夫樣子效驗是功夫証應良知本戒慎不睹恐懼不聞無自欺而恒自慊功夫亦須戒慎恐懼無自欺而恒自慊果能戒慎恐懼無自欺而恒自慊即是效驗矣良知本文理密察物物各有其則功夫亦須文理密察物物各有其則果能文理密察物物各有其則即是效驗矣良知本無少偏倚乖戾無內外動靜先後而渾然一體功夫亦須無偏倚乖戾無內外動靜先後而渾然一體果能無偏倚乖戾無內外動靜先後而渾然一體即是效驗矣故不用功夫即是不循本體功夫不合本體即

南野先生文集

卷之三

不是本體功夫用功不能得效亦即是不曾用功故用功以本體作樣子以效驗作証應而不可遂以本體效驗作功夫以本體效驗作功夫是謂知能自致也感應變化固皆良知之物而不可遂以感應變化作功夫以感應變化作功夫是謂物本自格也則是道能弘人非人弘道也此豈惟着在支節脫却本原而已耶夫良知之感應變化如視聽言動喜怒哀樂之類無良知則感應變化何所從出然非感應變化則亦無以見其所謂良知者故致知者致其感應變化之知也致其感應變化之知則必於其感應變化而戒慎不睹恐懼不聞密察其昭然不可欺者以懲其忿窒其慾遷其善改其過如孟子所謂無爲其所不爲無欲其所不欲然後爲涵養本原之功然後良知無少虧歉無不快足而能極乎其至故曰致知在乎所養養知莫過於寡欲然皆循其明覺之自然而非以意見安排布置者也先師大學古本序中謂動而後有不善而本體之知未嘗不知也意其動也物其事也致其本體之知而動無不善然非即其事而格之則亦無以致其知故致知者誠意之本也格物者致知之實也不事於誠意而徒以格物者謂之支

不務於格物而徒以誠意者謂之虛此正來教所謂多少體驗多少涵畜多少積累多少寧耐若謂知覺所發即是良知推而行之即是致知此豈但不得爲涵養設知覺發爲縱恣亦因其所發而推行之必且爲無忌憚之小人亦惡有所謂安排者哉知覺固是發然非別有未發固未必皆良然良知亦不外於知覺知覺之無欲者良知也未發之中也夫喜怒哀樂本無未發之時即思慮不生安閑恬靜虛融澹泊亦有名可名名之曰樂故未發非時也言乎知之體也喜怒哀樂之發知之用也即喜怒哀樂之發而有未發者故曰喜怒哀樂之未發謂之中猶聰明者視聽之未發而非視聽有未發之時傳習錄中謂未發在已發之中已發在未發之中不可以動靜分者也故心無時而不知知無時而不發發而過焉不及焉其獨知必不慊矣無過不及焉其獨知必慊矣此所謂自然之節自有之中也不失其自有之中所謂中也者和也中節也所謂致中和者也亦不可以動靜分者也傳習錄中格物無間動靜靜亦物也孟子言必有事焉是動靜皆有事此之謂也以知覺爲已發以良知爲未發以發上用功爲然非以未發用功爲

涵養却似微分動靜幸更察之來教引考亭晚年有云向來講究思索直以心爲已發以察識端倪爲格物致知實下手處以故缺却平日涵養一段功夫此數語雖似是然却自是考亭之意蓋考亭分心與理爲二以主敬爲靜養爲存心以講究思索爲格物致知爲窮理以誠意正心修身爲反躬實踐爲力行其本原功夫已自不同則其所謂以心爲已發者既未察識其未發之體如晚年之所自悔而所謂涵養者又或以發與未發爲二亦非所謂一原無間者也蓋先師之所默契往聖而異於諸儒者正在於此豈不得比而同之矣來教舉考亭引程子云未發之中本體自然敬以持之使此氣象常存而不失則自此而發者自然中節又舉考亭言延平先生每令於靜中以體夫喜怒哀樂未發之中未發作何氣象存此則無不中又舉先師謂位育只從未發之中養出來此言誠是矣但不知所謂敬持所謂存所謂養作用當何如耳存養二字本於孟子存對養而言養對害而言人之所以喪其良心者且盡所爲多欲格之以害其良心者行有不慊自反不直故也則夫所以存且養之者亦惟反其所以喪且害之者耳蓋顏子

之非禮勿視聽言動仲弓之如見大賓如承大祭已  
所不欲勿施於人樊遲之居處恭執事敬與人忠皆  
格物以致知此正存養之功無間於動靜者也來教  
謂復生於坤震出乎艮巽辨於井蓋以爲動根於靜  
之語然坤六二之傳言直内方外敬義立而德不孤  
艮彖傳言時止時行動靜不失其時九卦之序屢以  
和行謙以制禮而後能復能恒能居其所則主靜之  
功果專在於靜耶後儒所謂靜而存養者果孟子之  
所謂存養者耶夫程李二先生所言未發之中亦只  
是二先生之意未必子思旨也子思以率性修道爲  
宗獨知其本體也慎獨其功夫也中和則其效驗也  
慎獨之功念念無間則良知念念精明其未發之體  
無少偏倚故謂之中發用之節無少乖戾故謂之和  
稱名雖異其實一獨知也言良知則中和在其中而  
不可遂以中和爲良知程子所謂猶稱天圓地方而  
不可遂以方圓爲天地者也故觀乎天地則方圓可  
見致其良知則中和在我矣乃二先生獨提出未發  
之中使人反觀內省蓋亦有爲言之然自此辨說紛  
紛又添出已字以對未字遂破碎分裂謂致中於未  
發以立大本致和於已發以行達道既以遠於子思

之旨其後又或以未發字對中節字而深求其義以  
爲未發不可淺言也必若所謂寂然不動無聲無臭  
云者而後謂之未發夫無聲無臭蓋贊嘆上天之事  
寂然不動蓋贊嘆至神之變化不離變化與事而聲  
臭俱寂猶之曰大而化之化不離大也辭若玄而義  
亦不甚深也乃若未發之云則本無深義而又鑿之  
使深乎遂使聖門明白平易之學反成晦僻難曉故  
先師於答問中發其義曰良知即是未發之中正欲  
人知致知即是致中破前此深求之蔽易爲通曉庶  
幾念念慎其獨知文理密察無自欺而求自慊縱令  
精詣深造亦只是於獨知精詣深造靜時此密察動  
時此密察靜時此不欺動時此不欺即靜亦此知動  
亦此知涵養發此體驗驗此擴克克此窮神知化窮  
此蓋愚不肖可以與知與能而聖人所不能盡者矣  
若謂未發之中是良知常存未發氣象是致良知會  
得大意即順說反說無不可者然比之慎獨却似反  
更深奧何如何如來教疑心無定體與有定體之說  
竊意形生之後神發爲知所謂心也此知因應變化  
故謂之易其變化不動於欲不礙於私故謂之寂然  
謂之感通夫有變有化有感有通則固有用矣有用



則必有體有體則必有定然其體神也其用易也故神無方而易無體其定體也私欲渾化常寂常通其定體也定體無動靜故精義入神以致用隨時變易以從道其功夫亦無動靜來教謂定體炯然在中寂然不動而萬化攸基此是涵養所得非若空想虛談者乃畧不言及感通却是專主靜養鄙意微有未協耳然體得未發氣象炯然在中恐亦未可遽謂之中如前所陳敬持存養却自是致中要道到得動靜無心內外兩忘不見有炯然之體則真炯然矣允執厥中矣大學或問引延平先生言爲學之初且當常存此心勿爲他事所勝凡遇一事即當就此事反覆推尋以究其理待此一事融釋脫落然後循序少進別解一事如此既久積累之多胸中自當有灑然處其云且當存心勿爲事勝殆所謂靜中體取未發者耶遇事究理殆先生格物致知之功耶此雖與大學本旨未盡脗合然其就日用事爲上磨礪煅煉循序積累消化氣習破除意見以求融釋脫落胸中灑然亦可見其不以靜存未發氣象遂爲立天下之大本盡性學之全功矣居處執事與人何處無親聽言動何處無喜怒哀樂何處非格物致知何處非存養未發

之中也如何如何來教謂明水駁辨甚殷未蒙寄示無由得知其說近讀前輩一二辨駁之書往往執已非人殊甚不安嘗謂人之爲學但當各自立箇欲明明德於天下之志而各格其物各致其知各以修身爲本各務親師取友求啓助之益凡有問辨各務相下相師見善思齊齊聞過則改其於他人所見苟有未協則陳述所疑忠告善道而不敢遂以爲非已之所見苟有自得則傾吐底裏就人求正而不敢執以爲是非故爲是不情也自大賢以下學固未必盡是不善固未必盡知過固未必能盡見而內自訟所資於問辨者正惟在此非必以己爲權度而一天下之長短輕重也況至於詆譎辨詰如訟如仇此中不無亦有心病故嘗疑魯論攻乎異端一語恐非謂專治異端之道者蓋雖同志同學而端倪必不能無小異惟取以相輔則皆得益苟執以相攻則將增勝心而長已見爲害不小且彼一是非此一是非使天下之人無志者得藉口以自委有志者亦皇惑而莫知所從此其害又有不可言者當時孔門諸賢恐亦不免有此故聖人言此以警之其在吾黨則朱陸以來爲鑒固不遠也此雖鄙淺之見然或愚慮一得公以爲可



來幸爲告諸同志倘舊言得借重以取信杞憂解因之而頓釋豈非幸歟

二

翰教反覆諄切展玩至再乃知前書尚有未盡尊意者然而翰教云云則又未盡劣者之意矣朋友輔仁有相同而相助者有相異而相發者凡其所聞其偶同於公者既皆默而識之聊述其小異者以待公之發我公或反求而得其所未盡則亦足以相發庶幾不失輔仁之道然尊教皆是從隱微處伐毛洗髓奪胎換骨功夫是先師所拳拳於我後人者大本既同小異自當歸一矣

南軒先生文選卷之三

上四

來教云良知本寂感於物而後有知不可遂以知發爲良知而忘其發之所自心主乎內應乎外而後有外不可以其外應者爲心而遂逐外以求心故學問之道自其主乎內之寂然者求之使之寂而常定則感無不通外無不該動無不制譬之鑑懸於此而物來自照此謂無內外動靜先後而一之者也是非愚之見也先師云良知是未發之中寂然大公的本體便自能感而遂通便自能物來順應又云祛除思慮令此心光光地便是未發之

中便是寂然不動

謂良知本寂又謂感於物而後有知則寂無乃爲無知耶夫神發爲知主於身爲心自生至死無間可息無知則無心無心則無寂之可名又焉有所謂感也又謂心主乎內應乎外不可以外應爲心而逐外以求心其以所應者爲外耶以能應者爲外耶譬之親親長長親長在外親親長長之心有內外乎心之良知無間可息惟動於欲而後不良不良者爲不寂不通不虛不靈不中不和精一其知不動於欲斯復其良良者爲寂爲通爲虛爲靈爲中爲和故寡欲養知

南軒先生文選卷之三

上五

是爲無動靜內外而渾然一體之功來教却似以靜爲功而動爲效功在內而效在外兼功夫效驗而渾然一體尚覺小異也所引師說意旨似亦未協蓋師以思慮無邪光光是心之本體爲中爲寂爲公尊教以祛除思慮心光光地爲中爲寂爲公然既曰心光光地則有光光地之心有心必有知則中寂不得爲無知知非感物而後有矣師嘗云無有作好作惡方是心之本體有所忿懣好樂則不得其正正心只是誠意裏面體當心體鑑空衡平便是未發之中夫本體只是好惡無作鑑空衡平只是誠意裏面則中不

當在喜怒哀樂未發之前矣師答汪石潭書謂君子之學因用以求其體謂非別有寂然不動靜而存養之時謂且於動上加功勿使間斷動無不和即靜無不中而所謂寂然不動之體當自知之此可見致中功夫不離乎喜怒哀樂而所謂中立和出者體用一原非若標本源委有彼此之可言也

來教謂其良知感應變化之說似以原泉爲江淮河漢之所出然非江淮河漢則亦無以見其所謂原泉者此非鄙人意也夫源委與體用稍異謂源者委所從出可也謂非委則無以見源源豈待委而後見乎

南軒先生遺書

卷之三

七十五

蓋源與委猶二也若夫知之感應變化則體之用感應變化之知則用之體猶水之流流之水水外無流流外無水非若源之委委之源源外無委委外無源首尾相資而非體用無間者也知之感應變化體用無間故致知者致其感應變化之知致其感應變化之知則必於其感應變化而致之猶之曰達其流之水則必於其水之流而達之若曰濬水之源必於其委而濬之寧有可通者乎

來教云人固有時乎不喜亦有時乎不怒感物而動與化俱徂安得遽無未發之時哉今日未發非

時也言乎心之體也猶云喜怒哀樂之本體謂之中也誠若是則致中爲正矣乃謂中非體也致中非功也而於致中之外別提出一箇獨知爲頭腦而於子思之意微有不協樂是心之本體先師嘗有是言言雖喜怒哀樂是心之本體脫然無所累至誠惻怛動以天而不雜之以人非對喜怒哀樂而言之樂也父母之喪赫然之怒尚能閑靜虛融哉執閑靜虛融以爲體未有不流而爲佛學之無情也

南軒先生遺書

卷之三

七十六

鄭意謂性之七情更互而發無一刻無性則無一刻無情無一刻非發雖思慮不作閒靜虛融俗語謂之自在則亦樂之發也閑靜虛融不得爲未發則又焉有未發者在閑靜虛融之先乎故未發言其體發言其用其實一知也此知無形無聲故謂之不睹不聞非他人所與而各各自知故謂之獨此知體無偏倚用無乖戾常存戒懼則念念精明復其本然之體用謂之中和中和者獨知無偏倚乖戾之名知者中和之實舍知則無從求其所謂中和者故慎其獨知爲致中和之功精一於危微之間爲執中之功也其於子思之意本不協意不以獨爲知則見其有所

未協耳慎獨之說始於大學謂誠意必先致其知致知在毋自欺而求自慊所謂自欺者欺其知自慊者慊其知也欺爲自欺慊爲自慊而知爲自知自知而謂之獨者對共指共視而言獨不可以訓知而實以言知也

來教云歸寂之功本無間於動靜而動靜一以歸寂爲主寂以感應自有以通天下之故應非吾所能與其力也與力於感應者憧憧之思而後過與不及生焉是過與不及生於不寂之感寂而感者是從規矩出方圓也安有所謂過與不及哉而不免於過與不及者規矩之爽其則也今不求天則於規矩而即方圓以求之宜其傳愈訛而失愈遠也何如

鄙意亦大同小異聊一述之人心常知而知之一動一靜莫非應感雜念不作閒靜虛融者知之靜蓋感於靜境而靜應也思慮變化紛紜交錯者知之動蓋感於動境而動應也動則五官俱用是爲動之物靜則五官不用是爲靜之物動靜皆物也閒靜虛融五官不用而此知精明不欺不減於紛紜交錯之時也紛紜交錯五官並用而此知精明不欺無加於閒靜

南野先生文集卷之三

七十一

南野先生文集卷之三

七十一

虛融之時也動靜皆知也此知精明不欺而偏倚從生矣或乘間生焉而精明不欺者自知之則去其偏倚以復於無偏倚此知精明不欺而垂戾無從作矣或乘間作焉而精明不欺者自知之則去其垂戾以復於無垂戾致知以致中和也精明不欺於五官不用之時是爲格靜之物大學所謂瑟僩惇慄中庸所謂齊明者也精明不欺於五官並用之時是爲格動之物大學所謂赫喧威儀中庸所謂非禮不動者也蓋動靜皆有事皆即此知之感應變化而用其精明不欺之功格物以致知也規矩方圓之喻誠然然規矩出方圓者心之本體方圓不踰規矩者聖人之得其本體即方圓以求規矩者棄內逐外之學離方圓而得規矩者虛寂遺物之學求得規矩由之以出方圓者內外二本之學不離爲方爲員之際而員必不違規方必不踰矩者內外動靜一貫之學然此喻猶未也規矩方圓有彼此者也方圓有時乎不爲規矩有時乎不用也若知之感應變化如水之流渚之而不使其沾泥滯沙平之而不使其觸石起波導之而不使其泛濫橫溢無似無此無時不然者也然此喻猶二也流者水也澄之平之導之者人也若知之

感應變化則自得自失自知自修一念精明萬物皆備假喻以明未必切當知道者默而識之可也夜來具此數條後曉起復有他事家僮行期已迫復欲作他書故來教中所欲請者遂不能一一然鄙意本欲述所聞以就正聊藉來教啓端耳則雖不必一一而鄙見亦畧可推矣仰俟裁教

### 答朱鎮山

鎮山與沈思畏同時接聞亦是斯文一大機會鎮山又官爲哲學開場演法正是職業但不求近功速效直從自己獨知精實不欺處隨才接引因機開導則

南野先生文集

卷之三

十一

良知人人固有富有勃然興起莫之能禦者近時學子大患未有欲明明德於天下之志明德吾心之良知是是非非虛靈不昧衆理具萬事出者也誠欲其昭明暢達於天下則必隨其所出之事循其所具之理一切視聽言動喜怒哀樂居處執事與人皆不敢苟焉自欺以昏放其良知夫然後視聽言動喜怒哀樂變化云爲達之天下者莫非良知之發見而明德無處不昭著明察者矣此古人格物致知之學蓋欲明明德於天下之志爲之主宰也苟無主宰則物誰與格知誰與致而種種講說總是聲音種種事爲有

同笑貌矣故今日接引開導須就學子真志提醒所謂殺人從咽喉着刀也承欲躬行有氣魄者大聲詔告開示蘊奧此正今日鎮山所能自任者尚可諉之何人乎僕早歲頗耽靜養一意省事便覺事事非我所能及作州思得無所退避只就自己力量所及忠信篤敬不敢苟且亦自勾當得辦乃知爲仁由己未必不係乎志此未足爲鎮山道因問聊一及之以爲任重之助耳

### 答賀龍岡

來教皆切近精實體驗所得受益多矣幸甚抑其中

南野先生文集

卷之三

十一

有欲請者敢布其畧良知本虛致知即是致虛真實而無一毫邪妄者本虛之體也物物慎其獨知而格之不以邪妄自欺者致虛之功也故格物致知則至虛至靈皆我固有若有見於虛而求之恐或離却事物安排一箇虛的本體以爲良知本來如是事事物物皆從此中流出習久得效反成蔽障程子謂橫渠言清虛一大使人向別處走此亦不可不精察也凡事求討格子固是舍本逐末然心之良知怵惕必於入井慙憤必於蹙蹙恭敬必於賓祭雖屢變而不亂至於凡事莫不皆然謂之有格子可也所謂有物有

則者也然變易無常惻然而怵惕矣忽寂然而慙憤又忽肅然而恭敬雖不亂而屢變至於動靜有無莫不皆然謂之無定格子可也所謂無方無體者也夫動靜有無亦是良知變易之名紛然而錯擾者良知之動而有然未嘗增也凝然而專一者良知之靜而無然未嘗減也動極而靜未嘗有靜有靜則不復能動矣靜極而動未嘗有動有動則不復能靜矣故有見於動靜則動時無靜靜時無動物則不通者也有悟於良知則常動常靜而無動無靜神妙萬物者也周子言有無動靜本誠神以爲言猶夫易言神而不言學先生文集卷之三

言有無若諸子執動靜有無以求神易則失大易之旨宜橫渠以爲陋矣來教謂無動無靜爲虛虛故靜無而動有有無二者循環於一虛之中故虛能通有無貫動靜而神語意似未甚瑩幸更察之來教舉近時同志元來渾成不用功夫之說而闢之以聖賢非性生必寡欲致之之說甚善甚善然又謂堯舜以後渾成之聖賢爲誰却似未盡夫良知本自知愛本自知敬然必擴而克之然後能火燃泉達故自本體而言則平旦之好惡小人之厭然何嘗不渾成自擴克而言則堯之兢兢舜之業業何嘗無功夫不用功夫

即昏即放所謂渾成者安在然離却渾成則亦何從而用其功也吾兄好學不倦每得一書輒用警發承下問不覺喋喋青原夏會未能領教蓋府縣諸公俱未謂謝然不可以麻桌入公門也

### 答何益之

頃承翰教恍如面對數年間四方學者益衆講說益詳然究其爲功乃非反身切己相與磨礪粗厲蕩滌邪穢而其爲說亦非汲汲於志行公私義利誠偽之辨而務於廣大微眇之論自以爲超詣獨得理明義精而於忠信進德之道日益以遠則豈非君徒爲之

南學先生文集卷之三

今

倡者躬行不逮所致然耶

### 又

曩承差還嘗附答還教茲領華翰知尚未達同儕中好學篤信如啓明者誠不易得每一接書輒用增快來書云立志何學期以此生志乃作聖根本孔子由立以至於不踰只是志到極真純處顏子欲罷不能亦是志不罷孔子稱顏子未見其正亦是志不能正惟益厲此志日加精專如三軍不可奪帥即學問思辨種種功夫此自有不容者矣風更不惜特示新得幸甚地方饑饉想發賑之後民瘼漸蘇筋血之病

多因過勞惟少加節息是說僕去秋偶患胃痛兩旬始安承遠念輒此附謝

### 答朱鎮山督學

鎮山以作人爲職民之秉彝好是懿德在鼓舞之者何如此世道治忽生民休戚所關故僕嘗謂爲天地立心爲生民立命者其本在於督學鎮山諒亦謂然也官各有體末世飾以世情而自信以爲達道惟世情絲毫不染則本體自見矣倘因便見示作新之方幸甚

### 答楊汝容

抵家凡兩承手翰知貴恙已平甚慰第念別久不得一會耳世路難處自古已然孔孟所以處難處之時者禮行遜出其有委曲然以義爲盾信以成之蓋利害毀譽不入其心則本心自有妙用雖至於舍生取義非期於立名至於安身存位非期於爲利故未嘗違心以從人亦未嘗拂人以從己毫釐善利之間更顧體察精一有以往復甚幸所諭時事是微留心自此將有不能委者幸珍重焉之

### 答毛伯祥沈惟順

二君書中謂斯道聖凡無所加損而愚夫愚婦可以

與能謂處身厲行當磊落軒豁皆慨然自任甚幸甚慰人之身心自朝至暮視聽言動之感應喜怒哀惡之酣酣或作或止無事物然念有善不善故事物有格不格而獨知照然不可欺也君子身心之學於凡事事物物密察其照然不可欺者改過遷善懲忿窒欲做得恰好到極處以自慊於其獨知方是格物致知方是誠意如此則事上使民錢穀訟獄無非實學而三君慨然之志始不孤矣

### 答鄭元健

與書上未幾聞爲政尚嚴頗有病之者僕以爲體城之縱弛久矣非加之繩檢雖有惠政終不得古之人以不教而殺不戒視成慢令致期爲嚴之過至如信賞必罰雖堯舜舍此難以治惟以不忍人之心行不忍人之政則嚴與寬皆仁之用想元健固有得乎此也此聞上下交孚知政體必久而後定化理必恒而後居之無倦行之以忠聖人不我欺也凡百姓敬慎焉之以永終譽區區之祝

又

來書檢察病痛精切是知進學不懈知病是藥但不



能隨世逐塵有所不忍而取譬龍焉左霸右紆不得振羽雲霄凡此兩念相牽即是自欺根本如此不了卒歸於隨逐而已矣不必卑鄙塵俗只不欺獨知是是非非處直而行之即身未嘗不潔而世亦未嘗不諸矣

### 答翁東崖

曩遭幸孔棘恃公爲長城豐功慶譽簡在帝心嘗扣之當塗稽之輿論無不敬公者坦懷展布國失法度夫休將自至近事無足介介也所論莊生齊物要亦近吾儒見大心泰之旨惟其縱恣脫畧不知致知格物之實故未免於有蔽而後之用其說者或生於憤激而假以自寬或取諸見解而非其自得故亦未足以窺莊生之致如公學有本源功有實地見大心泰于已取之齊物未足論也使還草草布復佇俟來教

### 答貢玄畧

耿生至得手書知玄畧進學不懈又知連得侍龍溪之教受益不淺喜慰書中所論功夫病痛皆朴實真切非想像語足徵近功輝煌於知上理會此一點靈明即性命之理萬化之源此處不欺即種種

皆真此處一欺即種種皆假邇來想於此有得力矣初望玄畧士儀得第後爲京師聚會乃復不偶相見未期珍重是祝諸同志相見聞皆爲道勉學

### 答梅純甫

純甫外補後選部傳來一二誹謗僕爲之愕然夫多言爲躁而簡默則又以爲厚貌雷同不比而謬謬則又以爲好高士大夫誠難於今之世乎然在吾黨聞謗則喜正可因之爲功已受益之地想純甫亦真能如此矣來書謂賦士習朝夕疚心知風之自內省不疚則化民有出於聲色之外者矣純甫乃歆然自謂師正無本僅惟守法信度節用愛人與斯民享和平之福安靜之休夫守法信度節用愛人必小心翼翼而後能與斯民和平安靜非自致其喜怒哀樂之中和不足以及此此正格物致知之實學而純甫猶謂之無本然則此外而有所謂本耶道不可須臾離學不可須臾離龍溪諸兄諒和與切磋不懈萬萬自愛

### 答錢緒山

先師格物之學真是如古人切磋琢磨瑟僖爾赫喧精粗表裏密切周遍然皆良知本來如此未嘗於良知



上增添得些海內同志如兄與龍溪數公直如是此  
用功近來朋友却是看得忽易其嘗謂舜格事親一  
物千變萬化變遷齋栗以終其身若聖人能忽易  
得即是罔念作狂矣如何如何未緣親就企望教音  
彼中同志會聚幸道此少見區區受耶之情

答陳華山

承翰諭簿書之間庶務叢委無非實學惟洗滌舊知  
舊聞種種向外精神打疊一處直自獨知一念根實  
理會即物致知循吾本心以往立見真體期無負於  
門牆而未能也幸甚幸甚夫人心獨知萬物皆備是

南野先生文集卷之三

上

是非非感應而通各有自然之則惟旦晝所為計功  
謀利向外馳求即自作欺蔽而不能自慊故無以致  
其極而陷於不誠此亦只緣欲明明德於天下之  
志未能真切以致如此今能以真志真知於事物  
物打疊種種向外公利之私而一意於正誼明道信  
乎簿書叢委無非實學一切舊知舊聞自不致流為  
虛見虛說又焉有期無負而未能之慮也惟是志難  
立而易奔難精而易疎良心雖純而一而私僞易以  
掩和此僕所深病而願與同志共勉之者千萬毋忽  
歐陽南野先生文選卷之三終

歐陽南野先生文選卷之四

友人王

門人李春芳選編

馮惟訥校訂

序

送許廷陳歸省序

巳丑

許子廷陳蚤有志于道經傳子史必探其賾必鉤其  
玄古今治忽興替之故政教兵刑弛張損益之宜必  
覈其實性命道德仁義禮樂必窮其原而究其用異  
日間陽明先生致良知之說若契焉若疑焉曰聖人

南野先生文集卷之四

上

無所不知無所不能也良知豈足以盡之已而聞史  
其嘗學于陽明則就而告所疑史某曰夫人能外良  
知而有知有能矣乎雖然多知多能非所以語良知  
今夫目不眩於朱紫曰明無不見矣天下之色固有  
不及見者耳不爽於雅鄭曰聰無不聞矣天下之聲  
固有不及聞者良知不惑於是非公私曰聖無不通  
矣天下之故固有所不知不能者堯舜不精曆象稷  
不審八音夔不明五種孔子於禮不如老聃於官不  
如剡子射御軍旅詞命稼圃不如當時之名能者諸  
侯喪禮孟子不如國之祝史其所以大過於人者其

惟人之所不見乎後世以必不可徧物之力窮必不可徧窮之物皇皇然欲以大知先天下其亦厚自蔽矣許子曰聖不遠觀奚以制器智不博綜奚以應變史某曰聖希天智希聖天之生物其聲色象貌皆有所取諸而肖之耶其無所取而肖之則物遂易其常耶故天道靜專動直五氣布而萬物生良知靜無動有四端見而萬事成道不遠人心非外鑠致知焉盡矣此謂知本許子曰古訓之稽前言往行之識也其謂之何史某曰良知宇宙一者也覺之所及匪古匪今心之所安孰彼孰我故古訓也前言往行也稽也

徐子別言

心之良知之謂性循其良知之謂道道不遠人不可須臾離者故君子慎獨獨知也者良知也視之無覩聽之無聞而體物不遺微之顯誠之不可揜也君子

戒謹不覩恐懼不聞勿之有昏昧放逸焉耳故已所不欲者勿施於人所求乎人者及求諸其身無所昏昧放逸者以之而明則誠矣是故君子慥慥而富貴貧賤夷狄患難無入而不自得自得者自慊於其良知者也夫是之謂遵道而行是之謂依乎中庸予寒

劣志於道而未能頃入史館得二三君子者相與期於深造而少湖徐子子升復別予以去徐子與予志相厲也言相發也思相啓行相翼也君子以友輔仁徐子行吾無所取爲輔矣能無感乎徐子之行也謫也言不用也徐子未始戚戚於謫然而孝子欲得其親忠臣欲得其君徐子則拂其所欲矣而又憂予之失其所輔而且自憂其憂也亦能無戚乎徐子職舟潞河以待冰泮李子正之於予二人友也而戚予二人之戚者也省徐子信宿焉相與倡和者數十篇皆期致乎其道且悔其覺之晚又恨其時之邁而別之遽皆發予之所欲言者雖然天將降大任於是人必苦其心志拂亂其所爲奪其所欲而投之以其所悔恨蓋動心忍性憂患之所以生也夫人之所遇凡其可驚可愕可憂可懼可喜可恨者其果有可驚可憂喜者乎其果生於吾心之驚之愕之憂懼之喜恨之

而後見其有可驚愕憂喜者乎凡驚愕憂喜之生於吾心也其能若太虛之浮雲倏而有忽而無者乎夫視驚愕憂喜若浮雲之聚散于太虛而後無所昏昧放逸於其心是故廓然而太公物來而順應皆良知本體之自然而非待於外者也夫良知本體之自然塞四海亘古今無物不有無時不然是故先覺非早後覺非晚也聚樂非聚索居非離也何後時之足悔無補之足懼雖然習心難消而流俗易溺故離群之患君子患之損友益友孔子倦倦焉夫今溺人者莫大於美文詞崇機變以失其本心著者舜之溫恭也塞不異深山之野人文王之所以爲文範亦不已故君子貴乎道也知所貴者知所以修身知所以脩身則知所以取友今日之言尚無忘之哉

### 贈麥元實序

某與麥子元實同舉進士且十年然未嘗一日款也而其謀道之志不謀而同歲壬辰春二月元實被簡命督貴州學政某承乏南司業兩人者聯舟而南而后得朝夕見也相與論教某曰其學不厭乎論學曰其教不倦乎論教學之要曰其致其良知已乎夫學學爲仁也仁者欲立立人欲達達人於人之善也

開導誘掖惟恐其或失之也人之不善也誨諭勸率惟恐其弗遷於善也故學不厭而教行矣夫人之善而教之弗失人之不善而教之遷於善乃所以盡其立人達人之心是謂求仁之學故教不倦而學恒矣夫學非強習教非外設也良知本與天地萬物爲一體故見善之在人猶飽煖安逸之在吾身也不善之在人猶疾痛癢癢之在吾身也蓋其明覺之自然有不待學而能慮而知者學不厭者立其天地萬物一體之體教不倦者達其天地萬物一體之用體用一原教學無二無非致其明覺之自然而不蔽於有我之私已耳故曰默而識之識知也良知不假言說而自得之也夫自得其良知而教學備矣元實曰夫三言者孔子以爲何有於我而學者顧易言之乎夫道即之至近而充之不可窮故愚夫愚婦之可能而聖人之所不能盡者固夫婦之可以與能者也故良知通聖愚而一體致知合安勉而同功夫是之謂一貫之道元實曰吾子之言豈獨裨益孤蒙將惠貽荒服亦吾子之澤流矣

### 蔡道卿贈言

晉江蔡君道卿始舉進士授戶部主事大司徒而下

皆費之未幾乞便水土改南京刑部大司寇而下又  
皆賢之癸巳秋九月復調官於北僚友交惜其去謂  
予贈言相與稱不容口曰端曰慎密曰謙曰老成典  
則曰篤厚曰不事矯設凡皆君子之德也夫便佞皎  
厲者難與適道若道卿所謂任重致遠之器其志又  
卓爾不群雖未吾與猶將因諸君之請而進吾說况  
與之久而信之深耶顧吾與道卿言屢矣茲復何言  
道卿常謂靜以成學請言靜之道可乎聖人之學心  
學也堯舜禹相授曰人心道心精一執中學之源也  
孔子言克己復禮爲仁孟子稱仁以心也所以教其  
良心者猶斧斤之於木學問之道求無放其良心而  
已精一之功也濂溪承先聖而有主靜之論夫心無  
動靜動靜時也時動時靜而無動無靜是謂主靜主  
靜者無欲也故養心莫善於寡欲寡之又寡以至於  
無則靜虛動直明通公溥人極之所以立也主靜之  
學不明故遺外累泯思慮以求靜於內者其蔽也自  
私非所以立感通之本以心觀物即事求理以靜  
之失者其蔽也用智非所以達順應之用靜中有動  
動上求靜以爲克協於中者其蔽也二本非所以爲  
內外兩忘之道是皆不知動靜之體精一不二而意

所謂動靜者而學之故其端微失其流靡極學不可  
不慎也道卿之學既識其大者吾已無所容言然端  
必辨而後明學必講而後精則亦不容於無言也嗚  
呼吾豈但爲道卿言之而已乎

### 諸儒理學語要序

性者生之理知者性之靈也親知愛兄知敬入井怵  
惕爾汝慚忿以至親疎貴賤厚薄知殺奪色臭味嗜  
欲知節五常百行千變萬化皆吾心自然之明覺而  
樂乎其有倫理故謂之良知亦謂之天理純粹至善  
不學而能者也動于欲而後有不善則雖愛親敬兄  
之理孩提所不學而能者成人秀士或有所不盡能  
故君子有窮理之學學者學其所不能然非增益其  
所本無者也窮之也者盡之也慎其獨知草莽於善  
無爲其所不爲無欲其所不欲而慎思以通之審問  
明辨以精之親師取友讀書考古皆問辨之事致精  
之力也惟精惟一盡吾心之所不學而能者而天下  
之理得學之能事畢矣夫窮理盡性以言乎天地之  
間則備矣而良知其要乎佛氏以覺爲至然謂空爲  
真諸相爲妄問明寂照而非吾心燦然倫理之知世  
儒以物理爲功然謂物爲外謂理在物是分縷析而

非吾性自然明覺之理故佛氏卒淪於寂滅而儒者之論則未免博而寡要六經四子一以貫之道或幾乎息矣予友曾明卿氏采有宋以至本朝諸大儒語爲理學語要一編將以順性命之理明精一之學也夫濂溪明道之言見於通書遺書者純粹精矣其嘗以爲士有志乎窮理而從事於學問者六經四子之外如二先生語固宜樂玩深造身體心會而沛然自得然後旁觀諸子百氏則精粗淺深昭然自別其醇者固同道足以相發其未醇者亦足以考見吾心疵駁偏蔽之微以致其精固不必去彼取此莫非善德之益是編於諸先生語皆有所擇而取之殆以其語入德之門者於始學爲尤要歟粵人適燕導之者即其發軔所在而示以瞻極望斗北向之途使之決意邁往千里必至而中途之旁曲岐徑五通九達之辨與夫京都百官宗廟宏偉佳麗之觀俟其自行自見自疑自求自至自得有不必要而語之者所貴言約指近而陟遐自邇索之易搜斯善導也茲固采編摘取之意歟然爲卷如千爲語如千亦既繁矣蓋詩三百蔽之以一言曰思無邪而禮三千蔽之以一言曰毋不敬其於是編亦請讀濂溪一語曰無欲爲要

嗟乎同志之士誠能寡欲以至於無致吾心天理之知以窮吾心良知之理則是編也可謂一言而可以終身行之者苟未志伊之志學顏之學而徒以講究研磨爲益則雖無欲一語猶未免爲泛遠而不得其要者矣

別楊季卿序

戊申

脩德以志爲本而持志莫如讜讜之於人大矣然豈易言哉夫與人相偃僂整折爲禮側足隨行踰牆不敢前怡色柔聲語若不出口即有辨詰逡巡而不敢質蓋亦似矣然而其文端耳曾子曰以能問於不能以多問於寡有若無實若虛讜之實也然學者未得其本則亦未足以盡讜夫曾子爲其友言之也士之自脩者若曰吾將以能問於不能則既自以爲能自居其有矣如是而惴惴欬欬若無若虛無乃爲僞乎蓋君子之志於道也接人應物無不自盡其心故常慎其獨知而不敢欺也夫心夫婦之思可以自盡而及其至聖人有所不能惟慎其獨知而不敢欺則是知其所不盡而常求所以自盡故自視不足而取人無厭由他人觀之則以爲己能而好問已有而若無焉耳故自視不足取人無厭自謙之實也慎其獨知

而不敢欺自謙之本也其志自不能已而其德日進無疆矣昔者舜大聖人至孝也子職無不共矣而猶自以爲未也故能負罪引愆變髮祗載以見於瞽瞍雖象之傲苟以愛兄之道來輒誠信而喜喜象之可以誠動而反已未足以動之也故德必如舜而後爲能謙然禹猶戒之曰無若丹朱傲嗟乎豈易言哉人情各有所蔽而其大者莫如勝心之爲累勝心忘則雖一善可稱一言之幾乎道皆足以爲我師樂取諸人而常以人不吾與爲憂勝心生則忌賢樂不足而常以獨居寡與爲快故凡自用而不能參大率勝心持之爾非將日長德惡乎其能進謙也者勝心之藥君子之所以有終也楊子季卿將使江南便道還蜀謁予言別因以平日所告其學諸友者爲贈且因季卿以告其從父明之明之亦嘗問予學者也投桃報李其將有以復我

### 使汴贈言

行人徐子克敬奉使汴潘將行謁南野子而請曰承嗣旦暮侍師聞良知之教心戚戚若有萌焉茲使事南行便歸於蜀期而後返於京去師遠且久誠懼夫暴之時少而寒之日多暢達無幾而摧萎可待也南

野子曰子奚懼爲夫暴與寒莫不在子子無自寒爲已矣而又何求焉夫子之良知果待師友而後有耶果有須臾之離頃刻之息微師友則莫能續之而使之不晝夜耶抑不學而能不慮而知造次顛沛終食之頃本不可離而無待於外也子慎其良知而不欺則視聽言動知也喜怒哀樂知也惻隱羞惡恭敬是非知也知善知遷知過知改無須臾不慊於其心而其爲暴也有恒雖有寒焉者寡矣子欺其良知而不慎則視聽言動欺也喜怒哀樂欺也惻隱羞惡恭敬是非欺也善欺而不遷不善欺而不改無須臾慊於其心而其爲寒不可極雖有暴焉者寡矣良知非他人所能與而豈師友能爲子慎而慊之哉昔者堯舜身作君師朝夕與其子居而未能以朱均賢孟子去孔子百餘歲私淑諸人而親炙者或未之及也故師不在近亦不在遠在學者自得而已矣子自京而汴而蜀而返於京凡所事所與所使無慮數千百人其善不善無慮數千百狀苟見人之善因以知已之善而知遷焉見人之不善因以知已之不善而知改焉是子一行而得數千百師也縱吾與子接膝而居携手而語亦無以踰此矣吾聞天道布氣期而寒暑



溫涼成焉地道產物期而枝葉花實成焉人道燦精期而男女形氣成焉子行矣繼今以自汴自蜀來者吾願聞子之得師期而見吾且遍觀厥成將具體而微不異矣

贈青崖胡子督學江西序

聖人之學不喪其本心而已心之良知性也性不可須臾離可離非性而奚喪乎目之喪明也膜翳之刮之淨而復明矣翳有生滅明非得喪良知亦若此耳然翳之與明猶二也而刮膜者有待於外心無二者也虛靈變化一以貫之故惻隱恭敬羞惡是非流動

南野先生文集

卷之四

而不可息惟慎弗慎異焉耳弗慎而有所著斯或過或不及而姑息隱忍卑諂畏忌忿戾猜疑參和雜出矣覺而慎之動而無著斯精純而不雜猶水之流也汨之而渾澄之而清此豈有二而有待於外乎哉大學曰致知在格物良知虛靈感動而萬變出故萬物皆備於我物非外也是非善惡自然之明昭不可欺故有物有則民之秉彜則非外也審是而行慮善以動似是必辨而不善必改順民彜循物則以極其虛靈之變而自慊乎其獨知格致非外也明明德於天下者致良知虛靈之用於天下而萬物各得其理有

外也歟哉世之學者顧疑良知為不足而求之外有知其無外而不假他求者又或未有必為聖人之志以必明明德於天下為心故未嘗實致其知於感應酬酢之間以改惡而從善審非而成是踐履未至論說已詳故不能深造自得而疑也滋甚傳稱君子約言約言者檢約其言先得而後從之求諸己者也夫誠有必為聖人之志而後能反求諸己革華反求而後能不自欺不欺而後能知周萬物行著習察以不喪其本心故曰用志不分乃凝於神志可不慎歟青崖胡子仲望督學江西夫學之不明督之者或非其

南野先生文集

卷之四

道爾胡子蓋有道矣胡子欲明其明德於天下者也而行稱其志文稱其行其督人于學將必有出於法制禁令之外者夫帥之以希聖之志道之以反己之行開之以先行之言守之以訥出之以時敷之以寬裕成之以忠信而觀相以拔擢黜辱之法吾知士之必有造矣胡子行哉期月三年之間士之篤志慎行者比肩于鄉接踵于朝人皆稱之曰此胡先生弟子也將四方聞風者興而善人不愈多乎

送王新甫督學廣西序

王子新甫督學廣西士大夫喜新甫得英才而教育



之且爲南野子喜曰子嘗思聖人之學不明於天下  
新甫學于子今以其學及遐方矣新甫顧悵焉憂師  
友日遠猶懼未知所教也南野子曰官以督學名故  
知學斯知所以教心爲嚴師焉往而不得師是故可  
以爲師矣夫學所以致道道非外也心無私累而明  
達無碍變化無方是謂道心道心惟微不動於欲之  
謂也欲動斯危人自危耳故曰人心惟危夫危微之  
幾猶水湧爲波波澄爲水動不動之間耳新甫既知  
精一其心可與共學而適道勉勉不已其進於立與  
權也孰禦其立人達人亦取諸已而已矣人之言曰

南野先生文集

卷之四

十四

立未易言權尤未易言然非立與權之未易也欲朱  
易忘耳欲之大端曰名曰利其變無窮細入於杪忽  
人莫不知其爲心之病而未有不爲其所病者試語  
人曰利足好乎必奮然以爲不足好矣名可好乎必  
確然以爲不可好矣則其心之明然也苟反而自察  
其微果能以名與利爲不足好而確然弗之好乎或  
弗能矣豈惟弗能蓋有陰蔽默奪弗自知其弗能而  
顧以爲未嘗有好焉者矣夫自知自欺相出入者也  
然則士志於道者雖未必恣意爲偶然志或未切察  
或未精潛流密墮或人於自欺而罔覺固亦有未免

焉者歟孔子稱見過而內自訟顏子有不善未嘗不  
知知之未嘗復行不自欺者也故曰復以自知恒以  
一德既復且恒而後能異以行權蓋得其精純之心  
而盡其通變之用非自外也此義不明求道於迹者  
或迂而不達故建功廣業之士以道爲不足學始用  
其智慧圓轉給捷以爲非此不足以達權而濟事不  
知其心非道矣而惡足與語聖人之權求權於術者  
既謫而不正故奉法循理之士以權爲不可學始執  
其意見方格重滯以爲非此不足以立德而通變不  
知其道非心矣而惡足與語聖人之立故精一之學  
由之大敝新甫勉哉由前之欺必也深察其微由後  
之敝必也深究其端則學與教兩得焉矣凡今爲新  
甫喜者若曰精一之學行於遐方斯師道立而善人  
多誠若是則豈但足爲新甫喜焉而已哉

南野先生文集

十五

### 呂巖野別言

巖野呂子往令泰和泰和人士寓京師者相謂曰邑  
其治乎吾未見剛而不武能而不恃明而好問辨而  
罔給有令如此而不達於政者也巖野聞之告史某  
曰噫政固易歟夫善政惟德孰德之弗脩而政有成  
雖然其政弗學某曰休哉古之人曰念終始典于學

厥德修罔覺士大夫弗講於學久矣夫學學盡其心也人心無不惻隱無不是非盡其惻隱而無不仁故民親盡其是非而無不知故民治是謂大學是謂王政吾未見典學而政弗臧者也若野曰雖然土異俗民異志禮異齊道異宜君子難焉某曰其難乎東鄰之子西鄰之子嘻嘆號泣莫惻其端也保赤子者曰心誠求之使赤子而非人心也母無所用其誠固人也豈其性獨爾殊耶抑耳目口鼻手足解骸種種異適而愚夫愚婦卑力圖之無不自得者君子患愛民弗如其身耳彼慈母者以子爲身者也故曰所惡於

南齊先生集卷之四

十一

上無以使下所惡於下無以事上將天下之情取之吾身而得之况一邑乎傳稱生財有大道曰生之者衆食之者寡爲之者疾用之者舒茲農商謀生之策也聖人固大之譬之摩病搔癢豈有秘計哉是故可以知政後之仕者矜智負能術奇侈譽夫速化之術非愛民之誠也故曰忠信以得之驕泰以失齊人有事作者種稻田以花果樹桑地以椅桐雞豚之食以食鹿馬其室人進耕桑之說而弗聞也既而嘉卉在庭琴瑟在几良馬在廐鄰里華之而其子凍餒以斃今天下華齊人之作業者多矣曷其忘耕桑之說

嚴野曰休哉吾乃益信典學之訓其何敢不盡其忠信于時吾邑諸君皆有言以贈嚴野遂書以終之嚴野名調羹字夢卿蓋有志於傳嚴之野之道者是故非說之學不敢陳也

贈鄭室甫序 庚寅

致知之學不明學者舍其良知求道於外外襲愈精去道愈遠夫道不遠人遠人不可以爲道執柯伐柯者彼此之間耳猶以爲遠况彼柯之長短未必足法者乎於戲蔽也久矣孟子云仁義禮智根於心非由外鑠故能充無欲害人之心而仁不可勝用能充無

南齊先生集卷之四

十一

穿窬之心而義不可勝用道豈遠乎哉雖然以言鉅人猶爲未充其類矧曰尚同以爲中衆身以爲正崇勝以爲強逆億以爲明刻責以爲公微以爲知訐以爲直習俗潛移人心密陷良知之致豈齒牙滅裂所能也切磋琢磨日精日一須臾不可離而終身不能盡故曰任重而道遠某也有志於道無助爲懼乃得吾勿淳室甫諸君子者日翼之進誠相與講習而未嘗而室甫又請告以去吾何賴哉夫至道難聞而循習易得獨知難慎而半途易畫故室甫之別不容無言然道一而已亦不容外良知而有言也

贈茅稚卿擢刑部主事序 甲午

性也者冲漠無朕而變化行焉百慮殊途其致一也誠者盡性誠之者修其性而復之故知性而後學問有所措茲孔子所謂一以貫之者也孔子之道曾子爲得其宗故曰忠恕而已矣忠恕者性之德也子貢多學而識蓋蔽於所見者至其問一言而可以終身行之嘆性與天道不可得聞於是群疑亡矣故子貢謂道之不明非明之難也意見易滋而習心難覺枝詞易消而微言難擇君子取友貴乎直諒多聞者能相警發有相之道存焉耳予頃在京師得從大夫君子遊皆益我者也而茅君稚卿最契予來南雍君六合數見於金陵若有數焉君之學識其大者故漸進而數變逾久而彌精比歲蓋確乎若得所操汲汲乎若趣所歸坦乎若履康莊而不踐岐徑予寡陋罔知得良朋疆輔賴以無恐而君擢刑部主事以去予能無介然于懷耶夫學苟有見於性克觀厥一雖變化萬端寔同其歸惟默而成之自強不息則四海相遠千載相望心志恒融通焉何愛於一別惟夫任重道遠未知所際乃予所輔而遠之是故不能以無懼焉耳

刻薛先生約言序 甲午

約言者薛西原先生所著其曰約惡夫言之侈也夫言有屢出錯陳不病其多而一詞以爲贅者譬之笑歌悲啼憐於中斯泄於外出之也不妄斯聽之者不厭若夫徇人而不由其誠縱意而不循其則是邪淫之道也言之無物者似之夫言諸始嬰孩啞啞呢呢相命以聲茲性情之端言之祖也宣之詞以相酬書之簡以相告而言有章矣闢難顯之情開未達之意近加一時遠播百代及其至動天地而感鬼神惟不失其赤子之初者能之故曰有德有言而君子欲其自得之也初先生爲考功郎以儒術知名當世既移病歸宅杜門謝紛大肆力於學其學以志意威儀之美爲疏節以知其性而養之退藏於密者爲至德綜六藝數百家卒會於所歸嘗集解老子推無爲無欲見素抱樸之旨以爲不繆於聖人蓋其深造之道如此夫學一其志竭其才研磨剔濯以適於道而年富力瞻作之不止其可涯也哉其可涯也哉先生病世儒託聖言而疑真競浮文而無實用是以正學微而世道降以爲賢人君子宜道而反之本故約言以見志嗟乎茲其有所辭而泄之者耶

南江子贈言

南江王子思道蚤以文學知名當時嘗爲司封郎直  
行不忌坐調常州別駕攝守未替而政令大和稍遷  
南主客郎擢山東督學僉事人謂南江子非但文學  
之精其節操政事無不可師者南江子曰噫是世之  
所務者也非聖哲之所崇吾聞於大道師聖哲而未  
能而能爲人師乎某曰江南子可以爲師也已矣夫  
文學節操政事修之而未至猶有翹然自多而好爲  
人師者南江子既竭其才精其能矣而慨然以爲未  
達於道欲改途易轍以遵聖哲之軌夫爲而不執成  
而不居世所共寶而視若土苴廓然大虛而形色貌  
象聚散往來於其中無能爲礙距逸馬而障奔瀾不  
足喻其勇矣其於作聖也不既幾乎然猶曰師聖哲  
而未能古所謂自知不足者南江子哉抑予聞至道  
未嘗外世之所務而世務亦莫非道德之用惟徇世  
者修之以成能徇道者修之以成德志有不同焉耳  
成能故可與名世成德故可與遜世者非世所囿者  
也然後能範圍天地裁成萬化孔顏所以爲百世師  
者忘名世之心成遜世之德而已矣世務豈足病哉  
南江子行龍溪子曰山東孔顏之鄉也南江子將身

孔顏之道以師其鄉之人子何以贈諸某曰身孔  
之道以師其鄉之人若是足矣又何言之爲贈雖然  
志易惑而難定習易溺而難拔徇世易群而嚶嚶然  
曰古之人者難獨立也然則交儆相翼乎於江南子  
有深望焉又惡能無贈乎

壽槐軒易翁七十序

戊戌

斯水易子文訓汝式偕計罷還卒業南雍見南野子  
問事親之道南野子曰不厭其身可以事親矣汝式  
退而思其身肢體髮膚也受之父母也者弗可傷也  
情性道德也父母全而生之者也弗可虧也令聞廣

南野先生文集卷之四

七十一

譽也以顯父母者也弗可損也蓋備焉以濱於危幾  
爲懼乃見南野子問治身之道南野子曰不辱其親  
可以治身矣汝式退而思其親睦淵慈讓惇族恤鄰  
仁可宗也扶顛拯難有功而不德義可由也軒岐倉  
扁以成其業殲厲虐而全天枉術可擇也典訓誥以  
名諸子尊帝德而崇王道志可則也蓋俛焉以忝於  
繼述爲憂乃又見南野子問事親修身之要南野子  
曰要在致知汝式退而省其獨知微而顯隱而不可  
欺至虛而萬物脩至靜而百行出泯其私智以全天  
其皇皇焉惟日不足蓋去親遠遊且餘半歲未皇

大患學之爲自致以致德也孩稚之年於愛愛致於敬敬致其諸應感情生靡所不致而今也真純不逮其初嘗試思之曰志弗勤歟然而罔敢弛矣思弗精歟然而罔敢踈矣知弗辨歟然而罔敢淆矣行弗力歟然而罔敢畫矣則何爲其然耶功利之習淪浹肌膚其穢濁滑亂微密沉隱神汨氣移匪直意念知識顯顯疵戾已也虞廷養胃子之德教以詩樂其用蕩滌邪穢斟酌飽滿其寃也精神血脉流通動盪然後爲至故學貴深造道在自得而嘗惡夫似也中酒者之期醒也意識不迷視聽罔眩則足以自信自安矣

南野先生文集卷之四

二十三

而祭衛經絡餘醢浸漬卒用重困似之不可不察也如此辨志之真志乃可寧知智之似智乃不賊志寧智明無思思精神應仁行至德真純予病茲久矣固欲庶幾焉而未知所進二子其以前所陳者爲予致贈以予後所患者請之東廓其亦何以處我而胃子之教亦在其中又予所以贈東廓之大者也

送劉晴川北上序

壬寅

陽明先生倡學虔臺之歲某從晴川子曰受業焉當是時默坐澄心遊行適性詩書禮樂益神智而移氣體者咸脩若春風被物生植而不自知詩所謂遠不

作人者歟去今餘二十年山頽梁壤朋侶離索晴川子既卓然有立矣而其猶故吾也自孔孟闢致知之教濫洛諸儒衍之周子主靜立極程子寡欲養知途逕洞達旋復榛塞先生不避艱險斬艾蓬蒿固將與天下後世共由斯道以立天地之心造萬物之命豈謂及門之子遽碌碌若是夫事有所先有所繼先者不極斯繼者不力西河之民疑子夏於夫子某之罪固無所逃矣晴川子亦有槩於中乎先民有言學莫病於畫地雖至愚豈其曰畫以爲志或陷焉而弗覺則有蔽之者爾今夫鏡蒙翳晦蝕刮之汲汲磨之勤

南野先生文集卷之四

二十四

勤斑垢稍除光彩漸發雖與瑩徹者相遠然且以爲明矣中潛者委弛眩瞶承沃而濡首吸清冷之漿酒力既微動作復故餘醢浹肌淪髓然且以爲醒矣凡情世累之昏酣人心也不滅不忘不足以致道然用力之既有足以自信自安而浸淫以入於情亦何以異此乃從爲之辭曰情不可滅世不可忘滅情忘世斯墮於禪寂其亦以俟夫不能滅者其性也非存之也不可忘者惻隱根心莫之能禦非意之也無不滅以至於無所滅而後不能滅者存無不忘以至於無所忘而後不能忘者真苟以滓穢之心而冒其似

謂塵翳之照為鏡貞明而餘酣薰浹為血氣之常耶  
將禪寂之為避而遺餘染習亦歸於畫而已矣此其  
深痼之病診候既得而莫之所瘳者晴川其何以藥  
我

繆子入覲贈言 丙午

政與學有二乎哉良知酬酢變化而萬事出事者知  
之事知者事之知學也者致其事之知以廣業政也  
者致其知於事以崇德其知一也致其事之知所以  
致其知於事也今分地建官或百數十里以為縣而  
名其令長曰知縣若曰縣之事無巨細遠邇令無不  
南野先生文集卷之四

三十五

知之而後足以長乎縣之人夫以百數十里合遠邇  
總巨細皆令所職令居乎其位固不容不知乎其  
而良知明覺密察周徧庶務如目周視如耳周聽皆  
其體之固然非有待於外者雖衆人亦無以異於聖  
人然必兢兢業業慎獨而不欺故事無不備其知無  
不盡其用然後為能通乎遠邇巨細而知之者故致  
知者天德之學知致而王道達矣道術不明為稷  
功利之習以行其巧宦之私謂學為無益於政為學  
者又或以多聞博識滋其意見之感謂良知不足以  
盡學東洲繆子時化之遊南雍也予與言良知之學

繆子不以為未足舉進士來知予泰和予與言致知  
之政繆子不以為闊遠而非益夫繆子豈好予而遂  
信其言乎抑自信其良知而無所疑於學也夫道必  
徵之不爽然後行之益力試與繆子徵之繆子令吾  
邑番二年凡先之而民樂趨破之而民懽戴為德者  
非心所自懽者乎自不能懽顧能欺民而強之懽樂  
者寡矣是故可以知政今從諸司長二朝正京師以  
治民者告之君無所愧於詞以告君者聞之友無所  
忤於色非心所不欺者乎自不能無欺顧能內懽而  
無愧忤者寡是故可以知學知愧知懽根心而生充  
周不窮是故可以知知謂良知不足以盡學謂學無  
益於政者自繆子觀之信以為何如也

南野先生文集卷之四

三十五

送李子督學山東序 己酉

學校所以明倫故建師設教必申之孝弟之義蓋愛  
親敬兄孩提所不慮而知者溫之斯日新敦之斯日  
厚愛敬四達故孩提之知致而明德光天之下仁至  
義盡人倫各請其極故曰堯舜之道孝弟而已矣大  
人者不失其赤子之心茲政治之本教學之實也六  
經四子為說雖不一然精一於心以達天德而脩人  
紀其實則不容有二學經者居其實而樂玩其說上



也循其說以深造其實次也其流爲訓詁詞章實未  
至而說已詳甚者徒以其實爲說或弁失其實斯爲  
下矣 國家建學以經術造士督以憲臣因課第其  
文而升之以布諸位其養之也特使其實以輔其  
經之能通而信其實之能脩非徒以訓詁詞章爲也  
降本派末浸淫過下然學之堂曰名倫其齋曰志道  
據德依仁游藝之類猶不失乎古士出而材諸位者  
其爲用心綱常倫理道德仁義之實而詞章訓詁無  
所用之顧其所自養或曰非而督之者又揚其波而  
助之瀾則天忤矣李子汝承以按察僉事督學山東

南野先生文集卷之四

七

山東孔孟之鄉也六經四子蓋自此而播之四方當  
孔孟時聖王不作道術分裂以區區布衣尋先聖墜  
緒設空言以誘來學猶能使弟子遠至通六藝而肖  
其德者日衆功加當年而澤流後代則身作之效然  
也今天子統一聖真師無異術憲臣奉 聖書秉政  
權簡修進良黜其不率以恢孔孟未墜之教而幸惠  
其鄉之士謂宜力半功倍顧所以身之者何如耳

贈葛子序

已酉

初葛子子才往令儀封過予言別問所以爲政予曰  
政不可以徒成也其學哉天道体事而無不在君子

敬事而無不學是故政貴威威生於廉學廉而民罔  
不畏矣貴惠惠生於恕學恕而民罔不懷矣貴達達  
生於斷學斷而上下罔不任矣葛子曰之奇奉以周  
旋罔敢失墜雖然學則博矣廣矣願聞所以守約予  
曰學不可以徒約地致知哉夫事能慊其獨知而各  
極其至之謂道事不欺其獨知而必至於極之謂學  
是故知外慕之欲而窒之斯良知清淨淡泊無或汨  
焉斯廉矣知作惡之過而節之斯良知寬裕溫柔無  
或賊焉斯恕矣知利害毀譽不足動而立命以俟之  
斯良知發強剛毅無或撓焉斯斷矣葛子曰之奇奉  
以周旋罔敢失墜惟先生時其可語而時教之無我  
遐棄也

南野先生文集卷之四

七

### 復儒林書院記

心之良知之謂性率而達之之謂道是故孩提知愛  
知敬乞人不屑嗟蹴之食是是耕行道之人皆有擇  
焉不學而能不慮而知者也慎其獨知弗蔽弗繫發  
微不可見克周不可窮以順父子正君臣和夫婦敦  
親睦以經倫上下長幼貴賤親疎以言乎天地之間  
脩矣先王之世政教學術百姓日用莫不由此故曰  
升於大猷王迹熄而霸功興儒學晦而黷行作聖人



作經以明道撥人心而反之正也學之者淪於漸習而失其本真下焉者必信必果硜硜然小之爲道不足以光輔聖業上焉者假道德之末襲仁義之迹皇皇然思以易天下及以浚功利之流而助之濶詁訓之徒又多識爲賢泥文爲精技詞蔓說寡要而無功浸淫爲詞章微榮干利崇私積嫉視四民相濟以生何啻五穀稊稗然猶自附於儒誣也甚矣今學校遍天下明倫爲教書院之立其惟曰古者有正業必有居學亦曰教弗教學弗學矣新耳目作氣志庶有興乎是故祠正學示所興也魯齋淑諸程門二程受之

南野先生文集卷之四

二十九

濂溪其曰靜虛動直無欲爲要其曰廓然太公物來順應大人之學也大人者不失其赤子之心故有正蒙杜學蒙養而禮義出故曰義路曰禮門禮義不可以無友故次之麗澤堂朋友講習麗澤允也其凡以直內方外至其良知已矣故齋曰敬義曰格致知致矣故終之曰會心處合而名之曰儒林書院儒學脩矣諸士慎哉孔子曰女爲君子儒君子脩道以仁不可以不知天良知天德也諸士慎哉

### 壽州學藏書記

書之所載人心醇疵貞僻之迹具焉貞僻作於心動

於言行而載之書讀之者感乎其心隨所薰而化矣故善學者博觀而善取精言而自得雖然未易言也洙泗群賢親承夫子而炙之然惟顏氏終日不違曾氏惟一貫之旨自餘諸子或疑而未達或不悅於其所爲至以爲迂及其涵養深厚而後各有所聞況未見聖而得之書其果真知默契者乎楊氏墨氏子莫許行固學於神農堯舜之言而自許以爲不畔者其意見所及未嘗不傳於大訓其於所謂自得者何如也夫人之心未至於化其聰明各有所蔽其蔽有淺深其用力於祛蔽有精粗其聞見同其契悟異矣傳

南野先生文集卷之四

三十

### 大酉洞書院記

大酉山華妙洞在辰陽西北道書所謂二十六洞天者相傳洞中石室穆天子藏書處山巔水壑張果煉丹池也今居民斲地往往得丹沙滿缶而書不可見或云往有樵夫取書出洞口見風輒應手成灰矣莊

子讓王篇舜讓天下於善卷善辭曰吾及皮夏葛春種秋歛出作入息逍遙天地之中心志自得吾何以天下爲哉遂不受逃之枉山枉山即茲山也莊子蓋寓言以明其志非必實事然可見茲山爲志人高士慕寂凝神者之所羈縻其未遠矣予友山西僉憲王君晉叔辰陽人也未仕時構書院茲山與遠近來學講業其中其堂曰讓王曰逍遙本莊子善卷事而名之君爲孔氏學者也孔老不相爲用學孔氏則斥老莊君顧取其說而題之堂豈非以其解內膠釋外累絕欲無營泊然而往以全其性命之真聖人所不能

南野先生志

卷之四

### 九華山陽明書院記

不求其志云爾苟求其志則不暇言老莊而且自營不暇病其忘世絕物之偏而且自反其役役於物未能逸世無悶以爲心病將苦口於對證之藥而豈以知見意說窮緣文飾自詭於中道哉予無似恒懼夫志未精專僕僕焉紫世累矣決真性思所以自立而未之有得因君屬記而推其所求乎志者以質焉且使登斯堂者知君不以名斥老莊所以既孔子之實也

南野先生志

卷之四

九華山東去池陽且百里殷青陽南境靈嶂迴複奇秀盤礴稱江南名勝先師陽明王公每躡屐茲山幽探遐覽動彌旬月欲結精舍化城寺西偏與諸生講業其中前御史柯君喬始從鄉賦告諸縣令祝君即其處成講堂三間堂後闢剝榛莽夷阜爲原構亭曰仰止公堯巡按御史虞君守愚督學御史聞人君詮奉木主於亭輝臨弗稱處恭弗展乃檄同知池州府任君柱改作爲祠其間架視講堂而閎麗有加廡序門垣罔不完美唐陳增祀罔不廉飭贍祭有田莫獻有儀以爲公所卜地神或眷茲且使受學於公若感而興者藏焉修焉庶幾嚴奉遺矩罔有失墮甚盛厚

也公倡道南服本良知爲教所謂是非之心不由外  
錄者蓋自善繼而成性誠立而神發知也者神之所  
爲性命之靈德行之則也雖淫邪無忌之尤者其掩  
惡飾善若或見其肺肝而無所容神明內融潛伏孔  
昭若此精一執中造端於茲矣而五性感動特之反  
復迷真喪本淪胥以溺匪知弗良弗能致其知者也  
在昔孔門得心之要必慎其獨迨夫孟子示乍見之  
休惕薛融之漸愈後提之愛敬平旦之好惡達之足  
以保四海亡之不遠於禽獸周子稱靜虛動直明通  
公溥程子論明覺自然太公順應其揆一也公之教  
原人心天命之真足以質往聖俟來學然予猶懼其  
南野先生文集卷之四  
闇簪弗章而無以消天下之疑沮者夫良農之子隨  
莽滅裂田卒汙萊而父受於訾大賈有寶貧備積而  
沽諸市則日號而不售凡吾黨道揚師訓罔有深造  
自得之實則有以異者乎故講學以崇德或謂立異  
尊師以廣教或謂樹私孔孟周程相程之學固拒而  
弗信無怪也故某以爲修公堂宇貴修其道依公官  
增貴依其教闢之以言貴先之以身慎自欺自慊之  
幾默而成之遜世不見知而不悔然後德孚于人而  
師訓益尊瞻堂起敬聞風知慕學者蓋驚興者蓋衆  
豈曰小補之哉嗟乎由前之說誠可懼由後之說吾

黨其可爲也

維陽書院記

予惟國家設學育才其漸磨訓習勸相程督之道備  
矣書院豈有加焉而異之爲教者嘗試思之士窮經  
爲業勞羅深扶曉暢義趣其發爲文章彪炳淵博不  
詭於經世所謂精於其業者如此然或不免焉遺本  
事末槁中而擇外其知規進媒利未論矣公習之久  
以道固如是莫省其惑是故作人者通其變異其名  
物新其觀聽以竦其志意辨惑解蔽不易其業而成  
教焉今夫人心天性之良譬諸嘉穀其仁義忠信達  
南野先生文集卷之四  
於百爲猶苗之秀秀之實師友詩書之益則其莠作  
而培植之者故曰多識前言往行以畜其德嘉谷不  
播惡草芽孽則糞多力勤者豈惟無光蠹之滋也文  
詞心之精華惟有德者能有其實而美於文其次思  
之所志亦至焉其下有其辭而行違矣故修辭立誠  
所以居業躬之不逮君子耻之嗟乎善利誠僞之幾  
學者察而次之無蔽於所惑以戕其天性徐子爲不  
徒勤學矣乎

樂昌縣遷復舊學記

性者心之生理也其虛靈明覺酬酢變化而受敬騰

殺之等是非好惡取舍之分有條而不紊所謂良知也孩提之童未嘗學問思慮而親親長長有觸斯動若宿火之必燃小人習爲放僻欺已妄人然往往慚沮內作若人之見其肺肝然者良知誠不可掩明不可息如此學之爲盡性也致其知焉已矣上焉者孩提不失其養無所誘於外以動其欲圓神方知藏往知來而不窮是謂生知之學其次有所染汚而洗濯澡雪無爲其所不爲無欲其所不欲昏迷未遠而清明靈瑩完復其初是謂學知之學 又其次則

窒深蔽重困心衡慮百倍其功窒通而復虛蔽徹而

南野先生文集卷之四

三十五

復靈是謂困知之學其用力有難易而知其不二其致之之道同其於盡性一也先王立教群士於庠序學校和之以歌咏舞蹈弦誦之節肅之以升降俯仰揖讓進退之儀觀之以憲老鄉射飲賓獻饋獻囚之禮習之以干戈羽籥琴瑟弧矢俎豆之器游之以文宇訓詁算數詞章之藝廸之以師輔之以友漸磨之以古訓皆所以發其志意暢其精神閑其邪僻蕩其穢濁其要不失其良知而已及其至也自親長之愛敬而功加百姓恩及殊類無不治比自身之是非取舍而人倫物態天地鬼神之情古今往來之變無不

明察是謂德立道達教學之成也今學校之教雖不盡古若然隨師親友訓習古訓猶夫古也顧士所資於古訓者異耳博誦詳說曉暢義趣以美其文詞則往往矣學之身心考正其踐履之實自得其虛靈變化之理服之膺而弗失蓋亦有之乎附益已見輔行意說亦豈少哉蓋高朗者設知性也曰真性無体真情無所故有作爲妄而無妄爲真沉潛者之言明理也曰理散於物道涵諸心故真靜立本而聞見發知凡皆依良知以爲功祖古訓以爲言然各因其質之所近或失則內或失則外或淪於空寂而無用或流於知識而迷真非精一其心者惡能明辨似是於毫厘之間哉

### 集義堂記

義者性之德非自外也心之良知之謂性成性存存之謂德動不拂性慊於其心之謂義精義入神協於克一百慮殊塗充周不窮之謂集義聖人所以盡性至命集義其至矣告子之徒離義言性而曰性無善無不善也離心言義而曰義外也非內也曰彼長而我長之非有長於我也猶彼白而我白之從其白於外也故其學直上於不動其心而以義爲不必屑屑

者若曰心不動而性定長長白白以至於善善惡惡與物因應吾何庸心焉蓋告子自以其道爲至將以易天下謂聖人無思無爲寂然不動老安少懷物各付物者亦若此耳而孟子不與也夫聖人之盡性也離義無心離心無義內外動靜有無隱顯通一無二而告子則未免於二之大本既乖其究是內非外不得於言勿求於心不得於心勿求於氣則二之爲蔽而其心之不動自聖人視之乃所謂無所事事正焉而助之長者其說之近似惡足以蓋其實之毫釐千里者哉當是時佛未入於中國然其言真性空寂非

南野先生遺稿

卷之四

三十七

善不善諸相無性緣生爲幻不假修證頓契真如者與告子實相表裏故子嘗謂中國之佛學自告子既萌之芽而集義之訓孟子所以直告子者苟得其實則儒佛端倪之異根極無餘矣然後之言集義者以心行義以義慊心未免彼此之間其與孟氏內外隱顯通一無二之旨不能不差之毫釐則惡得以其似是而正他道之非也夫告子之學蓋究心性命志於深造自得非若耽耽於富貴爵祿見利忘義以性命爲無益者也意見之蔽卒叛儒歸佛而其流之禍儒者以爲烈於洪水猛獸則道術小差惡可以爲細故

而莫之辨者故學之不講孔子以爲憂兇徇利棄義謂性無益謂身不能謂不學無傷禍將何所不至耶吉安舊有講學之地曰白鷺洲書院在洲之上自宋逮今興而廢廢而復今郡守何白坡先生始移置郡城西因廢寺基材爲之閣爲中堂爲東西堂皆東向各有退息之室有左右學舍門塗午錯會歸於一線以周垣前爲都門集九邑士講學其中堂各有名其西堂之名曰集義來儒予言先生之意無亦以佛宇廢爲儒宮則將祛佛學以崇儒術則莫若孟氏之訓爲深切著明矣乎抑以後世集義之學少異於孟氏

南野先生遺稿

卷之四

三十八

而徇利者又昏昏迷惑棄義而弗由揭其名使反求其實乎嗟夫吾黨之士誠知學之不講道術不明其禍尤烈於洪水猛獸必無耽耽於富貴爵祿而以性命爲無益不學爲無傷也庶其不負先生嘉惠之愧乎

### 從叔格菴先生別言

從叔格菴先生懋之試松陽學教諭時石江兄崇道以少常遷光祿卿而南暨乾沙兄崇亨橫溪弟崇儒胥以別言屬某某曰何言哉至愛無文文之盛情之衰也敬述平日所請於先生者以志不忘云

格菴之學日見其進試春官不偶不以爲困而以學弗明爲懼志亦篤矣夫孔子之志學也曰發憤忘食樂以忘憂不知老之將至云爾又曰食無求飽居無求安敏於事而慎於言就有道而正焉故學必無以尚之而後可以言志親師友惟日不足而後可以言志志哉學之樞也

學以明人倫聖人人倫之至者也後世學失其實而堂名明倫猶錄羊之存焉挈名索實可矣夫倫非外也良知於父子兄弟師生朋友親疎上下感應酢醢燦然也是謂天叙或欺以私或蔽以偽倫弗倫矣雖

南野先生遺稿卷之四

三十九

然弗慊於中顧安之乎抑其所求乎人者則如何是故所不安弗爲也所求人以自求也而人倫庶物備於我矣是謂善學是故聖人不失其赤子之心彼未學而自謂其能不學而自謂不能者未之思也

今之學曰讀書考古而已矣然未探其本也嘗聞學詩之道於孔子矣曰可以興與其良知也可以觀觀其良知也是以能羣能怨能事君父是謂讀書孟子曰諸侯之禮未之學班爵之制聞其畧而在我者皆古之制也周公思兼三王以施四事夜以繼日坐以待旦其仁天下之心若飢渴之不容已者是謂考古

故致其良知則無適而非學不然非周公孔子之學也

有德者必有業修業以修德也舉業業也良知出言而有章者也是故知孝言孝知弟言弟雖然亦嘗試之矣乎夫誠立而辭達辭不盡意者有矣未有意弗誠而其辭美以愛者故修辭立其誠是謂致知是故善學舉業大人之事備矣

良知以天地萬物爲一體故見人之善若得其所欲而愛護之也人之不善若疾痛在躬而撫摩之也有善必以及人若解衣推食於其昆弟也不能必以闕

南野先生遺稿卷之四

四十

人若足之行而取決於目也豈有妬善嫉惡於能耻負之意哉故學者必視天下無物非我無人不可入於善然後爲致其知是故師友之聚日進無疆

良知是是非非不容已也君子是其是非其非學之不已達之天下是謂致知惟致知者爲真知彼聞而省焉見而覺焉思索而明焉罔有真切懇到不能自己之實而曰知也然則見君子而厭然者亦謂之知乎善乎程子曰知道必如知虎故見善則趨聞過則改如好好色如惡惡臭然後爲知之功是故知行合



人弗道夫人耻之然而言道學則退然遜夫道者性也人之良知也率之而喜怒哀樂達故曰達道是故易知也易從也遠良知以爲道則難難斯畏畏斯弗學弗學弗道耻曷已諸故君子致其良知以致道也是謂易簡之學

### 贈徐遠卿

徐子遠卿知陽信縣二三君子過予曰贈言道歟曰道也雖然議不達於事文不根於情如無贈耳予惡夫僞也乃類平日相與講學之言以贈遠卿遠卿其無忘於學

南野先生集卷之四

四十二

大學明明德而已明明德親民而已親也者身親之也書曰惇惇乃身是故止至善而已至善良知也一體萬物莫非已也致良知而民乃罔不親是謂明明德於天下致知治之樞也

言政者必曰才智才智末也致其良知故民一身天下一家是故痛思摩痒思搔疾思藥饑寒思食衣勞思逸憂思釋樂思達淫思節田疇思易垣墻思固外侮寇攘思禦是故才智罔不周彼以才智而已者多見其爲僞何以親民

人有恒言曰末世滋僞夫良知之於情僞險阻也如

目於色耳於聲是故無庸逆也無庸億也逆億故憧憧憧憧靡定不足以燭物視眩者色迷聽亂者心訛夫日中天不懼屏伏不索幽隱敬業者趨作慝者息彼以逆億爲先覺何啻千里

民之多僻非其性也氣蔽習狃迫勢而動弗得已焉耳人之言曰惡惡若有疾是故求其標本緩急而理之生道也不然剛愎褊隘視民之不善若不欲其生夫投之無所往而欲民不忍於爲惡難矣書曰無忿疾於頑無求備於一夫

久於其道天下化成天道也天道四時而成歲功易

南野先生集卷之四

四十二

田疇者播耒耘耔日至乃熟拔提之童撫摩抑搔飲食衣服之既而總角旣而弁矣欲速助長未有能濟者孟子曰非徒無益而又害之政貴宜民痛痒之摩搔饑寒之衣食憐焉止矣是謂達道達道以干譽者泥古以拂民奚其宜奚其宜故周公志兼三王有不合者日夜以思思合民情也民情土俗聖人不能豫待事豫則立立誠而已入野問禁入朝問俗有所誠然者耳是故立誠者爲能宜民故君子慎其獨知民習於故而否臧清政乃弗達然良知弗可息也覺之則明士者民之耳目覺民其自士始矣故善政者



明教以達政善教者因政而寓教教哉政之機也  
守官者曰苟無過焉而已其上者曰有述焉而已利  
害耳毀譽耳夫人者天地之心萬物其身也心不體  
天地不足以爲人利害毀譽以爲趨避特也甚矣夫  
趨不可就避不可免者命也矧萬物云云各歸於自  
利是耳目手足不相爲用能獨存乎是故知命者安  
知勢者全知天者樂致知焉盡矣

今之人稱之功名之士弗樂也曰富貴之徒然矣  
良知也然而非知之艱致知爲艱故曰功崇惟志志  
者自致者也孔子曰士而懷居不足以爲士孟子曰  
南野先生遺書卷之四

爲宮室之美妻妾之奉所識窮乏者得我此之謂朱  
其本心是故必飯糗茹草若將終身而後可以言志  
必不以三公易其介而後可以言志志定而知至矣  
此謂知本

書柯行可卷

長樂柯行可求見南野子而問學南野子與之言致  
良知之道行可唯唯明日又言之加密焉又唯唯明  
日又言之加密焉又唯唯居頃之辭歸省出卷請書  
教言以爲別後之幣南野子曰子遽歸乎吾數爲子  
言致良知之道子以爲奚若行可曰時偕已知之已

信之南野子曰子自信其知致良知之道而信之也  
然吾未能知子誠信其良知而知所以致之也盡試  
爲我言之行可於是自述其視聽言動之能由於禮  
也富貴貧賤之能安其素也得喪榮辱之能不累也  
聞善見善之能樂從也南野子默然良久曰子之言  
固自信其可以造於聖人之道者也然古之聖人見  
其所未能而不見其有所能見其德之未成業之未  
廣而汲汲焉求以進德而修業今子之言蓋德之成  
也而未及夫所以進其德者也蓋業之廣也而未及  
夫所以修其德者也無乃與聖人之心異乎吾子志  
南野先生遺書卷之四  
於學聖人之道而乃異於聖人之心則無乃與聖人  
之學異乎然則子之所自信者無乃所當自疑者乎  
行可慨然曰先生則何以教時偕南野子曰子自信  
其心則無所用其學矣而人何以施其教子盍自疑  
其有所未能也而後知學者有以爲學而後人有以  
爲教矣雖然庸詎知斯言之非教子也耶行可再拜  
而言曰時偕今乃知非矣曰知非者良知也格其非  
以復於是者致良知也誠致其良知則凡是非善惡  
細微曲折無不自見自脩而況其顯顯者乎遂書以  
復行可以爲別後之幣

答董北時問

良知即是非之心性之端也性無不善故良知無不中正故學者能依着見成良知即無過中失正苟過中失正即是不曾依着見成良知若謂依着見成良知而未免過中失正是人性本不中正矣有是理乎大杖則走可以施於必欲殺子之父而不必施於愛子之親可以施於父盛怒之際而不必施於親微怒之時此等因應變化良知自能知得色斯舉矣翔而後集飛鳥猶然而況人乎此心所謂非思而得非勉而中天理之自然者也只是人不能一一依着耳曾

南野先生遺稿卷之四 學本

參本可愛之子曾哲本愛子之親而誤輯庶根亦非可以盛怒之事曾哲建杖而擊曾參想亦薄示謹戒其斃之者誤過於重耳若非誤過於重則頃刻之間不復能甦矣此等情態曾參當時良知自是知得明白若知其可以不走而不走正是依着見成良知雖誤而斃之不失為中正也若其父建大杖含盛怒以行重譴良知亦自能知得然而不走則正是不曾依着見成良知而不得謂之中正矣孔子所以責之蓋亦意其或出乎此若必以大杖則走為中正而不依着良知因應變化則今之蔽其良知不受父譴而走

者皆可以謂之中正乎中生之義可以類推矣

良知固能知古今事變然非必知古今事變而後謂之良知孔子曰或生而知之生而知之者非能生而知古今事變者也生而無私意不蔽其良知而已夫生知者以其生而無私意而不蔽其良知則學知者亦惟學去其私意以不蔽其良知而已困知者亦惟困心困力去其私意以不蔽其良知而已非謂其學而知古今事變困而知古今事變者也蓋不蔽於私者復良知之體知古今事變則良知自然之用良知誠不蔽於私則其知古今事變莫非良知苟有私意之蔽則其知古今事變莫非私意體用一原者也今不憂私意蔽其良知之體而憂良知無通達事變之用亦舛矣故君子之學惟務去其私意以不蔽其良知夫學去其私意以不蔽其良知則於公私理欲疑似未明不得於心者自然知問知思知辨自有不容已者故學問思辨莫非良知之用而亦莫非求去其私意以不蔽其良知之本體而已不然則所學所問所思所辨者果何事耶夫學問之功求以不蔽其良知則雖未純乎良知然蔽漸去而知漸復矣故曰好學近乎智由是而力行不已則良知無復私意之蔽

南野先生遺稿卷之四 學本

矣故曰力行近乎仁今之學者汲汲於知古今事變而不學致其良知卒至於泛濫無歸乃是好知不好學其蔽也蕩不可以不察也

贈陶仲良

誠者性之者也其次致曲復其性者也性具於心其達於綱常倫理之間無一念不真無一事不實無一物不體無一處不到細微曲折充周徧滿蓋其本體如此故盡性者則曲無不致而致曲者必性無不盡安勉之間而已矣是故念念必真事事必實物物必體處處必到細微曲折必充周徧滿然後爲能致曲

南野先生遺稿卷之四

中七

而有誠誠則具體而微故形形則微而顯故著明明則渾融脫落無方無體故動變化積累之漸雖非朝夕所致然其造端立基非全體真實不足以言具體而亦無所用其積累者矣後之學者鹵莽滅裂斷續作輟種種踈漏缺失而瑣瑣於一端一節以爲致曲之功如是其於盡性也不亦遠乎而况徒求之聞見知識之末者也陶子仲良蓋不以聞見知識爲悟而以真實懇到爲功者遊太學歸請于教言其友趙性甫定林德溫文瓊徐孔霖霽劉一舒陽孟伯生源伯通津楊子大宇施邦大偉魯伯慎機楊維起鵬湯應

夫夢鯨出軌詩經卷之四

林平泉贈言

平泉林子之志於學也邁往篤行弗極弗已予驚劣得林子而益壯茲奉使而南索予言別嗟予何言哉夫天不言而四時行焉百物生焉良知無言而四端充焉萬善達焉故致知所以希天知至而與天同德矣林子其將求之言哉雖然相要以言而徵諸悠久亦君子之道也予惡能默於林子然亦惡能有加於曠昔相與常言者乎

夫學學爲大人而已矣大人以萬物爲一體非本二

南野先生遺稿卷之四

甲八

而故欲一之也天性虛靈應感無心何人何我何者非一意動而我立人已始相形爲二蓋生於有心之私而非其虛靈之本然矣致其虛弗汨其靈則視人休戚無不在已故於身未嘗自有其善於人未嘗不欲其入於善然非悻悻焉以已先人若將驅而納之也修善於身相養以成而已是故修吾之愛以愛人而人莫不勸於愛修吾之敬以敬人而人莫不勸於敬愛敬出乎身而仁義達之天下故古之欲明明德於天下者先脩其身是故志尹之志學顏之學身之要致知而已矣致知之實格物而已矣致知

非增廣其知識之謂也不欺其獨知而內省常自  
焉慊斯致矣格物非泛觀已往懸擬將來而諸說思  
索之者也吾心視聽言動喜怒哀樂感應酬酢之物  
一循其良知之不可欺者改非禮以復禮節過中以  
就中而無不各得其正焉正斯格矣顏子有不善未  
嘗不知知之未嘗復行格物以致知者也故曰不遠  
之復小人既厭然自知其非然曰昏曰放卒淪於迷  
復非其知有異然也掩其不善而著其善其所爲未  
免於自欺而不足以自慊格之昏迷焉耳故知非格  
物不致物非躬行不格

南野先生遺集

卷九

知愛知敬自赤子已然大人者達其赤子之愛敬於  
天下者也故仁義不可勝用今見人溺於不善而不  
思援之是忍而弗之愛也弗愛賊仁謂人不足與爲  
善是慢而非之敬也弗敬賊義故善與人同者然後  
爲愛敬之至而盡仁義之道不如是而曰我能愛人  
我能敬人者色焉而已貌焉而已豈所謂不失其赤  
子之心者哉

士志於道而恥惡衣惡食者未足與議寒衣飢食道  
也免死而已者也然情存免死猶爲悖道而從欲况  
擇美耻惡悖益甚矣小人貪富貴厭貧賤日放於邪

僻而喪心黜性此其根也故古之立命遂志者不以  
殒壽二其心殒壽猶忘之而况衣食之美惡乎

獨知一也小人不慎故有待而發君子戒慎故無時  
而不知今于學知所用力矣然親師友則惕離則或  
少弛焉無乃猶有所待而異於慎獨者乎古人戰戰  
兢兢臨深履薄不以出門使民而少忽不以大賓大  
祭而加嚴是之謂無待於外不如是而能致其知者  
鮮矣

耐軒卷內中

耐者忍也分困苦拂亂澁鬱無不能忍者也耐之品

南野先生遺集

卷九

有二其義亦有一志於功利者忍人所難然後才通  
慮精可以成其私志於道者忍人所難然後志堅仁  
熟可以成其德是謂二品之志耐者有動於外必剛  
制其中境隨事遷吾志不撓焉以道耐者物無所好  
中不爲之動境隨事遷吾心無與焉是謂二義

吳伯叙卷

先師陽明夫子講學於虔發明靜專動直之旨然聞  
其教者或各以其意爲學而未究其夫所謂真靜真  
動者人有本心渾然天成功利之欲不萌得喪毀譽  
利害成敗之見不作好樂憂患忿懣恐懼之私不熾

其止如水其介如石其應物也行止疾徐如鼓答桴  
親疎厚薄情態曲折如孩提之語咲非由經營非由  
慕美是謂真靜其動是謂天德君子終日乾乾乎此  
是以廣大生焉

### 平易解

人有恒言曰平天下平者平之者也未有已不平而  
能平人心不平而能平政者夫心本靜而易搖得喪  
稱議交構而勃然喜怒憂懼中炎而外熾故施用乖  
戾其於人也歛怨作仇蒙莊有言平者若停水內不  
搖而外不蕩思靡側邪行無險陂爲上易事爲下易

南齊先生遺稿卷之四

五十二

知臨之者不疑事之者不怨上下交與而政治四達  
矣皇極之教言曰無有作好無有作惡言平心也王  
道蕩蕩王道平言平政也會其有極歸其有極天  
下平也五難其難乎曰今之以平易爲政者事不亟  
集而民多玩之傳戒水弱易善威如奚取爲平易者  
夫道匪平不立匪易不行達之人心而同放諸四海  
而準施諸後世而無弊者竊似以冒其蔑實而蒙名  
鮮不弊矣而顧以病道夫古之平也清省以直內而  
今則頽靡不振而已矣古之易也簡直以宜民而今  
則縱弛無倫而已矣古之威也靜而正不惡而嚴而

今則苛猛殘刻而已矣論官方曰廉斯生威夫廉匪  
直不貪得已也精淑慝之分嚴趨舍之辨意不苟思  
事不苟爲故神凝而完志定而恒氣純而守故好惡  
不汨而公生是非不惑而明生賞罰不撓而易生勢  
利不奪而威生乎者公之至也威者易之極也致平  
易之道而人情事變有難焉者鮮矣事不亟集而民  
玩之吾未之見也

### 洗心箴

心本虛靈寧有方體無體奚污無污奚洗汚之所由  
意必潛起滯而不化太空雲霧洗之伊何惺惺獨知  
好惡靡作自憐罔欺喜怒哀懼與物推移天地高下  
萬象無爲勢方徇象以心洗心瞠目而視欲見其睛  
睛不可見目失其常遂令懲嗜餐廢卒狂聖訓孔昭  
繆迷厥旨齋戒神明敬哉勿二

南齊先生遺稿卷之四

五十三

### 徐任夫贈言三條

學莫大於主靜非虛靜之謂也無欲之謂真靜聲色  
臭味富貴聲利種種世情不作於意故其止也廓然  
無體其出之也根心生色如草木之湯茂如機緘之  
發不假造作是謂動靜無心凡動靜未能無心者猶  
是聲色臭味富貴聲利之爲礙也正當洗滌蕩滌得

所謂真靜而無靜之可得方是真實安身立命處矣  
仁者萬物一體與人無智愚賢不肖是非美惡同不  
同相薰相磨相取相受同歸於善是非同異之意作  
則物我立故擇可而同而不能大同以善服人而不  
能取人爲善賊仁莫大焉仁者人也不仁則不人其  
端甚微可不慎乎

道體無盡心體無盡故無所得故學問無盡古人親  
師取友磨礪煅煉耄期不厭有以也覺有得力處則  
不見無盡足以憊精進之志滿虛受之心道之害也  
目翳微膜則與重盲者等重盲者知懼能充養元氣  
忍受金篦之刮微膜者或忽焉嗚呼茲其可忽哉

### 王汝文贈言

曩王子汝文家食問齊家於予予與言致之之學曰  
事事致其良知而家齊矣茲往推池州府刑獄問政  
於予予復與言致知之學曰事事致其良知而政理  
矣蓋當官之道曰清慎勤理刑之要曰中正明達果  
斷凡人有不致其良知而能清能慎能勤者乎有致  
其良知而不中正不明達不果斷者乎汝文往哉其  
以學爲政予且因政以觀子之學於是申平日所與  
汝文語者爲贈願夙夜無忘之也池陽爲 先師陽

明公過化之地九華山有祠在焉士之被教者遺風  
猶未泯也汝文時拜瞻祠下進被教諸士述予贈言  
商之常若今之握手面談也於政萬一其有助乎

大學之道在明明德明德者人心之虛靈明瑩性之  
德也親民其蘊也以親民之心行親民之事自家而  
國放乎天下無弗仁且愛焉而明德昭著無遠弗被  
大人之所以爲大也古之欲明明德於天下者志乎  
其大而脩之自身斯能充實而光輝小之爲志者修  
身則同而其所修者異小人儒也已矣

志其學之幹乎果確無二悠久不息學乃有成今以  
欣美激作之氣未有果確悠久之實而自謂有志然  
則說異言而從法語者皆得稱志士矣而孔子猶以  
爲未如之何者何哉故非知耻發憤學之不厭者不  
足以言志

性之靈明爲良知之聞見爲識執識爲知者誤影爲  
形舍踐履而言致知者迷夢爲寤於明德也遠哉然  
而言踐履者或亦未離於識則豈非志之弗篤而虛  
浮積習之爲深痼也歟

有不善未嘗不知知之未嘗復行知而能致顏子不  
遷之復也小人既厭然是知其非然掩其不善而著

其善故枯亡其知而終迷於復然則知過弗改知善弗遷者迷復之道猶之乎弗知也已

有情則有所故滯而失其常無情則無在故蕩而淪於空良知者情順萬事而無情無所而無不在者也然不務格物以求深造自得而談玄索隱居之不疑歸失其良知而已矣

知好知惡者性之靈而作好作惡反以爲蔽莫知其子之惡莫知其苗之碩有作而汨汨而蔽者也好而知其惡惡而知其美無作而虛虛而靈者也知好知惡與作好作惡猶之水湧爲波波平爲水危微有無之間非物物格之以致乎其精者莫之能明而聞見思索豈足以了此

已所不欲者知之明勿施於人者知之致知其物之矩乎格物以致知其絜矩之道乎物格知致而明德明於天下故曰一言而可以終身行之者其恕乎學於古訓者從古人之訓而修其道德於身也故學詩斯可以言學禮斯可以立學易斯可以無大過道積厥躬德修罔覺學之獲也以講說爲學者以知識爲獲其於道德乎何有

善性存存愛敬四達明瑩光顯不學而能誠明之道

也修善於身弗能弗措形著昭明美大而化明誠之學也親師取友讀書考古問辨其所學者也外明誠而言傳學所學何事學失其道而問辨思索孜孜不厭雖依於謨訓然於身爲已遠謂之切已近裏得乎良知一而已矣知不能斯知學知不知斯知問知不得斯知思知不明斯知辨學問思辨皆知之用也致知而學問思辨時出焉一以貫之矣謂學問思辨以開吾之知多學而識者之所以二之也一斯無外二斯外故謂多學而識爲求之於外者言乎未知致一之道二而外之也非良知之有內外也

載籍者已往之師友師友者見在之載籍其用一也然人往往樂獨學於載籍而不樂共學於朋友可不察其故哉朋友規切則人已相形情偽將無所容而勝心爲之牴牾載籍則其人已往或能緣附意見而勝心無所拂逆故凡學載籍而無朋友之助鮮不錮於勝心而流於自用多識以畜德者其無以取友爲末也哉

### 贈畢介卿

畢介卿將奔其繼母之喪還楚何國琢高以達爲之請曰介卿以文教未久而別之遽也誠懼夫日就頹



憤而不自知願奉一言以朝夕警發常若師之或臨之者二三子將亦與有聞焉嗟數子者可謂篤信好學者矣因書以贈之

古之明明德者非徒飭躬正行已也親親仁民愛物之心充實光輝明於天下是之謂大人之事古之欲明其明德於天下者非徒意念及之已也庸焉通天

下爲一身華莘以萬物各得其所爲悅是之謂大人之志夫志乎其大而務誠諸其身則所以格物致知者莫非廣大精微之實功矣獨知也者良知也而感應酢酢萬物皆備矣視聽言動感應之物也而是是

南軒先生文集卷之四

五十七

非非良知其則矣物循其知而不自欺故各得其則知周於物而無所欺故各極其至夫物循其則而無不格斯知周於物而無不致脩身之要也然必有欲明明德於天下之志而後可以與此志之不弘則其從事於修身者或未免爲硜硜信果者也其究爲小人儒也已矣

以萬物各得其所爲悅則不私有已而心公矣以不欺其獨知爲慊則無所作僞而意識矣公以誠舜之徒也出於公必入於私出於誠必入於僞私以僞賊之徒也舜蹠之分毫釐倏忽間不容髮故志不可須

臾不辨而獨知不可須臾不慎蓋不忍以其身須臾而爲蹠也

心不專志不致雖小數不能有成矧曰其克成於大人之學昔孔子發憤忘食樂以忘憂至於不知老之將至則無所不忘矣孔子既沒其徒依冢場而居者蓋三年六年而後歸嗟夫非用志不分而其他或有所未能忘亦安能學而不厭若此也介卿居父母之喪前後廬墓者六年推此於學則專心致志之道得而誠立明通可馴致矣

道無窮蓋無方體即以居喪論之五十不致數六十

南軒先生文集卷之四

五十八

不毀七十唯養麻在身皆隨其力之所能以即乎其心之所安變動不居果有方耶然自七十以往以至於未斃之年隨其力之所能以即乎其心之所安皆有足以自致者果有窮耶君子於道知無方則形迹度數莫之能碍知無窮則謙虛受益惟日不足有非勉強以徇外而爲人者矣

### 送魯伯慎令招遠

學以志爲本而志不可不辨也古之人以明明德於天下爲志明德者親親仁民愛物之德不忍人之心也充其不忍人之心暢於四肢發於事業以保乎四

游光輝昭者無遠弗逮是謂明明德於天下志乎此則凡貪忿悖忌驕吝鄙詐之私可以戕賊吾心者必洗濯蕩滌纖毫不留念念如是而後可以言志故心無精純果確悠久之實則雖有憤發激昂之氣未足謂之志也

人皆有不忍人之心皆能以天地萬物爲一體貪忿悖忌驕吝鄙詐之私萌而善心始賊近之且不能而況能仁民愛物乎然方其徇私長惡其獨知之微厭然不自慊者固昭然而不可欺也君子之學慎其獨知戒私去惡以長其本然之善而學其所不能故凡詩書研摩師友講論皆所以辨別其公私善惡之端蓋省察克治之心所不能自己者如療病而問藥行者而問途莫非實事而非徒空言也故篤志好學則問無不切思無不近不學而問且思焉者雖即其身心之事猶爲泛遠而况其遠於身心者乎故問之切不切思之近不近當於志之篤不篤者辨之

學者於人之是非得失義利公私雖其疑似難明者猶能辨之至於吾身雖昭著可知者或莫之辨焉自欺耳矣於人之隱微惡猶憤然惡之至於吾身雖大且顯者或未嘗惡也自欺耳矣孔子曰君子求諸

己小人求諸人蔡已之善而誠好惡之求諸己者也察人之善惡而誠好惡求諸人者也出此入彼聞不容髮可不慎哉

人之病莫大於自是而好勝自是則不能見己之非而內自訟好勝則不能見人之是而反己以自盡曾子曰以能問於不能以多問於寡有若無實若虛不自是者也犯而不校不好勝者也是蓋孔門諸賢之所從事而曾子稱之以警其門人弟子後世顧謂惟顏子足以當之無乃以爲成德之驗而未知其爲入德之功歟今學者自是好勝之病雖精粗深淺不同未必能脫然而無有也苟自諉曰惟德成乃能脫然無病則立心之始既以容留潛伏而未有拔本塞源之志將不終爲自是好勝而已耶

### 九卦說贈蔡衡州

白石蔡子子木守衡州將行過南野子論九卦之義南野子曰夫德非踐履不進而履必謙以持之履也者非徒正行檢立事功脩飾於形器之末已也人之所不學而知者其良知性之德也慎其獨以致之立愛立敬達之天下斯用利而德日崇故踐履之於崇德如堂之有基矣夫謙非徒恂恂煦煦於容貌色詞

已也以行檢事功。學者日積而加多，故自視常有餘，而其進易以怠。知之學謹其精神心術之微，日新而無窮，故自視常不足，而其修益以密。故謙所以持踐履之志，於不昧而為之柄者也。謙以持志，志以正履，而良知始復。六天地之復也，一陽初動，浸浸而長，充而至於六陽。六機莫之能禦，誠故也。人心之復也，善端初動，生生而不能已，充而至於五常百行，其變化莫之能窮，誠故也。是謂天下之大本，本立則不怠，不息則久，久則固，而後能懲忿窒慾，以修身遷善。改過以長善，蓋良知既復，則凡忿慾之萌，過失之遷，

南野先生文集卷之四

卷之四

如湯消冰，如陽明之破陰翳，異乎未復者之懲窒遷改矣。是故可以處困，困剛揜也。良知天德至剛順逆通塞無所著於中，雖頓挫拂鬱而不見其有所謂頓挫拂鬱者，故心不失其所亨。非若中有所著者，困鬱之來，內懷憤懣，而奮志以勝之，抑意以待之者也。故困可以辨德，德立而後能達。養人不窮如井，勿幕良知之達也。達而無執，過而不留，旁行曲暢，周於萬變，無所擇也。而無不各盡其精微，無所不入也。而無不各得其至善，故曰與德之制復之極功也。良知未復，意必未融，而隨事以求，可因時而處，宜多見其為機。

變之巧而已矣。夫大哉復乎！天地之心見矣。顏氏之子所以其殆庶幾者也。非復而能謙，惡足以與此。夫履如足之踐踏，自趾至踵，無寸膚不着於地。夫謙如谷之虛而容如海之下而受故，一念不實，非履也不虛，不下非謙也。自賢非下也，自是非虛也。昔者孔子自謂道有未能，而庸德之行有所不足，不敢不勉，故發憤至於忘食，自賢乎哉。書稱舜之謙，謂負罪引慝，憂樂齊慄，祗載以見賢，自是乎哉。舜與孔子猶若是，而况困知勉行者，復不必如孔謙，不必如舜，乃欲復其天地之心，以造於異制而不流，其將能乎？蔡子曰：

南野先生文集卷之四

卷之四

善哉！彼如孔謙如舜而良知不復者寡矣。良知未復而能巽以制事，不入於機變者亦寡矣。吾安敢不勉且戒以無忘先生之言，於是蔡子行遂書以贈。

### 聖人之心無窮論

聖人仁覆天下而未嘗足乎，其已能故自視常未盡。自視未盡，斯其為盛仁者乎？夫仁天地之大德，而性於人人，所以體萬物而為天地之心者也。其為道至大而至近，至微而至神，并包無濟被於天下也。莫得其極而溥博淵泉出於人心也。莫竟其所際是故於物有濟可以為仁，而有一物之不濟未足以言全一。

念公溥可以體仁而有一念之或間未足以言純聖人安仁無違者也而天下之大未必能兼濟而無不及故常以其所不及爲未全而未嘗以其無違爲已純茲堯舜所以上下同流而猶以修己安百姓爲病也故曰聖人之心無窮非天下之至仁其孰能與于此人之言曰凡人所孳孳而不敢苟止者蓋事可能而已有未能雖未之能而必不可不能者也修己之道其事爲視聽言動其情爲喜怒哀惡皆於身取之夫人可以與能者聖人豈猶有所未能耶天下至大百姓至衆也欲盡舉而安之勢有所必不能豈聖人顧汲汲焉必能之也噫聖人之於百姓豈敢曰勢不能盡安遂委之以不必能耶人以天地萬物爲體其安百姓蓋安其四體也委四體於不必盡安惟不仁其身者能之仁者之心固宜有汲汲不懈者矣則夫修之己者亦豈敢曰吾已盡已能而不復有所進耶夫人以修己爲易能易盡也蓋以身爲己而未嘗於其感應者觀之也今夫視聽言動之用喜怒哀惡之情凡接物而應焉者已也而莫非物也微物則惡所視聽而好惡喜怒之哉親疎遠邇智愚貴賤與夫貧窮獨凡對已而感焉者物也而莫非已也微已則

惡觀其爲親疎與輒獨者哉故聖人之於天下視惟明聽爲聰而休戚誠僞之隱靡所不周言忠信行篤敬而順逆睽合之志靡所不通喜怒哀惡不遷好惡無作而愛憎取舍之情靡所不同茲其修之已矣皆加乎民而安之者也其於百姓惇親及疎篤近舉遠皆在所懷而各得其叙貴賤下賤尊賢容衆皆在所愛而各得其辨老老幼幼恤不辜矜無告皆在所慈而各得其所茲其安之也皆出乎身而修焉者也故修己者修安民之道於已百姓安而後已之分盡自修之事畢矣聖人有見於感應之一也以爲已之分無時而可盡自修之事無時而可畢何也百姓之衆惡能盡舉而安全之也夫天地之大也而萬物有未生未育人不能無憾於天地聖人之大也而百姓有未安人不能無望於聖人而聖人豈能自安於其心哉昔者堯舜大聖人也其明德以親民者蓋至於萬邦協和而四方風動矣然其訓迪庶官勸之勿壞與其所以慎修思永者孳孳爾也蓋舜之稱堯也謂舍已稽衆不虐無告不廢困窮惟帝能之則知人安民之道矣而禹又以爲知人則哲安民則惠雖帝亦難能焉豈道未易盡而堯之所能者堯亦有難焉者哉則

舜之所以孳孳如堯又可知也矣故當時之戒羣臣也曰彌違曰無面從曰汝爲汝翼汝明汝聽羣臣之進戒也亦曰怠曰傲曰違道干譽嗚人從已喜起交修時幾交勅昌言交拜惴惴焉若勉修其德而未能若經綸屯否而未底其績者此豈不見天下理亂之形而故以爲未理不見已心危微之幾而故以爲未盡哉心同天運無有止足其視天下之大也阻飢之民豈盡康食五品豈盡邇五刑豈盡措典禮豈盡叙神人豈盡和蠻夷之猾夏者豈盡率服鳥獸草木土下之物豈盡樂生則吾之所以明峻德於天下者猶有未至而豈能泰然忘戒哉夫堯舜聖神與天合德其必不至如禹益諸臣所戒也夫人之知矣然未能泰然忘戒也則惟諸臣知之諸臣之克舉與君同心其不以無虞而忘自傲也堯舜信之矣因而致傲其君之所或未傲也亦惟堯舜能行之推堯舜之心即庶績盡凝萬物咸若矣然所以至未亂之治者猶未可以已也况天下之大有必不能盡備其志者耶推諸臣之心非不知帝德廣運萬邦作儀矣然所以致無斁之保者猶未可以已也况人心靡常有未能必其無動於罔念者耶故唐虞之德光被上下真如天

地之化雖未能無一物之未生未育然不害其爲無不生育而其屈伸往來閤闢變化則未嘗因物而有所加損蓋穆然常運而不已也是聖人之心也聖人豈有特異於人者哉亦曰純乎仁而已仁者心之德也人心虛靈天地合德其真誠惻怛明昭不昧一夫不獲傷然惻惻於厥躬而一念必謹戰戰焉若氷淵之臨是心體本然聖人無以異乎衆人者也衆人之異於聖人則自雜之也是故物我相形私利相奪忿疾暴慢猜疑刻忌紛然交作故不自見其過而常自覺其所能則其於人也寔見其可惡而不盡見其可愛見我之愛人者無不至而人之不蒙吾愛者爲自絕而不知愛人之心久矣其窮也矣然其始蓋亦善端之動而過焉者意有所向忽而未察其究也浸淫周滯日入於頹側而罔覺爾聖人純乎仁而不蔽於我者也無蔽故常覺無我故常愛故不待熾然之過而能審察其意向之萌兢兢業業日乾夕惕若有迫乎其中以追及乎其前雖欲已之而不得者蓋不徒以已之未易盡百姓之不能盡安而始汲汲若是也其常覺而常愛者無待於外也故聖人之心非警之使無窮仁本無窮也修己以敬之極也仁道不明外

安民以修己者是內非外而不知萬物之備於我外  
敬以安民者徇外遺內而不知強恕之本諸心是皆  
未得夫精一不二之道縱使作之不息然有所舉者  
必有所廢有所作者必未能常而無輟即斃而後已  
猶未足以語聖人無窮之心未仁故也孔子曰仁者  
人也親親爲大故思脩身不可以不事親思事親不  
可以不知人事親者安民之始知人者知仁者也雖  
然仁亦惡可以易信者何也仁者性之生理非有聲  
臭方體可求而執之者也無體故無盡無可執故無  
爲而成入之道也實天之命也詩有之維天之命於  
南齊先生集卷之四

策

問性者德行之本知性而後不謬於學知學而後  
可以成德則性之實誠不可不明辨也然孔子  
而上性說甚畧而士多才賢民亦渾樸孟子而

下言性善者寔詳寔明蓋皆左右孟氏之說昭  
然而行之矣然人才民俗寔不逮古豈性說之  
明固無損益於世道之隆污耶然則惡在其能  
有功於聖門也其他紛紛駕說者各有所見其  
用歸之從善背惡於民行良非小補乃不得與  
孟子同功顧辭之而闢之無乃執其說之異而  
未既其用之同邪諸子之學所習各異然摩頂  
放踵以利天下者豈無見於性之善而能然乎  
乃無救於其習之偏者何也夫言必稽諸致用  
而後可以審其是實用不究而舉之空言則雖  
性善之說折諸所謂不論氣者得無有所未脩  
而何以異於紛紛者歟故願與諸士深究其實  
也

性貴盡也非貴言也其言之者示人盡之之功也言  
貴行也不貴辨也其辨之者欲人行之無惑也蓋人  
性本善而或牴之聖人有憂焉於是言其所深造自  
得者牖人心而反之善故其言非使人通曉辨說已  
也欲其好學力行得之深而居之安故言必可教教  
必可學學必可以成已成物而徒言非所貴也蓋嘗  
觀古之言性矣言乎若性而有恒焉言乎節性而曰



邁焉言乎率性以爲道焉言乎誠明以盡性焉凡以  
教力行也教慎習也蓋聖人恒其性之中矣欲夫人  
若焉而無敢戾致其性之和矣欲夫人節焉而無敢  
縱盡其性之善矣欲夫人率焉而無敢賊全其性之  
誠明矣欲夫人思誠而無敢妄不戾不縱不賊不妄  
而聲色臭味得其正喜怒哀樂中其節君臣父子兄  
弟夫婦朋友盡其分習與性成教之極功也道與時  
降勢以時異堯舜文武之時教立於上而君師之道  
一道德齊禮而人莫不敬應故行有枝葉言略而功  
倍孔子孟軻之時教立於下而君師之道二百家殊  
方而人各爲異說故辭有枝葉言詳而功半蓋至於  
言詳而德行之教衰意見之習盛於是人才風俗寔  
不逮古矣嗟乎三代而下何其紛紛也孟子道性善  
而羣喙競起衆言淆亂曰性惡者曰善惡混者曰善  
惡各有定者曰無善無惡者各是其是互相評議其  
意則皆欲人爲善易惡者也而孟子闢之不遺餘力  
豈好爲嘵嘵者自今觀之孟子之言善也本之天命  
徵之正情若曰能率其性斯無不善不可反其性而  
爲惡也諸子則或離情以爲言或雜習以爲言若曰  
人當治其性以爲善不可以其性入於不善也故孟

子之學順理而無爲也若決江河以注之海而無汎  
溢焉雖困勉之功至於人十已千皆無爲而爲性也  
非意也諸子之學刻意而有作也若堤江河而鑿之  
道使無汎溢焉即功力之熟至於不待思勉皆有作  
而成意也非性也夫一陰一陽之道在天曰命命之  
流行曰氣氣之凝聚曰質質之虛靈曰心之心之生理  
曰性性之發動曰情情之作止反復曰習本末一原  
者也性者習之體習者性之用性習而善惡分習與  
性成而善惡不移始同終異者也故無不善者性之  
常習而後有不善則逆其常者也然爲善斯慊不善  
斯不慊蓋根諸心而不可欺者未始易乎其常孔子  
言性近習遠以至於上智下愚此本末始終之別也  
孟子承之謂善端爲固有謂得之失之由於求舍謂  
之倍蓰而無筭非才之罪此明其順逆常變者也諸  
子則迷其本始故混其順逆而以爲皆其常然者以  
是爲教而道人於善其究也反害之矣何也意見作  
而天性賊也夫楊朱無見於性之義則取爲我以爲  
義墨翟無見於性之仁則兼愛以爲仁子莫無見於  
性之中則執一以爲中告子之不動心鄉愿之德許  
行之無爲皆無見於性之本故以其意見者爲學而



思以易天下使天下皆能爲爲我之義兼愛之仁執一之中猶未免矯矯真況必不能爲也必不能爲而又不知所爲則心緒迷真者仁義充塞中庸聊餌而天下日入於亂言諸養生然黍稷稻粱其常也而必能蹠躅偕以充膺豈惟自伐天和將世之不能皆得者有坐而甘饑以相食以斃耳至是而後知諸說之紛紛不啻驅人於溺而率之左袒而孟子之論所以距詖行正人心也自有其爲實用其足以比功禹周非無益之空言也矣後人又推所未備將以輔行其說乃以善歸性以不善歸氣質則信辨矣然氣之冲和偏勝也質之剛柔明暗也本天命之流行凝聚總善而成性者也故曰性相近言其成性小異而皆善也有不善則判然如寒暑晝夜不待習而已相遠矣故不善者習之所成非氣質之本然孟子所謂弗思弗求者也故又不可不慎其所習習於善雖柔且暗善也習爲不善雖剛且明不善也故困而不學者然後爲下中人以下不可語上者未嘗不可使由之也後世徒見自幼而惡者疑非習所成而又不可以汚性則推之於性習之間曰此氣質也云爾蓋徒知視聽言動之習而未知不可視聽言動之習也知有心之習

而未知無心之習也居養之移氣體胎有教而子多才此其漸習豈以心思耳目哉知胎之教與居養之移漸染之習則自幼而惡者皆成於習而非天賦之一定故無不可反而之善者士之自成自道無所可諉矣若曰氣質所成也則言非禮義與自謂不能者且諉之以天困而墜其自暴自棄之心又何教之立哉今孔孟之教如日中天而紛紛者不得行矣明問猶及復辯詰豈非示承學以不謬所從且使慎乎其所以見諸實用而不爲徒言矣乎愚也何敢以自賊也

太宰龍湖張公之官南都序

頃龍湖張公語予大學之道曰無有作好無有作惡而明德明於天下矣予悚然起敬揖公而復之曰太哉言公未念於茲黎民尚亦有利哉公還以相勉且自謂學而未能相與喟然嘆者三焉聖人遠而道術裂學者競務於知慮聞識自謂不窮之用孰有專精凝神於心術之運以謹其好惡之萌而默識其條微忽危間不容髮之幾者大道湮晦故善治不與公之及此言也於斯道也深乎公明達剛毅該洽今古凡天地人物之故群分類聚之情富教綏動之方安攘

威懷之畧食貨兵刑之制禮樂文章之數無所不窺  
聽其指授汪洋浩博根據條析整平可見之行事以  
底成績故一時稱抱負經濟者往往歸公異時問罪  
安南公以翰林學士輔行既晉陟少宰遷綰院章而  
士望益隆每省卿虛位推擇其人以詔簡擢謂必弘  
才博識昌乎其氣非徒持文墨議論者蓋未始不心  
儀公也然予以謂公固將進而論道弘化者此豈足  
以盡之譬之田不失其馳舍矢如破蓋射御者之事  
而虞人或兼能焉於虞人非必謂有無也苟曰者以  
是名虞而虞者亦以是自能則將失其所以爲虞且  
胥而入于林中然則世所稱公以謂足以喻人者殆  
其緒餘土苴乃疇昔語子深造自得人或未之知也  
公顧歛然自視猶曰予未之有能焉嗟乎學而不及  
望之未見其斯以爲能之者乎人之言曰天下之患  
莫大於民貧而無以爲生故治道莫先於富民民富  
斯樂生而興善圖永安而厭始禍故可與親上敵愾  
而不可與爲亂言則似矣而未探其本也夫志定于  
上斯風行于下不疚其心斯無害於政故好惡於人  
大矣率性而無作故循物而有恒無作之政簡以肅  
故民有餘力而無忝志相勸於勤生節用之業有恒

之令舒以貞故士志畏忌而樂展布恣行其奉法循  
理之志如是而民富可幾矣斯道也雖聖人復起莫  
之能易如公殆將身親見之而予得席餘施學稼圃  
以養樗櫟之不材豈非幸歟於是公簡擢南冢宰  
天子蓋漸崇其階將進而置諸左右翰林自元宰旋  
公而下咸有贈章屬予爲序夫先公而達者須之翼  
後公而進者須之倡而予則恃以苟得其欲而須之  
先者須公彌衆故望公逾厚然予未能他有益也  
即疇昔語子者則既備矣進而論道弘化以答群情  
之望其大者固無以易此

歐陽南野先生文選卷之四

南野文選四卷

江西巡撫  
採進本

明歐陽德撰此本爲隆慶中其門人馮惟訥等所  
編於全集僅十分取一然德在朝著述如建儲災  
異諸疏皆能言人所不能言而是編不載則惟訥  
等所錄皆講學之文故也是可以觀明儒之所尚  
矣

潘笠江先生集十二卷近稿

十二卷附錄一卷

〔明〕潘恩撰

蘇州市圖書館南京圖書館藏明嘉靖

至萬曆刻本

附《四庫全書總目·笠江集十

二卷》提要

潘恭定公全集小引

蘇州府志  
卷之八

中丞笠江潘公平生所著述曰笠江集曰笠江近稿者既梓行矣公歿而公二子學憲方伯合前後刻彙萃成編總之曰潘恭定公全集者榮易名以舉要也公自弱冠登朝中外敬歷繇庶僚以至右列聞望勲伐彪炳寓內無俟言矣而因文論世以考公歷履於險夷崇替冗散劇要不一其遇也而槩其大節壯老一致固著知當世矣至其養深蓄厚沉涵於學術名理而出之緒餘收其用於旂常鍾鼎託論撰以抒情竹素翕張於文質之間

者公蓋持之以默不自標揭世或未盡知知之而無從叩發其蘊也余自往歲承乏南雍會公遷南司空來也數陪公議論之末間揚摧執文知公所病於近世作者尚摹擬為工以為膚立而乏神理守枯筌而鮮自得也余竊有味其言乃

集引

今觀公之文大都爾雅醇厚藻蔚而不失之琤鐃沉鬱而不傷於鈞棘敷腴閎閎而不流於曼衍紆徐嫺雅迪則古昔而不泥於成迹斌斌乎質有其文備作者之典型焉乃知余嚮所聞於公者非苟言之也余不佞受知於公久屬嘗衣被

其言今耄矣顧言之無文不能闡揚公制作之盛然嘗考論公生平識其大者文章特公餘事耳故稍述梗槩以引其端若此即余非知文亦不可謂非知公也

賜進士出身資政大夫太子少保禮部尚書兼翰林院學士

經筵官

國史副總裁郡人陸樹聲頓首撰



潘筌江先生集序

往余與筌江先生分曹白下蓋雅相善也已乃棲息異枝曠不相覩者凡二十餘年雖時時竊慕其為人而談議著述逸哉遐矣比得所為

皇明文選

大明律例二序讀之輒歎曰筌江績學脩詞勤往若此乎益躍然慕之乃文學聶子叔願持巨編以來乞序諸首簡余聞之子夏

潘集序

氏云仕而優則學學而優則仕言相須也故君子之學也終身焉耳矣其未知之也患有所不知既知之患有所不行蹊徑之茅弗闢斯塞嘉圃之蕪弗殖斯落曾是以一日忘學乎故沉潛經訓稱說先王非以襲故也蒐獵立墳貫穿百氏非以炫博也操持鉛槧吐屬舒葩非以賈譽也以爲體天地之撰類萬物之情窮古今之變則德義之經藻潤政治

亡繇也如其掠糟粕以媒榮捐素業而改

錯土龍芻狗用已則棄斯所謂滅裂而種

之亦滅裂而收之者也又何足與遵彥哲

之轍樹卓偉之勲哉筌江先生幼負瑰奇

翺翔藝苑自爲諸生已嶄然露其頭角迨

偕計吏策

大庭豹文丕著流響四馳縉紳學士稱之曰

此

熙時之麟鳳而方域之琛琛也已乃歷典州

潘集序

十

郡陟降藩臬馳騁風塵之途靡有停軌而諷誦遺編冥探博討如起求飫時有所得則布諸觥牘宣其胃臆蓋自始仕以至於今恒孳孳焉此所謂仕優而學者非耶今觀其文醞藉必本於心得論撰不詭於聖人雖光燄溢發而率由雅馴其爲詩也型範自然體裁各適已深入作者之堂奧矣推其所畜施於有政出以經營藩國入以

補敝

皇猷將偉烈是建而令譽無窮奚啻貢其詞  
章而已哉余不佞不足以揄揚盛美聊述  
所見以俟知者徵焉

皇明嘉靖三十四年冬十月朔奉

勅叅贊機務資政大夫南京兵部尚書明州

張時微序

潘集序

三

笠江先生集序

我朝取士罷黜詞賦不以列于學官學官弟子  
鮮從所習業間習之亦無所師承各以其資所  
近者為家自正德建年來開雒之間稱多名士  
其氣俊邁揚厲不能平近復以蔭績相高視平  
調為卑近不屑事故其立功名輒為氣所使其  
所陳說或慷慨感激不能通時之變以取禍或  
以浮靡躁進廢棄于時當世所稱名士大率出  
此松江僻在海上晉室未南即顧陸之風蔚然

潘集序

稱于海內以開其先可謂盛矣笠江潘先生聞  
其風而興起自其少時即性有定養捺節有概  
雖處羣衆遇紛錯應之未嘗有聲色故居鄉稱  
君子臨政稱賢大夫其為文即類其行春容和  
厚而有典則蓋本于兩漢而通于韓子其詩祖  
盛唐充于自得之意其氣視諸子為獨平而渾  
厚視古昔其仕達于時固宜然也余嘗著地氣  
論謂自昔立國政治與文章相轉運開國之初  
為文渾厚質木視後世文明之盛似不相逮然



其時政簡而民安其後文日益豐美行亦華腴而治日興無舒緩之致其大較然也然自古老先生觀之其文豐美而不失其初渾厚之氣所以挽回運化曲成其能有自也故學士之文雖措語細小皆可以見終身之業然大要以平為本笠江先生性端厚而持養有定其德業所就雖不假文而揚然其文之興于世自當與古老先生並傳也

嘉靖甲寅歲冬十二月朔郡人徐獻忠序

清集序

十二

卷之

賦

南征賦

懷歸賦

平山賦

豐村賦

北堂榮壽賦

樂間賦

樂府

嘉靖鼓吹曲辭十二首

戰城南

臨高臺

烏生八九子

豔歌行

長歌行

短歌行

燕歌行

從軍行五首

鞠歌行

界上行

善哉行

當來日大難行

西門行

煌煌京洛行

滿歌行

獨漉

白苧詞四首

出自薊北門行

君子有所思行

清集目錄

前緩聲歌

結客少年場行

行路難二首

來儀曲

步虛詞

琴瑟行

太清舞

三言詩

三言詩

風木哀爲高長史作斬人

輓歌爲陳虞山母作

卷之二

詩

春日湖上

靜海寺二首

別弟二首

贈俞國華

遊靈谷寺八首

洞門御翰

清集目錄

功德聖泉

三里松徑

萬工月池

道林真塔

輓殿經聲

珠峯紫翠

鐘阜雲霞

遊金山寺

荅顧武祥吏部

宴高蘇門館奉荅見贈之作

丰

荅蘇門吏部

樂城行

送張近川之鄢陵

晚次清源飲孫道甫公署

秋日

石溪

怡梅

贈王海山尚書

東泉歌

胥臺吊古

潘集目錄

戊子舟發江口

送張清甫之四明

送張孚一南歸二首

送康文淵往吉安

大慧寺

寓興隆寺聞 駕出北郊簡田叔禾儀部二

首

送王子秀之台

秋懷四首

秋日退朝次呂東匯正部

送諸子興正郎謫嶺南二首

送會棟峯江南斷獄

諸子村呂東匯葉蓮峯有詩約之作錄以招

余賦荅

送趙甬江吏部

八月雪見東井時 聖丁誕辰詔勿賀

頌曆

聞警

送海樓李子守襄陽

送韶陽鄭明府

潘集目錄

送朱翼之往遂昌

冬日退朝馬上作

駕出南郊視牲

南郊陪祀

慶成宴

雪夜二首

雙白行

臘日

題山母壽圖

蘆叟歌

五

雙節吟

詠史二首

清隱

夜集東匪館次韻

贈筠菴次韻

壽趙太常曲江二首

壽楊東浦

月松

贈陸鵲峯

贈逸客

清集目錄

西疇

贈天台夏醫

和葉原學元日早朝

人日

元夕

春日鄴將軍園亭分韻得無字

送劉子靜使粵歸省

送諸芝泉

送人歸越

舟次天津

太

富春渚

從宜春晚涉萍鄉

我行楚水

灕山篇

贈吳沙坡

昭州道中二首

蒼梧逢程松谿太史

荅田叔禾

慶遠道

山行

清集目錄

甫里餘清

邕州道中

荒村

過馮當世祠詩并序

過伏波祠二首

三洲巖次韓襄毅

吊張將軍

蒿蔚吟

遊柳山

再登湘山寺

七

七里瀨大誌

過檢篙灘答金之乘僉憲二首

同程松谿遊冰井寺八首

冰井寺道中

謁韓襄毅祠

呂仙祠

冰井亭

飛翠亭松谿攜酒至

拱日亭

東湖書院

卷之四

先月欄

卷之五

至瑞州道七星巖次之乘

藤縣途中夜行

立春日至潯州見桃花

過沈參戎園亭

悠然亭

遊泰宜州

柳城道中夜行

嘉靖丁亥鄭質蒼龍雲東蕭東潭與余同

南部癸巳余廣西督學龍蕭擢兩江兵憲

今鄭以永昌守亦還桂林喜而賦詩

秋日湖上次雪牕

詠石

高將軍輓詩

桂山亭雙鶴次韻

贈南泉子

十二月重至潯州復值立春日桃李競開

卷之三

詩

卷之六

乙未元日寓鬱林

壽圖引

詠懷十七首

蘭蘇道中作

逍遙樓

潞河晚泊

逢林秀水夜集二首

題劉平岡龍池春樹卷

荅李抑齋二首

三峯歌

送鄭侍御

賀張總戎凱旋詩并序

晚行越水

象磯

道林寺次之乘韻

寄寄亭二首

桂嶺吟送江弘齋僉憲北上

繫龍洲

靖江王太平巖次韻

懋德堂次韻

潘集目錄

遊風洞和夏松泉方伯

同楊尹登合江亭會書院諸生次昌黎韻

鳴岡亭歌

元夜崇德道中

宴宜春臺簡李過齋刺史

宣風館次王陽明韻

憶建寧夏明府

東菴歌

懷玉宿陸晉川公署次盧柳齋留別

晉川同舟至廣作用前韻

贈玉山尹陸晉川四首

自問

義烈卷

小古鏡

遊靜谷宿翠微傍僧舍

元旦書懷次萬五溪方伯五首

上巳郊遊次胡主齋正郎二首

詣雪窻覓栽蓮索予句得四絕

庭竹歌

印山亭宴集

潘集目錄

玄風別墅

和龍雲東憲副試茶三首

秋日郭西舟中燕集二首

月夜江行遲汪子叔可不至

飛來亭

經平園驛張曲江故里

從庾嶺北歸至萬安縣舟中作

謁孟廟

望嶧山

駕幸西山次包蒙泉侍御四首

舟泊潞河苔蒙泉

喜雨詩并序

吳淞十詠

澱湖秋水

龍華曉鐘

陳朝古檣

烏溪修竹

碧空秋月

滄海寒潮

遠澗流泉

橫波厲石

九夏甘霖

三春麗日

虎丘

望金山寺

過舒城逢周尹雨川二首

曉發淝川驛

雍城歎

憩陽邏驛

黃梅望二祖山

中秋夜黃州遇雨

觀音崖

謁顯陵

歸州道中四首

蟠龍山五首山有白兔亭

登龍泉寺

上黃陵廟

白洞灘

西懷懷古

神女祠

白帝城用杜工部秋興韻

山行觀雲

九日萬縣道中

棟塘歌

月溪贈當陽張尹模

同張東峯僉憲遊廣德寺次韻

瀛西歌

卷之四

詩

吁嗟行六首



瑞蘭贈湯閩帥

送林順齋方伯之廣東便道歸省三首

大觀臺歌贈薛畏齋

當陽晚行

夷陵歷九灣諸山

重謁 顯陵

鄧中吟

黃州赤壁

渡江望皖山

雪行望九華山

潘集目錄

濠梁

輓丁方齋

東川卷

桃源圖

慕思質六十

余病足瘡須野張子惠回春膏疾愈報之短

歌

秋日

新月

寄武昌丞胡后坡四首

盱江高令祠爲戶侍三峯父

人日雨次柯獅山

成都元夕六首

和劉中丞泛舟喜雨二首

藩臬諸君賞石崖草堂花賦詩時余不與後

鄧子索余詠慢和二首

輓林坦軒

遊中巖次楊升菴

靈雲洞次韻

靈雲寺次薛畏齋僉憲

潘集目錄

浮玉亭

贈魏參軍

荅冷健菴

宿九灣

維舟

玉泉亭

登橫鶴亭次韻

且適園十七詠爲談元珍作

且適園

竅玉亭

會心處

候鶴橋

樓琴所

榆涇書舍

洗句亭

梧簪堂

龍窟山

李谿

桃巷

杏塢

清集

梅行

桂庭

竹徑

橘籬

蜀架

湖上

冀北行二首

平望驛值清明

夜泛巫江

三入蜀過瀘順

進艇

宿分水驛三歲中三歷此亭瞻焉興懷

再過梁山擬遊龍洞會暴雨不克賦此

遊岑公洞

和楊舜原道長首夏過白塔寺

和舜原勝果寺二首

和舜原梓州東山寺

富樂山

南渠二首

榮錫堂三首爲薛僉憲作

清集目錄

洞門寺次韻三首

錢心齋令南充有惠政入名宦祠子定齋比

部正郎使蜀賦詩志哀次韻二首

侯三峯大叅官署畜玉狸目赤白迥異余奇

之作異狸行

畫竹歌爲三峯作

牛頭寺和楊舜原四首

禪燈

檀床

辛昌寺夜集同戴東華水部

十七

約東華草亭遊覺林寺

送戴東華

疊韻別東華二首

教東谷宦蜀五載其仲嗣來謁賦二律多感

慨之辭余亦思歸援筆次焉

官衙懷菊次魏草亭二首

登岳陽樓

登黃鶴樓

贈陸癯山

宿總曹官衙東屠竹墟憲副

清集目錄

海棠次韻答程青石中丞

栽蓮答青石

菜中

五日

樓溪十詠

紫荆山

錦屏石

輓韓灣

瀑布泉

菖蒲澗

觀魚潭

砥柱峯

樓子石

萬石渠

含香谷

送何述齋之河南五章

詠史五首

詠古三首贈東川御醫

壽東川

兩江

清集目錄

卷之五

詩

雜體詩三十首并序

古離別

李都尉陵送友

班婕妤詠扇

魏文帝丕遊宴

陳思王植贈友

劉少卿公譙

王侍中粲從軍

五

孫中散康言志

阮步兵籍詠懷

張司空華離情

潘黃門岳羈宦

陸平原機行旅

左記室思詩史

張黃門協苦雨

劉太尉琨傷亂

盧中郎諶感交

郭弘農璞遊仙

潘集目錄

孫廷尉綽遊山

許徵君詢自序

殷東陽仲文異

謝僕射混遊覽

陶徵君潛田居

謝臨川靈運登山

顏特進延之侍宴

謝法曹惠連送別

王徵君敞養疾

袁太尉淑後集

子

謝光祿莊郊遊

鮑參軍昭戎行

休上人忽別

輓顧給諫母

壽瞿仰峯贈玉泉和尚

題古圖四首為韓貞仲作

和馮桐岡北上遊龍華寺

壽馮桐岡太守詩并序

荅諸守谷中秋詠月

和守谷八月十五至十七夜無月之作

讀孝感編

潘集目錄

孤竹篇

和胡剡翁詠竹夫人

和詠湯侍兒

送韓都閫之河南

小癡歌

壽顧上川光祿

送方碧溪歸閩三首

沈易菴惠櫻竹又辱賦詩次荅

易菴招余觀菊中紫色者異絕次守谷韻

次守谷韻謝易菴兼訊來約

三

贈姜純菴僉憲九十六翁

孫望川赴留都贈別

魏公祠三首

柳亭贈葉中舍

宿崇真觀有懷

壽萱圖爲彭水部題

醉翁亭同侍御郭東山太卿趙雪屏扈會溪

燕集次韻

遊豐樂亭

登瑯琊山

六清集目錄

觀柏子潭

送方中洲北上二首

長水塔院夜集和黃翠巖侍御

菊東三首

送李生太學畢業南還余同年鹿峯侍御子

廣信仙巖

過裴山人慶

一拙

董太卿潢溪八十

次劉梅谷感寇之作

贈相士

江少宰瑞石呂納言東匯江儀部巨石張僉

憲南屏胡太守顏齋招余飲奉次納言詩

一首

遊國清寺次壁韻

石梁曇華亭用前韻

沈鳳峯園亭十二首次韻

瑤池歌壽姚少峯母

秋日登滕王閣次汪春谷韻二首

至日祝聖壽次楊石崖都閫韻

六清集目錄

又次象川憲伯

洪都見雪次石崖韻

滕王閣新修同諸公宴集賦得龍字

銅仁自置郡以來未發甲科大行陳近衡以

宏才碩學奮迹開先奉使南還適新構堂

成爲其翁碧溪暨母夫人壽廼賦八韻禱

侑獻觴

覽勝樓歌爲涂東潭賦

卷之六

策

廷試策一道

河南鄉試程策三道

山東鄉試程策一道

表

九廟成賀表

九廟成賀 昭聖皇太后表

九廟成賀 章聖皇太后表

皇嗣生賀表

皇嗣生賀 昭聖皇太后表

皇嗣生賀 章聖皇太后表

清集目錄

箋

皇嗣生賀 皇后箋

卷之七

序

送鄭思齋先生序

祁州志序

別李南原序

河南鄉試錄序

送顧遜齋掌教黃陂序

鮑君七十壽序

廣西鄉試錄序

撰作

靖晉錄序

同年敘齒錄序

送劉東巖入 覲序

送陸石樓入 覲序

賀大司徒錢公序

壽胡隱齋序

贈張蓉江掌教序

送喬燕泉赴河東序

壽奚月松序

清集目錄

送劉平嵩視學河南序

廣西鄉試錄後序

擬作

贈徐潤之序

贈王子明序

送周白溪之福建序

贈龍雲東叅政序

送汪西潭序

張筠菴壽序

筆沙卷序

卷之八

序

賀奚敬齋封給諫序

贈丁丞序

刻政訓序

別蔣道林序

撫治錄序

永思訓辭序

送侯三峯總憲序

重刻洞庭集序

壽楊太淑人序

棟塘李翁輓詩序

趙曲江太常八十壽序

山東鄉試錄序

擬作

學憲唐龍江七十壽序

賀顧孺人榮封序

壽曹桃谿序

贈孫望川序

壽顧東川序

壽陸后山序

思貽序

送張象川司訓序

邑侯喻右山膺獎序

喻右山膺薦序

贈大中丞盧公序

黃母榮節詩序

郡侯方雙江城上海序

皇明文選序

賀顧左山叅伯六袞序

刻大明律例後序

卷之九

碑

重修廣西都指揮使司碑

靈川縣重修廟學碑

興安縣改建廟學碑

鎮守廣西總兵府續題名碑

太三慶碑

記

邠州名賢祠記

邠州國庫記

邠州均糧記



懋德堂記

奉節縣清復稅糧記 長作

修睦記

攬秀樓記

卷之十

說

靜觀堂說

洗心亭說

君子軒說

圖政軒說

清集目錄

可畏齋說

冰蘖說

無倦說

思雲說

梅麓說

西溪說

須野說

畦樂說

息齋說

訥齋說

對

棲霞對

拙客對

贊

中憲大夫龍先生像贊

龍母太恭人贊

卷之十一

墓誌銘

景寧王教授王公墓誌銘

南京刑部主事趙公墓誌銘

清集目錄

贈南京戶部主事汪公墓銘

贈安人汪毋詹氏墓碣銘

弋陽王教授張公配朱孺人合葬墓誌銘

寧德丞喬君墓誌銘

祭文

祭石子珍文

祭董封君文

祭敬所蔣公文

祭思齋鄭先生文

祭王封君文

祭王賢學文

祭封君蔡公文

祭孫汝鳴文

祭張立峯文

祭董朗洲文

祭李少叅文

祭陸簣齋文

祭熊北原冢宰文

祭歐陽南野尚書文

卷之十二

潘集目錄

三

雜述

述經

論學

論治

觀物

笠江先生集賦樂府古今詩凡五卷策表箋序碑記凡四卷說對贊誌銘祭文及雜述凡三卷合爲十二卷蓋自嘉靖紀元壬午之歲訖今甲寅凡三十餘載之所作也先生茂德篤行爲世表儀其所

論著皆根諸性靈本乎事實豈獨以空言自見者哉海內之士旣多稱先生之行余故輯其文傳之後有君子得以覽焉

後學聶叔順謹識

潘笠江先生集目錄

潘集目錄

三

潘筌江先生集卷之一

賦 樂府

南征賦

歲紀大荒兮招搖指平玄冥時冉冉其將落兮余赴  
柅而南征風颼颼以僚栗兮水泌汨而砰礚憩昭潭  
之軒敞兮目天繪之清熒邇道鄉之遐軌兮嘆鄒子  
其完名懷邦衡之忠憤兮激白日而蜚聲排閭闔冀  
其悟主兮瀕九死乎猶榮指灘江以前進兮停余舟  
而未濟喟山川之峻岵兮閔二儀之恒賸窮岫泄以  
爲雲兮毒霧蒸而成厲石鱗鱗其磈礧兮泉瀲灩其

潘集卷一

一

滂漚始糾戾而隆頽兮歛潺湲乎永逝蜩像盤旋以  
驕桀兮天吳賸睨而瞪視夫惟榜人之便習兮晴鶴  
眩而心悸壯益州之叱馭兮夕吾濟夫此水履忠信  
而涉波濤兮忽反顧其千里鷗鷺鳬之電絕兮視呂  
梁乎尤駛陟蒼梧之澶衍兮聊假日以棲遲憶重華  
之故遊兮跂九疑而興悲節韶奏而獸舞兮總鳳鳥  
乎來儀孔忘味于在齊兮札微德于聞辭覽山阿其  
炳靈兮詠南風而若將見之義御忽其西邁兮涼飈  
散于天涯循歸途而予予兮今夜參半而猶思汎藤水  
之瀛融兮諦渚漬吾將適神牛作雨于山垂兮銅鼓

震聲于溪側視勾漏之輝艷兮囑洞天于白石詒葛

洪之丹井兮翔鸞紛其連繹豈仙蹟猶今存兮何泝  
響之來格越鬱林以容與兮遵長路而有行偉公紀  
之好修兮樹康石于千齡釋余馬于烏巖兮謁伏波  
之威神羞瓊芳以昭信兮靈偃蹇其余賁歌武溪而  
太息兮烏鳶跼跼于江津疇瘴鄉之足异兮襲意茲  
而藏珍世蔽美以稱惡兮矧疑似之相因迺振裳而  
高舉兮睨崑崙于南極吸激露以爲糧兮采芙蓉以  
爲飾愍新息之招尤兮步陸生之芳跡羗抑志而西  
旋兮眄柳川以爲期仰鷺山之巖巖兮探仙弈之麗

潘集卷一

一

披矚待蘇于北郭兮揖駕鶴于東澗躡龍水之石留  
今惻地勢之華離觀重巒之駢駢兮傷民生之雜夷  
誦羅池之殘碣兮詫明靈其如在式賢良之蒿墓兮  
氣填臆而心痲慟直道其危身兮悵逢時之濁穢黃  
鳥懷余好音兮諒春色之敷愉榕葉紛其布庭兮若  
慘秋而不舒忽撫景以鬱陶兮惕日月之云徂邇吾  
行其未已兮嗟惠軫夫焉如人情局于懷土兮念越  
鳥而增吁孰憂思之可任兮殆將返班生之故廬系  
曰古往今來邈矣遐哉冥搜遠覽祗以多哀憂爲樂  
端福爲禍胎忽恍滂沱孰闔孰開健徑崩荒豈曰吾

才侯河之清又將焉裁子讚知幾牘明不辱歸車  
與從吾所欲

懷歸賦

并序

甲午仲春望後二日登邕之南丘顧瞻舊里  
愴然興嘆作懷歸賦也

四節逝兮若馳玄冬盡兮春歸升高丘兮望遠觀時  
物兮增思荔子華兮紫的江草被兮青葙潛魚躍兮  
在沼候鳥沸兮高枝眺征雲兮北駐歌陟岵兮長悲  
日晚晚兮西下月繼照兮東垂心煩冤兮不解悵無  
翼兮拚飛

平山賦

并序

潘集卷二

三

歙縣黃英之隱居屏山之左廼自號平山著  
志也予爲賦之辭曰

維屏山之奇麗兮雄峙大江之陽繁風氣之攸鍾兮  
審地脈之儲祥覽形勝其瓌璋兮象宇宙之圓方上  
聳立而如削兮下坦衍乎若堂是神明之扶護兮發  
靈穎于潛蘊結根固乎南國兮石柱標于天壤通仙  
爲之寔宅兮二壑之幽谷光曜他山之福兮日井  
木其繁植歲歲以從橫兮蛇虺騰而伏匿氣蓬津  
以霧湧兮忽蕪穢之交集觀人跡其渺杳兮知居者

之能息考勢而度德兮奚若茲山之平直懿幽人之

好脩兮乃遂焉而止居樹芳蘭爲壇兮葺薜荔而成  
廬紉蓀桂以佩兮揭辛夷而爲車夕飲瑤池之清露  
今朝采西巖之玉蔬等華紛于蟬翼兮賓日月于居  
諸曠心目之寥朗兮挹林泉之神爽玩道要而養恬  
兮遣浮生于無象體造化之自然兮契往牒之真詮  
乘扶搖而俛仰兮迴日御于悲泉駕王喬之鶴以遊  
兮友洪崖而周旋迴義黃之遐軌兮聊容與以永年  
亂曰維此屏山德靜專兮曰千萬祀不崩騫兮幽人  
守貞道不煩兮仁者樂山徵諸尼甫之言兮

豐村賦

并序

潘集卷二

十四

豐之爲言盛也厚也豐村者浙水東注匯而  
成村寬衍平夷弘博爽塏厥地可耕可廬侍  
御金君所居在焉嘉靖戊戌歲君按蜀董紀  
振綱敦化作極百度悉貞維時吏縮于威民  
懷其惠咸頌厥休詠歌者述夫思著作者標  
其烈曄乎盛哉洋洋盈耳蓋聲稱籍于一時  
而令聞延之無極者也不揆淺劣爰造茲賦  
以終授簡之役其辭曰

維茲村之閭偉兮繁風氣之攸止瞻原隰之膴膴兮

睇流泉之瀾瀾萃水陸之毛實今極物產之敷腴  
吾上之可樂今作吳越之隩區西發源于天目今東  
結秀于海涯瞰禹穴之奇古今挹震澤之漣漪懿哲  
人之挺生今鍾山川之巨麗豈神明之扶植今幼克  
岐而克疑羌既長而好脩今樹芝蘭之九畹采衆芳  
以自佩今混中處而心遠探六籍之浩瀚今思上邇  
乎典墳遠古今之玄覽今抑瀟灑于藝林豈徒適情  
于文史今將以嘯嘯乎道真適實林而聲以宏今迺  
躡步于楓宸聘驥足于康莊今搏鵬翼于九萬歛歷  
塊而生光今縱扶搖之汗漫效單父之鳴琴今植棠

清集卷一

五

陰于百里並桐鄉之去思今播光榮其曷已暨進陟  
平柱史今持風裁以自許攬文紀之輪轡今奮霜稜  
而特起厲閼道之清真今隨玄鶴以容與慨盛德其  
若虛今守謙光而靡渝秉羔羊之純素今恒正直以  
委蛇履鳴鳩之一德今式敬慎于威儀期翱翔乎雲  
路今不易軌于輶車總丹霞之文幟今懸明月之魚  
須製道德以爲旌今揭仁義以爲輿飾禮樂之紛藻  
今肅介辨之廉隅夢孔壇于東魯今樂顏巷而自如  
揖濂洛之風神今賦劉生之遂初雖顯其日致今  
情惟同乎韋布誓周行于八極今猶不失夫故步蓋

金玉其一節今庶幾乎大人之度亂曰彼美豐村  
與京今有斐君子孕德貞今地靈人傑晉以成今千  
秋萬祀垂令名今

北堂榮壽賦 并序

嘉靖歲辛丑九月某日侍御合川王君母太  
夫人壽之辰君秉節按蜀風裁章顯威惠旁  
流民夷洽豫踰年代歸將便道爲母壽時蜀  
人士感沐德休欣覲盛美各染翰摛文備侑  
觴之役某不敏廼造茲賦申奏下筵辭曰

壽母之降辰今協時日之吉良維九秋之肅穆今值

清集卷一

一

菊節之敷芳紛紫莖而上擢今吐華豔于北堂衍幽  
馨于庭桂今發續藻于堦蘭繫今子之克昌今振風  
烈于臺端攬岷嶓之還轡今毛色養而承惟思我行  
之永久今既歸至而燕喜酌王母之羽觴今青鳥下  
而容與羞安期之赤棗今雜方朔之緋桃瑤草燁乎  
赫耀今春酒賦而如膏選豐膳于庖人今薦中山之  
美酎屑玉藥爲糗糧今挹瓊漿于芝萐睇寶婺之垂  
光今當夜分其若晝覩爲樂之未央今羨福履乎日  
茂惇孝敬而不忘今作人倫之領袖賦畢廼歌曰維  
茲壽母娟潔好脩爰佩璫玖玉立清秋乃

昌爾後耀跡雲衢蜚聲牙繡維茲壽冊食報于德眉  
壽何期永爲內則善積祥降靡忒者天予以作歌敢  
告司筵

### 樂間賦

嗟大道之日替兮悲民生其好愉紛六慾以繫情兮  
心皇皇其焉求懿哲人之高蹈兮爰景仰于前脩嘆  
宇宙其蜉蝣兮迺委順于林丘志麗公之歸隱兮耽  
鹿門之靚幽慕榮期之鼓琴兮羗帶索而長謳下羣  
青兮海上友白鹿兮春洲脫繒繳兮長逝嚼芝草兮  
悠悠噫翁之樂間兮孰與儔

### 愛日堂賦

潘集卷一

七

繫陽德之中天兮駿流光而孔晰攬羲御以東升兮  
耀燭龍而西掣位寅賓而萬象昭融兮浴咸池而四  
時應節契乾體之三無私兮爰表聖人之得一君子  
居業於朝昏兮野人藝功於平秩展玄戈而退舍兮  
詫魯陽之三徙握漢鏡以再中兮赫炎燿其四起偉  
西江之彥士兮韞蒙山之懿美承親志以績學兮心  
傲惕而疊疊誦修名之未立兮恐年歲之不吾與揭  
愛日以名堂兮勒琬琰而高峙憶椿齡而喜懼紛還  
兮睇隙駒其若驚循聖修而憤樂交禪兮輕尺璧以

競陰聚百順而隆孝養兮挹會閔於羹牆緝六藝以  
潤厥身兮襲淳夏之餘芳敦彝倫以範俗兮樹里巷  
之旂常溘南征以作賓兮爲廊廟之龍光標甲第以  
登庸兮駛驥足而遐騁擢司刑於吾郡兮燁聲名其  
籍甚儼千張之仁恕兮幾臯陶之明允瞻白雲以睨  
親舍兮路遙遙而靡所底雲邈日以西飛兮目隨雲  
而心撫祗見日而不見父兮適馳情於陟岵奉色養  
而莫之得兮期願親而不敦忒遂抑志以守官兮效  
忱恂以共職爰背思獻之君兮傾葵心貞於上國亶  
移孝以爲忠兮庶畢誠於愛日

潘集卷一

一七

### 嘉靖鼓吹曲辭十二首 并序

今皇帝聖神文武祠登大寶潤色鴻猷禮樂肇興  
幾務緝穆建中和之極希泰皞之治徵諸往  
昔鮮矣其倫臣沾濡棫樸歷有歲年因耳目  
所睹記輒倣漢魏舊辭撰嘉靖鼓吹曲十二  
篇于以鋪張景烈庶幾後有攷焉 上奮跡  
楚邦統序世及人心說豫天曆歸昌爲神龍  
躍第一民惟國本食惟民天哲王重之乃耕  
帝藉爲古先農第二堯師務成舜師紀后  
帝親屈萬乘重幸太學爲惟孔師第三祖考

上賓精爽如在行中慈惠則仁孝勃興爲望

國陵第四乾元資始禮崇大報爰稽周典特

立園丘爲王者典第五地道配乾生植萬彙

乃樹方澤肇祀北郊爲至其坤元第六兩儀

代明施光下上春分朝日秋分夕月各峙壇

壇以稯祀報功爲地靈耀第七營夜明第八

宗廟之祭曰有常經尊祖親禰不昵不疏則

仁昭義達爲桓桓二祖第九古先聖王開

物成務德大蒸元祀元入主氛濁中夏聖衷

淵遠乃隆廟祭以崇大功乃斥祀元以嚴大

分典禮無愆爲天作君師第十周城朔方漢

列亭鄣內修外攘而后疆圉又安爲蠡爾胡

第十一威以伐叛德以綏來期于九服咸賓

夷夏統壹爲嗟南交第十二顧識見猥劣辭

指凡蕪不足掄揚萬分要之巴人奏節雖乖

寡和之音候鳥希聲亦適自然之分云爾

神龍躍楚之淵符昌運叶上玄膺寶曆受堯禪駕六

飛北如燕越襄鄧涉河孺虎旅發如雲屯星旗揭隨

風翻朱鼓振聲碑闐陟元后統承天式王度勅人官

百靈輯庶務虔法皇祖無忘愆光四表耀八埏永

保定億萬年

其二

古先農肇力田藝百穀重民天藉千畝炳遺編我

后典思王道圖無逸稽本約寶稼穡軫登耗農祥正

庖烏鳴杏華白菖葉生釋九五稅郊坰乘鸞路建青

旗張翠蓋駟蒼螭秉朱絲躬三推繫臣民助終畝慶

惠流均勞酒典禮行儀文備洽萬國澤汪濊民所懷

懷有德祚延長天無極

其三

惟孔師明王道著六經垂鑒照惟太學育才賢端化

本政所先惟前王右文術迄我明守無失帝紹統

極褒崇詠時日臨學宮咨古訓從臣工榮生闕里樂

哉辟雍尊儒重道海內同風嘉靖之治光大日有功

上與唐虞相比隆

其四

言望園陵天壽之陽玉魚蒙翳月榭淒涼王氣攸鍾

鬱乎蒼蒼神孫奕葉朝明堂懷思祖德胡能忘選

徒命車出自上方霓旌容裔繚騎騰驤經行輦道增

輝光皇情如慕倍愴傷鼎湖龍靜杳無迹橋山劍

履霜華白洋洋如在神靈輝赫佑我嗣皇玄祐穰



穰於萬斯年壽命長我明鴻業鞏固同也桑

其五

王者典父事天歲大報禮文虔營泰壇郊之南越前  
規後觀三成崇表範簡樸契幽玄色青象乾體規  
合擬形圓特祀循周典 皇心更精專惟彼仲冬時  
陽聲芽滋龍旂承歲事大次設郊圻芳齊湛陶爵  
蘭栗潔牲犧黃鍾奏兮雲門舞管蕭炳兮德馨吐  
上帝居歆澹容與於昭左右惟 皇祖天神格兮協  
氣蒸祥風瑞露凝光晶百昌植兮布休禎歲豐人和  
歌太平

其六

清集卷一

十

至哉坤元其德厚載代天有終化溥無外乃營泰折  
于彼北郊井冽寒泉澤注玄濤仲夏日至微陰始生  
產土麗牲祀事孔明進芳粢兮裸獻秉黃琮兮旅薦  
祭函鍾兮八變靈祇格兮光爛膏澤四沛攸同六府  
孔脩業崇九州睦睦雍雍倚與富媪之功

其七

飛鳥抱靈曜皎皎圓如規吐華若木端拂羽扶桑枝  
燭龍破幽曉罄宇照無私構壇東門外脩祭仲春時  
天王服玄端奠饗享多儀感通介繁祉品彙仰春

祺重光協圖應明德長無衰

其八

乃營夜明于郊之西靈壇婀娜晶晶含輝維此秋中  
白藏司節顧兔光流時以夕月乘輿出次實柴禮行  
載潔我精載薦我牲芳潔肸蠁永矣重輪照臨下土  
受天之慶

其九

桓桓 二祖勛業兩京烈烈 六宗著德守成 羣  
后配天丕顯丕承維我 睿宗斤斤其明篤生 聖  
子爲天下君 祖功宗德穆穆煌煌於赫清廟九葉

清集卷一

十一

重光 帝念厥序允也不忘緝熙祀典祠禴蒸嘗乃  
新禘洽作世典章德馨四鬯 祖考是皇締我明業  
永永無疆

其十

天作君師維民之則代有聖神勩勩開極天厭腥德  
元祚告終我明紹統受命景隆爰思古帝掄及臣工  
作廟翼翼以報豐功上自三皇訖于宋祖春秋承祀  
惟天下主和鑾按節振鷺修容駿奔對越罔不肅雝  
明信上格神罔時罔 皇帝萬壽福祿來崇

其十一

塞爾胡驛張營必馳馬掠我疆來則逐去不追古  
來天子守四夷御關庭念邊民 皇心眷眷欲西巡  
命元輔輟請筵驅車關外代行邊東鴈門西甘寧往  
來萬里白榆城修堡堞賜金繒士心懽悅虜塵清  
天驕絕地維殿中端拱垂裳衣

其十二

嗟爾南交限閩山海附屬我明歷年靡怠彼昏莫庸  
敢矯梟風肆行懷危王祭不共 帝赫厥怒命將徂  
征匪棘匪旻皇國是正沈沈司馬臣惟伯溫受策中  
朝杖鉞軍門申誓師旅凌厲風雲陳于鄙野鉦鼓殷

潘集卷一

十一

殷夷落震驚天威是懼節解枝披罔敢保聚角崩稽  
首道獻壺漿父子面縛上表乞降迺書露布達于神  
京 天子神聖迺宥爾生革彼僭王授以都統籍其  
土疆通其職貢羣方順軌霄漢永懷車書化一言登  
泰階

戰城南

戰城南復城北大將才且雄義憤填膺提戈逐左  
賢分道擒疏勒百戰突重圍三軍壯顏色率吾偏騎  
攻彼中堅什伍成列止伐不愆靜如山立動若波旋  
可以左可以右可以蹈湯火赴深淵人一當百賢怒

爭先轉關千里往返若飛生縛名王震誓諸夷凱歌  
入玉關獻捷上京畿策勳同衛霍麟閣令名垂

臨高臺

臨高臺望宮闕露盤上擢青天開下瞻狹四海仰視  
切三台北連積雪之朔野南接烈火之朱崖東有滄  
瀛盪其趾西則崑崙弱水繞其隈聖皇御世雲龍風  
虎集羣才明良會聚庶事康哉五緯聯珠六符平泰  
階乘時遊豫陟彼崔嵬丹霞掩發皓月徘徊涼颼颼  
爽絕飛埃主壽萬年金書我錫玉簡昭回祥光瑞靄  
溢蓬萊

潘集卷一

十二

烏生八九子

城上烏三三五五夜相呼呼 蒼蒼租口卒瘁結巢秦  
樹裏一年生九雛上飛脫鷹隼下復驚虞夫張羅艾  
側網網成俘蒐飛蒐悸命越斯須路逢金吾子太息  
云何辜嗟哉汝虞胡不察爾之形軀得如黃雀炙白  
鹿脯可充朝夕舖乃今困爾何爲乎脫身鼓翼上天  
去下來長謝執金吾

豔歌行

旭日照城隅流輝射綺疏高樓有少婦云是秦家姝  
君子遠行役採桑出戶樞綸華那復御容姿爾獨朱

清揚發光彩淥水映芙蓉芳菲仲春節草木多專腴  
碧葉參差吐奇花次第舒穠纖耀明質馨香襲素裾  
行人矜一顧觀者滿郊衢使君擁騎來調笑立踟蹰  
妾心如此日皦皦不終渝人生恥非偶物類有王睢  
君無感我悅行步且徐徐

長歌行

聖皇御宸極玉署列才賢機衡式寘亮庶績日昭宣  
羣方就綱紀王路無頗偏三辰叶皓景五緯耀珠躔  
六氣順以布四時玄化旋神漿灑甘露頽霞流禮泉  
鳳凰翔殿宇麒麟集郊壤嘆戎狄咸來賓國中茂先奸

清集卷一

十四

耕耨週禹鑿穀黍備堯田元和鼓義瑟薰風諧舜絃  
民黎詠膏澤康衢樂自然垂裳享皇治主壽萬斯年

短歌行

彼美舜華朝榮夕枯蟬游之翼楚楚幾何細娛爾玩  
忽乃遠圖長夜豐飲周師度河舉烽博笑犬戎奮戈  
縱情容冶爾憂則那樂胡可極視予短歌

燕歌行

秋風獵獵黃雲飛美草甘泉胡馬肥控弦合騎擁重  
圍逐狐麟兔爭先馳塞外連兵入寇來玉關烽火照  
京闈檄書四下急徵師殿前更點羽林兒出率西征

賦采薇機中匹婦悲深閨終宵慊慊理裳衣淒霜皓  
雪路逶遲帶刀擊斗何時歸匈奴未滅家奚爲

從軍行五首

少從李都尉繫籍玉門關十戰摧驍勇英聲震百蠻  
天狼射烏壘虜騎越陰山白羽徵師急捐軀誓不還  
昨平龍塞北復戍鴈城南霜逐劍花落秋將玄鬢斑  
寄言中閫婦休擬舊時顏

其二

天策傳宣赴月支星營羅列羽林兒貂裘獨賜中軍  
帥挾纊恩齊百萬師

清集卷一

十五

其三

胡風夜卷南山陣大將朝承北闕書坐遣元戎開象  
郡還從偏道躒犀渠

其四

崇冰疊雪暗金微晝結黃雲凍不飛遙見長安來驛  
使共歡明主授征衣

其五

隴水梅花明月光三軍高壘駐燉煌玉門不閉通西  
使天馬蕭蕭入建章

鞠歌行

之遠球成圭璋伏櫪驥吳坂旁隨車爾繁榮  
在野舍孤芳明良聚側陋揚恢宏勛業垂無疆磻溪  
叟非文王終焉白首釣河璜

塘上行

綠蒲生中池其葉何蒙茸與君締婚媾焉知鮮有終  
三月楊柳花飛泊隨春風入沼化為萍吁嗟無定蹤  
衝波一相激葉葉自西東我心元不移君情忍中絕  
妾生不禽如鴛鴦故成匹妾生不草如女蘿附松柏  
妾生不木如連理枝糾結旦旦存誓言棄捐何藐藐  
妾棄難再返江流不西旋華芳溘朝槿忽忽誠可憐  
恨無奮飛翼委志畢君前

善哉行

來日大難憂苦無端竟園桃李夕雨摧殘一解桓任  
仲父底定霸功後懼讒佞戶流尸蟲二解張耳陳餘  
交結甚驩構兵不戒授首泚川三解蘇史滅宗忿起  
笑談勿以親暱勿以樂耽四解惟學仙道可以長年  
授我靈藥教我玄詮五解壺中駐景天上遺光乘雲  
輕舉隱顯無方六解周遊五嶽飛騰太清下士大笑

彼亦何心七解

當來日大難行

我乘我舸汎彼中河微颺鼓柁明月張羅雙龍挾足  
五兩浮波崇朝百里孰云其多六氣靡常颺風斯起  
激流湯湯奔瀉此雖有長年亦既鞠止天道藐藐  
人事悠悠荃蕙成芻鸞鸞為鳩神龍失水蝦鰍與儔  
謂予匪信請詠在舟

西門行

出西門涼風吹天氣慄慄草木變衰落葉鳴空塔  
日無停晷倏如逝波朝露易晞人壽幾何一解冬

潘集卷二

日苦短夏日苦長牛山隕淚滅刺彷徨三解彭筌匪

壽殤子匪天春花匪榮秋根匪稿臭腐神奇化遷一  
道達士大觀安能憤憤煩冤傷懷抱四解惟有仙人

王子喬引鳳吹簫物外恣遊遨五解人非仙才年命靡固蟋蟀

鳴堂歲聿其暮六解且酌清醑且奏繁絃感彼風人  
語為盡今朝歡七解

煌煌京洛行

美哉河洛苞帶二京華嵩作鎮天府斯營一解陸海  
神皇成茲都會閤殿離宮如雲斯蒼棟宇翬飛觚棧

鳳翽馳道中連交衢達外二解聖人端拱于此穆清  
安安堯德翼翼文心化均湯網俗阜虞琴皇乎備矣  
玄遠難名三解禮樂肇興文章斯煥習武昆明校書  
東觀四解惟皇建極蕩蕩平平五星順軌日月重明  
九德咸事四夷來賓番衣大治康我兆民五解

滿歌行

生世自有常屯達異塗原于彼蒼人也不諒中心皇  
皇昔我孔顏敬共是將用之斯行舍之斯藏一解天  
命不改度行止各殊期人莫之知晏嬰智矣不察宣  
尼孟軻遇魯臧倉沮之道之顯晦天寔女司二解爾

潘集卷一

一

昏匪鑒畔援歆羨背道違天謂富可求不恥執鞭一解  
貴可求役役彈冠舍我靈龜集彼腥羶三解爾昏匪  
鑒天道罔識謠詠是宣私以作奸蹠躋爲廉私以作  
惡隨夷爲貪蛾眉爾嫉嫫女稱妍四解惟此哲人鮮  
矣其倫知命樂天安土敦仁時明時晦時止時行退  
以蠖屈進則龍伸居約恒泰處樂不淫希心玄漠與  
道合真五解

獨漉

獨漉獨漉白龍魚服桑扈竊苗鵲羽集木一解人亦  
有言知幾則神胡不鵲舉如彼鵲蹲二解油油者

生于中止天霜凜而庶其悴止三解完山有鳥翻然  
九垓道之云遠毛羽摧顏四解移文北山習隱南郭  
生龜曳泥古人所樂五解英英玉藥脉脉瑶流庶幾  
飲食神與天游六解

白苧詞四首

東風入座春景融桃華李華顏色穠遲遲麗日轉瑤  
空佳人妙舞日方中流歌過雲稱最工花然酒危暎  
臉紅香飄繡帶盤雙龍蘭鐙繼晷樂未終良宵刻刻  
千金同

其二

潘集卷一

九

驕陽熇熇火雲燁瓊池金井飛寒泉疏簾水亭秩事  
筵焚枯酌醴烹肥鮮玉梓含挑顆顆圓徵歌選舞列  
嬋娟冰綃霧縠體僂僂齒齒星眸顏渥丹色與蓮花  
比並妍手持白團明月縣短曲微吟思黯然

其三

大火流西天氣涼挂鳬團團延素光征夫北戍限河  
梁少婦偏驚秋夜長孤燈黯黯照閨房芙蓉帳冷疑  
微霜手持白苧裁衣裳鏡前斜墮雙明璫起看牛女  
遙相望終夕含顰空七襄

其四

玉階留雪凝寒光梅花馥郁黃金堂肆筵高會陳同  
方中廚辦膳雜辛芳煎鳧濡鼈炮羔羊羽爵含霞傾  
桂漿昇平樂奏東西廂清歌徐舞盡名倡吳歎越謳  
聲抑揚流鄭激楚中宮商大小垂手低復昂四座歡  
娛日未央明君御世人悅康

出自前北門行

陰山日縮寒冥濛泉飛作雪圍青空黃雲晝壓白榆  
死酸風夜泣鬼火紅將軍結束向臨洮鶴彎蛇弓七  
寶刀起棒踏石蹙猛虎道逢虜騎遮如堵挺身血戰  
突重圍虬髯鵬目張稜威胡人宵遁靜夷落躍馬橫

清集卷一

二十

戈仍大索組縛賢王入玉關神光高燭麒麟閣

君子有所思行

京邑信佳麗通達如砥平甲館燦星居巍臺抗層城  
藻井結飛霞金鋪輝灝清塵凝流水較日映浮雲霓  
歌鐘連第宅綺繡溢階陳惜哉膏粱子輕肥日營營  
帶由滿斯覆智以利故昏哲士秉玄尚嘿嘿任天真  
希心楊子學白首太玄文

前緩聲歌

西飛之日安得東挽之絲六龍迴駕照耀中達人非  
公石輕塵弱草壽命何期當復思鄧林之足難追過

隙之駒忽逢古與靈洲授我女書長跪學仙道服食  
還精百千萬年難老

結客少年場行

結交連六郡買醉入新豐指揮白日暝趨捷萬大雄  
寶馬青絲絡雕文繁弱弓探丸殺長吏鳴鏑下飛鴻  
舉鞭揖七貴任氣轡王公歌鐘滿平樂軫蓋儼銅龍  
名勛晚未建電影旦成空回頭謝年少拊已嘆飄蓬  
何如霍都護皓首奏邊功

行路難三首

太行參差高入天驅車九折莫鳴鞭崩崖萬丈藤蘿

清集卷一

三

縛積雪稜嶒鳥道縣征人逼仄不敢度仰天歔歔仍  
四顧行路難君且止世塗叵測東流水鳥盡弓藏壯  
士死行路難君莫歌早來珠履暮張羅感刺風波奈  
爾何

其二

君不見陸行常畏逢豺虎川行常畏逢蛟螭巧言翻  
翩那可測貝錦如簧古忌之君不見宰嚭流言壯士  
死越兵抵掌吳門市少伯船回烟水空子胥鳴夷竟  
誰是又不見洛陽博學匡時策君王子夜虛前席年  
少還遭絳灌嘖窮愁卒隕長沙鬼行路難君莫評由

來諺口類青蠅變易是非安足較丈夫立身元有程  
行路難君莫憶前途步趨任通塞那能縮地千里行  
一夕車輪生四翼

其三

憶昔長安俠少年鬪雞走馬聲喧喧蘇合流黃映春  
日輕綃薄帶龍雙盤一朝蹀躞邊城道白骨黃沙共  
秋草雪暗交河寶刀折寒迷疏勒霜如月感此思歸  
欲斷腸車無服馬川無梁何時汎掃桑乾水盡縛明  
王見天子

來儀曲

清集卷一

主

建皇極時庶徵天王至德齊神明君肅穆臣寅清衆  
職咸理泰道亨乾啓瑞坤效靈丹山紫鳳翔虞廷九  
苞燦五采勻和聲翾翾諧韶音琅玕實桐樹桀赤曦  
照耀卷阿春滲玄化覆羣生海隅圖頌揚深仁登壽  
域樂昇平百千萬億永遐齡

步虛詞

虛靜函元始冲和象帝先蛻形凌日月飛步役風烟  
出流沙道紆徐函谷關青羊三萬里玉笈五千言  
赤水玄珠見朱陵紫氣旋瑤臺紛鶴轡石室度雲軒  
環來蓬島遺聲落九天

竿瑟行

道人理瑤瑟云傳太始音一彈玄鶴舞再奏雪霜零  
高山流水意借遠鴻軒鳳舉同嵇心君侯好竿不好  
瑟瑟雖工矣情彌隔彼哉竿濫良可嗤擊鐘食鼎徒  
華滋

太真樂舞

近風竚飛燕紈扇泣班姬宮中多樂事誰遣壽王知  
最憐羽衣曲復愴新臺詩

望雲謠

瞻彼白雲瞻言中野我思父母爰舍其下噫嘻我之

清集卷一

主

不爲雲兮我心殷殷

西蘆辭

松之西兮維水湯湯蘆蒼蒼兮白露爲霜幽人處兮  
水中央芝爲室兮荷爲裳音淒泐兮瑤瑟夢上古兮  
羲黃

鳳臺曲

青桐露滴瑤臺暮羸女流輝隔烟霧雲髮蟬翼翠光  
融奇花珍木繞秦宮僊侶差池途路迥星河錯落鴛  
鴦冷碧虛塵淨海天遙夜半氤氳聞鳳簫月華霞彩  
明如曙聲漸入雲騎去



風不衰爲高長史作勸人

鉅罽潭兮夕雨以陰蛟龍盤兮夜臺其深睇光容兮  
優乎日遠誦夢我兮泗淚橫襟一解堂有椿兮背有  
援零露墮兮霜霰繁白楊蕭蕭兮千彼棠門棘人樂  
樂兮羌氣結而亡言二解慘素秋兮草木蕭蕭蘭芬  
兮發孤妍開甲科兮澤以延孫傳芳兮福綿綿膺寵  
錫兮責崇阡慨終慕兮呼蒼天三解

輓歌爲陳虞山母作

援之樹兮北堂爰有烏兮修鳳中庭間兮何日白露  
墮兮玄霜形神憫悽兮歲將落柯葉慘慄兮色萎黃  
月入咸池兮奄焉長夜相彼有子兮結軫而增傷羽  
翼成兮遐舉文采爛兮九章終翔翔兮閭闔瑞斯世  
兮龍光寵綏貢兮泉室懿母德兮不亡

潘筼江先生集卷之一

潘筼江先生集卷之二

詩

春日湖上

和風吹廣陌草木發華滋二月杏花早三山雲氣遲  
時芳移景序羈束戀朋知觀爾沙中鳥脩然有所思

淨寫寺二首

招提冠山麓層閣俯雲岑海氣蒙春雨峯文亂夕陰  
松園人語寂徑轉竹枝深獨鶴飛何處時聆空外音

江二

尋山諧夢寐春日試登臨寶刹玄雲細清池碧草深

潘筼江先生集卷二

振衣攀絕頂拂石坐層陰冥息通詮理晤言懷遠心

列第二首

展興壯王役戒舟邇平川旭日散光霽鵲鳩條娟翹  
念我同胞人氣結憂如填昔賢慎經濟過時懷永嘆  
秋風濯錦水赤鯉成龍蟠鯉魚躍天池所志在圖南  
嗚彼鷓鴣鳥一枝徒自憐願子林時猷千里慰拳拳

江二

拳拳空我思引領江之湄鴻鴈中天鳴形影遂分飛  
臨岐亦何贈所貴善自持立名防矯峻希智戒夸毗  
扁石履斯卑君子慎所之程氏有遺言定性真吾師

贈俞國華

我觀崑崙山銅柱矗其顛上有青桂枝下有白玉泉  
仙人騎鶴來食霞凌素烟我思汗漫遊將子相周旋  
縣車不終待勉哉在當年

遊靈谷寺八首

洞門御翰

蓮宇山川合金章日月懸萬年留壯觀此地識諸天  
碧石青蘿暗僊壇白羽連龍文常五色咫尺護雲烟  
功德聖泉

曲磴名泉入雙松倚翠屏羽人傾石髓僊子泛空青

清集卷三

二

荒跡苔痕靜玄林貝葉冥鸞觴時一酌爲我憶蘭亭

三里松徑

谷寺憐幽曠松崖勢鬱盤山行觸烟霧春服羨童冠  
密葉披風翠疎陰抱石寒時聞有清籟遙度白雲端

萬工月池

靈沼何年鑿名泉此地通蕭蕭蘆荻月獵獵石鯨風  
屋氣含春雨鮫宮隱白虹蓬萊咫尺願爾駕飛鴻

道林眞塔

飛錫名山裏浮圖倚日邊散花窺萬象躡足近三天  
物外金輪湧燈前法鏡圓坐闌鐘磬歇時有彩雲

甄殿經書

古殿談經處脩然無俗紛六宗超法界一覺悟眞文  
慧炬傳清漢梵音雷白雲光華長不滅猿鶴夜相聞

珠峯紫翠

珠林標勝槩眞氣散氤氳晴日搖金剎蒼崖亂赤文  
桃源時可問石髓香難分倘遇浮丘子長歌入白雲

鐘阜雲霞

霽日千山迴丹霞歷翠微綠齊新柳變紅暗野花飛  
佳氣浮珠殿靈光上羽衣禪心共雲影靜止爲無機

遊金山寺

清集卷三

三

乘舸來遊此洞天臨流四望興悠然海門潮湧金莖  
動石竇雲生鐵甕連漫有鼉鼙吹白浪徐看法象散  
青蓮憑虛恍歷三千界試茗還烹第一泉

谷顧武祥吏部

青山春暮鳥相求獨客遙登江畔樓芳草欲貽憐遠  
道荷衣空擬隔滄洲葱蔥雲樹浮三嶠寂寂風塵接  
上游索處唯君能念我新詩千里慰離憂

宴高蘇門館奉谷見贈之作

秒秋嬰物瘳息駕覲層陰來宴君子庭敦交孰能任  
曲房謝喧垢俯仰極幽深高論蔚春華清風諧素襟

達人志千里君才誠國琛  
僕本丘園人願言早投簪  
出處非乖尚斷金期一心

荅蘇門吏部

繁潦成沮澤閉門愁索居中庭玩華芳念子愬如饑  
條焉觀良訊縑絃情所知同聲愜神賞玄論入幽微  
何當謝天械芝桂日相隨揮手蘇門山長與韓終期

樂城行

驅車樂城北冰堅聲轡陰風寒四望閭里鮮居人  
試問道旁子惻惻陳所因昔者禾黍區頻年成巨津  
泉水自淖沱揚瀾浩無垠天吳戲其側蛟鼉穴其渾

潘集卷二

一四

官租復相迫蕩析今蒿塵予聞長嘆息側想治河人  
擊劒一登歌寒光起高旻

送張近川之鄆陵

燕京五月苦不雨黃沙蔽空愁下土昨宵甘澍如川  
流曉來空翠山光浮采采猗蘭草送子鄆陵道鄆陵  
之民望子來千旌拂斗梁雲開鯢魚振翼從茲始萬  
里扶搖激秋水願子茂良猷努力追前修三年報明  
政天廟登琳瑯

晚次清源飲孫道甫公署

畫省臨奔壑芝臺儼上僊相逢驚夢寐漂泊惜風烟

漏靜迴珠斗筵開面玉泉  
憐君邁文苑高論屈談天

秋日

千里滄江客逢秋懷永嘆清商起藁木零露委荷蕖  
搖落憐同病棲遲嘆此官  
天邊有鴻鴈矯矯厲飛翰

石溪

之子耽幽勝山居靜已便  
論心惟白石洗耳有寒泉  
自覺冥鴻遠將無害馬捐  
吾方懷吏隱賦爾思悠然

怡梅

春色一枝媚隆寒獨此榮  
未能繁碧葉先已綴疎英  
瀟灑孤山興蒼茫灞水情  
幽琴罷三弄白月關雙清

潘集卷二

五

贈王海山尚書

炎明曠玄化東魯挺英臣  
勛名嗣烈才猷况絕倫  
虞廷錫臯陶屬望在茲辰  
詳慎孚帝心光命何璘  
珣豈伊壽憚獨柱石藉經綸  
惟明灼古訓無訟揚至  
仁王風一以穆千載垂清芬  
愚生緬瞻佇泰華迴蒼旻

東泉歌

多君獨愛東泉美築室西溪汎秋水  
素練繽紛拂暮雲金鱗蹙香橫空起  
對月垂綸賦紫芝翩翩逸思更誰知  
一自鵬飛衝巨浪長風作雨遍天涯

胥臺吊古

西閨門前足羽書明光宮裏醉吳好江流不洗千年恨風切濤聲泣子胥

戊子舟發江口

江行三月思翩翩旭日晴沙盡可憐白馬風塵楊子渡牙檣簫鼓使君船山張野寺蒼波合水拂巖花碧石懸對劍那堪回首望吳門草樹半春烟

送張清甫之四明

憐君廊廟材便塞蒼雲谷懷珍三十年一官起南服皎皎嶧陽桐孤鳳嘯空麓沉淪安足嗟所貴道不辱

潘集卷三

六

四明富山水清虛曠襟目著書酬明時昔賢有芳躅何以遺吾人爾音慎金玉

南歸二首

延平久不滅白日玄狸鳴聖皇獨愛止壯士心屏  
寄懷使君別悠然嬰我情故鄉足松桂對帙有餘清  
眼橫大梁東時會東漢

其二

天霜卷行旂鳥鳴求其食適吳會千里涉安流  
采芝玄圃上釣鼉東海頭夜來看牛斗光彩動吳鉤

送康文淵往吉安

入幕推之子廬陵得雋才征麾動南國祖席對燕臺  
思拂青門曉帆從碧澗來卑棲憐羽翼壯志憶蒿萊  
行矣君莫道歸與我未裁遙思淞水曲沙白鳥雙迴  
大慧寺

策馬芳郊勝日遊清風臺榭此淹留峯迴鶴徑蒼松  
古雲繞龍宮石洞幽盡日烟蘿扳赤紱百年瑤草羨  
丹丘乘高賸有登臨興遙指西山景上頭

寓興隆寺聞

駕出北郊簡田叔禾儀部二首

方澤襟形勝汾陰陋漢祠祥風扶玉輦時雨潤金陂  
美爾承明客欣陪上國儀微臣獨留滯空望五雲涯

潘集卷三

七

其二

明皇稽舜典北祀肇周文法駕中天出鈞陳夾道分  
榴花迎日蓋御氣藹朝氛知爾甘泉賦飄飄思不群

送王子秀之台

燕臺送爾客心憐此日秋風鴻鴈前台獄烟霞標宇  
宙海門波浪見山川扶搖雲路今千里荏苒功名只  
壯年君到廣文祠宇下可無繫馬一潸然

秋懷四首

環珮趨朝清漏殘離離珠斗夜闌干蓬萊月迴霜華  
淨閭闔雲收紫氣攢四海車書尊北極萬年形勝奠

長安天家近禁迎風館雙擢金莖露寒

其二

燕山百二帝王畿奕葉重輝御太微俎豆華恩  
樂彤庭穆穆舜裳衣翠羽蓋分朝露碧水文機  
夕暉總爲聖朝無一事承明諫草邇來稀

其三

昨夜天狼照鴈城早來細柳盡連營即看西北已  
事況復東南聞弄兵白日旌旗凝朔氣清秋鉦鼓動  
邊聲微臣不解臣時策擬請文謨答

其四

清集卷五

八

秋風翕習木葉飛京國縹緲情素衣客子燕山爲日  
久冥鴻瀚海何時歸陶潛宅畔黃花滿仲蔚門前青  
草稀安得乘雲狎物外去來不受虞人機

秋日退朝次呂東涯正郎

群峯宿雨汎空碧萬里清秋天際回退食踟躕楓葉  
下側身瞻望山雲開蘭芳白露委中野鳴鳩淒風悲  
朔臺官拙遠漸影澤宰故園松菊賦歸來

送諸子興正郎謫嶺南二首

晨興出星邑驅車適朱垠峻嶺道云逸炎洲桂早芬  
猿聲日夕厲寒耳不堪聞蓬弧志四昔賢炳遺文

擢辭徙溪鰲按節開衡雲子行勿以悲勉哉嗣前勳  
中情慘故交羽翼嘆乖分解環續君佩千里結殷勤

其二

平生嘆離析送子涉郊墟驅歌軫修路執手獨踟躕  
去留詎有常烏兔同居諸我負素餐耻子罹無妄虞  
瑤臺信偃蹇帝闈空望余改度非我心精誠抱區區  
各懋日新志庶幾永終譽

送曾棟峯江南斷獄

使節下南國高秋橘柚新川原憐羽翼霄漢擬風神  
把劍惜爲別當歌難具陳聖朝重民命解網屬陽

清集卷五

九

春

諸亭村呂東涯葉蓮峯有詩約之作錄以招余

賦答

靜對寒燈發孤嘯忽驚明月暗相投星文隱隱夜將  
墮河影依依天欲浮懶性經時唯伏枕高情此日慰  
離憂同風願附凌虛翼物外終期汗漫遊

送趙甬江吏部

彤庭仙子洛陽才銀漢星槎下鳳臺南國薜蘿人獨  
往北風鴻鴈思堪哀三山碧石烟雲麗萬水芳洲日  
月迴此去著書真得地詞章應不數鄒枚

八月望見東井時 聖上誕辰詔勿賀

彗星東指耀天門宵旰淵衷切 至尊 帝德如天  
無以報休將曲學效公孫

頒曆

鳳曆新函出建章冠裳拜賜殿中央陽回萱葉堯階  
綠節入薰風舜日長皇紀萬年懸象魏璣衡四國仰  
明堂微臣稽首封人祝極目蓬萊紫霧光

聞警

碧海旄頭薄太清燄煌烽火照神京百年中國唯高  
枕此日邊陲未識兵凍合旌旗凋赤羽寒迷鉦鼓咽

清集卷二

十

金聲黃龍戍卒收屍哭白馬將軍按劍行 天子殷  
憂懷遠略諸君無策效先鳴元戎薄伐需方叔五餌  
空談惜賈生終藉廟謨驅虎兇敢論京觀殪蛟鯨於  
皇 聖武元無敵蠢爾天驕乃抗衡歲德只今光紫  
極殊方何日落撓搶翻愁遠道艱飛輓恐失名王諱  
請纓殺氣遙傳都護壘陰雲飄泊伏波營何時一掃  
黎庭穴萬里風恬古北平

送海樓李子守襄陽

十年不見李元禮相逢下馬長安邸握手無幾又送  
君離亭溝水若爲分洞庭舟移白日迴群峯羅列烟

花冥君登峴山顛四望心茫然下有大堤水清淺上  
有重巒疊壁相鈎連古來宦遊人湮沒今誰陳習池  
匪不樂臺館成荆榛獨有羊公碑千載稱絕倫蒼苔  
駁玄石風節爭嶙峋丈夫意氣須自許那能如蕭文  
寂寂委沙塵

送韶陽鄭明府

岐路一杯酒相思萬里長春風今幾日綠樹已成行  
寶劍摩清漢干旌卷曙霜此行君莫愛南國望甘棠

送朱翼之往遂昌

送子適南粵都門春草齊舟迴易水北人到括蒼西

清集卷二

上

伏驥今千里緋桃更滿谿政聲應慰我延想白雲堤  
冬日退朝馬上作

朝罷承明冬日晴燕山歲晚旅魂驚青袍白馬空奔  
走黃鵠天風故作聲南國誅求聞廢井西陲羽檄尚  
徵兵高臺極目浮雲迴炙背徒懸霄漢情

駕出南郊視牲

正輅傳宣出帝城六師齊發儼天行雲屯羽騎蒼龍  
合日引霓旌彩鳳鳴 天子觀牲嚴大報犧人備物  
精誠懸知冲漠綏多祐海潤星輝翊治平

南郊陪祀

麗文五色動甘泉太乙壇開寶月懸樂奏蒼雲光四  
表燔升香霧鬱中天層臺薦壁崇周典玉檢泥芝陋  
漢編陪從慚予無紀述願歌天保祝堯年

慶成宴

園立禮洽庶徵來冬至陽生泰道回 聖主垂衣弘  
寶命大官傳膳出瑤臺柏梁清譙夔龍集魚藻豐恩  
雨露催此日瞻依極霄漢微臣稽首萬年杯

雪夜二首

玄陰閔五夜中庭紛六花輕蘭微弱舞疊絮染晴沙  
處士辛夷室僊人白玉槎高情謝天械搔首註南華

清集卷一

一五

其二

但謝悲長夜飄零見素花高標偶蘭若靈質眩塵沙  
與引山陰棹光搖漢水槎懷人隔湘浦徙倚對瑤華

雙白行

去年白鵲來中州今年白兔產西蜀霜毛皎潔紛秋  
雲異綸編儼良玉一朝馳獻入明堂爭觀道路生  
輝光 天子謙冲詔勿賀群臣頌德聲琅琅吁嗟此  
物 來天道冥冥豈易裁東井妖星愁下土北地  
邊 豺虎

臘日

朱義逼星紀芳辰麗嘉平以此一日澤勞茲望詠民  
寒雲慘四望白日塵冥冥百困懷伐檀無衣嘆居  
時序紛伐謝歲暮多悲辛撫膺歌北風瓊宇失光精  
回陽匪鄒律如天藉堯仁

題山母壽圖

慈母抱苦節于今四十年食茶甘如薺撫孤志精專  
悠悠桑榆景寶婺當空懸青暉延鶴筭丹萱照華顛  
福以安貞古名多閭里傳開圖見顏色冰玉同清堅

蘆叟歌

蘆江碧水通銀海綺麗繽紛春不改參差烟樹隱仙

清集卷二

一五

家堂上龐眉動光彩元氣網緼壽域開蘆西咫尺接  
蓬萊花間鳩杖輝南斗象外雲璈荐酒杯黃精作花  
細如霰紫芝曄曄光生電方朔月桃爛熳栽王喬白  
鶴蹠蹠見擊壤夷猶人悅康鳴宮激徵行瓊觴春風  
百遍蘆花渡爲樂當場日未央

雙節吟

蔡家節婦雙明玦光徹冰壺皦如雪唐姚辛勤育幼  
孤皚衣茹淡甘秋茶天不憖遺兒且歿門戶零丁不  
自保賢哉侯婦如其姑誓植遺腹志不渝艱貞特立  
塵紛外鶴髮霜顏美且都石可泐兮水可漉婦姑一



不可辱春輝庭下露春雲璫草琅玕棲別鵠吁嗟  
平丈夫腐節同草萊二婦不如良足悲

詠史二首

宮隣切金虎妖氛薄太微日中倏見斗前星匿餘暉  
國儲遭顯戮皇度亦淪夷帝心深感悟望思高崔嵬  
一言會上旨嘉納昭光儀致身焚樞要義羽從風飛  
喟彼壺關翁諫說徒索索忠謀始棄捐恩賞竟駸違  
蘭膏不以沐蘇蔽充君幃物理有固然今古空傷悲

其二

宣皇秉風烈朱光耀明輝福應紀天瑞後心日芽滋

潘集卷三

十四

黃龍兆豐邑碧雞開陳祠翁翁抱忠愬迺獨見幾微  
四方止災變條奏靡所遺逆鱗豈不顧美片良自知  
千卷箕遇主自牖闡余私世儒多伯嚭令節非所希  
周容競爲度天變不足畏金陵負國羞千載將誰欺  
清隱

山人志丘壑結茅龍浦陰一望春江上蕭蕭烟樹深  
渚雲飄不定沙鳥信浮沉塵事應都遣冷然物外心  
夜集東匯館次韻

駐馬高軒紛白雲開簾促席引餘曠冠裳盛世時相  
集蘭若良宵此論文綿邈麟鳳今在數睢盱豺虎尚

爲群亦知閭闔重重啓燕石無能一獻君

贈筠菴次韻

蕭蕭細竹倚庭栽結實朝陽鳳鳥來綠玉參差虛夜  
月蒼龍鬱抑候春雷風臨水石涼雲墮雨亞琅玕翠  
色迴僊客騁鸞日遊衍分明咫尺對蓬萊

壽趙太常曲沃二首

九峯盤礴何絲延芙蓉空翠羅中天石室崔嵬日月  
縣層崖偃蹇瞰通川伏如虎豹勢蜿蜒起若鸞鳳離  
哉翩豫章松檜鬱蔥芊巨靈鼎扇來群僊我公林臥  
契真詮瑤池之會張高筵嬌歌急管雜駢闐赴節應

潘集卷三

十五

舞樂且妍

其二

溟渤波濤三萬里蓬壺方丈嶙峋起天雞拂羽烟花  
紫扶桑日紅照海水珍臺瑤館黃金肥碧樹琅玕枝  
颯纒羨門松喬此焉止吸露餐霞屑瓊藥白虎蒼龍  
紛此多芝車鶴駕相因倚麻姑張筵錫嘉祉春日壽  
添自茲始

壽楊東浦

壽酒高張曙色爛庭前玉樹彩衣斑棒花翠靄輝東  
浦芝草金莖長碧山鷗渚魚磯春渙渙停雲流水畫

開開知君自得延年訣不用丹立覓大還

月松

皎皎天上月森森石畔松虛明飛玉兔抑鬱舞蒼龍  
晨昏殊態候烟雲爛其中迺有巢居士考槃寄遐蹤  
高思挹圖景近想憩孤叢俯仰志俱愜長嘯青山空

贈陸鵬峯

矯矯鵬峯人築室龍臯傍橋梓儼秀色山水汎幽光  
好修友鸞鶴佩芳切琳琅經牽謝煩促扶搖信翱翔  
鍛羽詎伊累窘步非迷方機雲辭翰在愛爾不能忘  
贈逸客

清集卷二

十六

南方有逸士浪跡江湖間高情屬猿鶴素節寄雲泉  
白日漱丹液乘虛凌紫烟云從赤松往玉笈謝靈運  
長揖九垓外躡步層城巔吁嗟塵世子名利徒蕪煎  
曰余秉昭曠矯矯志在丘園冠纓謬時網縣解覲真詮  
郢人逝已久捨子疇與言

西疇

碩人軫淵尚素節薄雲烟荷鋤釋西壟牽犢飲東泉  
禾黍日以長禽鳥狎我前濁酒聊自酌兀然望歲年  
吁嗟曠士懷寄言在力田植槐陰庭隙孫桂鬱芬妍  
清風颺難測太息伐檀篇

贈天台夏醫

天台自昔稱靈異山水清嘉仍綺麗赤城燭熠照中  
宵石磴凌兢標絕地夏君世本儒家子復業岐黃道  
玄理瑤臺邂逅長桑君王盥遺之上池水遨遊東瀛  
垂廿年把玩風雲隱市廛門前種滿丹丘杏屋裏新  
開橋井泉倉公越人世稀有後來李朱亦名手君今  
傳得懸壺丹應播芳聲同不朽

和葉原學元日早朝

一紀共瞻王正月三朝羅列漢官儀蒼龍燁熠雲旗  
繞紫霓連蜷羽蓋垂靈氣欲浮雙鳳闕祥光細轉萬

清集卷二

十七

年枝古來誰羨椒花頌今日重看元會詞

人日

客舍逢人日無言對草堂條風浮玉寓潛穎企青陽  
剪綵憐華勝懷歸嘆羽觴故園千里外興與白雲長

元夕

帝里傳佳節詞鐘起夕暉魚龍呈雜戲燈火散清輝  
平樂車相逐河橋客未歸寒食楊子宅明月鑑空幃  
春日鄭將軍園亭分韻得無字

和風扇原隰卉木漸芬敷眷言遊平泉息駕城東隅  
同聲候嫵婉撫景相踟躕將軍好文術酌醴烹園蔬

繼緒情彌申促席臨方渠碧枝照醺醺華藻汎泔  
幽林振清籟白日麗丹楸酒酣起爲樂挾矢彎琯弢  
裹肘矜趨捷鳴繳落飛颺六博恣歡謔高歌流玉臆  
俛仰隘九州冥賞契虛無披襟旣夷曠敦義良不渝  
弛張協往訓茲樂其誰如

送劉子靜使粵歸省

鳳詔翩翩出帝鄉星槎宛宛向殊方干旌夜指梧江  
月寶劍朝飛桂嶺霜酒過洞庭春正熟筵開彩服畫  
生香君歸行樂應無極莫忘燕臺碧草長

送褚芝泉

磧道融晴雪離亭送客行柔荑函秀色黃鳥汎春聲  
別酒青山暮歸舟淥水平烏紗將綵服桑梓有餘榮

送人歸越

林泉諸夢想羈綬謝雲霄憶子南還日徐看水國潮  
夷猶白苧歡賞寄丹蕉好養逋仙鶴他年赴爾招

舟次天津

出宿嶺新夕舟行凌巨津遠水止如鑑洄波翻若輪  
歸途隱海窳北極亘河濬觀瀾道足悅乘桴理難任  
懷忘契今古俯仰窮高深海月忽照幃天風來吹  
玉簫可駕倒景狎鴻冥

富春者

戒舟富春渚言望子陵臺庭荒巢鼠雀山僻長蒿萊  
緬惟建武治草澤遺良才高梧萃靈鳥深淵潛巨鯢  
非熊隱清渭皓首歸平來遇合固有端寶葉能無哀  
蒼崖照溪水客星安在哉感之長太息像想暮雲隈  
從宜春晚涉萍鄉

我行楚水

我行楚水濱含情獨延佇朱光薄玄冥時哉不我與  
零露漸中逵寒風吹宿莽懷人隔天涯蘭芳豈堪貯  
有鴈集菰葦蕭蕭厲飛羽對此欲忘言前溪值漁父

離山篇

離山截辟天門黑巨靈决石波濤急水怒翻驚霹靂  
飛舟行時訝虬龍立天吳揮霍颺颺騎馮夷錯愕鮪  
人泣滌雲狀雨相因依下潦上霧何時晞卽看猿欬  
啼榛莽况有烏鳶下石圻人生踪跡傷萍梗對此消  
然賦式微身後榮名那復道丈夫挂冠苦不早鵲鳥

相忘海上翁紫芝高臥南山老

贈吳沙坡

圓沙聚明雪的際暮雲灣瀨氣侵南浦晴光亘北山  
繁星開激灩白月寫潺湲况復林泉勝憐茲鷗鳥閒

昭州道中二首

舟移桂嶺外人泊暮江濱百越炎蒸地千山虎豹群  
虛明涵洞月狼藉散溪雲何處征歌發愁予不可聞

其二

千旌從遠道忠信涉危湍猿挂蒼梧曉鷓鴣白日寒  
江山憐獨客簪笏笑微官無奈歸與興裁詩強自寬

蒼梧逢程松谿太史

憶昔逢君金馬地天涯歲暮若爲來幽蘭辟芷遙憐  
汝桂水藤山亦愛才雲霧江干龍竝臥梧桐春日鳳  
應回莫言萍跡催征蓋且向梅花送酒杯

荅田叔禾

虛堂寂歷梧江晚忽報佳章遠道來細展恍疑雲氣  
動朗吟真覺夜光迴東山蕙蔭君堪佩西土蠻烟思  
可哀歲暮清揚何以覲盈盈一水限蓬萊

慶遠道

勞勞慶遠道惻惻嘆塵寰陰雲結龍水赤霧閤烏蠻

野獸解人立居氓雜鳥談寒暄倏忽異露晝參暉  
帶留豈吾土却馬望鄉關鄉關不可極鄉思復難攀  
春日何遲遲桑者亦閒閒柏舟慘無翼壯志逐風還

山行

山行無日曆春半未知春卉木旣萎止鳥鳴復嚶嚶  
插柳徧郊衢始解是清明出門日以遠歸思日以盈  
百齡如逆旅鼎鼎亦何營在木處不材在鴈矜善鳴  
蒙周悟所遺今古稱達生

甫里餘清

龜蒙老叟神仙客耽寂辭榮走山澤移舟甫里歷江

波眼睨青大歌白石畫永烹茶鶴避烟詩成淪研魚  
窺墨湘溪公子世稱賢秋水閒雲一釣船醉倚蓬窓  
發孤嘯今昔風流本同調桂山突兀藹青蔥霞光燁  
燁圍芙蓉碧沙漠蛟龍窟綠竹陰陰翳翠叢羨君  
襟期那可匹才雄八斗標奇特指點乾坤入畫圖翻  
飛翰藻增顏色山林鍾鼎思悠悠歲晚滄洲道阻修  
冥鴻他日浮河漢共爾乘槎泛斗牛

邕州道中

盡日山行耽閨寂竹埤茅屋互蕭森桃花獨樹自春  
色荔葉滿林空晝陰戎馬中原遊子恨舟車駭越故

園心山靈何事苦相索漂雨飄雲入暮深

荒村

絕磧危巒月色孤荒村獨客思躊躇騰蛟儵忽含春  
兩山鬼冥蒙弄白偷薄海一麾懷阮氏滄洲高臥憶  
潛夫燈前回首忽長嘯聲逐雲烟落五湖

過馮當世祠詩并序

宋三元馮當世先生產于宜之龍水天門拜  
相山祖墓在焉幼流寓入藤有讀書故址後  
貴為武昌發解慶曆間與掌士計偕禮部賦  
無逸為元龜廷試賦蓋軫象天地皆第一歷

卷三

知樞密院載我明一統志中好事者高其名  
行轉相傳致私以為邦邑重遂系其世焉或  
曰藤人或曰江夏人或曰鄂人廣西通志因  
藤志誤書曰藤人矣慶遠楊子梁之辨特詳  
余行部感而賦詩俾刻諸祠壁以識時嘉靖  
甲午閏二月望日也

三元瑚琏士穎異况無倫探奇抱荆璞聲律薄蒼昊  
鍾靈自龍水混跡入鐔津弱冠遊武昌奏賦歷承明  
文選時彥躡步振楓宸數齡秉樞要樹立亦璘璣  
多才奄物化崇名代所珍誰謂千年下閭里亂其真

世儒一夕死詰旦委蒿塵緬懷曠今昔寤寐損風

公亦何常居東南西北人

過伏波祠一首  
伊余來遊此祠前波祠石轉灘聲急峯圍日色遲  
烏嶺雲生綠嶺青嶺應應北望天門阻南征羽翼垂  
其二

曉月謝雲林曉江深百尋泉飛春作雨瘴遠蒼生陰  
理神眼超塵乘流嘆滯淫懷茲摩詰賦復惻武溪吟  
一歲歲次韓襄毅

卷三

神鉦鳴石細靈鼓震波洪緱氏山頭鶴飄飄下碧空  
吊張將軍

離江潯山巖薛險地豺狼橫生孽將軍怒賊五嶽  
傾夷摧危冠心激烈魯陽麾日黃雲悲手提蛇矛佩  
開敗髮生流矢壯士摧殘崖碧染長弘血總戎影節  
江之酒落日勛名侈奇絕探毛索羽數澤空將軍有  
兒身不滅

蒿蔚吟

白華林中林蒿蔚繁江潯筑筑孤子廬重門蓬作堵  
泉臺一仞深俯仰隔今古天地不可捫傷心失恃慈

精誠動神鬼雙鹿日容與夜半哭吞聲群鳥下來語  
宰木翳寒雲鵲花暗晴宇三復夢我詩潸然淚如雨

遊柳山

暇日遙登郭北臺層崖疊嶂倚天開琪花歷歷翻雲  
出玉髓沍沍抱石迴此地杉松巢鶴鶴何年碑勒刺  
莓苔乘風懷古情無限把劍長歌萬壑哀

再登湘山寺

驚宇參差歷翠微九天松露濕春衣龜書鵠篆雲中  
見貝葉曇花雨後稀路入桃源秦甲子泉通星渚漢  
支機問津今日重來地可有金仙駕鶴歸

清集卷二

二十四

七星巖次韻

靈巖天矯疑星隕酒石陰森作雨飛八桂五芝空翳  
翳青泥丹竈故輝輝江吞列岫灘聲轉境絕直空人  
影稀颯沓天花紛欲下臨風容與澹忘歸

過檢篙灘荅金之乘僉憲二首

巨靈躡高掌激羽瀉危灘誰謂乘流易將無行路難  
淒涼五嶺道惆悵一枝安况復逢遲暮那堪草色丹

其二

峻峽緣崖盡輕鳧引浪長蛟龍亂雲霧山水動文章  
自極芳華歇愁經晚桂香煩君慰寂寞琬琰照江

同程松谿遊冰井寺八首

冰井寺道中

小坐肩輿歷翠微雲光搖曳上春衣忽看墜葉從風  
舉疑是山頭秋燕飛

謁韓襄毅祠

韓祠突兀江之干江風瀏瀏江水寒漫采蘋香薦幽  
思恍如紛乘翔雲端

呂僊祠

羽翼高飛控九關遨遊白日下塵寰西風一劍雲歸  
洞祗有天聲落樹間

清集卷二

二十五

冰井亭

靈泉誰鑿當年井勝地猶傳漫叟名日暮懷人空徙  
倚寒花繚戾野雲生

飛翠亭松谿攜酒至

方渠水碧斜侵檻古木根橫曲抱臺况有瓊巵傳竹  
葉坐看飛翠襲莓苔

拱日亭

越水燕山萬里長天南極北永相望欲知遊子懸情  
處爲識葵心仰太陽

東湖書院

雲深不見尚書履院古空遺綠野詩駐馬那堪回首  
望寒風蕭瑟助千思

先月欄

亭側清波春渺茫天中玉兔夜生光何當假翼扶搖  
外喚取仙娥搗藥嘗

卷阿亭燕集

卷阿亭子北山陬面面群峯爽氣浮懷抱不辭今日  
盡蕭條無奈故園秋滄江黃鵠傷遲暮翠竹清樽苔  
勝遊漫憶重華龍去遠朝陽梧風日悠悠

至端州遊七星巖次之乘

潘集卷三

三六

丹洞名山裏靈巖聚列星雲霞浮水碧烟樹入峯青  
澤鷺遶仙棹天風散客醒遊行未厭窮轉出蘭汀  
藤縣途中夜行

遙遙遶藤水波駛舟行遲平坦蒼梧道日夕赤水湄  
灘聲遠不絕修塗鬱以紆林端欲暝色川上暮猿啼  
千峯樹如草寒月奏漣漪雲浮羨飛鳥霜翼不同歸  
對酒忽若夢趾爲形跡拘

立春日至潯州見桃花

去春燕地猶冰雪今日潯江已見桃物候獨嗟中土  
異天涯那惜此身勞風披紅雨沾行蓋路入芳叢映

客袍更喜群生逢道泰不妨人事日蕭騷

過沈叅戎園亭

瑣尾滯殊方天情寄丘壑弭節遊平泉園林竊且博  
結茅雲水間爽氣浮飛閣清流枕雕楹翠篠依羅幕  
噫噫沙上鳬皎皎雲中鶴恍疑歷瀟湘何言宛與洛  
緬想江南舟蘆花負前諾幽期雖未并斯衷詎有託  
悠然亭

理棹汎溪水至止悠然亭亭空豁心目雲氣晝冥冥  
流觀狹八極群岫正蔥青泉明鑑毛髮石古孕光精  
幽虛謝塵壒來往覲僊靈撫膺瞻大象忽忽獨含情

潘集卷三

三六

曉發宜州

層陰雨閣青山外畫鷁朝飛碧澗眉符節馳驅淹道  
路風塵飄泊嘆支離江花有約催征棹岸柳何情繫  
客思悵望天涯雙白鳥穿雲歷水故相隨

柳城道中被火作

山行畱絕驛草墅竹爲扉疇昧徙薪戒東風焚我居  
飄颻蕩林木顛倒失裳衣傍徨岐路側仰視夜何其  
微星曉光照西月歛餘輝驚鳥不遑息唧唧鳴聲悲  
人生豈不勞知命復何疑班荆題野露流目候朝曦  
嘉靖丁亥鄭質菴龍雲東蕭東潭與余同官南



部癸巳余廣西督學龍蕭擢兩江兵憲今

以永昌守亦還桂林喜而賦詩

省署追隨十載前天涯還憶秣陵烟雞鳴埭上酒邀  
月玄武湖邊人采蓮別翼拚飛憐昨夢流光倏忽嘆  
華顛諸君金紫重逢日予獨銀青似昔年

秋日湖上次雪窻

招隱湖南地西風捲蔓絲談棋心不競觀水意俱遲  
鶴圃花連逕溪亭酒一卮主人殊愛客數過慰相思

疊巖數峯石冷冷碧澗瀟瀟弓摧伏虎戰野泣非麟

卷之三

元

升蘇鏤形異蒼雲眩質新無言醒客酒愛爾節嶙峋

高將軍曉詩

虎旅將軍麟閣才風流當日賦歸來幽花錦石憐棋  
局翠竹清泉拂釣臺鷗鳴陰風吹白月龍洲寶劍翳  
蒼苔天涯遊子悲無極拱木蕭蕭鳥雀哀

桂山亭雙鶴次韻

丹丘石室羽人居况有仙禽下玉除月迴芝田留鸞  
鷺風吹銀漢落蟾蜍霜毛露翮應憐女合舞長鳴數  
向予何日羅浮千仞外翻飛共爾歷清虛

贈南泉子

山南負郭居地僻紛幽勝清泉流竹浪蒼雲發松徑  
海月照琴書寂寂烟花暝主人貞秀姿頗慙閒佔興  
元坐澹忘言西風冷吹鬢

十二月重至潯州復值立春日桃李競開

潯水重來地還逢爛熳春桃花頻送客瘴嶺未歸人  
興逐蒼雲盡愁將白髮新故園松菊冷吾愛若為隣

潘笠江先生集卷之二

潘集卷三

元

潘筮江先生集卷之三

詩

乙未元日寓鬱林

翩翩客遊子遠道值嘉辰履端欣物泰區寓曠同春  
黃道啓閭闔青陽歷大鈞北山獨干役炎荒非我鄰  
豈伊風俗異况復歲時新百齡悲過隙四十慚無聞  
椒酒忽在御俯仰益傷神

壽圖引

桂峯錯愕離江口地脉蜿蜒鍾巨阜琅玕紫翠互葱  
龍陸海祥光煥南斗泉通渤澥接蓬壺朱門繡戶鏤

銀鋪極星夜燭王孫宅石室朝開五岳圖羣仙駢轡  
條來往雲輶羽節紛磨盪昔騎黃鶴入瀟湘今采丹  
砂遊海上安期赤棗大如瓜方朔緋桃綠萼華金精  
璀璨浮芝椈瓊液芬敷湛碧霞神鰲忤首行三島王  
龍吹波江月小度世應傳不死方春風百遍過青島

詠懷十七首

輪囷北山木拂拭登紫宮彼美豫章材偃蹇蒼雲峯  
既乏持達資况乃昧先容是以龐眉尉執戟靡所逢  
世人薄守道巧宦乃稱雄鈴華標綺麗詭譎擅良工  
豈如雞與鶩啄腐日庸庸

其二

流沙產神物天馬由來名出入龍爲友超忽乘雲行  
一朝困吳坂顧影長悲鳴齒歷既云衰權奇復何營  
孫陽久不作房驕晻光精

其三

杳杳鳳臺笙悠悠阜亭鳥古仙安可求人生豈金石  
名利苦煎熬服食嗟何益所以賢達人保已聊自適  
何時謝糾纏揮手揖彭澤

其四

閭闔阻蒼昊重閭窅相望螭龍夾戶牖霞氣散微茫

其五

中有兩仙人徙倚對華芳鋪糜屑瓊藥露錦晚天章  
四海奚足步我願從之翔黃姑不相待脉脉限河梁  
天雞拂扶桑燭龍耀濛汜陽烏速逝波倏忽馳萬里  
百年如一朝天地如一指榮辱得失間么麼焉足齒  
豈若遺世紛大觀析玄理曲士毋與談吾師羨明子

其六

參手納決履回也欣屢空天命我所安君子恒固窮  
寵利苦交戰義勝心斯冲鸞鳳翔千仞竹食集高柳  
豈如雞與鶩啄腐日庸庸

其七

鄭佩遺洛浦秦樂奏鈞天鳳臺集蕭史牧犢配眉連  
諧合豈無媒精誠徹淵泉劉根非道器却老徒窮年  
金華有松子沉嘿謝言筌

其八

東園桃與李妖艷發春叢惜哉花不實零落委飄風  
靈源喪已久舉俗競周容貴富曜朝日遲暮將焉從  
哲人洞元始結茅九華峯悠然與世絕偃仰臥雲松

其九

戢戢西山禽街木障東海羽翼豈不勞秉心良已在  
羞彼雉爵群飄飄安所待龍逢隕夏庭王子甘商醢  
白璧閔幽光吞聲慟千載

其十

美人出殊域綽約好容華肌膚儼冰雪佩服結流霞  
步虛驟鸞馭飄拂躡雲車竭來蕭史室遊戲海童家  
回颺滅往跡徙倚遶天涯清揚不可覲臨月詠蕙葭

其十一

荆麓孕奇璞和氏懷永歎神交代所希知已良獨難  
交交聲利子馳驟青雲端結歡溘朝露翻覆若波瀾  
君子澹自得去去從吾安貢生乃世儒引領俟彈冠

其十二

中陵松結根得所止嚴霜被其柯枝葉何耳耳  
嘉色並春榮貞心後秋死君子慎所之矜節保終始  
莫以崑岡姿與石偕銷毀莫以江南甘度北翻爲枳  
采薇有遺歌清聲激千祀

其十三

煌煌車馬行燁燁長安道磬折忘所歸形容日以槁  
春色麗朝華秋風夕吹草衰歇還有期光榮詎終保  
感物起長嗟冷然廓懷抱高歌流白雲爲問商山皓

其十四

瑤光散爲雀結巢青桂枝馴心託貞素戢翼寄藩籬  
朝拾野田粟夕飲崑山池聊且憑化遷不隨黃鵠飛  
黃鵠飛萬里失路將安如

其十五

繳繳夕月光晚晚朝日輝二象有代謝四序無還期  
人生匪山嶽少壯隨年移鬱彼陌上桑榮枯條有時  
昨爲春蠶繭今爲寒女衣衣故不復新歲往詎可追  
撫時傷局促抱感含心悲

其十六

文梓走青牛古松翔白鶴軒轅升鼎湖王母乘雲蹕

霄路渺無涯茲理安可索至人與天游俗士徒龍蟄  
請捐千歲憂且盡今朝樂

其十七

純鉤古名劍銛利百豪曹入山契猛氏歷水駭藏蛟  
失路豐城側神光翳野蒿壯士夜得之開匣解其鞘  
欲錯它山石道遠空所操匹羈不在梁焉取明月膏  
時也謂之何臨風泣寶刀

蘭麻道中作

單輿小隊出江城宛轉春風送我行笑客林花然欲  
落避人山鳥解呼名蒼崖夾谷窺明鏡劍石連雲俯

清集卷十

太清嶺外馳驅悲道路天涯鼓角况分明

道遙樓

春波漱瀨層城浮春日浩蕩林泉幽風吹山樹石欲  
立水射湘江天倒流岐路殊方楊子淚乾坤萬里仲  
宣樓登高漫有憐芳興黃鳥桃花數散愁

路河晚泊

水宿龍窟江翻蘆荻風漁燈然夜月客思渺秋空  
人似長卿病途非阮籍窮平生霄漢志進止任飄蓬  
逢林秀水夜集二首

三年京國別橋李喜逢君杯酒飄疑夢星河足論文

遲迴滄海月曉映秀江雲詰旦雙黃鵠懸愁此夜分

其二

潁水標遺烈桐鄉復令名調琴聞白日作賦謫金聲  
歌頌傳吾子仙臯識帝京承明花正暖早晚候遷鶯  
題劉平岡龍池春樹春

孤臣抱幽憤皇矣降明威潛龍躍溟漲驚風動春池  
扶桑拂白日照耀黃金枝夢迴匪虛地豐錫兆幾微  
雷風炳周道赤舄自委蛇忠信我所安屯難復何疑  
荅李抑齋二首

此日是何日逢君碧水涯論文光射斗談劍氣凌霞

清集卷十

渤海三山路仙人一葉槎神交如有在共爾掇瑤花

其二

六月南來道輕風引去舫波瀾生几席蒼翠積林阜  
蘭握勞相問萍蹤慶所遭披襟有妍唱幽思薄離騷  
三峯歌

桂山削出金芙蓉紫雲碧草浮青空中峯委蛇若鳳  
舉左右離立盤雙龍矯矯將軍廟姿英聲四十動  
南維星河光搖夜談劍羽帳風清日賦詩樹立奇勳  
還自許高山爭雄氣如虎千載應傳馬伏波朱方銅  
柱高峩峩

送鄭侍御代作

四甌古夷落嶺島互嶽岑  
邀哉秦漢下蛇豕擾荆榛  
炎明廓靈化環海靜驚塵  
駢馳皇華使鷹隼奮秋旻  
清霜驅瘴霧隘谷飛陽春  
皇仁藉以宣漢德薄朱垠  
歸朝闡經略樹立日嶙峋

賀張總戎凱旋詩并序

皇帝統極布昭文武薄于嶺海罔不咸賓惟古田  
之夷負山保壘歷有歲年敢扇梟風以張寇  
虐未馴聲教迺十有五年春正月總戎三峯  
張君請于督府率旅徂征申命誓師采入險

潘集卷十

十七

阻斬獲六十餘人賊退守諸巢分命偏裨乘  
夜夾攻批亢擣虛燔燒積聚震林木賊遁  
奔竄喙息稽顙面縛願紓殘喘以比編氓君  
迺諭國德威解縛還俘諸酋感泣要質明神  
永爲外附于是籍其丁壯凡七千有奇分隸  
邑堡刊崖填谷道里通行夏四月癸卯旋師  
藩臬諸大夫咸嘉君績屬恩載筆紀其事迺  
撰詩一篇詞義淺末不足掄揚厥美續凱  
章云爾

集卷十止于此叢棘雪伏宵鳴形也斯慙蠢茲苗民

穩于惡德亦共載天爾心靡極厥心維何繫欽是宣  
黑齒髮椎執弩張卷登山溯嶺懷捷鳥旋掠我子女  
肆彼冥頑黃源之西嘯聚淵藪積釁彌彰歷年滋久  
彼美將軍志殲戎首率我征夫風神赴赴玄幕雲起  
素甲日輝爰整輕銳授以成規棱威遐奮雷發鼙飛  
諸巖失據視險如夷迺剪荆榛迺焚巢穴震懾蠻酋  
請纓羈繼暇日中天矢言弗越進比諸華嶺外有截  
在昔孔明七縱與擒庸蜀臣附寔惟攻心張侯舉職  
曰敬曰謹慎厥終始允矣國琛

晚行越水

潘集卷十

一八

蘭橈行夜久翠靄襲春衣宿鷺向人立歸鳥背月飛  
瘴雲晴漠漠獨客暮依依何日謝塵鞅閉關從息機

象磯

危灘延竹纜鉅石瞰虛舟霧氣晴還濕嵐光午未收  
悲歌憐獨往指顧憶全儔鎮日如相約雙來水畔鷗  
道林寺次之乘韻

卓錫當山麓招提控水東我來聊偃息塵去悟真空  
鶴踏珠花燦龍翻貝葉紅蒲團焚柏子香引隔簾風

寄寄亭二首

勞勞江海夢寄寄水雲亭菰米浮波白莧房著子青

先陰曉過客蹤引信飄萍詢主秋風裏焚香入杳冥

其一

微息風塵外無論日月俱筇穿鄰地竹樹借晚巢烏  
滿目花三徑憑虛酒一壺浮名那復道何處老潛夫

桂嶺吟送汪弘齋僉憲北上

桂嶺嶢嶢紛挿天星巖石洞羅蔥半諸峯空翠淨如  
拭鍾乳丹砂凝素烟湘流若帶通雲霧三江七澤遙  
吞吐越地猶傳榜棹歌江潭亦著滄浪賦送君高歌  
醉君酒襲襲松風生戶牖臨觴調笑拂吳鉤倚劍獻  
款動南斗八月燕山天氣清君行定入鳳凰城扶搖

清集卷三

一九

繫龍洲

萬里橫修翼早晚瑤臺聽鳳鳴鸞羽差池憐遠道絨  
情天末音聲杳去去還期嵩洛間盈盈共折金光草  
礪石嶙峋控此洲蒼梧雲逐水分流青天影落金鰲  
靜火嶺光連王竦浮舟畔忽傳津吏鼓林間時聽越  
人謳却慚蹤跡牽縷紋未似當年五嶽遊

靖江王太平巖次韻

砥柱中天亘古今羣峯圍合迴相欽幽居自足東平  
樂麗藻還傳鄴下音鍾乳飛花添積翠芙蓉倒影漾  
重陰靈巖不隔三山路棲息渾忘歲月深

懋德堂大韻

桂嶺離宮結構新堂開懋德護烟雲青天宛轉生圖  
畫碧水縈迴起縠紋禮樂河間標大雅詩書東魯接  
清芬間來況有陳思賦千載流傳著作文

遊風洞和夏松泉方伯

石洞千雲畫渺冥危崖夾谷勢崢嶸菱花荇葉牽明  
鏡舜嶺堯峯拂紫清載酒新秋聞木下班荆絕頂聽  
泉鳴重華南狩龍遊遠淚竹湘流萬古情

同楊尹登合江亭會書院諸生次昌黎韻

江亭冠層巖湘蒸環右左初旭耀驪珠腥風灑蛟唾

清集卷三

二十

二水黯不分羣峯儼相佐石鼓肇宏規山靈洩奇貨  
傑構時增修昔人良匪過遺脉藉以綿終古無顏挫  
國棟產良材鼎實資羹和瞻彼仰高祠前賢今幾箇  
龍蟠隨所遭幽貞夷坎珂張朱衡嶽廬韓子潮陽臥  
俯仰觸虛舟山川足吟課豐碑勒遺篇白日蒼苔那  
斯人今則亡流風激頑懦廟貌肅丹青脩名遠昭播  
君侯蒞楚邦宣承起窮餓况復崇文儒士林日相賀  
濟濟魯諸生升堂黜庸惰麗澤擅名區蘭芳森滿座  
戰勝羶者肥賜也疑斯破請畜山下泉莫以塵沙塞  
焉而亭歌

鳳山壁立桂江傍層厓列嶂遙相望芙蓉萬疊披雲錦影落昭潭涵翠光突兀孤亭開壯觀涼颼飄忽烟嵐散白日相輝石鏡明青天不動琪花燦朝陽桐樹發新枝琅玕瓊葉多華滋蒼梧龍去不再返楚狂之論令心悲饑鳳威垂羞鳥雀焉能促刺爭葵藿高翔九采離哉紛音比簫韶滿寥廓

元夜崇德道中

春來十日九馳驅短棹宵征路鬱紆况值上元燈火夜那堪獨客夢魂孤清溪月上催漁笛古樹雲深集暝鳥蹤跡無勞歎飄泊襟期終擬住江湖

清集卷三

上

宴宜春臺簡李過齋刺史

乘春試上仰山臺紫翠中天入望來白日峯圍鰲背合清溪樹拂錦紋開驪歌且莫催行旆花鳥相將勸客杯地主况逢能賦者新篇定有夜光廻

宣風館次王陽明韻

雨洗松崖湧翠痕雲留谷口瘴猶渾溪邊飛鷺邀行蓋礪道垂虹射遠村獨樹花將春寂寞數枝梅共月黃昏孤燈永夜鄉心切况聽空山杜宇冤

憶建寧夏明府

京臺一別兩年餘越嶺湘流歎索居劍鳥連宵夢

子雲霞失路更愁余天邊漫憶雙鴻鳥也事幾逢人素書却羨武夷春草綠竚看飛翼獨躊躇

東崑歌

崑岡矗沓淞之水玻璃倒浸峯巒紫陰厓仄徑杳相通華璞明璣紛可指山人誅茅住東麓細竹幽花環水曲朝握長鑱采藥行日移烟艇穿雲宿君來作宦元山頭余亦羈棲絆微祿故園借問何時歸我今已切江南思拂衣坐釣冰絲鱸漫訪山中綠王芝

懷王宿陸晉川公署次盧抑齋留別

爐檀尊蟻香浮浮仙署徘徊當晚幽笑指停雲驚別

清集卷三

下

夢勞歌芳草慰離憂梅花帳月自清夜冰玉溪寒疑素秋最恨明朝天外鴈湘烟越水隔南州

晉川同舟至廣信用前韻

山舍宿雨翠嵐浮春色溪容景自幽岐路頓忘鄉國夢江湖爲遣廟堂憂青天日暎梅花雪丹壑泉飛古樹秋宛轉輕鳬權共濟郎官星彩動西州

贈玉山尹陸晉川四首

臨風玉樹耀仙葩種滿河陽縣裏花白日朱絃彈古調清朝鳬鳥上京華

其二



彭澤風流千古下今不是折腰時 聖朝禮數優  
民罕好植甘棠後日思

其三

陸子才華動一時山中作吏日裁詩  
玉堂誰續循良傳文藻應先數浚儀

其四

美人爲政越江濱坐對棠陰弄白雲  
此地况饒霜葉紙他年傳遍士龍文

自問

自問松陵子行行曷月歸爾隨南國  
雁不戀北山薇

潘集卷三

一

嶺識重來客塵憎舊日衣吳萼秋可  
損越鳥暮何依宇宙傷萍梗勳名負  
釣磯飄雲應笑汝數傍故園飛

義烈卷

憶昔曾聞豺虎亂將軍死節到今傳  
忠精貫日關河壯義烈劉崖宇宙懸  
寶劍沉埋留碧草寒雲飄忽泣玄泉  
臨流擬續招魂賦心折灘江夜月前

小古鏡

神物何時造傳聞鑄鼎年蟾光分月  
窟龜紐刺荷錢解離菱花缺明生桂  
魄圓曾留照王母常得傍真仙  
遊靜谷宿翠微傍僧舍

夢寐衡山勝來瞻巾紫峯南邦饒巨  
觀羣岫列青蔥探奇入靜谷幽賞寄  
余來翠屏高巔巔繡壁亦稱雄玉筍  
鎖丹籙玄龜剖混蒙至止太一臺物  
象咸光融靜巖居其腹湘浦盪其胃  
朝陽峙其左漱玉繞其東諸天真咫尺  
萬景互丰容天池富靈異飛瀑挂蜿蜒  
散花儼明雪擊石韻松風流觴緣曲水  
遡嶺接幽叢問源焉可極雲漢此波  
通我遊未云已側景匿餘蹤神潛八極  
外身憩蓬萊宮六塵淨不染五蓋發  
游壺夜闌江月白鸞鶴下相從

元旦書懷次萬五溪方伯五首

潘集卷三

一

曆叶三朝始雲占五色輝履端知歲  
改竊祿愧予非按節慚何補賡歌志  
尚違殊方瞻舜日延首詠重暉

其二

黃道迎嘉節青陽散德輝年華一以  
邁心事况多非漢綬謀生拙潘輿色  
養違羈思情不極寂寞寄春暉

其三

萬國陽和動羣芳景物輝修驚玄鬢  
改轉憶世途非豈爲浮名累其如高  
尚違春明休沐地不負謝玄暉

其四

異鄉逢令節吾亦愛春輝留滯嗟時  
網牢籠悟昨非

歲年成代謝去止昧從違且醉杯中物狂歌餞落暉

其五

條風應節候物色揚新輝撫時悲過隙省已慎防非  
平生四海志老大寸心違願言崇景德莫負三春暉

上巳郊遊次胡主齋正郎二首

脩楔臨幽境蘭亭跡未除流波思禹鑿廢寺憶秦餘  
洞口桃花水山中薤葉書懷仙如有遇搔首獨躊躇

其二

曉日饒雲霧清風解掃除尋芳竹徑裏發興酒杯餘  
童子理瑤瑟仙人空素書今朝須一醉莫遣思躊躇

潘集卷三

十五

詣雪廳覓蓮栽索予句得四絕

樓臺草堂江水明碧藻白蓮華月生西家愚夫亦愛  
爾夢入淥溪溪上行

其二

太液池聞五色優王孫此種亦名流移根帶月歸東  
署淥水香花泛白鷗

其三

爲乞靈根異衆芳亭亭特立水中央臨池擬摘  
寶製彩還爲雪錦裳

其四

翠蓋丹房爛若雲千朵萬朵散清芬秋來定結同心  
實采采應先把贈君

庭竹歌

王孫雲臥城南宅修竹檀欒比如簣籜龍鬱抑含緋  
烟鳳尾參差散空碧綺疏蔽日圍晴篠朱簾留風淨  
如掃清聲夏擊切琳琅黛色虛明動蒼昊主人好竹  
復好詩坐臥竹間歌未希手持仙人綠玉杖青天睥  
睨孤雲垂過眼繁華那足齒貞心亮節嗟誰似日誦  
淇園有斐章恍疑身在瀟湘水

印山亭燕集

潘集卷三

十六

孤亭偃蹇江之隅吞吐風濤凌紫烟海若吹波雲葉  
碎蛟人吸雨浪珠圓開尊正憶東南美眺望兼償山  
水緣地主况逢能好客何妨盡日爲留連

玄風別墅

玄風洞門六月寒危樓結綺枕江干香生蕙圃春常  
駐霞爛芝田石可餐錦水文峯添藻麗松雲竹霧動  
波瀾知君好著東山屐卜築應須擬謝安

和龍雲東憲副試茶三首

清泉淪碾試新茶火宿沉檀味轉加小鳳團分金粟  
顯纖莖露浥紫蘭芽光搖玉女分前月液泛仙人

花發驚恍疑生羽翼朗吟飛入列仙家

其二

寫籠細寫武夷茶新汲寒泉色更加潤合金蓮凝水  
玉香浮石鼎淨雲芽清宵鶴避烟生堂虛閣風來露  
作花消渴總宜司馬疾問奇移向子雲家

其三

竹爐新烹陽羨茶銀濤翠葉光交皎若松風墮秋  
水燁平雪片瑩春芽玻璃浮浮冷生頰雲母溶溶色  
炫花讀罷黃庭時一啜滿天涼露襲山家

秋日郭西舟中燕集二首

潘集卷三

七

擊汰清溪濱試望山南洞謳延白雪聲琴寄梅花弄  
夙約匪云睽壯心時一縱歸來新月生竹塢烟花動

其二

西園屏煩囂新颺亦飄颺境幽耳目超心遠情神暢  
操月想行杯臨川理歸榜聊同濠上遊不學莊生放  
月夜江行遲汪子叔可不至

激波皎於練霜飛江始寒登艫美良夜鼓楫下層湍  
水共青天流月隨石鏡圓杳如星渚泛倒影凌雲端  
清渺無極天路浩漫漫徒傷桂叢歇復憐楓樹丹

光照我仰視夜闌干懷君秋止隔握蒞起長嘆

代來寺

招提抗巖岫下瞰江之隈峽形束襟帶勃溜爭喧壓  
諸天懸法鏡蘭若鬱蓬萊無乃三神山宮闕燦瓊瑰  
日茲靈異地六龍載之來不然羅浮雲噓氣結樓臺  
慧風吹不散淨月照常開經行聊問訊欲辯已難裁  
恍疑飛錫至空外殷如雷停舟一徙倚花雨落莓苔

經平圃驛張曲江故里

我行平圃道立馬臨長坻憶昔張文獻璘珣廊廟姿  
東身起南國矯節震當時卷舒合明晦獻替洞盈虧  
草哉金鏡錄允也百世師浮雲掩陽曜凄其歸燕詩

潘集卷三

八

忠臣抱深慟誰能測幾微蒼茫秋山裏蕭颯松風悲  
獨有開元月還照曲江祠

從庾嶺北歸至萬安縣舟中作

嗟余謬時網作吏入西越飽歷五嶺雲四見梅花發  
草樹冬常青嵐霧晝不歇徇祿嘆迷方留滯慚英達  
駕言適京師遡嶺復川涉忽驚險阻盡俯視原隰闊  
白沙綴疎星碧水澹華月乘流耳目新破浪情神豁  
鷗鳥會我衷飛鳴恣怡悅鄭谷未可求向平志徒結  
終牽行役悲拊躬傷薄劣

謁孟廟

淵源鄒魯近廟貌歲年深峻烈揚霄漢遺光燭古今  
間邪神禹力著論仲尼心千載祠前柏枝枝向孔林

望嶧山

名山當魯境突兀勢何雄蒼翠微茫裏青徐指顧中  
平臯思禹蹟殘勒修秦風側想朝陽鳳空餘古樹桐

駕幸西山次包蒙泉侍御四首

鑾輅乘陽出上京駿駸羽綺翼星行千齡王氣開玄  
武五采龍文絢泰清入望山川齊動色迎輿草樹競  
分榮懸知四國無虞日賸有謳歌誦聖明

其二

清集卷三

尤

北道風塵清鳥塞上方車服下龍樓瑤池汾水非陳  
跡碣石昆明異昔流細草爲茵承玉輦仙雲引幔覆  
珠旒後車應有非熊載未是宸輿戀物遊

其三

燕山雲物擁諸陵馳道離宮接上清魚藻已聞歌在  
鐫鸞輿時一幸昆明鈞天樂舞迎仙仗繞練花叢拂  
曙旌還豫從來徵夏諺時巡爲蒼萬方情

其四

日中自古遊觀地法駕重臨汭洛傍雲作龍鱗浮御  
幄泉分麝髓汎仙航碧桃漫道千年實青鳥時銜

壽觴不似周王驅八駿卷阿鳴鳳在朝陽

舟泊潞河峇蒙泉

繡服明江甸淹留共此丘言辭京國勝已抱異鄉愁  
白浪千峯動青天一鏡流煩君河上詠並濟憶仙舟

喜雨詩 并序

戊戌夏五月不雨嘉禾罔植邑侯勤恤民隱  
禱於羣神甘澍斯流靈貺畢集曩之朽哇化  
爲膏壤士庶相與謳談余迺因厥義作詩曰  
惟彼偕陽隕我嘉穀歲罔有秋民以無祿曰惟我侯  
憂思罔替乃翼乃嚴以脩雩祭明德斯馨燭于下土

清集卷三

一

玄液其專生我稷黍豐年之慶維民受之頌德樹聲  
維以永思

吳淞十首

澱湖秋水

宛延天目泉漱灩澱湖水涼月寫蒼空星河湛清泚  
俯鏡微波生中有風雲起逝者如斯夫有本詎爲美

龍華曉鐘

永夜未向晨瑤光啓初曙華鐘立以鏗洪聲旁布漢  
月遠在天微星條明翬羣息忽復訛行人卽衢路

東朝古檜

老檜發孫枝光彩何沃若飽吸元和精歲年已絲寒  
黛色拂層穹深根穿地絡猗與清廟材不逐庭花落

烏溪修竹

寂歷淇水晚參差鳳尾垂琅玕動逸響蒼翠生葳蕤  
老幹禿龍舞新枝丹鳥棲後凋並松柏不受歲寒欺

碧空秋月

蓊收肅金氣皓魄凝清輝瓊波大地湧桂兔中天移  
對水炯如鏡纖塵淨不飛貞明元有體徧照信無私

滄海寒潮

時序有代謝潮汐無愆期于宗自呼吸應月互盈虧

潘集卷三

一五

枯桑知天寒陽侯信不移古今一日暮千載恒如斯

遠澗流泉

冷冷山下泉分流散清碧澄影瑩冰壺寒光涵白石  
塵滓了不侵長空翠相射養正在厥蒙君子取諸易

橫波厲石

洪流浩無際砥柱當其衝風濤條吞吐孤石自龍嵒  
揚靈抗仙掌矯迹結宛虹保此堅貞節獨立靡所從

九夏甘霖

朱明協時序萬物咸昭蘇愆陽一爲虐驕蹇成焦枯  
膏雨忽以降禾黍立紛剪允愜三農望神功歛若無

三春麗日

青陽轉閭闔寰宇盡逢春遲日麗中天和風散氛  
禽魚適鳴泳花萼發芳芬對景洵可樂于嗟擊壤民

虎丘

登高懷古誦遺文伯業空嗟鶴鶴羣斜日不堪回首  
望黃花碧草亂春雲

望金山寺

鰲足金波湧龍宮白練浮寶雲飄絕界珍木鏡中流  
地底蛟人室天邊蜃氣樓乘風懷獨往烟嶼夕悠悠

過舒城逢周尹雨川二首

潘集卷三

五

憶昔寒江上同君利涉勞驚風棲羽翼壯志歷波濤  
攜手今何夕傷心已二毛無言久離別且爲酌春醪

其二

漫攬舒州轡將爲蜀道行秋霖淹信宿宦跡倦平生  
慰藉知交誼悲歌見客情他時儻相憶書報錦官城

曉發浥川驛

晨興攬衣卽長陸明星在天車在牧曙色依微散晴  
旭涼風吹波捲素縠白露兼葭紫渚曲水芳草花細

如菽賓鴈孤鶩羽肅肅搖落清秋悲宋玉

雍城嘆

憶昔鴻門會高宴被長丘陳師稱百戰殺氣橫九州  
沛公詎天授反掌成俘囚如何叱咤姿忠言道不  
威神若風雨目睫交劉舞劍技靡售示缺空復謀  
王斗光墮地智士厚深憂神龍一失勢蟠蛭皆爲僞  
楚騷竟何逝秦鹿難再求平生萬夫雄忍對東歸舟  
臨風披七首引決將誰尤江流曷云極莫浣亡國羞  
憩陽驛驛

中歲苦便靜征行愍作勞江亭聊燕息稍覺遠煩囂

雲影含波定山形擁樹高吾將謝軒冕子以學漁陶

黃梅望二祖山

潘集卷三

一

四祖五祖示寂久西山東山勝地開縹緲松雲籠  
日微茫寶霧覆仙臺傳燈法證無生界度筏心空  
劫灰聞道靈光未消歇夜深分映燭黃梅

中秋夜黃州遇雨

征途喜及中秋日雅興耽於明月期詎爲江雲翻作  
練更饒風力忽吹絲沈冥祗惜傷蟾影拂擊仍愁妬  
桂枝悵望不堪霄漢迴飄零况有故鄉思

觀音崖

勝地荆襄合名山日月鐫巖巒陳法像窟宅隱飛仙  
樹古魚鱗墮碑殘鳥跡懸藤梢纏罅石龍吻注流泉

王噴雷翻壑青交暝結烟曇花紛點綴貝葉互蔥芊  
藥貯囊中秋丹傳肘後玄譚經蹲白象說偈見金蓮  
羽士尋雲笈羣生戀福田桃源疑髮髯吾欲問秦年  
謁顯陵

玄武神都閱鉤陳微道長百靈森扈從羣岫儼飛揚  
梨繁園龍袞周廬綴鴈行璇源通隧户王氣繞宮墻  
憶昔 先皇帝升遐楚水旁鼎湖遺鳥在代邸駿圖  
昌 聖化方熙洽 皇情倍愴傷丕承思未釋崇奉  
禮殊常傑構輪將作多儀極尚方園陵卑漢制清廟  
匹周王鼎廟重碑立文螭九陛張瑤鋪金作埒綵棟

潘集卷三

七

玉爲梁斗漢臨黃屋山河拱絳房 廟謨天遠大宗  
祀日無疆蹇劣牽行役趨承近耿光總帷風肅穆寢  
殿月輝煌瞻拜凌神霄經行挹異香回看松栢路猶  
見紫雲翔

歸州道中四首

數家燈火亂山中架木爲廬結構同風急捲波雷白  
雪月明倒影動瑤空

其二

絕峽灘高激亂淙山根石疊暗相通長途估客愁多  
浪迅舸漁人舞逆風

其三

驅車曲磴岡巒逼極目巴江雲水長怪殺玄猿悲鳥  
道貪看白鷺立魚梁

其四

石門劍列欺山麓鳥徑蘿懸撼碧湍雲濕故愁騎馬  
滑江衝仍怯放舟難

蟠龍山五首山有白兔亭

深山石洞護蟠龍瀑布雙懸挂玉虹無數峯巒圍紫  
翠中留一徑與天通

其二

潘集卷三

一

丹梯萬疊歷飛虹錦樹秋風入望濃無奈鳩鳴頻喚  
雨虛疑雲起為從龍

其三

秀嶺龍從控蜀川上臨霄漢下重泉人躋峻石愁欹  
石猿挂虛枝太黠顛

其四

礧道直窺寰宇外民居曲繞亂山顛峯開綺繡供圖  
畫泉決雲渠灌石田

其五

沃羅絕頂躡芙蓉山外雲烟鎖暮空留滯未須晴

免飄零翻愧學飛蓬

登龍泉寺

草樹垂山徑烟霞滿上方燈輝連楚蜀鐘款識隋唐  
秀石泉流碧香廚柏子黃何顛興不淺栖戀遠公堂

上黃陵廟

水東黃牛峽峯圍錦樹祠盤渦天外落暗石浪中移  
雲助蛟龍鬪風增海若悲書紳佩忠敬鼓楫任艱危

白洞灘

白洞緣崖落危灘湧地來波翻斜墮石峯圻倒轟雷  
鳥度嗟頹翅鱗飛恨暴顛垂堂古有戒進艇數遲回

潘集卷三

一

西瀼懷古

少陵垂老走巴蜀避地遷居瀼水涯瓠落不忘京國  
淚蕭條戲覓草堂賢朱絃古調縣清漢翠竹高風湧  
暮祠想像猶疑見顏色巫江星斗照連漪

神女祠

襄王已寤高唐夢此地空傳神女宮楚澤巫山悲聞  
寂朝雲暮雨自冥蒙風吹碧石虛環珮泉滴秋花墮  
粉紅日夕不堪頻寄目青天搖落送歸鴻

白帝城月杜工部秋興韻

如斗逐江斜縹緲飛樓拂露華峯接陽臺神女



暮如蕭瑟清秋看不極洲前月滿白苹花

### 山行觀雲

披霧陟危峯條忽直晴霽茲晨瞻蜀日清風掃霧暄  
振衣千仞岡俯窺雲在地衆山一培塿卉木紛如糝  
覽觀宇宙寬浩蕩情神寄須臾即平麓甫覺心目異  
恍疑雲上升縹緲極天際卷舒亦何心卑高豈異趣  
目遇故以殊太虛惟一氣智以聞見膠道非形影繫  
白衣復蒼狗變幻安足計感此擴大觀于以蠲物蔽

### 九日萬縣道中

潘集卷三

細雨冥冥晝不開山行眺遠悵登臺深溪木杪多猿  
嘯絕域霜前少鴈來逆旅誰攜陶亮酒臨風虛憶孟  
嘉才眼中黃菊渾無賴爲觸鄉愁到客杯

### 棟塘歌

龐公習隱鹿門幽臨軒種棟環清流千颺零亂翠相  
射剩雨含雲濕不收歷歷繁花如粟大亭亭遠餘盤  
車蓋影落閒潭凝黛光聲搖晴漢聞竿韻道人元坐  
神宇清口誦黃庭彈素琴草深不辨表羊徑芝老空  
餘黃綺心蘭芬桂子參差植紫鳳祥鸞翥秋翼芳繡  
高懸畫錦榮碧山頤長風雲色君不見五柳脩名寄

三槐樹德傳之子吁嗟乎李翁之棟真足誇會稽山水長光華

### 月溪贈當陽張尹模

霄漢懸明鏡溪流瑩素波涪江山水麗高士藻思多  
倚桂忽長嘯臨川復縱歌看君飛動意耿耿逼星河  
同張東峯僉憲遊廣德寺次韻  
招提徙倚紫蓮峯望裏雲烟翠且重咫尺諸天飛錫  
異登臨絕頂振衣同巖翻貝葉零珠露石指曇華墜  
碧穹牢落未能捐世網扳留聊爾翫真空

### 瀛西歌

潘集卷三

瀛海鯨波日夜流微茫沆瀣匝空浮天雞羽拂扶桑  
樹兔走烏飛春復秋東指蓬萊橫一障珠宮絳闕環  
相向金書寶笈動琳球鶴駕鸞驂紛在望江南逸客  
好隱淪潛神葆氣脩天真鍊身欲拄盧敖杖垂愴還  
希任國鱗象外烟霞長不改寰中陵谷依然在手挽  
青松擊酒瓢思挂雲帆汎滄海

### 潘笠江先生集卷之三

潘望江先生集卷之四

詩

吁嗟行六首

漢主雄才狹區宇不務脩文好脩武勅兵略遠無時  
休大將偏師同日侯羽林孤兒隸名籍期門飲飛勇  
稱特昨日舉旗殪月氏今朝授策擒疏勒少壯征夫  
多道死長揚侈心殊未已樓船汎海神鼇立五丁鑿  
山金狄泣珎異紛然充尚方齊民不厭菽與糠古來  
覆轍匪云遠前有周穆仍秦皇吁嗟乎茂陵秋風土  
花碧蒲萄薔葉亡顏色

潘集卷四

其二

開元天子坐明堂萬方玉帛胥來王朝野康寧諫書  
發宰臣貢諛生淫荒梨園供奉權不足內庭復譖覓  
棠曲舞象銜杯獻至尊喧呼萬歲聲詵詵漁陽戈矛  
起談笑三十六郡悲風塵潼關失守江淮裂乘輿莽  
左遭顛越玉環不度馬嵬春六宮淚暗關山月太平  
有象嗟何爲豫大豐亨憂至掇君不見在昔詩人戒  
細娛蟬游羽衣歌白雪

其三

渥洼名駒世希有誰其匹之龍與友奇姿逸氣凌秋

驚過都歷塊生輝光圉人引置君之側驂服君輿飽  
君澤芻牧榮增白玉珂驅馳志效黃金勒一朝棄置  
吳坂旁塗泥困頓嗟玄黃顧影猶矜千里足汗血浸  
淫仍歎玉耶同凡馬爭後先叩首長號傷踣感吁嗟  
乎世間知已良獨難登錄棄捐安足嘆王良已死房  
星匿騏驎從來悲伏櫪

其四

春風日日長安陌雞鳴冠蓋紛相索平津東閣開中  
天盡道公孫解好賢後進彈冠侯先達傾心効用誰  
不然下帷董生名籍籍環才博學天人策卓犖應爲

潘集卷四

二

清廟珍飄零翻作江都客彼哉葉公好畫龍真龍豈  
復來相從弘乎好士乃類此吐握稱勤亦徒爾吁嗟  
乎臧否倒植傷我心有鴛在梁鶴在林

其五

在昔唐家全盛日總攬威權軍法一後來肅代何草  
草泰阿倒持不自保車覆目前胡弗戒名分蕩如網  
紀壞側聞軍士譟營中已傳麾下死元戎君失臣兮  
狐化虎皇之不極金爲土紫蜺遮日貫天門復有妖  
星射帝閭藩鎮紛紛叛天子鑒輿播折寧須論吁嗟  
乎歷大幾要患非小履霜冰堅辨宜早

其六

金陵雅志談王佐學術翻爲心術誤肆言功利媚神  
皇謬將系孔爲伊傅新法章條太劇偏睢肝罔惜人  
之言思啓邊功先富國坐令天下皆騷然小東大東  
空杼柚入骨誅求徧山谷不脩保障脩繭絲戶口青  
苗紛未足吁嗟平英英白雲露菅茅王澤淤遏民爲  
勞皮之不存毛安附流孽靖康叢國蠹

瑞蘭贈湯閣帥

湯侯報主心彌切異萼生蘭種太奇珠藥續紛通御  
氣玉華旖旎散靈颺雙葩並綰風雲色九畹新含雨

清集卷四

三

露姿不獨瑞家還瑞國千秋麟閣大名馳

送林順齋方伯之廣東便道歸省二首

使星去巴蜀川陸抗高旌白駒邈難繫晨風急王程  
伊予戀懽懽分袂結中情願借峨眉月送子遠徂征  
清輝徧南海樹立日光榮

其二

征行駕四牡周道何倭遲飛旆指東越歸驂歷武夷  
言念高堂上睽析廢中私南陔採蘭芳潔醑供饋慶  
酌言介眉壽愛敬期不攜別君無以贈三復白華辭

其二

白華被幽薄駢服儼道周簡書肅明命游子不遑留  
黍苗膏陰雨在昔有微猷君其保南國豐澤洽旁流  
甘棠詠勿伐千祀揚光休

大觀臺歌贈薛畏齋

層臺徙倚當山麓矯首行雲抗晴旭榮暈斜侵列宿  
明果恩倒射岡巒綠瀟瀟水分流跳白波羣峯合沓圍  
青蘿虹楣鱗屋遙相向殊形照爛臺之上使君肝膽  
凌冰雪經始茲臺最奇絕畫靜還看畫棟雲宵吟更  
攬峨眉月張筵招我坐烟冥江水江花對眼清遊神  
欲借扶搖翼吞吐鯨波橫八極撚指乾坤憶今古緩  
帶輕裘美開府詞翰璚璫散綺珎折衝遠近紆尊俎  
將來勲業匹者誰離堆失險岷山卑

清集卷四

四

當陽晚行

山行日有程中路速修軫牛羊夕下來嶺日忽以盡  
石滑露華零木號風力緊野燒漸微微疎星亦耿耿  
倦翮怯途遙迷方憐步窘僕御慘不歡勞生况多疾  
撫時百慮煎千役良足憫惜哉絳冕牽父負沮溺哂  
夷陵歷九灣諸山

肩輿陟層巘宛轉蒼山巔陰崖瑩晴雪遠竹暎修川  
民居雜猿狖樵徑翳人烟昏黑饒蹊霧喧壓鳴澗泉

羅苦崩峭歷磴極回公俯身度絕壑躡足梯青天  
覺雲塗香還爲羽翼憐心傷九折道夢落五湖前  
日策歸鞅明農返自然

重謁 顯陵

純德鍾靈秀川原美且都嵩衡分王氣湘漢匯名區  
勝地陰陽湊玄宮制作殊烏號遺劍遠鳳憶夜臺孤  
附合循周典經營侈漢模層城行日月列殿引蓬壺  
帶澗朱門麗冠山象闕紆金鰲橫繡陞采棘夾丹樞  
穴識青囊秘龍知火德符祥光連北極瑞靄亘南隅  
瞻拜重來地恢宏仰 聖謨願歌天保定萬禩華鴻

潘集卷四

一

圖

郢中吟

行行郢中里望望北山岑危臺半傾覆落照矧蕭森  
忽聞歌管發惡此繁絃聲緬惟古人樂妙與道化并  
一奏白鶴舞再闋玄雲生如何千載後下里傳妖淫  
白雪既絕響陽春空爾名子期不復作嘔嘆鮮知音

黃州赤壁

晚次黃泥坂來從赤壁遊長江水浩淼片石枕江流  
雲根翳不斷珠沫散還浮憶昔蘇公樂于今幾百秋  
盈虛那可極此地已荒丘擊筑歸楚些班荆遲蘭

坡仙不可作哀泉響蹊壑衆星羅青旻光永於八寶  
感之幽意多酹酒謝寥廓海月更漸生照我黃花酌  
對月忽懷人顧影傷寂寞大叫招大風馭此橫江鶴  
渡江望皖山

挂席寒江流乘波倏凌蔑西望走羣峯雲際仍明滅  
獨有皖公山蒼蒼勢超絕朝曦耀其巔霽色生殘雪  
緬惟茲嶺高迴與區中別豈無巖居人臥雲事高潔  
芝朮良可食綬組奚足繼瓠落乖素衷撫已嘆行轍  
雪行望九華山

宦游倦朝轍逸思薄烟霞驅車青陽里流目睇九華

潘集卷四

一

迴風起山末宛轉灑靈葩仙人乘鶴來飄拂紫雲車  
須臾陵谷變幻出碧蓮花瓊波眩滄海玉液欺丹砂  
駕言往從之憐此道路賒緘情訊飛鳥想像極天涯

濠梁

彼美濠梁水蒙莊舊日遊天懸一鏡落波捲衆山浮  
唼藻鱗魚沸鳴梧彩鳳留願言思傲吏揮手謝王侯  
輓丁方齋

方齋有今名三仕佐專城器世播瑣瑣美官同水月清  
烹鮮才小試製錦政初成解綬歸田志振興愛日情  
范明忠義澤 方齋叔祖襄公鉉爲刑時死土木之

後代孝廉銘日月懸高隴蘭蓀茁滿庭傳經仍嗣子  
宰木競含榮

東川卷

幽人卜築東江濱夜雨新增萬頃紋曲檻青蒲深浴  
鷺疎牕碧石細盤雲

桃源圖

劉阮歸來徑不春天台無復問津人桃花深鎖溪流  
碧開落東風也避秦

慕思質六十

綺筵璀璨開龍浦南極星辰動碧空峯泖盡收圖畫

清集卷

七

裏滄溟旋挹酒壺中山人甲子春初度雲漢靈槎路  
易通倍有韶光壯顏色棠花笑指舞衣紅

予病足瘡須野張子惠回春膏疾愈之短歌

蜀路徂征困泥滓秋來毒熱淫腠理脛大幾要苦不  
休况復奔走長安市憑君惠我紫霞膏色如玄玉光  
秋濤宵中撫枕病若失來朝便能騎馬出余今倦翼  
賦歸來君纔奮跡黃金臺請君醫國效此方劑量元  
氣回殘創坐令四海歌陶唐

秋日

芳華衰歇歲將落客舍秋風吹布袍遠在燕山淹

履近聞遼海尚弓刀陶潛吏隱荒三徑杜甫憂時已  
二毛白露芙蓉江閣迴滄洲遙憶清雲高

新月

新月娟娟草堂靜舉頭對月心悲傷當天玉兔半疑  
魄大地金波細作光邊徼此時聞折柳機絲初夕照  
流黃梅花不見忽相憶况在燕山非故鄉

赴蜀寄武昌承胡后坡四首

聞君作吏近黃州暇日將無赤壁遊賦罷好鑄山石  
上莫教蘇子擅風流

其二

清集卷

八

我行楚水特思君回首巴南空暮雲江上若逢鴻鴈  
使也應寄我后坡文

其三

報罷朝衙好著書絃歌畫永興何如新篇定有江山  
助莫道從來承負予

其四

金陵把袂十年餘蜀道于征嘆索居何日放舟過夏  
亡與君同饌武昌魚

盱江高令祠爲戶侍三峯父

盱江古名區民賦賦靈秀東生擅才英窮經學已百

弱冠動琳鍔，拚飛躋羽遙。釋褐宰肝江，青雲定馳驅。  
種花滿公庭，鳴琴間白晝。忠以封事據，玉爲明時售。  
叙遷倅岳陽，抗志在巖岫。歸田足希陶，民黎空慕寇。  
植槐蔭簷楹，厥子肯堂構。煌煌少司徒，勛業日弘懋。  
邇德重鄉評，流聲襲俎豆。循良人所欽，令名垂宇宙。  
商榷同聲歌，聊附金石奏。

人日雨次柯獅山

人日烟花催節序，錦官城雨況淋漓。無勞柳色驚愁眼，  
漫憶寒梅伴酒卮。極北王庭方款塞，交南白羽又徵師。  
書生涓滴慚無補，心折雲龍澤未施。

清集卷四

九

成都元夕六首

濯錦橋邊明月光，侯門戚里鬪新妝。中宵歌舞香風轉，  
一曲巴渝獨擅場。

其二

五夜張燈漏未希，九衢遊馬動光輝。須臾樓閣烟花散，  
化作青天王鏡飛。

其三

錦水今宵樂事繁，吹竿鼓瑟醉王孫。閭閻那識春光好，  
開口隨人說上元。

其四

戎都燈火夜參覃，綺席歌鐘樂且湛。蜀客不知遊子意，  
曲終猶唱望江南。

其五

西川燈節勝南都，車馬煌煌清夜徂。火樹鉛華分過目，  
蓬飄飄落更愁余。

其六

燈市輝煌遍狹邪，綵樓行樂競繁華。輕綃細剪三花樹，  
芝火高張五色霞。

和劉中丞泛舟喜雨二首

不雨當三月，江鄉望已賒。思霽憐道暍，作苦閔農家。

清集卷四

十

德潤漸山麓，餘津及野蛙。商霖幸公在，拭目五雲車。

其二

節鉞重來地，賡歌舊日題。山川識風采，碑勒徧巖壑。  
澤及三農遠，途非七聖迷。仙舟南斗外，信宿慰羣黎。

藩臬諸君賞石崖，草堂花賦詩時予不與後鄧

子索予詠漫和二首

諸賢約賞名園花，爛醉高歌燭影斜。人生樂事幾能再，  
邇老空思錦水涯。

其二

兩罷葉橫斜，芳藥憐人故。著花爲覺年光催，

客不知春事過天涯

輓林坦軒

林生富才學聲藉動斯文抱玉悲不售幽蘭傷自焚  
淒涼閩嶺月零落武夷雲獨有寒鴉在春風薦素芬  
遊中巖次楊升菴

井絡分奇控上方捫蘿陟磴倚蒼蒼聚星臺畔論三  
昧漱玉亭前翫眾芳石筍巖花增綺麗清泉翠竹奏  
琳琅乘風便欲騎黃鶴飽歷岷峩雲路長

靈雲洞次韻

靈巖閨寂列仙居詰曲羣峯四望餘水碧山丹紛照

潘集卷四

十一

爛松風竹月散清虛盧敖已滅雲中杖王烈空疑石  
上書對此爲憐城市客支離塵鞅欲焉如

凌雲寺次薛畏齋僉憲

盤雲絕境隱僊靈靈障橫開翠玉屏漢水縈迴吞一  
柱峩山突兀見三星金支石像生光惟泉客鮫人泣  
怒霆耽寂爲思招遠社閒居汲竹煮松苓

浮玉亭

孤亭結秀當山陰下瞰烟波入望深帶繞雙流圍合  
沓屏開特嶂對蕭森眼前澹澹浮雲色空外泠泠  
玉音絕壁誅茅有何意頓令消盡市朝心

贈魏參軍

髯參早歲負奇名臥病經年道復成衮衮才猷間將  
略恂恂文學類儒生倚蘭棄置人爭惜意以無端論  
自明我亦欲辭華紱去偕君長結白雲盟

荅冷健菴

辭學歸老渝川濱水石桓盤發興新鳳嘯時臨我嶺  
月棠歌猶帶武城春江湖芹食思仍遠廊廟葵心夢  
已頻喜有趨庭青瑣客塢頭展草屬詞臣

宿九灣

習坎履江關倉黃憩九灣鄉心千里月旅思百盤山

潘集卷四

十二

假寐懸愁夢迷方始羨閒卑棲一枝足太息暮禽還

維舟

巴江昨夜水新發今日維舟楚嶺灣漁子放歌惟白  
浪征人漫興有青山孤雲絕壁灘聲急浴鷺飛鳬草  
色閒留滯一官還宇宙春風回首髣髴斑

玉泉寺

鷺嶺崔嵬枕玉泉何年卓錫布青蓮烟蘿攬秀牽明  
鏡乳竇分珠供法筵翠柏黃花皆佛性鐘聲幡影亦  
眞詮經行偶憩眞如地別去應懷非想天

登橫鶴亭次韻



承亭斜瞰楚江濱  
靈掌光分水石新  
壁裏題詞成無盡  
藏空中鳥兔轉雙輪  
古來簪黻成蒿土  
身後榮名總客塵  
便擬凌風騎鶴往  
青山爲訪采芝人

且適園十七詠爲談元珍作

且適園

丘園招隱地  
山水遶吾廬  
神遊眇安適  
時閑草玄書

竅王亭

清泉迸石根  
歷歷琪花璨  
鏡面起微風  
白日生波瀾

會心處

閨居謝賓客  
耳目屏塵諠  
夢入羲皇界  
覺來誰與言

潘集卷四

一三

候鶴橋

垂嶠隱飛虹  
仙人隔雲霧  
翻疑駕鶴來  
徒倚三珠樹

棲葉所

几匝無絃琴  
含情寄寥廓  
豈無尺素絲  
鍾期久不作

榆涇書舍

碧榆陰茅衡  
藏脩復遊息  
終焉養性靈  
久矣謝文墨

洗句亭

束髮事篇翰  
日暮不言疲  
臨流意飛動  
星斗煥連漪

梧簫堂

白屋月如鑑  
秋聲梧作簫  
披衣翫細帙  
幽思薄天濤

龍窟山

流泉曲抱山  
靈窟斜侵浦  
神龍詎終潛  
歲旱作霖雨

李谿

幕歷花如琲  
能令雪色迷  
春風與開落  
無言自成谿

桃巷

桃深儼成巷  
渾似武陵源  
應有問津者  
時時相與言

杏塢

花期及三月  
芳樹相鮮新  
此時多賞勝  
彷彿曲江春

梅行

疎枝團白雪  
微香度遠風  
詞人費吟詠  
多在月明中

潘集卷四

十四

桂庭

金粟散秋風  
馨香滿山閣  
玉兔搗藥闌  
桂子月中落

竹徑

參差橫碧玉  
蒼翠傲寒霜  
夾水分龍影  
朝陽候鳳翔

橘籬

行遊入西園  
憐此清秋色  
萋萋繁綠陰  
宛宛垂朱實

菊架

名種傳西宛  
一枝秋色殊  
露華垂馬乳  
白月炫驪珠

湖上

西湖如練風  
日清西山屏  
障更分明  
上方金碧自相

吹遠地鼓鐘時一鳴槐柳青溪張席罷菰蒲白水放  
舟行此時政切東南想惟爾浮雲空北征

冀北行二首

天狼翕張光動搖晉陽城外胡兒騎朔風六月吼地  
起豺虎攫人人叫號上黨雲中稱險絕虜騎縱橫聞  
蹀血金帛子女西出關高平介休禍尤烈大同官軍  
百萬多閉門按甲其如何古來有道四夷守今日中  
原翻養寇領下尻高良可悲本兵樞府坐者誰

其二

冀北今茲胡騎夥關上墩臺聞賊墮太平父老垂百

清集卷四

五

年云是從來無此禍天驕蹀躞徧神州腥風簸蕩生  
民憂宣大諸軍袖手坐延綏壯夫亦無那昔聞王效  
帥榆林乘秋出塞羅田禽影纓走馬光動地白草獵  
獵黃雲深此時梁震亦驍勇虜至邀遮心不恐據鞍  
笑指金僕姑部下輕戎氣騰湧後來邊塞良無人如  
韋之矢不可捫紛紛純袴安足數玉關烽火連朝昏  
周家壯猷藉方叔留傳采芑歌清濁漢時充國寡與  
儔屯田十二羗夷服嗚呼近日梁王今亦無安得此  
輩再生西擊胡

平望驛值清明

草長速王程悠悠白髮生片帆孤驛暮春水百花明  
遲此芳菲日嗟予漢落行不須聞蜀魄已是戀吳耕  
夜泛巫江

擊汰蒼茫夜瞻峯紫翠重虛無神女館孟浪楚王風  
伯業隨漚盡鉛華逐鏡空馮流發長嘯月色擁魚龍  
三入蜀過灩澦

灩澦已如象川行良自傷一官奄絃冕三入戀舟航  
太浸蛟龍關天風鶴鶴翔嗟嗟遠遊子能不念垂堂

進艇

進艇迎烟霧客行多苦辛愁看巫峽水閱盡市朝人

清集卷四

十六

所以巢居子翛然遠世塵入林防未密偏與白雲鄰  
宿分水驛三歲中三歷此亭瞻焉興懷

此地舊遊地吾身仍故身山房聊擁蓋蕉月數為鄰  
僕僕人間事悠悠世路塵獨憐乘傳客翻愧長亭人  
再過梁山擬遊龍洞會暴雨不克賦此

聞道龍蟠洞由來靈異存風雷謹地戶鱗甲動天門  
凍雨忽成澤迷雲不辨村今朝問津者惆悵失桃源

遊岑公洞

我聞古岑公避世走山澤憐茲洞壑深埋照晦名迹  
宵然三十年兀坐維摩石繕性啓元房求珠返金液

丹旂發陽鑑青鳥翔陰室虛明澤霧安天橋凌空翼  
一朝生羽翰冲舉從白日伊予夏日游訪古結中臆  
斯息塵區綠聊假神仙窟支願對青山遐矚窮碑勒  
龍泓寫潺湲花雨散瑤碧松廳六月秋烟水羣峯夕  
彌敦獨往心况已疲執戟安能同尚平遲此婚嫁畢  
和楊舜原道長首夏過白塔寺

福地圖開萬象收林泉澄澈四時秋登臨漸入如來  
藏眺望真疑物外遊粉竹枝新蒼翠合乳桐花罷綠  
陰稠乘高選勝情無限指點前溪雙白鷗

和舜原勝果寺二首

潘集卷四

一七

浮屠迤邐帶山隈石徑紆徐接露臺劍嶺烟霞琪樹  
合梓州風物翠屏開虛無蜃閣當空見蜺旌墨花匝  
地迴盡日淹留情不極始知人世有蓬萊

其二

飛飛鳥兔速於帆漫憶前朝古樹杉爲賦采芝隨角  
里何須捥粟卜巫咸牢籠世網嗟華蒂解脫風塵羨  
短衫彼岸終期航覺海茲遊先已戀雲巖

和舜原梓州東山寺

虎溪東上白雲居棟宇冠山洞壑虛岷水烟波千里  
合釋林金碧六朝餘蝸行篆刻侵蝸蚪燕掠經床落

靈魚對竹焚香塵市迴清風終日翫真如

富樂山

伯業行凋謝吁嗟富樂山獨留漢時水旋繞日潺湲  
南渠二首

麟閣辭榮好隱居南山卜築俯清渠泉分碧澗琴書  
淨雲合蒼茫几席虛玉塵提携臨石竹荷衣搖曳映  
芙蓉冥鴻日覺塵心遠出入鷗羣迴自如

其二

解綬年來隱漢陰草堂幽占白雲岑巖前放鶴邀歸  
棹渠上遊魚聽鼓琴明月清風憐作伴高山流水候

潘集卷四

六

知音形庭勛業兒曹事一壑徜徉遲暮心

榮錫堂三首爲薛僉憲作

哲人閔良璞雲臥睇元始樹德蔭庭槐好脩佩芳芷  
小往大迺來螭屈鳳斯起夕郎麗清暉秉節事天  
子結軫承明廬揚聲洽萬里

其二

鳴鑣萬里橋振績西南邦德威及翔泳憲度凌冰霜  
煌煌五色詔寵綬來上方聲傳延陵道光動梓與桑  
夜臺有餘榮孝子結中腸明發不成寐涕泗蓼莪章

其三

拭淚誦 皇仁中堂勒榮錫繡堪抗飛鸞故里生顏  
色稽首茂對揚矢心厲忠赤初服諒靡攜于焉酬罔  
極夏屋承權輿寒松保貞則河東萬子孫永世以無  
忒

洞門寺次韻三首

杖策空王地沿迴碧水灣虛堦沉貝葉懸牖內青山  
石陟川如玦崖通路若環坐來何所見時有白雲還

其二

祇林含曙色洞水映霞暉縹緲看珠樹蒼茫接翠微  
尋山思鶴駕坐石戀荷衣珍重西來意翻嫌紋冕非

清集卷四

九

其三

邀朋尋鳳嘯引興上牛頭指顧窮三蜀拚飛隘八州  
桃源不可問桂樹且淹留掉首渾無語予心正四愁

錢心齋令南充有惠政入名宦祠子定齋比部

正郎使蜀賦詩志哀次韻二首

善政留傳作牧年天涯遊子淚潺湲青萍劍翳豐城  
側亦舄鳬飛夜月前遺愛漫誇棠樹在高名應共蜀  
山連懸知使節傷心地花滿嘉陵啼暮鶻

其二

玉隕桐鄉信可傷羣心迎祀聚星堂芹分泮水光

組杏接高壇覆苑墻白壁長懸金石頌清風時灑  
蘭香他年定入循良傳萬古遺編切望洋

侯三峯大叅官署畜玉狸目赤白迥異余奇之

作異狸行

君家有狸太奇絕猛如虬虎色如雪稜稜逸氣薄烟  
雲炯炯雙眸懸日月右眼平分赤帝精火齊珊瑚光  
燭星左眼凝脂異標格珠泣鮫宮流太白由來神物  
孕陰陽虹光夜夜遙相射山行魍魎慄不揚水宿蛟  
螭應辟易吾聞太倉之鼠縱復橫馮城託社呼其朋  
踉蹌人立作梟語白晝喧阗那可數安得此狸攫此

清集卷四

十

鼠條忽汎掃風塵沮吁嗟乎生不逢辰當遠道朝夕  
官衙臥青草

畫竹歌為三峯作

王生貌竹疑有神風行素練呈烟雲滿堂拂擊散蒼  
翠孫枝老幹回續紛曉來對圖發奇興淇園嶰谷聲  
相應依稀吹出鳳將雛為報侯君獲嘉慶

三峯未有  
是以祈

牛頭寺和楊舜原四首

石磴斜侵漢溪流曲抱臺松雲浮去蓋竹露遡行杯  
登眺真奇絕乾坤亦壯哉茲山自可悅何必問天台

其二

覽勝疑三島尋真謁四禪  
鉢香不斷石鏡月常圓  
梵樂將雲下天花傍日懸  
澄心兼洗耳竹外有流泉

其三

地勝思牛首源深訝武陵  
鉤連穿鳥道拂擊有鴟鵂  
草坐雲堪藉山行石可凭  
忘機終日裏調鶴對癯僧

其四

偃息招提境能祛朝市心  
雲霞隨地布竹樹背風吟  
一徑丹梯迴千盤紫巘深  
真乘如可得吾欲此投簪

禪燈

清集卷五

三

淨土夜何有青蓮  
葵片霞定中懸  
寶月象外轉  
金砂照破西方暝  
從教北斗斜  
本來無色相  
那地覓空華

禪床

芝房石榻古覆盡  
白藤花方丈祇雲霧  
跣趺自歲華  
心空大覺海  
目徧恒河沙  
出定復入定  
朝朝生彩霞

榮昌寺夜集同戴東華永部

梵境遙靜不譁疎  
鐘聲微寒鶴清宵  
早蓋羅星宿  
白石空壇積  
雨花婚嫁了  
思遊五岳車  
還憶滯三巴  
長安廿載看花侶  
遲暮相逢悵道賒

約束華草亭遊覺林寺

山遊可愛是山晴  
雲錦波紋几席生  
浪迹招提非謫  
世論心湖海見文情  
僧廚筍供殷非俗  
石榻梅花坐轉清  
水部且拚今日醉  
參軍先已訂詩盟

送戴東華

別酒高張錦樹林  
江流那盡送君心  
生芻一束人如玉  
吾道千年利斷金  
子去好居青瑣闥  
我行就碧山  
岑庭鷗野鷗無礙  
目極雲霄思不禁

疊韻別東華二首

星軺送客遲霜林  
炙背徒懸戀闕心  
聞道諸方空杼柚  
譁傳赤土變黃金  
猿聲雪暗陰山戍  
龍沫風腥瀚

清集卷五

三

海岑賈誼憂時望  
公等渝江愁絕若爲禁

其二

翠節高標楓樹林  
觀風祗切使君心  
茅茨盡仰唐堯  
儉鴻寶空留子政  
金推挽力窮丁  
壯籍梗枿材竭蜀  
山岑甘泉莫學相  
如賦此日疲氓已不禁

教東谷宦蜀五載  
其仲嗣來謁賦二律多感慨

之辭余亦思歸援筆次焉

故園松菊冷久擬賦歸來  
誰爲開三徑  
顏然醉一杯  
匪材甘社櫟  
買駿任燕臺  
同病憐吾子  
申歌不是哀

其二

日夢故鄉遠翻疑異邑親却愁東逝水長錢未歸人  
澤國當秋變蓴鱸斬地新何因乘小艇容裔白綸巾  
官衙懷菊次魏草亭二首

搖落官齋石徑寒霜枝雨葉闌風端也知籬菊芳菲  
在未許詩人次第看牽蘿漫疑遺酒至延齡虛憶帶  
霞餐清宵獨立渾無賴露滿蒹葭月滿闌

其二

授衣節候江城寒忽憶黃花秋色斑癡兒公事劇滿  
案病客襟期惟舊山年將半百未聞道身入三巴羞  
度關對此爲思彭澤令歸來十畝日間閒

登岳陽樓

岳陽樓閣高嵯峨影落洞庭搖素波鮫人吹珠巨蠶  
立君山若掌浮青螺浪花團雪湖光渺白露蘼葭秋  
氣杳軒帝騎龍凝紫烟湘娥結珮留芳草懷古悠悠  
逸興生冰濤萬頃風冥冥安得凌虛遊八極長虹架  
梁雲作翼

登黃鶴樓

秋風杖屨獨登臺樓櫺臨江石鏡開長蛟吸波學人  
語飛泉逗空晴作雨仙人邀我上方去指點白雲來  
往處銀河倒瀉蒼天流瑤草琪花積如絮金沙洲渚

收殘烟漢陽古樹鳴寒蟬彩棟文牕春寂寂層巒  
嶂青茂茂暮雲黯淡悲搖落轉盼含情寄寥廓物色  
佳期那易逢高歌楚些招黃鶴

贈陸癭山

維此癭山峻峙于南青霞啓繪丹籙開函維山之癭  
白石齒齒彼山中人誕膺遐祉山有玉芝燭燭英英  
于以采之養我性靈山有紫蘭莖葉斑斑言采其實  
駐我朱顏彼山之鶴脩然雲舉駕言乘之周遊寰宇  
放情霄漢抗跡林泉且以燕喜且以永年

宿總曹官衙東屠竹墟憲副

匹馬南來日已斜西風索戶夜吹沙愁彈馮缺非關  
食厭聽莊吟祗戀家枕筥寒聲傳木葉階除月色散  
啼鴉懷君擬折瓊瑤贈怪殺官梅未著花

海棠次韻荅翟青石中丞

報道春明天際回名園爛熳海棠開頑陰滯雨休相  
如睡蝶驚蜂莫浪猜几畔色侵書帶草亭前香沁采  
蘭杯謝公况負東山望時有賓朋賂墅來

栽蓮荅青石

靈根元太液帶月種春塘葉山旧田小花開宛宛長  
鷗眠晴雪迴鱗躍露珠香漫憶濂溪上同君綠野堂

來中

昔遊閬中苑今上蓬萊山仙人不可見祇有白雲還

五日

客舍憐芳節寸心還復驚花殘庭日永風細竹床清  
南國無鴻鴈西隣尚甲兵樽前有蒲葉對爾若爲情  
樓溪十詠

紫荆山

萊中富名嶠紫翠高摩空石室連蓬島銀屏障海東  
此時仙局吏招鶴下崆峒

錦屏石

潘集卷四

三

錦石列雲屏青冥互盤薄烟霞蒼翠屯璀璨芙蓉萼  
漫展五芝圖徙倚三花落

鞭轡灣

清川轉轡轡遠響赴層節玉孕競方流珠藏復圓折  
逝者諒如斯觀瀾理足悅

瀑布泉

飛泉百道落震盪蒼雲峯白日灑花雨青天流玉虹  
鯉駕正南徙萬里挾長風

菖蒲澗

石澗被昌陽露華滴幽翠根莖通百靈鍊石空五內

何必三神山斯有仙藥在

觀魚磯

豐藻躍修鱗清波亦悠漾虹垂試作綸石坐疑乘舫  
幽興不關魚忘筌寄玄尚

砥柱峯

洪波恣吞啖孤岫當其隈西瞻抗仙掌東望海如杯  
灌注自今古憐茲柱石材

樓子石

疊磴鬱稜層日夕籠雲氣天迴石鏡光風捲珠泉沸  
仙人好樓居飛輶下來未

潘集卷四

三

萬石渠

長渠水浩浩白石何磷磷亂洑馳萬馬頽響激蒼旻  
桃花迷去所時有問津人

含香谷

苗蘭生谷中繁花團白雪依微風氣清的皜露華潔  
采采佩君幃馨香期不滅

送何述齋之河南五章

龍物爲霖鳳鳥不驚人亦有言仁以守位廣大含弘  
民之師帥

其二



里犬不吠海水不波曰有良牧撫我則多

其三

彼政之繁曰猛於虎惟彼哲人碩大侯侯除慝解紛  
爰得我所吁嗟乎前有樊侯後有何父

其四

何父之來兮燠如冬日燭彼陰氛兮霈以陽澤何父  
之去兮誰其來復吁嗟乎魚之頰尾兮誰濡以沐

其五

維此何公昌厥福兮來旬來宣此南國兮理財聚人  
人率育兮修則文襄紹芳躅兮

清集卷四

三七

詠史五首

祖龍巧作坑儒計冬月種瓜瓜蔓生獨有溫泉恨難  
歎至今流出斷腸聲

其二

良嶽山頭列虜營朝元閣裏夜譚經冬青樹上頻伽  
烏猶爲君王頌太平

其三

王氣銷沉百六時景陽兵合不勝悲愁雲暗盡臨春  
關風雨空聞壁月詞

其四

王檢泥金覆石壇離宮繡嶺扈衣冠他年霖雨聞鈴  
地一曲蕭蕭草色殘

其五

宜春宮苑護雲霄月榭星廊擁翠翹曉日靚粧歌舞  
罷青山間倚白櫻桃

詠古三首贈顧東川御醫

斥鷃翔蒿野鸞皇奮層空鮒魚伏井谷鵬鵬運天風  
憶昔漢庭吏雅素慕玄同情放寰區外跡聯鷁鷺中  
齋心鍊管魄鳧鳥擅高蹤形化渺難測隱顯契神龍

其二

清集卷四

一

曼倩青雲姿兼抱山林質避世金馬門偃蹇寄簪紱  
榮利不入心寵辱驚如一託諷事君王譏彈口波流  
秉貞絕垢氣埋彩謝羈策猗猗碧海桃數獻千年實

其三

吾師抱朴子本是食霞人自言曉服食探道入玄冥  
欲覓丹砂去之官勾漏津三年調水火日夕產金莖  
神鑪靈氣滿大藥元和并一九生羽翼黃鶴下相迎

壽東川

春酒迎風湛碧霞筵開京國倍光華珎衣色借宮雉  
柳錦席香分上苑花石室丹成雲結綺芝田日暖玉

生芽思君已得長年術吏隱金門道不賒

兩江

冥棲何處客築室此江濱萬水元相入雙流靜不分  
大觀通渤海小隱足風雲吾愛漢陰老千秋名尚聞

潘笈江先生集卷之四

潘集卷四

五

潘笈江先生集卷之五

詩

雜體詩三十首

并序

詩之五言自漢伊始歷魏晉宋齊梁代有作者  
摘絕揚藻綺合璧聯建安則曹劉爲之冠  
江右則陸謝擅其宗自餘諸子各振跡辭林  
標聲細素咸一時之選也江文通擬諸家作  
三十首綜採繁麗擬取菁華欲以媲美羣英  
匪止管鼎一簣余豈慕其詞間居無事輒效  
墨爲之奚暇較妍媸計工拙庶幾猶賢乎已

潘集卷五

云爾

古離別

君子遠于役曷月其旋歸馳驅龍塞北留滯鴈門西  
秋聲動砧杵慊慊理征衣塵暗匣中鏡淚滋機上絲  
沈憂結懷抱傷心萬里道昔爲連理枝今爲特生草  
絨情投所欽因風遲飛鳥

李都尉陵送友

失路陰山側羈栖閼氏疆送君遠離別憂思結中腸  
子歸輔明主我留殊可傷國恩今未報敢希還舊鄉  
手持一樽酒日斷參與商願言各努力沒世莫相忘

班婕妤

新裁合歡扇，纖素發光妍。團圓魄月滿，展拂惠風旋。  
懸愁秋節至，微質逐時遷。勿以新見寵，而爲故所憐。  
天道有盈闕，非君忍棄捐。無因廣君照，常比望舒圓。

魏文帝丕 游宴

命駕芙蓉池，行遊翠羣彥。奇花發葳蕤，芳草競蔥蒨。  
脩鱗適游泳，鳴禽亦淩亂。眷茲求友聲，言舉伐木燕。  
歌舞列階陳，甘肥薦芳膳。清醑溢樽壘，舉爵隆無算。  
獻酬有詩篇，麗藻空文苑。竟日莫言歸，卜夜古所羨。  
各盡今朝歡，無貽皓首嘆。

陳思王植 贈友

西京日蕪亂，江介多風烟。皇佐揚天聲，吐哺羅才賢。  
思皇二三子，婉孌相周旋。遊行並輪轡，起坐接華旃。  
諧合隆時遇，乖違洵可憐。露零被豐草，泉流歸巨淵。  
荆璞靡終棄，良材匪久捐。君其自寶愛，無爲匠氏愆。  
敦交義不薄，慷慨申斯言。

劉文學禎 公燕

華池日游衍，歡友結綢繆。移樽入良夜，海月照前洲。  
芙蓉被芳渚，嘉木蔭清流。鱗鱗夕波起，拂拂晚風遒。  
芙蓉被芳渚，嘉木蔭清流。鱗鱗夕波起，拂拂晚風遒。  
潛魚聽巴瑟，行雲遏齊謳。謬承明哲召，俯仰思夷猶。

才非鄒馬匹，忝竊兔園遊。聊終授簡役，綺麗愧朋俦。

王侍中粲 從軍

昊天厭炎德，皇魏屬時興。羣方既遵軌，吳蜀敢持衡。  
我君順時令，赫怒遠徂征。陳師連七校，扈蹕擁千齡。  
光光明組練，肅肅厲弓旌。過邑追飛電，遺聲絕迅霆。  
人函超距勇，奮志一先登。王師自仁武，授檄緩前禽。  
將慰來蘇望，言成一舉勲。寄語從征士，無遽殺伐名。

嵇中散康 言志

人生宇宙間，歛如擊石火。耳目日營營，歲年弗我與。  
禍福互爲根，榮辱無常主。殷周放伐勳，覆掌成塵土。

潘岳 述志

區區利與名，纖微焉足數。鐘鼓樂爰居，犧牛食廳鼠。  
物固宜有之，人則何爲者。豈惟二障侵，亦受六賊苦。  
流浪失靈源，凡以不識故。我師河上公，澄然得所處。  
知雄守其雌，知高守其下。無我復無人，不捨亦不取。  
道德五千言，真實不虛語。

阮步兵籍 詠懷

天體恒西旋，川流每東逝。日月麗重明，寒暑倏遷遞。  
萬古常如斯，混混無窮際。孰其隆施是，推行惟一氣。  
人物由之生，委形順天地。紛糾焉可齊，方榮復凋悴。  
吾愛南華篇，了達人間世。智人如是觀，物遣都無累。

張司空華

淒霜下庭戶皎月入空幃良宵不遑寐懷人天一涯  
授衣已屆節行役無還期聞砧驚別夢秉燭理寒機  
遙思塞垣鴈羽翼不全歸

潘黃門岳

乘壩騁高望浩浩激洪波驚鱗衝巨浪候鳥鳴脩柯  
卉木既萋止奇峯鬱巍義物情固佳適羈思獨蹉跎  
跂予望京邑憐此道里賒薄材謝國珍出宰限三河  
製錦泰前賢亨鱗解時苛禮樂非予任所志民人和  
功業末之建歲年忽已徂郊暝樹桃李春日爛如霞

潘集奉車

慚無絃歌俗空對官齋花覽古循良傳虛劣傷如何

陸平原機

在昔侍承華豐澤不可常慚非和氏璧矯跡升君堂  
一別忽如雨遠離增慨慷簡書肅成命驅車向洛陽  
曠途遵脩莽阻陜崇岡悲風結紆軫白露沾衣裳  
撫時傷物感佇立野彷徨于嗟客遊子憂思迫中腸  
心逐隨陽鳥拊翼東南翔

左記室思

寒驢策長道驥驟困鹽車蓀蕙隕中野葦苑被階除  
何代無用舍在別妍與媿朗鑒不高懸倒植將焉如

升庸慨後薪棄置汝前魚所以古賢達雅志慕玄虛  
一區楊子宅數卷李邕書却身避聲利遠跡同遺條  
長嘯浮雲外恥爲軒冕拘

張黃門協

索居淹時運衡門日差池秋濤已森森有淦復淒淒  
霖雨成沮澤悲風響四維曲突生濕烟危堦沈綠滋  
壁立何家寂囊空恒苦饑君子固窮節豈爲時改移  
食魚必河魴取妻必孟姬彼哉極志意匪余心所思

劉太尉琨

我生何不辰遭此百六會晉室嗟泰離神京雜夷裔

潘集奉車

五

乾軫日圯傾皇輿修顛躓往余仕中朝繆膺全宰寄  
孽胡煒炎威慚乏徒薪計蘭蕙化菅茅羽翰齊腹毳  
周宣獵狁侵南仲寔經濟薄言城朔方于襄功則异  
漢平從白登釋圍藉奇秘陵也寄匈奴明信獲尤戾  
陳古益感今哀憤不遑寢余非拯溺才虛存填海志  
否泰理相因亨屯時有運蘭臭冀同心叩首竢賢哲

盧中郎諶

永嘉時不競中土困夷孽私門爭播遷王度亦淪缺  
康此雲雷屯經綸賴英傑惟公柱石材張弛民黎悅  
重耳從五臣終成歸國烈衛霍無兩心雅志何如

伊予朽鈍姿俯仰慚前哲女蘿附貞松綢繆義彌結  
濟涉附李舟步趨追孔轍願假百鍊剛于焉錡薄劣  
投李思獲瑤申章匪虛設

郭弘農璞 遊仙

層城麗且都憶在瀛洲外五嶽發靈圖四海作襟帶  
崔嵬不可梯杳緲亦難屆中有羽衣仙翛然絕塵壻  
遊行與氣俱出入無方界祇疑霄漢卑翻覺寰區隘  
碌碌當塗人何時脫天械去去勿汝疑月征日斯邁

孫廷尉綽 遊山

高步陟台嶽憑虛凌紫冥珠泉散飛瀑彩霞標赤城

清集卷五

六

萋萋芳草積晶晶野雪平琪花發璀璨芝秀函光精  
夷猶極登眺氛濁絕將迎劃看心目異甫覺神慮清  
古來出處跡悠悠非我情通人榮五穀智士避三旌  
外營苦拘閼內遣滯無生達觀齊萬象斯與元化并

許徵君詢 自序

伊余山澤姿瓌落爲時棄獨賞悟言筌玄居暢幽意  
博覽神農經閱探莊老義采藥鄰白雲考槃屏塵境  
虛襟思古人冲然協素志方朔隱金門君平寄屋肆  
顯晦道不殊沈冥理一致長往曰從心得失非膠繫  
忘機狎鷗魚躡跡隨羅薛不試以全生匪曰周于茲

徒煩束帛招忝竊丘園責

殷東陽仲文 興陽

晨遊情彌敦矧值秋日晏灑灑零露繁皎皎涼蟾燦  
寂寞高樹蟬啁晰南飛鴈草木行變衰年華忽流換  
貞脆物本殊化遷理堪玩夕苗謝朝榮寒松挺霜幹  
堅白非孔師能無緇磷患言抱墨生悲非同宋玉嘆  
引爵不盡悵攄辭寄篇翰

謝僕射混 遊覽

六龍催日軫二氣凋朱華百年如旦暮人壽豈云多  
行遊抱物感志意屢蹉跎西池固佳麗焉得數經過

清集卷五

七

甫見春時葉秋風辭故柯琴瑟不爾御對酒不爾歌  
欣戚易以盡日月易以徂牛山空雪涕零謝今丘阿  
感彼風人語不樂將如何

陶徵君潛 田居

幽澗菖葉青東園杏花白負鋤出柴荆饁餉行阡陌  
谷風自南來靈雨舒膏澤黍苗禁以興奄觀鉅艾穫  
時也夫何爲悠然欣自適綈酒聊一斟田父日相索  
不啓稼穡勞胡取禾三百由來薄素餐匪直爲謀食

謝臨川靈運 登山

弭棹遊剡中抗策歷洲島石磴互迴沿巖壑亦天矯

途紅野色蒼川邈波光晶四顧極高深幽衷向寄吳  
穹吳那可窮雲山百萬重烟花羅紫翠松檜舞虬龍  
陰霞倏明滅物象皆丰容靜便境斯異心遠道故冲  
道冲寄寥廓絨情友鸞鶴想見古仙人容儀何綽約  
子晉引鳳笙王喬履雲屨天路任飄翔豈戀生民樂  
生樂何足誇天命自有涯憶昨故侯宅今日東陵瓜  
蚩蚩當路子外慕耽榮華不覩蜉蝣羽楚楚空咨嗟

顏特進延之 侍宴

魚藻需周典柏梁崇漢儀臣隣隆自昔廢歌理無違  
春明肅宸御天行臨曲池龍輿藉細草鶴駕委輕蕤

潘集卷五

一八

光風集蘭甸丹霞雜桂旗解雨溥玄液需雲陳燕私  
叨陪被休命書接值昌時分庭薦金奏析波浮羽卮  
湛湛露方渥厭厭飲未歸皇情信多眷帝澤日隆施  
願書君舉禮慚非天保詞

謝法曹惠連 贈別

平居洽幽賞出門鮮中歡二氣遞明晦重陰結山川  
弭悼不復發沈憂誰與宣蕭蕭風雪朝款款洲渚言  
仲春行冬令節候慘不舒我行阻且長我思鬱以紆  
人生眷遠別一往不克俱引領望天末顧影獨踟躕  
曾滯天之涯行行未遑息洪波浩無垠雲林黯一色

鳥藏碧葉深猿嘯蒼山隔良遊憶同心嗒然終日夕  
棲華吐紅萼蘭芳含綠滋采采遺所思道遠莫致之  
撫時傷荏苒遵路歎逶迤綿綿緒不絕泝泝情彌迤  
芳辰不可常積思填臆鴻鴈慕仝儔分翔各殊域  
何以慰羈愁想像見顏色傾耳瑤華音睇目東飛翼

王徵君微 養疾

弱志厭紛垢抱疴澹無營隱几玩物化齋心養性靈  
汎觀列仙傳博覽神農經丹砂那可就石髓渺難尋  
荷芰製初服鷗魚締野盟塊然羣動息卽此神慮清  
投分協貞素于以善吾生

潘集卷五

九

袁太尉淑 從駕

郊廟祗裡祀齋莊仰聖容告成寢殿裏復出祈年宮  
晨光啓閭闔瑞氣藹崑崙嶠嶠鸞旗擬星燦羽衛儼雲從  
豫動百靈悅乾行萬國頌懸想庶徵順遙占五穀豐  
配天煥文業率土戴武功命觴詠湛露賜醑洽皇風  
叨陪歡在鑄爲壽獻維嵩既忝方明御還慚文似雄

謝光祿莊 郊遊

杖策狎招隱芳郊展幽尋寂寂風塵遠遙遙溪谷深  
循涂歷佳勝眺望入陰森巖花紛窈窕澗草互鮮新  
澤鷺整脩翮園禽懷好音韶華媚江渚瀟灑暢閑襟

既協滄洲想兼遺軒冕情薛蘿寄玄軌泉石矢遐心  
終焉謝榮祿此地往投簪

鮑參軍照戎行

絕徼河水合防胡正此時分符屯紫塞校獵入金微  
凍雲暗馬首塵礫損旌綏烽火亘長磧虜騎列重圍  
將軍誓報主振怒揚稜威一鼓士氣奮再令衆心齊  
力殫鷹隼擊眼空沙漠垂舉纓縛左賢引弓摧月氏  
持歸報天子忠毅其誰如名傳麟閣上永爲壯士規  
休上人 怨別

清集卷五

十

忽驚秋節至憶與故人疎故人音問遠何日返吾廬  
緲緲霜葉紫輝輝梵日舒松戶風自掩桂牕月常虛  
燈燃漏未盡夢覺夜方初顧影獨岑寂思君一啓予  
先期掃雲室遲子綜琴書

壽瞿仰峯

先生七十道將成綠鬢朱顏異骨生五斗舊辭彭澤  
粟九華今采故山英光聯斗極添籌算錦簇葵榴暎  
酒觥大德更宜家慶集槐庭端有桂枝榮

輓顧給諫母

白露溥萱葉丹北堂歲暮風以寒孝子行悲復坐嘆  
天霜飛夜半珠斗橫闌干憶昔兒爲青瑣客朝朝珥

筆隨金鑾手持五色補堯袞袞裳無闕毋始安吁嗟  
毋德胡以報毋今逝矣兒其單蓼我廢讀淚如雨吳  
門東水增漫漫

贈王泉和尚

光隱荆山虹源通上池水方傳長桑君藥熟玄英藥  
遠師福利多種杏滿巖阿白虎夾戶樞蒼龍繞丹鑑  
題古圖四首爲韓貞仲作

飯牛人未干秦繆挾策西歸一書簾空囊羞澁壯士  
悲婦別區區烹伏雌後來通顯丁要樞妾身棄置其  
安辭吁嗟乎貧賤時維予與汝掌中翻覆異風雨廢

清集卷五

十一

廖罷歌益悽楚遺恨當年逢五穀

其二

長卿落鬼成都市題柱解嘲聊自矢他年不得乘軒  
車復度此橋如此水一朝獻賦入承明賜金百鎰領  
專城輿駟煌煌過鄉上縣令前驅仍負弩丈夫得意  
自有時終生棄繻亦如之從來榮祿生騎省白頭之  
吟空爾嗟

其三

豪士結交英俠數那肯低眉事田畝龍潛在淖同蝦  
蛆甘心蘧落隨所如我聞蘇季窮歸日妻子咨嗟不



下織後來身都六國權叱咤風雲齊變色卅懸金印  
大如斗室人蒲伏爭恐後吁嗟乎區區利達何足誇  
不見庭前朝槿花

其四

呂相初年遭困辱寄身陶穴何踳跼仰天當牖席作  
門風雨漂搖寒肅肅時乎縈組秉國鈞勳業輝煌亦  
絕倫達人洞觀求在我通塞由天無不可君不見簞  
瓢回也志不羣却視富貴如浮雲參乎匱乏氣益振  
商歌音節薄蒼旻

和馮桐岡北上遊龍華寺

清集卷五

一主

寶剎中流海氣寒使君聊爾駐江干驪駒首路催行  
速野老寒裳爲別難遊覽不忘憂國志詩篇獨抱濟  
時丹懸知南土甘棠在人詠高風日未闌

壽馮桐岡太守詩 并序

古詩人頌禱之詞咸寄義淵遠如鳴鳩之篇  
云淑人君子其儀一兮其儀一兮心如結兮  
又云淑人君子正是國人正是國人胡不萬  
年南山有臺云樂只君子邦家之基樂只君  
子萬壽無期又云樂只君子民之父母樂只  
君子德音不已蓋君子有和平之明德而后

可以父母斯民有父母斯民之王道而后可  
以又安邦國有安邦國之殊勳而后可以承  
天寵臻壽考也維我桐岡先生負南海之英  
稟生人之秀貞心遠度瞻智宏材幼馳譽于  
藝林繼蜚聲于甲第來今海上六事允脩望  
達中朝憲臺載陟攬轡則豺狼潛伏陳謨而  
蹇諤斯著姁節踴行胡以過之 天子軫念  
民黎慎選賢牧廼膺簡在作守我松下車以  
來甫及二稔廼能宣昭德意爰定章程平均  
徭賦區畫里甲養人法種樹之術治亂循理

清集卷五

一主

絲之喻解苛祛秋荼之密布惠舒冬日之和  
寧靜謹烹鮮之戒痺惡嚴敗羣之罰宏綱細  
目悉就經綸膏雨仁風浹洽遠邇六月日吉  
維公誕辰士庶巷語途歌述德頌美僉曰遐  
不眉壽夫近跡衆庶之言邇釋風人之指以  
今况昔厥義匪殊余不敏輒詮次成篇以爲  
公壽固知淺劣不足掄揚弘碩聊以據其所  
抱而已

於皇我明誕膺駿命四海宅心九服安定吏民師帥  
曰守若人嗟惟得人俾爲民正允馮公爰有醇德

山海叻英中和樹質弘毅沉深柔嘉維則劇劇無  
臨疑靡忒諸德咸備卓爾絕倫公也茲什令我海濱  
晉遷柱史簪筆楓宸出連城守虎節朱輪其令伊何  
視民如子惠愛旁粵螟賊攸止武城絃歌中牟鳴雉  
公也繼之于載一揆桓桓秉憲夙夜維虔獻可替否  
汰佞進賢大體是握細小必指光昭前古鸞立鸞  
出守于茲履職益敬化俗惟風時雨惟政百卉熙陽  
蒸人仰鏡蜀郡聯芬穎川齊暎雷雨之動在山之陽  
君子之政聞于東方匪直東方四國是揚允升伊始  
縹組秉璋公位日崇公心彌讓虛受道存形和神暢

清集卷五

一古

壽考萬年福祿攸相上隆國禎下塞民望

荅諸守谷中秋詠月

中天飛兔灝光流金粟飄香景最幽索處獨憐楊子  
宅懷人重憶庾公樓徘徊節序添文藻搖落風烟半  
素秋喜有新篇來問訊慚無白壁爲君投

和守谷八月十五至十七夜無月之作

宵連不寐意何之目極秋中月望時天際陰雲仍復  
爾年來清賞共誰知沉冥令節滄洲興辜負高人白  
雪詩明夕便晴應又缺且將衰髮對芳卮

讀孝感編

新安洪孝子獨行傳鄉閭慈母遺疾之心抱憂慮  
仰天乞玄佑俯首涕泗俱創肉此作糜子以效區區  
言念療母疾不敢愛髮膚精堅孝子心誠慤動寰宇  
天道何神明毋疾隨以愈豈伊薄俗敦苦節振遐古  
斯人今則亡音容邈難覩爲誦南陔辭泫然淚如雨  
孤竹篇

玄霜挺修竹上有特栖鳳一朝失故雄日夕鳴悲傷  
養雛勞吐哺羽翼行當翔九采耀雲日一飛摩穹蒼  
賢聲且無極里閭有輝光

和胡刺翁詠竹夫人

清集卷五

五

玉骨冰肌迴出羣梅根松葉共清真龍綃却暑渾無  
夏鉛黛沉香別有春祇恨秋風吹斷夢還同篴扇漸  
生塵憐渠獨立長門月不學黃金買賦人

和詠湯侍兒

梅花月冷沁芙蓉爾抱溫泉暖易通壁水光分勞燮  
理靈天丹熟現圓融衾裯覆藉春常住旅次提攜夕  
不空寄語宮人莫相妬頻年絕口不言功

送韓都閫之河南

雄才建業擅時英又羨除書下玉京虎幄登壇新號  
令龍門射策舊光榮風恬瀛海金山靜星度關河

明聞道雲中塵未息好收麟閣上勳名

小癡歌

古來賢達時未得騏驎悲鳴虺伏櫪折腰斗米何爲  
者入抱簿書出鞍馬丈夫坎軻寧固窮安能齷齪走  
西東滄江凝客年半百長臥烟霞歌白石紫芝燁燁  
香披紛汀蘭溪芷增顏色君不見昔人謫仙號狂客  
斗酒詩成鬼神泣奪錦朝聯供奉班晚辭天子還青  
山又不見東吳草聖稱張顛濡巾露頂王公前墨落  
妙精渾脫舞機絲彩煥呈天姆小癡詞翰亦可傳況  
復努力迫前賢嗚呼希賢爾志良足多竭來索我小

清集卷五

一六

癡歌我今年衰材力弱癡乎癡乎奈爾何

壽顧上川光祿

解綬歸來日月長翠雲堂裏彩筵張靈桃湛露千年  
實寶鴨薰風百和香南極星辰新福澤東吳門閭舊  
輝光年年爲祝岡陵壽共醉瑤池碧玉觴

送方碧溪歸閩三首

碧溪高世士鸞翮本難羈有子負國琛釋褐持文麾  
立教準蘇湖摘辭榮珠璣將父日匪皇迎養慰中私  
祿食自茲始寵榮詎有涯

其二

客懷故鄉返棹苦不早東發滄海湄南旋武夷道  
陶中山水佳況值秋天好生荔甘如飴幽蘭紛若草  
酌醴散顏襟相忘舊鷗鳥

其三

停君送別卮聽我別君詞暫離文學館且食故山薇  
江南桃李樹春日多華滋君歸竭一來遠慰遊子思  
望美勤徒積陳歌願莫違

沈易菴惠櫻竹又辱賦詩次荅

異卉從何有名兼竹與櫻清虛便水月飄拂怒天風  
未結鸞凰實先饒翡翠叢多君持贈意光動草堂中

清集卷五

一七

易菴招余觀菊中紫色者異絕次守谷韻

最愛黃華爛熳開却憐奇種獨徘徊團團紫蓋明書  
屋細細清香溯酒杯觀色定超非想界餐英擬結不  
凡胎知君太劇陶潛興把玩吟哦日幾迴

次守谷韻謝易菴兼訊來約

歷歷金錢點白沙灤灤玉露浥仙葩遊觀豈必王孫  
宅幽賞偏饒處士家庭草盆魚總佳勝匏樽茗碗亦  
生涯請看彭澤門前柳日繫堯夫花外車

贈姜鉉菴僉憲九十六翁

海江遙接蓬萊島山北元英鎮太元姜翁早馳驅馬

聲懸輿歸羨東山好體秀心玄幾百齡醅顏鶴養生  
光精往余遊行齊魯道未識翁面聞翁名邇觀寄壽  
龍江歌知翁筆力如壯夫鵬鵬振蕩天池水珠斗綸  
編五岳圖翁今令子丞海邑矯矯才猷亦奇特知翁  
種德滋庭蘭燕山桂樹增顏色黃鐘應候初陽廻壽  
筵高舉羅瓊瑰遐瞻嶺岫開屏障長挹滄溟作酒杯  
瑤光南極輝晴昊手摘琅玕拾芝草金馬新裁方朔  
桃丹丘更熟安期棗我聞君子福所申壽同泰岱爭  
璚珣他年再著莊椿賦覓贈濱谿臥釣人

孫望川赴留都贈別

清集卷五

一

白下山川舊帝京使君新命倍光榮河陽花滿春無  
數工部詩傳日有名霄漢鵬鵬看奮迅圖書琴鶴共  
將迎臨岐愧乏瑤華贈漫詠蒹葭對月明

魏公祠三首

杉洋草莽區逋逃聚淵藪嗟嗟釜中魚偷生日云久  
衆議欲兵之公心獨曰否刈蕭且及蘭不戢誰之咎  
申令布國經招懷縛戎首釋繫比編氓解刀歸壘敵  
揮淚誦公仁舉額爲公壽

其二

名公西江彥縹緲來南邦芳聲藹蘭桂清節凌冰霜

寬大解秋茶沉淪沐春陽猗歟肉骨恩百代疇可忘  
修祠匪云報永以仰輝光

其三

公仁永不磨遺芬襲俎豆後祿日以昌有子克堂構  
桓桓秉憲臣實稟生民秀澤洽東南陬勛名益昭茂  
聊陳世德吟言備升歌奏

柳亭贈葉中舍

舍人供奉明光裏日憶天南舊柳亭條拂蒼崖雲作  
蓋花分碧澗雪爲萍池塘春草燕臺夢禁禦啼鶯鳳  
閣聽休沐歸來無一事追尋文翰蒼山靈

清集卷五

一

宿崇真觀有懷

白月紛紛下碧臺九天仙樂共徘徊道人獨立東風  
外夜半疑君跨鶴來

壽萱圖爲彭水南題

桂林秀異列羣芳引英臺摩崖蒼空北堂壽母住其  
下嘉哉地與桃源同言樹諺花碧霞裏奇葩燦爛光  
生綺青鸞縞衣皎冰雪照得湘灘水如月鳳雛長育  
羽毛成朝陽日向梧桐鳴只今聲華滿京國水部官  
銜如水清淮流入海古不變汲泉釀酒張春宴願言  
毋壽若此泉挈冠雲翟福綢繆

醉翁亭同侍御郭東山太卿趙雪屏危會溪燕

集次韻

臺榭名區創自歐山川文翰重南州蒼茫勢壓神龍窟藻麗光搖海蜃樓牙繡登高能作賦鵷行集飲擅英遊蘭亭此會應難再徙倚丹崖古樹稠

遊豐樂亭

昔賢開此山亭勝我輩嘉辰試一臨眺覽頓忘蒼翠合躋攀不覺薜蘿深系麻木黍豐年慶水石雲霞後樂心盡日夷猶情不極歸乘月度最高岑

登瑯琊山

清集卷五

一

路轉瑯琊草樹深偶聞鐘磬識禪林清泉白石張圖畫斷勒穹碑耀古今攬秀霏微空色相譚經振蕩海潮音華簪投却知何日乞與山人論素心

觀柏子潭

雙山東注碧潭寬云有蛟龍舊此蟠憶自宸章標巨觀常疑雷電繞虛壇飛泉迸石四時雨古柏含風六月寒遷客竭來聞往事不妨立馬一盤桓

送方中洲北上

言望五雲邊離情耿別筵關河秋水驛書劍大南國文星動中朝雨露偏猗與宣室召補袞埃

長水塔院夜集和黃翠巖侍御

秋水浮空泛月槎祗園晚泊近烟霞光連鷺宇雲成幄珠散鮫宮浪作花塔影依依橫碧漢星文歷歷護晴沙臨流四顧情無極對酒渾忘北斗斜

菊東三首

主人秉玄好種菊堂東偏夢到羲黃上心契淵明前涼風吹素秋疎枝發孤妍芬芳把玩逸思薄雲烟

其二

團團零露垂皓皓月華白萋萋綠葉繁茸茸文錦積詎謂冰霜姿環繞青霞宅細摘浸芳樽馨香盈几席

清集卷五

圭

其三

朱門日逸豫青山洽隱淪山中何所有養菊陶天真採英足餽糧吸露成金精放情塵壒外長賦昇天行

送李生太學畢業南還余同年鹿峯侍御子

積雪暗京口送君還越鄉鹿峯勞夢想雲路渺微茫矧範賢關近淵流世澤長歸家修舊業風翮秋翔

廣信仙巖

丹崖奕奕凌空碧鍾乳垂垂雨花白翠屏雲起爛如霞滄波倒浸青蓮色採幽覽勝來洞天嶺頭松竹暖人烟琅玕萬疊臨無地疑是蓬壺羽化仙停舟徙倚

江之湄二十四歲相識虧青山留予不忍去殊形變  
幻爭神奇長嘯一聲烟水靜江花綽約江雲冥問津  
那覓武陵源獨鶴飛隨片帆影

遇裴山人慶

巾車問山水息駕玩雲烟遂有食霞想言尋羽化仙  
觀茲方外友迴絕區中緣忘神齊土木繕性入虛玄  
獨行彼所持放言良自便緬惟古夷逸廢中道之權  
余本丘壑姿恥爲紱冕牽山雌乖素分太息逸民篇

一拙

太樸既已分世道歎交喪削猴棘刺端采苓南山上

潘集卷五

圭

機心滅見聞波流日相盪吁嗟抱甕生與世獨無競  
窅然契道真淪跡洽淵尚清風不可追千秋有餘仰  
董太卿璜溪八十

度中大老懸弧日適與風花爛熳期纖草碧侵金縷  
帶初桃紅沁紫華厄南山三復臺萊雅綠野長瞻麟  
鳳姿莫道璜溪垂釣穩非熊車載正斯時

次劉梅谷感寇之作

萑苻羣醜弄刀戈數見歸俘入網羅愧乏甲兵同小  
范羞將臂吻學隋何釜魚濡沫生無幾城火流煇亂  
已多并憶朔方塵未靜懸思時雨徧山河

贈相士

簞瓢載冕總山雌樂道非臞識者希欲訪君平卜人  
事還從咄老覓真機

江少宰瑞石呂納言東匯江儀部巨石張憲會

南屏胡太守顏齋招余飲次納言詩一首

德星璀璨聚春臺五老祥光天際回玉樹含姿臨綺  
席珠燈炫彩照瓊杯停雲縵縵風巖瞑待月夷猶雪  
岫開懽賞此時情不極遙看佳氣接三台

遊國清寺次壁韻

緩步香林一徑遙鸞峯驚宇鬱岩堯仙輶恍惚乘雲

潘集卷五

圭

下法乳霏微作雨飄路入寒巖迷往跡波通桃塢憶  
前朝登臨漫有凌空想跨鶴橫風度石橋

石梁臺華亭用前韻

宛轉翠微雲路遙石梁靈跡何岩堯忽訝河源自天  
瀉恍疑雪片逐風飄波濤噴激撼雷雨物慮蠲除忘  
市朝仙人十洲曷云遠山接縹緲飛虹橋

沈鳳峯真率園十二首次韻

達士閑玄覽辭榮早挂冠分泉儲作沼墨石細成山  
獨往尋三秀朋來擅四難名園誼垢絕心與白雲間

其二

雲棲謝塵壚繕性見天真勿逐紛華悅而同朝市人  
飯牛遂初服漉酒任予巾日間禾麻長行看風俗淳

其三

明農從所好爲圃意俱便藥種緣溪畔花移趁雨前  
聽松凭石坐玩水藉雲眠盡日無囂滓吾生返自然

其四

大夫美無度性行薄肥甘解組悠悠往尋芳事事探  
灌園志已愜束帶情非堪史遷苦拘閼留滯嘆周南

其五

中園饒景物石澗細泉鳴水氣涵滄海霞文動赤城

潘集卷五

五

盆山洵可樂春日重合情繾綣不知晚徐看白月生

其六

屢憶休文地來游入畫圖泉流瀉龍吻鱗躍貯冰壺  
目眩丘園勝心耽樂事多蕭蕭竹徑裏二仲數經過

其七

考槃溪水曲羨爾道情多麗藻傳細帙幽衷託薜蘿  
門留問奇棹庭養換經鶯勝事此云足心如韞冕何

其八

園開德星里景聚采詩樓魚鳥馴堪狎芳華勝可遊  
驚聲求友至車牽爲賓投招隱無過此何須慕十洲

其九

取桂從容地溪山助賞心羣芳供畫品鳴溜雜琴音  
漫發蘇門嘯時賡梁甫吟懷賢嗣高躅于以散清襟

其十

地僻心逾靜身閒日更長坐觀雲物改猶訝卷舒忙  
獨醒從漁父非因學楚狂人生貴適志奚取戀冠裳

其十一

閒館環溪碧蕭疎竹樹涼題詩斜點石滌硯細生香  
遲日行花逕微風汎藻塘山居無一事祇有草玄忙

其十二

潘集卷五

五

別墅延東郭虛亭蔭小洲形忘渾夢蝶機泯不驚鷗  
匏落素心澹棲遲往事悠猶嫌塵易浣洗耳覓清流

瑤池歌壽姚少峯母

秋風拂拂吹瑤池寶婺流輝瓊樹枝蒼霞翠靄纈紛  
見露桂雲芝發蕙情北堂壽母神仙姿芙蓉爲佩荷

爲衣青鳥銜觴荐春酒赤牒獻棗膺天禧藍田種玉  
成圭璧鵬鵬奮迅圖南翮歲歲諼花茁紫茸壽章逢

寄閩山東

秋日登滕王閣次汪春谷韻二首

傑閣崔嵬章水東天開圖畫占稱雄雲飛睥睨侵簾



碧霞爛江千射檻紅霄漢虛無看不極星辰咫尺路  
應通登高能賦如公在盡日追陪興未窮

其二

暇日來登第一樓梧桐飛葉報新秋西江暎帶遙吞  
楚東嶺迴延半入甌推轂尚厓滄海使請纓誰縛玉  
門會臨岐漫灑楊朱淚搖落仍添宋玉愁

至日祝 聖壽次楊石崖都關韻

憶昔曾隨侍從班從容拜舞五雲間于今郡國呼嵩  
地想像 君王瘦日顏嘉氣總凝金爵殿神功遙屆  
玉門關昇平歲祝齊天壽壽日長同至日還

清集卷五

主六

又次象川憲伯

江國晨趨覲紫微顏行羅列漢官儀珠星貫彩祥光  
燦玄籥飛霞淑景移憶昨叨陪長慶宴承恩霑醉上  
方巖舊垣此日追隨地退食委蛇咏素絲

洪都見雪次石崖韻

天際凝陰素霰飄誰言越雪貴如瑶巡簷浙歷聲初  
近灑野氛氣勢轉遙詞客瀟湘乘欸段將軍遠塞賜  
輕貂同雲擬誦南山雅宜稼先占萬室饒

滕王閣新修同諸公宴集賦得龍字

登臨江閣烟霞境暫憩纓簪萍梗蹤藻飾俄驚丹雘

異凌虛遙憶水雲重杯飛梅萼浮涼月誼合蘭芬契  
晚松聞道德星聚章水叨陪何幸接夔龍

銅仁自置郡以來未發甲科大行陳近衡以宏

才碩學奮迹開先奉使南還適新構堂成爲

其翁碧溪暨母夫人壽廼賦八韻裨侑獻觴

大萬山頭護彩霞詩書慶集太丘家天開甲第聲初

振日遲桑榆福未涯椿樹碧滋輝寶婺萱枝紅染暎

烏紗芳辰誕啓長生宴麗景祥回並蒂花輪奐肯堂

開綠野編欄袂服駐皇華笙歌迭奏千秋曲丹鼎新

凝九煉砂杯薦瑤池春不謝壽添蓬海路非賒趨庭

清集卷五

主七

况有金閨彥會見 封章里巷誇

覽勝樓歌爲涂東潭賦

層樓徙倚江之干烟霧縹緲江水寒宛轉龍沙連北

渚微茫屏障引西山主人解組馳車臺小隱居成仍

青藜空手攜樽絕塵囂四表風花恣探索有時兀坐

清言自足足意悠入杳冥月是清心是澹扶桑吸

景射光精我欲辭官遊五嶽來君此地學長生

潘笠江先生集卷之五

潘筮江先生集卷之六

策表箋

廷試策一道

對<sub>臣</sub> 聞帝王致天下之治也以法其行法也以道  
道存諸心所以闡關弛張立法之體者也法運乎外  
所以彌綸參贊成治之用者也無道則體不立而法  
廢無法則用弗彰而道亡如是而欲紀綱之正風俗  
之醇臻和氣於寰區追盛治於隆古末由也已故  
善爲治者不求之於治而求之於法不求之於法而  
求之於道道以基法則體立用行而先後之序不紊

法以運治則綱舉目張而因革之政咸宜存之而天  
德純達之而王道著五帝三王治化之盛以有此具  
而漢唐宋之所以不古若者亦惟無得乎是也恭惟  
皇帝陛下以天縱之德應聖作之期誕膺寶曆入  
紹大統 登極之初詔告天下與民更始而天下臣  
庶莫不改視易聽以待德化之成是 陛下慎初之  
日也茲者以萬幾之暇進<sub>臣</sub>等於 廷降賜清問寵  
之以學古通今明于王道之言戒之以殫心以對毋  
泛毋略之語冀得治安之長策且重登賢之首科也  
<sub>臣</sub> 草茅賤士濫與有司之選行將膺官守之寄宣股

肱之力以遂帝臣之願是愚<sub>臣</sub>始進之時也夫愚<sub>臣</sub>  
始進之時當 陛下慎初之日荷 臨軒之寵問忝  
登賢之首科際遇之隆若此雖學術疎淺不足以對  
揚 明命而朴忠奮激敢不自效其愚爲 陛下一  
陳之乎<sub>臣</sub> 聞善言人者當有驗於天善言今者當有  
驗於古夫天也者日月之著明星辰之班布雨露之  
濡潤風霆之震盪春夏之發生秋冬之肅殺天之華  
也所以於穆不已者天之精也精也故神華也故顯  
人君代天以立治觀於天之華而有法焉夫法也者  
整齊海內總一民物之大方也是故舉其概而言之  
總總而生林林而羣情不節則流志不和則乖也於  
是乎有禮樂之制焉混關無窮推遷不息聲氣之異  
齊時運之代變於是乎有律曆之制焉山川之所阻  
帶都邑之所藩維而疆理宇內之制興貴賤別於卑  
高事使同於臂指而建立庶官之制備民以恒產爲  
生國以經用爲要政以教化爲先治以育才爲急而  
分田制賦興學養士之制罔不周進賢不可不慎更  
治不可不計暴亂不可不戢奸宄不可不詰而選舉  
考課兵戎刑罰之制所由設是法之於治也猶權衡  
之於輕重也規矩之於方圓也繩墨之於曲直也循

之則治舍之則亂者也 聖制所謂自古帝王欲成天下之治必順時撥事創制立法以盡天下之務者不以其耶觀於天之精而有道焉夫道者綱維政施根柢治理之大原也是故探其本而論之禮樂之中和由乎心出而禘褫周旋之度管籥羽旄之文皆其器也律曆之明備由乎心制而長短損益之度推步積餘之法皆其數也疆理宇內有柔遠能邇之心而畫野分疆不足以盡之建立庶官有尊德樂道之心而辨名定分不足以盡之分田制賦必自吾心之節儉興學養士必自吾心之崇尚選舉考課必自吾心之公明兵戎刑罰必自吾心之仁武是道之於法也猶括之於弩也綱之於網也邪正之所由開理亂之所由繫者也 聖制所謂建立有本推行有序致理之道不專恃於法制者不以是耶臣嘗稽往古之迹參先儒之論審當世之務而於所謂治法治道竊聞其略矣夫古之稱至治者必曰唐虞三代而其所以致雍熙太和之盛者可考而知也伯夷典三禮后夔諧八音大司徒以五禮防萬民之僞以六樂防萬民之情吉禮凶禮軍禮賓禮嘉禮之異其體大章大韶大夏大濩大武之異其名見禮樂之備焉定律呂以

察治忽在璣衡以齊七政大師掌六律六同以合陰陽之聲馮相掌歲月辰日以辨四時之序度量權衡由之而起東作南訛西成朔易由之而著見律曆之明焉封山濬川辨五服之異體國經野別九土之宜見疆理之政焉建官惟百庶政咸和夏商官倍亦克用又六卿分職率屬倡牧見任官之法焉咸則三壤成賦中邦與夫五十七十百畝之制納總納銓納秸納粟納米之服邦中四郊邦甸家削邦縣邦都關市山澤幣餘之賦見田賦之詳焉司徒敷人倫典樂教曹子與夫小學大學辟雍類宮之建三德六行六儀之教離經辨志敬業樂羣親師取友通達強立之考成見學校之興焉俞受敷施而俊又在官黜陟幽明而庶績咸熙鄉論秀士司徒論選士大樂正論造士司馬論進士之賢者以告于王而後定其位宰夫受日考小宰受月考大宰受歲考三歲則大計羣吏之治而誅賞之見選舉考課之周焉帝德廣運而文武並稱象以典刑而欽恤恒寓司徒會萬民之卒伍而用之五人為伍五伍為兩四兩為卒五卒為旅五旅為師五師為軍小國一軍次國二軍大國三軍王六軍以作田役以此追胥司刑掌五刑之法以麗萬民

之罪墨罪五百劓罪五百宮罪五百剕罪五百殺罪五百成獄詞史以獄成告于正正聽之正以獄成告于大司寇大司寇聽之以獄成告于王王命三公參聽之然後制刑見兵戎刑罰之慎焉鴻謨備于當時遭烈施諸後代可以觀爲治之法矣然而邇其推行之序原其建立之本惟精惟一允執厥中堯舜禹傳心之道也是以達之於治法如此其備而紀綱之在上者無不張推之於民黎民於變四方風動臣庶協中而風俗之在下者無不美三聖所以爲化之隆也懋德建中緝熙敬止建其有極成湯文武傳心之道

清書卷六

五

也是以達之於治法如此其備而紀綱之在上者無不張推之於民表正萬邦化行江漢永清四海而風俗之在下者無不美商周所以爲治之極也自茲而降雖有願治之君而未能盡爲治之法雖知爲治之法而未能端出治之本如漢之諸君非無可稱也然不悅詩書專尚黃老刻薄任數好大喜功崇信圖讖而吏事刻深喜務明察而政尚操切其存諸心者無其體矣故一代之制禮儀雜就於綿蕞樂章創造於房中延年協律而神馬是歌鄧平定曆而五變由起樹國相疑賈誼有脛指之喻三公督察陳元疏帝霸

之辭減租屢屢平詔旨臨雍徒侈千環橋計偕射策而公孫弘以曲學擢第綜覈名實而王成以虛僞蒙賞材官列布南北分屯似矣而七校是增海內有虛耗之弊三章申約律令再定似矣而秦失尚有天下多疾吏之風其視古之治法爲何如也唐之諸君非無可稱也然牽於多愛復立浮屠蠱於女寵鮮克有終過於姑息威權不振其存諸心者無其體矣故一代之制貞觀開元之儀何取乎禮七德九功之舞何取乎樂十部坐立之伎而律呂已亡二十三家之作而曆法愈忒分道立州而藩鎮之禍不免限官任才

清書卷六

六

而員外之置亦繁口分世業之法不終增廣學舍之文徒具選以三銓似矣而記帖括以冒進者不能無也考以四善似矣而限年勞以淹滯者不能無也置府立衛而驍騎方鎮之屢變矜刑慎獄而告密羅織之刻深其視古之治法爲何如也宋之諸君非無可稱也然祚啓陳橋盟渝金匱好道教而信異說任仁慈而乏剛武是亦未能純心以立其體矣故一代之制開寶通禮失之雜和峴定樂失之拘胡瑗房庶之律徒爲聚訟崇天奉元之曆無補人時分二十四路而燕雲不復設府部監寺而官職多冗履畝制稅熙

寧之政迭興建學育才蘇湖之教未洽左還右選而資格亦甚拘米名誅文而實意或未副三衙四廂之司總管鈐轄之將非不密也而武備不免於漸弛大理刑部之設審刑院之置非不慎也而禁網不免於怠廢視古之治法又何如也凡若此者惟存之於中無得乎帝王之心故發之於外無得於帝王之政而漢治雜霸唐治雜夷宋治武略不競其紀綱風俗不足以追唐虞三代之盛者有由然也昔者宋儒朱熹有曰善爲治者必先有紀綱以持之於上而後有風俗以驅之於下紀綱之所以立則以宰執秉持而不

清書卷七

七

敢失臺諫補察而無所私人主又以其大公至正之心恭已於上而照臨之臣嘗統而論之禮樂律曆之法皆紀綱之寓也而所以爲紀綱風俗之體皆心之所存也唐虞三代之君其所以爲心術者至公至正而無偏黨反側之私故綱紀張而風俗美漢唐宋之君其所以爲心術者有得有失而無涵養操存之學故綱紀疎而風俗薄考歷代之往轍驗治道之隆污燦然可觀記矣洪惟我太祖高皇帝肇造區夏創建宏規太宗文皇帝中靖家邦纂述大統上稽唐虞三代之典下采秦漢唐宋之制參酌損益以立一

代之章程如命牛諒制禮而禮儀之式定命陶凱制樂而胡元之聲革律呂協天地自然之數曆法考勝國定朔之規並建兩都分列藩省而疆理之制密內設六部外重守令而職掌之分明差土田之高下而賦稅有定額立鄉國之學校而教養有定法以經術取士而重科貢之途以考功覈治而嚴黜陟之典軍政有統而兵戎之權悉歸於朝廷律令有條而矜恤之仁屢形於奏讞若此之類不一而足卽堯舜禹湯文武之所以爲法者也然豈無本以致之哉臣嘗莊誦二帝之聖訓矣論輔臣曰心爲一身主帥嘗自

清書卷八

八

點檢此心與身若有兩敵然凡諸事爲必求至當以此肇成大業諭侍郎曾魯曰人君一心治化之本存於中者無堯舜之心欲施於政者有堯舜之治不可得也論學士解縉曰人君誠不可有所好樂一有好樂泥而不返則慾必勝理若心能靜虛事來則應事去如明鏡止水自然純是天理朕每退朝默坐未嘗不想管束此心爲要大哉王言一哉王心卽堯舜禹湯文武之所以爲心者也夫是以蘊而爲天德純乎不已行而爲王道粹乎不雜紀綱舉於上革前代之失而煥然有條風俗行於下新胡習之汚而爲

然丕變校之唐虞三代誠無與讓而陋漢唐宋於下風者矣 列聖相承監于成憲益隆不替政教熙洽海內又安逮乎 先朝法少弛於因習治或敝於盈成 陛下銳志中興勵精圖治乾綱獨運新政旁敷德至盛也奸邪斥而忠良進左道誅而異端絕獻貢罷而逋負蠲冤濫清而蠹弊剔海隅蒼生莫不洗心以應德化引領而望大平效至明也紹復 祖宗之舊上追隆古之治宜 陛下之易易矣然而績效未臻和氣未應有如 聖制之所慮者此豈可以他求哉臣伏願 陛下舉 祖宗之法而綜其實焉存

清集卷六

一

祖宗之心而純其養焉夫 祖宗之法前既陳之矣而所謂綜其實者何禮制雖具而崇飾繁文僭侈亡度非禮之實也樂制雖存而奸尚淫聲靡麗亂雅非樂之實也吹律聽聲而八風有未應者非律之實治曆明時而七政有未齊者非曆之實宇內廣矣而邊場之警未靖蕪穢之區未治不可以言疆理庶官建矣而寅亮之職未舉司牧之寄未稱不可以言任官有田賦之制而未覈登耗之數未審盈縮之節非所以足國用也有學校之制而未慎師儒之選未明教化之原非所以育人材也選舉之法詳而習詞章以

嫌祿者有之考課之法詳而急期會以呈能者有之行伍空虛器甲朽鈍士卒無選練之教將帥有統綽之習不足以言兵戎之實姦宄未息獄訟未平聽斷任好惡之僻出入徇請託之私不足以言刑罰之實夫實之衰也習流之勢使然也 陛下誠能反其因循之弊以期明作之功所行必實政所務必實業則紀綱可振風俗可厲二帝三王之治法豈復有外於此哉夫 祖宗之心前既陳之矣而所謂純其養者何姦聲亂色淫樂慝禮懼有以亂吾之聰明遠貨異物珍禽奇獸懼有以鬪吾之玩好神仙土木足以溺

清集卷六

十

吾之心也而絕之必嚴馳騁畋遊足以蕩吾之心也而矯之必力勿親褻近之臣勿悅讒佞之語衣冠必正瞻視必尊言語必信起居必敬雖離在宮肅肅在廟而顯明之時心無不存也相在爾室不愧屋漏而幽隱之地心無不存也夫心之養也幾微之辨甚嚴也 陛下誠能察夫理欲之幾以盡克復之力敬義之夾持動靜之交養則可以立紀綱之本端風俗之原二帝三王之治道豈復有外於此哉夫以帝王之治道行帝王之治法則稽於古制而因革皆宜端其本原而推行有序以熙庶績則正朝廷以正百官正



百官以正萬民正萬民以正四方四方正則遠近莫敢不一於正而績效無不臻矣以感天和則陰陽調而風雨時五穀熟而萬物殖天地之間被潤澤而大豐美薄海之外聞盛德而皆係臣諸福之物可致之祥莫不畢至而和氣無不應矣 祖宗之舊隆古之感不有以復見於 今日矣乎雖然臣猶有保終之說爲 陛下勗焉夫慎始者易克終者難漢之武帝雅向儒術遠慕唐虞而一念多欲不免輪臺之悔唐之太宗躬行仁義比迹湯武而怠於治安不免十漸之譏宋之真宗寬仁慈愛政崇簡易而祥符之後不

清集卷六

一上

免矯誣之惑是三君者夫豈不慎於始者哉故我聖祖之言曰日月之道久照萬世不改其明堯舜之道不息萬世不改其行 臣伏願 陛下思 聖祖之訓監三君之失體天行之健操恒久之心不因已安而自忽不以已治而自矜念美業之易隳思治功之難保則可以善始善終久安長治而天德王道無不舉矣 臣愚不識忌諱伏望 陛下寬其狂瞽之罪而少留神採納焉干冒 天威不勝戰慄隕越之至 臣謹對

河南鄉試程策三道

問農桑者王業之本小人之依也是故明王重焉考之無逸七月諸篇可見已後世若漢唐宋之君能庶幾此者誰與我 太祖高皇帝嘗有重農之言播爲令甲所以創業垂統者其意何與 列聖相承守而弗失我 皇上嗣登大寶參化明謨定耕籍之儀發勸農之詔御製西苑視穀祗先蠶壇位之賦 聖心所在將以身帥三農放勳四海惓惓未已也諸士子服膺 聖訓不知有言可爲廟謨之助否與請敬陳之將采焉以聞于 上

清集卷六

一上

聖王有畏民之心而后有仁民之政民之戴君也欲其生我也天之立君也以爲民也而人主臨乎上苟侈焉自足不以民心爲心則於人也悖於天也褻可乎哉是故農桑者民之心也政之首也聖王必先焉而不敢忽是故天時以得地理以察物情以通人功以敘以安民則惠以行政則順以爲上則明否則以一人肆於民上而可乎哉知此則我 太祖高皇帝詒謀於前暨我 皇上緝熙於今日所以比隆成周者可得而言矣傳曰民之大事在農上帝之桀盛於是乎出民之蕃庶於是乎生事之共給於是乎在和



協輯睦於是乎興是故天子諸侯非莫耕也王后夫人非莫蠶也天子必親耕南郊以共粢盛王后必親蠶北郊以共純服所以然者非但昭忠信以交神明亦以服習勤勞俾先天下周之家法至矣如七月之詩所以言農桑之候也詳無逸之書所以言稼穡之艱難者切故成周之治萬世稱明焉秦漢而下若墾田之令其失則煩憫農之謠其失則偽無逸之繪其失則華蓋存諸中者亡恭儉之實德而施於外者盡粉飾之虛文甚而以天下之財養一人之身耳目玩好之娛弗能供也勞罷者弗得休息饑寒者弗得衣

清集卷六

十三

食也民何恃而不困國亦何恃而不危求其庶幾焉者吾得漢文云爾觀其恤農之意惓惓蓋本於中心之實蠲租之詔屢下又有以致其生息休養之仁三代而下厥儻鮮已洪惟我聖祖受命統天勤民立政其言有曰農爲國本百需所出衣帛當思織女之勤食粟當念農夫之苦又曰敬天一事後世人主猶或知之敬民一事鮮知之矣凡所以立言而垂訓者其意不已至乎我皇上繼承前烈益濶鴻猷至於農桑尤加之意嘗觀耜田之儀矣往者卽位之始間一行之今則舉於歲首率以爲常此其勤民可知也

觀勸農之詔矣有曰耕桑者衣食之源須依時力務有曰秋成之後所獲須擇節愛惜此其憂民者可知也適觀西苑之賦矣一曰示無逸而不敢怠愆一曰賴忠良以夾持此其視民如傷望道未見者可知也是蓋上契皇祖畏民之心遠紹成周王業之統者與然邇年以來野不加闢歲一不登民卽告饑此其故何也愚嘗反復思之矣豈聖心猶有未至者乎皇上恭儉過於文景心乎爲民如天之覆如地之容如慈父之勤惓也而擬爲未至是謬言也無亦時政之猶有闕乎稽古王制三年耕有一年之食九年

清集卷六

古

耕有三年之食以三十年之通雖有水旱民不爲災我朝國用之制統於戶部矣今公家匱乏齊民無蓋藏是可憂也失今不揀後將安支必也量入以出準古之法俟其有餘則布德施惠散刈薄征焉此藏富於民之道可行也稽古周書有遂鄉師之屬田畯保介之官春秋循行阡陌勞來農人故野無幸民家無不給我朝有治農之官而今革之矣茲不可復與然官多民擾不可不慮也今郡邑而下江南不有水利之員乎江北不有馬政之員乎必也參酌時宜易以治農之衙而責以周官之務水利馬政兼焉俟有

成效則優之以賞齊異之以品秩然尤重其責於守令而覈其效於撫巡諸臣此勸相斯民之方亦可行也稽古堯舜之時岳牧侯伯異職而同心朝之政達於國國之政達於天下無淤遏不行者今之承流而宣化者非守令諸臣乎賢者或未之錄不賢者或未之去德澤之究雍於下流貪殘之政未能盡戢蘇洵所謂遠方之吏惡如共驩而上不知者容有之矣則雖有良法美意孰與行之夫朝廷之治民也猶養身也血氣周流百節宣暢斯可矣苟一指之痿痺是謂不仁一民之失所卽爲拂鬱可無慮乎必也嚴考覈

清集卷六

一十五

之令慎薰蕕之別申公清之議重賦吏之誅使有寸汗者不能以自容不肖者禁其欲不得肆則民庶乎息肩矣是亦可行也舍是弗爲而求以善治辟之卽鹿亡虞渡江河亡維楫蔑以濟矣雖然心之慎忽紀綱張弛係焉治亂關焉是故朽索六馬戒其逸也怨豈在明防其隱也王敬作所保其謨也區區一得之愚亦曰皇上以不倦之心臨之而已矣若夫有裨於朝議之末與否則非所知也執事其詳焉

問居重馭輕立國大權文武並用長久之術  
前代興衰治亂之迹恒必由之我 朝京邑

之兵始有三大營之建後又有十二團營之設法制相維規模宏遠矣邇來承平日久文化大行所謂武者得無有失其初而不舉者乎苟卿論兵弱其徵驗有五歐陽子言國政曰大弊有三今日之弊安在乎宋至仁宗武備漸寬國以不振神宗起而新之聯比其民以爲保甲更張無漸卒爾召憂宋事可鑒也茲欲酌二者之中使無矯枉之過無浸弱之虞如何則可

清集卷六

一十六

聚之道焉易曰澤上于地萃君子以除戎器戒不虞澤上于地水之聚也君子除戎器戒不虞兵之聚也水潰則竭兵銷則廢聚者有備而弗輕于用之謂矣執事論京邑之兵有浸弱之慮愚以爲今天下之勢綱紀相維輕重均得首尾皆應可謂治矣雖然方秦切復隍之憂旣濟謹衣袂之戒亦先事之防也成康之時號稱極治軍法寓于比閭簡閱嚴于蒐狩所以教民者未嘗一日忘兵也周公克詰戎兵之訓畢公張皇六師之言臣所以告君亦未嘗一日以兵爲諱也漢唐宋諸君謂佳兵爲不祥則弛焉不振以開邊

為盛節則驕而弗止不亦異乎我朝之兵制國初設錦衣等十二衛以衛宮禁設留守等四十八衛以衛京城既而有三大營之建矣曰五軍曰三千曰神機所以統諸軍司訓練也後又有十二團營之建矣曰奮武曰耀武曰練武曰顯武曰敢勇曰果勇曰效勇曰鼓勇曰立威曰伸威曰揚威曰振威所以簡精銳備征發也是故百六十年以來天下之機如身使臂如臂使指遐邇聯一小大適稱至順也有彊餘弱枝之勢而無漢唐宋尾大不掉之虞效至明也逮于先朝承平既久法弛患生外兵日驕內兵浸弱倒懸之

清集卷六

七

漸識者憂之以聖曆之資統承其後凡所以振揚剔屬者明矣咸系于兵政而修焉至易也今既數年矣猶未能盡如祖宗之舊豈聖心有待而未之及乎是故勾稽有閒矣而行伍則虛簡閱有規矣而老弱如故校練有期矣而朽甲鈍戈無以當折衝之用侵兵有禁矣而私役專利不足以一效死之心是可謂無其故哉亦曰將之失人焉耳苟卿曰觀國之強弱貧富有徵驗上不隆禮則兵弱下不愛民則兵弱已誥不信則兵弱慶賞不漸則兵弱將率不能則兵弱所謂將

率不能者非今之弊乎歐陽脩曰朝廷有三大弊一曰不謹號令二曰不明賞罰三曰不責功實所謂功實不責者今不可謂其無也執事又以宋事為憂殆設為是言以下詢承學耳奚其同宋祖得國以詐諱言者兵慶曆之不振甚矣故數有西寇之憂熙寧君臣變更無漸卒召靖康之禍今日之兵則復祖宗之舊已矣非變也愚生罔知大計然嘗考今事而得其情參往牒而通其度竊以為事當損益者三曰重閱實之令焉曰慎教習之法焉曰嚴統御之術焉其當恢張古制者一曰復大閱之禮焉何謂重閱實覈

清集卷六

十八

士馬之數而虛冒有刑嚴操備之期而私役有禁選驍壯之士而疲羸有罰令而必行行而必信是矣何謂慎教習節之以令使合進退疏數之宜盛之以容使熟金鼓旗物之教倡之以勇以作其氣齊之禮義信以示其方是矣何謂嚴統御士卒之弗用命也責之將領將領之弗用命也責之團營而本兵大臣總其權巡視諸臣考其弊匪人焉弗用可也用而弗效焉易之可也弊焉罪之可也是矣如是而兵之不强者未之有也何謂復大閱周官中春振旅王執路鼓中秋治兵王載大常四時之教天子再行焉後王迭

興因革靡常大禮斯廢茲非 聖朝常脩舉者乎  
下之禮官考求典故著爲令甲車駕歲一臨之則  
天休震動六師自奮 聖武布昭四夷益服如是而  
兵之強不百倍于前未之有也或者曰積弱之後一  
旦新之物情匪協則謗譏興矣斯言也愚之所未解  
也今日之兵復 祖宗之舊已矣非棘欲也去其害  
兵者已矣非變法也如之何不可傳曰所謂從衆者  
從其同然之心不從其衆多之口此之謂也或者又  
曰大閱禮成則以 聖天子下兼將帥之事非所宜  
矣斯言也愚之所謂大舛也韎韐有奭以作六師非

卷六

九

周王之幸洛者乎較射 御前以明賞罰非 聖祖  
所已行者乎舉而行之何不可之有書曰事不師古  
非說攸聞此之謂也雖然文者本也武者末也德業  
本也威強末也是故伯益之謨則曰無怠無荒旅獒  
之訓先之以明王慎德其本末之權低昂折衷之術  
又在 聖心加之意而已執事以爲何如

問關西旱蝗畿輔大水皆數十年所未有者  
備荒之政胡可弗講周禮以荒政十二聚萬  
民善矣後之議者或謂有無相濟或謂通輕  
重之權或立平糴之法或創常平之規或建

社倉義倉之制是孰可行于今與其臣之良  
于政者或過河南而矯制發粟或守青州而  
區畫賑貸或觀察宣歙不抑米價市估遂平  
或任耀州諭民平糶人皆按堵是孰可爲法  
與夫畿輔者天下之本也關西者邊境之襟  
喉也饑饉荐臻是能無外憂與必如何而後  
可紓目前之虞如何而後可興無窮之利子  
盡言之固爲政者所欲急聞也

卷六

十

爲國有權時之宜有經常之計何謂權補敝扶偏施  
行于已事之後者夫是之爲權何謂經建綱陳紀豫  
立于未事之先使天下晏如日衣其休者夫是之謂  
經善爲國者亦謹于豫而已矣書曰有備無患詩曰  
迨天之未陰雨徹彼桑土綢繆牖戶言豫也執事負  
先憂之志而以荒政下詢固盛心也愚生何足以知  
之然嘗聞之矣水旱爲敗堯湯被之而國無捐瘠衆  
不恒懼者豫之至也執事曰周禮以荒政十二聚萬  
民善矣愚則曰是誠善也然周之慮民者如斯已乎  
粟人掌九穀之數以歲之上下數邦用以治年之豐  
凶則節材而防之者至矣遺人掌邦之委積以待施  
惠鄉里之委積以卹艱阨縣都之委積以待凶荒則

穀財以備之者至矣而荒政焉者又以採天時之  
常濟地利人和所不及其品式具備節目詳明有非  
後世可及者自周而下此道微矣臧文仲論旱備也  
有有無相濟之言敬仲論國計也有通輕重之權之  
議李悝作平糶耿壽昌立常平長孫平戴胄有社倉  
義倉之建白是皆謀之善者執事曰孰可行于今愚  
則曰得其人則利也不得其人則弊也矧散歛出入  
吏緣爲奸可無慮乎陸贄曰古稱九年六年之蓄蓋  
率土臣庶通爲之計固非獨豐公庾不及編氓後代  
唯計廩積非先王意矣是不有見于此哉汲黯發河

漢書卷六

十一

南之粟富弼善青州之政盧坦在宣歙市價以平卑  
仲游在耀州饑民以輯是皆政之良者執事曰孰可  
爲法愚則曰有其人則荒政舉無其人則荒政廢矧  
安得盡如諸君子者布之郡縣乎呂祖謙曰大抵揀  
荒先王有預備之政上也脩李悝法次也移民移粟  
又其次也設糜粥下也亦此意也竊以今日言之畿  
甸之水千里一壑關中之旱斗米百錢待哺之民枵  
腹之卒不可不爲之所也執事曰何以紓目前之虞  
愚則曰內郡之災猶可言也關西之患不可言也蓋  
寧夏諸鎮素無貫朽之積外當險阨之衝爲地既遠

則飛輓不前災沴相仍則穀價翔踴况虜騎之出沒  
不常客兵之往來難料設有百萬之衆胡以餽之爲  
今之計亦曰出帑藏之積速命大臣以行按時發慮  
無失緩急之宜而出納將明曲盡撫綏之實庶乎有  
濟焉爾執事又曰何以興無窮之利愚則曰先王之  
政陳于前者亦既備矣若其規制之略請終言之畿  
甸之水無乃蓄洩之無備乎必也順水勢以尋源委  
之迹時疏濬以復陂渠之舊無與水爭尺寸則旱潦  
不爲憂矣宋何承矩爲屯田也於雄霸等州興堰置  
門引水溉稻民利興焉其法可行也元虞集議曰京

漢書卷六

十一

東之地瀕海數千里皆萑葦之場海潮日至淤爲淤  
壤宜爲浙人法擇水爲田其言可行也西陲今日之  
慮無亦儲積之未廣乎我朝嘗行鬻鹽之法矣商人  
輸粟于邊支鹽內地各以資次謂之常股後乃增直  
召納卽以給之謂之存積支者日多存者益少則待  
支者久而商賈利微輸納者寡而邊儲罔濟無已則  
和糴之議乎昔者陸宣公嘗言之必也得人以司任  
優直以利農及時而斂遇災而散則爲助者多矣無  
已則屯田之制乎昔者趙充國嘗行之必也除撥田  
之害遠斥堠以備虜攻出遊兵以防寇掠而又有謀

聖以限隔有營壘以分休則爲利也遠矣夫使行是數者利則舉之弊則釐之委曲以濟之持久以成之無速功無始釁以撓之則財用必足塞下之粟必多以此而益國則國富以此而備邊則邊實以此而御兵則兵附以此而守則守固以此而戰則戰克故曰長慮却顧逸而有終舉近忘遠勞而無功愚之所望于今日者亦惟興無窮之利焉爾若曰念馮河之邇圖忽臨深之明戒玩目前之春華棄遠猶之秋實則變不可以勝窮利不足以補害疵莫大焉故曰善爲國者謹于豫而已矣今 聖天子勵精于上諸公卿

清書卷六

一書

贊業于下方將建長策以復三代之隆草茅之士廼肆言焉固杞人之憂也

### 山東鄉試程策一道

問惟皇降衷厥有恒性天下古今惟此一理惟此一事然而斯道浩浩何所求端說者謂孔門之學先於求仁夫子誨人不倦者固宜諄諄言仁矣而記論語者則曰子罕言仁其間因問而答見於顏淵仲弓司馬牛子貢樊遲輩者有之然言人人殊迄無定旨善學孔子者莫如顏子當時竭鑽仰以達卓爾者其

得力處何在曾子傳道號爲獨得其宗而載記所載於孝爲多大學聖經仁鮮及焉不識其於一貫之旨何如子思作中庸首言性道教矣而復詳及於誠孟子願學孔子者也考其所稱述乃在仕止久速而其自鳴所長則曰善養浩然之氣諸賢之學漫無統紀固若是乎孟軻氏沒聖學湮晦說者謂有宋諸儒出而聖道大明其間有功於聖道者爲誰可明指其人與今之學者亦有得力於宋儒之所謂有功者乎道術所在不宜姑置幸相與

清書卷六

一書

### 訂之

仁之難成久矣其道可易言哉其在於天謂之命賦於人謂之性主於身謂之心仁也心也性也命也一也合物我通天地而無有不足焉者也是故不可以一端求亦不可以形迹盡聖賢所以相傳學者所以爲學其孰能舍是也哉執事策諸生而以聖門求仁爲問蓋將以道學之端緒誨諸生也試言之以就正可乎今夫天地之大德曰生生之謂仁四時之生長收藏萬物之飛潛動植異矣而人得之爲人物得之爲物四時得之爲四時何莫非仁固不可指而名



也謂生長者爲仁矣而謂收藏者非仁可乎謂飛潛者爲仁矣而謂動植者非仁可乎人得天之理而具於心曰仁心之虛明中涵萬善外達於百行庶庶庶物莫可勝原其體亦不可指而名也以仁體爲可指名則遂將指名天地之仁乎嗚呼惑矣是故仁無方體也而亦非方體可求也仁無窮盡也而亦非言之可窮盡也是道也在堯舜禹爲執中焉在湯爲禮義焉在文王爲敬止焉在武王周公爲敬義焉是數聖人者雖不言仁而仁在其中矣孔子生於晚周不得位以行道而以言教天下自今觀之以克復告顏淵

清集卷六

一

矣以敬恕告仲弓矣以謹言告司馬牛矣以立人達人告子貢矣以愛人以先難後獲以恭敬忠告樊遲矣言不同矣何莫而非言仁乎蓋聖人之教人譬之工師之爲室匠斲也陶瓦也圻墁也其用異矣而要之所以成室者則一而已學者之學也譬之取水于河潭甌也瓶罌也杯勺也其器異矣而要之各適其量則一而已是故言仁不同何莫而非教乎記者又曰子罕言仁而子貢亦曰夫子之言性與天道不可得而聞夫子之罕言者仁也而其雅言者非仁乎其西教者非仁乎無行而不與二三子者非仁乎其

以無言者非仁乎謂言不於仁聖人不能也謂言可盡仁聖人不敢也邵子曰圖雖無文吾終日言而未嘗離乎是易之理大矣爰者效此者也象者像此者也而謂爻象可以盡易乎觀邵子之語易可以知夫子之語仁矣顏子之始學於夫子也未知道之無方體窮盡也而以爲有方體窮盡也廼求之于仰鑽瞻忽之間而卒莫之得及聞夫子博約之訓竭吾才以求之然後知天下之道千變萬化不出于吾心而不可以方體窮盡求也所立卓爾其諸得之此乎惜乎天不假之以年而使之化也後惟曾子唯一貫之旨

清集卷六

一

而傳得其宗戴記所載則以孝言大學以止至善言子思中庸則以誠言孟子稱述孔子以時中言曰善養浩然之氣以集義言其言異矣而言仁則同諸賢之學其皆求夫子之心於形象言語之外曾子得之而爲曾子子思得之而爲子思孟子得之而爲孟子蓋知道之無方體窮盡而不以方體窮盡求者也道統之傳端在此矣孟子沒而其傳泯焉世儒之支離索於事爲器數之末以求明物理而不知物理之不以事爲器數求也佛老之空虛棄人倫事物之常以明心見性不知人倫事物之不可得而遺也其理



號爲知道者或以博愛爲仁或以萬物與我爲一爲仁或以心之知覺爲仁謂仁可指名而不知仁之不可以方體窮盡言也甚哉諸子之陋也惟周程諸子追尋孔顏之緒而上邁精一之傳其太極圖說定性書之作則皆發明心體之大指示求仁之方直探本原不見端倪無所蹈襲庶幾有以得孟氏之統者今之學者將若何而求之程子曰學者有三弊溺於文詞牽於訓詁惑於異端苟無是三者則必求歸於聖人之道矣又曰科舉之學不患妨功惟患奪志夫以文詞訓詁異端之弊之也舉業之奪志也而以求進

清集卷六

一

於聖賢之道不亦遠乎在昔子張學於孔子而多外慕子曰堂堂乎張也難與並爲仁矣子夏入見夫子之道而悅出見世俗之紛華而悅其言曰二者交戰于胷中故濯及其戰勝故肥嗚呼公之與私一內一外不容並立其賓主之辯嚴矣哉愚生嘗求之矣而不得其端竊以意窺之必也心爲嚴師於其病之所在自考而自藥之庶幾日就月將有所持循他日可以上達而不失宗旨者或者其在此乎然又未敢以易言也執事其進教之

九廟成賀表

廣西等處承宣布政使司等衙門左布政使臣某等伏遇嘉靖十五年閏十二月十二日 宗廟禮成恭上 兩宮徽號謹奉表稱 賀者臣等誠懼誠忭稽首頓首上言伏以聖人立極式昭禮樂之情大孝饗親聿重禘嘗之典幽明合慶遐邇均懽恭惟 皇帝陛下德懋承 天志深念 祖煥堯文而制作竭舜孝於蒸嘗群廟鼎成正 太祖以專尊之位世室特建表 太宗爲不毀之宗定禘祀以孝享于 先皇舉禘儀而敬隆乎 初祖爰上 兩宮之徽號載覃萬國之鴻恩斟酌商周以上之宏綱復叅時義洗別漢唐以來之陋習永作成規 臣某等職列藩維忝逢盛事望闕庭而率舞頌 帝德其難名無任瞻 天仰 聖激切屏營之至謹奉表稱賀以聞

九廟成賀 昭聖皇太后表

伏以聖人舉禮樂式昭天地之文景運啓皇明懋衍源流之慶慈闈集祉顯冊洊加恭惟 昭聖恭安康惠慈壽皇太后陛下仁本天成道隆坤載贊理維新之治聿興熙洽之光 廟制告成親百王之曠典徽稱丕錫合萬福以攸同 臣等職守藩維忝逢盛舉仰宮闈之深遠祝 聖壽於無疆無任瞻仰激切屏

伏以坤德無疆克運會昌之運離明繼曜適觀長發  
之祥慶協天人惟均朝野恭惟 昭聖恭安康惠慈  
壽皇太后陛下道侔地載仁本天成誕膺安養之隆  
克饗和平之福神靈錫羨淵流增少海之波遐淑水  
延奕葉懋天枝之序維祺有俶俾熾無疆臣等託職  
藩維躬逢盛事睹慶源之綿遠祝聖壽以無期無任  
瞻仰激切屏營之至謹奉表稱賀以聞

皇嗣生賀 章聖皇太后表

伏以慶兆六宮克協生賢之運惟交四海式瞻錫類  
之祥 聖胤挺生羣心胥悅恭惟 章聖慈仁康靜

清集卷六

一

貞壽皇太后陛下比賢任姒繼德金華神明之冒嗣  
興福履之綏未艾虹流華渚掖庭開弧矢之積貺降  
郊禔寰宇快前星之視燕喜微千文母繼承有此神  
孫臣等竊得遐方忻逢盛事仰慶源之綿遠載詠繇  
斯望璇闕以陳詞共歌麟趾無任瞻仰激切屏營之  
至謹奉表稱賀以聞

皇嗣生賀 皇后箋

伏以景命有僕允維世德之賢慶事備成寔資坤道  
之懿照臨所暨鼓舞僉同敬惟 皇后殿下德合闈  
睢恩覃樛木神人協吉熊羆之夢斯安種稂效祥弓

聖之初適應宗社永桑苞之固掖庭衍佳實  
等生值昌期樂觀盛事睹慶源之有自輒慕堯封祝  
寶算以齊天載歌周雅無任瞻仰激切屏營之至謹  
奉箋稱賀以聞

潘望江先生集卷之六

清集卷六

三

潘箕先生集卷之七

序

送鄭思齋先生序

嘉靖紀元之明年爲群方入觀之期令上海思齋鄭先生當行餞之郊先生作而曰惟皇經國治官表民惟臣相君統民敷政今日之行以政復也非政胡以令民令弗行胡以共職職弗共胡以事君時歌皇華之章恩曰先生負通明之質綜經緯之學起衰芟敝暢鬱疏塞端極釐化百度迺貞庠校不舉是年壬午之試領薦應天者凡七人張生鶴王生可立唐

潘箕先生集

卷之七

生稷孫生繼祿石生英中董生子儀其一思也多士彙征爲望于南是可以觀教矣且先生之令三年矣勤恤人隱悉心體治覆之以慈聯之以義規之以儉風之以禮平之以樂義倉之立散歛以時物阜人喜慈也推井法以比民人十家爲甲甲有長長有貳貳相輯睦義也民用五禮恭古準今去浮宣節儉也里巷之學月具若教召長者食之養老以明孝別長幼以明序書淑愚以旌善絀不肖禮也月朔之會歌周南季秋之會歌豳風黜新聲崇古辭樂也四民美好宅于康定可以觀政矣夫身以立則則以樹教教

以軌物章道化也智以興利利以殖政政以養民廣仁惠也仁立民裕化章俗成俗裕民父母也爲民父母昭臣職也臣職克共以入于皇庭爲龍光也詩曰既見君子爲龍爲光是可以復于上矣是日也天日交霽冠蓋駢集士女追呼于塗民有賦羔裘者先生辭焉尋賦九罍先生蹇然行矣夫其不忍去民者茲民之不忍于先生者夫時同年友僉曰先生行矣蓋次以贈屬恩序之

祁州志序

潘箕先生集

卷之七

嘉靖癸未冬十月余守祁詢風采言問俗觀化讀於其舊志時志之修三十有九年矣故缺典湮迺曰不爲志後將曷稽方事事未能也越二年乙酉會均賦成迺作而言曰井田舊制弗之復也已均其井之遺意乎不爲志後將曷稽迺考方輿辨廢置參舊編訪遺老覈故實散者聚之逸者追之微者章之隱者闡之疎者密之滯者宣之因之削之綜之析之爲凡六卷細大具舉謂郡邑之設山澤異勢俗趨異習物生異宜不可弗識也作疆域公署有廢興學校有沿革廬里有規制咸以飾法昭度弗可弗周作建置仁政之始義以興利利以平民作賦役明事人幽事鬼分

異理一正崇邪黜斯風教可端作祠祀時勢相推新  
故相仍氛祥相感徵諸地理兆諸人事有變有常作  
雜志曰治與教有司之任以教輔治師儒之責得人  
焉則與匪人則否作官師如其賢也民有後思士切  
鄉往作名宦官賢任能野無攸伏咸取諸鄉作選舉  
惟克自樹時乃表見沒世弗稱君子疾之作人物文  
獻足則徵弗足則止作文志且附以已意時爲敘論  
長短約豐惟其所止閱月而書成竊惟志者史也春  
秋之後無史矣抑其次也漢馬遷班固以文鳴時號  
稱良史後之作亦何以加然紀載時事則弗可闕

清集卷十

三

故輒不自揣廼著是編使後之觀者讀而思之舊政  
可因也述而弗泯時弊可釐也損而弗益風俗可止  
也節而弗流文教可行也邇而弗雍民力可養也休  
而弗墮利用可興也施而弗竭才賢可則也教而弗  
畫政教可任也酌而弗攜則是書之作容有取焉乃  
若會文切理歸諸大雅以俟君子思也非曰能之

別李南原序

南原李子秋留都廷尉克共干刑惟允惟明不譽以  
濫獄稱平矣庚寅歲擢延平守與余言別李子問曰  
守不易哉繁民攸賴異夫世之頗于政也金紫是榮

諸俗爲順澳忍回墨惟身是圖罔恤民之惻斯民怨  
咨若罔聞知此爲何心予戚焉予行矣將條費節煩  
以爲政先若之何子何以贈我潘子曰懿哉言與夫  
守民之首也是故政多術矣仁民爲大夫財百物之  
所聚也群用之所共也是民之脂也是故思子惠者  
經費爲先若子之論獲領要矣予何言又問潘子曰  
予亦何言無已則學乎學之與仕一焉爾卜子夏云  
學優則仕仕優則學言致一也昔在有宋龜山延平  
皆茲邦產也鳳儀南服卓乎百世之師李之言曰古  
人千祿蓋中有所蘊欲見諸行事耳此爲已之學楊  
之言曰周官一書先生經世之務胡可弗講又曰惠  
學之士當知天下無不可爲之理無不可見之道斯  
名言與君子至止取其遺文日以玩焉則于學也遠  
矣學遠則施于政也益遠矣予亦何言

河南鄉試錄序

嘉靖辛卯秋八月天下鄉舉之期上命臣恩禮部  
主事臣汝孝往共河南之役先是巡按御史臣王舜  
耕經紀其事御史臣儀繼至實監臨焉同考試則教  
授臣王臣恢教諭臣大章臣瑋臣徠臣光明臣炳訓  
臣元達臣愷提調則左布政使臣湛右布政使

大輅監試則按察使臣克宅僉事臣商臣作典士類  
則巡撫都御史臣徐讚式崇教本則提學前副使臣  
楊維聰今副使臣教英協力贊襄則右叅政臣伍全  
臣周忠臣劉漳左叅議臣祁鶴右叅議臣季方副使  
臣楊最臣劉天民臣劉希龍臣陶儼僉事臣張綱臣  
葉璽臣方升臣郭田署都指揮同知臣徐溥署都指  
揮僉事臣霍汝愚臣李澹暨諸執事咸俊乂以充視  
昔加慎者儀之力也乃合提學所取士試焉簡士八  
十人為錄以獻始臣受命而南也仰見 主上求賢  
之意焉竊相謂曰 聖天子惇崇治教敷求哲人其

清集卷七

七

德意遠矣薄海外內咸沐玄化矧茲中土有弗不應  
者乎行也其得異材盍慎以往已而渡河如汴見山  
川之秀焉嵩岳冠其中巨流濱其外仰而嘆曰嗟哉  
斯成周之故墟乎風雨之所交也陰陽之所會也才  
賢聚諸盍慎以擇至是見河洛之文焉質而潤約而  
該蔚而弗浮疏于政弗詭于理臣汝孝暨恩乃颺言  
曰文其在茲乎然爾多士能精白乃心承休德乎能  
無悖爾言乎余也是懼爾多士茂哉儀曰多士進矣  
奮庸熙載為國寵光豈惟爾良抑余諸臣也受其貺  
湛大輅曰子無懼乎言實之賔也多士良于言矣矧

曰其不勵于行克宅商臣曰守道不二士之制也淪  
焉恥也瑋曰傳有之三命茲益共士可不務乎元達  
曰知類而通達彊立不反斯大成也已王愷曰爾觀  
國之光素履往無咎恢炳曰匪知之艱行之艱彰厥  
有常其吉士哉大章徠光明曰鹿鳴之二章善矣請  
三復焉臣乃申告之曰爾多士茂哉其無忘諸君子  
之訓以對揚我 聖天子之光命哉斯有令名已斯  
無負山若川之靈異已否則恩也不免于戾且辱茲  
土焉其誰與子其誰與子爾多士茂哉

送顧遜齋掌教黃陂序

清集卷七

一

遜齋子博學洽聞惇慤貞諒邑云秉禮君子必遜齋  
首稱為弟子員有聲庠校中督學使歲至校文咸獲  
提衡首選屢試場屋則以程度弗合于有司士論惜  
之嘉靖歲壬辰貢于鄉迺從典校之職試于銓曹再  
試于 廷也又皆首選于是迺有黃陂學諭之行或  
人問曰遜齋子之試于鄉也試于部若 廷也不皆  
首選耶此其材不足科目耶弗獲臚仕數也何居潘  
子仰天而噓末之應也或人退潘子言曰若未之知  
乎語有之良工能巧不能為順良農能稼不能為穡  
是故功勤穗裝罔值豐年樸學樸材振身華要此其

故安如哉是故宣尼致慟于猗蘭賈生發嘆于積薪也今 聖天子燭昭曠之原廣無方之誼登明黜幽歛才疏滯慎邇勤遠凡舉而加之位者無問科目此固賢士處囊之日又奚擇于官乎是故君子非位卑之患而弗克自重之憂古語有云貴其所以貴者貴所以貴者所同貴者也人知自貴而人斯貴之不自貴而斯上之人貴我是惑已今夫世之流弊何可勝道貢者謂不列于科目得一官卽私便其身圖是故貢之途輕貢之途輕而人始重科目然今之長吏其出于科目者何限而或富貴之淫矜名飾智徇私忘已其不淪於以官爲市者幾希人且惡乎貴哉是故科目之途輕矣嗟夫流弊若此是謂靡風此明王之所必斥而學士大夫厲志自脩者恒悒悒於斯也遜齋子知自愛者能不便其私者不充詘於富貴者故于茲行以是語之三年其教成乎教成其有以副上之需也乎

鮑君七十壽序

嘉靖某歲秋九月某日子里人鮑君壽七十之辰于時涼風徐興陰氛載廓露華月晶交映宇宙黃菊幽芬萼房馥烈是日也綺筵高張賓朋駢集文學楊子

時鳴者來索頌言相與爲君壽君名山字體仁別號靜齋幼居塵市而慎重寡言不役役于利晚年益潛心虛寂類知養者予故樂爲之言予聞諸夫子曰仁者靜又曰仁者壽夫壽天之祉所以授於人而人承之者也夫仁天之理所以昇於人而人存諸心羣生之本萬善之原也大可以參天兩地次可以久視長生誠立人之標極養身之鴻寶是故心而靜焉是謂天倪雜以欲焉則爲人實於是乎耳耽要眇之音目極采色之好口窮芻豢之味身安逸樂而心豔慕勢利之榮其去仁也不亦遠乎是故惟不仁故不靜不

靜則無以養壽命之源予獨怪夫爭利者之於市爭名者之於朝也躁心浮競日營營焉與時俯仰肩摩富貴之塗轂擊紛華之域勞神苦形奄焉物化亦可悲矣夫鮑君者闡闡之夫布素之侶也非有子贛之學范蠡計然之智非有文史之助師友夾持之烈也迺能凝神習靜不以物累縈其志不以貨利損其真與時俗者特異若此古之所謂善人者非邪遷史有云天下熙熙皆爲利來天下壤壤皆爲利往夫使往來於利心曷靜邪若鮑君者非所謂能體仁而靜者邪今夫環宇宙間莫非物矣動者植者飛者走者潛

者躍者流者峙者天者喬者區以別矣唯山爲靜是故唯山爲最壽犯霄特起莫形莫遷歷萬斯年恒如一日靜哉鮑君此足以占之矣壽其有既乎迺作南山之歌俾侑壽觴辭曰緊南山兮勢崢嶸巨后土兮凌太清閱終古今不蹙崩彼君子兮靜以寧處市門兮心不營汰紛濁兮來神明綏福履兮百千齡酌春酒兮樂且恒朋三壽兮齊岡陵

廣西鄉試錄序

維是西廣古百粵之軫天地之裔區也湘灘襟帶桂嶺蒼梧之勝鬱律嶙峋甲于寰寓史稱地多翡翠珠

清集卷七

九

璣犀角象齒然藏氣中古人文靡章扶輿淑清之質豈惟物是鍾繁人乎斬抑有待焉爾也唐宋以還柳宗元氏來刺于柳爰興學校其文辭閎遠遠近師之厥後趙觀文梁嵩王世則馮京咸以茲土之英舉進士第一後先炳耀萌祗嚆昔有足觀焉 明室統天敦尚儒雅風斯異矣文教滲漉溢于荒陬肆我 皇上緝熙聖學身範物先條畫章程敷言庠序諸士子樂育菁莪附麗皇極咸聖焉有遐古之思則山川之靈異未洩于古或洩而未震焉者夫亦有待于今也詩曰思皇多士生此王國言待也維嶽神生甫及

申言地之生賢也是故鍾靈而產者不以疆域爲限乘時自樹者不以今古易則在昔先民若稷契皋夔伊傅周召之流奮庸西服顯名天下聲施無窮其言若行載之六籍皆致理之基臣則之衷也諸士子能自得師宣力肄忠克從前人之烈俾爾南粵與秦晉豐洛並稱永以有辭于世則徵福于山川其蔑以加夫此矣固爾諸士子之靈也諸士子其圖焉

靖晉錄序

聖皇御極十有三載歲紀甲午晉饑盜起靈石馮負巖險鳴張烏聚鄙野繹騷民罔寧宇時撫巡奉 命

清集卷七

一十

徂征簡二司大夫之良董厥旅恭川李先生以憲副受成經略險夷爰有長畫未幾摧叅河藩先生義形于色誓不以賊遺後人迺申令率師進搗巢穴殲彼渠魁由是黨與解散道里通行烝人樂業矣縉紳士形諸聲歌所以頌公德休彰明 皇烈也繼而詮次成帙刻梓傳焉或問余曰夫去盜者猶之去草矣草不速除其將蔓蔓難圖也在昔先朝幽薊之寇竄伏山谷間殆亦無幾有司曠時弗治浸淫叛渙馴至如雲而起老師費財莫之能制益以邊兵重將漸次剗平然雍豫青兗徐淮之野殺人如麻流血成川自



安處之嗟谷風肇棄予之怨自茲而降寢以陵夷世之密友轉相緣致或飾真以文僞或諛悅以苟容或挾藝以矜已脂韋便佞忠告不聞背同心之誼而結比周之黨懷丈夫之容而襲婢妾之態嗟夫王教之廢乃至于是斯乎又其甚也以利而交利竭則疎以勢而交勢盡則反位軋則相傾名同則生忌蕭朱積嫌于結綬翟公致憤于雀羅公叔以絕交守貞廉生以市道興嘆謂不有由哉嗟爾諸士其思所以復古之道乎是故贈言儆戒淵路之仁也左右篤斐周召之勳也誠能恢弘斯教崇獎人倫絕其零濁以回流俗則於詩書所稱其庶幾焉伐木之詩曰神之聽之終和且平夫友之所貴者信也天之所助者順也履信達順天斯福之矣此誨敦之義也

送劉東巖入 觀序

明興準古建極疆理天下爰設岳牧旬宣五方三載以入觀 元后詢風考政剔幽舉明以經邦治以興民利民是以安廣右爲國遐陬雖治化日敷俗未盡更者蓋其勢然也猺獞獠獠盤據諸巖寇攘靡局吏茲土者則又悲遠虞險固惜民恫甚而以官爲市冒才貨賄破義玩刑與中州異矣若是者可以無變乎

哉東巖公之爲左使也悉情布公握綱條紀節盈疏縮罔不中度閱數月而治成然政之大者廢置因革惟辟專之不能不請于朝也公今日之行其將告之 天子天子下之六官叅互考成廼施郡國則茲省維新之治不自今始乎况我 皇上万隆成周之典勤恤人隱不以遐遺公以明敏之才肅將于下按察石樓陸公又偕以行同心體政胥謀殫忠諸所區畫譬若矛矢之發鏘注的靡弗當已茲省維新之治其不自今始乎于時公之寮浦南胡公諸君子屬余爲贈言别公余不佞書此識焉且以爲越之民慶也

送陸石樓入 觀序

石樓陸公以按察廣西至居無何有入 觀之行往之日同臬諸大夫餞之郊諸大夫重公之去也廼再拜而言曰天下之治散者其萃而后通乎靡者其振而后起乎鬱者其風而后行乎我國家稽古圖治張官命職藩司視古方伯按察視古三監府視大國州視次國縣視小國三年入觀視古述職冢宰聽之以詔廢置大計羣吏之治而誅賞之故述職也者所以萃散振靡以風天下者也是故于政爲重按察者以監爲職者也吏之淑慝治之微惡風之興替繫焉是

故干述職爲難今夫廣西諸郡其不有賢而未舉者乎不肖而未抑者乎是唯詳也斯不眩于采納唯明也斯不徇于異同唯公也斯不偏于憎愛是不可不慎也公以家學登進士數歷中外凡二十年所至有聲茲行也執情運幾罔弗詳矣潛神燭物罔弗明矣貞度肅軌罔弗公矣三者備而舉刺當舉刺當而人心說郡邑理其于國也厥亦休哉陸公迺再拜曰旨哉言乎敢忘今日之辱諸大夫揖余曰子盍敘以贈諸余曰穆哉諸君子之言也其思遠其詞貞情不私昵美不忘規章志昭德有同聲之誼焉是古之道也

清集卷七

十四

是古之道也可以贈矣

賀大司徒錢公序

五嶺而南爲百粵地風氣之殊徵自古昔明興聲教誕敷外薄海嶠然島居卉服之夷馮險竄伏寇竊靡常國家設大臣以蒞之開府蒼梧授節握兵重分關也嘉靖十有四年春提督員缺天子軫念遐服簡命耆碩往撫朕師時桐溪錢公以兵部左侍郎兼憲職而往至之日殫慮計謀申令明罰大布威德豫而弗愆某年政成蠻獠震息郡邑畢入百姓按堵稽人成功馮牛宿野人咸舉手加額頌公德休天子嘉

公之烈擢公南京戶部尚書于時藩臬府帥諸寮謁公軍門僉有慶詞桂林副總兵張經屬恩序厥事恩曩時爲郎吏居京師公與石塘聞公白川周公皆貳六卿風軌德音寔隆時望縉紳之士相與謂曰桐溪之貞亮慈和石塘之端方凝重白川之簡介明達誠命世之宏才後學之著蔡也罔有間言既而聞公擢南京刑部尚書周公擢南京左都御史今公又有茲擢夫留都祖宗重地根本繫焉周官大司徒之職掌建邦土地之圖與其人民之數以佐王安擾邦國者也是故別其物宜均其歛賦通其贏縮節其出入

清集卷七

一五

以齊天下之政阜天下之民於此焉基以公之才之德固所優爲者也矧二三君子同心體國亮采惠疇則澤被天下當何如哉抑又聞之部院之長南北均焉爾矣然密勿謀謨北地爲要聖天子潤色洪業爰思舊臣行且召公等入矣則夫二三君子日夕侍從論思吁俞一德其爲天下之澤又不有大焉者乎易曰雲從龍韓子曰旣曰龍雲從之矣昔在周宣勵志中興乃惟左右勞亞贊襄奔走故其詩曰文武吉甫萬邦爲憲又曰侯誰在矣張仲孝友又曰袞職有闕惟仲山甫補之是以光闡當時聲延後世如公輩

者非其儔耶異時勳名日茂則所以掄揚盛美以續  
六月烝民之雅信昭代之壯觀也恩雖不敏竊傾耳  
聽焉

### 壽胡隱齋序

嘉靖某歲孟冬某日隱齋胡君壽七十之辰君從子  
子因爲時彥士邑之人士交子因者咸爲其叔父君  
壽登堂具觴焉郁君后齋來問序于余余與子因有  
一日之雅故不得而辭夫洪範五福惟壽爲先而富  
次之康寧次之是故耄耋期頤人所難致者也隱齋  
君幼個儻不羈好局博之戲耳目聲色之娛夙抱疾

清集卷七

十六

疾既而易節殊行儉欲去病日就康強迺今漸躋上  
壽人尤以爲難余嘗謂壽者稟于天合于地會諸時  
而成乎已者也四者參互相得而始能壽固不易哉  
今夫人之形色肖象與天相流通天有寒暑災祥之  
偏人有脩短得喪之異雜揉紛紜莫可窮詰按天文  
圖籍西宮咸池之次有大星焉曰南極老人所指之  
國人多壽考邇聞術者傳言極星介吳越間夫上海  
舊屬會稽固其地也故曰隱齋君之壽得諸天矣傳  
稱蓬萊方丈瀛洲三神山者在渤海中去人不遠其  
物禽草木白而黃金銀爲宮闕諸仙人及不死之

清集卷七

一七

管在焉吾邑瀕海東望神山恍焉在目川原之所匯  
聚風氣之所融結延有龐眉耆耆之老出于其間鍾  
靈毓秀未嘗乏絕豈形勝端使然乎故曰隱齋君之  
壽得諸地矣稽古兵荒之世民多夭閼不盡其天年  
是故亂國之日促化國日舒明興百八十年來厚澤  
深仁淪浹寰宇會 今上恭已愛人玄默思道太和  
元氣薰蒸滲漉登天下于仁壽之域此其日哉故曰  
隱齋君之壽會諸時矣隱齋君治生祖白圭薄飲食  
節服用居積趨時條致千金家以饒裕晏子有云夫  
人生厚而用利於是乎正德以幅之謂之幅利言人  
情須節以正其德亦由布帛須幅以成其度君知富  
溢之易奢逸欲之難極制外樂禁內情以歸諸節文  
體平氣和迺基長壽則所以成諸已者又有繇矣昔  
者蘧伯玉年五十而知四十九年之非君子不徒貴  
無過貴知過以改日徙善也君自茲伊始益以禮義  
自坊絕紛華去健美平物我德自我立命自我凝壽  
其有既乎哉詩曰樂只君子令德壽豈言以和易成  
德以德益壽也子因聞之曰善哉言乎可以壽吾叔  
矣余以父永言保之以綏後祿斯語是徵固家乘  
以歸之爲壽觴之藉焉

贈張蓉江掌教序

在昔聖王建國爰置膠庠以貞訓典以造人士才賢  
宜作治理乃隆我明之興監于往古學校連于郡邑  
青衿習乎絃誦環瑋碩博之才俊大光明之業由此  
其選也法久而敝師徒瞻職帶字輟聲文溺于華行  
浮其實淫縱破義卒以罔功識者蓋憂之矣嘉靖以  
來 聖天子作而新之推明道要標示準極且慎擇  
師儒用端教本吾邑蓉江張子以歲貢生實應斯求  
羣試于 廷克膺首選乃擢河南磁州學正張子稟  
懇愿之資抱純正之學茲行也磁之多士有不翁如

清集卷七

一六

以應者乎夫教人者未有不慎其習者也求慎習者  
未有不先其本者也鼓篋孫志朝絃暮歌則詩書禮  
樂之教可行已崇正善的后文先行則孝友敦睦之  
化可成已靜以平躁和以釋爭則浮競之風可革已  
去華以反質黜奇以遵道則大雅之文可還已上達  
天常下稽地理中順物情則亮采之功可列已如是  
而磁之多士有不逮于前聞者乎崑崙之巔有水焉  
沛而為河洑見靡常放乎四海何則濬其原也土猶  
水也導之斯從靡不丕應教人者蓋亦惟本是務乎  
本端而風化斯興隆古之治可幾矣詩曰淑人君子

四國此之謂也

送喬燕泉赴河東序

余同年友燕泉先生明敏果毅始為御史飭法新度  
矢決風行竟左遷時論惜之矣既而擢貳廣信又能  
勤于其官頌聲大作嘉靖丙申春有河東之命時論  
又惜之會余蒞官西越入其境聞之士若民僉曰公  
之吏我邦也政平惠流郡以寧輯厥方安如也迺今  
有斯擢乎玉山令陸子珣曰公才備矣廉而且明使  
陟華秉要敷化而弘武民其康哉夫鹽之政一焉耳

清集卷七

一七

不拘且簡乎其何解于人士之言以問潘子潘子曰  
位有崇卑地有險要者設官之體也出入無恒盡職  
無方者人臣之誼也解池之產國用在焉今邊備所  
需孰有大于斯者乎其弊也孰有甚于斯者乎逋欠  
積而丁役散亡勢隨行而商人告困胥吏販夫相緣  
為奸不繩則弛過繩則亂又利淵泉數也稍涉嫌疑  
卽物論易與匪廉匪明者胡以濟之先生之擢銓衡  
者其知之審矣且夫盤錯利用者之謂才隨時善立  
者之謂業百折不回者之謂氣險夷如一者之謂量  
磨涅而不磷經者之謂節是故金以愈鍊而美珠以

不滯爲珍先生樹立勲名日茲起矣陸子曰微子言  
罔以解惑遂請余序以贈先生先生得之喜曰潘子  
知余哉乃束書戒行翩翩如晉

壽奚月松序

俞子國華來言奚月松之善也謂里中耆老莫並焉  
月松外樸中愿築室龍浦之濱植松于庭居常婆娑  
其下或竟日不捨去清宵月朗素魄橫柯則詠歌長  
嘯情致幽遠號月松君云余未嘗與月松交交其子  
德良德良淳謹和厚人也以明經著聲庠校中蓋積  
學待沽者詎非若翁之教然邪國華又曰今年秋七

潘集卷七

三

月惟月松君壽七十之辰邑諸人士與德良友善者  
咸欲稱觴爲月松君壽賦詩成什因屬序於余余聞  
謙虛者益侈滿無終華飾易凋堅貞則久天道人事  
一焉爾矣不觀之月乎望朔之迭運也晦明之交嬗  
也循環而無端方其晦也三日誕生七日而弦又七  
日而望圓景輝輝周徧區宇殆其盈也虧斯繼之是  
非虛者益而滿則損邪又不觀之草木乎桃李春華  
未幾消歇梧桐早發望秋先零惟松柏之有心也歷  
冰雪而愈妍貫四時而不改是非堅貞者又華飾易  
凋邪夫海上萬家之邑閭閻之夫弟良雜言率以

利相高馳心紛華之域而力爭刀錐之末者衆矣其  
泰焉者則又日事恣淫擊鮮飲醇彈絲吹竹綺麗與  
馬之飾眩耀見聞越禮亡度極矣余竊閔焉月松君  
市隱而松游乃獨能異流俗處羣而不亂適利而不  
貪居約而不溷其迹遇泰而不侈於情其盈虛之理  
得之於月貞堅之守得之於松若是而有享其壽  
者乎易曰視履考祥其旋元吉君子之行已也進而  
知返高而能下則所履者善矣是以自天祐之吉無  
不利月松君自茲伊始益慎厥終則其膺難老之慶  
裕昌後之福永荷天錫之休以貽桑榆之光寵者安

潘集卷七

一五

有既哉初度之晨冠裳駢集綺席高張詩篇聯軸文  
采爛如也酒行被之聲歌引宮汎徵律呂相宣洋洋  
其盈耳乎爾時賓主盡驩樂將闌亂以古詩言詞而  
進曰樂只君子遐不作壽如月之恒如松之茂

送劉平嵩視學河南序

明興敷求懿德肆于時夏諸府州縣各建學立師誕  
育人才繼而法制日詳迺設憲臣巡督歲視同德校  
文才賢輩出于茲爲盛正德以後辭人好奇文體解  
散甚而毀觚易園以超悟徑約爲高以讀書窮理爲  
拙脂韋下進四首微名離棄本真俗尚浮詭我聖

天子作而新之雅志復古開陳心學勒示膠庠然流俗之惰慢未易更也有巡視之責者能無世道之憂矣乎嘉靖丙申歲平嵩劉先生以廣西按察僉事推河南提學副使潘子作而言曰嗟夫習之美惡徵諸化化之隆替存乎風風之感應繫乎望望之淺深木諸德若先生者有不能化于河洛者乎先生始以進士擢登諫垣凡所陳說根極仁義士論歸之後以言事左遷歷官郎署涵養益深聲聞益廣是故蘊而爲德和而不流介而無傲金純玉粹君子之道也發之爲辭去華返質黜奇崇正龍潛虎變大人之文也積

潘集卷七

一

而爲望近悅遠慕高山景行一時之冠也若是而有不能化河洛者乎夫鳴陰之鶴鮮有不和順風而呼聲非加疾其勢則然也先生負經綸之業隆素養之聲階鶴鳴之資以乘風順之勢有不能行焉者寡矣予德弗類且名素卑雖竊有志而未能行之于廣西故于先生之往不無感于中適同官諸大夫屬予序爲贈迺書此以俟徵諸他日且以自勵焉

廣西鄉試錄後序

擬作

嗟爾多士知今日之所以舉汝者乎知所以錄汝姓氏若文者乎繫昔聞人隱居求道謹之箴什不憚于

辭迺服在寮永祗一心以成不德若伊尹欲致君舜一夫不獲則曰時子之辜卒底厥功豈其空言侈名無所於用哉是故子曰事君先資其言拜自獻其身以成其信今觀爾多士之文于論學黜虛以敦實比物以取中簡而易循要而易行也有顏孟之則焉于論治尊美屏惡崇禮後刑飭法經政以昭民極有墳典之思焉于言志揆事罔易其方慮變不失于度有伐檀之節焉執物明儉上德體仁介而不傷和不淫直而不敖有羔羊之貞焉時止時行時明時晦有龍德之中焉夫顏孟學之宗也黃虞治之的也中

潘集卷七

一

者言其所折衷也貞者言其所以正也節者言其所以操也君子慎斯以往可貴可賤可富可貧可生可殺不忘其素以成其身信莫大焉詩不云乎淑人君子心如結兮信也士也罔極二三其德言否也是故爾多士慎之若毀信廢忠黷利渝志棄厥舊學而惟身之圖則今之所錄其自銜自媒之具焉爾夫自銜自媒人斯賤之矣是罔極之行也

贈徐潤之序

國家疆理天下建置諸藩旣立之伯以敷政達化復設其屬佐之譬如爲室柱石棟梁旣隆厥任而櫨棧

據題茨墜丹腰各效其能亦所不廢是故小大相承  
異位同體所以盛使令備奔走鳩力以成治者也萬  
全徐潤之以太學生授廣西布政司都事于時左使  
五溪萬公右使松泉夏公同心體國條節盈縮要會  
出入端本釐政百度咸宜罔或失墜時潤之有任使  
之勞焉二公稱之曰勤且敬共朝夕罔敢或渝二公  
稱之曰慎予嘗論世之仕者不憂其乏才也惟勤厥  
職之難不患弗敏也而惟弗慎之患是故理紛糾者  
存乎才辨幾宜者存乎敏所以成其才敏者存乎勤  
守貞以成其勤者存乎慎弗勤則荒荒則于職也廢  
才敏奚施如是而欲舉其任未之有也弗慎則肆肆  
則無所不至日皇皇焉而惟身之圖如是而欲舉其  
任亦未有之也潤之盡是二者于今日之職有弗稱  
焉者乎慎斯以往而無所失焉則隨其所履職有弗  
稱者乎詩云靡不有初鮮克有終言終之不易保也  
潤之勉乎哉潤之六載考績當行其同官諸寮咸來  
謁子乞予文以張之二公復謂子曰徐生可教子故  
不得而辭廼告以保終之道且風居者焉

贈王子明序

定興王子明才敏而達筮仕廣西無何以公事北上

潘集卷七

三

且便道省其仲父南臯公于留都辭于問政余曰爾  
惟求之學已乎問學曰惟求之身已乎未達曰政以  
問學爲先學以成身爲大爾惟敏矣無躁于爲惟其  
靜爾惟達矣無眩于華惟其實靜以居之實以行之  
斯德崇而業廣矣請益曰爾惟求之志已乎君子不  
患學之未脩患志之弗立志之弗立欲從事于學焉  
猶却行而求及前也不觀燕人之適越者乎必志于  
越而後力行以求至斯越可幾矣是故志也者所由  
以適于道者也志立矣以之脩已則德崇以之行政  
則業廣我聞南臯公者以碩德元望進位司空固政  
學之宗也歸而求之有餘師矣余亦何言

一

送周白溪之福建序

白溪周公之爲貴州左使也左遷廣西按察使大夫  
士聞之咸驚詫不平公獨曰人負官耳官其負予也  
與哉居無何復擢爲福建右使人咸爲之賀公又歎  
然弗居也曰吾盡吾職焉爾不以進止而徇時吾量  
吾力焉爾不以毀譽爲加損斯非有以自勝于中者  
能之乎于時同官諸大夫重公之行乞言爲贈恩辱  
公知愛最深且久故不得而辭公起家進士歷刑部  
郎中行脩職舉已有赫赫名擢僉河南憲事某時定



鈞爲公屬吏得公之政公振綱肅紀大事斧決小細川蓄禁不用刑勸不用賞民懷吏畏令聞益章章者明矣旣而擢副憲擢參藩又擢廣東按察使擢雲南右使晉貴州左使至今官數歷益久德望益隆是故溫而栗簡而毅介而能容莫窺涯涘可以觀其德焉事無留跡獄無滯囚經紀因革商度利害無不中成敗可以觀其材焉不矯情以釣名不違道以干進可以觀其識焉時有利鈍名有顯晦揚之不加而抑之不沮可以觀其量焉是非深有得于己者吾未見其能然也夫得于己者深是故世之我庸弗之喜人不

潘集卷七

一五

已知弗之戚矣是故爲郎爲臬爲藩罔弗稱矣是故于洛于瀕于貴于廣于閩罔弗宜矣夫往者來之跡也政者心之用也公他日進陟端揆典司樞要又不爲名卿相矣乎彼沾沾競于勢利以失得重輕衡于心欲大有樹立者難矣詩曰左之左之無不宜之右之右之無不有之維其有之是以似之公之謂哉

贈龍雲東參政序

雲東龍大夫以昭州守擢府江兵憲歷茲土者凡九年天子嘉其績乃陟浙之叅藩府江難地也浙善藩也或以大夫爲喜潘子曰其不然乎其不然乎夫

君子之仕斯以行道非爲其身私利而已是故不以難而阻其志懾不以易而喜其氣盈矧浙有未易者乎方今天下風俗奢財用匱吏多失職民不樂生爲叅藩者將不能晏然已也或曰大夫未優於此耶曰優矣吾嘗聞其素筮仕于祁振窮恤乏布惠宣慈政以和壹子繼其後成法是守得其休養之仁焉繼遷廣德洞悉物隱旁燭冤幽遏惡揚善境以大治吾聞其明察之義焉再登郎署執德不回淑問明刑弗愆于度予時爲同官得其欽恤之懿焉其守昭州也撫夷又民克威克愛抱鼓不起聞其救寧之略焉旣而

潘集卷七

一五

秉憲茲方益宏乃績民束于馭官範其程遐邇順風政罔闕遏得其貞度之烈焉夫殊地而同功異政而均效者其材全也詩曰維其有之是以似之此之謂與或曰然則大夫有本乎曰有本矣予嘗與大夫論學其言曰君子之學合道與器而一之者也學以聚之問以辨之思以精之而后達之於行斯沛然矣世之務明心見性謂爲自得者不亦頗乎夫其學也正其動也中其用也時若大夫者達諸天下可也奚有于叅藩哉時同寅諸君子聞之咸曰子言有徵矣以

贈大夫大夫曰請無忘吾子之言迺再拜而別

送汪西潭序

書紀唐虞之際三載考績三考黜陟幽明敷奏以言明試以功車服以庸綜覈登進之典何其詳哉後世考課之法厥義蓋昉諸此始未嘗不飭厲末稍靡玩也百司庶府率以尺籍具文所錄功最多襲冒虛辭以相眩耀銓司所低昂上下者孰從而徵之是故不能不稽諸聽聞所聞見失真或又以名掩實進浮華長虛競斯其所蔽也君子不以人易欺也而徇名不以莫我知也而廢實然而實之懋者卒亦表暴于時

潘集卷七

一

要之公論有不可誣者云汪大夫之僉廣西憲事也巡視蒼梧者幾二載以歲事如京師者逾年署總憲暨兵備府江者咸再閱月所至審興革問瘡痍甦困苦鋤強暴恤刑獄視城垣閱兵甲往往勞動著聞其在蒼梧者尤章顯矣大夫嘗謂余曰茲土之氓困於苗夷者無寧歲今以召募之卒分戍諸堡糜廩食無益攻守非計無已則復屯土兵之法乎其陳度利害繫繫若貫珠罔不見情實當成敗夫鷲鳥之所能擊者迅其羽也芒刃之所能入無間者淬厥鋒也以大夫之才之績遲以歲月所樹立千時者又惡可勝道

迺今以考績行矣昔人之論治必曰久任夫久任而后賢人君子得殫其才以成厥志也余近時睹聞則又異其郡縣之吏未滿一考輒以小勞遷去夫銓曹拔擢激揚之術非余所知然揆之於古失本約矣矧大夫名實久著者又惡能爲西土留耶夫古之黜陟以三考雖若迂緩過遲然仕者必如此而后有以定其志以安其民今之數遷若敏且速矣賢人君子往往無以盡其才以究其安民之政二者其奚取焉大夫之行也同寅諸君子屬余以言余故論而敘之蓋重惜西人之無以留大夫云爾

潘集卷七

三

張筠菴壽序

吾邑筠菴張君者性雅靚好竹植竹環庭日詠歌其下迺號筠菴嘉靖某歲壽六十之辰其子允治將稱觴壽翁造筮江子請序焉筮江子問曰若翁好竹請以竹壽可乎維彼蓬山有浮筠之幹葉青莖紫子如大珠鸞鳥翔集砂礫披紛烟雲異狀迺有羣仙羽流往來容與風至竹翻聲如鐘磬之音於是貞夫逸士墨客騷人若王子猷之倫卜築考槃嘯詠終日短詠長歌楚調唐律冥合玄微調蒼風月蓋非獨娛身目資暇日而已此天下之至適也可以壽乎曰清虛之

系竹材未足壽也曰大夏之西沉淪之陰是謂  
嶺谷籠鐘簾簾倚攢立春雨拂平枝端秋潦漱其  
下此夏則烈日炎飈之所激也冬則朔風飛霰寒氣  
之所肅也是以三年爲竿六歲成町乃使操斤之士  
入山取之節解支斷審短絜長伶倫命律變師協呂  
列于階序八音並舉爛漫紛葩中曲赴會急如水流  
飄若鴻驚洞心貫耳釋躁解醒此音樂之要眇天下  
之至娛也可以壽乎曰耳目之娛樂盈斯反未足壽  
也曰聞之傳記東南之美有會稽之竹箭焉下則根  
莖鬱抑輪囷莫測上則直節勁條干霄特起或刻矢

潘集卷二

三

以張弧或殺青而作簡繇是文武之士各擅厥良舍  
毫繇逸彎弓凌厲抽緒綴詞伸臂滿紙穿楊飲石命  
侯如樹此天下之絕藝垂世之光烈也可以壽乎曰  
藝成而下君子卑之願進其說曰詩稱葉竹易美蒼  
筵謂竹之有筠不改柯易葉故君子比德焉惻惻  
無華宛如籜葉之靚貧賤不移齊彼歲寒之節守貞  
履道獨立介如同符其外直先人後己秉心謙抑有  
類乎中虛是衆美備之一身令聞昭于罔替者也是  
不可以壽乎曰此吾父之日兢兢焉而未能也曰余  
又聞之福必斲于戩穀壽莫永于錫類高岡之地叢

竹旅生承雨露于天際凌雲  
秀琅玕垂實於是朝陽之鳳就食于茲文木耀于雲  
日和聲薄于霄壤此希世之珍文明之瑞子是之圖  
固不朽之業也是不在子歟張子迴避席言曰某不  
敏幸子言之辱庶幾日懋不朽是圖遂書以歸之爲  
其翁壽

筆沙卷序

龍浦襟帶邑治爲海上之勝其在東南風氣崇鬱潮  
汐奔駛積而成沙若筆架然尤茲方之勝鍾靈蓄異  
越有歲年陰陽家者流迺以筆架山爲文科兆其說

潘集卷七

三十一

所從來遠矣文學康子厥居近焉迺以筆沙自號術  
者曰山澤偏英闡於旣盈子也當之康子幼而績學  
長而名立年四十而筑筑未之遇也潘子廣其志曰  
君子所謂文者豈顯顯於勢位利權已乎亦曰勤其  
德業而顯晦升沉通塞得喪俟夫時而已矣是故守  
貞秉義履道飭躬介然不撓蓋取諸筆敦仁累厚長  
善崇德不邇於薄蓋取諸沙時我庸也尊主毗民宏  
經綸之績時弗之庸也脩身俟命增丘壑之光斯謂  
文之至也彼役役於利祿富貴云者不亦末乎大司  
馬甬川張公序贈康子以白沙陳公相期勉夫白沙

當代名儒學士大夫迄今推重焉若此者勢邪道邪  
善學者當知所決擇矣吾子其圖焉康子來請余序  
余廣尚書公之意如此

潘筮江先生集卷之七

潘筮江先生集卷之七

三

潘筮江先生集卷之八

序

賀奚敬齋封給諫序

嘉靖十有五年冬十一月 聖天子篤生元嗣誕敷  
恩典凡京官未滿一考暨在外諸司七品以上官歷  
三年無過者舉獲推恩所生于時奚子遂卿方以吉  
少養于藝林未獲登厥職同館者合詞陳情于朝吏  
部議以諸吉士久勤勞館中幸會盛典請假授職日  
得如例推恩所生各以其官 制曰可越數月遂卿  
授禮科給事中父敬齋先生適得封如其子之官蓋  
持恩也邑之士大夫咸為敬齋君賀而子恩序之其  
言曰是舉也見天人交與之誼焉見 皇上體臣之  
周焉見敬齋義方之教焉見遂卿移孝之忠焉奚氏  
之先曰樂善東雲翁者咸有隱德行義聞于時逮我  
敬齋益隆先緒孝親睦鄰敦本尚實故賔于鄉者三  
世弗替猗其盛矣夫德懋則流光遠本固則枝葉繁  
是宜天降之禧子孫振振而福祿靡艾也故曰見天  
人交與之誼焉大哉 聖孝篤因心之倫廓股肱之  
愛推其禮以及乎臣賢其子而顯其親廣矣大矣如  
天之覆如地之載矣如日月之無不照臨矣故曰見

體臣之周焉吾聞敬齋君者克訓厥子發跡賢科  
聲諫議勲名之立曷其有涯詩曰教誨爾子式穀似  
之此之謂也故曰見義方之教焉夫身也者親之枝  
也學以致道道以立身立身以事君陳說宣其惻誠  
司政效其智力竭匪躬于當時熙洪號于來世凡所  
以成其親者遂卿優爲之矣故曰見移孝之忠焉恩  
舉癸未進士越十有四載以廣西按察僉事家君願  
菴先生始與例獲封得從大夫之後方私心自喜以  
爲不偶之逢故於敬齋君之賀也益愕異歎嗟多忻  
幸之詞切報稱之願致交昂之忱言有盡而情無已

潘集卷八

也遂卿子聞之不以予爲同心之言也哉

邑丞丁君臺獎序

明興綜理宇內畫野分疆以爲郡縣建長置貳設叅  
縣有令矣丞復貳之所以佐令毗化贊國家育養黎  
元也職卑匪崇然責親民最要且重苟非其人遺虐  
百里是故天子遣轡車之使攢轡巡行問民疾苦  
糾察非法長賢絀不肖其德惠遠矣豐城丁君丞上  
海之三載侍御泉州陳公廉其賢下有司若曰丁丞  
守慎不變政簡宜民其行學師生具儀獎勵以昭國  
家禮勸之意有司舉行如典士庶咸嘆丁君之才克

受上知而侍御明以得人也耆民某某遺予乞言贈  
君子惟爲丞之道無他在獲上而已矣獲上之道無  
他在得民而已矣丁君寬厚簡靜政務不舉民用悅  
和以受上知可不謂才乎予曩時讀郡志至職官考  
未嘗不廢書嘆也上海自置邑以來歷年幾何爲丞  
幾何乃勝國前則有克自樹立書于名宦傳者矣明  
興後寥絕無聞何也豈丞職卑紀事者弗之錄耶無  
亦以其自諉於薄容容徇祿無以表見于時也昔人  
有云永其負余耳余負丞哉此憤世嫉俗之言非至  
當語也程子曰一命之士苟存心愛物於人必有濟

潘集卷八

一三

丞何負於人哉丞親民之官也丁君職水利水利之  
於民又至要也吾邑古稱澤國百川委輸注于海潮  
汐靡常沮洳之所病于恒雨厥地高亢水莫之繼又  
病恒暘數歲田穀不登財用日匱今年秋水海水爲災  
決鬻隄防浸灌阡陌民病昏墊往代水利事遣官置  
堰開治田園歲無虛日邇來則希闊不講若之何也  
丁君嘗語余曰邑西水鄉荒穢不治必也人用民力  
增立田圩一勞永逸庶乎可濟爾惜其職薄而莫之  
行也夫其志若此使毅然以行又安有不遂志者哉  
如是則循良之譽當自君始其與臺獎之榮孰爲多

者丁君勉乎哉

刻政訓序

政訓之輯惠安彭公韶總蜀憲時刻也公爲時名臣今觀其序辭寄嘆助奢言慤指遠嘉靖庚子歲平川陸子時雍以僉憲至旣禮慕其爲人復慨時政乃廣公語意再刻梓傳焉書來問敘于恩恩曰是亦可以傳矣刻之者其有憂乎夫政者正也匪身之正胡以正人是編皆聖賢傳心之學先達已試之方其言若行雖人人殊而要之指歸罔不由已之正以施于政者也匪正是訓于何其訓故曰是可以傳舉其要且

清集卷八

一四

切可拯時弊者則莫如真西山諭屬數語其曰四事律已以廉撫民以仁存心以公蒞事以勤皆所以言正已者也其曰去十害斷獄不公聽訟不審淹延囚繫慘酷用刑汎濫追呼招引告訐重疊催稅科罰取財縱吏下鄉低價買物所以言正已以施之政者也不先四事不能去十害不去十害而曰我能爲政者末矣世有長民之吏偃然肆於民上內恣怙德外事彌縫行賄賂樹私交宣巧佞徵頌考碑驟遷橫調儼取華顯固今日賊民之尤者奚啻助奢已也無亦謂人莫予知也乎哉抑謂人知之而冥頑不顧也詩曰

爲鬼爲蜮則不可得有覲面目視人罔極夫夫也將何解於詩之云安得懸鐸于遠鳴鼓于庭日誦是編使之聞之也故曰刻政訓者其有憂乎

別蔣道林序

今上御極十有九年爲嘉靖庚子上方嚮意人材遴選儒碩視四方學政于時道林蔣子以四川僉事擢貴州副使往焉瀕行謂余曰何以贈我余曰吾聞之也君子之學惟脩己之急而非治人之患其教匪藝文是上而惟興行之難我國家建置列省爰設膠庠後以憲臣巡督歲視菁莪棧樸之化洽于區宇繇

清集卷八

一五

宣德正統來督學著聞者余不暇悉省記如文清薛公之在山東親率諸生陳說經史不事楚夏人咸稱曰薛夫子其興起道學之功爲多陳公士賢在南畿徧歷郡縣止宿學宮默然端坐令諸生講小學習禮時亦翕然從化若虎谷王公遠菴楊公相繼于陝則又振揚風紀廣厲學官故其造就人士之功亦足稱焉大玉楊二先生以嚴治薛陳二先生則以寬服人其體局殊矣要之名實章章表異者則人咸曰文清云此何以言之蓋其省身克己之功旣至而更化作人之效加顯也蔣子奮起湖南進升太學從甘泉湛

先生游講明理要其超悟妙解又多自得不滯于言文字間凡同志之彥無不心傾退讓蔣子者故道林子之名日聞天下茲行也貴陽之士不其幸乎貴居國南偏去京師絕遠異時地多尚武邇來則彬彬文學縉紳接踵鄰於上邦鄉舉舊列滇南茲又增加解額俾專設科固蒸變向極之會也夫英光函蓄憑時而震發者未有不待逢其會者也故天時與人事寔相表裏子之往也乘可爲之機審先後之教酌寬嚴之中端本善則明道正誼于以培植豐芑爲國龍光則與昔賢乎何讓貴陽多士不亦有攸賴乎哉

清集卷一

一六

余往年視學廣右亦恒以作人爲志顧德弗類勞而鮮功由今憶之不無疚于衷若子者吾知其進于是矣子其勉哉間余謂蔣子曰何以處我蔣子曰吾聞之也君子之學精義入神以致用也利用安身以崇德也故不怨天尤人日躋躋焉耳矣時余有歸志蔣子又曰子不云乎果哉末之難矣余聞之憮然起謝廼相與再拜而別

撫治錄序

撫治備遺錄獅山柯先生任重夔兵憲刻也重夔作蜀襟喉乃稱要地北包隴漢東聯荆楚南接貴竹土

夷酋長糾紛于外巖險翳營盤據于內是故其俗橫悍易相扇亂數盜哨兇號爲難理國家置憲臣開府于達控制施州諸衛振揚戎兵警服夷落名曰撫治何言乎撫治也緩之則弛急之乃亂蓋恩法兼施之謂是故稱任爲難歲戊戌先生蒞茲土按牒考圖絜綱舉目補殘興廢仁義是程經權互用凡區畫夷事條列邊防不棘不絛動中縈會遐邇咸治矣且崇思政本以張益州平糴法爲保蜀完策劑量損益關白施行語詳具錄中越三載當代考稽案牘日遂遺忘廼刪輯要凡錢梓以傳爲若干首其星軺所指發之

清集卷一

一七

詠歌闡暢土風咨諏人隱均與政關故亦錄附焉夫達人並觀君子恥獨在昔子文爲楚令尹凡其舊政必告諸代來者夫子與其忠若先生用心公而且博揆之子文殆又過焉詎不謂難哉後之遐想流風徵睹舊貫師師相長則是編者固鏡觀之典要也時余分守川東辱先生交成之益爲最而久樂斯錄之就也僭附以言

永思訓辭序

余思古今篤行士愛厥子者類有訓言以章志淑教然子之服習弗勒卒過佚前休其之有聞于世乎



其悖也約齋劉先生初舉進士父東樓翁致書京邸其論承上接下持已處衆之道亶亶千言而克拘一語尤作德之方聖學爲仁之要也翁之所養于是可知先生奉以周旋越二十餘年罔有攸歟是故始任秋曹再遷文部繼而歷叅藩晉掌憲所至有赫赫名要之得於訓辭者不誣矣先生言曰勲德弗類祇承先子教言恐斯夕失墜故思表章以永厥傳此其志何嘗一日忘父母耶書曰若考作室既底法厥子乃弗肯堂矧肯構厥父苗厥子乃弗肯播矧肯穫夫底法苗田父之慈也弗堂弗構弗播弗穫其諸謂之何

清集卷八

一八

是故孝莫大於成身成身以顯其親以垂厥後保業亢宗永受多祉何懼乎湮沒而無聞人亦有言孝爲德本本立則道之生也孰禦詩云孝子不匱永錫爾類言道生也

送侯三峯總憲序

皇朝稽古立極建置列省康乂兆民內設司寇掌邦刑御史臺振揚風紀外立按察以兼之按察使理一方刑獄故以提刑名又甄別淑慝糾正官邪持一方風紀故以觀察爲義厥任不要且重哉予曩時爲刑曹郎吏覽觀天下所上殊死囚歲終比其數以質於

朝者悉不下數百人因思遠方遐邑民之死於桎梏笞箠又不可勝紀則未嘗不愾焉興嘆也嗟夫我明仁厚開國列聖相承百八十年來涵濡煦育不啻如春融天覆而刑獄未措若此豈郡邑有司所以化導民者弗至與抑長吏督察於上開略鮮倫教飭之亡素也長吏如憲使則又總持風紀糾察非法以端齊政本施諸民庶者也不能期於無刑迺日斷斷于簿書法律間以是爲盡心焉未矣嘉靖歲辛丑三峯侯大夫以四川叅藩擢廣東憲使東廣遼遼之邦也地產珠璣珍異毛革角齒之材竹木果布之湊海饒

清集卷八

一九

魚鹽貨利可爲樂土邇聞凋落漸異曩時瓊崖諸黎恃險作寇猖獗夷獠與民雜居往往阻化繹騷豪家大姓間以財雄役屬貧弱侵牟罔忌山谷愚民則多以無知冒抵法禁百司小吏謂遐阻弗樂於官至則奸美利自營以故奉職苟且政化不興欲民夷弗犯於有司固已難矣噫風之敝也可無變乎大夫秉心直諒識治遠微嘗爲司寇郎矣民以不寃嘗典郡守矣以廉平章顯嘗副臬憲于南贛矣單車詣賊山峴諸酋感泣悔過方上教寧茲行也以施於郎署者不淑問詳明則刑獄無不平矣以行於守郡者而貞

立度則人利無不興矣以效于韓南者而經略圖惟則土夷不足患矣必也辨臧否慎舉刺端教化刑期無刑以贊成熙代平康之治爲天下先茲希有之功而名世之業也大夫其往哉大夫將行藩臬諸公故事有言贈左使松洲柴公屬筆於予松洲嘗總憲茲省知廣中事爲詳授予指廼予次第其語序之

重刻洞庭集序

歲壬寅杪秋余繇蜀東下道巴陵登岳陽城樓覽洞庭之勝也時百川滙注巨浸浮空清風南來水波不興返照烟霧輝映羣雉白雲拂檻君山若槎四顧後

清集卷八

十一

茫邈乎有遐古之思會余同年友陸明府簣齋在坐出舊集示余且謂余曰斯刻已漫漶不可讀余將僭爲詮次上遡晉唐迄我明弘治爲斷刻傳焉正德嘉靖來諸作俟後君子裁定若之何余然陸子言陸子廼屬余敘余惟楚九江七澤稱雄天下舊矣形勝瑋環浩淼泓演奇蹤秘蹟莫可勝原固圖牒所侈言藝文者所綜思也昔在騷人貞士流寓騷懷往往抉摘搜羅攬寄情神闡揚靈秀言人人殊以故文辭爛然可觀記矣然商舉大略不出憂樂二端處順者樂居逆者憂樂者其志愉憂者其志鬱樂者其辭平憂者

其辭險平易淫故多失貞險易傷故多乖則蓋情繇境移言以情異失得之致可攬而窺善乎宋范公文正之言曰古仁人之心不以物喜不以己悲居廟堂之高則憂其民處江湖之遠則憂其君又曰先天下之憂而憂後天下之樂而樂微斯人吾誰與歸夫愛以天下則不已悲樂以天下則不物喜不已悲不物喜則無傷淫故其文可傳持文正公之言差等作者其辭之協於是者其正可知也其辭之詭於是者其否可知也其正者可傳其否者不皆可傳可知也緣情上論爰定折衷則雖古今寥隔取棄殊塗詎易斯

清集卷八

十二

軌乎陸子夙抱希文之心長通溫厚之教其賞識必精選評必當以是刻而傳焉雖與茲湖山同永可也余良短於文顧私心嚮慕其成且願附名斯籍遂論敘歸之

壽楊太淑人序

嘉靖癸未春恩舉禮部時受知方城先生楊公知公毋夫人之賢也後二十年壬寅冬予以職事蒞東萊會掖縣龐令持先生書至自固安予諗公起居知公毋夫人之賢益詳又知明年癸卯春三月爲夫人壽八袞之辰公暨伯兄湖臯先生皆以博學宏才舉進

士及第公辛巳第一湖臯丙戌第二時公敷歷中外以太僕卿致政歸湖臯進位 宮寮皆柱石之材公輔之望也時母以先生貴封太淑人云夫坤道以成乾爲德其功之大者在生物今夫國家所須爲理緊在才賢所以長育作成則天下之賢父若母也嘗觀天下之人母賢而且壽者蓋鮮賢矣壽矣或其子不顯榮顯榮矣伯仲或不能相繼美若夫聯跡危科頡頏藝苑爲時名臣福及壽母固數百年所未有者也母以間值之英備閨闈之懿秉熙洽之運生賢體國錫類無窮則其受綸綍之榮被冠服之華享難老之

清集卷八

十一

慶益隆上天之孚佑再荷 明廷之寵光以極生人之樂者又安有涯哉思出方城公門下辱知愛最深謀所以壽夫人末之由也迺卜延壽之易得同人之旅其繇曰鳳凰在左麒麟在右仁聖相遇伊呂集聚時無殃各福爲我母再卜得需之坤繇曰溫山松柏常茂不落鸞鳳所庇得其歡樂 今天子在上側席思賢毗贊元化可謂仁聖相遇伊呂集聚公之伯仲氏其庶幾焉福爲我母夫人以之松柏鸞鳳得其歡樂厥亦維母之祥神告之矣於是擬爲太淑人壽祝曰母氏永貞有如坤之策數

柳塘李翁輓詩序

任子讀漢史至范蔚宗傳逸民未嘗不喟然嘆也曰異哉所聞繫古達人致身青雲建功宇宙垂光竹帛歷有古然彼閭閻之匹夫一旦行義有聞輒就詮次與之等埒吁何異也載觀曾子原憲之流潛心聖學環堵而處曳屨而歌聲滿天地跡其自得夫豈待勢位而榮組綬而貴者哉然後知曄之著述未爲過也四明棟塘李翁戰德隱耀壯遊齊魯燕趙之墟充然而返以詩酒自娛逃名泉石間若將終身暨其子侍御君位躋顯通迺清約自持無異疇昔故一時人士

清集卷八

十三

咸高其義殆古逸民之儔乎夫生榮死哀此輓辭所由作也若翁者其可傳矣矧有侍御之賢以似以續則翁之風烈引於來世者又惡可量哉詩曰孝子不置永錫爾類斯之謂也侍御君同余舉進士與余善因其詩也而論敘之

趙曲江太常八十壽序

曲江先生趙公少舉進士歷奉常卿以歸優游林壑者三十餘年先是癸巳冬壽七十余作九峯演說三詩以爲公壽今年癸卯公壽登八表形神完固視耄衰厥配潘夫人亦並壽僊美云夫壽之爲言

夫握之人受之其德厚者其壽延德之澤者反其公  
夫海百川灌注波濤瀾汗品物類生湯霞沃日萬里  
無際虛以畜之也今夫山崇岡巨嶺委蛇相屬金砂  
珠礫異木珍材函奇吐耀厚以載之也是可以觀所  
受矣彼棖勺之器水盈卽涸培塿之土貞幹不生所  
受異焉爾公年彌高養益粹量益宏絕人我去比鄰  
溟溟洋洋登於無朕渾渾淪淪歸於至直是可以觀  
公壽矣余以職事蒞齊東登蓬萊山閣也會弟惠使  
來言曰曲江公之壽鄉諸縉紳咸往賀其與公仲子  
姻也誼可後諸非兄文無以藉手余時觀海上諸山  
雲物變換隱隱鱗鱗若喬松勁柏鬱抑扶疎若離鳳  
翔鸞翻上下若羣仙羽士乘風駕烟遊戲容與古  
傳記所謂十洲三神山瓊樓丹室碧樹瑤枝琅玕玉  
禾諸物恍焉見之莫可殫狀厥亦惟公之祥公壽可  
量乎其將無算

山東鄉試錄序 擬作

嗟爾諸士若知今日之以文舉者乎夫文道之顯也  
記曰事君先資其言拜自獻其身以成其信夫言之  
經緯謂之文信之所成謂之道文而匪道誰其與之  
古之君子若臯陶稷契伊傅周召之爲臣程力效忠

清集卷一

十四

真

清集卷一

十五

后

指諸勲業彪炳彈著莫可企及今觀典謨訓誥諸篇  
卽一話一言必日見之行求底可績豈其虛中澤外  
空言無當者哉周末文勝學士大夫始有徒言者孔  
子憂之故其言曰文莫吾猶人也躬行君子則吾未  
之有得首系之易曰君子進德脩業忠信所以進德  
也脩辭立其誠所以居業也夫脩辭立誠以存忠信  
其爲道也何以尚焉孟子又後出時爲戰國距邪放  
淫陳說仁義載諸簡冊固諸士所誦法焉者也三代  
以降文與道裂治亦疊焉明興重道崇儒斥浮悖雅  
百八十年以來治功允成文盛斯極我 皇上膺曆  
統天圖先幾化洞契道真恐枝葉之勝而本實傷也  
親製敬一箴頒之寰宇勒石膠庠示求原本蓋上溯  
精一執中之傳而以古之英賢望天下士也諸士朝  
絃暮誦目玩心惟有所從事者乎昔人之贊孔  
子者曰祖述堯舜憲章文武厥後孟子亦宗之傳心  
之要無出於斯矣今爾諸士非孔孟之鄉後人乎景  
晞前哲能自得師亦曰遠宗孔孟之心學近守 皇  
上之訓言則於道也得其深矣傳曰登太山者小天  
下觀於海者難爲水夫太岱山之望也北海水之宗  
也孔子道之準也諸士產於茲土仰瞻俯視遐思述

不惕然以奮者乎惕然以奮剗削浮華歸諸抵  
道守貞以成資言之信爲天下先禪昭代文明  
之化章 聖天子作人之功斯無忝於孔孟之鄉後  
人矣諸士勗焉

學憲唐龍江七十壽序

吾邑唐氏自晉陽來徙不數傳族屬繁衍代有貴富  
聞人及龐眉耆艾之老蓋慶源所鍾由來遠矣我憲  
副龍江公繩武亢宗以進士起家數歷中外者三十  
年退居林壑者又二十年歲甲辰冬公七十誕辰其  
從子上舍君攷衷暨諸子姓謀所以壽公者來問序

清集卷八

一十

于余某也晚進仰止公休蓄山斗之思舊矣於其請  
也義安可辭余惟古之君子進而敬共職業行道於  
其國退則貞志軌物明其道以教於鄉若成周盛時  
國都州黨咸有飲射讀法之教行於學至二十五家  
之間巷口亦有塾間內致仕之老朝夕坐其中民之  
出入者聽受教戒焉是以人材衆多風俗粹美後世  
鮮儷秦漢以來斯道廢矣宋如耆英諸賢退處洛中  
言論動止循循禮度足爲士庶之師其於古道猶庶  
幾焉公以環璋之才純博之學弱冠登科筮仕束明  
脩政愛民爲名令進位諫垣砥節勵忠爲名給諫遷

清集卷八

一十

職曹署明刑淑問爲名郎追陟臬司端本飭教爲名  
督學歸而處於鄉也宅心以仁緹身以謙比衆以和  
惇行孝弟崇獎人倫邑之稱長厚名德必曰唐大夫  
云嗟乎吳中近俗相尚浮靡於持身之誼則廢罷不  
講安得如公者數人相與倡率立表於上使邑中子  
弟有所法式而傳之四方師師成風亦復如是則於  
國家風化之道不無裨助也已緣公德知公壽則公  
之享年獲祉詎有窮乎詩云淑人君子其儀一兮其  
儀一兮心如結兮又云淑人君子正是國人正是國  
人胡不萬年言以德徵壽也於是唐之諸子姓避  
萬年之觴爲其從父壽而歌鴈鳩之篇以侑焉

賀顧孺人榮封序

我 皇上御極之二十四禩爲嘉靖乙巳秋九月  
宗廟禮成下推恩之令覃布中外上海顧君從禮任  
內閣中書舍人掌翰林典籍事迺膺封典其母李氏  
得封太孺人州別駕韓君春江蓋孺人之夫之甥也  
諱以賀孺人者來問序于余道孺人之賢甚詳粵自  
形管職廢女德鮮紀婦之有士行者寥絕無聞吳中  
風俗腴厚之家持禮者鮮貴富之習逸欲易生其右  
閭門尤嬌嫚驕奢蠹我閭則是故教本不立後嗣

所於觀子衿俳達多不雅馴不一再傳往往佚世  
先者何可指數孺人出名族性謹純及笄歸顧東川  
先生顧自廣南守草堂公以來族日殷盛東川席祖  
父之業僮僕數百指家政絲如悉孺人從中區畫以  
禮以恩辨若井井又善誨諸子弟諸子弟雖生長綺  
紈猶矜矜厲名行下視韋布無異錫類不置孺人有  
焉豈惟東川刑于之化其內助之懿天性然也是宜  
天降之禧子孫繩繩康爾眉壽福祿其承詩曰瑟彼  
玉璫黃流在中言福澤之降慶源所鍾其來有自矣  
東川先生曩以國子生待選銓曹抱經濟才兼通玄

清集卷八

一七

壽曹桃谿序

理精方術有司奏改御醫供事 闕庭伯子中書君  
亦慈敏深沉珥筆館閣皆嚮用伊始次而昆李諸賢  
若國子生某某庠生某某咸以文學相濯磨挺秀函  
奇激昂霄路蒸蒸日上思則夫孺人之所以綏  
後祿膺寵榮於來日者詎有既乎余不良于文辭春  
江君猥以賀言見屬不克終辭也姑次其語歸之

擇惇謹者掌賦桃谿君與焉未幾鄭公去代來者百  
凡供億必悉取諸鄉鄉掌賦者不支則秋毫必分辦  
千里里則網諸下之民日擾擾焉君獨自裁給不以  
是而有所煩于里之民及訖役逋欠百計君顧粥田  
宅充繇是家日不裕矣夫人之情恒難處約故不能  
無忤求于人君頽然自足獨無忤求躬耕畊晦興到  
則引壺觴嘯歌與野老爭席有古鹿門谷口之風桃  
谿君之名繇是而日益有聞矣嘉靖歲丁未君壽五  
袞孟秋某日迺其懸弧之旦文學何子堯張子卿君  
子壻也余三子允哲允端允亮君甥欲晉爲君壽謀  
所以侑觴之助而請于余何子張子曰惟我舅氏舍  
和秉英坦坦履道幽人之貞終始一節聿成令名貴  
于丘園天其永齡余曰詩稱淑人君子其儀一兮又  
云淑人君子正是國人正是國人胡不萬年允哲輩  
進曰恭人溫溫粵惟德基維我舅氏宅心孔夷家著  
孝友鄉贊仁慈桃李何言其下成谿余曰小子識之  
詩不云乎不忤不求何用不臧此之謂也我聞諸福  
莫難於壽致壽必原諸德樹德始於不忤求是故古  
之風誼頌祝恒以德先如曰以引以翼壽考維祺以  
介景福此之謂也何子作而曰是可壽君矣是日金

清集卷八

一七



風首涼彩霞呈色極星麗霄嘉祥爰（下）聚咸快目歎異起而觴君相與賦雄雉之四章其聲清以緩其樂也行衍繼賦鳴鴻其聲和以柔其樂也油油亂曰樂只君子遐不眉壽相與飲酒甚驩夜分始罷

贈孫望川序

望川先生令上海之四載為嘉靖戊申擢南京工部營繕司主事瀕行邑之人士咸有誦言為先生贈校師方君中洲劉君檢齋潘君石橋暨諸生趙子恕胡子來宗因問序于余余廼為之序曰縣大夫職親民

清集卷八

十一

凡境內化理弛張廢置咸得專之其欣戚相通猶之一體是故君子之厲志效時者恒兢兢於此云吾邑昔稱壯縣邇來歲屢不登用匱民惰政教頽廢不舉綴學之士任信口耳違棄本真日趨簡便胥吏之盜深文舞法羣聚巧伺魚肉善萌鄉曲之豪負貲兼弱武斷力攘侵賦隱徭緣以自利弊也甚矣先生下車之始廼廣厲學宮植本培化率禮責業不以詞色假借人曰將以繩之古也杜牧之穴塞倖之門吏隸有犯輒一切從事不貸曰將以遺之安也詳催科之令勤較閱之期明敗羣之禁國賦歲輸咸辦罔後曰

使上下之鈞利也其不知者或相與滄滄訛訛謂厲已矣先生聞之不沮不撓曰凡吾所為以明法爾明法以秣時爾率而行之罔變厥初久而化行民範其程吏束于馭章縫循軌間左又安頌聲作矣余竊恠夫世之長吏或以武健相高雄鶚刻深視民人肥瘠不啻秦越其下焉者脂韋卑卑與時浮沉謂姑息之政可給民也假令阿世取容致位通顯即國家何賴焉若先生者可謂自信以道者矣以道自信故能疆立不反興隆舉廢卒以成功否則埋之楮之粹然而行蹶焉而罷雖有良法美意其何以行哉古語有云心苟無瑕遑恤其它自信之謂也今先生入陟郎曹佐治水土繼而出敷藩臬布宣德化進登卿輔典執機衡其自任以天下國家不奪于浮論不惕乎毀譽怨在私人便在民詆毀在我利在國於天下乎何有哉若夫兼容廓納汚之量寬和易夏日之嚴委蛇著羔羊之度斯則宜民之變通順時之權衡也先生其優為之矣余於先生有邦人之分又重以中洲諸君子之請敘其大都若此竊比贈言之義且俟後之觀風者采焉

書顧東川序



嘉靖某歲顧東川先生年六十先生少負劍才長膺時望以久屈文場卒業國子既而待選銓曹有司以其博通方術奏改御醫今供事聖濟殿云時先生之仲氏上川君以光祿署正致其事歸先期謁余曰某與伯兄自家食時暨同宦于朝也日夕相與罔間歲時節旦則飲食懽笑移日以為常自余歸而弗克朝夕之亟見兄也矧兄年躋耳順而又弗克奉觴稱慶其諸若之何今茲壽兄必子言之藉我心始庶幾焉顧為吾鄉望族秉德惇禮又伯仲之相友善也余愛之慕之安敢以不文辭子云仁者壽余嘗繹思其

清集卷八

三

旨壽者天之所以錫予于人亦顧夫人承藉之者何如耳今夫天地生物惟是敦龐淳穆之氣運行宇宙間古之仁人君子能弗達天地之心宅已坦夷與物無競下格其敦龐淳穆之氣以養其壽年是以無天札遺厲之患故其詩曰酌以大斗以祈黃耇黃耇台肯以引以翼壽考維祺以介景福是也充養其敦龐淳穆之氣以達于家則家無不宜故其詩曰妻子好合如鼓瑟琴兄弟既翕和樂且耽是也充養其敦龐淳穆之氣以施諸國則國無不利故其詩曰維君子使媚于天子維君子命媚于庶人是也余憶曩時弱

冠交東川公迨于今久矣日接論議余耳熟焉凡其言天下事商庠利害甄別是非往往中情實依忠孝咸可睹記其言養身調攝之理祛健羨絕塵蓋又得老氏之指歸詞多長厚和平不激不詭余恒仰之佩服不忘云夫聆其長厚和平之言以占其易直簡諒之心以易直簡諒之心而疑張夫敦龐淳穆之氣身其有不壽者乎繇是而御于家邦推因心之愛以興仁讓之化家其有不壽者乎上佐聖天子劑量軒岐之術以擾育萬民廣仁壽之風隆熙皞之治天下有不壽者乎詩曰樂只君子邦家之基言能壽國家

清集卷八

三

也又曰樂只君子萬壽無期言能壽身也世有能壽國家而身有不壽者乎無也然則東川公之壽自茲伊始詎可量哉上川君聞之喜迺再拜速余序書諸文綺遣使如京師為其兄壽

### 壽陸後山序

嘉靖歲己酉後山陸翁壽六十之辰配碩人曹氏齊年儷美受福孔偕其子上舍君柏謁余曰某也弗類未能顯榮吾父母是懼今茲誕辰捧觴為壽惟先生一言之辱余曰然今夫世之壽親者必左右就養隆其節必采色聲樂致其娛必柔滑旨甘秩其膳是故

潘輿萊彩往牒言雖然壽之次也德壽上也上舍  
君曰壽不同乎請言其上曰夫壽天之祉而人承之  
或曰係所積境埆之地良植不生匯水成澤累善成  
福一也或曰視諸所履謙受日益汰侈無終乃天之  
道或曰原於所養崇山大谷榘桷梓枌之材土膏之  
所發育雨露之所沾濡霜霰之所摧剝堅其質而充  
其氣者歷有年所是以巨木成焉故曰原所養陸氏  
之先著姓東吳所由來遠矣翁以宮詹竹坡公爲之  
父以禮侍文裕公爲之兄簪纓繼美世德作求迺受  
冠服之榮膺平康之福其所馮依厚矣翁幼而秀穎

潘集卷八

一古

長而克家威儀有章不愆于度行脩言道不愆于禮  
其所履善矣余又聞之傳記有云南山之陽有木焉  
名曰橋夫橋竦焉實而仰父道也其陰有木焉名曰  
梓夫梓勃焉實而俯子道也故父道在慈子道在孝  
父之於子慈惠以生之教誨以成之漸之以善使之  
早化故賢子之事親發言陳詞應對不悖乎耳趨走  
進退容貌不悖乎目視聽未形不悖乎心故有慈父  
而後有孝子夫孝慈萬善之本而衆美之基也衆美  
畢備則至和揚溢至和揚溢則福祿攸同難老永錫  
矣由是子孫繼承引焉勿替聲稱令聞洽于無窮是

故不軒冕而貴  
藻飾之華以爲  
以爲羞醜醇釀之氣以爲醴不文繡黼紱而有餘榮  
不鐘鼓管絃不律呂詠歌而有遺聲不脯膾羹載不  
鼎俎尊疊而有遺味天下之能壽親者孰加於此哉  
許曰孝子不置永錫爾類記曰夫孝置之而塞乎天  
地溥之而橫乎四海施諸后世而無朝夕故曰德壽  
上也上舍君起而謝曰先生之言及此可以壽吾親  
矣余內子曹宜人謂碩人爲姑誼切姻後不能無言  
壽翁又重以上舍君之請是以忘其謏陋遂論序歸

潘集卷八

一古

之

### 思貽序

吾邑之士曰陳子魯菴者幼負逸才習選舉學數奇  
不偶棄去迺博求諸子百家咸能舉說大義詩律效  
唐人筆法入鍾王品時推重焉晚年又棄去學道玄  
虛冲默澹泊沉冥身處困約晏如也四方有道士咸  
樂與交云一日持思貽卷示余且曰古我始祖自宋  
康肅公以來世有聞人吾先子凝齋翁孝友肫至仕  
爲荏平丞以廉謹稱予小子德弗類罔克振揚先烈  
大懼遏佚前人光不揆欲以空言詔後學憲唐龍江

公記之矣子而惠我蓋序諸余覽記而知陳氏世澤之遙也康肅在宋奮庸宰執名德卓然光昭紀冊殊代不蝕凝齋良士敦行孝弟雖無撫仕君子賢之彼美魯菴樂道安貧圖紹先德所以貽厥後者善矣孟子曰君子創業垂統爲可繼也闢揚光大則在後之人永厥思焉爾矣爲陳氏之子若孫者能永厥思迺或林著風猷思爲康肅則曷不爲康肅藻厲名行思爲凝齋翁則曷不爲凝齋翁經綸皓素思爲魯菴子則曷不爲魯菴子又進而上隱居求志思爲孔顏行義達道思爲臯夔爲稷契則曷不爲孔顏不爲臯夔

清集卷八

一

稷契先氏有言思曰睿睿作聖是故奕世載美在後之人永厥思焉爾矣漢劉表謂龐德公曰君不爲祿仕以何貽子孫公曰人皆貽之以危吾獨貽之以安未爲無所貽也若魯菴子者殆庶幾乎傳曰子欲爲善思貽父母令名必果欲爲不善思貽父母惡名必不果爲陳氏子若孫式是古訓日兢兢焉求無忝所生則將不愧前聞永有譽于後矣是固魯菴子意也陳自康肅歷宋及元入明其世系名氏徙遷詳具記中余不著余特廣魯菴子意序思貽

送張象川司訓序

古之遺教者莫如孔氏之教其教以化俗安民者在守今所以導教以化俗者在師儒厥任不要且重乎自世儒聞于大道而沒溺于勢利之習校內外計崇卑有不樂於其官者矣若夫師儒者職尤卑乃恒厭抑之故多降志而墮行其所以舉脩職務惟瑣瑣於簿書期會之間口耳詞章之末爾矣噫無惑乎其教之不刑而俗之日靡也吾邑象川張子以歲貢生如選銓曹得司教於壽光將行謁余請曰師儒之任不易稱哉子何以教我余嘉張子之志而重其行也迺告之曰余聞之學也者覺也我能覺矣而後可以覺

清集卷八

一

諸人故曰先覺覺後覺教也者效也我學而人始效乎我故曰效學半夫學之爲道曰仁與義而教亦如之愛親仁也敬長義也由親達愛由長達敬而措之天下其何難故曰堯舜之道孝弟而已矣在昔有宋曰安定胡先生者教行蘇湖一時人才彬彬輩興亦惟其克以身先是道爾張子秉愿慤之資備和易之德惇序髮倫父子兄弟間愉愉如也以孝弟聞吳中久矣持是以教壽光也而有不行于壽光者乎夫壽光古齊齊之境去鄒魯不遠固聖賢之鄉村雋之數也張子能以其身教日兢兢焉褒表人倫率先諸士

而諸士者敦行不怠以率先凡民則風化之行跡茲  
四達於古之所謂德教者亦庶幾哉張子復謂余曰  
某聞壽光令趙某者以管地之英膺司牧之寄厲節  
清脩宅心豈第方以輯寧斯民爲務而民用和壹夫  
趙今之爲政若此而張子之往又能以身率諸人士  
同德效忠政脩而教端理道之興其在斯乎其在斯  
乎余益嘉張子之志之有成也

邑侯喻右山膺獎序

國家所需財賦印給東南者爲最大都當天下之什  
三故東南諸郡縣華實之奧區九州之上腴也余聞

清集卷八

一

諸故老云曩時田穀豐登里閭饒裕國賦易辦教令  
易行吏茲上者亦易循其職矣邇年以來雨暘愆期  
歲罔有秋民生弗遂而俗益浮靡里人掌賦者侵費  
官租歲逋日積動以千計追呼逮繫雞犬弗寧若之  
何而不上下之俱困也此曷故哉其弊在於民貧民  
貧則政教不流政教不流則黠胥舞文貪夫市利俗  
益詭譎而爲生益感故男子力耕不足於食匹婦力  
織不足於衣是豈古今時勢異哉亦曰上之治之未  
臻於理也語云良工不易絃而調良吏不易民而治  
嗟乎近世之長吏因循守職者以姑息爲務罔有建

明肆情剛烈則以振切爲賢流於深鷺先日計之功  
後仁義之用識治者蓋傷之矣吾邑生齒夥繁地瀕  
海鹵瘠近又水利湮廢不興在東南尤號難理嘉靖  
己酉秋八月右山喻侯以進士起家來令茲土心獨  
憂焉廼採納風謠咨諏人隱下車之始陳立章程脩  
舉隆廢尤留神賦役定令徵科罔或後時里之掌賦  
者咸欣欣焉有息肩之望矣侯惓惓之心不但已也  
余嘗視其政施行博大含畜細小非市惠也所以解  
法網之煩糾戢疆禦禁止姦邪非耀威也所以嚴敗  
羣之罰申命致期警情懲慢非棘欲也所以示經常

清集卷八

一

之則窮深達遠察幽洞微非炫明也所以燭覆蓋之  
情是故四民懷德歌頌交興侯惓惓之心不但已也  
其將布寬政以還遷徙之民復陂塘以通水泉之利  
塞狡穴以革胥史之奸正幅度以變浮靡之習除苛  
嫫以回仁壽之風與古循吏並稱而吳中諸邑長短  
能相師師儷美庶東南之民其有瘳乎於國不有能  
利乎詩曰令終有傲言善終必由始也侯有其始矣  
侯任甫數月侍御龔君按部廉得之乃行檄獎異學  
師方君輩率諸生舉行爲侯賀來問序于余余邦人  
也愛而莫助輒譔次以申欣忭之私匪賀斯今也賀

循政之有成在他日也非直賀侯也賀吾邑人之得  
侯蒙膏潤之澤也

### 喻右山膺薦序

右山喻侯爲上海之二載操江都御史克齋李公疏  
郡邑長吏之才賢者薦于 朝侯以茂績異等與焉  
少尹鄭君姜君簿史君尉鄧君謀所以賀侯者來問  
序于余曩余讀史至循吏傳未嘗不三復仰慕其爲  
人夫治者君也求所以治者民也推君之治以致之  
民吏也吏良政平其治乃成吏無良焉王道缺矣故  
詩曰樂只君子民之父母慈父之於子有弗愛焉者

清集卷八

一

乎愛而亡節有不流於姑息者乎姑息非愛也長吏  
之於民亦然故太史公曰法令所以導民刑罰所以  
禁奸文武不備則良民懼矣是故陰陽相嬗天道之  
神也寬嚴交濟經國之猷也邇年江南諸郡縣民俗  
侈浮食貨捐瘠陵犯僭奪日以蠶起吏隸胥史之徒  
又相鼓扇以益盜奸最號難理侯以明練之才負匡  
濟之略下車之始廣求民瘼咨訪風謠日夕匪懈是  
故貢賦歲逋國用之匱宜恤也於是乎謹征科之令  
奢僭亡度不節之咎宜禁也於是乎申忠救之方舞  
文市利護欺之奸宜禁也於是乎明訊刺之法裂約

毀閑庇覆之術宜審也於是乎絕請託之私讒口亂  
真枝詞奪本可憂也於是乎慎詐譖之罰侯以嚴治  
以精明著聞矣夫俗之散也民之媮也政之弛也得  
不以嚴乎嚴而治成則昔之散者合矣媮者厚矣弛  
者張矣將不以寬乎是故一晉國也宣孟展夏日之  
威子餘布冬日之和一單父也馬期任戴星之勞宓  
子成鳴琴之化所遇異焉爾矣孔子不云乎政寬則  
民慢慢則糾之以猛政猛則民殘殘則濟之以寬夫  
惟民之慢也不以猛糾辟則舍銜勒而馭悍馬鮮不  
逸矣惟民之殘也不以寬濟辟則燔鼎鑊以烹小鮮  
鮮不靡矣民不可使逸也亦不可使靡也與時推移  
寬猛異用所謂揀時之上務識治之通材也侯其有  
焉侯自茲而往入登臺諫以備耳目之司又進爲卿  
輔以膺心膺之寄酌損益之宜裁變通之利適寬嚴  
之中凡其慮之於心宣之於言措之於政事必也明  
令飭法以伏暴止奸布惠宣慈以容民畜衆俾孱子  
弱夫咸登仁壽之域是能父母斯民而王道成矣雖  
詩書所稱何以加諸余知侯者深故於諸君之請迺  
悉侯之衷以著于篇匪直賀侯也賀吾邑人之得侯  
而且爲天下賀也

清集卷八

一

贈大中丞盧公序

嘉靖歲辛亥之夏南京操江都御史員缺 天子命簡名德往撫朕師時後屏先生盧公提督南贛軍務廷議允諧誕膺 新命移節往焉虔之人士荷公休德僉有頌言恩廼序厥事以爲公贈維是贛南山谷峻危繇亘閭越遠微之俠介于他境稱震靡常廼設大臣以蒞之開府握符撫柔四省其地重矣在昔正德戊寅三洲之寇盤據巖險郡邑騷騷先正陽明王公設策運幾振揚威武羣盜伏息至今民有寧宇者咸頌王公之功嗣是聲績章聞若竹澗潘公之端方

潘集卷八

一

直諒虞山陳公之節介不煩秋崖朱公之精練肅毅隨時經略均有可稱我公之來以惇大純樸之質懷忠誠體國之心擁循弛張熙如春陽冽如秋霜爰有成畫民益宜焉夫乘紛糾之時者利用威威者所以理之也紛而不理其弊也亂處安康之時者利用德德者所以綏之也安而匪綏其弊也擾是故陽明公之用威二三君子之用德異治而同功其道一焉爾矣今夫留都去京師遯遠然根柢王業地居上游其勢之相聯絡譬之一身兩都其腹背贛南其四肢也故其地爲尤重承平日久武事衰絀江海巨區鱗介

易生黠寇時作識治體者有隱憂焉往歲北虜內訌

主上赫然振怒脩明懷外之略詰飭兵戎爰及諸

方矧茲江防所繫尤大者乎是故益重是職舉而屬

之公公其往矣以行于贛南者而綜理圖惟德以育

黎首威以緝兇奸折衝樽俎之上而弭患未形之前

則所以紓 當宁宵旰之憂應 今日側席之求者

公其優爲之矣公起家進士入直瑣垣不激不阿務

持大體爲名給諫繼貳奉常正位太僕寅清著聲塞

門炳績爲名卿今也晉陟中丞勳名日懋異時 帝

心簡在入掌樞機典司政本摠素所蓄積而贊襄匡

潘集卷八

三

弼一德一心則澤被生民功施社稷又奚可量哉某

不敏曩寓南省會予同年友淡泉鄭公論當世之士

聞公之賢特詳邇承乏于虔雖不獲久侍公而公一

言一行咸可楷式心鄉往焉故於公之行眷眷不能

舍輒申屬望之私以備蕝蕝之獻云

黃母榮節詩序

漢匡衡曰妃匹之際生民之始萬福之原是故其爲

倫也重而其爲道也大矣夫三才定位表休聞於慈

溫二姓聯姻挺堅心於貞懿豈伊君子抑有婦德焉

世衰道微彤管職廢陰教之不行于天下蓋昉諸此

孤茹荼飲血厲心縞素者終其身雖古共姜之節蔑以加之又能教誨其子翠巖公起家進士歷今官文學德行蔚爲世宗揆諸孟母之教抑庶幾焉夫夫人閨房之秀非若士人問學得于文史之助也而婦道母儀克全無愧譬之鷺白烏玄稟于性生莫之染矣方翠巖公筮仕理刑于吾松也明允篤誠斯民寔沾雨露之澤今以侍御董學南畿追琢豐芑之才漸底成績視諸他郡特先焉是以邦之人士不謀同心推原母氏歸本內則詠歌節懿諸體咸具彙而成編學論黃子弘兆謂予與公有邦人之分相知之雅迺以

清集卷八

一

序屬予夫闡揚幽側劇厲世風予誦法仲尼者也雖無學論君之請猶將勉而爲之俾後頌母氏之德者當與吾言乎並存况學論君之請之惓惓也

郡侯方雙江城上海序

春秋爲聖人紀事之史其書城凡二十有九不時害義者書示戒也雖時且義亦書示重民力也獨城邢爲美詞蓋邢逼于強狄遷于夷儀齊桓率諸侯以城之是謂同惡相恤分災救患於禮爲宜是烏得而不美之也觀於是而聖人之情見矣吾上海據吳會之勝挹江負瀛舊隸松之華亭至勝國始進爲縣明興

瀕海諸境防禦倭夷至詳且密數十里而爲所聯數百里而爲衛衛所各設城池星列碁分淵渚山峙內諸郡縣藉以爲安上海故未有城豈以去海稍遠無煩此邪抑阻于時勢之難未暇爲也嘉靖癸丑海寇驛騷浪舶風颿相屬而來者月無虛日其肆虐於浙之東西者數矣浸淫而及于吳吾邑以無城羣虎覲覲攘臂首至民咸率先避焉罔有固心故其受禍尤酷夏六月會郡侯雙江方公下車心獨憂之奮而言曰斯城不築是以民委之盜也其何以祗奉 明天子德意茲非守土者責與廼建議城之議者或曰城

清集卷八

一

之築也難而守之也易或曰城之築也易而守之則難謂城之築也難者蓋曰斯役之興必資物力而財用貨賄之需未易給也畚甿輓石之費未易辦也揀度築削之工未易成也河壩塗泥之土易圯也屋廬渠道之徙易生怨也功焉弗就謗詈叢興是以爲難也已謂城之守也難者蓋曰設險之用必待人和而比閭族黨之心聯之也宜一丁壯材勇之士簡之也宜先金鼓旗物戈矛矢之器備之也宜豫進退疏數坐作疾徐之法練之也宜精否則城郭溝池其誰與守是所以爲難也已公以忠誠之心集衆思



埋蓋者於工取諸傭民之受直者於費不足附以庫錢之餘羨者計日商功勸分庀役不愆于素故大工過舉民罔告勞經始於秋之九月再越月訖工內墉外隍其高仡仡其深沄沄利以禦寇公於其難者若是乎成之易矣自今以往適求保之郡大夫推是心也以帥其邑長邑長推是心也以帥其士若民倡其勇敢之氣作其敵愾之心則於所以守之也何有易之兌曰說以先民民忘其勞說以犯難民忘其死夫兌澤也澤以說民民忘勞矣有不忘死者乎孟子曰效死而民弗去是則可爲其斯之謂也落成之日四民訢喜頌公德美萬口一詞校師姚子本崇趙子邦瑞易子信及諸弟子員石生懿中潘生可化輩來屬序于余余邦人也有同舟之懼焉迺特爲之書竊比於春秋書城邢之義且以諗諸將來無能爲佞也

皇明文選序

稽古唐虞三代文莫尚焉載之六經永世作程厥儔  
鮮矣嗣是而漢唐宋作者代興然時序有升降道德  
有隆汙學術有醇駁文之儼替恒必由之今文選文  
粹諸編炳炳焉可攬而窺也明興百八十餘年文推

清集卷八

三

潘集卷八

三十八

斯盛國初革胡元之穢經緯綸誥則潛溪爲之冠闡明理道則正學擅其宗脩飾治平則文貞耀其烈文治精華肇端於此矣弘治以來擢辭之士爭自奮濯穆乎有遐古之思罔不效法墳典追薄風騷體局變矣李何發穎于河洛康呂高步于闕石咸一時之選也海內嚮風波流寢遠彬彬乎其盛哉楊雄氏有言曰古者之學耕且養三年通一經今之學也非獨爲之華藻也又從而繡其輦輓夫輦輓外飭也益以繡焉不鑿質而妨道乎文盛之敝且以妨道識者蓋傷其流矣楚春谷汪先生負博雅之材秉知言之鑒於昭代之文網羅蒐輯越有歲年懼其放失而莫之釐正也廼取程篁墩氏舊刻文衡芟繁撫要大都所存十之三增所未備十之七總五百餘篇列爲二十卷刻梓傳焉恩受而讀之卒編嘆曰我明之文其不在茲乎夫文比物引類章志表微明古道開來學淑人心其言故足貴也是編所載華而不浮質而不野大之有以瀟綸造化裨助皇猷次之有以褒叙人倫匡正氓俗掇英茹實茂以加矣是不可以傳乎先生又言曰余今所采輯僅僅若此凡余耳目所未睹聞者

僕後之君子仁夫先生之用心也夫易牙辨淄澠之水於一獸之間九方臯之別駕驥在牝牡驪黃之外是有神解之妙焉非以跡而須也先生取舍折衷爰有真見其與識馬之情知水之味者何異標之細素允爲可傳學者卽是集而觀焉涵泳優游則自得之機躍如言外又惡可已也詩不云乎伐柯伐柯其則不遠夫以則而求何遠之有昔者夫子荅仲弓舉賢才之問曰舉爾所知爾所不知人其舍諸先生是編錄所知矣錄所知以示夫人人則所未及錄者人安能舍之乎故曰仁夫先生之用心也

潘集卷八

三九

賀顧左山叅伯六泰序

夫敦素履之吉者克衍昌熾之福饒內心之樂者不牽物外之累蓋其理勢然也嘗聞諸夫子云知者樂水仁者樂山又云知者樂仁者壽夫仁知非二道也優於仁者恒不歉於知矣山水非異好也好山者亦不水之遺矣樂壽非殊效也有自得之休斯有引年之慶矣此非理與勢之必然者乎吾獨愍夫世之累於外者衆也伏者侈青紫之榮以詩書爲契券隱則踰終南之跡以泉石爲媒梯居約者墮穫每朵願乎文繡處泰者充詘則湛溺于華紛遇物而遷何其數

潘集卷八

四

數然也孟子曰舜之飯糗茹草也若將終身焉及其爲天子也被袵衣鼓琴二女果若固有之夫飯糗茹草之樂無異于袵衣鼓琴之樂何則所視一焉爾或疑賢子之簞瓢陋巷與紆朱懷金之樂也異楊子曰顏氏子之樂也內紆朱懷金之樂也外何則所志二焉爾今夫不累乎外而二焉者余於左山先生見之先生登嘉靖丙戌進士任兩京司寇郎以明允著聲遷留都儀部以寅清炳績繼擢山東僉憲以振揚風紀表聞行義達道無忝幼學所以宅隱顯者一矣臬臺滿考拜廣右叅藩廼以終養母氏乞歸悖天倫之樂而不屑金紫之榮所以視出處者齊矣退歸林壑優游二十年效范蠡之治生晞子荆之居室層樓疊榭邃宇迴軒藻繪璘璫美哉輪奐匪以侈華也其樂彼之園尤稱瑰璋璫石成山歎鬱鬱鬱鬱召儲泉澄明泮瀟碧梧翠竹珍木奇花芬芳燦爛會目寄情匪以盤遊也端居兀坐則焚香垂簾徜徉竟日客至則意興悠然疊疊忘倦示誠信于肺腑行醅勸于壺觴寄笑傲于博奕興盡而止匪以飾情也其所以居豐約者亦同矣是非深有得于中者能乎惟深有得於中是故仕也由是止也由是約也由是而泰也亦由

是處之一也處之一故無往而非樂無往而非樂是故引恬引愉俾昌俾熾所以綿箕疇之五福朋岡陵而三壽不乃基于此乎甲寅歲十月先生壽六十之晨余與先生居同郡仕兩京同官重以葭莩之親蘭金之誼知先生者久矣余時有洪都之役不獲爲壽稱觴迺著不腆之辭以贈是歲倭夷入寇吳越間吾鄉尤當盜衝所傷殘無可比數聞先生數出謀發慮贊助郡大夫爲禦守計蓋施其貞幹之智行吾體物之仁保茲城堞屹如巨防賴以全活者頗衆果然則及人之功與在位者埒民頌其德天降之禧先生所以垂名聲綏壽考于將來者益無疆矣

刻 大明律例後序

聖人之治天下必以律何蓋刑法所以禁奸暴懲不恪輔政所不及者也稽古虞帝清問下民伯夷降典折民惟刑士制百姓于刑之中以教祗德厥義深遠所從來久矣歷夏商周末之改也降是而漢唐宋下及于元代各有律雖繁簡殊科方其治也明罰勅法民以烝乂其敝也罔密文峻奸宄不勝我明太祖高皇帝革胡元之亂彰善癉惡著令作誥風示臣民復參酌刑典俾協厥中此 大明律所以監歷代而

成焉者也律盡矣益以條例者何夫例所以通時變制重輕輔律所不及者也自洪武定律後暨 列聖繼承時有章條以新民耳目弘治間剛次成編遵行至今蓋五十有餘年矣我 皇上睿聖統天神幾先物節年 欽定事例布在百司猶慮未有成書奉行者未至也爰 命巨工緒正播茲寬簡惠我民黎奇請他比一切停罷此間刑條例所重脩也夫律以輔政例以輔律 聖主統之以弼教臣民循之以寡過監司執之以平法司寇總之以考成至明且備無以復加均之不可一日廢于天下也春谷汪先生楚通

儒也明習當世之宜爲右轄閩中廼取新例分附諸律文之下以類相從萃爲一帙以便覽觀既刻傳矣無何進左轄至豫章復欲刻之分布郡若縣使廣其傳廼請于撫院五山陳公巡院初泉吳公咸報可焉昔人論治謂立法如藩籬守法如疆界藩籬不可越若臧獲者超履穿穴而主人弗禁安能使盜之不窺而保其室中所有也是故爲治不可以亡法藝稼穡果蔬者必正其封界障隧若羊童牛牧嘗有蹊之徑之迹安能制衆人之不來而全其果蔬稼穡也是故行法不可不端其本今夫民之牧猶之牧牛若

者也法之有律例猶之封界障隄也民牧之居人上使不能正己以率物稔私墮度出禮入刑譬之舍疆界而犯蹊徑則胥吏輿隸之睥睨于旁奸夫雄桀之躑躅于下舞文干禁其將何所底止乎故孔子曰下之事上也不從其所令從其所行又曰政者正也子帥以正孰敢不正百爾有位日三復是編兢兢焉檢身如不及庶幾立無過之地軌範端而民行興斯無負于主上刑期無刑之意諸君子刻布之盛心否則身不能正如正人何迺若傳致深文人苦秋荼之密貨奪請寄倖脫敝筭之魚抑又下矣此君子所不道而明王所必誅者也刻成示谷屬余序恩不佞謹書數語于卷末思與在位諸賢圖敬守焉

潘笠江先生集卷之八

潘笠江先生集卷之九

碑記

重修廣西都指揮使司碑

皇明開國分置列省乃設都指揮使司用統戎兵矧茲西廣外控南交右連荆益左接炎海山谷峻危谿峒嶮阻鑠耳之首保險作寇地稱用武司創于洪武建極弘治九載復鼎新之正德以來日就圯傾室宇不治鞠爲廢址議者數欲增修困于兵饑又商度茲費非千緡不可是用弗潰于成乃嘉靖十有三年都指揮僉事王君言高君誼謀于藩臬諸君曰斯役

潘集卷九

興戎容沮忸非所以觀示遠人奉揚國烈也議縮厥費凡五之三請于提督都御史兵部左侍郎陶公諸巡按監察前御史鄭公濂今御史曾公守約咸報可焉乃申議曰木事毋雕土事毋飾厥基惟固厥材惟良以規恒久豐儉折衷爰有成畫經始于是歲之秋越明年乙未春三月訖工爲堂者二前曰宣武後曰壯猷翼以闡房環以藏庫重門有閤欄棟綿密文質輝炳由是涖軍聽政銳氣斯張不威而慄矣是役也王君以分事北上高君獨董其成分理出納則都事包朴桂林府通判伍重落成之日左布政使萬君潮

右布政使胡君岳右叅政劉君士奇右叅議劉君淮  
按察使陸君鉅副使葉君珩龍君大有劉君守緒僉  
事龔君暹汪君大受暨恩爲之頌曰美哉輪奐如竹  
之苞如松之茂適有寧居尚作我師以綏百粵益昌  
皇治高君再拜稽首曰誼也敢忘斯教罔職哉  
又曰惟茲土功越數十年諸君子僉謀始克攸濟厥  
亦惟艱蓋勒貞珉以著經紀詔我後人俾葺而守之  
永永無斁乃刻石記

靈川縣重修廟學碑

靈川故有學歲久圯傾廟宇卑隘潢潦日積鞠爲沮

清集卷九

一

洳無以稱國家育才崇化之意嘉靖十有三年教諭  
陳璇建議改圖率諸生請于督府巡院藩臬諸司咸  
可之乃發公帑二百餘金檄桂林府通判伍重暨璇  
董其役爰相利宜規惟久永乃購鄰地及益以淫祠  
一區理穢芟蕪聚材伐石經始于是歲之冬明年乙  
未秋八月落焉右廟左學西東輝映翼以齋廡繚以  
門垣咸中厥制予之行縣也謁於其廟曰穆哉輪奐  
斯飭可以妥聖靈矣登於其堂端直軒豁長幼攸序  
進退有容曰秩哉可以明人倫矣觀於其號舍楹棟  
鱗次庖廂咸具絃誦之聲視昔有加曰懿哉可以興

風化矣于時知縣蔡銓丞李時敏簿嚴儼暨師生咸

從謂予有巡視之責請紀諸石用垂訓言予曰夫學  
何爲者也夫學歛才養正俾至于聖賢而已者也嗟  
爾諸生不觀海陽之山乎山下有泉深不可窮廣不  
踰尺蜿蜒百里沛爲灘湘灌注數州之間澤枯濡槁  
弘往納來放乎四海是故至于海而水之觀盡矣學  
之蘄于聖猶水蘄于海也在昔孔師厥有謨訓其所  
雅言不曰詩書執禮乎其四教不曰文行忠信乎循  
循善誘不曰博文約禮乎是故凡學之道忠信以達  
其源詩書以廓其流文以暢其潤行以稽其實禮以

清集卷九

三

束其歸斐然成章漸底厥極則于希聖何有哉乃若  
飾辭華以媒祿賈聲譽以徼名譬之溝澮雨集朝盈  
夕涸君子恥之矣予爲此懼期與二三子偕勉之諸  
生唯唯乃命匠鐫勒傳之將來示我同志歲丙申夏  
五月六日記

興安縣改建廟學碑

桂林屬邑曰興安者舊學遷徙無常處紀於史籍爲  
詳嘉靖甲午余董學行縣學官徐孝祥率諸弟子員  
請曰惟茲廟學傾頽議欲新之久矣未能也術者謂  
茲地風氣卑鬱大不利科目故人才之興往往也

異曩時矣蓋改建諸余校諸弟子文視其才質甚休  
美然鮮知學乃告之曰士以通經効用在力學不在  
地利也陰陽家者流牽於禁忌泥於小數廢人事而  
專任鬼神其言微細不經乃自古記之矣諸士子其  
務力學越明年再至又以請則視其所欲徙地地在  
郭北門外乃故廢學遺址宛存卉木茁茂川水交注  
於前其後則羣峯羅立視今學爲爽塏始定議復之  
上其事於督府巡院咸報曰可於是發公帑二百餘  
金檄守備指揮使李南知縣陳祖榮掌其役崇土爲  
基甃石爲臺右廟左學翼然以興齋廡鱗集門唐煥

清集卷九

四

如咸麗厥制經始于丙申歲之冬丁酉秋八月告成  
人士咸烝烝鄉往有豹變之思且謁余請紀諸石余  
惟國家之取士養之庠序三年比其鄉之賢雋者登  
用之選辟差次之法上下相稽猶之用器也大則爲  
柱石次則爲楹棟次則爲櫨栱榱題要之舉適于用  
故士之所以顯榮與其所絀辱取諸已而已矣何與  
地利哉世有無其才而倖獲者矣未有經明誼脩聞  
然不暴著於時者也夫子之稱子貢曰女器易曰公  
用射隼于高墉之上獲之無不利君子藏器於身待  
時而動何不利之有動而不括是以出而有獲語成

器而動者也故其道足貴也晉人地勢之術堅  
如石厚而無竅者人曰堅如石厚而無竅不可以威  
物不可以割而斟酌用此勢爲也是故士莫貴於力  
學學不力則業不精業不精則無所得於道無所得  
於道則用室而名不章是堅瓠之類也人斯棄之矣  
爾毋罪地脉哉爾毋罪地脉哉

鎮守廣西總兵府續題名碑

皇明肇祚奄有萬方惠流區寓威制夷夏既設都指  
揮使司以統兵戎惟茲廣西山谷峻嶒蹊謁罕岨蠡  
茲苗民保險弗靖復立總兵府鎮守之授節專閩郡

清集卷九

一

以牧寧承平日久文教既揆武功漸絀有以是官爲  
贅者矣嘉靖十有五年秋七月副總兵張君經謂恩  
曰任不易哉職之弗共斯贅也已人則謂之何又曰  
付有題名碑自韓公觀而下凡二十有九人既列之  
石盡矣余將續爲之圖請子昌言以昭儆戒俾朝夕  
覽觀焉子辭不獲乃告之曰陰陽闔闢天之道也文  
武並用政之程也爲國者不以治而忘危用人者不  
以文而廢武矧茲土之寇竊發無常者乎詩有之無  
棄爾輔員于爾幅屨顧爾僕不輸爾載終踰絕險會  
是不意言備之宜豫也備之宜豫則夫是官也安得

以爲贅也與哉考之前刻爰有聞人若襄毅山公雲  
稱之者曰嚴號令明賞罰親陣伍守之以廉鎮之以  
靜終始弗渝此足爲不朽矣若徒侈牙纛之榮乏鈐  
刀之用平居失未事之防臨敵解折衝之策進之不  
能振揚國烈退之無以保又邊氓有若而人則于職  
也曠矣後之視之者有不指以爲贅者乎君鷹揚虎  
視敦禮樂悅詩書近者立堡巖隘圖復黃源漸次底  
績由是能以慎終之於前所稱者何以加焉君曰敢  
不如教迺次第其語歸之俾勒堅珉以告來者

太平巖碑

潘集卷九

十六

獨秀山下傳有西洞湮沒久矣嘉靖某歲靖江王穆  
于舊志得之迺喟然嘆曰夫山有巖地有竅所以洩  
幽彰秘孕陰導陽節宣氣脉達諸人文者也夫人不  
有耳目乎耳目聰明謂之備耳目聾瞽謂之偏塞之  
非是迺謀復焉於是聚徒發石啓土芟穢俯視其裏  
寥廓窈冥越數武而下其容若室其平若砥始而觀  
之云乎若沆瀣之下騰其少選也恍若白月之墮隙  
徐而察焉石髮若髮水碧若繪鐘乳垂溜若絕若懸  
衆色炫燿若龍鱗殊形詭狀若銀礫金砂繽紛照爛  
莫可窮詰時董役中官得太平通寶錢一以進王喜

曰茲陞兆哉山靈告予矣我 太祖高皇帝濬  
明奄有萬國大敷皇極界茲南海至于今日奕葉重  
光潤色鴻業玄化旁流天發之祥地呈其秀爰恒我  
邦錫圭作瑞寔賴其福若此之應始將永爲藩輔與  
天無極者也神明之所酬酢嘉徵之所來格豈其微  
哉遂以太平名巖丙申夏六月朔日王召廣西左布  
政使進賢萬潮右布政使涪州夏邦謨按察使貴溪  
周忠賢恩飲酒樂出遊後園探奇歷勝咸嘆茲巖之  
佳也奉令賦詩異詞同旨爰刻山石且屬恩次第始  
末以標靈異不敢以不文辭

潘集卷九

十六

祁州名賢祠記

祁之名賢祠古無有也正德辛未守徐子曰仁先化  
圖理思德上功倦倦以視教祠是以立久而傾圯又  
遂于學宮君子惜之嘉靖元年陳子君揚繼焉舒惠  
和人百度不舉迺言曰是在我祠弗修弗足以勸非  
徐子意也迺鳩工聚材度孔廟之右立焉爲堂者二  
合今昔所議人祠者寧漢迄今凡二十有一人時徐  
亦與焉其賢同賢率協祀典明年潘子恩來守  
祁謁于其祠集諸生謂曰是足以勸矣夫祠始于今  
一及勝國及者何不遺賢也二祠之列序以左右辨



賓主也歷千有餘歲得數人不必備惟其德謹序賢也春秋祝而祭罔不敬薦鬯進牲昭信盡物罔敢不飾重報功也不遺賢之謂仁辨賓主之謂禮重報功之謂義序賢之謂智智以別物民故動義以先化民故興禮以秩分民故定仁以聯俗民故悅四物具而化行矣是故風行教成民用以乂敷於四方揚於後代遷善而不知理之上也僉曰至哉言乎書以遺後之人俾弗壞潘子然之乃作記諸公姓氏刻于石陰虛其下方以俟來者勸也

祁州園庫記

潘集卷九

北土險野多寇江左潘恩守祁二年爲嘉靖甲申以慢藏是懼粵經始之乃撤廟宇之不在祀典者裨厥工甃石爲基封之爲臺臺高凡丈有九乃虛中爲庫用以藏焉重門立垣時出入則設階以升上復構亭用便守望是役也取諸豫利禦寇秋七月始事庶民攻之旬日告訖工于時蓋藏通新乃克有備乃無患越若來明年乙酉守記以遺後永觀厥成

祁州均糧記

嘉靖乙酉祁之均賦成明年丙戌守恩有鈞州之行頒行祁人請曰是舉也度地通稅藏諸簡策布在官

守經畫至矣良惠我民盡謀之以昭永久守恩曰天下之不可易者法之謂也其可變者之謂時易趨者之謂勢時異勢因之矣勢因之斯倍之矣是故質諸石者所以徵法章遠使弗倍焉者也夫民之心罔若于一利得而咻之如以利斯倍之矣是故質諸石者所以定衆志要久遠使弗倍焉者也我是圖之總夫大凡以勒之石置諸門堂之右日昭示於人人其免之矣僉曰遠哉君子之賜敢不再拜買石記之

懋德堂記

桂林諸山崢嶸岌嶸雜沓駢羅甲天下獨秀山亘峙

潘集卷九

九

中域端儼穹隆羣峯若揖若迎若翔若伏環向之甲桂林山之下靖江王府在焉嘉靖丙戌春正月王擇宮西隙地構藏息之區乃定位正方量日度費鳩工聚材粵以經始又二年戊子夏落成楹棟鱗集丹雘暉映雲霧藻井或或難分于時王官諸寮欣忭盛舉合詞稽首請堂之名王曰懋德哉惟我太祖高皇帝欽明濬哲奄有萬方我祖靖江王通造成功啓茲土宇今我聖天子闡極弘化錫類睦宗予德弗嗣亦惟日以緝熙永奠南服其懋德哉外列三門首曰

正次曰惠迪履正從道凡以達諸德也內有橋曰

通津左右有軒曰臨碧曰漱玉取諸水也樓曰漾雲  
擬厥勢也廳曰居敬敬以直內以求厥德也次軒曰  
鍾秀言面山也堂之後爲清虛所門曰玉液亭曰旋  
碧曰醒心室曰靜思齋曰養浩又其外爲園書屋曰  
自如亭曰來鳳曰凝翠曰綠陰比物尚象咸麗厥宜  
王之退而居于堂也前圖後史左琴右書繹文綜藝  
以守至正匪以般樂也時而遊觀于樓于榭于軒于  
亭于山于水卉木悴榮雲物變幻序候慘舒湊目會  
心充然而返匪以流連也歲丙申夏四月迎母妃養  
于堂易名曰承養乃屬恩紀其事恩再拜言曰至哉

清集卷九

一十

王之名堂也書蔡仲之命有云皇天無親惟德是輔  
德者身之本也保國之基也日以懋之以貞侯度何  
以加諸又曰德者得也孝親爲大于是盡厥心焉則  
其爲德也至矣闕宮頌僖徵諸壽母恩不敏竊微斯  
義以彰我明世德之盛傳示將來

奉節縣清復稅糧記

擬作

在昔先王經理宇內周知萬民衆寡之數廼立司徒  
分九職又遂人掌邦之野以土地之圖經田野造縣  
鄙形體之法又使各掌其政令刑禁以歲時稽其人  
民而授之田教之稼穡是故以別貢賦以共力役以

興師旅則庶事均而易供黔首安而可使也後世闕  
考言詢事之典隳循名責實之義夫家脫于聯伍丁  
口漏于國籍理道乖方而姦僞遽起其諸謂何明興  
稽古立極以制國稅爰有定額承平日久法斯夷替  
成化間夔之奉節縣奏以民逃減額隱匿戶口者二  
百五十有奇稅糧三百九十有奇利孔入於私門常  
賦虧於公室歷六七十一年以來上下因循莫之省改  
嘉靖某歲某公下車撫蜀疇咨民隱釐革弊端廼檄  
某官某會府同知某署縣事某官某按厥事循行阡  
陌間覈視荒蕪勾稽口數由是豪民隱度自占者悉

清集卷九

十一

首實復舊焉公宥罪弗問約與更始薄其稅者三年  
民咸稽首頌德罔有間詞公嘗言曰長民之吏令甲  
有六以戶口農桑爲首第在勿擾之耳若姦氓隱徭  
避課而上以虛文相謾欺姑息示愛則非所以平政  
便人也卽國家何賴焉嗚呼真名言哉公治蜀仁義  
爲經細大靡遺是故振綱肅紀據慮發謀凡裨益國  
計者惟日孳孳是可觀其大旁燭幽隱物無遁情可  
以見其微精核籍冊查復積逋必麗于法可徵其義  
省刑寬罰不竭民情不追既往可覘其仁詩曰匪疚  
匪棘王國來極于疆于理至于南海言法與仁並用

也公其有焉公慮夫久而泯沒弗可稽也屬余刻諸石余廼詮次其略若夫圖甲畎畝之數延袤曲折之詳咸列碑陰並徵久遠俾後之吏茲土者得以覽焉

### 修睦記

余嘗覽觀古人之宗法其類族惇倫厥義玄遠矣未始不歎然流嘆也曰嗟夫上古之世禮有定宗鄉無亂族是故仁睦行而民弗悖也叔世廢此不講民行乖僻各私其身異其志服未單而情弗通如秦人之視越人不知恤者衆矣甚而父子不相容婦姑反唇相稽兄弟閹牆相屠戮是遵何理哉廢古之患至此

清集卷九

七

何可勝道今天下熙謐百八十餘年學士縉紳家往往譚仁義修飾禮文矣而合族之法未徧行于里閭古道之廢而復之難也夫豈一朝夕可庶幾哉清溪沈氏自始祖都遠君徙居以來鼎盛者九世族屬衍繁名人累疊不絕若給諫東溟君炤侍御東巖君灼一時伯仲奮庸有聲于朝猗其盛矣夫本幹強碩則枝葉蔓延蔓延而紛糾披散莫之序焉此訛亂之繇也靜願君勲有憂焉謂不設祖廟無以統宗不置祠田無以承祀湮廢譜牒無以辨倫不奉祀不明倫則尊祖敬宗之意衰不尊祖敬宗則本原骨肉之恩薄

無怪乎族散而偷也於是乎有世譜之修以比昭穆於是乎有宗祠之建以嚴祔祧於是乎有常祀之田以共齊盛牲醴於是乎有聚會慶吊之約以敦孝友任卹於是乎有文辭歌詠之錄以章上世之美啓後人之思靜願君猶皇皇焉恐無以詔後也介友人問記于余余惟今之氏族鮮克永世或一再傳或三四傳微矣而沈氏代序之綿遠也子姓之蕃且昌也匪先人之澤胡以基之夫導水者尋其源折薪者循其理言有本也而宗統無法始則合末則離其背本孰甚焉靜願君爲此懼乃日兢兢潤色名行脩立禮約統治其族人匪有豪傑特立之行胡以能之爲沈氏之子若孫可深長思矣余聞君子之有家其創業垂統經始圖惟也難爲功因仍增飾也易爲力今靜願君爲其難矣而子孫靜不能爲其易者邪假令禮教日廢宗黨乖離肢體不勤土田荒蕪宗廟無食墳墓穢而不治於汝安乎否邪爲沈氏之子若孫者其無忘爾祖德之詒亦無忘靜願君今日之志仁睦之風庶有成乎詩曰孝子不匱永錫爾類此之謂也

清集卷九

七

以統竟內之治洪都章

門左司今署寓焉門唐廳宇西聯城雉門之外東數十武而達成化間左使王君克復疊石爲臺構層樓其上與西城之樓雄峙並觀宛若雙翼翔舞乎前繇是省曹之形勝稱完善矣嘉靖歲甲寅冬十月左使汪君春谷聽政之暇約大叅傅君少巖少叅王君樂湖暨余登斯樓之勝也俯視其下豐隆隱起環郭外者爲龍沙沙之外滂濞長逝爲大江江之外嶽全羅列爲西山西山之杪北峙爲匡廬大江之隈東匯爲彭蠡其周緣四竟之交爲浙爲吳爲閩楚爲白越杳渺蒼茫咸聚於目睫之下景曜之流輝雲物之班

布草木之夭喬鳶魚之飛躍闌闌之駢闐絃歌之純  
翕呈奇獻巧畢集于楹檻之前目得之而色成耳聆  
之而聲會景遇之而意通興趣悠然盡出于壺觴之  
外夫茲地之勝舊以滕王閣爲第一而登陟斯樓髣  
髴軼乎其表於是諸君大喜過望更名曰攬秀而樂  
湖大書以顏其顛余惟天地之精散爲英華動植流  
峙各一其體故稱秀焉遠觀近取吾得兼以有之故  
稱攬焉秀在外也攬以外而合乎我也故情境異  
宣而欣戚感慨由之矣自汪君之爲左使端本崇化  
經國裕民根極坤要和氣融液爰致有年閩十三郡

或政務叢脞化理不興稼穡鮮功民黎無兼辰之積  
閭里多愁嘆之聲攬之有不戚然以憂者乎乃若四  
顧寰區窮極覆載天清地寧時和物阜老安少懷休  
禎萃於穆清澤潤究於遐阻兵革戢於邊陲戎狄歟  
於重譯斯其攬之有不陶然以喜者乎假令陰陽失  
和疵厲總至醜夷外侵剡穴內作國有萑苻之警民  
懼鴻鴈之悲攬之有不戚然以憂者乎古之君子脩  
明德親民之學擴大公無我之量呼吸通于四海欣  
戚黜夫已私是故其德可久其業可大焉耳宋范公

文正有言曰：「先天下之憂而憂，後天下之樂而樂。」斯言其至矣乎？蜡日餘閒，復置酒高會，大行陳君近衡以使事來蒞茲省，在坐爲客少叅張君立菴，以歲事如京師始歸，咸謂余言爲然。且欲聲之詩歌揄揚盛美，春谷遂以記屬余。夫古之享禮束帛加璧，帛以藉璧，璧重而帛輕也。今諸君子之詞皆璧玉之重，余以束帛藉而先之，則不可乎？言雖無文，固不得而辭矣。陳君名珊，銅仁人；汪君名宗元，崇陽人；傅君名頤，沔陽人；王君名喬齡，餘姚人；張君名思誠，固安人。余則

潘筮江先生集卷之九

潘集卷九

夫

潘筮江先生集卷之十

說對贊

靜觀堂說

廳西隙地舊有堂澗徐子曰仁退食處焉凝神洗心萬化冥合謂斯堂之助也廼名靜觀或告潘子問義潘子曰於乎徐子其善於觀矣道藏于無極顯于觀觀非靜而已始乎靜徐子其善於觀矣天其運乎地其翕乎縣象其著明乎四時其進退雲物其昭布昆蟲其蠕動乎鳶魚其飛躍乎是故陰陽相推變化乃生至賾而不可一者謂之象變動而不居者謂之機於穆不已萬物各正者謂之太極所以為太極者謂之道道也者匪象曷寄匪機曷章羅心曷統是故心者道之宗思則得之是故求道莫如靜易曰艮其背不獲其身行其庭不見其人求諸靜者也觀盥而不薦有孚顒若靜而觀者也時止則止時行則行動靜不失其時靜而動者也觀乎天文以察時變觀乎人文以化成天下觀而睿者也洪範曰思曰睿睿作聖夫作聖之功亦始于靜哉徐子其善于觀矣

洗心亭說

曹子居洗心之亭潘子問焉曰斯義也奚若曰吾嘗

聽政于堂矣簿牒交吾目情偽盈吾耳胥史奔走吾前庶姓怙恃吾下斯其心紛如也又嘗登斯亭矣群動咸寂神宇其凝反求諸心驗以天道太極之理具焉準以陰陽五常之性昭焉綜以物則萬化之機炳焉斯其心廓如也純如也是故養吾心焉靜以宰動斯裕于用歟焉若虛斯不惑厥觀是故心者政之宗也潘子曰善哉名乎若吾子者其能政矣知本也能善事心矣上靜也易之翼曰聖人以易洗心退藏于密夫易者變易也隨時變易以從道也易以從道是故造化在我能通天下之故成天下之務與時偕行

潘集卷十

二

吉無不利曹子曰洗心以易焉至矣予曰懋哉懋哉

### 君子軒說

縣治後有軒植竹環楹乃名軒曰君子余說其義曰盈天壤間莫非物矣物莫非象矣惟是竹也有君子之道焉是故其始生也漸進弗艾似善學者既長也籜歸之根似不忘本者風撼而不仆雨射而不撓似彊立者外直中通似虛心以受者貫四時不改柯易葉似守節者聲之摩也則脩然鸞鳳之音類合變之樂暈之生也其扶而疎者庶幾退讓之禮長葉之敷也其蒼翳以密蓋象布濩之仁夫其具是數者斯

為君子矣君子取象于竹也夫竹之有節以是具是數者斯為君子人矣乃歌曰綠竹如簣有斐君子如金如錫如圭如璧再歌曰綠竹猗猗君子有斐不可諼兮

### 圖政軒說

縣有二軒名其一曰君子又名其一曰圖政潘子未達曹子曰君子者以立體也圖政者以致用也潘子曰然然而立體者存乎德矣致用者存乎心矣今夫政慮之于心宣之于庭達之于里閭其政良民乃休焉安之悅之詠歌之其政弗良民咸戚焉畏之惡之

潘集卷十

三

相與謗厲之是故政之臧否斯民休戚從違係焉耳矣其機本諸心是故古之君子以已觀民民憂亦憂民樂亦樂故能通其政于一身達其愛于下澤被當時聲施後世今天下之民力莫竭于松矣民之困莫甚于賦矣子之視之也其有所隱于心乎其思所以利之也乎曹子曰然固名軒之義也

### 可畏齋說

曹子以可畏名齋問于潘子潘子曰書云可畏非民夫令民之主也則可畏其在民乎又問潘子曰傳有之莫見乎隱莫顯乎微故君子慎獨則可畏其在獨

乎然無二道也知民之可畏斯能慎獨矣知獨之可畏斯能畏民矣二者又奚擇焉是故畏者肆之反也狗欲則肆循理則畏畏生于心民吾所蒞也獨吾所寓也焉往而弗慎哉苟能充之則天人合一顯微無間夫然後可以達天德入聖域矣曰充之有要乎曰有敬爲要敬斯一矣一斯誠矣誠斯聖矣故曰惟聖罔念作狂惟狂克念作聖其嚴乎

### 冰檠說

曹子尹上海書冰檠縣于庭語潘子曰夫君子之行欲其脩也志欲其飭也吾嘗蚤夜以思從欲易從理

清集卷十

四

難是不可不慎也已吾將嚙冰以澡吾行食檠以厲吾心斯其有濟乎潘子曰善哉君子之守矣今天下之物寒孰有甚于冰者乎苦孰有甚于檠者乎是人之所畏也其適口者孰有甚于甘肥者乎其悅目者孰有甚于采色者乎其華躬者孰有甚于纈繡者乎其順耳者孰有甚于絲竹繁音者乎是人之所欲也善哉君子之守惟義與比人欲矣吾舍之人畏矣吾從之立志以定方端行以明極斯于見也不亦大乎見大而後心泰心泰而後身脩身脩而後可以蒞官可以治民矣詩曰彼君子兮不素餐兮

### 無倦說

曹令寬厚不苛爲政之二年膏澤其寡章條斯秋迺書無倦揭之庭朝夕視焉或曰君子知政矣潘子曰子其知學昔者仲由問政子曰先之勞之示擇術也曰無倦示深造也此非聖學乎學莫先于無倦無倦之謂有恒有諸已之謂善充而大之之謂君子化而通之之謂聖此非學之序乎是故夫子曰聖人不得而見矣其見君子乎又曰君子不得而見矣其善人乎又曰善人不得而見矣其有恒者乎是故成聖存乎學始學存乎有恒擴而大之不言而喻默成而信存乎聖君子懋焉則聖可幾矣何有於從政哉

清集卷十

一五

### 思雲說

客別號思雲質于潘子潘子曰爾是之思乎爾何思夫雲氣之裒也天之委形也觸石而興膚寸而合彌宇宙矣漫延布濩雨天下矣逮其止也歛焉若無晶月舒歸于太虛太虛其神乎今夫心方其有思若雲之聚聚則有形有形謂之物思之思之至于無思若雲之化化斯無跡無跡謂之神易曰憧憧往來朋從爾思物也子曰天下何思何慮神也是故一以真貫順以應物順而弗逆應而弗留化而弗宰守靜之



極致虛之篤是謂神德神德何思

梅麓說

壺公山側有梅山蜿蜒挺秀雄峙莆中環山皆梅葉大夫之居近焉迺號梅麓或有問大夫者曰夫梅花之隱逸者也歲寒始華獨後凡卉蕭然寂寞之濱古幽人羈士取其臭味同也往往情寄形諸詠歌若大夫者蘊斧藻之材抱經綸之學翱翔霄路殆將勒功旂常垂名竹帛梅也何居吾恐其不類矣大夫曰是何言與自吾幼也藏脩山麓與梅朝夕接焉誦讀之暇輒目玩心賞咀英挹清莫之違也既長宦遊四方

潘集卷十

六

雖遠適千里羹牆夢寐庶幾觀之若相咫尺歸則益締素交徘徊不忍去且吾獲助于梅者夥矣潛光戰耀自守澹如耳目是屏取諸其貞潔身浴德皜如皎如物莫之污取諸其潔嚙精幽美爰佩衆芳恐墜聲聞取諸其馨順常達變樂行憂遠獨立不懼取諸其節若是者日進焉而未艾也且仕亦何常退將比焉永茲終譽吾安敢梅之忘或以大夫言告潘子潘子曰若大夫者其知道乎天下之道出與處而已矣出處之道準諸時而已矣君子善識時不以隱顯湛志貞諸慮不以通約易心耽寂慕幽塊處一室往焉不

返是守株繫匏者也怙趨而棄恬覬進而虞退宅競而遺伏是務華絕根者也匏繫者失時務華者大已之二者皆非也君子反之時止時行時明時晦內不失已外不失時故曰若大夫者可以言道子歸語大夫暨茲山之梅大夫不忘梅汝梅亦無忘大夫之德自茲伊始進秉鈞衡贊調鼎實羞清廟薦明堂藉焉以往汝梅其無替哉書有之若作和羹爾惟鹽梅於是或人歸以語大夫大夫笑不荅以語梅梅笑亦不荅

西溪說

潘集卷十

七

潘子方臨流而坐觀水之義客有號西溪者請曰予隱人恥同于市廛築室西溪宅焉願聞君子之教矣潘子曰若亦有取于水乎夫水出之山也溪受之溪水之鍾矣酌之弗竭撓之弗汙是其量也水注之溪虛斯蓄焉溢斯出矣是其介也盈科以進斯夕不舍赴千里而不疑是其勇也風激之而波生焉日月射之而明成焉陰陽和之而雨施焉是其文也稿者以潤潤者以澤是其才也是故觀於水而溪之德見矣夫人之德蓋取諸溪取諸溪德以備焉是故仁德之量也義德之介也義德之勇也禮德之文也知德之

才也文則不固介則不撓才則不窮量則有容勇則有終君子樂水德用以崇惟德之腴曰潤爾躬君子之聖賢其同子是之求奚趣異於塗之人客唯唯而退

### 須野說

吾邑習之張子始號西磬精深易學讀易至蒙受之以需喟然嘆曰需之時義大矣哉需須也廼更號須野或人未達問義于潘子潘子曰夫須有二道有人須於我者焉有我須於人者焉二者相爲重輕譬之權衡其氏印之勢然也我之道足尊矣則人須我也

### 潘集卷十

一八

重人須我也重其有不爲我重者乎我無所得於道則人須我也輕人須我也輕其有能爲我重者乎是故人須於我者須在我也我須於人者須在人而繫諸我也君子亦求諸我而已矣易之需曰需有孚光亨貞吉利涉大川易師孔穎達曰物初蒙稚待養而成無信不立所待惟信五爲需主用其中正以此待物需道畢矣是故我足須於人則人有不須我者乎在昔伊尹樂道有莘之野受聘而起著績於商正有夏呂尚隱於磻溪脩霸王之略迨副車之出鷹揚牧野會朝勝殷孟子亦云君子尊德樂義窮不失義

達不離道故士得已民不失望焉士得已則我須於人者不亦重乎伊呂之所須商周者是已民不失望則人須於我者不亦重乎湯文之所須伊呂者是已丹山之鳳文明兆祥君子仰之慨其不至澤中之豹蒙霧而變其文蔚如觀者生色王璞藏也良工求焉梗柎杞梓之材爰利於用雖峻谷窮山工師必往龍潛在淵以能雨也懷生之倫翹首闔澤若彼凡禽畜礫石麤材則雖日接於人人弗之貴也是故觀於此而須道見矣君子績學爲藝虞其薄也飾躬而行慮其替也最忠以仕懼其遠也猶夙夜惕厲矜矜焉

### 潘集卷十

九

要於抵極追跡前聞以此而須故其道光明功業不顯于世矣需之彖曰需有孚光亨貞吉位乎天位以正中也利涉大川往有功也其是之謂哉

### 畦樂說

畦樂翁始豐於財好施予以是喪其資斧翁抗志浮雲悠然自足乃築室於園取畦治焉栖遲偃仰其樂孔階視天下之物休休如也既而子顯榮翁弗貳弗渝其樂孔回人稱之曰畦樂翁翁自稱亦曰畦樂翁君子曰翁之樂寓於畦矣非畦而后樂也是故物以寄情情以發志志以宣樂樂在我也樂在我不在畦

是故無得喪無常變無遐邇無外內視之一也視之一斯陶陶乎耳矣樂莫大焉匪一則二二則係諸物失得困于外水火桎其中斯戚戚乎耳矣憂莫大焉故曰翁非畦而后樂也詩有之泌之洋洋可以樂飢非水而后樂也

### 息齋說

客有商于齊東之野者後利遠焉耽寂守約退焉若休止焉若浮適名齋曰息或曰客其罔予哉予聞爭名者于朝爭利者于市客非商乎商其不干市乎闌闌之間裨販相尋鬻良雜苦故牟利者近鬻鬻者紛

### 潘集卷十

綸溷濁之名而隱之反也故近鬻者靡息潘子曰爾未之知耶夫心迹之判久矣達人朝隱智士市藏匪跡乎觀惟心是以故居動而履靜者精斯一已涉鬻而用寂者內斯潔已處羣而行獨者名斯異已蘭鉤鈎陳之署不能損步兵理照之神華紛聲利之區無以易君平卜肆之樂若之何以跡論哉是故天地發生冬閉其房變通之化也蟄蟲蠕動以時坯戶識幾之理也迺若爭于市朝目營營焉而罔知所止風斯下矣

### 訥齋說

我李氏子行少讀易次蒙之象慨然嘆曰蒙之時義大矣哉夫蒙山下出泉其清未汨君子養正於蒙以基聖功乃自號蒙谷既長而日益有聞易其號曰訥齋問於伯兄子仁氏曰子云仁者其言也訥予嘗釋思其指夫刀刀堅也刀之有刃其傷必多是故持刀者謹之心而不忍心斯傷矣言而不訥言斯傷矣故其文從刃示戒厥義不深遠乎子其懲以茲後患是之取爾伯氏胡以詔之予曰然而言之不可已也久矣夫言剖析陰陽苞絡理道品藻物情經緯倫制無大不貫靡細弗周昔在聖賢體道備德假象命辭

### 潘集卷十

出言爲經永世作訓夫豈徒言者哉如其徒言則虛車飾夫輪轅玉卮美而無當人弗庸之矣是故堅白議窮於三耳稷下論屈於談天申墨道病於捫闔莊列辭浮於汗漫景宋氣餒於靡淫是故古之立言者其必慎諸此矣曰言如斯而已乎曰未也君子以身受天下之寄御事物之變當經綸之責得其理則成失其理而敗何莫不由夫言是故順非而飾少卯取誅于兩觀利口捷給嗇夫勦說於虎園智略驂前量生失身於不密子貢出單詞而定霸千秋以一言而主周勃少文卒著安劉之勳文子訥訥終成相晉

之勳是故古之立功者其必慎諸此矣曰言如斯而已乎曰未也易乾之九三曰君子進德脩業忠信所以進德也脩辭立其誠所以居業也明道先生解云君子脩省言辭所以立誠若徒脩飾言辭斯偽也已君子慎之哉是故坤象著括囊之占風人垂胡顏之戒座右列金人之銘抑詩昭白圭之訓顏子養心齋以如愚仲雍謹不佞以成德元城去妄語於七年程子習靜坐而終日是故古之立德者其必慎諸此矣于行作而曰吾聞太上立德其次立功其次立言此之謂三不朽然立德本也德有諸已則時而我庸策

清集卷十

一

勳以名世古之人有行之者伊傅是也時不我庸垂意以開來古之人有行之者孔孟是也恕也謏陋安敢及斯言請遂識之庶幾日就月將無忘伯氏之教

棲霞對

有棲霞公子者戰曜巖居心逸體舒肅振鷺之容秉璠瑜之質悵世路于多岐結遐思乎幽域於是陽石山人聞而造焉揖公子棲霞之洞迺相與班荆而坐臨流而歌究皇始之易稽道德之文訂南華之旨更僕未休也山人問曰公子之於棲霞也樂乎曰樂山人曰樂有道乎曰有余聞之桎梏于疏屬者罔知樂

解之義拘樂于豐蔀者難語六合之觀嗟嗟流俗置寵辱于毫芒膠憂喜于失得忘禍福之倚伏昧慶弔之相尋玄黃眩其明淫哇亂其聽思慮鑠其精神哀樂窒其平粹于惟悼哉故余之所居也考圖按史則夢寐羲黃俯察仰觀則凝神宇宙引商汎徵則樂比鈞天啜粟飲泉則味甘列鼎步東平之樂善慕河間之大雅豈惟游心道藝將亦藉以永年山人曰若公子所謂蓋樂乎外而未得諸內也古之至人以天地爲一指齊萬古于一朝等光榮于蟬翼返視却聽保氣齋精不是是非非不物物我我不外累而智喪不

清集卷十

三

遺有而涉無泯色空于兩忘暢自然于象外是故喪天下于汾陽其真全也作鳳鳴于嵩洛其思遠也獲玄珠于罔象其神寂也故能躡太清遊山嶽喻風飲露耽靈洞微達埃溘之表入玄冥之內狎無窮之門享不死之齡徜徉明靈之府登陟瑤臺之上由此而揆之其樂之遠近也譬之朝菌之與大椿也所見之相懸也譬諸八澤之解圖南之鯢也二者其奚取焉公子慨然而曰順風而稱曰余不敏得聆緒論庶斯達矣迺作棲霞之操援琴鼓之辭曰至人抱一兮鍊太玄要道不煩兮契真詮漱我沆瀣兮體僊僊

拙者對

閩之陳大夫篤行好古邃學淵識令瑾襲珍靡事眩  
曜廼扁所寓曰拙客窩有驚世公子者私心怪焉未  
達厥度進而問之曰異哉子之名居也吾聞道尚變  
通時有沿革皇古旣逝人文昭宣君子與世推移聖  
人達節爲貴是故彩色輝炳丹青雜陳清廟之材也  
九苞繽紛和聲翕習希世之禽也子獨抱拙豈其未  
思不鳴之鷹主人棄之櫟杜之木卷曲輪囷匠石弗  
顧今子以璠璣之質登青雲之表勵矯世之心愧通

潛集卷十

十四

方之士某竊惑焉大夫曰居久矣余之不託于言也敢因明訊一布其腹心夫自元化旁流兩儀肇立大鈞播物形神相禪歲年罔極人壽幾何是故達士大觀至人遺物等造化爲蜉蝣視古今猶旦暮比光陰于過客蟬人生于逆旅齊壽促于彭殤嗚呼已矣拙不足恃巧奚以云子習流俗之浮華欲變予之素志子獨笑予之醉今而遽忘乎古也洪荒之初生民之始太和未散太璞未彫與物無營處世莫競此爲何時後世之文不勝其敝是以仲尼嘆大道之隱老氏欲鎮以無名之朴也子安得以人爲之巧易自然之

徵德頌功躡華登要人以其跡吾以其靜甘脆肥醲  
冶容靡曼人以其華吾以其寂議論風生智略輻輳  
人以其敏吾以其鈍夫芒刃入于無間鉛刀效于一  
割鯢鵬運于九萬鵲鳥巢于寸枝何則其分殊也寧  
曳尾于塗而不願犧牛之文錦寧委芳于野而恥同  
荃蕙之數化何則其志異也子姑往矣吾將反舊服  
于太虛歸情素于寂沕覽蓋軫之罔終混巧拙而若  
一習聃史之玄同守常德以爲質於是仰天而嘆隱  
几而歌曰大道無形含聖神兮至德內光孕厥真兮

漢書

主

生寄死歸又何常兮草衣木食曷其傷兮大人齊物  
寵辱忘兮被褐懷王夢羲黃兮

中憲大夫龍先生像贊

猗與先生維楚之英精神昭朗道藝夙成握手玄璧  
四方令名天衢躡步王國振纓翳翬之林迺翔六翮  
俯仰墳丘棲遲翰墨光光賁生長沙是式吏隱從容  
日邁厥德珠以川輝璞以山秀左右東平樂善斯就  
投簪市朝懸車巖岫永嘯長吟頗心養壽佑啓後人  
以似以續浚明有家治功高矚寵錫攸崇爰綏百福  
燁燁金章義義豸服如川方至言瘠其原如木斯斯

言培其根丹青再貌精爽若存風晞前烈慶浹後昆

龍母太恭人贊

惟蠟孕珠兮惟淵斯辟展如之人兮寔惟良配出懋  
蘋蘩兮惇德咸備祥發慶膺兮允錫爾類收華委世  
兮容神永闕遺像儼如兮式瞻清懿肅乎其敬兮惟  
德之徵儼乎若存兮惟神之凝萊有逸妻兮厥與之  
倫孟有令妣兮爰茲卜鄰鸞迴紫誥兮福履振振吁  
嗟兮恭人

潘笠江先生集卷之十

潘集卷十

七

潘笠江先生集卷之十一

墓誌銘 祭文

景寧王教授王公墓誌銘



華原王翼之先生典教徽藩事 景寧王餘二十年  
每事多匡正 王器重之正德庚辰歲卒官 王曰  
天其降罰于予善人適喪府之人則曰悠悠彼蒼胡  
不憖遺者德終惠我人鈞之人亦曰王公云亡邦其  
喪厥輔蓋先生以純德任久而入人深也越七年嘉  
靖丙戌其子選奉喪歸葬泰川會余守鈞至遂持狀  
乞銘余讀而異之銘惡可辭按狀公諱良相翼之其

潘集卷十一

一

字也性簡靜好植竹柏中庭號柏竹主人高祖清舉  
元進士任樞密僉事會祖舜卿祖子華皆有隱德父  
綸舉景泰庚午任教諭公生岐嶷眉目秀炯弱冠好  
學名立補郡弟子員弘治癸丑以歲貢至部授雷化  
縣學訓導改魏縣丁內艱去服闋鈞人馬太宰端肅  
公以 景寧王始受封慎擇學行老成者為輔擢先  
生補教授員先生盡心匡輔一罄忠赤故受知 簡  
王正德庚午 簡王擬用先生奏補紀善員遣官白  
景寧景寧婉為之辭事遂寢癸酉以疾引年乞骸  
骨歸 王曰先生忍棄予歸邪竟勉留有第宅之

先生生天順己亥九月二十三日卒庚辰九月二十四日享年六十有六配屈氏子二長卽選庠生次延典膳女五孫男一汝嘉先生惇敘彝倫孝友諄至初仕霑化也時兄良輔爲霑邑丞迎母養于霑先生鬱鬱不樂乃乞歸銓曹屠太宰廉得其志憐之爲改于魏魏近霑便迎養也逮親歿瘞毀悲哀終其喪可謂能孝先生見義分明不苟取予值歲饑常發粟濟貧窮里人德之可謂能義其在鈞也建家廟于官署東四時脩祀必誠必敬又以身率先子弟故諸子弟咸恂恂雅馴以淳謹聞可謂知禮其教諸子恒舉說古

清集卷上

一

人訓戒擇師得谿田馬公遣子就學焉以故選學日進爲望關中可謂能教夫是數者皆可銘銘曰嗟嗟君子關西英純德古風莫與京王官小試邦之頑勤勞奉職王心寧克啓後人昌厥聲樂丘歸步秦川平垂世不朽徵余銘

南京刑部主事趙公墓誌銘

嘉靖九年九月二十三日南京刑部主事梅谷趙公以官卒子一誠扶柩東還卜弗克葬越六載歲乙未冬十有一月二十七日始獲營空林塘之原一誠持縣學生康應初狀來請銘按狀公諱綸字廷言號梅

谷別號卓峯世爲海上令族父霽娶潘氏生公公生穎異出羣風采渙發少卽厲志力學正德己卯舉鄉庚辰舉禮部尋以母憂歸服闋策大廷授內江尹時嘉靖改元二年也內江歷瞿唐諸峽之險家人有難色公毅然以行曰古王遵叱馭何如人也入蜀境稅駕道左見民老幼食糲稱歎曰民其殆乎首禁漁獵節浮費罷工役賑貧窮問疾苦修明政教凡二十餘條民賴以安尤加意學校講明聖賢經濟之術名士如趙貞吉甘俊民輩數十人宗以爲師蜀俗多火葬公設厲禁置義塚全死者屍又信鬼佞佛公諭以

清集卷上

三

正卒止愾俗民有利姪財產夜手刀七命者給爲盜公片言折伏僚吏驚以爲神蜀素罕雪是歲雪盈寸又蝗不入境粟一五穗士民刻石頌德稱三異焉三載考績擢官留都斷獄明允時戚里怙勢虐人考驗得情有曲爲之庇者公持論堅不移竟置于理大司寇周公重之每引計事稱益友云居無何疾作不起距所生弘治戊申年四十有三配陸孺人子男二長卽一誠庠生次一明女二公始爲弟子員與恩同邑學癸未春又同舉進士故獲久侍公公論議常依名節諸所踐履期頡頏古人使究厥用則公勛名安如



也而位終郎署壽不克永嗟嗟蒼天今其已夫荷朝  
在野嚴霜悴之良玉簡珠湮淪山谷恒斬其光世所  
共傷也嗟嗟蒼天謂之何哉一誠泣謂余曰先君不  
能大壽而子孫孱弱非先生志銘蔑不朽矣余忍不  
爲之銘詞曰倬哉梅谷韓矣其光珪璋挺耀純懿以  
臧百夫之特萬民所望位不德稱今也其亡懷珍孕  
璞永閔玄堂泉明谷秀草潤木芳千秋萬祀君子之  
藏

贈南京戶部主事汪公墓碑銘

贈承德郎南京戶部主事汪公正德丙寅秋八月疾

清集卷七

卒葬廣照山越十有八年嘉靖癸未其子漢淵之起  
家進士拜南京戶部主事贈公如其官又十七年歲  
庚子淵之歷戶部郎中知永州府致政歸謂舊墓隘  
也始卜徙今墓墓在野塘原水木交秀風氣完好門  
堂封域從衛儀像咸麗于制越前規遠矣淵之泣謂  
子曰吾先子遭世中衰殫力經營惟孤是訓孤有今  
日迺不克一日養心則若何惟吾先子潛德隱行復  
泯泯焉罔昭示將來斯莫大之慘願子圖之以揭諸  
墓也子與淵之同舉于鄉又同舉進士相友善不敢  
以不文辭公諱容字克寬先世歙人唐越國公華之

裔也宋末莘老徙皖入明族益大世居欽化鄉環數  
里皆汪姓號汪家團始祖得仁以財雄鄉時永樂徙  
民實京師祖氏重遷流散四方無考獨漆保留皖公  
曾祖佛保祖彥亨父小七門祚中微遺田數頃委之  
同邑丁氏以避輪役公生四歲毋熊氏卒明年父卒  
育於他姓九歲丁氏瘠求得之撫如己子矚其舉止  
異凡兒歎曰此子其再立汪氏乃以田數十畝歸公  
公軒豁慷慨甫弱冠磊落不羈營事商遊挾輕貨出  
歸則獲利輒倍故業復植性好施予凡贈遺賓友周  
卹貧乏脩治道里扛梁不少靳一日遊金陵市錦綺

清集卷七

一五

數篋寄所交章氏章私之給爲盜因以居質期來歲  
償公比往章貧益甚遂裂券棄責冬月行江滸見巨  
艦覆亟募舸援之內鄉舉士九人幾殆延歸躬爇火  
更衣召匠製袍九具詰旦驢贈以行不問姓氏其右  
義樂施皆此類也弘治壬寅公時未舉嗣夜夢雙鯉  
挾霧升一凌天表旦語危大理危曰是當育顯子之  
祥癸卯而子淵之果生淵之之少也造就傳既長延  
師取友啓迪甄陶靡不用極以故學成而名立云公  
卒于丙寅歲八月二十有五且距生正統甲子六月  
初八日享年六十有三夫以公少值孤苦不階尺寸

乃能幹蠱用譽惟以義施晚篤教子遭家中落處之  
晏如無幾微尤悔詎不謂難耶公初娶錢氏生女一  
適葉裴繼詹氏贈太安人生子一卽漢女二適袁伯  
郭山孫男三長曰器邑庠生次曰田曰申女一曾孫  
男二長曰所見次曰所聞女一夫子姓振振蘭蓀茁  
秀式以永世公行義之效不旣著乎徐子升太史旣  
列公之行刻之藏於墓矣予復揭而銘詞曰遙遙光  
冑顯自唐越國之後人傳芳本蕃條遠世不乏布濩  
扶疎散四方皖公山麓孕靈秀中葉式微公克旨幹  
蠱亢宗開厥後天池鱗化高翔翔夜臺褒馳被寵錫

潘集卷上

一六

聲傳桑梓增輝光詢謀改葬卜云吉地乘生氣終允  
臧福祉流傳永無極雲仍萬禩承宗祊祖德昭明植  
遺矩有考其在此銘章

贈安人汪母詹氏墓碣銘

太安人詹氏故贈承德郎南京戶部主事汪君之配  
永州府太守漢之母也詹爲皖舊族紅巾亂屠城存  
者九姓詹其一也安人父璽明經補庠生性狷介寡  
諧安人生而穎敏凝重口授以孝經小學列女傳諸  
書能悉大義父母異焉而難其儷臂曰是女不爲貴  
人妻將不爲貴人母成化丙申承德君配錢氏卒聞

安人賢也託詹之友往求之詹曰吾聞汪子慷慨多  
大節本巨族子中微其興也兆矣許之故安人歸于  
汪氏承德君商遊歲再出安人綜理家政有則撫錢  
所生女不啻已出承德君宜之人以爲賢太守君幼  
也教以數日方名稍長授句讀每出命偕賢者遊歸  
必詢所交暨所業承德君交遊多賢士至留課子安  
人治具必豐腆或脫簪珥充人又賢之太守君爲諸  
生試有司輒獲提衡安人色喜屢試秋闈不利安人  
不色愠曰學不學人也至進取不有命耶語聞人益  
賢之寧藩兆亂之歲來寇皖城太守君聞變奉母避

潘集卷上

一七

山澤中安人驚悸成疾當疾亟奄奄若夢中語曰逆  
濠悖違天道事必無成憂居民受慘耳又呼太守君  
謂曰惜也吾不及見兒顯榮也汝異日效用必竭忠  
守貞無負幼學太守君泣數行下受命惟謹俄頃氣  
絕而殂時已卯七月二十九日也距生景泰壬申七  
月二十二日享年六十有八所產子男女若孫詳載  
承德君墓碑中故不著夫安人屬續之夕迺惓惓不  
忘公室與古列女所紀不卹緯而愛國家者何異是  
可謂賢安人卒四年爲嘉靖癸未太守君登進士拜  
南京戶部主事又三年膺 贈錫之榮又十五年歲

庚子遷葬龍山之麓去承德君治塘鐵爐墩墓四十里而遙太守君度地擇良謀及卜筮既罄厥心迺不合葬以從古始又明年辛丑太守君之友最安人世行伐石刻文銘曰於惟安人毓令德兮闡政脩舉端內則兮教子義方殫心力兮天霜夜零悴庭萱兮子登霄路奮高騫兮夜臺寵錫賁幽玄兮卜兆龍山亦孔之臧兮川原拱衛呵禁不祥兮治塘鬱特遙相望兮體魄歸于地魂氣無不之兮迺利嗣人祿永綏兮毋德不隆視予詞兮

弋陽王教授張公配朱孺人合葬墓誌銘

清集卷十一

八

城南先生張公以弋陽王教授致政歸嘉靖歲辛丑十一月二十五日考終殯于邑南姚涇之原越八年戊申九月十有八日配朱孺人亦卒明年己酉四月十日迺啓先生殯而大封之孺人祔焉公中子大愚大魯懼公之德善功烈不表著而日湮也迺屬公之門人徐子鳴鸞論譔爲狀又屬公之門人恩作銘刻石納于玄堂公諱武字德勇姓張氏別號城南張氏之先從宋南渡徙上海楊溪世爲著姓明興始祖仲實舉稅戶人材擢江西崇仁令仲實生宗善宗善生公吉公吉生麟麟生時公考也四世祖孫咸以詩學

承家母周氏生公公生而穎異不羣稍長彊善力學經籍子史綜覽不遺屬文邁勁簡古日益有聲入鄉學二十年督學歲行縣試輒高等尋貢入國學復試高等而數奇不偶不獲舉于鄉歲辛卯秋大魯乃舉于鄉公喜曰有兒成吾志矣乙未如選銓曹試又高等當補府推官公不樂刑官乞以儒職自効迺特授今官云弋陽自宸濠之變王以賢聞今上錄之攝國事事之鉅細罷舉罔不決于教授教授職卑而與他府長史等埒公廉介自持以德義相匡輔所造滕陳詞獻替可否一出于正又作鑒古錄保祚箴以獻王謝納焉繇是王之賢聲日聞上嘉之下

清集卷十一

九

聖書褒異更印掌國事增定三司朝見禮儀悉公佐導之烈方諸賈生之輔梁仲舒之相江都亡以過也王方倚公爲重而公有歸志數上書乞骸骨王不得已從之公歸杜門謝事日閱經史自適境與意會則怡然喜或一二知友時時來則觴詠奕棋嘯傲終日於世之寵辱利鈍漠如也再踰年公歿配朱孺人迺同邑名家子溫慈惠和慎重寡言及孺于公允執婦業孝敬婉孌凡公之學成名立惟孺人贊助之功振振諸胤爲世之良亦惟令母義方之教人謂與

公儷德云公生于成化癸巳九月十七日享年六十有九孺人生成化甲午九月二十八日享年七十有五子男七人一元先公卒次即大愚大魯次則大畏大儷大受大納女一人孫男六人曰汝明庠生汝金汝玉汝行汝器汝鎮女四人曾孫男一人曰所敬女一人公學可以潤身政可以及物德可以動衆是故家邦無怨人士無賢不肖咸傾心鄉往樂與之游善夫徐子之論曰君子哉若人其陳太丘徐孺子之流乎非阿其所好語矣余又憶曩時公屬續之晨大魯與余侍公疊疊百言咸依忠孝長厚間以古之太儒

清集卷上

十

名輔相期勉大魯奉命唯唯泣數行下余亦唯唯泣下俄頃翛然而逝夫以公之志若才使究厥用其所樹立何可勝道迺今已矣位不勝德有餘痼焉雖然公諸子若孫咸競爽克家激昂雲路則其食報于嗣人者惡有窮已也迺系之銘銘曰於皇海邑山澤函珍曰闢靈秀乃產哲人於維張氏世篤其慶城南奮跡益振厥聲領袖人倫兼體諸德簡諒溫如柔和剛克發憤下帷博聞多識受命于朝以相王國古人一職安敢苟爲光光董賈百世之師公也服膺敬共弗違趾美前脩殊代同歸曠度遠心一辭而退匪激匪

流不辱不殆俯仰天壤樂無隔閼春卉秋葩晨烟夕靄彼蒼不吊霜霰朝零襟華委耀庭萱謝榮後祿永綏子孫代興鴈搏鵠運霄路崢嶸姚涇之陽風氣攸好草木粵腴川原環繞君子之藏百世是保先德不湮我銘載考

寧德丞喬君墓誌銘

寧德丞喬適菴君卒之明年爲嘉靖壬子其孤懋敬將以是冬某月日奉柩窆于某原之新塋廼持其叔父進士君誥所撰狀來請銘拜而泣曰孤也寡昧天其降罰于孤俾我先君不祿無以伸一日之養葬將

清集卷上

上

至矣假令潛德歆行復湮沒不表聞于世孤之僂也斯大矣惟先生哀之俾有一言之辱余憶曩時弱冠治詩與適菴從張城南先生遊蓋有同門之雅誼故不得不辭按狀曰君諱訓字師伊適菴別號先世有智明者仕晉以德行稱後子姓散處吳會間至彥衡族益昌大再傳而生四世祖晚翠公綱綱生南園公益益生怡間公嶽嶽生南溪公積授安陸州判官南溪公娶馮氏生二子適菴其仲也少游邑庠以能文著聲屢試不偶於有司迺循例補太學生謁選銓曹授廣東東莞縣簿東莞故號難治君則以慎勤自勵

寬惠得民監司廉其能屢加獎異居三載天官考最  
擢福建寧德丞寧德地險瘠民獷多盜君捕其尤者  
論以法餘悉撫諭安堵其治理有成亦如東莞士論  
多之未幾解政歸構亭關園鑿池架石羅清泉珍木  
之勝日奉南溪公承顏嘯傲於中又性灑落與布衣  
交飲酒賦詩奕棋自適不爲高岸矜炫之行然以敬  
自將未嘗愆慢墮禮持身理家人稱良焉娶顧氏無  
子別置側室胡氏生子一卽懋敬也蚤遣就傅力學  
今補邑學弟子員歲辛亥正月十六日以疾卒正寢  
距所生弘治壬子五月二十一日享年六十六云天以

清集卷十

主

君之才之德而仕止于丞又僅獲中壽嗚呼傷哉潘  
子曰予嘗慨古才賢之士懷璞負奇而不偶于時者  
何限伯牛之疾子淵之天揆之天道杳渺無垠庸可  
理測邪若適菴者雖未登膺仕而施諸丞簿政善可  
錄已窺見一斑家庭善集慶流斯遠子弟咸循循以  
文學自喜揚眉矜目增祚祐之光者殆未可量然則  
又何傷矣廼系之銘曰嗟嗟適菴兮宅心坦平緝學  
以親身兮黌校推英胡復徇于雲路兮三年不鳴遂  
策名于太學兮蠖屈求伸寄一職以效忠兮何負于  
丞苟位卑而志通兮亦奚賸其芳聲綿厥慶于昆裔

今將福履乎繩繩卜吉壤爲玄廬兮洵鬱鬱乎佳城  
暨予銘之不蝕兮粵百世其攸寧

祭石子珍文

嗟嗟子珍兮夙呈令名曰予在幼兮交臂同行才華  
剡起今莫之與京天既畀之良今胡奪之速豈脩翼  
不能卑棲兮邇中道而卷局誕造化之神明兮糾我  
人之情曲惻子安之哀世今悲文勝之莫贖酌桂湑  
兮羞瓊蕉玄雲曠兮涼風淅淅彷彿而不見兮心忉  
忉靈平歸來兮尚無違

祭董封君文

清集卷十

主

於乎我公鍾間值之氣蘊淵泉之學負經綸之才始  
陟臺司阜囊著聲繼守大藩甘棠留詠而位止于斯  
才不及竟識者惜焉天啓後人克承家學宅揆論道  
爲國羽儀歷佐天曹忠誠彌篤舉賢黜幽士林賴  
之凡所以遺公之封大公之施者方永焉而未艾也  
恩也晚進忝竊門墻悵承顏之未能悅泰山其若望  
遽爾聞訃如何弗傷緘蕪辭以致奠庶來格其洋洋  
祭敬所將公文

於惟我公鍾英湘水負業經綸拚飛桂嶺振跡楓宸  
歷事三朝論思昕夕學究天人節同金石望切下

鉉助銘商鼎碩德高風朝野引領遜此碩膚懸車故里其樂只且左圖右史天不憖遺忽爾云祖恩也聞司千里增吁茲以戰事至止瞻拜几筵忽兮如在馨歎肅然抑其瑞世之功爲鳳爲麟浩然之氣爲星爲辰揮斤八極周遊九垓與太乙爲侶元氣爲鄰者乎敢羞蕝藻侑以江離庶幾來格永憚余辭

祭思齋鄭先生文

嗚呼先生止于斯乎先生抱珪璋之器佩奇璋之才筮仕之初令我上海宣惠布和芟煩植廢六事既脩動謚南國有西山氏之政焉恩時爲諸生誘掖獎誨

清集卷七

十四

靡所不至其作新士類咸彬彬鄉風有歐陽子之烈焉旣而晉爲侍御益篤忠誠風裁著聞存心獻替有仲淹氏之志焉癸巳之秋廼罹異造謝政言歸恩有干粵之行連舟北下玉山之別教音在耳不數月而計聞矣嗚呼先生遽止斯乎謂賢者遐邪先生之才固究厥施謂仁者壽邪先生之年未及強仕此造化之不可推而天下所共悲也東望壺山泣焉流涕一尊之酌千里之辭豈惟區區門墻之愛已哉

祭王封君文

諦觀天道豈曰遠而源深流浚積厚光施縣縣世澤

如彼力田是穠是養爰有豐年猗與先生懷珍抱璞樹德滋仁以綏後祿誕惟令人克隆厥世奮跡清朝勲名日勵蘭蓀茁秀適茂其華光光封錫寵賁攸加始也戶曹再遷儀部食報無涯永篤斯祐生旣受祉歿則全歸形神不返風木餘悲丹旌雲合桂水增吁薄陳絮酒竊附生芻

祭毛督學文

於乎先生乃至斯極耶鳳翔千仞鯤奮天池是將頡頏霄路爲世羽儀光大而無艾也一旦脫鱗鍛翮奄焉長化是遵何理哉於乎先生英邁風成鴻聲蚤林

清集卷七

十五

緬惟釋褐之年牛刀初試棠陰頌歌繼擢刑曹明允不著再秉臬憲風采誕聞及其省方視學桃李甄培子衿作氣其勲業日新而未已也晨霜撤瑟哲人殂傷修翼卑棲中道踉蹌婚嫁未畢壽母在堂蒼天謂何乃至斯極耶此固理數之不可詰而行路所共悲也矧同官茲上締交蘭臭者哉旅視言歸丹旌東指酸風載塗陰雲颯颯薄陳蘋藻于彼江濱詞不盡哀永憫斯文

祭封君蔡公文

於惟我公閩山挺異襟懷淳良剛直時玉色金相

德則隆矣於惟我公跡隱鹿門名傳谷口仁禮持身  
詩書啓後行則備矣毓秀鍾英克生賢子振步巍科  
蜚聲青瑣敷歷中外勲名日播秉鉞有虔救寧南土  
福則遐矣桓桓司馬 天子褒嘉寵以勲封章服載  
加垂金紱紫其樂無涯貴則崇矣於惟我公徜徉泉  
石綜理琴書年躋耆耄泮渙桑榆壽則昌矣夫德繇  
行備福以德承曰壽曰貴諸福畢膺世如公者其有  
幾人若公之歿可無憾矣特以訃音聿聞元臣釋位  
當寧厯闔外之慮邦氓牽九戩之恩繫公之歿關  
繫者重吾人之情其曷已諸式陳豆薦申以蕪詞靈

潘集卷十一

七

乎如在庶幾格思

祭孫汝鳴文

嗟嗟汝鳴今其已夫汝鳴幼稟倜儻之材長負經綸  
之志雄偉不羣俯視一世謂希文可以並馳榮位可  
以跂致屢躋文場乃從邑貢賁志濫然以歿世之材  
志不及汝鳴而登名仕籍策足要津者何限此曷故  
哉憶予曩時與汝鳴暨石子子珍友也恒以用世相  
期子珍仕而夭死汝鳴不偶于時又弗永齡予則愆  
咎彌彰遐謫嶺外世路嶮巇其能無一慨乎鸞鳳暗  
喑啁雀高鳴芷蘭春悴蕭艾秋榮英雋蚤世饗養長

年物理天道胡爲其然古之達人目造化爲小兒薄  
名利于螢爚等寵辱于浮漚齊彭殤于一瞬職此之  
繇也嗟嗟汝鳴今其已夫夜臺有知能不憚然于子  
言也夫

祭張立峯文

維先生之秉德兮放情志於天游謇率直其非矯兮  
亦委順而非柔沛英聲於甲第兮蘊經濟之宏猷始  
著績於兵曹兮令聞燁乎其四流繼持憲於臬臺兮  
肅風紀於西甌思故園之松菊兮亟反服於林丘甘  
道腴之雋永兮睨榮利於浮漚余締交非一日兮結

潘集卷十一

七

蘭契於同仇憶曲江之春麗兮儼齊轡於瀛洲相砥  
礪於官常今期矢志而好脩暨追隨於鄉井兮日笑  
語其綢繆胡中道之捐棄兮悵形容之莫留陰雲被  
於丹旄兮寒風慘乎颼颼東生芻以祗事兮淚霑臆  
而不可收

祭董朗洲文

猗與先生天才雋異卓爾不羣績學待用誠哉國琛  
振跡賢科蜚英藝林拜官禮曹簡登中秘喉舌是膺  
經緯 帝制文采葩流綜思肯綮質矣不疏華而弗  
詭人多服之謂其得體時乎弗遇左遷河東分理賦



政克秉清公 賜環有待以俟升庸才長命短遽此  
鞠幽官無積羨歿無歛貲旅櫬南旋千里逶遲士心  
咸惻行路傷悲予也並君鄉舉獨憐君才悼君之喪  
眷眷于懷薄陳此奠維以告哀

祭李少參文

於惟先生太華鍾靈脩德名立緝學行成廼魁鄉選  
首冠羣英暨薦禮闈奮跡彤庭始授戶曹出納有經  
繼遷儀部秉道寅清晉陟學宗鄒魯之濱青衿弦咏  
文教風行擢叅浙藩益篤忠貞壬子之夏越海波興  
我兵不戒黃巖震驚身衝矢石幾隕厥生公也侈力

清集卷一

七

晨夕靡寧保聚餘衆浚湟築城拮据卒瘡疾是膺  
昊天不吊殲此哲人人亦有言仁者壽徵胡公仁矣  
奄然遽零歸觀千里弱息六齡黃鳥悲歌胡寧忍聞  
某等與公接雅縉紳敦交匪薄曷以爲情寄哀觴奠  
悵目清塵淒風瑟瑟有涕霑襟

祭陸實齋文

嘉靖癸丑七月某日浙江布政使司左叅政上海潘  
恩浙江按察司僉事巴陵姜廷願謹以香幣牲醴庶  
羞之奠致祭于都察院右僉都御史實齋陸公曰嗚  
呼我公純慤之質粟平性生希古之學篤于終始

論之模見之歷試屈指如公胡可多得今其已夫方  
公奮跡南離繼登甲第才華剡著令問日章筮仕部  
曹月試之功兩都稱最暨遷岳守循良之政奏課獨  
優曾擢卿寺進位中丞明練庶務鑒達治幾無出其  
右此希世之偉民國家之瑚璉也天不憖遺五十而  
歿勲業未竟彼蒼謂何恩也以同年之雅獲麗澤于  
受承願也以邦人之分接光華于覆露茲以觀風同  
游斯土考懿德于鄉評咸今悼昔懷舊思賢逝川莫  
返令聞空傳一哀出涕不覺潸然薄陳此奠聊以告  
虔

清集卷一

七

祭熊北原冢宰文

於惟太宰章水鍾靈質稟明懿德負剛貞甲科騰譽  
青瑣蜚英爲邦司直蹇諤著聲抗言典禮彝倫日星  
帝心簡在遂爾升庸出貳薇垣惠政流行入總臺  
憲持國紀經風猷丕顯正色絕倫晉陟宰臣曰秉鈞  
衡銓藻流品衆職仰成先民有作楷範未傾文恪簡  
夷端毅忠清公也其庶繼武齊名歸樂林泉養道襲  
珍靜鎮淳競後生法程某等觀風茲省亦藉儀刑吳  
天不吊倏爾老成形容長謝微烈不泯一哀寄奠永  
悼斯文

祭歐陽南野尚書文

惟公質稟文江之秀學希濂洛之英志抱濟時之略  
材鈞柱石之珍方其釋褐而爲牧普德惠于川氓遂  
聲華之剋起乃晉陟乎儒林肆校讐于中秘日光大  
而有名貳司成于南國聿領袖乎人倫析疑義而冰  
釋端楷範其若銅卿寺繼擢官詹載登班學士之清  
秩秉吾道之主盟暨正位乎宗伯受簡知於帝心  
慨然自任以天下益以砥礪乎忠貞是故世之談道  
學者非迂則詭公探究本原一話一言咸就平實人  
樂其可親世之僂文藝者或歎于政公通達治體可  
否是非定于談笑人僉誦其明若夫總裁國史著述  
揚聲囊括三才鉤稽典故衆咸服其筆削之精迺若  
宗藩椒衍祿廩靡靡奏報章條區畫有經因時制節  
蓋默遇乎通變之神祭而不殊又無損于皇家敦  
睦之仁彼好名之徒祗竊耀夫皦皦而昧于通方之  
士又恒病乎硜硜視公蓋得其疏節亦孰與嬈類而  
比鄰唯鼎席之有待四方尚觀其經綸胡旻天之不  
吊溘一疾而遐征 天子念公贈蔭葬錫紛渥寵之  
誕膺朝行悼公弔賻哭臨盡乎罔以爲情蓋公之還  
化宇宙已莫能髣髴擬其形繫聞望之隆易名之典

善光榮於不朽殆與竹帛乎罔有其等邇交知之  
日攢道義以爲程觀丹旆之南旋悵寥絕乎儀形山  
色溪容之有像者同予情黯淡而不欣光風霽月不  
隨形而泯者耿乎若觀其生平採江離以羞奠庶靈  
爽之居歆

潘筮江先生集卷之十一

潘竺江先生集卷之十二

雜述

述經

乾剛君道也父道也夫道也過剛則亢亢則悔故用九以無首吉坤柔臣道也子道也妻道也過柔則廢廢則不足配乾故用六利永貞

有天地則有君長故屯次乾坤曰利建侯君侯者所以子萬民而生之者也與天地並為三君不能子民則屯難不解天地否塞是以君子之道貴盡性以盡人物之性贊天地之化育斯與天參象曰雲雷屯

君子以經綸義玄遠矣

訟六三食舊德貞厲終吉或從王事無成何謂也曰君子見可而進知難而退其動也中德薄祿浮謂之竊力小任大謂之罔皆鮮終之道也

師貞丈人吉無咎三代之將如伊尹呂望可以當之後世若漢之趙充國諸葛武侯其次也唐之郭子儀宋之曹彬又其次也

師上六開國承家小人勿用其諸賞功之戒乎雖然古之明王敬慎蓋先之矣周有大賚善人是富謹于豫也若假小人成功而論封錫爵乃始制之亦末也

已

泰六四曰翩翩不富言陰復易也初九曰拔茅茹言陽進難也是故君子難進而小人易入也義理難持而物欲易行也明王觀象玩詞慎斯二者是故其自治也德崇其用人也業廣

乾坤立天地之體否泰盡天地之用體為質各居其所是故上下位焉用為氣交運無方是故四時行百物生焉大哉用乎見天地之心矣

謙以損受益其象多吉豫以樂招憂其象多危天下之理不越感應已矣

潘集卷十二

十二

臨元亨利貞至八月有凶臨二陽浸長君子道也八月入遯陰升陽伏小人道也二氣相盪六爻反復治之隆污時之升降恒必由之惟聖人為能明微通變而豫罔底于極易曰八月有凶豫之至也

電雷噬嗑電明雷震二者相因君子折獄以之尚明威也明威亦相因世末有不明而能威者

復陰柔消去陽剛反位言復內陽也子云克己復禮為仁己言克禮言復外私而內仁也

艮其趾止乎行也艮其輔止乎言也慎言行而天下之理得矣上九敦艮之吉此其積也曰敦者何厚其

所已能焉爾

中孚豚魚吉傳云豚躁魚冥孚信感于豚魚則無不至本義云至信可感豚魚占者能致豚魚之應則吉此不無可疑象不云乎豚魚吉信及豚魚也言及自我及之也所以名信之至如云誠貫金石所以名誠之精非金石應我也

憂悔吝者存乎介是故雷風變而啓命滕成之幾聖也震無咎者存乎悔是故靖師敗而作秦誓穆之近于王也

鄭伯爲周卿士以周將昇號公政怨焉使祭仲帥師

清集卷上

一

取溫之麥及成周之禾傳曰周鄭交惡周室雖衰也鄭臣也臣子於君父敢稱兵求快焉此必誅之罪左氏夷周於鄭交譏之毋乃廢春秋義乎傳有云人臣無將將則罔赦此其義也

坤初六履霜堅冰至傳曰子弑父臣弑君所由來者漸矣是故君子貴未然之防公子翬在魯矯制專兵不臣之迹已不可長繼而請殺桓求太宰譏人交亂伊何所止卽是正以法焉其又何辭隱公弗能制其始又隱忍於終廼曰爲其少故也吾將授之使營菟裘吾老焉此何時也乃是言耶鐘巫之禍宜及矣語

不當斷不斷始受其亂隱之謂乎

桓三年公會齊侯陳侯鄭伯于稷以成宋亂傳曰爲賂故立華氏也魯取郕大鼎納之大廟謂之以賂誰曰不然第未知公之微也桓弑兄自立與督弑君何以異天下之惡一也人得而討之公之心有懼焉者故因宋亂會三國成之宋亂成而魯可無事矣此桓志也然則三國曷從之曰三國之從以宋賂也受賂非罪與曰惡得無罪是舉也魯主之

襄公之立也子魚聽宋國之政於次睢之社則曰一會也虐二國之君又用諸昏淫之鬼難以霸矣得死

清集卷上

一

爲幸鹿上之盟則曰宋其亡乎小國爭盟禍也孟之會則曰君欲已甚其何以堪其伐鄭也則曰禍在此矣君子曰書曰汝無面從退有後言言臣道也子魚爲宋宗臣君之過舉弗能諫焉徒言何益諫弗入焉死之可也去可也如其弗諫不如無言曰宗臣也可去乎哉曰古有之比干死箕子囚微子去三人也殷之宗也而知所擇焉夫子以爲仁矣

門月不告朔猶朝于廟朔以明曆曆以正時時以敬事事以致功是故爲禮者謹之天子頒焉諸侯告焉尊君也告朔必於廟親親也文公廢不告棄禮蔑君

罪之大者猶朝于廟始變古也自是以來弗朝于廟矣是故子貢欲去夫餼羊孔子曰我愛其禮爾愛其羊此書猶亦存羊意也傳者未喻乃曰猶可止之辭傳曰鄭子產作丘賦重取民也國人謗之子寬以告弗聽子寬曰國民先亡乎政不率法而制於心君子曰此史之失其傳也仁人之行度於衷矣施厚歛薄厚以歛焉阜財宣侈叢怨賈禍何以爲國子產無是也或曰何以知之曰吾從其言矣其寓書宣子曰長國家者患非無賄無令名之難加賦非賄乎賄以敗名以壞國基子產無是也孔子亦曰其養民惠又曰

卷之三

一

惠人如其加賦不仁孰甚焉何以爲子產

禮之用大矣定親疎決嫌疑別同異明是非莫非禮也親疎有自然之情非禮則亂故謂之定同異有秩然之分非禮則雜故謂之別嫌疑隱而難知也非禮無辨故謂之決是非有形易知也非禮亦不可見故謂之明

行禮以中爲準不妄悅人妄悅人者僞以侈失則過焉是故微生乞醢夫子以爲濫矣不辭費辭費者固以齒失則不及焉是故晏子豚肩不掩豆夫子以爲

濫矣

矢非以復也用之升陞之戰豈非以昂昂之戰之敗夫豈擇是哉不得已也曷爲其不得已蓋兵革之後無衣以復以矢其諸得已乎人各有喪髮而乎其諸得已乎然則記者曷謹之曰志禮始變志禮始變其足以爲戒乎爾

禮莫先于正容正容莫先于瞻視是故君子慎焉天子穆穆故視不上於袷不下於帶諸侯皐皐故綏視綏視則上於袷矣大夫濟濟故衡視衡視乎也士跄跄故視五步五步則遠於衡視矣凡視上於面者其神散非敖乎下於帶者其神奪非有憂乎傾邪不正者

卷之三

一

其神失守非姦乎君子所以尊其瞻視此之謂也

### 論學

冰之于水陰凝之也比其釋焉水而已矣是故赴川達海莫能禦焉欲之於理物蔽之也比其反焉理而已矣是故克己復禮天下歸仁欲不足以累之

玄豹隱霧以文身潛龍在淵以成德是故君子學也默識不以侈名行也順時不以顯外仕也共職不以嗟卑

問榮辱曰二者恒相因小人求諸人喜得悲喪是故大榮則大辱矣小榮則小辱矣君子求諸己窮通失

得處之一是故無夢無辱其道自足

或曰孟子云學問之道求放心而已矣敢問求放心由學問以求之與曰問學外也心內也以外求內是奚足哉然則以心求之與曰心一而已以心求心是二心也心有二乎然則孰從而求之曰其機在覺其道在主敬在寡欲今夫心之未放渾然在中其放也目淫于靡曼耳聒于繁聲口爽于甘味則引之去矣是故覺以照之主敬以持之寡欲以制之然後本體不虧何有于放若曰求已放之心反之使來是放者一心求者又一心也心有二乎書云人心惟危道心

清集卷十一

一七

惟微道心本心也人心放心也又云惟精惟一允執厥中主敬者惟一之謂寡欲者惟精之謂也此其求之道也

岳武穆之歿關宋祚存廢世咸悼其忠未知其仁或疑班師之舉非是謂大夫出疆可以專遂檜之矯君今召之也若阻兵不歸是謂抗君檜益得以有辭矣赤族之禍又曷以逃且身為大將而忍抗君則與夷僚何異胡以討賊武穆常有言君臣大倫根于天性孰謂根于天性者而忍少解于心乎故曰武穆之仁可知其仁

勿遜學其仁者與抗節不回死義而無悔絕命辭有成仁之志焉其逢于之儔也如其遇主伊周之業可與乎

道足於已通極性命不增損于趨時不附麗于外物子曰山梁雌雉時哉時哉語道之本足者乎楊子有云明明在上百官牛羊亦山雌也闇闇在上簞瓢梓茹亦山雌也

大哉元氣周流宇宙分為兩儀列為四時闔闔往來無窮已也夫人得之以生喘息呼吸與天地通一息不屬則失常矣六腑五臟九竅百骸氣之流行滲漉

清集卷十一

一八

灌注罔有不周一體不貫則壅滯弗寧矣聖人以身視人不分形埒不立町畦遠邇親疎通之一息無弗屬也憂人之憂樂人之樂利害休戚聯之一體無弗貫也夫是之謂治人以身古語有之天地宇宙一人之身也六合之內一人之制也真名言哉孟子亦曰浩然之氣以直養而無害則塞乎天地之間

論治

王道不行于世久矣周自東遷五伯繼起文武之澤其墜乎秦伯之殘者也漢雜用伯王卓哉文景禮樂不復興焉他可知矣唐治下于漢者也宋仁厚間大

藝祖洪其源仁宗浚其波然國弱不支夷禍用長其在文景之後乎

或問帝王之德曰堯舜禹其至乎湯放桀已有慙德武之誅紂甚矣是處君臣之否者與子云韶盡美盡善武未盡善又云文王其至德也已以服事殷其不與湯武可知也曰不與湯武曷不明言以詔世曰夫子殷人也周時王也是以爲之諱也

或問將相之職可兼乎曰未之知也問將才曰呂望其人也矢于牧野時維鷹揚周公弗之與矣問相才曰周公其人也脩禮合樂光崇至治太公弗之與矣

潘集卷十一

一九

故曰天之生才也殊才之表見各異其誰一之通是說者可知用人矣

或問禮樂必百年可興然與曰非也漢高所好非文叔孫志有取寵何以興禮樂此魯兩生所以謝不往其曰積德百年云者辭焉耳矣大舜同律度於受終孔子漸化行於期月安待百年乎

或問治民之術曰養民已矣問養民曰如養身已矣未達曰善養身者儉欲善養民者儉財財者民之心心存則榮衛周流百骸悅澤民不生焉者未之有也反是而欲其生者未之有也是故古之君子因天時

地利阜民財不以一人肆于民上夫是之謂治

禮有質有文內心之謂質外心之謂文太古以質中古以文古之文也飾今之文也偽飾於禮虛偽於禮麗與其偽也寧飾是故去偽而后文反文而后質從質而後復禮

陳公甫云貪官汚吏侵漁百姓甚於盜賊此而不除雖有良法美意孰與行之誠哉是言也

上天下澤履履理也禮所由立也雷出地奮豫悅也樂所由作也禮者體嚴而用和樂者體和而用嚴

潘集卷十一

二十

有交濟之道焉禮嚴勝則亢暴戾拂經秦漢之治也樂和勝則淫邪衰無節鄭衛之音也是故得其中之上矣

古之人才易知今之人才難識古之人才也朴今之人才也偽內險而示之夷內忍而示之愛內貪而示之廉囚首微名借言談道脂韋干進自謂樂行非久而觀察之鮮有不爲所眩者矣

讀鄉約起而嘆曰古之立教者勞于行今之立教者勞于言王卮無當人安庸美言無當人安從王道之不異則有由矣



天下之財猶水也治世之財不在君則在民衰世之財在近習在權門在豪強財在君可散之民猶河海之波潤及猷畝也財在民可奉之君猶百川之流委輸江海也故曰百姓足君孰與不足在近習在權門在豪強則深溪巨藪渚蓄不行無所於利是故府庫空虛齊民無蓋藏謂之危國握利權者可深長思矣

天者生物之府也地者鬻物之府也若品制物宜節宣財用以均一海內則在大君大君者執天下之權導利而布之上下者也利有不導勢不無閼遏之虞

漢書卷十二

上

上而取盈下不無匱乏之患是故有纂組羅統詭文弱繡服飾之妖妍則必有縞衣縵袍短褐不掩形之士有奇珍異膳海錯山肴飲食之甘美則必有茹菽採藿糟糠不厭口之民有高臺層榭華榱璧璫宮室之靡麗則必有蓬戶桑樞環堵不蔽風雨之夫蓋利之生也有限而用之不可踰也聖人知然以一身勞天下不以天下奉一人堯茅茨土階樸桷不斲素題不枿食不甘肥疏櫛充腹衣不文繡鹿裘禦寒其養不加厚而身以勞民如此故平章之治成康衢之頌作冠古今而獨盛與孔子曰大哉堯也斯其大矣

君者臣之則也臣者則君者也文王卑服卽康功曰功則臣下秉羔羊素絲之節曹君玩細娛忘遠大則在位多鸛翼不稱之譏是故儉奢勤怠之異趨其機固有自也人君蓋慎所導哉

易損上益下曰益損下益上曰損損上益下曰益者何益在上也損下益上曰損者何損在上也上損矣而曰益者何百姓足君孰與不足夫是之謂益上益矣而曰損者何百姓不足君孰與足夫是之謂損是故散財者王殖貨者亡彼盈鉅橋之粟積鹿臺之財者非萬世永鑒哉

漢書卷十二

上

銷國家之元氣者貪吏是也吏貪則貨實是總日朘月削民烏得不貧民貧則盜斯起盜起則危亡麗焉譬之病從口入亦以貪貪則邪氣勝正氣銷積以日去貪吏爲去夫  
屯田鹽政二者相表裏明鹽法有天下德澤溢于羣方棲威振乎殊俗西北諸邊創立屯牧軍人且耕且守故塞外之地日墾穀粟充盈財用流衍嗣是而後法制稍玩將官侵牟人利蓄養家丁佃田塞上故守望不廢米穀亦充又其後也邊防虧缺勞勢日熾

移守內地田業荒蕪穀價山之騰踊民力困於轉輸於是不足之患矣夫屯政漸改釐法亦因之何則年豐穀登餉饋易足芻菽騰貴飛輓則難蓋其勢然也國初招商中鹽官之征至薄商之獲甚饒商人預納邊糧乃給引日守場候支謂之常股立法最善其後積鹽在場遇邊糧急缺乃倍價開中越次放支謂之存積法漸變易異于古初又其後兵食益虧征利愈急開餘鹽私賣之禁奸商借引影射私鹽官鹽遂壅甚而權勢報中侵奪餘利正額益虧其法大壞不可言矣然則常股之法可復乎曰曷之乎不可也邊

卷五

儲匱生于開中寡開中寡生于穀不足穀不足生于屯廢故屯地墾而穀歲登矣穀登而商人便利矣便商而軍需饒裕矣然則屯由之法可復乎曰曷之乎不可也漢趙充國云留屯以爲武備因田致穀威德並行內有亡費之利外有守禦之功此不戰而屈人之策也書曰監于先王成憲其永無愆謀國者圖焉儒者謂安上治民莫善于禮移風易俗莫善于樂信哉言也我明開國皇祖以禮樂爲急徵天下耆碩分局編摩惟輯大明集禮一書式示天下樂則未有

成書豈稽古之遺也哉

上心

耶抑禮樂百年后興有所待爾也今效坊俗樂列朝著優人歌舞參之燕饗胡元詞曲譁于民間無亦以傑侏兒離之樂昔王收而不棄耶然靡麗妖淫增悲導欲后變所典恐不其然鄭聲亂雅識治者憂之周子曰不復古禮不變今樂而欲致治者末矣

觀物

陰陽二端從橫宇宙四時之運氣之經也時日之候氣之緯也經有常儀緯無方體故晦朔分至之更達于天下莫之間也雷風雨暘之候百里異宜莫之齊也

卷五

天一生水地以六成之生陽而成陰是故潮汐盈縮由之矣歲之春月之朔陽中也歲之秋月之望陰中也陰陽之生於斯爲盛水亦盛焉乘時也

金鋋取火于日非日與之火日感而鋋應焉方諸取水于月非月與之水月感而方諸應焉感以氣陽施之義也應以形陰成之義也造化陰陽變動不居皆法象自然爾

陰陽二氣徧天壤間氣無形二氣合而有形雲氣之合者也有形無質合極斯潤潤則爲雨水潤之積者也有質無體附體于地雲聚于空俄而散水聚于地

漸以涸其骸其潤復還爲氣如環無端莫可究詰夫  
天一生水地六成之地二生火天七成之皆陰陽始  
交之氣故水無體附體于地火亦無體附體于薪若  
木金土其諸既成之氣乎爾氣既成故有體不變與  
水火異

天地陰陽五行之數之理摩盪闢闢遠取諸物近取  
諸身皆法象自然試以字若音求之亦可徵驗先閉  
後開者春音也純開者夏音也先開後閉者秋音也  
純閉者冬音也木音先開後閉麗于春火音純開麗  
于夏金音先開後閉麗于秋水音純閉麗于冬又緣

清集卷十五

一十五

是推之齒之音生于齒舌之音生于舌唇之音生于  
唇喉之音生于喉口之音則兼四者而生春也木也  
角也皆齒音夏也火也徵也皆喉音秋也金也商也  
皆唇音冬也水也羽也皆舌音土也宮也則皆口音  
蓋宮兼五聲土分王四時也天道之妙與聲音通莫  
或離之莫或合之默成而信其神矣乎

陰陽非二物也氣之周流舒則爲陽翕則爲陰雷電  
非二物也氣之薄激聲則爲雷形則爲電雷之鳴電  
必先見者其諸聲隨形之義乎若是而月令云二月  
雷乃發聲雷發聲後五日而始電何也此言陽氣之

升以漸至爾試觀之擊石者始擊石則先有聲擊而  
熱火乃出焉雷譬則擊石之聲也雷譬則其火也故  
曰非二物也

蜀鑿鹽井深可四五十仞鑿者始得甘泉鑿不休至  
甘泉盡而後鹽水出焉煮乃成鹽余因是而推天一  
生水水周流于地猶氣液絡脉周流一身其在人涕  
淚津涎便溺皆水也小便則鹹其在地江淮河漢四  
海皆水也海則鹹蓋膀胱受小腸之滲漉體最居下  
海爲百川之委輸亦最下故皆鹹也書有云水曰潤  
下潤下作鹹

清集卷十五

一十五

漢孔明八陣圖蹟今蜀有二一在夔之永安宮一在  
新都之牟彌鎮意在夔者東向征吳時駐軍水次新  
都則平日閱武場也余嘗乘春水落艤舟白帝城遐  
瞻沙渚間恍如以石作埒縱八行折爲六十四傳之  
故老云夏秋川流衝擊聚石不亂牟彌鎮東則土脉  
蜿蜒墳起若釜若堂聞昔人用治之浹旬遇風雨復  
隆隆峻突如舊今廢爲墟夫哲人往矣故事流傳迺  
至今存豈亦神物護持抑忠誠貫金石者與天壤同  
不朽也吁亦靈異矣哉

宋蘇子瞻文章政事真出時流其守南徐頻年值河

東歲水益甚迅流奔擊暴囓民居城不浸者數版  
越旬勢不休民懼覆爲魚倉皇不知所出于瞻禱于  
神以黃土塗東北隅城樓謂黃爲中色土制水也繇  
是水果落河不爲災至今名黃樓云嘉靖初祀觀風  
者易以丹腹失厥指矣蒲坂楊瞻以清戎至命有司  
復其舊焉

學齋佔畢云呂氏春秋紀草木之花皆五出雪花獨  
六出古今莫喻其理獨朱文公謂地六爲水之成數  
者亦結爲花故六出或言花中惟嚴桂四出之異  
余謂土之生物其成數五故草木花皆五惟桂乃月

中之木居西方地四乃西方金之成數故花四出而  
金色且開於秋云由今觀之薦荷花亦六出謂草木  
花皆五出惟桂四出者義則未然

蜀道直海內爲峻岷山之精上繫井絡岷爲江水發  
源其地在蜀爲尤峻岷山則世所稱雪山者是今松  
潘衛西即其地地最寒不生五穀果蔬土人樹青稞  
爲食五月猶墜雪雪四時積不消風土視諸郡特異  
豈地最高使然與素問云地有高下氣有溫涼高者  
氣寒下者氣熱信哉言也

先生集卷之十二

笠江先生近稿目錄

卷之一

詩

六十誕辰徐龍陽賦詩見贈次韻答之

祭告嵩嶽道中次喬白巖太宰韻二首

少林初祖菴次白巖二首

釣州至日同王雙槐少監孫斗城侍御道院

燕集次斗城韻

朱仙鎮次斗城

對雪次斗城

近稿目錄

李嵩渚僉憲追和東坡雪詩十首見示率爾

賦答

陳文岡憲長母夫人壽誕

文岡持冊索詩復賦三首

赴召北行沈蒞川贈詩七十四韻因賦二

十韻留別

贈一樓宗室二首

贈李生時

歌風臺

直河阻風三日二首

謁孝陵

江侍御母壽詩

酬湛一見贈之作

寇警感時聞 主上銳意邊防復軫民隱志

喜二首

何柘湖致南院政隱于鍾阜之陽次韻奉贈

三首

登琉璃塔

烏龍潭上和壁韻

登憑虛閣二首

近稿目錄

二

張石川避暑天界寺賦詩寄余次韻奉贈二

首

壽馬鐵鉸八十

天界寺

雨花臺

芙蓉

贈吳山人

尚仰山侍御還 朝贈別

送大司徒石渚考績北上二首

贈方湛一山人二首

送楊南郭學憲北還次孫季泉宗伯韻

壽師相嚴公八十

送太史毛青城出守濟南

送高南州吏部考績北上

雙壽歌贈錢一拙守約二表兄

同馮貞所蔡鶴田徐二公子宅觀燈次季泉

韻二首

送給諫陳西塘出守衛輝

送侍御張鷟崖出守鄖陽便道省母

和吳之山長吟閣之作二首

近稿目錄

三

送少司馬石靜齋總督赴鎮二首

徐三公子西園燕集觀牡丹用前韻二首

送主客朱射陂出守九江二首

酬馮雪竹見贈之作

酬馮樵谷山人

送庫部韓旋峯出守瑞州

送楊微齋正郎出守鳳翔二首

送大司寇馮貞所致政還四明二首

壽朱封君道長湔桂父

贈徐民羽秀才二首

壽馬封君七十通政松里父

馮雪竹寄詩至再疊前韻奉酬二首

送大司寇蔡鶴田入賀 聖壽二首

送郁溫叔貢士入京

送地官孫橐泉入 賀長至便道歸省

賀封安人汪母八十

送陳雲澗正郎出守興化二首

詠周萊峯僉憲畫冊二十二首為傳近山中

丞作

開歲庚申為同年魏南坡九十之辰喜而賦

六近稿目錄

四

詩寄賀

賀同年吳養浩七十八歲詩

同傳黃門亨衢公務過後湖次儲文懿公韻

酬馮雪竹次韻

酬馮樵谷次韻

贈顧龍海進士使留都便道歸省

長至齋居次少司空林肖泉韻二首

又次少宗伯康礪峯韻

送少宰尹洞山考績北上

贈翁懷虛醫士

酬楊石巖叅戎見贈之作次韻

元日賀 朝和馬孟河司業韻

元旦立春和許石城符卿韻

又和康礪峯宗伯韻二首

馬孟河官舍新構一鑑亭初春宴集二首

送丘止山之任柳城二首

次韻贈別徐山人二首

贈唐生三首

卷之二

詩

近稿目錄

五

松峯歌

遊牛首山次韻

賀郭給諫母六十壽誕

賀孫季泉六十壽誕次韻

季泉以先大夫忠烈公之戚誕辰辭賀有作

復次韻

送鄧貢士元性還南寧

送給諫劉凝齋考績後 予告歸省二首

吉山泉大理應 召便道歸省為廼翁柳東

先生八十壽二首

夏至齋居次林肖泉四首時肖泉寓司徒公

署

送中丞王印巖入賀 聖壽三首

送沈水南國博之任嘉興

送少司馬李克齋應 召北上二首

賀封君董南田八十

送太常王稚川考績北上

入補秋曹辱師相介翁詩贈次韻奉酬二首

送高鹿坡長史之任二首

送楊次峯之開州任二首

二近稿目錄

六

送鴻臚李雲岡給假歸省兼呈今兄雲亭侍

御

送太醫院施雪谷給假歸省

壽陸晉川年丈七十詩二首

中秋日得林肖泉宗伯見懷之作次韻奉答

贈沈隱君

陸雲泉

送竹癯分教之南昌三首

茅漣溪顧望野同之貴溪分教二首

胡子因之任金華別駕

宋巨溪赴任滇中

張甘白守濟寧二首

楊豫卿冠帶南歸

周以德寺簿之任遼陽以德為方伯白溪公

之子詩五首

鴻臚褚奇峯使閩便道歸省二首

上林司錄孫思川給假榮歸

羅近溪正郎出守寧國三首

戴玉臺光祿南歸

北歸偕張子月鹿遊焦山次韻

二近稿目錄

七

午後放舟復遊金山會鼎定宇祠部携榼江

天閣次韻

喬子啓仁移居索余詩賦贈

芸閣校書為顧汝修作

贈姑蘇姚素如

送戴晉甫至縉雲壽其親瀛江學諭

贈瀛江

壽何母七十

喬啓仁北行有留別之作次韻以贈

陸名遠從蔡司馬白石游挾詩冊謁余海上



索予言漫贈一首得神字

贈施南野

雲樓

送周三泉赴召北上

送繆竹溪掌教扶溝

送楊洞岳擢太學博士

壽光祿訖齋季弟六十

立春江上次孫槐窓韻

人日喜晴次韻

誕日次韻答馮樵谷

近稿目錄

八

次韻答馮鍾山

次韻答沈勾章因簡東沙司馬

次韻答沈勾章

送袁守澤門陞任

贈郭汝臺總兵

送朱仲敬北遊國學

送陸三山北上

送高象南北遊國學

賀張淇川壽誕

輓張恭人次須野韻

賀包慵齋八十

送顧汝修北行

賀梅嵩學博尊甫七十

桃溪歌

賀趙津南六十

贈山人

何貞女紀事詩

答贈吳一舟次來韻二首

岱宗歌壽錢一拙八十

壽封君張磊塘

近稿目錄

九

送徐梅高出宰象山

送陸如晦之任宜春

壽李梅峯八十

壽趙東洲七十

九峯歌壽王容齋八十

酬朱邦憲見贈作次韻

節婦吟爲武節菴母作

南州太守歌壽徐白齋八十

訪董紫岡不遇辱詩贈次答

金蘭歌賀與拙七十

次韻贈吳一舟

送徐南孺北上三首

輓朱近泉

朱醒石壽五十

壽馮文學母八十

贈水心中翰假歸次來韻

贈張長輿應試二首

贈馮子潛遊湖二首

送喬中翰北行

輓王思質公詩十首

近稿目錄

十

壽馮樵谷

蟾桂歌壽秦母八十

壽沈鳳峯同卿八十

贈子潛往遊匡廬武夷二山次韻二首

松源董君七十

壽溫州別駕松崖弟七十二首

贈劉文學昆季壽母七十

送高伯起北行次韻

次顧箬溪韻贈紀曉龍二絕

元化歌壽侯侍御母

送張儀亭之任邑宰

壽松泉瞿君八十

壽楊貞母何氏五十

題施曉山卷二首

送侯復吾侍御北上

送文學蕭子弘璧赴北畿

壽徐存齋師相七十二首

應友泉母八十

海峯歌

楊野雲隱君訪予海上數月言別賦此

近稿目錄

十一

送邑令鄭鏡泉

贈吳宇峯二首

送雲泉之任沐陽掌教

壽滄南三弟七十二首

贈周寶陽

鴻臚汪玄霞遊海上抱病三載夢純陽仙授

以法秘疾愈今歸謁靈巖謝景貺索余詩

爲賦之

文學劉季球移居作

汪雲洲上舍五十

送張廬山經歷之蜀

贈陳鶴池二首

孝廉篇贈石啓忠主政

贈包慵齋九十

壽曹桃溪隱君

次韻贈鄭梅屋二守

秋溪卷 賀錢一拙表兄九十壽

題寒節秋香卷爲郡理范岫雲母作二首

卷之三

疏頌

近稿目錄

十三

謝恩疏

祭告 神祇疏

謝 賜銀幣疏

考察自陳疏

火災奉 慰疏

賀正旦疏

賀瑞雪疏

辭 朝謝 恩疏

謝 賜銀幣疏

進助工銀疏

辭改刑部疏

謝改刑部疏

辭改都察院疏

謝改都察院疏

謝 賜寶鈔羊酒疏

乞 恩追贈前母疏

考察自陳疏

進助工銀疏

辭 朝謝 恩疏

加級謝 恩疏

近稿目錄

十三

帝鑑圖說頌 并序

卷之四

序

賀許近山擢浙東兵憲序

河南通志序

刻李氏周易集解序

贈大司徒石渚馬公考績北上序

贈給諫歸涵泉擢浙江僉憲序

賀徐白齋七十壽序

賀秦曉江六十壽序

尺牘清裁序

贈賈晴原八十壽序

唐母楊太孺人榮封序

賀劉海津七十壽序

賀王方城擢貳守序

賀趙一齋六十壽序

畫冊詩序

贈大宗伯李泉孫翁考績北行序

贈戴良齋序 贈高鹿坡擢 景藩右史序

賀中丞須野張公七十壽序

近稿目錄

五

賀師相存齋徐公六十壽序

賀光祿達齋徐公五十壽序

陸母唐碩人五十壽序

卷之五

序

賀倪新溪七十壽序

送湘源鄭侯擢留都廷評序

世澤會篇序

賀南京工部尚書林肖泉六十壽序

詩韻輯略序

思椿錄序

賀貳守鄭九石膺獎序

吳越同春卷序

壽楊母王孺人六十序

壽少宰平泉林公六十序

又

送邑侯姜春宇調任行序

賀哀母王太安人壽序

賀納言趙津南榮封序

卷之六

近稿目錄

五

序

賀光祿少卿顧小川六十壽序

賀貳守九石鄭侯榮膺 誥錫序

賀陶母陳碩人七十壽序

賀俞見章七十壽序

詩經輯說序

刻唐龍江文集序

通玄真經輯略序

賀州太守徐白齋八十壽序

御史大夫十山談公葵錄序

贈邑侯鄭鏡泉榮膺序

徽省漫言序

長缺齋稿序

鄉賢稱壽詩序

送邑侯斗陽先生入 觀序

賀徐慶齋八十壽序

浮黎子雙修訣序

刻采薇集序

卷之七

序

近稿目錄

七

周易輯義序

賀海鄰張君七十壽序

賀封太夫人郭母八十壽序

贈喬元洲之任潞安貳守并壽其母太宜人

序

送邑侯鄭鏡泉入 觀序

送郡侯查紹亭入 觀序

封少師觀瀾張翁七十壽序

贈別駕黃來鶴膺獎序

賀張心泉七十壽序

壽處士瞿慎齋九十序

贈陳明所君長子來歸序

賀邑博張念峯膺獎序

卷之八

碑記

文川邵侯去思碑

大明鎮江府重建金山寺塔碑

重建龍華教寺大殿記

重修正陽道院記

鶴野記

近稿目錄

八

侍御周公郡守方公生祠記

還祿堂記

慎修堂記

卷之九

傳說篇贊銘跋

王母陸碩人傳

沈母貞節傳

朱母陸節婦傳

朱節婦傳

先祖默軒府君行實

笠江說

壽德篇賀王容齋先生七十

釋莊述顏篇贈別方湛一

董中岡大理贊

姚素如贊

錢一拙像贊

舊雨軒銘

跋仕履重光卷

書鄉英雅會集後

傍秋亭雜記題辭

近稿目錄

六

味菜卷題詞

贈程龍泉

望雲永思錄題辭

哀貞錄題辭

卷之十

神道碑 墓表 墓志銘

鎮平王府輔國將軍豫齋公暨配賈夫人神

道碑

資政大夫戶部尚書贈太子少保樵村賈公

神道碑

贈中憲大夫都察院右僉都御史栖閒張公

墓表

廣西布政司左叅議左山顧公墓表

明旌表國子生杜君配趙氏貞烈墓表

從仕郎祁州判官韓君暨配潘孺人合葬墓

志銘

太學生孫如山先生配碩人劉氏合葬墓誌

銘

朱母蔡孺人墓志銘

永城縣知縣豫齋張君墓志銘

卷之十一

近稿目錄

九

墓志銘

中奉大夫江西布政使司右布政使雍里顧

公墓志銘

贈刑部主事燕礪齋配吳太安人合葬墓志

銘

故慈谿縣丞趙一齋墓志銘

封孺人李氏墓志銘

處士楊怡山墓志銘

總督湖廣川貴軍務兵部左侍郎改戶部左

侍郎靜齋石公墓志銘

資政大夫南京戶部尚書書審盧公墓志銘

文學伯舒喬君墓志銘

明高士筆峯劉君配唐碩人合葬墓志銘

山東運使見章俞公配潘安人合葬墓志銘

贈孺人王氏墓志銘

朱母談氏墓志銘

魯府典膳瞿仁甫配劉碩人合葬墓志銘

勅封太孺人陸母唐氏墓志銘

明故縉雲先生戴瀛江墓志銘

卷之十二

近稿目錄

十一

墓志銘 祭文

徐筠岡墓志銘

封南京浙江道監察御史艾小峯墓志銘

故太學生象岡朱君墓志銘

勅封太安人顧母周氏墓志銘

明封孺人王母馬氏墓志銘

明潘季子訥齋光祿葬室陳碩人暨營壽藏

志銘

祭泉南郭公文

祭弟婦王氏文

祭雍里顧公文

祭芹山陳公文

祭李海樓文

祭徐恭人文

祭張恭人文

祭鄭淡泉文

祭林孺人文

祭談十山文

祭瞿母文

祭中丞張須野文

近稿目錄

十二

祭張季直文

殯三兒婦墓文

祭馮南江文

亡孫女歸殯文

附集

墓志銘

神道碑

墓表

行狀

笠江先生近稿目錄

畢



笠江先生近稿卷之一

詩

六十誕辰徐龍陽賦詩見贈次韻答之

虛名久矣濫朝紳  
屏翰應慚甫及申  
靡盬于今勤國事  
懷歸敢爾便孤臣  
尊鑪空憶江鄉暮  
猿鶴徒矜洞谷春  
何日留明山上住  
與君同玩月華新

祭告嵩嶽道中次喬白巖太宰韻二首

圭臺夙駕赴星期  
嵩少平分岱華奇  
寶相莊嚴中嶽殿  
祥光璀璨萬年枝  
周坐沈寂殘河夜  
漢柏孤森欲曙時  
歸路尚聞僊樂奏  
恍疑雲外步虛辭

近稿卷二

其二

石磴峻兢鳥道通  
香鑪積翠薄層空  
經行屢憩虛皇館  
廊落如乘列子風  
二室夙靈聯地軸  
羣峰舒闔向天中  
便思卜築巖巖外  
竊比當年諫議翁

少林初祖菴次白巖二首

熟觀面壁影  
試叩定心禪  
利那過千界  
濡遲易九年  
色空無二法  
澄寂是真詮  
想像西來意  
都歸一草俾

其二

六宗山妙解一覺匪言傳  
莫滯石中像來求心外禪  
空華皆幻妄泡影亦因緣  
二障渾除却將無返自然

鈞州至日同王雙槐少監孫斗城侍御道院燕

集次斗城韻

選勝遊行謁洞霄  
公餘暫此駐鸞輶  
庭間綺繡歌鳴鹿  
戶拂冰霜座擁貂  
淑氣漸隨葭律轉  
祥光數傍卿雲飄  
欣逢聖主開閭闔  
否道都從至日消

朱僊鎮次斗城

金牌數下返旌旄  
誰識忠臣志獨勞  
滅虜未能酬國耻  
請纓無計指天高  
身殲金虎肥戎狄  
夢絕黃龍泣雋豪  
祗有祠前數行栢  
迎風日夕爲悲號

對雪次斗城

近稿卷二

二

瑞雪飄零入座來  
瑤華掩映接繁臺  
隨風色眩簷前絮  
朔月光搖隴上梅  
覽樹幾思相折贈  
懷人千里獨徘徊  
梁園忽覩長卿賦  
屬和慚非枚叟才

李嵩渚僉憲追和東坡雪詩十首見示率爾賦答

天際瑤華散素纖  
陰風戩戩助威嚴  
疎枝密篠皆成縞  
圓甍方柱總似鹽  
把瓊迎寒浮綠蟻  
巡梅索笑步雕簷  
須臾盈尺豐年兆  
已沒堦前石笋尖

其二

雲花零落間穠纖  
四野同雲勢轉嚴  
委樹漫疑瓊玉

藥堆盤忽訝水精鹽明姿綽約斜侵幌舞態便娟巧  
入簷暈望千山齊皜色天邊特露點蒼天

其三

玄冥司令變洪纖勝巽生威兩闢嚴修爾漫天飛作  
絮俄看大地遍成鹽隨風散泊花沾几見睨消除溜  
滴簷便擬賦詩酬物色霜華又拂彩毫尖

其四

瑞葉繽紛競白纖詩歌黃竹並清嚴娉婷故作傴僂  
舞飄灑時聞昔昔鹽奉爲隱姿團碧渚饑鳥戢翼傍  
瓊簷窓前忽送梅花月瘦影依稀見一尖

近稿卷一

三

其五

瓊瑰飛颺白纖纖坐擁兼裝氣尚嚴蒼老色凝雲外  
葉調梅光濺鼎中鹽思無大厦埤寒士乞以容光照  
短簷陰谷盡吹郝子律輕莠弱草發春尖

其六

彤雲觸石翳金鴉重巖生風運素車前飾綏綏揚暘  
質輕明鵲鵲布瓊花山陰夜殿王猷棹剡曲光疑安  
道家興盡已迷歸去路長年數自認三义

其七

玉宇沉沉啼樹鴉璘璘相映夜光車蕭條歲暮梁園

道頃刻朝鋪桂花花呵凍屢看書帶草問奇還憶子  
雲家酬歌欲覓瓊瑤贈敏捷輪君手八义

其八

朔吹號枝散樹鴉遺光照乘駐冰車依山傍水雲成  
練繞蔓繁叢絮作花徑雪埽除延益友樽空呼取向  
鄰家溪毛菜甲仍堪摘奚必河魴始可义

其九

寒枝凍折怨啼鴉聞道陰山雪擁車弓角斷膠虛月  
暈馬毛如蜩落水花王庭數報烽煙警統綺何如鼎  
食家安得橫行班定遠英聲千里奮霜义

近稿卷一

四

其十

燭龍照耀銜冰柱代馬倭遲踏雪車最恠鮫人泣珠  
淚都從天女散鉛花黃河凍圻三千里梁死寒迷十  
萬家思策蹇驢灞橋去覓將奇語問劉义

陳文岡憲長母夫人壽誕

慶集由來在德門太丘遺範重朝紳英賢共美元方  
匹淑懿爭誇孟母隣甲第流光風烈遠秦關持憲龍  
榮新安輿暫駐皇華使侍綵帷承白髮親萱映瑤池  
青鳥旦霞輝寶婺碧桃春壽卮常挹河之水歲祝遐  
齡若此辰

文閣持冊索詩復賦三首

使君聊假三秦節壽母新裁五色箋雲翟珠璣徵福履綠芝丹核薦春筵

其二

昨夜天南婺影長筵開書錦壽無疆升歌梁苑留春曲來侑花前碧玉觴

其三

堂上萱花含紫煙堦前蘭蕊發春妍長瞻太室開圖籙旋酌西湖作酒泉

赴召北行沈蒞川贈詩七十四韻因賦二十

近稿卷一

五

韻留別

聖祖興王地由來不乏賢雲龍昭遇合梧鳳數聯翩子也中朝彥名推薤苑先棠陰南海植鳬舄碧霄還健比凌風翮清如飲露蟬皇華馳洛邑使節歷星躔傾蓋憐遲暮論心共黯然登高頻作賦會景亟探玄藻飾同摘錦瀾翻若涌泉詩卑大曆後力挽景雲前匪直文辭盛兼之志業堅經營裨國計俯仰卹時存補衮思無闕傾陽念獨專繭絲耻言利保障急于宣填石期增海爲梁憶濟川憂民心蹇蹇屬德日乾乾惓惓勤相問如蘭臭莫捐來章感朋錫報贈愧琤琰

予老行歸隱君才庶勉旃眷襄嘉靖治衢室味堯年

贈一樓宗室二首

梁苑高樓靄曙烟瓊枝碧樹拂瑤天流蘇綺動朱簾捲麗藻先生玉軸懸圖史開函窺聖學塵寰絕境入虛玄王孫不逐時人好睇目閒雲思渺然

其二

窈窕朱門一徑通簾開香霧散微風僊人樓閣疑天外梁地山川入鏡中遙望黃河槎路綽俯看群岫盡圖雄紅顏何日生雲翼坐聽簾簾下碧空

贈李生時

近稿卷一

六

思君妙得岐黃術東海花開萬玉春道德況能師爾祖函關紫氣動星辰

歌風臺

漢皇徒步爲天子晚歲侈心仍未已韓彭誅死白登圍嘯對天風思猛士守位豈乏才與賢迺公嫚罵姑舍旃商山老人招不得況也真儒隱山澤後來保傅良無人愧乏孫謀貽燕翼女后當陽王諸呂劉氏之危朝露耳嗚呼大風之歌徒爾歌葉公好龍如龍何沛臺碑遺戒石春鳥秋蛩空太息

直河阻風三日二首

維舟信宿此河干飽歷江風江水寒雲葉雨花迷去棹蓬窓書几見狂瀾懸思極北天門迴嘆息人間行路難蛟蜃虛疑終日聞鷓鴣自分一枝安

其二

舟行日日大河干楊柳風吹三月寒水鷁淹留憐道路天吳拂擊散波瀾艱危無奈兼晨宿牽挽應知跬步難去住萍踪休問訊曲肱高枕亦吾安

謁孝陵

皇祖當年舉義師配天鴻烈日魏魏艾除氛稷通諸路淨掃胡塵式九圍徒步統承三代業會朝功定一

近稿卷一

七

戎衣橋山鳥翳雲成陣陵邑龍藏月照幃隧道泉流分石竇神宮霞采射朝暉瑤花潤玉光逾燦碧樹迎風勢欲飛土氣呈祥恒不散元符翊世有餘輝微臣此日瞻依地萬國朝宗未弗違

江侍御母壽詩

鐘陵春半倍光華壽母圖開柱史家萱草翠含蒼玉露瑤池觴映碧桃花燕山舊出三秋桂多繡新栽五色霞旋有龍榮來帝室賢聲傳與荅人誇

酬湛一見贈之作

道自羲黃悟流傳直到今玄珠呈象罔蕉鹿幻群心

予識洪蒙竅貽予太始音何時謝天械物外共招尋冠簪感時聞主上銳意邊防復軫民隱志甚

二首

頻年寇患未全平白羽交馳亟請兵中澤未歸鴻鴈影遼山又聽螭蜺聲悲岐漫灑楊朱淚獻曝徒懸宋客情宵旰正厯明主慮行看膏雨潤羣生

其三

于嗟南北多氛侵旅邸閒居獨愴神天際狼弧宵變色遼隅旗鼓書生座諸方總昧烹鮮戒兆庶懸思解網仁聖德由來順人志陰崖早晚慶同春

近稿卷一

八

何柘湖致南院政隱于鍾阜之陽次韻奉贈三首

君才文雅繼西京矯矯臨風玉樹清珥筆未酬霄漢志投簪亟抱水雲情忘真漫感樊間鶴求友時聽谷口鶯聞道尊鱸秋正美夢思飛繞五茸城

其二

南館辭章重兩京歸來稿翰有餘清冥心不逐浮雲態傲世重含舊日情習靜游行隨野鶴尋芳繼綺遶林鶯君家伯仲相酬唱二陸名高建業城

其三

何子才華莫與京玉同潤潔水同清辭官雅遂丘園  
賞辟地仍懷著述情撫景探奇徐策馬凝神摘藻靜  
聞鶯他年應有金陵賦采貢 天王達鳳城

登琉璃塔

長干傑構此浮屠九級峻嶒勢特孤宛轉空華超色  
界圍環嶺岫獻真圖層檐燈彩交暉映絕頂珠光雜  
有無俯仰翛然塵境遠恍疑身世歷冰壺

烏龍潭上和壁韻

憶昔 高皇起側微靈潭龍見紫雲飛六位時乘龍  
德大三山雲麗日輪輝周庭鱗躍祥先兆舜澤漁潛

上高卷一

九一

跡不非嘉氣榮光如一日羣方萬載樂垂衣

登憑虛閣二首

禪林高閣倚空懸暇日登臨一灑然縱目遂疑凌物  
表澄神還覺入幽玄秦淮江水連星漢鍾嶸烟霞接  
洞天願奉虛襟窺實際不隨諸相起因緣

其二

寶閣憑虛傍日邊凌風登眺仰雲煙坐看蒼翠三花  
積言望山川一鏡縣萬有依稀空色相諸天咫尺離  
塵綠投簪擬結青林社訪道來尋玉笈編

張石川避暑天界寺賦詩寄余次韻奉贈二首

獻納久辭丹鳳闕素心長繫白雲居却嫌近市多喧  
雜數向空門覓靜虛齊物盡探莊叟義玄同時復伯  
陽書新詩寄我都奇絕賸有虹光照室廬

其二

山當戶牖列雲屏寺擅幽虛枕石陞喜有松風消溽  
暑更饒荷芰荐芳馨勞生數自憐塵夢衆醉將無耻  
獨醒漸學海翁機盡泯時從沙畔狎羣青

壽馬鐵鉞八十

南館辭歸養性靈雲棲大隱闔閭城盟鷗聽鶴心無  
礙華髮酡顏道已成庭柱飄香籠侍綵堦蘭擢秀餞

近稿卷二

十一

飛觥瑤池撰出長生曲吹入仙人碧玉笙

天界寺

淨土枕龍沙琳宮啓天界紫翠護雲中烟霞標象外  
列嶂展靈圖長江作襟帶松院披涼風竹溪遞虛籟  
真乘引法華清梵祛埃壘機忘睇玉泉聽冥聞金甌  
道因境故超跡與心俱解願言禮空王長此謝塵械

雨花臺

出郭值秋半澄空霽景初駕言臨高臺偃息山之岨  
長望金陵道川原何鬱紆林密日規隱草深谿逕蕪  
禪宮麗丹雘城闕列金鋪參差散光彩左右交華腴

襟裾蒼翠襲俯仰情神舒天花飄不盡歸路獨躊躇

芙蓉

秋空瑩青鏡白水徹冰壺穠花殿衆芳霞彩散分敷  
弱質炫朝露芙蓉疑未如亭亭依沼沚雙影漾名姝

贈吳山人

之山舊隱吳門市玩世仍爲五嶽行萬里乾坤縱心  
賞四時風物恰詩評樓遲翰墨同摩詰落霞烟霞類  
尚平美爾俗塵都不染唯餘篇什博聲名

尚仰山侍御還朝贈別

攬轡南來衆所望每從行部憇甘棠青驄莅止流時

近稿卷一

士

雨白簡輝飛湛曉霜瀛海近聞祛瘴藺間闔爭喜事  
農桑疲民翹首瞻旌旆布德除苛在激揚

送大司徒石渚考績北上二首

留省司徒屬老臣明廷奏最在茲晨帆開楊子浮  
空下路渺燕臺入望頻久宦益於邦計熟趨朝府  
有寵榮新東南財賦聞俱竭拭目嘉猷達紫宸

其二

白下逢君又別君離亭盃酒悵離羣千旌曉度秦淮  
水寶劍光搖斗漢文報政定知裨國計遷喬端擬  
策鴻勳他時對月相思地望望京華隔五雲

贈方洪一山人二首

人生假合強陽氣物鑒都翻混沌根子習玄虛走山  
澤竭來城市煉翬煩逃名數滿門庭屢杜德行窺造  
化源我亦欲捐榮祿去從於剝復玩貞元

其二

客歲梁園欣識面今茲鄰下又逢君開津夜視星辰  
氣旅次朝論道德文最憶朋簪何以盡懸思鳥翼若  
爲分同心定赴他年約西上瞻休太嶽雲

送楊南郭學憲北還次孫季泉宗伯韻

昔年京國特聞君天馬徠空冀北群吏局尚傳遺草

近稿卷一

士

在巖居無復戀珪分離亭酒映梅花雪客路寒凝嶺  
樹雲空谷白駒聊信宿生芻何以罄慇懃

壽師相嚴公八十

天祐熙朝錫柱臣鍾山毓秀間生申詞章博雅雄文  
苑德業嶙峋契紫宸黼席豈容微獻納黃扉密勿  
藉經綸和寧華夏推巖石調燮元樞叶化鈞禮絕百  
寮榮特進功垂九有邁無倫仙階桃熟三千祺木德  
星迴八十巡綺繡延開祥正月笙歌樂奏太平辰長  
生緩度臺萊曲異瑞徐開陸海圻得地宮花紅早發  
睢陽御柳綠將勻上尊霽賜泉流潤睿札光承

綠象新彩勝及門迎淑氣肩輿入直荷 皇仁精思  
望羣勞忠弼遐福穰穰集壽春益以昌明嘉靖治未  
言壽 國壽斯民

送太史毛青城出守濟南

皇朝特重循良吏出守今資館閣英盛有文名傾翰  
苑行看賢績懋專城江頭風便催征鷁濟上春明聽  
早鶯卧治已知甚月可徵還端擬佐機衡

送高南州吏部考績北上

君才抱荆璞追琢成珪璋擅此東南美言登驚驚行  
司封宦留省靖共日靡遑銓綜幽水鑑清貞厲秋霜

進稿卷二

主一

三年政有成奏取入明光圖書發建業騁御策康莊  
津亭變新柳佳麗屬時芳猗與丹山鳳縹彩何章章  
鳴梧暢文治矯翼竢朝陽

雙詩歌贈錢一拙守約二表兄

三神山島何崔巍官闕金銀互蔽虧海上東瞻道非  
遠僊人鶴駕紛追隨黃龍浦上得氣淳代有龐眉皓  
髮人君家昆玉居闕閤機利不營心出塵被褐懷珍  
年數又恬澹冲和神內守仲氏今茲七十一叔氏今  
茲六十九棣華春雨發新枝瑞靄輝輝貫南斗竭來  
會我入金陵信宿論心遂分手丹杏敷腴三月初長

公誕晨祝公壽次公期值桂花秋次第開筵飲春酒  
頽桃爛熳簇朝霞玉露氤氳散瓊玖兩公之壽世所  
稀我今作歌一頌之銜背青鳥薦長生紫霄光動少  
微星

同馮貞所蔡鶴田徐二公子宅觀燈次季泉韻  
二首

春宵宴集翠雲堂燈火高張錦樹傍璧月含輝浮玉  
宇珠星散彩落金塘魚龍百戲呈新伎虹霓雙垂吐  
夜光最憶此時饒勝賞忻同鸞侶泛杯長

其二

進稿卷二

古一

秩秩筵開世錦堂韶華獨擅鳳臺傍紋添繡石青霞  
館綺綴星橋碧水塘蠟炬千行分月彩笙歌滿座仰  
年光夷猶共醉春醪晚纏綿偏驚玉漏長

送給諫陳西塘出守衛輝

由來守郡藉循良新綰符章盛寵光疏草久知坪大  
計賢聲還擬紹前芳不謏齊美淇園竹勿剪重輝召  
伯棠共道政成膺顯擢思君無用薄淮陽

送侍御張鷟崖出守鄖陽便道省母

金紫輝煌拜寵多乘時歸省樂如何萱庭愛日扶輿  
往桑野行春露冕過坐仰龍門銷矢鏑仍看郎戶起



絃歌 明朝珍重循良績 召入榮增白玉珂

和吳之山長吟閣之作二首

大隱都城鎮日閒時從吟閣一躋攀推猷不盡區中  
景圖盡常懸望裏山門雀常羅空寂寞春花統砌自  
爛斑焚香習靜心無繫目送游雲數往還

其二

心同水止與雲閒逸士高風未易攀凭几獨吟樓上  
月捲簾長對鏡中山淵潛自試窺龍德霧隱成文見  
豹班談笑時停長者轍賡酬復有大篇還

送少司馬石靜齋總督赴鎮二首

邊稿卷一

五

西南夷徼獨登壇手握兵符靖百蠻竹嶺風清鉦鼓  
息轅門日閃旂旌閒稜威績播輝銅柱德愛名高並  
峴山自是長安同斗極羣方順軌若星環

其二

歌罷驪駒趣別能送君持節遠專征鸞鳳又識中朝  
瑞鵬鷺高搏萬里程闔闔風雲行變色折衝尊俎坐  
銷兵懸知臺省虛公席入贊樞衡翊 聖明

徐三公子西園燕集觀牡丹用前韻二首

三月看花到草堂牡丹開遍石山傍香浮細入朱絲  
幙影墮斜侵綠水塘已並碧桃舒艷質還同紅藥殿

韶光樽前漫製留春調把殘芳引興長

其二

春日邀賓鳳麓堂嘉筵開近百花傍遷喬黃鳥鳴雲  
谷躍水金魚汎藻塘露浥紅綃添國色日飾文綺爛  
霞光主人愛客情無盡對此相忘白晝長

送主客朱射陂出守九江二首

凌谿奮南國瓌璋故無隣辭章嗜奇古雅志追黃墳  
子克承家學馳聲亦絕倫文能紹英哲才可贈經綸  
出守膺妙簡爲邦揚德芬政成將第一寵拜策華津

其二

近稿卷二

六

潯陽古名郡山水擅晶英匡廬五峰秀江流九派深  
泓渟匯彭蠡浩淼凝滄溟民淳土風厚訟簡郡齋清  
况值神明守行期禮樂興力闡文翁化時鳴宓氏琴  
同符渤海治微賜潁川金甫是漢庭吏循良獨著聲

酬馮雪竹見贈之作

徵君詞賦早知名老去玄脩學鍊形用里有芝辭漢  
室馮驩無缺入齊庭青山綠水添文藻春草秋花養  
性靈贈我詩篇多俊逸光華夜燭少微星

酬馮樵谷山人

吳下多高士憐君作賦才清標並蘭茝雅志逸塵埃

摘藻稱奇絕冥心未易裁  
淞南忻棹往建業美朋來  
官署聊分榻論交一舉杯  
貽予金石誅疑是藥珠胎  
惜乏瓊琚報臨岐首重回

送庫部韓旋峰出守瑞州

虎竹分符日蒼生屬望辰  
高才元絕俗寬政且宜民  
留省司戎舊西江出牧新  
帆移建業水鶴度豫章津  
雲鳥飛見遠桑田野雉馴  
勛成同錦製人富溢困陳  
籍甚名逾重聲垂世所珍  
荊州人願識千載嗣芳塵

送楊微齋正郎出守鳳翔二首

移官辭白下擁傳入秦中  
形勝稱名郡閭閻尚古風

近稿卷一

七

寧民須愷悌董治在和衷  
周召塵非遠師資亦可同

其二

關西陽伯起能卻四知金  
世遠存聲聞君今紹德音  
堅持松栢操不受歲寒侵  
出守岐雍地甘棠跡可尋  
送大司寇馮貞所致政還  
四明二首  
公承休告出邦畿斂却神  
功狎遜肥丹訣虛玄饒夢  
想碧雲霄漢已忘機石頭  
城畔仙鳬遠剡曲溪邊獨  
鶴飛憶昔鏡湖容賀監于  
今再見一人歸

其二

功成身退越江頭乞得南  
還荷主休細草幽花春

寂寂高山遠水日悠悠芳  
名久繫蒼生望再召當思  
上國謀珍重莫虛天下寶  
樓遲空被白雲留

壽朱封君道長希桂父

玉臺山高滌水流德門雙  
壽誰其儔遙憶高堂酌春  
酒瓊卮翠幙祥光浮南極  
星明連紫婺椿花萱萼輝  
遲暮鸞章天錫倍光華豸  
繡珠璣里閑誇瑤池青鳥  
街書牘筵前畀以桐君錄  
雲外依稀仙樂音泠泠奏  
出長春曲

贈徐民羽秀才二首

我愛南州徐孺子君今雅  
度亦如之聖門問學元無

近稿卷一

六

盡點瑟回琴皆我師

其二

下帷真羨不羣才早晚龍  
門暫驟願會有光榮拾青  
紫莫將留滯嘆無媒

壽馬封君七十通政松里父

武林高士世稱賢游衍湖  
山樂有年七奏滄洲新歲  
月五雲光命舊神仙烏紗  
豸服官階貴珠翟霞裾兩  
露偏椿樹倚空騰瑞靄萱  
華含日護緋煙香生蕙直  
饒春色絳簇葵榴捧壽筵  
獻納仙郎承帝寵丹霄  
重下紫泥篇

馮雪竹寄詩至再疊前韻奉酬二首

東海幽樓入渺冥南榮一榻已忘形  
風花目遇供觴味機事心泯絕  
逕庭雲卧薜蘿聊自足霞餐芝秀漸  
通靈君家父子皆高隱淞曲光華聚德星

其二

脩習頻年道且成清虛端與鶴同形  
琅玕漠漠雲棲竹水玉溶溶雪在庭  
歲以義和迴日馭人如姑射集仙靈  
知君不入長安去恐有臺官奏客星

送大司寇蔡鶴田入賀 聖壽二首

祇承歲事往朝 天引領京華斗極懸  
雙鳳闕庭涵

近稿卷一

九

日鏡五龍池沼拂珠泉虹流符應中秋節  
風駛江移六月舡憶到玉階聽鄭履好陳金鑑祝 堯年

其二

乾坤啓 聖當秋仲十葉堦爰向日開仙客遠  
爲鳬鴈使丹函馳上鳳凰臺瑤光瑞氣凌空見  
風色荷香入棹來歲歲嘉禎逢此節南山稽首 萬年杯

送郁溫叔貢士入京

奕葉弓裘承世德菁莪棧擅英奇藏脩繼續青  
萊杖卓犖分輝玉樹枝喜見吳鉤聞白下懸思囊穎重  
丹輝南宮鵬化從茲始萬里雲霄振羽儀

送地官孫彙泉入 賀長至便道歸省

留都表賀長春節畫省仙郎此日行雙鳥飛鳥趨魏  
闕九韶儀鳳集虞廷雲師瑞紀多徵應 玉陛臚傳  
倍寵榮竣事歸輶過上郡喜逢榆塞朔風清

賀封安人汪母八十

皖山城屈玄英節瑤水筵開壽母圖獲稻正逢春酒  
熟迎禧高指婺光殊萱含翠晚輝鸞翼竹長孫枝集  
鳳雛燕喜百齡同此日遙瞻嘉勝儼蓬壺

送陳雲澗正郎出守興化二首

海南富才彥留省著聲名顯擢分符竹涼飈灑旌旌

近稿卷一

十

其二

身垂新綬貴座擁列山清守道需貞白褒賢茲政成  
出守之南郡臨風策玉珂宦遊鄉國近齋閣嶺雲多  
政以鳴琴理民繇解網和行看齊魯俗化洽竹絃歌  
味周萊峰僉憲畫冊二十二首爲傳近山中丞  
作

鬱紆三秀山中有卧龍甫大旱散甘霖神功徧寰宇

其三

野花拂巖逕雲葉隱山樓浮溪古名勝此地即瀛洲

其三

殊官掩映秋山裏碧落光生夜月寒坐對白雲無一語時聞筆籟下空壇

其四

玉絮飛從北極來如鹽願以和羹梅間閣共美豐年瑞朝著因徵燮理才

其五

雲巖有嘉樹高秀挹青天一屢楊子宅寂寞坐思玄

其六

繡石盤陀拂曙雲機忘鷗鷺恰爲羣使君漫抱山林興不似唐時秦隱君

近稿卷一

三

其七

萬頃冥冥白浪浮一聲飛鴈五湖秋道人獨倚烏皮几靜看乘風蓮葉舟

其八

雲岫溜鳴泉長空瀉溪月細味廬山謠清聲度林樾

其九

樹擁柴門迥雲迷石磴深留連採芳杜巖谷極幽尋

其十

衡門深鎖草蕭蕭碧樹谿迴接畫橋聞道山中多樂事一壺濁酒狎漁樵

其十一

青葱草樹密如煙雲氣籠山白接天夜雨不知春水漲朝看小艇到門前

其十二

金莖高擢青天開藻井朱欄次第迴暫解塵寰游物外白雲閒共鶴歸來

其十三

浣花池閣背山陰乘興偏多物外心爲策蹇驢上山去薜蘿圍合暮烟深

其十四

近稿卷一

圭

絕壁千霄何突兀涼風吹石幽花發玉簫一曲起魚龍水底珠光盪明月

其十五

寶剎崔嵬切太清鳴泉飛雜步虛聲空門盡日無人跡祇有煙霞相送迎

其十六

積素凝寒隱石城瑤花如掌更飄零孝廉恰有袁安者高卧茅茨晝亦扃

其十七

碧霞精舍古溪頭蘂木雲封石洞幽流水桃花長不

改更從何地覓丹丘

其十八

山深樹古靄春煙到此林丘一洒然便擬論心偕石友更思洗耳握雲泉

其十九

清源羅列紫芝峰上有雲霞草徑封日陟巖高方采采回看烟樹已重重

其二十

萬竹森森烟雨清春雷地奮籀龍生年來養就霜筠節截作仙人綠玉笙

近稿卷一

三

其二十一

百川匯深淵大浸渺無迹利涉需巨舟砥柱藉貞石

其二十二

溫陵山畔有桃源惇朴人如太古年此地群芳堪採折相過一和白雲篇

開歲庚申爲同年魏南坡九十之辰喜而賦詩寄賀

桂籍聯榮思往昔翁歸久矣憇林泉心超軒冕華紛外夢到羲黃太古前邁德幾希同衛武長生端合紹彭年它時更撰椿頌寄贈南坡百歲筵

賀同年吳養浩七十八歲壽

長安情昔龍飛歲南國偕君醉鹿鳴牧愛政成榮五馬優游身退避三旌陵陽城畔樓真逸蓮萼峰頭掇紫英七十八齡康壽日知君道在得長生

同傳黃門亨衢公務過後湖次儲文懿公韻

湖浮畫舫如浮杯波搖綺縠相徘徊恍若乘槎泛牛斗倏疑龍窟生風雷鍾山盤礴坤維裂白浪吹花瑩晴雪壺天鏡展絕塵埃冰玉蕭蕭失炎熱金鰲疊嶺芳洲開天設神區莫浪猜蒼茫四顧渺無際祇有禽魚日往來 皇明德化弘沾被圖籍局之幽密地却

近稿卷一

五

將山海爲絨縻不以芳華博遊戲巨浸沿洄三十里揭來一駐雲中屢憇石徐看白日飛濯纓思挹玄湖水曲渚蒼蒼草徑通碧塘耿耿垂長虹松枝露拂金莖曉宛在蓬萊山上宮西風落葉埋雲路忽憶流光彈指去探奇此地慶遭逢得與夕郎談典故歸途堤柳鎖殘烟六朝遺跡空依然我明 聖謨獨宏遠永奠輿圖億萬年

酬馮雪竹次韻

雪竹山人詩價高幽棲草色照青袍馳情水石淹巾屨抗跡雲霄見羽毛蓬戶客來問奇字白水人至饋

尊醪憐子欲謝金門去共爾桃源訪碧桃

酬馮樵谷次韻

馮君習隱卜廬新  
道軸盤桓遠辟人  
酒醉發狂思吸海  
詩成飛動漸通神  
星河露炯初昏夕  
落葉風清欲曙辰  
鷗鳥忘機渾不去  
綠蘿門外水鱗鱗

贈顧龍泉進士使留都便道歸省

當筵暫對金陵月  
駐節還携漢署香  
壯志今看歸駟馬  
高才早已賦長楊  
千將斗射青萍色  
秋駕騰飛紫電光  
珍重故園君莫戀  
神霄風翮埃翔翔

長至齋居次少司空林肖泉韻二首

近稿卷一

五

齋居忽憶歲華侵  
陽長行看泰道臨  
擬觀雲祥徵聖治  
先從雷復覓天心  
庭虛恰受寒蟾色  
地靜惟聞鳴鶴音  
獨對鑪薰無一事  
為披妍唱豁予襟

其二

律轉黃鍾淑氣多  
葭飛玄籥漸生和  
鵲鸞暫集留曹樹  
烏兕驚看天外梭  
閭闔北雲勞想望  
風花南國興如何  
歡同葵藿傾陽地  
數有驪珠照眼過

又次少宗伯康礪峰韻

疎雲冉冉散輕陰  
對月齊居長道心  
亞歲趨朝思佩玉  
良宵習靜憶蘭金  
花生蠟炬渾忘寢  
露掩寒枝半

不禁隣暑喜聯鵷  
鳳侶聲遺白雪慰蕭森

送少宰尹洞山考績北上

銓宰聲名舊天曹  
佐理新文端同雅重  
忠肅儷清真  
國朝王文端王忠肅二公皆為吏書以簡重清約著聞  
爰昇留都地勞茲講  
帷臣政成臻異績  
最奏在斯晨品藻懸米鏡陽秋協  
化鈞驂駢南國暮劔履  
帝城春鵷鳳翔梧日龍光躍  
紫宸升華諧夢卜序陟荷絲綸  
國棟山增峻  
民瞻玉比倫  
五雲台斗煥樹立益嶙峋

贈翁懷虛醫士

東甌山川擅奇美  
華蓋儼巖相秀峙  
斗口城連碧海

近稿卷一

五

波地靈代產知名士  
翁生攻醫妙入神  
玄微曾受長桑君  
刀圭飲以上池水  
珍秘弘敷橘井春  
青霞玉樹交輝映  
瀟灑襟懷塵滓淨  
每耽幽勝日遊遨  
兼抱清材善吟咏  
懸壺肘後入金陵  
鴻泥萍跡留聲名  
擬向神山採藥去  
飄然長賦求仙行

酬楊石巖參戎見贈之作次韻

徘徊京邸逢初夏  
條忽流暉逼歲除  
白紵山頭樓獨鶴  
丹楓江上獲雙魚  
珠光的皦衡牛斗  
雲路招尋憶駟虛  
欲折幽芳一相贈  
盈盈隔水自踟躕

元日賀朝和馬孟河司業韻

南國明元憶 帝宸蒼精令轉萬方春持和苑華昇  
平象吏隱空歎許國身旭日暉含城關迥條風曙拂  
柳梅新瞻雲擬述南山雅歲歲年年頌 聖人

元旦立春和許石城符卿韻

元正今茲景象新春迎恰值履端及即看淑令陽初  
逢回首餘冬迹已陳條風遲日江關麗廊廟山林雨  
露均便欲從君博幽勝石城春色劇宜人

又和康礪峰宗伯韻二首

南都元會正逢春軒騎相從拜 紫宸上苑仙花應  
發早河堤御柳已偷新瞻休 堯日蒙恩地想像商

嘉卷一

圭

霖報 圭身太史詞章直絕唱蘭芽梅玉闢精神

其二

斗柄東迴萬國春椒花栢葉薦芳新青郊氣轉初陽  
候玄籥光搖太簇辰瑞應氤氲浮 御幄天葩璀璨  
耀 楓宸懸知留省馳情者最是當年侍從人

馬孟河官舍新構一鑑亭初春宴集二首

良辰秩嘉宴幽亭瞰芳坻新泉湛水鏡微風奏漣漪  
鉤簾漾空碧顧影照鬚眉朋儔展嬈婉斜日不知疲  
羽觴浮綠蟻候鳥鳴春枝披辭粲金雞飽德饌芬菲  
盤桓藝文圃寧羨習家池

其二

荷與館閣英遠抱丘園想鑿池官舍傍構亭池水上  
素波渺無涯雲烟紛沆茫講席散文儒絃歌振餘響  
睇志舞零游追跡平泉賞高會羅賓筵瞻眺極俯仰  
耳目澹寡營塵紛謝虛朗大觀良在斯神寄薄天壤

送丘止山之任柳城二首

高才淹枳棘出宰嘆蹉跎鳳嶺雙鳬去龍江一鴈過  
官遊致身遠文翰取名多知爾彈琴暇流傳白雪歌

其二

武夷秀山水丘子蘊瑰奇振藻聞江表乘輅到嶺涯

近稿卷一

圭

茲膺銅墨貴又際盛明時去矣無傷遠循良績在斯

次韻贈別徐山人二首

留都傾蓋日論心信宿分攜返故林別鶴凌空鐘岫  
曉歸雲擁樹洞庭深山園解種藍田玉石室新烹鴻  
寶金我欲桃源問津去抽簪遲子五湖陰

其二

矯矯冥鴻出世間逢君倏爾送君還桑麻蔭覆翠成  
幃橘柚花繁香滿山藥熟金莖丹竈靜門深瑤草白  
雲閒乘時爲試經綸手莫學劉伶只閉關

贈唐生三首



惠我青山一幅圖置之座右情神殊數疑運掌吞雲  
夢歟若飛身歷五湖

其二

毫端展拂風雲興尺素淋漓紫翠層恍惚若聆鸞鳳  
嘯無煩巖所覓孫登

其三

我朝畫史戴文進風格如君可擬之意匠奇姿相煥  
發尻輪神馬就能羈

笠翁卷一

元

笠江先生近稿卷之一

笠江先生近稿卷之二

詩

松峯歌

新安山水稱瓊奇巖谷齊雲相蔽虧蘚深石滑不可  
度形勢縱橫若九疑寰宇茫茫都一暝芙蓉倒影層  
霄迴鐵幹虬枝壓古松天邊露出蒼峯頂幽人考築忘  
朝暮誰將此景傳毫素乍展俄驚翠色流恍如誤入  
桃源路

遊牛首山次韻

公餘乘興訪招提雨後殘紅掩石蹊野色江濤供醉

笠翁卷二

一

眺梯雲洞竄入詩題山分地肺雙龍出境轉壺天萬  
象低貪賞不知歸路暝滿街燈火鳳城西

賀郭給諫母六十壽誕

丹霄紫婺照昆明壽母庭闈薦壽觥二月羣葩紛綺  
繡五華佳氣繞簷楹筵開赤水瑤池宴樂奏長春碧  
玉笙遲日暖含瓊島秀柔風晴拂彩衣輕冰桃火棗  
羅珍異服翟冠珠威寵榮喜有仙郎陪侍從洵看

褒錫下 神京

賀孫李泉六十誕辰次韻

宗伯耆年初度逢徐看南省駐春風萬株柳映門前

綠滿樹桃蒸洞口紅瑞霽光華連北極長庚星彩麗  
層空玉堂金馬從容地喜觀 明良日正中

季泉以先大夫忠烈公之戚誕辰辭賀有作復  
次贈

先公繳節凌霄漢手植綱常挽世風鵲且鳥啼殘月  
白杜鵑花浥杪春紅槐庭挺秀森英玉鼎席揚輝動  
碧空誕日詩章據末慕龍光上徹斗躔中

送鄧貢士元性還南寧

綠樹陰濃乳燕飛金陵萬里送君歸隋珠握彩人爭  
識匡鼎談經志不違馥郁芹香涵璧水青葱荷色照

建稿卷三

二

儒衣邕江暫戢圖南翼好軒騰向 帝畿

送給諫劉凝齋考績後 予告歸省二首

言辭魏闕出燕關覽爾陳情得告還報政榮沾 綸  
命寵寧親喜觀舞水斑從容青瑣推文雅獻替丹心  
重斗山侍從已知虛席待庭闈莫戀白雲閒

其二

彤庭再上乞歸章此日蒙 恩返故鄉遠發石頭江  
水濶遙瞻衡嶽楚雲長觀風個切望華使侍綵先生  
書錦堂忠孝古來無二道早將補袞答 君王

吉山泉大理應 召便道歸省爲題翁柳東先

生八十壽二首

王官久矣謝長沙身繡 封章荷寵華槐蔭光聯青  
桂樹椿枝秀浥紫萱花瑞池嘉宴聞天樂玉笋仙膠  
醉碧霞廷尉歸來榮侍彩筵開具慶樂無涯

其二

路拂清風催使節門迎初日遲春暉洪洋鴈接樓雲  
室濮水璜垂隱釣磯天上彩衣明畫錦人間珠履耀  
重闈壽筵恰與歸期會忠孝天倫願不違

夏至齊居次林肖泉四首時肖泉寓司徒公署

留省齊居日蕭然悵盍簪鑪香消未晝梅雨閣輕陰

建稿卷三

三

蝶散簷花靜鳩鳴苑樹深新詩勞問訊藉以滌煩襟

其二

索處含香署懷人思若何苔痕自曉暖鳥跡一經過  
仙掖片雲隔空庭皓月多夜深未成寐搔首味煙蘿

其三

方澤祈年重禱心捧日留良宵集冠蓋蘭署總清幽  
北闕祥雲爛羣方瘴霧收言占嘉靖治萬載紹春秋

其四

獨坐憶風塵愁過芳草春堂空惟有燕更散聞無人  
求夜角聲壯虛壇月色新聞雞思祖述懷舊感安仁

送中丞王印巖入賀 聖壽三首

熙朝建昌運誕曜叶休明維此仲秋節嘉祥萃闕庭  
虹流映華渚極拱麗繁星王會合四國貞符朝百靈  
留臺屬才彥祇役遠于征薰風催畫鷁蒼雲卷千旌  
梧桐秋益茂儀鳳日和鳴言瞻瑤水宴稽首祝岡陵  
凡陳金鑑錄乙覽怡 皇情

其二

憶初鴻漸日接武躡芳塵排飛各殊路荏苒四十春  
今茲聚南國臺省日交親相逢驚夢寐含意良未申  
王程速去軫千里度雲津君留筦華近一別參與辰

近稿卷二

四

贈君青桂枝皓首結殷懃

其三

氣機無停運蠹生寧有常日中倏見沫夏月飛青霜  
外患既氛擾內宥亦鴟張橫流藉君子善以持其綱  
頽俗胡以挽民生胡以匡金鏡起盲廢刀七回膏肓  
願言明 國是畢力贊時康

送沈水南國博之任嘉興

賢聞文學久知名佐郡今爲構李行澤國凋殘非曩  
昔循良政績在民萌如傷爛切烹鮮誠若保常懸拯  
溺情況是故園桑梓近好推河潤入鄉評

送少司馬李克齋應 召北上二首

司戎風采戢南維 內召光榮拜赤墀由鸞洲前瞻  
去翼黃金臺畔集高枝出宣廟筭師貞吉入贊邊機  
主獨知麟閣行看標偉烈龍門回首動遐思

其二

中朝妙簡維揚績司馬新承 寵命專冀北神奇空  
駿足豐城光彩耀龍泉戎機果毅雄三畧兵氣飛揚  
動九天旋觀 虞廷舞干羽仍看率土樂薰絃

賀封君董南田八十

仙翁久被 褒封寵八泰茲逢初度辰青桂當筵增

近稿卷二

五

馥郁玉華釀酒溢甘醇迎霞椿益秋容茂溢露蘭滋  
瑞色新最喜文孫能孝養晨昏救水勝兼珍

送太常王稚川考績北上

留都卿月殊清秘奉常禮樂攸司地九棘班聯職不  
卑尚書襄行古來貴彼美王公瑚璉姿肝江毓秀鍾  
現奇意氣朗如秋月照詞章涌若滄波馳摘藻流傳  
聞史局燃藜著述輝天祿敷教成均重兩京典禮容  
毫擢芳躅滿考今茲赴 闕行秋風薦爽書船輕鸞  
翼章章建業水龍光鵲鵲鳳凰城奏最應留佐 犬  
子一德相涵若魚水大廷作命列台階揆路升華白

茲始補天鍊石藉經綸願言尊 主庇斯民一飛翀  
霄橫四海千里思君限五雲君寓與予今咫尺憶贈  
予詩情莫逆報章擬一賦將離斷予言匪荆文璧  
入補秋曹辱師相介翁詩贈次韻奉酬二首  
地列丹霄近心孚 一德親鹽梅功莫競魚水契無  
隣朝夕參 宸議宸區洽 聖仁煌煌嘉靖治萬載  
頌維新

其二

衰劣慚無似高情荷所親寵光垂盼昧榮幸切臣隣  
吐握蒙姬德裁成藉孔仁贈言驚大雅殊照草堂新

近稿卷二

送高鹿坡長史之任二首

使君襟抱本奇環相國今看得異才照乘驪珠還楚  
澤凌風隼翼發燕臺圖書文彩浮江去金紫光榮擁  
傳來扈從 賢王多紀述聲輝奚數漢鄒枚

其二

君才文雅似相如新拜王官入楚都近挹長江縈若  
帶遙瞻太嶽儼真圖瀾維北極安貞吉華實南疆美  
且腹佐理功成歸相國采風行聽詠騶虞

送楊次峯之開州任二首

明廷宵旰重民天魏地懽傳別駕賢路有口碑稱善

政田多禾黍頌豐年

其二

蕭蕭匹馬使君行言步施丘雲樹橫此日病民延頸  
待好推牧愛博聲名

送鴻臚李雲岡給假歸省兼呈令兄雲亭侍御

九重一命膺新寵千里寧親服綵歸遙望征鴻紆羽  
翼行看畫錦益光輝京臺秋霽雲山媚澤國霜初祀  
菊肥康樂西堂攜手日池塘草色照春暉

送太醫院施雪谷給假歸省

秋高鳴風葉京邸夜不眠憶君忽南歸起視晨星懸

近稿卷三

七

君才抱良璞壯志薄青天晚以岐黃術致身丹宸前  
得告還故里艤舟潞河壩值此秋日晏菊露相芳鮮  
飛鳥候鳬使泛槎窺斗躔訪道茅峯曲采芝鳳岫巔  
余方困疲蕭市藥覓玄詮三復南華旨憐爲紱冕牽  
送君遠別離中悵一悽然君行式邁返共訂養生篇  
壽陸晉川年丈七十詩二首

鄉舉偕登今四紀翁茲榮壽到稀年門庭福履川方  
至斗極光華月上弦藻麗詞能追謝鮑虛玄道在合  
銓佺良辰定奏長生曲寄詠莊椿侑勝筵

其二

岳牧辭榮閱歲華長春宴啓值亨嘉丹砂藥熟金精  
藥黃菊香函玉露葩菊以通靈顏可駐丹能煉體壽  
無涯年年此日瑤池會青鳥銜觴薦九霞

中秋日得林肖泉宗伯見懷之作次韻奉答

白下憶分袂燕山愁索居空齋謝喧雜幽思綜琴書  
秋半值晴霽中天轉望舒涼風忽入座華露沾衣裾  
懷人邈千里悵望日之餘同心藉英哲惠我以雙魚  
雄辭燦金牋光彩耀庭除詠之情神暢甫覺鄙吝祛  
大史公朝望留滯東南隅何時遶蘭契晤語爭擘如  
贈沈隱居

八近稿卷

聞道竹如今七奏精神不異壯夫時張筵噉飲晚未  
醉把燭看花興轉奇雨露氤氲培世澤虬龍偃蹇登  
孫枝壽漆海屋應如簣爲誦風人淇澳詩

陸雲泉

畢潭風氣嘉山水洵奇絕雲彩紛閉虧珠泉相渙發  
晝靄疑從龍漫泉出龍窟君其鍾厥靈心志殊軒豁  
吏隱入金臺耻爲聲利沒一琴復一書綜理永日夕  
一詠或一觴招朋對明月夷猶天地寬俯仰性情適  
卷舒從太虛不逐塵沙汨

送余竹邇分教之南昌三首

洪州山水嘉人文亦環異君材值晚成膺斯典學寄  
示朴匪良工甄陶微國器普我被中洲棧樸美周士  
樂育萃群英勲名自茲試

其二

之子生民秀懷珍發華腴謁選來京國一命列文儒  
朝絃登孔堂春服遊舞雩豫章多材彥聚樂良在斯  
風教日休美芳聲紹蘇湖

其三

聖朝振文教養士重賢關君通獲麟經授業奚其難  
仰探公毅意妙契筆削權賞罰若持衡義例心燦然

八近稿卷

九

以此明聖學大道星日懸以此迪蒙士充量如飲泉  
行期立師道敦學鈞勉旃

茅涑溪願望野同之貴溪分教二首

雲間雙壁知名舊越國偕行典學同芹草池邊觀碧  
水杏花壇上坐春風龍經業授宗韓氏絳帳師資憶  
孔融三載教成應並召好將勲蹟奏南宮

其二

兩君謁選得儒紳一命光榮燕賀新敢擬蘇湖徵舊  
學經傳毛鄭紹芳塵金臺惜共冰霜晚璧水歡同桃  
李春聞道鄉溪多暇考好推時雨付陶甄

胡子因之任金華別駕

君抱璧玉姿石藏閼光美談經匡鼎傳橋門才剡起  
英聲三十秋貌落長安市彈冠洵有時脫穎自茲始  
一朝被銀章鵬路今千里樹德務日滋親民思豈弟  
金華古名陬境上嘉山水中多避世人亦有間奇士  
公餘一咨詢或可資化理余今倦宦游欲覓雲霞侶  
行將解組歸竭來訪松子

宋巨溪赴任滇中

一命初爲侍幕賓羨君標格離風塵去去梁州萬里  
道四時景候常如春碧雞金馬散氣氤氳上有猿聲和

近稿卷三

十

白雲昆明池水通滇海繡服輝輝動光彩三年報政  
盡歸來玉堤柳色遙相待

張甘白守濟寧二首

一命大夫貴專城五馬榮京臺綰章紱濟水照千旌  
輯衆資行簡蠲刑在訟平無令漢循吏信史獨馳聲

其二

定陶古名地時政苦煩苛援溺民方切觀風子若何  
願言敷德美漸以致人和遠紹張堪績流傳麥秀歌

楊豫卿冠帶南歸

儒生挾藝來京國冠服光榮返故園冰雪蕭條淹客

邸葵榴爛熳遍行軒神奇傳得龍宮訣虛寂會聞關  
今言子去也須精舊學余歸將訪道之源

周以德寺簿之任遼陽以德爲方伯白溪公之  
子詩五首

而翁最續聞聞粵厥子箕裘紹德聲一命光榮分兩  
露青袍端不負儒生

其二

承榮且莫厭居卑祿仕曹分渤海湄一職古人何敢  
苟尼山萬古乘田師

其三

近稿卷三

十一

攬轡駸駸東海頭懸思到日正防秋馳驅莫負桑弧  
志羽翼無嫌枳棘留

其四

天駟星明照遼水渥洼應產不凡才君行適與良時  
會樂府重歌天馬來

其五

萬里宦游鄉國遠關山稠疊白雲深傾陽務秉丹葵  
節愛日時懸寸草心

鴻臚稽奇峯使閩便道歸省二首

涼蟾皓皓徂清夜原隰駢駢動使車陽鴈南賓看不

盡仙臆北發思何如鯨鯢剪滅方隅靜  
事舒歸值江東好風日光生冠蓋溢門廬

其二

琉球萬里通賓貢使者丹符出 紫宸海不波揚占  
聖德圖開王會獻方珍秋風薦爽添行色驛路乘  
輶荷寵新星節莫淹桑梓地還 朝須及冀門春

上林司錄孫思川給假榮歸

尚書世澤垂聲舊錄事初階拜 命新文藻儒林傳  
著述箕裘門閥見風神秋清去翼雲霄迴晝錦歸榮  
雨露均嗣歲北來須肅軫早脩一職效 明君

近稿卷三

十一

羅近溪正郎出守寧國三首

玉如秉貞素皎皎出塵姿攜手京堂上遙憐獨往時  
出守古名邦政平道在斯同心締蘭契皓首以爲期

其二

分符到山郡訟簡民俗淳惠愛霈膏雨煦嘔敷陽春  
道心同水月瑩淨絕纖塵焚香齋閣裏悠然觀白雲

其三

陵陽富山水間閭多古風使君邁才彥過化業皆崇  
大心廓豁逕於人何不容經綸非異術所貴協厥中  
如農去童秀禾黍日以豐漁初舍陽橋巨魴斯我逢

古來循良吏敷此策勲庸行看報嘉政赴 召明光  
宮樹立日宏茂儒道益光融

戴玉臺光祿南歸

迢迢澤國三千里謁選南歸樂事頻連葉翠迎官舫  
去榴花紅映彩衣新參藩閱聲華舊光祿階資雨  
露勻效職政須強盛日趨朝莫久戀鱸尊

北歸偕張子月鹿遊焦山次韻

歷水登山十里程飄飄逸興逐波生江以山奇增鉅  
觀山因人勝獲嘉名恍疑奮翼凌風往歛若乘槎犯  
斗行歸路鳴榔發高詠悠然千古舞雩情

近稿卷三

十三

午後放舟復遊金山會柴定宇祠部攜楫江天

閑次韻

重上金山憶往年喜同脩禊集名賢杯飛白墮虛無  
閣佛現珠光覺率天徑裊烟蘿迷去屐林垂雲葉拂  
溪船江南水晶多奇絕此地先嘗第一泉

喬子啓仁移居索余詩賦贈

卜居城市壓塵紛長掩雲荷養性靈對鶴支頤朝覓  
句燃藜兀坐夜譚經劍花藏匣光衝斗鵬翮乘秋力  
破溟屈指無何逢甲子好將荆玉獻 明庭

芸閣校書爲顧汝脩作



垂簾燕窺靜焚香左右圖書散縹緗爾雅昆蟲勞註  
疏殘編魚豕待平章思經畫卧頻探簡問字朋來一  
舉觴羨爾藏脩直得訣行看起草侍明光

贈姑蘇姚素如

姚翁晚歲善清談帶索行游樂且耽几上南華窺道  
奧簷前白石對書龕鄉評月旦收名久郡學賓筵豫  
宴酣令子覓予詩上壽靈椿賦就祝彭聃

送戴晉甫至縉雲壽其親瀛江學諭

寧親千里訪精廬恰值春明景象舒鼓棹尋芳情不  
極瞻雲溯水興何如溪山游覽添文思講席趨陪益

六五稿卷三

五

啓予擢雋懸知秋桂早壽厄懼瞞杏花初

贈瀛江

文學聲光迥出羣耆年風骨倍精神極星瑞燭燃藜  
夜綵服輝增獻筭晨絳帳明經官不俗青氍素業道  
非貧萬松山畔多時雨桃李徐開爛熳春

壽何母七十

桃杏芬菲春日光和風輕拂薦馨香琪花瑤草競生  
色玄鶴青鸞相對翔繡幕氤氲凝綵袖萱堂醺醖浸  
霞觴懸知福履今增長桂子蘭蓀秋更芳

喬啓仁北行有留別之作次韻以贈

梅花綴雪殿芳年送客遐征思可憐寶劍成龍看躍  
海黃金圖駿恰如燕塞帷夜指長安月舉棹朝衝浦  
墅烟京國才能多會聚招延定有小山篇

陸名遠從蔡司馬白石游挾詩冊謁余海上索

予言漫贈一盲得神字

動能布氣靜凝神雅有聲名在縉紳意馬尻與無轍  
迹風驅霆掣著經綸圖書滿載湖山月膚寸徐回肺  
腑春技術有餘心不薄楚狂流裔見斯人

贈施南野

君出南閩裔移居東海濱曠心秉玄素矯跡厲清真

六五稿卷三

五

常從避世士復狎飯牛朋采藥瞰猿穴于田學鳥耘  
游心越人術綜理神農經衛生憐獨悟濟廣愜同人  
古傳有遺言善積斯成名成被冠服桑梓生光榮  
帝力吾何有懽齊擊壤民

雲樓

縹緲層樓枕碧波輕風行水漾新羅隱君徙倚雕欄  
望冥會疎雲發嘯歌

送周三泉赴召北上

莘莘盧水英榮榮璠璣器遠志薄丹霄修詞切金薤  
弱冠擢危科出宰膺民寄嘉禾起賢聲華邑益隆異

齋閣聆琴鳴聞絕犬吠靜一解時苛譽望軼循吏  
最續入以聞徵書自天至新秋風氣清白月照行  
袂要津從此升樹立日閱縣爾宗文襄公疇昔撫茲  
地惠澤久不磨芳名今喇喇君其紹前聞式弗替光  
懿東南古名暇邇來漸凋敝仁人拯溺心詎不一康  
濟予詞匪虛陳猶述丞民意

送繆竹溪掌教扶溝

喜見君來又別君師儒數月令名聞書堂鼓瑟宗安  
定客座無羶並廣文匪劍騰南冲斗極干旌指汴與  
秋雲中州自昔多材地追琢時髦好策勲

送楊洞岳擢太學博士

洞庭波銜十二峯岳陽樓閣相爭雄主人夙抱瓊瑤

質疑是川原靈秀鍾典學竭來司澤國春風桃李生  
光融一朝召入成均去雲翼扶搖萬里通廣文先  
生古所貴況值熙朝禮樂崇日步橋門叅敎鐸晨趨  
閭闔候鳴鐘六館章縫胡濟濟談經匡鼎聲名起由  
來養士藉賢關棧樸材成貢天子

壽光祿訥齋李第六十

小春天暖多佳勝初度茲逢景最宜曆轉籌添新甲  
子觴傳仙集儼瑤池祥風曲奏長生燕瑞靄光凝連

理枝報國且通金馬籍旋歸歲舉菊花卮

立春江上次孫槐窓韻

海上春同曙色旋繡衣行部試新篇居民不擾安田  
作村犬無聲攪夜眠始信陽和元有脚遙知膏澤浩  
無邊臺端霜肅風清後化日遲遲照法筵

人日喜晴次韻

景物忻逢人日晴破除陰暄目初醒輕霞拂綵花增  
勝霽雪飄梅柳間青法象昭宜瞻柱史祥光璀璨映  
台星巡南定永甘棠譽陟屺無嗟水上萍

誕日次韻答馮樵谷

次韻答馮鍾山

歸來海上臥雲烟况歷稀年簡世緣老圃幽芳諧晚  
節故人慰藉枉新篇依依翠篠含風靜宛宛名花過  
雨妍慚乏瑤華酬白雪祗將衷素對青天

次韻答馮鍾山

棲遲甫里興何如東浦來遊問索居隸萼映門人並  
秀苔痕侵座雨初餘呼童焚竹烹新茗凭几焚香閱  
道書喜有嘉詩慰岑寂不煩彫飾是璠璣

次韻答沈勾章因簡東沙司馬

鸞翮飄飄凌紫氛詩名海上遠相聞招延夙擬開三  
徑離索無繇詠五君玄尚雅宜攀叔夜清詞端已紹

休文東山司馬今高臥羨爾分携茂嶼雲

次韻答勾章

爰有好遊者星槎千里過幽標羣鹿豕抗節昵雲蘿  
藻麗時名重風烟客思多擬掛吳市酒傾耳越人歌  
送袁守澤門陞任

給諫當年有令名一麾出守得專城 中朝暫遠心  
彌切澤國重來政自平此去乘輶風景麗徐看搢筆  
海波清松流迤邐通湖泖不盡今晨送別情

贈郭汝臺總兵

元戎產秀蜀山川累進軍功擁重權建節牙旗聲藉

不近稿卷二

十八

甚紆籌鈴閣觀爭先春深舳舻迎風至浪拂艤艫奏  
凱還遂有羽書聞 帝闕頓銷兵甲治農田月明淞  
水波澄徹雲斂嶠夷海晏然史氏紀勲穹石在行人  
頌德口碑傳

送朱仲敬北游國學

猗猗江上蘭粲粲山中桂秋風發華滋馨香滿襟袂  
送子遠于征躊躇起遐思大學萃英賢麗澤從茲始  
去去安所陳珍重青雲器

送陸三山北上

覽薛叅幕爲寧親肅軫長安又覲 君王抱質完和

氏璞珍傳家有史遷文吳鈞高映東江月彩仗遙瞻  
北地雲臣子丹心原罔極好脩忠孝著聲聞

送高象南北遊國學

遇合人生自有期尋芳莫厭得花遲鵬鵬近徙圖南  
翼鸞鶴今遷向北枝碩果定緣穠豔後大材恰直晚  
成時請看擢桂燕臺月繼聽龍門鼓瑟詩

賀張淇川壽誕

雲間文學懸弧日南極星輝構李城教衍蘇湖洵繼  
武峯瞻岱嶽倍馳情青藜光照臯比席黃菊香浮綠  
蟻觥桃李門庭多福祉春風回首睇流鶯

不近稿卷二

九

挽張恭人次須野韻三首

瑤池青鳥不飛來塵滿當年寶鏡臺謾說椿庭添鶴  
怨空留彩詔憶鸞迴生芻束贈人如玉叢薤珠零露  
作杯莫訝鍾情惟我輩鼓盆聲裡劇生哀

其二

淑質由來邁等夷思成楚些若爲辭魚軒儉德今亡  
有形管遺編再見之奕葉滋培昌祚胤瀚星光彩照  
虛危中丞賦罷心如結情逐川流曷盡期

其三

關雎德懿詠河洲維鵲巢空凜素秋澹月梧飄金井

上淒風蘋偃楚江頭俄驚鳳館簫初歇遂憶鴻泥跡  
已道恨却合歡離不結參辰隔越暮雲愁

賀包慵齋八十

先生晚悟脩玄訣導引精專歲月長觀爾丰神矚昔  
異問君童子幾時方瑤池青鳥春傳信丹竈金砂夜  
發光我欲結盟遊物外同根常得倚扶桑

送顧汝脩北行

藏脩芸閣動經年北上看携舊簡編春莫晴花開爛  
熳秋來老桂發高妍干將劔光初溢郭隗屠臺月  
正圓新主好文何以答請君一試祖生鞭

賀梅高學博尊甫七十

仙翁矯矯歲星精令子師儒日有名璧水傳經時雨  
化春風遊詠舞雩情壺山瑞叶長生籙龍浦波添上  
壽觥內召佇看膺顯擢行需封錫倍光榮

桃溪歌

桃園美麗花如織千朵萬朵蔭溪側燕支澹澹印霞  
紅綺繡輝輝綠日赤溪前雅有考槃人小隱雲泉七  
十春曠志翛然絕塵壚久生能已見精神七月白藏  
天氣清壽酒高張行兕觥安期滄海吸金液蕭史屑  
臺吹紫笙椿萱炫耀風日好極婺聯光錫難老桃實

疊疊薦玉盤瑤池歲歲來青鳥

賀趙津南六十

封君耆年異標格頰桃色映童顏赤燕山桂子發華  
滋大兒次兒雲路客少兒獻納侍宸京得告歸來  
薦壽觥仙掌露華黃菊綻瓊筵金紫寵光榮極星高  
照龍之浦盛德應多歷年所將來再著大椿詞爲君  
纓綴長生譜

贈山人

伴松山人白下客仙訣云從異人得刀圭無事覓芝  
苓鼎裏丹成生羽翼遨遊兩浙縉紳間琳琅乞得有

詩篇由來若雪梅嘉勝去住茲山煉大還

何貞女紀事詩

古王重風教婚媾首民彝儷皮肇嘉禮雖德詠周詩  
締盟繫纓日奚待結縭時從一古所貴移天謀自知  
卓哉何氏女肅肅冰槩姿素秉閨房秀靈鍾峯泖奇  
問名諧鳳侶偕老以爲期梅實未云殫庭蘭溢蚤萎  
女心鬱不解涕泗情漣漣九殞甘決絕父母屢護持  
往奠楊氏堂願作楊家孀生不同室處死願同穴歸  
毀容守夫節委身共婦儀朝夕茹荼苦養姑孝無違  
立孤存夫後匪石心不移若彼清秋月晶晶揚光輝

若彼崑山玉粲粲無瑕疵末俗多洿蕩女貞洵可師  
古來列女傳彤管標聲徵特書何女行上續昔賢辭  
答贈吳一舟次來韻二首

虛傳博望遠乘槎漫學鴟夷不住家汎艇中湖便得  
月譚談永夜雅宜茶龍官秘受三仙訣丹鼎光騰五  
色霞自分全生甘隱逸不因裘馬羨京華

其二

剖除樊係卽閒身肺腑收藏宇宙春五岳遊行婚嫁  
畢一舟裝束往來頻擬從牛渚仍窺斗憶向桃源試  
問津釣渭得璜應有待豈容終老豫章濱

送稿卷三

三

岱宗歌壽錢一拙八十

一拙山人古標格市廛小隱棲霞客酖頗對映春桃  
紅修髯瀟灑秋霜白岱宗滄海勢爭雄崔巍簸蕩搖  
層空君昔遊行陟其頂朝禮東皇太乙宮歸來卜築  
崇壇宇日夕焚修歷年所彩鸞縹緲遺之音碧宇長  
生曾錫汝君今八十解聞道耳目聰明兆難老寶篆  
香騰結紫烟疏窓瑞應來青鳥君之壽考安可極萬  
里扶搖駕雲翼日觀遙瞻金錄臺懸崖笑指秦封石  
壽封君張磊塘

封君七袞異風標壽酒高張景色饒瑤草瓊芝添瑞

應緒桃黃鳥弄春嬌長生字譯青鸞譜度世聲傳碧  
玉簫極北榮光連閭閻弘南星彩照魁杓璇源派接  
尚書澤磊石塘通海國潮况有紫薇郎顯貴重看  
錫命下雲霄

送徐梅萼出宰象山

銜鱸久著文儒望製錦行看德愛敷往沂瑞龍航一  
葦還從碧海候雙鳧川因徙鰓烟波靜邑以鳴琴瘳  
癘蘇珍重政成須 內召好乘驄馬耀雲衢

送陸如晦之任宜春

清才通仕籍貳令得宜春名閥家聲舊琴堂佐理新

送稿卷三

三

壽李梅峯八十

哦松存志操咏鳳憶風塵行色梧桐月秋聲楊柳津  
去將裨邑政期不負斯民考績看殊擢萱庭慰爾親  
安樂窩中養性靈臥龍山谷植高名煙霞志癖淹青  
桂鸞鶴聲遺度玉笙見道漸能通定慧忘機端已悟  
長生年年洞酌三江水釀取瓊漿薦壽觥

壽趙東洲七十

參軍文雅士樂愷值稀年及此杪秋日弘開介福筵  
吳萸囊可佩天桂月初弦瑞應祥鸞鶴懽歌溢管絃  
泰山朋作壽德海酒如泉極葵光逾燦芝蘭色倍妍

黃花逢景媚芳豔報君先有歲同今日杯傳菊節前

九峯歌壽王容齋八十

九峯東薄滄瀛闊山水蜿蜒靈秀結時有龐眉鶴髮  
翁玉韞珠遺隱巖穴容齋八袞壽且康耳聰目明精  
力強瑤池良月張高宴其樂融融日未央新稻香凝  
春酒熟南極照筵增祉福皓月流輝瀉玉壺丹霄桂  
實飄金粟槐堂棧戶絕逢迎日誦黃庭習養生籌添  
定注東皇籍真逸兼齊谷口名

酬朱邦憲見贈作次韻

勿藥聞君體自平新詩示我目增明開函已覺風雲

近稿卷上

苗

動拂几徐聽金石聲白晝懷人煩慰藉清秋對菊倍  
含情由來二障須除却試展南華習養生

節婦吟爲武節菴母作

太原節婦真賢母德懿光昭世希有貞心皎皎凜冰  
霜雅操英英映瓊玖夫君背棄椿蚤枯賸留遺腹育  
明珠碧天黃鵠去不返丹山靈鳥將其雛九苞五彩  
爛朝日鳴陽桐樹增顏色省寺翔翔歷奉常年來慈  
母膺三錫鸞詒紛承百祿荷節孝聲名遐邇播囑  
目恭人介壽康世萬雲仍日昌大

南州太守歌壽徐白齋八十

出守南州之嶺嶠瓊乳仙巖幾登眺拂衣解組早歸  
來經綸卷作磻溪釣吸露餐霞煉九還瑤花碧樹相  
蔥芊烟雲色護樓蘭館虹霓光連種玉田大夫綽約  
形神好五嶽真圖錫難老醺醺呼傳鸚鵡卮蟠桃隱  
瑛琅玕草南極星輝皎如月邇聞行度躔吳越下有  
龐眉皓髮翁毓秀鍾靈常不絕君今八袞朱顏渥  
簫聲奏長春曲素志耽從鶴鹿羣華筵開傍葵榴簇  
意氣看君近若何愉恬合道葆元餘他年願奉耆英  
會爲著神翁百歲歌

訪董紫岡不遇辱詩贈次答

近稿卷上

荃

懷人愧乏禮爲羅訪戴茲從泛棹過逕僻新晴妍水  
竹門深宿雨殘煙蘿草玄定愜將迎少覓句懸知藻  
麗多斜日歸舟頻悵望雲遠漸羽自峨峨

金蘭歌賀與拙七十

憶昨交游弱冠時金蘭意氣結相知萍蹤聚止元無  
定鴻羽差池各奮飛屈指于今垂五紀君值稀年予  
老矣予歸數載愜愜明農君亦辭官還舊里夷猶十畝  
日閒閒誦習黃庭學閉關華髮却驚囑昔異形神不  
減地行仙君今初度逢端午綺席清飈敞高戶蒲酒  
香浮碧玉卮榴花色炫斑衣舞勸君燕喜朱顏醅贈

次韻贈吳一舟

送徐南孺北上三首

近稿卷二

其

勗哉慎終始明德長無衰

其二

其三

龍飛遘聖皇如連萃英哲會遇洵有時昔言匪虛  
設君以用世材征行衝暑月懷茲席上珍眷言趨謁  
闕拜職效忠貞髦共臣節維繳繆之絲維矢合以

輓朱近泉

朱醒石壽五十

壽馮文學母八十

近稿卷三

七

贈水心中翰假歸次來韻

贈張長輿應試二首

靈鳳九苞羽不同羣鳥姿德輝覽斯下文采觀應希



簫韶今在御時也當來儀奄觀起東海北地振音微

其二

純鉤白虹寶塵澤困遭逢號膏瑩冰雪鱗鏐燦芙蓉  
陸行祛虎兇水宿殪蛟龍曠眎一電光飛飛雲漢中

贈馮子潛遊湖二首

長夏五湖水微茫成具區波凌千頃碧月泊一舟虛  
銷暑情頗適探奇縱所如憐君獨往意不是學陶朱

其二

浪跡人間世飄然賦遠遊烟霞恣探歷泉石任淹流  
水納乾坤大舟行日夜浮何年周五岳得續尚平不

近稿卷三

六

送喬中翰北行

送爾乘秋海激行使星遙指鳳凰城純鉤光溢千金  
重吳榜風生五兩輕視草龍池看動色燃蒸天祿定  
知名休思黃綺相棲隱好侍臯夔翊治平

輓王思質公詩十首

庚戌秋深膚駢橫高賢按節鄆孤城先皇遣使頻  
東問黼黻屏書侍御名

其二

禦虜雄邊當聖情俄看柱史晉中丞都人士女爭  
先覩龍虎風雲快允升

其三

東海鯨鯢起垢紛天王命帥獨推君宜猷兩越銷  
青瘴緩轡吳山眺白雲

其四

思予浙省叅藩日正值君侯出牧年禦侮安民徵廟  
筭懷賢感舊一潸然

其五

南平海道勅還朝北總諸州軍務勞文武兼資周  
吉甫威權明肅漢嫖姚

其六

轅門星隕將星亡牙纛雲摧慘不揚雷煥劍光收斗  
極長弘血碧灑漁陽

其七

無端薏苡妬夫君蘭蕙菅茅杳莫分聞笛傷心思舊  
賦臨風廢誦大招文

其八

策勲端擬勒燕然數不逢時志力愆臣罪當誅臣已  
矣願言結草衛幽燕

其九

道家深忌在佳兵公乞歸田疏屢陳最恨數奇同李

近稿卷三

九

廣封侯未得竟藏身

其十

萑斐譴然柰爾何  
旂常亡損勒功多  
褒忠典在鐫綸  
綽吳會穹碑迴不磨

壽馮樵谷

肥遯君看六十年  
馮唐未遇竟誰憐  
山中空抱連城璧  
海上新傳長鍊篇  
三月名花紛爛熳  
五茸岩草互芊眠  
賓朋擬製留春曲  
入奏笙歌介壽筵

蟾桂歌壽秦母八十

的皪丹萱擁繡帷  
池秋色遲春暉  
瓊筵快囑斑衣

近稿卷三

卅

舞東海新迎駟馬歸  
善積名門歌燕喜  
雲程珠璣增福祉  
狐南寶婺發光華  
蟾桂生明照江水

壽沈鳳峯同卿八十

清時解組恰幽居  
朝野當年湧今譽  
抱膝自矜梁甫調  
問奇人扣子雲廬  
食霞吸露春長駐  
鑑水觀山樂不疎  
卜獵恐驚高臥穩  
環溪聞獲釣璣書

其二

不薄交情四十春  
西曹風誼迄今存  
良辰投分攻文藝  
白首論心味道原  
百歲更從來歲始  
九峯特仰鳳峯尊  
延陵立德吾儒事  
三復臺萊作頌言

其三

名公八表道逾全  
志愜明農返自然  
康節風流雅同調  
休文才格劇稱賢  
請看壽應輝南極  
瑞氣遙連百歲筵  
况有詩名騰洛社  
新篇一出萬人傳

贈子潛往遊匡廬武夷二山次韻二首

五岳尋仙不憚煩  
茲行迢遞訪名山  
千峯疊沓匡廬外  
萬象鋪張宇宙間  
足躡雲霞堪倚藉  
手捫星斗慨齊攀  
香爐瀑布君諳歷  
好待來看鍊九還

其二

山水武夷標鉅麗  
高懷試作尚平遊  
雲浮世路雙青

近稿卷三

卅一

眼日錢年華半白  
頭身到八閩  
知勝槩舟從九曲沂  
安流看君意氣多  
瀟灑不學騷人歎  
素秋

松源董君七十

東吳彥士思翩然  
璞韞鵲居七十年  
佐邑卑棲甘吏隱  
齋心常寂類逃禪  
扁門臥雪表安節  
與杖歌商原憲  
賢自壽看君有佳詠  
同長生曲奏賓筵

壽溫州別駕松厓第七十二首

斗城旬日即投簪  
海邑歸耕見一人  
皎皎文鵷偕鶴鹿  
溫溫玉樹出風塵  
元辰數薦蟠桃實  
嗣歲行看桂子新  
飲罷屠蘇斟壽酒  
眼前梅柳占先春

其二

愛第稀年舉壽觴履端節後屬青陽條風入律春伊始  
遲日行空樂未央綵勝碧桃紛綺靚紫鸞朱鷺互  
翱翔瑤池瑞浹連枝燕花萼光生四老堂

贈劉文學昆季壽母七十

諼堂芳宴悅親顏母歷稀年鬢未斑節映梅花人似  
玉杯傳仙醴壽如山朝從璜泮尋芹往日履南陔握  
筴還寶桂定應昌後祿萊衣益以修鳩爛

送高伯起北行次韻

欽士今茲屢勸駕真才久矣重鄉評遺珠入握新呈

近稿卷二

三

文

彩囊穎生鋒大得名步驟燕臺矜策駿遷喬御苑恰  
啼鶯懸知老桂高枝茁嗣歲京闈聽鹿鳴

次顧箬溪韻贈紀曉龍二絕

四望山川雲霧重飛潛起伏見羣龍河源倒上通星  
漢悟得坤輿在掌中

其二

凝神鴻洞謝機緣睇目蒼冥思入玄近擬區中尋地  
脈遠從象外覓先天

元化歌壽侯侍御母

元化云云凝氣母天目山泉灌南土吳淞江水日東

流瀛海朝宗自今古瀕江融結湧丹丘烟霞高護紫  
雲樓樓中壽母年八十秀色明眸孰與儔茲晨言舉  
留春宴紅藥芳蘭紛九畹游子燕京乘傳還膝前萊  
彩持觴勸江藻河魴鮮可嘗玉壺金液浮瓊漿仙姝  
謾出長生字青鳥銜歸愛日堂

送張儀亭之任邑宰

茂宰乘輶莅上津舞雩童冠惜離羣庭留隻鶴青田  
月烏化雙鳧太岳雲製錦明時需碩彥彈琴白晝策  
高勲懸知異日膺殊擢奮翮丹霄屬使君

壽松泉瞿君八十

近稿卷三

三

瞿君瀟灑體僊僊嘉樂昇平八十年碧海泉通添壽  
竿丹丘桃實薦芳筵葵榴奮日紅增彩檜竹凝雲綠  
倍妍難老爲歌天錫祉時豐仍詠稼于田

壽楊貞母何氏五十

貞女瑩然冰雪姿純全道義古今奇堅珉確乘移天  
節匪席無勤叔世知姑射仙姝齊德懿瑤池王母進  
新禧年經五十滄桑變旌典行看下玉墀

題施曉山卷二首

方輿貌入仲山圖天目雲泉一掌鋪會得青鳥奇秘  
訣洵從赤水拾玄珠

其二

墨妙徐窺太史文，鸞翔鳳翥見精神。請君莫作尋常看，珍界垂簾賣卜人。

送侯復吾侍御北上

使節乘秋入帝京，瑤天瑞合五雲明。吳鉤光溢千金重，荆璞珍傳片玉名。睇目闕廷新日月，看君臺省樹風聲。匡時祗慎苞桑計，勿學終生漫請纓。

送文學聶子弘璧赴北畿

充貢觀光之上國，晚成端是異羣才。採蘭今日將君往，擢桂明年遲爾來。層會龍飛新雨露，鵬從鯢化

近稿卷三

三

起雲雷名齊下壁，連城價色倍黃金。郭隗臺

壽徐存齋師相七十二首

辭相南還歷數春，稀年色象倍精神。元功歛却歸皇極，世局更端任化鈞。庭菊照筵緋勝錦，河魴入饌白於銀。笙歌擬奏魚麗曲，壽豈忻從鶴鹿羣。

其二

澄秋南極燦星躔，陸海祥光護彩筵。穫稻雅宜春酒熟，囊萸正對菊花妍。籬金賜享同疏廣，太史文雄似馬遷。頌德爭誇仁者壽，承惟恰直老而傳。

應友泉母八十

慈水秋澄風日嘉，誕庭春酒醉流霞。承家種有藍田玉，繞宅栽成緒杏花。寶桂孫枝芳漸發，瑤池觴宴樂非賒。懸知母得長生訣，續古仙姝萼綠華。

海峯歌

平君任俠何翩翩，英聲東駿著幽燕。關雞策馬長安道，挽轡當場結少年。縱飲兼旬甘瞑眩，呼盧一擲常百千。突兀壯心殊不已，五岳遊行輕萬里。早辭白玉黃金臺，暮宿蒼茫東海涘。朗月橫空劍氣寒，蓬瀛倒射芙蓉紫。良工貌出海峯圖，瀟灑風神宛相似。吳越夷猶志未降，思歸眎目憐桑梓。懸知不負將門孫，手

近稿卷三

三

縛胡酋獻天子

楊野雲隱君訪予海上數月言別賦此

鶴馭飄飄訪道行，徐觀陸海紫雲生。請君遮莫停玄草，五岳同遊學向平。

其二

門外驪駒歌已不生，芻一束難留盧敖試。擲雲中杖若士仍爲汗漫遊。

送邑令鄭鏡泉

使君芳譽滿江鄉，春正朝天入建章。坐罷鳴琴閒白晝，行看旌旆拂清霜。鳬飛遠帶風雲色，鵲侍親承日

月光谷口遷鶯聲恰恰河堤新柳正蒼蒼

贈吳宇峯二首

天目流泉浸具區光搖白水湛冰壺山人閱盡三吳景壯志思窮五岳圖

其二

幽居心抱烟霞癖駒隙看徂日月光擬向龍宮探寶錄歸憑鼇海架丹房

送雲泉之任沐陽掌教

分教三年鳴海右蘇湖遺矩調相同遷喬此日趨淮北雲鷗河流道正通沂沐盡霑時雨化童冠衣被舞

太近稿卷三

三

零風知君續有青莪詠爲薦英賢上澤宮

壽滬南三弟七十

白雲留署辭歸日常棣華堂樹德餘遁世憐無和氏璧傳經喜有鄴侯書筵開綺繡歌難老樂奏埙篪詠樂胥壽擬靈椿春晝永彩衣輝映杏花初

其二

叔氏高張介壽筵稀齡羨爾體僊僊韶華永直春之暮福履盈如月上弦四老堂前椿競茂五茸城畔桂芬妍今茲喜續連枝會它日同賡百歲篇

贈周寶陽

延陵有逸士雅志慕真清虛善玄理鼓鑄妙經綸賜迴丹炫采月瑩鼎翻銀花明春寂寂戶迴水鱗鱗獨行甘幽勝儵然出世塵

鴻臚汪玄霞遊海上抱疴三載夢純陽仙授以法秘疾愈今歸謁靈巖謝景貺索余詩爲賦之

齊雲古名巖雲山運亭壽山列古仙祠純陽擅芳躅遺像鏤貞珉風神美如玉憶昔玄霞君竭來游澤國三載抱沈疴綿延坐茵褥昔昔夢仙人髣髴舊時覩勅教領玄談勿藥喜斯得解以結業緣照以光明燭中慧悟三乘外薰焚六欲君敬奉不違無何遂痊復

太近稿卷三

三

君歸謝仙真酬酢神明德齋心究秘樞力進策高足赤水覓玄珠期不混魚目予夙暮殫霞歸歟隱耕牧送君迂君來爲詠懷仙曲君來竟微言粲然啓金錄無恡一示予其庶慰幽獨

文學劉季球移居作

羨子遷移善卜鄰藏修素志養聲名良工抱璞甘三獻瑞鳥睇陽埃一鳴龍藻虹光干斗極池芹壇杏發晶英懸知哲后垂衣日國俊搜揚屬老成

汪雲洲上舍五十

十月江南羨小春天時人事喜交并懸弧恰值玄英

旦獲稻新傳綠蟻舫貨殖未忘榮五穀商遊洵已避

三旌知君悟却尊生訣馭鶴閒調碧玉笙

### 送張蘆山經歷之蜀

紀綱一郡屬參軍少尹疏榮寵命新舟歷巴岷巖險  
道身如叩楚犬羊鄰宣猷授律遵王路挾纘持醵沛  
主仁竟外懷柔怕得體遐荒有截絕飛塵

### 贈陳鶴池二首

甘泉山脉海門通有客幽棲養素風瓊樹花蕃翔白  
鶴玉池春暖漾芙蓉

### 其二

近稿卷二

三

維揚古逸肅清高玉立新秋一羽毛春序遊行滄海  
澳白雲搖曳廣陵濤

### 孝廉篇贈石啓忠主政

環姿函璞玉顯氣達天人倚歎美無度允也道自珍  
時邁風雲會班聯智羣宰民期獲上辭祿志寧親  
白華絮滌穢蘭薦芳馨友我懷罔極怙恃置譏庭  
伐檀著高節素餐非所榮返棹標廉石歸鋤帶孝  
灌藥公流曲眠花辭鏡平蓬瀛泉穴涌梓里德星明  
座寂衣冠古心清羽翼生絕超朝市客奔逐挂浮榮  
賢哉此昆仲永永樹修名

### 贈包慵齋九十

仙翁鍊藥雲間數授得龍宮海上方九十融光嬉太  
昊百齡淑景媚東皇丹鸞青鳥徵祥應碧竹緋梅介  
壽康挹取三江環玦水年年添入紫霞觴

### 壽曹桃溪隱君

愛我溪翁今八袞華秋風物劇宜人蓮房綴子感新  
露芝秀揚芬駐晚春青鳥瑤池傳瑞應彤顏皓髮倍  
精神偕予躡足桃源境踪跡秦人再問津

### 次韻贈鄭梅屋二守

君歷宣尼知命時心同蘧瑗解知非尊生妙契神仙

近稿卷二

世一

訣識治真探造化機澤國茸城需保障詩懷酒興入  
淵微瑤池盛舉長春宴松桂敷榮紫翠園

### 秋溪卷

羨爾秋溪今六十四湖瀟灑絕塵氛揮毫對水圖青  
嶂閣筆支頤望白雲心逸夢飛三島路觴行色炫九  
霞紋眼前魚鳥紛隨逐悟得玄機迴出羣

### 賀錢一拙表兄九十壽

我愛兄茲逢九十元和布濩杏華妍東皇景麗春長  
駐南極星輝月尚圓後苑苑柳垂鶯纖綺高軒澤潤鮮  
生碑塞余漫賦莊椿頌異日賡歌百歲筵

題寒節秋香卷爲郡理范岫雲母作二首

萱草英英紫氣饒  
涸臺水色日滔滔  
煙雲不改秋筠節  
操併入春光照錦袍

其二

寶婺光連紫氣分  
德星璀璨煥秋雲  
今把玩諸賢  
頌他日流傳著作文

近稿卷二

卑

笠江先生近稿卷之二 畢

笠江先生近稿卷之三

疏 頌

謝恩疏

奏爲謝 恩事 臣原任浙江等處承宣布政使司左  
布政使嘉靖三十四年十一月十六日已將印信庫  
藏交盤明白赴京朝 覲事畢回任間嘉靖三十五  
年四月二十八日准吏部咨爲缺官事該本部等衙  
門會推具題奉 聖旨潘恩陞都察院右副都御史  
巡撫河南等處地方寫勅與他欽此欽遵備咨到 臣  
望 闕叩頭謝 恩訖隨即起程本年五月二十四

近稿卷三

章凡之制

日至直隸滁州地方迎接浙江布政司承差龔沂齋  
捧 勅諭一道到 臣望 闕叩頭祇受外本年六月  
初九日入河南省城據河南按察司呈送前巡撫河  
南都御史今閒住張烜原送接管 符驗關防并書  
吏卷簿到 臣接收行事外伏念 臣草茅末品樗櫟微  
材會際昌期幸通仕籍歷官一十七轉上叨 覆載  
之恩竊祿三十餘年莫效涓埃之報每懷餐素深切  
冰兢詎意 寵命之臨畀以撫循之寄力小任重懼  
蚊負之難勝 恩厚感深思駕駕之可策 臣敢不勉  
脩職業誓竭忠誠苟有益於黔黎不辭心力庶少酬



於 洪造無負生平 臣無任感戴 天恩激切屏營  
之至

### 祭告 神祇疏

題爲地震事嘉靖三十五年六月十六日准禮部咨  
該本部題奉欽依事理備咨到 臣已經會行布政司  
轉行各該司道及所屬府衛州縣欽遵查照外本年  
七月十一日准巡撫陝西都御史唐時英咨并據陝  
西布政司呈差千戶尹洪齋捧祭文十六道降真香  
十六炷帛十六端燭十六對前來 臣會同巡按河南  
監察御史孫昭即於省城督同都布按三司掌印署

進稿卷三

二

凡之

都指揮僉事陳惟喬掌印左布政使鄭綱署印副使  
陳鏊佐貳署都指揮僉事白旆清軍帶管分守大梁  
道右布政使扈永通管屯政帶管分巡大梁道僉事  
楊廷相分守汝南道帶管分守河南道右叅政劉廷  
誥分巡河南道僉事陳夢鶴分巡帶管分守河北道  
僉事羅文蔚并開封府知府翁時器河南府知府趙  
宸懷慶府知府劉應節衛輝府知府李心學等動支  
官錢買辦祭品俱各精潔豐腆齋沐擇於本月二十  
四日竭虔致祭 社稷之神二十五日致祭 城隍  
之神續自省起程至陳州於本年八月二十日致祭

伏義氏至西華縣於二十一日致祭 商高宗至

鄭州於二十五日致祭 周世宗至鞏縣於二十七

日致祭 宋太祖 宋真宗 宋仁宗至登封縣於

二十九日致祭 中嶽嵩山之神至孟津縣於本年

九月初五日致祭 漢光武至濟源縣於本月初六

日致祭 大濟之神 北海之神至輝縣於初九日

致祭 衛源之神至汲縣於初十日致祭 黑龍之

神至陽武縣於十二日致祭 黃河之神訖 臣仰惟

我 皇上 道契重玄 德參邃古 天庥駢集表

聖治之日隆地道失常緊臣工之政闕廼厯 宸

近稿卷三

三

復元

慮特 勅時幾 大賚徧及于羣黎 精禋復脩乎

秩祀茲 臣以封疆之寄 遣 臣叨祭告之榮出香帛

于 尚方孔時孔順宣 制辭而對越有翼有嚴洋

洋乎效如在之誠沕沕乎妙感通之盛蓋 臣敬不忘

乎將 命而 至誠豫有以孚 神時暘時雨時燠

時寒時風百穀肇豐登之慶若木若火若土若金若

水五行順施化之功嘉禾產瑞于 天田而粒我烝

民者匪且有且康衢詠歌夫 帝則而徧爲乃德者

雖休勿休舉天下莫不 尊親環海內同其樂利 臣

無任忻忭感戴之至

謝 賜銀幣疏

奏為謝 恩事嘉靖三十五年十二月十五日准兵部咨為恭伏 玄威蕩平巨寇論敘功次事該本部題節奉 欽依事理備咨到臣除欽遵外嘉靖三十六年正月初十日該禮部順差驛丞李文星齎捧欽賞銀十兩紵絲一表裏到臣即日焚香拜迎祇領望 闕叩頭謝 恩訖臣仰惟 皇上 德契重玄道隆古始 皇度并包乎遐邇島夷自絕其生成於赫 天聲醜類盡殲于陸海無私時雨流膏早洽於東南朽者澤而焦者濡歡騰萬口文以脩而武以偃守在四夷臣際會 昌時濫竽撫任往承 明詔肆發戎兵慚無絲粟之微勞叨荷 駢蕃之異錫金傳 內帑奇珍賁及于匪頒幣出 尚方寵渥輝生于在笥榮逾其分賞過乎功顧稱塞之惟艱祗銘銜而增懼臣敢不服膺 光被勉守堅貞秉素節于五純矢初心于百鍊仰酬 洪造俾屏軀益勵于鑑鍾宣布 皇仁期黎庶溫同于挾纊庶尺寸之長是效而錙銖之報少攄也臣無任感戴 天恩激切屏營之至

考察自陳疏

近稿卷三

四

周旋元刻

奏為自陳不職乞 賜罷黜以明考察事近該吏部

題奉 欽依考察京官既如例舉行矣臣備員三品

例許自陳伏念臣章披謫才章茅末學幸邁 昌明

之運叨從鵷鷺之班雖久歷蒞官 寵榮已過而計

功程力毫髮無裨茲者承乏中州誤蒙 皇上任使

授臣以撫循重寄 勅臣以息盜安民將 命以來

固不遑於暇逸期月於此寔罔克以致功寇警未盡

銷瘡痍未盡起財力匱絀衝費莫蠲領民之吏不皆

靖共由臣表正之無術閭里之氓不皆寧輯由臣綜

理之無方筋力雖竭於驅馳績效無增於尺寸省循

近稿卷三

五

多愧瘵曠奚逃此不職之狀臣所自知分宜退片以

應 明例者也伏望 皇上擴 天覆之宏度憫臣

語之由衷 特賜罷黜以遂歸田別簡才賢以充斯

任庶有光考察之 盛典而日見庶績之咸熙矣臣

無任懇切悚惶之至

火災奉 慰疏

奏為奉 慰事嘉靖三十六年五月十三日該 欽

差行人司行人溫如璋齎捧 詔書內開昨因時旱

禱澤于 雷霆洪應之壇方喜靈雨之垂隨有雷火

之烈正朝三殿一時燼焉延及門廊修刻燃矣欽此

欽遵臣下情驚惕夙夜靡寧仰惟 皇上 德冠古  
初 化孚區宇 上玄昭貺 景福日隆乃今忽有  
火異 皇上切敬 天之至懷同 堯湯之兢業誠  
有不能自己者伏望 少寬祗畏倍養和平臻 聖  
壽於無疆格 天心於有永 臣愚幸甚天下幸甚臣  
職守所羈不獲躬叩 闕庭奉 慰以伸臣子之情  
無任瞻戀祈懇之至

賀正旦疏

奏為慶 賀事嘉靖三十七年正月初一日恭遇  
元旦令節臣誠歡誠忭稽首頓首稱 賀者伏以

近稿卷三

六

青陽歲啓斗樞回萬國之春 景運天開 寶曆衍  
一人之慶矧戊為土德黃輿昭博厚之祥而午迺  
陽中離照煥文明之象屆履端之昌序觀希世之貞  
符喜溢 虞庭歡騰禹甸恭惟 皇上 道包太始  
德合兩儀 居正體元叅造化彌綸之用 經仁  
緯義握陰陽闔闢之機 神功上格於 玄穹 聖  
烈遠超乎前古 朝門經始光華壯 日月之居營  
室呈祥 輪奐增山河之麗且塵清寰海鯨鯢盡戢  
於洪波而琛貢 闕庭玉帛畢通於重譯紹 二祖  
七宗而益盛邁 三皇 五帝以同休維此 元

辰茂膺 景福三陽升而萬物泰小往大來五氣順  
而七政齊民安國阜開八荒於壽域登六服於春臺  
臣幸際 昌明叨承 寵渥南鄉遷秩尚隨閭閻之  
班 北極瞻雲敢效 岡陵之祝忻忭有同於率舞  
揄揚莫罄於名言伏願 聖人德以為車 天為蓋  
地為軫善其用而不窮 王道久而弘化 文常恬  
武常熙歸於極而靡忒 永祐受紫壇之英 長春  
綿洪範之疇臣無任瞻 天仰 聖忻戴頌祝之至

賀瑞雪疏

奏為恭 賀瑞雪事嘉靖三十七年正月初七日伏

近稿卷三

七一

頌

觀瑞雪時降臣誠歡誠忭稽首頓首稱 賀者伏以  
聖通 玄極三靈昭感格之祥雪應先春九寓協  
豐登之慶懽騰甸服喜溢街衢恭惟 皇上德合乾  
坤 明齊日月 總萬幾而敷治 勤一念以安民  
謂穡事首藉於來麴而東作允資乎膏澤 精禋  
上達 九玄隨禱以居歆 靈貺旁通六出應期而  
灑潤瓊糝吐豔共零桂以爭輝素霰飛花與新梅而  
竝彩 景福有徵於百順嘉祥肇始夫三陽自非  
帝念通微 天心輔 德何以致休禎之叶應不後  
不先發兆庶之歡忻孔時孔惠有如此也臣恭承

鴻造沐浴太和嘉堯民比屋而可封祝 舜壽與天而無極臣無任瞻 天仰 聖忻忭踴躍感戴之至

辭 朝謝 恩疏

奏為恭謝 天恩辭 朝赴任事臣原任刑部右侍郎荷蒙 聖恩陞臣南京工部尚書隨赴鴻臚寺報名 廷謝訖茲當 陛辭前去到任臣誠惶誠恐稽首頓首稱 謝者伏以 宸廷拜寵叨登常伯之班明命肅將遄赴南都之任誠感 恩而戀 闕謹摠悃以陳辭伏念臣樗櫟微材海陬末學幸際 熙明之運濫承任使之榮懷委質 一人之心力恒不

近稿卷三

八

願植

逮負經營四方之志用寔未能晉貳刑曹已逾涯分南陞起部復冒 鴻私且尚書應文昌喉舌之司而留都為 國家根本之地率庶屬以掌邦土贊化樞以翊 皇猷八座崇階當慎疇咨之選六卿要職必資寅亮之才睠茲班位之隆夫豈愚臣宜據恭遇皇上道通三極 仁覆九埏 日月並明旁燭不遺於幽隱 乾坤同度裁成無間於洪纖遂使凡庸荐膺華秩謂臣入官三十六載履歷頗深略臣報稱萬無一分身名最下俾棖楹而參構期收隆棟之功策蹇駑以服輿姑取識途之智臣敢不堅持素節砥

礪丹衷攬星駕於道周有懷靡及傾葵心於 天上敬切瞻依量力度才雖熾火無裨於景曜矢忠任事冀涓流少助於洪波仰酬 君父高厚之恩下效臣子分毫之報伏願 皇圖有永 帝業彌昌百工釐而庶事康玉燭調而金甌固天長地久 聖人協萬壽之符海晏河清環寓慶平成之治臣無任瞻 天仰 聖感戴屏營之至

謝賜銀幣疏

奏為恭謝 天恩事嘉靖三十八年八月十五日先該本部題為回風事隨該工部覆題節奉 聖旨是

近稿卷三

九

世清

潘恩賞銀二十兩紵絲二表裏欽此准咨前來該禮部順差百戶胡表於本年十二月十八日齎捧到臣即焚香望 闕叩頭祗領訖臣仰惟 皇上 德合神明 道通覆載 精誠遠慕崇奉 山陵寢廟洵新於赫 高皇之神烈 羹牆若見不昭 大聖之孝思彝典告成 鴻恩下被臣謬膺邦土之寄慚無分寸之功渥澤隆施出於望外白金綺幣來自尚方珍奇分三品之良驚捧滿籬之重文采擅七襄之美懼傳在笥之光肆拜舞以為榮復省循而生懼叨承過分報稱無階臣敢不恪守堅貞藉 陶鑄

而作礪敬共朝夕謹幅度以視身用擴肝膽之愚忠  
上答 乾坤之大造伏願 聖壽與 天齊永萬年  
延奠鼎之祥 帝澤若水之流四海洽垂衣之化臣  
無任感激 天恩踴躍願望之至

進助 工銀疏

奏為恭 獻銀兩以助 大工事臣等近見邸報該  
工部題奉 欽依鼎建 殿堂擇吉興工臣等不勝  
歡忭仰惟 皇上 握乾立極 應運中興紹 祖  
法 天經營鴻構 帝心孚佑休徵屢錫於重玄衆  
志僉同貢賦畢陳於率土臺史占日星之吉工虞度

近稿卷三

十一

清

林麓之材規厚地以盤基壯 山河百二之勢摩層  
霄以渥彩煥 離明九五之尊法象倣乎紫微時義  
取諸大壯固將成鉅工於不日而崇 大業於萬年  
者也臣等職列冬官地分留省仰 九天而瞻繼莫  
據手足之勤望 五位以傾忱敢效涓埃之助謹輪  
常俸之羨少裨匠氏之需下情無間於子來中懷實  
懸乎葵赤伏願 皇居永固儲萬福而襲神禧 國  
運彌昌積千祥而降 聖壽天長地久 丕承未艾  
之休海宴河清 永御無疆之曆臣等無任忻躍祝  
頌之至

辭改刑部疏

奏為懇乞 天恩辭免重任事嘉靖三十九年十月  
初二日准吏部咨該本部會推題奉 聖旨潘恩改  
刑部尚書欽此備咨到臣臣仰荷 聖恩非臣捐軀  
所能報稱伏念刑部尚書即古司寇之職所以掌邦  
禁詰姦慝刑暴亂以上佐 聖天子均齊海內阜成  
萬民者也在古已列崇階于今尤慎茲選仰惟 皇  
上道通覆載治協勳華好生恒切于 淵衷欽恤屢  
厘于 詔旨羣黎向化六合同春人與畫象之風里  
有可封之俗荷其盛哉第出禮則入刑在人情所不  
免而明刑以弼教豈謫劣所能勝臣以田野書生遇  
蒙 皇上收錄寘列中外樸忠徒知自許才識固以  
踰人備職南曹省循非據茲膺 寵召何以堪之慚  
無臯陶惟明克允之才而欲仰贊 帝舜刑期無刑  
之治志雖惕厲力實未能安敢冒非分之榮而遂忘  
陳力之義也伏望 聖慈俯察愚衷出于真切收回  
成命俾仍舊官別簡賢才以充新任則上不負  
聖明知人之哲下可全微臣守分之宜臣無任祈  
天俟 命勤慙之至

近稿卷三

十二

世清

謝改刑部疏

奏為恭謝天恩事准吏部咨該本部等衙門會推題奉聖旨潘恩改刑部尚書欽此又該臣具奏辭免奉聖旨卿才行老成邦刑重任特茲簡召宜即赴供職不允所辭吏部知道欽此欽遵隨赴鴻臚寺報名廷謝外臣誠惶誠恐稽首頓首上言稱謝者伏以國之大典曰刑與政臣之常職在慎與清伯夷降典折民式肇熙隆之治臯陶明謨致理聿收克允之功制百姓俾協刑中敬由獄以長邦國後世章程雖異先王法制相沿辨雀角于周庭召南徵化歌雞鳴于漢闕文紀稱仁蓋刑獄為民命所關而讞斷在

近稿卷三

十三

熙朝特重茲蓋伏遇我皇上治超千古道合三無秉玄德而風動域中觀人文以化成天下羣黎會極率土還醇顧以民瘼猶煩聖慮欽恤屢形於詔旨疇咨慎及于刑官遂使庸愚謬膺簡在陳乞靡容夫遜避褒榮復被乎綸音臣敢不佩服訓詞恪勤職業靖共朝夕董率司臣務折獄而秉公下無慚於樸學期明刑以弼教上仰答夫鴻私效虞臣慎憲之忠贊帝舜好生之德力雖未逮志不敢違伏願聖澤浹於華夷容如環海法紀懸諸象魏燦若列星人咸向化而不犯於有司民日遷善而相忘於

帝力棫樸著作人之烈金雕玉琢頌聖治者億兆同心薰絃奏韶德之章解慍阜財祝聖壽者萬年一日臣無任瞻天仰聖忻躍感戴之至

辭改都察院疏

奏為懇乞天恩辭免風紀重任事茲者都察院左都御史員缺該吏部會推題奉聖旨潘恩改都察院左都御史欽此臣荷蒙宸渥深切戰兢竊惟左都御史者位埒六卿地分專席所以振肅紀度宣播風猷表正百司保乂羣黎者在古已列崇階我朝益重茲選載稽往牒爰有聞臣是惟簡肅端凝剛

近稿卷三

十三

方正直斯能靖共職守無忝是官臣以末學凡庸遭逢皇上登錄擢真中外垂四十年葵心思效其樸忠綿力無裨於報稱備員憲部猶懼弗勝進總毫綱寔慚非據敢冒過分之寵以貽曠職之愆是以控瀝悃誠上冒天聽仰祈皇鑒俯察臣愚出於情之由中而非徒以飾讓收回成命俾仍舊官別簡名德以充斯任則臣力所及可圖報於毫分長院得人將日臻其績效臣無任激切願望之至

謝改都察院疏

為恭謝

天恩事准吏部咨該本部等衙門會推

題奉 聖旨潘恩改都察院左都御史又該臣具奏  
辭免奉 聖旨卿老成端肅風紀重任特茲簡用宜  
承朕命不允辭吏部知道欽此欽遵隨赴鴻臚寺報  
名 廷謝外臣誠惶誠恐稽首頓首上言稱 謝者  
伏以 渙命重申晉陟專臺之秩光榮九列崇居執  
法之司是惟俊乂之英斯稱甄揚之典 簡庸謬及  
震惕奚勝竊念臣樸樸凡材章縫末品志恒希占行  
不逮於前修學偶逢時力未優於重任爰自 龍飛  
之歲獲通鴻漸之達雖駁歷中外之日多而報稱涓  
埃之績寡曩承 聖眷召自南曹掌邦刑猶懼瘵官

近稿卷三

十四

臣等

擢總憲復叨 寵渥俯慚非據仰披陳力之忱曲荷  
恩私更假 溫綸之錫豈平生之敢望願報塞之  
惟艱茲蓋恭遇我 皇上聖造淵微神合太始普離  
明而百官之賢否畢照體乾健而萬幾之裁決不遺  
謂臺臣爲風紀攸司而職務與諸曹並重維茲器使  
寔在得人 疇咨特慎於遴推收錄不捐乎葑菲遜  
辭弗獲祇深奮負之懷 睿獎宏施益切葵傾之念  
臣敢不祗承 聖訓勉效愚忠明法直繩端官常而  
聯庶職奉公秉正肅憲度以表百司誓殫疎拙之初  
心圖稱 昭回之願命伏願 乾元永泰 帝德日

新金追玉琢而綱紀四方允洽蕩蕩平平之治經文  
緯武以保寧黎庶聿成熙熙皞皞之風運道樞而  
玄祐靈承朋岡陵而作壽綿國祚而 真人長御並  
天地以齊年臣無任感戴 天恩踊躍祝頌之至  
謝 賜寶鈔羊酒疏

奏爲恭謝 天恩事嘉靖四十年四月二十日該臣  
歷正二品俸三年考滿給由咨送吏部於本月二十  
一日引 奏二十七日奉 聖旨着復職欽此欽遵

謝 恩任事間本年五月初二日伏蒙 聖恩特遣  
御前答應牌子御馬監右監丞劉善齋 賜新鈔二

近稿卷三

十五

臣等

千貫羊一隻酒十餅到臣第臣卽時焚香謹望 闕  
叩頭祇領隨赴鴻臚寺報名 廷謝訖臣誠懼誠忤  
稽首頓首上言稱 謝者 大廷賚予匪頒之禮攸  
崇 中使遙臨晉錫之榮莫既瞻茲 寶鈔價麗園  
泉 內酒澄芬允霈雲天之澤輒牽鄙重適增錫牧  
之輝拜舞登嘉凌兢罔措竊念臣猥承經學幸際  
熙朝依 日月之末光叨省臺之重寄歷官三載時  
當考績之期愧乏寸功仰贊 休明之治荷蒙 皇  
鑒矜察愚忠包容不冒乎 鴻私獎勞獲沾夫 寵  
渥茲蓋伏遇我 皇上神凝清穆道契希夷秉離照



之明無微不燭廓乾元之度何所不容如臣樗櫟之  
材亦與甄收之列曲成含育特藉 慈仁異數優隆  
實踰涯分臣敢不勉圖報塞渚勵堅貞衣被素絲確  
守羔羊之節均和麴蘖斬為作醴之需竭臣子之消  
埃答 聖明之宏造馳心 五位長傾向日之忱繫  
目 萬春敬祝齊 天之壽臣無任感激 天恩忻  
躍願望之至

乞 恩追贈前母疏

奏為比例乞 恩追贈前母事臣直隸松江府上海  
縣人由嘉靖二年進士歷任前職三年考滿伏蒙

近稿卷三

七

聖恩賜臣本身并祖父誥命如臣見任官階給與臣  
已不勝感戴思得臣父奎前娶母趙氏蚤卒繼娶母  
錢氏生臣今母錢氏已蒙追贈宜人加贈夫人竊念  
前母趙氏於臣雖無鞠育劬勞然以臣父視之為母  
一也窀穸幽魂 寵榮未逮歲時奉祀稱號相懸臣  
心誠有不安者查得嘉靖二等年工部尚書李充嗣  
禮部侍郎蔡昂俱乞追贈前母荷蒙 聖恩俞允臣  
階資事體幸與之同烏鳥私情敢行陳乞伏望 皇  
上達容光之照推錫類之仁 特勅吏部查例將臣  
前母趙氏一體追贈庶泉壤均沾乎 渥澤而幽明

曲被夫 鴻私愚衷彌切於傾葵圖報敢忘於結草  
臣無任冀怙 天恩戰兢祈懇之至

考察自陳疏

奏為自陳不職乞 賜罷黜以答 天戒事准吏部  
咨該廣東道監察御史唐繼祿題為仰體 聖心陳  
末議以脩人事以隆 天眷事本部覆題奉 聖旨  
是久旱風霾 上天示警四品以上京堂官俱著自  
陳其餘的部院從公考察分別去留來詵欽此備咨  
到臣仰惟 皇上敬 天法 祖勤民立政四紀  
于茲至誠克享夫 天心德澤覃孚於宇內彌久彌

近稿卷三

十七

咸寢昌寢隆運者畿甸恒賜氏多艱食上厯 宸慮  
宵旰靡遑特允臣官建議舉行考察將以貞肅臣工  
保安黎庶甚感心也臣謬承 聖明簡用叨列院臣  
之長例合自陳復荷 綸命下臨俾臣參核之權懼  
難稱責竊念夫惟才且賢者斯克端其標準惟公且  
明者斯不眩於提衡臣一心報 主固不敢不竭其  
愚忠而淺識薄才則不能不限於分量欲以修明重  
典求當 聖心其何以能之伏望 皇上將臣罷黜  
以警庶僚復選醇德以充斯任庶幾法紀因之振舉  
甄別當夫懲勸退浮競以獎恬靜去貪佚以勵忠清

仰贊 聖謨式廣知人安民之化祗若 天道益臻  
致和達順之祥臣無任悚慄之至

進助工銀疏

茲者恭遇 皇上茂膺 天眷鼎建 宸居法象倣  
紫微之垣規摩準大壯之易 睿識恢張乎 祖制  
羣心咸切於子來臣等叨陪侍從之班莫效涓埃之  
力敢陳末獻上助 鉅工仰冀 聖明俯為容納伏  
願功成不日慶衍長春鳳翥龍騰禁籞永綏乎 萬  
壽竹苞松茂椒庭誕集夫 千祥臣等無任喜躍祝  
頌之至

近稿卷三

太

徐文

辭朝謝恩疏

奏為恭謝 天恩辭 朝回籍事臣荷蒙 聖恩以  
臣年老著致仕隨赴鴻臚寺報名 廷謝訖茲當  
陛辭臣誠惶誠恐稽首頓首稱謝者伏念臣以旧野  
凡庸叨承 聖明錄用歷官四紀恒持樸懇之忠致  
位六卿愧乏絲毫之報握臣掌院益戴 鴻私奉職  
愆違祗深淵懼仰惟 乾坤宏度念臣犬馬微勞  
大造之益無方曲為赦過小人之腹屬饜已愜明農  
孱軀雖遠于 闕庭一飯敢忘乎 主德至分啓閉  
望 五雲而遙思 舜日擊壤同彼民黎伏臘歲時

祝 萬壽而長慶堯天呼嵩偕夫野老伏願 宸樞  
運而尚賢消侯邇開眾正之門 南薰歌而解慍阜  
財永協熙隆之治 帝德廣被自光天之下以及海  
隅日出率爾攸同 神化覃敷自有生之壽以及蠕  
動螺飛莫不咸若臣無任感戴 天恩瞻戀祝願之  
至

加級謝 恩疏

奏為恭謝 天恩事據本縣手本開稱為開讀事奉  
本府帖文奉吏部勘劄前事該本部題節該撫按等  
官會薦地方人材乞為錄用該本部議照原任都察

近稿卷三

九

徐文

院左都御史潘 於原職上進加一級令其致仕等  
因覆題奉 聖旨是欽此備行到臣望 闕叩頭  
謝 恩欽遵訖竊念臣原籍直隸松江府上海縣人  
本以末學凡庸誤蒙 先帝收錄歷陞前職退即里  
居忽 朝命之下臨荷 天慈之曲被伏遇 皇上  
紹膺 寶曆 詔布神州一見盡決 聖皇日月之  
明普照羣生怙霑 德澤雨露之益無方如臣樛櫟  
之材預叨加級之典清階榮秩目眩心兢雖 明聖  
過採夫人言而孱軀寔慚於 大造疎迹無階而報  
稱私衷誓竭於捐糜望繫 闕庭情傾葵藿呼嵩偕

夫野老仰祝 聖壽於無疆結草思效昔人恒戴  
皇圖於永固伏願 矢文德而修常武 九重樹宏  
遠之謨 內順治而外威嚴四海洽熙和之化 臣無  
任感謝 天恩激切願望之至

帝鑑圖說頌并序

臣聞天闡景象昭昭乎視有爛之文史紀成虧炳炳  
乎垂不刊之典文繇象而后顯典以美而斯傳振古  
如茲於今爲烈者也我 皇帝陛下秉神聖之資撫  
昌熙之運建皇極以行大道體元化以育萌生握斗  
柄而四序潛迴張地維而九垓靖謐 御曆伊始天

近稿卷三

二十一

下泰和既納諫以如流復求賢其若渴恒遜心於史  
籍且辯志於章絃維是時元輔少師張居正暨侍從  
諸臣采掇堯舜以來致治之跡可法可戒者總百十  
餘條名曰 帝鑑圖說以獻 帝命曰俞宣付史館  
臣得之流傳不勝忻忭於是言曰是編首以圖者何  
藉筆丹青華繪藻飾入目惕心者也繼以說者何隨  
事布辭據情道實舉往可知來也曰 帝鑑者何天  
生斯民寄之奎宰端揆體元疇咨熙載爰以乂民時  
有升降政異得失治別隆污以銅爲鑑可照妍媸以  
古爲鑑可占興替其所從來久遠矣堯舜以來訖漢

唐宋往跡昭如又以爲唐虞以上皇風玄邈不敢采  
錄是或一道也宋邵雍則曰三皇之世如春五帝之  
世如夏三王之世如秋五霸之世如冬善化天下者  
盡道而已善教天下者盡德而已善勸天下者盡功  
而已善率天下者盡力而已老氏言失道而後德失  
德而後仁義捨功與力置而不言其論過區別矣蓋  
道者兼德與功言者也德次於道功次於德德而非  
道其德則麗功而非道其功則隘在昔皇人之世明  
由必育成博隕丘風后力牧之儔潛神創物奕曜燮  
和普汜無私握幾弗宰成功不有其盡道可稽也帝

近稿卷三

二十二

者之世皐稷稷契垂益元愷之流善政而利用厚生  
宣猷則翼爲明聽陳謨而吁咈都俞亮采存蹇蹇之  
忠敬上宏師師之益其純德可想也王者之世若伊  
傅周召呂望君陳畢公之倫聘莘而先覺覺民升陞  
而醜正有夏居桐而績懋保衡起巖而聲昭夢卜鷹  
揚牧野四海永清郊鄒鼎安王圖孔固金縢載啓立  
政業崇若夫東郊董治殷士來寧尹正保釐頑民底  
定策勳先後聲實懋昭其樹功何偉也秦漢而下純  
任功力道化寢微治亦衰替夫世治升降道德功力  
靡齊猶歲序推移春夏秋冬各異終始相禪循環無

端者也第明良恒艱於遇合豐盛不易於遭逢有君無臣昔人嘆之矣是故成天下非常之功必歸不世出之主輔天下非常之治必資名世者之賢 上承

天嗣服 聖德性成廼於訪落之初遐想皇虞之治于時元輔獨抱舍一之德荷躋鼎鉉之司志合道同精聚神會魚水投心膂之分雲風協龍虎之交甫決策於堦庭已收功於萬里北胡款塞置梟獍於幽遐閩廣獻囚剪鯨鯢而漸息海嶠有截次第底平思別區外以威嚴而囿域中於順治整齊庶職俾守官常斬舉民黎登之泰域 臣跼伏田野沐浴休風載觀

近稿卷三

三

獻納之編快觀交修之義夫臣子報君厥心靡盡道亦無窮際美帝王之臣上婉皇人之佐贊助勳華之績遠齊邃古之隆樹立聲猷爰登泰始於今侍從臣拭目以觀厥成焉乃若 垂拱蠲蠲蠅渡之中優游玄默神明之化朝野順軌夷狄格心不冒海隅蒼生暨於庶類咸若此 聖哲所優爲 九五之利見者也書曰一人元良萬邦以貞傳曰王中心無爲以守至正敢爲 皇上誦焉啼鳥鳴蛩各適性生之分康衢擊壤僉惟 帝力之忘睇目芳規醉心贊述夫雕刻天地奚殫造化之工詠嘆 聖謨曷罄玄微之

緼敢陳拙略一布悃誠永示方來昭茲盛美 臣恩稽首謹獻頌曰

於鑠我明肇舉義兵經始淮甸脩告武成逐胡剪亂九圍廓清煌煌 太祖建業作邦 成祖桓桓定鼎冀方兩京雄峙鞏固金湯 列聖繼承重光寶籙傳世十一今 上續服謚切孝思敬止穆穆德以善政在養民耕鑿食飲好義歸仁蓋天容地望日就雲維時元輔志存篤棐作鏡繪圖獻可替否追跡前聞功參負宸萬物懋育三靈化醇光映寰宇聲被高深德音雅雅式玉式金春滿燕臺時調玉燭珠斗澄宵

近稿卷三

三

黃離啓旭義路砥平百嘉林族大哉君哉爲堯爲舜臣哉隣哉克忠克慎造膝誠孚勳高業峻元首惟明股肱惟良時幾允飭庶事惟康升階貞吉泰進無疆瑞應昌符昭回信史援古證今聿標懿美于以遂歌 嗣音喜起

笠江先生近稿卷之三

笠江先生近稿卷之四

序

賀許近山擢浙東兵憲序

自海寇入犯黃巖之歲迄於今寒暑凡四易矣中國防禦之術未嘗一日而不講卒未有得其要領者是故倭患寢深由海登陸如入內竟無一人敢嬰其鋒其劫奪諸民貨貨衣糧如取諸內府無一事不當其欲紛擾兩浙間浸淫判渙及於吳會是故民病日熾聖天子宵旰之憂亦未嘗一日釋諸慮也時許近山先生以布政司叅議分守寧紹台乃獨憂之毅然

嘉善

一

以討賊爲己任選將練兵漸有端緒歲甲寅夏六月賊自三山入者凡數百餘人姚江震恐先生堅壁清野勿急與戰簡命輕銳擊其情歸賊驚怖乃退居無何賊自台而入者凡九十餘人歷臨海僊居武康金華山澗中轉鬪數百里大軍尾後莫敢誰何先生引兵逆於山陰之水道立表設營絕其歸路敵人崩駭斬馘靡有孑遺其自臨山觀海而入者亦往往而有則又分佈諸兵守扼險隘賊無所於利稍稍引去由是東浙之民倚先生爲長城如弱子之戀慈母矣又明年爲歲乙卯撫按諸公議以寧紹兵備員非先生

不可者乃合詞請於朝聖天子俞焉從民望也

秋七月璽書旣下浙人大喜先生受命益恭惓

惓焉不遑暇逸若無以勝任然者先生蓋不敢以易心處也人亦有言行百里者半九十夫百里而行至九十所未至者無幾矣心猶半之言不以將至而生易心也不以將至生易心何百里之不可至乎先生嘗語余曰倭患起於外備疏而內治弛兵力弱於將領懦而校練廢財用匱於召募廣而侵漁衆在昔我皇祖臨蒞中土以倭夷之狂狡異心不足與治也絕之勿通慮其內犯也沿海數千里建置衛所南北

嘉善

二

基布海艘水師遐邇鱗集賊一至則迎擊海外俾勿登陸故百餘年以來絕無寇警承平日久廢棄舟船易以巡騎堡燉烽燧日漸堙頽海濱將士罔識習於水戰若一旦驅之出海使之犯波濤凌雲霧則心悸目眩食不下咽矣疇能持一矢以加敵外備不太疏乎瀕海之氓以魚鹽耕作爲生歲勤動而吏不之卹或無以遂其俯仰給其常賦是驅之使爲盜爾奸商俠客不事農桑本業出與夷人爲市牟大利恃重貨以歸冒法禁而吏不之問內治不太弛乎自有倭患以來未嘗一日不召兵集數千之衆於此使十倭鼓

刀而前則皆喪志奪氣踉蹌却走蹈藉而殞死者不可勝數此由將領匪人而教閱之亡素也教閱亡素則什伍之法不明無以聯屬衆心遇敵則釋然離耳離而散逸莫可窮詰民安得而不效尤孔子曰以不教民戰是爲棄之此之謂也今東南之財力竭矣有司恒持數千金募兵數百人矣日又廩食縣官惟幸賊不至一與賊接則多解體解體則不可使復是數千金一旦緣手而盡耳將吏匪茹罔恤時難餐空名于尺籍冒廩食入私橐者亦多有之語曰江河之水無以實漏卮先生之言若此蓋其以卓越之識忠實

述稿卷四

三一

之心發而爲憤時之論此其大凡也且其心皇皇焉不以功烈之及人者爲已足而以黎庶之未寧者爲已憂故其在職惟先務之爲急練習鄉卒稽察募兵汰疲弱以登壯勇覈濫竽以去浮靈節國用以裕民生心皇皇焉日未已也則內治其奚有弗脩夷患其奚有弗靖譬之行百里而半九十其於百里也何有哉浙東西之民日以是望先生矣先生之擢也同寅諸君屬余序以爲先生贈念昔先生之僉憲江西也余時巡嶺北其分守浙東也余時守浙西暨先生今茲之擢時余又爲左使與先生同官者最久交契最

深誼故不得而辭且余亦以是望先生矣

河南通志序

歲丙辰夏六月余祇役如汴會河南通志刻始成三司長貳諸君持以示余謂余有茲土之寄也請序之余受而覽焉廼序曰夫志何爲者也夫志所以稽往蹟示將來垂勸戒以立模範焉者也我明之興皇祖光宅華夏疆理方域分建畿省維是河南當天下之土中越二百年來德教滲漉人文炳煥較之他省爲尤著云而通志之修顧獨後焉不可先是巡撫鄒公毅然身任其事列局編纂採摭遺文鉤稽故實

述稿卷四

四

章

刪繁舉要粹爲四十五卷閱數月書成廼繕寫入刻其用心勤矣是故考圖設表體國分野取裁於職方原本山川總核物賦摹形於禹貢續緝典訓詮次羣藻準義於尚書網羅萬物苞舉庶類參倖於國史於是天人之際事物之誼犁然顯著辟諸鵠鹵於層霄拾明珠於遠海布龍章於晦夜奏鈞樂於虛庭足以洞宣心目裨益見聞傳播來祀何其詳也昔者詩人憫老成之凋喪幸典刑之尚存孔子嘆言禮之無徵咎文典之不足則此編之作可無遺憾已抑余於是有所感焉玄黃剖判二儀肇分人物夥生遐哉邈乎

靡得而紀若古先聖王義黃禹文之儔其自有所自其出有所爲開物成務興利以前民用功業之隆與天地相終始尚矣下是而仕於茲土者粵周秦而降歷年幾何監司守長丞尉班職莅官者幾何今載之名宦志者僅若而人焉則其生都顯榮死而湮滅無聞者何可勝數也其產於茲土者總總嚶嚶爲億兆者幾何顯晦升沉修短窮達爲遞代者幾何今載之人物志者僅若而人焉則其生不足以成名死而湮滅無聞者又何可勝數也古諺有之人貌榮名夫人貌不可常而惟名爲不朽以故名者生民之鴻寶永

近稿卷四

五

世之標的也今觀垂名是編者其嘉言懿行鉅代殊勲由千百世之下而想像千百世之前其人宛如在目至德之光耿乎與星辰相昭朗不拔之操確乎與金石同堅貞不可奪之氣浩乎與萬河相流峙故其人足傳也而它無可概見者何異於零露之朝晞蜉蝣之夕隕名與身而俱亡也久矣嗟夫天地之間惟人爲貴易稱可久者賢人之德可大者賢人之業君子斬自表樹永有聞於後世計無易此矣故曰庶幾夙夜以永終譽廼若罔克自振而顧以可大可久之身卒與朝露同晞蜉蝣並化不足以當齊民之一瞬

其不可慨矣乎余爲此懼思與覽者共勗之遂不辭而爲之論敘云爾

刻李氏周易集解序

敘曰此唐李氏鼎祚所輯易解刻之者我明宗室西亭氏也六經之道大矣而易爲之原自古庖羲氏之王天下始畫八卦重之爲六十四周文王作卦辭公旦作爻辭孔子繫之以十翼所以闡陰陽之秘發天地之房者斯其至哉語有之乾坤毀則無以見易言易與天地相始終也自卜商以後傳注百家惟王鄭爲衆所宗頗行於代李氏謂鄭則多參天象王乃

近稿卷四

六

全釋人事易之爲道豈偏滯於天人者於是採摭遺言歷漢迄唐集虞翻荀爽三十餘家刊輔嗣之野文補康文之逸象其用意勤矣夫二氣運行彰往察來莫贖於天道而八象備之消息盈虛其數不可略也貞悔相因雜物撰德莫辯於人事而六位窮之乘承失得其理不可遺也故曰易也者天人之間者也孰或合之而孰或離之李之宗鄭斥王過矣迨及有宋儒道章明若正叔程氏之易傳晦菴朱子之本義皆淵源王學而二書沛然大行於時近世因之立於學官凡師之所以教弟子所肄習者獨宗朱子是故重



幼而穎一藝白首而或未能言蓋安於所習毀所不見卒以自蔽此學者之通患也儒先有言隋唐以前易家諸書逸不復傳賴李氏此書猶見其一二然則是編胡可廢哉西亭氏者負陳思之軼才慕河間之大雅詞翰踔絕躋古作者之塗邇年好易潛心韋編遂以所得宋本募善工刻之以廣傳布詎不謂知本者耶今夫崑崙之水其發原也渚渚無垠演而爲河流匯而爲滄海至於海而水之觀盡矣義文周孔之易辟則崑崙之原也李氏之集解辟則河之衆流也程朱之傳義辟則海之會歸也是故由集解而溯四

近稿卷四

七

聖之微言則其端倪可測矣由集解而徵程朱之著述則其脉絡益明矣傳云先王之祭川先河而後海或原或委之謂務本然則是編之刻其先河之義也夫刻既完授余讀之且屬余序余遂銓次其略俾後之覽者有所攷焉

贈大司徒石渚馬公考績北上序

大司徒石渚馬公純懿端雅入官三十餘載敷歷中外所至綽有聲稱嘉靖乙卯歲擢南京工部尚書越二年丁巳改戶部以留都司計職重非公莫之可任也又明年戊午秋九月期當滿考廼錄二部所經理

之績持以獻於天子之庭瀕行工部諸司屬謂舊習服公教也乞余言以贈公行余與公同舉進士相友善公之改戶部又余承乏其後仰止景行者久矣是何可無言哉我明之興二祖疆理區夏建置六官于兩京摠領天下之治帥屬共職各有攸司地官司徒者所以掌天下戶口錢穀貢賦之事而軍國會計之制豐耗盈縮之規出納散歛之令隸焉冬官司空者所以掌天下城池土木工役之事而繕脩綱紀之政工匠程式之宜山澤川瀆之材隸焉是故二部者皆天下財用之司而今天下之論治者恒苦於財

近稿卷四

八

用之不足馬公之爲工部也飭材董工務先節縮咸麗厥宜而其在戶部也議處經費以裨國用尤井井有條迺以時務之當變置者都爲五事草疏聞于朝皆鑿鑿當情實疏既見之施行矣而公先事之慮其有槩於中而未及悉陳者何限也今天下非小絀也有司之府庫日虛太倉之儲峙鮮繼南北之陳乞輻集而計臣往往告乏矣百姓無兼辰之業而轉徙流移者衆矣此其故何也由於風俗浮而習用侈也夫百穀之藝於田材木之樹於埜金錫之產於土玉璞之孕於山珠璣之育於水凡天地之所生不數

數焉積之以歲年庸之以人力不數數得焉非神鬼運輸可以立操亦非若水火至足日取盈而不竭也夫其生之有數而得之也艱而又用之也不節其有不置於財而盤於治者乎昔者梁惠王以歲凶不足問於孟子孟子告之以王道其言曰不違農時穀不可勝食數畧不入洿池魚鼈不可勝食斧斤以時入山林材木不可勝用所以論生養之原如斯而已矣其又言力田樹桑畜雞豚使老者衣帛食肉黎民不饑不寒至於根極弊端不過曰狗彘食人食而不知檢塗有餓殍而不知發所以論生養之道與夫制節

近稿卷四

九

之方如斯而已矣蓋足國裕民之要不出於生財節用之二端非有奇謀異術如管商桑孔之謂富彊人國可以聳視易聽也公之疏詞有曰近年夷虜之變調度百出凶荒蠲免常額數虧如不隨事樽節求補涓滴之間則愈涸而難繼善哉言乎夫為稼於大旱之時固非一溉之功所能濟然必有一溉之功者後枯彼謂足國有術而詆節儉為眇小無益者左矣公之茲行 聖天子嘉公之績留置左右贊助 廟謨公以素所蘊蓄者出謀發慮俾可施用於時察民生之由困執期會之要樞酌經費之靡盈翦浸淫之浮

蠹損之又損動與時宜俾不節之嗟日舒於上敦朴之化漸行於天下庶幾其有利哉語云操火者悟熱握水者喻寒言不親履則不真知也公以留都之已事推而言之行之罔不效矣

贈給諫歸涵臬擢浙江僉憲序

今兩浙常倭夷入寇之後民生捐瘠物貨耗損十室而九匱焉夫人之望治日夕皇皇不啻農夫之閔雨饑旅之索食飲者然也 聖天子垂日月之明達睿光之照洞悉其幾微是歲嚴行黜陟之典而尤致慎於藩臬之長貳既罷其不稱職者復遴選才賢以充

近稿卷四

十

任銓司議以給諫涵臬先生補浙之僉憲缺員 天子可之命下二月至留都先生戒行且謁余而問政謂余嘗蒞官茲土知彼中事特許冀予指言之為涓埃助也余顧蒙不類亦何言以助先生哉余憶曩時嘗為參藩分守列郡又嘗為左使總茲藩時則圖惟治理稽訪前聞詢之故老耳目所及者得一人焉曰先正韓公邦奇者其人也其為僉憲時以嚴成治風裁雷行振於遠邇自郡邑之長下及胥吏之流罔不兢兢焉奉法恐後閭里之豪雄傑之魁一時改心革面懼入刑典若縣置一巡察而家有一韓公也孱夫

善類特以無恐舉猶然登衽席之上至今稱神明  
焉是何修以得此哉後之履茲任者豈無韓公之志  
暨公之才者乎乃必以韓公爲稱首者何余嘗反覆  
思之而得其故矣夫植本固而後枝葉蕃濬原深而  
後波流遠韓公之所植所濬不有道乎彼世之下焉  
者固不足論其稠儻特立之士厲志清修恪勤職務  
固未嘗揚己之善暴人之非也而意氣稍稍失中則  
與物齟齬卒不相入其何以獲上悅民以行其政又  
有效嚴以治者剗弊平民其所長也而刻核毛舉刈  
蕭而蘭傷翦莠而禾及矣亦胡政之能成語曰狶膏

近稿卷四

士

輟軸所以爲滑也然而不能運方穿數畧亟張所以  
爲漁也然而不能育細鱗斯言可以喻大是故聰明  
藏於太眩威令忌於驟施民萌難以智籠物情可以  
誠格惟是道也如水如鑑以平以明廓然其公怡然  
其順則志行政成君子自樹策勲之術茂以易諸此  
矣余嘗於韓公嘆伏效法焉而才蹇志侗俟乎未之  
能及先生以宏才舉進士授泉州理官爲名理官徵  
拜給諫爲名給諫又日以進焉有不媲美若人者乎  
余與先生有鄉曲之雅先生好問之忱又款款也余  
忍以脂澤之言相告語負先生問哉

賀徐白齋七十壽序

白齋徐先生爲州大夫致政歸家者數年矣嘉靖歲  
己未大夫壽登七十耳目聰明形神益溢雖壯夫不  
逮說者謂得引年之術云時文學士唐子某黃子某  
朱子某沈子某合里中之彥躋堂稱慶焉四人者首  
事迺遣使緘幣抵書於余請余文爲之賀余與大夫  
相友善久矣而欲壽之者固同情也迺對使發書辭  
幣而著文以往焉余嘗讀傳記謂人之五福莫先於  
壽人惟獲壽之難壽者授也天所授之不齊也其說  
在莊子之稱大年韓非之論根柢又壽者厚也人所

近稿卷四

十三

養之各異也其說在孟子論浩然之氣其患在宋人  
爲楮葉及東野之御車莊子之言曰小年不及大年  
朝菌不知晦朔蟪蛄不知春秋楚有冥靈者以五百  
歲爲春五百歲爲秋上古有大椿者八千歲爲春八  
千歲爲秋韓非之言曰樹木有曼根有直根直根者  
所謂柢也木之所以建生曼根者木之所以持生德  
也者人之所以建生也祿也者人之所以持生也祿  
以深其根德以固其柢則長生而久視非言人所受  
於天者分有異乎孟子之論氣曰其爲氣也至大至  
剛以直養而無害夫至大至剛天之體也直養無害

所以全自然之天也宋人爲其君以象爲楮葉者三年而成鋒殺莖柯豪芒繁澤亂之楮葉之中而莫之辨也夫天地之施化嘔之而生吹之而落使三年而成一葉豈若此其契契哉魯東野稷以御見莊公進退中繩左右旋中規公以爲古之良工弗過使之鉤百而反顏闔遇之入見曰稷之馬將敗公弗然不悅少焉果敗而反公曰子何以知之曰其馬力竭矣而猶求焉故敗世之養生謂呼吸吐納熊經鳥伸可以長年者皆刻楮而有求於馬者也其去自然之道遠矣其不爲宋人東野稷者幾希矣白齋大夫方其少

述稿卷四

三

壯時余見其宏偉廓達立容嶽嶽不懈以弛視容耽耽不散以浮其骨與氣譬之汗血之馬步趣千里也聽其言論侃侃不阿視其文辭頃刻反覆千餘言時有奇氣其聲若神譬之警露之鶴鳴達九臯也自其爲諸生時已有名屢試有司弗合不倦以散久而貢於鄉舉於此闡聲華颺發此非其得於天者之特厚乎今也既仕而歸身顯榮矣迺能引恬引愉去泰去甚順通塞而一情任性命而不滯識多藏之厚亡履道素而靡忒浮求萬物之外而不休惕芥蒂於胷中譬之貞松秀栢飽吸元和陵歷氷霰不變不凋者也

非所養之有術者能乎繇是而年益邁養益純隣古之上壽以進於無疆亦何難之有時余寓官白下不克與稱觴之列問卻老之方迺述平日之論以壽大夫且以質焉大夫其無珍密所得靳於我後斯可也

賀秦曉江六十壽序

今上皇極殿成之歲夏六月吏部都察院慎簡才碩之士補御史缺員吾邑秦子少說以行人預選時余掌院事相與親愛倍於曩時秋九月余解朝簪南還少說謁余請曰吾父曉江先生今年六十日者五月之望惟初度之辰適宦游茲土跂望江東遙遙三千

述稿卷四

四

里外白雲飛止親聞萬馬迺不克捧觴爲壽日瞻瞻往來於懷不置也敢乞一言之辱爲吾父光寵庶幾藉是以代戲彩之樂少據愛日之誠則其微惠也多矣余時諾之然瀕行未有以應也越是仲冬余歸抵舍數會曉江先生曉江再申前請余遂不得而辭余惟人之福祉莫先於壽壽之爲言厚也天所厚於人者也禮言六十曰耆耆之爲言稽也稽久之稱也人能樹德所植者厚天斯厚之夫然後久視長生故曰栽者培之人子所欲壽其親人親之所以自壽均之不外乎德耳上古聖人和愉恬澹道得志行守靜爲

羣物宗抱一爲天下正泊然無管寂然無思含德所致化行若神徧徹寰宇下之應上不戒以孚鄉有三老五更之徒奉若天道洞識五行達陰陽之變而無滯因性命之情而不逆是故物無疵癘人無天札各以數終其天年此淳懿之烈至順之徵也 今上以神聖之資躬玄嘿之治四紀於茲矣邇者遣御史巡行天下咨詢法秘蓋欲遡唐虞而上求義黃所以爲理者意以岩穴所隱有廣成寧子偃佺之儔在焉問道于崆峒遊聖於具茨往跡可尋也金簡玉宇之書九鼎五符之訣煉精駐景之方藏諸名山石室中庶

近稿卷四

五

幾遇之於以禪贊道化子惠羣黎登八荒於仁壽固六合於同春然後已也皇哉明哉穆乎盛矣少說君方以通敏之才司耳目之寄值可言之時必也倡明仁厚正直之風以盡獻替繩糾之責移孝爲忠殫心報國行將奏績馳封曉江膺寵錫之典受章服之華所以介期頤之壽爲邦家之光其未艾也固不必朝夕待彩親側而所以壽其親者有餘地矣若曉江先生益以子之心爲心以行誼聞於鄉以式穀貽其後耕仁耨禮儉欲幅利如古之老更胥教誨立標準領袖人倫率先閭黨則和平獲於神聽遐淑崇於

天錫殆不必御青鳥之觴駕紫鸞之翼覓方朔之桃食安期之棗不必熊經鳥伸呼吸吐納如赤松王喬不必餐霞啖栢昇煙遊霧如琴高桂父不必拍洪崖之肩聞孫登之嘯聆美玉之笙嘗叔夜之石髓讀王烈之赤文表靈異於塵寰修絕蹤於物外也和氣流承福履駢集難老之慶其可量哉余歸老於家不克偕少說振揚風紀於臺端若夫敦化善俗則古鄉老鄉大夫之職余預有責焉者也期與曉江暨邑中二三君子黽勉而力行之可乎余爲此語壽曉江先生且以復少說君俾不虛其請云爾

近稿卷四

六

赤牘清裁序

昔孔子嘗曰文莫吾猶人也躬行君子未之有得又曰我於辭命則不能夫行難言易而又自謂未能則脩辭之道可易言耶成都楊升菴氏稟集秦漢六朝君臣諸書問短篇凡若干則分爲十一卷題曰赤牘清裁夫辭所以宣達情志經緯人倫吉凶榮辱錄是焉分甚矣其不可苟也是編雖皆寥寥數語而出適行遠體裁古雅興寄淵深引重則礦金躍水抑輕則飛羽沈波致感則春華墮耀導愉則冬條吐榮譬之片玉可以成飾獨彩可以繡紋是故歷代存之於

今爲烈記稱觀象牙而知其大於牛視虎尾而知其大於狸一節見而百節知也然則操觚之士其必有取於斯固不以一節而棄之矣

贈賈晴原八十壽序

余憶曩時賈晴原先生爲圉卿余爲四川藩叅以歲事如京師視先生於儔衆中其容也愉其言也慈玄默託後不爲物先知其爲有德君子也無何別去先生尋擢藩臬長又擢都御史巡撫榆林其建樹之勲加顯廉介之節不渝聲聞益章章表異余竊嘆伏者久之余遲徊仕路又二十餘年嘉靖丁巳歲會先生

近稿卷四

七

之友湛一方子於汴臺言先生之起居特詳時先生致政而歸數年矣斷劄家事屬之子弟蛻形塵垢之外遊神希夷之域含德之和襲道之珍比于赤子靜爲虛戶寂爲道門若閉若書余益仰慕謂爲不可及焉昔程叔子有云脩身而至於神僊爲學而至於聖人治國而至於祈天永命均之爲天下其難之事不其然乎夫道之所從來也遠矣原於太始淪於窈冥藏於無朕包裹天地經緯陰陽搏之無迹叩之無聲羲皇畫卦象以洩其機軒帝蒞崆峒以聞其秘老氏授關尹以宏厥傳今所存易象陰符道德五千言可

覽而窺也昔人又謂聞道難而行道尤難又謂莫難於得侶又莫難於得地是故學之者如牛毛而得之者如麟角信其不易也哉先生抱良璞之器秉介石之操功成身退不處其華宅素守雌不居其泰夫既有聞道之資矣而又高而能下有而若無謙而靡盈老而不倦見湛一而大悅盡棄其學而學焉與昔儒之勇撤臯比先後一跡望道如渴而嗜道若飴其於力行乎何有我聞湛一者楚之英也少遇異人授以先天秘旨遂遺落世務物累都捐測日月之交并契神化之關鍵悟復姤之玄樞玩幽虛之法象渾乎若

近稿卷四

木一

未雕之玉淵乎似羣物之宗所謂得侶者又何以加此哉夫楚壤地千里衡山奠其南太嶽環其北洞庭彭蠡匯其中江漢沮漳流其外蒼崖翠壁翠律蜿蜒藥竈丹鑪往往而在信神明之所培植仙靈之所窟宅也所謂地之善者又孰得而踰焉戊午之秋湛一會余于金陵言曰明年已未晴原先生壽八袞盍有言以贈諸又謂與先生有夙約行將爲物外之遊適太嶽洞庭之野而卜築焉夫山雲弄月藉草茹芝尋古松喬洪崖浮丘之儔而爲之友以益闢其未聞則窮深造微又何可量余亦何言以贈先生余顧蒙不



類而生平薄視華紛自幸近道它日解綬言歸南浮  
入楚求先生者與游徜徉冲漠模合指歸以求無負  
於此生今日之言乃其左契也然余又聞之莊子曰  
一人之身俱生父母而四支九竅職有攸司上下不  
相知中外不相親有以肝膽爲胡越眉目爲齊楚者  
矣是何其同體而異情跡之隣而意之迷也先生它  
日其無以胡越齊楚視余也哉

唐毋楊太孺人榮封序

余惟天之純祐國家誕致熙隆之治是必有俊乂之  
臣先後奔走瑞如龜龍麟鳳巋然間出克成贊理之

近稿卷四

九

勛亦必有賢淑之母鍾靈毓秀壽考康寧事端內則  
之本是故人君於臣褒美寵綬匪直榮其身而已且  
及其父若毋優崇封錫之典以報慶積之施蓋道之  
相須以成於情則安而於禮爲稱有若此也嘗讀易  
卦之坤而知母道之於地道合一無二者焉坤之六  
五曰黃裳元吉說者云黃者中色明其爲地裳者下  
飾明其配衣黃而非裳則疑於乾匪坤體之順也裳  
而非黃則過於柔匪母德之貞也是故維黃維裳正  
位居體坤道始順毋德斯全於是乎端閭裕後委祉  
儲祥胡有窮已所謂元吉者其不在茲耶吾邑侍御

唐君子廉奉毋楊氏榮養于京師嘉靖辛酉春月君  
以三載考績天子嘉之廼有綸命之錫推贈父  
橘泉公如其官而毋封太孺人明年壬戌侍御有湖  
襄之行郡之士大夫問所以賀毋者于余曰榮哉毋  
也盍頌諸余惟毋以淑慎之資服姆氏之訓曰孝曰  
順曰慈曰義靡德不周方其笄年歸橘泉公愛敬婉  
孌畢力中饋朝夕事舅姑罔不得其懽心可不謂孝  
乎家值中落處之怡然供治婦業黽勉求之罔恤勞  
勩斯不謂之順乎橘泉公蚤亡茹荼服儉教育其子  
柳九孟纖矢力殫心旣而學殖日深雲衢駿發允亢

近稿卷四

十

厥宗不可以爲慈乎居常自奉恒甘縞素推有餘以  
周貧困內外姑姊妹寡居而無依者衣之食之久暫  
恒如一日念其父母之嗣恪供子職養生送死靡有  
遺憾焉非義而能之乎是其稟坤順之貞備黃裳之  
德膺元吉之祉受寵錫之榮將日新而未艾也侍  
御方以風采章章表著于時凡廷臣之匪其人百官  
有司之失其職四方之有干紀犯法隱隱伏姦侍御  
皆得以糾正之昔賢謂諫官之職與宰相等蓋天下  
之事宰相得行之而諫官得言之也君其砥礪雅操  
不激不隨益樹洪烈茲往按湖襄一方重寄繫焉縣



是加志瘡痍激揚臧否俾吏稱民安全楚之人蒙怙澤施推原本始追頌母氏之德遐邇詠其休惇史紀其盛自茲始矣是將爲邦國之龍光非直庭闈之私慶若今日 封典之膺爾也詩云教誨爾子式穀似之易云受茲介福于其王母大孺人有焉詩又云孝子不匱永錫爾類侍御君之謂矣侍御於余有親誼時余僭總臺憲差有一日之長廼申頌母之詞而所以屬望之意益肫肫也君其有味於余言哉

### 賀劉海津七十壽序

長樂丞海津劉先生嘉靖癸亥歲壽七十正月二十

近稿卷四

廿二

章

有九日廼其誕辰配碩人沈氏後先生九歲生而生成於五月二十九日儼德偕壽喜溢門闈予從子允臧爲先生子壻欲捧觴稱壽請予序以先之時先生致長樂政歸已數年矣葆光任真優游桑梓與耆年諸君暇日燕集爲鄉英雅會予弟訥齋君作小傳曰海津任朝陽簿再除瀏陽擢丞長樂精習吏事所至綽有聲稱上官嘉其才行長令有缺數檄君視篆君職佐貳而恒操令權得行厥志澤被斯民功昭邑乘且性坦夷洞達靡有回通與人交罄見底裏無疾言忤色人推長厚其孔子所謂志仁者乎予於是而知先

生致福之有繇引年之未艾也何則壽也者天之錫與有修短時之會合有隆汙人之感召有得失而數之贏縮虧成繫之矣稽諸往古泰和在成周宇宙間上下修德人多壽考觀之棧僕早麓行葦鳧鷖諸雅可想見其盛其詩曰周王壽考遐不作人豈弟君子福祿攸降又曰酌以大斗以祈黃耆以引以翼壽考維祺以介景福又曰公尸燕飲福祿來成蓋皇極敷錫於庶民至仁融液於海內嘉氣之應大順之徵也

今皇上以神聖之德法羲軒之治恭默思道四紀於茲風動化成浹洽遐邇適吾上海爲吳會之奧區東

近稿卷四

廿二

章

南之壯縣百川委輸三江奠麗風氣攸止民俗朴淳是故鍾靈毓秀麗眉皓髮之史代不乏人海津先生稟愿慤之資際雍熙之會大才小試筮仕閩越雖未竟效用之才而推惠施仁庶幾良吏之列至其懸車故里歛藏未盡之福而居貞履坦洵爲林壑之英集戢穀而攸宜享期頤於來日又何可量哉抑余聞之古之道藝之士匪直出而有爲於國鄉黨致仕之老與閭閻族師朝夕家塾惇行孝友睦婣之教脩明絃誦詠歌之節俾鄉之子弟有所觀法興起禮備樂和風移俗易刑罰設而不用是以君子貴年也先生自

茲以始日躋耄耄躬行德化以率先齊民則國興仁讓之風里無涼德之士好仁協宣尼之訓錫類符詩人之祝上天惠迪之吉不占有孚 聖天子作人之化裨助在茲矣余之所以爲先生頌者若此蓋非兒女子相悅之情已也先生其益慎厥修以靳無負予言也哉

### 賀王方城擢貳守序

吾松自昔稱壯郡其屬邑爲華亭爲上海壤地各方百里穀粟金帛之賦歲以百萬計而徭役轉輸之費不與焉比年倭夷入寇東南財力日益耗亡盡矣民

近稿卷四

廿一

日矜矜然勤動而不足歲辛酉加以浚水爲災原隰一壑年穀不登鵠形枵腹之夫流徙載道時方城王先生判郡事之二載也會先生典郡賦心獨愛之請蠲租稅解煩苛漸出民危難置之生全至誠形於色詞極濟殫夫謀慮民於是乎駸駸有生氣矣頌聲大作歲壬戌之夏銓司擢先生補茲郡貳守缺員再命爲大夫蓋越常調以從民望也報至士民咸欣欣有喜色謂 朝廷擢用降志於民生而大夫福澤得終於借寇街談巷舞羣然一詞是歲冬予歸田海上邑校諸文學踵門告予謂大夫之擢寔逢異數士民之

頌由激懽悰屬予敘述一時之盛美以贈大夫予曰士民頌德公心也錄而贈之於上交則諛言而近諛恐非大夫所樂聞也文學曰士民之頌公心也田野之情不能達於公所而代爲之言則言之亦非私矣又何諛之嫌予時未有以應也越明年癸亥夏復以爲請予曰大夫遷秩今旣數月矣追爲之言則矯於禮合乎文學曰大夫之政民歌舞之大夫之擢民頌之素望協於輿情公論始於學校今郡學華亭邑學已行之矣吾邑奚可獨闕大夫非有求於民非有私於大夫匪以爲諛伊胡爲矯又何愆於禮乎予

近稿卷四

廿一

再辭不得廼爲之詮次序其事竊嘗論天下之治莫善於久任莫不善於數易蓋自久任之法廢而天下無善治矣上之人視居其官如寓傳舍施之政治多苟且自便之私而無忱恂爲民之實下之民知長吏代遷之速也弱者縮匿強者睚眦黷亂有服習教令之誠雖間值威名之士思興起事功而朝夕遷去人玩志奪良法美意之施旋踵報罷何以成久安長治之休噫弊也久矣今久任之法未之能行而大夫茲擢未滿考然其擢還治本郡其得挾時之便久任之遺意者乎予於是而冀古法之漸復喜王大

夫之志之得行也大夫以通敏之資布慈和之政不深文巧詆以法制束縛其民不厲色嚴聲以威勢恐喝於上視民之事不啻家事樂與委曲盡其情視民之患若療憫乃身不忍一日安於念且廉以持身雖絲粟之利恥於自汙雖一役之微不以輕用惟恐已之心腹無以表暴於民而民之幽隱無以洞燭於心目也是故民情繫屬譽望日隆徵發期會信之而不疑政教命令安之而無貳惟恐旦夕之去已而斯民無以終其惠也今茲之擢圖慎厥終如其初始則政理之方益得於閱歷之久寬仁之澤誕孚於已信之

近稿卷四

廿五

民治功奮起於將來道化淪濡於四境在昔所稱循良之吏何以加此哉予是以喜大夫之志之得行又喜吾民之蒙澤爲諸郡先也予又聞之論治以識體爲貴弛張惟順時乃宜政寬糾之以猛過猛則民殘政猛濟之以寬過寬則民慢是故揀勢之弱宜益政冬日之和懼民之溺鄭產陳火灼之喻禁非微眇殷典致謹於棄灰立法不侵闕于取裁於石邑刑彼誠此仲尼覲治於暮漁此低昂之要術爲政之上經大夫固優爲之矣余何暇贅焉

賀趙一齋六十壽序

吾邑太常卿趙曲江公之叔子一齋先生幼以華秀敏才例貢太學予時爲諸生已與締交君筮仕慈谿邑丞嘉靖乙卯予總藩政於浙廉知君治才益重之無何予以轉任去一齋亦罷政歸值姦宄橫生家難巨測君遷避僑寓留都者兩年戊午予承乏留都冬官時與往來不替庚申予改任北行壬戌冬予解朝繡南歸君則自留都還安集里居矣是歲十月十九日先生年六十誕辰文學聶子諸君皆君之姻予從子允徵則君之子婿咸具儀修賀以爲先生壽而以序屬之予予惟人之五福莫先於壽而富康寧次之

近稿卷四

三

攸好德考終命次之壽富康寧均係於天而好德之脩則由於已曲禮六十曰耆世之所稱恒曰耆德耆英耆俊耆哲夫智過千人謂之英才之倍英謂之俊歷年永久謂之耆要之其所得名均在德耳夫壽爲致福之原德爲得壽之本君子之所務其惟德乎若富貴利祿求之有道得之有命求而無益於得君子不之庸心也曰稽古之人有柳下惠者不卑小官遺佚而不怨阨窮而不憫其三仕爲士師也不以爲泰其三黜也不以爲辱此其視顯榮者亦細矣范蠡用計然之術周遊江湖陶濶之間居積有無三致千金

散之知識族黨隨手殆盡此其視貨利也亦微矣夫  
軒冕財賄羣情之所繫戀不啻在枯然而二公若彼  
者豈其性與人殊哉亦曰所見大焉爾一齋席乃父  
之資抱致用之器偃蹇下僚不以爲屈常曰余員丞  
耳丞何員于余夷然哦松之操其既去位也則曰趙  
孟之貴趙孟賤之處之裕如不沮不撓祛鄙敦薄適  
興柳下惠之風方其富饒也處泰不驕及喪其資芥  
也居約不濫不以有餘而充詘不以不足而忤求不  
以乾餱傷友于不以鉢兩競羸縮躬行節儉訓子  
方故業復培庶幾陶朱公之行夫其如結之心純一

近稿卷四

幸

之德豈以成虧豐嗇移其志慮譬則鵲之喈喈鴉之  
鳴鳴豈以寒暑燥濕變其音聲哉是故見大心泰恒  
德召祥至和悉萃於庭幃福履攸宜於日後由是而  
耄耄期頤難老求錫眉壽無害此天人感應之機  
鼓相符之勢也抑予又聞之南極明潤天下壽昌地  
脉效靈人文斯著古洛邑天地之中唐樂天九老之  
圖宋司馬耆英之會皆以耆年名德輝映古今流傳  
盛蹟吾海邑爲東南奧區仁厚成里星精叶瑞麗眉  
皓髮之叟往往鍾奇毓秀間出於時今縉紳之傳自  
六十已上者屈指蓋數人焉其未通仕籍及隱於四

境之外者又可知矣古稱十月良月也萬寶告成元  
陽漸復君之誕生會逢其適詎豈偶然者乎君能益  
務德修舉望重於鄉閭風猷垂之罔極俾吾邑之勝  
與洛社並傳則固桑梓之光華不朽之盛美也顧不  
韓乎有餘烈哉詩云以引以翼壽考維祺以介景福  
又曰樂只君子德音是茂樂只君子保艾爾後咸言  
以顯德介遐嘏也余敢誦之爲一齋君壽且以告邑  
中諸老匡維誘掖胥與有成亦因以勗焉

畫冊詩序

同安傅近山先生稟七閩之靈秀含明淑之上姿

近稿卷四

六

跡甲科馳聲桂史繼而駁歷藩臬晉陟留臺服軒冕  
之榮而不忘林壑之想已彫已琢還反於樸不驕不  
矜蓋得其中世之情移於貴富而遂失其貞則者往  
往而然夫外慕以易其操志奪而愆於素務華捐本  
君子不由焉先生所居之邑里其山曰三秀其川曰  
萃溪廼遂以近山自號識弗諛也而先生貞肅之行  
恒久不變於此見之余同郡僉憲葉峯周君繪之以  
圖爲先生贈仰觀諸天日月之照臨風雲之布濩煙  
雨之凝散游氣之氤氳俯察諸地融結而爲山流行  
而爲水積之爲丘阜卑之爲川澤植之爲草木生之

爲禽魚近取諸人止居莫如棟宇靜棲莫如琳宮水  
用莫如舟楫陸行莫如乘馬凡山中之所有者悉萃  
是圖憲副海樓李君繫之聲歌列於左方二君所以  
闡揚情寄模寫玄詮吁其備矣先生一日出以示余  
索余賡詠余不得而辭昔人評王摩詰之輞川圖詩  
謂其畫中有詩詩中有畫在泉爲珠在壁爲繪論風  
神也萊峯是圖庶幾輞川余詩則不若摩詰之工聊  
賦數絕復於先生因序之簡端以明厥指且以解嘲  
云爾

贈大宗伯季泉孫翁考績北行序

送稿卷四

苑一

姚江孫忠烈公 武廟時伏節寧庶人之難有社稷  
功聲名滿夷夏其子今宗伯季泉翁嘉靖歲乙未進  
士及第入史局歷官坊貳銓曹垂二十餘載至今官  
翁之伯子職方君文中仲子翰林君文和歲癸丑丙  
辰相繼登進士叔子文秉戊午領順天鄉薦奕世濟  
美輝映一門海內名德以冠冕稱者莫之先矣翁持  
以敬共將以謙抑日兢兢若弗及焉蓋相臣之弘度  
而植國之良材也歲庚申秋七月翁滿三載當考績  
詣闕下至則 聖心簡在留畀股肱心膂之任駁  
駁乎三公之列矣時翁之三子同年友諸君仕於留

者凡六十二人屬余序以贈翁余惟古宗伯掌邦  
禮治神人和上下厥職匪輕而三孤則貳公弘化寅  
亮天地三公則論道經邦燮理陰陽厥職尤要且重  
也稽古周成王康王之世四方無虞號稱極治廼周  
公之告君奭若曰汝克敬德明我俊民成文王功于  
不怠丕冒海隅出日罔不率俾康王之命君陳曰爾  
克敬典在德時乃罔不變允升于大猷其畢命則曰  
惟公懋德旌別淑慝申畫交圻慎固封守以康四海  
旨哉言乎蓋國家保治之謨誠不越乎正身率物定  
內安外而已矣故聖君賢相所相告語先後一轍者

送稿卷四

三十

文

其以此夫我 皇上撫盈成之運建神化之烈壽考  
作人至治休光充塞宇宙古稱王者必世後仁斯非  
其日歟邇者胡虜窺伺于北海夷竊發于南塗有菜  
色之民野有萑苻之警譬之大堤之蟻穴巨木之蠹  
生牙孽其間以滋以息上厯 聖慮蘊絕芟夷需賢  
圖理宵旰靡遑今布之 勅旨者班班可睹也臣下  
稽首 明聖頌之咸謂卓越古昔然則聲應氣求雲  
龍會聚成勳華之業者其不在斯時乎翁忠純端懿  
量之汪洋淵澄而不汙胃之洞明若鑑懸而朗照  
其與召公之敬德君陳之孝恭畢公之勤小物千載

一揆由是而躋榮陟要上之弘化論道圖惟政本次之顯賢遂良表正庶官遠之潤澤民生奠安夷裔恢恢乎有餘地矣於以弼成嘉靖之治軼成周而上之媲美唐虞豐績峻功比隆周召其不在斯人乎余嘗宦遊兩浙間得諸鄉評知翁之賢茲來留省日相從論議徵覲行履益嘆伏爲不可及焉翁行矣所期待翁於將來者若此皆當實言之而非誇也盍拭目以觀厥成余爲此語以復諸君諸君曰然固吾儕屬望之同情也持是可以爲翁別矣

贈戴良齋序

近稿卷四

三

徐

聖人作易於陰陽動靜之端恒慎乎微艮之象曰兼山艮君子思不出其位彖曰艮止也時止則止時行則行動靜不失其時其道光明盈天壤間物其重厚不遷者莫如山矣山而曰兼有止之象焉吉凶悔吝生乎動動不可不慎是以君子慎其幾有止之義焉時止而止時行而行則止止也行亦止也然惟能時止者而後能時行良齋戴君產於楚之龍山嘉靖初從今上北至京師隸籍金吾入直侍衛繼以督獄功晉權指揮君終日讀書談道力探本原廼以良名齋蓋有志於止也在昔莘野之夫志存畎畝嘉樂

堯舜不分分然以外物爲事迫後三聘遂成佐湯之勲顏氏之子簞瓢梓如若將終身其富貴華紛藐然無以嬰於念故稱之者曰顏氏有龍德又曰有王佐才志如伊尹學如顏子皆於其能時止而卜其後之能行也今天下之言都權勢者內莫如鄧承以其禁兵握刑獄有督視巡徼之權也居其位者往往忘溢氣盈靡濫振蕩於衣服與馬官室飲食奢麗相高莫之能止良齋君獨不然於通約顯晦能處之一方其事事也如之其退而不事事也亦如之視天下之勢若利猶之飛蟲浮芥也而安足以滑其慮易其守

近稿卷四

三

曹

乎余嘗交於君觀其動靜語默恂恂類儒生都憲孫迂齋公嘗與余言亦稱其介不可及可以見君之能止矣假令當路於時得志行道其肯湛溺失正如時俗所尚信然外遂以饗榮利者乎其將惠安黎庶樹功國家者乎知其所止又何疑於所行也其道不光明哉余日以是望君矣

贈高鹿坡擢景藩右史序

余備員南工部之三載爲嘉靖庚申秋九月改補刑部缺員北上時南司徒安峯劉公道鄉人司冠郎高君之善也云忠實雅馴典獄平允且績學能文余心

識之已而抵清源道中聞有 景王之國之命銓曹  
擢高君職右長史當行余以不及見為歎至都下而  
君未行謁余旅邸中視其言論恂恂志意質直不溺  
於流俗而雜於華縝知有君子之德焉繼而得君之  
文若詩數十篇鑒觀之詞旨典則時有奇氣逸姿不  
可羈馭余嘆伏焉明年辛酉二月載陽君祗役南往  
郎中同官諸賢循故事請余文為贈少司空少嚴傳  
公又君鄉人也道君孝友行益詳謂余不可以無言  
余惟今制仕王國者不得晉擢京朝官以故志士才  
人往往不樂此途而以甲第起家者尤屑屑卑視謂

近稿卷四

三三

世

不足以策勲 天子之庭是懼若絆驥足摧鳳毛色  
沮神奪淺之乎其為見也夫君子徵仕以行學豈其  
以崇卑異心乘時而奮功當不以中外易則彼卑視  
王官謂不足以策勲 天子之庭者噫嘻過哉余稽  
之古而通其說矣大雅之詩云文王孫子本支百世  
又云穆穆皇皇宜君宜王夫詩以本支君王並言之  
蓋天子諸侯有民社之責厥重惟均古者裂地立國  
分建諸侯以承天子所以尊宗廟重社稷也是故攷  
之周室文昭武穆基置星列本實枝繁卒衍蒼姬之  
錄為有道之長亦惟諸侯國是賴而相國者與有力

焉漢懲秦孤立大封同姓若賈誼之相長沙董仲舒  
之相江都二子皆極一時之選而二子所遇之君不  
足與弘其功業乃若河間獻王德之好文儒被服造  
次必於儒者可謂卓爾不羣東平王蒼之為善最樂  
亦蔚有聲問二君為兩漢之翹楚時惜無賈董之賢  
為二君之佐乃不得與周室比隆宜矣 景殿下以  
今皇帝之仲子 裕殿下之愛弟天潢毓秀同體  
重暉秉禮好文金純玉映茲錫圭落宇大開楚疆為  
明室輔而高君者又以甲第之英流聲郎署誕膺  
茲選 天子特重之加錫以金紫之榮蓋身當異數

近稿卷四

三三

世

而日值 昌期也自茲以始以其孝德素所蘊蓄者  
出而施之足慰是圖朝夕贊襄君德率 皇祖攸行  
無忘 今上之冊命俾仁歌麟趾而化詠騶虞成翊  
戴之績以回磐石之宗我 明億萬載無疆之緒軼  
有周而上之永永無極則業光楚藩而忠在 社稷  
矣何必步金馬入玉堂斯謂策勲 天子之庭哉高  
君行矣以其相國餘閒抽繹舊學肆力藝文益底淵  
懿則著述流傳於後不將與賈董名齊乎若前所云  
功伐勒於鼎彝書之竹帛與 國家乎並永則又賈  
董之所無者此不朽之盛烈而志士之楷模也君其



助哉

賀中丞須野張公七十壽序

須野張公爲都察院右僉都御史巡撫貴竹三年政成蔚有聲聞嘉靖丙辰歲致其政歸公歸九年爲歲甲子厥壽七十孟秋既望迺其誕辰於是蓉江張公白齋徐公相約同會縉紳諸君先期稱觴爲壽迺以簡授予屬詞且曰美哉今茲一元更始萬象維新物彙萃萌陽餘潛復公之稀年會逢其適福履滋長永延不替其肇於此乎予憶疇昔弱冠時與數君子友也握手論文情好絲密迄今五十餘年矣流暉若駛

五稿卷四

三五

而追思往事宛在目前詎容無言虛諸君之請哉予聞人之五福莫先於壽壽也者受也天以斯道付諸人人受以生者也泰餘純麗之氣流行宇宙間日月得之而代明四時得之而成序山川得之而奠麗人物得之而化生聖人得之而立極松喬得之以永齡皆是物也蓋必全其付予之初而後完夫自然之體養其元和之本斯無損於固有之真故曰君子存之吉庶民去之凶此修短得失之途所繇以異也大哉道乎其盡性立命之源乎夫道之爲用有二出與處而已矣君子修道於已出則推之及人尊主庇民

歡休明之治則有以壽其國書曰天壽平格保乂有殷是也處則卷而懷之抱質含素端平性情之極則有以壽其身詩曰其德不爽壽考不忘是也然而無二道也必能壽其身者而後能壽其國詩曰樂只君子邦家之基樂只君子萬壽無期是也在昔有宋盛時諸賢進則達道匡時退則凝道自淑功成名遂身退優游鄉梓咸著榮名若杜和公睢陽之會錢明逸序之則曰清德今望龜準當世富韓公文潞公耆英之會司馬端明序之則曰樂善無厭風化克敦皆以其道足尊不惟以爵也公蜚英甲第敷歷宦途始任

五稿卷四

三五

兵曹則出視山海留鑰克謹繼遷文部則懸持衡銳端慎馳聲擢秉節鉞則布德宣威綏邊最績殆其謝政歸田返我初服歛藏未究之才緝績日新之志德修罔覺彌邵彌隆邇又詢予養生之術予留心內典三紀於茲而茫無一得時未有以對也然嘗聞之道家有流秉要執本任清虛以自守而入無爲之奧神儒之說澁意平心浮游於物外以保性命之真其與吾儒所謂致中和以成位天地育萬物之功者道何異哉公其益自勉勵日就月將効孔子之從心佩武公之抑戒剖除物我恢廣德心俾銅範端於家庭

風教被之鄉國則和氣集祥共登仁壽煥乎桑梓之光歸乎一世之望奚直壽其身而已詩曰以引以翼壽考維祺以介景福言其相翼以道所以享齡而獲祉若形影桴鼓然也古之所貴於友朋以其有輔仁之義耳是故予今所陳誦法詩人之旨於祝頌之中而不忘勸勉之意以是爲公壽且告同志諸君所以屬望之忱甚殷也諸君子其繹思詩人所指日務交修成茲淑懿無俾有宋名賢獨擅美於前哉

賀師相存齋徐公六十壽序

宋儒有云爲學而止於聖人治國家而至於祈天永

近稿卷四

三七

世

命皆天下至難之事信哉言乎余竊以爲有聖人之學斯有以成祈天永命之功其道蓋未始不相須也古之聖君良相咸有一德克享天心是故非直自壽其身而已天祿永保而國脉其延稽古禹湯文武成康之爲君而稽天若無遺壽考故其書曰我受天命不若有夏歷年式勿替有殷歷年伊傳周召之爲臣秉德明恤卜筮是孚故其書曰天壽平格保乂有殷君臣之際恭德洪功千載罕儼猗歟美哉降是而後世無聞焉若宋韓范富歐之名之業庶幾乎近之矣明興九葉今上嗣登大寶以神聖之資躋熙隆之

會一時佐命元臣若吾郡少傅存齋先生徐公者豈非超前卓後不可易得者哉公方弱冠時稟峯泖之英負經濟之學龍飛始科褒然舉首蓋挾名世之才而應三五之運者也嗣是以來勵志聖修造龍德之極敷歷中外建鴻鉅之勲參贊元樞肩鼎鉉之重垂四十餘年是歲壬戌秋九月爲公六十誕辰公聽視聰明涵養淵邃謀猷日以入告夙夜靡不在公宸翰咨詢雖密秘人不與知而軍國重機其贊襄無所不至蓋主上之信公也益篤天下之望公也益深矣今天下當太平極盛日中之憂蓋已有之陰陽

近稿卷四

三八

世

未和而水旱爲災風俗浮奢而官吏苟且黠寇時生而邊備未立主上宵旰圖治之衷勒勒惻惻形之詔旨至再至三公其仰體聖心俯殫忠赤調燮化鈞以御六氣之和惇崇古道以援流風之敎章明準極以開衆正之門疇諮羣策以布民生之利恢張廟筭以嚴夷裔之坊日躋躋其未已也夫調琴瑟者必改絃圖善治者必更化化更治善則災害日去福祿日來翊天子於萬年登天下於仁壽其基之矣所謂祈天永命之業疇以加焉由是功伐勒於鼎彝聲聞垂之竹帛齊光旦奭軼駕韓歐其明靈之所酬

酢純嘏之所綏承孔惠孔時爾昌爾熾豈直壽其身而已乎二月載陽吾邑鄉貢士集試禮闈者二十餘人間來謁余曰吾郡之有徐公景星祥鳳也吾後進之附末光而仰德耀者爲日久矣公茲六袞盡壽諸又曰拱斗杓者垂七襄之文觀靈鳥者動九苞之詠爰差穀旦載醑洗爵躋庭壽公蓋著於篇以壽諸余拙於文不能雕刻衆辭請三復臺萊之雅被之聲歌以爲觴侑是日也樂奏長春光聯台極咸謂瑞徵夫公之德固邦家之基矣公之壽其綿綿引引至無疆哉

近稿卷四

三十九

賀光祿達齋徐公五十壽序

今年嘉靖壬戌夏五月初六日大光祿達齋徐公壽五十之辰時吾鄉諸縉紳仕於朝者問所以壽公者於余曰五十始壽在禮則然公之伯兄少傳存齋翁是年九月亦六十誕辰皆明時之柱石澤國之光華也今之所以壽公情烏能已蓋昌言大書以爲公壽于以致侑觴之祝侈里閭之榮乎余與存齋爲同年且有姻好因而受知愛于公者久矣詎何可辭迺作而言曰夫壽可以易致哉蓋嘗聞之天於國家欲興太平熙隆之治必以其清淑純龐之氣挺生俊乂

本

耆碩之才弼成光明俊偉之業不數數然見也育賢乘間值之精名世應五百之運端非偶然而已若達齋公者豈非其人歟公以沈潛之學負縝密之資方其舉進士第筮仕兵曹以國家爲已任戎務邊防靡不究心歷貳清卿叅陪禮樂益崇聲聞乃拜圉卿之長于南塞淵秉績牧事有成今進掌光祿尤纖纖務節縮求稱主上化裁省約之旨如燕饗禮儀以訓恭儉以布慈惠咸麗厥宜公可謂篤守官之誼而握介福之源者矣昔人所謂蹈榮名以保終吉都貴勢而躋遐耆者又何有焉粵稽諸古若商阿衡周召公

近稿卷四

四

畢公漢張蒼石奮唐狄仁傑張柬之宋杜衍富弼文彥博司馬光諸賢年躋耄耄或踰百齡碩德豐功垂聲竹帛間班班可攷也由今言之摯輿之賢之勲偉乎莫之加矣蒼任計相以曆律顯奮爲萬石以孝謹稱非不美也然語王佐之業驟未有聞狄張之徒取日虞淵功則鉅矣然所遇非時動罹孤危之迹雖陽耆英高年燕集可謂樂矣然去朝家食祗遺梓里之光達齋公者當極治之時奮建功之會而昆仲並立中朝章綬蟬聯棣華耀映存齋任師保之隆受知聖主毗倚方殷身繫天下之望公則光膺九列行將

正位六卿夫三公論道經邦燮理陰陽而六卿則分職率屬倡牧阜民者也公以素所蘊蓄達於政施宣力推誠同心體國措天下於仁壽之域贊主上以萬年之治則不朽之業功在社稷戡穀之慶凝聚厥躬殆將與執甌乎比隆而漢唐宋諸賢非所能及矣書曰天壽平格保乂有殷夫壽原諸天而繫諸人者也是故德修為致壽之本而得壽又壽國之基此其道之相成者甚殷賢才之有益於人國者甚大譬則天之有北斗地之有泰山喬嶽世皆宗之公之昆仲歸然江左之望吾邦人所宗其不在茲耶諸縉紳以

近稿卷中

里一

余言為然余廼受簡序之以為公祝且以為天下國家賀也

### 陸母唐碩人五十壽序

陸母唐碩人禮部主客正郎唐西園先生之孫國子生竹溪君之女宮詹學士陸文裕公儼山先生之冢婦國子生小山君之配也碩人稟淑慎之姿蘊慈仁之德夙閑姆教伉儷通儒婦道母儀咸備罔闕嘉靖歲壬戌某月某日廼其五十誕辰嗣子上舍君先期緘書發使輕千里而來告余曰吾祖文裕公名德宿學最績中朝門閥光榮江左之望也小山先君抱穎

異之才負丹霄之價壯年不錄傷如之何郊也弗類繼承宗緒不任堂構服訓誨于弱齡膺蔭典于太學獲有今日皆母氏之由也母年方艾而區區愛日之誠捧觴之祝其曷已諸嘗覽傳記而竊有聞願以請焉聞闔之上清虛之府寥廓照爛挹三光之浮景漱五行之靈液九陽萃於日中沆瀣零於夜半呼吸吐納要煉神明可以止居瀛海之外扶桑之津神山合沓珍水於焉叢生瑤草為之蒙翳采芝服餌寧心定魄可以永齡度索之桃安邑之棗厥實纍纍甘可適口食之駐顏較人之綃織於蟬翼瑩如雪霜園客之

近稿卷四

里三

蠶獨繭五色其大若甕纁為神錦文可飾躬崑崙之虛赤水之陽瑤池盤礴王母攸廬焉乃有羣仙羽流華勝相輝青鳥呈瑞酌以玄王之膏飲以芝泉之英達觀萬象同體自然所以增壽筭而悅母心無出於此數者請熟計其若何余應之曰子欲以所聞壽母似矣然天路渺難上征海外遠不可至蟠桃瓜棗空侈圖經靈仙福庭世所希邁如子所云未見其便也余以古人頌禱之詞陳之子其擇焉夫壽以福凝福由善積其所云厚重者擬諸岡陵所云盛長者擬諸川至所云相承不已者擬諸松柏蓋物理之感乎天

人之交應譬之形影桴鼓然無毫髮謬戾者也是故  
人非岡陵也而其德其福壽如岡陵之崇高人非川  
流也而其行其福壽如川流之增長人非松柏也而  
其節其福壽如松柏之堅貞碩人事舅姑以孝敬處  
宗廟以睦婣周貧乏以任卹相夫子以道義解佩問  
遺行學日富有雞鳴之風焉其德足稱也小山君亡  
茹荼飲血極力事姑迨喪葬一協諸禮訓迪嗣子爰  
致成立夙夜永矢勿諉凜凜有栢舟之操焉其節可  
紀也治家嚴肅雖童僕數百指言不踰閫而內外井  
然躬執家政計慮盈縮不遺銖兩值海寇之變捐千

近稿卷四

壘

金以助城費不之靳有丈夫之烈焉其行可錄也是  
故食德之報介福之源碩人有餘裕焉者矣雖然啓  
佑後人者毋道之慈克承厥休者子職之孝俾文裕  
公之業綿引勿替至于世世者非慈母之心乎子其  
體之毚勉力行日昌以大無過佚前人光則承家之  
孝攸宜而母氏之心斯慰蓋不必羅珍列甘啖方朔  
之桃啗安期之棗口有餘味者矣不必鉤奇獵異貿  
海客之綃裁天孫之織體有餘適者矣不必躡雲御  
風餐霞食氣王母臨于池麻姑降于室心有餘樂者  
矣式穀本諸孝思難老徵於燕喜和順謁之庭闈慶

社集於神授所謂壽母之道何以加此哉上舍君得  
之喜曰吾前所聞誠謬悠難獲斯語其進于是矣可  
為壽觴之侑乃若克念厥祖以慰母心之二言者懿  
哉淵乎其過拱壁駟馬達甚鄉也請終身誦之俾示  
後世守焉以無忘君子之貺

笠江先生近稿卷之四

近稿卷四

四

笠江先生近稿卷之五

序

賀倪新溪七十壽序

吾邑封君倪新溪先生鄉之善士也嘉靖歲乙丑菊月下泮爲新溪七十誕辰先是癸亥冬新溪子伯獻君以光祿署丞三載考績天子嘉其勞勩與之封典如例新溪拜命如其子之官至是歲光祿君給假省覲還又有期會當先北上廼諏八月之吉具酒食召賓客酌而獻親以期無疆答罔極者意懇至矣且乞予文爲壽筵之祝憶予曩在京師光祿君嘗因

近稿卷五

吾友胡子因氏請予言贈新溪予諾之未有以復也光祿君至是申前請予安得而辭予嘗憶古選舉之法之廢嘆善治不復見於天下也唐虞三代盛時命卿論秀選俊升進之制爰有差次法善而義周迨其衰也侯國雜用智謀勇力此道遂湮然漢時猶存古意其詔舉孝悌力田鄉以戶口爲率厥有常員其舉孝悌者何子曰書云孝乎惟孝友于兄弟施於有政是亦爲政君子端本善則施於家國天下裕如矣其舉力田者何書稱肯播詩美伐檀古取士于農所以重本實抑浮末也後世明經科目之制興而鄉舉里

選之法壞華靡機利之習勝而務本力穡之意微無感乎治之不古若也然鄉之善士雖未或用于時而履坦致祥積善集祉不于其身則于其子孫卒以享榮盛永年齡如持左券取諸寄寓信哉天道章章無毫髮僭差矣予是以知天之陰騭斯民者甚殷爲善者可恃以無恐也若新溪者非所謂孝悌力田者耶新溪宅東海之濱樂善隱居墾田積穀以貲甲於鄉脩德務滋明倫惇族孝友稱於家身雖未用于時而教誨爾子曰以顯融廼膺封錫烏紗驚服燁然在躬寵澤榮名需映梓里所謂爲善獲報不有明徵耶

近稿卷五

自茲伊始光祿君祗承父志益勤厥官移其事親之孝出而爲效職之忠積其任使之勞聚而篤顯親之祐則所以壽其父者有隆無已新溪泮與桑榆好禮不倦怡然章綬之榮而永綏雲山之樂葆合泰齡之氣而滋養性命之原則愉恬引於勿替難老錫於無疆其壽何可量乎夫君子所貴於永年非徒使之自餘而已準極立於庭闈而風教達於鄉黨里中之爲人父者欣欣然豔而慕曰吾所以垂緒啓後蓋如封君矣乎莫不懋德砥行以淑其身凡爲人子者亦油油然感而奮曰吾所以承家事親盡如光祿君矣

乎莫不致養服勤以隆其孝則與人爲善道莫大焉  
錫類之光煥不可掩奚啻壽其身而已也予深有望  
於新溪父子哉

送湘源鄭侯擢留都廷評序

楚鄭湘源先生嘉靖歲己未明經登進士第出令袁  
州府之分宜賢聲甫聞無何以愛去任歲乙丑服闋  
補官來令上海君侯稟純懿之資蘊深沉之學予傾  
蓋與語覲其容恂恂然誠慤外形聆其言呐呐然若  
不出諸口予知其爲君子人也是將以循政澤斯民  
者乎時維暮春值予七十誕辰君侯以文贈予中及

八  
建稿卷五

三

咨諏政治諄諄爲民之語斬就正於予予觀其詞雅  
馴不浮其心謙沖不自滿假知其必爲君子人也是  
必能以循政澤斯民者乎余憶漢重循吏詔云安靜  
之吏悃悃無華日計不足月計有餘以其忱恂惠民  
與矯飾外貌者異名之曰循謂能循理也彼世所稱  
才敏者不與焉予是知君侯之必能以循政澤民也  
不數月君侯擢南京大理寺右評事以行今之邑長  
以甲第起家恒以入補給諫風憲爲上擢而部屬次  
之廷評又次之於是邑耆老子弟咸惜侯之去嘆侯  
之遷謂不足以盡侯才而愜其志也此習俗耳目之

談非所以論君子君子之道不惟其官惟其守官不  
惟其位惟所以立乎位者何如耳夫自伯夷降典折  
民惟刑士制百姓於刑之中以教祗德刑之重於天  
下也久矣漢張釋之于定國爲廷尉長厚寬仁明習  
法令時無冤民彪炳簡冊然則廷尉之屬豈曰贅員  
散秩不足以揚名發譽振迅功業之林者哉唐宋邈  
矣無庸論述卽如我朝先正若鹽山王忠肅公不  
以庶吉士授大理寺正者乎厥後效績邊陲馳聲冢  
宰公清直亮邁出等夷其勲烈足稱也若蘭谿章文  
懿公不以邑令改留都廷評者乎厥後歷踐司成擢

八  
建稿卷五

四

居禮侍經濟茂聞率履不越其介特足稱也是皆國  
之賢臣爲世表儀瞻行榮名震今傳後然則階資差  
次胡足限之耶君侯行矣必也恪共厥職以致其忠  
愛悉其聰明審五刑之訟測淺深之宜酌輕重之序  
去五過之疵務俾法履於情不回不僻天民是全則  
將爲張爲于奏最理官光映漢史又縣是而上之不  
以所樹立爲已足而以先達爲必可師道偕年進位  
與望躋彌熾彌隆益遂日新之德克成可大之功則  
於爲忠肅爲文懿也何有此名世之駿圖仕學之準  
則不朽之洪烈也夫亦爲之而已乎君侯之行會邑



之副貳岑君慕僚蕭君詣予請序以爲君贈余遂述相與之義序而畀之以解邑人之惑廣君侯之志且致屬之忱甚殷也君侯行矣其有味於予言哉

世澤會篇序

世澤會篇張汝明睿夫氏裒輯其祖父所遺詩若文五卷以藏之家者也間來問序於予予聞之記曰良冶之子必學爲裘良弓之子必學爲箕夫冶人弓人藝之微者耳必世守其法夫然後術有專精盡藝之道不可以苟然爲也矧文人學士修立言之業抱作述之志者乎其潛心世典辟之準繩矩矱胡可廢焉

近稿卷五

五

稽之往昔君子長紹明家學廼成史記孟堅克績父志厥有漢書不寧惟是古孝子慈孫於先人一話一言罔敢佚隆故能紹貽謀於曩昔開燕翼於方來也紀牒所載代不乏人張氏之先其六世祖南村翁宗善國初洪武時以能詩聞於鄉求志樂道爰開厥祥五世祖一拙翁公吉曾祖一寒翁時事追先志均以著述知名增光似續厥祖城南翁武力學好修明經充貢任弋陽相國舉問益隆厥父豫齋翁大魯早膺鄉薦作令永城功存撫字道在歸榮恢弘父業睿夫暨其子所敬時方銳情文術馳聲庠校中乃萃先

世遺言成茲卷帙夫君子立德爲本文藝次之張氏之後鑑觀是編因言以考其行因行以察其心則殘膏賸馥沾溉將來清節素風吹噓沿襲不惟修詞可以潤身而躬行日以成德步趨效法自有餘師迺社迎祥其益無方矣然則是編之存也豈徒文藝足徵已哉余昔從遊城南翁與睿夫有通家之誼乃不辭爲之序且於張氏孫子有厚望焉

賀南京工部尚書林肖泉六十壽序

予嘗尚友論世知所以輔君德治國家者恒資乎相臣所貴乎相臣者不惟其相臣之才而惟其有相臣

近稿卷五

六

之德有相臣之德者有相臣之度者也書曰如有一介臣斷斷猗無他技其心休休其如有容人之有技若已有之人之彥聖其心篤好是能容之是已有相臣之度而後有相臣之業是能養育人才整齊綱紀計安社稷偉烈豐功彪炳史策壽考福祿綿引無疆書曰天壽平格保乂有殷詩曰樂只君子邦家之基樂只君子萬壽無期是已彼其都貴勢握魁柄鮮許國之忠而罔稱具瞻之實者固不足云若夫志在國家天下絜絜以節業自持而克已之功未純同人之量不廣則炫才揚已將與天下後進之士較失得短

長於分寸銖兩之間欲以建立鴻勳茂明功伐胡可得也若今留都司空肖泉林公所謂有相臣之度者非耶公鍾閩海之靈秀秉寬裕之淑資奮武甲科蜚英翰苑繼而最績成均敷歷省寺迄今正位常伯隨其所至疊疊焉其善誘人也足以表率人倫恢恢乎其量之并包也足以嘉賢容衆不設城府不立町畦不以求備取人不以已長格物四方知名之士接延禮遇胥罄厥情舊吏門生翹首一顧之榮舒氣快意出慮效才無不滿足蓋公寬仁之度得人心者然也由是而進執樞衡寵躋元輔上以毗贊 皇猷下以

近稿卷五

七

牧寧寰宇獨運廟堂之上叅總庶務之繁則將合天下之才爲其才合天下之力爲其力不必用一手足之勞而天下之事裕如可坐而策矣規圓矩方銖輕鈞重尺量刀解咸麗厥宜措之事功可大可久發爲聞望爾熾爾昌所以翊熙皞之治成相臣之業者非公而誰於其有相臣之度卜之爾雖然古之君子曰皇皇焉召公克勤小物周公思兼待旦此又惕厲無已之心進德居業之本公其益懋厥修思齊往哲則皇矣錫平格之徵邦家收榮懷之福桑榆享千百之齡不戒以孚不求而至揆諸詩書所紀詎不信然哉

憶昔已未之歲予承乏南工辱公知愛最深公少予十歲今茲三月予七十誕辰仲子允端時爲公屬吏公以文贈予爲觴祝之助文采爛如座客觀之咸詫美生色再越月四日則公懸弧之旦也予不可無言以復然以文辭不類是懼作而且止以爲獲璫玉而酬以砥砭則屬聽陽春而和以下里則滴不可也又以為讎言報德古之道也以文辭不類而嘿無一語尤不可也遂書諸文綺爲公贈恃公知我其不以是罪我也夫

詩韻輯略序

近稿卷五

八

爰自皇古天下義理必歸文字天下文字必歸六書蓋自蒼頡創制鬼神夜號遐哉邈乎末之詳已周秦籀文篆隸沿習古風漢人變通趨時爲八分真行遂定字學之法江左崇尚風騷沈休文分部四聲聿嚴音律之譜由是迄今凡爲近體詩者必宗焉莫之易也宋吳才老謂其未備又作韻補盡叶音聲之變由是迄今凡爲古體詩者必宗焉亦莫之易也近刻古今韻傳行於時矣第註釋不具開卷茫然點畫訛謬俗書孔多義理淆雜余病繙閱之難乃於暇日取韻會諸編視之尋文疏義去複芟繁繕寫成帙以便覽

觀藏之家塾名曰詩韻輯略夫音韻之衷權輿於詩故繫之以詩名云爾其義則不止言詩也學者繇此求之上沂六書之源以贊國家同文之治是編不無裨助也已豈直作詩者所當知哉

思椿錄序

蘭陰潑水爲浙形勝之區風氣孔嘉民俗淳龐好禮迺自古記之矣俞君東溪產茲邑少業儒晚廼棄去學醫大擅時名曩歲寓海上余憶傳記所稱古賢豪人不居朝廷必在下醫之中遂與之遊無何南歸越二十載迺持思椿錄謁子屬序蓋思厥考東山先生

近稿卷五

九

而作也人咸曰可以觀孝子曰可以觀德東山以鄉善士隱蘭陰之野握瑾戢珍用光厥里藹然鹿門谷口之風東溪永言孝思銜哀罔極吐之辭章緒紳重其孝行發於聲詩庶幾白華蓼莪之雅是時東溪年七十餘矣夙興夜寐有懷無已於稽其志何嘗一日忘父母耶傳曰無是父無是子無是子無是父子亦曰觀其子可知其父然則東溪繼承之孝東山啓佑之良錫類不匱咸於此乎見之故曰可觀德矣

賀貳守鄭九石膺獎序

國家疆理天下建立郡邑將以康世阜民計安社稷

意至深遠矣郡有守邑有令各置貳設參以綱維政體彼此贊襄何崇何卑均之有承流宣化之責厥任不均重乎予嘗謂今之爲郡邑卽聖門之爲邦也子適衛冉有咨詢民庶子曰富之請益曰教之司牧之於民其道如斯而已矣聖賢固不能眩奇文操異說以聳易觀聽也降及兩漢雅尚循良之吏至勤天子下璽書褒異加秩賜金其道亦猶是耳載之史冊不班班可攷哉世風旣漓學士大夫不談古誼結綬臨民往往馳騫於簿書修藻績以博顯榮緩厥民圖左矣予於郡貳守九石鄭大夫而庶幾古道之可復也

近稿卷五

十

大夫秉閩海之靈秀抱瑚璉之上珍發跡賢科署全州學事一時人士嚮風貞教譽聞煒然推善化令惠政仁聲越在民口爲南楚之冠滿考擢判吾郡甫下車卽得民心無何推郡貳守綜理海防再命而爲大夫不半載而膺異陟時鮮覲見者也會吾邑缺令耆老子弟屬意大夫視篆請之撫按咸報可焉以從民望大夫之視事也方數月最其見稱於人人者有六善焉曰敏以從事曰敬以視身曰廉以植節曰推誠御物曰廣惠振民曰有方造士曰御繁劇兼理戎機夜則集思于室晝則聽政于堂未明而起後晦而息

門無留賓案無停牘獄無滯囚燭幽之照靡遺迎刃之材立解從事不已敏乎正衣冠尊瞻視儼然日臨吏民之上不靡靡以尚同不皎皎以立異不深城府飾邊幅以言高委蛇雍容守職循理挺身不已敬乎邁往之志堅正之操矚然不汚供億不煩乎下餽遺不入其門退食獨處邸閣蕭然揚素絲之清風著宜民之休譽值節不已廉乎政務之轆轤靡齊訟爭之紛紜莫辨吏牘盈庭兩造未決則集衆思而酌其中析羣言而研諸慮聽詞稽貌以察其心曲直是非肝膽畢露以得情哀矜爲志而不以敲扑聲搏爲能恂

近稿卷五

七

恂告語如家人父子然勸以孝友親睦聞者謝過蒲服退罔後言若其理冤抑以摘隱伏之奸辯僞文以發侵漁之弊不事刑威不緣鉤距不設智故自然之明生於覺照御物不推誠乎慨然有志斯民之治生養休息解慍除苛征輸期會不棘不絀浮費彌文去泰去甚思以登民衽席之上而民欣欣若更生焉辟之春陽之著物時雨之潤槁枯也振民不以惠予又以師道自居朔望視學集諸生論業譚經立文會之規謹月試之法評駁醇疵品題優劣激賞菁華抹殺瑕類示以規式俾入作者之途士類咸彬彬惕厲景

行日新月化辟之得伐柯之則於操斧契合轍之妙於斲輪也造士不有方乎若大夫者可謂有大惠於民者矣教養兼舉孔門之法也政果且達由賜之才也修文講藝偃商之學也紆惠宣慈子產之愛也若是則古道之復不庶幾哉大夫以斯邑徭役之餘羨爲費不經酌減其數擬徵銀積貯俟公家別需移文上請裁定永永施行御史槐窓孫君見而許可焉檄下所司具儀獎勵夫御史君加志斯民褒表節愛風厲郡邑澄清化理之原大夫固不能久借於斯民也端本善則益廣德心爲郡邑先恢弘愛人之政則古

近稿卷五

七

道之復於江南者不庶幾乎哉邑丞廖君簿吳君來謁予曰顯等爲公屬吏自府公來攝邑政侍教晨夕得以脩職業省愆違茲欲躋堂中贈寔藉手執事之一言予辭不獲憶予謝政里居以來優游桑梓邇借田夫野老日誦大夫覆露之澤欲報之德其道無由也是歲春月值予稀年誕辰大夫著文爲壽所以致繾綣之情者甚隆予擬以言酬亦未之由也抑之詩云無言不讎無德不報於是因二君之請思以空言報德且寄予謝贈之忱爰述羣情附申衷臆詮次是篇獻之於公非直道說盛美且以徵驗將來云爾

吳越同春卷序

吳越同春詩者送吾郡守澤門表公擢浙江按察司副使赴任而作也詩作於上海邑中而曰吳越者何吳指公舊遊之地越則今所往也曰同春者何天以一元之氣流行宇宙間生生不已春也者於令爲木於德爲仁此開闢之端敷和之紀所以養導萬物者也是故草木甲拆百卉含榮蟄蟲蠕動鳥獸孳尾陽和之發莫盛於春今天生萬民必立之君所以保民統治也必設官分職所以宣治致之民也是故所欲與聚所惡勿施推子愛之心達容保之政俾太和

近稿卷五

主

文

之氣浹洽閭閻仁壽之風衣被黎庶故曰至治之世如春夫郡守民之師帥宣化承流其道由是宜矣若夫按察者官以提刑爲名刑也者秋之氣也於令爲金於德爲義所以懲奸詰慝明罰勅法者也乃亦曰同春者何夫天四德曰元亨利貞君子四德曰仁義禮知陰陽二氣分播四時發陳於春蕃秀於夏容平於秋閉藏於冬然春生之氣未嘗不周流歲序之中故曰春者時之首也君子體元贊化仁以長人禮以嘉會義以利物知以貞固然一元之德未嘗不貫徹四德之中故曰仁者善之長也君子之政用法而將

之仁恕嚴肅而濟以寬平故其道足貴也若徒任刑不任德吾見其妨於民而輟於治矣公其往哉於振綱貞度之內不忘寬裕博大之心俾紀法之行肅如秋冽熙若春陽則元和融液豈惟越之民賴之唇齒之邦蒙佑餘休矣昔者潁川河潤福澤洎乎京師鄒子吹律暖氣回於寒谷感應之神不戒以孚不疾而速又豈惟吳越之民賴之已哉由是而位日崇德日廣達之天下可也故諺有之曰六合同春其斯之謂歟此諸君作詩望公之意也詩凡若干首吾邑侯姜君倡之縉紳諸君繼之彙而成帙屬予序予以名篇

近稿卷五

西

本

之義發諸君所未及引其端云抑予聞之立政之道通諸學聖修之本存諸心中庸論致中和至位天地育萬物其效宏且博矣推原本始乃心之喜怒哀樂一念基之端其未發之中擴爲中節之和如斯而已孟子亦曰言舉斯心加諸彼而已矣爲治之質的聖學之根柢不已盡於此乎公楚之才大夫也邇來留心問學與其鄉人督學耿楚侗別駕周柳塘二先生者相與倡明理道迪茲多士其必有以審諸此矣予因序是卷舉而爲公告公其有味於予言哉

壽楊母王孺人六十序

嘉靖歲丙寅華亭春元楊君彥少之母王孺人壽六十七月之望迺其懸悅之晨郡中薦紳賢士夙與彥少交知者思以展儀稱賀祝孺人無疆之壽焉其同年友某某寔來請序於予予仲子允端與彥少有姨姻之雅長子允哲同彥少甲子鄉薦又隆世講之誼焉予遂不得而辭予憶曩時觀易於坤之六三曰含章可貞無成有終恒之六五曰恒其德貞因以嘆婦德之在順與貞莫之易也禮稱麻枲絲繭織紉組紃醴醢酒醴籩豆菹醢之儀何備也然所言內則莫先於敬順詩載家人行藻蘋蘩筐筥金蠶桑績治宜

近稿卷五

十五

鴈雜佩之飾何詳也然所贊婦德莫善於堅貞是以共姜之節聖人取焉列柏舟於鄘風之首重貞也夫居室生人之大倫節義爲閨閫之全德德之全者鮮能觀見久矣若王孺人者豈非時所不易得而可頌者歟孺人韞蘭玉之資懷淑懿之行毓秀禮門祇服姆訓及笄適給諫麟山翁儷美齊光秉和蹈矩克相夫子靖共爾位以植佐國之忠肅慎陰教躬履儉勤以成一家之政福由以興業由以裕斯不謂之順乎不數年餘麟山翁蚤捐館彥少纔八齡耳孺人厲志撫孤茹荼飲血素心亮節皦然不污謝世俗之華紛

矢一心而靡忒斯不謂之貞乎若其嚴御僮僕禮見族人幅尺檢身確乎闔門之節綱紀羸縮龜勉以求舊業殷潤不隳主績之勤擇師訓子率循義方朝夕罔替庶幾斷機之教是以彥少學日有名鵬搏鵬運駿駸乎階榮顯之途矣它如秩散醑重賓祭順成坤則睦親黨恤鄉鄰賑貧乏遠邇傾心此又孺人之餘也斯不謂之至德能然乎夫孺人以德全而疑壽彥少則殖學以承懽庭幃之內和氣兆祥則其聚百順而福祿其延歷期頤而難老永錫譬之岡陵之奠恒久不虧方至之川增進未艾也壽胡可量哉異時彥

近稿卷五

十六

少策甲科躋膺仕孺人年彌高福彌隆曳華裾於五雲膺封典於三錫將必有鴻鉅之筆繪瑞應之芳圖侈長生之祝頌以續彤管之編者洋洋乎不一而足矣予詞匪文然今茲論敘寔爲之權輿也固不虛哉

壽少宰平泉林公六十序

夫大臣有相天下之德斯成相天下之功有鴻鉅之大之功然後享純龐悠遠之福書曰天壽平格保乂有殷是已伊尹諸臣以平直之德膺合天心而壽國壽身並隆厥祉乎感之道恒相因也後世相業固聞若宋范希文居常以天下國家爲己任司馬君實負



夷夏之望終其身二公歟歟炳著弼成慶曆元祐之治身享榮名庶幾近之我明養相才於翰苑得十一於千百名世之士往往出焉若今少宰平泉林公者非其人耶公秉穎敏之資溫淵深之學揚聲庠校奮翼巍科至其讀書中秘領職詞林履金馬石渠之署任編摩著作之司名行益章章顯盛其清脩介特之操足以廉頑立懦孝弟忠信之行足以化俗淳倫明體適用之材足以宰物經世乃若正位成均敦行師道慨然以振起斯文自任六館諸生四方之士問者充量覲德者醉心覲形聞聲者景附響從未幾進

近稿卷五

七

擢宰臣士心嚮往惓惓不捨焉是可以觀公矣壁之高山大川崔嵬萃律渟蓄涵宏莫覲其運用施爲之跡而以時發見雨天下澤萬物俄頃周徧功用可名狀哉今年春平泉公壽六十二月九日公初度之辰也其族弟上舍陸君思舉觴奉壽屬予言予嘗評隲先達於孝皇帝朝得浙楓山先生章公者竊嘆服焉先生造詣精純行履貞潔奮跡元魁擢官訖死以直諫左遷縣令已而陟廷評轉臬憲任成均遂奉常晉宗伯立朝僅四十日歷官不踰三考退居生壑隱然繫天下望者垂二十年說者謂先生爲天下

士語不虛矣公以春秋掄魁鄉薦舉會元登甲第選庶吉士授編脩與章公科第正同公醇篤之資正大之學明辭受以植節守道義而不渝與章公名德亦同公之官翰林前後二十餘年其在告家居者半海擢南雍晉陟銓宰與章公出處大略合一不殊公非章公之儔耶公方者在告朝野傾心仰文正之高風侯司馬之入相起用疏章歲無虛月新天子圖惟治理夢寐耆碩行將召入宅端揆之尊肩鼎鉉之重論思調燮康世輯民以翊贊登三咸五之治巨烈光之當代鴻名傳於不朽此又章公未克爲者也

近稿卷五

八

公具有爲之德值可爲之時所以成相天下之功享平格之壽者不在公平天下日以望公矣予述中外繫屬之情及上舍君祝公之意又三復白駒之雅綴於篇終效昔人祝規之義焉其詩曰爾公爾侯逸豫無期祝之也逸豫而無期則壽矣又曰慎爾優游勉爾遁思望之也予日以是望公哉

又

今上龍飛之二載爲隆慶戊辰少宰平泉林公年躋六十春二月九日公誕降之辰其族弟上舍陸君錫予文爲兄壽業許之矣吾邑顧君汝脩汝和朱



君邦憲邦肅昆仲詣予復以請焉予憶曩值稀年公惠文稱疊白雪陽春輝映綺軸乃今酬以巴人下里瀆之不可敢辭辭而諸君之請益力予季子允亮又言之乃爲之序曰予嘗聞書敘五福先富壽康寧繼以攸好德詩稱萬壽無疆永錫難老而系之曰樂只曰豈弟者何蓋壽錫于天德脩在我感應之機如形影桴鼓然是故欲脩其德不可以不務學傳言少而好學如日出之陽壯而好學如日中之光老而好學如炳燭之明夫明之相續無終窮學之爲道無止極學以求進於明明以上達夫德者也學之不可已也

近體五

九

如是夫平泉公少負明敏之才蚤隆鄉曲之興蜚英譽校奮迅甲科學成行脩知名當世譬之初日之陽隋陽谷拂扶桑漸歷層霄光彩煥發也旣而任職詞林抽金匱石室之藏綜諸子百家之略漱六藝之芳潤擅一代之文英鴻名溢於當時撰著可傳不朽譬則日之方中陽德當天冠三光之首沛四達之照彪炳烜赫人皆仰之者也今茲耆年而好學靡倦鏤礪括羽繹周孔之圖書闢典墳之玄邃寡過同伯玉之能化作聖效夫子之從心省躬誦衛武之抑戒譬則秉巨燭於中宵輝光所及陰翳捐除鬚眉可數凝之

冥行索塗者相去奚啻千里哉夫學以緝熙於光明德以至善爲標的是故妙用顯行無往不裕藻繪所被無物不華出則黼黻謨猷煥廊廟之光處則哀敘彝倫成鄉閭之化光烈彌章於表暨福祉紛被於時承壽考益增於申錫此百順之徵自然之應也視時俗支離口耳無根之學呼吸吐納養生之經何以闡其藩維方其逸駕哉予顓蒙不類學焉未優悵墜失於東隅復逡巡於遲暮然朝乾夕惕心未之忘予與公知愛者久仰德音之孔昭忻儀刑其匪遠思借餘光於照隙假一暴於秋陽所以爲身心之助持循之

近體五

十

方者舍公其誰適矣遂述予衷以答諸君之請因以爲公壽焉

送邑侯姜春宇調任行序

姜春宇先生登嘉靖乙丑進士擢令上海越三載爲隆慶戊辰春正月朔當羣方入覲之期太宰大計天下吏治殿最而廢置焉報至邑侯當調任以行邑之士民相與言曰吾鄉昔稱壯縣自倭夷入寇後粵有歲年凋劫未甦財力匱乏逋負日積吏弊叢多君侯奮跡賢科分符出宰謂宿蠹不可不蠲則宣力以勤政謂爲政不可徒善則肅法以齊刑謂國賦不可

久通則嚴限以責課謂豪強不可不抑則明罰以飾威庶務填委決雅容咸中肯綮胥吏不能爲姦請託無所于寄有古健令之風焉踰年政通民和立壇壝以事神修學宮以造士人益宜之又以爲賦稅貴於平民仁政始於經界邑之西鄙田野荒蕪水道湮塞人利不興於是躬行阡陌履畎畝辨土宜別肥瘠仍高卑度延袤參伍鉤稽將以清欺隱平稅額復圩圍備旱潦建永世利民之功功雖未就而用意遠矣假之以年仁政其有成乎廼今以調任行矣民將安仗士將安仰咸愕貽莫知所繇於是諸士大夫述羣

八近稿卷五

三

言詣予庭屬序爲君侯贈予常聞之創大厦濟大川者必擇文梓榦樞朽木膠舟不與焉此用人者之責也松柏之姿不以冰霰而易操蘭桂之質不以勿採而改芳此用於人者之責也方今明天子隆唐虞之治宰臣司綜核之權以公以明照臨天下充殫厥心然拾臭惑夫孔顏投杼起於慈母任耳目而失實者豈曰無之若君侯者是其一矣君侯之行邑人皆曰賢惜不能留諸監司聞之亦曰賢憫其調去之言也流傳久之有不聞於銓司者乎銓司聞之矣見賢焉有不亟爲遷進求伸其公與明之心者乎見賢矣

不亟遷進求伸其公與明之心其不蹈蔽賢之咎乎是故用人者欲求伸其公與明之心有甚於用於人者之欲求伸其志也用於人者欲求伸其志如之何亦曰爲之而已矣爲之如何亦曰求諸我而已矣是故君子不以人之不知爲已思以求爲可知者爲已憂持身之節以矜不以爭御物之情以誠不以術應務之方以理不以氣是皆求諸內不求諸外之類也夫毀譽得喪紛驚於吾前而榮辱憂虞糾結於中不可解淺之乎其爲量已彼抱璞以獻君刖趾而罔顧和氏之愆也寓長沙而嗟卑賦鵬鳥以自廣賈生之

八近稿卷五

三

編也置禍福於度外得馬而不喜失馬而不驚塞上翁之達也推實心以從政在位而惆悵無華去位而人思不置何君公之貞也君侯行矣任真而靡渝秉節而不變靖共以守職委順以俟時圭璧愈精於追琢金錫益鍊於鑪錘則德脩日進德脩日進則聲聞彌章聲聞彌章則祿位崇鉅鴻伐著於當年而芳名垂之不朽矣夫遇險者思夷遭蹶者增識困心衡慮固堅志熟仁之地策勲樹業之基也君侯慎斯以往所就何可量哉予不暇遠引曲喻邇年以來若葛侯龍興牛侯近溪二君者亦以遷調去去而民思之已

而擢官郎署再陟臬司名位隆隆起矣此非吾人耳聞習見者乎即彼而況此又何疑於君侯今日之行也諸君子謂予言爲然遂敘述爲君侯贈君侯行矣不將取表於予言也哉

### 賀衷母王太安人壽序

龍集戊辰吾郡守洪溪衷侯履任之二年也侯以純一之德播循良之政寬簡宜民以贊助明主維新之治克殫厥心未期月政通人和頌聲作矣侯迎養母王太安人於郡齋先是歲丙寅秋七月太安人壽七十誕辰侯先大夫喪甫除宗鄙欲捧觴稱壽者安

近稿卷

廿三

人呵止之明年丁卯謁選京師奔走未遑舉也至是歲始得請於安人舉行如禮云維時金祇屆節瑤池開宴璧月騰輝寶婺星虛宵中耀彩僉謂瑞徵闔郡士民頌侯德政者思祝侯毋致願愛之私侯之僚九石鄭君屬予序且曰自吾朝夕侍先生教而知先生之德純也自吾服習先生教而知母德之賢之悉也先生日事母不惟候承起居唯諾進退而已言行政事慈教是遵羣黎仰德僚屬孚化推本溯源根柢內則思祝毋壽萬口一詞茲非假諸能言之士表揚淑懿其何以達羣心致祝之誠慰吾人景仰之念乎

辭以不工於文至再不克廼敘之予憶曩時誦閨宮之什知魯詩人之善頌也其詞曰魯侯燕喜令妻壽母宜大夫庶士夫天之監觀在人人之感孚在德上之所以脩厥德必宜大夫庶士而後知爲德之隆下之所以願其君必上及於母而後摠其愛之至推此義求之則郡之人士欲壽侯母王太安人者不脛合於古哉今夫坤道以生物爲德母德以成子爲賢雖內言不出於梱無所於聞而式穀本之母儀因可攷見是故觀其子可以知其母觀子之賢而母之德不可知乎觀子之孝而母之慈不可知乎觀子之行而

六藝五

廿四

母之教不可知乎侯秉心直諒績學淵深蜚英豫章奮跡科第藏器而通理黃中濟用而任重道遠內以悅親外以信友上以得君下以獲民是其賢也資父事母其孝則同資父事君其敬則同一舉足一出言而不敢忘父母飭躬砥行揚名顯親百順咸聚是其孝也乃若時措宜於經綸可大徵之事業任郎署而靖共宅牧守而惠愛勤於政而聲望歸其屬以師師解慍則和風嘘拂澤枯而膏雨旁流是其行也詩之所謂宜大夫庶士侯其有焉是故慈孝萃於德門芳聲昭於彤管福履徵於瑞應安人今茲之壽不但已

也侯充事親之孝移以為忠所陳力策功竭致主之忱者無不用矣效母德之慈舉以及民所撫摩吐哺軫如傷之懷者無不盡矣由是樹立日以宏鉅祿位日以崇尊兼善達之寰宇和氣藹於諷堂純嘏集於壽母天下之欲頌侯而上及安人者益衆母壽胡可量哉予昔承乏司寇時候為尚書郎予有相知之雅已聞母氏之賢至是得於九石君者尤詳予又邦人也爰述是邦頌禱之輿情紀一時之盛美以復九石君九石君喜曰風風乎是篇古詩人之遺意也請書諸文綺為太安人祝焉

八近稿卷五

十五

賀納言趙津南榮封序

今上御極之二年為隆慶戊辰夏四月禮官偕廷臣請豫建一太子天子方謙讓未遑已而臣民闔辭上請益力制曰可於是策立東宮肆赦天下覃澤兩京羣臣以見任職各推恩所生甚盛典也先是吾邑趙君時章登甲第授行人滿考擢給諫賜封父津南少尹先生脩職郎行人司行人至是任吏科都給事中權卿寺無何改通政司右通政位九列津南遂得誥封如子之官配黃氏封恭人未幾時章以使事便道歸海上捧檄趨庭為二親壽鸞章燭金

紫輝映瑞氣祥光起於戶牖之前徹於五雲之上見者動色聞者傾聽莫不惻貽詫嘆稱未嘗有萬世一詞時縉紳諸大夫士咸欲造為先生賀而石君啓文高君象南顧君汝脩汝和朱君邦憲邦肅偕來屬序于予予嘗習見邑里中人父之所以教子恒欲誦詩讀書成學以用於世子之所以為學恒欲進脩名立效用以顯其親然而質之不齊習之相遠學怠於願息功廢於半途者衆矣求其學之能成者十而不得一人焉有學既成才可用矣而阨窮遺佚玉抱璞而不售蘭委芳而莫采者有之求其學成必顯榮者百

八近稿卷五

共

而不得一人焉又有學既成矣身顯榮矣而仕路困於遭逢機會艱於蚤獲若椿萱偕茂封錫重膺者十百而不得一人焉於十百而不得一人之中津南先生得之矧其所值之尤異乎行人雖曰清華之選而秩八品不得與七品者同封其父母制也時章以地封請會世宗皇帝需如天之仁體念邇臣特俞所請其所值之異一也今上鴻施大賚雖溥博無方而時章晉擢未幾會逢其適此又所值之異二也是二者詎可數數得焉者乎先生教家啓後適成汝國之功子之移孝為忠益光錫類之孝理數得天

著應感之神福祉萃之德門乎化漸於梓里此非生人之至榮今昔之鮮覲者哉先生季子時章君立朝無矯厲之節無媿阿之行人皆稱之方隆柱石之聲柄用伊始通顯日躋伯子上舍君彥章次子春元君堯章胥負丹青之望接翼翻飛俟時而起其所封錫二親俶焉未艾且予拭目俟之矣抑又聞之孝非可以一端求也人子之心無窮其爲道罔盡昔吾夫子贊帝舜之大孝總其凡曰德爲聖人其與袁公言仁人事親如事天原其本曰孝子成身曾子與論孝縱言用力用勞推其至曰大孝不匱是故人子欲顯揚其親不外乎行已日用之間求之所以成親成身希賢入聖其性分之樂天爵之貴蓋有出於祿位顯達之外者矣予是以列而言之以告諸君子凡我同志期共勗焉

六近稿卷五

七

笠江先生近稿卷之五

笠江先生近稿卷之六

序

賀光祿少卿顧小川六十壽序

今上御極之三年龍集己巳二月載陽哉生明之三日光祿少卿小川先生六十初度之辰其子上舍君君壽君錫捧觴稱壽來問序於予予惟世祚積隆盛之基斯衍裕後之福守職効忠謹之實斯享祿位之榮立德茂不朽之圖斯永無疆之壽理道則然也顧氏之族之世粵自晉室以來爲東南之望久矣

六近稿卷六

十二

堂公奮跡賢科名流郡守業啓燕貽考東川公博達儒玄供事禁庭聿宏問察先生清標雅裁優有藝文始以國子生推擇爲中書舍人掌司典籍曩事

世宗皇帝垂三十年朝夕靡懈迨今上嗣位歷服益罄乃心習練故實增美黃練籍甚聲聽繇是進秩光祿勳洊加四品服色象簡朱衣金紫輝照含香簪筆出入鳳池至是以使事南還尤生梓里是日綵筵高張瑞應駢集此誠生人之至榮海邦鮮覲者也憶昔永樂間沈君民則善篆隸真行書薦授翰林典籍累官學士其弟民望亦精書法飄逸適勁自成一家

官翰林春坊至大理少卿致仕伯仲榮遇人罕及焉  
至今館閣稱為二沈在弘治時張君天駿亦以書藝  
供事禁林光祿卿致仕後召用進禮部尚書一時顯  
貴莫比人至今稱之先生與弟硯山君同居內直爰  
參振鷺之行並預握蘭之選華萼交映二沈齊名先  
生積勞可書擢官卿寺譽重一時晉陟九列又可計  
資以待媲美前人矣上舍君昆王抱豫章之雋才重  
丹青之聲價扶搖萬里整翮竣時所謂世祚永綿延  
之福忠謹致祿位之榮若先生者可當之矣其萃和  
迓祉存齡儲筭錫難老而無疆介醴嘏於後日如川

八 近稿卷六

二

之至如月之恒者何可量哉雖然致壽本乎德而立  
德存乎人君子之德之脩必敦龐純懿積以昭合於  
天天地之氣之風必氤氲薰蒸久而融液於物是以  
古之人之自脩日躋彊焉而不已也邇來吾鄉之風  
視昔少漓矣夫厚風俗莫先於里人倡化教必始於  
士類自茲以往先生益廣德心力行不怠端本植範  
表率邦人俾家庭雍雍復聆采蘋常棣之音于野同  
人庶幾老安少懷之志則元和貫徹於兩間仁壽開  
先於海上此百順之微不朽之業也此先生所以自  
壽而君壽昆王所以壽其親者也予亦同里人也

相與共勗勸往成茲美俗不亦善乎

賀貳守九石鄭侯榮膺 誥錫序

今上履元之二載龍集戊辰時則誕敷新政考循典  
章廼建立 太子如舊儀肆頒渥澤覃被寰宇兩京  
文官一品至九品各給與應得誥勅在外二品以下  
七品以上方面有司不分已未考滿但於本任內曾  
經總督撫按等官薦舉二次以上者亦與應得誥勅  
大哉 皇言羣方翕懌如綽如綸其盛矣乎我明自  
洪武迄今二百年餘矣京官未滿考得推恩所生見  
於 詔旨者凡十有三焉固不數數得也若在外有

近稿卷六

三

司未滿考得推恩所生曠古未聞今茲始一見焉詎  
非至難至難得者歟吾郡貳守九石鄭侯負穎異之  
才奮跡賢科聲生邑令迺擢吾松別駕無何進擢今  
職總理海防不一二年賢能茂著撫按咸褒嘉之播  
之薦剡不一而足至是例得 誥封奉議大夫侯父  
永全君贈奉議大夫松江府同知母林氏贈宜人鸞  
章焜耀光延梓里士民得諸聞見贊誦不異一詞嘆  
未嘗有時上海庠師陶君性黃君照陳君亮采謀所  
以賀大夫者來問序于予且言曰於惟休哉郡侯之  
賢克善厥職而寵錫及其親也侯先大父閩中高士



殖學修文握瑜匿彩抗志塵氛之表又能錫類善則成其子以達于天下國家古之所謂隱君子非耶母林宜人淑德夙成閭則咸備且通習經史吮毫染素點析句讀以迪子惟勤今繫解本手澤尚存侯拾襲珍藏不忘是可以觀父若母之教矣此其事之可紀者也予聞言而論序之竊嘗以爲君使臣以禮而臣事君以忠二者交盡其道非禮無以體情而安其志非忠不能委身以效之君又嘗以爲人之積習於家者善惡殊科天之陰陽斯民臧否亦異親之所以教子其心同矣子或不能以皆賢子能受教於親矣不

不近稿卷六

四

能使其身之必榮顯若侯寵錫及其親可易得耶大夫榮階 誥命優典秩五品之尊遇例疏榮尤希世之遇斯不衆美之咸具乎是故觀 聖天子之詔知能體羣臣因以見不忘遠之仁焉觀侯父若母之教知能以善成子因以見父後之福焉觀侯靖共厥職而知體國之忠因忠可以見承家之孝焉若侯著績吾松海防民事咸罄厥心厚澤深仁教養畢舉予別有論序茲固可略也夫父母以詩書教子子以顯揚報其親燕翼克善於貽謀褒寵流芳於身後天人感孚之理不已神乎君以手足待臣臣以腹心事君雲

龍聚於遭逢鴻敷昭於豎立上下報施之道不克盡乎此其至和之應大順之徵也予是以刻而言之以頌當世熙隆之盛垂示將來非直述鄭氏門祚之光已也由是合學師生僉以予言爲然曰是可以爲大夫賀矣

賀陶母陳碩人七十壽序

隆慶三年龍集己巳端月丙寅哉生明日在丁未惟陶母陳碩人七十初度之辰時陶君子靜以明經舉于鄉謁選于 朝來典上海學事踰年矣恒以繫跡茲方不朝夕侍母致水菽之懽罔慊于衷至是值母

不近稿卷六

五

稀年漸稱觴而莫遂望楚雲以咨嗟思得賢人君子頌禱之詞令三弟家居者代致觴祝末之由也於是君之寮友陳君邦亮暨諸生高君伯鵬王君章甫何君之瑞薛君通卿鄭君世東劉君叔球張君長與儼然造予之庭請曰至哉陶師之孝其母氏也思歸壽其母而不得則悒悒不樂者越數旬不休願君子之一言以慰其志也予聞之曰是猶行古之道者夫爲酒介壽俶載幽詩盡言其所以壽母者奚若陳君言曰予日侍陶君因君德而知母之賢因君朝夕思母誦說不置而知母之素陳碩人者柔惠貞懿齋莊令



儀嬪于龍野先生贊助行義隱德彰聞谷口鹿門齊聲並美且訓迪厥子教以義方孟繼柳九後先輝映福履綏只毓泰葆和壽其無極矣乎予曰敬戒無違婦之職也義方啓後母之道也德以凝祉祉以永齡其道備矣請進淑德之觴爲母氏壽侑以雞鳴之風可乎又曰言如是而已耶諸君合詞而言曰跡古淑媛軌躅靡齊或飾行以裊身或揚聲於似續荷歟陶師恪遵母教謂立身不可小成也務明體以適用共職不可苟爲也必抗志以勵忠操持不可不峻也肅廉隅以自飭士習不可不端也正劍範而弗汗敦學

六

六

不可不勤也胥訓誨而靡倦士類藉以陶鎔淵源邇其本始則又開端於母氏引緒於內則是故於陶師而心傾山斗於陶母欲效祝岡陵也予曰孝於親者子之順成其子者母之慈請進慈德之觴爲母氏壽侑以錫類之雅可乎又曰言如是而已耶諸君復進而言曰惟此陶師瓊瑋博達緼荆山之璞抱滄海之珠羈駿足於師儒養豹文而霧隱菁莪施樂育之化追琢效作人之方博約宗孔師之傳科條準蘇湖之矩談經達天人之奧摛文適藻繪之宜由是日就月將深造遠到行將觀國賓王龍光之德著矣展采錯

事瑚璉之器成矣勲名日以崇鉅祿位漸以躋升封錫昇於慈闈輿嘏集於天祐自茲伊始母壽曷可量哉予曰義方成子者母之慈聚順事親者子之孝請進孝德之觴爲母氏壽侑以壽母之頌可乎於是詮次其略詩曰美哉淑媛儷德雞鳴夙興夜寐儆戒宵成外內咸理琴瑟和平雜佩問遺益懋厥聲育賢若才是曰錫類燕翼貽謀母澤弘被視履考祥子孝不匱一德繼承百順攸備福備維何上有壽母爲壽維何酌此春酒燕喜北堂輝生南斗綏祜延齡亦孔之厚浹旬會分教潘君子猷履任至偕陳君復請予遂

七

七

書以歸之爲碩人壽焉陶君得之喜曰非吾僚友諸賢之論無以發君子譏敘之言非藝林頌祝之文無以慰羈孤春暉之念今而後知所以壽母氏者其道洵在我矣知母之微福於諸君者甚殷而孤之承教於君子者不淺渺矣敢不再拜日事斯語而勿忘也

賀俞見韋七十壽序

吾邑見韋俞先生曩時年方志學恂恂謹愿產耀胚華稱良士矣予先大夫爲季女擇配得焉已而揚聲黌校垂三十年始登甲第出宰樂清適隆民譽繼陟郎署爰著聲猷擢守滇南益林循績隆慶收元之歲

遷山東都轉運使無何致其政歸先生宦游數年位歷三品金紫輝映其增益梓里之光多矣越三載龍集庚午秋八月乙酉望後三日爲先生七十誕辰長子國子生鳳梧至期將赴南都應舉擬蠲六月之朔陳筵設席具酒醴肴核率弟鳳岡鳳雛鳳朝鳳喈稱觴膝下申罔極之情又請予文先之拜獻數詞庸展無疆之祝予辱先生知愛者久遂不克辭予惟君子所以自壽人子之欲壽其親其心同其道同也然有可以自致者存乎我有不可自致者原諸天何也富貴福澤雖曰常與善人然神司其柄朕兆莫窺是非

八 述壽卷六

八

不可自致者乎故曰原諸天去健羨以寧志絕嗜慾以尊生惇彞倫以明道集和順以迎祥是非可自致者乎故曰存乎我君子亦盡其在我者而已矣先生秉淳恪之令資備日新之盛德爲守若令體國安民持清白之操以敷子惠之澤以康筑獨之氓是其忠也敦敘天倫致愛致敬就養無方用力用勞服勤匪懈若其善事繼母人謂難能是其孝也乃若道洽友于克廣因心之義情孚麗澤流通盈缶之誠潛德內光允合遂初之志紛華罔戀庶幾戰勝之肥是其行也其可以自致者先生有不盡乎由是以平易正直

之心凝承蘇厚清明之氣養堅貞精粹之體以握長生久視之機並岡陵而作朋友松喬而難老信矣壽何可量乎哉若諸子之壽其親者又可策而知也德門之垂祐方新保艾之燕詒斯遠自茲伊始繼繩勿替惜分陰以績學聚百順而承惟循南陔以致養孝敬無違賦白華以提身瞻然不涅其可以自致者諸子有不盡乎是故人事既盡天不能違五枝發實氏之芳連翼起河東之鳳秀選俊造儷美知名之士冠裳袍笏聿彰奕世之輝此成身之極功達順之大効也諸子曷哉詩曰樂只君子遐不作又曰壽考維

八 述壽卷六

九

祺以介景福請爲先生頌之詩曰夙興夜寐無忝爾所生又曰孝子不匱永錫爾類爲諸子誦焉曷哉諸子其思所以副予之望也哉

詩經輯說序

志稱古者采詩之官先王所以觀風俗知得失自攷正也孔子純取周詩上采殷下及魯凡三百五篇刪以爲經兩漢言詩者四家魯齊韓毛後毛氏獨存三家先後並廢毛宗序說分寘諸篇之首先儒謂序說卜子夏所創毛公衛敬仲潤色之理或然歟宋儒繼興各以己意發明經指迨朱文公氏集傳成一家言

已而國家立之學官此書大行于時而毛氏之學寔亡矣昔人謂序非一人之言或出於國史之采錄或出於講師之傳授雖其舛誤不類間亦有之而要之古序不可盡廢信哉言矣世之經生學子宗法朱傳以博科試於古之註疏不復過目寧非闕典乎哉予幼肄習是經既而涉獵諸說觀呂東萊氏讀詩記而善之其立訓纂言兼總古註而毛氏之說殆存又觀朱克升疏義而善之其發明朱傳之旨爲詳且盡予乃合集是書日以玩焉以序說錄冠各詩之前次錄朱氏所定傳序次錄經文次則雜採毛說鄭箋孔疏

六通稿卷十

十一

其微言緒論可廣見聞者雖未協厥中亦詮次不廢迺若疏義符合訓詁其標識賦比興諸體尤號詳明可裨朱傳遂牽連采掇一得之愚偶契於衷則於篇末書附以備遺忘蓋所以助博物洽聞而非以鉤奇獵異所以羽翼朱氏而非牴牾儒先也會粹成帙名曰輯說錄置家塾庸便覽觀且思就正有道斯於朝夕吟詠之餘或有得夫溫柔敦厚之教庶幾孔子所謂可興可觀可羣可怨之指亦可以弗畔矣夫

刻唐龍江文集序

唐人有言大賢君子鍾運而生文以立言垂世亦鍾

運盛衰矣信哉言乎明興七葉孝宗敬皇帝以人文化成天下王澤汪濊泰和融液緝文好古之士一時輩出彬彬焉與三代同風矣此非極治之朝蒸隆之運乎弘治歲丙辰我上海龍江唐先生負山海之英躋利賓之會年斯弱冠拔萃甲科海內鴻生碩儒雲集京師相與談說詩書追琢藝文者不可勝數鸞翔鳳翥家擅厥長人握異寶公才穎敏推擇先登盛矣已而出宰東明爰有民譽馴雉紹魯恭之躅鳴琴揚宓子之化最迹循良徵拜給事入直而蹇諤著聲理駸則公清效績時爲逆瑾所銜左官州郡非其愆

正稿卷十

十一

也居無何瑾誅環復歷留都郎署茂樹聲稱繼擢江西按察副使提督學校持身峻潔品藻精明士心咸附嚮往傾著蔡之誠瞻依聳山斗之望前後學憲皆所不及人至於今稱之迨其掛冠歸里優游林壑者三十餘年恕以同人和不犯物邇其風軌易直可師鶴鳴來子和之應鴻漸植清遠之儀間黨孚化古之所謂鄉先生生有益于時歿而可祀于鄉者公其無愧之矣公考終數載嗣子世具光祿君懼遺文之放失獲十一於網羅釐爲十有四卷刻置家塾屬序於予憶昔公與予爲忘年交德音在耳展卷慨然遂詮

次數言冠之琬琰揭示將來惠先輩典故之存標  
明朝文獻之盛云爾公聲詩清婉簡夷不失溫柔敦  
厚之教序記碑銘諸作咸善罔非平正明達之言觀  
者當自得之乃若瓌才煒行德懿勲名備載同榜太  
史玉峯朱公誌銘今已入刻中予皆可得而略也

通玄真經輯略序

敘曰士道交喪諸子競鳴惟老子道德五千言爲世  
所宗雖孔子嘗有取焉通玄真經者漢志文子九篇  
是已文子姓辛名弇葵丘灘上人號計然字文子爲  
范蠡之師嘗受業於老子其先晉國公子也謂此書

近稿卷六

十一

非計然所著又其言雜以名法儒墨諸家柳子厚以  
爲駁書理或然歟予嘗搜遺編於藏室索梗概於言  
筌昔人謂爲淵源老氏大氏道德經之註疏耳信哉  
言乎又曰其旨博而奧其辭文而真故有國者雖淫  
敗之俗可返樸於太素有身者雖患累之質可復至  
命於自然予以暇日三復之於道原知其窮神闢化  
而幽玄剖露矣於精誠知其苞天絡地而金石貫通  
矣於九守知其葆光襲常而根柢深固矣於符言知  
其司契操約質平而司微者勞矣於道德知其述皇  
宗帝尊王而圖霸者絀矣於上德知其遺形絕慮藏

志而大道幾矣於微明知其禍福善敗形隱而斷  
見矣於自然知其溟滓鴻濛淵默而用智者鑒矣於  
下德知其希夷虛靜遂性而驚情者劣矣於上仁知  
其醇粹宏博溥施而好功者隘矣於上義知其理名  
正實利物而任力者龐矣於上禮知其嘉會飾和樽  
節而徒法者亂矣於是刊去繁蕪稍爲輯略錄置山  
房庶幾廣多聞之益助游藝之資云爾固非敝精神  
於褻淺與儒術相持衡者也

賀州太守徐白齋八十壽序

隆慶三年夏五月二十日徐大夫白齋先生八十誕

近稿卷六

三

辰邑諸薦紳暨大夫交游者思舉觴稱壽徵言於予  
予謂大夫之年八十高矣由是而期頤而無疆蓋未  
艾也遂諭諸君子曰夫壽者授也諸君語壽之道何  
居於是而有以天論者曰咸池之陬南極煌煌光所燭  
國下多長年邇聞極星在吳越間吾邑固其地也大  
夫元精粹質與天相通星之臨也寔應之吾謂大夫  
之壽授諸天矣有以地論者曰瀛海之中蓬壺員嶠  
諸山在焉琪花碧草玉液瓊漿飲之者輒獲長生邑  
瀕海去壺嶠不遠仙風扇被磅礴扶輿大夫鍾靈毓  
秀即安期羨門復生吾謂大夫之壽授諸地矣有以

適論者曰土礎則良稼不生川隘而巨鯢遠逝大夫謝秩以來優悠化日細萬物而不有養恬愉以自珍且修大還之術吸日月餐沆瀣導引長年吾謂大夫之壽授諸適矣夫適言馮藉之厚也地言風氣之凝也天言淳龐之運也以斯言壽以斯壽大夫固矣然不有大焉者乎予請言其大嘗誦曹風鳴鳩之詩而知其得語壽之本之大矣其詩首章曰淑人君子其儀一兮其儀一兮心如結兮次曰其帶伊絲其弁伊騏又曰其儀不忒正是四國夫心一則儀一儀一則不忒儀不忒而後正四國傳曰其爲父子兄弟足法

東稿卷六

五

而後民法之是已末章曰淑人君子正是國人正是國人胡不萬年正國人者存乎德萬斯年者德之應其爲道甚大相須至殷傳曰德者本也有德者必得其壽是已大夫幼抱敏資摘文燁煒有聲庠校已而貢于鄉舉于北闕謁選銓曹拜德慶州守州當嶺南絕徼瘴癘淵數民從雜居號稱難理大夫負材精覈氣偉而志雄經略周衛民之防揣摩合弛張之變緩輯善猥分披黨類坐積其牙境以寧息盤錯之效已見一班無何解組歸田韞奇匿耀玄同祖老氏之餘治生做計然之畫庭內灑掃則左右圖書別墅經營

則汜布嘉植閒居則娛神佚體客至則觴詠行遊陶陶如也數舉鄉飲酒賓強毅有力升降有容恂慄攝以威儀橋門聳夫視聽褒衣義冠與與如也古之所謂老更者不庶幾乎乃若偕第次公皓首交懽允協棣華之愛敦睦族黨衷誠懇款依稀行章之仁教迪諸子秉禮緝文胥就雲霄之器軌範樹於家庭則倣達之邦邑所謂父子兄弟足法而民法之者非耶是故醴嘏潄集於時承難老永膺夫天錫無事馮藉而植本日深元和不克固其化坤儀無以限其區司命莫能宰其筭自茲伊始德自我邵命自我疑是壽也

東稿卷六

十五

者德以授之而我斯受之者也故曰鳴鳩之詩得語壽之本之大矣諸君子然予言曰是可以賀大夫遂書以歸之俾爲脩觴之助是日也綵筵高張蓮豆有踐獻酬序行音樂奮作簫笙迭奏間歌鹿鳴魚麗諸篇什而以鳴鳩亂焉

御史大夫十山談公葬錄序

延陵御史大夫十山談公襄事既竣之來歲爲隆慶壬申春二月之吉其子太常典簿君志伊至自閬江訪予海上持其父葬錄示予且介友人上舍朱君邦憲屬序予感今思昔義不可辭公天材穎敏弱冠登

科授民部主政善修其官監稅河西修隆民譽時予有北上之役艤舟水次投分傾蓋之初如舊識焉越數年爲嘉靖癸卯予與公任山東副憲監試秋闈以文錄愆誤被逮左官皆謫邑尉時爲嶺表之行握手論心綢繆者數月惓惓不能舍去交誼益隆已而拊飛異地環復舊階各勉日新驟首天路後公建節汀漳總麾兩廣克振保釐之職式清海甸之妖去位論功陞都察院右都御史致仕公歸優游宴喜遠寄冥搜愉恬委天地之和觴詠協園泉之勝頤養有年令終正寢哲人云逝士類惜之是故觀於斯錄而俯仰

六 近稿卷六

六

感慨之懷擊之矣由今言之首錄 誥勅命書諭者何尊 皇言也公策名效動之實可考焉次錄 諭祭文者何重 國典也公始終恩禮之備可稽焉次錄碑表何樹于隧間者也錄誌銘何藏諸泉室者也錄傳者何撰述俾可傳也錄誄者何累行以垂後也而公德善功烈之迹由是彰焉次錄祭章何唁諸幽者也錄哀輓何悲思叶之聲律者也友朋傷悼之情於是萃焉附錄屬淑人墓事何備陰教也內助得人之懿是可徵焉若公者功名炳於當年令聞播於身後噫其盛矣稽古周室文王四友奔奏預焉宣之申

伯山甫亦其流望故詩曰南土是保又曰賦政于外有以夫公致身嘉靖間垂四十年馳驅效藩臬之勲節鎮陳嶺海之績偉哉功伐表著一時所謂 世廟之勞臣以榮盛終者非耶若其子承蔭得官筮仕奉常祇慎厥職其保家之主乎詩稱錫類史美象賢庶乎其無忝矣予以是序而歸之若公世系門閥之善閱歷政行之詳載在錄中則備矣予可得而略焉

贈邑侯鄭鏡泉榮獎序

鏡泉鄭侯鍾越秀之英振藻甲科分符海上隆慶六載仲春履任甫三月而約身循理嘉譽流溢民欣欣

六 近稿卷六

十七

切來蘇之望焉會撫院我渡陳君按院見雲劉君相繼竣事將行移文禮待屬下諸吏之賢者而侯在獎中從民志也侯之僚友張丞伯聲來屬予言贈侯予性吏治異等豈待積累歲月然哉儒者之道與俗吏異匪曰才器之不同其器量殊也器之容受小大殊科彼哉斗筲去鍾石也遠甚侯之始至予立談之頃知其恂恂德讓有君子之遺風必能以經術潤色吏事亡疑也已而信然予言如有所譽必有所試此陳劉二君亟獎君侯之意也夫上海昔稱壯縣志云文物衣冠蔚爲東南之望田野小民教于讀書畏官內



賤告計租稅數十萬如期而集無踰歲者今時則異然矣予敢陳今之敝爰考前聞綴著篇中俟君侯擇焉士習浮競比佞疾貞離本背實民俗皆寐侈肆罔終箱敎是逞是故表正之難豪強之萌武斷力攘兼贊并弱胥吏之奸深文舞法陰伺巧中是故戢馭之難器訟紛紜讒口亂聽什伍成羣颺起蠶聚是故聽斷之難生民之本曰食與貨平賦之道在取與予藝飲無術則常賦不供國用罔足今吾邑歲逋奚帝數萬是故徵科之難督稽諸往牒得致理之方焉曰善芻牧者嚴敗羣之罰養嘉禾者去童穰之害濟時低

入清卷六

六

即此其術也然所以使民回心而嚮化者則不在是又嘗觀史遷紀傳得三不欺之道焉曰西門豹治鄴振威飭法民不敢欺此伯之遺而道非王也子產為政衆人之毋民不能欺此幾於王而道未盡也若宓子賤之治單父則盡道矣佩有若之格言聆陽晝之明誠敬老尊賢白日彈琴不下堂而單父治夫治能如宓子化有不行者乎三代取民之制歲有常經民無逋欠是故廩有餘粟帑有餘財漢治猶存此義文景時間二三歲蠲民田租之半以紓矩政行而蓄積之素裕也後世苟且之治興經常之法廢歲之徵科

多取盈於良民而不致問於狡猾侵欺逋欠動以百千敲朴笞箠莫之哀息此曷故哉大學論治平道在絜矩仲尼又曰有國有家者不患寡而患不均能絜矩以均之則所以執樞御遠平民足國之術思過半矣或者又曰惟有德者能以寬服人其次莫如猛夫猛助理之微權而非長恃之善物是故宣孟夏日之威固不若子餘冬日之可愛也廣漢之鉤鉅發擱延壽之厲善移風固不若次公潁川之寬和仲卿桐鄉之牧愛也夫循吏奉職循理惻惻樸茂吏民安其不煩國家藉以成治善之善者莫大於是君侯其有味

入清卷六

十九

微省漫言序

昔人有言登高能賦材堪大夫負橐行游富可埒國蓋摘辭發化裁之緼繪藻成追琢之章此藝圃之大範詞人之嘉致也夫賦為古詩之流莫善於漢魏相如子雲均擅厥長兩京三都馳聲雅麗斯其至矣詩以盛唐為極明省庵從應制掄揚宮闕園亭游宴吟



詠體格閎鉅莊重美矣自唐而後不無歎焉吾邑喬君啓仁幼抱敏資長探墳籍布武泮林知名太學既而謁選銓曹維擇爲中書舍人覽瓌奇于都會脫鋒穎于處囊締交名流緝修文藝邇者請告南歸持薇省漫言曰賦曰詩凡若干首授于屬序子賦而善之曰旨哉賦宗漢魏詩效盛唐其庶幾矣是雖擬議之迹未克渾融試窺作者之門不失谿徑用志不已勤乎自茲伊始問學益進造詣益深以三變之文潤飾王度裁五色之詔婉美前聞必其所優爲也異時階資崇茂則將執象簡於螭頭書思對命留鳳毛於池

近稿卷六

于

上言大耿光此非儒者之至榮 熙朝之盛事乎予

日以是望君矣

長缺齋稿序

長缺齋稿者上海馮君子喬所著詩也子喬負隱君之行居然邠落嗇于逢時類古齊客馮驩遺有一劍蕭條耳且又同姓廼以長缺名齋因以名其集稿云刻完偕其友朱君邦憲詣予屬序焉予受而誦之既廼爲序之序曰子喬名遷父雪竹先生以詩人聞于時埋光林樾授徒勤誨一意尋繹夫詩於物外漠無所慕凡日用酬應遊衍必於詩乎發之予嘗謂唐人

詩品興寄玄遠不落言筌然緣飾性情未遠本實故其道足貴也乃若摹倣幽寂聲利爾耽鉅釘詞華志趣殊劣組織綺麗神采都捐是則詩之病矣馮氏父子陸沈闕聞之區性逸雲霄之上作詩取材漢魏效法盛唐雪竹之詮辭俊逸氣格清新庶幾入室子喬採掇菁英鋪張平實可謂升堂叔氏子潛亦能嗣音步武近時韋布之士父子稱能詩者必推先馮氏矣說者評雪竹之詩猶宋蘇明允之文子喬伯仲則子瞻之流亞也厥有旨哉予嘗品撫吾郡詞人自晉二陸開先振揚芳藻貽則來葉代有聞人我明 國初

近稿卷六

主

楊廉夫孫大雅游寓著聲表海叟顧孔文風詩振譽弘正嘉靖以來益多作者近如邦憲肆力古文廓視逖聽不襲故常時稱巨擘與子喬諸君倡和賡載美哉泓渢乎吾見其進而未見其止也昔者夫子以君子稱子賤曰魯無君子者斯焉取斯夫進德修業資伙友朋振古如茲其道則然也故予序子喬詩並錄時賢表章盛美期以拭目將來且示後之尚論者有所攷焉亦竊取夫子之義矣

鄉賢稱壽詩序

鄉賢稱壽詩者吳下諸賢爲隱君錢守中先生八十

作也先生幼業儒已而棄去業質隱居屢肆不虧鄉曲之譽晚歲受冠服之榮烏紗皓髮灑然如神仙中人間里稱之矣隆慶御曆之四載龍集鳴火月麗大梁壽星之次越二十有六日爲八十誕降之辰詩云八月其穫又云爲此春酒以介眉壽茲其時也維時陰陽始平金風戒節桂子萼華白露夜零祥光晝燦綺筵高張於是縉紳大夫及莪冠博帶之士達之聲詩表揚盛美哀次成帙孟子云一鄉之善士斯友一鄉之善士此之謂也予母夫人爲先生之族之姑先生舉子有親誼因以序屬予予惟今之論壽者或曰

近稿卷六

壬子

稟諸天或曰由于習譬之草木芄蘭之柔弱松柏之堅剛日及蚤凋大椿永茂性也譬之蟲魚蟬蛸之旦暮螭蛄之春秋龜鶴長齡鯢鵬運化亦性也又譬之染帛若羽一入爲縑再入爲縠三入爲纁四入爲朱五入爲緇七入爲緇習也性原於天判莫之齊習本吾身其道自別老子不云乎治人事天莫若嗇夫惟嗇是謂早服早服是謂重積德非所謂習乎守中與其兄一拙身處城郭之中心存泉石之樂泮魚桑榆之景偕耳黃髮之期予嘗觀之二君修習於身者其道則異其所以修習獲壽其事則同仲兄一拙曩常

商於齊魯之郊登泰山顛而惕然有感焉以爲天道下際神明旁燭罔弗照臨於是奉教玄元竭誠靡懈旣歸則夢寐岱岳修飾行祠晨夕懇禱致禮以治躬罔弗虔也守中則悟三一之道敦止攝之功視於無色之色聽於無聲之聲希夷沖寂至靜以養心無弗周也夫至靜養心則執要秉樞不驚於外故能壽致禮治躬則幅利屏欲無疚於中故亦能壽是以二君所修習不同所以致壽則一形神完好耳目不衰步履矯強不異壯夫此稱壽詩所由作也予廼總諸賢之指詠桂華之章著瑞感之應其詞曰稱觴介眉壽

近稿卷六

壬子

羣彥升君堂新篇麗丹腹雅調切琳琅主人將進酒肴核充圓方不醉莫言歸歡樂日未央維此秋仲節桂樹發華滋天香散几席玉露零階除入山覓三秀采采實君危相期保君壽百歲長如斯瀛洲開壽域壽酒增顏色祥光起斗杓瑞氣貫南極壺昇仙梯鸞鶴凌雲翼安期聚屢簪方朔桃三食爲此三詩開先羣玉俾觴祝之日叶奏聲歌爲守中君壽且以壽其兄一拙云蓋所以昭古先貴年之誼長百姓親睦之風著德門之錫類無涯彰仁里之光華不替也於是乎書

送邑侯斗陽先生入 覲序

今天子敦化正始軫念民生 制下宰司擇四方  
人之吏宣洽政澤期以儼古黃少 德意宏遠矣隆  
慶戊辰歲肝江斗陽張先生以豫章碩彥振跡甲科  
簡令上海君侯下車未幾彊力足以任重明識可以  
剴繁省約有以鎮浮民宜之戴之聲稱藉甚時會監  
司者至思抑兼併之豪誤庇訟人惑亂觀聽由是告  
訐之門啓矣江南諸郡縣靡然向風田野稼穡之夫  
舍本業事器訟日走數百里外訟公庭者不下千人  
充塞衢路饕餮是肆蝕我善萌君侯惻然愛焉以爲

近稿卷六

廿四

人有上田人民奪之有之以填饑虎之喙此而不禁  
亂之階也於是析別利害力諍大吏之前閭閻侃侃  
請焚訟牒于庭勒民歸就塋畝踰月之內若是行者  
二三訟始衰息鄰邑聞之稱侯神明萬口一詞鄭闕  
遏積豕之牙懷襄止濫觴之水不是過也乃若訟獄  
糾紛讒口亂真危詞奪本互勝不下君侯察別別色  
以片言決之定是非辯同異曲中情實不啻衡平而  
鑑照聞者蒲伏退罔後言次公察微於烏獲遂圖  
治於亂繩弗能踰也縣域西北吳淞江水在焉漚塞  
不治越有歲年君侯將撫臣之議仞高深具斧鉞出

公帑募民力疏治之不三月而功成地之高仰者可  
田沮洳之所無復汗萊穡人效功頌侯德美昔史起  
決漳水灌河內之田西門豹鑿渠通十二之利其功  
莫之先也已已之秋涿水傷稼人苦艱食入春不雨  
首種未生民益嗷嗷懼爲溝中瘠矣君侯虔禱于神  
甘澍時應入夏來牟蔽野擢秀兩岐耀奇穎於年和  
回天心而率育民可不飢侯之功也於是有張堪德  
政之歌若其加志膠庠申飭功令崇道率以躬行正  
學迪之經術文藝導之爾雅軌範圍以明倫士類斌  
斌咸奮然興起侯之力也庶幾文翁治蜀之化此其

近稿卷六

廿五

績效章章表著者也明年辛未正月爲諸方入 覲  
之期先是冬十一月君侯戒行黎民言曰侯以德澤  
加民者甚盛民之怙恃吾侯者甚殷夫強教悅安父  
母之道也薰蒸融液恒久之功也是故循政必積歲  
而後成穎川思借寇以暮月今君侯行矣無何滿考  
又將以遷召去安能久居茲邑慰吾民望乎咸慨然  
不悅思無以挽侯之行時有彥士作而言曰二三子  
何患乎侯之去也侯行重來將以惠政康濟斯民俾  
侯擢去任耳目之司進心膂之寄將必計安生民永  
有大造於茲邑蓋君侯之於上海猶昔賢之桐鄉并

州也茲邑之民不忘君侯君侯忍忘茲邑哉於是博  
士弟子偕送君侯之行賦九章之三章其詩曰公歸  
不復於女信宿迷民挽留之志也尋賦黍苗別焉賦  
黍苗蓋以甘雨望侯也侯忍忽然吾土俾民藪藪無  
穀也哉已而學師陳君邦亮潘君子冲告予請序爲  
贈予曰民黎眷眷不釋之情冀留君侯者私而專彥  
士慷慨忠告之辭屬望君侯者公而大若所賦詩又  
古贈言之誼也遂載諸簡畀焉

賀徐慶齋八十壽序

予曩時宦游南國聞諸士大夫言曰邇者傳言望氣

近稿卷六

七

老人東至海上詫曰美哉郁郁乎 國家百七十年  
以來寰宇清平品物豐遂陸海祥光起於攝提之府  
青龍之宮連亘南極南極者老人星在焉所以司壽  
命炳幾先者也茲垂有爛之文其瑞應在吳越之交  
乎繇是而後當有麗眉皓髮之叟產乎其間享期頤  
之齡晉無疆之祉將益侈於今日者矣予聞言而識  
之時未之信也後三十餘年予始歸田又自歸田復  
數年習見里中長老存齡儲筭視諸疇昔加多其田  
野之夫未仕朝者不暇指數其仕于朝而歸歸而引  
恬引愉逾八袞而上如徐白齋慶齋昆玉者四五公

又自稀年而上如予者復數人精采渙溢視聽聰明  
油然不知年數之邁也迺憶前聞之言信而有徵不  
虛矣今年庚午蜡月二十六日慶齋先生八十誕辰  
吾邑縉紳大夫暨逢掖之士羣然思集于其堂祝先  
生壽迺先期以文詞屬予予述前言相告語諸君子  
聞言咸加羨嘆莞爾而笑曰有是哉復言曰詞有進  
於是者乎予曰夫壽胡可易言哉人有惇龐正直之  
德而後契乾坤簡易之心抱沖一純和之氣而後凝  
岡陵作朋之壽胡可易言哉憶予弱冠時與慶齋昆  
玉交也二先生文學高等屢屈文場後相繼貢于京

近稿卷六

七

師白齋領薦北畿尋授德慶知州慶齋謁選銓曹授  
浦城縣佐已而致其政歸賦子駿之遂初覽老氏之  
知足傲墳素而自適耽觴詠以夷猶墳麓協伯仲之  
和適豆陳飲酒之飲詩云孔燕堂第宜兄宜弟慶齋  
昆玉有焉迺若教子遺經克勤堂構業衍箕裘仲子  
著聲於黌校叔子擢秀於秋闈蓋殖學而器成瑚璉  
圖南而奮翼雲霄者也詩云孝子不匱永錫爾類先  
生有焉若其攝養提身捐耳目之欲而舍其醇固鄆  
鄆之藏而貞其守循五氣之和以祛其沴茹百物之  
華以餌其精數爲鄉飲賓步履康強禮儀中度行以

采薺趨以肆夏蓋無忝古之老更而聳觀聽於橋門者也詩云樂只君子德音是茂先生有焉德以承祉祉以凝壽壽胡可量哉諸君以予言爲然又曰詞有進於是者乎予曰予聞之西銘人具乾父坤母之德必廣民胞物與之量公而不私此盡性之事行仁之方也昔人有云一命之士苟存心愛物於人必有所濟予又聞諸易卦之六畫言三才又言初二民物三四臣位五君位上無位說者謂上無位致仕之老當之順之上九曰由頤厲吉利涉大川井之上六曰井收勿幕有孚元吉漸之上九曰鴻漸于陸其羽可用

述稿卷六

文

爲儀吉蓋上雖無位處身退之時無事任之寄而均之不無民物之責者也若能以其自養推以養人衆冽普勿慕之利羽漸樹清遠之儀則德自我立命自我凝壽胡可量哉由前望氣者之言以天而徵諸人者也以天而徵諸人今其驗矣由予後所言以人而合諸天者也以人而合諸天天之我應也如響是故養生之鴻寶永世之著蔡莫加於此矣此非予言也聖賢相傳之言也予與諸君子交修而共易配天之命可焉

浮黎子雙修訣序

予讀雙修訣而知浮黎悟道之真也往者觀佛氏論二障謂堯舜事功曰事障孔子文學曰理障未嘗不高其說之異而訝其意之偏夫聖人道德純備出其土苴以治國平天下又出緒餘以垂世立言事功文學何足以障聖人哉老子之論道曰常無欲以觀其妙常有欲以觀其微昔賢論孔子亦曰絕四無意無必無固無我聖人之道德於事功文學曷常岐而二哉予嘗喜關尹子之言有曰人言以無知無爲者爲無我雖有知有爲不害其爲無我譬如火也躁動不休未嘗有我人能以是言求之則於浮黎雙修之訣

述稿卷六

文

思過半矣

刻采薇集序

采薇集者雲間董幼海先生戔管時所撰詩辭也完刻問序於予予惟古賢士大夫出而顯庸於世直諒有爲守職昭靖共之節當言者蹇諤之聲退不得志於時發憤奮興進修重居業之實感孚成過化之神故其道足貴也在昔有唐韓退之氏柳子厚氏二君皆以雋才貶斥嶺表垂翼遐徼粵有歲年居閒振厲文詞泓深博雅說者謂得山水之助居多五嶺以南舉進士業者率以韓柳爲師經承指畫文有法度

可觀覽世皆稱之若今幼海先生又有大焉者矣先生天衷穎異奇瑋不羣弱冠蜚英甲科拜官省署綽有賢譽無何言事謫謫肆抑志以還迴顧叱御而高步履鉛槧而好修叶辭章於矩矱日征月邁文益有名繇是南裔之區冠綏之士觀德漸摩蹶然思奮講藝者尚其文論學者法其行聲應景從無間遐邇其作興士類之功方之韓柳異代同聲人亦有言先生之朗寧其退之之潮陽子厚之柳江也信哉言矣迨其環復中朝游歷卿寺聲問燁然晉膺九列風猷日赫蓋存疾疾而慧知廼全行弗亂而大任攸降是故

近稿卷六

三十一

式則獻賢圖不朽於三立潛神聖學期庶乎於屢空殫力經邦恥穀祿於有道此又名世之鴻烈志士之上模也視諸韓柳所樹相去奚啻千里哉是可以觀先生之大矣乃若詩辭可傳特餘事耳集名采薇取周雅遣戍之義其它著述不在是編若樂府之淵深步趨漢魏歌行之宕逸不減盛唐會意於牝牡驪黃之外不滯於色澤行墨之間見諸名賢之許者詳矣予可得而略焉

笠江先生近稿卷之六

笠江先生近稿卷之七

序

周易輯義序

傳有之曰河發龍圖言天以易示人也犧垂象策言聖以易合天也易之爲道大矣哉夫易原本太極苞絡陰陽權輿造化煦嫗民物函性繕情標形傳色窮微貫幽躁靜卑尊定其體承乘比應殊其用順逆失得效其施悔吝吉凶昭其跡古我伏羲畫卦重交闡先天之秘闡象數之宗斯其至矣逮文王作彖辭周公作爻辭孔子作十翼而易道備焉卜商商瞿親授

近稿卷七

一

孔傳兩漢則丁孟京田荀劉馬鄭之徒更相祖述魏則王輔嗣之註獨冠古今學者推尊注疏行世唐李鼎祚云鄭多參天象王全釋人事易道豈偏滯於陰陽者於是集虞翻荀爽三十餘家刊輔嗣之野文補康成之逸象成茲集解亦既流傳至宋儒術棼明若伊川程氏之傳晦菴朱子本義皆淵源王學而二書沛然大行于時矣我朝因之立於學官凡師之所教弟子所肄習獨宗朱子昔儒有云隋唐以前易家諸書逸不復傳賴李氏集解猶見一二然則古易師諸說胡可廢哉予嘗有言曰崑崙之水舉其發源滄



濊无垠衍而為河流匯而為滄海至于海而水之觀盡矣義文周孔之易辟則崑崙之源也註疏集解辟則河之衆流也程朱傳義辟則海之會歸也是故由註疏集解而上溯四聖之微言則端倪可測矣下徵程朱之著述則脉絡益明矣予邇年潛心易學取古今人之論著者反覆攷觀因憶昔儒吳立夫之論易云談理致者多溺於空虛守象數者或流於識緯廼以斯語定為折衷去浮文存本實爰煩雜略玄虛錄其發明象義有裨經學者彙集成編一得之愚偶有見聞不揆淺陋亦以附入名曰緝義說文緝者繼也

近稿卷七

二

續也亦叶也謂其繼續前聞叶和易義云爾錄藏家塾備朝夕觀易之資昔吾夫子之贊易三絕韋編其於易也可謂彬彬矣它日又曰加我數年學易可无大過然則望人之於己蓋有終其身而疊疊不厭者焉况吾人學聖未能一聖者乎因書以自厲思繇絜靜精微之教以造致崇德之階未能也貽示同志靳就正焉

賀海鄰張君七十壽序

萬曆天子御極之始歲值壬申冬十月二十五日海鄰張君壽七泰誕辰時姚君子良偕里中親友往壽

君因予弟子盡乞予言為觴祝之侑詩不云乎十月穫稻為此春酒以介眉壽茲其時也君居東海之上世業耕讀密邇滄溟朝夕與偕有契於水故自號曰海鄰人稱之亦曰海鄰君云子言之智者樂水君其智者耶是故有取於海矣大哉海德毓異鍾靈君子觀之心以源澄道繇水悟茲有取於海矣今夫海環天下以為紀匯萬流而委輸景濞潏而彌空波隆頽而罔極善下成朝宗之所流謙為百谷之王是故觀其所受容納之量可知也在朝則為朝夕則為沙盈縮每占於應月津涯一準於歸墟奔騰無損於湯侯

近稿卷七

三

靜止不驚夫海若是故觀其流逝屈伸之度可知也方其靜時四望無雲纖波不起遲日麗空皓月行夜水天一色倏忽變焉岩石怒飛魚龍澆濤電擊雷轟天傾地裂宇宙為之晦冥百靈于焉震懾是故觀其動靜氣候之化可知也乃若川后效順六氣斯和嘯拂生而成風陰濁散而為霧膚寸合而興雲甘澍降而作雨澤焦枯于禾黍散餘潤于根莖是故觀其所施美利之普可知也波圓折而藏珠水方折而韞玉綬畧兼收夫朋貝番舶畢集乎奇珍山丹水碧鱗次叢生夜光珊瑚瑯明枝映是故觀其所產貨殖之富



可知也是故觀於海而水之觀盡矣是以有取於海也子又言之仁者樂山又言智者樂仁者壽夫人之智者必仁矣樂水者亦樂山矣智則周流不滯其才不置其量有容處於人已物我之間裕如矣君其智而仁者耶若智與仁則年之難老與岡陵而作朋福之攸同偕川流而增進壽焉有窮耶君是日舉長春之燕會 朝廷下優老之詔軍民七八十者咸有子賚若德行著聞為鄉里敬服者給與冠帶于時庠生耆老咸擬推君應 詔君之德不益光乎予弟紀君之行有曰君生有志歲未週而喪母十二而喪父稍

近稿卷七

四

長讀書識大義已而棄去專力生產內外經紀拮据捋茶家日以裕是其才也居常敦尚素心恂恂恭謹歲時孝享悲哀不忘於怙恃推宅讓財白首益篤乎友于仁以睦宗撫羣從如已子誠以御物重然諾於片言是其德也鄉鄰有鬪不忍閉戶善為解紛人有急難不問親疎樂為賑卹鄉之紛爭曲直有不之官府而取信於君之一言是其施也君鄰於海得於海者不已深乎君配姚碩人即子良姊有賢行儷德偕壽生子若孫濟濟克慎堂構後祿永綏猗歟盛矣吾弟繼室張宜人則君之季女君與予有瓜葛廼詮次

成序畀之

賀封太夫人郭母八十壽序

隆慶壬申歲河南郭相國東野先生母太夫人壽屆八袞先生服黼袞之榮效侍綵之樂鄉人咸嘖嘖羨美洵桑梓之華觀寰宇之希邁者也東海文學朱生邦肅時游鄴下獲登綠野之堂荷國士之遇無可報塞謀所以壽太夫人者歸問序於予朱生清才敏識婚予從女子不以常壻畜之既不克辭其請又嘉靖辛卯余以刑曹郎典河南試事相國予所錄士也詎固通家獨不欲為太夫人壽哉廼復於朱生曰握照

近稿卷七

五

乘之珍者必歸功於合浦重連城之璧者恒溯本於崑岡是故姬文有純德詩詠太任之思齊鄒孟躋大賢世頌母氏之善教然則太夫人德懿固可徵於相國相國為之子不益以縣太夫人壽哉夫古今之列台階任鼎石者更僕未易數然供甘肱之奉循定省之儀者顧不多得豈非相位未易躋進必聞望慕隆勲猷彪炳積數十年而後至如其親之不逮何相國早擢魏科置身金馬蘭臺石室發秘抽玄代草宣麻鏗金戛玉疇昔 世宗皇祖時歡投魚水任寄鹽梅人臣之位極矣廼感切望雲而心傾愛日遂抗二

之節陳乞以歸承懽膝下率弟鴻臚君某進士君某朝夕上食太夫人恒喜溢眉宇間蓋不必啖方朔之桃薦安期之棗採少室之花酌菊潭之水其徜徉桑榆之景有餘樂矣非太夫人何以有相國非相國曷克壽太夫人也昔唐張文獻公宋寇萊公我成祖朝楊文定公金文靖公皆既登相位猶侍慈幃至今膾炙人口然未有如相國之優游色養彌久彌康者憶予曩時常有兩河之役循行茲土眺太行上黨之雄奇挹隆慮韓陵之美麗覽濟源百泉之嘉勝溯洄漳溢衛之川流廣衍渺深環奇挺異意必有名卿儒

近稿卷七

六

世

碩賢媛淑德出其間迺今於太夫人母子得之矣予又惟君子之事親聚順導和修德迓祉介壽無疆成身之孝也其出仕于國匡贊密勿勒勲鼎彝炳煥聲光移孝之忠也今天子冲年神聖圖治右文追蹤堯舜軼駕商周不世出之主也行將寤寐舊德召先生還矣先生寵躋元輔潤色鴻猷恢張往烈則一德交成於鈞軸明良契合於逢時譬諸雲龍之興霖雨方隅功齊吹萬和羹之味調諸鼎鼐斟酌甘芳視商之阿衡傳說何以讓焉若然則光顯其親益隆不替天錫純嘏爾熾而昌予日以是望先生矣朱生聞

之喜再拜以謝曰至哉言乎可以壽太夫人矣于時季子允亮在側請附名篇末以展通家之誼予領之遂書遺相國俾爲壽觴之侑云

贈喬元洲之任潞安貳守并壽其母太宜人序

吾邑元洲先生宏材碩學奮庸甲第一命而爲大夫出守安吉政成治和爰有民譽迨滿考之期爲隆慶六載時維暮春擢貳潞安之任便道歸里中四月二十有六日會母太宜人儲氏六十有二誕辰大夫舉耆年之燕率宗黨戚屬子弟前爲母氏壽里人以爲華時邑中縉紳諸士與大夫交游善者思以頌大夫

近稿卷七

七

之行且爲其母氏壽來質言於予予嘗覽觀洪範九疇敘次五福有憾於天人交與之際也曰淵哉言乎其曰壽曰富曰康寧曰攸好德曰考終命夫人情莫不欲壽壽爲福基是故壽先之亦莫不欲富富祿充盈則心泰無不足是故富次之疾病惘惘人有憾生是故康寧次之德者心所得脩之則吉命爲天所稟順受斯正是故攸好德考終命次之夫壽爲諸福之先德爲致福之本其招徠應感辟之梓鼓形影然無毫髮愆違者矣母氏秀毓中閨溫德柔順來嬪于喬爲上舍春山君之配尊事舅姑以孝敬聞贊相夫君

克宏堂構春山君以禦寇功獲階冠服之寵訓迪胤子茂明儒業晉登鵷鷺之班後祿永綏遐遐駢集四月維夏麗日行空卉木嘉止葵榴始華值母誕辰得氣之盛與數之長寔肇諸此蓋將介期頤之上筭並寶婺以留輝是其壽也世家瀕海沃壤奧區有魚鹽杭稻布帛之饒治產積居與時徵逐歸於殷厚若子之通籍朝家益資祿養是其富也造物者之於社澤靳以其全畀人母氏之賢履泰葆和景近桑榆形神逾壯川陵松柏引其年牢醴鼎烹備其養珠璣雲翟迓其封善積凝禧敦龐孔固是其康寧也禮以提身

近稿卷七

人

文

敬以律已任卹以睦俗義方以迪子力學效能允之訓飭行紹主績之勤詩云永錫爾類又云式穀似之是其好德也乃若達盈虛自然之運獲履信思順之宜芳問徽稱昭我管彤潘輿毛檄輝映今昔詩云千祿豈第又云求福不回是其令終也夫五福備具匪曰易能母氏得之此人生之鴻寶闔房之高秀也錄是傳播遐邇萬口詞一莫不以爲匪母氏督教之力無以策大夫建豎之勲匪大夫孝德之純無以成母氏榮享之盛是日也綺席高張冠蓋雲聚錦旋彩侍爛其盈門座客咸相詫美謂爲希有廼賦闕官之八

章祝母氏之壽其詞曰魯侯燕喜令妻壽母既壽福祉黃髮兒齒所以祈母善於將來引引繩繩日新未艾也又賦下泉之卒章貺大夫之行其詞曰芃芃黍苗陰雨膏之四國有王郇伯勞之今天子加志民艱適求良牧大夫茲行泓沛如膏之澤覆露上黨之民覃及四方齊聲往哲則所以錫母氏之光增益壽考至無疆者在是矣予以爲諸客之言善頌善禱遂詮次其語書以畀之俾爲壽觴之侑焉

送邑侯鄭鏡泉入覲序

近稿卷七

九

本

尤親民蓋天生民以民治界之君君以治民責之司牧是故世重循吏漢紀龔黃張趙卓魯王陳並茂聲稱然治原維伯進之於古若子游絃歌播于武城宓子鳴琴洽于單父子路三善著于治蒲斯能倣儒術近王道矣說者謂武健精靈外飭耳目之觀不若惻愍無華卒成歲計之效有由哉隆慶辛未冬十二月廣中鏡泉鄭侯起家進士來今海上下車之始平政省刑宣慈布寬以仁人長者之道視民民以弱子戀慈母之心視侯未三月而頌聲作矣會上官以漕運渡淮程限上計部誤謂侯遲緩例應左官寔非侯

事也民庶聞之慨然不悅懼侯去任侯待命邑中不視事者餘三月已而撫按二院白侯狀得不遷又兩月報至侯始視事民始悅侯未嘗改於初志不務慘刻驚搏以樹已威不飭廚傳供張以博賓譽聽訟折獄恂恂如家人父子言剖決使去昔人所謂其政悶悶者非與侯固不先目前淺效易歲計之有餘邇便習政體思舉弊正偏補疇昔之不足民咸跂踵以須盱衡而侯喁喁然日望利澤之已及也萬曆初元歲聿云暮時天下諸司例以明年甲戌春正朔入覲侯先期戒行民感然言曰侯之去也孰爲民留行乎

近稿卷七

十

侯去不可留誰其紹乎去而遄歸今茲數月誰撫我乎其與九畹之歌哀衣魯人之誦章甫厥情同矣吾邑縉紳賢士二三客謁予于庭舉邑民之言問予予惟國家令甲以六事責守令守若令持而行之三載則述所行以復于上有勢所不得爲與力不能爲者昌言于朝以聞于上上則下之六官叅互考成復責之守令以行于下矧今天子冲齡神聖祖唐虞之蹟沛維新之治通變宜民其在今日侯之行也於吾邑不有大利乎哉吾邑昔稱澤國上腴乃今漸不古若一二載來力田逢年汔可小愒然宜民之

利有未盡舉蠹民之患有未盡去者乎謠俗習浮遊民彌眾非祭之鬼日煩月益金鼓鄭聲溢巷充衢衣飾侈靡犯分踰制不節之嗟有未革乎豪強饕餮魚肉良氓訟師族據淆亂本實脅徒詭秘抹檄吏牘頑民鼓鑄偽銀惑市奸欺滋長有未盡洗乎昔之論治者曰三尺之岸虛車不登百仞之山任重車登焉陵遲故也一仞之墻民不能踰百仞之山童子登焉而畏之故鮮死焉是故弛張之權揀時之用類可推矣邑中賦稅繁夥民甚苦之邇者度地均糧聞額外

近稿卷七

十一

贏饒米至萬有餘石歲辦正米以石計折銀以兩計者各十五萬有奇每年徵米八分已足解川之需餘則奸民逋欠豪猾侵隱習爲故常良民觀望以濡遲催科筆楚而亡補職此之由也若挹損盈虛折以中正則均沾減節之利莫遁影射之奸賦不其平乎今夫琴有疏數雅雜之聲更絃乃暢量有斛斗升合之異平槩則均是司計者加之意焉耳曩者倭夷入寇邑治傷殘邇聞閩廣之盜交連番舶在東甌巨海中數以百計談者變色夫謹衣衾之戒則門庭戰守貴豫圖也厘桑土之徹則海道船兵當蚤計也安處堂

之樂忘徙薪之慮可乎座客謂予曰吾子爲邑人計者詳而盡矣然所言皆過也民俗否臧係于倡帥化裁通變呼吸改觀何必威嚴予曰然客曰賦法均則出納正邑上之郡郡上之諸司請之撫按則會計當民志定矣何必司計之大吏乎予曰然又曰閩廣之寇舊多潛伏山谷急則泛海通夷邇者督臣窮加齟齬肅清此釜鱗井鮒耳子以爲海大魚乎又東南海道數千里而遙環海郡邑衛所基列星羅奚啻數十廼獨爲吾一邑慮昔人憂江河之竭晨夕益以杯水則悖杞人憂天隆戴盆于首心日震惕而不寧則愚

近稿卷七

十二

予矍然起曰吾過矣吾過矣客去未數日復至以序文見屬予廼次第前語贈侯之行以慰邑民之望且以識予過焉

送郡侯查紹亭入覲序

予嘗讀易象辭至澤上有地臨木上有水井而悉古民牧之道焉臨曰君子以教思無窮容保民無疆井曰君子以勞民勸相教思治允澤之深容民擴坤土之量勞徠儷井之用勸相法井之施民牧教養之事不其備乎臨九二曰咸臨吉無不利剛而得中上應知臨之主則浸大之化行于民矣井九三曰井渫用

汲王明並受其福井渫具寒泉之食遇主致及物之功矣是故君臣誼合治道不其就乎吾松澤國腴區淳龐禮讓之風自昔記之矣邇來漸不古若謹俗淳競告訐盜起吏隸胥史相扇鼓益盜奸民咸喁喁然搖惑不安衽席之上者久矣此其故在官不守度民不信法也夫法者上之所操正尺度以砥下者也理事之臣輕重倒持往往作聰明亂成憲矯誣驚刻倖求鬻鬻之名民人靡所適從抗玩詆欺遂成邪僻之俗今天子龍飛之始新化圖理勵精天下之務日求所以安定斯民者職在長吏勅銓司崇俊簡良

近稿卷十

主

以充郡邑之選海寧紹亭查大夫曩守安慶有賢譽廼調補吾郡缺員大夫稟中和之淑質苞淵穎之異材仰事文明之主夙夜靡違俯存篤恭之忠儼惕不懈下車之始謀所以佐百姓之急日皇皇單厥心焉政事紛糾殊塗百慮辯之明若觀火蒼赤緇素莫之惑也情僞微曖言發盈庭接之勢若迎刃四顧踴躍罔弗解也示之法軌章程濡以深仁厚澤取舍好惡之極右善彈惡之情悉著聽斷言詞之外煦如青陽靡不和也凜如秋霜靡不肅也是故未踰歲月而民志改觀詞訟衰息古所謂循良之吏非大夫誰屬

哉夫循良之治必久任而后成也在昔 宣廟時  
保定趙公豫守松時戍兵騷縱擇其甚者杖而配邊  
安靜愛人省役輕賦滿考吏民赴闕下數千人奏留  
增秩入覲則 錫宴賜衣在任十有五年遺愛賢聲  
越在民口今如一日大夫之來方講求利便漸次圖  
惟廼今以入覲行矣茲 明良會聚修舉先朝故事  
褒庸懋賞知大夫必為首稱留以久任殫其承流宣  
化之勲以需公卿丞弼之選矣吾郡不有大利乎哉  
然予所望大夫者不顧顧循吏已也常稽郡志我  
國朝名臣曾有事茲土者得數人焉夏忠靖公原吉

近稿卷七

古

以尚書視水至周文襄公忱王三原公恕彭莆田公韶  
皆巡撫至水利底地成之績平賦沛樂利之休澤被  
生民勲流社稷胡南昌公儼魏文靖公驥以司教至  
陳臨海公選戴恭簡公珊督學至植立師道菁莪播  
樂育之聲樓榭詠網紀之化才賢輩出功著國家樊  
清簡公瑩以守郡至吳梧州公廷舉佐郡至貞介絕  
俗純誠愛民海隅沐教養之仁宗社享榮懷之福豐  
功瑋烈隨寓茂聲此上臣之駿圖名世之宏伐也雖  
古皇變伊傅之業炳耀千古非其一念始基之志曷  
以至茲傳故曰志伊尹之志予方拭目日以俟大夫

矣

封少師觀瀾張翁七十壽序

萬曆改元之初龍集癸酉冬某月某日為 誥封少  
師觀瀾張翁岳降之辰是歲胤子柱國少師公以  
建極殿大學士簡濟元輔翁以 恩典封如子官會  
子仲子允端使事如京師歸述公相業之宏獎掖之  
厚且以翁誕期告請予頌言時長子允哲公所舉士  
也刺黃入 覲便道省予陳翁福履趾隆耳目精明  
甚習季子允亮東宮錄事公屬吏也時亦遷職歸侍  
持公疇昔贈予七十詩懸諸草堂諦視之詞旨溫文

近稿卷七

十五

焯乎暉光如一日也予思酬言報德詎容以無言乎  
哉予惟世之論壽或曰繫所生地之產天之賦是已  
或曰繇諸養德之修子之孝是已憶昔 世宗皇帝  
時歲庚子予有西川之役泛舸東歸浮岷江下荆門  
瞬息百里覽思南嶽太和諸峯聯奇布彩汚漠沮漳  
諸水匯合支分洞庭雲夢之波蒸霞吐日知必徵諸  
人文當有儒才儒碩出焉翁橋梓時方以文藝騰譽  
膠庠播在人口予竊聞之知地靈所鍾洵美且異也  
越數年歲辛酉予總憲內臺公貳司成時時從京邸  
晤言諏詢政治咨購才賢公論議英發宅心雅醇既



長經濟之才兼具相臣之度公輔之器望屬惟公知天之賦與卓爾不羣也予歸又數年新主御極公握元樞一德交孚懋弘華實功齊吹萬聲與風翔于時寓內又安北胡款塞蓋公移順親之孝爲致國之忠恢宸歷於勳華之上保皇躬昌億萬之齡固天下同仁壽之域太和融液始自庭闈翁之眉壽曷其有極蓋不必啖王井之運剖鮐仙之橘膾丙穴之鯉弋衡陽之鴈悅口有餘味矣不必解佩環於芳渚馭黃鶴於層樓訪故蹟於章華覓奇石於息壤暢心有餘適矣不必聽陽阿於郢市聆激楚於蘭房寫廣

近稿卷七

七

樂於鈞天遡鳳鳴於蕭史入耳有遺音矣翁壽何極哉維是誕日極婺生輝配一品夫人趙氏偕德儷美季子居謙長孫嗣文並舉于鄉樂事賞心輪輳幅集四方冠綬之士白叟黃童之倫爲翁介壽稱觴踵接戶外酌彼春酒爰躋翁堂嚶爲崇年之燕禮樂交作瑞應繽紛升歌鹿鳴四牡皇皇者華頌公昭登之績何偉也笙南陔白華華黍陳公純孝之德何備也又歌魚麗南有嘉魚南山有臺彰翁福祉之綏孰與京也笙南庚崇丘由儀表萬物告成之利胡明庶也夫天地位而萬物育體信達順之功乎上道化而齊黃

軒華胥大庭之世乎允若茲治何以不及唐虞壽何以不及喬松也天下同仁施由親始翁壽曷有極哉此寰宇所希觀簡編所載未之前聞也不揆淺劣廼總朝野遐邇之情綴聚數辭之內祝翁無疆之壽恒於斯矣非直祝翁已也少師公身宅端揆遠在三千里外所以鏤愛日之誠紆望雲之臆者亦恒於斯矣於是乎言

贈別駕黃來鶴膺獎序

柳爲楚鉅州勢聯衡嶽帶九疑志稱俗尚魁奇忠信人士好學其地氣使然也予憶嘉靖改元柳文簡何

近稿卷七

七

公孟春以少宰去位文行卓然名時予仰之久矣今年冬十二月潤州別駕來鶴黃君來署上海篆事君侯以文簡餘冬序錄貺予因與談土風士行知劉君本學廼君侯之師也劉昔年佐常郡亦署邑事時有海寇守城功又廉介絕俗予作郤尹光先去思記附書劉事表著其賢君侯恂恂雅馴夙有良譽予竊重之因嘆楚材之盛若是乎傳矣居無何會侍御蒲溪李君事竣北還馳檄崇獎君侯吾邑學博諸君暨諸生先後詣庭以贈言見屬後以司訓程君撰君侯行履示予言曰世之居官有狷介端潔不污者矣而以



之蒞政歎於繁劇君子曰此慤士也可以觀守然難語達有應酬捷給剖決如流者矣稽其操履則巧於豐殖君子曰此敏士也可以觀才然難語粹如若而人雖皆用才者所不廢然以是稱于天下曰全才則未也乃若內慤而才充有濟外敏不流于俗則節能以守才可有爲古之所謂重厚少文卒以安劉身不勝衣言不出口而克舉管庫士者即其人矣如君侯者其若人之儔乎以荆楚傑士佐守鎮江端厚寬平不設城府精明練達老吏鮮及厲冰蘖以守官常捐已俸而佐公費不踰越厥志督治諸邑水利經畫咸

太述稿卷七

六

宜視篆丹陽志切人隱興華民所利病克殫厥猷未及替月民愛戴之若赤子戀戀於慈母不忍舍去時邑有巨俠稱桀驁難制黨與蟠結朋奸時當道廉知未敢誰何君侯以計擒伏罔動詞色其才識迥別鸞鳳鷹鷂異用蓋兼有焉又曰凡按院祭擇屬吏視履任之淺深暨才能之臧否薦舉禮待異數其制也君侯有守有爲顧僅止於獎何豈數有所拘不之及耶抑以君方宜其位不欲其速擢以去是以遲之故爾然按院相代後院之薦多前院之獎者若是則君侯資益深望益重聲光披拂顯擢誕膺又奚能久淹也

此因侍御君之言以廣其義邇治行之實而非詡於詞是可爲君侯贈矣抑予於是又有言焉嘗攷往牒史遷傳循吏曰守職循理亦可爲治何必威嚴哉其紀孫叔敖子產公儀休石奢李離五人而止至班史紀龔黃卓魯諸人則叅跡伯功厥義不無少踰矣在昔孔門弟子若宓子賤治單父彈鳴琴不下堂而單父治巫馬期亦治單父戴星出入日夜不處以身親之而單父亦治子賤之任人巫馬期任力任力者勞任人者佚人曰宓子賤則君子矣此王道之流亞也子聞之曰君子哉若人又曰魯無君子斯焉取斯故予於君侯贈言效法孔子綴以前聞于以張楚材之盛君侯有純德假以旬月發之以悃誠示民以禮樂則鳴琴之化當於吾海上載見之罔俾洙泗高賢獨茂聲稱於單父而已也

近稿卷七

九

賀張心泉七十壽序

孟子謂萬章曰一鄉之善士斯友一鄉之善士一國之善士斯友一國之善士天下之善士斯友天下之善士論取友也余謂孟子之言可以語壽善蓋於一鄉則壽出一鄉矣進而一國又進而天下則壽以一國壽以天下矣曹風云淑人君子其儀不忒正是四

國又云正是國人胡不萬年雅云樂只君子萬年無期又云遐不眉壽德音是茂遐不黃耇保艾爾後繇詩所稱淑人具心結儀一之善享正國萬年之休君子樹修名懋德之基獲壽考保艾之福此壽論也余故曰孟子之言通於語壽若吾邑心泉張君者非鄉之善士乎幼稟淳朴穎敏之資長探詩書文藝之學君方弱冠已著聲聞始試有司為邑令鄭思齋獎賞督學使者聞人首擢入庠已而應例登入太學非其好也司成李南渠公深加器重許為科第之英君內事父母孝養罔虧出事長上敦協義禮喜延納賓客

近稿卷七

三

治款觴詠竟日忘疲然性木訥謹愿口悛悛不能道一辭以故黨里之人鼓釁侵侮役訟頻仍舊業日絀矣君心休休處之裕如識者蓋已賢之晚歲謁選銓曹冢宰高中玄公得君卷奇之時例貢與選者數百人首君授鄧州別駕州當南北孔道日中為市馬廐牛犢驢頭諸畜產販鬻竟內千里輻湊鱗集征稅厥有常額額外歲多餘羨州別駕治之恒私取為富利往時貧缺求得者恒持四五百金賂權要關通始得習為故常君獨不持一錢而得人以為難訝時宰之公明頓除宿弊喜張君之積學能受上知也君之履

任恪守常俸一無所苟鄧士民愛之甫一載即擢楚府護衛經歷君慨然嘆曰吾年六十餘安能復以五斗粟折腰向人耶遂乞休還客勸留不聽促裝南歸行李蕭然嗟羣蟻之慕糴營營世路厲飛鴻之避弋皎皎雲逵是又非庸眾人所易及者余故謂君為一鄉之善士然則君壽不將蓋一鄉乎是歲甲戌八月十有六日廼君懸弧之旦時涼風屆節望月澄空桂實降庭露華委地老人星見斗極輝聯是日舉崇年之燕綺席高張禮樂備舉祥光瑞氣鬯滿戶庭懿君眉壽當如詩人所指永永無極矣會君孫壻文學朱

近稿卷七

廿二

子家法以壽文屬余余遂次第是言俾為觴祝之助文學雅志修辭苞舉典籍將登作者之途余嘉其坦腹之材當遂觀光之薦連茹南征羽儀漸陸肆亢朱氏之宗錫外家之祉余於吾子卜之日以望之矣且為心泉君喜遂附書焉

壽處士瞿慎齋九十序

時維九月無射應律條風屆緒天子授總章之杖世婦獻功裘之衣命百官貴賤無不務內以會天地之藏無有宣出余時解組歸田為日也久抱病捷戶習靜忘言對菊黃華浥朝珠露高孟嘉之雅致增宋

王之遐思時有文學朱子元孝石子啓元石子啓行  
黃子雲卿劉子季球詣予言曰先生役志藝文纂繼  
前軌爲時宗盟若夫尊者艾奉人倫尤素所蓄積也  
邑處士瞿慎齋翁春秋九十高矣是月十日迺其懸  
弧之旦擬稱觴致祝靳先生一言寵昇之余辭以疾  
未能也而諸君請益堅余嘉翁眉壽之特異迺以所  
壽翁者屬諸君草創討論俟余擇焉越宿季球總羣  
言示余曰懿哉瞿氏先世汴人自宋室南遷徙居海  
上世有隱德父峻卿誕翁之夕夢雲中降一柏植庭  
不移時誕翁翁修齡豐頤少具岐嶷之狀鬱鬱蒼蒼

近稿卷七

世

人咸偉之幼即喪父筑筑哀殯如禮既而肄業經史  
有能聲會里中賦役事嚴昆季析爨翁乃棄去鉛槧  
奉養母氏內外稱翁孝友居常以道褊身好讀老莊  
言面折不能容人過乃其言恂恂畢吐肝臆族有逋  
賦被逮者傾囊周給往有爲仇家所持誣訟監司者  
翁以布衣效魯仲連術排難解紛得不死嗣復訟于  
郡郡大夫廉翁齒德召而訊之翁首遺不能蒲伏紆  
徐出數言郡大夫低迴罷理北關外置良田數畝辛  
勤錢鎛日拓厥業旣而孫進士伯恭君生孝齋齋翁  
摩其頂曰汗血之足當塗乃良第衡勒不可弛耳日

日教育底成其悃悃不華識達大體如此翁真長者  
哉又曰壽者厚也天以委和厚之人也元氣氤氲周  
浹區宇浮而融結景星卿雲麗焉散而潛翔麟鳳龜  
龍產焉鍾厥靈秀則老更耄耄期頤之人出焉是謂  
培於和者厚也公尚玄同甘谿谷周急恤窮先人後  
己非漆園叟之能下乎計蔗蓂明積聚不自封殖咸  
感推誠脫人於阨非王彥方之淳茂乎竭力養親惇  
睦族黨光崇退讓所謂孝已之溫恭何以踰焉於下  
可以語海海輸委百川盈虛潮汐逝者如斯此海之  
壽也於淳可以語山山滄雲出霧磅礴隆施萬古不

近稿卷七

世

騫峻嶒聳翠此山之壽也於溫可以語日日賓扶桑  
曜暘谷凝然久照人就之恒有餘暄此日之壽也翁  
抱澹泊簡易之資哀溫柔長厚之德葆清寧一之  
氣廓見大居貞之量萃祉元和難老永錫由九十以  
至期頤無算不有如日之方升川之方至朋岡陵而  
作埒者耶蒼柏不凋疇昔之夢信而有徵矧萊子舞  
庭蘭孫繞膝進士君魁梧峻潔行將計偕春官羽儀  
朝著樹業不朽以翁所藏修者出而用世永永無斁  
則翁之壽寧有窮已乎予誦季球撰文善之作而言  
曰是可以爲翁壽矣述行表微崇年敬長其辭肆而

文近察遠觀比物引類其言曲而中拾華道實修德揚聲其情愾而至可壽翁矣又憶予昔童時負笈從師道出邑北偏會翁里第時予少翁十有一歲修少長之儀舉止語言越六十餘年由今而思宛如昨日後余猶子則婚媾高門葭玉相倚益復情馳今茲喜爲翁壽慚無東里潤色之才竊附龍門御李之幸載諸文綺俾侑壽觴瑞氣嘉祥行當燭曉庭戶所以表梓里之光榮答諸君之我顧者在斯矣於是乎書

贈陳明所君長子來歸序

明所陳上舍君海邑名士也蚤騰譽於膠庠繼振聲

近稿卷七

廿一

平脩進爲叔父魯山君後承藉世貲以耕耔積著雄里中君弱冠時父爲娶室未舉子嬖女娣瞿氏有娠無何獲僇於父過督之遣歸毋家隨鬻於徽商楊氏瞿行泣謂明所曰婢幸侍君側又幸有娠將三月今不幸棄去後生女耶置弗論生子耶君忍弗子乎辭訣而去時嘉靖庚申八月十六日也明年仲春十二日越月者六瞿產一子懇告於楊有保護功得不死由是人傳言陳氏之子聞於明所未遑信也又以瞿見黜於父置弗言今茲甲戌子年一十有四矣時時從父商游周浦廬市中去明所居二十里而過焉聞

人言藉藉明所是時年三十有六未有嗣生也父喪服闋一夕夢祖若考會中堂如賀得子狀晨起惺然心動焉遂謀於長兄悟川氏介親知華方川應友泉二氏物色形求之得其情實不誣狀貌惟肖歸語明所翼日往返徽商所議獲如請廼撰清辰發巨艘列鼓吹於江流布綵帆而霞舉聯鯨魚以撥棹動夾岸之懽呼迎入門庭瑞應燁燁宗鄰羣集長幼秩如咸擊目嘆曰之子儀容進退宛如明所素育無異也鄉隣家衆望形聞聲嘆而言曰異哉之子儀狀音聲儼如明所昭一不二也於是蘭薰齋沐祇見祠堂正其

近稿卷七

二五

姓曰陳氏易名曰萬春蓋重夫天合之親永以承祧之寄矣開瓊筵以燕賓敘桑倫之樂事顧庭砌而桂枝叢生諦獻酬而玉山交映主客聚樂文儒賦頌倚與異哉友泉述以告予且屬予紀序其事予惟陳氏之子方育於它姓離散殊途機不易測其諸或然之天乎人弗得而違也逮歸于陳氏見之祖彌天親不假人爲愛慕根諸一本父父子子陶陶如也合井故轍共暢幽襟其諸必然之天乎人益不得而違也何也物候之變換靡常人事之紛糾罔定或始易而後艱或前離而後合疇能一之于毛于裏身屬易離

瞻靡依何恃孰生孰鞠孰頤孰復稷棄全生於  
鳥翼有華降迹於空桑詭狀奇形賦耳眩目此其或  
然之數人不得而違也故曰天也乃若德脩昌後人  
定勝天倫常確不可拔軌跡絜而不殊默運冥漠之  
中表著事機之外亡羊得之岐路魚兔獲以筌蹄肆  
如取而如携聿不先而不後夜光珠還於合浦劍寶  
芒達於豐城此其必然之天人益不得而違也故曰  
天也友泉又述諸君贈詞慈谿顏冲宇侍御君則曰  
龍光鳳彩炳靈耀祥同邑張秋浦進士君以為渥洼  
之駒丹山之鶴始晦後彰姚墨池文學君則歌生民

近稿卷七

壬子

之雅聞發天微繼歌麟趾魚麗之章昭揚遐福予謂  
諸君之言盡矣予復何言友泉復介予叔氏浥南君  
申請不置廼爲之說曰懿哉明所其知道乎於魯山  
則爲孝子矣於萬春爲慈父矣堂構不墜於承傳奕  
葉流輝於世及事皆可書者也唐柳子厚氏云盛德  
驗於達人積善徵諸餘慶其斯之謂與廼書于序曰  
長子來歸法春秋書季子來歸例也季友遜齊復魯  
傳稱自外至爲歸公穀皆曰喜辭也予曰此順辭也  
因以書陳氏子焉且爲贈序

賀邑博張念峯膺獎序

國家令申郡邑建學學設博士教養諸弟子員咸有  
科條甚悉上則郡邑長吏得廉臧否課章程又上則  
諸監司糾察之而督學使者職專任重於學最親凡  
博士賢否功能罔不瞭然燭照數計銓曹進退黜陟  
亦惟督學使者功狀是憑以故博士得長吏諸監司  
譽爲難得督學使者譽爲尤難吾邑博念峯張先生  
來教上海甫一載御史謝虬峯君奉 聖書督學江  
南覈先生賢狀下檄獎之曰儀容修整舉動安詳課  
士有方守官知慎語褒異如此先生之僚紹泉易君  
希齋程君暨門人詣余謂先生獲上典甚盛屬余言

近稿卷七

七

賀焉余素不長於文邇有犬馬疾閉關忘言久矣因  
辭其請辭而不獲則請二君詳言先生之行越宿二  
君總羣言來示余曰懿哉先生之賢洵有光於督學  
使君之語矣夫實不鉅者聲不著教不立者名不遠  
臯鶴徹天宮鐘聞外理有固然以先生之賢宜學使  
之知重廼爾先生夙負才名蜚聲仕版器成而瑚璉  
增價學茂而珪璋並質法恭人之溫溫守先哲之抑  
抑履仁蹈和秉貞含諒丰采可消鄙吝淑慎足法青  
衿是其儀容之修整也步趨中於準繩進退率夫規  
矩承上敦縛紬之恭遇下舒委蛇之度不諂不亢匪

亟匪徐是其舉動之安詳也由是械櫟樹追琢之章  
菁莪涵樂育之化日月程省試之能雌黃定俊髦之  
價暇則延博綜直諒者與揚確古今品隲人物苛條  
不苦乎生徒匪怒載揚夫色笑是其造士之有方也  
脩脯不問於諸生學租時捐於貧士橫舍蕭然庭惟  
苜蓿處鱣堂而四知是畏植軌物而五教能敷是其  
守官之知慎也先生之賢彰彰如是則學使之檄信  
而有徵又聞先生昔教思州也一時藩臬諸大夫相  
與推轂屬署府篆咸許其有治焚圖蔓之才欲以令  
職薦先生會遷不果今學使君知重先生是博士難

不世稿卷廿

廿

得之譽自先生得之矣將來薦剡頻仍異等之擢不  
可翹首待哉余聞言而竟輒心違之嘆曰至哉斯論  
詞核而文可爲先生贈矣古稱師儒譙繫於治道職  
業恒樹於交修其來也遠矣義重聚樂傳載格言鳴  
鶴斷金易昭往訓蘇湖遺範罔不其然余嘉三君子  
之賢叅會一時相與追跡前聞懋明功令當大厥成  
又喜吾邑士得良師彬彬嚮往行有儔又英賢輩出  
鳴時矣余附名篇末拭目以觀盛美亦有餘榮焉是  
以書之

笠江先生近稿卷之七

笠江先生近稿卷之八

碑記

文川邵侯去思碑

今皇帝御極之三十八年爲歲己未潞安文川邵侯  
光先者起家進士來令上海越三年歲壬戌 詔徵  
赴 闕擢福建道監察御史員始侯之來政通人和  
民悅新政歌舞同心繫侯之去深仁餘澤洽民肌膚  
舊德永懷繾綣不捨思以刻樹碑石昭示將來耆民  
其輩六七十人爰述羣情詣予徵文以紀其事予嘗聞  
之傳曰得其民有道得其心斯得民矣夫民有血氣

近稿卷八

一

心知之性各一其情是故衆庶如星好風好雨莫之  
齊也而孰能一之然而所好所惡人與己同耳君子  
以已度物心誠求之所欲與聚所惡勿施則羣物之  
情不外乎心而得之矣稽古循良之吏所居民愛所  
去見思非其子惠之政誠信於士民而有是乎若邵  
侯者可以語此矣侯稟淵懿之資抱純慤之行政寬  
而有體廉慎而亡私方其始至吾邑當海寇入犯之  
後閭里蕭條民生匱絀乘極溺揀焚之心殫生養休  
息之慮謂民財之不可竭也思以裕之民力之不可  
盡也思以節之是故嚴餘羨之禁正里甲之規建豎



坊之議革修船之擾陳白利弊舉當情實請於撫按  
咸克允行辛酉之歲泝水爲災民病昏墊侯商度公  
私 奏減常賦其所不盡蠲者則又曲爲區畫緩與  
之期未嘗取辦於敲朴之下蓋寓仁慈於法制推撫  
字於徵科下以植民之生而不失公家之額雖倪寬  
之課最揚城之政拙不是過也其貞度素心美如金  
玉微節高義曷若冰霜貨利不以入心苞苴恥於及  
已自始迄終絕無分銖之蓄雖劉寵之一錢伯起之  
四知莫能踰也若其敏於獄斷獄無繫囚逮於鉤稽  
案無留牘吏不下鄉邑無吠犬長厚簡約公庭晏然

近稿卷八

二

至於開濬陂塘疏通水利巡行畎畝稅止農郊則又  
不以勞動自逸宓子鳴琴之治子期戴星之勤蓋兼  
而有之矣彼忘黎庶之痼瘼以飾耳目之觀乏爲民  
之惻誠而崇虛恢之節予恒病俗吏之彌文憫斯民  
之無告也卽侯誠信得民雖父母之於子不啻民之  
懷思父而不替若赤子戀戀於慈母然詎可多得乎  
哉是可以爲賢已在昔漢室大司農朱仲卿者少爲  
桐鄉吏廉平不苟爰有惠政民愛之立祠奉祀不絕  
若吾上海非卽侯之桐鄉乎耆老聞予言咸曰然抑  
予又有言焉先是丙辰歲予有河南之役聞寇至環

攻縣城浹二旬不休時楚人劉君本學以常州府判  
來署縣事惻惻無爲然能不自用上人任邑中士民  
繕治守具卒以全城又甘苦節不忍一介自污庫役  
供億常費禁止殆盡竟被劾失官人至今惜之予懼  
其緣此而湮沒無聞也以語諸耆耆老亦曰然廼  
遂牽連書置篇末俾後覽者知之肆不湮沒而無聞  
也

大明鎮江府重建金山寺塔碑

京口雄峙東南古稱要郡金山屹立江表允擅名區  
流雲亭下舊有浮圖傳稱在昔阿育王入東土來以

近稿卷八

三

釋迦爪髮舍利子瘞嘉山水所乃有塔建慈恩鴈塔  
名垂李唐在茲山者不知何時建造相傳謂宋季燬  
于兵亭下僅一級存自宋至勝國不下百年我明開  
國統一四海迄今又二百餘年矣勝因興建厥亦惟  
艱禪師明了結菴基下慨思興復經始戊辰歲之夏  
落成甲戌之春層基迤邐于坤隅金碧輝煌而特上  
從下闕高巨鼇巍乎弁首蟠踞中流鸞鷟燦其有文  
如鼓而翼及拾級上升也顚氣布蕤於中央左旋右  
轉色象繽紛於物外駭矚鏗聞若漢沔鍾陵濬源於  
後焦山海門控引在前甘露呈奇於北固楚城聯巨



於南涯一水盈盈百里咫尺則形勝之鉅偉可覽結也東方未明清團夢回於雞唱考鐘聲叶於鼉鳴少選則遊人絡繹於林谿颿影翩遷於欄楯崦嵫日側宿鳥遺音於烟樹歸鳥暎帶乎殘霞既暮則星河的皪於瑤波燈燄聯輝於珠斗晨夕之景色則異觀也花明氣郁於和風暑烈解除於甘澍騷人感慨於秋容逸士閉關於雨雪歲時之物宜則象殊也陰氛淨盡星月交輝游塵不飛水天一色俄頃變作而風雨晦冥大塊易形而魚龍潏潏天吳作濤而鼓怒地裂山頽陽侯匿影於波流江翻海側天地之委形倏變

近稿卷八

四

草也若乃境轉岑寂燈湧長明昔人謂直上照一天二天至三十三天層霄洞澈直下照一地二地至一十八地幽隱都明又謂萬惡自光中滅萬善自光中生不見一燈百千萬億燈旁燭無量不見一人百千萬億人信奉普同佛氏曰色即是空空即是色色不異空空不異色法教禪宗盡於此矣舊境之榛蕪得人斯闢玄都之勝果指日維新關中明上人誕扇玄風勤身滌行檀越傾心恢弘象教姑蘇五遊郭君第習煉金焦贊助經畫連交合契樂睹厥成於是五遊偕明上人介內翰顧君汝和暨子季子允亮言場來

謁予以碑文見屬先是予聞維揚間諺有之曰金山造塔瓜埠作閘後予仲子允端以山東憲使董漕淮揚議以瓜洲開壩成閘以便運艘與儀真並列塔告成事適違其途詎非數使然耶維時今上嗣歷政教一新仁澤威稜充徧區宇自國中冠裳暨南北文身椎髻慕化輸誠自朝紳庶職暨白叟黃童徯志應德效徵達順歲值豐熙法典肇修懿在今日詩曰時之和矣何思何修文化內輯武功外悠此之謂也於是採周雅由儀之詞誦萬曆昭登之績會著明德永耀輿圖銘曰

近稿卷八

五一

冠山閼宇突兀江東祇園浮玉紺碧凝空飛雲定水翠柏青桐光生舍利熠燿紫宮垂幽控寂隱見奇蹤觀此奇蹤山厓川浹秘有玄珠賦形元始麗象開圖光明燁瑋水不能濡火不終燬永鎮南維鴻模載啓誕啓者誰惟明上人殫志玄理畢力經綸隆興克舉大順迺臻江漢河漢由地中行稻梁黍稷百室皆盈三登九稔受天之慶華嚴陪京翊我皇明於錄我明八荒作圉文德武功彌綸宇宙玉燭調均家國殷富上下穆清福祉輪輳萬曆無疆天子萬壽立石勒文星懸靈鷲龍集今茲開逢闡茂

重建龍華教寺大殿記

去上海邑治西南十五里而遙龍華教寺在焉澤國  
泖湖諸水渟蓄流演東北入海其自府城西偏來者  
則黃龍浦受之蜿蜒百里南下旋繞寺之東其自府  
城東偏來者支分派析曰曹湖涇襟繫於前曰龍華  
港控帶其後二水東會於浦而北入海海之潮汐復  
來入浦而後達之涇港旦暮凡二至不爽厥常是故  
茲地爲華實之腴區風氣之攸萃焉者也紀稱吳越  
忠懿王夜泊舟浦上風雨驟至草莽間祥光燭天鐘  
梵隱然詢其地古龍華寺基也遂建置開山宋治平

建稿卷八

六

初賜額曰空相至 國朝復今名寺有大雄殿巋然  
中央繪閣雕檐長廊廣廡像設瓌璋金碧爛然爲人  
天福田緇素瞻禮所由來者久矣邇年日就圯傾上  
雨旁風莫之覆救觀者興嗟加以島夷之患又值歲  
侵罔能修復歲壬戌稍稍有秋僧一真者戒行克慎  
檀越屬心廼聚材鳩工力勤營治暨明年癸亥六月  
落成來請記於余余嘗聞之傳記曰西方有大聖人  
焉不治而不亂不言而自信不化而自行其說已昉  
於三代之時矣逮漢明帝時其法西自天竺始入中  
國佛之言覺也將以覺悟羣生漸積勝業藻練神明

廣仁順燭嗜慾習靜虛而成通照也流傳既久漸失  
厥真於是符呪禱祈之章因果禍福之說浸淫汜  
濫與明心見性之旨自相背馳於是有天堂地獄之  
談剝燒春磨之論迂怪不經視慈愍宏大之宗益爲  
矛盾其弊至於惑世誣民無君無父故世儒嚴加誅  
絕謂必人其人火其書廬其居而後可蓋矯枉過正  
之言非其道則然也是故由漢迄今王者代興莫之  
能廢真乘法印與儒典並行蓮宇琳宮徧滿海內然  
則茲殿之修舉焉可闕然不講哉經始本於人謀速  
成協夫衆力棟宇續其舊貫輪奐或乎重新慈雲庵

建稿卷八

七一

竊慧日常明不惟里巷居人遂其仰瞻而來往經行  
咸加讚嘆觀金光寶華之像與夫景慕悅樂之心觀  
莊嚴妙麗之儀繹思淨明圓覺之典雖人之品類區  
別羣分譬之飲河各充限量上焉者因其質之高明  
絕智識去健羨悟真常無爲之理而黜纏縛障蔽之  
私立超上乘之境下焉者以其質之庸陋薰習善心  
滌除結業去貪嗔愛染之情而消淫邪回適之念不  
墜五濁之塗則於國家化民成俗之方不無小補於  
萬一其於儒者治國平天下之道亦泰山之杯壤河  
海之細流也是烏得而廢諸真上人釋氏之途也廼

欲假重於余言余故不辭而爲之記以廣其志以昭示後之人俾不迷於嚮往庶幾亦釋典消埃之助也

### 重修正陽道院記

維茲海邑東南之奧區華實之上腴也右際泖湖左纏龍浦九峯冠其顛滄瀛毓其趾自勝國前屬華亭爲鎮至正二十九年分爲邑治邑之有正陽道院則自宋景福四年肇建睽茲仁里風氣孔嘉是宜崇表福區尊道德之風以廣祝釐之所也珠庭複映寶像輝生有嚴有翼歷代相仍莫之改焉又名水仙官相傳爲呂仙純陽寄跡於斯煉丹市藥故名然年祀縣

近稿卷八

八

邈不可得而攷矣嘉靖歲戊申燬於火中殿歸然獨存羽士某顧瞻荒蕪圖維繕治越有歲年人咸樂義助資始克就緒層樓曲閣室廡門唐丹雘雜陳真容式備視昔加麗矣迺來謁予一言紀成事識時日以答景貺垂示將來予嘗考諸傳記粵自姬孔云亡儒術分裂百家九流蠱起班史志道家者流秉要執樞清虛以自守卑弱以自持此君人南面之術及放者爲之則欲去禮樂棄仁義其失也蕩又志神仙者所以邀意平心同死生之域保性命之真游求於其外者也或者專以爲務則迂怪之論益多其失也誕比

其後流傳浸遠愈失厥真圖籙符籙之文煉蛻解形之訣千蹊萬徑日異月新雜禍福之厖言塗生民之耳目使人變易志慮喪絕倫理諛瀆不經其爲害彌甚此孔子所以不語神軻氏所以闢楊墨而後世儒者誅絕不遺餘力焉蓋慮其末流之弊過爲之坊非其道本則然也是故王者代興因而不革今天下秘宇靈宮往往而有玄元之教與儒術並行此曷故哉夫民有血氣心知之性好惡患愛之情於是乎窮人欲滅天理倍逆忿爭之亂作劫奪鬪訟之獄繁刑罰威武所不能制政令道德所不能齊聖王治世之術

近稿卷八

九

窮矣於是有爲道家之說者聖王亦取焉是故神道設教自古有之以其虛靜沖默之談潛奪其貪邪暴戾之氣覺視於塵垢之外而消遙乎昭曠之原抑志於機械之端而休息於無形埒之野此蓋不可使知之術而所謂鼓之舞之之教也聖王存而不革有以哉羽士來乞予言也予應之曰仲尼之門無道楊墨之事者予亦何言然彼之請勤勤不已予不能辭且思有以直之遂紀論其說如右章示人人俾後睇觀者留心玄覽之宗不耽惑非祭之鬼爲無益於得之求徼福於回倖禍於免或亦警世之助也書以歸之

鶴野記

秦封君曉江先生宏才敏識少多鄉曲之譽長隆譽校之聲屢屈文場粵三十餘載其子侍御少說君登第遂屏跡閒居已而獲封如子之官既顯榮矣君居約不訕處泰不矜聲利罔關其聽喜怖不怵於衷徜徉文墨觴詠之間不掛煩於末俗浮氛之態其知足不殆瀟然物外者與於是鶴野易曉江號焉來屬記於予君之言曰吾聞人生宇宙間形非金石條忽百年恍如過客耳物慾攻其外情志蕩於中擾擾無須更寧者何耶周行薦紳之士忌鵬畏犧得失生患

近稿卷八

十一

吾恥之山澤市井之夫鳴張鼠竊貨貝是總吾亦恥之吾一吾心吾樂吾天爾矣今夫富貴福澤貧賤憂戚數之靡齊人莫與易也譬則鳥之黔鵲之駁鶴之白鳥之啞啞鵲之喈喈鶴之淵朗豈以寒暑燥濕變其形聲哉夫子論仕進得之不得曰有命又曰富貴在天又曰富而可求執鞭之士吾爲之意蓋如此乃若縱無益之求徼非望之福起煩競之慮損吾固有之真君子不爲也吾其有取於鶴野矣偉胎化之靈禽稟幽心於鵠質仰天路之寥廓狎在野之清芬引圓吭而警露布修趾於階陳睠裳衣之楚潔眇儀度

之絕羣躋乎神仙之騁逸士之朋儔也時焉嘯呼同侶高步中庭數向予而起舞爰顧影以長鳴洵協律而會節劃悅目而醒心滌寰區之塵垢廓聽視於一新出往游行宛若友生偕采薇於巖岫耦耕芳於水濱將以餞居諸之日月契玄素以永齡吾茲有取於鶴野矣予聞君言而韙之乃告之曰異哉時俗人之見也以入朝爲榮隱居爲訕過矣昔人有言曰功名之士入而不出山林之人往而不返其各滯一隅未覩厥大者乎又言曰小隱隱於山林大隱隱於朝市是或一道矣而論匪通方夫君子之心不以紛華

近稿卷八

十二

溺志不以顯晦易則隱一而已何大何小何朝何市何山何林善乎揚子雲論山雌之肥也曰簞食粹茹亦山雌也又曰牛羊倉廩亦山雌也心一而已素位而行居易以俟噫其至哉假令有人焉身入朝矣藉口吏隱以弋虛聲爰稽其實職務罔修甘鴈鴛之稻粱而貶鳴臯之節娛蜉蝣之羽衣而負乘軒之寵若而人者君其與之乎又有人焉身山林矣自標逸世以爲名高攷其襟次憧憧往來縈機利於關闡則瑣察夫雞豚闖捷徑於終南則盱目於羔鴈若而人者君又與之乎君曰之二人者視吾前所言者異吾不

與也必也曠度遠心不愛不求無累無慕者是與也  
予善封君之言廼詮次如右爲之記云

侍御周公郡守方公生祠記

國家疆理天下建置郡縣郡有守縣有令所以承流  
宣化惠養黎元也復歲遣巡察之使攬轡周行以布  
德達情是以政罔壅遏民以和寧然唯令爲親民而  
守居其上未易直達故守之得民視令爲難監司者  
居守令之上以持憲爲職者也其得民視守令爲尤  
難蓋其勢則然矣余是以於觀所周公雙江方公生  
祠之建而詫嘆二公得民之易且深也吾上海瀕海

近稿卷八

上

之陽爲松屬邑舊無城郭嘉靖癸丑歲倭囚入寇  
邑中鈔略殆盡民恐然懼寇之復入也日無寧宇  
苦之時郡守雙江方公履任至即行縣相度所宜曰  
斯城不築是以民棄之盜也無民無邑亟圖諸於  
是計廩輸羨鳩工庀材凡民廬延袤之數環涂廣狹  
之差甃石湊聚之宜墉池高深之度經始咸旣厥心  
奮雷雲集庶民子來百堵偕作不數月而工就雉堞  
鱗比樓櫓疊舉層墉閑閑池流瀾瀾儼乎有金湯之  
固矣是後寇之竄伏海隅者紛擾村落間而罔敢復  
窺邑聚斯城之力也時兵燹傷殘連歲疫作穡事不

登民益苦之又明年乙卯侍御觀所周公以巡按至  
下車江南不遑寧處布惠除苛以恤創痍之衆散材  
發粟以業流徙之氓視地益兵以防侵軼之寇所以  
爲民計者恒拳拳焉又謂吾邑首罹寇患疏免是年  
田租二十餘萬石民咸欣欣有更生之望矣明年丙  
辰當代去民以地方未平公又滿去爲憂事聞之  
朝議留公復巡茲土以順民心於是公益殫力於民  
煦嫗休息不啻慈母之於子也民咸鼓舞懽欣以怙  
以恃亦不啻弱子之戀戀於慈母也是歲五月倭夷  
復大舉來寇聯翩百艘奄至城下圍而攻之者二旬

近稿卷八

上

城中堅守禦賊而援兵稍稍亦集賊無所鹵獲遂解  
圍去民益嘆曰吾邑吾民非方公築城於前而周公  
保息於後其將無噍類矣乎舉手加額頌二公休德  
者遠邇無間焉明年丁巳周公改提督學校代去方  
公擢江西憲副亦去郡民懷思二公之德相與立祠  
郡中邑之人亦曰吾民之今日保有室家妻孥以逮  
及子孫者誰之遺烈也而忍忘之邪亦立祠邑城之  
北肖像於祠耆老童稚羅拜其下祝公壽考者萬口  
一詞偉哉盛矣漢世循良之吏如黃霸龔遂召信臣  
之流史稱所居民富所去見思生有榮號歿有見祀

庶幾德讓之君子嗚呼美哉然未有能全活百萬之民生如二公之弘敷鉅伐膾炙人口建祠於生前而不忍一日忘者也今夫人之阨於水火方其危迫之時無生之望矣有人於此援之以手置於生全則其人之感德將沒世不忘者固其情也海寇之患慘於水火城保之功生匪一人則斯民之欲俎豆二公以至於永世固秉彝之好揆之人情其攸同而祀典之傳質於前聞而允合矣周公名如斗浙之餘姚人丁未進士方公名廉浙之新城人辛丑進士自寇患之興惟吾郡最劇少傳徐存齋公有桑梓之憂焉擇守

近稿卷八

十四

而薦得方公以禮部郎中陞任周公之復留巡按江南亦少傳公倡議於朝而始得請於上者也余嘗讀傳記而有感焉昔者子貢問大臣於孔子孔子曰齊有鮑叔鄭有子皮其人也曰不有管仲子產者乎曰管仲子產鮑叔子皮之所薦也然則薦賢之功與賢者之功均之當繹思而不可諉者矣故余於邑人之請祠記最二公勲績之大者而推其原本於少傳公歸勒諸石俾繼世之後邑人之子若孫頌二公之澤於無疆亦頌少傳公而不忘其所自且於吾言乎是微不亦可乎

還祿堂記

憶昔弱冠時予昆第四人聆通庭之訓綜六籍之文殖學勵往相繼從仕入官不揆謏劣怙冒先德敷歷中外四十餘年濫竽部院之長以老致政歸仲弟子迪任大官署署正遷溫州府判之任表決旬告歸易言介于石不終日吉君子見幾而作寧用終日仲氏以之叔弟子盡歷邑長數年遷太僕丞刑部郎中致政歸季弟子行任光祿寺監事外遷即上疏陳乞歸易言白賁無咎夫以人從責責從乎已上九所以得志叔季二君以之鴈行接翼以拚飛皓首並諧於歸

近稿卷八

十五

老荷主上鴻施之澤被形庭錫賚之榮幾不易逢數出天幸予以四老名堂識私喜也會季弟謁于云昔人有言留有餘不盡之巧以還造化留有餘不盡之祿以還朝廷留有餘不盡之福以還子孫吾是之取扁其堂曰還祿如何請予紀言以詔來者予繹而言曰還之時義大矣哉君子順事乎天也以道其取足於世也以廉易曰天道虧盈而益謙老子曰天道好還夫虧盈者何忌滿溢也好還者何惡多取也悵蕩不返多入厚亡故君子之道善還夫天下之能還者蓋寡矣希夷憫勢利之溺人急流高勇退之節



宋臣謂休官爲雅致林下嘆見一之難疇昔然矣何  
幸斯今於吾家昆季乃見之乎非直還祿一端已也  
若所謂巧與福者均之當還者焉是故君子觀天地  
虧成之運覽盈縮消長之機酌乘承失得之分廓民  
胞物與之量其處已也恒康待人也恒裕自一起居  
食息至出入辭受取與十伯千萬億之殊所以還造  
化還子孫者罔不用情每退一武俾有餘地萬物同  
體不立町畦則此心充拓而無外天道脗合而不違  
作善日休自求多福詩書所稱非虛語矣季弟然予  
言遂書爲記系之以詩其詩曰我念世澤慄慄祗承

近稿卷八

六

敦仁樂天斷完令名知非未化猶愧日新仰思衛蘧  
予亦何人恂恂少府夙慎厥職祿不入心亟謀家食  
矯若冥鴻厲此歸翼英英比部踐修其官言解朱紱  
志適考槃德餘成蔭棣華競妍顯顯光祿可謂知幾  
一辭即退匪石不移有赫斯堂嘉名表徵示厥來裔  
模楷在茲知足知止後祿永綏凡詩之義紀往者述  
德其詞美美以徵信信斯傳傳斯遠貽後垂範其詞  
婉婉以昭勸勸斯修修斯永大書屏牖其諸表見美  
墻取類韋弦者乎凡我後生觀斯斯惕不愆不愆求  
符天道無墜家聲庶其有光於奕世爾

慎脩堂記

慎脩堂者何在蜀雅州閬關中吾郡大夫李葵菴先  
生之所作也據勝環奇蔡山左繞蒙頂右旋翠屏萬  
勝諸峯巒起伏映帶煜煜煌煌平羌岷峽諸川水漬  
湧縈迴千里一瀉滙洋漣滄雙鳳四經碧照頤春諸  
樓臺亭榭呈珍競秀標異疇昔繇是考斯堂焉奠厥  
隆壤枕夷嚮明輪奐完好堂名慎修者何大夫言吾  
地臨邛饒富著名載諸漢紀者詳志稱人慕文學唐  
宋以來進士顯庸時不乏人南渡末歷勝國迄明甲  
科寥寂無聞者越五百年餘矣嘉靖己未予始登第

近稿卷八

七

開先時俗訝異焉懿惟先大夫以上凡七世世業耕  
讀以長厚稱隆慶丁卯予始築新堂而延客存舊廬  
以繫思扁曰慎修識先德以儆愚衷落後嗣俾顧諟  
不忘者也至是介邑侯鄺鏡泉君詣予問記君言曰  
吾聞大夫之素矣請陳其略大夫志學之年服習父  
師之訓稽聖賢於圖史繹矩矱於典墳寸陰倍尺璧  
之珍一經踰贏金之重好古克勤於時習敏求罔間  
於三餘其慎於居業有如此者是故藝有成也著莪  
涵樂育之化棧樸樹追琢之章默識緝熙忠信以植  
其本治禮以飭其躬宅仁由義以充其量器成瑚璉



質並珪璋其慎於進修有如此者是故日新而德盛也麗澤以朋友講習斷金以出門同人久敬媲美於晏平然信思齊於鮑子市道恥同乎利交醴甘欲反其寡濁其慎於交游有如此者是故朋來而聚樂也若夫惇行孝弟領袖人倫庭闈藹桑梓之恭兄弟洽埏篿之泰闔門和瑟琴之御族鄰長親睦之風鄉閭漸禮讓之節其慎於秩敘有如此者是故表端化行也迨夫登名仕版蜚聲上國風猷夙著於官常芳譽益騰於守郡延平最績澤國再遷視民瘼而身切瘵痼憫澆風則志存改革顧理亂絲而罔棘思建循政

近稿卷八

六

於方來其慎於守官不變塞有如此者是故富有而業大也若大夫者敬共以孝其親成身不過乎物斯其至乎仰世德而靡懈廼稱名以諦觀羨璫璫夙夜之懷咨訪蘄周行之示大夫之意勤矣予聞作而言曰淵哉大夫名堂之義乎在昔唐虞闡精一之傳大易發天人之經乾九三曰君子終日乾乾夕惕若厲無咎言慎也子曰君子進德修業忠信所以進德也修辭立其誠所以居業也乾乾因其時而惕雖危無咎矣詳言慎也大夫朗心玄識兢業寅畏嘉名洞微名言在茲念茲在茲釋茲在茲以是光前佑啓來嗣

得易之道深矣予又何言亦曰請無教焉耳矣大夫得之喜曰慎修所以俶厥始無斁所以保厥終此典學之鉅範毓德之淵源斯言謂我矣吾其恒軫諸慮以貽後之人猗與無斁作聖之基昭茲炯誠日鑒在斯遂緘詞而勒牘肆稗要以書紳

笠江先生近稿卷之八

近稿卷八

九

笠江先生近稿卷之九

傳說篇 贊銘跋

王母陸碩人傳

王母陸碩人者贈詹事府詹事竹坡公之孫處士友琴先生之女禮侍文裕公之姪也王陸咸東吳著姓而處士以純德聞鄉閭碩人毓秀鍾良蔚有宗矩文裕公少與別駕王石溪公相友善石溪公之子容齋先生總角即有文名繇是文裕公識昏而碩人歸於王氏嘉靖甲寅歲碩人以疾卒其子上舍君心哭之哀服既闋而哀思之不置廼撫母氏之淑行致書於

近稿卷九

余曰傷哉吾母氏之亡也吾不能策身揚名榮母於生前又俾音徽日湮罔傳於身後是心之罪也夫聞吾母之于歸時也事吾祖石溪公暨吾祖母郭氏孝敬婉變畢盡其誠甘旨脩灋之供晨夕靡懈未幾而吾祖母亡吾母悲悼之者終其身及事吾繼祖母宋氏陶氏恭慎不踰咸得其懽心吾祖泣曰吾不幸室人之亡幸值我婦之賢也吾父自游邑庠逮入國學困於場屋者垂三十年未嘗一日廢書史朝暮寒暑之需喪祭賓客之奉吾父未嘗一置意而無所不足者吾母理於內也又性尚素朴不喜紛華一布幃施

臥榻不易者數年他若雞鶩犬豕之畜食以其節織紉纂組衣服瀚濯之類胥精其度米鹽醢醬饔飧并白之細經紀得其宜皆可爲閨閫法始吾父舉子屢不育吾母謀置妾媵以廣宗嗣已而生心又生女弟三適趙逢吉朱迅卿潘允哲庶母陸氏則生吾弟情其撫之以慈成之以義率之以儉約厥情同也是故吾之於弟友恭備至厥情亦無不同也曩時吾父暨吾母寓金陵旅邸中適火焚門廬家人謂踰垣可避者吾母却不從已而火滅無恙倭奴入寇之歲賊倉猝至邑里譁然避走阡陌間叛換如雨吾母偕吾父

近稿卷九

二

獨潛伏曠莽稽首祝天以祈玄祐既而得免其不以顛沛廢禮人尤以爲難踰年賊復至吾母竟以驚悸勞勩成疾而歿嗚呼痛哉其言又曰幽谷之蘭茝丹山之鸞鳳非善畫者莫能圖然非假之圖何以揚芬而發藻耶傷哉吾母淑德之傳是有賴於立言之君子此心之所以拊胷叩首而日以望焉者也余覽上舍君書蓋傷其志焉余嘗謂彤管之教息而女德下衰往往以驕奢害義忤刻賊仁者多矣汰麥無涯馴至僂辱門庭几席邈若參辰吁其異哉碩人將之以慎勤廣之以德惠所以鞠育撫摩愛養成就者確乎

一心何嫡何庶偕立偕達均施其罔極之仁而不置其錫類之孝若此不賢而能之乎曹風有云鳴鳩在桑其子七兮言秉心之一也小宛有云中原有菽庶民采之言相教之善也若碩人者可謂義兼之矣

### 沈母貞節傳

予友進士徐君南孺來言文學沈君日新之母之賢也其言有曰沈母蔡碩人生望族質稟璠璵善鍾淳懿孝慈貞淑靡德不全年二十歸聞菴君露舅香泉公姑朱氏在堂碩人閑習內則孝敬不違相夫殖學成名爲邑弟子員不四五年連舉二子曰就日新兒

### 近稿卷九

三

世

方孩抱而聞菴條以疾卒棄諸孤碩人哭之哀水漿不入口者累日毀瘠骨立幾墮厥生時年二十有六舅姑慰藉再三每以二息爲解碩人憬悟稍啜水食粥撫字遺孤苦席塊處帷堂晝哭純心亮節皦如皦如光與星斗偕寒色與冰霜比潔是不謂之貞乎始杏泉公有子二人長子可菴君中鄉舉授學諭擢南雍學正再擢府佐宦游於外數年茲值間菴喪筑筑莫倚碩人奉將舅姑曲盡愛敬日食具甘旨問衣煥寒敬進之出入起居疾痛苛癢左右扶持之親執中饋之勞而身兼子與婦之職克殫厥心後可菴無嗣

而歿賴育二孫以延沈氏一綫之緒永瓜瓞之傳其有功於門戶者甚大不可觀其孝乎其教有二子寬嚴有法晨夕訓以詩書弗怠弗愆卒以成立文學君少負敏資以高選入學既長倬有賢譽歸乎爲望於時蓋能帥循母教克世其家者也不可觀其慈乎若夫嚴潔自將不虧禮度治家儉約日以餘饒心一堅匪石之操令儀無可選之行守志鮮柏舟之嘆貽穀紹采菽之章蓋所遇安貞而身名俱善者也是不謂之淑乎由是間里稱其賢士林高其行邑長列其事于朝下禮部檄監司覈實被旌嘉靖三十八年夏

### 近稿卷九

四

四月之吉表其廬曰貞節之門越九載隆慶戊辰八月二十日碩人七十誕辰文學君欲捧觴稱壽以答罔極展孝思胞肫懇至文人學士撰聲詩褒盛美王潤珠聯是日也母氏登筵康彊餘豫言念生平勞勩爲子始一解頤宗黨里人得諸見聞嘆母氏之烈而及厥子之賢贊頌間不容口此貞淑之光華風教之可紀述者也南孺云然予乃因之傳其事且論之曰懿哉女婦之德布昭往牒貞以著潔白之操哲以成家人之化其事靡一世典咸收之予以爲匪植節之難而惟立孤之難閱歷險夷從容陰禮完節成子視

彼憤激抗一時之義者難易又有間矣予故於沈母  
乃有取焉賢哉沈母抱貞一誓移天以成厥子孝哉  
沈子脩名行佩慈孝以慰母心厚德永壽命之源艱  
貞綿晚成之福均之不易得也是故交賢之以緒正  
父父子子夫夫婦婦之倫音微不鉅而世軌增芬矣  
南孺締姻文學君因其子知其母又南孺與予善予  
知言之不虛可傳也是以書之

朱母陸節婦傳

予讀易至家人卦辭曰利女貞彖曰女正位乎內男  
正位乎外男女正天地之大義也又曰家人有嚴君

近稿卷九

五

焉父母之謂也言其義均兩儀而道齊邦國漢馬季  
長釋之曰家人以女爲與主女得其正而後家道成  
故特曰利女貞予於是而喟然嘆曰閨門其萬化之  
源乎坤德其乾道之助乎所係不大且重哉詩書之  
言女德尚矣哲婦隆家人之化貞女著清白之節微  
美非一圖史咸收之班班可攷而知也明興迄今垂  
二百餘年風化鎔冶載德匪京田野遺發其尤節不  
辱者往往而有迺若聞家令族飭禮葆貞不以存亡  
易心新故改節與哲人烈士爭不朽名者其秀異尤  
爲可書若吾郡朱母陸節婦是其一也節婦陸氏浙

之平湖縣人光祿卿淞之女工部尚書杰刑部主事  
果之妹太常少卿光祖禮部主事光祚之姑生有淑  
資長而淳懿年十有七嬪于高門朱氏曰簪故山西  
按察副使鈍菴公瑄之孫南京禮部尚書菰溪公恩  
之子也門閥鼎盛望埒一時故光祿公以節婦歸焉  
恪勤相職適紹家聲其事舅姑也以孝娣姒也以和  
御臧獲也以仁以禮門內之治井辦區分嘉靖歲丁  
酉春夫君以疾卒節婦捐生殉死水誓不入口者數  
日瀕危至再以其子大觀時在孩抱恩撫育以全宗  
祀銜哀挺志永誓不渝敦盡母儀訓愛備至俾其子

近稿卷九

六

長而成立進升太學儒行事修克荷先構比晚歲脩  
釋氏法禪定精進結習漸消若節婦者敬慎無可選  
之儀堅一同匪石之操錫類衍雲仍之緒明心蠲水  
鏡之塵衆美具矣古之所謂女士者非耶由是族鄰  
里間日頌其賢焯焯名聲宣播衆口歲丙寅有司上  
其事於 朝下禮部核實被旌迺表其廬曰監生朱  
督妻陸氏貞節之門增光世典桑梓榮之又二年隆  
慶戊辰季冬十有三日節婦六十誕辰從子太史文  
石先生上祝詞有曰吾叔母之節如祥雲瑞芝海內  
快覩方其遭變時不輕一快以有幼弟在焉爲門祚

計也矢志自力俾胤祚延而祖業昌煥然三十年之久今也安處北堂稱為壽母享無疆之祉休哉其子壻上舍顧方壺君以朱母之賢不可使泯泯無聞於世也廼以傳文見屬期予之一言太史博雅有文上舍君好古玄識其言也信有足徵者焉予廼如其請書之不敢讓也嗟夫先王之教始於閭內習俗分張元和磔裂女德斯降侈於情僻於志其不霑良史之筆與草木俱落者何可勝數若節婦不亦寡儔乎哉觀其朗識峻圖秉心亮白偕老不貳而同穴是期言踰皎日女貞之利也反身威如迪子以正有嘒嘒之吉而無嚶嚶之吝嚴君之義也其於易家人之道不庶幾矣乎予爲之傳俾後採風者有攷焉且贊之曰芳蘭媚谷靈永瑩淵猗與貞婦比潔齊妍管彤有煒永世不刊

朱節婦傳

朱節婦王氏者諱妙真上海杜家里王倫之女處士銓之妻今郡學生應麒之曾祖母也處士本出莊氏晚生不見愛於父母育母朱氏家長遂蒙朱姓娶節婦五年死遺孤曰世忠才三歲舅姑欲奪而嫁之節婦攜世忠壅樹而啼曰嗟嗟此兒未亡人所以忍死

近稿卷九

七

近稿卷九

八

須臾者也昔陰瑜妻以尸還陰氏病不能早決吾當死尸內耳辭旨確然不可奪而止藉朱氏存者數年朱業故不饒已又自舉子節婦勢不能倚日織紵給食矢心益堅常薪芻盡甌金生塵甘之晏如也性嚴峻自少至白首不聞笑聲世忠既長以家事任之有不當意不嚙讓闔口慍坐世忠覺謝罪過率子孫跪請乃解垂老不問家事惟檢所記精方修藥餌施諸里中病者病者愈爲之解頤世忠年六十節婦尚無恙子姓二十餘人皆節婦自抱持撫字均等有鴈鳩之如一焉戚屬賢世忠歲時相過爲壽世忠請爲其母壽節婦爲之盞觴里中人傳爲盛事嘉靖庚戌節婦春秋八十有六冬十一月一日病亟執世忠手誠曰君三歲父死人已無莊氏矣微朱氏安得子姓滿前因飲泣侍者亦泣又曰爾子姓無忘朱氏祭我者必稱朱否則不享其不忍背德若此言竟而卒子世忠孫惟清惟慎惟勤惟潔惟廉曾孫應龍應鳳應麒應麟應鶴先是戊申歲御史湖廣饒君天民察舉節孝以風郡邑鄉長老及邑學諸生以節婦名上御史廉得其實與顧嶽沈露山禧曹電姚佐妻六人並奏于朝天子下禮部議會邑值倭寇之變數歲未報

事遂寢後露妻蔡氏以御史羅山尚君維持再請得旌予別有傳其五節婦則湮淪莫之表也應麟疆學博問以文行名時懼祖母之節之無以暴于後也屬友人朱君邦憲狀其行而以作傳屬予予惟詩書之言女德尚矣三才位定而陰陽之義明室家道隆而貞烈之風著材行高秀形管遺芬所由來者遠矣哉夫表淑端化閭里之公也核實褒榮王者之制也彰善刺否君子之論也非鄉評之公無以徵信非王制之及無以顯揚非君子之論無以傳遠是三者均之不可闕焉者也若閭節隱於貧窶國典漏於遭逢君

近稿卷九

九

子蓋傷之矣故予傳朱節婦而因有所感焉電妻陳氏予內子曹夫人之叔父之妻也陳年十七而夫死無子食貧瘠形秉禮越五十餘載而終又曹夫人之母張氏亦蚤寡孀居娣姒相依為命嗷然一節里人稱雙壁迄今無間然史言端操有蹤幽閑有容二母庶幾似之矣予撰朱傳因書以附見焉蓋所以補世典之遺垂示將來或有採拾之者爾

先祖默軒府君行實

先大父默軒翁諱慶翁稟誠慤之資總仁慈之德處物無忤不疾言遽色亦不為表暴之行求售於時時

故無知之者性復坦逸不事生產家雖窶空恒晏如也不伎求於人所居近市囂煩翁兀處一室時時至鄉莊課家人田作徒步日往返二十里餘歸則復處靜室中屢未嘗出戶外與人未嘗較曲直訟是非一入郡縣之庭自壯至老率以為常先大母唐氏婦道母儀咸備罔缺先翁四十餘年卒生男二長伯考菊潭府君仲則先考封奉政大夫廣西按察司僉事顯菴府君翁強年失偶以既有子不復娶亦不蓄一婢妾蓋終其身里人稱之以為貞士義夫公真無愧古之所謂獨行君子者其斯人之儔歟恩憶為童豎幼

近稿卷九

十一

學時翁督課誦詩讀書焚膏繼晷恒夜闌忘寢旦則雞鳴起坐閱寒暑無數焉間常談說往事若家國興廢之由善惡感召之跡某事某應孰可為法孰可以懲有倫有脊恩聽受不敢忘嘉靖癸未歲恩舉進士四月翁考終正寢享年八十有七云嗣後三十有八年恩歷二品滿考得推恩膺 詔贈之榮仰荷 寵光追惟世德銜恤曷已迺聊舉其略呈俟太史先生論譌焉

笠江說

大江之東南為吳越之交其數澤之大者有具區焉



周行四百餘里漫延磅礴無涯涘匯眾流之委輸  
擅水德之靈秀一曰震澤又曰笠澤以其地列東方  
也故稱震焉或以其形體混混然圓也故稱笠焉或  
又曰笠加諸首禦暑禦雨必此焉資而瀕澤之人田  
者漁者凡出作入息罔不荷笠與簑蓋無間祈寒暑  
雨之日故以是名其澤焉是澤之東析而爲三江由  
吾郡而流入于海是故吾郡稱笠澤江焉余是邦之  
人也適因所居之義自號曰笠江或有疑而問予者  
曰服以文身莫先於首古之冠禮恒慎於斯始加以  
緇布冠再加以皮弁服三加以爵弁服蓋取其貴重

近稿卷九

十一

華美而冀其習焉長焉以成厥德也子獨取於笠也  
而以是自託義也何居余遂爲之說其義曰於傳有  
之笠以寫天天如蓋其形圓穹焉儻焉覆地之表笠  
亦如蓋其形亦圓故戴之以象天也夫人受天地之  
中以生麗陰陽五行之氣厥形以成稟健順五常之  
德厥性用彰是故命之曰三才言其貴之與天同也  
是故儒者之論學必以盡性踐形贊化育參天地爲  
極夫人之濟惡不才罔能盡已之性者固無庸言若  
夫能盡其性矣而罔能盡人之性能盡人之性矣而  
罔能盡物之性則器識偏而功化淺德施隘而性分

虧均之不足以語事天之學也已是以故君子自強不  
息日昃矍矍焉詩云昊天曰明及爾出王昊天曰旦及  
爾游衍又云不愧于天言天之與人其理之流通合  
一無二而一毫有未盡其極者非也吁可畏哉於是  
肆爲之銘曰寵爾元服肖天之形德不形踐爾忝爾  
生因之以自警日三復焉且以告夫或人之問余者  
於是乎書

壽德篇賀王容齋先生七十

容齋先生質淑氣和緝學砥行少蜚英於黌序長騰  
譽於宵學司文教者亟提衡焉至其校藝秋闈屢擢

近稿卷九

十一

弗售先生委之曰數韞玉深藏或勸之仕則愔然不  
答蓋晉膺一命以博顯榮非其好也家席祖父遺貲  
稱有餘饒先生曠心遠度不事生殖棲遲泉石之間  
抗志浮雲之外居富靡驕好善不倦察言色而慮下  
人希心孔氏之訓守清道而抱雌節冥契伯陽之旨  
踪絕公府庶幾於滅明和與人羣同符於柳惠可謂  
逸民之流亞近世之淑人矣嘉靖歲戊午良月既望  
乃先生七十誕辰視履考祥則自茲伊始歷於耄期  
彌昌彌熾其何可量哉余與先生有葭莖之好會余  
寓官金陵不克稱觴爲壽乃著德壽之篇持歸以賀



先生其詞曰壽也者受也書有之必有容德乃大蓋無所不受之謂有容無所不容之謂大江海所以爲百谷王者以能受也坎體居卑納來弘往眇細不捐先生之道近之稟純慤之資廓并包之量混形骸於比隣披肝膽於人我町畦無以別其區驕吝不能搖其慮憂喜莫以滑其和斯其心休休如也愉愉如也夫德以承祐祐以永年則其集天降之禧而引難老之慶其孰禦焉詩云樂只君子遐不作眉壽樂只君子德音是茂此之謂也又曰壽也者久也於傳有之至誠無息不息則久不誠而能久者未之有也其分量

近稿卷九

十三

不以殊乎是故朝菌不知晦朔蟪蛄不知春秋楚有冥靈者以五百歲爲春五百歲爲秋上古有大椿者以八千歲爲春八千歲爲秋非以其分量殊乎彼美君子無妄以立其體沖和以達其用表裏一節終始不渝寵辱通塞不能爲之驚寒暑燥濕不能爲之變威武貨利不能爲之奪衡石銖兩不能爲之低昂前後左右不能爲之軒輊其誠一不貳何以加焉夫不貳之謂有恒有恒之謂令德是故可以淑身可以善俗允有無疆之聞亦有無疆之休其於壽乎何有詩云淑人君子其儀一兮心如結兮又云淑人君子正

是國人胡不萬年此之謂也又曰壽也者轉而諧聲曰柔老氏有言專氣致柔爲嬰兒乎是故柔弱生之徒齒以剛敝舌以柔存石以剛裂水以柔盈天道物理合一無二矣君子之道高而能下爲而不宰賢知不以先人謙虛恒以自牧知雄守雌爲天下谿知白守黑爲天下式知榮守辱爲天下谷橫逆來而靡校惡聲至而不返柔之至也柔爲德基德爲壽根是故古人爲善惟日不足而福祿從之詩云在柔柔木言緡之絲溫溫恭人維德之基此之謂也

釋莊述顏篇贈別方湛一

近稿卷九

十四

黃陂方湛一先生幼負敏資博探羣典獲聞先天之學冥視遐舉薄利祿而不居外形骸以自適繇是聞人學士相與締交貴介達官過廬必式聲聞籍籍於楚中而漸達之四方矣嘉靖戊午歲會余於金陵傾蓋不啻舊交無何言別欲余有言以贈廼著釋莊述顏二篇余聞之莊子曰我之所以爲我者豈我也哉我猶爲身者非身身之所以爲身者以我存也而我之所以爲我者以有神也神之所以留我者道使然也余嘗反復思之而未得其義不知神之所以留道之所以存它日閱傳記則豁然悟矣記稱海上之人

有好鷗鳥者旦旦之海上從鷗鳥游鷗鳥之至者日以百數其父曰吾聞鷗鳥皆從汝游汝取來吾玩之厥明之海上羣鷗舞而不下又稱楚王有白鰻王自射之則搏矢而熙使養由基射之始調弓矯矢未發而鰻擁柱號矣夫鷗羽族也鰻毛蟲也彼何知哉亦曰氣之流通無間遐邇機之感應貫入幽深蓋有不行而至不言而喻不知所以然而然者孰持其柄而孰挾其機是故道譬則鷗也心動則飛又譬則鰻也精專斯格是故老子曰上士聞道勤而行之早服重積則無不剋言道不可以無心求也又曰上德不德

近稿卷九

五

是以有德損之又損至於無爲言道不可以有心得也是故託道之術留神之方清靜爲本虛無爲常道生神神生身身不自身由神故身不自我由身故我莊子之意蓋恐人之滯於我而離乎道者發也嗚呼淵哉余爲此語質於湛一冀湛一之有以復余也昔者子路去魯謂顏淵曰何以贈我曰吾聞之也去國則哭于墓而后行反其國不哭展墓而入謂子路曰何以處我子路曰吾聞之也過墓則式過祀則下春秋之時候國分峙君子之去其國蓋非得已而父母之邦奚忍往而不返故有哭墓展墓之儀所以悼

明孝敬褒表人倫也是故大賢之相告語不越乎此矣後世天下一家無所於去而踣人迂士往往背倫滅理避世絕人動以老莊爲口實夫老氏以清靜無爲爲心莊生以齊物逍遙自放要之於道各有所宗而非若迂怪之士背倫滅理者然也老氏不云乎子之死父臣之死君非出死以求名也心藏於中而不違其難也君子之憺怛自中出者也又云道德者所以相生養也所以相畜長也所以相親愛也所以相貴敬也之數言者與儒者之言何以異哉莊生不云乎天下有大戒二其一命也其一義也子之愛親命

近稿卷九

十六

也不可解於心臣之事君義也無適而非君也無所逃於天地之間是之謂大戒又云真在內者神動於外是所以貴真也其用於人理也事親則慈孝事君則忠貞飲酒則歡樂處喪則悲哀之數言者與儒者之言又何以異哉若其綿邈清遐離塵返極忘形目得之天獨化玄冥之境雖於道各有所宗而未始背倫滅理如干盾之相戾柶鑿之不相入也湛一幼遇異人告以至道則泠然悟勸之入山以親在不忍雖貴富紛華了無外慕而天倫聖學固守不渝出交名賢講明理道窺見本原入侍庭幃晨夕承懽益敦愛

敬觀其一出言一跬步也不敢忘孝推其心也其於君臣父子之倫真有見夫義命之歸而不忍忽然者乎異時涵養愈純超詣益遂體會自然則聖修造極洞明玄旨則性天朗照其所至何可勝道哉余故述回路相贈之義以告湛一庶幾日躋聖焉勗之無斁爾矣湛一行矣其又何以處我也哉

董中岡大理贊

余觀董大理葬錄而知子元先生之孝之純也先生之父中岡公少負敏才長膺時譽文藻詞翰胥擅厥長伯仲甲科隸華孝映拜官水部最績徐洪轉擢刑

近稿卷九

十七

曹讞斷明允既而晉陟廷尉積日累資非有所附麗然也公練習法令天下稱平直武廟逆瑾擅權覺露言官追論時事飛語及公遂落職南還非其罪也公嘗上書自明不報會今上御極覃恩詔冠服閒居無何考終正寢夫人臣蒙詒失志悵悵終身孝子銜恤罔伸遑遑在疚緣性達情懇乎其至載觀諸君子之碑之銘之傳之贊體裁典雅意指淵深援證明切雖言人人殊均之足以發舒幽憤闡揚孝思者矣予讀而隲之迺綴數言爰昭懿美詞曰

顯顯董公英資秀峙靈鍾沛峯材同杞梓經學承家

甲科繼軌筮仕冬官賢聲茂起再擢秋卿荐登大理天下之平寮屬之楷九列名馳燁燁韓謗言胡來掛冠歸里王掩于瑕金銷于燬抱恨青瑣齋志莫矢先德弗章嗣人之耻論撰表揚非文曷以碑以載之傳以永此撫實直誣別疑審似儕童於康義類不詭作者為誰良哉太史忠憤斯宣詔垂來祀曰千百有考在是孝哉子元可謂能子

姚素如讚

楚荀卿有云志意修則騎富貴道義重則輕王公信哉斯言也是故古之逸民有聞於世其所繇來遠矣

近稿卷九

十八

神堯不屈箕山之節周武能全孤竹之高自茲而降代有斯人史策所載班班章顯可攷而知也若今吳門姚素如先生者非其人耶先生幼稟獨行之資夙負鄉曲之譽曠度遠心清節素履謂隨俗不足以成名也則遜心於儒術謏聞不足以動眾也則績學而好脩離索不可以博文也則遠遊以廣志屈身不可以直道也則反旆以旋歸方其往而北遊渡楊子睇金焦瞻京口之巨麗焉涉淮泗觀呂梁識河流之有本焉遵汶濟歷鄒魯觀聖賢之舊里焉趨燕冀寓京都望宮闕而思皇圖之宏遠焉察謠俗而知土風之

感慨焉接續紳而嘆人文之美盛焉所以發才瞻智  
增益所不能者至矣及其反而南歸聚徒鄉塾覃覃  
乎立教之勤焉結社詩壇風風乎絃誦之遺焉舉鄉  
飲賓周旋尊俎斌斌乎儀文之雅焉古之所謂老更  
素如其近之矣是故處幽潛德抱奇內光鴻冥寰區  
之上蟬蛻塵壒之餘勢利等之雲浮玄遠符於天籟  
是謂素心寡營謝鞏餅之智用拙甘抱甕之勞通性  
命之幾微研道德之精奧狹世路爲頗側蹈天衢而  
坦然是謂素行進不謀仕以圖榮退不力耕以自給  
雜闌闌之賢蹟邈山河而湛若生徒來學裹糧相從

近稿卷九

十九

雖短資身之策而無奪楮之虞是謂素業昔者少傅  
顧文康公贈之言曰剛柔全德屈伸順義大道無常  
與世推移中丞章陽華公贈之言曰窮達者命顯晦  
者時可窮可達可顯可晦者道二公皆吳之大賢也  
其許與若此是不可觀先生哉素如載遊海上予挹  
高風傾蓋如舊間出鄉達序贈之文示予索予言予  
不克辭迺爲讀一章以旌善人附諸君之後辭曰  
倬哉姚君吳會攸居鍾靈二八毓秀具區懷芬襲采  
秉蘭握瑜銳情文學哲士之模俗不之浼涅不之汙  
遐蹤皜潔是曰素如皎皎素絲惟所染之可玄可赤

墨子與悲道一而已二之則岐曷增曷損曷成曷虧  
綺繡藻繪瓌贅枝離惟質之磷惟道之疵猗歟先生  
抱一自守弱冠窮經睽茲皓首諦視道樞爰鞭其後  
情適鳶魚字窮科蚪迹冥虛無光資妙有允矣素如  
不落氛垢優游衡泌棲息化鈞以璞爲體以靜爲君  
無焚而和無滑而真舒卷隨時太空閒雲徇名若利  
木伐蘭薰君保貞素用垂令聲

錢一拙像贊

猗歟錢翁貌樸而臧色溫而康處闌闌之間而心存  
林壑之想居東海之畔而目眴泰岱之旁神明斯格

近稿卷九

二十

青鳥效祥其將綿福祉於日後介眉壽於無疆者哉

舊雨軒銘

龍浦之水襟帶邑城風氣攸止其地東南瀕海其象  
震離之交火木明生時有文人者出表名當世若上  
舍朱君邦憲蓋其一焉君侍御青岡先生之子廳事  
東偏爰有游息之軒君名之曰舊雨意以爲怙冒先  
澤而繹思不忘者也今夫潤萬物者莫如水矣水澤  
普施莫如雨矣膚寸雲生瀰漫六合旁行而不滯在  
濩而無私何高何卑何榮何悴濯枝而生意昭蘇旣  
霽而光華沃若朝曦射色於東榮夕照留輝於西牖

宛虹映彩於前楹，萐莆族生堦，草增翠。此雨軒之物候也。霖霖灑灑於發春，甘澍沛於長夏。霽景舒於愁霖，陰沍消於見晛。剝復交而天道變，寒暑催而歲功成。君子踐行夫四德，志士績學於三餘。雨軒之四時也，乃若六籍咸萃，百代靡遺。立索墳典之編，虞夏商周之書，諸子百家之言，稗官野史之記，羅列在茲。觀科斗於壁藏，雜魯魚於漆簡，駢古色而霞宣，炳遺文而玉韞。兩軒之典故也。時或賓朋莅止，秩禮脩容，延三益而開徑，肅問奇而啓扉。縱浮白以吸波，醒醅顏於對石。辨猶賢於秋爽，思覲聖於襄琴。兩軒之應酬也。

近稿卷九

王

若夫子矜環侍，疊疊居業寶尺璧。於分陰焚蘭膏，以繼晷訂同異。於縹緲鈎玄微，於鉛槧業就則青紫可拾。器成而瑚璉斯貴，雨軒之燕貽也。世之崇堂峻宇，麗而美者，何限。君子無庸取焉。君丕承世業，素朴是敦，休澤益隆。芳聲彌振，傳所稱保家之主君。其有焉。予爲之銘以頌君德，且以勗夫後之人。其詞曰：雕鏤丹雘，華屋是營。世俗汰靡，匪益身心。猗歟柱史，遺子以安。書室構只苟合，且完集義體仁。華門圭竇，君子攸居易。云其陋賢哉，文學聿脩厥祉。乃茨乃塗，匪棘匪侈。曷以臻茲日，祇先德如彼梓材。罔虧素質。

斯軒何有有圖有書，牙籤顧諟星燦，虹舒維此世德。我克承之，維此經學。我克弘之，夙興夜寐，敬業樂群。若金受礪，若泥在鈞。汙汙舊雨，膏澤其延。源深流遠，百世不愆。

跋仕履重光卷

余憶曩時釋褐守祁，詢之故老，知前守張天方先生者，患愛得民，滿考卽不樂仕，進上書乞骸骨。孝皇帝嘉之，進階有金，緋之錫，蓋異數云。余褒表其行列之州志，迄今幾四十年矣。余忝竊鄉後，未克見天方翁而交於其子石川先生。石川純德清節爲世模楷。

近稿卷九

王

初以終養在告，繼以銀臺謝歸，寄情山水之間，所至徜徉終日，題咏徧於名勝。耆老不異壯夫，有若翁之風烈焉。間出是卷示余，余讀之益知天方翁貽厥之良。而石川錫類之孝，可謂世繼其美者。二先生者，譬之飲露之蟬，塵滓不雜，翫虛之鶴，神宇都閒，嚼乎其不可及也。已語曰：是父是子，黍稷不獲，稷泔水不育，鯢信哉言乎。

書鄉英雅會集後

易之象曰：雲上於天，需君子以飲食宴樂。昔賢以爲升而未降，天下望雲而俟，雨蘊而未施。君子藏器以

待時待時者夫何爲哉亦曰飲食宴樂而已此顏子  
簞瓢陋巷之日謝安遊宴東山之時也雖然飲食宴  
樂惟有德者能之否則含哺之氓皆顏酒荒之士皆  
謝矣若宋耆英之會溫公諸賢倡明古道於洛樂與  
時偕可謂得易之義吾邑諸君子斯舉亦聞風而興  
起焉者也觀其要約以禮讓相先節儉是式敦仁合  
愛崇義遠利革薄存誠投分締心言歸於好以是率  
先齊民於風俗不無補助也已故孔子曰吾觀於鄉  
而知王道之易易也然則紹前聞之芳躅超世路之  
末軌余於諸君子有深望焉

近稿卷九

三

傍秋亭雜記題辭

傍秋亭雜記文僖公顧東江先生歸田時所著也其  
冢孫郡伯君挹江繕寫入刻上合董君紫岡持以示  
予索言予覽記中所陳國朝松郡田賦特詳夫什  
一天下中正三代法制邈哉不可及矣昔人謂井田  
湮廢藝歛無經秦漢已不如周唐租復倍于漢宋賦  
十倍于唐宋紹熙間吾郡秋苗止十一萬三百石有  
奇厥後壞于賈似道之公田加以至正間之籍沒張  
士誠之橫征洪武以來稅糧至二百三十餘萬石視  
古不啻數倍重矣宣德間逋欠叢積祁同知王源建

言其事巡撫周文襄公贊理之奏減增額漸次底平  
民困少甦矣人到于今稱文襄之功者間不容口夫  
英主代興非不欲行堯舜中正之法而循常襲故乃  
流于大桀小桀之歸甚哉時弊之難釐而人生之不  
穀可哀也文僖公之言曰今此下民豈惟不能望漢  
唐求爲宋民亦何可得其詞危其憂深矣使後之臨  
蒞茲土者睇文僖愛時之論法文襄經濟之猷普覆  
盆之照于隱幽悲向隅之泣之無皆隨時損益救弊  
補偏平政利人期于靖謐則寬一分而人受一分之  
賜矣勞止之民不可小康矣乎此挹江受簡厥祖之

近稿卷九

苗

心紫岡屬予言之意也是以書之

味菜卷題詞

陳山人來言啖菜法謂可利開胃通臟腑祛煩導滯  
療疾止痢隨手輒效又言馴是以上養之以自然和  
之以天倪調燮陰陽實鍊神氣爰有異指夫仙存象  
外若未易求道在三田人可馴致古松喬倕佺之儔  
由此其選也其訣授之顧師圓山師今庶乎屢空往  
棲終南巖谷間神潛丹臺紫霄之表隱形度世去矣  
予自歸田後雅思玄寂銘諸座右曰澹泊全吾道清  
虛養太酥意與山人之言合山人持卷乞予言予愛



昔賢揚萬里萊羹詩云人間膾炙無此味天上酥陀  
恐爾甜渾似土膏含雨露何須醬豉與醯鹽有味哉  
其言之也孔子嘗云飯蔬飲水樂在其中義益淵乎  
至矣遂書此以畀山人

贈程龍泉

古歛龍泉程君蚤歲遨遊方外爲老氏之學其言內  
外脩煉事云傳自異人似得指歸曩時倭夷入犯上  
海巡撫東村曹公屬君治兵邑東周浦境上禦寇有  
功人始奇之會東村公誥誤失官君周旋患難間不  
侵然諾人漸稱其賢矣隆慶改元歲公自戍所環復

近稿卷九

五

入內籌營務已而嶺南患寇檄君參贊督府君徒步  
千里往返潮州賊營說降有勞績若其標指山川險  
易平寇安民具有方略可施用惜乎未之能庸也予  
見廣中何侍御之論云然今年初夏君冠帶歸謁予  
草堂視其容觀則殊矣然軀落無異疇昔予勞苦之  
如初無何云別索予贈言予惟歎名功業炫耀一時  
成否在天有數有命罔足重輕蓋其求之外者然也  
故佛氏謂之事障君又示予脩煉謂神丹可餌黃金  
可成予聞古人嘗言之然亦求之外者也此事珍秘  
上天所靳鴻寶紀載厥效茫如君歸盍反而求之內

乎玩易外之別傳研叅同之奧旨屏除俗紛精鍊神  
氣抱元守一見性明心不爲謀府不爲名尸昔人所  
謂虛其室白自生定其心道自至其在是矣視前所  
得奚啻倍蓰什伯已哉請君勗之無以予言爲厲已  
也

望雲永思錄題辭

文學顧君汝紳來言印峯夏先生善也持望雲永思  
錄暨學祖刻石數語示予欲徵予言贈先生予受而  
觀之竟知先生孝思之志純義利之辯晰則喟然嘆  
焉昔吾夫子思聖人君子善人不得見思見有恒欲

近稿卷九

三

得中行而與之不可得思得狷者聖心胡爲乎然蓋  
狷者能守進之可幾中行有恒者不遷進之可以入  
聖也若夏先生者夫豈易能哉今夫人幼慕父母旣  
而慕君慕少艾慕妻子以情遷也先生孝思根諸天  
性固結不解自少迄今心如一日不謂有恒乎若其  
宅官守道忤時左遷植節之貞確乎不可拔其嗜義  
若飴遠利如涅瞿瞿然懼毫髮點污可不謂狷乎先  
生有恒矣狷矣由此而上之克自抑畏式廣德心達  
順造微渾化無迹則於爲中行爲聖人也何有先生  
求之簡編有餘師予言奚足贈先生哉然日以是望



先生矣

哀貞錄題辭

予閱哀貞錄知項女貞烈之宏司馬襄毅公之風猷  
動德垂裕後昆之遠且大若斯也公社稷勳著在  
國史予不言所言若其克閑有家植本善則永世  
不蝕厥子大叅公經厥孫光祿公錫茂樹聲輝曾孫  
春元君元深玄孫太學君道亨繼承家學克生貞女  
奇節絕倫當及笄而未字殉君子以捐生洵世典之  
鮮觀曠前烈乎未聞秋霜凜而星斗寒吳鈞奮而金  
石裂剛德凝而人紀定于嗟貞女就義從容秉操有

大正稿卷九

五七

蹤坤儀高秀閭淑之宗舜零朝露慨慕安窮予序世  
德照灼管彤

笠江先生近稿卷之九

笠江先生近稿卷之十

神道碑 墓表 墓誌銘

鎮平王府輔國將軍豫齋公暨配賈夫人神道

碑

輔國將軍豫齋公諱同鎔 鎮平府恭靖王之孫也

明室龍興我 高皇帝奮起淮南奄有夷夏子

定王者建侯于周胙土梁汴 定王生 恭靖王紹

厥世封開府鎮平 恭靖王生鎮國將軍子玠鎮國

生公公稟玉裕之上姿備淵冲之宏度幼而岐嶷長

而穎達日誦唐詩絕句古史略不一二讀即成誦焉

近稿卷十

一

受業於括蒼金生純授以毛詩未一年盡通其大義  
而紬繹其微辭遂肆力於詩潛心諸體尤長於短篇  
蓋得風人敦厚之旨繼而讀易卦至豫迺喟然曰夫  
豫則順順則動罔不宜夫豫則誠誠則動罔不立迺  
自號豫齋而人稱之亦曰豫齋云有味乎易象順應  
之占至封輔國日貴重矣而執禮罔懈長至元旦  
聖誕必盛服往祝 國社國稷必盛服往祀無間於  
風雨子夜蓋同萬石數馬之恭遭母田夫人暨鎮國  
之喪哀毀骨立嘔血不勝日伏苦次中濕左右股不  
良於屈信者踰二十載哀痛悲號未嘗一日忘父母

焉恒憶王哀蓼莪之誦性好施予樂周昏葬而尤急於諸宗人人有非意之干則以情遣不介介於懷有匠氏竊金者左右欲掩發公亟止之終不暴竊金者名廓平昔賢不校之量所謂衆行該備世德作求者公其有焉配賈夫人者通許人也代爲名族生有至性及笄嬪于輔國溫慈惠和事姑田夫人先意承志事事當姑夫人心綜理家政井井有條事事當輔國心及生有子女夫人視諸妾子女皆如已子女婦道母儀咸爲世楷所謂邦家之媛君子好逮者夫人有焉子安河安湔安渝安湲安淦安湫安湓凡七人皆

通稿卷十

二

封奉國將軍女六人皆封縣君孫六人皆封鎮國中尉安河者世所稱崐崙先生者也慎恭周密褒敘彞倫以孝行著聞今上嘉之下璽書旌異崐崙之子睦樸者振承家學能讀墳典道立藝成時推重焉夫元愷濟美姬德用昭八士挺生周祐斯篤方之輔國祖孫合志同道休有烈光其揆一也輔國生成化十四年卒嘉靖十三年九月享年五十有八夫人生成化十六年卒正德十五年正月享年四十有一合葬白塔原永安之阡大梁李夢陽銘夫人之墓而銘豫齋公墓者則秦安胡績宗二先生以能文鳴言可

傳信矣崑崙復欲徵余辭樹碑墓道昭示永世而以請余余嘗誦詩始於關雎爰訖麟定未嘗不掩卷嘆焉曰美哉周道乎而女德之助子姓之仁有關於治理也上矣今觀豫齋公之賢得賈夫人作之配而其賢益彰得賢子孫爲之繼承其名聲益宏且大則庶幾哉與周比隆矣是其毗輔明業永永無疆視古定鼎郊鄆者異世同符而又有過焉者此其徵應不既章章然較著也哉肆繫之詞詞曰於赫 皇明受命自天太封同姓厲山帶川源深流浚輸實支繁光光輔國有開厥先講學論文廣廈細旃令聞令望如

通稿卷十

三

山如淵彼美夫人維德之行母儀式穀閭政穆宣從以孫子奕世象賢蕃屏王室億萬斯年雙璧潛翳白塔之原鴻名颺舉琬琰星懸垂聲宇宙我銘不刊資政大夫戶部尚書贈太子少保樵村賈公神

道碑

皇明九葉今上以神聖統一華夷四紀於茲寶曆延長之慶愈熾愈昌疇昔罕儼其所以又安中外成熙皞泰和之治者豈惟主德基隆使然要之獻臣才士欣助之力亦不能無也語云臺榭之建非一木之枝太平之功非獨士之畧不其然乎是故自嘉靖

紀元迄今垂四十稷文武諸臣效忠畢慮飭修事功  
輝炳簡冊者時不乏人若資政大夫戶部尚書贈太  
子少保樵村賈公蓋其一也公賈姓諱應春字東陽  
樵村其別號也世爲真定府真定縣人正德歲己卯  
中順天鄉舉嘉靖癸未登進士第授河南南陽縣令  
縣當南北孔道衝劇莫加又藩封在邦域之中軍民  
雜揉豪右玩法難治公威惠互用境內肅清秋濬權  
知和州事具舉巡撫唐漁石公薦其賢拜南京刑  
部員外郎擢本部郎中盡心獻斷威著聲司寇聞  
石塘公亟稱許焉尋改刑部郎中譽望益隆拜分山

近稿卷十

四

西路安府踰年改開封府政以洽和人以寧便已亥春  
聖天子幸承天過汴當路者檄公綜理諸務區畫  
詳審綱舉目張衆服其敏無何擢陝西按察司副使  
會河南巡按据撫流議劾公勘報失實言者被謫併  
逮公焉左遷山東鹽運司同知顧公論咸謂公屈俄  
遷知漢陽府丁未進復陝中憲副以直前誣戾申擢  
布政司右叅政寧羗賊起地方騷擾巡檄公視師  
應時底定事聞 上嘉 有幣帛之錫焉已酉擢本  
省按察使庚戌擢右布政使晉左布政使法紀風行  
保釐政舉遐邇傾首德耀藹然辛亥拜都察院右副

都御史巡撫關中公繕兵積儲攘外安內全陝之望  
不孤甘棠之頌斯起癸丑加兵部右侍郎兼右僉都  
御史總督三邊軍務時虜酋俺答吉囊最強其弟若  
于把都台吉吉能尤稱桀驁分部黨落散處沿邊逐  
水草移徙河套亡常歲爲邊患又大同人丘富者狡  
獪之魁桀也負罪中國叛去降虜教其黨乘秋寇邊  
合騎蹂獵禾稼攻犯堡臺雲龍應朔諸州亟惟其害  
時關陝亦有震鄰之虞公夙夜惕厲罄心殫謀防禦  
備至是年六日虜大舉寇鄜延公誓師率旅衝擊斬  
首二百三十級獲馬駝千四百餘夷器倍是醜類大

近稿卷十

五

勦功最捷 聞陝一子國子生八月虜復入寇逆戰  
牛管斬首百二十級十月寇神木堡斬首三十級甘  
肅龍溝腦斬番賊十級十一月山丹斬虜首三十級捷  
聞賞白金四十兩紵絲三表裡十二月三原涇陽捕  
獲奸細六人甲寅正月延綏斬虜首四十級二月賀  
蘭山斬首三級路川捕奸細一人六月石峽口斬番  
賊首三級八月監泥溝斬虜首四十級捕虜一人降  
虜二十八人斬番賊首五十級是月虜復寇紅井斬  
首一百四十級功最是歲奏捷者三 上游錫銀幣  
若前有差尋擢本部左侍郎仍兼院職總督宣大軍

務未行奉 旨仍舊總三邊會三品考績復隆一子  
國子生贈祖瑄封父隆如公官贈祖妣王氏封母李  
氏俱淑人乙卯正月虜番並犯甘肅公布旅迎敵斬  
虜首二十級捕虜一人招降虜十七人斬番賊首六  
十級延綏石溝墩斬虜首九十級復有銀幣之錫二  
月興武營斬虜首三十級延綏斬首二十級四月涼  
永斬首二十級斬番賊首三級階州捕獲番賊一人  
五月歸德口斬虜首三十級十二月杏樹梁斬首八  
級涼馬營斬首五級沙河川斬首八級葭州捕獲奸  
細四人是年加右都御史兼兵部右侍郎仍舊總督

近稿卷十

六

丁巳正月虜大舉寇延綏斬首一百十餘級獲馬駝  
夷器不可勝數功最復隆一子國子生公在陝數年  
兵戎振揚自寧夏至武修築邊牆一萬一千八百餘  
丈 上有白金之錫仍加俸一級是歲拜南京戶部  
尚書尋改刑部尚書未幾改戶部尚書考覈章程勾  
稽贏縮國計賴焉戊午夏四月二品考績 上遣中  
官錫以寶鑑羊酒晉階資政大夫加封祖若父俱尚  
書祖妣暨母俱夫人時公以疾上疏得 旨致政歸  
二親壽皆踰耄公承懼膝下愉愉如也居無何疾復  
作不起惜哉訃 聞贈太子少保時庚申八月二十

二日距生弘治己未九月二十五日享年六十二云  
公以鴻漸之翼值 龍飛之運遭逢 明聖驟首天  
衢其歟歷於時郡邑以循良著郎署以明允稱藩臬  
以風猷顯迨其督撫陝中厥施益普慎固封守敷布  
德威邊徼諸民藉以寧息蓋力效股肱而材堪楹棟  
者也華問決於生前世祿延諸後裔宦成身退以功  
名終於戲偉矣詩云予曰有先後予曰有奔走又云  
維周之士不顯亦世公其有焉秦人史官王槐野氏  
常頌之曰公完德兼才方嚴敦大視聽通於千里之  
外而圖畫每逮百年之遠近鮮其儔焉余寮友霍思

近稿卷十

七

齋君撫循寧夏歸間常語余邊事曰自某氏之任總  
督也而簞簋不飾邊氓苦之有不聊生之嗟於是而  
思樵村賈公之不置也公與余為同年友余秩貳秋  
卿侍公者兩閱月時公有歸志數語余曰人生宇宙  
間貴適志耳僕僕仕宦之途溺而不知止者失其性  
矣貞心遠度嶙然不汗蓋身處紛華之地而不忘林  
壑之想者歟是可以觀公之素矣公配吳氏同德儼  
美先公二年卒累贈夫人其子濂以某年某月某  
日合葬郡城東中勝坂祖塋之原而以神道碑文屬  
余余廼撫其大者刻諸石若其歷官善政世系胤嗣

之詳工部尚書張文山公載之行狀 武英殿大學士少傅徐存齋公取以誌諸墓矣茲則畧而不著也繫之以銘其詞曰惟 皇濬哲受命自天五位龍飛六服乾旋四岳加峻三台朗懸率土既序 帝德罔愆允武允文超周軼漢玄澤汪流仁風肆扇區宇宅心方隅革面人胥悅康物亦丕變蠢茲醜虜順叛靡常鼠竄鴟伏擾我邊疆 皇赫斯怒九伐用張迺簡俊傑城彼朔方桓桓賈公誕膺休命入揚王庭出綜兵柄震我天聲挫彼梟獍南仲方叔聯輝共映翊我皇度飭我戎行金湯孔固于周有光載登八座景

近稿卷十

烈彌章最公勛伐勒石隧旁

表  
贈中憲大夫都察院右僉都御史栖間張公墓

今夫君子之學以治身也身治矣遇時躋顯融俾功業及物表見當世而後其道始備焉古者一鄉之善士則有以貴於一鄉一國之善士則有以貴於一國蓋選舉之道明於上而野無留賢也後世則有遇有不遇於是乎有遺逸阨窮之嘆然而績學飭行端本教家始或未庸於時禪於其子若孫獲卒行其道於天下則亦未爲不遇也是故世澤篤於燕貽式穀徵

近稿卷十

九

諸錫類吾於贈中憲大夫都察院右僉都御史栖間先生張翁有感焉翁諱某字某別號栖間其先汴人宋紹興間徙居金陵再徙上海黃莊涇勝國時有仕爲廉訪使者遂著姓吳下曾祖諱某祖諱某考諱某號採蓴公皆抱德不仕採蓴公娶某氏生翁翁稟有淑姿少而穎敏五歲通句讀日記百餘言八歲長聲律對偶出語驚其座人既而習舉子業日益工矣忽患目盲採蓴公憐之曰爾獨子而有斯疾也命矣夫遂撤所業無何目復明值家難作翁極力枝植嘆曰吾值數奇命矣夫迺絕意進取居常尋繹舊聞涉獵經史尤精通於易子弟前後從學者幾數百人啓惑覺疑咸有成立如響斯應如景斯隨逮其晚年閱義理益深里人有疑事咸來質成於翁翁與之言一準易義辨是非決可否商榷利害成敗明若觀火信同著蔡屢常接跡戶外虛往實歸無不意滿者或有不愜於情亦必曰翁言愛我愛我罔不保任焉邑大夫慕之迎以羔雁之儀辭不赴雖鄉飲酒之招亦不往足不出門戶者踰二十年所居垂楊臨溪携書獨玩徙倚終日境與意會則吟咏自娛若無繫著于世者嘗病俗曲妖淫取古人詩章有關風教者數篇叶之

聲調俾童子歌焉世以爲楷自號栖閒先生人稱之亦曰栖閒先生云翁惇尚孝友哀飭人倫且性好施予家雖屢空而貧來貸者輒與之常不責其負有惡少酗酒犯翁者翁徐出一言道之至愧悔不敢過廬者數年其行誼卓然班班可睹也教誨諸子咸奮厲爲佳士嘉靖歲戊子次子中丞公鶚翼舉于鄉翁喜曰是可成吾志矣明年己丑某月某日翁疾考終距所生某年月日享年八十娶高氏繼娶朱氏學士孟辨公孫有賢行先翁十一年卒子二長鵬翼雋才早卒次卽中丞公孫男六某某是年冬某月日合塋長

近稿卷十

十一

溪之新塋後十三年辛丑中丞公登進士第授承德郎兵部職方司主事又三年滿考勅贈翁如其官尋改吏部主事擢考功文選郎中咸有嘉譽繼擢南京通政司通政益赫賢聲壬子擢御史中丞巡撫貴州所至克威克愛邊徼底寧洪伐斯樹乙卯滿考誥贈翁如今官又四年庚申中丞公愀然謂余曰吾先子積善成德宜享其隆不克有於其躬歿雖海膺錫命顧余無所肖似不能顯揚萬分願子一言表之昭示來世余與翁同里閭然不數數見翁余憶曩時爲諸生與中丞公友也值翁七十誕辰余列賀客

之末視翁雙瞳炯異體貌端凝終席作止進退式禮不愆知翁爲有方之士假令得位行道當大有樹立因嘆命鄉選士之法廢而倚蘭悴於中野惜哉余於是又知翁之後當有中丞公也已而果然壬戌春二月余詮次其行歸之刻石隧旁復系之曰於戲張翁善積厥躬丘園賁美以不試終珠潛淵海璞隱石中豈非數有所值而未遂其逢者乎迨其後也發之於中丞公翁也蟻屈子也龍騰神鳥噤伏鳳雛豈鳴朝翔省臺炳績垂聲凡其效職以用于時用而未究厥施者孰非翁之遺也 寵光隆于申錫潛德耀于玄

近稿卷十

十二

堂勇冠繡服休有烈光所謂一國之善士斯有以貴於一國者語不虛哉我我豐碑祖德有輝清河孫子永世保之過墓者式睇目余辭

廣西布政司左叅議左山顧公墓表

嘉靖壬戌九月三十日朝請大夫廣西布政司左叅議左山顧公以疾終於家第大叅豫齋公書其行履世次狀甚詳諸孤正誼昆仲經度兆域黃龍浦金家灣之陽將以甲子正月某日襄事先期正誼衰服持狀謁余請表公之墓余憶曩時宦遊南北與公兩同比部聯署交知復締姻媾之雅逾三十年余今謝政



家居方圖合併以續舊好而公不我留矣嗚呼傷哉  
余安忍於無言公諱中立字伯從左山則其別號也  
松華亭人顧自吳丞相雍以來爲三吳著姓逮梁黃  
門侍郎野王占籍華亭枝葉碩衍代有聞人國初  
高祖某居柘林以行誼著鄉工詩名與袁海叟相埒  
曾祖某永樂時儒士徵佐英國公戎幕祖某由掾任  
皂口尉考某由鄉舉任興寧縣令以循吏稱妣康氏  
公稟穎敏之資抱淳慤之行甫成童涉覽經史文彩  
煥如同郡顧文僖公嘗試之論以心正則筆正爲題  
公頃刻屬草大意謂運於身者皆氣也而所以主之

近稿卷十

三

者則存乎志文僖大加獎異謂非稚子所能道迨長  
師事文僖文僖於人不輕許可獨以國士期公弱冠  
補邑學弟子員正德丙子領鄉薦嘉靖丙戌暨第中  
孚同舉進士授南京刑部主事操德砥行執法明刑  
獄不稽留民無冤抑以父喪去任辟踊悲號哀毀逾  
禮人稱其孝服闋奉母氏北行補秩刑曹精習律令  
尤工參駁遂列章奏之科賢聲籍甚時同郡馮侍御  
上疏劾大臣失政者天子震怒下其事究馮黨或  
以飛語中公衆爲之危懼公屹然不動馮出所與書  
問皆規勉忠君大義事遂寢時謂忠不忘於輔友氣

不奪於流言共嘆服焉踰年轉本部員外郎會恩  
例獲受寵錫之榮父贈奉政大夫刑部員外郎毋封  
太宜人公日侍太宜人側太宜人色喜則喜色憂亦  
憂無何太宜人患疾醫謂不馴習水土公感然曰夫  
人子祿仕本以致之親也奈何反以病吾親乎懇疏  
改南得旨俞允至留都數月擢禮部儀制司郎中  
典章熟練傾譽南宮逾年擢山東按察司僉事力持  
風裁紀綱清肅所屬吏有望風解印綬去者值歲侵  
流離載路公亟欲施賑有司謂故事必俟撫按移文  
而行公叱之曰人死不能忍須更計可緩斯民一旦

近稿卷十

三

之命足矣咎則余歸卽罄發所儲賑之青兗之間賴  
以全活者甚衆是歲大蝗設法焚瘞災沴蠲除又提  
督青沂銀礦防範周密緘塞利孔國用以饒公持憲  
滋久諳達機宜凡撫巡諸君疑議未決咸來咨訪時  
有縣令犯賊先期被召之京者巡院問之公公請  
白之銓曹銓曹械歸其人服罪雖大暢羣憤而黨惡  
者實銜公矣戊戌滿考擢廣西布政司左僉議歸觀  
太宜人於堂察太宜人起居少憊疇昔慨然嘆曰報  
母之曰短矣遂疏乞終養歸越明年太宜人疾作公  
親調湯藥左右扶將寢食幾廢者半載罔敢自逸太



宜人亡泣血悲傷喪葬以禮哀慕蓋終其身焉公明習隸首之術洞悉纖微以其參伍鉤稽未盡施之於國通用之不總持大體運之六子轉之息耗雖不察察於刀業日愍澗若子貢之廢著陶朱公之三致千金不是過也繇是築洪厓堂於宅之西偏疊石鑿池栽花植竹日徜徉塵壒之外良辰勝景引集朋儔相與飲酒賦詩奕棋談藝喜樂求日盈天壤間物茂以尚之晚年杜門養靜獨處一室扁曰鐵漢窩屏思慮絕嗜欲兀坐焚香倦則就寢席偃然羲黃上人也至是疾卒距生弘治八年十月三十日享年六十

近稿卷十

古

十有八娶朱氏繼娶吳氏生子男四人正誼正倫正心俱國子生正時縣學生女三人長適南京工部主事潘允端次適嘉善縣學生陸中錫次適國子生楊允備孫男二人嗣科嗣賢公天資粹美學無不窺文藝幼擅時名學者推爲領袖考之師友淵源本於文僖公而潛玩沈思多所自得爲文直寫胸臆不事模擬詩則情致深厚庶幾唐人之風今有洪厓堂稿藏於家狀又稱公性度宏容用意忠厚仁孝本於天植信義孚於人人可謂明達君子寬厚長者人無間於其昆弟之言矣余嘗尙論古人蒐輯名行於華亭故

志曠括尤詳我國朝以來兄弟第甲科若錢氏溥博張氏弘宜弘至楊氏瑋瓌相望後先膾炙人口咸有榮名然未若左山豫齋昆仲同榜擢第雙璧光聯棣華輝映尤妙觀見者也其人物表著章章可觀者時不乏人若夏正夫之崇實好古張莊簡之清約守正顧文僖之任真淳雅尤此邦巨擘人士迄今能言之公素所宅心平康正直殘忍刻薄禁遏不爲居常誦說嘉樂前聞恒以夏張二公爲口實克念景行其篤志文僖則信守師說而終身無斃焉者也詎不謂之賢乎余銓次公行復最數辭於篇末俾創墓石揭視

近稿卷十

五

方來其辭曰彼美大夫毓秀東吳維平維直維德之隅連翩鳳羽奮迅天衢少試於國旋返故廬澤如雨施東土昭蘇歛若雲行卷欽太虛寶穡自阜秉禮不渝今也則逝玉韞黃墟芳名喇喇君子衆諸

明旌表國子生杜君配趙氏貞烈墓表

貞烈趙氏邢臺都察院右副都御史玉泉孔昭公之女任縣鴻臚寺序班杜宗壽之子婦國子生偉之配也趙氏夫死能以身死殉葬可謂烈矣時玉泉公開府淮楊遣使貽予書曰亡女名昇母郝恭人生三歲母卒繼母呂恭人撫而教之性柔順敏慧開習女紅

年十四適杜氏未數年無子卽爲夫置妾妾亡復置事繼姑董曲當意指舅姑賢之嘉靖四十五年十月偉疾卒女號哭晝夜不絕聲繼之以血誓必死因而自縊者再三其舅囑繼姑及偉妹防衛甚嚴得不死擇立堂兄子寬承嗣隆慶元年十二月偉卜葬有日矣女聞益悲號不食舅姑親戚勸之百方終不解決旬竟亡時年二十有四死之日鄉閭無少長咸讚誦其賢庠生謝嘉言輩暨致仕官陳綱諸人謂女之懿行流伍所稀不表揚無以勸俗白事縣中縣上之郡郡上之提學御史臺巡撫都院覈實奏 聞隆慶三

近稿卷十

六

年六月檄下有司豎坊表里越來歲庚午某月某日合葬焉書言若此且屬予表其墓予嘗聞諸傳曰夫婦之道參配陰陽通達神明信天地之弘義人倫之大節誠哉是言也今夫天地至大萬物至夥人之生藐然中處爲形至微生不過百年爲時至近若其道之大可參天地遠可亘古今而不亡者孰使之然哉夫亦以天理人心之所不容已而人之所賴以生者也故曰人之生也直而易貴女貞夫苟於貞信而全焉則形雖隕矣生氣流行於宇宙間者歷萬載而恒存否則苟生天地之間如禽視鳥息形存而其心固

已死矣此孔子所以於詩錄柏舟之節而春秋特書宋伯姬之烈也厥義淵哉趙女之行雖曰服習庭訓使然而浩然之志確不可奪蓋得於天者獨隆故其殉夫之死雖與伯姬守禮其事靡齊若結憤填膺捐軀畢命冥踐義途心懸皦日均之可以烈言也已夫表賢彰善輿論之公覈實褒崇王制之大月旦之陽秋不爽 國家之華衮赫如豈曰不顯乎而欲假言於予無亦以信今傳後猶有藉於君子之文也予言不能文思遠命不可虛廼詮次成篇系之以辭授使者持歸刻置墓石辭曰

近稿卷十

七

兩儀定位大倫肇宣山川奠麗風氣盤旋大行西峙漳水東纏維此巨邦淑媛出焉眷彼弱笄禮義罔愆生期同室死契黃泉維林有鳥比翼翩翾維山有木根附枝連百泉縕彩玉沙競妍三復予辭想像女賢霜清月皎璧合珠圓音徽烈烈終古不刊

從仕郎祁州判官韓君暨配潘孺人合葬墓誌銘

吾友從仕郎祁州判官韓君春江以嘉靖乙卯歲某月某日疾卒於家越來年丙辰某月某日暨其配潘孺人合葬肇溪之新塋蓋當祖塋之左望氣者云善

而卜之且吉也又二年君之子宗道謁余於南都之官舍持其所自爲狀請余銘曰先生與孤之先君幼同鄉校相友善先君平日兢兢厲名行而其效一職也亦不敢苟焉處之先生所知也今也不幸亡矣願徼先生之惠一言以掩諸幽從仕君諱蓋臣字元忠別號曰春江少負穎敏有聲鄉校中已而卒業國子歷事工部學殖日新試輒高等大司成趙公永大司空趙公璜咸器重焉吾邑陸文裕公深時爲司業慎許可君爲公中表子弟獨鍾愛之時時商榷藝文輒能妙解有新得爲公欣賞繇是聲名剋然起矣乃屢

近稿卷十

六

試秋闈竟不獲舉謁選授山東濟南府經歷適聖駕南巡委督夫役車船數以萬計君才優幹理不棘不絀事咸立辦又委清查鹽課勾稽錢穀各效厥能當道者奇其材檄署齊河齊河之政日理而民之頌之者罔有間言復檄署商河商河之政亦理而民之頌之猶齊河也後萊蕪縣大盜蠭起所過鈔略莫可誰何有司者上其事巡按李公復初謂非君不可使乃檄部民兵三千往勦之君整齊行伍開陳禍福招示使降盜聞解去者大半生擒百人以獻盜患遂平當道者益奇其材大加獎異甫三年擢湖廣荊門州

判官州居萬山中盜易嘯聚爲奸君乃申明條約凡民兵役占者悉遣歸俾就教閱繕葺城堡脩舉保甲慮周計悉竟內晏然其治水利則以時蓄洩脩築塘堰數百有奇是歲大有年人咸歌舞之又署州篆舊凡馬戶里役歲更吏胥得以輕重其手需求常例君立定可否群下不得緣以爲姦洗革時弊殆盡無何丁外艱去位民有後思焉服闋補直隸祁州判官當道者檄署唐縣縣之事治而民安之猶齊河商河也復檄署州篆州之事治而民安之猶荆門也州治密邇三關相去僅百餘里時虜騎數內侵若防禦運餉

近稿卷十

九

諸役君以一身任之日夕旁午勞績表著踰年去官歸君性坦夷儉朴與人不設城府而丰神俊朗見者敬之尤留心藝文而長於書法處家仁禮具備居母顧孺人父竹溪公之喪哀痛懇至塋祭不愆於禮處弟國與俞臣友愛甚篤國雖出爲族人後於其歿也哭之哀經紀襄事復恤其孤如已子此尤有古之風配孺人潘氏同邑廣東長樂令綸之女也性行端淑少事母以孝聞及笄而嬪於君事舅姑曲盡愛敬君嘗病羸者三年孺人憂形於色禱祝必虔湯藥必嘗越始終不懈君學遊燕饋諸名士則脫簪珥以佐不

足從仕君之持身以敬義聞守官以清勤顯咸孺人  
內助之效詎不謂賢乎君之卒距生弘治戊午某月  
日享年五十有八孺人先君四年卒嘉靖辛亥某月  
日距生弘治己未某月日享年五十有二子四長即  
宗道爲縣學生娶張氏孺人出次宗文宗義宗理俱  
側室出宗文宗理早殤宗義聘曹氏孫男一一麟孫  
女三按韓氏舊爲樞李人譜遺不可考有諱福四者  
避元亂徙上海居浦之東五傳而爲槐隱公諱常始  
拓市居以輸粟授冠服生雪莊公諱綸仕景寧主簿  
生竹溪公諱恕亦以例授冠服娶顧氏生君景寧有

入述稿卷十

十一

惠政竹溪有隱德俱詳具文裕公誌中茲不著君生  
而頭角秀異槐隱公嘗摩其頂曰大吾門者必此兒  
乃今位不德稱職止佐州而復嗇其壽此曷故哉語  
有之善積寢昌一世之短百世之長然則振韓氏之  
業者其不在厥子若孫耶爲之銘曰君才抱璞吳中  
英茲仕于州日有聲小試牛刀新發剗剗何施曷  
整厥能卷而懷之賦歸耕厭世膠鬲溘上征玄堂鬱  
鬱竊且深溪流瀾瀾海月瑩瑩爰及良偶厝而寧福  
延嗣人代以興堅珉不蝕余之銘

太學生孫如山先生配碩人劉氏合葬墓誌銘

吾友如山先生嘉靖歲壬子十月四日考終正寢時  
邑罹海寇之警不克塋殯於某地之原越七年爲歲  
己未正月一日配碩人劉氏亦卒卜以是歲某月某  
日啓先生之藏而大封焉其子刑部君應魁文學君  
應解斃氣在疚述其父若母之嘉言善行將以需幽  
堂之銘使來留都具書抵余曰吾先子之文若行卓  
犖一時而未克爲世用迺不得見于天下思夫古之  
人隱而未見於天下而卒傳之後者亦賴君子記謨  
之言有微焉耳然則表揚先德俾吾父若母之懿美  
不湮滅無傳者其在斯文矣夫執事者圖焉余與先

述稿卷十

十一

生有交臂之雅重以葭莩之親誼不可辭也迺据狀  
而取其大者于篇先生孫姓諱繼科字汝登如山其  
別號也孫氏自宋南渡時徙居上海龍浦之南數傳  
有文昌君者力本務穡爲時著姓至今人稱其地曰  
孫灣云文昌生養志諱善養志生節軒諱怡濱州學  
正節軒生愛溪諱寅愛溪生黃溪諱鸞刑部司務先  
生之考也黃溪娶王氏生文夫子三先生其仲也少  
稟穎敏之資長通文藝之教補邑學弟子員有聲會  
從黃溪公宦遊京師受學禮侍崔公桐所崔公大奇  
其文由是才識穎發資養益閎深矣嘉靖乙酉巡按

朱君曰昌督學盧君渙相繼行郡校士咸擢先生爲首名稱籍其時吳下之士亦皆嘆服謂出先生下而先生亦自謂諸生莫已若也當是時人謂先生元魁可立致而先生亦以樸囊視之然屢試有司不第甲午入太學爲太學生時四方才彥鴻連白下亦無不退舍嚮風諫先生者比試又不第歸癸卯刑部君舉鄉闈庚戌登進士先生喜曰是可承吾志矣遂絕意進取葛巾野服足跡不躡公門雖達官貴人顧問亦以疾辭先生性剛介不妄與人交語及世俗卑鄙之習輒吐咤去之聞人有美行則稱不容口平生于書

述稿卷十

三

無所不讀爲文詞不屑屑繩墨自成一家言喜誦蘇老泉文故其文雄健古雅得蘇氏桀度晚年好讀老子書嘗誦其甚愛太費多藏厚亡二言以戒諸子其于得喪盈虧之限知之也斯蓋意平心而不以怵惕于胷中于道不已幾乎先生居母王碩人之喪復居黃溪公之喪哀毀欲絕凡葬祭之類殫心協禮兄弟異爨時凡田宅器用美好者悉讓不取其女弟適沈貫卿貫卿早卒無子絕粒捐軀以從其夫先生往治喪葬設主附于祖其篤厚彝倫蓋如此歲壬子刑部君授新淦令歸拜于堂喜動顏色屢以敬事勤民爲

敬誠赴任甫兩月而先生以疾亡歸守制服闋復除滑臺令戊午遷秩南還而劉碩人亦亡嗟嗟痛哉碩人同邑散官諱交之女也生有異質通孝經列女傳諸書及笄歸先生克閑婦道以孝事舅姑黃溪公官于朝先生携碩人往省會王碩人遘疾碩人日侍左右扶持將至忘寢食及卒傷悼逾至綜理內政若網在綱井井有條黃溪公賢之先生夙抱英邁負氣好剛及抑鬱于時往往杜門歛跡遺落世事碩人承以柔順從中調護贊助其不及可謂得坤道之貞迨刑部君迎養在滑朝夕必諭以節用慎刑刑部君服其言

述稿卷十

三

不敢怠荒若其處妯娌以和御妾婢以慈待鄉鄰以睦展無不宜當其屬續之晨遺言及述往事皆歷歷可指數不少潰亂若養之素定者然詎不謂難邪先生生成化丙辰八月二十四日享年五十有七碩人生成化乙卯六月初八日享年六十有五子男二長卽應魁刑部主事娶唐氏次卽應解縣學生娶朱氏女二適太學生郁性王玉鳴孫男二伯韶伯時孫女二納陳元德潘雲驥瞿大韶聘雲驥則余之孫也余憶曩時游鄉校與先生暨其弟晉山先生相友善二先生皆俊朗可念時謂玉樹聯輝棣華交映異日必

爲國器今也未沾一命之榮均資志以歿胡天畀之才而顧抑其用歟既抑其用復靳其年歟豈虧成有數啻於前者將以昌厥後歟賢嗣之顯庸蘭蓀之毓秀其繼繼繩繩熾大於將來者何有涯也肆系之銘曰有龍矯矯言潛于淵有玉璞藏言秘其珍彼美君子績學咀英胡時弗遇沈抑不伸非學則疚惟數之屯雙壁翳止龍浦高墳有蕃來嗣揚光代興嘉名不翳述德有文

朱母蔡孺人墓誌銘

上海太學生朱君察卿少負敏資稱名黌校比長益

近稿卷十

四

尅勵綜理藝文之業日漸有聲曩予時觀其著述文模擬史遷詩效唐格蓋將振藻麗於詞林成修名於來日者予愛之望之嘉靖壬戌予謝政歸田君執親之喪銜恤悲傷讀禮不懈一日撰錄母氏之德履謁予告曰孤無似辱不棄於君子茲願竊有請焉昔我先大夫青岡府君居鄉以俊傑稱爲吏以廉平顯人士所知也抑所以警戒而相成者寔吾先孺人內助之功不幸先大夫蚤捐館孤在童稚所以撫摩顧復卒底成立絲毫皆孺人力也罔極之德胡以報焉孺人蔡姓諱真其外大父怡晚居士蘭暮年乏嗣又苦

於多女也誠徐碩人無再舉女及碩人有身怡晚公夢異人授玉珎十有五越十五月而孺人生符合其數遂以爲異舉之天性端淑不苟言笑稍長教以孝經列女傳諸書靡不通曉外大父鍾愛之先大夫始娶沈孺人卒繼乃請婚蔡氏外大父以吾朱氏詩書舊族先大夫又賢也以先孺人歸焉先大夫時爲諸生厲志力學不屑事生業孺人脫簪珥躬緝績充晨夕費無愆容先大夫御史公多所延納客常滿座孺人親舐饌具隨所需頃刻立辦豐約適宜先大母張孺人患痰疾終歲不瘳孺人左右扶將時時供湯藥

近稿卷十

五

問嗜欲張孺人或竟夕不寢孺人亦不寢彌久益虔先大夫兄弟五人同居久不分異孺人雍睦於娣姒間衣服飲食有無相通自始迄終無擇言貳行性不喜華靡先大夫舉進士孺人榮受封錫而居常服御與布素等埒兩從先大夫令劇邑攻苦食淡所至厲冰蘖操以廉吏稱隨有御史之擢名重內臺無何拜福州太守聲問章章表著以孺人爲之內也孺人來歸時沈孺人所生姊甫離襁褓而瞽孺人甚憐之待之不啻已出贅壻謝氏於家共幾終其身且畢其喪葬而撫其孤嘉靖癸巳孺人年三十九先大夫背棄



孺人哭之慟再絕復甦時孤方九齡一妹纔七齡孺人泣告諸父曰女雖我出終爲他人婦此子不立何以樹門戶見君子於地下聞者灑淚焉孺人內慈外嚴殫心訓迪遺孤日就傳於外夜則坐孤於側篝燈紉綴課所授不極寒暑不休不率教必怒而杖杖而不改則復之繼之以泣稍長加意督責出入里中必命僕之淳謹者隨戒無佚遊無近燕朋損友家政巨細悉自綱紀外內百需以一身酬應營高敞地葬先大夫爲孤娶婦者三具資賄嫁妹外大父不克葬而葬之以禮諸所費務罔不手自經畫會計泉刀出納

近稿卷十

三

人不能欺僮僕凡數百指撫之以仁泣之以莊咸井井不敢踰節及婚嫁既畢謝燕嘗米鹽事博觀梵書奉齋禮佛衣不求華食不厭蔬孤與妹強進旨甘跪請不許然猶不廢織紉復以教其子者教其孫庚申歲九月十四日考終方疾亟時召戚屬媼御至榻前分釵衣辭訣復以手自爲布命孤均遺僕從又謂孤曰非我不能成若非若不能事我我死可以見若父矣又曰若兄妹素和好我無憂但未見諸孫進取爲憾耳又曰我絕時汝兄妹哭母失聲亂我去路俄頃從容整襟而逝距生弘治乙卯十月十一日享年六

十有六子一卽孤娶唐氏繼沈氏張氏女一適中書舍人顧從義繼女一適唐繼道孫男六家學家賓家教家法家風家聲孫女二下以癸亥歲四月十二日已未從先大夫合葬肇涇西原葬必有銘用以爲請幸無讓焉予爲之言曰古先王之教必自閨門始世降風移內則尠立奢汰悖回往往而是自公卿大夫無完德矧曰女婦然哉若朱母蔡孺人者可謂賢矣克相夫子元吉比類於黃裳於以見婦道之貞焉啓佑後人式似有光於采菽於以見母教之懿焉迺若貴而能勤富而能儉敬不弛於尊嫜孝不衰於父母

近稿卷十

七

內以宜其室家外以睦於黨巷風華沾漑乎葛覃秉禮不愆於蘋藻於以見閭德之備焉至其精專內典見性明心之死不潰尤丈夫所未易能者而房闈之流迺超悟如是詎不謂賢乎是故可述也已予迺次第其事如右而系之以銘銘曰偉彼朱公邦之司直豸史馳聲棠陰頌德伊內相之績英英國子含穎龍泉繹思藝圃騁足文園伊慈訓之專妻道母儀亦孔之微矣鬱鬱斯丘庶幾全歸矣雙璧珍藏炯炯夜光我銘玄石百世其康之

永城縣知縣裕齋張君墓誌銘



在昔聖門卜子夏之論學曰賢賢易色事父母能竭其力事君能致其身與朋友交言而有信雖曰未學吾必謂之已學矣予嘗以是觀天下之人其人之賢者必其厚於倫者也其不賢者反是以知子夏之言非直論學萬世觀人之法不越乎此矣予少從城南翁游交於其仲子豫齋君君時少予五歲予見其交友信事親孝知其異日之事君必忠因其厚倫而又知君之必賢無疑也繇是迄今幾五十年而豫齋君卒卒之明年祔葬祖塋之次其孤汝明持狀徵銘往予已銘城南翁墓又忍爲君銘耶然義不可辭君

近稿卷十

文一

姓張氏諱大魯字子守豫齋則君別號也君天姿穎敏幼誦小學論語史畧諸書一過輒不忘屬文醇雅簡明根極理要城南翁喜曰吾家世績學種德未有以科目顯名者意者其待子乎益勤過庭之訓以發其材嘉靖辛卯領應天鄉薦城南翁生平好儒學不事家人產業君侍養二親綜理經街又以餘力治居室之務勞勩節縮粵有常法家繇是日裕城南翁仕弋陽府教授致政歸日與故舊親知讌集君治具必豐潔所以接殷勤之懽者恒久無倦容心意幾微輒逆得之罔不當翁志歲辛丑遭父喪丁未復

喪母君哀毀不自勝葬祭咸秩於禮事兄尤篤敬讓不忍異居者數年下字同產諸弟撫恤肫懇迫不得已分析乃捐產從厚畀之不以先世所遺爲限尤以爲難易曰幹父用譽承以德也君其有焉城南翁常曰次子孝弟之德可質神明人不間於其父母昆弟之言矣歲癸丑君七試禮闈數奇不售迺謁選銓曹授河南永城縣令縣當南北衝道民力匱絀逋遷而東芒碭巖險在焉流亡烏合之徒往往竊發吏獎叢積君慨然求治考圖籍訪耆老得陳太丘朱孝友之遺風韓忠獻張起宗之偉績則撫膺嘆曰爲政不

近稿卷十

文九

當如是耶思以移易風俗修舉廢墜爲已任甫兩月值巨寇師尚詔之亂呼吸鳩衆萬餘攻畧城邑所向奔潰時歸德柘城鹿邑諸郡縣罹禍尤酷又揚言引兵南下劫掠鳳陽高牆諸宗人擁立以爲名遠近震恐會朝廷遣中貴人護送有罪宗室赴高牆者道經永城賊率輕騎薄之中貴人叩關告急衆懼不敢納君詢得情實遂開壁延入而賊擁衆至城下矣獨壘亡援宗室在圍勢同孤注賊憑藉屢勝之威環而攻之越三晝夜不解聲言必得宗室乃去人益惶懼君力疾往來調度示民固守驅未教之卒作其果毅

之氣於徬徨急遽之間外絕虺蜥之援內免累卵之危非精誠之感乎謀猷之式固疇克能此賊再越宿解圍而去君潛師躡其後頗有斬獲功自是而後大兵駢集劇賊勦平寔君挫其鋒以爲之先也識者謂君茲守與張睢陽同功語不虛哉繇是撫按上其事於朝爰有內帑白金之錫蓋殊典也君命工作祭器傳之子孫世守云越明年總理河道有遣使之求城者橫索夫馬擾民君裁抑之太過漫爲飛語誣構上官誤不之察君聞之忿激陳疾乞歸河南諸司咸謂無辜憫惜君去求城父老遮道泣留君而君拂衣

近稿卷十

辛

行矣去後常見思易曰王臣蹇蹇終無尤也君其有焉君歸數年爲歲辛酉九月二十三日以疾卒距生弘治辛酉十一月二十九日享年六十有一配趙氏有賢行子男一卽汝明邑庠生娶陶氏孫男二所敬邑庠生娶唐氏所蘊聘予弟光祿松厓君季女孫女一適少府王省齋君仲子玉蘊君恭懿之德足以表率人倫儉素之操可以醇厚風俗博濟之蘊有以利國澤民經緯之才見於應變成務雖古名卿大夫無以踰之然位僅七品莫酬其德仕止二載不竟厥施年方中壽莫延遐祉君子惜之然而其子若孫咸以

文學起名有過人者人是以知君之後嗣之必顯榮而君之仕不充其志爲無憾也葬則癸亥歲某月某日君居常行誼之詳載於家乘世次源本具城南翁誌中茲不著著其忠孝之大節而申之以銘曰彼美張君德孔純只內以盡性外盡倫只始也克家曰孝親只移忠於國爲勞臣只氣雄萬夫靖寇塵只屹保孤城庶姓忻只時弗我庸閔厥珍只壽不其延歸九原只天道好還反掌間只福善爾徵視後昆只槐庭挺秀世澤縣只玄石垂光我銘存只

近稿卷十

壬

笠江先生

入之十

笠江先生近稿卷之十一

墓誌銘

中奉大夫江西布政使司右布政使雍里顧公

墓誌銘

今上即位之二年爲嘉靖癸未 上圖惟新政寤寐賢才以毗益中興之治適禮闈合天下之貢士拔其雋者四百人以薦 上臨軒策問焉時雍里顧公以弱冠登高第英資貞亮器宇宏博通習藝文士林推先之說者謂應雲龍風虎之幾立鴻鉅之業於異口者其在斯人矣嗣後三十年 天子興脩禮文紹明

近稿卷十一

帝王之道而公敷歷藩臬間不獲與從事迺又以江西右使致其政歸識者有留滯之嘆蓋嘆其不大售於時與初指異也歲戊午冬伯子太學生允默至南都公以所著就正篇示余余受而讀之其篇中所載多昔賢所未發如論格致之學原本吾心存省之功無分動靜尤根極體要去世儒口耳見聞遠甚余復書以謝且致屬望之忱焉未幾而公之訃音至矣吁嗟傷哉又二年歲庚申太學君卜以某月某日葬公邑西北巴城村之塋迺持所自撰狀謁余請銘余與公爲同年友又知公義不可辭迺次第其語爲銘公

諱夢圭字武祥雍里其別號也顧氏世居崑山爲吳

著姓八世祖道璋勝國時萬戶以財雄鄉高祖良曾

祖恂並累贈光祿大夫柱國少保兼太子太傅禮部

尚書 武英殿大學士高祖妣吳氏曾祖妣吳氏並

累贈一品夫人祖宜之封山西道監察御史祖妣周

氏贈孺人繼李氏封孺人父潛翰林庶吉士授監察

御史提督京畿學政 武廟時剛直忤倖失御史

權後以公貴進封中憲大夫妣龔氏封孺人贈恭人

繼母楊氏累封太恭人初弘治庚申元日中憲公夢

神人授一碧玉 王方下覺而喜曰圭璋之祥也是

墓誌銘

三

歲七月二十七日 公生因以名焉越月中憲公奉使便道携公歸曾大父見而奇之曰是兒風骨不凡必昌吾家甫五六歲知聲偶數出奇語驚其長老進退拱揖夏異羣兒十歲善屬文十四入邑庠十六督學張公璿校文至取允諸生大加賞識明年丙子舉應天鄉試鄉人以羈允登科羨異而公抑抑無喜容有王陽明先生者講明理學公謁之請益深自刻勵業有志聖賢之學矣及登進士授刑部浙江司主事疏乞 以便宜改南京吏部稽勲司主事遷驗封司郎中應 詔陳言論六事皆時政之大者內言

中官鎮守之害尤剴切中竅得 旨報罷士論趨之  
留都曹務頗簡與呂公仲木鄒公謙之諸君子講論  
道藝一時知名之士皆慕與之交膏大雨入公署儀  
度益恭呂公謂諸寮曰此漢之茅容也又嘗會飲司  
勲署折梅花翫之呂公曰對君如對此花其爲善類  
推讓若此滿兩考擢廣東布政司右叅議分守雷廉  
二郡郡方久旱公行部甘雨隨車庶民大悅郡倅縣  
令之無良者輒繩以法屬吏震讐奉法惟謹值 朝  
廷下採珠令公上疏力陳其不便略曰南粵之瘡痍  
未起夫舡之微發不訾民胡以堪且觸冒瘴霧則有

近稿卷三

三

疾癘之作出沒風濤又多漂溺之患死於非命往往  
有之良可憫念願 賜停止以應明王慎德不寶遠  
物之訓疏下所司寢不報而役亦稍緩督府陶公諧  
曰是撫臣事也顧少參不避禍行之吾愧之矣尋遷  
江西布政司左叅議以父喪去任服闋擢山東按察  
司副使視事數月憲度肅然改河南按察副使提督  
學校以變文體端士習爲首務正身率物風教大行  
會 郊廟覃恩進階中憲大夫是年 天子謁 顯  
陵過汴閩省臣寮皆出候境上獨公居守攝三司案  
諸務填委酬應咸當內外晏如擢福建布政司左叅

政時公之叔祖太保文康公在內閣先是汴察擬公  
必內擢暨得報相與嘆服謂不可及焉至閩分守延  
邵汀建諸郡山寇竊發以爲民害公不憚暑雨涉鳥  
道千餘里捕獲賊首五十餘人羣黨解散遂平擢本  
省按察使屬吏有席權要貪黷者按覈賊罪置之於  
法又豪富人主使殺人行賂抵從者罪則盡發其奸  
翻易成案理冤抑緝獲禦人稱神明無何以肺疾上  
疏乞歸不允擢江西右布政使復上疏固辭廼得歸  
公宦轍所至清苦一跡諸凡饋贐纖介必峻卻之撫  
按觀風至者數以端廉醉飽學行皆優騰諸薦剡然

近稿卷三

四

性恬澹不規規仕進又不能脂韋干時竟以強年解  
組云歸田十五年屏跡不見達官非公事不入郡縣  
之庭親朋以遊晏招者辭不赴日鍵門戶坐一齋中  
取所讀經史及瀛浴關閩諸儒書深味其旨時有新  
得則疾書簡編或夜分忘寢見諸子學習古文詞則  
諭之曰文逮韓柳詩逮李杜亦文士詩人耳不有所  
謂身心之學得之則爲聖爲賢者乎又曰程氏有言  
不學便老而衰少時漫讀之今信然矣爲文一主於  
理不求妍字句爲詩格韻逼古亦非模擬得之平生  
著述繹經傳之旨則就正篇紀當代事有適言持憲

恤刑有服念錄其它海北齊梁武平還山等稿各若干卷藏于家公至性仁孝十歲襲恭人歿哀毀如成人貴爲案藩矣侍中憲公疾手捧溺器親嘗湯藥日夕虔虔暨事楊太恭人均以孝稱友愛諸弟老而彌篤居常所自奉水無文錦食無珍從室無勝妾可謂約矣若其置義田贍宗族視義用財推仁濟物則雖費不遑恤也平生與人無怨惡有犯不校出於至誠藏獲小過亦不忍加咎詎人皆頌之謂漢劉寬唐婁師德兩公亡以過也公嘗言曰內有瞽瞍外有三苗舜德愈光君子所遇非人皆吾他山之石而何怨尤

近稿卷五

五

也則公之所養可知矣戊午歲十二月二十三日考終正寢享年五十有九配皇甫氏累封恭人子男二長卽允默次允肅縣學生女一許嫁李延實孫男一未名孫女三許嫁王雄鼎泰元建孫子珣夫以公之才之德之懿究所樹立大較止此又僅得中壽此士之所缺望而同惜焉者也然其居官守職敦行脩辭名亦章章籍甚可傳不朽矣況有子世承經學駁駁奮起能不隕其家聲乎系之銘曰崑岡玉產函光精公生炳靈迥絕倫少膺甲第揚芳聲大才著績汁廣閩冀登華近策殊勲遽爾歸來歎則存旁搜墳典探

道真出其緒餘文雅馴手持造化還蒼昊巴村麗碩魄以寧神騎箕尾驅風霆海月煒燁雲氣凝泉臺孔固名常尊百千萬祀徵余文

贈刑部主事燕礪齋配吳太安人合葬墓誌銘

嘉靖癸亥春三月十日燕太安人吳氏卒其子刑部郎中仲義先是壬戌歲奉使錄囚山西辭毋而行毋誠以欽恤奉敕朝廷好生德意祇服毋命惟勤獻獄以平允稱事竣會擢浙江處州府知府還至潤州聞太安人訃太守君哭踊盡哀徒跣南歸旬治喪葬事嚴少間從吳門操舟謁予海上請曰曩歲癸

近稿卷六

六

丑秋八月十日先大夫奄棄祿養迄今墓木拱矣奉母氏合葬焉未有銘詞刻置泉臺無以道實揚微昭示來禩是孤之罪也夫惟先生憫之微惠一言之辱俾所以垂不朽者憶余曩在比部於太守君有一日之雅又志意肫肫也誼不克辭據狀序次而銘焉燕氏之先世山東臨清州人勝國時始祖南徙占籍蘇之吳縣居桃花塢爲桃花塢人公諱宗貴字世榮別號礪齋高祖某曾祖某祖某父某四世咸潛德弗耀而有淳厚之譽表著鄉閭父娶母莫氏成化甲辰某月某日生公公生家運中微甫成童而喪父與母氏

相依爲命且暮勤勤以期振立雖在弱齡而志嚮遠大若成人然會叔父年老無嗣立爲繼子公竭力孝養叔父尋卒公執喪盡哀無異已所自出所遺資產悉還贅壻錙銖不入私室或止其無過讓者嘆曰吾享其盈使姊氏失所是以禮始以賄而終何以見叔地下退而經營自食其力復惟鬱攸之變囊無遺財而不尤不怨人頌其執義之堅公雅尚純朴身居市門不以機利相高雖處困窮絕無伎求之念方其不足則割臠補縮苦以節之稍有餘饒又甘貧士之所難飲食若衣不事肥甘華續至周恤親黨略無悛惜

八 近稿卷五

七

或稱貸莫償者則毀裂券契曰寧人我負不責其償人重其長厚之行生平直道自將意氣軒軒若不可羈係又不驚智巧爲名高人有過面折不容詞色峻厲已而無所留滯霧釋冰消或外侮橫加屹然弗動而處之裕如毫分縷析人服其簡伉之風壯年生子不育抱宣爲胤晚生太守君公撫宣始終如一爲之婚娶授恒產屋廬俾可自給延訪名儒教子造次督課必以文學雖寒暑間俾克有成人稱其義方之訓丙午秋太守君舉于鄉癸丑春登進士第無何公疾終正寢享年七十云配太安人吳氏笄年來歸殯

齋公時方處約安人黽勉求之拮据捋荼靡晝靡夜而生計日康孝養舅姑左右無方不以非沒禮而親心允豫且綜理有條不鄙施子克相夫子以行誼章聞皆其內助之力太守君之幼也撫之育之教之誨之長克爲良士迨其仕也隨事勸勉致其忠敬子克能其官是惟慈道之成庚申歲公贈刑部主事太安人封如今稱勅至顧其子曰吾與汝父昔同勞勩今獨享其榮乎愀然泣下子亦感泣不勝生成化甲辰某月某日享年八十子一卽仲義孫男四人長國楨次國儁俱庠生次國瑞國良孫女二曾孫女三葬

八 近稿卷五

八

在黃村燕山之新阡山秀水明風氣完好永利嗣人太守君之宦業方隆諸孫問學克懋振起家聲福祉未艾咸可紀述也肆爲之銘曰

封君種德居通廛嗜義遠利心悠然式穀教子成子賢蜚英甲第身騰騫蘭玉森森世德縣公胡奄逝歸幽玄松楸鬱鬱佳城堅鸞章翼翼褒重泉安人考終汔十年雙壁潛翳燕山阡白雲高封馬鬣原巨靈隱耀珠光聯源深浚流澤以延我銘刻石如星懸章章千祀永勿殫

故慈谿縣丞趙一齋墓誌銘



脩職郎慈谿縣丞趙一齋君嘉靖四十二年癸亥歲  
十有一月二十有九日疾終正寢越明年甲子歲十  
有二月十日卜葬先塋伯子世儒率其弟衰服踵門  
持鄉大夫徐白齋撰狀屬予銘予與君締交三十餘  
年子從子允徵又爲君壻有葭莩之誼允徵爲之請  
之也益勲予不得而辭按狀君諱希聲字元德一齋  
其別號也趙氏之先迺宋元僖後建炎間名汝清者  
封晉昌侯扈蹕南渡寓平江子崇簡登紹興進士歷  
官尚書越三世自平江徙上海家焉入 國朝高祖  
伯達曾祖昂祖傳咸以隱德淑行著于鄉父松舉弘

近稿卷上

九

治癸丑進士歷官太常少卿君其季子也君幼負敏  
資倜儻有志節弱冠補邑庠弟子員晉遊太學出則  
交友緝文歸則承顏養志飭躬謹行不同俗湛溺浮  
華經紀家政亦井井有條太常公安焉爰有克家之  
譽時蒼頭主田賦累歲出納逸漏逋負官錢三十萬  
緡公私督責甚亟君力輸之不以煩長上太常公益  
賢之曰真吾子也嗣是遭母潘安人暨太常公喪君  
哭泣悲號棺歛塋域之具一力營辦咸罄厥心歲癸  
丑謁選銓曹授慈谿丞慈邑值島夷之變曠莽莫禦  
謀築新城衛民有司屬君董役邑有權貴人欲遷城

以圉其居城迂則費鉅費鉅則病民君輒拒之曰築  
城爲民非迎承地也卽日始工遂忤權貴人搆誣被  
逮將甘心焉君勁氣直詞不少撓屈旋得釋歸嘆曰  
棄丞如敝屣耳迨歸會家難旁午遂移居白下詩酒  
結社自娛雖旅食不給晏如也歲辛酉盜發中庭君  
就縛被傷禍且不測尋縛自解脫得逸去若神明相  
之然人以爲君平易和厚之報歲壬戌歸反故廬葺  
修廢墜式穀教子預鄉先生耆年之會將以優游暮  
齡在苒歲餘而病作矣屬續之夕召諸子立牀下諭  
曰吾家近習修靡鮮克自檢致門祚衰落是吾之罪

近稿卷上

十一

也夫憶吾以儉勤僅存一綫若等痛加創艾冀以成  
立吾瞋目地下矣言訖問家事不答奄然而逝距生  
弘治癸亥十月十有九日享年六十一云配倪氏南  
京少保吏部尚書文僖公之孫尚寶麻岡公之女子  
男四人長卽世儒次世佐俱庠生次世位次世脩女  
三長適國子生允徵蚤卒次適兵馬副指揮瞿講次  
爲允徵繼室孫男一孫女二君敦尚孝友性稟坦夷  
不設城府善奕喜吟工義獻書法尤好延納賓朋談  
論終日覺壘不倦居常有言曰吾知奕夫人之家居  
治生暨出爲仕宦與奕道通焉耳奕勝負之數胡可



定擬或始完而終缺或初虧而後成其道在蚤見而善收識機而豫待云爾君之筮仕知止不辱貲產消而復贏其得于奕道者深矣夫善乎徐大夫之論其世曰以累仁積厚而興以嬉游奢汰而徵君謙和儉約砥柱中流以遺不食之碩果百世子孫鑒誠在茲矣真名言歟肆予揭而章之昭示來裔繫之以銘曰奕奕趙宗世有聞人猗歟脩職懷珍握醇材鉅用小蠖屈遂就官慈邑不欺其民知幾亟返不負于承家運中微幹蠱彌勤維慎維儉以康厥屯全歸何遽王瘞高墳日赤之溪風氣孔純平原蔚蔚聚水沄沄

近稿卷一

十二

涵毓吉壤祉延後昆敬恭桑梓勿替前聞粵千百禩徵于此文

封孺人李氏墓誌銘

孺人李氏吏部右侍郎前太常寺卿管南京國子監祭酒事平泉林公之配也淑人家世業儒郡庠生憶山君炳文娶蔡氏生孺人幼稟蘭玉之資韞貞懿之德穎慧絕人聞古傳載女訓嘉言輒曉解記憶不忘及笄少宰公館李氏家公方事舉子業不屑問生產有無孺人相以儉勤已而遭喪又遭姑沈夫人之喪

茹辛力艱綱紀內外事咸理至脫簪珥佐費不以煩公公克銳志問學精進邁往道立而名成淑人內贊之力也嘉靖歲庚子公舉于鄉明年辛丑舉進士選翰林院庶吉士孺人從于京師既而公謝病從歸乙巳公病痊授編脩孺人亦從于京師會恩例獲封孺人壬子從公省覲歸道聞舅志梅先大夫之喪孺人相治喪禮力共襄事預有勞焉服闋公起家爲南京國子監司業無何以病解歸公之官翰林前後二十餘年其在告家居者半始僦舍城西隅孺人不以爲湫隘也日入治庖爨躬澣滌不自以爲勞勤也持

近稿卷一

十二

家素樸惟歲時享祀必蠲潔賓至治具必豐約合宜不自儉于不足也緊已受封情同疇昔未嘗首珠翟佩華綺不自侈其顯融也公嘗閱勞孺人孺人曰君幸貴不異韋素迺獲以荆布從君敢忘食貧累君乎視時俗閭閻之流生貴佚志耽溺華紛者奚可比歟公之持清節樂恬愉嚴守道之坊思植名世之業雖其純德致然然坤儀之助代有終者不將居之孺人乎始公未舉子孺人爲置側室數舉女孺人躬視乳哺備慈愛諸女忘其異出也御家方嚴有法卽諸女亦不苟縱言笑有嗃嗃之風焉次女病夭孺人哭

之哀輒時時悲思積鬱胸滿而腫作矣初不以爲虞也歲丙寅公擢留都大司成携孺人行越數月公擢少宰廼便道携孺人歸及家而孺人病增劇矣腫潰血不止疾革時猶以公之稽朝命爲念言不及亂此不足觀孺人耶俄頃顧幼兒在抱者流涕目公語咽哽而逝隆慶元年三月初三日也距生正德辛未十月二十二日享年五十有七先是孺人撫族子塏已側室生子二彥璋彥卿女五長適張秉介邑學生次許庠生郁伯繩者天次許莫是魁楊繼禹錢傳綰者皆在室孺人之疾之亟也公又請告家居時遐邇

近稿卷上

三

士心咸後少宰入朝毗輔明天子新政至愬也於孺人之歿有餘恫焉公亦以孺人克勤厥家僅完居室未獲享一日之豐又少子婉孌在側諸女未笄不能少須成立心益悲之時主上覃恩下兩京諸臣均被褒封之寵淑德奄徂未及請錫傷如之何公卜以是年十二月二十二日葬孺人集賢涇之新阡廼撰狀屬予銘咸道實不浮雅馴可傳已予不能助一詞憶予曩時誦詩於雞鳴之詠知柵內之助宏焉於樛木之篇知昌後之福遠焉因以嘆婦道之鮮能也久矣倬哉孺人庶幾似之後祿何量哉少宰公之德

並珪珩潤身華國澤延胤嗣萃祉肇祥孺人之榮膺天寵賁露幽玄方俶焉未文也是皆可銘銘曰猗歟孺人美且都秉德柔嘉閭之墓敬以穆兮和以愉克相夫子成大儒進位宰臣中朝樞慈惠普今毓鳳雛庭萱蚤萎鸞鏡虛集賢之涇卜爾居原膺膺兮毛實腴水淵淵兮匯且瀦誕乘生氣日昭蘇遺澤流光福孰如世萬子孫長保斯

處士楊怡山墓誌銘

余讀漢史至陳仲弓王彥方列傳未嘗不慨然興思

近稿卷上

十四

焉曰稽古之君子立名厲行修之家庭乎化於鄉黨里閭若訟是非辨曲直造其廬者曰寧爲刑罰所加無爲陳君所短至寇寇之流亦曰刑戮自甘乞不使王彥方知之此非藉隆赫之勢操尺寸之權以爲之地也而人之化之不戒以乎不疾而速者何也蓋吾所感之者以君子長者之道而人所應之者本民彝同然之衷其風之自機之合有如此爾若吾郡處士怡山先生楊公者其殆庶幾此乎公諱應元字君寵別號怡山華亭人也世家修竹鄉之楊扇村蓋以楊著姓而因名其村云遭元末亂譜散逸亡考聞有隱

軒公者勝國以人材徵抉目辭不往識者高其行焉數傳至穀菴公穀菴生南湖公圭南湖生雲溪公完公之父也咸隱居不仕然秉禮慕義里人重其門閭雲溪公配沈氏生一子繼配朱氏生公三子又側室生二子公幼有至性事父母以孝謹稱雲溪公既老計產析諸子居而畱養於公所公曲盡敬愛大得懽心雲溪公安之不更過他子所時公私役務禁襍艱於酬應用日僅僅不足屢勉拮据節縮出入諸費家繇是裕饒有幹蠱之力焉雲溪公歿朱碩人仍畱公所優游安養垂二十年是故觀其理家而繼承之孝

近稿卷上

五

可知矣方雲溪公疾革瞬其兩少第屬公曰汝善視之公奉命唯唯所鞠育之者蓋終身不衰二親喪葬之具一不以煩諸弟凡舊橐所遺又悉與諸弟尺帛不私季弟以運餉積逋廢產者公出直應之終不問其償至有窘乏卽時時賑贍不怠有甥以事繫死獄中者公爲收葬又收養其妻子是故觀其所與而睦族之仁可知矣公於儒業雖非素習然涉獵子史上下古今百家之言無不洞曉嘗以蚤歲廢學爲歉廼篤於教子延召名師於家塾暇則就問所業勸勞之日靡怠追故諸子學殖日富嘉靖壬子歲子道亨

領應天鄉薦丙辰舉進士旣而授行人進擢刑部主事公屢致手書自慎身謹疾外常以飭躬爲教且曰君子不擇官而仕惟其稱而已苟無疚於心利鈍何計焉刑部君奉職惟謹日起清修之譽餘子亦秀穎競爽駸駸乎具登進之材是故觀其教育而錫類之善可知矣公性好施予不妄自封殖刑部君舉于卿也推惠于里人減歲租貸三分之一宿逋則破券棄責里人德之已而寇至兵興郡縣有造舟之役事嚴衆謂公白于有司例可除免公應曰昔漢遣將擊匈奴卜式上書請輸財爲邊助此何人歟今軍興用急

近稿卷上

五

吾忍於撓法令諉諸人哉卒不白之有司躬充應役里人又德之江南重役獨長賦爲甚公以子貴免役矣廼推同舟之誼約捐贖田六百畝贍區中應役者歲以爲常里人益頌其德語在邑侯倪君所撰記中是故觀其行義而惠心之數可知矣公脩髯偉貌風度秀異器局坦夷與人交輒露肺腑狡僞之徒或售奸欺後雖覺悟不校若外侮橫逆之來處之裕如衆咸嘆伏爲不可及性喜飲酒好賓客勝游嘉集歌咏投壺竟日忘倦或時與田夫野老具雞黍道故舊款曲春春不休人皆樂親就之曩時公患疾瀕危里中

無間踈戚皆憂之相率禱於社日至門問候安否爲常疾既間復相率賽神歌呼宴笑以爲樂至是疾作衆憂而禱之如初及卒里中亦無間踈戚交相弔唁聚而哭之哀如其所生蓋公所自爲者不失長厚之道人之所以感者乎契其同然之心宗族稱孝鄉黨稱弟無有間言是故觀諸物我而應感之神可知矣以公之德方之前哲豈其遠而公考終正寢爲嘉靖壬戌五月初九日距生弘治壬戌三月初七日享年六十有一云計聞京師刑部君設位哭盡哀謂定省久曠且恨襲舍之靡所及也哭而踊踊而仆仆而起

許緒補正

七

則又泣曰孤竊祿于朝未克展一日之養滿考在邇庶幾微 封錫之典以爲親榮迺顧不能一朝待歟天降罰于孤噫其甚哉哭而踊踊而仆仆而復蘇卜以是歲某月某日奉公柩葬於熟生圩從公所自定也迺持友人趙給諫君時章所著狀屬余銘公元配平氏先公卒閭範聿修語具徐給諫所撰誌中繼配馮氏子男六人長卽刑部君次道貞國子生次道通道明道腴亦國子生俱平出次道行馮出女三人長適長洲學生馬某次適嘉善周某次許聘吳江顧某孫男十人女五人善夫趙君之論曰世所稱賢家不

者豈惟其位惟其德士苟得志於天下鮮錄無可述則雖殫冕之榮曷益乎迺沉綸采韜之夫足不踐帝王之門而跡在名山聲施後世人位不足天爵有餘也若楊公者隱曜含華砥名修行德之所至遠近如歸存無虧名歿有餘泣非所謂賢豪耶余謂諫議君之言爲然迺遂次第其言作誌載系之銘曰上古取士孝悌力田敦本尚實野無留賢後世選舉雅道遂利偉矣楊公趾美林泉布帛粟菽厥德儷焉播義耕仁令聞昭宣檢身幅利驕吝皆捐致功穠蔭爰有豐年吾以不試啓後光前桓桓比部奮跡高騫明刑克

近編卷二

六

允民以不寃于門斯閱王槐永延雙壁翳彩雲壠新阡 九重錫命行被丘原燦如星漢賁彼幽玄我銘貞石彌久不刊垂示無極曰千萬年

總督湖廣川貴軍務兵部左侍郎改戶部左侍郎靜齋石公墓誌銘

郎靜齋石公墓誌銘

我國家疆理南服當貴竹之境蜡爾諸山谿峒罕阻羣苗居焉迺倣古羈縻之術不內比於編氓以其荒徼外之也然服叛靡常服則撫之以仁叛則裁之以義斯於止亂安圉便治而已矣嘉靖二紀以來有司不戒醜逆衅生曰龍許保吳黑苗者相繼煽虐

朝廷命將出師越數年而後底定歲壬子廼置憲臣  
總理湖廣川貴三省軍事開府辰沅以奠茲土遂爲  
故常已未春靜齋先生石公以南京兵部右侍郎擢  
兵部左侍郎兼都察院右僉都御史往莅斯任公正  
直方嚴祇慎所職節縮供億舊習蠲除幸屬以廉校  
士以勇悍尚款誠不爲表襮時徭賊沈雅當高快馬  
等構亂猖披公部署將士擣其窟巢於淑浦龍潭諸  
峒俘獲功最捷以 上聞廼有銀幣之錫經畧著績  
方隅晏如庚申召入爲戶部左侍郎瀕行疾作卒官  
時七月十有八日也計聞 上悼惜之贈都察院右

近稿卷上

九

都御史遣官祭葬錄其子之玉入太學蓋殊典也公  
自幼學時雅慕古人已慨然有志天下先是歲戊子  
領順天鄉薦壬辰舉進士授中書舍人乙未拜監察  
御史巡視山海關振敗紀度焯有能聲內艱去位庚  
子服闋出按淮揚肅持風裁舉廉斥貪抑強植弱豪  
右懼伏焉壬寅再按蜀川清風先翔景烈益奮會監  
臨吳卯鄉試綜理周密最號得人乙巳掌河南道珣  
當考察京朝官臺長屬司厥事公秉正持平絕請托  
杜交私權勢關說一無所撓去留咸當其可時論偉  
之然有忌公者矣事竣擢南陽府太守未幾他事註

誤左遷濱州判官公怡然歸任無幾微見顏色人服  
其量丙午擢南京太僕寺丞丁未復補平陽府太守  
威惠兼施膏澤攸需視古循良之吏蔑以尚焉時藩  
府有獄訟累年不能決者公開導由衷教敦不肅化  
孚若神暴戾斯和忿爭屏息郡人西轡張公潤稱其  
風行貴戚威寢奸豪良非虛語也戊申擢陝西按察  
司副使駐節甘肅州爲西北藩維公殫力圖謀式固  
疆圉一日郊行見草木敷腴而原隰蕪蕪不治詢知  
舊爲水田後以地震湮塞川流遂求濬其源得泉五  
十餘所灌田八百餘頃居民復業末底厥生庚戌擢

近稿卷上

十

陝西右叅政守武威關增修前烈墾闢荒蕪導山泉  
以資灌溉新堡墩以防侵軼邊氓用足感頌德休甲  
寅擢陝西按察使涼州之民遮道泣留莫之可得謀  
建生祠祀焉以寄懷思公秉憲茲方慎罰明刑揚清  
汰濁聲聞愈閎乙卯擢江西右布政使丙辰遷山西  
左布政使尋擢僉都御史巡撫延綏值灰條溝黠虜  
扼關商旅闕遏公至銳意折衝實頒授首道里通行  
前後俘斬功多及獲夷器駝馬無算 上賜白金綵  
幣有差公在朔方三任九年風稜暢於所如虜騎莫  
敢窺塞桓桓武功彌著彌隆丁巳擢南京大理寺卿

戊午改南京兵部右侍郎時島夷入寇江南調湖廣  
土兵禦之流毒滋甚公上疏極陳其害上嘉納焉  
調兵之患始息公性凝重寡笑言不苟取與雖峻潔  
自持不瓦合於人然與人交必以惻誠接親鄰必盡  
仁禮遇婚喪竭情賑恤人尤以爲難痛二親蚤喪而  
不獲祿養也哀慕蓋終其身平居衣無侈飾食無兼  
味處無華堂寢無妾御歷官三十餘年儉約恒如寒  
士至悔吝得失惟義之安贊贈問遺一切謝絕方其  
疾革之頃三省官僚致餽以藥費贐禮爲詞者公亦  
正言卻之其兢兢不亂如此既歿視其橐中則無有

近稿卷十一

主

也總兵石君邦憲副使李君心學佐治其喪嘆伏  
爲不可及云充公之志蓋與結纓易簪者同科豈不  
誠廉士毅然大丈夫哉余嘗慨流俗利慾之易移而  
剛德之鮮觀也於靜齋公有深慕焉昔孔子嘗有言  
曰吾未見剛者或曰申張曰振也愆焉得剛孔子之  
嘆豈其在顏淵既沒之後歟若顏氏可謂剛矣見大  
心泰不慕不求簞瓢陋巷安焉非能剛者耶夫剛陽  
德健若天行罔有止息故曰顏氏有龍德又曰未見  
其止由今觀之石靜齋公者非所謂剛者耶潔已好  
修始終一節逮屬纊之晨尤兢兢明尺寸嚴取與毫

髮不亂非未見其止者能之耶假今在聖門裁成其  
居顏氏之科必矣公諱永字壽卿靜齋其別號也世  
爲廣平府威縣人曾祖貴祖榮父堅代有隱德堅以  
公貴贈雲南道監察御史母李氏贈孺人生公公歿  
之歲距生弘治十四年七月初七日享年六十配孫  
氏封孺人先公卒生子一卽之王太學生女一適庠  
生王與言繼娶王氏亦先公卒生子一之麟繼娶張  
氏孫男一人女二人之玉昆仲皆積學俟時能世其  
家者卜以某年某月某日葬公城南新塋廼持戶部  
主政蔡君國熙所撰狀請余銘曩余承乏留都與公

近稿卷十一

主

有同官之雅知公者素其何可辭遂據狀論次誌其  
事而繫之以銘曰於惟石公生民之秀直諒性成溫  
恭德懋筮仕鳳池翔翮鵷選寒寒匪躬名馳牙繡駁  
歷中外燁有嘉聲循良起輿最特專城敬共藩臬政  
舉化行下塞民望上協邦賴恒桓司馬秉鉞西南能  
迴柔遠寇亂是戡清威傍駭濡澤敷宣氛祲既廓貴  
竹晏然玉節金純緇磷自矢世誥周咨我道如砥衆  
尚華紛我心如水可謂曰剛未見其止司徒之召朝  
野屬心公胡嬰疾遽返泉扃阜情輿惻寵命維新  
進階總憲異數頻仍洺河之左漳水之右璧翳在茲



光衛牛斗述行鑄辭傳信永久刻置幽玄庶幾不朽

資政大夫南京戶部尚書書菴盧公墓誌銘

今上皇帝以聖神文武之德首出庶物繼序統天開嘉靖太平之治古今鮮儔方其龍飛之始已倦倦疇咨俊乂斯立治功歲癸未大廷策士四百人取士於斯爲盛廼今四紀于茲宣力效忠奔走贊助潤色鴻猷煥乎可述者惟是歲得人爲多致位六卿之長二十人焉屈指前後賢科所不能及也傳曰天降時雨山川出雲者欲將至有開必先夫其乘蹕熙隆之運會聚乎感之幾詎曰偶然已兆于登進之日之

近稿卷十

其

始矣若南京戶部尚書關中書菴盧公者蓋其一焉公諱紳字汝佩書菴別號也上世陝西咸寧人自昔李唐時已爲顯姓號曰崔盧葉布枝流宅于茲土高祖思忠曾祖椿祖興父旺四世不仕咸有隱德間時祖若父以公貴俱贈通議大夫戶部左侍郎祖毋李氏毋周氏俱贈淑人公少而穎敏潛心問學稍長益自刻厲博覽典墳爲邑第千員選入正學書院纂修雍大記諸書多所撰述大復何公漁石唐公相繼督學咸鑒識提衡焉元年壬午舉于鄉明年舉進士授四川遂寧縣令公廉勤自勵道務中庸政先牧愛雖

無皎皎之節赫赫之威以炫耀觀聽豪強姦蠹必寘於法罔有攸貸治教大行邑人戴之宛若慈母廼有六異之褒公膺臺薦僚案燕賀于堂通有雙鶴之祥皓羽踴躍自天而下鳴舞移時始去咸謂瑞徵瞻彼中庭爰有樹桃仁恕感孚遂致山雀之應二歲來巢馴擾華育可俯而闕邑瀕大河曩有洚水之患公築以魏堤植以密柳水害未消民受其利會蜀連年青災飛蝗滿野獨不入縣境衆咸咤嘆焉六載之間折獄明允無橫罹刑辟者庶幾畫象之風歲旱大雪素衣徒步禱于羣祠輒有甘澍之霈維此六異縉紳之

近稿卷十

其

士揄揚盛美播之聲詩逮成簡帙循政感下之神民黎慕德之厚人胥頌之戊子召入拜工部主事治水呂梁有功無何父喪去任辛卯服闋補官癸巳往督杭州竹木廠公懲曩時推算太嚴之弊立法寬平商民感德材貨雲集國稅饒裕焉甲午進拜員外郎督造臨清等處磚料兼理衛河提舉司時大工孔亟磚用數倍常額公經理維勤蠲省煩費百工若商便之運不稽留事有攸濟上嘉悅旌錫銀幣有差丙申進拜郎中管理九廟慈寧慈慶兩宮勞績懋著是歲廟工成加俸一級季年戊戌兩宮



工成陞二級會繼母王淑人卒去任公事王淑人無異所生周淑人人稱其孝云辛丑服闋擢湖廣按察司副使撫治荆南荊州當諸路之衝軍民洴澼重以水旱災傷道多流亡奸宄竊發號稱難治公加意牧寧鎮靜不擾豪猾巨奸廉致於法一道肅然無敢玩易者撫屬界連川貴酉未施擢諸夷構兵連歲不解天子怒下守臣委公會兩省勘議公首宣言於衆曰夷性犬羊先王以不治治之若繩制太嚴恐生他虞不若開諭利害俾罷兵息民足矣衆從之諸夷帖服竣事癸卯少司空陸石涇公奉命修理顯陵檄

卷五

廿五

公總理工務會計董治翼翼成功上有白金綵幣之錫甲辰擢江西布政司叅政分守湖東瑞州寇起公單車往諭解散其黨歲侵民饑賑恤有條全活者衆丁未擢貴州按察使清平衛指揮某者暴虐貪婪激變軍士連結諸苗爲亂公驅車入城執首惡以泄羣怒申國典以示更生梗化之徒感泣散去紀法肅然戊申擢山西右布政使庚戌改山東左使宗藩歲祿之供邊關兵馬之餉諸務旁午公調停區畫咸麗厥宜辛亥進擢順天府尹持守剛方勤恤人隱時有勲貴人方權傾中外倚勢欲奪畿內民田數百

頃者關說京兆公力拒不顧人以爲難壬子擢戶部右侍郎甲寅改左侍郎總督倉場兼理西苑農事申明舊章釐革宿蠹清查積貯附餘米十餘萬石以裕國儲然持法過嚴同事有銜之者矣是歲三載考績蒙恩錫誥命上及二代錄蔭洪先爲太學生居太倉三年洊承特遣及銀幣鈔錠半酒之賜丙辰超拜南京戶部尚書定立章程約束悉鑒鑒可行丁巳循例自陳致仕上賜允歸築草堂三楹讀書其中堂之前鑿池畜魚栽花藝竹興至則與二三知友飲酒談茶論文話舊日以自適公儉樸沖澹誠恪簡夷

卷五

廿六

於世味泊然絕無所好雖囊無餘資廩無餘粟而散財喜施不責償報蓋其天性然也嘗謂人寧負我毋我負人寧我容人毋人容我其德量宏大衆嘆服焉立朝正色直諫侃侃不阿一時善人君子交口賢之而沮之者亦力家居孝弟胞弟事父足軒公先意承志罔有所違伯仲二兄蚤世撫其遺孤授以恒業教之誨之不啻已子關中人士稱之謂爲不可及云其敦薄化漓之風油然而可想見也爲文章不事藻繪詞旨皆關世教諸體詩秀發簡嚴庶幾杜工部之風遺稿有書菴集讀書錄讀史日錄藏於家辛酉九月

二十二日疾卒距生弘治辛亥十二月十二日享年七十有一配林氏貞淑慈惠婦道并儀皆可作式累封淑人子男四長卽洪先官生林出次洪楚府學生側室施氏出又二人早殤女三長適庠生蘇勿方次適庠生張榮次勿未字孫男一承光孫女三明年壬戌九月洪先以其事聞于朝下禮官議詔有司治葬如制賜祭者二贈某官卜以某年某月某日葬于某原祖塋之次廼持所自著狀請余銘余與公有同年之雅遂不克辭廼次第最其行曰公之名氏若號蓋師法孔氏之門而服膺忠信篤敬之訓其生有

近稿卷上

七

自其出有爲蓋開先於聖作物觀之期而克肩明室棟樑之任者也邑令以循良稱郎署以才名顯藩臬進陟聲績彰聞九列載登景勲弘附懷懷乎一世之勞臣矣嗚呼偉哉又爲銘曰倬彼盧公爲時臣宗雍雍其度肅肅其恭三秦儒父天路登庸敷歷中外隨在奏功我明八葉天子神聖龍虎風雲氣求聲應公擢首科輝光朗映先後奔走勞績執競百里絃歌惠澤則那冬曹歷試賢譽孔多參濟秉憲政理人和階聯八座榮如之何身退名成既膺壽祉還歸帝鄉白雲施靡維皇念功卹典駢只我作銘詩以告來

祀

文學伯舒喬君墓誌銘

文學喬伯舒君吾鄉善士也隆慶歲庚午十二月二日疾卒越明年春二月二十有七日孤與立卜葬龍華塘高原以葬日迫未克圖玄堂之銘自春徂冬一日介子弟子盡君告子曰傷哉先子績學勤劬終其生罔有樹立於世孤實慟焉憶昔宋王介甫銘逢原陸務觀銘伯章迄今廣陵山堂之名炯炯不失隆無亦以二賢之文之足傳也孤欲徵靈於君伯兄笠江之一言可乎否子盡以告厥明與立喪服入予庭持

近稿卷上

六

國子生朱君邦憲狀乞銘予不得辭據狀曰君諱洪字伯舒姓喬氏曾大父廉大父寅世爲醫學訓科父孫亦業醫有賢操娶御史中丞唐公瑜孫女生君君生狀貌魁梧性行端重自幼穉時人咸異之家故不饒無以具脯脔年十六未學已而自勵曰吾宗不業儒即業醫吾無所業辱吾宗矣請於父就傳讀書收笈展策晨夕靡遑辨難質疑出人意表由是博覽六經探綜羣籍索元化之幽深咀聖賢之精蘊稽皇王之政治獵百子之華實文日有名蜚聲校舍間每試輒居高等一時譽望遂隆遁跡衡門聚徒引誨聲應

身從童蒙賴焉有君斷金之朋臭味蘭如弗之貳也  
至砥節勵行遠勢利別是非介然不撓時邑侯知君  
禮爲重客君處之澹如非公事不入其室譬之警露  
之鶴潔鮮皜如莫之溷也子言之篤信好學隱居求  
志伯舒有焉又曰君惇崇愛敬哀聚慕倫養二親力  
具甘旨終身弗煩仲季不以菲廢禮不以久易心人  
謂難能談氏妹早寡恐傷二親心收以同爨飲之食  
之竟成其節庶幾養志平生無它腎腸曹耦中無一  
語相忤樽節揖讓禮容肅和子言之宗族稱孝鄉黨  
稱弟伯舒有焉又曰君性幸酒爲客不煩主勸在主

六 齋 卷 七

七

位亦引滿先客量能十觥即九觥未云罷時或需醉  
則整客正襟無憚無傲詩云願允君子莫不令儀子  
言之不爲酒困伯舒有焉邦憲又最其凡曰古稱孝  
廉茂才君其近之信哉言乎予文不能若介甫務觀  
兩賢而伯舒志行與廣陵山堂二君相等埒其可傳  
諸後必矣君晚年被病嘗誡其子曰吾肄習進士業  
良苦卒不克就兒善圖之成吾志吾無憾矣吾死歛  
以葛衣治木事無美聞者悲痛其言至是哭妻之喪  
病劇卒距生正德丙子九月十六日年五十有五云  
配瞿氏有賢行先君兩月卒子一曰卓與立其字蓋

抱雲霄之器雅有國士之望者也其能成君志無疑  
女二適國子生顧九敘庠生朱家松孫一曰振孫予  
敘次伯舒君行而傷其志焉亂爲楚詞以慰與立遂  
系以爲銘其詞曰

二儀遞遷今年矢催六氣散布今寒風悲草木變衰  
今碧梧隕鸛鳴先鳴今芳草萎廣陵山堂今皆良士  
桂蠹蘭摧今蔽厥美惜懷愴况今氣不平失志吞聲  
今胡爾爾嗟哉伯舒今相與儔數奇衆會今將誰尤  
井漈不食今洵可惻我作歌詩今揭潛德吉人爲善  
今豈足傳後祿永綏今理非忒丹穴鳳雛今毛羽成

六 墓 墓 墓

三

九苞璘璣兮耀雲翼

明高士筆峯劉君配唐碩人合葬墓誌銘

吾邑文學劉子邦輔邦璧邦重裴服詣予庭持侍御  
洪洲王君所撰父若母狀請予銘愀然言曰傷哉吾  
父若母之歿也孤德不類無以祗承教育及時顯揚  
是懼若先德懿行復湮沒不傳孤罪不已甚乎敢徵  
君子之貺有以溢我也予不克辭狀稱東海高士筆  
峯劉君諱士奇字希賢筆峯其別號也君弘治甲子  
正月七日生歷春秋四十九歲嘉靖庚戌夏六月九

日卒旅邸歸殯方溪北原祖塋之次越二十有三載  
爲萬曆癸酉春正月二十一日配唐碩人卒距生弘  
治壬戌十二月二十七日享年七十有一諸孤卜是  
歲冬十二月二十七日啓君殯合碩人柩大封焉禮  
也君先世汴人宋季始祖亨叔公某徙家華亭生高  
祖仲禮公鈍徙上海生曾祖坦齋公璵科第起家任  
建寧太守生王父可亭君某陰陽訓術配張氏生父  
松山君某配顧氏生君君儀表魁梧音聲洪朗幼肄  
舉子業都事唐恕齋擇壻以碩人歸君唐席家世榮  
盛碩人能棄去粉澤佐君食貧課治織紵斯須不自

近稿卷上

三十一

逸松山君宦遊江右張太母顧母俱高年羸疾不適  
祿養君曰溫清省定吾職也絕意仕進日娛侍二母  
雖饗養細務必與碩人親治以供朝夕二母白髮于  
于視同松山在側人謂賢孫松山居幕府九年粒米  
莖蔬悉君饋遺於家歲常往省松山君家事屬之碩  
人碩人慎出入戒門扃操井臼井井有條甘脆之奉  
尤當二母心顧母病累月碩人左右侍湯藥顧天請  
以身代暨母卒君及碩人哀毀骨立閭里傷之比松  
山君以奉迎梓宮過留都鍾山積瘁成疾君聞之  
灑淚登航兼程逆江流而上至則松山已捐賓客君

哀號幾絕扶柩南還已又遭張太母喪孱力不支出  
碩人衣飾佐費雖毫髮不以煩叔氏歲時享祀祇盡  
誠敬松山遺二孤皆側室出君撫教衣食無異同體  
長爲擇配至分異悉讓善產其約不儉親非不沒禮  
孝弟親睦之稱人無間言也生平樂施予多抵人之  
急金盡則捐室人貲裝雖罄無所靳家漸中落始從  
遊松山宦所值華亭浦南胡公巡撫江西憫松山才  
而貧擬以一省官賦督輸北畿計羨餘可得三四百  
緡君告胡公曰家大人濫竊微祿柰何以垂白污餘  
貲哉謝弗往胡公賢之後松山旅卒人所饋贈率辭

近稿卷上

三十二

不受謂君子不家於喪時郡大夫三山韋公尚賢開  
南陳公策聞之咸加嘆賞其禮以持身義以幅利介  
石確守之操居約不移也君任俠負奇節納交多海  
內才賢日與揚榘道義剖論時事一一引經據典裁  
剴精詳如上郡守馮桐岡彬築城均糧丈田諸議咸  
當情實可施用知子而來者屢常接戶外碩人烹鮮  
剖肥饗賓以承君志賓去即樵戶讀書中夜猶握簡  
編課諸子雞鳴趣諸子起君亦起整襟危坐時時論  
古今君臣父子昆弟朋友往迹至臧否虧成諄諄勸  
誠復列庭訓數言揭座隅論詩則宗陶白吟咏頗富

所存僅二卷藏於家晚年與世抹撥日惟端坐一室中賓客造請謝弗見其學以知方智能出慮明體適用之才器使弗匱也臨沒對諸子泣數行下且曰吾三喪露居力詘不能求一抔高敞土以畢吾志痛哉又曰若等當自樹毋墜先業吾目瞑矣君歿碩人悲慟過禮幾至殞絕迨七十誕辰子弟入舉觴稱壽辭曰吾不能與汝父偕泉下獨以若曹故忍以壽爲固請不許碩人生三女長旣笄而夭次亦夭碩人泣撫遺孩益不自堪悲鬱成疾卒疾亟顧諸子曰汝父遺誠在耳念之念之爽然而逝士大夫聞之曰賢哉母也

入選稿卷三

世

此其承乾有實代終以成形管司書之行緯乎生色也子男五人長即邦輔太學生次即邦璧次即邦重俱庠生次邦寧皆碩人出次邦和側室馬氏出此其緼吐鳳之才振鳴陽之績者也女三長適陸元燮次適陳忠衛學生次適吳爲寶太學生孫男十五人永祚庠生永晉永益永謙永觀永豐永泰永禧永萃永渙永禧永順永節永豫永賁孫女七人長適張令儀次適陸坊庠生次適錢思敬一受顧九章聘一受潘敬臣聘餘幼此其苞豫章之枿貽堂構之需者也予惟古之君子德以學成仕繇德顯一鄉之善士必有

貴於一鄉一國之善士必有以貴於一國三代衰此道淪亡久矣漢若黃憲徐穉之流史稱高士贊之者曰琛寶可懷貞期難對韜伏遐棲陵阿窮退侍御於筆峯君亦曰高士進之若人之儔可以卜賢矣乃若唐碩人幽閑端淑懿美種種萊婦鴻妻良可比蹤狀曰雙璧置其然矣矧恂恂諸子好脩績學顯榮異日不可量乎予謂侍御君所著詞覈而文可與君偕傳不朽矣予詮次厥略銘其可名勒置夜臺石燦如星銘曰侃侃劉君士行脩明內涵章美爰葆堅貞孝友足法月旦耀聲婉變碩人閭則夙成鹿門儼德

入選稿卷三

世

孟里卜隣箕裘啓佑鴻漸雲升錫祉自天永賁玄扃摘詞匪諛是曰可名

山東運使見章俞公配潘安人合葬墓誌銘

隆慶御曆之四載歲在庚午十二月十有八日吾邑亞中大夫山東都轉運鹽使司運使國華先生俞君疾卒瀕危時呼鳳梧諸子命之曰吾疾不復起生平慚無善狀顧爾毋潘安人先我三十餘年卒殯祖塋側墓木拱矣懿行種種未有撰述吾恒歎焉異時同穴著銘以垂永久若等情也惟慎言之無飾則可傳信將來語畢歔噓而終鳳梧等哭泣不勝受命惟謹

越二歲壬申卜正月三日庚申厝於塋涇祖塋之右  
啓安人柩大封焉持狀來請銘安人予女弟也憶予  
疇昔弱冠時安人年未及笄聰慧婉靚予母錢夫人  
鍾愛焉期擇良壻國華父南溪君娶奚氏生國華而  
母氏蚤喪育外家國華偕中表弟奚憲副遂卿晨夕  
同起居肄學業並有時譽南溪君業賈居闕閭中近  
予舍一日媒氏來議昏予先大夫順巷府君未之許  
既而問予予跪對曰俞氏子年少學勤可妻也惟大  
人裁擇先大夫暨母夫人領之予妹繇是嬪于俞氏  
已而國華棲遲黌校垂三紀餘屢屈文場君益奮勵

近稿卷一

世一

志不衰息嘉靖壬子始舉應天明年癸丑聯舉進士  
迄今位躋金紫無言安人短折不克偕老予父母亦  
不及見君顯庸爰有遺恨予忍銘吾國華哉悼蘭芳  
之凋謝傷如之何憐大材之晚成今其已矣追憶我  
親容聲宛如在目愉悅增懷曷能已予忍不之銘  
哉遂援筆而書誌曰君俞姓諱文榮字國華別號見  
韋效昔人佩韋之義先世從宋南渡徙居上海鎮竹  
岡之南有竹居君者爲君高祖竹居生盛盛生藻藻  
生裔即南溪君國華晚登甲科筮仕縣令得浙之樂  
清邑治負山帶海值倭夷入寇民罹愁苦焚如溺如

君至植利剗害噓以清風濡以甘雨闔邑忻仁愛之  
孚築城濬池與民守之不擾不驚禦侮得貞固之略  
在邑六載冰蘖自持銓司以再考擢刑部山西司主  
事漕運理刑釐革奸弊行署肅清軍民著明允之誦  
三載考績贈南溪君如子之官贈母奚氏封繼母金  
氏爲太安人贈室潘氏封繼室宋氏俱安人歷本部  
山東司正郎改南兵部職方咸有賢譽擢守雲南君  
叱馭以行至滇順習遐俗撫衆以寬示民以信執事  
以敬以勤荒服樹循良之績隆慶歲丁卯擢山東運  
使蒞任未幾東裝南還行李蕭然傳云理善烹鮮衆

近稿卷一

世一

瘼自蠲千室鳴弦懷我風愛大夫有焉若其歸田明  
農優游樂志稀跡邑庭確乎介石之操善與人交傾  
露肝膽不立町畦渾然敦朴之風堂構承先燕貽啓  
後子職不愆事繼母以愛敬待昆季以友于益隆孝  
弟之譽此皆行義可紀述者也卒之日距生弘治辛  
酉八月十六日享年七十云配潘安人縉德芳閨蘭  
儀玉潤出懋蘋藻壺政穆脩若其親養殯窆酒漿視  
庖爨不辭勞勩緝治女紅秉燭繼日相夫君誦讀經  
史時至夜分警戒效鷄鳴之風孝舅姑順娣姒睦族  
鄰里禮去泰持敬蹈和宜家協桃夭之化居室數年



子嗣未育則又推情逮下惠而且均勝從感江沱之德婦道母儀罔一虧缺傳云端操有蹤幽閑有容昭我管彤安人有焉卒于嘉靖癸巳二月初九日距生弘治辛酉九月十七日年僅三十有二喪淑之傷想諸蒼旻孰探厥始孰究厥終哉子男五人長即鳳梧太學生側室錢出次鳳岡太學生次鳳岐俱側室顧出次鳳嚙次鳳喈俱宋安人出女三長適光祿寺監事趙一舉潘安人出次適唐國華次適瞿弘謨俱宋安人出孫男二人長後徵次某銘曰恂恂大夫東海賢標芬甲第高騰騫循良最績郡邑傳收華欽鐸

近稿卷十一

七

歸田煌煌金紫歷稀年秉德不隊貴丘園嗟嗟安人洵女士貞吉合章鐘德美相助夫君綜圖史文藝蜚英名日起蘭芳蚤隆胡為爾雲翟褒榮照蒿里數之不永豈可傷連理增悲慘不揚泉臺孔固體魄藏雙璧輝聯神內光覆露雲仍後祿昌善積祉獲吁無疆

贈孺人王氏墓誌銘

嘉靖四十二年五月二十九日 皇帝勅曰朝廷錫命人臣並及家室者所以勸效職之士章克助之德而示褒寵也爾光祿寺大官署署丞潘惠妻王氏淑柔敬順壹敦夙閑交儆相夫弗共榮顯用有光寵逮

僑于幽茲特贈為孺人懿靈不昧尚克承孺人之喪于今十年餘矣卜弗克葬迺殯于祖塋之南偏至是吾弟光祿君子迪始歸治葬事且將錄勅辭舉焚黃之儀告墓命其子允徵書孺人行槨請于銘孺人王姓邑之橫涇舊族家世力出敦本父橫溪君欽母陳氏生孺人幼性明慧善女紅年十九歸光祿君時君家居治生無餘貲孺人相以儉勤初為邑學弟子員已而遊成均寓留都數載其資用不匱漸陶德器有成迨入仕益隆聞譽孺人克贊之力也始吾兄弟四人同居吾大父贈左都御史默軒府君吾父封

近稿卷十一

三

按察司僉事加贈左都御史順恭府君吾母贈夫人錢氏皆在堂孺人上承下接咸中厥宜晨夕視寢食察寒燠時起居孝愛備至甚得舅姑懽心無何吾大父背世吾父若母數年間亦先後告殂孺人相助喪禮克襄大事預有勞焉迺若處宗鄙妯娌之間雅循德讓穆穆雍雍未嘗有疾言遽色反目之嫌列女傳云婦能和於娣姒則賢矣孺人有焉其訓戒諸子恪守義方恒曰汝父治生勞勩不妄用分銖汝今獲溫飽弗力學克家非夫也日夜督課誦讀不愆常度諸子佩服罔敢怠荒予時宦遊西粵已蜀間予內子曹



夫人留于家與孺人共居處凡六七年敦尚雍睦終始無一間言予三子時在童幼孺人飲之食之教之誨之無異已子若其撫僮婢以嚴以慈處鄉閭以任以卹衆美悉具焉勅辭所謂淑柔敬順壹教夙閑章克助之德孺人信無忝焉是可以爲賢矣歲丙辰春予自浙藩入覲京師還夏四月予內子從赴河南之役迺與孺人別也時孺人尚無恙六月二十二日孺人中暑病亟醫莫之識俄頃暴亡越月計聞予內子哭之哀越三歲已未光祿君謁選銓曹授大官署署丞歲癸亥三載考績孺人受勅命光祿君擢本

天籟稿卷上

三九

署署正又三歲丙寅光祿君以遷葬請告歸卜以隆慶元年冬十二月十六日葬孺人肇溪新阡在先大夫夫人塋域之右孺人之卒也距生弘治壬戌十月二十八日享年五十有五子男四人長允脩後孺人六年歿次卽允徵次允達皆太學生俱孺人出次允光女二人長許張所蘊次未字俱庶出孫男五人雲幹雲機雲杰雲雲雲章孺人克勤厥家今光祿君享有祿秩烏紗鷺服輝映銀青可謂顯融矣孺人不得偕老儼厥美焉褒錫之及象服是加翠冠霞帔暈翟珠璣得以文繡飾躬矣孺人不克衣被享寵榮焉仲

子遊太學交天下名士問學日有聲大司成數推重之謂科第可合取孺人不得少須顯顯盛焉載觀諸子善治室堂構肯完輪奐美好倍曩時矣孺人不得託足一啓處焉滫醢醢鮮有核燔炙肥甘適口倍曩時矣孺人不得食飲需一日之養焉此光祿君內顧憂傷愀然不憚越數年如一日諸子之懷思罔極拊擗號呼顙天踊地末由從焉者也嗚呼痛哉予撰誌銘時予內子道孺人之德之賢尤詳予弗克縷書其詳爰次其略繫之以銘辭曰

孺人淑懿重稱賢相夫徵仕入鵷班義方啓後益光

天籟稿卷十一

四

前胡昇爾德裔爾年湓先朝露歸幽玄肇溪之上擁高阡允龍蛇延西入乾巽水東注雙虹纏負坎面離風氣完乘生聚吉佳城堅世萬雲仍祉澤綿煌煌勅辭曠日懸

### 朱母談氏墓誌銘

隆慶二年歲在戊辰秋八月癸巳朱母談氏疾卒越明年己巳夏四月十有六日子邦肅奉母柩葬先君墓中墓在肇溪之南時先君葬已二十餘年墓木拱矣卜獲吉遂疏母氏之行纍然服喪來丐余銘邦肅娶余弟滄南正郎女余以姻故不克辭狀曰母氏談

諱松秀曾大父華大父愷父剛母孔氏生談朱自勝國時楹宇鱗比相厚善者累世先大父御史公爲近泉府君請婚母遂女府君斤斤脩婦禮上下宜之御史公暨伯父福州公世業儒讀書治生無餘侍母出裝貲佐費無愆容御史公好客日常滿座吾母佐先大母張孺人理中饋凡湘藻烹葵治醢宜鴈糒芳和旨勤不告勞月無虛日年三十未舉子卽請於姑曰新婦未舉子願擇宜子者以廣胤嗣御史公聞之色喜及生母楊氏來歸母假借均禮已而產宸卿母鞠育撫愛周至不異已出嘉靖癸卯府君客死京師宸

近稿卷十

里一

卿方九齡母以戶外事委諸伯父竹溪公及諸從兄專志課誦讀禮師傅冀宸卿長立樹門戶迨宸卿爲諸生入太學供億豐儉咸罄厥心宸卿夫婦有過失母不發怒譙讓少間或便坐不悅俾自省悟僮婢有微過不加笞責見人寒餒死喪不問親疎思以贍給惟恐後當食舉箸分遺侍者食未竟而豆缶已空其慈仁皆此類也疾亟呼宸卿曰有汝在誰爲我無子也遂絕詎生弘治十一年十月二十九日年七十有一子一宸卿女一適陸杰孫男二長家序聘舉人侯復吾女次家慶孫女一母年四十寡居夙夜勞苦而

宸卿少孤且賤無以康母晚節今其已矣痛哉思以不朽吾母莫長者一言若也幸賜銘以掩諸幽子惟婦言不出梱無所與聞然卽外占內可與知焉昔者吾友近泉君倜儻明達好義彰聞日侍御史公延接賓朋治具款洽罔不當意其內贊之勤可知也邦肅質行多識且詞翰知名克爲世用其慈訓之力可知也乃若後祿之綏施于孫子蘭玉森庭婉孌覲好其亢家昌族開先兆祥已見於總角時矣是皆可銘銘曰

嘉原鬱鬱兮溪水洋洋龍脉完好兮君子之藏母氏

近稿卷十

里一

之柑兮諏日孔良地靈叶德兮體魄永康天元會聚兮一氣統祥爰利嗣人兮百世其昌摘丹珉石兮炳此銘章

魯府典膳瞿仁甫配劉碩人合葬墓志銘

吾邑魯府典膳仁甫瞿君少負異材豪邁倜儻居常甘食美衣好馳馬城市爰有任俠之風弱冠治家計畫精研帑有羨貲適擅克家之譽嘉靖歲庚子夏五月二日疾卒葬邑北長湮之原迄今三十載餘矣隆慶改元之歲二月十有六日配劉碩人以壽終是歲伯子太學生譚謁選銓曹授南京兵馬司副指揮領

部符之任聞計道中遂奔喪歸季年爲歲己巳夏四月十有一日偕其弟諫奉母氏將啓考君之墓而大封焉廼以二親遺行授之徐大夫白齋輯狀徵予誌銘將刻石以掩幽按狀瞿氏之先河南通許人也從宋南遷籍華亭始祖菊軒公徙上海高祖封奉訓大夫晟生曾伯祖臨安府太守寔暨曾祖霖霖生祖崙俱以行義淑德彰聞崙生父忻州判官海槎公鵬母吳氏司務遺安公女生君君諱學顏字仁甫歲寒其號也生有慧資幼卽解事學屬文已而弛去儒業顯植家務綽有能聲若其順天時因地利開塞決流通

近稿卷十一

四

輕重有無高下疾徐之策運轉無方管商之拳略也常田邑西之野致功穠藂墾治苗畝創立闢閭貿遷紛集大獲渥饒之利田農拙業而富蓋一州秦陽之奇勝也又商於齊魯汶濟之郊識貴賤而坐市門操奇贏以總百貨交易積居與時徵逐富埒素封陶朱之軌轍也馬遷有言貧富之道莫之奪予而巧者有餘拙者不足仁甫於斯術可謂詣極而無遺矣夫事機利者滋侈心務苗碩者多涼德世之恒情則然仁甫富而好行其德敦本上實居儉守貞尤篤孝親友悌之誼事海槎公暨繼母曹氏曲盡愛敬養體承志

侍疾居喪咸秩于禮人多賢之平居恂恂循理臨事輒慷慨奮發期必達其志而後已人咸服君之志量才幹有過人者云時隣郡三吏以贓贖久連繫岸獄欲自經死君見而哀之貸五十金不責其報三人拜且祝曰願君康壽以昌厥宗君時未有嗣旣而生夫子二說者謂爲陰德之報理或然歟若仁甫者庶幾有士人之行無病於任俠之風者矣君卒距生弘治庚戌十月三日年五十一配劉碩人少君一歲員外郎壽齋公女也及笄來嬀逮事舅姑婉孌孝愛性素雅朴儉約自將其相夫子以敬勤事繼姑尤恭慎

近稿卷十一

四

遂能孚感以孝婦稱中歲嫠居二子冲幼家難外侮紛至極力支應秉持梱政纖鉅有倫訓迪孤遺克底成立是可以爲賢已距生弘治辛亥五月九日年七十有七云子男二人長卽講少時議婚吾女而吾女殤死娶孫氏繼娶趙氏皆宦族次諫國子生娶陸氏女二人適陳籍王恕孫男四人長大順國子生次大壯大道大任予據狀書之若是遂言曰予聞之矣樹木者來蔭樹德者致祥惟爾嗣人覆蓋帡幪偕享優逸父若母樹木之遺也若夫德之所樹祥延胤祚天寔相之日昌歲引胡可量哉肆系之銘曰

個個瞿君百夫之良鵬騰駿躍奮起海邦伐檀力積  
輪奐肯堂義以幅利材以德將門閥斯拓僑傑奄亡  
倚歟碩人蘭芷儷芳居婺三紀齧蘂履霜穀貽厥後  
慈道之光淑懿云歿嗟嗟彼蒼高墳蒼蔚涇水潢洋  
窀穸斯卽璧合珠雙誕綬後祿奕葉無疆

勅封太孺人陸母唐氏墓誌銘

陸母太孺人唐氏昔在笄年來嬪於陸爲故宮詹贈  
禮部右侍郎文裕公之婦故贈南京都察院都事小  
山君楫之妻今南京都察院都事郊之母也太孺人  
世居華亭金滙塘父太學生竹溪君儒母張氏生幼

近稿卷十一

聖五

稟慧資儀容令淑先是族大父禮部員外郎西園公  
禎與文裕公偕宦于朝相友善有婚姻之約後文裕  
公晚生子小山君時西園已謝世文裕不忘父要之  
言遂締婚焉陸自晉唐以來爲吳東著姓至是文裕  
發解南畿升庸翰苑恢張緒業配梅淑人綜理內政  
積貯日有餘饒孺人以冢婦來歸職中閭事舅姑繼  
述之難族屬蕃衍羣聚輯睦之難滅獲恒數百指慈  
撫義斷統馭之難孺人音徽懋著承上處下攸宜克  
任代終之責勤以飭事儉以提身家肥祉集益增堂  
構之光其婦道之盡有如此者小山貴介公子折節

讀書知名太學一時文學之士樂與締交履恒滿戶  
外君日治具留款室人居常酬應無違之難君中歲  
遽疾數月不瘥太孺人扶將弗遑寢食旣捐館茹血  
悲號幾隕厥生以先姑誠勸稍解又數月姑亦背養  
哀慟罔極家務叢脞幹蠱之難始也承事君子必敬  
必戒有雞鳴解珮之風遭天不弔之死靡他堅柏舟  
從一之操鞠養嗣子效采菽式穀之勤其妻道之盡  
有如此者乃若嚙子閔斯顧復出入立孤之難孤方  
幼冲蒙養之難弱冠志學造就之難孺人力足任之  
方其繼承雖出先公之命提挈周防中幾發慮寔贊

近稿卷十一

聖五

先姑始則疏請于朝獲襲夫君之廕已而誨迪勤  
渠師友陶鑄獲成錫類之賢自國子生謁選銓曹初  
授都察院照磨再擢南京都察院都事會冊儲恩  
例贈父小山君如子之官封母爲太孺人獲被疏榮  
之典由諸慈訓之專其母道之盡有如此者予嘗覽  
觀傳記屈指比數女賢矣及爲婦則無聞婦哲矣或  
爲母則無聞太孺人兼之三美備具可不謂賢乎他  
若赴義勇爲用財不吝邑自寇難後經始城垣亟輸  
金百斤爲巨室倡佐助公家之費又捐金三百鑿東  
城北偏水陸通道便利居民咸德之已嫁孝不衰

於父黨羣從傾心追遠哀不替於姑嫜蒸嘗悲慕任卹達於閭族衆無怨言惠澤洽於里間人多頌德若此之類載太孺人從子大尹養純君撰狀中章章明實又小山君懿行種種聲籍當時具陸太史平泉公誌中太孺人內贊之力也觀是可以知太孺人矣隆慶辛未五月二十四日太孺人竟日飲食無恙至夜分忽痰疾作考終會都事君前月乞告歸躬視含歛殯竭孝思狀稱太孺人有大造於陸至是食其報抑都事君孝感使然信哉言與邇生正德癸酉六月十三日享年五十有九嗣子一都事君郊娶孺人余氏

近稿卷上

中七

女二側室瞿出長受庠生朱某聘次受國子生潘允合聘俱未行卒孫男三長在次堦次壻孫女二長受唐某聘次受喬某聘都事君守身守官並著賢聲後祿未艾諸孫岐嶇婉婉變稱其家兒所以衍文裕公如綫之緒似續無疆者不在茲乎卜明年壬申閏二月十六日附葬文裕公塋之左啓封君壙而合焉禮也都事君持狀屬予銘迺探次其略如右勒之堅石俾置幽陰銘曰展矣孺人淑懿孔良琴瑟來友蘭芷儷芳夫君不祿悲顙徬徨立後象賢祖德迺光婦順母儀何適弗臧今也令終哀哀彼蒼高原蘊穆浦水之

陽涇溪環帶龍脉悠長泉臺永閔璧合珠雙福延孫子奕世其昌識幽告遠視此銘章

明故縉雲先生戴瀛江墓誌銘

縉雲先生者上海戴府君諱邦直字敬卿號瀛江任浙縉雲學教諭致仕歸隆慶歲庚辰夏六月十四日疾卒于華亭里第距生弘治歲辛酉二月九日享年七十子進士君大登十歲辛未十二月三日奉府君柩葬于汭漕西新塋喪事易而中禮哀慕練而慨然迺書府君行實來屬予銘予與進士君交知者久受而讀之竟相與談久要之情慄傷善人之云亡倣古

近稿卷上

中八

之義誄之曰縉雲先生蓋學以教明教由職顯系曰縉雲追跡蘇湖古今一揆矣予言不虛也進士君再拜泣謝然予言越數月復以銘請遂據狀誌之縉雲先生汴人扈宋南渡徙浙之臨安十一世祖明道爲元海道萬戶子德三仕元提舉元末兵起徙上海吳會里遂世家焉德三生復初復初生彥文明興籍江南右族逮繫京師已而宥還季子鑑力修隱操有聲于時鑑生城城生昭昭生儀儀生會川公思府君父也會川伯子即府君以仲子大參君邦正貴封雲南按察司僉事妣姚氏封宜人歷數傳來志學則心涵

道義用世則身都顯融正已則章明倫叙代有聞人此縉雲之世也若其稟穎異之資負珪璋之器生而岐嶷若成人然稍長言不務華行不隨俗與弟大參君切劘講習嚮往絢厲雖隆冬盛暑志力不衰年十八以儒士應試名藉藉起矣後弟舉進士益肆力典墳自先秦兩漢上下數千載故實靡弗該洽爲文崇深典則試輒高等操縵安絃刮羽鏃礪日就月將才堪師指此縉雲之學也其事父母也孝敬其處昆季也友恭其交友也信其與人也和睦對無寒暄語落難合然真意溢出絕無城府崖岸人咸服之且自

進稿卷十一

史九

少迄今未嘗一日不兢兢礪名行清約恒以檢其身甘醲罔以滑其慮此縉雲之行也嘉靖癸卯貢于鄉肄業于南雍雅爲司成器重丙午北闕下第謁選銓曹授江西奉新縣訓導奉新南昌僻壤也科第久乏至則留心勸課一時獲雋者數人如學憲蔡見麓郡守俞梅岡主政陳龍沙進士俞承溪輩皆出門下撫按諸司移檄加獎焉甲寅母喪解官戊午服闋補浙西安縣訓導郡守楊君屬纂邑志一方文獻賴以有傳西安人士翕然誦之猶夫奉新也庚申擢縉雲學教諭益以興起斯文爲已任縉雲人士翕然誦之亦

猶奉新也振鐸則化洽時雨樂育而繼美菁莪此縉雲之仕也甲子歲大登舉于鄉浩然有歸志引年挂冠不俟終日家居遺落世務獨坐一室靜則淵默天遊動以寄情花木時與舊交貴人結社燕集譚詩論文不減壯年邑侯請列鄉飲賓僅一起辭焉韜蘊光晶簡邁世局遺物拔俗區外翱翔此縉雲之退也夫其總百行而夙誼敦歷三仕而數學舉時行時止其道光明生順沒寧無愧無忤予是之取誅曰縉雲先生有以哉配俞碩人名族來嬪皓首齊眉全德儂美子男一即進士君大登博學待問明體俟時奮迅丹

大登集卷五

五十一

霄者也女四長適鴻臚寺序班倪邦阜次適儒官潘舜卿次適王廷保次適庠生張道弘孫男三士弘士毅士學孫女二曾孫男一棟曾孫女一子孫繩繩芝秀蘭苗丕顯奕世者也縉雲之澤曷其有窮予既累言如右肆列銘左方詞曰

侃侃縉雲庭直鍾性衆美聚躬世慮不干華績罔飾黃裳在中信由衷出順以外達道日光融三持學政敬遜時敏膠庠敦功一辭即退放浪林壑鹿門比蹤稀年始值觀化條奄逢爾令終鳳雛載鳴梧桐朝日後祿允豐松水西注圓珠方璧永賁幽封

笠江先生近稿卷之十二

墓誌銘 祭文

徐筠岡墓誌銘

予嘗覽觀載記知古之儒者博學乎六藝之文六者王教之典籍聖人所以明天道正人倫致至治之成法也漢興遭秦絕學立博士開弟子員設科射策傳業者廣如言春秋則有胡毋生董仲舒張蒼賈誼之儔爲之宗明興監襲古昔明經取士而五經之治必立之師若吾邑筠岡徐先生春秋之學其事可以次敘焉先生松之上海人自高祖已前世居東海上

近稿卷十二

力農起家曾大父用和始以經學教授里中大父寔父軒號怡田居士世業耕讀有隱德聞時先生諱鏞字子鳴一字聲伯筠岡其別號也豐貌敏資幼嗜書耽文墨不同羣兒遊戲長益銳情學術家故貧甘貧樂約啜水飯疏心恒泰如又力任勞勩嘗走試有司躡屨而輕百里雖重繭繡跚無倦容以高等選入學宮先生初治詩時吾邑百五十年來治春秋得舉者寥寥無聞其學幾廢董學使臣擇郡縣士雋偉者以治春秋先生預焉於是迺治春秋學於宿儒劉損齋所時先生業已聚徒家塾去劉所五里而遙日則課



諸生肄習暮則執經於劉請業請益祁寒暑雨不廢由是二經並明試輒冠曹耦先是先生數舉子不育見兄子今進士君汝翼在童孺秀異不羣育爲己子稍長句授經書既而問學大進父子間自相師友益肆力春秋考公穀之義例稽左氏之故實釋胡傳之折衷求合筆削之微言以正列辟之功罪聖經予奪之旨若鑑若衡條分縷晰洞然通貫聞譽日隆隆起矣年五十未獲舉於鄉先生志壯且堅作而言曰是不在我乎夫學猶殖也力田逢年含耕其奚獲乎迺手錄舊編惜陰競畧夜則聞雞起誦聲琅琅出戶外

進稿卷十二

三

里中人士壯之奇之歲辛酉年五十有四舉應天鄉試壬戌上春官下第友人以謁選銓曹爲請先生辭不聽乙丑又下第時汝翼獲舉於鄉連舉進士先生患痰疾新瘳友人復申前請先生亦辭不聽趣蒼頭駕轅南歸未及渡江疾復作進士君聞之以使事取道歸省追歸先生疾已不可爲呼進士君謂曰吾生平讀書未及效用今其已夫然兒能亢宗承吾志不啻足矣兒其善視諸弟諸戚屬門人時至榻前問疾先生語亦若是意氣閒適古所謂達生者先生其庶幾焉是歲十一月二十八日考終正寢距生正德歲

戊辰某月某日享年五十有八云配丁氏子四人長卽汝翼次汝戴汝冀丁出又次汝祺側室曹出女一許聘陳治法孫男二東偉東俊孫女二長適王榮次幼先生惇尚人倫怡田公卒哀慕終其身事繼母孝聞從父艱乏嗣隆養不在父下從父卒以事繼母者事從母內外宗黨稱之如出一口且性坦夷無他腸與人交和而有禮遇巨儒小生歡然揖讓入樂親附焉善與人飲時時露醉雖冽寒揮簪不休又善嘲謔宴坐間時出一二語聞者在恫鬱中未嘗不一解頤也先生材鉅不偶困於遭逢遲暮得舉表見一斑未

進稿卷十三

五

有尺寸之功樹立於世然儀刑嘉誨足以有傳售之於其子紹明家學光大顯融權輿託始寔先生發之今而後邑人知有徐氏春秋者先生之功胡可泯也卜以歲終十二月二十有一日薨衰珠溝祖塋之次進士君持上舍朱君邦憲撰狀屬予銘邦憲先生高弟有文名其不阿所好無疑矣迺據若書詮次如右繫之以銘其辭曰

猗歟先生才質美嗜學通經名剡起衰年勵志何爾爾一舉聲光動桑梓雉膏不食鼎顛趾顯不在躬貽厥子委糴收華返故里衰珠之溝水瀾瀾潮汐吸張

氣攸止後繁且昌萃多祉鳳雛拚飛自茲始章章名  
行吾銘此名與銘存永千祀

封南京浙江道監察御史艾小峯墓誌銘

明封文林郎南京浙江道監察御史小峯艾公隆慶  
歲己巳正月二十有一日疾卒訃聞其子侍御君留  
都奔歸敦理葬事經始域兆維慎卜是歲冬十一月  
十五日葬于橫眠水東之新塋廼持林太史平泉先  
生撰狀屬予銘予舊辱公知愛且其冢孫受室於予  
孫女有瓜葛不得辭按狀公諱元美字充之小峯其  
別號也艾氏之先世爲江西撫州人我明 高皇帝

運稿卷十二

四

時徙天下豪姓填實編伍艾族大應徙一徙陝西米  
脂其從顏指揮徙南京虎賁右衛者則公之始祖個  
偃公也洪武丙寅個偃自虎賁右衛再徙松江所居  
郡城北門今其地傳稱艾家橋者是已個偃生昇遷  
居上海三林塘昇生芹以子貴贈承德郎芹生洪以  
歲貢生授湖廣都司斷事是爲海峯公配蔡孺人生  
子二公其長也公幼穎敏專精趨學學日有成矣督  
學使者至試不售喟然嘆曰家大人白首劬文學越  
十舉鄉闈而不一得命矣夫奈何守章句重自困耶  
卽棄去理田作承親志也海峯公襟度坦夷不屑事

家人生產會蔡孺人歿益恐育鞠中外事悉畀公經  
理公商度出入日罄厥心晨夕具旨甘四時視衣寒  
燠無弗當海峯公心者海峯晚就幕職守官廉俸入  
不自給恒取給于公一日海峯公有疾公與弟左右  
侍海峯顧而泫然泣下問治生有無公跪對曰生理  
苟足大人幸無念退而弟訝公失對公曰非是無以  
安大人心也諸凡養志皆此類是其孝也公謂不能  
紹述箕裘恢弘先志是懼所以訓迪子者益殫心力  
隆師擇友朝夕惕厲繇是學成名立奮身科第擢留  
都御史臺聲生望積蓋將焜耀於勲名光顯其世德

近稿卷十二

五

皆公啓右之勛是其慈也其處諸父昆弟摯愛致敬  
隣里鄉黨投分推誠通財以周匱乏協義以相規勸  
豈弟和平不立町畦不設城府是其行也公體貌魁  
梧談論軒豁洞識古今事變邑自倭夷寇後多起大  
役里中常推擇屬公公約已務施隨事辦集里人有  
疑事相質忠謀遠識審告精詳決是非揣利害咸中  
肯綮不忒明如鑑燭是其才也羣居和而不爭與人  
交恭而有禮雖村氓童孺無慢易心顯貴達人不儔  
辭色遇之稍不如禮逡巡引去謝不與通若非我輩  
干嚴拒屹不少動是其介也常有少年狂狡者侮公

長厚故侵公欲借以爲名公心知之不校也已而有  
伐其丘木者其黨覺露詰之乃前少年侵公者時公  
之子已入仕籍迺曰吾竟其事人以爲忤前憾以勢  
轢之其謂我何迺置不問是其量也晚年娛意詩酒  
屏除外紛有司延公爲鄉飲賓始以例授南京太醫  
院吏目後以侍御君貴得推恩封如其官公處之  
澹如雖貴不異曩昔人益賢之公生弘治庚申六月  
一日距卒享年七十云娶杜氏封孺人子男一可久  
卽侍御君女二長適朱希穆次適談家之孫男三長  
大有生員次萬有次咸有孫女一適生員談秉仁曾

近稿卷十二

太一

陳

孫男一憶昔予弱冠時遊邑學與海峯公爲忘年交  
踰年海峯始以貢行常挹其言論迺知慷慨不羣知  
略輻輳美材諳而阨於一舉遺珠淵媚毓彩發光胎  
謀燕翼後必有興焉者無疑也迺今得侍御君果然  
予是以知公之曰孝曰慈如前所撰述若其善行芳  
聲熟人耳目史氏所紀載纍纍千言咸當實不虛又  
文雅馴可永公名並傳不朽矣史氏又言曰里巷篤  
行之士名跡無所表著始而闇焉無聞迺若慶澤所  
鍾顯發嗣人藉以流聲奕世若小峯公者焉可使後  
無聞也予迺詮次其略爲志綴之以銘鐫諸珉石納

置玄堂銘曰

恂恂小峯德洵美肥遯丘園稱有斐養志承親心疊  
疊教誨爾子式穀似奮翼雲霄謀國士最跡臺中聲  
燁燁封錫貽公自丹康身繡輝煌照桑梓觀化全  
歸返厥始橫眠東阜高墳起地秀川明氣凝止世萬  
雲仍綏福祉伐柯從斧吾銘此會意修辭從史氏

故太學生象岡朱君墓誌銘

海上修文之士名者予近時以太學生象岡朱君爲  
巨擘君學文好古章鍛字鍊務斥去陳言蒸蒸乎登  
作者之途矣隆慶壬申冬十月二十日寒疾卒于家

近稿卷十三

七

距生嘉靖甲申六月十三日年四十有九耳越來年  
萬曆癸酉冬十月十有二日家學諸孤卜葬肇溪南  
原祖塋之次迺撫拾行實屬銘君始疾時呼諸孤榻  
前謂曰疇昔夜夢天帝召我授筆札屬書記殆不起  
之徵乎諸孤泣莫能仰視者久之君曰吾豈不念  
若如有成命何翼日碧鶴雙下戛然長鳴此吾去時  
也越一日果然君卒在昔有唐李長吉歿謂帝召作  
玉樓記載故籍中人至今傳信言極章顯君其是類  
耶夫元化炳靈二氣離合聚散條爾成形俄復旋返  
若帝有命然厥理無足訝矣予與君交知久不忍辭

銘迺援筆識之據狀君諱察卿字邦憲象岡其別號也朱氏世姑蘇人勝國時七世祖仲雲公以詩名六世祖克恭精易五世祖木攻左氏春秋兼長黃石公略高皇帝驛馬聘用多運籌功旋以事論死獄中上書訟冤得不死文皇帝時上安邊十二策麒麟頌深嘉納焉高祖元振有隱操善文辭曾祖祐舉景泰庚午鄉試任南昌府同知祖曜歲貢授清江提舉封監察御史父豹進士起家縣令擢御史遷福州守雲仍玉映簪組蟬聯其世德可紀也君稟岐嶷之質長負沖邈之志始受春秋學徐筠岡余竹癯所通曉

近稿卷十二

八

大旨十五補邑弟子員已而進登太學非其好也連試有司不第即棄去業古文詞讀先秦兩漢諸子百家言豐壘不怠漱芳潤於簡編矯步趨於班馬材勤丹漆文擅鸞龍其問學可稽也君九歲福州公故即哀毀擗踊如成人襄事種種合度事母蔡孺人孝敬惇至循脩子職親執饋食晨夕靡懈毋有不色喜即率子孫跪請謝過爲常毋疾禱神祠請以身代毋好施散所遺釵服目不一瞬局鑰起閉不問雖疏屬視疾散去殆盡君亦不問昔曾氏之養志無以踰之時方弱冠應試北都身已薄都門遇從父子明公喪即

護殯回車人以爲難先人丘隴垣屋葺治頽圯族人貧窶不能喪者婚者舉火者君輒埤助緩急先人後已遠利篤親其孝友可稱也性倜儻好飲酒客至挈榼提壺聲伎雜進其樂陶陶迺自號醉石不飭廉隅小節視天壤間物無一足以當意者意度豁如至禮義大坊則又持守兢兢不失尺寸福州故人陳君懋觀倅郡來視邑事請爲君置田宅君辭之邑令黃君文煒郡守史君直臣雅善君居間未嘗一有私請人故重君趙尚書文華視師海上夙與君善接見握手交歡君亦不一干以私尚書部下梁將軍者持三

近稿卷十二

九

百金壽君君曰吾忍以尚書金緇我乎拒不納後陳黃二君相繼卒官君往赴經紀歸其喪人稱不肯德執友韓俞臣卒爲之治櫬義效脫驂鄉貢士韓謙貞卒爲置墓地賙卹匍匐於有喪衡平不失夫取予信約不侵於然諾其行誼可述也出門同人千里孚應一時知君賢士如吳下文待詔徵明許太僕初陸尚寶師道楚中吳藩叅國倫長興徐臬憲中行咸時時以詩翰相寄贈歲無虛月君疾時魯中詩人謝榛寄詩至君次韻酬答歸焉疾劇猶作破帳記口授廼子書于冊詞旨奇崛可誦具載集中所著朱山人集舊

雨軒稿文材若干卷藏于家華亭陸宗伯樹聲太倉  
王觀察世貞鄧沈隱君明臣吳王文學穉登爲君作  
傳聲應景從芝芬蘭嗅其聚樂可攷也宗伯曰朱君  
以文學里行著稱翩翩然儒雅弘博君子也至其遠  
權利嚙然不緇處故舊存亡不倍德又何其表表風  
義也隱君曰邦憲海內名士交記室中赤牘全至數  
千里外內信使趾屬於道丙舍榻不得懸又喜任俠  
高誼感樂抵人之急語云鄧林之木玄圃之玉難爲  
材矣邦憲上承下啓爲孝子爲慈孫爲名父余所睹  
近世罕儷哉罕儷哉王文學曰先生爲人排難解紛

近稿卷三

十一

氣足蓋當世及其自居遐巡退讓意蔑如也家故廉  
吏無餘貲以好施益落昔魯朱家俠今吳朱家亦俠  
得非其苗裔耶然魯朱家少文不迨矣王觀察曰沈  
王二子傳朱生以任俠稱雖朱生亦欣然自命俠也  
夫俠者奪情而強爲義屈已重已乃朱生恬穆胡強  
耶其嘯朗多引讓始而信終蓋郭林宗徐孺子之流  
云四傳言人人殊矣嫺於文辭則一憶君令名將與  
諸君子作偕流傳不朽無疑也抑予於是深慨焉  
昔者夫子謂顏淵吾見其進未見其止蓋顏氏有龍  
德進進不已其胡有涯謹惜其歿徂也以象岡之才

之敏假以年齡益宏樹立奚啻如前所云云爾乎脩  
短定數蘭芳早萎今也則亡云何吁矣君娶唐氏繼  
室沈氏張氏咸有士行子九人長即家學庠生側室  
陸出次家賓國子生唐出次家教家法皆庠生沈出  
次家馮側室諸出次家風次家聲皆張出次家禮亦  
諸出次家政亦張出其家教則立爲從伯可山君後  
女一人字唐國定孫男七人長年長祚長庚長春長  
善長康長胤孫女九人長字杜彥良次字韓廷咸次  
字高正倫次字張祖功餘幼子嗣繩繩荀龍實桂其  
後祿克綬也子悼惜君亡爰綴厥略肆乙餘慟聞以

近稿卷三

十二

銘辭曰

倚象岡嗟醉石敦伯倫矜酒德捧尊罌飮糟鳧睨青  
天獻白日縱賢豪古任俠麗詞華研體格模史遷玩  
丘索黜凡蕪完色澤晉以年究幽賸文人名永昭晰  
霜露溥晝晝荆壁問大鈞嗟醉石

勅封太安人顧母周氏墓誌銘

太安人周氏光祿寺大官署署正贈儒林郎上川顧  
君之配大理寺右評事中書舍人從義光祿寺監事  
從周之母也顧母父竹山居士憲母奚氏生大父都  
司斷事公寧壽幾百齡齒德並尊鄉閭推重母幼敏

慧諳女紅見諸兄讀書從旁記誦甚習公奇之恒曰  
是女不當嫁凡兒會上川君父省軒翁爲子擇配聞  
母賢又兩家皆海上望族遂委禽焉年十六歸君時  
省軒翁已棄榮養君生母蔡孺人亦先卒嫡母陸孺  
人疾亟迎母母至未幾姑亡太安人哭之哀以不獲  
事舅姑爲恨於是事君長兄御醫東川公如舅事東  
川配李宜人如姑素性儉樸食不重味衣不御統綺  
晨夕率女婦織絀力作無間寒暑後竹山家事中落  
晚更不給母餽養備至有疾省視親操浣濯及卒經  
紀喪葬賙卹警弟及其子咸殫厥心孝愛不衰於父

天  
近  
稿  
卷  
十  
二

十二

母誠敬克盡於尊嫜言動不違夫姆教依希有葛覃  
之風焉上川君始游庠泮繼入國學已而策名仕版  
母善承君德意君亦籍母氏內助之功終身無一間  
言若其紉綴刀尺纂組綺縞善其用魚肉聚羞烹茗  
炮治當其物饌飴酒醴珍膏秬收雋於味珩璜瑤珞  
觴燧箴琯解贈問報適其宜德業就於交脩琴瑟諧  
於靜好庶幾紹雞鳴之烈焉先是母年十九未有子  
即謂君曰君少孤賴兄嫂扶植今君氣體僂弱請以  
兄季子爲嗣請至再許之於是抱從義爲子無何君  
北游太學母出橐中數金釵釧各一授君曰君雖子

從義此行尚擇納宜子者以廣胤嗣君深嘆其賢娶  
京師女劉氏歸舉子一日從周逮下克廣其德心樂  
只日疑夫福履闔閭誦膠木之仁焉育養二子殫竭  
一心襁褓撫摩顧復之勤不異已出選師肄習俾庭  
趨之子日以親仁早成器使之材繼登鸞鷟之選其  
志專而行成儀一而心結平均詠鴈鳩之德焉若其  
哀舅姑蚤亡也孝享冥漠罪志烝嘗痛所天中道而  
殂也慟哭悲傷幾就隕滅隆慶辛未母壽七旬從義  
輩率子婦捧觴膝下母泫然流涕曰汝父勤苦此生  
先我而往胡壽爲因誠無納賀客時母以君貴封孺

天  
近  
稿  
卷  
十  
三

十三

人矣又以子從義貴加封太安人會少子從周亦遇  
例授職歸拜太安人于堂太安人愀然泣曰汝昆仲  
衣冠偉如吾死當瞑目恨汝父不及見耳乃若棄去  
華紛斥盡愛染施齋供於師尼期明心於了義將以  
邀王母於曾臺孀仙姝於姑射懷遺累出塵之想存  
靜定戒慧之心此大丈夫所鮮能詎意房闈之英妙  
契頓悟若此不謂賢乎萬曆元年癸酉夏五月九日  
母疾大作呼子榻前愀然嘆曰我生平佐汝父居室  
稍有贏貲不意遭寇播越蕩盡無以遺若惟布衣糲  
食不敢妄費一錢惜此餘福或可遺汝子孫耳言訖



整襟而逝距生弘治壬戌五月二十二日享年七十有二子二長從義娶朱氏福州中青岡公女次從周娶唐氏烏程貳尹梧岡君女女二長育蔡孺人孫女適商城縣簿唐亦泉君子庠生國本次側室劉出適懷慶推府劉春泉君子庠生天民孫男三九策從周出九旂九防從義出孫女五長從義育凌氏姊女適工部郎中楊南濱君子庠生繼美次從周出受子孫雲柯聘餘幼從周後太安人三月而疾卒從義卜以是歲冬某月某日奉太安人柩葬肇溪南原啓上川君兆而大封焉禮也先期手具事狀謁銘予受而讀

近稿卷三

十四

之旣因得以論序焉少子銜血號旻哀毀瘠立捐髮膚於泉下長子悽誠誅行區風形管板罔極而籲天是不可以觀子之孝乎天倫莫大於慈孝慈孝道寔以相成世未有子克孝而親有不慈者也亦未有子不盡孝望親能慈者也二子純孝顯一不解是不可以觀母氏之慈乎此倫懿之光華鄉邦之鮮覲者矣迺疏行以揚芬復最詞而垂遠銘曰

猗與淑媛兮德也則良事相夫君兮家日寢昌勗子力學兮克諧義方鴈翼頤頤兮綰茲綬章游膺封錫兮燦乎煒煌魚軒象服兮粵盛寵光壽終寢室兮還

化彼蒼鸞臺鏡月兮星旄凝霜地脉攸隆兮肇溪之陽青龍擾左兮金虎右降元緒奠後兮朱鳥前翔露零之秀兮誕啓蘭房同穴儷美兮珠合璧雙太和融灌兮奕葉發祥崇山並峙兮川流與長我銘龜石兮示後無疆

明封孺人王母馬氏墓誌銘

孺人姓馬氏散官三槐君之女封君怡朴翁之室侍御君圻之母也隆慶歲辛未冬十二月二十六日毋疾卒越三載甲戌卜以冬十二月某日舉襄事窆某山之原會怡朴翁改卜新阡未就廼奉毋柩殯沙洪

近稿卷十二

十五

祖塋之穆禮從宜也侍御君誦蓼莪而增悼悵母德之後湮持尚寶司丞顧龍海先生撰狀以請誌銘于予予予允哲乙丑偕侍御君舉進士誼辱通家不得辭據狀孺人憑積厚之祉緼蘭玉之姿三槐爲吳下右族而王氏亦世有聞人兩家以黨里相傾慕王之先嘉定人後籍上海五傳至石泉公石泉公之子曰楣即怡朴翁也翁少稟敏識爲三槐君器重故孺人及笄嬪於王氏石泉公性端方刑家整肅孺人承事翁惟謹晨夕具甘毳躬滄瀨奉翁姑惟力石泉公宜之未幾石泉公卒孺人佐夫君具喪葬如禮姑朱碩



人年老孺人孝養煦煦日益至甚得姑心已而朱考終孺人哀慕悲傷蓋終其身焉時稱孝婦怡朴翁外困里役無暇問家人生產孺人拮据治內攻苦食澹日戒家人毋侈靡病財非召客不二羹飯乃若飲饌之烹調菓蔬之樹藝畜產之擾牧各當其物箴管庖匪織絰絲枲纂組綺編畢協其宜族黨之穆雍里閭之周恤君子之交知解贈問遺咸秩於義無弗當怡朴翁心者操存允合於彛嘉承順不違乎敬戒行義豈叶乎衡平女憲曰得意一人是謂永畢詩曰無非無儀唯酒食是議無父母詒懼孺人有焉侍御君之

北稿卷十二

末

生也孺人撫摩鞠育能言教以進退唯諾數與方名成童出就外傳教以詩書遺之華亭受經盛如川所客三載不一歸勸迪嚮往不遑恤其私齡年充博士弟子員毋督課譙讓益至每夜讀則以機杼相之垣一方人聞吾伊聲若從機杼中出者昔昔如之雖盛暑隆冬不廢業易度由是問學閎肆文藻璘璫歲甲子舉應天隨舉進士授江西清江邑令奉孺人偕行抵官所捷門守舍言不踰欄窺舍中隙地課蒼頭灌蔬自給躬組紉以資饋勞侍御君承教益厲介節政平人和頌聲大作踰二載優調萬安治如清江聲華

益林循良芳譽萬口詞一名傳遠邇績最司銓歲戊辰秋召拜雲南道監察御史時值穆宗登極覃恩怡朴翁暨孺人並膺封典侍御君立朝正色棘棘不阿又董北畿德政風裁凜凜然不可犯稍忤權貴意不獲安處臺中擢僉閩憲竟為嫌忌者所中謫倅邛州邛與六番相隣去家萬里時母疾新瘥君辭不往後奉母命乃遂叱馭以行履任之始即著聲猷民夷嚮服皆母氏指教也陶鑄不寒於一暴名成比跡乎三遷養正同功於嚴父易曰家人有嚴君焉父母之謂也詩曰教誨爾子式穀似之孺人有焉孺人

北稿卷十二

七

計至蜀君匍匐南遷哀籲罔極朝野嗟侍御之去位鄉隣慟淑懿之云亡孺人之賢益徵於此矣距生正德五年正月初九日享年六十有二男一即侍御君圻娶陳氏封孺人女四長適劉邦輔太學生次適何子科次適金大遜太學生次適張仰庠生孫男三長思忠次思義俱庠生次思孝孫女二長適聶開詩庠生次受李中芳聘曾孫女二未字司承之言又曰孺人賦性樸淳厭時俗靡曼不事華澤至處貴盛益貶損受封日翠翹雲帔拜命於庭退則布素怡然即偉丈夫不能無榮悴於豐約矧閨閣之英乃能貞

一不變詎不難哉侍御君以清節成身厥有本矣肯哉有味乎斯言可以警末俗示方來垂不朽矣予遂詮志如右復系銘左方曰

繇來形勝稱練川青龍白鶴相盤旋蘭房玉璞鍾藍田德門來嬪方笄年婦德毋儀宵勉旃贊助夫君閭職全義方成子慈道殫蜚英甲第高騰騫宰邑最績孰與肩進擢柱史觀爭先激揚體肅震幽燕谷生无妄倏左遷厥聞不隕聲卓然萱堂遽爾悲終天司丞攜撫狀毋賢文詞泉湧筆如椽我志我銘貞石鐫言非虛美永勿諉光昭管彤星斗懸太原雲仍百世傳

通稿卷十一

太一

明潘季子訥齋光祿墓室陳碩人暨營壽藏誌銘

隆慶三年歲己巳秋九月二十一日予季弟訥齋光祿墓室陳碩人疾卒正寢詎生正德丁卯七月初一日享年六十有三云越二歲辛未春訥齋致政歸經理塋兆肇溪北原林丘黼黻草木榛榛風氣融聚於是正疆域順陰陽燭吉日協靈辰程工作定以方位甃以磚石繚以垣墻樹以青松環以碧水泉臺陶穴斧如堂如流景內光引日映月既窆碩人以寧體臯且營壽藏永俟將來虛左當福善之占百歲懸皦日之

約外構便房攸介攸止清虛閒靚遊焉息焉洵牛隴之殊庭羽仙之秘館也弟作碩人狀屬予誌銘弟請併誌壽域夫葬者藏也藏諸幽也銘者名其德美功烈垂諸後也似不可豫圖然晉唐以來高賢豫營冢兆自爲祭奠誌文往往載簡冊人不非之弟壽近稀齡予又稚知弟行迺遂從弟請牽連作誌焉弟言陳碩人祖肅順天治中父儒邑庠生晚歲寵膺冠服毋高氏生碩人夙閑禮教朴素克敦其嬪而來歸釵荆裙布若將終身汰侈華紛不能縉渥弟賢之其佐理家政拮据持茶備嘗勞勩績紡恒至夜分篝燈相夫

通稿卷十一

九

誦讀蔬食水飲不戀肥甘夏葛冬裘罔羨華繪人或以爲不堪碩人安焉無幾微見言面弟益賢之相內之行大都可書如其最著者儉約自守一衣數年不爲染垢家漸充裕弗改厥初庶幾葛覃無斁之風鞠養二兒咸自乳哺撫異母子不啻已生無忝鳩鳩心一之善若接姻婭以禮睦鄉隣以義御羣下咸宜族稱淑懿人無間言矣弟負敏異之資秉達節之智少遊庠校林著英聲繼入成均恢宏譽問其閱繹詩書綜觀墳典弘道耽藝探賸研幾游夏之學也識見通而不滯經緯運於無方順若水流明如燭照藝足泛

應勇可力行冉季之才也南北秋試窘步數奇就選銓司效官一命授光祿監事能舉其職廉平祛出納之弊投刃入肯綮之間同事讓能當塗表績委吏乘田之誼也任未滿考甫乞歸田凌雲霄而高挹跨林壑以夷猶谷口鹿門之操也易言聚人曰財理財曰義史列貨殖傳崇獎素封弟明斯義儉欲幅利慙潤厥家推以及人內省不疚子長曰富而好行其德仁義附焉計然子贛之略也夫死生之際難言也修短盈縮一寒暑風雨之序耳人惑之失理貪生景公隕淚于牛山趙子含悽于窀穸譬之畏影競跡影愈繁

近稿卷十一

十一

惡響忌聲響紛至孰踰其愚哉孔子曰未知生焉知死老子曰民之輕死以其求生之厚唯夫無生爲者是賢於貴生人能知生而後知死知死斯賢於貴生若吾季子非所謂知生賢於貴生者耶晉陶潛唐傳奕之度也吾宗之先肇祖周文王後畢公之子分耀封邑厥土滎陽因氏潘焉明興疆理民黎始祖諱添二公先世常州人避勝國兵亂僑居海上遂偕室張氏繫籍焉給有戶部帖存居數年公商遊不返莫知所終然上海之有潘氏謀自公始故曰始祖始祖生高祖靜菴公未三歲育外姓戚氏家少岐嶷耽道好

古長負經緯之智事不眩能厲持身之模貞不絕俗廣容物之量介不滑和近而與之交者合珪就璞久而窺其際者挹清飲醇時姚士廉鉅族名人也與公交好方溪水南吉壤一區讓公爲塋域公以布數十端易之券存高曾祖三世葬皆在焉冢上柞櫟一株焦枯數載憶予童時見之後一歲發春苞枿長茂鬱鬱蒼蒼迄今六十餘年吾族日大此其兆乎是雖祖德之徵姚氏相成之誼亦不可諉已高祖妣許氏生曾大父諱麟字應祥號瑞原少習文藝選邑學生值時匱乏屢空會新例降充山東曹縣掾移家往役滿

近稿卷十二

十二

考授浙江河泊所大使非其好也或謂新例嚴不敢不往役公稟性純和持身介潔意常墨墨雖寸染點污若衣章甫而坐塗炭也有巨商艤舟河下猝罹水火公力拯救完其貨貨商出橐中金數十錠酬謝堅辭不受時人益頌其廉去任歸田家有餘饒曾大母龔氏生女適歲貢生張咸張有才譽公鍾愛傾囊界之張溺燒煉術後瞽目廢業終身生大父諱慶號默軒誠慤仁慈平生無疾言遽色居近市囂煩獨處靜室履不輕出戶外未嘗與人一辯是非曲直入郡縣之庭古稱獨行君子無以踰焉大母唐氏生伯考菊

潭府君配伯母何氏繼宋氏無子生考御史大夫順  
巷府君諱奎字用章前配趙夫人繼錢宜人加贈夫  
人生四子長恩次惠次忠次即季子恕時先大夫田  
不足百畝所入未能贍數口之家錢夫人治內率家  
人婦以機杼佐之仰事俯育時或不給則未嘗不歛  
簪涕下恩爲諸生長矣見輒心苦之然無能解母憂  
也諸弟從外傳歸夫人以食哺之日或不能具肉食  
兒或不食夫人心憐之涕泣然下反袂承睫不令兒  
見之也及恩爲祁鈞二州奉夫人偕行諸弟不克往  
官舍中日食果饌有餘夫人亦泣然涕下反袂拭面

近稿卷七

廿二

不令兒及兒婦見之也此其心何常時刻不在于耶  
兒是時知之亦不能解母憂也後遷南刑員外郎歸  
不踰年而夫人疾殂矣今吾昆季生子若孫三十餘  
人其初夫人之一身也今皆華屋安居美衣甘饌又  
日事藻繪失禮犯義間亦有之念予王大父大母之  
德懿具 誥命制辭予父母之德懿具徐存齋少傅  
吳白樓尚書墓誌暨 制辭中不再錄錄其逸事如  
此終天之恨忍言乎哉予又憶童穉弱冠時日侍大  
父側夜燃燈誦讀間多談說故實及家國興替善惡  
感召之跡纏纏在耳吾家往事昧不咨請如高祖名

諱遺失罔知是予之罪也夫又憶予強艾時思效昔  
人分置義田樹合族規未以時定又思作訓示後人  
作譜牒紀宗法亦未之成歲華荏苒奄至耄年是予  
之罪也夫欲予諸弟暨子若孫賢者緣此作誠奮思  
舉行俾子姓持循兢兢禮讓予垂老及見之亦一快  
也季弟子四人長允穆國子生次允臧光祿監事皆  
碩人出次允肅次威甫皆國子生側室蔣氏出孫男  
六人雲根雲梯雲棟雲楫雲棋雲構孫女一人五姐  
蘭森玉映學以待時澤延綿庶皆可書予詮次世德  
附麗榮陽事系銘于左方思昭示于無極其辭曰

近稿卷三

廿一

猗與碩人少鍾德美粹色令儀懷瓊儷芷憶昔笄年  
嬪于季子布素簪荆祛浮黜靡坤代終成式穀後啓  
擬漢鴻妻效鄒孟母彤管區風庭萱失韓歛耀收華  
悲生蒿里季子斌斌與道同軌惇朴溫文匪野匪史  
學行步趨聖門遺矩解綬鵷班歸榮桑梓營殯閨房  
壽堂並峙治不過奢菲不沒禮遊衍斯丘曠心遠視  
淶水粼粼白雲瀾瀾古今一瞬知生達死百歲之後  
歸于其所萬祀仰瞻皇明高士

祭泉南郭公文

嗟乎先生令德純懿西晉之英少綜儒術長侍 明

廷史局編摩燁乎有聲造登 講筵爰篤忠貞載陟  
司成六館陶甄菁莪樂育教澤風行鼎鉉隆望士類  
輸忱擢貳南曹身遠 帝京有懷靡及心戀 闕庭  
無何遘疾值數之屯嗟乎先生學可淑身道可經世  
天不憖遺奄焉長逝胡昇之良胡奪之亟年未及耆  
用未卒試其等義均寅亮情切瞻依悼公之喪同情  
共悲薄陳茲冀藉以蕪詞詞不盡哀寄我遐思

祭弟婦王氏文

嘉靖三十五年歲丙辰夏四月予行役北歸時有河  
南之擢五月初旬舟發松城越六月九日抵汴是月

述稿卷三

苗

二十二日予弟子迪之配王氏碩人以疾卒於家越  
七月二十九日計聞于官即予不勝驚悼予內子曹  
淑人哭盡哀咤愕欷歔者累日迺寓香帛庶羞致奠  
而申之以辭嗚呼碩人遂至斯極耶天之禍福杳乎  
無朕數之脩短曷乎不齊孰探厥始孰究厥終胡可  
以預慮耶四月維夏淑人從予歸海上與碩人聚首  
不浹旬笑語言別碩人以淑人恒多疾疾為憂時也  
幾何迺今遽先朝露耶憶予曩時督學廣西繼遷巴  
蜀淑人未之從也與碩人同居者數年日夕相與婉  
順溫恭翁如罔間時予三子年在孩幼碩人飲之食

之教之誨之猶夫已子是故淑人感德迄于今不能  
忘列女傳云婦能和於娣姒則賢矣若碩人之賢不  
亦鮮儷者耶碩人之處娣姒也和其事舅姑也孝先  
大夫順菴府君母夫人錢氏咸安之其待姻黨也任  
其御家也勤其持身也儉眾美備焉克相予弟學游  
成均式穀諸子翺翔轡校拮据卒瘁劬勞未報顧不  
能少延以須一日之祿養耶海寇匪茹入犯吾郡今  
四年矣碩人時徙府城不遑寧處淑人亦從予宦遊  
江浙間或越歲不一覲或歲一覲不再旬淑人嘗謂  
予俟賊平後則歸家以居與碩人白首會聚享逸豫

述稿卷三

五

祭雍里顧公文

惟公稟性純固受天淑靈吐芬摘藻蔚乎有文弱冠  
奮起卓矣絕倫潛心聖賢耽翫經史發揮異同搜摘  
章指剡去浮華歸諸根柢秉心兢業執德允恭歷試  
外服時譽日隆謂公 內召以奏膚功胡積之厚不

顯厥施強仕懸車耆年未辭余夙知公胡能不悲最  
公行誼以掩諸幽不腆之詞中慙莫酬敢布區區用  
替殽羞

### 祭芹山陳公文

蹇蹇陳公爲時臣宗操持介持秉志清忠今也則亡  
我心忡忡憶昔癸未之春釋褐離躋竝馬曲江袂投  
簪盍於是締世講之約迨乎癸卯之歲藩臬交承官  
聯東省日邇儀刑於是篤寮案之情共事文場變生  
不意相卹相憐莫辭我勸於是切同舟之義公謫宜  
君予謫河源南北萬里一別潸然差池下僚曰有歲

近稿卷上

其一

年次第環復中外騰蹇均躋九列先後茹連公勛日  
遠風問招宜景行仰止情好彌堅公遷陽羨解組歸  
田云胡不淑遠返九原夫公鉅材宏識淵渟山峙所  
以棟明堂澤黎庶者未克盡用于世 錫贈葬祭節  
惠易名所以榮身後貽來祀者未獲請於 明廷此  
羣心所未慊而覬望之同情也崑岡玉翳丹旌晨飛  
大雅不作朱絃絕徽然而隆章寵數光照重泉舉行  
來日誰其舍旃未盡之祉引引繩繩末言勿替施於  
子孫蓋 國家酬功之典天道福善之恒予言匪佞  
以告同心心跼伏海隅執紼無從緘辭達幽庶幾乎通

之

### 祭李海樓文

於赫海樓稟瓊奇於峯泖紛績學而好脩憶交臂于  
曩昔識元禮于仝儔偕南征乎留省肆聯轡于瀛洲  
締朋簪其日密胥勗德以宣猷著明允于比部樹循  
良于楚州擢秉憲乎東土緊聲聞之旁流豈才大以  
難容遂襲珍而蚤收齊得喪于螢燐等勢分其雲浮  
謹提身於敬德寄曠度于狎鷗胡達人之奄逝遽旋  
返夫高丘悵執紼之靡從迺緘詞以唁幽上以摅乎  
風誼下以贊夫殽羞

近稿卷十二

其一

### 祭徐恭人文

於惟恭人淑慎慈良泖峯毓秀寶婺降祥生自望族  
姆教夙將來嬪相門厥德允臧孝事父翁就養無方  
克念先姑竭力蒸嘗相厥夫君象賢振芳雍容侍從  
聲聞彌章效勞 大內進位奉常渥典鴻施金紫煌  
煌內助之功如珪儷璋產有鳳毛蘭芷增光鯉庭晝  
趨熊丸夜嘗學日以富雲衢埃翔於惟恭人聿脩內  
則婦道毋儀咸備無忒懿德是成勲著邦國賀帛相  
隨大命奄忽悠悠彼蒼殲此淑質彤管紀哀遐邇心  
惻矧某等隆世講之誼締葭莩之戚者哉於乎韞玉



藏珠千里歸櫬丹旌搖搖悲奚可任寄情一奠靈其是聽

### 祭張恭人文

猗嗟淑懿曰嬪中丞儷美瑤璧齊芳芷衡克相夫子振跡儒紳敷歷中外聿成令名山海持鑰銓綜司衡秉鉞南土貴竹風清維此恭人贊助夫君夙夜靡懈曰恭曰欽萬里于役勤勤則均中丞考績益懋光勲帝念厥功寵錫載膺珠冠雲翟炳耀增榮恭人佩服淬礪迺心儉同韋布不羨華紛終始一節內則著聲明農歸野敬饒如賓和熊貽子義方教成藏器待

近稿卷十二

文

### 祭鄭淡泉文

嗟嗟端簡今亡已夫子締交於公粵四十餘載矣公稟清淑之資蘊淵深之學蜚英弱冠蚤發解於浙藩厲志好脩繼躋登乎高第拜官郎署光陟銓司知人懸水鑑之明持已凜冰霜之操紹往賢哲爲世表儀已而註誤左遷淹延散地游升卿寺楫著芳聲擢中

丞而督漕運聿成董理之勲晉司馬而總團營丕著振揚之烈迫其寵膺司寇詳慎愈彰德性之所養成問學之所沾溉潤身及物富有日新觀其貌弱不勝衣叩其衷毅不可奪故知之者稱其介特而不知者以爲踴涼凄凄橫生桂冠歸里高賢去位輿望缺然此天下所共嗟不能已者也矧予交知最久者乎公還海濱怡情養素反幽玄於靜沕韞璞玉而內光潛德昭宣蒼生屬望瞻獨樂之園思君實之再相舉鵷鷺之造篋貢禹之彈冠夫何淳耀弗永薤露易稀天不憖遺哲人奄逝此遐邇所傷悼莫測其繇者也

近稿卷十二

文

矧予交知最久者乎公卒之歲新主御極遵遺詔需鴻施階資環復祭葬頻仍謚以易名尤隆異數濡澤下霑於泉壤耿光勿替於編摩蓋有以備生人之祉永身後之榮此士林所同愜於懷無憾焉者也矧予交知最久者乎予與公同舉嘉靖癸未投分傾蓋之初予仲子允端與公伯子同舉壬戌情鍾世講之誼聞公云歿哀孰如之殯不及視曷已其思言寄束芻之奠申以同心之辭冀蘭臭之或達庶靈爽之格斯

### 祭林孺人文



於惟孺人嬪于少宰儷質瓊瑤齊芬蘭茝少宰儒碩  
不喜紛華孺人相之允宜室家朝夕無違敬戒疊疊  
壺政穆宣光昭懿美慈和下逮仁澤是事祥凝胤嗣  
燁燁雙珠少宰躋陞寵光日異寶婺沉輝收榮委世  
胡德之備胡壽不延陰儀內缺雲翳玄泉丹旄翩翻  
殯引明發凡厥親知罔不心恒寄情一奠束芻陳醕  
詞不盡意維以道悲

祭談十山文

嗚呼我公今其已夫憶昔癸卯之秋北地陳芹山豫  
章張北川追公與予偕任山東藩臬共科場之役以

通稿卷十三

辛

文錄指謫愆違偕逮 詔獄決旬始釋旅次京師時  
戶書蒲汀李公謝政家居予輩謁公公詢以祿命示  
日者報曰四君貴人異日皆京堂二品而潘君尤先  
登於時親目相視莞爾而罷無何謫邊邑典史芹山  
宜君北川靈川公宜賓予則河源悵然言別夫其感  
遇相憐惻惻同舟之誼剖肝析膽諄諄蘭臭之言耿  
耿不磨盟心天日嗣是而後羽翼棲遲拚飛各異環  
復舊職漸晉新階芹山總漕淮陽公與北川相承總  
督兩廣勲名爛然俱擢都察院右都御史解組歸里  
予從諸君後忝竊部院者四年後歸曩時日者之言

皆奇中無毫髮爽矣予惜忘其名無以志而著之也  
壬戌之歲芹山卒於宜興予哭之今茲公卒予又哭  
之屈指嚙昔冉冉廿年臨別微言纏纏在耳慨萍踪  
之難聚悵朝露之易晞悼幽明於異途懷離索而永  
嘆是故古之君子以人生爲逆旅視職馭於隙駒齊  
壽殀於彭殤等紛華於螢燐達人之顯貴志士之勲  
名皆不足以當有識者之一瞬也其有以夫嗚呼公  
之形體殂謝九原黯不可覩公之神化流行域內恒  
存不虧思公之形往不復生思胡以置憶公之神恒  
存不死又胡以悲寓青芻於一奠撫衷懷以陳辭諒

通稿卷十三

世

靈明之如在庶聞言而格斯

祭瞿母文

惟靈純懿夙備姆教蚤聞蜚聲右族來嬪高門瑤瑜  
比潤蘭芷齊芬崇樸秉儉克佐夫君肯堂用譽貽穀  
後昆往歲之春形神返真長舅筮仕捧檄南征計聞  
中路哽咽歸奔今茲初夏卜祔佳城空嗟璧合瞻靈  
雲陰臨風一奠惟以道忱

祭中丞張須野文

維公德美備厥純懿弘度冲襟長材遠器學茂潤身  
英蜚甲第士類鄉風司銓績最仗鉞南邦貴竹斯治

載史誌文播人聽視予不敘陳陳予交誼古今交道  
寔重知心詩詠伐木易著斷金公幼與予偕入儒林  
觀摩以善追琢以文或朝達暮接食並衿綢繆數載  
情與日深迨公登庸予亦奮步先後拚飛翺翔異路  
公履中朝聲光布濩予歷諸藩升沈錯遘各勉日新  
不墜疇素公歸韞櫝予亦解鑣十畝多暇攜手遊遨  
晚園春日澤國秋濤花明木秀景色餘饒二仲通逕  
羣青共招微言緒論樂陶陶予弟若子挹芬淑艾  
暨公嗣人推分隆契舊好益敦新姻復締倚玉附松  
投膠罔替繫公之歿不任恒驚老成謝世蘭茝凋零

近稿卷五

三

永閉玄宅望絕清塵素帷月寂丹旒霜凝生芻寄奠  
聊寫予誠

### 祭張季直文

予內子曹夫人爲桃溪先生之妹季直之室則桃溪  
先生女也視予內子爲姑往時季直視予夙隆事長  
之敬予諸子視季直胥篤兄弟友愛之情爲日也久  
矣憶昔君少孤遭家不造內難紛糾霜落寒林碩果  
不食君剗方就圓區畫周至曲成幹蠱之功治產積  
居式勤式儉封靡弗侈握籌據美燭照罔遺日有餘  
饒迺擅克家之譽繼而乘時遵會以貲入官獲沾一

命之榮教子力學進列成均庶幾錫類之孝凡若此  
者固其才諳之美使然而桃溪左右保護之力不  
居多耶今歲仲春策馬神京謁予辭謝臨別泣下詎  
意斯語遂爲永訣者耶不弔昊天客邸零丁一疾長  
逝時予三兒寓京偕君友朋憑棺含殮克殫厥心已  
而旅櫬歸途值予二兒督運北至命使導行千里安  
流棺還無咎據疇昔之愛少慰予悲心者不在斯耶  
不在斯耶丹旌拂座玄陰垂階飛鳥頡頏行雲徘徊  
閔命不永寔軫予懷陳詞匪文殺酒匪佳遺孫一奠  
維以告哀

近稿卷五

三

### 殯三兒婦墓文

予憶曩昔三兒允亮童時會潘參儲辛酉公以弱息  
託予予先大夫頤菴公偶從客座中頷之予小子  
唯唯不敢異無何辛酉捐館予屬內子曹夫人撫育  
數齡完婢家室嗣後垂二十餘年爾相我三兒綜理  
內政條分絲析漸致贏饒日事曹夫人亦無還志庶  
幾能婦矣辛未歲夏兒補官詹簿婦請往從買舟北  
行中途水患衝激奔濤激流屢陷艱危勞如之何已  
而得達于都然卒驚悸損心疾疚綿延彌留旅次者  
數月今茲季夏竟爾訃聞邇者返柩南還卜附祖塋

東偏憶昔締姻之始追今強年殒亡俯仰今昔恍若  
隔世憑虛一慟哀胡可勝近至後三日爾孀母陳孺  
人從祖塋附位徙奠玄堂予以病不克赴茲爾之殯  
予病復如之晨夕之風霜刺體倫常之酬應愆違天  
道人事動相阻礙良可傷悼予今告爾爾其依恃  
祖姑暫憩安壤晶英魂氣於中夜存思以求嘏渙濛  
式穀爾後錫類昌胤用大爾光此予父母之心亦爾  
靈平日相夫之志應詭俛焉不後于此矣爾靈其敬  
聽哉

祭馮南江文

痛卷三

三

惟公少齡才華剡起予處海涯相聞者久名與公同  
年隨公後憶舉于鄉錄名俱九後先登科交知特厚  
把袂京師墳庵並耦內外拚飛載上載不執憲南臺  
公聲宏茂遠巷停驄權豪斂手言冽凌霜劒寒欬斗  
詔獄貼危間闔排扣鐵石殊稱越在人口去國名  
高爰垂不朽終也 賜環榮光富有晉貳李官跡參  
華綬趾美象賢顯允嗣子繼承公休祿養斯阜予也  
歸農閒閒十畝視履考衷嗟乎公後覲保天和胥樂  
餘壽風木胡悲殄茲耆耆予也聞訃慨然念舊喪車  
莫攀涕零心糾緘詞寓哀寄情敬輓

亡孫女歸殯文

維萬曆二年歲甲戌季春予長孫女卒于清源旅次  
仲夏五月壬午夫壻上舍君伯玄將柩南還抵華亭  
里墅汝祖前都察院左都御史致仕笠江山人汝祖  
母曹夫人街哀致誠使汝兄雲驥遠具時羞之奠告  
予孫女之靈侑之以詞若曰嗚呼嗟夫予孫稚齡迺  
今永辭陸氏之室已夫惟予孫女端兒所嚮夙秉淑  
貞儷芬蘭玉疇昔議婚德門鼎族汝笄于邁百里間  
關婦職未諳予心惻然音容日隔兩地相懸差自慰  
意則有說焉壻汝者賢謂異日顯榮有侍也汝翁姑

痛卷三

三

慈仁謂松蘿永附弗孤也今則已夫壬申春月從姑  
北征舅登華要祿養分榮壻業成均績學茂聲茲也  
返自京邸言旋桑梓憶日計程歸寧伊邇夫何舟次  
清源一疾遽終籲天沈痛邁此鞠幽河清莫俟電露  
易窮鉛華蚤歇泡影都空汝極可憐汝天不年凡百  
無託遊魂渺然浮泥水陸厥途三千汝祖白首聞之  
淚漣矧汝祖母鍾愛特專者乎矧汝父汝母汝兄若  
弟晨夕笑言孝友情牽者乎予也抱病弗克操舟憑  
棺永訣緘情道哀物薄詞劣

笠江先生近稿卷之十二

附集

墓志銘

都察院左都御史笠江潘公致其事家居二十年卒訃聞上以先朝重臣予祭葬如令贈太子少保賜謚而時行在內閣當注擬則念公夙事世宗皇帝兢兢共職守法最爲敬順而其人厚重長者終始無二操可謂純行不爽法應謚恭定制可蓋自嘉隆以來九卿大臣被卹恩者罕得全而公獨全易名甚美論者以爲不愧云公生而穎異六歲能調四聲稍長試博士業輒冠其曹偶當食廩嘗推以予

附集

一

人諸生服其有讓嘉靖壬午舉于鄉明年第進士知祁州以平賦折獄能治辦調禹州境有悍王豪族公鎮以寬平絕私謁卒無干撓者州人爲之語曰母相譬避潘侯母甚口愧太守在禹未幾而積貯甚備是歲也饑而不害擢南京刑部員外郎既去見思以比鄭子產黃次公語在州志居南刑部一歲丁母憂服闋除刑部是時初命京朝官典省試以河南屬公錄文爾雅拔士得安陽郭少傳及其他登八座者甚衆亡何遷廣西僉事提調學政荒僻椎鄙之鄉得博習書傳敦尚器識斌斌質有其文寔自公始靖江王

驕恣錮衛卒子弟不令隸學官公以危言詠之乃解會攝司篆捕亡命大猾于王所甚急王益嘆公因他事奏訐上使使即訊無驗奪王祿按治其官屬罪而特賞公用最遷四川布政司左叅議尋遷山東按察司副使巡察海道時歲饑多盜警公發粟賑貸勸民墾田而嚴什伍購捕之令境內以寧會御史進錄文觸忌諱被逮公以監試連坐對獄謫廣東河源典史量移贛州府推官丁父憂復除福州亡何轉南京太僕寺丞再轉南京禮部祠祭司郎中復爲江西按察司副使整飭贛州兵備分巡嶺北道以平峒寇功

附集

二

擢浙江布政司左叅政方按部海鹽倭夷卒至公率衆乘城固守賊不敢逼尋遷雲南按察使未上擢江西右布政使無何遷浙江左布政使清冗釐蠹藏吏皆束手郡邑上賦者不特奇羨貪墨之風頓革嘗計吏朝正月與銓曹憲司爭辯賢否多直公事竣擢都察院右副都御史巡撫河南數延見三老吏民問所疾苦得銅墨吏以上不職狀輒救責之往往解綬去微庶人載瑜恣睢國中多行不法詔下公與御史按驗盡得其事實論廢徙祖陵除其國伊庶人爲暴僭擬踰制公一切裁之及按治左右爲奸者後竟坐

削自公撫中州制兩悍王民無所患苦望益大重後以發卒禦倭有功 賜金幣入爲刑部右侍郎尋遷南京工部尚書公頗其視事堂曰敬義指謂僚屬曰事君而思見利而思思過半矣蕪湖龍江兩權稅郎多速謗敗公擇敏慎者與畫法著令公私便之督修

祖陵 孝陵工完稱 旨有銀幣之賜 召爲刑

部尚書時督漕都御史章公煥上書言事 上以爲

謗誹逮治嚴急而都御史游公居敬撫雲南以發兵

興擊有蜚語亦被逮公具獄上皆予輕比 上怒未

解二公皆遣戍而亦不以罪公改都察院左都御史

附集

三

以二品考績 賜楮幣羊酒予 誥進階封祖父如

其官錄一子入太學公上疏請飭臺綱剔吏弊蘇民

瘼前後幾二十條 上皆嘉納之時以風霾考察公

偕太宰評鵬允當朝著肅清壬戌充 廷試讀卷仲

子允端登第授刑部主事尋以材調禮部言官以尤

太宰并及公公懇疏乞骸骨 優詔聽許遂致仕家

居杜門養重而益嗜書未嘗一日釋卷詩祖漢魏感

唐文出入昌黎河東諸家而歸之六經純如也所著

金石之辭布滿海內得者以爲榮公既老而諸弟溫

州君惠刑部君忠光祿君恕皆自引而從公年皆七

十以上因築四老堂以自娛每衣冠出游三子皆侍金紫絡繹于道歡譙彌日士大夫爭歆豔之謂洛中耆英社不及也自公歸臺使者無歲不薦 上竟以老不召而特進公一階以示優其後以 詔恩仍進一階而八十之歲有司造門以幣餽存問世傳以爲盛典公既素強又通攝生家方術其神益王而會季子及弟刑部君卒意忽忽不樂遂感疾而逝其生爲弘治丙辰三月二十六日卒爲萬曆壬午十月十六日年八十有七公諱恩字子仁別號湛川已更號笠江其先自毘陵徙上海爲上海人曾祖麟仕爲所大

附集

四

使祖慶父奎號頤菴公仕爲項城典史祖父皆以公

貴贈都察院左都御史前母趙氏母錢氏俱贈夫人

元配包氏累贈夫人繼曹氏累封夫人先公卒子男

三人長允哲陝西提學副使娶王氏累贈恭人繼項

氏累封恭人次即允端四川右布政使娶顧氏累封

宜人次允亮南京後軍都督府都事先卒娶儲氏贈

孺人繼王氏封孺人女一受南寧府通判瞿講聘早

夭俱曹夫人出孫男八雲驥娶孫氏雲樞娶楊氏雲

龍娶顧氏雲變娶莫氏雲鳳娶趙氏雲獻娶呂氏俱

國子生雲柯娶顧氏雲楚聘姚氏孫女六四適名族

一已受聘一未字曾孫男三人女四人所著有易經輯義三卷詩經輯說七卷詩韻輯略五卷美芹錄二卷祁州志八卷笠江集若干卷行于世始時行以年家子謁公長安里中望而知爲鉅人長者然公靜重寡言竟日不能得其議論而恒觀其偉摹宏抱於文詞之中其潔廉仁恕絕不事表暴人不能名其行誼而恒發之於政術其事嚴主處柄臣不爲陰陽頽仰而獨以粹白堅定使上不忤而下不疑疑然有大臣之體其謝事屏居所以瞻族教家咸可爲式恢然有先進之典刑蓋時行竊慨焉懷慕將推轂者舊

附集

五

以光朝廷而公已矣嗚呼悲夫公卒之明年十二月十二日學憲君允哲等將奉公以葬而以大理王先生狀來徵銘銘曰

士嫻于詞未及爲政或吐或茹剛柔胥病惟公純懿中和獨全有璞渾如其中栗然發爲文章鏗鏘燁煜及其蒞民人稱惻惻持法凝峻在險不驚迫而察之既和且平敦歷四紀終始一德爲士楷模爲時名碩公歸九京朝野興嗟何以慰公易名孔嘉崇阡若堂天子所賜刻詩于幽爲詔來襁賜進士及第光祿大夫柱國少傅兼太子太傅吏部

尚書建極殿大學士知制誥知經筵事會典總裁吳郡年家晚生申時行撰

神道碑

昔在世宗肅皇帝之季年上以春秋高常深居秘宮躬玄修以隄肅寰宇而帷幄用事者顧好行其私以奸大政政幾以賄成而一時九列諸公多光明偉傑相與維掖而匡定之以故紀綱不瀕於委廢而海內晏然由此觀之善人天地之紀也國與天地與有立焉大來之際衆正彙征祖宗分任六卿之權故在雖有讒殄誰能間之嘉靖恭隆之治功施到今

附集

六

有以哉而是歲壬戌會大計圻外吏學謨以荊州守入計時少傅安陽郭公朴爲吏部尚書而都察院都御史則吾上海潘公也屬班坐察吏每察一郡功曹郎引兩司官對牘尚書檢牘覈不可質公公第唯唯如尚書言已對牘罷公徐出所聞一二人再詰兩司某官有某過當殿而牘以最著云何兩司不能出一語解竟罷之於是受察者心服公威嚴詳密憚如神明有墨守當黜業以金賂用事者巧免而且覬轉學職公偵得之以語尚書曰此奸萌可折也亟置之幽典其人知事敗不數日以憂憤死後大計事竣取

旨用事者附錄不敢有所舛異而公之初爲都御史也亦嘗疏請飭臺綱剔吏弊甦民瘼前後幾二十條鑒鑒中窅肯上悉嘉納之下所司舉行至是察吏公必欲自行其志於嫌怨略無所顧忌故中外聞之屬屬然轉相淬礪避都御史瑕適矣仕路爲之一清人以公比之漢御史大夫貢公禹本朝顧端肅佐云詩云雖無老成人尚有典刑詎不信與按公諱恩字子仁潛之先故毘陵人至元末有添二公者避兵上海遂爲上海人添二生肖孫肖孫生麟是爲公之曾祖麟生慶慶有二子其季爲奎即公

附錄

七

之父也二世皆以公貴贈都察院左都御史祖妣與妣皆贈夫人公之前母趙氏也母夫人錢實生公公生有異質雅負凝重離襁褓即不妄言笑六歲父教以四聲高下抑揚過耳即悉稍長受經術所構制科義妙絕流輩比補博士弟子貢試無出公上者嘉靖壬午舉應天鄉試第九人明年登進士高等出知祁州祁故苦徭賦不均歲當覈籍公爲叅伍新舊籍而衷劑之令田無匿稅戶無影役以是料量稱平有訟於官者北人椎故不能作囂語兩造既具公第以片言折之即盡得其情無不受質成去逾年而祁大

治銓司以爲才調劇得禹州禹州者故徽王封國也其地多子侯豪戚環衛之屬輒抗守弗易就要東聞公治祁聲亦稍稍斂迹戒無犯藩侯會歲饑公所積貯視他郡獨饒悉出以贍民民是以饑而不害政成擢南刑部員外郎州民謳思公生祀之以配鄭上卿公孫僑漢潁川守黃霸語具州乘中爲南刑部一歲所以錢夫人憂歸服闋補刑部員外郎而是歲辛卯當鄉試公以禮部新議受河南主試聘比徹棘所得知名士特多若安陽郭公朴即壬戌所共事察吏者也而尚書劉公自強魏公尚純侍郎喻公時俱在覲

附錄

八

中後與公並登八座人以爲獲雋之盛先後罕儔而當事者以公程式之文爾雅爲諸省冠遂擢公廣西僉事提調學政廣西地僻而人獷諸生於訓故外無所知見公不欲鄙夷之爲多集稅文以廣其聰明而要歸於敦本實先器識自後西粵士彬彬興起薦南官者歲不乏人時靖江王驕禁護軍子弟毋得就諸生試而與試者必索賄賄不入則勒其子弟而連坐其父若兄公移文切責長史古立賢無方之謂何而王欲錮人於聖世哉急諭王不且亂汝王聞之恩即下令毋禁護軍子弟試而公嘗署總臬篆有大猾



匿王所公捕之斥捕人必得乃已王滋銜公其後王上書奏論御史監司遂首誣及公 上下案章遣給事中法司緹校置勘已詞具於公竟無所侵王坐奪祿而公強直之聲益張甚稍遷四川布政司左叅議分守川東西北三道所至平徭理抑問民疾苦更以部署睚眦變人尤德之遷山東按察副使所部登萊海道公爲闢蕪萊招流亡謹扞擄擒治臧墨一道畏懷之會是歲癸卯當鄉試藩司檄公入棘而監臨葉御史經故嘗疏論分宜至是以程錄進分宜摘錄語涉謗訕竦 上詔逮御史及公驗治已御史杖死而

附集

九

公得末減謫廣東河源典史道轉贛州府推官丁父憂服闋除福州府亡何擢太僕寺丞轉南禮部祠祭司郎中出爲江西按察司副使整飭南贛兵備兼分巡嶺北道公在贛屬峒夷平遷浙江左叅政分守杭嘉湖三府方按部鹽官而島寇倖偏城圍之數匝城中無見兵公乃率吏民晝夜操甲而守之不少懈賊知有備退去已晉雲南按察使未上擢江西右布政使尋轉浙江左使公至首剗藏吏出納之弊郡邑來輸賦者如寄民知公無所用耗郡邑自是不得緣故事取奇羨丙辰入覲 上以公敎歷深聞望滋著遂

用公爲都察院右副都御史巡撫河南河南爲公舊遊地父老引領公如獲稔歲而黃墨綬以上雅莊公風裁有解印綬去者微庶人載瑜嘗私去其國走瞰留都又多掠良家子女充後官園寇民田所戕殺不辜亡算事聞 上下公驗治公與御史悉發其奸利狀論廢將徙錮 皇祖陵而載瑜自盡國除未幾伊庶人復橫嘗進方士挾左道惑 上以是怙寵多行無禮於國視微尤甚公首檄其鋒而剪其羽翼其後伊竟得罪如微遷刑部侍郎尋晉南工部尚書督修中都南京 二祖陵成 上嘉其工亟而費省賜

附集

十

白金文綺勞公召爲刑部尚書時總督南儲都御史章公煥巡撫雲南都御史游公居敬咸被逮屬法曹按驗公言章煥固不當枉道回籍若前疏言經略中原乃不識時忌語難坐誹謗游居敬將征東川夷驟調兵餉不能無擾至云擅興激變恐啓戎心二人法不當死獄成取 旨第坐遠戍竟得不死公之執法明允而保全善類多似此改都察院左都御史公疏辭 上以公老成端肅風紀重任特降 溫旨促之供事尋以二品滿一考 上遣中涓齎鈔緡犴醴勞公於第予 詔進階資政大夫封二代錄一子入太

學公自是益感激 上恩確持憲體謹言石畫靡不殫盡其心力會風霾自列不允充 廷試讀卷官而是歲仲子允端成進士銓司序受比部郎既而以公父子不宜同在法曹乃調禮部而言者欲借公以陰有所傾因及公而公遂決意引退 上念公疏語諄懇 詔特允公致仕歸公既歸闔門謝事一以著作自娛詩自唐開元大曆以上遡漢魏六朝文自昌黎四子直軼先秦兩漢才必就格氣必根理泛濫百氏而要歸於六經醇如也其意在必傳即身為鴻卿鉅公若斷斷然與雕龍之士爭名高者以故其晚年文

附集

十二

益富益暢而有法性孝友事父母喪葬祭饗俱如禮而諸弟温州君惠刑部君忠光祿君恕故嘗從公受經後俱祿仕已公歸而諸弟皆引歸相與築室於居第之西疏泉種竹共觴詠其間顏之曰四老堂蓋是時公年八十餘而諸弟之最少者亦七十矣而二子允哲允端業為藩臬大吏少子允亮亦為京朝官間請沐歸親出則金紫銀艾翩翩輝映入則懸曲旃奏鐘鼓綵侍彌日歌騷亡間人謂香洛耆英非一姓所處而陸賈使尉陀還徒以千金選酒食周遊五子間為樂耳皆非所以擬公也公懸車逾二十年自以仕

久祿饒稍斥餘田以供墓祭歲時合族而饗之因以慨其貧不能自贍者有弗率則扶而督過之家訓章甚綽有齊相晏子范叅政希文風故公居鄉鄉人率嚮往之視為著祭而兩臺史無歲不薦公於 朝上欲用公而惜其老故特進公階一級 上之六年以大慶覃恩復 詔所司具幣帛牢醴存問公於家至是始以壽終記曰福者備也猶言百順之所聚也今考公始末顧不謂之備歟先是言官疏近年卹典太濫下禮官議所以搏裁之者以重 上恩議上詔可之業者為令故學謨承置禮曹三年允斤斤焉

附集

十三

引繩墨而守之諸所祈卹無一敢溢予者至是巡撫郭公思極以公之訃聞乃得按公論據令甲請給全典凡諭有司祭者二工部遣官營葬事吏部贈公太子少保 上悉俞之而翰林議謚則以公擬先朝戶部尚書年公富謚之曰恭定蓋所謂敬順事上純行不爽於公誠無媿焉乃三年間禮部所請卹九列大臣得 賜謚者亦唯公一人而已非以鄉人故私之也公之諸子以葬公之期為萬曆十一年之十二月十二日來告而以廷尉大倉王公世貞之狀乞余文表諸墓於乎公勲名德位廷尉公之述詳矣學謨何

敢贊一辭哉廷尉公曰公爲人廣額豐下修眉秀目  
丰度凝雅淵停山峙望之知爲貴人與人處不設城  
府生平無喜愠色即倉皇迫之而不能得其縻步疾  
辭尤不喜爲脂韋骯骯室無雜榻囊鮮餘刺以是竟  
其身居官慎取予當得代輕舫垂橐而恒秘之曰我  
何以示人廉所在修民之急若恐傷之爲之計便宜  
不遺餘力而輒善讓不居曰我何以示人惠自其長  
藩臬至八座多權倖宰鑄日即不相齟度難庸公公  
顧韜光善藏自暱其職不激不隨而樂就公者如飲  
醇酒蓋自有以庸之也可謂知公之深矣公始娶於

附集

主

包天贈宜人加贈夫人繼曹封宜人加封夫人先公  
卒子男長即允哲陝西提學副使娶王氏贈孺人加  
贈恭人繼項氏再封如王次即允端四川布政使娶  
顧氏封安人加封宜人次即允亮南京後軍都督府  
都事先卒娶儲氏贈孺人繼王氏封孺人女一受南  
寧通判瞿講聘殤焉俱曹夫人出孫男八雲驥國子  
生娶孫氏雲樞官生娶楊氏雲龍國子生娶顧氏雲  
夔國子生娶莫氏雲鳳國子生娶趙氏雲獻國子生  
娶呂氏雲柯娶顧氏雲楚聘姚氏孫女六長適官生  
陸彥楨次適國子生徐元普次適國子生艾大有次

適國子生喬拱辰次受王士驪聘即廷尉公之季子  
也次未字曾孫男三嗣定紹定景定曾孫女四所著  
有易經輯義三卷詩經輯說七卷詩韻輯略五卷美  
芹錄二卷祁州志八卷笠江集若干卷行於時公生  
於弘治丙辰三月二十六日而卒以萬曆壬午十月  
十六日蓋得年八十有七其葬也爲縣陳涇之原  
勅建新塋趙宋時凡大臣薨則朝廷勅詞臣碑其塋  
而寵異之而今 朝未有其制學謨不敏猥承斯委  
是亦古者秩宗之所有事也其何敢辭因系之詩曰  
詩稱典刑孔從先進風之邇矣日恍以競弘正而

附集

古

還迄於嘉靖 世皇在御文武神聖一邪奸之衆  
貞砥定疇爲執法公乘恭運握憲翼銓鎮以廉靜  
百寮程之以莫不正如鳳不鷺千仞輝映如龍不  
攫雷雨紛進公含其章儀 朝則令邇公艱歷百  
折逾勁出險即夷垂鴻佐命商賈周楨勲華烜炳  
逮其歛之閭然銷淨爰闢廣遐而窮深覩紫府丹  
臺頤真却病匪慕長生逍遙見性終還太清以觀  
究竟惟 帝之惻老成漸盡俯仰 三朝典替可  
鏡大法小廉不爽其應云誰之思於維前盛我銘  
其藏式之起敬

賜進士出身資政大夫太子少保禮部尚書侍經筵官 賜麒麟服嘉定徐學謨撰

墓表

國史氏曰我國家有純懿一德之臣曰都御史贈太子少保謚恭定笠江潘公公諱恩字子仁上世毘陵人元季曰添二公者避兵之上海因家焉歷傳而至公大父默軒公慶父頤菴公奎皆以公貴贈都察院左都御史公舉嘉靖壬午應天鄉試登癸未進士自起家州牧歷郎署藩臬長佐入貳司寇登八座中外歷踐以勤勞王家者益六十年初知祁州當均賦

附集

五

公覈虛實正冊籍清刷隱弊聽訟明決兩造片言而析庭無滯牒以治行異等調禹州州故悍王國也不能若謝絕居間寬平而劑之以法則我其幾矣以是竟禹之治吏畏民懷禹人祠而祀之以識遺愛爲之語曰毋相讎避潘侯母甚口愧太守語具州志中擢南京刑部員外郎未幾以母錢夫人憂歸服闋復除刑部新制以京朝官典各省試事公之河南所得士如少傅郭公朴尚書劉公自強魏公尚純侍郎喻公時皆名鉅遷廣西按察僉事督學政廣西地僻遠

士守故常訓誥外鮮嫻習公至訓諸生大要敦本實先器識而增置私文擴所未備粵士自是興於學列名第者相繼矣靖江王素驕伎勒奪舍人兒母得充諸生試試者患苦王公移文長史謂王而復勒諸生試者吾立論汝王聞而氣奪不敢肆諸生獲試者咸德公已公署臬事廉知王所匿大猾捕必得王益銜公會上疏觝御史監司詞連公上遣給事法曹緹校置獄勘無他王奪祿左右抵罪進四川布政司左叅議分守川東西北三道飭有司平刑緩賦民咸德之按察山東所部登萊飢民多流

附集

六

徙枹鼓間作公勸募賑貸役民墾田以食於官全活者衆監山東試事錄成奏御會相君有修郅於御史者摘語涉訕上下其事應逮傳言上怒巨測衆危公公曰焉有明聖在上容以口語論人死者且上天也君制命臣受命生死皆天也已薄其責對旋詔出獄謫廣東河源典史道轉贛州府推官丁頤菴公憂歸服除補福州歷南京太僕丞禮部祠祭郎中凡三轉復爲江西按察副使遷浙江左叅政方按部海鹽值島夷突至圍且迫城無見兵公飭吏民晝夜乘堞守賊知不可犯引去進雲南按察使未

上擢江西右布政使亡何遷浙江左布政使稽核  
吏出納釐其弊吏不得因緣為姦佐臺使者捷梃猾  
冒境內肅然復提調試事所得多知名士入覲與當  
事者論殿最持議引當否悉從公公既資歷久最聲  
望銓大臣序位遲公奏擢公都察院右副都御史巡  
撫河南下車首問父老疾苦移檄詰黃墨綬以上不  
職狀吏屏息至望風解印綬去 徽恭王託玄修疊  
上于庶人戴倫繼之擢度為患嘗闌出疆行而偵  
留都又掠入良家子充後官占民田多賊殺無辜事  
聞下公公與御史竟其狀論廢徙 皇祖陵伊庶人

附錄

十七

點橫公摘發其羽翼無所縱舍頃之遷公刑部侍郎  
已擢南京工部尚書始至扁其中堂曰敬義示僚屬  
曰敬思哉以勵朝夕僚屬悚然督修 皇陵工完  
賜白金綵幣尋 召入為刑部尚書時總留餉都御  
史章煥疏以經略中原觸 上諱坐他事逮 詔案  
之將坐以誹謗公謂章非所宜言然其意在憂時法  
不當坐巡撫雲南都御史游居敬調兵餉征東川夷  
見謂生事沐征南因事中之擬坐游擅興激變公謂  
事關簡書非擅興夷素狡逞不為激變二公得免論  
死 上仁明任公公守法若此改都察院左都御史

疏辭 溫旨不允旋以二品滿三載聞 詔賜鈔繒  
羊酒予 誥錄一子入太學公受 命念 上眷知  
矢報稱疏上請飭臺綱剔吏弊蘇民瘼前後二十條  
上嘉納命所司舉行考察庶僚也偕太宰持公議  
黜陟在勢者無所撓大風霾上疏引陳不允會公子  
允端成進士為刑部郎以材任改禮部給事某者故  
噪太宰謂郎安得驟疏入語優公公亦上疏自列  
上念公春秋高優 詔許公致仕歸闔門養重公諸  
弟在仕者亦相繼引歸子學憲仲季方伯都事先後  
之官休沐還里金紫銀艾出則絡繹入則列侍貴戚

附錄

十八

萃於一門前此未有也是時公業已八十餘諸弟少  
者七十公築堂居第西顏曰四老歲時譙聚自公之  
歸臺使者慰薦公無虛歲 上未及用特 詔進公  
一級為榮祿大夫 今上之六年復 詔有司具幣  
餼存問久之疾作終于寢計聞 上震悼 賜諭祭  
者二 命有司營兆域贈太子少保下翰林議謚  
恭定按謚法曰敬順事上純行不爽於公蓋實錄云  
公性孝友事都憲公與錢夫人生而備養死而喪葬  
祭饗皆如禮於書無所不閱詩追魏晉文法諱歐諸  
子而歸本六經方公為諸生臺試高等當廩屬諸生

中有免喪而須廩以貢者公推予之始擢第贊所業於鄉先生陸文裕公文裕公賞重公曰吾不敢居先輩矣平生善玄素之術託意於葛稚川陶隱居以自適與人處坦夷不設城府自其爲吏視身廉靖未嘗仰人眉睫及爲大吏人亦無敢以眉睫希指者善乎廷尉王公世貞之言曰自通籍以至懸車出入險阻跋涉萬里蠻烟瘴雨之途靡所不歷間以微絀嬰制禁都官桁楊之味靡所不嘗竟能保躬完名出險就夷爲賢士大夫推重知言哉蓋余自通籍及總史事竊嘗論次當代名公卿若顧端肅戴恭簡兩公之爲

附集

十九

都御史並著賢稱乃今而得潘公焉然太康浮梁當宣正成弘間始終履順而潘公自爲潘泉齟齬者數矣迨晚而受眷知陟司空司寇御史大夫當嘉靖之季處羣靡衆驚之中屹然砥柱遇震撼而不移抗百折而不回假令太康浮梁與潘公者易地而處吾不知何如論者謂近世公卿中始終一節身名兩得確然繫中外之重若潘公者可謂大臣哉公所著有易經輯義三卷詩經輯義七卷詩韻輯略五卷美芹錄二卷祁州志八卷笠江集若干卷海內學士咸誦說之入矣公元配包氏繼曹氏累贈封皆夫人子

允哲陝西提學副使允端四川右布政使允亮南京後軍都督府都事允亮先公卒諸孫曾蕃衍未艾詳具王廷尉所爲狀不著著其大者若此

賜進士出身資政大夫禮部尚書兼翰林院學士

經筵官 國史總裁前吏部右侍郎掌詹事府事郡

人陸樹聲撰

行狀

萬曆之十年壬午十月十六日都察院左都御史笠江潘公卒於家其明年癸未巡撫都御史郭公思極以訃聞上震悼賜諭祭者二遣官營葬贈太

附集

十一

子少保已而命翰林臣考公行錫之謚曰恭定明興大臣得謚恭定者僅故大司徒年公與公而兩年公故嘗宣力泰順間屹砥柱者也法所謂敬順事上純行不爽公于年公有光而天子之制命與祭先後辭褒揚公材德政術不啻稱是中外聞而歎言之於是公之子學憲君允哲方伯君允端將以十二月十二日葬公賜塋陳涇之兆伐石以俟鉅公大人之志若銘而屬世貞狀其事以備采世貞故習公又與學憲君姻好所願爲公執鞭者也敢以荒落筆研辭公諱恩字子仁別號湛川已更號笠江其先



毘陵人至元季而有添二公者避兵徙上海遂爲上海人添二公生靜菴公肖孫肖孫生瑞原公麟仕爲所大使麟生默軒公慶多行陰德信然諾有鄉里稱以公貴贈都察院左都御史有二子其季爲頤菴公奎負幹用仕爲項城尉課最當遷自免歸頤菴公始娶於趙天繼娶錢乃生公嘗拜公封爲按察僉事而錢先逝贈宜人矣最後頤菴公復拜公贈爲左都御史錢爲夫人而公復爲趙力請 贈如錢公生而明穎凝重離襁褓即不妄言笑宛若成童六歲父教以四聲高下揚抑不兩日而悉之稍長受經術所構制

附集

主

科義蔚斐有聲補邑博士弟子試輒屈其曹偶無何臺試第一且廩而屬有諸生當貢而居喪服除者必廩而後貢公憫其老曰吾何所藉一食而忍皇皇其長者推以予之嘉靖壬午公年二十七舉應天鄉試第九人明年登進士甲科授祁州知州州歲當均賦公至之未幾爲正冊籍清弊賦隱戶無匿田田無匿稅叅伍新舊衷而劑之高下稱平其吏民故朴魯兩造之頃不數言而決咸搏頰稱快以去當入覲用治行異等調劇得禹州州故名鞫悍 王國也有子侯豪威環衛之屬而其俗亦強侈既聞公治祁名稍稍

歛跡而公一切以寬平處之獨謝絕居間亡所徇其人大服至爲語曰毋相讎避潘侯母甚口愧太守公在禹未幾而積貯爲列城最會歲侵發庾而貸之無飢者尋擢南京刑部員外郎吏民思公謳謠不已至生祀之遺愛祠以配鄭上卿公孫僑漢丞相故潁川守黃霸語見州志中爲南刑部一歲所而以錢夫人憂歸滿三歲服除得刑部員外郎時天下當鄉試而執政者新議更其制以爲不當以取舍屬監司御史特遣京朝郎往而公用文高首得河南所拔多知名士而少傳郭公朴尚書劉公自強魏公尚純侍郎喻

附集

主

公時至與公並貴八座聲稱相埒程式文亦以爾雅爲諸方冠還署之亡何遷廣西按察僉事提督學政廣西故僻而椎於訓故外亡所嫻習公乃增益稅文所先者啓之而其要歸在於敦本實貴器識以故自公後薦南宮者不虛歲而名臣亦間出時 靖江王驕勸其國衛卒之子弟毋得充諸生而試者必以賄不則琅璫其父若兄公謂立賢無方非耶移文長史司謂 王復勒諸生試者吾立論紕汝 王聞之悚然諸生乃獲試而公嘗署按察篆又以勾捕 王所匿大猾必得乃已 王滋銜之其後竟以與御史監



司競而上疏首誣及公 上為遣給事法曹綬校置獄勘公亡所侵 王奪祿國臣以下抵罪公之視學政居職自稱諭於前後數公而其攝廉察篆尤亡害考最賜 誥遂進四川布政使司左叅議分守川東西北三道所至督有司輕平其徭賦察見冤滯其理所在夔夔人尤德之遷山東按察副使巡察海道所部登萊飢郡邑亡見庾民習逃徙枹鼓間作公多方設法勸募賑貸之因借其力以闢荒蕪乃嚴約束布耳目民方見以畏懷有生色而御史檄公監試事錄成進 御而時相有修郊於御史者摘其語以為謗

附錄

卷一

訕 詔逮御史及提調監試臣者遂及公時傳 上怒甚且叵測公曰 上明聖詎忍以口語寘人死且上天也即死之而生之母非天也我安敢避旃而又何所覲為已入獄寘對公自若赦出獄亦自若謫廣東河源典史公遂之河源沿檄歸覲願菴公道轉贛州府推官丁頤菴公憂歸服除補福州府亡何轉南京太僕寺丞再轉南京禮部祠祭郎中復為江西按察司副使整飭贛州兵備兼分巡嶺北道公既坐无妄謫而資歷久亡出其右者以故自河源尉凡四轉而復守故官軀軼錯於道席不及暖公亦不及有

所設施而搢紳先生不能以聲色窺公而益信其為公輔器公之在贛屬峒寇漸平遷浙江左叅政分守杭嘉湖道方按部海鹽而島寇倖至圍之數十匝時城無見兵公鼓舞吏人晝夜睥睨間不少懈賊知不可破乃解時謂鹽官孤城非公在魚肉矣而公進雲南按察使未上擢江西右布政使居無何遂遷浙江左布政使凡三轉而始為政首革藏吏出納之弊郡邑來上賦者如寄已而其民洞知之郡邑亦不得緣是而取苛羨又數佐其臺使者禁斥貪墨浙人稱便復提調試事所得知名士逾於他省時入覲與太宰

附錄

卷一

御史大夫抗辯賢否多降心從公甫竣事擢都察院右副都御史巡撫河南下車問父老問左所疾苦得黃墨綬以上不職狀輒移文顯責之至有望風解印綬去者 徽恭王託玄修蠱 上而子庶人載堦繼之益為忤嘗輕行去其國以覲 留都又多掠良家子充後官占民田所賊殺無辜數十百事聞下公公與御史悉發其狀論廢徙 皇祖陵削其國秩盡奪所占還民徽既失國伊庶人復為忤甚於徽公首鍛其鋒剪厥羽翼其後竟得罪豫州部稍稍息肩矣公嘗整頓卒付裨將將之以赴島寇有功與 賜金

幣亡何遷刑部右侍郎尋擢南京工部尚書公至扁  
其中堂曰敬義以示僚屬曰事君而思見利而思思  
過半矣郎權蕪湖龍江兩稅者惱於蠹不自拔公乃  
擇敏慎郎與之衷畫一而著甲令焉務以不肯取而  
國課亦足督修 皇祖陵及 孝陵又完 上以  
其速而能節也嘉之賜白金為兩者二十絲幣二有  
副 召為刑部尚書時吾郡人督留餉都御史章公  
煥故嘗有疏以經略中原名觸 上諱坐他事逮而  
詔法曹究所由將坐以誹謗公謂章非所宜言然  
其意在憂時耳巡撫雲南都御史游公居敬將征東

附集

卷一

川夷調兵餉不能無援而與征南沐將軍相舐沐將  
軍中之亦坐逮將坐以擅興激變公謂游特行事不  
當物情耳事取 旨非擅興夷狡不良不為激變二  
公雖竟遠戍然得不死而 上仁明亦不以為公累  
也改都察院左都御史公疏辭有 旨卿老成端肅  
風紀重任特茲簡用宜承朕命不允所辭以二品滿  
三載聞 上遣中涓賜鈔緡羊酒予 誥進階資政  
大夫封二代錄一子入太學公自是再上疏請飭臺  
綱剔吏弊蘇民瘼前後幾二十條鑿鑿中窾 上皆  
嘉納之命所司舉行大風霾上疏自列不允偕太宰

考察庶僚評騭必以公議即分宜尚在事不能有所  
下上其指一時凜然稱肅充 廷試讀卷官是時方  
伯君成進士為刑部郎以材調禮部而給事中某欲  
借以傾太宰而遂及公公復上疏自列 上念公春  
秋高優 詔許致仕而特為太宰明所以遷方伯君  
意公既歸闔門養威重顧生平無他嗜獨嗜書晚而  
彌篤未嘗一日釋卷自六經子史以及 國家典故  
母論 金匱石室之藏即虞初小黃衣所纂靡不手  
錄而彙之一室蕭然唯圖書自環而已詩根抵東京  
鄴中間及開元大曆文則規摹昌黎四子以上沿先

附集

卷一

秦要而歸之六經純如也始擢第而贊所業于鄉先  
生陸文裕公深陸公高自標許意不可一世士而獨  
心折公語人曰文不在茲乎吾何敢居先達焉公既  
位日尊名日益重金石之辭沈陵岸谷者不得之身  
毋以暝不得之父兄母以子弟於是爭趣公公不忍  
逆距其意咸有所撰述俾之實歸以故晚節其文益  
富益暢而有法性孝友其事頤養公與錢夫人備志  
物之養喪葬祭饗戚易不偏勝時公既得老而諸弟  
溫州君惠刑部君忠光祿君恕皆相繼自引歸三君  
故嘗受公經以至有官秩公業八十餘則其最少者

亦七十爲築四老堂於第西疏泉種竹備林野之致而學憲方伯及公少子都事允亮間以之官休沐歸省侍公出則金紫銀艾相絡繹處則懸曲旃奏鐘鼓懽譟彌日亡間人謂洛中耆英非一姓而陸賈李遷哲之儔要以酒食選耳蓋於古公無擬也公念有餘田首捐以供諸墓祭歲時合宗族饗因以稍調其貧者良者而扶其不率者又推以助里甲之應供者它所著家訓井井蓋不特潘氏規而已公之歸臺史者無歲不慰薦上未及用而最後謝中丞登之溫侍御如玉復以公應詔上老之特詔進公一級

公前是以詔恩當爲資德大夫至是爲榮祿大夫今上之六年復以詔恩有司具幣餼存問時人益榮之公素強無疾又善玄素之術能攝精氣時時遡腦顧猶陋之與方外客還往相與韻析葛稚川陶通明之學謂丹砂可化而人見其耳目聰瞭步履矯健以爲即亡論沖舉可不死矣而會允亮卒公猶能強自抑已而刑部君復卒公乃歎曰四體也而廢一將奈何且使我踽踽人世乎自是多忽忽善忘尋感脾疾月餘而逝矣距其生蓋弘治丙辰之三月二十六日也享年八十有七公爲人廣額豐下修眉秀目

丰度凝雅淵淳山峙望之而知其爲貴人也生平無喜愠色即倉皇迫之而不能得其屢步疾辭與人處坦夷不設城府尤不喜爲脂韋醜敝室無雜榻囊鮮餘刺以是竟其身居官督取予當得代輕舫垂索而恒秘之曰我何以示人廉隱惻懇至以求便利民尋推不自居曰我何以示人惠自其長藩臬至八座多悍相宰鑄日人謂即不相齟何以能庸公不知公韜光善藏不激不隨有以庸之也善乎孫文恪公之稱曰吾在銓諸藩臬之長未有不通問者獨不能得潘公一刺異哉能不通問者必其不受問者也若潘公

者可銓也公之鄉有少師徐文貞公宗伯陸平泉公者其言著蔡也徐公謂公學自濂洛行則曾冉自通籍以至懸車出入險阻跋涉萬里蠻烟瘴雨之途靡所不歷間以微絃嬰制禁都官析楊之味靡所不嘗竟能保躬完名出險就夷鴻猷懿烈爲賢士大夫所推重陸公則謂公長者淳實居身廉靖鮮術飾以暴人耳目而其中介介不可犯猥濫請謁者望風屏跡一時朝士皆憚服公以爲前後居中執法者罕公若也學憲兄弟寶重之以爲公實錄世貞不佞繼有言焉可乎漢興御史大夫與丞相侔埒重也其可屈指

數者周大夫冒之彊力貢大禹之清直薛大夫廣德之敢言尚矣公不必盡有其跡而縉身軌行從容養重進而儀於朝退而儀於野者又何多遜也蓋余嘗按部汝南過太康之墟而感於先朝之顧大夫佐者行業著於耳目而名實不被其身上書請之朝得贈少保謚端肅縉紳頗快之夫以顧公之賢任職百餘年而始見伸然而問其家僅一牧豎子耳不能名其祖與今所被之盛公甫捐館而中丞請之宗伯覈之不踰時而諸典具備毋論公之壽考福履其子孫抑何蕃且賢重也然則造物所培覆不可銖量寸

附錄

廿九

計也已公始娶於包天贈宜人加贈夫人繼曹氏封宜人加封夫人先公卒其事行見葬志亦陸宗伯公著也子男三長即允哲陝西提學副使娶王氏贈孺人加贈恭人繼項氏再封如王次即允端四川右布政使娶顧氏封安人加封宜人次即允亮南京後軍都督府都事先卒娶儲氏贈孺人繼王氏封孺人咸以學行政術彬彬世其家女一受南寧府通判瞿講聘早殤俱曹夫人出孫男八雲驥國子生娶孫氏雲樞官生娶楊氏雲龍國子生娶顧氏雲愛國子生娶莫氏雲鳳國子生娶趙氏雲獻國子生娶呂氏雲柯

娶顧氏雲楚聘姚氏孫女六長適官生陸彥楨次適國子生徐元普次適國子生艾大有次適國子生喬拱辰次受王士驥聘次未字曾孫男三嗣定聘王氏紹定景定曾孫女四長適國子生顧晉次受庠生吳玄聘早殤次受喬一琦聘次未字所著有易經輯義三卷詩經輯說七卷詩韻輯略五卷美芹錄二卷祁州志八卷笠江集若干卷行於時

嘉議大夫南京大理寺卿眷晚生王世貞撰

附錄

廿九

附錄終



笠江集十二卷

浙江孫仰曾家藏本

明潘恩撰恩字子仁上海人嘉靖癸未進士官至左都御史諡恭定事蹟附見明史周延傳是集爲諸生聶叔頤所編凡賦詩五卷策表箋序碑記四卷說對贊誌銘祭文及襍述三卷前有陸樹聲序稱恩所著有笠江集笠江近稿皆已梓行旣後而其子允哲允端合前後刻彙爲恭定全集今此本仍題曰笠江集殆當時編集未成故以新序冠於舊本歟

章介菴文集十一卷

〔明〕章袞撰

首都圖書館藏清乾隆十八年章文先刻本

附《四庫全書總目·章介菴集

十一卷》提要

原缺第一葉前半葉

也。焉則其體認必切實  
不差。而後致誠致行。聖  
道達。配道義而無餒焉。  
勝國正嘉。院。王新建  
總良知教。黃教一世能排

紫陽其徒錢德洪。截張而大之。江右尤推奉不遺餘力。如鄧謙之。壽雙江羅近溪。之流。傳薪揚沸。魔障可出。時惟羅整菴胡敬齋。

沈家

二

尚能宗仰朱學。然力弱而不勝衆。所謂以一懸引千鈞。蓋友又乎。老矣。介菴先生。同時聞風崛起。一言糾正。道朱子為準的。其論學曰。

學上萬般積。厚。積上厚。始見一切。而得。固。今。耽耽性。命。道。德。之。鄉。而。鄙。舊。學。多。克。治。致。其。功。名。為。聖。人。之。徒。實。乃。佛。氏。之。黨。又。曰。陽

沈家

三

明務砥晦。所以伸其說。或不暇詳考其始終條理。而力攻其一言一節。以是。或不深求其立言之本意。而亟誦其影響依似。末。猶。自。認。



心為本心。那見為夷。見其  
扶搖下。猶窮其根株。而回  
見五藏沉錮矣。非先生持意  
深義。萬無切深。何能使彼  
深邪。近意就範圍而不

沈叙

四

過哉。雖然。先生之於朱子。亦  
非漫然輕信者也。觀其自  
序博庸。以稱今之讀  
朱子書者。或疑而不復信。或  
信而不復疑。二者皆未。故以義

獨抒心澤。而無與朱子出入。要  
就揄錄其間。又自謂於晦  
翁之說。潛玩日久。但遺精到  
平實。有疑之十年以前。而  
信之十年後者。然則先生於

沈叙

五

朱子遺書。實徒佐畢文詞云  
爾哉。悅心碑。憲侯索鑿。故  
於其有不為信而七能者。今輕  
材視說。為正學昌明之會。當有陽  
附陰違。主陸主而畔紫陽。身

冒不韙。而規竊以文章自高。要  
得起。先主九京。張目而助鳴  
鼓。攻乎。是因賈齋重敘遺  
集。嘉其能茂潛闡幽。以扶  
持正。勝也。於是乎。書。

沈叙

六


省

乾隆十有八年歲次癸酉  
仲冬朔後五日

賜進士出身

法授中憲大夫。孫。奉。書。院。掌。

教。前。知。江。西。瑞。州。府。兼。署  
揚。州。府。事。加。一。級。紀。錄。二。次  
後。學。沈。澗。拜。探



沈叙

七

章介菴先生集序

尊德性與道問學惟聖賢交致其功而後世鮮能兼焉蓋自漢儒之學以沿傳爲宗至董江都外便醇亮相半宋儒朱程輩出然後辨及毫釐明若日月此後人所謂漢儒致廣大而宋儒更能盡精微也予甫史臨川雅彙表章微緒其先正大儒如晏如王登明之明水陳公固不擇輯遺文庶無軼美而揭子貞傳爲予言明水而後尚有介菴章公惜其裔貧不能存書多散佚予亟稽郡乘見名列理

胡序

學傳中因攷其所著口義及與東廊鄒公暢析宗旨跡其學術豈非粹然一出於正而於廣大精微之旨實有其致力者乎至其兩督學政痛黜詞章與歐陽永叔無異而時方崇尚左道有削夫子王謚之議竟以力諍左遷然則其羽翼聖門功又不止在漢宋諸大儒下矣宜其謫官建寧司馬渡江時相從講學者日衆出而之四方皆知爲介菴弟子又與吾家安定先生事絕相類也公慷慨掛冠難進易退真有浮雲富貴象即詩文緒餘亦復自

成一家耻爲鍊琢蹈襲之習則雖悠悠斯世無足知公而其精神已見於山川矣其能終使之湮沒無傳已耶予嘗校公文每與揭子相爲論嘆以爲先生往矣猶幸風雨一編燈傳未熄而不能勒之名山以慰仰止之願斯亦幸邑者之恥矣遂謬爲選定縱不能盡窺先生之閫奧亦庶幾如江都繁露並著春秋使天下知程朱心法究有起而紹伊洛之傳如先生者用以興起來學焉是則予今日表章之微意也夫康熙己未歲慈谿胡亦堂三齋

胡序

誤於臨署之夢川亭

李公介庵先生集序

聞之立德立言代為傳人既足傳人必足  
傳書蓋以著書立說非後世風雲月露  
之文而足其性情之學以砥礪流俗於  
其中心始堪不朽第人可傳書可傳而  
其書之傳者乃或勸窮助困續式微  
則又不能及時以廣其傳此篇蓋取  
主所以早訪求遺書之語而為之論

章介庵文集

序一

於茲數節為可惜也如余曾先伯祖介庵先  
生碩望士也一登慧心教養動骨拚理參  
前賢之產作句啟後學之模迨嘉靖年間  
同姓之擢科第者後先輝映公獨擢魏科  
於癸未名登仕籍政績昭然其忠誠梗概  
不可磨滅已競為鄉家所矜式豈特南畿  
陝城云爾哉至其所著作各率子撰其學  
庸口義及詩賦諸卷允足樹儒林之宗奈

家貧莫由搜梓凡仰公之績者未獲讀公  
之書迄今二百餘年殊為憾事茲長子逢  
康憲范公採訪及名賢曾陳諸君纂集爰  
付梨棗以壽世宗先子文念宗璫而微序  
焉顯懷機微長因守其珍未能盡叙祖  
德將遂盛事敢後揚言富惟公之品行稍  
亦不阿也公之造詣純粹以精也公之詞  
賦詩歌又皆法今韓古成一家言是書也

章介庵文集

序二

開微義而端正氣其靈光豈終耗也哉  
抑宗元曰為黎集句先以蕭微露盟手登  
讀訪穰穰於統賞譽信其賞豈既真亟因  
好予小子被祖訓淵源不惑自棄其故忌  
公諸同好者之盛德耶書既成而公之真  
性情真學術真藉是以見履卷之練起九  
原而傳不朽吾愛公於斯集也夫吾  
後且感於斯集也夫

岩

皇清乾隆十八年癸酉秋七月望日

上壽坊團嗣孫嘉顯頓首敬識

章介菴文集

序三

學庸口義序

介菴子曰今之讀朱子之書者往往也然或疑而不復信或信而不復疑斯二者皆惑也夫朱子學孔氏者也年已七十矣易簣以前犹不少懈其言顧不足信乎孟子有子大賢也堂高數仞諸語視願無伐善之志尤涉眇畔孝弟爲仁之本之說象山下免疑之然則朱子之言顧皆無可疑者乎袁自幼孤苦資既庸下所嚮亦差加以獨學寡與如終夜求於幽室之中者久矣年甫三十乃作詩曰

章介菴文集卷之四 自序

埋頭更惜回頭晚入手翻嫌放手遲故紙堆中迷出路扶搖何日是佳期又日夜夢平安毛骨冷覺來枕上頗如如連旬兩意連旬卧好似瞿曇不用書蓋自是於聖賢經傳室者漸以通拘者漸以啗故者漸以新而朱子之書雖彼此先後立論不同要亦不能爲吾累矣比入仕途時繹田間又似浸長一格辛卯調官建寧諸生楊世勝鶴齡魏耕楊肇輩時從質難顧方揖府事苦於無暇乃作學庸口義以代授受比來雲間又畧加詮訂以授華亭

學論楊君訓諭孟諸事亦粗有見然皆未暇落筆也夫英妙之士廣心盛氣類多不樂積累漸進之學又或因其機而利導之以故稍涉文字便謂沈贅韋編三絕苟非聖師亦得疵爲忘內則其疑朱子而不信宜也篤厚之士利於解釋之詳樂於辨說之廣終年弊弊於糟粕文字之間而其精深切近之旨顧莫之省乃至師友相襲之談科舉端王之業又從而牽挽之則其信朱子而不疑亦宜也以衰之闇劣敢謂能逃此弊然於朱子之言則既章介菴文集卷之

自序

二

苦心久矣故往往信之而不能無疑何則求其說而不快於心者不無也雖或疑之而未嘗不尊且信何則求其說而快於心者固多也顧吾之心與本來之心異同與否則衰亦未能自分而勉修求正之道固不容少緩者矣孔子曰述而不作信而好古又曰多聞擇其善者而從之多見而識之聖人且然況其下者乎此一於疑朱子者所當知之也唐虞君臣更相吁咈古書文義孟子疑焉此一於信朱子者所當知之也既以書授楊學諭復書

此以發其端云

嘉靖十四年三月望日臨川章袞汝明書

章介菴文集

卷之

自序

三

章介庵先生全集跋言

我族祖介庵公有道能文其論學諸篇攻擊陽明  
處實能發其病根分肌劈理洞中窾會集中諸文  
可覆也 公真理學者夫陽明生當盛朝一時士  
子獵取功名務為詞章殺華之學於聖賢躬行實  
踐身心性地棄置不講其尤下者惟知逢迎苟合  
希寵固榮品格卑且聖域且荆棘矣不有陽明其  
誰起而矯之是陽明救時之功亦有不可盡沒但  
矯之過正不無偏廢耳致其教即心即理即理即

跋言

經即知即行且謂尊德性即道問學致廣大即盡  
精微又云即格即致會無幾微先後之分其說往  
往與朱子相牴牾遂使不善學者純蹈空虛流入  
禪門此陽明救時過正也其賢知之過者歟我  
公集中發揮聖諦痛抑空虛實補陽明所不及  
公之擊陽明 公之衛陽明也吾獨怪世之學者  
冒無實得志行俱在陽明下徒於故紙陳言中竊  
取鉅釘支離附會詭然以理學自矜於陽明病根  
究竟不能洞悉而且攻其所長舍其所短陽明有

知肯心服乎必如我 公方可以攻陽明 公博  
極羣書所著有學庸口義二卷隨筆瑣言三卷歸  
田稿二卷介庵文集十二卷奏疏十卷余俱欲付  
梓惜艱於費族兄文先以有關聖教及諸詩文先  
付剞劂雖未親 公之全豹理學準則在是矣至  
於編校文先獨任其勞云 公生於和洽甲子年  
十九以詩魁嘉靖壬午鄉薦明年成進士選受御  
史督學南畿尋以劾左道亂政訃時掌左遷建  
寧推官歷松江同知相從講學者益眾稍遷陝西

跋言

按察司副使仍督學政一旦乞休不俟報而行

皆

乾隆十八年癸酉歲秋七月望日

族六世孫蕤良謹跋





章介菴文集目錄

卷之一

大學口義

卷之二

中庸口義

卷之三

王荆公集序

刻大儒心學語錄序

望雲祝壽序

目次

秋江送別序

送伍憲長拜廣西右

蘓滌溪述職序

周子考滿序

贈來陽敏齊如舉序

贈泰將郭閩菴序

羅子考績序

潘先生榮轉北都序

卷之四

贈倪淮崖序

章江勝餞序

履任志雨序

徐氏族譜序

危氏家譜序

卷之五

吳黃洲壽序

唐龍江壽序

馬盱石壽序

目次

黃君壽序

卷之六

輓詩序

卷之七

祭饒克明文

暨牌祭告文

卷之八

吳公墓誌銘

趙公墓表

贈虞東厓序

獎賢勸功序

錫宴旌賢序

耿橋徐譜序

蔡元啟壽序

太淑人壽序

擴齋父壽序

劉孺人輓序

建寧起黃神事告

二

饒君墓誌銘

鄭公墓誌銘

陳氏墓誌銘

卷之九

水巖記

縣學改遷記

卷之十

宦遊詩稿

歸田稿

卷之十一

隨筆鎖言

目次菴初集 卷之

章介菴文集卷之一

臨川章袤汝明甫著

六世孫文先侄先德編次

大學口義

七世孫龍光校字

天下無心外之理聖賢無心外之學帝王無心外之治明德者心之異名也集註謂人之所得乎天而虛靈不昧以具衆理而應萬事其言約而盡矣知朱子具衆理而應萬事之說則知孟子萬物皆備于我及下文物字之旨 明德新民止至善

章介菴文集 卷之一 大

約言之不過明德新民二言又約言之不過明明德一言 明德新民止至善與書所謂皇建其有極欽時五福用敷錫厥庶民于汝極錫汝保極中庸所謂致中和天地位萬物育孟子所謂知皆擴而克之苟能克之足以保四海夫子所謂修己以安百姓同一義 明德與易所謂太極書所謂降衷詩所謂秉彝夫子所謂性與天道子思所謂中和孟子所謂仁義同是一理下文仁敬孝慈信孝弟慈卽其目也 明德與格物之物初無二理孟

子曰萬物皆備于我矣。○顏子仰鑽瞻忽求知止而未能之時也。如有所立卓爾。則知止矣。孟子知言亦是知止。然皆與孔子尚隔一間。○知止是知行工夫一齊做到。不是行不到只懸空知到此也。觀三章擇止至善。而以學問自修爲所以求止之方。可見知止以前工夫儘多。○識得艮卦便識得靜字。朱子謂心不妄動是矣。○知止能得便是豫則立。○知止能得便無次第。定靜安慮一時齊有。吾鄉草廬先生論晦翁曰。惟精也。精之又精。鄰于

章介菴文集

卷之一 大

乃惟詳也。詳之又詳。流于多。其渾然者巧。則裂其燦然者多。則惑。今考朱子一則曰。學者當因其所發而遂明之。以復其初。一則曰。在識其端而推廣之。所謂格物精切之旨。不過此矣。而于五章之傳却曰。卽凡天下之物。莫不因其已知之理而益窮之。以求至乎其極。於或問引程子之言。却又以身心性情之德人。倫日用之常與天地草木等類並舉而互言之。未嘗丁寧于先後緩急之辨也。此所以紛紛來後世之議也。非所謂詳之又詳而多則

惑者乎

知止而後有定。一節與物格而后知至。一節意義無大相遠。

孟子曰。萬物皆備于我。若此。體認得熟。便見心外無物。物外無心。內外遠近通一無二。而凡無所不包之體。無所不妙之用。生成萬殊之形色。感應萬殊之現象。無往非物。亦無往非心。故一物格而知至。意誠。心正。身修。家齊。國治。天下平。無復有餘事矣。

章介菴文集

卷之一 大

三

或謂意心身感應。家國天下之事。而義理出焉。是之謂物。然則所謂物者。專指動時言也。靜時獨非物歟。寂然不動。而其中無所不備。固萬物皆備之時也。若謂指動時言工夫。便涉偏枯。便有間斷。安得一物格而德無不明。民無不新也。學者試思得之。存養省察。擴克皆所以格物。

天地間向背進退逆順醜妍剛柔大小靈蠢之物。終古常然。無餘無欠。但若以人而備萬物。却須以此心始得。若此心一死。則因感應而有者。罔皆泯。

賦而凡天地所生成之物亦于我何干涉也

大而君臣父子小而事物細微近而發諸念慮遠

而施諸天下無不精察其理允迪而順推之便是

格物而良知與行在其中矣○顏子博文約禮非禮

勿視聽言動曾子三省所貴乎道者三子思學問

思爲行孟子博學詳說持志養氣與君子尤思

二氏朱子明誠兩盡敬又夾持之說皆格物也莫

非物也但有神不神耳神物心亦神物○今

人謂習中無物可見念慮所在便是物○凡下學

章介菴文集

卷之一

四

工夫皆只是格物到得物格知至便是知止能得

田地矣孟子曰智者無不知也此格物中事也當務之爲急然則

格物之道身心性情人倫日用固所當先天地鬼

神鳥獸草木固所當後然身心性情日用之物既

格是即聖人矣而天地鬼神鳥獸草木又焉能違

乎故曰能盡其性則能盡人之性能盡人之性則

能盡物之性能盡物之性則可以贊天地之化育

格物即孟子所謂集義此處亦須必有事焉而勿

正心勿忘勿助長始得有事勿正勿忘勿助即所

謂敬也朱僞至一無適亦此義但說得欠寬廣條

暢學者爲之不得其要必有拘迫窘困之弊不若

孟子之言爲無弊也身也者塊然血肉耳豈能自

修欲修身須是正心然捨意無心捨知無意捨心

意知無物經文雖以先後次序言之其實原無二

致此處須思得之非口舌所能盡也

物只是心上物格只從心上格且如父子君臣雖

在外然其理原只具于吾心不曰物只是心上物

乎便去父子君臣身上尋討從何尋討不過反求

章介菴文集

卷之一

五

諸吾心而自得其理耳不曰格只從心上格乎

程子曰致知在乎所養養知莫過于寡欲又曰格

物但主誠意以格之其遲速則在乎人之明暗然

則格致之時不可無誠正功夫明矣

孩提之童無不知愛其親及其長也無不知敬其

兄即朱子所謂人心之靈莫不有知者也若就這

兩場事上做到極處便是推極吾之知識而所知

無不盡窮至事物之理而極處無不到之謂深

山窮谷之民雖甚蠢樸然仰觀星日霜露之變俯

察昆蟲草木之化則乎陰陽寒暑消長亦莫不知焉若到得命官測日察璣齊政而分至啓閉晷刻不差布政施令天人相協田地便是吾之知至而天之理亦窮矣推此廣之何莫不然也

顏子三月之後不免過仁便尚未到知止能得極處及明德新民止至善處 仁極仁義極義便是知仁義到極處孝極孝弟極弟便是知孝弟到極處若踐行未到極處縱有所見亦是光景 中夜把火行到這處照到這處 宋儒分折更定似已

章介菴文集

卷之一 大

六

不免用智自私之弊我朝先輩諸公又欲折置知止能得物有本末二節以爲格物致知之傳則其誤益甚矣

熊蟠牛心誰不知美若不入口終是虛見

行上加得一分純粹知上便長一分精切 夫子

曰修己以敬格物致知誠意正心所以脩己也所

謂敬也就此看敬便見敬之事實多若如宋人所謂惺惺法收斂此心不容一物等語只是一個把捉精神而已

八條目自平天下說起直趨到致知格物纔住及到格致工夫透了其餘却一齊了當以此知大學工夫緊關只在格物以致知上 康齋詩云嘗聞洪範思能屏只恐邪思亂性真能于思處分真妄便是存心格物人

若如世俗所謂格物便是身心性情都不照管父子君臣家國天下之事都不修習只一味關門閉戶讀書討論方是此秦漢以來稍有識者所不爲而謂知道者爲之手

章介菴文集

卷之一 大

七

朱子以道中庸崇禮俱爲道問學之事或問亦曰或應接事物而處其當否然則其所謂格物者亦可知矣朱子曰人心之靈莫不有知又曰若夫知則心之神明妙衆理而宰萬物然則其所謂知卽虛靈不昧之謂乎卽良知之謂乎又曰卽事觀理以格夫物然則其所謂物豈指天地日月之類乎 熱必就水寒必附火饑必需食渴必懷漿旦必興作夕必寢息欲舉必引手欲往必移步似此之類皆不俟勸勉不待程督如是則樂不如是則

不樂知至意誠之義斯較然矣故程子曰知之而至則循理爲樂不循理爲不樂何苦而不循理以害吾樂正謂此也然知雖至不敢恃其已至而謂意自誠也又須誠其意意雖誠不敢恃其已誠而謂心自正也又須正其心心雖正不敢恃其心已正而謂身自修也又須修其身要之聖功天德始終未末透徹周匝不容毫髮間斷疎闕類如此意誠心便正心正身便修身不修以心不正心不正以意不誠三件再離不得所以誠意正心修身

章介菴文集

卷之一

大

八

三傳皆以好惡爲言見其工夫初無二致也念懷親愛九者好惡盡之矣

知只是啓發一個行行只是成就一個知到得成功言知則兼行言行則兼知如中庸于舜則言智于顏淵則言仁是也 物格而后知至一條天德王道盛德大業也

程子好學論謂覺者約其情使合乎中大學之教要亦只是約其情使合乎中而已情不中而欲推無不準動無不化以齊治平者鮮哉

三綱八目詞約義該然而則參以知止能得物有本末二條後則綴以自天子二條何也

心也明德也良知也一也心之所發即是明德之所發明德之所發即是良知之所知誠意者因其所發而遂明之因其已知而益窮之也故格物之道誠意焉要矣

程子曰學者之知道必如此人之知虎然後爲至若曰知不善之不可爲而尤或爲之則是未嘗真知又曰古人有捐軀殞命者若不實見烏能如此

章介菴文集

卷之一

大

九

可見學者之于道若果能真知更不消說行字所以說知又說行者只爲其未能真知也

朱子分章之意蓋嘗聞諸王梧岡云一章四明字與在明明德相應二章五新字與在新民相應三章十止字一至善字與在止于至善相應分章之意以此

苟日新與一章皆自明之意相承惟民所止與二章無所不用其極之意相承由此觀之三章雖分而實不分也○以修身爲本便是知本既知本則

萬理萬化皆不能外便是知之至古本大學以此  
謂知本此謂知之至也次于未之有也之下者以  
此有天德便可語王道其要只在謹獨故以所謂  
誠其意者一章次于此謂知之至也之下學問自  
修皆誠意之事故以淇澳一章次于故君子必誠  
其意之下盛德至善天德也王道不外是矣故以  
寶齊樂利一章次于淇澳一章之下又從王道說  
窮天德上來故以康誥曰七句次于此以沒世不  
忘之下又從天德說歸王道上故以湯之盤銘

章介菴文集卷之一

十

以下十句次于皆自明也之下然明德新民皆須  
止于至善故以邦畿三詩及子曰聽訟一章次于  
君子無所不用其極之下大畏民志無訟可聽所  
謂不賞而民勸不怒而民威于鈇鉞者也非甚盛  
德何以臻此故又以此謂知本終之

康誥曰德帝典曰峻德太甲曰明命天人一也更  
不分別三代之時文籍未備其所謂學豈如後  
世對書誦讀對書講論不過就日用間君臣父子  
禮樂名物上研究一個停當的道理而已由此觀

之則所謂自修者亦豈判然與學爲二哉  
止仁止敬止慈止孝止信于中皆有守常處有通  
變處

堯之兢兢舜之業業禹之祗敬湯之日昃武之執  
競朱子謂憂勤惕厲天理所以常存人心所以不  
死皆惴惴之謂也詩曰敬慎威儀爲民之則又  
曰威儀卒述善人載尸威儀之所係如是其大也  
曾子以其爲父子兄弟足法釋其儀不試成王臨  
終惓惓以亂於威儀爲言北宮文子亦以施舍可

章介菴文集卷之一

十一

愛作事可法德行可象動作有文言語有章爲威  
儀然則所謂威儀者其堯與夫子之文章乎其見  
龍在田大人虎變者乎

盛德至善朱子所謂盡夫天理之極而無一毫人  
欲之私者也

研諸慮是學問體諸身是自修其實學問中有行  
自修中有知

賢者在位能者在職賢也尊位重祿同好惡親  
親也君子聞大道之要小人蒙至治之澤先



王之德沾濡浸灌于天下所以當世之民生則尊之親之死則哀之思之秉彝自然不由勉強固非鉅鑄而論功計德而始懷念之也

賢貴親親或問之說與本註及十章括註能如是則親賢樂利各得其所之意不同所以啓俗儒許多枝蔓之說盛德至善造位乎天德親賢樂利多見于大猷玩樂其樂利其利便見先王非徒有以教之亦先有以養之而所謂分非授田之政皆可推見也

章介菴文集卷之六

十二

格物無別工夫卽誠意正心修身便是亦無別功效卽意誠心正身修便是中庸只以戒慎慎獨爲言朱子告君亦只是以正心誠意四字爲言然則雖無五章之傳可也

不知惻隱非人也不知羞惡非人也不知辭讓非人也不知是非非人也知惻隱而不能推之至于無所不惻隱便是爲邪見亂真見私心害本心便是不能因其已知之理而益窮之以求至乎其極矣

川上之逝水飛躍之鳶魚器也亦道也表也亦裏也粗也亦精也程子洒掃應對與精義入神貫通只一理又曰洒掃應對便是形而上者理無大小故也然則表裏精粗之說得毋分析太過乎

人若冥然不知好善惡惡則于善之得與不得惡之去與不去固將漠然無所欣戚于其心今既知好惡惡然却善未能得惡未能去豈不歎然大有所不足哉故如好好色則無不得之善如惡惡臭則無不去之惡而吾心快足矣此傳文正義也朱註却作勉人去了

章介菴文集卷之六

十三

意誠則人欲根苗一齊剷去便純是天理心無不正身無不修矣故曰德潤身顏子知幾故亞聖君子審幾故意誠

廓然而大公物來而順應則心正矣此章之義朱子或問已無餘蘊

惟人之心固有膏肓騰騰不知不覺走去了時分苟子所謂則自行釋氏所謂流注想此所謂心不在焉是也俗儒與念憶恐懼俱馳之說殊未是

有所忿懣恐懼好樂憂患則皆不得其正是心不可滯于有也心不存而耳目口鼻四肢百骸無所管攝是心不可墜于無也然則當如何而正心哉亦曰無而有有而無虛而實實而虛寂而感感而寂焉爾

有所忿懣八句意不誠心不正皆在其中非兩套事也 偏倚之心不可有主宰之心不可無

五辟字與上文不得其正意相承而意不誠心不正身不修皆不外是也○中庸云發而皆中節謂

章介菴文集

卷之十六

十四

之和忿懣四者不得其正親愛五者陷于一偏又焉得和

其家不可教而能教人者無之二句與上文身不修不可以齊其家意相承

此章除孝者所以事君三句引康誥六句別爲一意以足不出家而成教于國之意外餘只是將其家不可教而能教人者無之故君子不出家而成教于國二句意反覆比並言之見家齊則國治家不齊則國不治而身之脩不脩亦在其中矣挑天

三詩則又以明必能齊家而后國可治也

孝者三句言自修身而齊家而治國通只是一個道理徹首徹尾下文却言這個道理乃命諸天成諸性良知良能不假強爲但在人察識推廣則身修家齊而國治不能推廣則所謂不足以事父母者也言養子之慈則使衆之慈可知矣舉慈之端則孝弟兩端可知矣

言一家仁讓則身之仁讓可知矣言一國作亂則家之不齊可知矣

章介菴文集

卷之十六

十五

大學誠意正心修身俱是忠到此章方露出恕字侯以明之捷以記之書用識哉欲並生哉工以納言時而颺之格則承之庸之否則威之戒之用休董之用威五服五章五刑五用與夫義用三德教用三物料用八刑皆求諸人非諸人之事

上老老而民興孝三句與上章君子不出家而成教于國一家仁一國興仁一家讓一國興讓帥天下以仁而民從之之意相承洪範三德及念之受之錫之福無虐孰獨等句皆敘福錫民作用處大

學理財用人則明明德于天下作用處也聖人不  
端恃夫感化可知矣

上老老而民興孝上長長而民興弟上恤孤而民  
不倍無感不應無倡不和可見人人同此心人人  
好此德然或無道以處之則養生喪死不能無憾  
仰事俯畜不免有累又安能遂此心哉是以君子  
必有絜矩之道焉絜矩者度之以大中至正忠信  
誠恕之心而公平以處之之謂也蓋意誠心正身  
修以後其所好惡莫非天理以是而度天下之情

章介菴文集

卷之二十六

十六

宜無有不同者由是凡我所惡則勿施于彼無處  
不然無事不然而凡所施于彼者莫非吾心之所  
好如五十衣帛吾所好也則五畝之宅樹之以桑  
七十食肉吾所好也則鷄豚狗彘之畜無失其時  
少壯有養吾所好也則百畝之田勿奪其時子孝  
弟恭吾所好也則謹庠序之教申之以孝弟之義  
是之謂所欲與聚所惡勿施也是之謂民之所好  
好之所惡惡之是之謂慎德謂內本謂散財然所  
謂散財豈必如許行並耕自圭二十而取一哉制

民常產取民有制生者衆食者寡爲者疾用者舒  
如斯而已夫如是則下足以得民心上是足以延天  
命書所謂無疆惟休者也又于休休有容而民所  
同好者舉而先之使以絜矩之道助吾所不及于  
妨賢病國而民所同惡者推而遠之使不得行其  
私以壞吾之治如是而天下不平而興孝弟慈之  
心有一不遂者未之有也然絜矩王道也非有天  
德者何以能之故又深探其原曰必忠信以得之  
忠信者至誠無息之道也大學許多格致誠正修

章介菴文集

卷之二十六

十七

工夫只是要成就一個忠信而已此章反覆數百  
言而心術公私之際興亡治亂之原致明致詳凡  
所謂得衆得國祈天永命者勸勉之詞也凡所謂  
民散國亡命絕災遠者警戒之詞也雖臯陶伊傳  
周召陳告之詞何以加于是哉  
生財有大道一節却是就內本散財裏面點撥出  
來說故下文卽以仁者以財發身之說繼之  
生之者衆九職任萬民是也用之者舒九式節財  
用是也

內本散財通天子諸侯卿大夫皆少不得故又引孟獻子之言而丁寧以聚斂及長國家務財用爲戒言諸侯卿大夫則天子可知矣

財者人之所易溺自非英君哲后鮮不以患貪爲心大學之言至于驕泰以失之意詳而語備矣而又惓惓數十言而後止其爲後世慮至深遠也自家而國而天下雖有內外廣狹之殊然誠意正心脩身工夫徹始徹終故既曰上老老上長長上恤孤又曰先慎乎德又曰必忠信以得之朱子曰本

章句

卷之六

十八

未實一物首尾實一身信哉

苟發諸我者無不自盡則度諸物理必無所違內外一致故也

耕者九一仕者世祿關市不征澤梁無禁罪人不孥發政施仁必先經寡孤獨此大道也然非純亦不已何以能之

詩書陳戒之詞往往以天命去雷人心嚮背爲言大學終篇之意亦猶是也而勸戒之道昭矣立教之法備矣

好人所好惡人所惡通天下之志之道也惟君子爲能通天下之志

事功見于家國天下若王夫始終只在自己身上譬之于木雖千枝萬葉千葩萬實然枝葉花實豈能著得人力須是去根本上灌溉也故明明德而新民之道不外是矣

章句

十九

章介菴文集卷之二

臨川章 衮汝明甫著 奇玉 先元

六世孫文先侄先德編次

中庸口義

錦龍

易曰大哉乾元萬物資始乃統天雲行雨施品物流形乾道變化各正性命保合太和乃利貞此即書所謂惟皇上帝降衷于下民傳所謂民受天地之中以生之吉中庸之淵源也然亦豈有加于本心之外哉

章介菴文集卷之二

人心惟危道心惟微便是說氣質之性 中庸以

天而始以天而終根極要領

異端之學莫不有本源然有我之私而已莫不有工夫然智謀之末而已莫不有效驗然補塞罅漏而已吾儒之學推其本原則直出諸天而非人爲所能與語其工夫則反求諸性情隱微之間而無一毫之敢忽要其效驗則舉一世而甄陶之贊化育參天地此其規模之大條理之密與百家衆技天地懸隔

性卽天也因命而異其名爾道卽性也因率而異其名爾教卽道也因修而異其名爾故教也道也性也天也一理也言天則性道教在其中語上不墜于空寂言性道教則天在其中語下不滯于形器

專言天則性道教在其中吳天曰明之類是也專言性則天與道教在其中孟子道性善之類是也專言教則天與性道在其中天有四時春夏秋冬風雨霜露無非教之類是也專言道則天與性教在其中下文不可須臾離是也故前並列三目不爲多後專舉一目不爲少

章介菴文集卷之二

道也者四節語意大畧以爲性也者與生俱生者也而道乃率性而有豈可須臾離若其可離則爲外物而非率性之謂矣是以君子之心常存敬畏雖不睹不聞須臾之頃亦必戒慎恐懼至于隱微之間發動之初尤加謹而不敢忽所以兢業如是者蓋以喜怒哀樂之未發正不睹不聞之時這個謂之中誠爲道之體是道不離于不睹不聞之

時也發而皆中節這個謂之和而爲道之用是道不離于隱微獨知之時也君子知道不離于不睹不聞之時而戒懼固已中矣若又約之以至于無不中是謂致中知道不離于隱微獨知之時而謹獨固已和矣若又精之以至于無不和是謂致和致者致其至之謂也夫然後天地位矣萬物育矣語意開闔反覆要皆道不可離而君子不可離道于須臾之意至于致中和天地位萬物育則學問之極功聖神之能事雖曰由教而入而教又自我章介菴文集卷之二十一 三

出矣

戒慎恐懼只是有事勿忘虛靈本體炯然樹立不到昏昧倒塌田地固未嘗涉著事物也若曰纔戒懼便是已發然則所謂戒懼者必如稿木死灰而後可

視于無形聽于無聲內視爲明反聽爲聰

鑑不以未照而廢明衡不以未稱而廢平不睹不聞而戒懼心不以無事而失其主宰之權也世儒乃以爲戒懼乎他人所不睹不聞而以下文爲申

明此二句之義吾恐聖賢之學不如是之疎鹵也戒慎不睹恐懼不聞便是良其背不然只是寂滅不可謂之良矣

雖不睹而無所不睹者固在雖不聞而無所不聞者固在若心不在而視不見聽不聞則內體先滅而外川隨泯也

省察亦存養中事然必對舉而並言者以發用之初關係最重故也若曰存自存省自省謬亦甚哉細玩集註或問亦自可見先儒事物既往思慮

章介菴文集卷之二十一 四

未萌之說亦是

戒懼慎獨誠意正心之事格致之功也中和位育則物格知至意誠心正身修而家齊國治天下平矣

喜怒哀樂之未發謂之中純坤之時不爲無陽之象細玩之至虛而至實至無而至有至靜而至動發而皆中節孟子所謂惻隱羞惡等項是也○本無不中若不戒懼而昏昧倒塌則不中矣本無不和若不慎獨而使人欲得以撓之則不和矣

未有致中而不足于致和亦未有致和而不本于致中體用一原故也學者若知靜而無靜動而無動之旨則戒慎不睹恐懼不聞無害爲靜也明矣第二章至第十章大率言這個道理原于天命具于人心散于事物至易而不難至近而不遠加些也不得減些也不得然惟君子爲能體之若小人則反之衆人則鮮能之賢知又過了些愚不肖又不及些有一樣擇乎中庸不爲賢知愚不肖之過不及却又持守不定這個通不可望道之行與明

能之故又引夫子不爲索隱行怪不爲半塗而廢之言與夫依乎中庸遊世不見知而不悔之實以標中庸之準的爲學者之依歸也博文約禮從事四勿擇中庸而守之之時也欲罷不能三月不違其幾于依乎中庸者乎舜知顏仁中間便有勇無勇則知仁俱廢矣四個強哉矯內仁知亦在其中湯和易簡之善配至德中庸易簡之善也故曰中庸其至矣乎

愚不肖是有正路在面前却不能行賢知是不行

正路而行邪路擇中庸而不能守于期月遵道而廢于半塗是又行正路而不能到底者也

知者見之謂之知仁者見之謂之仁百姓日用而不知

自天地開闢以來只是一個中庸道理流動克滿堯舜禪授湯武放伐皆不外此知此者便是大知體此者便是至仁強此者便是大勇外此而曰知仁勇皆賢知者之過也

書曰允執厥中繼之曰無稽之言勿聽弗詢之謀



勿用泰以夫子稱舜之言義了然矣

令尹子文陳文子夫子一則許其忠一則許其清而皆不許乎仁故曰天下國家可均也爵祿可辭也白刃可蹈也中庸不可能也中庸即仁也

道之不行也五章知行合一之義備矣

費外無隱隱外無費體用一原顯微無間無有聲有臭者則亦無無聲無臭者

道之費隱難以言盡子思且把愚夫愚婦聖人天地能不能分數及大不能載小不能破比並照映

章介菴文集

卷之十一

七

出來與大學以上下左右前後說絜矩相似蓋雖不正言費隱而費隱之意益可見矣

造端夫婦察乎天地言至近至遠無非此理渾融周匝無間可措亦猶發育峻極三千三百之意

中庸之道何嘗遠人若不從事于此別求一種幽深恍惚艱難阻絕底勾當便不可以爲道如老佛及申徒狄之類是也

居上安得不治人爲人安能不愛人有不能安得

小自責然皆不去高遠處尋討只就人身上最切

近最平易處下手這便是不遠人以爲道

若要尋討一個奇怪高遠底方法來愛人便是遠人以爲道今只將我公好公惡的心推以待人便是貼身上做起何嘗遠人爲道哉

聖人只把忠恕二字來明不遠人以爲道遠道不遠四字不甚緊關要在人善看耳

天下之人子臣弟友盡之矣若爲子者自責以子道爲臣者自責以臣道爲弟者自責以弟道爲友者自責以友道更有何遠人爲道之事

章介菴文集

卷之十一

八

有一等人雖素位而行或不能不少願乎外又有一等人雖不願乎外却不去素位而行故下文分折言之以交足其義其實自得內含有不願乎外之意正已內含有素位而行之意雖分而不害其爲合也要在人善看耳 境有順逆險易道無生滅加損

列子云入水不溺入火不熱意相似而實不同

十五章雖言序不可亂而道之費隱義亦可見蓋

高遠固道而卑近亦道故也

上下章皆備言人事之遠近大小而十六章忽以鬼神爲言細玩之往古來今上天下地中間幾多人事渾融透徹只是一個鬼神所以見乎著龜動乎四體者爲是故也聖人所以與鬼神合其吉凶鬼神所以能害盈而福謙者爲是故也 明有禮樂幽有鬼神禮樂鬼神原無二致

使天下一節與鳶飛魚躍三言同一活潑潑地

不顯亦臨尤懼秒忽之間檢察不周以得罪于鬼神况可腹射而不敬乎○鬼神定體中有流行流

章介菴文集

卷之二

九

行中有定體不容分析由渾定體也通氣非流行乎首是四肢定體也一氣貫徹乎其間非流行乎使天下一節玩朱註是就鬼神內枯出人鬼這一樣鬼神來說蓋骨肉斃于下陰爲野土形氣朽滅神亦飄散最爲冥寂然亦能使人畏敬奉承又祭則必格益見鬼神之體物不遺也

德者備于已而當自盡祿位名壽者係于天而不可必得聖人豈以係于天而不可必得者爲庸行哉要其意亦主于修德耳有德而值天人之常如

舜固爲孝矣有德而值天人之變如孔子亦豈其爲孝哉

只看厚衣之以薪墓之中野不封不樹喪期無數之說便見儀文未備之時人子有許多不能盡情處到得武王周公制爲禮法以及天下使葬祭喪服或以爵或以祿或酌情之親疎位之崇卑以爲爵之屈伸服之隆殺而皆得以盡其情成其孝本來只是一個人追崇其親遂使普天之下人人皆得伸其情滿其分真個是至德要道以順天下孝

章介菴文集

卷之三

十

第之至光于四表也非達孝而何哉

鬼神幽遠精微非孝純于天精神意氣彼此透徹安能子孫臣庶細微曲折處之曲盡其道無有纖毫滲漏而使神罔時怨神罔時憫哉 繼志則必述事述事所以繼志

不必先生曾有此事但爲所當爲即是繼志述事蓋通天下古今而大同者道也不悖于道雖先王何以加哉張子曰知化則善述其事窮神則善繼其志玩知化窮神四字亦可見苟膠柱鼓瑟不知

通變謂之繼述且不可況得謂之善乎

修祖廟陳宗器設裳衣薦時食言其禮也下文則言禮而兼以其義言之 爵齒德天下之達尊也周之先王內而治親外而治人致慎于此耳然則在廟奉祭之人可不序且辨之乎

木本水源脉絡不同慈愛孝敬各有所專昭穆固不可不序也

先王之生也萬物睹之其死也萬國之人各以其職來祭對越在天奔走蒞在廟盛德昭著慶澤淪浹

章介菴文集

卷之三

十一

而當時幼賤之在廟者乃不得一有所事豈不惡且憾哉

周至宣王之時應毀之廟已非一主祫祭之時無主不陳主必設尸尸之前必列簠簋鉶俎簠簋鉶俎之前必有主賓獻酬之地然則太廟必須明堂三倍之廣且其主之多其禮之繁一日之內一人豈能遍祭此蓋先儒所致疑者今未暇深考也姑識以俟

惟聖人爲能享帝而與天之心爲一惟孝子爲能

享親而與親之心爲一 事父孝故事天明事母孝故事地察

人于此道若無惻隱懇至肫肫款款不可解脫實意思卽與道不相幷拍或作或輟乍好乍厭安能到得天理之極人倫之至處號泣旻天如無所歸象憂亦憂象喜亦喜舜之所以盡父子兄弟之倫也行不同而同出于至誠惻怛之意三仁之所以盡君臣之義也羅雀掘鼠殺妾食士比死尤曰生不能報陛下死當爲厲鬼以殺賊張巡之所以忠

章介菴文集

卷之二十一

十二

于唐也推之夫婦長幼朋友莫不皆然三十二章贊經綸之盛亦以肫肫其仁爲言與此意正相發程子謂觀鷄雛可以觀仁知此義則仁者人也之旨可知矣

君臣父子夫婦長幼朋友之道乃命所當然所謂義也乃天所秩叙所謂禮也莫不有升殺等級而端言親親尊賢者因上文之意也

言仁莫大于親親言義莫大于尊賢便見父子朋友之倫在達道中尤爲先務

言脩道以仁而不及智勇苟無智勇又安得仁  
道有統體有條理親親尊賢統體也殺與等條理  
也理一而分殊也

故君子一節却是要脩道者就此知個大頭腦見  
得這個道理不是人安排得來乃出于天而不可  
易若不脩道便是絕于天

德無不實即道無不體道有未體即德有未實進  
德即是進道修道即是修德

若父子親君臣義夫婦別長幼序朋友信各造夫

章介菴文集

卷之二

十三

天理之極大倫之至這便是知盡仁至至誠無息  
田地

知所不必知行所不必行強所不必強則其謂知  
仁勇者非本然之德乃人爲之偽固無足信若知  
所當知行所當行強所當強然皆未能各造其極  
只是半上落下則所謂知仁勇者亦未得爲誠也  
必爲善也如水之必寒火之必熱不爲惡也如騶  
虞之不殺竊脂之不殺此是德之實處

夫子曰所謂誠止是誠實此三者三者之外更別

無誠程篁墩經筵講章却說人若三心二意半上

落下不肯着實去行那原有的知也昏昧不明了  
原有的仁也被私欲間斷了原有的勇也懦弱不  
能振起了此意却亦未是半明半暗暫得暫失進  
銳退速這便是德未實須是真個知得真個行得  
真個強得方謂之誠也孔門惟顏子可以當之如  
曾子之唯一貫死而易簣亦庶幾焉

德不實則道不行道不行則身不修特言所以行  
之者一喫緊爲人之意深矣

章介菴文集

卷之二

十四

三知三行是德無不誠而道無不行田地三近是  
德有未實而道有未體田地

生安學利困勉六字各不相離聖人經綸大經生  
知安行一齊俱到此固易知其欠曉得五者之道  
天命當然修之則吉悖之則凶却要尋討這個道  
理然終不成父子君臣就在面前也都不管只管  
一味空思索空講論必須凡遇到手便就一面從  
事也以此知學則必利若夫困則必須勉勉則正  
以其困也

雖甚費力而君臣父子夫婦長幼朋友發于人心  
而不容已原於天而不可易者終未能實見得安  
得不困性偏難克習心難除天理發動爲其所  
窒安得不勉強

子游能養而或不足于敬子夏能敬而或不足于  
愛此處皆須勉強

先從修身說歸天下國家上去後從天下國家說  
轉修身上來蓋始之立體終之致用皆不外是與  
大學治國平天下章意同

章介菴文集

卷之二十一

十五

尊賢親親乃修身內事今却與修身並列爲九經  
蓋此乃修身中最緊關處故也

敬則敬之如神尊則又有加矣 柔者順而撫之  
能者擾而習之

懷諸侯則公侯伯子男莫不康濟兆民之屏之翰  
內本日固外侮不生故曰天下畏之

齊明盛服修己以敬恭己南面之事禮也者天叙  
天秩人所共由即達道是也

官屬衆盛足任使令既不至于叢脞又不容小臣

得以間之則大臣以身任天下之重而凡操縱弛  
張緩急遲速莫不井然有條若網在綱矣何眩之  
有

詩曰發言盈庭誰敢執其咎如彼築室于道謀是  
用不潰于成正以其不敬大臣而以小臣間之也  
信讒樂色貴貨則與賢者永炭相反臭味不同彼  
賢者將見幾而去矣

太甲得伊尹高宗得傳說成王得周公而君德罔  
德所謂尊賢則不惑

章介菴文集

卷之二十一

十六

五倫各盡其道出入起居罔有不欽發言施令罔  
有不臧是謂非禮不動

一卽伊尹所謂一德下章所謂至誠無息天德王  
道盡在是矣故曰凡爲天下國家有九經所以行  
之者一也

議論不達于機宜計畫無益于成敗則曰彼之才  
性識量然爾擯斥而窘困之使墳墳淹恤于吾土  
不可也于是優容而禮遇者有加焉是謂矜不能  
遠人不但他國游宦之士雖來奔之臣亦是

聖人至誠無息富貴貧賤夷狄患難生死如寒暑晝夜相代平前漠然無所動于其中能爲天地立心而天地不能奪其心何定如之素定者定有素也

渾然一理泛應曲當道前定則不窮也

至誠于達道達德九經之屬性而成之順而推之動而世爲天下道何困之有行而世爲天下法何疚之有言而世爲天下則何跲之有三十一章二章至聖至誠之事卽此所謂豫則立也

章介菴文集

卷之二

十七

四岳薦舜爲天子且曰父頑母嚚象傲克諧以孝烝烝乂不格姦誠身順親信友獲上之義觀此明甚若夫明物察倫卽所謂明善群居類聚之人且不能使之翕然孚信于我安能望馨香上聞而獲乎上哉

善明而身誠卽知止能得底事

從容中道者錦衣列鼎時固如是刀鋸湯鑊時亦如是處人倫之常固如是處人倫之變亦如是堯舜禪受湯武放伐周公赤舄几几舜終身樂而忘

天下皆是道也

顏子仰鑽瞻忽擇善而未得之時也

天下之理隨時變易固有在人行之則是在我行之則非彼時行之則是此時行之則非者流血不怨孝也大杖不走則非矣承顏順志孝也阿意曲從則非矣禮義大道也然亦有非禮之禮非義之義然則所謂明辨者取衷于時中而已矣

此理雖會於心而各散于事人于日用之間無時非事無處非事雖夜間寢卧也是事若不隨事精

章介菴文集

卷之二

十八

察力行只管懸空去捉摸便是蔑棄倫理屏絕事物聖賢實學斷不如此所以言知則行在其中然則一知字足矣而徃徃以行與知並言者蓋若不真知終不濟事而欲真知緊要全在行上所以又着一行字也總是要成就一個真知耳

譬如要知農底事或時獨自思索或時與人商量固是不免然必須將農底事一一親自歷涉一番方能真知不然終是隔靴搔癢也

審問慎思明辨不是未與事接懸空捉摸此正如

人着棋一邊下子一邊尋路

坐如尸坐時學也立如齋立時學也遇父子學親遇君臣學義是之謂博學

楊氏似義而非義墨氏似仁而非仁子莫似中而非中鄉愿似德而非德仲子似廉而非廉申根似剛而非剛申生似孝而非孝尾生似信而非信是皆所謂毫釐之差千里之謬也故曰明辨之造化不息此理亦不息人類不滅此理亦不滅故雖昏駁之甚然能自強不息則蔽可去礙可通天

章介菴文集卷之二十一

十九

德可全而聖人可至

篤厚而力也厚有端心致志之義力有自強不息之義又篤從竹從馬以竹策馬其行不已也

專而不太多止而不太深是謂不泛不鑿是謂慎思

陳布衣曰人于此學若真知之則行在其中矣然而氣質有偏勝嗜慾有偏重二者用事甚順而易者反逆而難此聖門論學于博學審問慎思明辨之後又加以篤行也

人一已百人十已千一棍一條痕一摑一掌血到得明與強則德成而道行矣

晦翁謂曾子于其用處隨事精察而力行之此二言其于爲學之道最爲親切

學問思辨如知道某處有金與玉却去披沙剗石以求之到得篤行如尋見金玉在那裡只管一味去取却不是以前全無事直到篤行方始去做也大學道學自修之旨與此同

章介菴文集卷之二十一

二十

無與于行言行若無與於知不知天下豈有屏絕事物茫然懸想而可以知者哉但當未知之前雖行也只是求知到得既知而以其所知者措之于事乃始端爲行耳

盡心知性知天費許多隨事精察力行工夫方能到此及到得此却又要有心養性以事天知之進則行愈有所施行之力則知愈有所進循環不已方達天德

孟子知言却又要養氣終不成知言以前全不養



氣也以是知知行二字如兩輪然非知不行非行

不知如循環然知後有行行後有知

知便能行又始終不失此便是真知孟氏所謂知斯二者弗去及無不知愛其親之類是也若只緣天資穎悟或用意揣摩雖知之而未必能行雖行之而不能不廢于半途皆未可言真知也聖人生知卽便安行其知無有不真學者必須到有諸已田地方可言真知若顏孟則又于有諸已上度越幾層特未至聖人爾

章介菴文集

卷之二十一

廿一

學問之道悅是進步處不悅則不能進信是立腳處不信則不能立

明則誠矣明字卽物格知至之訓誠字卽意誠心正身修之謂

子曰學而不思則罔思而不學則殆玩此則知行如兩輪如循環之說可知矣

聖人能通天下之志是以能成天下之務知之無不明通志也處之無不當成務也生之不傷辱之

不困扶之不危節之不盡勞者勢之來者來之聊

者正之枉者直之輔以立之翼以行之平康正直彊弗友剛克變友柔克沉潜剛克高明柔克皆知無不明處無不當之謂也

致曲卽大學格物致知誠意正心修身之事孟子所謂知皆擴而克之朱子所謂因其所發而遂明之因其已知之理而益窮之識其端而推廣之皆此意也

形著明動變化乃其本體日新日盛愈克愈清聖天機自然不甚費力亦無甚等級如火之自微而

章介菴文集

卷之二十一

廿二

著色之自淡而濃也 孟子曰克實而有光輝之謂大

人之本心至靈至妙無遠不到無深不徹無堅不入無幽不燭若無一毫私僞蔽障于其間何往而不前知哉先儒乃謂至誠與天地同德則其氣化運行與天地同流與亡禍福感于吾心動于吾氣如有萌焉無不前知却是分外費商量也非莊子所謂堯舜乎

日月無晦蝕則無不照臨人心無蔽障則無不前

知

誠卽道道卽誠言其真實則曰誠言其爲人所當行則曰道首兼言一道字不爲多後端言一誠字不爲少

釋氏不論實理有無凡一切思議作爲皆指爲妄惟虛空覺性是實有者聖賢則謂人于日用之間凡所作爲有是實心則有是物無是實心則無是物以是知聖賢樞紐全在事物上求一實理釋氏關鑰却在事物外着一真空

章介菴文集

卷之二十一

廿二

太極之外無餘物故中庸曰不誠無物周子曰五常百行非誠非也邪暗塞也故王莽非不爲忠而實非忠楊廣非不爲孝而實無孝

若無元氣所生只是裁剪描畫出來安得謂之花木若不根底太極只是私意邪見所爲安得謂之事物

隨其心之所在事之所值莫不精察而力行之務求盡夫天命人心之本然而不使有一毫不快于心此便是誠之之事而格物致知誠意正心修身

之學也

實理通人物皆可言實心惟人分上說得其實實心卽實理無實理雖不必更言實心可也

自然及物者薰蒸漸染感動激發一也建學立師道德齊禮天命當然自不容已二也

已私淨盡天理渾全天地萬物通于一體是之謂仁昏明強弱淺深厚薄萬不能齊非知之無不明處之無不當安能有以成之

孔子所以能成物者以其爲之因其材而授之應其機也

章介菴文集

卷之二十一

廿四

全體立而大用行惟盡性者能之能盡其性安往而不時宜哉論來成物已是時措之宜于思却說成已仁也成物知也仁知得于已則時措之宜不幾于樓上起樓乎此處要在學者善看耳天地之化往者過來者續無有止息聖德之微亦往者過來者續無有終窮惟其無窮所以積之博厚發之高明若或著或滅乍流乍止安能然哉先儒氣象寬緩之說殊未是

淪于肌膚浹于骨髓上下與天地同流所謂博厚也貌乎成功煥乎文章所謂高明也

自至誠無息至博厚則高明聖人盡已之性盡人物之性贊化育參天地之事備矣所以載物三節不過就中點綴出來見其與天地同體用而又無所倚天地之道三節却是言天地誠一不二故能各極其盛且生物最多而不可測蓋備舉天地以明聖人也末復引詩將天地聖人一齊穿紐而咏嘆之

章介菴文集卷之二

世五

博厚高明不是渺茫不可指議底話頭就唐虞三代之時驗之便自見當時俊又在官百僚師師水火金木土谷惟修正德利用厚生惟和日出而作日入而息耕田而食鑿井而飲父安于慈子安于孝兄安于友弟安于恭夫安于義婦安于順朋友安于信鰥寡孤獨廢疾者安于養風不鳴條雨不破塊山不童澤不涸鳥不獮獸不餓鳳鳴于桐麟育于藪著龜告吉圖書呈瑞陽德丕昭陰德漸威四海同春萬物生輝似此之類不一而足要在自

得之耳

無疆以上自至誠說到功用上來如此四句自功用說轉至誠上去

易曰天地相遇品物章也又曰含萬物而化光既已博厚可不謂章乎昔皋晦而今高明可不謂變乎微而至于博厚高明可不謂成乎

或謂見而章動而變爲而成乃伯者之事愚謂見與動爲則有之然易言章而變而且成也見動爲三字無大異見則必動動則必有爲博厚中便

章介菴文集卷之二

世六

有高明故曰不見而章

博厚高明悠久所以載物覆物成物及配天配地無疆等語乃極口形容之詞蓋聖人功用之盛不如此不足以摹寫其萬一也夫子以巍巍乎煥乎宇樣形容帝堯然未若此之詳盡也

昭昭一撮卷石一勺等語頗費分疏或者自天地水土初生之時言之也若莊子天地稊米莫大于秋毫之末而泰山爲小及蘇子天地曾不能以一瞬之語則又皆異端之言子思之意却不出此

一塵之微一息之頃苟非誠焉則亦無物矣有高  
明如彼博厚如彼悠久如彼生物之多如彼非至  
誠而能然乎

此道通三才而一之說是天地之道也得說是聖  
人之道也得說是君子之道也得先儒惟聖人爲  
能盡之故特歸之聖人說亦不差

前論費隱以天地聖人所不能盡天下所不能載  
愚夫愚婦所能知行天下所不能破者並言之此  
論道之大以極于至大入于至小者並言之其義

章介菴文集

卷之十

廿七

一也不遺其小正以深著其大故又以優優大哉  
冠之

太史公曰洋洋乎鼓舞萬物後使羣動其知此哉  
大而君臣父子小而事物細微每日逐時逐事講  
求察識力行實踐只爲要得不虧其付畀之重以  
存其本心之正故道問學所以尊德性求尊德性  
于道問學之外者非也眇綿之間疑似之際毫釐  
有失便屬心粗心粗卽是滓渣未除拘蔽尙在又  
安得廣大故盡精微所以致廣大求致廣大于盡

精微之外者非也凡其所行非不過則不及精純  
日喪客咎滋多便是梏于氣稟膠于習染又安得  
高明故道中庸所以極高明求極高明于道中庸  
之外者非也心理一也安得新故覺有先後因各  
新故溫故者以素有之業已成之善而緝熙之也  
就此又見得則便是知新溫故而不知新者有之  
未有知新而不由于溫故者然則折而懸之者非  
也持守已定克養已完畜大而積盛所謂厚也敦  
厚者增而益厚之之謂欲敦厚必須日用之間自

章介菴文集

卷之十

廿八

念慮之微以達于事爲之著節節循着天理嚴恭  
寅畏不敢苟且忽易然後日克日盛而能敦厚故  
崇禮所以敦厚求敦厚于崇禮之外者非也大抵  
此章只言尊德性而道問學足矣又綴以四言者  
所以極節目之詳而著工夫之詳也說尊德性足  
矣而必曰道問學者見尊德性原不是馳志于荒  
寂其工夫就只在問學最的確平實處內外本末  
一以貫之高不溺于空虛卑不局于淺陋也下文  
致廣大極高明敦厚等句倣此惟溫故一句却是

徂于故常而無日新之美故云然在五句內語意

畧異然均之爲道問學以尊德性也

聖門之學須本末內外高下大小交修並進方始  
約不流于狂妄博不陷于支離高不溺于空虛卑  
不淪于淺陋而理一介殊之妙各臻其極如佛老  
之徒于尊德性之學甚不相遠然道問學工夫全  
不相涉秦漢以來諸儒于條教法令之間籩豆有  
司之事儀文度數之詳字義章句之末莫不鉤考  
遺闕揣摩同異銖稱斗量條貫周密然反身立本

章介菴文集

卷之二

廿九

之學槩乎未聞則與尊德性工夫亦全不相涉以  
是知三代以下自有此二種學問而朱子之說未  
可輕議也但上文所言亦可深玩今故兩存之  
絕惡于未萌起教于微渺是謂盡天理之精微顏  
子不遷怒貳過是也○每事先執厥中安得而不  
高明孔子自志學以至從心皆溫故知新底事  
顏子非禮勿視聽言動崇禮也孟子集義道中庸  
也

大學格致誠正修中庸博學審問慎思明辨篤行

皆尊德性道問學之事推之蓋莫不然聖賢之學  
原無二致故也 能謹獨則川上逝水鳶飛魚躍  
莫不屬已就此體認可以知致廣大而盡精微之

言

天下之位上下盡之矣天下之時治亂盡之矣易  
曰知進退存亡而不失其正卽此所謂不驕不倍  
足以與足以容之謂也 居上不驕便是皇建其  
有極爲下不倍便是無有作好遵王之道無有作  
惡遵王之路 以堯舜之所以治民者治民不敢

章介菴文集

卷之二

三十

有一毫鄙夷傲忽之意這便是居上不驕

此夫子爲當時在下位而無知妄作者言蓋大一  
統之意也而子思引之以明爲下不倍之義當時  
事或同執書或同文行則不當倫矣而云然者爲  
當時諱也

夫子曰卑宮室而盡力乎溝洫禹吾無聞然矣然  
則貢法在夏時豈不盡善而孟子直斥曰莫不善  
于貢書又曰道有升降政由俗革由此觀之可以  
知生今反古哉必速身之說矣

引夫子之言謂愚賤不可自用自專生今不可反  
古雖乃曰非天子不議禮不制度不考文然則愚  
民安可自用自專哉又曰今天下車同軌書同文  
行同倫然則舉今之人敢有反古者哉雖有其德  
以下蓋本前意而甚言之也

理至精而分萬殊非擬議則無以合天理之正即  
人心之安故禮曰議度只據擬議所已定者裁之  
而已故曰制文只據見在布于天下者稽訂之而  
已故曰考度兼器數二者而言物采器也多寡

章介菴文集

卷之二

三

數也親疎貴賤相接之體如宗法之聯屬服制  
之輕重飲食之合聚吉凶之吊賀聘待之往來貢  
賜之厚薄問勞之疏數進退之疾徐揖讓之多寡  
容貌之俯仰尊卑之名諱之類是也

度是王者以新耳目以一心志以示通變宜民不  
相沿襲底事如正之建子建丑建寅色之尚黑尚  
白尚赤與夫律度量衡冕服車旗瑞節官名刑書  
及朝廷官府一應章程要會之類皆是也品制猶  
言品式此等制度各有科品也文字也考文者

考其形象聲音之異同也朱子只曰書名似尚未  
明

禮與度本同體非禮則何緣有度非度則禮不可  
得而見但專言則舉禮該度舉度該禮若並言則  
須如集註所云

前言議禮制度考文而不言作樂後言作禮樂而  
不言制度考文蓋錯言以互相發耳

夫子曰殷因于夏禮周因于殷禮專言禮則三綱  
五常文質三統文章制度皆在其中矣或問以政

章介菴文集

卷之二

三

正朔易服色殊徽號為制度而他日于夏時殷輅  
周冕又皆以禮言之然則禮度之非二物也明矣  
首出庶物而王天下下觀而化固其餘事而又有  
三重焉則于匡直輔翼之具亦未嘗廢也化教並  
舉德政兼修民安得而不寡過乎此于本章別是  
一義然觀者亦不可不知也

首言王天下有三重焉其寡過已乎下文乃盡發  
其義朱子惟天子得以行之則國不異政家不殊  
俗而人得寡過之說似非本旨也皇建其有極

歛時五福用敷錫厥庶民惟是厥庶民于汝極錫汝保極

通章意義唯有上焉者一節方始照應明白蓋民所以寡過者以其從上所行也從之以其信之也信之以其有微且尊也彼上焉者則無微下焉者則不尊均之不信不從又安能使民寡過惟君子之道本諸天德非襲取而強爲乘時當位正百姓所信從又考諸三王而不謬建諸天地而不悖質諸鬼神而無疑百世以俟聖人而不惑所以動而

章介菴文集

卷之二

三

世爲天下道行而世爲天下法言而世爲天下則遠有望近不厭而民寡過也未乃引詩而申言之見必有天德王道然後大化成而頌聲作也知天知人四句因上文之說而點掇出來爾初非別有意義但體認不熟則全章語脉恐反爲此窒碍也

聖人與天地合德日月合明四時合序鬼神合吉凶議禮制度考文雖聖人所爲亦天地鬼神所爲也而何悖與疑之有

不謬不惑蓋就大本大原會通不倚處見得實是如此若乃制度文爲則前聖所爲不必無改于後後聖所爲不必盡同于前者多矣非所謂不謬不惑也蔡虛齋只爲不達此義故拘拘于器物度數上揣合擬議念巧而本旨愈遠矣 十九章謂善繼善述亦就本原會通處看得他當持守而持守當通變而通變精神意氣直與祖考渾融交澈是以云然若以迹求之則武王周公所爲與文王王季之事何啻霄壤又何善繼述之有

章介菴文集

卷之二

三

與天同德便是知天全盡人道便是知人若于此外別求知天知人處便成支離

動而世爲天下道爲天下則爲天下法遠有望近不厭王治也不謬不悖無疑不惑王道也本諸身知天知人天德也有王治則頌聲作而譽在其中矣

聖賢凡論治道處皆以道德教化爲言惟易兼言才德時位今日無微不信不尊不信則亦以時位言矣無時位而欲平治天下難矣哉此孔孟所以



周流歷聘由疆載質也

祖述憲章上律下襲四句總是一個樞紐單說上兩句也得單說下兩句也得單只說一句也得蓋堯舜也文武也天時也水土也其理一也

當用之時卽所處便是當行底田地當舍之時卽所處便是當藏底田地于是而行焉而藏焉便是上律天時下襲水土故與時偕行則隨遇而安矣隨遇而安則與時偕行非二事矣

有所寓之水土便有所值之天時素富貴貧賤夷

章介菴文集卷之十一

三五

狄患難而各行其所當行便是上律下襲易曰安土傳曰懷土所謂土卽水土之土但安則襲而懷則溺耳

或問仕止久速各當其可用舍行藏隨遇而安等語發明上律下襲之義最爲精切所謂不時不食迅雷風烈必變行夏時贊周易迎日推策頒朔授民禪受放伐各以其時居魯縫掖居宋章甫序禹貢述職方體國經野辨物居方昆蟲草木各遂其性等語皆是推廣說去且亦太費分析體認不熟

就中原無定見者似此之類恐不免反爲所亂也是日霜露變于上昆蟲草木化于下聖人仰觀俯察治曆以明時授時以作事然則迎日推策頒朔以民正上律下襲之事或問乃耑屬諸律天時亦未所未喻也

水土既平之後若無經制何以爲治底慎貢賦建國君民秩官治地者通于時之不容已也獨非所以律天時乎

六十四卦三百八十四爻皆因所遇之時所處之

章介菴文集卷之十一

三六

位變易以從道之事然則贊周易豈得耑爲上律天時哉

朱子旣以不時不食爲律天時又以昆蟲草木各遂其性爲襲水土所謂太費分析者以此類爾

祖述憲章上律下襲道全德備無以復加下文不過極言形容以深贊之非此之外又別有所謂德也俗儒不達此義只見集註有此言聖人之德之言遂以上文爲聖人之道下文爲聖人之德其實朱子之言本自渾成特坐不善看爾

渾然全具而各有條理無所不通而各以類應  
莫不行也而錯行焉莫不明也而代明焉此四字  
最好玩

九官咸事于虞廷然水土五刑工虞教養禮樂納  
言各有攸司相讓相成以此觀之四時日月錯行  
代明而不相悖之旨可以類推矣

物各有欲並育易至于相害道不同方並行易至  
于相悖然且各遂其生相濟以成天地之神化豈  
真難名也哉

章句卷之二十

三七

第二章曰君子而時中孟子曰孔子聖之時者也  
三十章之旨此二言盡之矣

朱子于下襲水土下面註曰皆兼內外該本末而  
言如日月之代明下面註曰此言聖人之德然則  
祖述憲章上律下襲非德耶如天地無不持載覆  
幬如四時日月錯行代明者不兼內外該本末言  
耶故曰朱子之言本自渾成也

朱子內外本末之說與大德小德之言畧相應然  
亦太費分析矣

小德川流大德敦化天地所以爲大者用此道也  
聖人之德如天地則其小德大德亦何异于是哉  
故下章遂詳言小德川流大德敦化之事而各以  
至聖至誠發之見仲尼卽至聖至誠而全盡中庸  
之道者也

纔說聰明睿知卽寬裕溫柔足以有容發強剛毅  
足以有執齊莊中正足以有敬文理密察足以有  
別皆在其中而所謂足以有臨者亦不外是矣

章句卷之二十

三八

如地師看山移步換形無大懸絕

既曰聰明睿知則四者之德合下便溥博淵泉而  
時出之便如天如淵莫不敬莫不信莫不說皆非  
積漸致然也俗儒不達此義將謂聰明睿知足以  
容執敬別以後又須積漸方始溥博淵泉而時出  
之既已溥博淵泉而時出之又須積漸方始如天  
如淵莫不敬信悅此雖朱子克積于中而以時發  
見于外及克積極其盛而發見當其可之說有以  
啓之然豈有聰明睿知如伏羲神農黃帝堯舜文

王孔子而其仁義禮知之德猶待于盈科而後  
進成章而後達者哉况溥博淵泉矣更從何處再  
討克積極其盛者來而時出之矣更從何處再討  
發見當其可者來要之子思之意只爲上文說未  
透徹故下文又將點撥來說爾若以詞害意祇見  
其疏贅支離也

首節十句文勢雖同而意實不敵蓋必有聰明  
知生知之質然後能全仁義禮知四者之德聰明  
睿知猶舟也四者之德猶舟中所有之物也朱子  
章句卷文集卷之二十一

三九

本節解釋已明下文却說五者之德克積于中又  
以聰明睿知亦爲一德夫寬裕溫柔發強剛毅齊  
莊中正文理密察一句自爲一德固已明甚若聰  
明睿知實兼五事之三五性之一爲言非可樂以  
一德也而上既以爲質下又以爲德又直以一德  
當之何耶且謂德克積于中可也謂質克積于中  
可乎謂德以時發見於外可也謂質以時發見於  
外可乎此誠表所深疑而未能自信者著之以俟  
就正焉

他人於四者之德不必兼備雖兼備不必各極其  
盛兼備而各極其盛惟聰明聖知達天德者能之  
寬裕溫柔至民莫不說十五句與聰明睿知句相  
應是以聲名洋溢乎中國至故曰配天十一句與  
足以有臨句相應易曰首出庶物萬國咸寧其此  
之謂乎

惟天下至聖二句乃一章綱領就其間看見有許  
多細微曲折條貫倫緒故曰承上文小德川流而  
言其實聰明睿知溥博淵泉固已得全於天無所  
章句卷文集卷之二十一

四十

汙壞根本盛大而出無窮矣大德敦化何以加於  
此哉齊莊則必中正不中正不足以言齊莊文理  
則必密察不密察不足以言文理

三十二章雖曰承上文大德敦化而言然經綸大  
經則於五品之人倫各盡其當然之實知化育則  
進退存亡裁成輔相莫非妙道之所在是亦小德  
川流也

可常行者皆經也而五倫則爲大經所從出者皆  
本也而所性則爲大本 贊天地之化育與知天

地之化育事同理一非知則安能贊贊則正以其知也

自語默動靜取舍進退至於經世事物如欽天授時體國經野征誅禪繼凡隨時變易與道消息皆知化育底事

易曰雲雷屯君子以經綸又曰天地交泰后以裁成天地之道輔相天地之宜以左右民又曰天地不交否君子以儉德辟難舉此三端知天地化育之旨可推矣

章分卷文集卷之三

四一

但說肫肫其仁則於君臣父子夫婦長幼朋友之際莫非天理之極人倫之至可知矣仁字與修造以仁之仁同其義詳見二十章

至誠存主設施與天地同運則是亦天也故曰浩浩其天

細玩與天地合德日月合明四時合序鬼神合吉凶之言浩浩其天之旨了然可見混於所施則非經矣未盡其道則非綸矣

私偽淨盡天理渾全貫徹三才根底萬化是謂立

大本

肫肫三句極其擬議贊嘆之詞蓋至是而聖人之能事畢矣末乃言惟與天爲徒者乃能知与否則不能知也嗚呼此堯舜所以民無能名孔子所以知我其天歟

集註謂前章言至聖之德後章言至誠之道蓋用游氏之說也其實前章何所據而知其專言德後章何所據而知其專言道哉要之此二章皆道也亦皆德也皆大德也亦皆小德也但前章專就其

章分卷文集卷之三

四二

居上臨下御天善世處說後章專就其致中致和窮理盡性至命處說耳一本而萬殊無無之本萬殊而一本無無本之殊故小德大德一也若曰某專言大德某專言小德吾恐道術爲天下裂矣然此豈可與俗士言哉

聖人之道至近而至遠至顯而至微以其至遠而近至微而顯故人皆可見而仰之以其至近而遠至顯而微故非與天同德者不能知也要之不可見者卽寓於可見之中初非判然兩截別有一種

恍惚神怪超然於百姓見聞之外也如雷以動之風以散之雨以潤之日以暄之人皆見之也至其所以動所以散所以潤所以暄則有非尋常耳目心思所能及者矣故曰可見可仰與無聲無臭原非二體言莫不敬莫不信莫不說而非達天德者不能知之妙固在其中矣言不固聰明聖知達天德者不能知而民莫不敬莫不信莫不說者亦在其中矣朱子他日乃謂至聖一章說發見處自表而觀之則易至誠一章說存主處自裏而觀之則

章介菴文集

卷之十一

四三

難然則前章所言皆跡而不神後章所言皆神而無跡耶而所謂經綸大經立大本知化育者皆無事可見耶愚故曰二章所言皆道也亦皆德也皆大德也亦皆小德也皆可見可仰也亦皆非聖人不能知也然而立言各有所主者意蓋以互相發耳

三十一章二章所言乃學問之極功聖人之能事中庸歸宿之地也子思又慮學者馳騁於高遠而忘下學工夫故再叙入德成德之事以深致意焉

憂深言切慮遠說諄信哉欺世盜名如巧言艷色莊如詭異皆非所謂淡也纔有求名之心便費許多安排布置掩覆褻揚底事又安得簡懷銅蔽自欺之心長虛驕自大之氣巍岸以爲高矜域以爲異又安得溫若不就自家身上看見善之所從生惡之所自起最緊關切要底處所則雖有爲已之心而用功着力茫無下落故又必知此三者然後可與入德也見於彼者好而敬焉則知此之得惡而慢焉則知此之失發適見遠出

章介菴文集

卷之十一

四四

身加民如天風自然足以動物故曰風近字兼身心說自與微却專就心上說以其心之所發謂之意以其發動至微謂之幾以其吉凶攸分謂之介以其已所獨知謂之獨以其隱而未見謂之潛內省者收視反照也不欺而無惡於志則自慊而意誠矣玩不欺及無惡於志之說便見絕惡於未萌起教於微渺之意詩人只大槩說雖獨居於室無所事事亦當不愧於屋漏子思却承獨居無事之意說到不動不言底去處所謂不動

不言豈但未形諸身宣諸口而已雖其幾亦未動於中卽所謂不睹不聞也 奏假無言時靡有爭詩人專就當時奉祭者說子思却承無言之意說到治平君子極其誠敬而民自勸自威上去有言則慮分無言則內一奏假無言所謂疑神淵默者歟 民勸則雖入於善然勸之跡尙存也民威則雖不入於惡然威之跡尙存也不勸不威而渾然天游則變而化矣

言聲也聲迹之最微者也無言則并最微之跡亦無矣其德之盛豈尋常淺近所

已深矣篤恭則愈深焉此等去一惟自有者能知之惟造道者能言之外此則雖盡言形容終亦捕

風捉影不能得其真也 天下平所謂人人親其親長其長者也而位育之化亦在其中矣 不怨

而民威於鈇鉞所謂大異民志者也 易曰聰明睿知神武而不殺卽此所謂不賞民勸

不怨民威篤恭而天下平之謂也 訓誥號令何

者非聲喜怒舒慘何者非色

章介菴文集卷之三

臨川章 袁汝明甫著

六世孫文先子文編次

序

王臨川文集序

嘉靖丙午秋八月臨川邑侯象川應君刻荆國王文公集成謂袁邑人也宜有以叙其事昔我象山陸文安公叙公祠堂於宋草廬吳文正公叙公文集於元仁公皆命世大儒其事核而精其文直而

章介菴文集卷之三

肆公之純疵得失猶方圓之圓於規矩也予末小子安敢復有所贊然竊惟公之相業所以未能成先資之信快人心之公者直以變法之故爾二公之言雖已抉發隱義提挈宏綱而其端緒曲折尙若未有暇及者故雖不敏不敢過避焉夫善觀人者必驗乎心跡善爲治者必核乎名實心跡不明則名實不正名實不正則爵祿廢置生誅予奪皆失其道而天下之治靡矣若公與神宗之事豈非千萬世名實不正之最甚者乎宋之有天下燕雲

盡失契丹已強於北元吳繼起兵力又奪於西不能數戰則其勢不得不出於求和轉輸金帛每歲不貲卑禮甘言惟恐挑禍漢之文景國辱而民不困時則有文景之辱而無文景之利此蓋凜然不可恃以常安之勢也治平熙寧之際上利下弊紀綱法度根本枝葉無不受病譬如中年之人雖容色言動無異少時然縱恣之餘腹心肝鬲之疾纏綿膠錮待時而發此蓋斷然不容怠忽玩愒之時也神宗深知天下之勢將欲大有所爲而又不御

章介菴文集

卷之三

二

游畋不治宮室奢求義德與圖治理誠曠世一出人臣所當效力致死之君也乃公之節行文章既已大過於人而道德經濟又獨惓惓以身任之當仁宗在位之日使同一書究極治體直欲化裁三代以趣時變與區區隨世遷就諸人規模夏別繼論時政則語意益切岌然如禍亂之逼乎其後賈太傅之痛哭劉賢良之剴切可謂異世同符矣有臣如此蓋亦曠世一出人君所當虛已委任共享天心者也夫其君臣相遇之盛如此而時勢所值

又當否泰安危往來消長之際然則公與神宗所以悉心謀議剴制立法而將以伸其大有爲之志於天下豈但君臣之分義則然固亦天命人心所不容已也今考當時常平倉司馬公所謂三代之良法放青苗錢之害小廢常平倉之害大者也然積滯不散侵移他用平時既無補於貧民必待年凶物貴然後出糶而所及者又皆城市游手之輩况穀貴則減價而糶惟富民爲能應其糶穀賤則增價而糶惟富民爲能應其糶貧民下戶既無可

章介菴文集

卷之三

三

糶又不能糶勢不免於借貸蘇穎濱曰天下之人無田以爲農無財以爲商禁而勿貸未免轉死於溝壑使富民爲貸則用不仁之法收大半之息不然亦不免脫衣避屋以爲貧民受其困而上不享其利周官之法使民之貸者與其有司辨其貴賤而以國服爲息今可使郡縣盡貸而任之以其土著之民穎濱此論則公所行青苗錢之法也考之於古景公之於齊子皮之於鄭司城子罕之於宋既皆以貸而得民驗之於今則前此陝西一路已



翁然稱便矣然則青苗錢之放乃所以救常平之失而修耕斂補助之政也古者民多則國強民少則國弱兵無非民故也宋自雍熙端拱以來西北多事朝廷爭言募兵既募征行之兵又募力役之兵大率非游手之徒則亡命之輩於是始聚百萬之兵而仰食於縣官非如漢唐之初有事則擐甲以隨行陳無事則服田積穀以廣軍儲冗而無制則老弱參半而不堪戰鬪聚而不散則偃蹇驕惰而易以爲亂而上下以爲得計方且盡用衰世

章介菴文集卷之三

四

措刻之術劍吾民以啗之及不可用則又爲之俛首以事驕虜而使此輩自安於營伍之中況是時京東京西淮南諸路劇盜如王倫張海輩肆意橫行建旗鳴鼓官吏逢迎入城與之宴飲雖有番戍之兵如入無人之境兵制之壞莫甚於此此公保甲之法所由行也其要在於訓練齊民使皆可戰稍復府兵之舊以減募兵紓民力當時蘇東坡極言養兵之害而欲訓練州縣之土兵以省禁兵意亦如此然必幾何就緒乃以漸推之於天下始但

隸於司農以捕盜賊相保任繼乃肄習武事定其賞罰而隸於兵部其政令一聽於樞密蓋公所以計之者審矣民情莫不欲富亦莫不欲逸也宋至中葉役法大壞產破家亡視爲常事而衙前州役爲甚韓絳則言民有父自經死冀免其子逐嫁祖母與母折居以圖避免者司馬公則言自置鄉戶衙前以來民益困乏不敢營生多種一桑多置一牛畜二年之糧藏十疋之帛則已目爲富戶執充衙前吳克則言鄉役之中衙前爲重至有家貲已

章介菴文集卷之三

五

竭而逋負未除子孫既沒而隣保尤逮田地不敢多耕骨肉不敢義聚者然則當役之家出錢以雇役坊郭女戶品官之家斂錢以助役官又爲之賣坊場給閒田以克雇直固先王致民財以祿庶人在官之意也况公之爲是法也揭示一月民無異詞乃著爲令令下之日物情大快於是始行諸天下而亦各從其便以爲法此則雇役法之大畧也諸路上供歲有定數年有豐凶故出辦有難易道有遠近故勞費有多寡典領之官專務取贏內紓

不相知饒乏不相補四方有倍蓰之輸中都有半價之鬻徒使富商大賈乘公私之急以擅輕重斂散之權而農民重困國用無餘於是均輸之法行焉先王之於商也未嘗不欲抑之以懲游末亦未嘗不欲厚之以通貨賄其於民也固嘗補助於耕斂之時又欲周給於祭祀喪紀困迫之日此周官泉府之法所以爲厚也今雖萬室之邑然貨之滯而不售民之欲賒且貸者已不貲矣而況都會之地哉公之所以創爲市易之法者固將抑兼并以

章介菴文集卷之三

六

厚商賈備經制以利民用而必量取一分二分之息者亦欲其仁可繼爾諸監既廢賦收地以佐芻粟諸兵騎戰仰給市馬而義勇保甲之馬復從官給番部養馬既不常行各邊市馬又患不足此戶馬保馬之法所由以行也然戶馬則蠲科賦保馬則蠲征役而馬又皆從官給也藉使猶或少屬於民則亦斟酌修政之而已國固可使乏馬馬顧可使獨在邊番而成周丘甸所出之馬豈皆官養之邪若夫熙河一帶西控吐番東蔽涇涼夏人右臂

實維茲地若使彼聞而取之則豈惟廊延一路不解甲哉將秦隴復受兵矣而西域之不可通無論也此公所以銳意於王韶之策歟宋之於北虜雖慚於納賂亦怯於用兵惟怯故彼得肆無厭之求惟慙故此常懷回恨之意然既不能攻之以雪其慙則亦驕之以圖其後未有不能攻之又不能驕之而唯圻以幸目前之安者此公所以割地與遼且曰將欲取之必固與之也他如銷并軍管修復水利罷詩賦頒經義與夫方田之法之類雖若紛

章介菴文集卷之三

七

然並出於一時然君以堯舜其民之心堅主之於上臣以堯舜其君之心力贊之於下要皆以爲天下而非私已也詔臣若能原其心以議其法因其得以救其失推廣以究未明之義損益以矯偏勝之情務在協心一德博求賢才以行新法宋室未必不尙有利也而乃一令方下一謗隨之今日閔然而攻者安石也明日譁然而議者新法也臺諫借此以賈敢言之名公卿藉此以傲恤民之譽違方下吏隨聲附和以自托於廷臣之黨而政事之

堂幾爲交惡之地且當是時下則未有不逞之民  
指新法以爲倡亂之端遠則未有二廟之使因新  
法而出不遜之語而縉紳之士先自交構橫潰洶  
洶如狂人挾勝心牢不可破祖宗之法槩以爲善  
其果皆善乎新創之法槩詆爲惡其果皆惡乎抑  
其爲議有一人之口而自相牴牾如蘇穎濱嘗言  
官日借貸之便而乃力詆青苗錢之非司馬公在  
英宗時嘗言農民租稅之外當無所與衙前當募  
民爲之而乃力詆雇役之非蘇東坡嘗言不取靈  
武則無以通西域西域不通則契丹之強未有艾  
而乃力詆熙河之役之非又如已非雇役不可行  
而他口又力爭雇役不可罷之類是也有事體相  
類自來行之則以爲是公行之則以爲非如河北  
弓箭社實與保甲相表裏蘇東坡請增修社約并  
加存恤而獨深惡保甲法之類是也青苗錢之放  
專爲資業貧民不使富民乘急以邀倍稱之息司  
馬韓歐諸公既極言此錢不可放則亦求所以抑  
兼并而振貧弱可也乃徒訟此之非利而不顧彼

之爲害何邪蘇東坡論雇役至謂士夫宣力之餘  
亦欲取樂若厨傳蕭然則似危邦之陋風恐非太  
平之盛觀似此之類既非真知是非之定論亦非  
曲盡利害之詳謀宜公槩謂流俗而至之益堅行  
之益力也一時議論既如此矣而左右記注之官  
異時紀載之筆又皆務爲巧詆至或離析文義單  
揭數語而張皇之如三不足之說公之所以告君  
者何嘗如是也然則當時所以攻新法者非實攻  
新法也惡公而求反其法爾昔者桓公舉夷吾於  
士師而委之以國夷吾乃爲之作內政興鹽筴委  
幣以斂州縣之穀守準以御輕重之權舉齊國之  
政而更張之太半且曰國之重器莫重於令虧令  
者死益令者死不行令者死畱令者死不從令者  
死桓公卒賴其計以成九合之功子產之相鄭也  
使都鄙有章上下有服田有封洫廬井有伍作邱  
賦制參辟鑄刑書舉鄭國之政而更張其大半雖  
國人孰殺子產之誦叔向將亡多制之書士文伯  
火未出而作火以鑄刑器不火何爲又六月火現

而鄭果災之先見明驗亦銳然行之而無所疑異卒之鄭賴以安雖晉楚之強莫能加焉又其下如衛鞅之於孝公盡取秦法而更爲之盡取秦民而束縛馳驟之雖甘龍辨說之煩秦民言令不便者以千數而鞅終不爲沮卒之國而大治諸侯重足屏息爭西嚮而割地彼數子諸侯之貴臣爾然皆以其計數之審果敢堅忍大得逞於其國而公以世不常有之材當四海爲家之日君臣相契有如魚水乃顧落落如彼者時勢異而媚忌衆故也夫

車介菴文集

卷之三

十一

國內多故四竟多敵譬彼舟流不知所屆惟才與智衆必歸之此管仲諸人所以得志也宋之治禮本涉優柔真仁而降此風寢盛士大夫競以含糊爲寬厚因循爲老成又或高談雅望不肯破觚解擧以就功名而其小人晏然如終歲在閑之馬雖或菽豆不足一旦圉人剪拂而燒剔之必將超然蹄而斷然齧當此時而欲頓改前轍以行新法無惑乎其駭且謗矣公之所以不理於口者此也賈誼年少美才疏遠之臣慨然欲爲國家改制立法

當時絳灌之徒雖甚害之而未至若是之甚者以誼未嘗得政而文帝直以衆人待之也公令問廣譽傾一世既已爲人所忌加以南人驟貴父子兄弟蟬聯禁近神宗又動以聖人目之而寄以心膂及橫議蠱起公又悍然以身任天下之怨力與之抗而不顧公之所以不理於口者此也古人自修身正家以至治國平天下莫不有法而懿德善道實行於其間未有捨法度而可以爲仁義者也或乃謂公不務其本而專事法度然則孟子不以仁

車介菴文集

卷之三

十一

政不能平治天下之說非邪古者水土初平卽底慎則壤以制國用周官一書理財最備而大易明著理財正辭禁民爲非之訓蓋古之人未嘗諱理財也後儒始忌諱爾而或病公專言理財然則國非其國可耶宋之儒者大率據經泥古尊三代而羞漢唐至有欲復井田封建之法者然亦幸其未試爾如其試焉能不如公之叢謗乎當時若伊川在朝其事權視公不啻十分之一而已不勝其醜詆之多則於公又何言哉元豐之末公旣罷相神

宗相繼徂落羣議既息事體亦安元祐若能守而不變循習日久膏澤自潤孰謂非繼述之善也乃毅然追懋必欲盡罷熙豐之法公以眩眩之藥攻治之於先司馬公又以眩眩之藥潰亂之於後遂使國論屢搖民心再擾衷想當時言新法可不罷者當不止於范純仁李清臣數子特史氏排公不已不欲備存其說爾不然哲宗非漢獻晉惠比也何楊畏一言而章惇即相章惇一來而黨人盡逐新法復行哉悲夫始也羣臣共爲一黨以抗君終

章介菴文集

卷之三

十三

也君子小人各自爲黨以求勝糾紛決裂費時失事至於易世而猶不知止從古以來如是而不禍且敗者有是理哉公昔言於仁宗謂晉武帝因循苟且不爲子孫長遠之謀當時在位亦皆倫合苟容棄禮義捐法制後果海內大擾中國淪於夷狄者二百餘年又謂可以有爲之時莫急於今日過今日則恐有無及之悔由此觀之靖康之禍公已逆知其然乃苦心戮力不畏艱難不避謗議而每事必爲者固公且天未陰雨綢繆腐戶之心也况

熙豐之用章惇公爲之也元祐之用章惇亦公爲之乎而古今議者乃以靖康之禍之獄獨歸於公無亦秦人梟輟參夷之習未忘乎口實者政事之本治亂之原也春秋二百四十二年之間諸侯卿大夫之心跡莫不詳其本末權其輕重而折諸天以正名義辟美惡功罪不相掩也夫是以天理明而王法著禮樂刑政可得而措焉由公而前若唐晉兩漢之世由公而後若崇觀宣靖紹興開禧之間大臣之賢不肖可知也然或幸而得免於司寇

章介菴文集

卷之三

十三

之議或雖議而未盡其罪或適得本罪而未誅其意乃公獨以體國之忠救時之志而衆衆惡皆歸之謗使後世幹蠱興事之臣戒於覆轍而妬賢嫉能之輩引以藉口此吾所以痛悼於千萬世名實之不正也雖然公亦不得無罪焉夫天地之道浸言以漸也況於人事哉而公乃謂論善俗之方始欲徐徐而變革思愛日之義又將汲汲於施爲坐此蔽而欲速之弊不免矣古者謀及乃心謀及卿士謀及庶人謀及卜筮聖人於革之時必以已日

乃孚革言三就爲訓而公乃謂以物役已則神志有交戰之勞以道徇衆則事功無必成之望坐此蔽而自用之弊不免矣當世之患上之人畏下太甚而不能果斷下之人持上太急而動生謗議公之意見偶蔽於此故於異議之人槩以讒說罷之然禹臯吁咈反以相和周召異同不妨共政公不以此自勉而欲以誅罰勝之豈子產安定國家必大焉先之道邪公嘗謂洪水之患不可畱而俟人而諸臣之才惟鯀優於治水故雖方命圮族而不

章介菴文集 卷之三

十四

能捨鯀其平昔議論如此所以不恤衆論而用章呂者亦曰姑取其才以濟吾事爾然豈有欲求善治而用小人既用小人而無後悔者邪數者公之罪也雖不無不幸於其間然律以皇極無有偏黨好惡之義誰能爲公諱也公之文集凡百卷邑以公重故集以地名自宋以來文章名家累數十往往退讓下風而莫敢爭 草廬日星海嶽之喻蓋定論也夫以公所立之高所任之大既如彼其文之不易及又如此徒以六中未協偏蔽猶存不能

不競不綏不剛不柔以通天下之志渙天下之羣故雖遭逢誼辟而沮撓牽奪之餘非惟不足以酬其堯舜君民之志反以增重異議者之勢使之勇於附和以抑蔽其君臣相與之至情正義於天下後世然則後之儒者其毋以影響未試之學而自許太過也夫其尙克偏去蔽以爲王治之本而毋以議論勝事實也夫或曰使神宗享國比於殷武而公之行政得如管仲將羣疑終不亡而事功終無成乎予曰嘻此予所以重爲公慨也此予所以

章介菴文集 卷之三

十五

知天之無意於宋也不然以彼之君臣乘崇高富貴之勢而久於其道乃顧出齊桓管仲諸人之下耶

王東石先生文集序

介菴子曰文之名一也而所以爲文者異有天地自然之文四時之所以行百物之所以生八風之所以協八音之所以暢圖書之所以呈與夫人倫物理經緯鉅細故見昭存者是也有圖象之文伏羲之卦倉頡之字史籀之傳濂溪周子之圖有其象而無其書者是也有言辭之文永長之而爲歌詠演繹之而爲撰述博綜釐叙之而爲紀載如易書詩春秋禮樂之類是也有器數之文若車旗數章介菴文集卷之三 序 十六

冕衰麻簋簠圭幣之等與夫規矩準繩鍾律璣衡鳴球欽器之類是也天地自然之文尙矣其餘雖皆創始於聖人稟法於天地然惟言辭之文取之至近而其用至廣非此無以體天地之撰也非此無以闡圖象之秘紀數器之詳也是故道陰陽者莫辨乎易道政事者莫辨乎書道性情者莫辨乎詩道名分者莫辨乎春秋道節文之美中和之極者莫辨乎禮樂若夫繼百聖之緒道六經之蘊以教天下澤後世者莫辨乎論語大學中庸孟子教

者天下之至文也其覺斯民也若日月五星然其濟斯民也若水火山土谷然不可一日而無者也自戰國而下歷先秦兩晉漢隋唐宋以迄於今其間作者代出然繼孟子而作者其人可知也是故稽天之時察地之理研物之情窮搜橫抉悉於言焉發之而卒本諸道德仁義以名其家此志於不朽而務爲文者之文也精明純粹之實既已克積於中而天命時遇又方交迫於已而不容少釋於是乎發揮以覺天下盡民利立世坊此不必於文而

章介菴文集

卷之三

序

十七

不能不文者之文也是二者聖賢君子之所有事也外此而文焉吾見其技焉爾已技則何所不至何所於用者金谿東石先生早以明經高第射策甲科踐歷兩京爲時名卿大夫中歲乞歸養其親自溫清定省之外日與其徒講習周孔之業存心以立本審幾以求端察吉凶悔吝之故考經史百家之說以精義而致力於微彰剛柔視聽言動之際以廣業益並宗朱陸貫本末而立大中者也及今二十餘年矣化險爲易脫繁趨簡駸駸乎同歸



而殊塗一致而百慮也聞嘗誦讀其所爲詩書序志辨論等作體裁雖殊而本諸道則一雖渙然之光蒼然之色穆然之聲未暇窺測而平實闢深縝密疏明本統而翊聖言則自秦漢以來竭力以繼孟氏之志而述其事者未容輕以取舍也故竊謂東石學道者也非務爲文者也而其所著者乃如此無亦有所迫發而不容已耶悲夫士私其學日新月盛天地之心古人之情將不可得而見治孔氏之說者夫誰若是忍也獨東石乎哉世之學東石者如使執其私安其故勦焉以時俗所尙自悅則已矣如欲探六經語孟淵懿達於天地自然之全文於以一道術而昌德業則斯文也非所謂行遠必自邇登高必自卑者耶東石子璠金谿邑庠黃文龍將梓其文而請叙於予予無似姑道其梗概如此雖然孔子曰文王既沒文不在茲乎孔子大聖也猶若有遜避於此而况吾徒乎然則東石之於文固將惟日不足以終其身爾是爲叙

章介菴文集

卷之三

序

十八

刻大儒心學語錄序

金谿東石王先生晦養潛修久矣研精覃思其纂舉要稽宋與我朝諸儒論學切要之言凡若干卷題曰大儒心學語錄巡撫中丞安州印臺傳公見而悅之屬吾郡太守嘉禾橫山顧侯刊置郡齊便傳布也既成侯以公命徵予序序曰心學者道學也昔者夫子刪詩書定禮樂作十翼以明易修春秋以寓王法其覺天下後世心學之言明且備矣至其講學於洙泗之間七十子皆身通六藝繼志章介菴文集卷之三序十九

速肖之英也然自論語孝經之外可見之言無幾自顏曾若有若游夏數子之外得聞其言者亦無幾是亦可謂含章括囊不易其出矣乃猶以爲未足而曰予欲無言何其與他日刪述之意異耶蓋嘗聞之道即心也心即道也窮萬有之物盡萬變之時究極乎往古來今天地人物感應屈伸生生不已之妙用以至於一塵之微一息之頃無往非道則無往非心無大可外矣無小可內矣無高可過矣無深可遺矣是豈待現而後章言而後顯哉故

曰天何言哉四時行焉百物生焉天何言哉又曰  
天有四時春夏秋冬風雨霜露無非教也地載神  
氣神氣風霆風靈流形庶物露生無非教也聖人  
所以欲無言者職此故也然惟聖人爲能合天地  
萬物內外遠近精粗而一之以心而人不皆聖人  
也大賢具體而未化故入聖域而不優小賢得之  
而未化故或謂之智或謂之仁其下則日用而不  
知爾然則雖有顏會之賢苟微四勿一貫之訓猶  
或不免望洋之嘆也況其下者而無言焉將不

章介菴文集卷之三 序 二十

而聾瞽乎是故以天而言者至聖之事也六經論  
語孝經所以體天地之撰以德而言者大賢之事  
也大學中庸孟子所以發聖人之蘊天力強而途  
轍專神明生而法象著由是而言焉者賢人君子  
之事濂洛以來諸儒所以建圖屬書探淵源議瑕  
疵挫枉天災老死而不倦者也而東石先生尊信  
表章不遺餘力中丞公與太守而較梓以惠多士  
其用心與孔孟諸儒之心一爾拱壁駟馬詎足爲  
多哉雖然泰政坑焚之餘皇皇六籍寄命於山巖

屋壁之間迨後挾書除禁寫書置官卑卑齊魯諸  
儒乃始噓烟吹燼掇拾而補綴之於時蒼書繡象  
之文僅存十一於千百然而天精聖諦驟見端倪  
薦紳之徒交相慶忭以爲至寶增修潤色惟恐其  
未至欽崇珍護惟恐其不周師專此以名其家弟  
專此以世其業太常博士專此以教人郡國朝廷  
尊此以擇士延謀集議專此以決疑莫或慢而不  
尊傷而不信也今六經四書之外稱述道德之書  
盈天下自國都以及間巷雖學究之微拚播視矚  
章介菴文集卷之三 序 二

之章語及夫子所謂性與天道往往累牘連篇捷  
於倒囊然耳聞之未必得諸心口誦之未必研諸  
慮嘗試爲之而未必欲守之以終身見之於行事  
其卒歸於借資假道衍文華鈞聲利而已此其侮  
聖言而窺道術豈特聖賢之罪人亦漢儒之罪人  
也然則無言之喟其爲後世慮至深遠矣讀是錄  
者尙無蹈覆車之轍尙思所以稱蒐輯刊布之意  
哉不然豈曰負人亦自負者大也是爲叙

恩光世紀序

大中丞印臺傅公以其歷官以來所奉璽書暨父母與妻先後所得封贈誥勅附以中朝兩浙八閩江右士大夫壽其尊甫封君筆山先生序記詩歌賦頌等作梓成一帙登爲敘卷名曰恩光世紀而命予序諸首簡辭不得命序曰恩光者君恩也君恩所在榮耀隨之君惟有恩乃可以勸臣下之孝臣惟克孝乃可以承君上之恩君臣相與之義孝治天下之道茲焉備矣雖然孝子之於親孰無尊

章介菴文集

卷之三

序

二二

顯之念哉然才有適用者焉有不適用者焉才適用者有過時者焉有不遇時者焉遇時者有有終者焉有不終者焉公楚產也今天子龍飛古郢公以帝卿之彥首第賢科奉妻雖階感會非常且其氣克其識遠其襟抱開豁若雲夢洞庭并吞萬派不可涯涘其洞達宣暢若倒江漢而東之奔放疏濯全無壅滯是故宰鉅邑則百里父安踐葦端則風采凝峻司臬事則百度貞肅來旬來宣則惠澤淪洽乃今以御史大夫宣力於外我江西之凋瘵

方蘇而武威之振於邊陲者尙爾旁魄焉其蹤跡之所及西涉沙肅東暨齊魯南臨甌閩吳越中盡淮汴豫章舉職方所載不啻十之六七其政化之所被若文流若武弁若章縫之輩鱗介之士若西北裔漢之族羌狄款塞之首海外朝貢之使紛乎不可以數計夫其更歷之多樹立之廣遭逢之盛如此蓋治必須才而公之才兼萬夫者也夫是以有清軍伍督兌運巡海備邊總糧稅與夫巡撫甘肅江西諸勅詩謂廉事不爲其公之謂乎治必

章介菴文集

卷之三

序

二二

尙功而公之功當時之選也夫是以初有封父爲儒林郎母爲安人進階文林郎封妻安人之勅繼有贈父爲中憲大夫都察院右僉都御史母爲恭人及進階中憲大夫封妻爲恭人之誥書謂功懋懋賞其聖明之謂乎由此觀之公顯親之念之孝與人同而才之適用則與人異適用或與人同而遇之殊絕則與人異遇之殊絕或與人同而自筮仕至今幾三十年不少衰而愈盛則與人異然則孝者人也而才之適用則天也用之使究其才以

全乎天而顯其親成其孝則君也知才之出於天則天之休命不可以不順順命而才益弘矣知孝之成於君則君之深恩不可以不懷懷恩而孝益章矣嗚呼九若茲我公之孝不亦大矣哉斯紀也有限量矣是爲叙

望雲祝壽序

邑子全儀友人全時彥子也時彥今年六十矣由  
緣史官留都爲郎儀欲往爲壽而繫於家累乃繪  
圖爲軸詰予請言將馳以獻焉曰望雲者猶梁公  
之意也予重違其請叙日子之於親通乎一氣而  
分於一形其愛慕之情嚴敬之意要皆天實爲之  
而非人力所能與今夫晨而興焉燂潘而請饋暮  
而休焉燂湯而請洗時食焉而佐饌時寢焉而溫  
清時起居焉而扶持所以樂而安之者似亦幾矣  
章介菴文集卷之三 序 二五  
然仁人孝子之心未嘗自以爲足也矧際建於天  
里之遠而曠禮於稱壽之日哉宜乎儀也迫於天  
而思托於予以自快也雖然書曰凡人未見聖若  
不克見既見聖亦不克由聖言遠則敬慕而近則  
忽忘也惟子之於親也亦然情或奪於事勢命或  
制於他人感彼集菴念茲靡盬梁公之惻誰孰無  
之然及其同堂序而聯稱俎則愛敬於始而忽忘  
於終者多也此無他遠則思望切而良心動近則  
恃狎深而德性懈故耳儀也誠能因是而反求之

雖他日樂於會聚而不忘今日別離之苦雖他日  
易於爲孝而不忘今日爲孝之難念其苦因益篤  
其樂思其難因益圖其易則所以廣心而媚親志  
以昌聖明孝治之風者尙未涯也盍亦勉乎哉若  
夫時彥之平實以宅心圓融以制行智足以裕周  
身之防信足以篤廣交之義所以迓繁休而自貽  
永命者凡與游者皆知之固不待予竊竊也是爲  
叙

萬里迎親詩序

吾友傅殷重其嚴親 齋先生年耆艾而久客於  
滇惟其母老孺人在堂殷重恒以子職不修不能  
兼致孝養爲已罪每於燂湯請饋之余時而進膳  
母食之而適於口時而具衣母服之而適於身退  
則悄然謂其家人曰食其甘旨乎衣其輕煖乎吾  
母悅之而吾父遠在數千里外望雲而關山無極  
憶年而歲鬻如流若之何而能致之天下有無父  
之人乎吾忌也於是請命於母將往迎以歸既得  
章介菴文集 卷之三 序 二七  
命則請於太司訓請於少邦伯僉以干戈靖難叙  
歌廣響朝議方欲復賓興之盛典叔釣鼎之弘材  
殷重學聞古道材通時務宜舍定省之小以全尊  
顯之大力止之而請益堅甚則噬嗑不能言然後  
知其迫於天而不可挽之以人若於性之所固有  
而不可泥之以分之所本無也於是領公劄戒僕  
夫卜日就道同志之士相與哀詩於冊以饒其行  
蓋一以慰其想母之情一以壯其遠行之志也而  
命予序其事於前嘗聞諸莊子曰子之愛親命也

不可解於心故孝子之於親凡可以盡其心者無  
所不用焉嚴慈在堂班衣戲舞富貴焉鐘鼎之供  
貧賤焉而菽水之奉極力以營辦柔色以肆將然  
而一日之晷不足以輸其一日之情枯魚啣索先  
集維穀之憂恒恐恐也矧二親無恙而孝養之誠  
乃獨專於母而不得致之於其父如吾殷重者亦  
豈仁人孝子之華哉雖然比之於予則尤有幸焉  
予年十歲餘先君子遺世後八年而母氏亦繼沒  
雪丁孤苦至於今日粗知所向而吾親不逮矣每

章介菴文集 卷之三 序 二八

味歐陽子祭之豐不如養之薄之言未始不痛心  
而疾首豈若吾殷重之親雖睽隔於暫時而可期  
其復合於他日雖曠其養於已往而尤可補於將  
來哉知予之不幸則知殷重之尤為幸知予之可  
哀則知殷重之尤為可樂也殷重勉乎哉百年而  
影靡孝或有不及不遑其往而式過其歸使二親  
有相聚之樂而得以並致其愛日之誠則必有不  
羽簫樂而自樂不茅土封而自裕者矣此古人所  
以樂而忘天下也殷重勉乎哉或曰殷重術業於

庠固將咀經子之華攻進士之文以待善價於時  
卒而摠其經濟之蘊今茲之行道阻且長艱危勞  
勩窮於外悲憂駭愕動於中氣以事耗文亦隨之  
不亦妨於所學而屯於所往乎予曰學學所以為  
忠孝也文辭藝焉耳殷重志於孝聖賢之所謂學  
也孝立而忠可推異時求忠臣其能舍孝殷重乎  
何患其不利也矧宇宙之內萬有之形萬變之狀  
莫不取精於天地古之為文者往往資之以為助  
若子長諸人是也殷重今乃山臨汝歷彭蠡雲夢

章介菴文集 卷之三 序 二九

九嶷三峽以達於滇見其巴寶笮峩峩形異態而  
馬伏波之遺烈與我沐黔寧之休風茂實又皆足  
以甯心目而動觀感於是易氣以取之曠度以蓄  
之廢形骸以達其機潛精神以窺其妙則見愈博  
而理愈明助愈多而氣愈昌安知于歸之日不有  
續史記以成書者乎然則斯行也將以成其孝而  
忠與文隨之矣君子不當如是耶因舉酒而觴之  
曰美哉斯時也思與子而一兮是為序

送通守林侯陞判福建鹽司序

夫鹽鉄之於國大矣人而無力則不能運棹國而無鹽鉄則自夫祿諸藩廩百吏養軍旅之外田賦之入者無幾矣安能壯國家之軀幹而震中夏制四夷備非常哉是鹽鉄者國家之力也此力不完何以能國乎三代以上其利藏於天地三代之時稍稍泄而布之於國然私於民者多矣封山而祭伐菹薪以煮海水則自管仲始也於是其利始一筦於國而民或歎焉漢之文帝躬修儉約祛其弊

章介菴文集

卷之三 序

三十

而更張之乃令民得以鑄山煮海由是強宗劇俠暗要利權以武斷鄉曲陵轍貧弱而死罪黥罪不勝積下矣然而鹽鉄之利一筦於國不可也皆歸於民亦不可也唐宋以來始建官專領其事蓋所以消息其饒乏而均利並濟其法善矣我國家因之凡斥鹵之地坑冶之場皆官自經理領之以使倖之以判於是其法益詳其利益廣百五十年於茲國力裕而民用給四夷威而中夏安良有以也乃正德十五年晉撫通守南海林公陞判福建鹽

運司時公與有靖難功獻俘闕下踰年始遷府治庀裴諷吉行且有期合郡之士感公作養之深而苦其不可留也相率請言於予以贈其行竊謂管子曰十口之家十人咍鹽百口之家百人咍鹽王莽詔曰夫鹽食穀之將故夫鹽用之廣鹽利之重也尙矣重利所在百巧伺焉苟綜理之方少疎則老胥黠吏得無破眵而過取於下乎富商巨賈得無慙厄而闌出於上乎過取於下則賈踊而民困闌出於上則課減而利窮有是二者司其利者之

章介菴文集

卷之三 序

三十一

過也公明足以燭而不過於察剛足以斷而不失於躁慮足於周而敏捷之才又足以幹辦之而無遺然則茲行也將見鹽法修而鹽利廣矣試使得如公者數輩以視天下之鹽而領鉄者往往得若人焉則國力豈有不裕而其爲益豈可嘗哉此在廟朝固已熟計而優爲之而區區之意固不欲公獨賢也



秋江送別序

昔仲尼生於周末天網縱人絃弛於是假魯史而作春秋春秋傾否之書也先儒說是經者有曰經世之大法又曰窮理之要有曰非理明義精殆未可學又曰必優游涵泳默識心通然後能造其微嗚呼方策徒存朱弦絕響神交心契以免於畫筆擬化工幾何人哉麻城彭君夢弼以春秋家傳鳴于湖藩今年春吾師南海葵坡梁公與君之鄉達吾邑少尹武公協謀敦聘延於庠舍含奇擢穎之

章介菴文集

卷之三

序

三

士環閣聽講者閭閻秋秋現眩設映君囊傾瀾倒大侈厥施引其端使之繼其志逢其機使之竭其力調停之以裕其所得利導之以果其所趨至於經義則擴撫公穀蒐羅左氏而規矩於胡傳高探溟滓下盡糟粕顯者窮其微常者推其變浩博者綜其綱繁願者理其緒例同者究其指之異例變者參其指之同鑑縣表立日改月化皆克乎其有得也彭君其殆深於春秋者哉居且六月矣潭潭有歸志乃八月初吉送別於文昌之堰天風吹恍

三老戒事衰時以葵坡之命周旋觴豆間曉諸腐弟類皆皇皇如不及章章如有失蓋深苦其合之未久離之甚易而師匠之無賴也乃避席而言曰離合之際人道之常矧彭君侍養之曠桑梓之隔其志容可挽哉惟昔南軒送晦菴詩曰朝來出別語已抱離索憂妙質貴強矯精微更窮搜古人情不滯於相違而業期於可大如此彼誠知夫形交有限神交無窮也群彥於彭君有師弟之義盍亦尊其所聞奉以周旋食忘晝簡寢廢夜釘不使行

章介菴文集

卷之三

三

僻而堅言偽而辨者將以倚乃身遷乃心則焚燭之間儼吾師也盍簪云乎哉且彭君之歸又將偕計續食欲徇南宮群彥果能企而躡之則蓬山之下芸館之前樞趨豈無期也尙相與茂之哉予言既葵坡諸公皆以爲然遂命書之以爲秋江送別序

送陸貳守父回姑蘇序

正德十四年姑蘇陸侯以名進士坐言事由刑部出貳撫州時逆藩構亂江西諸郡公私殫弊民嗷然喪其欲生之心侯至訪疾苦疏條約諸不便於民者櫛理而解之徧下符牒告諭父老使及時展力字幼孩遂雞豚以無遷其業損上供物料十之三以歸於民郡賴以息自是噓枯藥瘵寢還舊觀侯於是慨然謂諸僚案曰祿歸於親身歸於君盡其勞於國察其情於家古人之人遭時多艱而

章介菴文集

卷之三

序

事與願違苦於此者多矣今幸聖天子在上鑒凶門禡牙旗驅雷霆而南下逆黨俘縛而吾撫之民又將有幹有年於茲矣矧姑蘇臨汝皆禹貢揚州之域乘輅傳策販馬者往來相續非有閭閻罷麗之阻阨顧瞻白雲每懷靡及若之何能安席也於是諷教日戒下史迎其尊府封君先生就宦邸而養焉既至侯所以事之者益嚴所以樂之者益盡其道每令圉人導安車出近郊聽先生所之而不焉遇村落則延見父老咨民利病以詔於侯詞未

謂先生之謙厚而不紐於驕如此先生之不亢於高而能比於衆如此先生之不挽於官而能成其子之善又如此宜其有今日也居無何驟然窮桑梓之思乃七月哉生魄餞別於文昌之齋酒數行廷用等竊惟侯之爲郡也以興學古文淑人心正風俗爲世道無窮計故廷用等雖猥瑣樸學每假以優容待以峻禮學徒由是知所以事師之道而推賢鄙夫亦知師儒之官卑而不可玩冷而不可賤相與敬仰而知所興起其有德於吾

章介菴文集

卷之三

序

三五

曹甚厚及先生之來而端輓範樂教育翊化機之道所以申誨之者又詳且切焉今茲行也情其有旣耶乃引滿而祝曰天道助順鬼神福謙惟日新不已俾緝熙於純嘏又引滿而祝曰先生其益仰於德益勤於訓使侯恒無變其初務究其德而惠其師以結天子之知而申其寵命先生起拜曰敬受命矣弟弟子員章衮實司將命之事乃命書其顙末爲序而并命工繪圖於下方

送伍憲長拜廣西右轄序

今上宣亮訪落於茲六越月矣制若曰惟天立后  
寬綏四方粵若大猷時爲任賢聽茲百粵述在要  
服外選交趾內雜夷獠山箐毒霧梓礪時管汝一  
二大吏其簡在服勛望宿茂往牧其地以頌弘志  
於是今江西按察司荆南伍公實廣廣西右方伯  
之選先是逆藩構亂公以良二千石首倡大義摧  
陷南清休聲震於函夏方將論功行賞以風世道  
廟議未諧而先有是選是以拜命之日僚采之士

章介菴文集卷之三序 三六

輟私相語曰公之才望名天下功業在社稷宜入  
而管握樞機繩架百工以佐明天子維新之政片  
以旬宣之職去國萬里而不得與三事大夫依紫  
垣之光參帷幄之謀徒能展其所得於偏方一隅  
之地公無乃不諫乎亥竊解之曰徇義之士不以  
利鈍而忘其自立之心畢命之臣不以遠近而廢  
其效節之志故益於民不必利於己嫌於志不必  
便於身裨於國不必近於君崇於功不必亢於位  
也古之人如召公懿德而循行南土山甫桑嘉而

賦政東方爲是故耳公之大父 先生歷官郡佐  
卽休田里清風雅望激揚士類公幼而得於家施  
者多矣繼以明經高第奉對大廷出而推邦刑于  
江左於是貴戚兼併則峻法以繩之棘棘樹立蒙  
右屏氣中忤權奸翁舌思嚙軼軼侘僚恬然而歸  
珪組之華龜毛兔角耳於公之心何係累乎及其  
來守吉也旄頭旦天禍延紳珮公獨爲孫許二公  
憤爲綱常萬世慮折矢誓天志平叛亂義師東噪  
元惡成擒當是之時迅機可以倒鄱湖忠憤可以

章介菴文集卷之三序 三七

據廬阜夷險成敗於公之心又何計也夫以廉白  
之家學英毅之天資發而爲鏗鏘炳耀之事業有  
肅將王度之貞有不畏強禦之剛有樂義知命之  
識有忘軀犯難之忠有應機濟險之智其才其德  
要皆出於尋常萬萬也公非徇義畢命者歟然則  
茲行也吾知其亦惟求益於民嫌於志裨於國崇  
於功而已世俗所觀望而欣欣者皆非公所容心  
也矧朝廷腹心也方岳四肢也爲天子宣布德澤  
以安元元而康其四肢亦既足以行其學矣而若

廟策助指日且召公也公亦何不豫哉時諸僚  
皆以予善爲然或以告公公亦曰謹受教蓋亦以  
予爲知已也遂相與擊鼓傳觴餞公於江濟而併  
書予言于帳是爲叙

贈張東滄司教弋陽序

福建張中夫之教臨川也刊華以崇雅履信而黜  
浮君子曰知立本矣晨夕闡微詞訂疑義剔冗蕪  
而標精蘊以應諸生之所求君子曰知自強矣博  
喻而曲成因勢而利導引以所安投以所好使之  
從新如歸捨舊如遺以各得其性之所近君子曰  
知孫施矣於是臨川之士薰而化感而興者蒸如  
也今嘉靖七年秋銓部以年資擢掌弋陽縣教出  
祖且有日有愛而私之者曰士之仕也非苟自利  
章介菴文集 卷之三 序 三九  
而已也將行其道以樹勲於當時而垂光於後世  
也然事與位並業與權偕位之不亢權之不重而  
欲行其道以昌其業也難矣方今內外之官位卑  
而權輕如學職者能幾何哉惟聖明篤意人文崇  
尚師儒非辟舉及科貢之士不以銓既銓而績效  
著焉其遷轉之序往往與登進士科者埒上之爲  
臺諫次之爲部寺屬又次之亦不失州縣長吏之  
職以故有志之士家貧親老而仕者多屑就焉夫  
固有待而爲之也非以其可以樹勲行道盡平生

之分量而將終身也今張君勤於吾臨川之士者九年矣亦既被知當路矣亦既歷典文衡矣乃獨不得並駕才賢陟華要在司牧僅轉一學諭而已然則積雖厚莫究其用中雖閎莫肆於外斯也得無重有嫌於中已乎予曰諳有是哉君子之於天下也志之所欲爲者無窮而力之所能爲者有限故狹夫建事必出於已智者樹功恒因於人君既以其所學作臨川之士而興之又舉此加彼使弋陽之士亦若是焉繼今二邑之彥褒然而脫穎嶺

章介菴文集

卷之三

序

四十

然而彙征內之爲閥輔爲臺諫部寺外之爲藩臬州縣粹之爲道德蔚之爲文章立之爲節概流之爲惠澤以熙帝載而贊王治於無疆皆君教成之效也夫宰相擇賢才以成天下之治而君育賢才以備宰相之求二者於世道吾未能有軒輊也故官教學則官非卑矣翊化權則權非輕矣考其所成至與相天下者均焉則非不足以行道而建功矣彼位宅公孤義關弼亮巍然具瞻反之而無可以自靖者相去何如哉君何爲不怡然就職也爾

何嫌之有論者唯唯而退君聞之曰章子知我哉其同寅及館下諸生亦以予言爲然請書以贈君遂書之

章介菴文集

卷之三

序

四一

贈太守蘇滌溪赴京述職序

盛治之世人無異行國無異政後世道德爲其所欲以自爲故政或速而遲遲而速勢手莫之能齊也若夫武健忍決以蒞官數周以深而節促以繁喜榮秋柯怒寒春谷顏色所嚮悍夫黠子奔走駭汗凜焉罔敢好其指是之謂速也然驅策煩而力耗矣束縛嚴而情壅矣提擻陵轢之事多而生意餒矣然則民安物阜風清弊絕之治可歲計而待乎否也斯所謂速而遲者也乃若稽實以待之隨取而酬之因勢而導之酌分量而消息調停之悶悶然無劫誘押闔之術可以馳驟乎民而責效於旦暮也無文具之美節目之詳可以商功程能而自喻諸人人也是之謂遲也然休養深而力裕矣優容博而情達矣扶持安全多而生意暢且克矣然則民安物阜風清弊絕之治猶耕而種種而穫可計時而待也斯所謂遲而速者也務於速者其吏必速化何則喜其速而忌其遲者多也務於遲者其吏必遲遲何則厭其遲而忌其速者

章介菴文集

卷之三

序

四二

多也是故速者吏之利也民之害也遲者吏之害也民之利也君子之於天下也必足其所願自待者常不滿其分寧人利無寧已利寧已害無寧人害然則遲而速者君子之所有事也我國家豐豫日久物情漸弛皇上應運當陽振蕩而操礪之大小臣工率作興事一時治體駸駸乎嚮於速矣然竊聞之天下之大有元氣焉善養之則實而不虛而其國常安有神氣焉善作之則張而不弛而其國常強二者如輪楹焉不可偏廢吾懼夫徂於速而反遲神氣雖作而元氣之養或忽也乃太守晉江蘇侯之爲吾撫也其規模節目要皆幾於遲而速者是可以風在位乎故於侯之述職也輒敢商論遲速之概而折衷焉以爲侯贈益以副侯同寅諸公之請又以驗今日之司政本而宰化機者使於遲速之勢知所持衡也是爲序

章介菴文集

卷之三

序

四三

贈金谿林尹赴京述職序

夫民之命受於天而制於君君一人耳治不獨成於是學而授諸吏然則民之命豈但制於君亦制於吏也自夫心學廢而吏道裂吏道裂而民命窮矣君之置吏也以裕民也而窮焉可乎哉甚矣心學之切於吏治也本末之不貫大中之不立學之爲文辭之工焉爲訓詁之詳焉爲記問之多焉爲鉤鉅押閣之巧焉出臨乎民而無可推以行也則詭譎而議曰夫若是其慢上而行私也若是其相

章介菴文集卷之三 序 四四

擬以力而相謀以利也若是其徇於爲奸而易於爲亂也於是乎秦越視焉虺蜴視焉智數之是矜力威之是騁而已積漸而習之驅頓而屈之民愚而莫之訊也懦而莫之違也粉飾具而莫之剥落也則憫然自詫曰吏治之道莫善是是亦足矣彼脂貌漆中者習見其然也則亦譁而和之曰是誠有治理效者也然徐而察之則事力耗矣物情闕矣芳華盛而津潤竭矣甚矣吏道之裂之弊也不準諸天不度諸人不根諸心惟詐力是用奈何民

命不窮且索也故夫民之未戾者非天與君之故也吏實未嘗知有心學之罪也心也者通天地民物而一焉者也致吾一而不二以一則存之爲至誠推之爲大順播而敷之爲美利揭而置之爲彝法本本而不分原原而不支至易至簡平軌民物而施無不當奚必鑿出多岐雜施屢變而若彼其紛紛也是故心學明而吏道一民生厚矣金谿撫屬邑其地隘其民稠當肝信二府之交其徵發科瑣視崇宜諸邑倍焉今嘉靖五年天子以南海林

章介菴文集卷之三 序 四五

君來治之君不矜智不任力以廉爲輿以恕行之以慎爲樞以果運之以勤爲棟以簡操之有所建置也惟其俗有所更革也惟其時小大之獄其弊也參諸法必均諸情式貢之數其取也用其一必緩其二居三載而邑中翕然稱治平蓋自昔吏蒞土而善者吏與之而民或否焉民與之而士或否焉境內之士夫吏民與之旁邑之人或否焉與之而無間然者君之外不多有也君殆優於心學而見夫天地民物之大全者乎不然何其居之安而



推之順守之約而成之博如是哉使寓縣之吏皆得如君者又豈但金谿之民有幹有年哉君吳郡太守桐岡先生之子其流之所從來者遠矣固宜其有是也今嘉靖七年冬群后述職君將誦吉比上邑文學暨弟子微予言以監其行故爲書此以見君他日大拜之非幸一以風吾黨之士使知學問之不可徒驚於外也是爲叙

贈臨川尹周梅厓考滿序

四明周侯宰臨川之三年江西撫按藩臬諸公以三載考績茲惟舊章檄之使如期乃八月初吉發程於臨川之許郡博士閻海汪公偕厥僚友率諸譽髦而餞焉以其邑人也且於侯有同年之雅乃請言以爲侯贈辭不得命則拜手而言曰朝廷新民之職令爲先守次之是以考課之法莫詳於令隸於府也府考之隸於州也州考之藩臬又得總府與州之所考者而概考焉然其考之也不過曰某也廉某也貪某也惠某也酷某也幹濟某也罷軟而已初不指其廉若貪爲何事也故於三載考績之期又使各陳其歷政辨集之詳於銓部以備參考防欺蔽而勸懲黜陟隨之矣利於勸而苦於懲惡於黜而樂於陟人之情也於是始有飾詐以要譽巧免以伺遷迂其中而矯於外者矣夫是之謂貌忠之臣貌忠之臣君子不與也臨川之爲邑也壤地隘而生齒繁科率多而物力薄加以東鄉逆藩之亂財殫力絀民命殆一綫耳侯至惓惓以

樽節愛養爲務舊戶鄉民繇役於官者往往僦居於市而并主其人王者利其逃且愚也因遂設間以掩之多方以誤之尋至租庸調之事悉以聽焉於是豪民黠吏相緣爲奸利孔百出民病日滋侯乃嚴市民忠實者十數輩使凡鄉民之繇役者主焉卽有徵發則備書其名數而揭之自是飾誣謾以相愚弄射厚利者無所售其奸而歲輸月辨力役之數減於舊者十三四臨川之民貧者佃富民之田而輸其租不足則稱貸於富民而償其息侯

章介菴文集

卷之三

四八

至凡吏民投書有言迺租而負貸者率置之不問卽問之輒斥以與貧民或謂先儒葉氏曰富民州縣之本而上下之所賴也使無豪奪於貧民則斯已矣如使私其田而不分閉其廩而不發民將何依乎侯曰吾寧寡多以益寡不忍坐視其寡而莫與益也君子謂侯無心過焉鎮守假以進獻索魚牙蕉刺必無之物因倍責其直以規利侯乃詳條其害而申論之卒得殺其數者侯之力也其他節財裕力振貧持弱之事大率類此若夫約已御史

之方綜理鈞錙之術徵於邦人之誦者又未可以枚舉也嗚呼承平日久法守漸廢巧宦之文盛而吏治之實衰誠若所爲殆所謂求什一於千百者也將非古所謂循吏者哉然則侯之見愛於士民被知於當路非幸也宜也今之條官庸以上於銓部非僞也誠也其賢於若輩萬萬矣雖然嘗問之易曰陰雖有美含之以從王事地道也臣道也故人臣無遂事而所終者王之事人臣無專功而所弼者君之功無遂事則不可以言勞無專功則不可以矜已侯之治行雖卓異如是然亦司牧者之常事耳非有所加也况篤分義者不見其有餘勤職守者常苦其不足侯實於此體信而博觀推類而致廣欲然自視而益求其所未至則自今以往所以光翊中興之業而普厥施於天下垂休光於億載者詎可量哉是爲序

章介菴文集

卷之三

四九

贈饒文明之京師

饒文明既畢藩司之役將之京師需選於餘部乃  
謁介菴章子章子曰夫利害之媒也榮辱之階也  
令名福之符也將利之漁將榮之趨將令名之圖  
文明曰令名哉章子曰志則貞矣匪學以適其將  
若之何緊楊子曰有刀者礪諸有玉者錯諸不礪  
不錯焉攸用以言質與美者天也反其質致其美  
者學也君子之學也近取諸身遠取諸天地萬物  
雖蟻蠕蛆沫之微苟效法前可以發志而勉德亦  
重矣

章子集卷之三

五十一

必取之以自益故以言乎外則不遺以言乎內則  
克而粹以言乎三極之道則凡矣夫自臨汝以至  
於京師其接於目而感於心者若地勢之險易風  
氣之剛柔俗習之儆惡輿情之向背治效之隆替  
財力之贏乏儀文之豐殺法度之弛張人物之臧  
否國論之是非雖輶轄萬殊然比而擬之則本義  
章矣因而裁之則理道興矣孰知其贊哉文明於  
是荷異以取之謙以居之貌以持之綜之以提其  
要參之以索其蘊積而久之引而伸之其有不

然畢達豁然昭踞者乎環堵之士終年佔畢而莫  
適於用其所見者狹也今乃觀群動之變而究切  
其情以揆道之中立事之準其有不沛然順施無  
往不利者乎其有不終以令名者乎令名立而宦  
業殷宦業殷而百順聚矣吾子勉之哉文明再拜  
曰謹受命君子曰文明儒家子其父以死殉東鄉  
之役其供事藩司以謹密結諸長貳之知可與語  
上者也彼撓取以逞而窳卮以潤者豈君子所樂  
與言哉豈所望於文明哉是爲序

章介菴文集

卷之三

五十一

贈永陽敏齋張子尹如臯

如臯爲泰州屬邑其任地任力之征與夫程於虞  
衡筭於離司者大率省於興化泰興諸邑而其俗  
之淳訟之簡則惟揚諸邑概未能先也今嘉靖已  
丑其貢子猷有事於畿輔友人金谿石湖吳子實  
亦以家艱去任每惜其施未究而尤幸來者之繼  
之也昔無何吾邑司教永陽敏齋張子奉命宰如  
臯其當下諸生胥造於庭胥請以言贈吾喜其得  
繼吳子以臯民也告之曰爲政之道有所因則易  
章介菴文集卷之三序 五二

濟無所藉則難成試使萃易治之民而以衰且貨  
治之利滅義刑代德枉直相入本末俱蠹後雖有  
善者亦豈能以無素之業反積成之弊以允升於  
哉今張子學足以待問德足以軌物才足以  
治邑之政折諸暴而正諸法其所蓄者亦既大  
矣而又有吳子者實先焉則於治如臯也不猶操  
大阿而剸鼎肉哉雖然嘗聞之政之體要寬與嚴  
而已寬之弊姑息弛縱民狎而不恭其上嚴之弊  
煩細苛急民蹙而不樂其生不恭其上則惠而不

懷不樂其生則威而不畏均歸於亂而何利之有  
是故君子之治也嚴已以風之明法以牖之信令  
以齊之疏節以畜之峻防以弭其惡後發以難其  
奸屢校以懲其咎用寬以嚴用嚴以寬政是以和  
民是以不紛紛此推無不準之道也豈獨如臯哉  
亦凡有位者所當勉也豈獨張子哉是爲序

贈寅長容齋詹老先生考績序

介菴子嘗南歷黔中東荆江左北涉兩淮所至訪疾苦察吏治則見諸事罕者類多條貫總總爾規模其就爾諭告纒纒爾然要之博厚易簡民可依以爲命者率數君子之外不多見也因竊嘆老成長者落落如此比來建寧乃又得吾鄱陽容齋詹公焉夫公之心以爲競名者蔑責任知者喪真與其煩令不如順民與其生事不如保常與其速成不如持久是故其治建寧也屏絕私饋禁止浮費

章介菴文集卷之三 序 五四

日求所以佐百姓而力行之科率數多民不堪命則綱銀鹽銀并入料銀八分之法行焉按籍徵糧避絕相仍則檢覈屯田存恤幼軍之法行焉欺隱詭寄貽患貧弱則清查丁糧之法行焉海舍險遠不便輸粟則折價轉糴之法行焉以至攬募侵擾勞逸不均非所以優民也我是以有查處驛傳之法事在得已時調舉贏非所以興利也我是以有城崇安之議若夫請復兵備公署於浦城壽寧以杜制險遠鎮壓鎮徒雖爲困憊者所格然地方

萬全之謀在廟朝豈可無也夫鈎稽之巧者來神明之稱勦擊之猛者擅鷹鷂之譽鼓舞奔走之捷文武科式之備者負才智之望斯實崇高之素資天下之通衢也公獨一無所競而日夜孜孜於休養簡便之政若無所爲而實無不爲若無所利而實無不利其終也民亦翕然德之有父之尊有母之親而惟恐其去視彼始而悅久而疑又久而厭且苦者甚相遠其信乎惻惻無華日計不足月計有餘者也公非所謂長者乎非有德者而能若是

章介菴文集卷之三 序 五五

乎抑三代而下惟兩漢盛時庶幾乎大猷然亦惟國任老成長者而已我明教行化洽百七十年於茲若復專用如公者以冀麗熙載於中外將見元氣愈強而根本愈固浸潤愈久而英華愈耀雖比隆三代亦無足異而非疎遠小臣所敢置議也乃今秋九月公以考績北上予與公雅相厚善重以僚采之故觀法益多焉諸同寅皆謂予不可無言也故不辭而序以體公之行

贈參將潤菴郭公行序

嘉靖十二年夏六月閩行都司潤菴郭公被召人掌東官廳事兼督練武營先是當寧軫念北虜徧蒐將才察使屢疏公名故有是命蓋特選也維時建州士民榮公之行者無虛口同寅鳳州羅子暨建安甌寧二尹亦胥徵詞於袞袞竊謂潤菴發身將家躋茲樞峻任之彌高則責之彌重要其所欲樹立以答當寧之知而光其寵命必有出於常情所榮之外者乃觴之且告之曰惟我高皇之言

章介菴文集

卷之三

序

五六

曰西北世爲遠患必選將練兵時謹備之維今承平日久武備漸疎也先火節諸孽乘機伺隙出沒攻鈔無虛日折衝摧陷實維諸丈人是屬往其念哉公曰敬惟命又告之曰祖宗以來內設五軍三千神機三營景泰年來抽精兵爲十營尋又增置敢勇報效二營而總隸於團營部有方訓練有法然兵之選絕相仍而將之名數不減股削滋多營壘斯耗撫摩字養實惟諸丈人是賴往其念哉公曰敬惟命又告之曰兵家所貴上下協德如彼

股心以及四肢運掉伸縮通一無二是謂大同同罔不濟苟德之不協則內志先亂率支離敵將乘之輯和協濟實惟諸丈人是望往其念哉公曰敬惟命袞乃颺言曰惟昔馬援聚米爲山谷全蜀勢形如指諸掌今或數百步之外其形便尤有未盡習者在昔弘治馬端肅公之長兵曹也沿邊諸鎮其堡其墩其將其校材力強弱無不洞悉今或堂庑之間親狎之地吏尙有未盡知者誠使請練精駁如伏波如端肅然則折衝摧陷之功將不先

章介菴文集

卷之二

序

五七

濟乎公曰茲典訓哉往其研吾慮哉又颺言曰材雋決於貴勇貴勇發於盛氣盛氣畜於崇利是故推牛發帑日勞將士逐虜所得悉以與之是謂善用人之命矧夫營之馬牛稟之餼糧囊之金帛士之命也氣之資也而股之將何以戰反是則撫摩字養之德將不淪洽乎公曰誤辱多哉往其廣吾仁哉又颺言曰邨之戰三帥異謀遂亾其帥王濬王渾鄧艾鍾會諸人自有肺腸乃罔善厥終尙猷出乃心無爭名無基功毋必自已出毋耻因人成

夫然後輯和協濟之美將不丕成乎公曰謨辱至  
哉往其引吾量哉衣乃再拜觴而祝之曰允若茲  
是謂不私其身與其家之臣是謂推誠宣力載錫  
之光之臣其匪但利於國庇於民亦永有辭於後  
世詩曰樂只君子殿天子之邦又曰樂只君子萬  
福攸同此之謂也惟潤港其終懋之

贈守太守南原李先生考績序

我國家之制凡內外臣工歷任三載則條上政績  
於銓部太宰受而閱之以別賢否定殿最此蓋虞  
廷三載考績之意而所以鼓舞人心範圍世道使  
之久而常新遠而不懈者用此道也祖宗之時郡  
守考績至京朝見之餘多特賜延訪而當時與荷  
光之人亦往往不疑其言以沃聰聽遂使萬里之  
外如在堂階本末綸緒洞然貫徹正德年來此意  
或漸希濶今上赫然中興百爾化經悉復舊典維

茲親民之職尤深軫念則於其來而延訪以盡下  
情知必不以至再至三爲煩也然則南原是行所  
係不亦重哉夫延平趾邵建福三郡之間其封域  
雖廣而可任之地實少其財力本乏而科率之數  
有常其訴訟多根連於客戶窮治之則逋逃以竄  
其奸其盜賊上闖汀邵旁窺溫處急求之則漫徹  
而不可捕詰而又水陸會同迭往迎來無虛日夫  
固難治之郡也南原自到部以來盡其心不愛其  
情殫其智不遺其力所以勤於延之民者周且至



矣然嘗考之西京所以更稱其職民安其業者要在不拘以文法使得便宜從事故也方今承平日久議論漸繁南原試詳考而靜思之三載之內果有不拘以文法者乎果有得以便宜從事者乎是未可知也然則在南原寧無有志欲爲而分有限才能爲而勢或阻者乎夫限於分者忌相侵阻於勢者貴退守斯古今之常準也今茲報政天府將被耿光以承清問則無復分之限勢之阻矣乃或猶有所爲而不肯自盡則是雖有愛民之心而不

章介菴文集

卷之三

六十

能推之以盡其量也南原勉之哉必堅其志必覈其實必舉其要必盡其言使重瞻豁然視延民之休戚如指諸掌由是盡破常調悉掃繁文舉延之民專付諸太守之官使凡志欲爲而才能爲者皆得以自盡焉而以子惠其民以光其簡命又推所以待南原惠延民者以及於天下之郡邑然則是行也其彌綸贊佐之功將不與握博鉉者爭衡乎將非賢太守所當深勉者乎南原廉而不劇和而能正敏而耻於用智勞而嫌於居功固士君子所

深以此屬望者予故爲之言

章介菴文集

卷之三

序

六一

贈寅丈廬陵羅子考績序

介巷子曰三經序而天道章矣五義陳而地道著矣五倫秩而人道備矣五倫之在人猶天之經也地之義也然非朋友之道盡則於彼四者亦未有能滿其分者也是故朋友之於人大矣今嘉靖辛卯袁以天子休命詳刑於建寧於時廬陵鳳洲羅子實判府事袁於羅子故嘗於諸生輩行中相物色然未暇親炙也茲狎且久乃始大快以爲頽情味沒之餘得如羅子者以朝夕漸摩而誘掖之則

章介巷文集

卷之三

六二

於釋故陋而增新美無難也而自是重自顧惜求無相負之志益惓惓焉蓋今朋友有不以富貴利達相推挽者乎而袁與羅子則不然羅子欲歸養也袁則每贊其決袞欲勅免也羅子則不泥其行要之進或爲退退或爲進故也抑孰有不愛情而術貌違喪而曲媚者乎而羅子於袞也得則稱焉失則規焉成美而不矜攻瑕而不揚道微曲而不隱袞於羅子也亦然夫是二者袁與羅子所以友且善之大致也易曰同人於野亨同人於宗吝言

同得其正則廣大而吉失其正則私隘而辱也文

中子曰以勢交者勢傾則絕以利交者利窮則散言私交不可以長也若吾二人者殆庶免乎私交之弊已乎使守是道以終身則於君臣父子夫婦長幼之慙德或亦可少損已乎今年夏月羅子以考績去建寧袁思夫觀感廢而忘心生將復如往者之昧沒也故爲道平日相與之實以寓無相忘而益相成之望且以廬陵實多才之地亦欲其歸而與之游者不以世俗之情責之也若夫羅子奉

章介巷文集

卷之三

六二

法之公律已之廉撫字之仁化裁之智終始惟一之貞建之士民能巷談而塗誦之聞之藩臬與夫司銓衡代巡察者能詳考而備錄之茲可無贅也爲叙

贈太守毅齋陸先生入觀序

介菴子曰王澤之通塞吏道之難易爲之也吏道之難易本心之順逆爲之也心之本體爲大公爲至誠爲博愛爲易爲簡順是焉以動機天機也力天力也其道至易也是故政用不麗民用乂奸究用孚物用豐大反是爲私爲僞爲威爲虐爲險阻爲煩擾政是用麗民用率奸究用張物用凋乏而王澤涇矣是豈其本心哉逆之使然也逆則舍其所固有強其所本無猶去大川而航灌漑遠坦途章介菴文集卷之三 序 六四

而趨荆棘其道甚難也夫吏所代者天工也所治者天民也而若此將天罰是速民怨是府而何毅之有故夫本心順逆之際不可不慎也歲嘉靖辛卯海虞毅齋陸侯由儀曹出守吾撫撫劇郡也地狹而民繁尙氣而多訟財力薄而占率之數埒於吉安南昌諸郡侯務爲寬大不盡人之財不盡人之力不盡人之情請或操案牘窺簡便欲竊風指以濟奸私則一切報罷老胥猾吏莫能欺蔽也今三載矣而廉白之操子惠之德簡便之政優裕

信厚之風不少損而愈盛撫之士民樂而安者無間也然則順其心以圖其易用克茂丕績祗若休命如侯者世可多得耶乃今甲午季秋之吉侯治裝入觀邑大夫南堤張子以袁邑人也且於侯同年之雅徵贈言焉袁竊謂順以爲易者善事其心行所無事孟子所謂大智也逆以爲難者不善事其心而用智自私孟子所惡之智也古今天下之治曷不以大智而成曷不以小智而敗然習以爲安狃而不返者往往也世道其將若之何嗟乎章介菴文集卷之三 序 六五

安得方岳郡邑皆得如侯者從事於其間庶幾斯民蒙至治之澤而絕聖棄智使民無知之說亦無所因緣而起哉是爲序

贈裴峯潘老先生榮轉北京兵部序

皇上綏輯萬邦十有五年矣維時文事大競武畧浸疏沿邊將士乃或大弗宜乃心嘗悍驚驚矯抗命吏皇用矢於庭曰眇眇乎予亂四方罔敢易於上下易惟我祖宗時大荒紀徵請吏奉貢無虛日矧茲戶竄乃若時弗職予曷敢不若於前寧人明致天罰厥既溫定乃申儆於庭曰維茲兵曹實寄我樞鑰寓我武威昔在列聖罔不慎於茲其益茂商音俊俾詰我戎兵苟非其人邦則有常刑時群

章介菴文集

卷之二

序

尹暨百執事服德音惟謹乃今兵部右侍郎員缺則相與謀於庭曰惟今驕將悍卒所在有之是惟敎歷中外繫嚴石之瞻者乃可宅茲以增鎮壓之勢是故非素負威望者不入茲選惟今因襲既久弊事日滋加以勢無定局變靡常形是惟長材淵鑒變動不拘者乃可宅茲以圖熙凝之績是故非素裕才猷者不入茲選惟今三邊六鎮以及四川雲貴兩廣諸邊地勢孰險孰易聲援孰通孰

兵卒孰練孰弱長技孰多器械孰利孰可屯田孰

可堡壘孰可以常而撫孰可以計而定是惟周歷邊鄙諳練有素者乃可宅茲以收坐籌廟廊折衝萬里之勝是故非常經畧遠方者不入茲選已乃與殿言曰今南京兵部右侍郎裴峯潘公其人蓋公自起家進士以迄於今凡奉璽書從事者六賜冊命寵異其身以及其親者十有四貴如尉如灼於群瞻其資望隆矣治民治兵詳刑典憲以至巡海操江皆茂著聲績其才猷裕矣嘗巡撫遼

章介菴文集

卷之二

序

東修築三議河朔處城垣東西延袤四百餘里洎是地無遺險而民賴以安則公於夷情邊事益素所練習而非若按圖指畫傳聞恍惚者比矣故今求可以贊樞曹當土意者宜無以逾公於是相與列銜跪公名以請制曰俞哉事下銓部京師歟然皆爲得人喜越寸又四日即報至南京士大夫聞之而喜者與京師無異居月餘公充裝就道司務張邦瑞等相率請言以贈予辱公知多矣惡容以不文辭雖然君子之於贈別也不但區區道達

慕離索之私而已有交相勉戒之義焉有特別  
愛時悉心考問之誠焉况予與公素所上下其議  
欲行而未能遽行者多矣可無言哉夫選將以御  
兵常也然詩書元帥雅歌投壺者率千百人一二  
爾今或動以威儀聞習言辭詳雅飾小節避吏議  
與夫攻於墨跡詩律者爲可用然則選將之法得  
無尤有出於今日所習見之外者乎練兵以待戰  
常也然勁弓重鎧可以程力中微盤槩可以審藝  
超距跳濠可以觀勇今或旅隊進退殆以兒戲  
章介菴文集卷之三 序 六八

閱歷之審予雖不敏願服公訓以往他日倘有得  
於補偏救弊之要盡利可久之方則願累牘於下  
吏於以荅助公愛助之辱且以成公交修並濟協  
恭體國之美也是爲叙

贈吳駕部出守興化序

嘉靖十五年秋八月駕部郎吳子出守興化郡於是司務張子暨厥僚友相率請予言以贈其行予曰嘻吳子遽遠行哉吳子歷任職方駕部六載於茲矣其志貞其行節其才敏其政清其於事故也該以練予實多賴而乃遽遠行哉雖然南山之竹操而括之可穿犀札不操不括美才爾不弘於用也淵濱之石琢而礱之可爲編磬憂而擊之可格神人不礱不擊奇產耳不寶於世也是故更事者

章介菴文集卷之三 序 七十

智長歷變者識精泛酌而多忤者置宏叢撓而難奪者志定故有則專一發則直遂無施而不當百折而不壞反是者可與裕靜不可與利動可與守暫不可與持人偏成之善非大猷之所珍也今夫千里之郡春秋魯衛之國也況八閩諸郡自漳州而下稱難治者必僉曰興化天子乃全挈以卑吳子使生之殺之賞之罰之教之養之保護而安全之其任至大其責至重也而諸奇詭幽願可喜可怒可哀可懼可愛可惡可欲者又雜然日臻乎其

前吾以競隨之弊將乘其競以緣隨之弊將乘其緣以剛與柔隨之乘剛柔而窺政者又將比此也則其職誠有未易盡而其情誠有未易舉者矣虞詡曰不遇盤根錯節無以別利器言功名之會不可失也吳子所立固以遠過於人若復不以內外崇卑華冗勞逸爲念敬蒞乃民無荒棄厥事務以長吾之智精吾之識弘吾之量定吾之志則於他日典司樞鑰而容受鎮定解紓調劑沛乎有餘地矣然則興化者固吳子操括琢礱而礱擊之具也

章介菴文集卷之三 序 七十

是業之所由以大而德之所由以盛者也亦何病於遠行哉或曰守之品秩尊矣然受成報政幸於撫案監司乎聽焉今之撫案監司才且賢者蒸如也若夫務行法而不務教化務嚴切而不務惇大務防下而不務任下責備於趨走之末傳致於疑似之間儻然常恐不得下吏之過以樹名而震俗者亦豈無其人乎吳子素負奇氣矚然塵埃之表之念未嘗一日忘也借或遇若人焉安能入於位哉予曰孔子曰其行已也恭其事上也敬又曰躬

自厚而薄責於人誠率是道彼獨非夫也其或誠  
積而人不可格勢奪而志莫能行則夫出處去就  
聖明有訓吳子顧待予言哉顧待予言哉

序

七二

贈苔堦高子考績北行序

介菴子曰夫命秩之數豐殺之等厲世磨鈍之具  
然爾非所以待豪傑也或乃以爲榮且辱輒用欣  
戚於其間豈貴有踰於順命而賤或加於悖德耶  
無亦徂於習而隘於見故耳大鵬之去北溟而圖  
南也搏扶搖而上者九萬里彼惡知夫昔之幽阻  
今之昭廓萬物之與我孰高孰下孰亨孰否哉何  
則其所見者大故也若鷦鷯則終日相與較勝負  
於榆枋蓬蒿之末倏然而欣倏然而戚惡知鵬之  
章介菴文集卷之三 序 七二  
所爲哉故志以見定見大則一視得喪同體萬物  
可也彼區區者何足以動其中耶我國家以科目  
欽才而特重甲科自省部臺寺以至藩臬由茲選  
授者十常八九以故士大夫類以甲科爲榮而諸  
不與是科者雖人無所軒輊亦常內自愧沮不肯  
憊然自試其所學蓋非但辟召諸科爲然雖賓興  
以進者亦或多芥蒂於此夫祖宗之意固將以是  
奔走天下磨鈍而使之利爾非以是爲足以盡榮  
辱之道而狹小天下之人也故榮止於是則孔孟



辱矣辱止於是則趙孟榮矣道果若是乎偏且塞哉况論秀於鄉序升於朝非不過且榮也亦何必偏溺以憊耶其矣士之不可徂於習而隘於見也豐城苔堦高子初以明經薦於鄉既乃以大學生謁選爲常德推官其初之常德也諸與游者相與竊議曰惟今撫按監司大率所右者甲科諸人爾高子其將不免猶夫人之愧沮乎而高子顧獨卓然守其業有所廢置也惟其宜有所推謝也惟其詳有所懲罰與平反也惟其協於中有所交於上

章介菴文集

卷之三

七四

秩之數豐殺之等非所以待豪傑之士信哉若高子者其真不徂於習而能大其見者乎夫不榮世俗之所榮則必知求古人之所以榮不辱世俗所辱則必知遠古人所以辱推此志也歐陽子所謂高牙大纛不足爲榮垣圭衮冕不足爲貴孔子所謂不使不仁者加乎其身之堂庑皆可立造也高子將爲不爲一代之偉人乎是故世俗無榮辱而榮且辱者惑也惟分有榮辱而無所用其榮辱者棄也其愚且弱於榮辱之際自謂頗知所向而未

章介菴文集

卷之三

七五

能實用其力有遷惑之疾焉故於高子之考績也特贊此以鑑其行且以塞諸大夫之請而寓交相勉之意也是爲序

贈廣德太守同年翼齋朱君赴京考績序

介菴子曰明興及今百七十年餘矣始之以元聖之先物繼之以平格之彌亮終之以群才之效謀所以平準吏道綜括民隱保乂元元之法昭哉備矣然自正德以來懷允殖之休思咸和之美者往往追慨於天順成化弘治之盛豈道固有時降耶抑左右康濟之宜猶有未盡也聞諸莊子曰馬蹄可以踐霜雪毛可以禦風寒飽草飲水翹足而陸此馬之真性也及至伯樂燒之剔之刻之雜之連章介菴文集卷之三 序 七六

之以羈勒編之以甲棧馬之死者十二三矣飢之渴之馳之驟之齊之整之前有檠條之患後有鞭笞之威馬之死者已過半矣莊于此論言民之不便於苛急猶馬之不便於煩擾也故夫治民之道莫若務躬行而修實政省拘疑而簡節目聽其自適而惟節其過防其隘使不墊於饑寒麗於擲罰焉斯已矣而或乃認認然常以斯民爲牛羊爲鬼物爲龍蛇持之惟恐其不急察之惟恐其不詳迫而驅之惟恐其或暇息而後期遂使愚且懦者靡

然喪其有生之樂而諸不能坐以待困者則相與競出其奸以巧逃其上之法法愈密而奸愈滋天下蹙然日趨於智巧相勝之地其勢不至於潰敗四出未已也悲哉臨御寬簡之道不復見於今日而申商之禍至今爲烈也夫自三代而下吏治之盛有過於西京者哉西京之吏治有過於黃次公諸人者哉而次公之守潁川也先教化後誅罰務在成就而安全之每亭必畜雞豚置棺梓以贍鰥寡孤貧爲條教置師帥以勸耕桑畜養一老病丞

章介菴文集卷之三

序

七七

逐而去之亦何足異然且愛惜其廉欲善助之毋失賢者意則其諸不爲苛急可知矣宣帝患吏急而霸獨以長者爲當時倡率之民安田里無嘆息愁苦之聲漢道之登勳之助不少也是故良吏之治民也以已悍吏之治民也以民以已治民則已亦民也民亦已也好惡休戚週一無二是故揣摩猜防之私少而簡便平實之政多是之謂順馬之性而不撓其真者也以民治民則形骸隔而爾汝分好惡休戚之際固有若秦越之不相爲誅者是

故不勝其私也而疑生焉不勝其疑也而防生焉  
不勝其防也而殘暴之政行焉莊子所謂燒剔歷  
飾而從以死者也古今治忽之原雖非一端而  
最大者急有過於此者哉同年萬安翼齋朱君守  
廣德順施而不鑿舉要而不繁釐剔整頓而不苛  
及今三載民安其治士樂其教駸駸乎有成也茲  
以考績赴京其爲建平尹同年何君徵予文以贈  
其行予喜翼齋不狃於俗而能力行古道以庶几  
乎次公諸人之所爲又以爲苛急而不恤其民趨  
章介菴文集卷之三 序 七九

章介菴文集卷之三 序 七九

時好而競功名者所戒也循理而務爲寬簡有不  
爲而專求自盡則固聖賢之所以教而奉若天命  
之道也茲豈但優於牧守哉雖宰天下可也故樂  
爲之言

贈魏于田歸建寧序

文者言之華也昔之君子豈有意於華其言哉養  
盛而道克見明而衆著感深而情殷辭積磅礴欲  
遏而不可得於是發之於文以極其志之所蘊天  
機流行豐約有倫雖變化無窮而視其志莫或增  
飾焉其或未也則亦反而求之明諸心養諸氣軌  
諸聖哲擴而大之以盡其量濬而濬之以全其神  
優游歷飫以俟其天倪之自發而不以人爲撓之  
茲豈但學爲文哉所以學道也道之造也日深文  
章介菴文集卷之三 序 七九

章介菴文集卷之三 序 七九

之發也日盛或道有未至則文亦隨之故觀文可  
以知人矣後世則不然不深於內而取辨於外無  
得於已而攻媚於人言浮於志志詭於言莽然苟  
且以各行其趨名競利之私至於今日而弊也甚  
矣拾六經語孟而尊尚諸子百家之言拾博學篤  
志切問近思而務爲蒐獵記誦鈎奇摘異之學拾  
吾心中正神妙之用而妄意當世之務以襲聞億  
度之末故往往詞雖艱深而意實淺近體若簡古  
而氣質輕浮締構雖巧論說雖詳撝拾雖多而不

考其實不佞其道支離瀆漫荒忽囋穢謗乎無以  
議爲也嗟乎以若所爲而欲進於道得乎欲因是  
而知其人能乎甚哉今日之文之弊也建寧魏于  
田初以博士弟子勸駕詣公車既乃卒業南雍與  
諸生旅誠於京闈一時閭士多褒然登進於田顧  
淩落不偶南望黃華弗然有歸志永懷遠圖申請  
贈言予既無聞然相知久矣方欲別有所告而度  
于田勢尤未能脫去鉛槧以求現於世又以爲唐  
韓愈氏宋歐陽氏皆因文而有得於道故爲道古

章介菴文集

卷之三

序

十

文之所以盛今文之所以衰者而聽其擇焉于田  
倘不以迂僻之說視之精一於身心性情以腹其  
內沉潛於六經語孟以汎於天下不滯其中正神  
妙之用以爲通變議事之本旁羅乎諸子百氏之  
述以證乎偏全出入之殊考德則研其精涉書則  
窮其趣而不徒占其行彷彿掇其精華以爲能率是  
道也久且熟焉積且通焉然而不深於道員於文  
求之有也然而不愛匪傳未之有也使凡爲文者  
皆然而謂觀文不足以知人科目不足以得士矣

也于田勉之哉抑予自嘉靖辛卯以莖史出佐太  
守於建寧嘗尋此邦諸士之文多矣觀其含光流  
藻也韓韓然其綜言撰物也纒纒然其體脩乎大  
小而議辨靡乎奇蹟不勝譬之域蓋已超於藝矣  
然較諸古人所爲則予尚不無評焉及今七十年  
矣軼往轍而蛻舊習固知其蒸如也萬一犹有如  
前所謂者則在于田獨可無以告之哉獨可無以  
告之哉

章介菴文集

卷之三

序

八十一

章介菴文集卷之四

臨川章袞汝明甫著

六世孫文先子文編次

七世孫龍光校字

序

贈倪淮崖入京考績序

淮崖倪子尹南城者三載矣吏畏其威士習其教民安其政朋誣矯令之徒不敢竊弄以奸其犯於是鷄豚狗彘之畜山澤隰臯衍町園圃之利倍於

章介菴文集

卷之四

序

一

往昔災孽不生賦役以時獄訟清簡而盜賊屏息當路嘉其成謂足以副當宁之意而樹司牧者之風聲也乃檄之使報政於朝于時聞者莫不榮之而淮崖顧惴惴然恐無以自藉也舟過臨川申諸贈言予無似然嘗竊聞之天下之治亂係於吏治之盛衰吏治之盛衰由於君子小人之用捨而君子小人之相遠則辨於其志而已使夫人而志於爲已凡命諸天成諸性見諸人倫日用所以異於禽獸而不可須臾離者皆以爲已分所當爲汲汲

章介菴文集

卷之四

序

二

如不及皇皇如有求能如是則俯仰自得而無所愧忤否則惕惕然慙慙若無以自立於世夫然則爲善安有不勇去惡安有不決近君也安有不忠新民也安有不仁出處去就安有不歸潔其身又安有不終始惟一夷險不二者乎如使夫人不爲已而爲人視付畀之重分義之大無待於外而留且貴者不以爲已分之所當爲而但以爵祿之崇重權寵之薰灼宮室之美妻妾之奉所識窮乏者得我非此則莫能致也而姑勉強假借以求之得則下視他人以爲莫已若否則閉藏消沮而不勝其摧如之憂夫然則爲善必非其所安去惡必非其所樂忠必賴寵仁必造譽出處去就不能概諸道義而終始夷險犁然二致又徇外爲人者之常態也故曰爲已者無所爲而爲者也義也爲人者有所爲而爲者也利也義利判而人品之雅正吏道之盛衰世道之治亂由之矣我國家郡縣得人能效超軼前代而比年以來長慮遠覽之士有隱憂焉蓋非文具之不足而實事之未脩也非飄風

驟雨震駭視聽之爲難而太和元氣涵濡養育之  
不易也乃今南城之治獨庶幾古循良之風何耶  
淮崖之爲人也忠信而慈祥淵覺而莊儉好修而  
嗜學自吾與之商確古今上下議論往往詞常訥  
而意獨至及又見諸行事則又才不以佞威不以  
虐仁不以沾沾之小惠智不以察察之明坦然奉  
若天道爲所當爲以求自盡其分自快其心自行  
其所學考其規模次第大率寧久以成美無速以  
近名寧實以裕下無虛以固上寧順利以從宜無  
章介菴文集卷之四 序 三

穿鑿以立異然則淮崖固爲已者也其治行如彼  
宜哉夫性分本無所加損而天職不容以作輒充  
斯志也以往通塞以道而進士之利鈍不以爲吾  
之通塞榮辱以道而命秩之崇卑不以爲吾之榮  
辱欣戚以道而時俗之毀譽不以爲吾之欣戚投  
之魑魅險阻之地而不畏其難引之木天霄漢之  
上而不忽其易天下頌之而不驕終身由之而不  
怠若然則雖追配先民衆明主於三代之盛可也  
區區百里之效惡足爲賢者多哉三載之績惡足

爲賢者多哉是爲叙

贈虞東厓自江西撫臺入爲廷尉序

中丞東厓虞公巡撫江西之二年百度諧協物情  
宣暢蒸蒸和洽化凶爲讓於時天子軫念民命爰  
求老成司茲詳讞乃自撫臺召入爲廷尉公旣被  
命益務集衆思廣忠益以圖報效衰誠無似亦屢  
芻蕘之問竊惟廷尉之秩列於九卿九卿大臣也  
大臣以身繫天下之重必有貞方耿介之節含弘  
遠密之量鑒微燭遠之智果毅堅強之力而又博  
而不官權以通變節廉矣時或混而能污量洪矣

章介菴文集卷之四 序 五

時或辨而有限智有餘矣而或晦其明力餘矣而  
或不專用其勇此蓋正大以立體曲成以致用才  
德兼脩而大受之資也然才德者器也使吾之才  
德動無括而出有獲則不能不有待於君猶地非  
天則無以生月非日則無以明也古之君子有見  
於此故其在我者雖鬱積磅礴可以應用而出之  
無窮然亦不敢決決直遂而行之於君蓋常從容  
暇豫熟察其機而詳考其終必君之趨向可以相  
同謀慮可以相發才器力量可以相成而剛柔遲

速可以相用吾能推原治亂匡救時弊而君能不  
以爲謗吾能弛張政體進退忠邪而君能不以爲  
專吾能行法自近防絕恩倖專師閫外肅清疆圉  
而君能不惡其叛夫然後凡君之所欲爲已之所  
能爲皆將鞠躬盡瘁坦然趨之而無所疑沮否則  
積誠感通之道于巷自牖之術不出戶庭之節必  
將有以自靖而不徒貴於進也是謂藏器於身待  
時而動是謂之進退存亡而不失其正功是以崇  
名是以顯道是以隆君臣上下是以並受其福其

章介菴文集卷之四 序 六

不然者徒知已之才德可以有爲而不暇熟察詳  
考以爲運用變化之地已欲之而君或不欲已能  
之而君或不能蓋不待其行之旣遠持之旣久而  
雖軒陸之間議論之頃已不勝其載鬼張弧之辨  
然則大利未建而或先嬰其害大順未彰而或先  
蒙其逆固其自信太過取必太甚之罪也是故才  
德兼脩者大臣之善道也審時物程分量不爲才  
德所使而善用其才德者善之善者也三代之英  
尚矣若蕭曹丙魏之於漢房杜姚宋之於唐韓范



富歐之於宋凡以此也方今聖明奉若天道率由羣匹小大之臣如金冶各成其能如物就衡皆得其分無有遺而不用用而不盡其才者乃東厓又以才德聞望日與館閣部院諸大臣如岡如陵近秋光而承休德天氣下降地氣土賸訢暢洞徹直可以追都俞吁咈之盛前所言者安足爲東厓願哉抑皋陶曰思日贊贊襄哉禹曰予思日孜孜古之人愛其君也厚則責諸已也脩一夫不獲吾無所逃其罪王治已久尤思不保其終篤分義而畏

章介菴文集

卷之四

序

七

天命不敢暫置其身暇逸之地固如此豈非東厓所當深思而允迪者耶亦豈非心乎世道之人所同望於公者耶若夫明允中正之訓釋之定國之事東厓亦既講之熟矣在予可無言也是爲序

章江勝餞序

嘉靖己酉春皇上眷求義德詢謀僉同乃巡撫江西都察院右僉都御史應山邱臺傅公爲副都御史奉勅巡撫陝西而以古鄯東沙張公代之是歲六月張公到鎮而公去豫章二公與今方伯謙谷林公默泉吳公憲長麥庄李公去任未幾提督南贛汀漳軍務副都御史笑齋龔公整飾兵備憲副少泉周公到任有日太參募厓公皆嘉靖癸未同年進士聲應氣求後先戾止精光神彩上燭星垣

章介菴文集

卷之四

序

八

麥庄謂實天相一時之盛且以邱臺公勲業在朝廷聲望在海內風節在臺端惠在民心振厲操括磨礱成就之德在同年故於公之行也招袁等林下同年石津陳子松崖郭子吉峯劉子歛齋蔡子石岡李子南峯劉子某某十六人同謙谷諸公餞送於章江之滸又以春秋卿大夫朝會聘享往往即席賦詩道古以喻志宣情以和義乃人各賦詩而命袁叙其事嘗讀易至大有九二曰大車以載有攸往無咎象曰大車以載積中不败也未嘗不

慨然感發而嘆曰嗟乎大車之德大矣哉夫天以  
一世民物專寄於人君人君又以一世民物分寄  
於大臣其任至大其責至重況當大有之時整天  
張宇盡地開封凡有血氣者莫不降心抑志而內  
而歸嚮而諸剛柔緩急之性汚隆美惡之習貞淫  
順逆之行安危苦樂之情又方裔輻輳全策而仰  
責於上自古當是之時爲之大臣者若寬和若廉  
愨若風概若才猷若精悍剛果若膽博詞華雖皆  
足以翊亮時幾彌綸靈闕然或器限偏長才非其

章介菴文集

卷之四

序

九

美可以分任而不可以專任可以有儕而不可以  
兼儕則於大車之義夫焉得輕議也惟我皇明天  
道助順百八十餘年於茲魁傑博大之材後先相  
望乃公又感會風雲而生於帝鄉考其歷官以來  
其他可紀可頌與夫前此江西清戎之蹟固已信  
於上下而播於遠近無庸贅也惟撫臨今茲土哀適謝  
事家居依末光而下承風則見其煦然如春肅然  
如秋沛然如雨露殷然如雷霆如山之峻立而莫  
拔如水之因地而不拘赴機應會捷於影響或又

如耳蠅之學射承挺視氣低回而不發披剛挾伏  
猛於資獲或又如主賓之相見鳴玉委佩遜避而  
不前見其廓然坦然全不限防矣或又審如緹室  
畧無間隙之可掇見其一禮數行隨方立論中窾  
卻而寂謹噴矣或又退然緘括而無一言之可見蓋  
公之能舒能慘能恩能威能介能通能速能遲勇  
而能怯大而能小辨而能訥類如此而又本之以由  
衷行之以不擾積之以丙午及今四載之久以故  
十三郡之人無貴賤大小無智愚賢不肖莫不便

章介菴文集

卷之四

序

十

而安之樂而歌之茲其去也又莫不懷思而悵望  
之然則大車以載積中不敗當今之世謂公非其  
人耶公行矣盤錯勞結以此鮮紓辛苦燥濕以此  
調劑黯黯汚濁以茹納擊撼震撞以此鎮定何往  
而不利位尊而德足以稱之又何往而有咎言未  
既麥庄謙谷諸公躍然舉酒而前曰公大車也往  
其懋哉填集蒐練作厲士氣爰暨三晉共成犄角  
之勢以紓宵旰之憂無若宋之韓范窘於張吳元  
昊虛取心寒膽破之舉哉公笑而不言袞等亦相

率浮白而前曰公大車也亟其往哉者定爾公歸  
相天子普資澤於天下無使江西之人久違怙冒  
之仁哉公讓而弗居已乃洗酌而酢拜手而謝曰  
翺也敢不益勵初心畢力殉義用荅揚天子之休  
命以無忘今日諸公之辱而增龍飛首科之重於是  
珠玉爭輝清芬可挹金鼓交作采鷁遡開鴻飛遵  
渚之悅今古同之君子謂斯舉也可以見體勢之  
崇焉可以見文物之盛焉可以見上下之交感遇  
之殷焉然皆皇上之德之盛所致也詩曰之綱之  
章介菴文集卷之四 序 十一

是爲序

獎賢勸功序

如予與今撫貳守五山陳侯同官南京兵部予爲  
郎中五山爲主事雖均之分曹事勅邦禁然郎中尚  
煩而主事常簡故予於五山雖日相親狎然但見  
其褒然之儀琅然之音穆然之風度與夫爽朗開  
廓坦然無少畛將滯閔之襟懷而已私謂五方之  
氣各有所偏勝人生其間局量規模廣狹舒促恒  
必由之惟夫昇之純而得之厚者乃能超然於風  
氣之外若五山者其人也他日操事權而專政體  
章介菴文集卷之四 序 十二

以求好惡利病之實廢置遲速之宜乃首寘殺人者二人於法用曹平陽禮蓋公故事親迎木亭樂先生正鄉賓之席彰瘝脩而風聲樹可謂舉得其要矣自此而禁暴戢奸興利除害直罅漏弛力省賦敬教勸學達幽枉遏衰濫平市阜賄與夫官室廩庾橋梁傳置敷澤津步之政皆將次第修舉赴機應會屹屹不少休暇則集賓客僚佐或登高覽勝或論文議政壺矢歌嘯飛觴浮白於以均節勞逸流通精神如詩所詠寬綽戲謔昌黎所稱雀目章介菴文集卷之四 序 十三

陞事無大小難易莫非其分所爲當爲令或養高自全顧自諉諸不擾民也持大體也行所無事也是尚得君臣之義守職分之常者乎然則五山誠豪傑之士也不以數譽利鈍貳其心而毅然行其所當行非所謂匪躬體國者耶是月之望巡察臺史多侯之能其官命所司以大饗之禮饗之重獎勸也乃供張於本府退食之堂侯南饗而席主以默室宋公西川姚公少雲彭公酒用醴酒俎用折俎陪鼎文幣設晉饒鐸克然奕然觀者大悅文學章介菴文集卷之四 序 十四

可泉潘子暨厥僚友門弟以衰嘗學爲文也請作詞以侈盛美予不敢辭故序

履任志雨詩序

嘉靖四年秋戶部正郎久山丁侯出知撫州始至  
哀謁之於孔家驛之觀風館方修主客之禮侯喟  
然謂哀曰不穀之來也道吳及越桔槔之聲所在  
盈耳然未若撫之甚者也苗其稿已乎民其氓已  
乎正賦其將不能供而常祀其將不可舉已乎夫  
爲天子牧斯民而不弔於天如是若何以自解於  
人而夫人亦孰能悅之蓋視其色悵然如有所求  
而莫之能得也慙然如有所重哀而不遑以須臾寧

章介菴文集

卷之四

序

十五

也侯之誠於憫雨如此方將以身爲禱俄而陰雲四  
翳雨下如注明日履任雨如之履任之明日又如  
之於是四郊沾足謳歌之聲相聞侯喜謂寮案曰  
茲雨也天殆以永斯民之命乎不可無述乃志之  
以詩有薄德敢云回帝意潤枯端合慰民情之句  
郡中士夫聞而輿之者若干首郡博陳公又梓諸  
冊而屬哀以序竊嘗謂天下之道感應焉盡矣感  
應之妙天人焉至矣感之者人然人也有天焉人  
未始不爲天也應之者天然天也有人焉天未始

不爲人也是故天人一而已知道者必於感道乎  
先焉則天豈外於我哉觀侯今日之事可見矣慎  
斯術也以徃凡利必興與之而不遺其力凡害必  
除除之而必盡其心雖飲食嘔笑之微罔不惟民  
之承則感道修而天之神即侯之天也昔箕子叙  
洪範謂夫休徵之來由於五事之得允若茲則夫  
五者來脩各以其叙非自外至也惟侯所意欲耳  
茲土之民不永綏無疆之休耶侯亦有無窮之間  
矣侯其勉之哉哀不佞敬書此以爲序

章介菴文集

卷之四

序

十六

錫宴旌賢序

人有治其宮室者其一無櫺楯之迴抱廊廡之擁翼無斲華塗飾之奇巧無涼軒燠室飛樓畫閣壁門綺戶之瓌詭炫曼然其棟梁枅栱之屬皆美材也其一材不必良而璇以爲題獸以爲拱雕錯以爲飾金碧以爲麗千柱承宇而百梁爲雷二者之於治室也孰愈若子曰是亦材之良者愈也易稱上棟下宇取諸大壯貴材良也材苟良矣叢而附之而不敗累而載之而不撓其於潤屋也何有及是

章介菴文集

卷之四

序

十七

而榜散而液櫛而擁腫卷曲吾未見其久而不朽壓者也故曰材之良者愈也嗟乎知所以治室則知所以治人矣今夫郡邑猶室也守宰猶治室之人也守宰之心郡邑之政所自出猶所需之才也或有飭其紀綱脩其節目多其鼓舞驅策之術然其心或雜以貪或雜以暴或雜以深賊矯僞與夫急公利釣聲譽之私則是非不灼然盛譁然悅也然日計有餘月計則不足月計有餘歲計則不足可善於暫而不可善於久可善於始而不可善於

終是猶治室而才不必良徒事奢靡者之所爲也

乃若寬足以容廉足以辨易直于諒而務黜苛暴篤厚誠允而不事釣餌至於利民而非以造譽主於自盡而非以干進若是者雖其綱紀節目鼓舞驅策之術或有所未脩然致理之道心實主之心純矣自將寢明寢昌可久可大而不容已猶治室者厥材既良益壯而美之特易也故曰本立而道生又曰正其心萬事理心政之不可岐而二也如是哉斯道也吾邑侯象川先生其庶乎蓋吾見其廓

章介菴文集

卷之四

序

十八

然如廣野煦然如陽春坦然如九軌之道肫然如滿汲之幾洞然如在懸之鑑而未嘗逆億以先物勉然若猷畝之農而無少鹵莽爲外之念斯數者政之本也治之與也而獨兼有之然則臨川之治有不爲中牟單父者乎臨川之民有不有幹有生他日彌綸變和之業有不基於此者乎是月望日部使者嘉侯之賢謂不可無勸也乃檄有司者屬縣之父老子弟相與考鐘擊鼓奉筐行幣賓侯於退思之堂而大亨之於是縣貳東濱王子蓮峯開

予相率徵予言以侈盛美佐酬侑予不佞姑書此  
以塞責且以諭我士民使知如侯者終不可以目  
前近小望之也是爲序

樂恬祺壽詩序

介菴子曰爵祿之懸也以彌世也崇庸廣譽之標  
揭也以勸作忠也自三五以降吾見有軼往轍而  
創則者矣然而莫能踰也吾見有抗神情而範羣  
物者矣然而莫能捨也故軌同而趨一趨同而志  
一志同而風一風之積也變渝於是乎躊躇焉逐  
矣悽悽焉眩矣齒齒焉憊矣莊子曰衆人焚和月  
固不勝大是故吾見爲恬淡之說者鮮矣矧曰好  
吾未見好恬者矣矧曰樂恬之去人心也日遠於  
章介菴文集卷之四

是淳穆之遷也日亟而將不可及嗟乎乃今顧有  
樂恬如斯人者哉樂恬子鳳陽鍾離人吾未之識  
也而竊擬焉其顓顓者乎姚姚者乎標枝野鹿  
乎回車於險阻而醒心於空濁者乎何今之人而  
古之道也門生黃耀卿樂恬子外情也爲言曰樂  
恬子早游膠序旣乃遊於林藪平居不附勢不豐  
利往來醉鄉以浮游於世倏而內決忽而顏酡枕  
臂而卧遑恤其他或勸以求仕則曰焦僂厲涉胥  
溺李何嗚呼樂恬子其畸人而侔於天者哉是歲



秋九月樂恬于年七十矣太學生聞而偉之者旅  
爲詩若歌以壽之耀卿又請予爲發其美以侈於  
其鄉之人嗚呼樂恬子將益勸於恬矣聞予言而  
思爲樂恬子所爲者將不可限量矣然則恬之道  
其將昌於我明也哉其將昌於我明也哉是爲叙

徐氏重修族譜序

族之有譜何也夫族之始始於一人之身爾引而  
長之至於千百年之久滋而蕃之至於千百人之  
多久則易以忘而孝敬衰多則難以統而恩禮薄  
孝敬衰則無祖恩禮薄則無族然則始雖一人之  
身而其終何啻秦越人之不相爲謀哉昔先王之  
世田則同溝共井居則比閭族黨墳墓必族朋友  
有耻旣足以聚散合離維持大猷矣而譜以邑以  
國以官以爵以居以字以謚以事命氏賜姓者又  
章介菴文集 卷之四 序 二十  
各立宗以統之故其民自相敦睦固結而難與爲  
亂王迹旣熄宗法亦廢馴致茂族尚官遺胄故家  
凋落殆盡魏晉以來士大夫始因時創制譜其族  
以圖久遠自此朝野之間閭閻世族往往跨連州  
邑歷數十世雖或避難避仇避諱變易姓氏散處  
四方亦皆得有所托以不迷其祖而各從其族譜  
之所係大矣哉後世譜學不講凡所譜者大半馮  
私臆決或不牒其先而祖非其祖或鄙其族人之  
貧賤而擯黜之或畧倣編年之法於其名秩行業

每加筆削以不沒其善惡之實夫譜不爲尊祖敬  
宗權族而作顧爲子孫褒貶之書耶斯三者胥失  
之矣吾友石屏徐子頃屬其宗老子弟協謀會財  
重修其族之譜旣成則奉以請曰盍序諸徐爲金  
谿甲姓久矣據石屏自序江西諸徐皆漢高士孺  
子之裔而仰峯之徐則自五季時念七府君隨宦  
臨川樂而家焉始也自此世尚坦素力本務以富  
其家至六世七世公始遷居里之東岸八世奉二  
公遷邱坊奉三奉四公遷淡中邱坊之派析而爲

章介菴文集

卷之四

序

三

劉坊爲苦竹爲潭岡爲坪山詹坊而坪山之派又  
湖墓之族所自出焉至源遠而末益分居處出入  
彼此不相及則夫慶贈弔禴愍然罔聞如路人固  
常勢然也然而族屬之蕃衍子姓之多賢息禮之  
相通長幼親疎婚姻之辨治凡鄉里所共稱詡以  
爲盛美者必先徐氏焉則以徐之先世雖在創造  
之初卽爲衍慶圖以序其族而十三世吉士公又  
能推廣先志因圖作譜蒐羅揆叙益詳且精故也  
譜之有益於合族明徵於徐氏多矣乃今石屏復

金谿耿橋徐氏族譜序

凡事物之情同則合而或混異則分而或離合而  
不可混分而不可離惟族屬之道爲然譜也者因  
共同以究其異約其異以歸於同以明親疎以和  
長幼以辨男女以旅墳墓而統括維繫其族於久  
長者也昔先王之世選用明德而胙以地自官師  
適士以上皆得祿有田祿以奉其祭祀祭有常主  
至有常尊大宗小宗之法所由以行而天下無不  
親之族猶以爲未足又小史掌邦國之志以尊世

章介菴文集

卷之四

序

三

繫而辨昭穆焉後世井田封建相襲俱廢爵無常  
尊祿無常富雖三事大夫之貴易世而後降而爲  
寒素去其鄉井者多矣則又安能長守宗廟統族  
人如古所謂公族世家者哉然則宗法不可復矣  
無亦惟是小史之所掌者敏求而聿修之庶幾宗  
法之遺意而仁人孝子之心尚亦有快也是故君  
子之於譜無敢不盡心焉友人太學生徐子欲明  
金谿耿橋望族也頃屬其父兄弟姓重修其族之  
譜譜成謁予請序其始末惟耿橋之有徐氏自宋

紹聖間柏軒府君來自金川爰宅於茲始也其族  
之著自東山雙峯松菴退菴四府君師賢友善克  
邁古訓始也其灼而益大自尚書東谷府君歷事  
三朝蔚有成績始也其以柏軒爲始祖而譜其族  
則創始於松菴而自是七世八世九世祖國才府  
君輩皆常續其所未及增其所未脩至十三世祖  
穎又倣歐陽氏之法重修之而釐爲十卷焉夫以  
徐氏源流之遠積累之厚如此其行業之修位望  
勛伐之茂如此其於收族之道奕世同心致嚴致

章介菴文集

卷之四

序

三

重又如此乃今欲明等復蒐輯於年代曠隔之後  
文直事核而發凡立例揆諸義而協使耿橋一派  
自源徂流分合同異若網在綱有條而不紊由是  
篤恩義正倫理以保其族可不謂邇追來孝者哉  
雖然族之收固待於譜而族之大不專恃於譜也  
袁昔承乏內臺時方詔修武皇實錄修撰蔡公昂  
以次當作東谷傳而未得其詳乃徧詢諸耆旧則  
咸謂公恂恂信厚恥言人過愧揚已善位雖高而  
居之若卑施已厚而視之如薄誠漢世長者之儔

嗟乎今世而公者可多得哉可多得哉欲明諸彥  
誠率乃祖之攸行必敦厚周慎必謙約惠良必睦  
嫺任恤而不以強凌弱富吞貧則豈但濟美而已  
吾見天之申祐於徐氏者未已也吾見踵東谷而  
興者源流也然則以廣顯親之孝脩男子之行以  
增耿橋望族之重者又豈但一譜之修而已哉是  
爲序

章介菴文集

卷之四

序

四

臨川萬源危氏家譜序

譜也者譜其所可知也是故史闕疑聖人以爲古道而文浮其實君子之所不貴也撫州之有危雖皆出於唐刺史危全諷而驪唐晚歲爲真率會於嵩源嵩源之有危實自驪唐始是故祖全諷而宗驪唐則文獻足徵信可傳矣猶吾章氏祖練氏夫人而宗主簿公也嘉靖甲辰長至日介菴章袞書遺危子應槐俾歸告其族人云

章介菴文集卷之四 序

七

章介菴文集卷之五

臨川章 袞汝明甫著

六世孫文先

七世孫

序

黃州吳先生六十壽序

介菴子曰壽之於人大矣夫少者不少也然不皆聖賢焉豈比其壽之不逮夫聖賢故也是故

章介菴文集卷之五 序

然尸之者君也基之者我也基之不固而運化之樞繫於大君極之不建妖閼隨之是故君實尸之也栽者培之傾者覆之德之不臧是因顯在厥世矧曰其有能逆續乃命於天是故我實基之也放勳在上而鯀殛尸之者有人而無德以基之之驗也三月不違而不克永世德足以基之而無人以尸之之驗也是故會實成之也我國家大有咸寧至於成化弘治之時極矣而今大夫黃州吳先生實生於成化之初及其起家甲科爲大行爲臺史

金谿蔡元啓五十壽序

金谿李公濟介書徵言爲其妻兄蔡君元啓壽夫  
欲壽者人之同心也然壽有天道焉有人道焉天  
道者天之所以壽乎人者也人道者人之所以自  
壽者也君子之於天也不幸望故於天之所以壽  
乎人者或修或短無逆命焉於人也不苟怨故於  
人之所以自壽者雖天莫吾能違也昔者穆叔語  
范宣子曰太上有立德其次有立功其次有立言  
久而不廢此之謂不朽嗟乎窮天地之間萬有之  
物非山石其誰不歸於無也而獨不朽焉壽莫如  
矣然原其所自則惟立德與功與言三者而已然  
則是道也非人之所以自壽者乎非君子之所當  
致力者乎蔡君年今五十耳百歲之期僅及其半  
進修有其時矣謝榮朝甫抱機邸樊淳未滴而真  
未鑿犹之其受和白受采也進修有其地矣研切  
詩禮繕治情性交兄師友茲維相先進修有其資  
矣誠不苟於自恕磨而鑿焉湛而流焉增而高焉  
而深焉緝而熙之無間然吾見君之有立也知

君之遇不朽也今夫時之人睹殤子則戚然而悲  
惻然然恐語及彭祖則惘然若遺世之太晚焉然  
今之世有彭祖已乎無也然則殤子盡也彭祖亦  
盡也同歸於盡又何壽天之足欣戚哉吾固畧天  
而致詳於人冀知所以自壽也君尚繹思而敏隨  
之哉是爲序

壽龍江唐老先生六十序

今嘉靖十三年臘月丁丑晦日庚寅吾師龍江唐  
先生六十誕辰也於時袞董漕於松距承乏督學  
於茲者五年距龍江督學於吾江西者十有七年  
矣惟昔龍江之教吾邦人士也其言曰惟天室大  
競惟才適用用之不適匪厥才固然惟厥趣日究  
於弊尚猷黜乃心其惟正學惟正道是崇是廸以  
近天子之光厥既竣事乃獨進袞曰是在吾子其  
永肩無怠及袞來督學於茲也惧穉且闇將羞於  
章介菴文集卷之五 序 王  
前聞曰惟耆成人是憲是謀乃走下吏迓龍江於  
家已乃書來曰子將威命以升黜多士而辱聽於  
予恐人亂乃聽遷乃慮胥動浮言以相訐誘斯命  
也予其避袞用是弗獲賓龍江而自是之歛之舒  
之潦泗之徐之淮楊所以杜私交貞士習者益精  
且定焉蓋龍江固已命之矣夫時之人胥延納胥  
比附胥誥教匪倚於名則或督於利而龍江所以  
範袞者惟德惟義終始惟一其錫類甚大顧袞何  
以壽公也惟龍江孝文之行孚於鄉羔羊之節著

於朝惠洽湘湖而恒德古義又足以陶多士反諸  
正始逐於權閹終囚於逆藩然囚而能脫脫而能  
倡義勇收尊黨撫居民待義師是惟忠智者能之  
夫壽依於德而氣化盛衰之權君實司之德固未  
必貞勝也若顏氏子乃弗克永享天命豈伊德之  
疵實惟其君無良今天子文武聖神彌綸元化濟  
者淳散者合否閉者宣匱用敷錫仁壽於萬方而  
龍江之德顧又灼章如是信其壽之未涯也乃歌曰  
南山有栲北山有桤樂只君子遐不眉壽樂只君  
章介菴文集卷之五 序 六

子德音是茂又歌曰南山有栲北山有桤樂只君  
子遐不黃耇樂只君子保艾爾後歌已奉行幣羞  
三觴於龍江成歡而罷是爲序

慶趙太淑人榮壽七十序

嘉靖辛丑五月望日陝西撫臺洪洋趙公母太淑  
人七十誕辰也太淑人易良溫慈作對君子篤生  
義哲服在大僚越西土惟時怙冒民用太康乃於  
是日洗腆用酒登降跪起翼翼顙顙太淑人喜動  
顏色公亦垂金紵紫紱蹈忻躍已而藩臬諸大夫  
暨各長貳莫不歷階升堂效厥誠悃於時甘雨應  
辰物情爽凱文物豐大視聽聿新諸大夫乃胥語  
哀日子實承下風以式多士其可無言以昭茲盛

章介菴文集

卷之五

序

七

美衰不敢以不敏辭乃颺言曰昔者箕子傾五福  
之疇而先之以壽壽之於人大矣今夫人子之情  
孰不欲壽其親也然親或壽焉或否焉何也孝有  
至有不至焉耳孝之爲道也不可遺其爲品也不  
同太上盡德其次盡禮其次盡物其次盡力盡力  
者純其樹藝牽車服賈庶人之所有事也盡物者  
耳目之好安養之具山珍海錯莫不畢備厚積多  
藏者之所優爲也盡禮者衣服飲食宮室與馬爲  
所得爲罔或踰僭益受職於朝修政於家恪恭子



聯以禮爲悅者也斯三者皆孝也而欲壽其親非  
甚盛德其孰能之且夫通塞者時也夷險者境也  
向背者情也合是三者而一之於道必貞吾志必  
精吾業必竭吾才必不失吾常時潛而潛時躍而  
躍時遠而遠時近而近粹之爲道德炳之爲言華  
揚之爲事功流之爲惠澤厲之爲武威立之爲節  
概以翊王化以垂民彝以利天下以式後世是之  
謂其德也詩曰民之秉彝好是懿德夫孰能忘之  
哉孰能遺其所生哉是故聖賢之親天下後世無  
章介菴文集卷之五 序 八

至其施行又皆務休養而不務馳驟務寬簡而不  
務煩惡務教化而不務威斷率是道也擴而大之積  
而久之庸功偉烈殆將勒鐘鼎紀旂常與諸名世  
者相爲不朽而太淑人亦永有辭於世矣然則公  
之所以壽其親者固自有道而禮脩物時承歡膝  
下特其餘事也夫子之身即親之身也子之善非  
親之善哉觀公德業之盛則太淑人之德之壽有  
不待言而著者顧衰之言不足以盡公之懿也然  
而美不忘規頌不忘勸蓋亦竊附風人之義以寓  
章介菴文集卷之五 序 九

愛助之誠焉耳雖然此固聖天子屬望股肱大臣  
之意也亦諸大夫暨各長貳欣慕願望於公之意  
也而非衰之私言也是爲序

慶同年馬盱石六十壽序

今嘉靖壬寅秋十月之朔予同年建昌盱石馬子六十辰也撫諸同年相率詣予徵文以爲壽嗟乎予言惡足以壽盱石抑盱石自有可以得壽之道三焉昔者盱石家食而家之人宜焉治邑而松滋江夏之民宜焉佐郡而嚴州之民又宜焉此其可以得壽者也古稱堯舜之民無不仁且壽言聖人協於上下故氣化亦隨之以盛且長也盱石生於成化弘治日中宜照之時其得於天者當大異於章介菴文集卷之五序十叔季之世之人此其可以得壽者二也予昔翔星沙鬱義陵沂花水之源尋秦人隱處之跡見其山川迴薄雖歷年久遠而元和之氣尚若蒸饋而未盡解散因爲詩曰須信至和能產玉秦人休訝盡童顏矧建昌實朝廷分胙親藩之地風氣凝聚甲於他郡而盱石乃藉以生焉此其可以得壽者三也脩是三者而盱石之壽知其未涯矣知其未涯矣雖然此特言夫賦命之長得數之多者也而未必命諸理晷諸表超乎氣數之表而無與於天也

若吾孔子所謂壽則有然者矣其言曰仁者壽蓋惟仁則無雜而純惟純則有常而靜惟靜則富貴貧賤夷狄患難處之一也處之一則境遷而已不遷焉時變而已不變焉造物者不得而攻取升降者不得而逆揚進退者不得而乘除聲色貌象紛貴怪詭雜然爭驚於生息相吹之地者不得而牽撓戕賊故曰天道不已又曰至誠無息不息則久非天之至壽其孰能與於此其不然者而憧憧焉而陳陳焉而莫守其都焉倏而凝冰倏而焦火倏而淵淪倏而天飛倏而若乘春雷而勃然以奮倏而若望秋瀨而泯然以隤且蟄是雖跬步之間斯須之頃已不勝其作止任滅之苦矣形生神死固天刑之所集而何壽之足云哉以是知顏氏之短未足戚而盜跖之長未足忻也盱石素誦法孔氏又與予俱息冒林下康濟此身實維其時將得不墮盛於行乎如日莫不由戶莫不飲食有而棄之維我心惻則予他日尚當與盱石雲卧麻姑月飲紅泉相與瀛溪一者無欲之旨而從事焉以庶幾乎

孔子之所謂壽也是爲序

章介菴文集

卷之五

序

十一

慶太守擴齋先生父母雙壽序

介菴子曰天者物之祖也親者子之天也子之心孰不欲其親之壽哉然或壽焉或否焉則莫之爲而爲莫之致而致者也吾郡太守擴齋曾公蒞任之明年父大封君慎菴先生壽七十母太宜人陳氏壽七十有二親以壽而生成之恩愈深子以貴而顯揚之孝益篤天下之可樂者莫過於此何其得天之厚而賦命之祥也於是郡佐奚益黃公鶴山謝公海濱趙公暨諸僚屬相率徵文馳寓以爲章介菴文集卷之五序十三

壽公亦忻然喜有所藉以慰其白雲千里之思願予不足以辱此也雖然嘗聞君子所以壽其親者有三脩焉脩德一也脩禮二也脩物三也三者皆所以壽其親而仁人孝子所尤盡心者其惟脩德已乎蓋其道德成於身事功昭於時聲聞惠澤流洽於天下後世有以感人心而起其向慕之念則雖愁斐之甘棠遺晉之冠劍經歷寄寓之陳跡觸於目而感於心尤胥願戀愛惜而不能忘棄況其父母有子愛敬者哉使天下後世莫不愛且敬其

親斯所以壽其親也斯孝之大者而非彼食脩其  
旨衣脩輕煖鼎俎必脩飲饋酌周旋必脩節首可  
比也擴益端直而廉節淵塞而靜怒狃之其受和  
白受采也而其得諸家庭又有太過於人者蓋慎  
菴之游庠校也悅詩書而飭行檢其守官職也礪  
廉白而流于惠勇退以全節刊華以葆真縉紳先  
生類能導之以風其鄉人太宜人之教子也養於  
童蒙禁於未發自衣服飲食出入起居以至交承  
潛從罔不審察而周防焉夫以天性之親而啓其

至司察之吏不敢舍郵亭盜賊奸人逃而入他郡  
霸誠一代之循吏也晦菴之治南康也崇風節勤  
教肄而尤以振恤民急爲先務所疏選將吏覈兵  
籍開屯田練民兵以輕賦寬民之說雖未見施行  
然奏減星子稅錢甲減各縣科紐木炭錢大旱則  
禱祠山川却蓋暴露先期講求荒政臨期開場濟  
糶莫不竭盡心力區畫詳審所活至二十萬以上  
又築堤捍水使熾岸之舟不至漂溺而商賈畢集  
至今民犹賴之其治漳州也崇風節勤教肄如南  
康之時奏減諸色上供及經總制無額等錢罷瀕  
海鬻鹽諸舖至於經界一疏分析利害細入秋毫  
始末綸緒具有成算雖未及施行而忠勤撫字之  
心則既盡矣晦菴誠一代之循吏也夫希蹤曠武  
方駕逸轍以策助清朝流光汗竹士君子之志也  
况擴益天資之美如是得於家庭之多如是其新  
政又已鍊羣聽而挾輿論如是推而廣之克而盛  
之有不爲黃霸晦菴者耶而所謂脩德者有外於  
此耶夫然故在郡爲循良在國爲良臣在人品爲

賢人爲君子將使吾撫之人飲流而知源食實而懷本日茲大封君大宜人之教也吾故得享此也而曷可忘也豈惟撫之人雖天下後世之人聞撫之賢而邇其所從來亦自有不能已其愛敬之誠者然則吾人所以壽其親者顧有加於此哉顧有加於此哉若予文不足爲重輕也惟擴其圖之是爲叙

慶知幾子黃君夫婦七十壽序

凡事物之來莫不有先現之幾幾者動而未形象而未著萬事所由生而變化所從起也然有吉凶之幾焉有事理之幾焉國之治亂家之衍耗身之安危事之成敗利鈍跡未形而端已露吉凶之幾也汗隆進退向背攻取紛紜雜操屢遷而無所不在者事理之幾也吉凶之幾必彰於五色動於五氣發於五聲馮於五行傳所謂國家將興必有禎祥國家將亡必有妖孽見乎蓍龜動乎四體者也

章介菴文集 卷之五 序 十七

天之道也若事理之幾往往見於物我感應往來屈信上交下交相推相操之際雖天實主之要亦人參於其間有不純乎天者矣然吉凶者事理得失之報猶之形影聲響能相有而不能相無也則幾又豈可以異視哉嗟乎知幾者聖審幾者賢從欲如流罔然日趨於凶咎而莫知改覆車之轍者衆人之通患也歲月逾邁先幾屢迷升流靡屈之憂方軫於懷於時友人楊子伯忠徐子全之來言曰吾鄉印峯黃君宸章敦厚修潔人也且自號曰

知幾子夫幾無極翁嘗丁諱言之走也亦習聞命而未之逮也黃君殆有志哉殆有志哉予聞而痛之叩之則曰君獵涉書史發爲詩歌時闢古作者門戶壯歲携貲客游滇蜀間操奇射利雖習尚則然顧獨帖然不亟與之競年餘五十卽飄然求歸曰吾惡乎乾沒者之汨亂其真也吾恐夫逐逐於利者之日瀕於害也於是同游者咸以君爲知幾君曰自謂得計日與其弟清所先生商論詩禮以教其子孫盡鴈吟咏興味日新族黨無少長皆以

章介菴文集卷之五

序

文

君不狃於貨不惰於家不忿爭於鄉爲古逸民之流夫論匠者徵諸器論人者考諸鄉閭諸行事觀此信其志之可尚矣予聞而愈嘉之詩曰誰將西歸懷之好音言慨慕文武之盛但有西歸之人卽思有以厚之不必其實能興周道也黃君所謂知幾雖未必盡吾學之蘊然在今日亦空谷之梵音也頃予之音不足以飾情而增美爾於是伯忠等復言曰君夫婦皆以今七月望日壽躋七十其子時舉固先生所薦延而不以凡士例祝者亦伯忠

等莫逆之友也今茲齊壽親賓胥慶衣冠顯如頌聲琅如獨可使不拜好音之辱耶予曰諾哉俾書爲壽

章介菴文集卷之五

序

文

輓詩序

太學生徐文中辱與哀游因是知其外舅  
翁之賢君賢遷西蜀今年仲夏間以疾卒於客邸  
計聞文中忱焉而深思繭焉而長悼瞿焉曼目而  
若無所即且以哀詞命焉此可見王君之賢與君  
子篤親之仁矣黃鳥薤露古人亦既爲之矧懷德  
而誄不爲諛相知而哀不爲妄所歎者其尤有所  
係於外而未能息機於無營也其不幸飄揚於無  
據而未能游衣於東也是果有數歟抑人耶噫此  
章介菴文集卷之六 序

之所爲哀也

東鄉劉孺人輓詩序

哭死而哀禮也然哀有出於情之公者有出於情  
之私者公私判而天下之哀異矣昔五百人之於  
田橫也哀其死而薤露之歌作夫橫騷人耳權不  
足以達節智不足以存祀以瑣瑣鷄狗之雄守海  
島一圭之地而欲與高祖爭衡庸人知其左也其  
哀而歌之者所私五百人耳天下之人有同爲之  
漣如者乎尼父沒也魯哀誄之三良殲也秦人歌  
之夫尼父之仕魯也曾几何時已哭墓而爲壇矣  
章介菴文集卷之六 序

而三良之於秦亦未必人人素與之習也然而哀  
傷慘怛不翅在已聖其聖賢其賢而秉彝之心不  
能已也豈但魯哀秦人然哉舉天下有不哀之者  
乎是知哀出於人情之公則一夫茹悲百夫揮涕  
欲人不與同其哀而哀私於已不可得也哀出於  
人情之私則或哀焉或否焉欲人同其哀而哀公  
於人不可得也哀一也而公私廣狹異焉哀其可  
以見天下之心乎君子於是考焉吾友黃宗周  
其端家劉氏孺人年甫二十而失其所天時遺孤



呱呱方在襁褓孺人每哭而藉杖而起指天日自誓曰所不與兒周旋以餒其兒而亡其氏有如燄日懸燈青夜影與形隨而冰玉之操始終無滓孤既長而家益富諸孫姓立穎而向上者蒸如也是歲九月以疾終於寢臧獲哀之族屬哀之外戚哀之隣里鄉黨哀之縉紳士大夫之能鳴者又發諸歌咏而哀諸冊以哀焉虞殯且有日而宗周奉其冊以示某又以序屬某締閱之見寂寥短章春容大篇有味餘響拾落英而不勝其攀慕者有秋砌

章介菴文集

卷之六

序

三

悲蛩曉峽哀猿而不勝其韻調之幽咽者有荒郊野燐頽成殘照而不勝其摹寫之淒涼者蓋無異魯哀之於尼父黃鳥之於三良也夫其位相內也職中饋也觀闕觀也而哀之公於人者一至於此何哉嗟夫天地有變更山石有圯泐而天理之在人者不容泯聞夷齊之風雖砥瘳得車跡君如樵者心寒而毛豎談令女之節雖以身爲注皆可爲夫者氣優而顛慄天理不可忘本心不可死故也孺人自妙齡抗節式克至於今日以考終其命則

夫陰驅默挽使人迫於天而莫已於哀是固發乎情之公而非一家一鄉所得而私其哀者也是固縉紳士大夫所以連篇累牘而鳴其哀以輓之者也矧節義大閑俗之汗隆時之治亂胥此焉繫我國家大有威寧節義之士無從可見然近日士習亦或有腴富貴癖功名而荏苒遷化務以雷同爲和揣合爲隨床下爲恭者多矣委靡潰敗安知其不胥爲癡頑之輩而反孺人之不若耶太史公曰三百篇之詩皆聖賢發憤而作茲冊之成諸君子

章介菴文集

卷之六

序

四

其有所憤乎夫有所憤也顧於孺人之節而悲歌焉以洩之殆不得已而爲是磯激之道哉固不止其哀出於人情之公也某不才輒敢擁篲以給先驅是爲序

建寧府起黃冊庫告神文

周禮獻民數於王王拜受之登於天府高祖定秦  
勸侯先入藏中收其圖籍凡以民爲邦本故也建  
寧踞閩上游戶口之數溢於他郡獨黃冊庫蕪廢  
年久寄藏他處亦復圯壞蝼鼠侵塵埋雨漬遂  
致表裏俱殘首尾脫絕弊事日滋聞者輿惻夫非  
民無以肇邦非冊難以弊民以令貢賦以起繇役  
以稽登耗非細故也而因循如此豈前此事事者  
皆無暇哉抑別有重於此也某等今特規地於永  
章介菴文集卷之七告文 二  
豐庫之西北龜命以今日發石萃材徵工命巧率  
建之父子各展乃力以從斯役惟神實職茲土尚  
茂相之俾速底於成謹告

祖居暨牌坊祭告文

維嘉靖二十六年歲次丁未十二月戊申朔越十三日庚申三嶺章氏卜以是日暨建儒宗進士牌門原任陝西按察司副使章袞謹以桑毛剛蠶清酌之儀率族某弟某等祭告於本處山川之神與本家司門之神而言曰惟我章氏世居鰲城昔在宋代燁然簪纓爰及有元漸就零替至元以後如苑斯瘁蕤蕤析連邇三嶺是遷宛若瓜瓞僅爾綿綿我明應運廓清天地有錫曾祖再生章氏田園既章介菴文集卷之七 告文 三

關堂宇亦植子子孫孫孔蕃且碩迫我顯考風概卓然塵視金帛正氣回川培根既久穠華鬱宣蓋自王簿君以來凡三百年予末小子始丕承祖烈厠跡朝賢馳封有誥奉祭有田暨我子弟亦各乾乾今高門有仇華扁載張惹惹里閭監亦有光此雖吾宗老之今圖族彥之義舉然國恩也世澤也山川之靈也是用合誠祭告以答揚明貺申祈嘉祐維神庶幾顧念俾我章氏永敷於休尚享

陝西巡撫等衙門祈雨祭告華山吳山太白

山文

雍地高亢九川澤之浸不及荆楊十分之三嘉谷之殖實惟時雨是賴而去冬及今雨澤愆期黃壤蔽野麥苗初生旋就枯瘁夫土脉焦乏則蝗蝻滋焉五谷不熟則人民餒焉遑儲何由而足國賦何由而供治忽所係厥惟重哉緊昔魯史特書大雩乃暨累朝奔走羣望矧今天子文武聖神稼穡艱難惻痾乃身某等祇奉德意撫蒞茲土目擊恒暘如章介菴文集卷之七 告文 四

臨淵谷永惟刑罰之煩征歛之急公私之侵漁小大之科率皆足以銷燭和氣感召天變某等亦既痛自修省中飭羣吏矣惟神歲秩明禋民心向往其與命吏責任惟均又况翕張旁魄興雲布雨代天宣化神實優爲是用率籲陳詞與三秦士女請命於神神其大沛甘澍弘濟災危庶幾茲土之民有幹有年而某等亦將有所庇藉得以少安其位矣洋洋如在鑒此悃誠謹告

明故中憲大夫松江府知府黃洲吳公墓誌

銘

今嘉靖庚子春三月二十三日未時鄉大夫黃洲  
吳公以疾卒於家既越八月遺孤郡庠生淮  
政樂先生所撰事狀請誌銘公墓予與公同里聞  
義不容辭公諱鉞字宿威別號黃洲世家崇仁穎  
秀鄉之白馬嶺馬嶺扶輿騰踔自昔望者以爲有  
異氣至吾氏始盡發於人曾祖曰昇號逸杏遠於  
醫術嘗邂逅東里楊公於江陽門東里時方教授

章介菴文集

卷之八

一

以自給公眵之曰大貴人賢宰輔也楊公竟相三  
朝爲宗臣第一其神解多類此沒贈奉政大夫順  
天府治中祖衡起家太醫院累官至山東叅議父  
孜號草亭母趙氏草亭仕爲翰林院典籍義烏縣  
主簿沒贈御史趙氏贈孺人黃洲生而英爽叅執  
自童外時草亭與其弟膠州守徹聚居京邸朝夕  
摩切無異師友文章行業浸浸負鄉譽而族祖師  
尼公尤以古學博識爲邱瓊山諸公所推許故公  
早已與聞道要望洋滄海知小成不足爲儒也年

十八九還鄉間從草亭公遊宜黃黃士人劉鑒  
一見奇之以女劉氏妻焉尋補郡庠生與木亭先  
生俱爲太守江浦吳公二守宣城趙公所嘉賞同  
時聲應氣求游從考問如李君子實司君朝禎吳  
君元觀皆極膠庠之選日新月茂宣華流潤遂以  
書經首卷領江西戊午鄉薦壬戌登康海榜進士  
授行人司行人屢奉使犒軍湖廣宣詔川陝行李  
蕭然毫髮無所犯丙寅陞南京廣西道監察御史  
奉勅清軍兩浙凡衛所輒勾而非奉部冊者一切

章介菴文集

卷之八

二

報罷民用不擾已巳丁草亭公憂服滿改除陝西  
道巡按應天等府所至按問官邪剝革吏弊大家  
小俠深藏遠邇而平反冤滯討擒賊盜發摘隱伏  
動若神明至於禮士夫表節義新銅陵等縣之學  
復安慶吳塘之堰與夫禁科罰平賦復省吏應省  
以爲已事之所當然而爲之綽有名御史風焉時  
松江乏守當路以其濱海重地財賦淵藪非老成  
練達者不足當之遂舉以授公松之俗豪者則連  
阡陌弱者無立錫之地假貸取息數倍於本不足

則奪其田宅子女而富豪之家尤甚公至大中約束即有犯者斷斷不少貸松之稅糧百餘萬石逋負相仍而公私之侵漁兌軍之劫奪淫解之勞費又紛然雜出故糧長之役松民苦之無異誦戍然徃徃害及貧弱而豪貴之家顧獨免焉因得益肆其兼井之術公乃親閱版籍惟丁糧多者則復之雖甚權貴不問也終公蒞松之日稅糧如期而小民安業職此故爾上海青龍鎮受吳江澱山諸水而地最高亢陽旱雨澇歲以爲常又去府特遣民

章介菴文集

卷之八

誌銘

三

習罷悍公相度形便鑿渠築堤田用饒沃方議置縣治而去任不果其他通變宜民靡事不爲要之扶弱抑強之意每行於其間若夫登華亭縣尹之奸貪治上海董姓之橫暴真豪民危半海者於法而活其子則又深刻巧儒者之所不爲也然則公所以惠鮮松民不負任者以此所以橫遭譏構至於落職者亦以此初宰藩之變武皇南征土供之物取給於松者十之三公念其弊也乃捐已俸以佐費及庚辰去官所捐俸二百餘金犹貯府藏嗣

守賢公自諸撫按而以其金轉致於公即此一端公之所以守已愛民者概可知矣彼嘲公者乃謂公於上供之物漏卮焉信乎亦已太甚也公去松後十六年袁二守於松海聞邦士夫謂風節凝峻人不致犯勇於有爲民受其福前後守如黃洲者不多得也然則公論固久而後定哉公謝事後即居第於郡城太山之麓日招故人及方外之士討論詩律講究長生久視之術每饋燕必擊鼓傳觴壺矢闌令臨日之力以爲樂其睦宗族也助婚塋

章介菴文集

卷之八

誌銘

四

修譜牒其恤貧乏也稱貸不能償輒焚其券他如暑月施茶藥以濟道渴及獄病之人倡修梓陂以恤旱澇又皆本諸仁心而可示法於鄉人者也公生於成化癸巳四月戊時距今庚子享年六十有八初娶劉氏早世贈孺人繼妻甘氏封孺人生女二長適進賢朱侍郎克譜子璣次適進賢江郎中謙之子桓次室何氏生女一適臨川庠生晏宜周子徽徐氏生淮女一尚幼淮娶同邑方氏孫男頤淮年方壯生生未艾也是歲十二月淮奉公柩葬

於臨川百七都禪和峯之覺日維維時維維首維  
維趾維維從龜告也惟公英姿勁氣遇事不隱其  
才論事不匿其指事理所激不曲意以悅其人固  
孔門侃侃之餘也然夷居接物渾無圭角豪談善  
謔逸興浩然爲文根切事實而清雅爽亮如寒潭  
霽月快馬輕蹄使人一讀即能了其義爲詩巧而  
有則贍而得體節不繁促而音調適均有盛唐興  
致焉嗚呼犀角象齒竹箭文材黃金白鏤珊瑚磨  
石之類雖才成專美用謝兼長然妙範醇精粹鍾  
章介菴文集卷之八 誌銘 五

異表雜諸衆品高下自殊固天地奇產也顧予何  
足以知公哉抑木亭之言曰黃洲可謂風流人豪  
者矣是用誌之以昭示來世銘曰

馬嶺蟠蛇 翁張元靈 篤生黃洲 頽茂忝

東膠毓俊 玉撞金鉦 丹霄連步 簪筆承明

豸衣玉斧 一道霜清 郡符載綰 燕及孤鶯

婆娑青野 蓮社詩盟 二十餘載 童孺知名

何斯厥世 騎箕太清 禪和奇秀 天台赤城

公平爰宅 孔安且寧 劫風震蕩 靈谷遷更

流光無極 不在斯銘

章介菴文集卷之八 誌銘 六

明故饒君汝贊墓誌銘

昔正德辛未予初游郡學每試於學試於府試於  
察臺必與饒君汝贊俱時汝贊藝已成名已著予  
寡昧無知乃汝贊獨不以農人例待後汝贊分界  
東鄉縣學然每入郡城或並試場屋相遇相得之  
情猶夫故也歲辛巳汝贊以疾卒於家壬午以後  
予亦宦游南北蓋自是兩家音耗杳然矣今嘉靖  
庚子冬予以天官即考績過家汝贊之子東鄉縣  
學生霽狀其父行業事績請誌銘其墓嗚呼日落  
暮介菴文集卷之八 七

冰寒忍聞鄰笛破琴絕響追悼知音故舊之愴于  
古同然予獨能忘情哉謹用誌之曰汝贊姓饒氏  
名天宸字汝贊世爲東鄉南塘望族曾祖孟旌祖  
復振皆潛隱弗耀父德裕以文學鳴於庠然亦未  
及行其志母王氏汝贊自少穎敏長老見者皆以  
爲偉器稍長從今少司空安仁兩山張公受詩經  
講求孔魯思孟立言之旨旁及史記通鑑百家之  
言化旧增新如源方駛歸與諸生旅試遂爲二泉  
邵公虛齋蔡公所嘉賞自是學益勤理益精發爲

文詞皆縱筆任情不至故常潤絕彫琢而用陳爲  
新天趣益發人謂決科拔薦無難也乃汝贊竟以  
正德辛巳四月十八日卒於家距生年成化癸卯  
僅享年三十有九而已嗚呼惜哉汝贊孝事二親  
與其祖母王氏愉色婉容根於至性居常與其兄  
壁川君約曰兄必富吾家弟亦當不墜先業明經  
以求見於世友愛親切精義藹然教授生徒懇懇  
爲言反身遠裏之學貧者雖束修之禮亦峻卻焉  
平居恂恂無以踰人遇事則砥礪礪義氣激發  
章介菴文集卷之八 八

寧藩之變倡率鄉里團集民兵以應官府邑胥有  
暴橫凌虐其鄉者盡列其狀於當路胥竟坐抵法  
此其局量規模豈拘窮退幅視時前却者可比哉  
汝贊娶臨川施氏生霽及女鸞玉霽娶白汧貢生  
李國信之女孫男二曰啟棠聯金谿陶峯鄉進士  
汪伯英之女曰啓克尚幼孫女一日姒許適同邑  
塔橋府知事吳雙溪之孫鸞玉適進賢庠生鄭舜  
儀汝贊之卒也霽甫脫襁褓故遲遲至今庚子十  
二月十五日某時始克塋於同邑十三都義方之



源某山負子揖午從龜告也嗚呼嗇於德而豐於  
壽舉世何多也姁節好修如汝贊乃顧芳華過謝  
而不究其用可謂天道有知耶則又安可使其泥  
泥於地下耶茲故誌之而擊以銘銘曰  
得之也生 失之也死 吾惡乎爲汝贊喜 得  
之也死 失之也生 吾惡乎爲汝贊悲 造化  
出入 詭怪神奇 孰能爲帝 孰得而私 嗟  
乎汝贊 其不安于茲

明故進階亞中大夫彰德府知府宣城靜翁  
趙公墓表

公宋宗室宣城郡王師祁之裔明贈奉政大夫撫  
州同知海之子其幼而學也以刊華誕崇本實出  
人不忤所聞爲士類所宗其壯而仕也以由誠心  
任實政不爲奇詭赫奕以要時譽爲縉紳所尚其  
老而致政以歸也以齊得喪保終吉不爲顧景貪  
得之行爲鄉邦所重公卒之明年哀以督學至宣  
城奠公之餘其子太學生魯奉公高第弟子吾鄉  
章介菴東集卷之八墓表 十  
木亭樂先生誌銘請表其墓嗚呼棄茂科級侮慢  
訓言以爲艱難支離不足爲也一切師心自用猖  
狂鹵莽而以號召於天下曰斯古人之學也故士  
之術益疎矣誠得如公者繩引而的示之不犹庶  
乎胥匡以正乎詭御巧發東縛其民以自悅於上  
而顧詭曰非是無以趨時也於是民之命益窮矣  
誠得如公者潛煦而裕養之不犹庶乎其將阜成  
乎夫有始者不必有終是故咬咬於壯而耄或淪  
焉公年八十餘矣醇德雅行始終惟一然則聞其

風者得無激垂流之矢礪向鈍之鋒益堅操而永  
保天命者乎嗚呼若公者世可無哉世可無哉  
故表而出之以詔後之人若公之生歿卒塋官塔  
歷履與夫子姓之繁木亭之誌備矣茲不贅

奉政大夫廣西桂林府知進階中順大夫杏塢鄒  
先生墓誌銘

先生姓鄒諱統字元潔號鶴峯號杏塢其先宋時  
家宜黃之梓山梓山徙中田中田徙臨川之侯源  
侯源徙新會新會徙今寧家渡累傳至一松翁即  
先生大父也藏器而不售竟以其所畜者遺諸先  
生先生生成化之乙酉十歲能屬文弘治乙卯以  
詩經領江西鄉薦丙辰例授太倉州訓導壬戌丁  
一松公憂乙丑服闋補應天府學訓導又丁母徐  
氏憂正德辛未服闋例應九年考滿蒙宰選巷楊  
公取公績偶四川盜起蓬州守難其人遂擢公知  
蓬州蓬西北孔道蜀藩臬以王事入京者必由焉  
公迎送之禮一毫無所私於人遂以婆娑之故甲  
戌改知廣西永安州已卯陞貳桂林府辛巳加食  
四品俸嘉靖壬午赴部考績癸未還桂林甲申加  
授奉政大夫先是每乞身輒爲當路者所格至是  
決意引疾章凡再上始得俞旨照前加俸仍進階  
致仕夫教孝以事親忠以事君正以約己仁以字

民勇以解難退以全節斯皆儒者之高蹈也然難  
乎其人矣公始教太倉與應天端模絕勤講肄嚴  
祀孔子與火化其親之禁誘之以囑托則峻謝  
勸之以攀附則不答輔臣誚事權閣以固寵則作  
奸臣野史傳作紀聞錄同年以言事去國則作君  
不見詞要其施雖未甚光然已蒸乎上往矣其始  
至蓬州也土漢官軍數十萬屯駐境內芻糗糗糧  
與夫城池墩堠楨幹戎備諸事叢於一身公盡瘁  
經畫動中機宜用能陰翊廟筭以平巨寇乃後已

章介菴文集

卷之八

誌銘

十三

奉改永安之檄犹以身領雨且番俸四十餘石以  
贍其師生去之日老稚填塞衢巷涕泣不能捨益  
前此守蓬者未嘗有焉永安素號難治萬山亘阻  
夷獠盤雜誘劫警殺無虛日公前後條上十二事  
莫不熟覽始終詳究事實而最後六事曰撫捕兼  
行日禁弊沙兵日取民種田日蠲免墾頭日禁革  
差吏日禁治招誘尤爲老成切要之計當路或未  
即許可則反覆開論必得所請而後已卒之撫縱  
擒勦動罔不利而境內帖然無血刃之警至於下

荔蒲筭峯據險難犯之盜破臨城烏合八千之黨  
則又其績效最著者也初州俗凡女將字則多致  
少年與之狎坐歌謠自夜達旦七日而後止公力  
加諭禁自是亦多愧悟倣於中土焉夫人之常情  
雖便安之地久之犹或有去志矧永安夷徼也乃  
安之如家從事不怠交中貴以圖善地之謀雖至  
親以告亦憤激不能容昏夜乞哀驕人白日不知  
側者已隨其後之言至今尚凜凜也公於永安從  
事最久樹績既多及貢桂林朝廷兼錄前勞加俸

章介菴文集

卷之八

誌銘

十四

增秩公亦益自磨濯洞幽滯平冤抑署印旬日園  
囿几空而平樂諸處每遇有警督府亦恒以屬公  
所至必修城池精斥堠雖深箐絕園平時知有斬  
殺不知有利害之夷亦往往望風魚潰焉公自少  
敬事二親意指所向毫髮不忍違教太倉時聞一  
松公計即嘔血柴立見者莫不惓惓每忌日必廢  
事與食雖晚年不少怠撫再從子伯端無異已出  
分異之日田宅僮僕無所私夷居坦坦于予情真  
而貌古讀書爲文皆根切理道不事涉獵彫刻之

習與人交際畧無崖岸然事涉大義則是非從違  
 備然立辨萬夫莫奪也家居餘七載足跡未嘗入  
 城府惟徜徉泉石游泳翰墨親友相招遇適意則  
 旬日番醉則浩歌對奕益儁然天授之外矣嗚呼  
 公事親能孝事君能忠立已能正治民能仁事不  
 避難而晚不廢節古有過儒體兼脩而用曲成若  
 公者非與公考終於嘉靖辛卯二月詎生年得六  
 十又七內子甘氏豐城福唐望族也生子伯貞娶  
 朱坊朱氏與予同領江西壬午鄉薦伯庸先公卒  
 章介菴文集卷之八誌銘 十五  
 女貞適潼溪徐柏妾羅氏生子伯溫伯溫甫六歲  
 而公卒聘福唐甘氏孫男式龍娶城南李氏式臯  
 聘石湖胡氏未娶而卒式悅聘王洲王氏式孟聘  
 潼溪吳氏式張聘袁坊袁氏式歐尚幼孫女徽適  
 新畚吳順適清遠傅公卒後三年癸巳伯貞相地  
 於某處卜以本年某月某日奉公柩而塋焉先期  
 具狀請誌與銘夫誌以記事銘以申義非細故也  
 古今藻翰之士予無能爲役安敢輕有所與然典  
 刑攸在撰述匪誣矧生同鄉并親於見聞故無得

而讓焉銘曰

猗歟大夫 邦家之光 文猷既競 武節亦揚  
 膠鬲祭蔡 弦誦洋洋 燕及孤嫗 湯彼蠻方  
 急流勇退 彌晦彌彰 險夷不貳 終焉九臧  
 堂堂封邱 油油宰樹 繫千萬年 賢大夫之  
 墓

章介菴文集卷之八誌銘

十六

明故陳母師孺人墓誌銘

陳孺人師氏者臨川柘溪隱君師彥才之女水田義民陳邦瑞之妻舅爲隱君陳景蕃姑爲江氏庶姑爲周氏周氏邦瑞君所自出也子長爲輔幼爲道輔娶徐氏道娶黃氏輔早卒道起家貢士累官至安順州知州孫爲輔所出者曰燦燦燦燦嘗就辟爲藩司祿以幹蠱弗就官爲道所出者曰燦燦燦在蓬州吏目燦登今辛丑沈坤榜進士曾孫今游郡庠者日以賢以雅以良成人而有室者日以章介巷文集卷之八 誌銘 十九

方以正未冠而幼者以南以備以訓玄孫曰初曰善曰唐外清曰黃廷任曰梅仁孺人懿質性成不假訓習其爲婦也曰吾不及奉吾舅幸及奉吾姑禮不脩物不時就養不適其意吾無所逃責矣時江以邦瑞君非已出日夕以費私厚其二女周俱不敢言或謂孺人沮止之則曰姑非此不樂也而沮之人其謂我何其爲妻也邦瑞君豪宕潤峴頗不事家人生業孺人綜理周悉循循無所拂且善遇諸妾使各安其室成化丙午邦瑞君卒輔時十

三齡道甫六齡孺人朝夕號泣曰嗟乎悲夫天其或者不欲餒陳氏之鬼吾其撫吾子以需其成

其或不幸而剪焉以悴則有夫之文在也厥既喪事並棘棘振飾拮据軼掌人所不堪者多矣其教二孤也晝夜誦習躬自督察間給茶果以資勤苦輔雖未及試而道卒賴此以有今日其綜家務也裁冗費戒奢麗服飾器物非甚弊不改作牲醪脯醢非賓祭不輕設至於紡績織紉則雖祈寒盛暑有不廢者矣其待族長也成化間歲嘗大歉捐廩作章介巷文集卷之八 誌銘 十八

糜以飼饑者全活頗衆諸假貸未嘗不周其急貸而不能償復有所貸未嘗輒却其求隣姬就食者日數人視以爲常不厭也其事鬼神也每晨飭衣裳具薰爐禮天地家祠畢然後及其他迨暮亦如之蓋守此終身而符錄祈禱之事亦所不廢焉孺人生於正統丙寅四月二十日以疾終於正寢享年九十有五年稱未亡人垂六十年是歲十月某日道及燦等將奉孺人之柩塋於祖山毛陶窠貞辛面乙從龜告也先期以剗徐坤所具事狀來請

誌與銘嗟乎節者天地之義概也古今稱節婦者  
 多矣往往小則毀形大則滅性雖魂薄三光芳流  
 百禩而於其家少所裨益焉孺人六十年間貞風  
 懿德不少衰而愈盛其節峻矣然期頤之壽天數  
 成焉富家之吉諸福備焉子綰州符孫登甲第况  
 乃泮水敷華蕙蘭爭馥蔚如蒸如不可涯溪非德  
 諧牝馬美協黃裳而不拘於節之一事何以能此  
 夫景藩君之沒也未及見其婦邦瑞君之沒也未  
 及見其子之成則自孺人以前陳氏之緒殆若贅

章介菴文集 卷之八 誌銘 十九

旒乃孺人封殖而恢拓之遂以軼里開雄州邑而  
 文子若孫亦永有賴以表現於世易謂受茲介福  
 於其王母孺人非陳氏之王母耶其能不繹思耶  
 用是不敢以不文辭輒誌且銘之以脩野史昭陰  
 教垂無極焉銘曰

泉之湘矣 或濬其原 實之食矣 或培其根  
 趙趙鉅閭 日滋以蕃 孰培孰濬 坤德之純  
 玉不可蝕 金不可焚 皎如桂魄 高不可捫  
 又如天潢 耿不可渾 帝用申錫 祺壽彌尊

載其繁祉 貽厥子孫 比物醜類 如貞於元  
 翁聚單厚 時其萼芬 毛陶爵爵 巍然新墳  
 孝思不匱 不在斯文

章介菴文集 卷之八 誌銘

章介菴文集卷之九

臨川章 袁汝明甫著

六世孫文先子文編次

七世孫鵬龍校字

記

水巖記

巖之峻而嶮者爲巖或作岩亦或作岵字蓋通用也夫巖何處無之若水巖則必其拔洪麗而特峙踞羣岫絕埃氛與剛風靈籟摩軋衝激於太虛之

章介菴文集

卷之九

序

一

表潤而雨露凝而霜雪雖物候不同然岩之界分既高清巖之氣百倍於下方故凡此類皆得有之以爲水壺如漂如孤撐絕到可望而不可狎甚哉其得於耿介貞毅者多也士君子抗志守義超然不亂於塵俗使人望風標而敬畏雖欲牽係而不可得者實似之若彼遷轉薰灼於利欲而終不能洗濯擺脫以自求多福者其賢不肖遠矣而何水岩之足云新安隱者程君文美別號水岩介予門生胡子效賢請發其義以詔諸廣遠夫古之君子

其自命諸山與水也非苟焉牽合爾也同其德而

樂其養象其事而忘其跡如周之於濂溪程之於

伊川朱之於雲谷陸之於象山彼誠相感神而相

入深形器不足以拘之世俗則不然神明之不腴

而羣妄挺焉弊然無可以自適而思有所托以逃

也則誕而譁於世曰吾某山也某水也是之謂軒

搢杖指也亦何取於萬物皆備反身而樂之義哉

然則水岩云者將君子之志乎抑世俗所爲之類

乎夫賓焚之人悅鄒魯之人之美也於是資其冠

章介菴文集

卷之九

記

二

裳假其名號而以號於人曰吾鄒人也魯人也然

夷考之容貌言動嗜欲習尚猶夫故也有信而爲

鄒魯人者乎無也程君耽詩書而重忠信其知審

取舍於此必矣取舍審則趨向專而君子之行可

成安知他日不有遇君子於形骸之外而真以爲

水岩者哉是爲序



半池記

宗文文盛甫居之前有池如半壁因自稱半池子而請袁發其義嘗讀晦菴詩曰半畝方塘一鑑開天光雲影共徘徊問渠那得清如許爲有源頭活水來是詩也從泛泛者以爲直咏方塘已爾夫標事者切諸理屬辭者體諸撰遠取諸物者反諸身觀象以察微醜類以程彙斯古今賢哲之通軌也乃朱子所謂一鑑開者言乎天聰明也雲影共徘徊者言乎精神義理渾涵昭徹也源頭活水來者言介菴文集卷之九記

意則未之知也將欲爲朱子之所爲乎抑直以耳目所習偶然牽合以自標致乎夫今之時猶古之時而今之人心非古之人心也力以相挺利以相傾智數以相取憫然倡之羣然趨之驚然覲然狂而安之而不以爲怪是故莫不有身也而未見其能有其身也莫不有家也而未見其能有其家也有則存身之道喪而保族宜家之德荒故也是豈盛世所宜有哉彼其景星慶雲泰山喬嶽其人品豈但未易及亦未易知也然能因半池而思方塘章介菴文集卷之九記

之詩四詩而悟進善之要必擊偏必捨習必均利必崇信義黜權力必篤於親以及於隣里鄉黨慎斯術也以往人之心天之心也又何有古今之異由是菑害不生人用比家用萃子孫用昌身用平康然則半池半池云者亦觀物切已察微程業之類雖未必朱子是亦朱子之徒也而安得以無益之駢贅視之文盛少承祖父儒官之業涉詩書議禮讓稍壯試補藩牒更歷朝省習聞官府儀式公私教令大小幾禁之詳尋奉例入貲得給冠帶省

祭乃竟潛退不就選誠知夫卑冗之局促不若田  
園之舒肆也袁與君系同本原居同鄉井相與游  
從之日久矣而未嘗見其失言色失禮貌於鄉里  
貴賤長幼之人賓祭必鮮盛官室門巷器物園池  
亭榭必修飭諸吉凶慶吊未嘗不及時殆所謂敦  
厚周慎者也是可以語上矣况茶蓼方集椒條未  
蕃迓續圖回惟時惟幾又惡得不申朱子之旨以  
廣其心而掖勵之哉嘉靖己巳六月朔旦介菴章  
袁記

臨川縣學改遷記

臨川縣儒學舊踞城南青雲峯之麓自昔師生嘗  
以出入爲艱正德中有議謂城中寶應寺地高而  
勢勝可毀以遷學者未几寺廢議益洶洶沸騰然  
未有盛力而堅決者主之於上以故每議輒罷嘉  
靖辛卯侍御應山邱臺傳公鳳翔奉命清戎於江  
西所至以興學造士爲首務臨川之士知公之莫  
予鄙也亟條上其議而公躍然報可且發贖金三  
百以佐費無何天子用大臣之言召公等還內臺  
章介菴文集卷之九記  
公去而異論朋興事遂不果於成後七年丁酉鄉  
大夫陳子九川諭於衆曰學之遷也義舉也無以  
翼之猶將趨之矧決計發金邱臺公之故實具在  
也而牽奪焉可乎哉於是諸士復抗前議而陳子  
贊之益力提學憲副華亭少湖徐公階巡撫御史  
中丞華亭浦南胡公岳相與獎率而專決之由是  
議論諸協政體畫一乃以是冬始事越明年而殿  
堂門廡齋號廩庫尊經之閣庖饗之所師儒所棲  
止之舍次第告成歷十年丁未公又以御史中丞

尹撫江西維時有師往往崇文黜武虔於學事又以公之風指先之是故茲學規制煥然大備金碧黝聖果恩欄檻泮池澄泓榆柳蔥蒨諸士亦舒翹擢穎趾美賢利邦之士夫耆老莫不欣欣相告以爲地以運啓運以人成昌辰奇遇厥維休哉又莫不曰創其始者不必成其終爲其事者不必臻其効今新官有伯儒効蠅興而公又適至他日周詳遠觀得無大快也乎得無益加惠也乎是不可無紀也乃相率言於貳守捫府事福清陳君一貫節

章介菴文集

卷之九

記

七

進士事茶陵彭君案請石勒辭以垂示丕烈二古既深難之又得請於分守烏程張公永明分兌錢塘吳公源乃構碑亭於泮池之左而以文事屬袁袁邦人也不敢以不敏辭竊謂士之有幸不幸學校之興廢爲之也學校之興廢世道之隆替爲之也粵若甯縣分裂文軌殊方皇路險傾中原逐鹿當是之時或曠世而無學或有學矣而勸帥之官未必備或備官矣而講讀之書未必全或書籍全矣而又未知所以教有一於此皆人文之所

以晦人材之所以衰雖謂爲士之不幸非過也今國家職效百靈履包四海自國都以及間巷山腹裏以達邊陲荒阻之邦百家之聚莫不宮牆峩峩師儒雅雅緹綱滿架統一聖真而又薦延廣欽取之述陶範嚴督課之法士生斯世固已不勝慶幸矣若臨川又南都旬服之邦累朝所以潤飾其學技振育其人材視畿內大邑常相伯仲焉乃今又以限隔墮闌出入維艱之故至勞羣公廢尹暨百執事哀思展力改築而作新之其有德於諸士甚

章介菴文集

卷之九

記

八

大而其所望於諸士亦甚大記有之報者天下之利也施而不報則施者輒矣而何利之有諸士獨能安受厥施而不圖報耶蓋吾聞之天地之中粹然一致而二五凝孕美惡蕭條是故學之爲貴也今或徒知所性之本善而不知氣質之不可以強同舉聖門所示一切學聚問辨存省克治之法概以爲障蔽爲外道爲執着必欲盡絕知思悉屏修習如懸崖撒手獨任自然乃爲本來切已之學嗚呼氣強理弱之餘感物而動果皆發諸本心耶抑

或秘心所發而不自知耶果皆山下所出之泉耶抑或混泥滓而出之者耶是未可知也夫是之謂佛學昔者聖人之閑天下也指事以撰德因時以立教其名雜其指遠可推以通而不可以言盡也今或迷本統而泥口耳糟粕之是守成跡之是拘終身僕僕於經師邊幅溪徑之內不能有所自得以觀會通而行其典禮譬之操無星之秤適日中之市低昂贏縮惟馴僮是聽夫是之謂奴學而諸剽掠剽襲弄焉務爲浮誇靡麗之文以鉤若榮名

章介菴文集

卷之九

記

九

逐時好如俳優賈術然者無論也夫學所以變氣質之異反性命之同而自覺也奴且佛焉學其所學豈聖賢所謂學哉聖賢所謂學孔子告顏淵者是也其言曰非禮勿視非禮勿聽非禮勿言非禮勿動夫視聽言動日用人事之常也非禮勿視聽言動非有甚高難行之事也然孔子所以教顏淵所以學者惟在於此是不可深思耶故由其察幾以擇善健決以固執見精一執中之法焉由其感應交萬事出而皆勝私以體物約情以合禮見格

物集義之方焉由其豫內以利外制外以養內見敬直義方致用崇德致中致和之要焉由其從事於此而已可克禮可復聰明睿智皆由是出祀天享帝天下歸仁見達近精粗本末上下通一無二之妙焉然則授受數言之間而聖功王教至矣盡矣不可復加矣周子謂學顏子之學正謂此也捨此不務而彼之安焉猶去中國而入夷狄厭康莊而驚絕險膠目蒙面而仰睇天日非所謂不幸而不聞大道之要者耶豈印莖諸公所以惓惓改作

章介菴文集

卷之九

記

十

之意耶大觀在上風覃化沐士固宜若此耶哀愚且羣言不足爲當時重第諸公所以風我邦人而改易其觀瞻警發其趨向者不可虛辱也故輒冒昧言之諸士其將若之何是役也前此東廊書之詳矣詞是若大守漳浦曾君汝楨貳守陳君一貫節推彭君宋力尹象山應君雲鷺以及通判海陽姚君繼選鄭州宋君績皆效勳於斯者也故續書之

慈樂堂記

金谿庠生黃文豹惟德甫作堂以奉其母詹孺人  
既請於師卓峯黃先生顏其楣曰慈樂堂又介其  
友黃時舉吳德秀傅汝成輩請予文以記之夫子  
之欲樂其親親之樂其子之樂皆降衷秉彝特達  
直遂所謂不識不知何思何慮不待毫髮假借於  
外然後足且快也而後之以名其堂不已贅乎又  
張黃焉而以文不愈贅乎天然性分之樂固若是  
乎抑足於人爲增飾之末乎嗟乎是未可以概論

章介菴文集卷之九記

三

也昔者周公得禾以名其書叔孫勝狄以名其子  
漢武得鼎以名其年蘇長公閔雨遇雨以名其亭  
自古世不常有人所難必之事幸而得之則必錙  
諸金石銘諸器物播諸聲詩軒堵以昭盛美而壽  
諸無斂蓋雖聖人不靳爲之也惟德此舉無亦是  
之類乎昔惟德之父引之早以經術藝文馳聲郡  
邑兄文麟亦夙稱穎茂正德中北郡李公夢陽視  
學江西所至軒軒騰騰士類望之蒿鷄雲鵬不加  
也及壬申冬校士吾撫乃於引之之文深加旌

平時在倫輩中亦以引之爲不易及也後十五年  
引之竟貴志以沒又若干年而文麟亦物故時惟  
德年甫成童爾夫婦人於其夫與子無不欲其壽  
且貴也孺人一失望於其夫再失望於其長子唧  
哀茹苦獨恃幼孤以爲命加以外多非分之傷內  
有孽火之災官室蕩盡支吾不給將謂終身無復  
人生之樂也乃二十年於茲惟德始克究父兄之  
業以名其家軒積習之蠱以殖其產又肆其餘力  
以壯其居室而復先世之舊是月既望母年六十

章介菴文集卷之九記

三

而新堂適成於是脩其滋味豐其鼎俎將幣於簾  
崇酒於觴率其妻若子與其妹倩跪拜登降壽母  
於茲堂之上已而族屬姻黨暨諸同志之友亦各  
展誠效物相招而來賀我堂渠渠我筵秩秩我容  
儀儀我鼓坎坎而其他清謳善頌之聲揆筆吹竹  
之音先尤跳劍之伎莫不喧譁并躍錯互充斥於  
其庭母於是始津津焉有桑榆之樂雖樂矣而痛  
定思痛能忍然乎哉然則是樂也自惟德母子視  
之則爲慶幸不但如得禾得鼎勝狄遇雨者而已

立乎以名其堂又欲予記之以識不忘也良工獨  
若杜陵之言豈欺我哉雖然孔子曰立身行遊揚  
名於後世以顯父母孝之終也惟德質美而年富  
博學而能文尚大爾量篤爾志審爾塗轍潛爾精  
神毋墮硯以隘毋岐岐以術毋以工於舉子之業  
爲已定必脫凡近必師聖賢塞則龍潛通則虎變  
使人皆敬之而因敬其親皆愛之而皆愛其親則  
母之樂當不但今日已也予日望其勉之是爲記

詩

七言律

初至建寧和憲副楊西嶼韻

建州風物自天開何處從空曳屐來江雨夢殘還  
凝被朔雲望斷更登臺溪光繞郭晴尤麗山色  
簾曉水回已學支離從去住九弄鐘鼓更相催

遊永安寺

虛堂帶坐更焚香鳥語蛛絲日轉廊僧定烟花知  
夢斷官閒天地正詩忙簾櫳綠穠綠穠徧庭  
柳樹柳花對景風塵渾不計隨人至此已俱忘

題遺惠典恩卷送臨川尹林西橋行

明廷豪儁海邦儒來綰臨川大尹符元凱橋成車  
小惠文翁學建歷前圖青雲已見衣生多綠野猶  
傳戶有魚我亦建州曾佐郡可能中駕並君驅

贈朱存益領運赴南都

存益索我題詩我不超然詩亦塵即使卑吟猶  
適意若教無語以傷神人言絕似許玄度吾道何  
如鄭子與此別幾時還接席相看應念百年身

同通守廬陵羅鳳洲登梅仙山小酌

小徑盤迴野水清。層巒高閣更杯深。黃鸝暖日嬌相逐。紫燕輕風弱不禁。湖海故人稀會合。乾坤此地幾登臨。天涯悵望凭欄立。愁看浮雲弄午陰。

赤壁圖

坡公懷抱誇奇絕。縱棹乘流一舉杯。天地尚餘爭霸氣。江山久待供仙才。霜寒月白潛蛟舞。骨冷魂清孤鶴來。一幅良工輪獨苦。虛堂心賞得徘徊。

董漕廳偶興

章介菴才集卷之十七 五言律 二

清虛臺館宜幽賞。坐見東風催物華。對客笑談能有竹。隨時閒落可無花。喬林好鳥初離谷。上苑遊蜂正擁衙。對此神情應更進。況當風景滿晴沙。

五言律

和都憲孟有涯韻

東野高詩格塞登。亦自鳴梅花。新物候。棟宇亂鄉情。天隔雙魚。斷庭空。一鶴清投簪。何日事南去。不多程。

崇安晉別汝都寺

把酒還聽雨。他鄉安愴情。幾人怜老馬。到處聽啼鶯。淨綠依簷潤。幽香入座清。故山今咫尺。春興滿懷生。

章介菴才集卷之十七 五言律 三

錢塘時北上以病番滯卒復南還

越山看不足。江水去何平。不謂支離骨。還成汗漫行。長松烟共綠。芳杜雨添青。出處憑真宰。東風若有情。

龍遊舟中

江風吹雨。驟野水抱村幽。景近。萬蒲節。春深。蒹葭洲。林。易。清。澄。永。松。徑。綠。陰。稠。護。作。臨。岐。別。乾。坤。尚。此。淨。

自蕪湖往姑孰



驅馬蕪湖縣。天空曙色涼。露蓮嬌欲語。風柳秀還香。迢遞遶鄉井。徘徊過野塘。幽懷無處寄。清灘起滄浪。

同建寧郡教樂安余景華先生遊武夷

武夷奇勝地。令我重來臨。潭暖風雷靜。山迴紫翠深。抱琴因鳳曲。拂劍欲龍吟。却愧騷驚客。飄飄散雨霖。

其二

白日翻丹壁。清風吟翠條。道人燒激玉。羽客善吹簫。

章介菴文集 卷之十五 五言律 四

蕭王子來何暮張仙去已遙。鹿門還落孤負紫芝苗。

其三

落日千巖靜。孤雲半壁浮。鳥鳴雙澗合。龍蟄一潭幽。桂館經年夢。蓬萊此日遊。前人如可作。誰是共仙舟。

五言古

登子陵釣臺

昔過子陵祠。雲烟迷咫尺。今茲復來遊。軒楹淨如拭。羣峯壯欲飛。幽灘鳴相激。林深日蒼涼。風清毛漉漉。雲霞自昏曉。題咏雜今昔。俗日衰頹兩。端互肥瘠。纖趨各爭妍。軟美競投隙。所以嚴子陵。羊裘非遠適。孤風信絕倫。然乃太抑鬱。吾視聖賢心。扶顛還拯溺。豈必務潔身。不與世休戚。中庸不可能。此語非諧謔。王公當代豪。劉子駕已逸。折衷契我章。介菴文集 卷之十五 五言古 五

七言絕

寄以方黃年兄

我憶沔陽黃判官。停雲賦已夜闌珊。何時來共鍾山酒。翠柏蒼松相對寒。

章介菴文集卷之十七 七言絕

六

騷

招浮邱君詞懷賢也。章子獨學而寡傳。故擬此以見志焉。

山青青兮迴抱水。油油兮縈紉樹旖旎兮鳴鳥沼。澄明兮游魚。闌嶸兮丹艸。眇飛廉兮不如素耿。耿兮明璫。綠熒熒兮晶瑩。望紫玄兮何許。莽重關兮虎豹趨。君胡為乎不來此焉兮攸居。

又

瑤席兮為寢。瓊芳兮為輿。琅函兮雲笈。顒尔兮步。

章介菴文集卷之十七

騷

七

歌間發兮窈窕舞。續紛兮美且都。攬韶華兮難再。歎流光兮歲將徂。神鉛兮內瑩。大丹兮可圖。君胡不來兮使我心孤。

歸田稿卷之十

臨川章 袁汝明甫著

六世孫文先子文繼次

七世孫聯龍光校字

歸田稿

伍月十五日祥符觀緡圖覺經因摘問天寧

勝上人偶成

灌野癡雲送雨聲。薰爐高座此翻經。頗憐實際隨  
方現。錯憶空花何處生。淨觀精專多我未。乾城摧

章介菴文集卷之十

歸田稿一

陷定誰能。蕭臺控鶴應難論。且折瑤枝訪老僧。

次韻

翠靄青林隔市聲。炎歊當午向談經。薦綿綠野雲  
常滿。迢遞朱樓風自生。拂袖未應無事在。絕交何  
必有書曾。衰遲頗怪揚雄曰。深晦尤慙雪嶺僧。

又

廿載金門待漏聲。歸來林下守殘經。光風滿座書  
常展。涼雨灑天詩又生。陋似支離原未有。精如梓  
慶更何曾。卷舒就此幾車。跡從教酷甄僧。

又

衰遲久已薄虛聲。采筆行看註鶴經。詎有黃金分  
爵好。只餘青眼待諸生。並驅逸駕知全未。竟達空  
函記屢曾。笑把行藏占世道。肯將窮達叩神僧。  
簪鐙丁東不斷聲。老懷偏愛此難經。星河夜靜鷓  
鴒集。風雨春深鶴鶴生。抱實馮虛今我未。登高覽  
勝昔人曾。逝空未害滄洲興。許看堦前石化僧。

又

修樾叢蘿挾雨聲。枯渠活活水初經。正思龍爪擎

章介菴文集卷之十

歸田稿二

雲散未數頭。衣帶濕生。巡調不妨從我倡。高蹤何  
必問誰曾。破除淨念深深處。始信閒忙却是僧。

又同年新淦吳近光號雲泉與予同時棄官

歸偶思及故云云

狂飈終夜作秋聲。大地河山徧處經。萬頃水雲忘  
老去。九霄樓閣惹愁生。游統自昔真何用。爭龜干  
今尚未曾。解佩佳人看咫尺。東林何日共携僧。

十月朔夜雨中述懷

西風吹冷雨。惻惻鳴空塔。孤燈抱君暈。對影雙徘徊。

御藹草芳已換候。臣聲轉衰。盛年同逝水。矧伊岐  
路乘。朱絃激雅奏。里耳難爲諧。楚壁豈不義。反受  
三獻災。世道有交喪。逸步超沉埋。顏生甘陋巷。宜  
父安蒿萊。終焉得所好。白日欺陰霾。况茲邊烽急。  
餘孽填屍骸。江南幸無事。稍足著與球。明發陽景  
臨。新醪擬可開。冲襟付圖史。宿好同餅壘。且盡閒  
來樂。毋爲達者咍。

和陸平村述夢韻詩中有運氣得與等字故

及之

章介菴文集

卷之十

歸田稿三

皇圖萬里平如掌。幾度觀風獨曳輿。玉府設誇盈  
尺璧。金門空載滿車書。可能綽約同姑射。常想昇  
平若華胥。運氣明良終有賴。不妨吾道且精廬。  
太行九折連天峻。今古何人免敗輿。薄劣嬾呈師  
德面。交承久斷子公書。已甘違世終山圃。那更休  
衙散吏胥。浪擬得與民所載。祇應尤未剝吾廬。  
玄冬風日常冥冥。單坐渾如半醉醒。疎懶已看辭  
北闕。逍遙漫擬激南溟。頭顱爽颯有衰老。兒女愁  
病無安寧。故人忽送珠浦篋。把玩翻成樂事升。

十二月十二日辰時吾女京秀不幸麻毒內

攻奄然長逝。距生年戊戌十月二十六日。

僅得年四歲零四十六日。念其骨相清實。

性資慧明。人未有言其狀者。竟歿也。嗚呼。

悲夫。卽日具櫬。植于城南養濟院之新園。

次日午後臨其墓作詩一首以寄哀。

血淚雙流不到泉。魂今爲鬼亦爲仙。眼前少汝娛

針。卽頭上多吾逆老天。碎壁難教仍把玩。遺衣休

要更留傳。荒烟漠漠空回首。反袂吞聲益泫然。

章介菴文集

卷之十

歸田稿四

過樓前舊居有感

修簷臨廣陌。往事翳浮埃。魑魅宵常過。風光午或  
來。靈華時彷彿。幽恨自栽培。悵望遼東鶴。空餘暮  
角哀。

十二月二十八日同汝華繼隆登西南城眺

望

寒日城頭聊散步。乾坤風景眼同賒。瓊樓玉殿五  
千里。繡闥彫甍百萬家。登障飛騰將郭統。沉雲偃  
蹇欲村遮。飢鳥凍鴟渾蕭瑟也。挾春情掠遠沙。

錦漫縈愁幾回相念欲相喚錯愕那知已一邱

游孝義寺偶成

出郭尋幽勝。招提指顧間。溪平岸水秀。擁隔江  
山正爾忙。無那居然清可餐。瘦雲吾愛汝。與我共  
關關。

疊韻憶下橋寺

冠鮮外。委懷雲水間。琴瑟。子室劍。指道家  
。妙。莫。堪。賞。落。英。秋。可。餐。仙。游。經。幾。度。涼。月。環  
。關。關。

章介菴文集卷之十

留別六

青雲鬱何許。乃在烟霞間。昔也騰氣豪。謂是蓬萊  
山。仰。攀。珠。樹。樓。俯。拾。瓊。葉。餐。忽。遇。安。期。子。貽。我。清  
涼。珊。

被髮卧小樓。夢入青冥間。上結瓊瑤宇。下柱金銀  
山。桂。飄。香。不。斷。曉。吐。液。堪。餐。更。鮮。霜。娥。珮。琤。琤。玖  
與。珊。

寄鄒西洲四首

行間殊字西洲筆。每憶西洲便黯然。碧木幾灣山  
幾折。雙魚何事動經年。

雙魚何事動經年。江拂江村隔遠天。欲辨釣絲三  
十丈。與君分席日圓邊。

與君分席日圓邊。敲火烹魚更醉眠。若爲慙慙歌  
郢曲。便披華髮舞龍泉。

便披華髮舞龍泉。星電交光落眼前。莫訝乾坤渾  
竊弄。長安幾個地行仙。

六月初七日祥符觀東樓偶成

危樓據雄城。徙倚聊成慙。飄搖送雙眸。對落蒼茫  
去。是。時。物。候。嘉。良。苗。雨。初。霽。遙。山。發。深。青。侵。翠。被。

章介菴文集卷之十

留別七

江漲菱頭闢尖新。高蟬正如沸。天空萬境澄。稍  
。騰。雲。氣。好。風。忽。南。和。頻。弱。炎。歊。勢。晚。中。謝。朋。儔。冥  
懷。洞。幽。義。天。嫂。諒。偶。然。噴。喜。同。根。帶。澄。知。清。淨。即  
。扣。破。吻。喧。謔。未。論。蜩。蝶。飛。已。省。變。鼓。計。

鳴蟬賦并序

昔歐陽子賦鳴蟬。盛言物各好鳴。而歸美  
於以文鳴者之自樂。予家居隱邑。逼近城  
隅。無芳池名園。茂林修竹。雲亭風榭。可以  
蔭藉而游息。六月之旦。散獨前庭。時嵎夷

方曜商蟬飢鳴感微物之多情悵人心乎  
何極冲襟畧闡意象紛如乃廣歐陽子之  
意而賦之

六月之朝晨光初發赤雲歛而未蒸紺宇耿兮昭  
微介菴子盥櫛已罷琴書尙輟御織絺以含風曳  
文綯之輕屨方散步以逍遙亦委懷而披豁俄而  
青嶺之表嘈然有聲刁刁切切且續且停吾不知  
其所自來也乃循左闕步前庭縱觀東場有樹亭  
亭枝葉蔽芾彈托以鳴重濁調宮輕清寫微既嫺  
章介菴文集卷之十 歸田稿八

嫺以悠揚復周旋而終始自歌自答清俗轍之心  
如擊如吹悅聞居之耳又若淵客撒珠天孫裂綺  
寒清泐而乍平幽籟沉而忽起小大疾徐不可殫  
紀意者有所得而喜耶有所失而哀耶憂之深耶  
思之遠耶永懷情好極力而呼耶戒其傷汝含怒  
而詬耶控訴耶宜驕耶樂而忘其憂耶嗚呼其然  
耶其不然耶吾觀夫萬物之生也便安嗜好紛乎  
不齊向背攻取援援背馳當其情之所趨快然乘  
之或翔或泳或歟或嘶或嘯或結或離或歸或春

枝而覘睇或夜砌以號悲莫不抗厥醇精鳴茲玄  
想汪然油然各得其私故夫蟬之鳴也以方寸之  
微軀引脰鼓腹抑揚聲氣要亦煩且勞矣然乃抱  
穠柯而終日長哽咽以忘疲揆事度理胡爲而爲  
神哉造化之妙鼓萬物而物不可得而知吾不能  
揣汝之心曲通汝之言辭啓處不借天地利動靜  
各一夫天時則又何暇遯原本較同異以汝之鳴  
而撓吾之思乃若人之生也二五範其元靈萬用  
韜於神識其或勢利同門榮名共所廣衢之軫不  
章介菴文集卷之十 歸田稿九

容以齊驅登天之階偶難於並陟孤雄則徂於常  
尊兩大則忌其相逼涇以渭而濁德彰昭以隨而  
惡名益志異而酷指其瑕黨同而巧護其惡於是  
騁權數以相乘羌狡焉而爲敵愛憎起於笑談舒  
慘成於頃刻規聲影而雄猜伏爪距以陰賊妻斐  
騰於簡書詛祝宜諸金石軸折叢輕肉飛羽翼馴  
習不已焉知其極然而冉智則爭挺其謀厲威則  
競出其力此曉曉所以易缺皎皎所以易汙而崇  
尚智力爭先壅物者所以常莫益而或擊也故曰

彼亦一是非。此亦一是非。以措喻措之非措。不若以非措喻措之非措也。以馬喻馬之非馬。不若以非馬喻馬之非馬也。天地一措也。萬物一馬也。闔蒙叟之道。撫末途之軌跡乎。彈乎。爾之多情。乃吾不相爲謀也。尙何暇於是。推測人之多情。令吾方與之涉也。安敢忘於省德。於是素篋停揮。形神俱寂。措馬兩亡。彼此一完。孰是孰非。何失何得。忽聞聲之暫息。如能亮吾之胸臆。此賦成於六月二日。宜人以暴疾棄去。念吾之神識未離。而禍福之來。乃大可駭如此。悲夫。

章介菴文集卷之十

歸田稿十

癸卯九月十日寓潭溪外宅寄哀

物館重來魂欲銷。劍光燈影共寒宵。不知何處乘鸞馭。空憶當時吹鳳簫。滿目雲霞靈谷寺。無邊風月灞陵橋。蹉跎漫自頻看鏡。况復淒涼不可招。

上橋寺送別偶成 癸卯十月初日

衣冠此日贊公菴。上橋亦有贊上人故云。握手停盃惜去騷。

游子風霜輕冀北。居人桑梓重江南。諸公雨露恩常潤。野老烟霞睡正酣。定欲鑑湖携賀監。招呼吳鳥快詩儔。

瑤湖渡偶與十月十五日

莎汀竹塢江村晚。一舸中流蕩未休。斜日尚留半角洞。斷雲已任鳳鳴洲。每因宇宙看青鏡。翻爲風烟付白頭。鷗隊鴈行俱自適。不妨吾道且悠悠。

用古溪哭子韻。輓可言年姪十一月二十五日

百年等是懸崖瀑。却恨青年遮蓋檐。共愛清嚴如朔雪。更憐和厚似春山。螢窓點檢情方勵。鵬路艱難夢已殘。老我不禁雙淚迸。爾親何事製熊丸。

登青雲峯感懷 甲辰二月初日

章介菴文集卷之十

歸田稿十一

躋攀忽漫借童冠。廬阜南來此大觀。城抱兩江烟水闊。山迴千嶂雨雲寬。日乘黃道臨軒迥。露下青松瀝硯寒。雙壁眼前空草色。倚闌珠淚可勝彈。與京妻俱悲。滿澤恩故云。

淮之水辭一首送郡博椿津高子落職歸楚

洲 甲辰三月望日

淮之水兮悠悠。播徐迤揚兮。竟日夜而東流。我昔攬轡兮淮之隅。霜清野迥兮爛熳收。衣被耿素兮。與子相求。子揮空桑雲和之瑤瑟。我歌陽春白雪。



之清詠聲交激兮沉雲浮情相得兮曲綢繆去辰  
不比兮忽別去而幾秋子來臨川兮忘離憂子去  
臨川兮繫誰之尤游絲繁烟兮芳杜洲燕鶯低迴  
今掠行舟王孫歸兮何許塊獨處兮予愁乾坤兮  
滄桑擾擾兮蜉蝣雲鵬驚鳴兮孰云異夫逍遙願  
抱娉節兮趾前修時有好音兮慰我白頭

贈丹青鄒秀才還吉水四月三日

清狂宜擅丹青譽子比清狂是後身老樹顛崖渾  
脫灑山僧童子盡精神昔人能令神巫走令我或  
章介菴文集卷之十 歸田稿十二

登祥符觀東樓鳴哀

風花烟柳恣輕柔兩兩鶯鶯白鷺洲去歲有人還  
舉案今辰無伴只登樓薦綿草色隨愁長幽咽泉  
聲帶恨流尤有熊丸占獨苦西風製淚幾時收

六月初四日行經青雲峰下穠縹成帷芳華

滿眼不覺興致飄然物諧景協尙象製詞  
送會繁響聊抒衷抱明感遇匪可言詩也  
荷華高復低團團蘸清泚風從河間來吹我涼如

沈人生百年內懸瀑無停止行樂須及時塵襟況  
填委亭亭青雲峰倒翠蔭修趾爾時屢躋攀採闌  
常徙倚迴薄攬精華英風激流矢青陽瞬息過暗  
髮忽蒙耳兩都鴻仰泥長安節仍弭世網多難虞  
昂藏吁可鄙煌煌耀輪蹄槐宮戰群蟻顧惟麋鹿  
姿雅尚黃與綺竭來褫纓簪丘林甘踞踞食魚豈  
必飭茹茶設誇誇頗慕真生勤且置貢公喜慘白  
蕩晨光高春謝冠履披芸獲珍詒如飢就甘旨玉  
蟠吐金膏冉冉雲生絳階除雨露親苔花應時起

章介菴文集卷之十

歸田稿十三

冷然發清音幽韻調官徵祥禽自翩翩文鱗亦尾  
尾俯仰意汕然雜言賦兼比尙憶素心人宛在海  
中洲陰陽止納中丹書洞玄理持寄雙玉盤庶表  
如蘭契酬我青瑯玕神光照堂祀更期黃菜生駢  
鸞並冲舉再拜何慙勤嗟然露鮮齒藉此慰平生  
誰謂吾衰矣

七月初八日晨起偶書

自髮朝來覺許多少年風味更如何嬰兒養就非  
吾事只恁倦倦安樂窩

是日同所嘿老年兄游青雲峯回途口占

玉海瑤山屬意多少年氣格隘陰何經綸此日閑  
舒卷任若紛紛打一窩

青雲峰下藕花多萬態千嬌奈若何此是乾坤殊  
絕色可憐多少聯聯窩

人事天時變態多關機勘破竟誰何全牛眼裡依  
然在垂老那堪故紙窩

七月十三日有懷舊遊下橋寺寄題

嶺嶽飛甍映碧池荷花菱葉亦紛披正思一逕通

章介菴文集

卷之十

歸田稿十四

幽處忽憶諸生蒞業時北海經師終伏我梁園詞

客儘輸誰殘杆久矣羞爭看賸欲耕雲種玉芝

九月初八日因寒索衣偶憶先妻不治予寒

衣者二載矣惻然傷懷揮淚成詩

秋日蕭條百草腴憂來但覺世相違東城夜柝敲

魂亂南郭朝雲惹恨飛吾家東城而宜人  
母女華南門外

甘載江湖同旅食兩年砧杵瘠寒衣心荒未暇剗

郎賦唐劉禹錫  
有傷往賦忍看昏鴉獨自棲

十月初五日過淞澤園偶成寓懷

桐葉凋殘百草枯韶懷轉服歲將徂不因軒冕閒  
情聯剛爲堂封老興孤

廟算慇懃訪垂益邊烽迢遞照江湖乾坤鼎鼎終  
誰在拂拭吳鉤擊唾壺

初六日縱游新塚諸處至羅家嶺飲張氏山

庄偶成

雲淡烟霏野色鮮林塘小憩快幽偏宵霽未足一

車水秋旱仍枯萬井田麥謝簪纓還愛日情深民

物每祈年東風酒盡頻頻注誰道浮生雪滿顛

章介菴文集

卷之十

歸田稿十五

十一月初五日夜夢如出使虜庭還道從木

石椿子上過虜人前導者請予賦詩爲賦

一絕覺來止記二句因足成八句首二句

夢中詩也夢中記有同事二人隨後

多少瓊花色露鮮天風吹下紫宸烟若非東閣龍

墀郎定是西清鳳紹邊白首遲違周史鼎青藜寥

落漢儒玄寒宵栩栩何因應我欲推尋已酉前

正德辛巳十一月廿七日閱圓覺經偶成甲

辰十一月初十日追書

淵源欲涉無津渚。暫托禪宗青幻身。照破業塵無縛脫。阿鶩雖拙亦通神。

十一月十五日晚校偶憶先妻與閨英京秀

泣然成詩

瑟瑟西風動遠林。霜華月色映孤衾。琪花零落難收拾。淒折平生恍惚心。

十二月初四日曉從岡下徑往接雲峯登覽

偶成題壁

軒車霜晚接雲峯。東望金鴉正吐紅。我豈江南謫

章介菴文集

卷之十

歸田稿十六

仙子人誰天下卧龍翁。千年日抱崑邱鶴。萬里風傳閨苑鐘。宣室未煩明主召。且從方外覓高蹤。

是日同宿南樓寺感懷

明月窺僧榻。燈花伴醉吟。冰霜天地改。毛骨歲年深。老病添雙鬢。奇方薄萬金。遙城聞洗血。終夜抱孤衾。

浪淘沙悼亡省墓回途作

寒日暖荒園。悵望無言。瓊花一朶雨玲瓏。錯莫無情收拾去。地黑天昏。意象苦相緣。誰共評論。黃

金素綰總無存。悵恨當時風雨急。漸送湘魂死。後人欲為寫真。而君倅無良工。故云。

乙巳元旦試筆

今年今日春風動。想見流澌河解凍。五峯野老感年光。把鏡不覺心茫茫。羨牆到處古人面。一劍提攜虹蜺現。玄霜入硯花離披。認取乾坤醞釀時。數有秋梁公魯頌公事。故云。

西江月悼亡

一十九年賓友。幾千萬里程途。奇花一餉委泥塗。

章介菴文集

卷之十

歸田稿十七

沈斷東風誰訴。惡鳥居然有鵬神。賢久矣無虛。爭些對面不堪呼。迢遞飛仙去路。宜人未死時。哀有鼻鳴于堂前樹上。

二月二十四日重游孝義寺

又載閒情過上方。一江烟水汎崇光。衙蜂成隊雨初霽。壘燕分。日正。長。霜。簫不妨渾脫落。風花愁恐太顛狂。鼻端睡後真康濟。消得檀那幾炷香。

三月十四日堂前憶京秀偶成

兒穉紛紛共一堂。踢歌仍唱舊時腔。可憐死去無

消息空對東風淚兩行

七賓卷二絕

昔向長安曳大紳頭科眼孔盡緇塵于今老作漁  
樵伴却笑渠翁只七賓

服裏何從得王賓垢除對盡便忘言請翁莫下堂  
前振留待談玄客到門

郊行用游孝義寺韻

烟火村墟水一方雨餘到處爛晴光青春綠野詩  
來蚤紫殿形樓夢去長豈有好懷饒功在燕無陽

章介菴文集卷之十

歸田稿十八

即念清狂盡憑花氣將雙袂謾憶當年漢署香

送李芸亭自臨庠遷掌西安府教乙巳四月二十九日

文旌整整向長安萬里河山入眼寬君樂津莢遙  
載鐸家知杜鰲承辭官奇芬異藻憐詞苑既日驚  
寢婉講壇會過連峯煩寄語老吾學劍未離廡

重登青雲峯

青雲此日重徘徊地絕巖塵逼上台一徑晚花迎  
步屐萬家芳樹擁樓臺湖光暖挾烟霞越山色晴  
翠來斗嶽風流俱未遑陽春欲和實難才

向晚過比溪偶成

軒車隨意欲去去水雲隈路極深青轉身涉空翠  
回池平風約藻林冷雨肥梅詩料尋常得還宜靜  
者懷

端午日寫懷

忽忽歲時過節序恒相催茲辰值端午華堂列樽  
罍青絲縷纖菜玉液簫新醅角黍旋解神浮白無  
停盃是時雲脚肥好雨從風來庭前孤芳柳桑柯  
正秣邇渠溜逝噴濺沾澆莎宇皆飛飛颺空燕撲

章介菴文集卷之十

歸田稿十九

掠仍低迴物情各有適吾歡殊未諧瞻然巾中髮  
霜髯曳盈臆盛年不再得撫景紆煩哀詩書處所  
尚所恨聰聰衰頽年况天罰骨肉吁殘摧終宵頻  
無寐似欲百念灰豈不悟至理傷哉苦難裁仰瞻  
賢哲徒與化相移推留滯說無益徒爾焚九機願  
學孔顏樂無爲達者哈

過雲山甘陂寺偶成

山迴水曲甘陂寺雲石風泉過雨時偶爾經由頻  
問訊快哉幽閒得棲遲僻如顏閔真無補嘯似孫

登亦太誇況是東林看咫尺不妨從此訂心期

城西曲乙巳六月十日

臨川城西勢允幽。天光水色相綢繆。浩思振鸞自  
軒。夕六月雲氣霏。層樓銅山。桂峰遠如畫。飛青直  
到簷檻下。拂几鋪簾。縱目時家。院落墮。聲價只  
今滿眼。芙蓉花含風。灑露。照霞月。明中夜。開笙  
鶴。藥宮。締結來。仙姝郡城南。北咽喉。路東園亦復  
多紛諱。車塵遲遲不可到。惟此一。曲清無涯。高生  
樂之欲成癖。索我題詩。寫胸臆。想見。奇書靜處。難

章介菴文集卷之十

歸田稿二十

等閑更放綸。筆直長安九衢豪。貴多白馬的。燦金  
盤陀。茵袍紺綰。隱炙手熱。雲翻雨覆。仍奔波。我今標  
散毛髮。瞞掉頭久矣。成蹉跎。洞天石室。欲周覽。東  
陟鴈蕩。西岷峨。區區數畝。不出郭門外。無暇爭席  
理則那。高生高生如汝何。

悼亡

溽暑熾熾。瘦不支。竹床藤枕。更度其白頭。總是傷  
心處。青鏡空如對。而時春盡。落花誰訴。恨月。那孤  
鳥。自驚棲。不堪雪涕。終無語。休與南園草。柳知

楚辭二章贈峴峴周子乞休歸養峴樹雲蓋

明水所提之題也

峴之樹兮芳芬。葵之雲兮繁鬱。被堅蕩漾而周遊。  
瞻雲桐兮念母。葵雲恍兮思家。山提龍兮障日。川  
百折兮轉石。而澗沙。淹綬爾兮幾換。仰飛鳥兮興  
嗟。願毋康樂兮奇無涯。

葵之雲兮翳翳。峴之樹兮橫烟宿霧。貫四序而無  
秋。兒捧別兮歲月。迢差差衣線兮。惹淚流。飛光歎  
忽不可以暫駐。霜纈紛兮盈毋頭。池有魴鱖兮圖

章介菴文集卷之十

歸田稿二十二

有芳采。黃鸝日黍兮。醴盎如油。先歸來兮。指日騰  
舉。觴兮繁羞。慰母心兮消百憂。

書樟源嶺斃敬亭壁 乙巳八月十五日

山空無人鳥語清。崖泉落澗聲冷冷。日斜風定雲  
埋屋。駒叩一僧呼不應。

田西客館書懷

滿天風雨挾秋聲。孤枕寒宵夢屢醒。宵信微蹤干  
妬女。只疑老氣忤山靈。溪光海湧鵬爭落。樹色蒼  
茫鳩鵲鳴。潦止霽行今古事。笑提三尺拂龍腥。

過鷺源小酌北禪行院

雲。滿。兩。霽。山。如。畫。馬。快。車。輕。人。似。仙。竹。塢。屯。陰。宜。  
御。坐。松。窓。飄。飄。開。貼。紛。紛。落。雪。草。落。落。高。  
情。玉。井。蓮。小。愁。梅。盤。隨。意。欲。掀。眉。抵。掌。對。青。天。

偶成

拾。却。閑。愛。惜。安。身。有。餘。地。一。味。保。呷。和。漸。次。窺。寶。  
際。

一瓦店庄下鄰人曾氏携酒微過飲

秋色。彌。衰。年。河。山。淨。碧。姿。真。情。此。酒。好。景。野。人。

章介菴文集卷之十

歸田稿 二二

解。組。寧。忘。世。明。農。正。及。茲。匪。躬。看。袞。袞。擊。壤。慶。

昌明

聞。諸。公。多。以。宮。恩。沾。玉。帶。之。易。者。不。與。者。

或云有慍色感而賦此

衰。懶。逢。人。禮。數。難。崢。嶸。高。骨。廣。清。寒。詎。論。事。業。歸。  
形。管。且。喜。行。藏。近。釣。竿。天。上。金。緋。齊。虎。拜。蒿。間。鶴。  
鷗。亦。鵬。搏。分。明。入。手。從。今。始。更。與。當。時。省。壓。彈。

過黃草岡小飲田父彭宅

問。訊。幽。偏。處。田。家。舊。憶。居。浮。魚。穿。簪。慘。餒。鵲。下。荒。

除。掃。葉。添。茶。甕。提。壺。近。酒。壺。滿。斟。仍。細。話。欲。去。更。

脚脚

和韻後木亭老先生

玉。井。金。淵。未。易。探。尺。書。何。幸。早。城。南。正。憐。遠。道。驅。  
鷺。駕。忽。羨。長。風。縱。鶴。驟。浮。天。攜。終。第。台。泥。淳。世。  
於。定。多。堪。蕭。蕭。雪。鬢。雙。垂。頂。尤。自。遲。公。對。結。菴。  
於。人。情。取。次。探。幾。回。比。望。忽。成。昨。定。知。落。落。裏。  
於。於。嫵。嫵。翻。翻。孔。氏。駟。耻。似。原。生。方。欲。免。貧。如。顏。  
子。始。云。堪。從。來。願。動。絲。深。靜。擬。結。長。庚。止。菴。

章介菴文集卷之十

歸田稿 二二

感恨 乙巳十月

歲。月。如。迴。輪。有。生。逝。衰。謝。矣。穿。透。時。千。誰。是。鍾。情。  
者。阿。家。同。重。門。紅。燈。照。良。夜。啞。啞。沸。管。絃。蹀。躑。馳。  
鞍。馬。花。樹。千。行。金。流。蘇。五。色。幌。其。賞。明。月。珠。珠。光。  
不。論。價。春。風。艷。綺。羅。百。變。金。華。潯。景。物。驟。薰。人。爲。  
歡。憾。高。无。蒼。天。後。蒼。天。爾。獨。黃。泉。下。

十月二十五日候送鶴山謝別駕于正覺寺

偶興

東。郊。風。物。正。凄。其。侵。曉。尋。僧。客。到。避。狂。清。清。霜。菊。

印草高林寒雨。青林蒼茫。烟霧初埋。最遠近。蕭蕭尚滿。落靜觀。潭外境。宋公何事太傷悲。

南門別眺偶成

寂寞林邱紫翠凝。石潭風露欲成冰。綠野乘  
脚。更。揚。青。雲。取。快。登。未。老。乾。坤。須。著。我。無。憑。造  
化。却。輸。他。應。時。渴。憶。軒。岐。詠。空。塊。年。來。屢。折。肱。

冬日南郊偶成

旭日寒威者漸霽。興來隨意作郊行。每依象緯瞻  
天表。更與乾坤長道情。巖岫風高傳木落。林壑春

章介菴文集卷之十

謝世一四

動。惹。梅。爭。雷。廿。夜。半。開。龍。蟄。誰。起。堯。天。與。細。評。

乙巳除夜寫懷

今歲今宵去。明年明日來。花繁紅蠟炬。春滿紫霞  
杯。骨肉粗無恙。陰晴久不猜。所嗟連歲歉。寒餓偏

蒿萊

丙午元旦書事

蒸氣騰天表。仙臺報曉鐘。祥符觀。鉅龍知。漸。漸。寶  
殿。喜。烟。濃。近。日。范。金。爲。歲。事。占。雲。物。期。悅。化。工。  
鑿坡蹤跡舊。舉手效華封。

擾擾烟光雜華堂。瑞氣鍾。更誰嗟歲晚。且自扶蒼  
濃。謀。道。虛。儒。指。匡。時。賴。國。工。青。天。雙。眼。迴。未。暇。論  
真卦。

正月十二日偶成

新年十日晴兼雨。是處園林花事遲。歲月飛騰傷  
老大。陽春曠蕩荷恩私。美人入夢。書長斷。劍客隨  
門。語。政。奇。網。然。虛。堂。頻。坐。起。烟。兼。雲。樹。碧。差。差。

偶書扇面

萬點雲飄楊柳繁。滿園紅壓海棠枝。柳絮飛時海  
草點。雲。飄。楊。柳。繁。滿。園。紅。壓。海。棠。枝。柳。絮。飛。時。海

章介菴文集卷之十

謝世一五

耳。鶴。鵬。百。舌。鳴。相。和。此。是。江。南。春。睡。時。

進賢麻山觀與前溪曾太參常濱何年兄胥

會別時書壁

麻山今夕羽人家。月色乘風入院斜。被髮漫誇騎  
赤驤。縱懷直欲殺妖狐。荒臺夜靜鶴常過。古洞春  
深桃自花。去。住。惺。惺。濕。脫。灑。絕。憐。天。漢。泛。靈。槎。

登韻

嵐雲深鎖上清家。風雨相過逕路斜。勸劇只便毛  
毚毚。興來還鬥玉蝦蟆。寒。敲。嶺。谷。千。年。竹。香。沁。桃



源一澗花流水生涯隨處是影錢知不到枯槎

贈貳守黃古潭之南都刑曹任

萬年城關開皇極卽署卿曹總要津倪旄攀援蹄  
國中雲霄騰踏報君身江南自合寬斜卒塞北何  
當清戰塵幾向秦階占氣象看君懷袖劍生鱗

送會隆兄弟往省應試至黃塘橋偶成興

七月十三日

湖連磽岸野連山坐看輕舸落碧灣朝市白頭渾  
湖却無邊風月水雲間

章介巷文集卷之十 歸田稿二六

畫橋日午暫經過西閣外更二綠樹清溝泛白鷺  
一味水風吹欲醉蒼茫何處更漁歌

人材本爲當時計錯莫何知遂倒瀾老我婆居無  
楊柳庭前終日誨希顏

大兒樂百未追琢小兒戛擊希咸英爲雌爲雄爾  
自取齷齪久矣非吾情

悼亡

午日如快眼欲收篆烟風定正絲絲爲雲爲雨嗟  
何處如見如聞悵此時桂殿仙娥空別蚤簾臺

女竟歸遲熊光幾度沾雙袂誰遣三春寸草知

八月三十六日黃草岡偶成

軒車出城關飄然隨所適盤迴水山間陰森發秋  
色茸茸遶寒花迎暉露濕輕烟逗疎林澄渾湛  
塵碧天空灑氣淨一望青無極遙山盡新開勢與  
天相敵岡巒互蔽虧忽若前途塞俯仰足幽懽沉  
吟未能釋維時多艱虞間簾盡蕭索倉箱已無贏  
嗟哉或堪擗老我筋力衰白髮不盈尺雖非經濟  
才不免哀時癘翻思弘治間年豐多稼穡微呼官

章介巷文集卷之十 歸田稿二七

府稀宵行無暴客此事竟因循念之三嘆息皇恩  
正穆清羣公競宜力致此諒無難局邦本於赫物  
理尙往來盈虛自今昔省茲壘畝間足可容畸逸  
惟應日孜孜檢點枯頭身

秋夕偶成

院落沉沉夜色濃絳厨燈影微簾櫳九天風露驚  
雲鬢萬古乾坤愧一翁南菊可能疎藥裹北鴻漫  
擬寄書歸山雲海月真可絕搜付無懷意態中

冬日登擬峴臺川舊韻

晴日暉暉半上臺。白沙青浦未全開。蕭蕭寒水連  
鄉落。遠。遠。輕。輕。影。影。來。來。周。周。漢。漢。規。規。摹。摹。今。今。有。有。道。道。雲。雲。霄。霄。籌。籌  
策。策。古。古。難。難。才。才。燕。燕。山。山。直。直。北。北。京。京。天。天。表。表。皓。皓。首。首。猶。猶。煩。煩。日。日。幾。幾。回。回。

游南園偶感楊射洪事漫成楊太僕此字殿之射洪人

又見梅花滿眼春。故園隨處覺情親。詎知虞坂無  
全駕。且喜臨川有健身。灑血精靈重賁。甘心天  
地亦愁人。膏明薰殺終遺算。况乃倉皇拜路塵。

丁未元旦

鳳曆開元旦。重陰滿四垠。青天更誰輩。白首尙斯

章介菴文集卷之十

歸田稿二八

人邊微風烟靜朝。延。禮。樂。新。團。來。看。骨。肉。杯。酌。肯  
辭頻。

束髮親儒術。金門偶曳裾。承蜩人共詬。待兔爾誠  
疎。季子攻游說。長卿善著書。邇來浮念少。次第得  
開除。

二月二日南園偶成

烟濃霧淡。枯。枯。曉。李。白。桃。紅。處。處。春。蜂。蝶。急。忙。爭  
得意。風。光。火。第。欲。撩。人。

招郡大夫陳五山彭少雲同木亭老先及明

水諸公飲席上口占

病起仍無藥。新杯記昔賢。梅。花。殘。灑。雪。梅。葉。淨。生  
烟。雨。意。洒。疏。箔。風。光。落。勝。筵。歲。終。文。采。合。未。暇。惜  
留連。

太醫楊本深招飲行經青雲峯下偶成

柳。探。春。光。爭。展。綠。桃。隨。雨。意。盡。命。紅。經。行。無。數。堪  
題品。總。把。襟。期。點。化。工。

迴龍岡道中

微茫烟霧初開霽。高下園林盡放花。連。日。溫。風。催

章介菴文集卷之十

歸田稿二九

去。鴈。一。番。新。水。縱。鳴。蛙。蟪。肥。蟬。餓。定。誰。得。口。語。心  
開。亦。自。佳。面。面。琅。玕。青。玉。案。黃。墳。幾。度。見。勛。華。

用麻山觀韻擬寄何常濱

乾坤到處是吾家。脚底何妨去路斜。呼。我。任。教。牛  
與。馬。知。誰。不。道。驛。如。暮。臂。從。病。後。偏。生。柳。眼。到。年  
來。只。見。花。開。說。疾。風。山。似。浪。喜。君。同。繫。釣。魚。槎。

初夏齋居

燕壘新成朱夏初。伶仃應笑似相如。含。風。庭。柳。枝  
爭。秀。同。日。紅。葵。葉。太。疎。夢。繞。紫。垣。荒。鉞。屢。年。深。綠。

野化樵漁樂未減。歸來無盡日。嘉慶幾卷書。

五月六日遊南園偶興

仲夏草木秣林。蜩翠如織。端居鬱無慘。惕焉命遐。  
策思風颺輕裾。襟懷曠以適。青波俯文鱗。跳躍金。  
盈尺。相聞鳥語和絃。黃蘗吹。激新。映。落。餘。縱。覽。  
青無極。榮。榮。泥。露。花。鮮。妍。炫。顏色。迂。迴。窺。窺。間。濃。  
陰。清。苦。不。覺。親。涼。難。窮。泛。取。亦。多。得。久。抱。尼。父。衰。  
偶。受。十。朋。益。更。欲。抗。精。靈。仰。附。垂。雲。翼。逍。遙。徧。入。  
絃。萬。里。歸。一。息。度。幾。獲。素。心。永。謝。得。車。客。

章介菴文集卷之十 歸田集 三十

書風化山壁

我來欲覓真仙面。縹緲丹霄久未歸。不覺雙龍袖  
中吼。綵挑琪樹可勝吹。

五月二十八日城東正覺寺餞別偶成時文

昌新漲

巽布溝塍。寶鳥健。返草鳴。晚紅。還。照。鼎。新。綠。半。侵。  
城。事。局。機。全。息。離。筵。酒。共。傾。乾。沙。看。晶。晶。忽。聽。掉。  
歌。聲。

六月初九日青雲臺偶興三絕

同巖終歲少躋攀。忽挾扶搖此破顏。壓地遮天蒼  
翠合。玉簪鬟上掃苔斑。

雲開漠漠見平野。地迥迢迢薄太清。玄鶴踟躕隨  
顧盼。仙娥嘹亮亦爭鳴。

槐根榆葉淨如洗。坐久惟聞蘿曳風。道是蕭臺香  
未散。三千里外隔塵紅。

迴龍岡道中

凌晨南郭外。風露滿衣裳。鳥雀忻禾黍。公私私雨  
晴。任情忘禮法。投老媿恩光。未信全蕭颯。遲迴鑑

章介菴文集卷之十 歸田集 三十一

野塘

九月五日東城餞別偶成

細田輕烟江色昏。共看行李出東門。它途追送多  
金勒。野寺扳留厭玉樽。幸有羣公扶字宙。可無吾  
道負邱樊。芙蓉落葉蘭爭秀。倭綈裳衣獻至尊。

懷遊頓故居偶成用原韻

到處連漪浸碧苔。真浮巖壑歛風埃。欲將枯吻澆  
寒露。更爲衰齡滌法雷。習靜消宵瞻北極。感恩自  
首愧西臺。故鄉色色堪成趣。豈必玉維盡世開。

閏九月初六日南園偶成

柿葉楓林已盡凋。小園來往未成遙。天空迤邐鵬  
兼鴈。酒。醉。分。明。鯢。魚。鯨。鯢。晚。抵。應。休。俗。駕。身。閑。賸  
欲採風。雲。接。多少。超。然。客。日。雪。陽。春。或。我。北。

同武守陳五山太尹應象川相度千金陂

紅林綠樹映江村。橘柚離離亦滿園。平古微茫空  
見。野。樹。荒。荒。慨。欲。招。飛。渡。清。沙。日。鷗。鷗。北。逐。木。落。天  
高。馬。到。翻。入。矣。榮。名。吾。所。遜。前。驅。何。必。擁。旌。旛。

採桑子黃草岡途間

章介菴文集

卷之十

歸田稿 三三

翩然軒蓋山南歸。隱隱青山霜葉凋。幾箇征鴻  
縹緲間。路斜穿過蓼林去。不似塵寰澄碧灣。環  
何處飛來雙白鷗。

恪齊詩 并引

崇仁吳節夫故人也。其姻丈王淳必厚別

號恪公。節夫徵予詩。以揚推其義。予觀諸

作。言恪義甚深廣。恐非所安也。輒取守分

不倍之意。爲作長短句一首。

天保歌爲德猗那思有恪河濱之人何所作乃恭

斯義能傾畧。水光山色萬頭清。鴈盈盈兮鷺習習。  
春而耕兮秋而穫。兒詩書兮父禮樂。王租無逋兮  
社酒不滿。鄰曲相招兮擊壤浮白。取暇而歡語。從  
來備忒皇所戒。似此風味良不惡。何必貂蟬耳冕。  
致身迢遞丹青之芸閣。

自西田回與明水飲青坑周山人家

旭山歸。渺。渺。遙。遙。山。碧。四。圍。陰。崖。落。木。枯。曲。淵。臥。苔。  
衣。感。激。情。偏。慰。蹉。跎。願。已。違。朔。風。歸。馬。急。不。覺。正  
微。

章介菴文集

卷之十

歸田稿 三三

微雪

不雨連三月。今辰雪始花。瓦。溝。青。漲。霧。江。噴。白。仍  
沙。原。野。空。飛。鳥。池。塘。久。斷。蛙。定。應。還。擁。地。來。歲。不  
須嗟。

述懷老景駸駸兼二兒旅試不前先妻棄去

日遠

淒風吹雨滿山城。華髮蕭條百念生。入眼隨珠真  
絕品。回頭荆璞亦多情。每憐周史乘牛去。尚記秦  
娥引鳳鳴。浮世無憑從爾爾。遺編幾卷對黃精。

應象川招飲罷夜歸

燭影搖紅漏下初興來但覺酒杯疏管中氣色一  
陽後林下風光六載餘歸策自知非買佛著書誰  
迎顛相如寒烟淡月催歸蚤獨隱鳥皮玩太虛

回游頓壁牌坊白石閣道中

珂馬羶車歷舊游碧雲盡在荒峯頭空林過鳥下  
紅葉點水無人飛日鷗眠度松早食空滿秀縹緲  
谷愛香幽梅花滿眼開春色便欲忘言可自由

小飲曹爐嶺饒氏

章介菴文集卷之十

歸田稿 三五

廿載以前曾駐馬重來風物故依然山人已老兒  
童長滿酌頻籌賁酒錢

夜讀道園學古錄

孤燈照虛寂地爐火初烈沉雲生夜寒風聲更驟  
屏獨坐憶流年髮髮嗟如雪豈無酒杯深恨焉不  
成悅青編屢卷歸華英慨先哲霞綺綴珎珠出入  
承明闕昭昭萬葉千載仰光榮位岳飛朝雲滄  
溟吐背月素然震雷龍蛇動幽穴雨收霧氣垂  
春機爛如縹緲滴元化間王曾齊等姓安得起九

原駟驚攀逸轡

南園

荒園聊散步咫尺隔埃塵春近草先進冬深松更  
好寒渠斜避場遠水淨浮天不覺成留戀冥心物  
外緣

丁未除夜

虛堂高燭夜煌煌坐擁紅爐各盡觴百事蹉跎與  
太拙一家安樂實多祥情深周孔青緇在夢徒助  
華印髮長燕北江南天渺渺醉餘猶自媿恩光

章介菴文集卷之十

歸田稿 三五

戊申元旦

鷄聲初破五峯曉豹尾遙翻三殿春綠鬢雲霄齊  
國士白頭湖海亦王臣燭搖花飲風光好酥茶  
雲氣色新物態天時同景遷衰遲攻負百年身

挽吳元舉

束髮論交誼最深可堪從此罷追尋原生清淡還  
爲宰康子蕭條只有琴仙記風雲曉健翼更騰騰  
火負良心芙蓉何處白驪遙流水高山自賞音

東城春望

淺綠深黃。滿眼新桃。李亦爭春。雲蒸雨染。多幸陰翕。陽嘯本至仁。病對芳辰。渾錯悞。老於榮路。轉逡巡。薦綿草色。王孫遠。白雪陽春。祇愴神。

春晴

蚤向天家乞病身。乾坤今我共精神。游絲罥日蟬衣長。疏綺含風蛛網新。書爲忘言多得意。詩因卽事每全真。賢關卓絕君休論。曹笑成都識字人。

登樓三絕

扶倦登樓日。蒸蒸花柳春。同憐霜雨發。徒倚重殷勤。  
章介菴文集卷之十  
歸田稿 三六

日晏香烟小。融融正好懷。多情雙燕子。飛去更飛來。

文債妨閒散。霜髯惹愛憎。有緣絲更起。且坐任青臙。

南園

桃李新晴錦萬堆。小園乘興每閒來。地臨幽僻稀塵鞅。人對風光足好懷。遠樹淡雲開冉冉。柔芳露浥漙漙舞雩千載誇高蹈。我亦春衣取次裁。

登青雲峯仰止亭

杏園春色深。潤滴蒼苔石。宮牆雖改觀。遺址尙歷歷。雲游雨氣濃。群山如辟易。獨此青芙蓉。巍然堪擲。靈歆日噴蒸。帝意當敷錫。臨川古名邦。英雄自今昔。儒林擢高枝。豈曰軒珪舄。老成心力衰。俯仰懷慙傷。何當擣扶藹。大展垂雲翼。庶幾泰艸翔。流光照無極。

登宜黃器械山崇仙觀

迴廊窈窕寂無譁。滿院香烟羽客家。何處吹笙騎鶴鳳。碧桃五月尙交花。丹崖迢遞神仙宅。玄牝微茫天地根。羽客任隨龍虎性。固知雲笈總空文。

章介菴文集卷之十

歸田稿 三七

六月二十二日雨後登青雲峯

孤亭抱雲表。萬木盡乳榮。一雨洗威霽。滿天涼氣生。水深魚鱗足。野沃稻梁成。老穉齊收穫。長歌頌太平。

茲亭渾拔俗。誓此亦多情。已覺參真境。尤憐絕市聲。河山齊几席。風月總鸞旌。坐久忘誰我。悠然毛骨清。

從青雲峯下往瑤湖省視千金陵

滯渠秋水淨於苔。幾度軒車此去來。一帶江光衝岸起。四圍山色徹天開。好。幾。久。謝。嚴。廊。譽。暴。骨。能。忘。塞。漠。哀。衰。衰。諸。公。俱。體。國。白。鷗。那。更。我。疑。猜。

述懷

鼎鍾名姓年華外。朔漢音書悵望中。賦畝尙慙一。生飽。廟廊應遣百憂同。關河崩折天關遠。烽火蕭條成障空。千古華夷天界限。蜚廉况復接空峒。

鄒西洲雨中相過以詩贈別

章介春文集卷之十

詩目三九

風雨相過意獨真。堂前一。笑。座。生。春。星。霜。髮。咬。心。無。恙。殘。竿。唇。深。話。有。神。東。郭。乾。坤。扶。晚。節。西。洲。風。月。驚。閱。身。十。年。氣。集。今。如。昨。咄。咄。何。須。畏。古。人。

六月初度日。車德和道人馳賀。予與德和生

同年月日而異時。因追步戊子初度日答

德和韻成詩奉壽

六十同今日。霜華滿髮侵。白。鷗。江。日。永。玄。鶴。海。雲。深。我。已。心。無。任。人。皆。力。可。任。抵。應。混。沌。酒。彼。此。盡。情。斟。

初度日。婦友上驚龍若龍以詩來賀。次韻奉

答。

嚴廊濟濟盡夔龍。天以江城寄病翁。北海鵬搏風勢順。南山豹隱霧華滋。石渠密。勿。應。難。並。金。馬。浮。泥。和。易。同。惟。有。絕。塵。幽。興。切。擬。從。箕。親。歷。華。嵩。

省視千金陵詩并引

千金大役駸駸纔成。仲冬九日。駕言出郊。

達觀于陵之上下。時陰風怒號。寒雲如幕。

乃獨眼境生春。意象豁如。因竊效杜陵北

章介春文集卷之十

詩目三九

征之作。恣肆矢音。撫寫雅懷。兼紀事實。凡

爲詩一首四句。用韻伍十二字。

寒雲閣重陰。東郊偶行邁。望望千金陵。隱約青林外。吾邦跨上游。自昔稱都會。山路四週環。汝水中。縈帶何年正道湮。支流恣汗。汴危城。枕。枯。隍。緩。急。嗟。何。賴。洪。渠。盡。淤。填。堰。要。亦。傾。敗。遂。令。遠。近。郊。旱。不通。灌。漑。遺。跡。久。荒。涼。圖。經。難。茫。昧。嚴。嚴。大。中。元。智。勇。天。所。資。弭。節。文。昌。隄。諮。詢。及。有。艾。正。色。靖。群。吟。弗。加。回。狂。瀨。乾。沙。若。坡。陀。橫。截。咽。喉。內。旁。穿。不。



成渠時或堪負芥。決排散于金。謹趨不須戒。坐會  
松林頭。沙空露江介。礚礚釘頭石。舟車遠裝載。斬  
松作高樞。方廣如庫廩。籠石置中流。鈎連遏奔潰。  
岐嶇巨兩涯。根基甚弘大。彈石滿河壩。採掇如拾  
塊。用以實樞旁。萬變何礚礚。此舉本無難。事半而  
功倍。經營涉暑寒。九顧諸公鏡。冲融羽湧天。突兀  
見鰲背。下有鉄嶼公。爬沙駭江怪。商艘日夜遊。帆  
逐飛鳥快。耽耽滅勢雄。俯若臨瀛海。邦人盡歌呼。  
笑劇翻噱噱。爭言利子孫。豐收云害憶。自少年

章介壽文集卷之十

補遺

四十

時常逐衣冠。際登臨擬觀壺。懷古輒悲慨。更讀南  
豐碑。如彼邇風。優今辰縱雙眸。山川溢姿態。繁華  
稱宋時。已卜茲焉再。仰惟中丞公。粉榆接申蔡。天  
心眷撫民。遠挈柏借貨。運手通化樞。補塞地維壞。  
助雖分富。豪利實歸食。印以此見經綸起。然絕流  
輩五山奉成算。機發無滿礙。精勤邁等倫。庸公實  
堪嚴。蘿江佐五山。逸步謝拘攣。笑談出奇詭。崩騰  
頓消殺。中丞如乾元。倡始功無對。二賢乃地貞。願  
承不相悖。一體成始終。深思總難數。惟庶千百年。

廣祀永無怠。吹竽擊鮮肥。春秋謹祈賽。悠悠河之  
遄。知奕山。飛黛作詩之。鏗鏘叩用方。育能述將詩。  
無窮豈特誇。當代。

郊行見梅

春信占梅夢。浮香雪多。使人憐遠遊。清賞得高  
歌。松竹爭神禾。乾坤保太和。孤山京夜月。魂影共  
婆娑。

戊申除夜

一週甲子成翻水。明日重排已酉年。來往乾坤都

章介壽文集卷之十

補遺

四一

是客弛張造化。却該仙不堪墮落常。開卷無奈馳  
驅早息肩。活計意中渾了了。閑情那得更資緣。

已酉元旦

桃符換舊同。今印雨濕雲寒。摠泥人。僮僕不言終  
歲飽。妻兒誰道外人食。百年風味宗前輩。奕世聲  
華寄此身。且共乾坤開笑口。各家門巷各家春。  
山雨微茫破曉晴。東風裁到。柴荆牛羊尚規朝。  
來牧鷗鷺須尋老去。臨天假清狂。時弄筆江。回靈  
漸日。登城年華肯放。隨流水。問柳探梅。次第行。

初六日于金陵上

春色今何處。梅花香。雪中一江流。意態萬柳發。心  
胸經畧非。賢者艱難是。始終永懷歌。孤子回首更  
忡忡。

初七夜挑上

夜半珊珊亂雨聲。夢回孤枕壯心驚。分明幾著揚  
朱。摩頂先生太不情。

伯禹八年躬四載。顏淵陋巷日陶然。孔門不入楊  
朱派。自是虞廷責任專。

章介菴文集卷之十

新編 四二

久雨

新年半月又五日。冷雨蕭條不覺停。地轉天迴一  
江碧。雲來霧去四山青。無花不恨東風晚。有酒欲  
共何人醒。詩魂清徹。梅梢月更覺。魚魚接混冥。

江村

竹塢柴門四五家。經行無處不春華。雨時翠潑千  
行柳。日暖黃勻萬畝花。已覺世情渾浪漫。又因詩  
興欲豪誇。鳬鷺溪鷺休銜眼。規爾蒼波與白沙。  
見花

去年花過纔看花。紛紛紅紫飄泥沙。今年看花花  
正發。舍南舍北蒸紅霞。韶華自來還自去。誰與韶  
華極。拋却吾心。願得四時春長放。奇花照天地。

春望

中晚如原草。和新東風無處不。柳梢一支活。水抱  
青竹幾株。輕烟醉綠。暮晚歲蹉跎。吳下客。陽春悵  
望。到中人全無增減。如任且寄脩然物外身。

三月望日。觴五山蘿江二公于松林頭。鄧氏

飲罷偶興

章介菴文集卷之十 新編 四二  
野樹鶯聲合。汀花燕尾分。漢功思瓠子。禹績望諸  
君。柳眼低初展。花腮艷欲醺。香然吾忘我。足此卧  
歸雲。

崇仙觀

院靜春長在。幽棲去每遲。落紅粘碧蘚。綠蔭丹  
鳳巧。啼鳥同樂天。游鱗與知義。年無外事。與此寂  
相宜。

南園偶興 數日讀岑文本傳。想慕其人。故  
及之。

到處蒙茸亂綠陰。靜觀物理見天心。薰風好鳥柳  
柳腰暖日。文錦春水深。敲谷白駒終皎皎。輪蹄紫  
陌自駸駸。猛然欲鑄岑文本。那得人間數萬金。

枕上

衰病年來劇。詩書日漸疏。焚火修學觀。高枕同精  
廬。鹿夢窮塵劫。鷗游隘碧虛。琅琅招隱曲。誰爲解  
瓊瓊。

節日家宴

佳節今朝同聽雨。相看毛髮各蒼然。桃花交映春  
章介。梅文集。卷之十。書日。四日。  
如海竹葉齊。僞人似仙溪。近乘閑招鶴。鶴圍開。隨  
意聊雲烟。人生此道堪終老。月俸從教數萬錢。

城上

城頭此日雙眸迴。萬木蒼龍過雨初。窮荒一邱粗  
可老。荒蕪三徑更須鋤。遺榮每憶衣冠社。食力長  
繼種。耕書異地同天誰獨樂。朔雲邊月正愁予。

崇仙觀

處處塵不到。樹靜影還移。曳屣徘徊久。香烟裊  
絲。

崑崙臺

一水溫胎清可飽。千峰迭榻盡難成。風高天近無  
炎暑。漫說騎鸞奉玉京。

廻龍岡山莊

明農屢拂村莊曉。一榻常貪竹樹幽。正話彌天皆  
酷暑。忽驚來日是新秋。閒敲碧玉歌清調。瘦蹕  
梯作勝游。無限弦琴俱幻相。獨開心月照滄洲。

偶成

解綬歸來雪滿簪。每因醉飽媿恩深。雖無豪客來  
爭席。尚有古人堪印心。理似觸蠻從授。授懶

章介。梅文集。卷之十。書日。四日。

四日

孟自情情。尋常幾巷閒。經畧留傳高樓買笑。

贈節推彭少雲往京考績

滿眼兒童盡好音。亨衢爭羨去駸駸。九宵霽月兼  
鄉令。千里棠華地。陰青節。能華真。自。頭。英  
分更誰深。旬宣准擬重來此。慰我江湖愛國心。

章介菴文集卷之十一

臨川章 袁汝明甫著

六世孫文先子文編次

七世孫龍駭光校字

隨筆瑣言

周于德者欲進德者必歸之神于醫者欲去疾者必歸之已且不能無疾而欲治人之疾愚者信之智者信之乎縱信之能不逆施妄投增其疾而殺之乎已且汨沒於氣習之偏駭而乃呼號於世哉

章介菴文集卷之十一

其從已以進德愚者信之智者信之乎質稍美而未知學者從之嚮道而行者從之乎樂於為偽者從之志於立誠者從之乎縱使從之有不相率為偽喪固有之善增本無之惡者乎蓋此輩未有不挾勢分之崇以尸利飾辭色之美以悅人廣鈎誘之術以引取其無勢可挾者則亦扳附當時科第名位最高之人藉其勢以為高依其光以為耀彼此相結然後可以鼓天下而植其黨嗚呼殆哉曾謂士君子而可助濶揚波哉門永新一狂士

齊景公春秋懦君也聞聖人之言已知齊國君臣父子皆失其道雖有粟不得而食聞晏子之言已知齊後必并於陳氏然不能用二子之言以制陳氏而終以亡國羞與吳為婚然不能自強卒至涉出而女於吳然則春秋之世君之懦者孰愈景公哉

左傳昭二十六年書晉師克鞏召伯盈逐王子朝杜預註曰伯盈本黨于朝晉師克鞏知子朝不成更逐之而逆敬王嗟乎自古奸巧之徒黨邪助惡

章介菴文集卷之十一

至於中途視成敗為去就者多矣豈獨伯盈哉史記天官書稱災變之來大上修德其次修政其次修教其次修禳

春秋時楚有莠尹工尹寢尹等官疑即后稷共工之類而令尹則上卿執政者也

君子之悅人也以正不以邪以禮義不以奇巧豈徒以全人亦以自全也楚費無極譏左尹卻宛於令尹子常而殺之其罪大矣然宛亦或有以取之也宛信無極之言謂子常欲飲於其家而好甲兵

乃取五甲五兵及饗日帷諸門左無極因以行其將爲不利于必無往之謗而宛氏遂族此雖子常不明之故然使卻宛有介然以正自處之節亦豈遽至此哉

左傳昭二十七年閭閻弑吳王僚季子至自晉曰苟先君無廢祀民人無廢主社稷有奉國家無傾乃吾君也吾誰敢怨哀死事生以待天命非我生亂立者從之先人之道也復命哭墓復位而待此與晏子處齊莊公見弑之事同然未能有以折衷

章介菴文集卷之十一

三

其是非也書之以俟與君子商確

光之謀弑王僚也伏甲於堀室而享王王使甲坐於道及其門門階戶席皆王親也夾之以鉞蓋者獻體改服於門外執蓋者坐行而入執鉞者夾承之及體以相授也光僞足疾入於堀室縛諸真劍於魚中以進抽劍刺王鉞交於胷遂弑王由此觀之當時王僚所以備患防虞之術嚴且密矣乃不免於專諸之劍然則甲兵之固執若禮義之固禮義之固正心以正朝廷正朝廷以正百官是也君

天下者曷其弗念哉

左傳昭三十年鄭游吉對晉士景伯之言曰先王之制諸侯之喪士弔大夫送葬惟嘉好聘享三軍之事於是乎使卿

吳閭閻將伐楚謀於伍員對曰楚執政衆而乖莫適任患此二句乃國家敗亂所由之故自古興王之臣莫不協心併力身任安危中世則或任焉或否焉末世則人人自私杜工部所謂獨使至尊憂社稷者也然入臣莫適任患其端有四有耽祿位

章介菴文集卷之十一

四

而不任患者有徇安逸而不任患者有全身家而不任患者有避謗微名而不任患者麤裘之謗孰殺之謹使仲尼子產避焉魯鄭之患誰則任之魏相任克國之計可用故西羌送款裴度任伐蔡之計可行故元濟就擒王荆公欲任宋忠而諸人不任故宋卒不振嘉靖初議欲追崇本生舉朝溺於漢定陶宋漢園與胡安國賸僖公之說奮舌鼓吻與君爲敵中間亦有知此未必是彼未必非者徒以畏避謗議不肯身任其事以順天心卒使聲微

禁廷哀經觀闕上累 生成之仁下貽後來之議  
此非莫適任患之故耶適主也莫專主而任之也  
左傳定四年載衛祝佗對周襄弘之言有曰封畛  
土略杜預註曰畛塗所徑也略界也從田從各義  
蓋以此

柳子謂弊政之大莫若賄賂行而征賦亂苟然則  
貧者無貲以求於吏所謂有貧之實而不得貧之  
名富者操其贏以市於吏則無富之名而有富之  
實貧者愈困餓死亡而莫之省富者愈恣橫後泰

章介菴文集

卷之十一

五

而無所忌又曰富室貧之母也誠不可破壞然使  
其大倖而役於下則又不可又曰管子亦不欲以  
民產爲征故有殺畜伐木之說今若非市井之征  
則捨其產而惟丁田之問此其答元饒州論政理  
書也要亦切於今日之吏治

狄滅衛而文公遷於楚邱衛以復振時則有霸故  
也季氏逐其君而民服焉諸侯與之君死於外而  
莫之或罪時則無霸故也

謂不但見而已亦告也白也左傳昭三十二年載

史墨之言曰昔成季友桓之季也文姜之愛子也  
始震而卜卜人謂之曰生有嘉聞其名曰友觀此  
可知謂字之義

王陽明詩云人人自有定盤針萬物原來總一心  
却怪從前顛倒見枝枝葉葉外邊尋袁嘗反之曰  
人人自有定盤針外內從來只一心識得兩頭都  
是我不是拋下不須尋

左傳定四年祝佗對襄弘之言有曰武王封康叔  
於殷虛啟以商政疆以周索封唐叔於夏虛啟以

章介菴文集

卷之十一

六

夏政疆以戎索索法也蓋皆順其時不易其俗因  
其舊不遷其習之道也

又曰武王之母第八人周公爲太宰康叔爲司寇  
聃季爲司空五叔無官不尙年也曹文之昭也晉  
武之穆也曹爲伯甸不尙年也於此見聖人雖至  
親骨肉亦不以官爵土地私之

太虛冲漠凝湛若非氣則何以章爲五色發爲五  
聲洩爲五味播爲五臭山川何以條理鳥獸草木  
何以文章人心之理太虛是也若非氣以敷施發

用之何以容色有自然之變威儀有自然之度何以形於言辭包羅揆叙引物連類備事之理窮物之情而又抑揚高下舒促繁簡可以諧石鈞叶鐘律以是知文章盛衰全繫於氣欲昌於文而不養其氣文不可得而盛也

天下治平邊徼之兵中國之兵防守之兵戰陳之兵或設而不用或減以歸農百姓無事日趨生理故兵農不得不分而爲二天下多難邊徼之兵中國之兵防守之兵戰陳之兵日簡練猶恐其不精

章介菴文集

卷之十一

七

日召募猶恐其不足兵多則無農農多則無兵饋此則彼師告饑饋彼則此師待哺饋他境則本境受禍故兵農不得不合而爲一

聖人不能裸裎以卒歲勞腹以終日飲水以怡觀茹蔬以合族不費斗糧寸帛以命官然而開口便說仁義於財利則若言之汙口舌然何也夫利人之所同欲而不可一日無苟無仁義以導養其本心維持恩愛興起其禮讓則惟利是趨強并弱大吞小智詐愚勇苦怯馴至臣弑君子弑父兄弟不

相容夫婦不相保舉中國而夷狄驅人類而禽獸盡懦柔者之血肉而飽強暴者之口吻然則利也者乃所以爲害也所以生之者乃所以殺之也亦何取於此哉是故善利天下者莫過於聖人善言利者亦莫過於聖人達聖訓而言利謂之言害則有矣謂之言利則非也

左傳定八年公侵齊攻廩丘之郭冉猛逐廩邱人頤而無繼僞顛虎曰盡客氣也由此觀之虎亦知客氣不足以言勇而一種學者乃獨悻悻然以客

章介菴文集

卷之十一

八

氣爲過人何哉

左傳定九年齊侯伐晉夷儀晉救夷儀車千乘在中牟齊侯在五氏衛侯將如五氏助之十過中牟龜焦此亦龜不告猷之一端也

齊師之伐夷儀也齊侯謂夷儀人曰得弊無存者以五家免乃得其尸公三槩之與之犀軒與直蓋而先歸之坐引者以師哭之親推之三蓋春秋之世所以加意於死事之臣者其厚如此

舜禹大聖也禪授大事也然情一執中之訓之外



卽以惟口出好興戎爲言言之不可不謹也大矣哉

言多失多言簡失簡多則輕簡則重輕則人玩而忽之簡則人敬而信之

孔門弟子回也可以爲王雍也可以爲諸侯其他亦皆色色將相材也姑以可爲將者言之如蒲人止孔子公良孺戰甚疾由是蒲人思而孔子乃得以適衛吳伐魯微虎欲宵攻吳王舍私屬徒七百人三踊於幕庭卒三百人而有若與焉齊伐魯冉

章介菴文集

卷之十

九

有用矛於齊師故能入其軍獲甲首八十孔子稱仲由可使治賦及仲由爲季氏宰又命之以墮三都此皆可爲將之明驗也而若子鶯子貢之類以之爲相豈在伊陟召之下哉

孟子曰一鄉之善士斯友一鄉之善士一國之善士斯友一國之善士天下之善士斯友天下之善士中乎九二曰鳴鶴在陰其子和之我有好爵吾與爾靡之象曰其子和之中心願也

左傳哀十三年宋向魋救圍出之師鄭子賡使狗

曰得桓魋者有賞魋也逃歸遂取宋師自古戰陳之間用此計以破軍殺將者亦多

善字有專言者有對惡言者對惡而言反乎惡則善矣專言如繼之者善孟子道性善非純於天道不足以語此聖人分上須說時中說至善始得只一善字不足以盡聖人大學調在止於至善善不必中也至善則盡夫天理之極而無一毫人欲之私卽中之調也

貴溪一後生自言憤其鄉士夫所爲多不善作居

章介菴文集

卷之十

十

鄉要典思以易其鄉之俗而以藁示予予閱其文龕戾而不雅馴考其事僭侈而違分義因思吾人不汲汲於求己之過而汲汲於求人之過不務成善行於己而務成善俗於鄉所謂倒植以求茂也非不自知其分量者耶

士君子有本可以無悔而反悔本可以無愧而反愧本可以泰然安之而反不自安只緣脫俗二句後補不二句後補去二句後補見義不精

須將眼背諸人一切好惡毀譽順逆著實推開打

破任其紛擾糾結而吾心常洞然灑然乃是學問  
衛輒之亂子路將入遇子羔子羔時將出曰門已  
閉矣子路曰吾姑至焉子羔曰弗及不踐其難遂  
出子路入而死之孔子聞衛亂曰柴也其來由也  
死矣杜預釋曰子羔言不及已可不須踐其難矣  
按子羔之言如此而孔子亦曰柴也其來然則聖  
賢於國家既亂之際固有可以死可以不死之道  
存乎其間與後儒動以不死罪人者異矣

左傳哀二十七年晉荀瑶帥師伐鄭次於桐邱鄭

章介菴文集

卷之十一

十二

駟弘請救於齊齊師將與陳成子屬孤子三日朝  
設乘車兩馬繫五邑焉召顏涿聚之子晉曰隰之  
役而父死焉以國之多難未汝恤也今君命汝以  
是邑也服車而朝毋廢前勞乃救鄭柳子厚作南  
承嗣兩河效用狀意亦如此

小人之情利同然後率作以興利害同然後率作  
以除害利害不同而欲其協力一心以從上之令  
非有刑罰其何以能之

孟子曰善戰者服上刑連諸侯者次之辟草萊任

土地者次之夫善戰強邦國者也連諸侯和邦國  
者也任土地富邦國者也然孟子猶不少假借如  
此況於導君以土木禱祠糜費財力而以取高位  
厚祿者乎

本體日明則病痛日現本體日昏則病痛日隱  
湛甘泉罷官歸嶺南言於人曰吾小歸歸山林大  
歸歸造化亦名言也

樂記曰君子好聲亂色不留聰明淫樂慝禮不接  
心術惰慢邪僻之氣不設於身體使耳目鼻口心

章介菴文集

卷之十一

十三

志百體皆由順正以行其義此與孟子持志養氣  
之說互相發明最為親切

聖人謂學而不思則罔思而不學則殆乃就人情  
不甚切於精實者而言若孩提之童無不知愛其  
親及其長也無不知敬其兄此乃良知良能不必  
更說學又說思也

後世有人能通鳥獸之音亦由上古聖人能知草  
木之味人與鳥獸草木雖異類然同出於天地精  
誠相通理固然也

近來轉覺昏憤時一檢點自謂無大破關隨思此  
卽是學問不長進處若果日增月長本體精明中  
間隱伏病痛自當種種昭白何至自謂無大破關  
耶

士君子所以孜孜於善而惟日不足若曰將以求  
知於人則人心不同好惡取捨暫背萬殊未必其  
我知也若曰將以責報於天然天道幽遠虧盈損  
益紛採無常未必其我報也然則何爲也哉曾子  
曰德潤身心廣體胖孟子曰仰不愧於天俯不作

章介菴文集

卷之十一

十三

於人二樂也君子亦求得乎此而已矣

上君子立朝居鄉與人同事或彼此意見趨嚮不  
同則亦擴然坦然只求事正不可露才揚己顯人  
尤思

孟子曰仁之實事親是也義之實從兄是也蓋言  
良心真切莫過於此他日又曰人之所不學而能  
者其良能也所不慮而知者其良知也孩提之童  
無不知愛其親及其長也無不知敬其兄親親仁  
也敬長義也此二章之旨互相發明

治心之法當念慮雜擾之時只宜放下不宜強制  
放下則漸就清寧強制則遂成交戰

吾儒言持志則養氣在其中志不離氣故也言養  
氣則持志在其中氣不離志故也釋氏只把捉精  
神不容走動視此身爲幻妄一切不理却似只持  
志而已此所以內外離絕本末衡決偏枯邪誕而  
不足以開物成務也

書生將事君致身以身許國等語只作口頭常語  
此等意味茫然不入於其心因思昔在常州閣老

章介菴文集

卷之十一

十四

見山桂公語袁曰人主一瞋目便是閃電一啼鳴  
便是震雷近時四明石塘開公長銓曹數月之間  
連忤 聖意罰俸幾一年真如閃電震雷時作於  
其上此等去處除是東魯聖人西方佛祖爲能漠  
然不動於其中下此非致身許國之意素定於中  
安能無所憂疑以不失常度亂平生哉諸葛公欲  
輔偏方幼弱之主抗吳魏方張之勢狄梁公沮武  
后立三思之謀裴晉公贊憲宗伐淮蔡之計寇萊  
公決真宗親過河之策當時少有撓敗身家隨之

若非以身許國又安望其能辦此也

袞今年五十九矣於晦翁之說潛玩日久但覺精到平實可由以進可據以安於中互相發明者甚多盖有疑之於十年之前而信之於十年之後者所猶未甚快於心者大學本文所補五章之傳或問所載格物之說似尙不免支離冗雜之弊爾若陽明之學袞雖未嘗專攻其說然涉其大略但見其疎漏去處儘不爲少一時之心目雖若開明特久之滋味自覺蕭索且凌高厲空無可執着而陽

章介菴文集

卷之十一

十五

明務觝晦翁以信其說或不暇詳考其始終條理而力攻其一言一節之差或不肯深求其立言之本意而亟議其影響依似之末如格物之物晦翁何嘗專指形體之物言亦何嘗專教人去一草一木上求取至於成疾而不知反似此等議論幾若深文之吏周曲羅織務以陷人非惟無以服晦翁於地下亦何以服天下學士之心也而其徒往往人挾勝心務尊其師觝排晦翁比於二氏至於猖狂自恣認私心爲本心邪見爲真見禮義廉耻蕩

沒無餘雖未嘗學問者亦鄙之而不屑乃反恬然相與德德標榜而不以爲怪噫此天下之所以日趨於亂也噫誰實生此厲階也

荀子謂幣厚則傷德財侈則殄禮今世士大夫鮮不蹈此弊者

荀子謂處仁以義然後仁行義以禮然後義此與聖人所言審富貴安貧賤乃爲不去仁及義以爲質禮以行之之意同

聖人達則彌綸參贊而造化不能違窮則隨時屈

章介菴文集

卷之十一

十六

伸而造化不能累

朱子中庸序文心之虛靈知覺一而已矣而以爲有人心道心之異者則以其或生於形氣之私或原於性命之正而所以爲知覺者不同是以或危殆而不安或微妙而難見此語最爲精到佛氏謂人妄認六塵緣影爲自心相又謂六根四大中外合成妄有緣氣於中積聚似有緣相假名爲心此正說生於形氣之私之人心也

聖人之智以權變易以盡道妙化機而行王政猶

天地之廣運無窮。象動時行。氣流形化也。聖人之大以容受。勇以負荷。幹元功而回造化。猶乾坤之靜專動直。靜翕動闢。大生廣生也。子不足以任天下。則舉以與賢。而天下賴以免於亂。此可見聖人權變盡道處。放桀誅紂。戮蜚廉。滅國五十。驅虎豹犀象。作春秋以討亂賊。此可見聖人容受負荷處。要之神明力量直與天地一般。

朱子警學贊有曰。平易從容。自表而裏。及其貫之萬事一理。理定既實。事來尚虛。用應始有。體該本

章介菴文集

卷之十一

十七

無。稽實待虛。存體應用。此數語極爲精到。

又曰。心雖主乎一身。而其體之虛靈足以管乎天下之理。理雖散在萬物。而其用之微妙實不外乎一人之心。說理散在萬物。而用不外乎人心。此語亦甚精到。今夫纔有一物。必有一理。不相假借。不相侵奪。所謂乾道變化各正性命。一實萬分。萬一各正者也。此等去處。原無待於人。而自足。若人將此身隨其所在。與物相接。則因物付形之妙。全在人心。如與老者接。便見我有安之之理。與朋友接。

便見我有信之之理。與少者接。便見我有懷之之理。與子接。便見我有慈之之理。與父接。便見我有孝之之理。而所以度物制義各盡分量者。其機全在於人心。不然。物自物耳。與我何與哉。以是知朱子所言之妙。而爲陽明之學者。往往力詆此言。不知何謂也。

徐干張克修先生佛學論有曰。敬以直內者。涵養天理之本然。有廣大寬平之意。無偏狹固滯之病。應事之體也。固守其中者。收斂知覺。而不用有偏

章介菴文集

卷之十一

十八

狹固滯之病。無廣大寬平之意。絕物之方也。此正其似是而非。易以惑人者。此言若非從實體踐履過來者。決不能道。

人情世道。其變無窮。聖人化裁之用。亦無窮常則守經變則行權。治則順有道之天。亂則順無道之天。大則字小小則事大。見賢則思齊。遇橫逆則自反。自反而忠。橫逆由是。則付之不校。遇七十子則色莊。氣和。以談王道。遇陽虎王孫賈則義直詞婉。以避咎。咎遇而應。則微服過宋。而不撓其鋒。觀夫

六十四卦三百八十四爻君臣父子夫婦長幼朋  
友上下進退遠近嚮背安樂憂虞無乎不備蓋雖  
百轉如輪萬變如雲而神妙之用未嘗窮也故曰  
素富貴行乎富貴素貧賤行乎貧賤素夷狄行乎  
夷狄素患難行乎患難雖至於事窮勢極如箕子  
之奴比干之死孟子告滕文公以效死若甚窘偏  
然然自道理視之畢竟未嘗窮也

范文正公以獻百官圖忤時宰呂申公出知饒州  
梅聖論時官旁郡作靈鳥賦以寄蓋譏切申公而  
章介菴文集卷之十一

十九

致忠告之意及范公得政乃薦孫明復李泰伯而  
不及聖俞宋璟爲廣州刺史召拜刑部尚書封廣  
平郡公廣人爲璟立遺愛頌璟上言廣人以臣當  
國故爲濫辭徒成詬諛欲釐正之請自臣始有詔  
許停此二事皆君子公平正大之情不以人之私  
譽而侵撓國事壞亂風俗哀自度拙性頗與宋范  
二公所爲相近然今已授老矣若今之爲政者視  
二公何如哉

聖人告子張以多聞多見闕疑闕殆慎言慎行其

餘此與中庸所言博學審問慎思明辨篤行原無

二言

嚴安謂禮失而采教失而僞今世此弊直瀾漫浸  
淫於天下矣

雲泉吳年兄來教云聖人謂攻其惡無攻人之惡  
春秋之世事之不諧於聖道不議於聖學者不知  
其義然聖人且不欲攻之此可見其待人之恕責  
已之厚憂世之深矣讀之不覺毛髮灑然

大學正心章謂有所忿懣云云則不得其正言人  
章介菴文集卷之十一

二十

須胷中空空洞洞廓然而大公然後能物來而順  
應也然此乃列在誠意已後大段義理已精天理  
已熟循序而進於此初無甚難程明道定性書劈  
頭便說此六句似亦太容易矣今人事未至之先  
不起知見不事安排向似可能到得事已至而能  
因物付形各得分量者未之見也

儀禮聘禮篇載多貨則傷於德幣美則沒其禮正  
與荀子幣厚傷德之言同又曰辭多則史少則不  
達然則聖人所謂辭達而已矣者固不必多亦不

必少也

自格物以至治國平天下事理無二致而功夫有次第所謂物非離絕心身家國天下而懸空自爲一物也卽吾心感物而動發諸心形諸身顯諸事爲指諸家國天下者是也所謂事理無二致者以此若於事物之理各詣其極而無纖芥之不盡是謂格物是謂窮理不專謂只是講求覺悟到此也能格物卽是能致知蓋吾之知識本無限量若此物能格他物不能格一物之中雖明七八分尙暗

章介菴文集

卷之十一

廿一

兩三分此處惻隱他處不惻隱此處羞惡他處不羞惡此處惻隱羞惡到極處他處不到極處又如少時知慕父母而長時不慕雖知愛親而不知敬親此皆是物有未格而知有未致也以此求之格致之旨可知矣

格致須身心性情天地萬物一齊理會始得若只去天地萬物上理會而不知務內便是徒博而陷於支離若專去身心性情上理會而不知兼外便是徑約而流於狂妄近時諸子開口便說致良知

至於聖門所示學案問辨博學審問多見多聞學于古訓多識前言往行博學詳說誦詩讀書等訓業以爲支離雜學及至臨政處事其心原未嘗真知夫義理精微之極致但隨其私智小慧偏氣習心所嚮後然自以爲良知也天理也奴豚耆德詆毀前儒略無顧忌以爲孔子顏淵與已齊等爾噫狂妄也甚哉

朱子格物之說詳矣曰格至也物猶事也窮至事物之理欲其極處無不到曰物格者物理之極處

章介菴文集

卷之十一

廿二

無不到曰物格者事物之理各有以詣其極而無餘之謂曰卽凡天下之物莫不因其已知之理而益窮之以求至乎其極其言之詳如此然但曰窮至曰詣極曰極處無不到其釋明德則曰當因其所發而遂明之卽因其已知而益窮之之謂其初未嘗專以讀書泛觀逐外忘內之學爲格物昔伊川思敏者專去理會外事則曰格物莫若察之於心其得之尤切又思其專去裏面理會則曰求之情性固切於身然一草一木亦皆有理朱子旣備



列其說又贊之曰程子之說切於已而不遺乎物本於行事之實而不廢文字之功嗚呼朱子慮遠說詳如此或乃茫然不知所向而妄肆詆排豈非所謂不知量者哉

身心性情上須着隨事精察而力行之始能詣其理之極若天地萬物上只用得精察功夫而已

程子謂致知在乎所養養知莫過於寡欲則知格致之時亦離不得正心功夫又謂格物但立誠意以格之其遲速則在人之明暗則知格致之時亦

章介菴文集卷之十

二十三

離不得誠意功夫

儀禮聘禮載賓入竟而死主人歸禮幣必以用饒注謂當中奠贈諸喪具之用今按俗謂不可用爲不中用本此

聖人言生知則安行在其中言安行則生知在其中自聖人以下必先知之乃能行之大學先致知而後誠意中庸先明善而後誠身程子謂天下之理不先知之未有能勉以行之者先知後行大賢君子之學也

大學經文以知止爲止至善之由知止以前功夫儘多觀傳之三章既揭文王以標止至善之準的隨引淇澳之詩傳言學問自修之事可見矣

荀子謂有道德之威有暴察之威有狂妄之威此三威者不可不熟察斯言也所以警人君者至矣孟子曰梏之反覆則其夜氣不足以存朱子釋之曰晝之所爲既有以害其夜之所息夜之所息又不能勝其晝之所爲是以輾轉相害至於夜氣之生日以寢薄此不養氣而氣受害之驗也以是知

章介菴文集卷之十

廿四

孟子所謂無暴其氣其功夫全只在日用行事之間事事集義上除却集義更無養氣功夫亦無無暴其氣功夫或乃專以趨采齊行肆戾在車聞鸞和等事爲無暴其氣庸且狹矣

專言志則兼舉乎氣君子以仁存心以禮存心之類是也專言氣則兼舉乎志下文我善養浩然之氣之類是也此曰持志無暴氣乃並舉言之然則所謂志者主氣未用事時言也所謂氣者主志已發動時言也持志猶致中無暴其氣猶致和嗚呼

此豈淺薄之士所可與言哉

孟子謂善政得民財善教得民心能得民心則得財不足言非大賢君子不足以與於此太王遷邠從之如市睢陽食盡民無叛意此得民心之效也是固三代以下所不多見者然得民財亦未易言也吾郡今歲修役千金陂官府募民出錢贖旬累月競爲邪說以相牽挽不得已遣隸卒沿門催督亦鮮有應募者又不得已至拘繫笞辱之乃始出財以佐大工然亦吝嗇狹少且謗議紛然以袞觀

章介菴文集

卷之十一

二十五

之雖由賦歛徭役煩多重大及官府未能披心腹腎腸諄譬細喻使彼灼知害少利多勞少逸多之故然民財之難得亦可知也大抵人無不愛其身家者愛其身家則必私其貨財私其貨財而無教化以開明之則雖田連阡陌銅山金埒然父子兄弟之間容有不通乞假者況於能急公上之事乎以是知民財亦須善教而得其心乃能得之不止是善政卽能得之也但生之有道取之有法用之有節比之無政事而取於民者得之差易爾

倉廩空虛府庫匱乏遇有大侵大役軍旅之事州縣不免行勸募之政其勸之也以大義勸之而已以大義勸之而不從則亦不免以大義誦之故儒者行勸募之政得民之悅而從也常寡何則知義者已少好義者尤少故也若異端者流知常人之情莫不惡死也莫不利有身後幽冥之報也則乘其隙而恐誘之曰生前不惜布施死後有種種利益不然死後有種種苦惱故聞其說者往往身亦無所愛惜而況於貨財乎嗟乎琳宮梵宇徧滿天

章介菴文集

卷之十一

共六

下窮極壯麗計日而成職此故也公無贏財資給於民官旣遭謗事亦多敗職此故也

易謂隨風巽君子以申命行事欲行事而不重複丁寧委曲諄盡以申其命則是非順逆利害成敗之故必不能條達於民之心志疑貳謗議從此而起而事敗矣此盤庚遷殷所以致諄於三篇之書也今欲舉大事而寂無一言以先事播告於民然則其召怨惡而來謗讟也宜哉

聖如孔子賢如子路而見南子一節聖人不免發

天厭之之言今舉曠廢之典行大過之事聚志未孚羣疑方動而乃全無一言剴切激昂以自表自嗚呼可謂不知務矣

書防不見詩稱小豎天下之禍未有不起於無形而兆於秒忽者

施於民以夫斗取於民以小計田氏所以亡齊也折節爲恭儉上書稱頌者以數萬計王莽所以傾漢也書康誥篇曰外庶子訓人惟厥正人越小臣諸節乃剔播敷造民大謬弗念弗庸疎厥君時乃

章介菴文集

卷之十一

廿二

引惡惟朕慈已汝乃其速由茲義率殺噫音哉言乎

天不能無妖星沴氣地不能無惡草毒獸人不能無貪暴奸頑雖舜在上譏說殄行四凶之輩猶比肩接踵於世况氣化不如三代之盛人事不如三代之得生養安全之資不如漢唐盛時之豐裕上以鬼魅視下而制之惟恐其不密下以寇賊待上而赴之惟恐其不亟崩潰渙散其兆已成奈何當此時而動以禮義廉耻責人哉書曰爾無忿嫉

于頑無求備於一人蓋雖盛世猶然而况衰亂之世乎

耗數五穀多殺生口皆足以致鬼神之怒減命分之福

致理之術太上以德其下以法德不足以固結天下而法猶足以維持統括整頓均齊猶之可也其或令愈煩而奸愈多防愈密而欺愈甚盡天下之法而不足以治天下之民則將任刑斬伐酷吏用於上賊民興於下而天下日入於亂莫知底止矣

章介菴文集

卷之十一

廿八

有宰相之量有宰相之識有宰相之才有宰相之節然後可以居宰相之位何謂量包容荒穢翁受人才處盛滿而能挹臨利害而不亂是也何謂識圖於不見防於未然超然遠覽不爲衆人淺近之謀所眩惑世俗迫切之論所拘牽是也何謂才應機決策方物出謀莫不洞中事機曲盡時宜足以折衝千里定難摧奸垂不世之法程樹無前之偉績是也何謂節志在天下而不在於一身在功業而不在於富貴在行己之道而不在於從君之欲

夷險窮達始終一致彖泰之思死生之威舉不足  
以撻奪之是也嗟乎今皆無之而宅尊履滿恬然  
如在苙之豚豕然則其及也宜哉

蘇東坡守徐州日上書闕下有曰陛下若採臣言  
不以臣爲不肖願後三年守徐且得兼領沂州兵  
甲巡檢公事必有以自效其首段亦曰竊以爲守  
法令治文書赴期會不足以報塞萬一噫今之君  
子捧檄上訖卽思轉官日夕查刷未了公事嚴督  
申覆以是爲足以盡職守取美資已矣會幾何人

章介菴文集

卷之十一

廿九

同坡翁之志哉

崖溜成渠井綆斷幹精專之效也樹根破石筍才  
穿塊強力之效也

物備得於天然終身由之而不變者機智少而奪  
之者少故也人全得於天然隨時變遷鮮克有終  
者機智多而奪之者多故也

易曰二人同心其利斷金嗟乎衮乃今爾知斯言  
之妙也夫人心不同有如其面心苟同矣則氣同  
力同以至於謀畫趨嚮難易利害無不相同者故

一旅之衆可以祀夏而滅仇沛中豪傑可以誅秦  
而楚項八千子弟可以橫行中原淮蔡一隅可以  
久抗朝命斬樓蘭於西域紀功烈於燕然以至昆  
陽淝水之戰雄師萬壘應旗崩折皆同心之效也  
孟子曰地方百里而可以王湯以七十里文王以  
百里言同心也縱或時移運改人力難挽則亦足  
以相死而昭揭大義於天下後世五百人之於周  
橫是也嗚呼斷金之言有旨哉

大學曰未有好仁而不好義者也未有好義

章介菴文集

卷之十一

三十

其事不終者也未有府庫財非其財者也孟子曰  
未有仁而遺其親者也未有義而後其君者也又  
曰王如施仁政於民省刑罰薄稅歛深耕易耨生  
者以暇日修其孝弟忠信入以事其父兄出以事  
其長上可使制挺以撻秦楚之堅甲利兵又曰城  
非不高也池非不深也兵革非不堅且利也米粟  
非不多也委而去之是地利不如人和合是數說  
觀之乃知爲國以得人心爲本使人心親戴於上  
將見無戰不勝無攻不取無守不堅無事不成王

天下猶反手也不然雖強如秦富如隋能保其不  
土崩瓦解哉

荆公論風俗有謂禁微則易救末者難所宜畧依  
古之遺制命市納質以觀好惡有作奇技淫巧以  
疑衆者糾罰之至物器饌具爲之品制以節之  
嗚呼吾撫俗弊甚矣此論若行不猶可掇其萬一  
哉

洪範八政食貨以後卽繼以祀蓋食足以養貨足  
以用則生人之道備矣鬼神之貺多矣故祀以報  
章介菴文集卷之十一

三十一

之不容緩也古之人苟被其澤則必報其德致敬  
致戒不敢少怠觀夫貓食鼠虎食豕於秋成之際  
亦必迎而祭之不以細故而輟焉可類見也我  
皇祖惓惓於里社之祈報其品物儀式頒布詳悉  
歷世既久蚩蚩愚民茫然罔覺而叢祠淫鬼之祀  
徧滿都鄙噫深達幽明之故篤意衣食之原者於  
此可不加之意乎

凡人感於物未有不動者但惟聖人爲能通爾所  
謂通者以彼之天觸此之天以此之天應彼之天

雖殊塗而實同歸雖百慮而實一致孟子所謂著  
決江河沛然莫之能禦者也若動只如釋氏五蘊  
中所謂見受想者是矣然隨感而動亦惟人乃能  
之若禽獸草木之類二氣感之則無不動者自二  
氣外感於聲色人事而動者雖間有之而不盡然  
此可以觀靈蠢之別也

喜怒哀思愛惡欲遇發便須搏節是謂存其心養  
其性約其情使合乎中

年來種種病作專氣致柔之學不可頃刻忘之

章介菴文集卷之十一

三十二

秦人謂諸生好是古非今惑亂黔首哀謂是古非  
今之議惟宋儒爲尤盛易稱不可爲典要惟變是  
適書稱道有升降政由俗革凡以道與化遷不可  
執一也夫治莫盛於三代然其法不可行於今者  
多矣豈惟今日如封建之類雖三代亦以弊終也  
世莫促於嬴秦然以郡縣代封建使百姓得免於  
七豪十二國戰爭之禍則雖千百世無改可也然  
則動以古法斷時務拘牽決裂以眩世主之心誤  
可爲之時者是尙得爲通儒也乎

飛潛動植之物舟車陶冶之器各專一能各適一用飛者不能走走者不能飛智者不能甘甘者不能苦羶者不能香香者不能羶可以水者不可以陸可以陸者不可以水可以爨者不可以耕可以耕者不可以爨就人一身言之目能視而不能聽耳能聽而不能視手能持而不能履足能履而不能持若人則惟聖人爲能以萬物之性爲性以萬物之才爲才以萬物之用爲用自聖人以下德備才周者鮮矣故曰與人不求備曰無求備於一人

章介菴文集

卷之十一

三十三

曰及其使人也器之此之謂曲成萬物而不遺乃皇極之道天地之心也今或負矜驕自大之心懷偏狹忌嫉之念人之有教動輒小之以爲一偏一曲之行必須窮其本體之全極其性分之大乃爲正學家法而日用之間常囂囂然下視衆人無一可當已意者噫此豈但不可進於道吾恐駸駸然入於禍害而不可拔也

民者邦之本財者民之心夫民之生也非財不能養其死也非財不能送其緩急也非財不能濟災

非財則不能爲慈子非財則不能爲孝朋友非財則不能爲信故財非特民之心亦民之命也自非英邁蓋世學問深純懿德之好素重世味之嗜全輕者孰能以義處利全不沾溺亦孰能如漢祖捐金數萬以間楚師而略無係吝哉故凡人皆不可以此責之而況市井媮薄嗜利無厭之小人乎況今政煩賦重公私殫竭之日乎

君子不必皆同而不害其爲同何則所存者公所向者正故也是故不可因其少異而遂生嫌隙之

章介菴文集

卷之十一

三十四

私小人不必皆異而不害其爲異何則所存者私所向者邪故也是故不可因其少同而遂稔昵比之交

湛然虛明粹然中正藹然和樂而隨事觀理權度不差因物付形各得其分是謂理一分殊之學聖賢之所以教也

中庸集註釋書同文曰文書各袞嘗疑其偏於名稱一邊以爲文不止於名號亦有形象也及讀儀禮聘禮篇有曰百名以上書於策不及百名書於

方鄭氏注曰名書文也今謂之字乃知其說蓋出於此

蘇東坡詩云尚有身為累已無心可安若聖賢之學但曰心安而已豈曰無心可安但欲隨寓而安耳豈曰有身為累

唐正觀初以給事中諫議大夫兼知起居事每伏下議政事起居即執筆記錄於前史官隨之其後後置起居舍人分侍左右秉筆隨宰相入殿若入在紫宸內閣則夾香案以立殿下直第二螭首和

章介菴文集卷之十一

二十五

墨濡筆皆即砌處時號螭頭舍人於人君舉動致嚴致諄如此在今日則此制蕩然矣而翰林諸人往往徒知以清華優閑自詡以宰衡有待自高而曾莫知以此為念也是向得為明職守篤分義者乎故袁常謂我朝庶官素餐曠職惟翰林為甚易曰恒以一德詩曰淑人君子其儀一兮心如結兮皆言德貴有恒也今或精神不定聽視不專謀慮不審起居無常設施措置遷移變易無有定局則不恒莫大乎是豈惟可以見其德之薄并壽考

福祿從可占知也

唐張曲江作處分十道及朝集使勅書有曰兼有不肅諸吏唯只自謹一身姦豪盜賊無所畏思是虛荷榮寵徒增祿秩此而可容孰為尸曠近擴叁曾君守吾撫不問臈吏不捕盜賊不戢姦惡不清獄囚不聽詞訟舊時地方早勞守宰而下惡衣蒯屨或躬負微纒帥郡中父老子弟立壇塲設太歲風雲雷雨五方行雨龍王神位於擬峴臺或山川壇城隍廟每日旦暮徒步撤蓋從府治出或自北

章介菴文集卷之十一

三

而東或從西而南叩拜通衢以達於壇又以深林絕壑人跡不到神怪所憑興雲作雨常必出之或官親往或聽民自往擊撼龍湫取物及水奉迎供養往往以此得雨縱未必盡然然司牧者之責亦少盡萬一矣今嘉靖甲辰乙巳地方大旱萬姓魚喁哀亦晝夜遑遑如鮒魚之處涸輟鄉人修往時故事白衣徒跣挑執枯相跪拜入城直道府堂曾怒遂趕出有請欲擊龍者曾怒以為妖術而姑陽許之民以為實然也後皆加責罰及事勢迫甚不



能自安乃始剝出已見絲畫紙龍立壇於四門來  
牛去馬汗穢填擁每旦暮高蓋牙轎一拜而去越  
數日以四門迂曲煩勞乃於西大街排列五壇自  
府前南至山川壇旦久行禮如前但從城外繞回  
不由原路又數日又以山川壇隔城寫遠復移壇  
於擬峴臺各主通聚一處往往拜禮未周登車就  
道前後祈禱並無青詞通神亦未嘗口宣誠惻乙  
巳年雖聞具有青詞亦略無引咎自責之語其不  
恤天災如此而其所自視以爲舉世莫已若者惟

章介菴文集

卷之十一

七

是小廉曲謹一節而已然使司每歲印發路引二  
二萬紙到府轉給各商每紙稅銀肆分柴釐會乃  
增至八分五釐額稅之外以克私費是亦未能廉  
也其他高談道學以自標異折節詭詞以愚諸生  
寄郡事於鄉市諸耆民謂之約正約副而不復察  
其人之賢否禮法家兄亦係約正每陳請旌別淑  
慝振厲風俗皆漠然不問期望雖風雨亦偕僚屬  
親到在城各約正會所然點視之外寂無一語及  
民事也所屬一知縣浙人也一經歷閩人也漸

當時仕宦最多此人又以進士起家經歷則與會  
桑梓密邇故雖賍私狼籍皆畧不敢詰詰府學訓  
導令署官也諸人又無大過曾以芥蒂之私朝覲  
考察四人皆坐以不謹去官巡按御史栢鄉  
魏公謙吉威聲震越曾畏之如虎外議籍籍以爲  
太守尊官何至縮朒乃爾及魏公回省小舟送至  
池港九江萬醫生爲請乃敢言歸此後

李公遂繼魏巡按爲人昏營恣情曾亦畏之如虎

隨帶官吏千戶承差五十餘員各所支稟稍每日

章介菴文集

卷之十一

三八

每名於規則外不啻加二十倍百姓訐告到府曾  
不敢有所訶問但將百姓亂打趕出而已初魏公  
審錄囚徒市虎毛姓者誣成平民死罪曾乃旁意  
欲申論毛遂面斥曾公畢竟暗啞而止其於他官  
雖畏之然未至如是之甚者以官之升沉由於御  
史故也每對諸生調拂衣高蹈甚是易事然郡中  
一二家連姻朝貴往往曲意奉承納賄取媚及丁  
未春吏部考以才力不及例當以調議悲傷抑鬱  
揮淚於吏書之前臨行費銀數百兩分饋權要以

徵後福平居士夫相接無間賢否並無一言咨及  
政治得失雖府治南北門外盜賊公行劫掠五六  
都每夜被劫或殺人者二三家亦畧不言及禦捕  
方略每日辰初而出辰末而入申初而出申末而  
入此外惟閉衙高坐遇同僚如嚴師之於弟子稍  
有違闕怒形辭色然或終日治事則又忌嫉而沮  
撓之或薑桂則亦不敢茹也蓋曾於政治一籌不  
展於上下符移不能贊一辭是以深自閉藏寧坐  
視廢弛而不肯示人以短又掩取儒賢糟粕之餘

章介菴文集

卷之十一

三

講道學立鄉約使人謂爲不屑屑於俗吏規格直  
從人心風俗上著力也在任五年餘未嘗一日加  
意犴獄自重罪下至罰該三五錢以上及遇赦因  
釋不釋病死獄中者無慮數百人是雖不納苞苴  
不多宴樂不多買辦不多科罰不多受請託然其  
設心積慮原非爲國與民也巧以成其聲名仕進  
之私而已與唐教所誠正相符合嗟乎愚而詐傲  
而快倖而堅欺世盜名而謂人莫已知好大喜高  
而不自知其量內實不足而固欲示人有餘機械

百出主於全身利已而無一毫委身爲國與民之  
意此馬伏波所謂不顧子孫效之者也而新學小  
生識陋志卑靡然被其引取動以賢人君子目之  
吾思吾邦從此不知正邪誠僞之所以分也不知  
有君臣大義而惟飾小行以自私也弊弊然日入  
於敗壞而不可救也孔惡似是孟攻楊墨知我者  
當深軫於斯乎

章介菴文集

卷之十一

四十

天下廣矣人情世變何啻萬殊少不如意便不勝  
忿激鬱悶懣懣至於不愛其生而不悔此屈原賈  
誼所以爲隘也列子柱厲叔事苾傲公事亦此類  
唐太宗女城陽公主下嫁杜荷坐太子承乾事誅  
又嫁薛瓘初主之婚帝使卜之繇曰二火皆食始  
同榮末同戚請畫昏則吉此繇詞疑出費直易林  
然未有考也

君爲臣綱父爲子綱夫爲妻綱故君聖而中才之  
臣皆化而爲賢其或暗主在上而爲之臣者進退  
必以其道利鈍不渝其節則必道明德立而不受  
變於人者也然亦少矣父子夫婦亦然是故聖君

在上則滿朝皆君子何則表則既端趨嚮易定庶  
明勵翼漸染易就皇路砥平所志易行公道昭明  
賢者易用故也昏主在上則滿朝皆小人何則表  
則不端無所依嚮釋小在位無所交修皇路傾側  
直道不行是非不明賢者廢棄故也戊申九月朔  
旦觀唐岑文本傳感而書此嗟乎今安得有如文  
本者乎

就無在躬之清明苟不爲利欲所勝餽則固有志  
氣如神者在

章介菴文集

卷之十一

四

財者民之所賴以生如燭之膏魚之水然富而損  
其財則貧然猶未死也貧而奪其財則死矣死與  
爲盜賊利害緩急之勢不可同日語也何苦而不  
爲盜哉於是小則竊大則劫又大則嘯聚攻殺富  
者反爲貧者之魚肉而天下紛亂國步斯頻矣是  
故爲政者之於貧民不可不加之意也撫貧民以  
安富民紓富民以瞻平民政是以平民是以安君  
子之善道也

盛治之世民命制於君大亂之世民命制於天式

微之世民命制於豪勢兼并之家

蔡邕作京兆樊惠渠頌有曰取財於豪富借力於  
黎元樹柱累石委薪積土武帝元光中河決瓠子  
上自臨決河湛白馬玉壁令群臣從官自將軍以  
下皆負薪實決河下淇園之竹以爲榱桷互觀之  
今日修千金陂之法亦可槩見

自古英雄豪傑思欲收同舟共濟之功成反觀爲  
治之業必垂後教孜孜收奇偉實用之才而不徒  
延引衣冠盜名之士而諸大奸巨賊思欲掩取虛

章介菴文集

卷之十一

四

名誣惑世主以行其竊取大物之志者則必於衣  
冠盜名之士用心焉彼知夫奇偉不群之士不可  
籠之以詐謀餌之以虛禮使之後復然於吾所爲  
而無不從也惟彼盜名之士所志者溫飽所慕者  
榮寵拘牽文義而無達變之才首鼠時變而無果  
政之力誘之則易致餌之則易取吾姑藉其言詞  
之美威儀之盛以張皇熱續粉飾治平亦可得志  
也王莽將篡漢爲學者築舍萬區益博士負儼天  
下通一藝教授十人以上及有逸禮古書毛詩鄭

官爾雅天文圖識鐘律月令兵法史篇文字通訓  
其意者皆諸公車異時守閤者以千萬計或請以  
葬女爲后或獻符命或頌功德比伊周或請居攝  
或請卽真皆此輩爲之也當時雲臺佐命諸臣曾  
有一人廁於其間乎豈獨莽哉慕容就異種也雅  
好文籍勤於講授學徒甚盛至千餘人又豈獨號  
爲唐太平公主婦人也將欲踵其母之所爲則先  
推進天下之士以捷大議遠近翕然嚮之嗟乎衣  
冠盜名之士之無益於時古今一轍也而當路者

章介菴集

卷之十一

四三

乃復汲汲焉文物已盛而復欲其盛藻繪已繁而  
復欲其繁薦延之途已廣而復欲其廣乃至觀風  
按部之使往往以民之休戚吏之賢否其畫一公  
論寓於此輩而遂以耳目之司倚重焉噫或也甚  
矣戊申九月二十二日書

人之一身自死生以至語默動靜喜怒哀樂窮達  
得喪莫非變化之所爲變化者鬼神之道也旣曰  
鬼神又安可置一毫喜愠趨避於其間乎

哀帝時王莽罷就國南陽太守以莽貴重選門下

掾宛休爲守新都相新都莽所封也休謁見莽莽盡禮自

納休亦聞其名勉強相答後莽疾休候之莽緣恩

意進其玉具寶劍欲以爲好休不肯受莽因曰誠

見君面有瘕美玉可以滅瘕欲獻其璣卽解其璣

休復辭讓莽曰君嫌其賈耶遂推碎之自是以進

休休乃受及莽徵去欲見休休稱疾不見夫以莽

之貴重且降屈如此而休所以待之者簡略乃爾

豈素守介特徑情而直行邪抑豫見莽之衷曲而

防患於將來邪

章介菴集

卷之十一

四四

秦始皇登會稽山刻石文有曰有子而嫁倍死不  
貞防隔內外禁止淫佚男女潔誠夫爲奇殺殺之  
無罪男秉義程妻爲逆嫁子不得母戚化廉清想  
當時男女之倫瀆亂已甚故會稽刻石亦以此諄  
示天下

論語謂鈞而不綱弋不射宿孟子謂數罟不入汙  
池記謂君無故不殺牛大夫無故不殺羊士無故  
不殺犬豕古人之重物命如此今或飲食必殺牲  
宴會必殺數十牲噫暴殄甚矣人與物孰不自愛

其生哉

仁義之道同體而異用。異用而相成。非仁則何從有義。非義則仁不可得。而成故審富貴安貧賤致其果。確克去己私。在父死父在。君死君方。能成立己之仁。謹權量審法度。防僞禁邪。糾慝之法。與正德利用厚生之具。並立而不偏。方能成成物之仁。文信國謂惟其義盡。是以仁至。言哉言也。然非有至誠惻怛之意。以行於其間。則亦未有能盡義以成仁者。故謂異用而相成者。以此耳。

章介菴文集

卷之十一

四五

大學論平天下在與民同好惡而不專其利。自開闢以來。未有不資財而能遂其生之民。則亦未有不散財而能得其民之君。詩稱經始靈臺。庶民子來。雖由文王耕耨者九一。仕者世祿。關市不征。澤梁無禁之故。然孟子謂藟藿者往焉。雉兔者往焉。亦其所以子來之一端也。無裨於民而強民以爲之。雖聖人其能免於謗訕乎。

唐尊爲王莽太傅。以圖虛民貧咎在奢泰。乃身短衣小吏。乘狔馬柴車。藉橐瓦器。又以歷遣公卿出。

見男女不異路者。尊自下車。以象刑赭幘。汙染其衣。莽說之下。詔申敕公卿思與厥齊。噫。屈身於篡逆之人。而不知可耻。乃欲以小廉曲謹。矜世易俗。非所謂小人之中庸而無所忌憚者耶。

班固叙諸子九家。以爲皆起於王道既微。諸侯力政。時君世主好惡殊方。是以九家之術蠡出。並作各引一端。崇其所善。以此馳說。取合諸侯。其言雖殊。辟猶水火相滅。亦相生也。仁之與義。敬之與和。相反而皆相成也。易曰。天下同歸而殊塗。一致而

章介菴文集

卷之十一

四六

百慮。今異家者各推所長。窮知究慮。以明其指。雖有蔽短。合其要歸。亦六經之支與流裔。使其人遭明王聖主。得其所折中。皆股肱之材。已仲尼有言。禮失而求諸野。今去聖人遠。進術缺。廢無所更。索彼九家者。不猶溺於野乎。若能修六藝之術。而觀此九家之言。舍短取長。則可以通萬方之略矣。夫班固之言如此。孰謂其於道全無所見哉。

剛柔緩急音聲不同。係水土之風氣。故謂之風。好惡取捨動靜無常。隨君上之情欲。故謂之俗。此言

亦可玩

班固溝洫志謂禹以河所從來者高水湍悍難以行平地數為敗迺醴二渠以引其河北載之高地此二渠不見於禹貢孟康曰三渠其一出自邠南南折者也其一則潞川也

漢書自詭自誇顏師古皆訓為自愛責之意今竊以詭為詭異譌為推托之意

賈誼傳諱字乃推托之意

禹之治水有決之使道者九川滌源是也有障之使渟者九澤既陂是也今學者但謂禹之治水專

章介菴文集卷之十一

四七

於疏決誤矣然則決九川滌源蓋反蘇之事而陂九澤乃仍蘇之舊也歟

唐虞之世天下可居者十二州而已十二州之外皆洪水也懷山襄陵勢固不可以障城邑聚落稀少時亦可以不障故禹不得不捐數千萬里之地以行其水後世地平天成小大之水皆行地中而城邑村落徧滿區宇乃或正道弛絕衝決騰溢毀城郭壞田宅破墳墓又或水勢傾潰愈趨愈下地勢印高不蔽不穀於是相形勢度便宜築為堤埝

壩塌之類以遏奔衝防漫溢利灌溉斯亦隨時順勢財成輔相以利生民之道也乃或動以善為川者決之使道之言非之然則孫叔敖史起鄭國兒寡李冰諸人皆厲民者耶

漢武作賦以悼李夫人有曰西華蕤以俟風兮芳雜襲以彌章的容與以倚靡兮縹緲姚厚愈莊燕淫衍而撫楹兮瞻流視而娥揚又曰佳俠函光曜朱榮兮嫉妬闔葦將安 今以此知李夫人雖以色進而律以賢妃貞女亦自有可取者

章介菴文集卷之十一

四八

前世士大夫於佛氏固有陽排而陰取之者亦有不自知覺而陷溺於其中者今世儒者則明白掀眉抵掌高談佛氏然又曰吾師孔孟也吾學心學也噫嘻吾不知人心風俗何所底止也

士君子若不本諸天折諸聖準諸吾心而但剽竊聲影抗厥胸臆勇於立論則雖堯舜周孔之言皆可以私意而疵議如楊慈湖之非大學是也況於程朱數子之言哉

禹貢梁州貢道西傾因桓是來浮於潛逾于沔入

於渭亂於河班固溝洫志漢武帝時人有上書欲  
通褒斜道及漕事下御史大夫張湯湯問之言抵  
蜀從故道故道多坂回達今穿褒斜道少坂近四  
百里而褒水通汭斜水通渭皆可以行船漕漕從  
南陽上汭入褒褒絕水至斜間百餘里以車轉從  
斜下渭如此漢中穀可致而山東從汭無限便於  
漕漕之漕且褒斜材木竹箭之饒擬於巴蜀此所  
言與禹貢不合疑所謂逾於汭者或褒以北又自  
有汭非漢汭之汭或斜卽是汭又或褒水至汭始

章介菴文集卷之十二

四九

舍舟登陸而下渭故言逾於汭也然蔡傳亦言之  
矣

自古惟明君然後能用良將非明君而名實無進  
視之明事權有旁落之勢爲之將者乃爲之月鋒  
鏑犯危難摧堅城斬勍勇辟地開疆然或不便於  
權奸所爲而惡其害已或以其攻伐太盛而恐其  
偏已於是譖毀潛行倚扼備至推轂分圖之義微  
而遂事專兵之疑積當此之時其執節者邪則釋  
兵於下歸命於朝而身不可保岳武穆是也其忿

戾者邪則義寇延敵反兵相攻而癰疽內潰李懷  
光是也

古之聖賢有孜孜克己而不暇責人者成湯與人  
不求備檢身若不及是也有德厚而氣和心純而  
仁盛而自不責人者顏子犯而不校是也先儒謂  
學至不責人方是蓋主成德而言也

王莽殺其子護又殺其子宇元后爲之下詔曰夫  
唐堯有丹朱周文王有管蔡此皆上聖亡柰下愚

子何又王莽營宗廟於長安城南立戟行視親舉

章介菴文集卷之十一

五十

築三下今俗言多有此句蓋出於此

帝舜威以象刑而苗頑不卽工乃命禹征之此雖  
天討當然然合下便見得得爲在已失爲在人以  
得爲在已尙似謙之未至也故蓋復有受益招損  
之諫

董賢敗長安中小民譁譁嚮其第哭幾獲盜之

因而盜縣官發賢棺藏診其尸因埋獄中賢所厚

吏沛朱詡自劾去大司馬府買棺衣收賢尸葬之

王莽聞之而大怒以他事擊殺詡詡子浮建武中



貴顯至大司馬司空封侯班史所書如此蓋予誦也夫詔親狎董賢所謂比頑童也然能死之亦僕妾之忠者矣可與賈舉州綽同論

孔子之時天王廩然尸位倚賴大國以保旦夕齊桓晉文皆迭稱伯餘亦各務收集材武智略之士以圖富強孔子悲之於是講道修業於洙泗之間及門三千逮有七十回也可以爲王雍也可使南面其餘治賦治事言語文學色色有之當時諸侯苟用孔子則取諸其徒而才足用矣由是而興西

章介菴文集

卷之十一

五

周之業誠可計日而待故曰替月而已可也又曰吾其爲東周乎其欲赴公山佛肸之名自是實情其言爲東周自是實事固非一時漫語也孟子之時七國爭雄儀秦楊墨之徒各引所長推究端緒詳贍奇詭以干諸侯而孟嘗春申平原信陵諸豪又各收養鷄鳴狗盜機械變詐之雄以縱橫爭鬪乎天下孟子悲之故與其徒數百人述唐虞之道續孔子之緒而公孫丑萬章之徒雖與洙泗諸人高下不同要亦一時之選也當時用之亦必能

拯溺亭屯恢復有周之盛故曰以齊王猶反手者易爲食濁者易爲飲又曰如欲平治天下舍我其誰孔孟本意如此及終不能如意於是始作春秋與孟子七篇由是觀之聖賢之聚徒講學皆在王綱弛壞民命無所寄托之日真所謂畏天命悲人窮者也而今天王在上四海一家所宗者四書五經之言所主者程朱胡蔡之詁乃引取輕儇浮誕之輩所在勸教十人名爲宗孔孟之教而實根據佛氏巧爲扭點風流波漫一倡百和而學術

章介菴文集

卷之十一

五

愈壞人心愈邪嗟乎陷溺其身足矣而將陷溺乎天下自害其心足矣而乃害天下之人心使生於帝王之世而譏其罪不知何以處此也夜來思得聖人論爲仁要在富貴貧賤取捨之間而顏子之近道乃在數至空匱古之人固有躬耕而食妻織而衣啖藜藿飽粗糲而樂以終身者今萬不至是也奈何昏心於非禮之饋喪志於不義之得以壞平生之業而貽終身之耻乎

陳白沙挽康公詩云忽看華表鶴來還白首蒼生

尚掩關四海未應無汝水千秋只合對巴山聲名  
老去乾坤大衣鉢相傳父子間今夜越南思嶺北  
燈前空有淚闌斑後應徵上京取道劍江祭康公  
墓與從行某人詩云羅源三尺聘君墳猶有門人  
爲掃雲此日英靈應識我斯文風誼孰如君歌殘  
杜甫詩千首勘破伊川易幾分遺了平生端的計  
九原風露益酸辛今白沙集中未曾收入豈湛甘  
泉輩以私意削之耶

章介菴文集

卷之十一

五三

衰年莫要於安身安身莫要於安心安心莫要於  
省事自今一切閑是非閑好惡非惟不當使之入  
於吾心并耳目亦不挂帶可也

自在和樂清通翕聚如此則心體日明百祥來集  
必有事焉而勿正心勿忘勿助長正其誼不謀其  
利明其道不計其功

集義求仁也塞於天地配義與道則仁矣

理氣一也故互相資益其始也集義以養氣其終  
也氣足以配義

同歸而殊塗一致而百慮理一分殊之謂也

自古任天下之事權不可不歸於一事不可不分  
於衆事分於衆則群策舉而事集權歸於一則衆  
志定而功成

病重而氣衰年邁而氣衰勞甚而氣衰皆不足以  
配道義孟子無是僂也但就不能直養一路言之  
耳

文信國謂如此再寒暑百沴自辟易豈有他謬巧  
陰陽不能賊顧此耿耿在仰視浮雲自言正氣純  
固邪氣不能干也然不但此也人若精誠之極則

章介菴文集

卷之十一

五四

雖形骸不能累其心今夫戰鬪者博奕者驚思者  
哀痛者大快樂者當其志氣專一之時雖遭彈擊  
犯鋒鏑顛蹶傷觸漠然不知其疾痛佛謂遭歌利  
王割截身體全不嗔恨早年甚笑其誕近乃悟得  
此理伊川亦謂德盛者物不能擾而形不能病形  
不能病以物不能擾也故善學者臨死生而色不  
變疾痛慘戚而心不動由養之有素也非一朝一  
夕之故也列子謂醉者之墜於車也雖疾不死骨  
節與人同而犯害與人異其神全也乘亦弗知也

墜亦不知也死生驚恐不入其胸是故逆物而不  
懼彼得全於酒而猶若是而況得全於天乎列子  
斯言與伊川之言實相發所謂精誠之極云云者  
正以此也

文中子或問佛曰聖人也曰其教何如曰西方之  
教也中道則泥軒車不可以適越冠冕不可以之  
胡古之道也明道論佛曰自謂之窮神知化而不  
足以開物成務言爲無不周徧實則外於倫理窮  
深極微而不可與人堯舜之道自來論佛往往詆  
章介菴文集卷之十一 五五

斥太過公平精到惟二言爲然  
莊子謂指窮於爲薪火傳也就知其盡哉列子謂  
死之與生一往一反故死於是者安知不生於彼  
此卽佛氏輪迴生死之論也列子又謂西極之國  
有化人來千變萬化不可窮極又謂黃帝夢遊華  
胥之國在弇州之西崑崙之北此雖或假托之言  
似亦佛乘車來之朕兆也要之同此天地則人之  
神識靈悟必有曠世而相通者固不待佛入中國  
乃始有此等議論也

莊子謂以瓦注者巧以鈎注者憚以金注者殫唐  
神堯以一旅取天下瓦注者巧之謂也子孫不能  
以天下取河北金注者殫之謂也而宋高宗惴惴  
保一隅之地不敢以中原爲念其鈎注者憚之謂  
乎

周子誠精故明神應故妙幾微故幽誠神幾曰聖  
人此數言袞亦未能無逆於心蓋道心惟微人之  
幾皆微也且旣曰神應故妙則不更着下句亦可  
矣當再思之

章介菴文集卷之十一 五十六  
至誠之跡徹於無形至誠之聽徹於無聲列子湯  
問篇謂焦螟羣飛而集於蚊睫弗相觸也栖宿去  
來蚊弗覺也離朱子羽方晝拭背揚眉而望之弗  
見其形醜俞子曠方夜傾耳俛首而聽之弗聞其  
聲惟黃帝與容成子居崆峒之巔同齊三月徐以  
神視塊然見之若嵩山之阿徐以氣聽朗然聞之  
若雷霆之聲此至誠之視聽徹於無形無聲之謂  
也

列子志強而氣弱故足於謀而寡於斷此言亦可

玩蓋足以見其能謀不能斷之故故也

理無常是事無常非先日所用今或弃之今之所  
弃後或用之此用與不用無定是非也投隙抵時  
應事無方屬乎智又謂美者目美吾不知其美惡  
者目惡吾不知其惡揚子曰弟子記之行賢而去  
自賢之行安往而不愛哉又謂在已無居形物其  
著其動若水其靜若鑑其應若響又謂知而忘情  
能不爲真知真能也發無知何能情發不能何  
能爲聚塊也積塵也雖無爲而非理也列子此等

章介菴文集

卷之十

五

言語要皆可玩不可以異端非之形物猶言貌象  
也發向也今人謂一向爲一發

邵文莊公寶輓陳白沙詩有曰識高翻似劇語妙  
欲無禪此二言亦幾偏真今時後生只往往推重  
白沙而已

列子謂風之過河也有損焉曰之過河也有損焉  
人以區區精神與萬物相競相靡於無窮其潛銷  
默損而不自知猶之風日過河日久但見其枯涸  
而已可不慎哉

文中子謂通其變天下無弊法執其方天下無善  
教真名言哉

伊川謂君子以識爲本行次之今有人焉力能行  
之而識不足以知之則有異端者出彼將流蕩而  
不知反內不知好惡外不知是非雖有尾生之信  
曾參之孝吾弗貴也嗟乎今之世似此者一何多  
也真妄邪正之際情然莫辨僕僕然甘爲彼護門  
墻供使令使彼益得以鼓其變幻無稽之談廣其  
招納牢籠之路而士習民風日趨於樊悲夫

章介菴文集

卷之十

五

老者不以筋力爲禮禮尙可以筋力不足裁省之  
況於閑人俗事而可無以節省之乎此非厭事也  
時義然也

禮有所當行事有所當涉一切謝遣而不理却是  
怠情不可謂是靜

宋之儒者大率好出已見貶剝前人依附剽竊橫  
置議論而見之施行不能副其言者甚多如尹彥  
明在從班時朝士迎天竺觀音於郊外先生與往  
有問何以迎觀音也先生曰衆人皆迎某安敢違

衆又問然則拜乎曰國將拜也問者曰不得已而拜之歟抑誠拜也曰彼亦賢者也見賢斯誠敬而拜之矣和靖此舉固自託諸孔子獵較之義然循名核實同乎異乎乃若見賢斯誠敬而拜之言尤似涉不情也嗟乎今世講良知之學者其舉錯往往如是方自以爲圓機妙用亦獨何哉

君子以王事辭家事不以家事辭王事然此恐爲現在其位與雖去位而曾爲大臣者言餘難例論也

章句卷之十一

五九

聖人之治天下有爵以官秀民有教以牖中民有法制禁令以齊不可教之民彼昏愚已甚固不可導而之善而上之人屑屑焉必欲開之使明諭之使改將不勝其煩且難矣而亦安能治之乎故曰民可使由之不可使知之聖人蓋爲不可教之民言也

顏子見卓爾之妙曾子唯一貫之旨子貢聞性與天道之蘊皆上達之事也然考其下學工夫其經由節目較然具在如子貢之無語無騁先行後達

窮理多學恕以求仁顏子之博約克復曾子之三

省三貴之類是也惟其學之也篤故其積之也厚惟其積之也厚故其見之也切得之也固如九層之臺然基址宏大根脚牢壯雖千霄絕塵永無傾覆捏机之虞益擅高明蕭爽之勝今之教者動以性命道德爲言語及下學之事便以爲滯礙爲支離爲纏繞爲捨易簡而事繁難務使學者莽然措其心於梯級條貫之外卒之風流成俗議論日新其於所謂性與天道非不畧有所見然氣稟之偏習俗之蔽合下全無克治變化之功惟其畧有見也故下視日用常行之事藐然卑之而不勝其猖狂浮誕之習惟其全未學也故氣習之弊無異衆人或反甚焉而墮坑落堦者不勝其多此所謂雖勤精進增益諸病者也名爲聖人之徒實乃佛氏之黨嗚呼何以學爲已酉五月蒲節日書

章句卷之十一

六十



章介菴集十一卷

江西巡撫  
採進本

明章袞撰袞字汝明臨川人嘉靖癸未進士官至  
陝西按察司副使是集首載大學口義中庸口義  
各一卷皆訓釋章句之語三卷以下皆雜文十卷  
爲各體詩而以隨筆瑣言終焉瑣言者袞所作語  
錄也其文疎爽而頗乏體要序王臨川集幾萬言  
極論新法之善謂元祐若能守而不變孰非繼述  
之善又論公以瞑眩之藥攻治之於先司馬公文  
以瞑眩之藥潰亂之於後遂使國論屢挫民心再  
擾云云毅然翻久定之案可謂桑梓情深矣

芝園定集五十一卷別集十

卷外集二十四卷(一)

〔明〕張時徹撰

四川省圖書館藏明嘉靖刻本

刻芝園集序

賜進士出身大中大夫湖廣布政使司右叅政蕭鼎守愚撰  
余蚤歲不量固陋受篋塲文衡惜其繁蕪不祛精醇或寡  
蓋未嘗不拊心焉曰是何其與古相萬也我

國家休明博大之化淪遐入深此顧無以配於前代又何  
邪乃廣蒐而約取之思論著其合於古者以信於來哲然  
而什一存焉一何遼落也而時時發於夢寐乃今歲秋仲  
余入楚我東沙公適為方伯一見而捐形空臆縷縷若平  
生於是出芝園集示我而委心卒業焉懷慄而喟然曰嗟  
乎公蓋其人矣是不可以炳炳耀耀流不朽乎迺竊什一  
為也余每三復之陶冶萬量力探鑿精則神鬼之悟耽道

芝園集序

視性華實仁義則賢聖之稽繡藻休烈康俗經務則廊廟  
之揆宣鬱鬱和鏗鏘律呂則風雅之程爛然而景雲浮詭  
然而應龍翔斯蓋振世之精英而挾天之哲匠也余不佞  
泛觀近代自空同大復而下登堂睹與鮮臻茲理跡其所  
究竟雖與古昔相長雄殆無以過也公有異稟自為弱冠  
時博聞強記出輒不凡長而大肆其力於六經取百氏而  
牢籠洗滌之觸而成章時與心得不繇雕削比於天出何  
其盛也余友李克諧氏傲睨一世無當其意者余故難之  
獨公不敢曰今日是必為文宗余以為信然乃固請於公  
刻之而藏其副於衡岳洞庭以俟知言之君子誰其不願  
早夜執鞭而糜珠蠶玉躬執七箸如余者非獨嗜也雖然



不道德勛名在天下它日翼亮黼黻與謨訓並侈史謀余

當嗣而請焉

皇明嘉靖二十有二年歲次甲辰冬十月朔

王國光集序

十

芝園集序

賜進士中憲大夫湖廣按察司提督學校副使貴溪江以詩  
余嘗怪古之文人何其狃於用長而底於觸類也杜子美  
長於詩然遂以詩為文故文不逮詩韓退之長於文然遂  
以文為詩故詩不逮文狃於用長者過也歐陽永叔不取  
杜詩蘇子瞻不取司馬史記夫歐蘇不杜與遷類即欲類  
之而不能也甚明迺各負其是而不相通此其偏有以底  
之

明興治定道洽弘治來文人學士駸駸思古而北郡李獻  
吉賢張其幟獻吉蓋體詩於杜而未食其精構文於遷而  
幾入其室者即其文力已出歐蘇上而其與何仲默論文

王國光集序

十

也則閉關絕粒持堅白而不下而古人管道大同之意說  
矣以余觀友人張惟靜則文人之巨蓋非獨才之迥擅不  
可幾及亦其道深而見徹心所囊括有大過人云惟靜生  
而穎絕弱冠賦頌落筆成聲不作今人語已登朝籍拜  
南儀郎廼益綜羣言傍漱六籍收視返聽精蘊八極于是  
至道冥詮綺辭爛溢公卿先生樂睹其面而倒屣者蓋無  
識不識也于是鴻名振于白下豹文蔚于江右余時竊伏  
草莽一觀心納即願托末交而未得已督學而閩惟靜業  
參藩之政余自惟蕪陋文質無所底仰視惟靜蓋奚啻蓬  
蒿之於九萬也而惟靜輒卑論就而起余曰詩有金一衆  
美具焉物性鮮融常工其一今之言詩者非寡也然輒以

其所工遽欲懸衡天下而稱物者又何多也侈濃綺昔陳  
冲淡貴剪綴者賤質任喜流麗者惡沉鬱媚纖婉者廢  
渾樂闌緩者黜悲壯是何異管中見天謂所見非天不可  
而以所見之外無天也豈不謬哉余以是知惟靜之才命  
令一世而其心則常近人而小知惟靜者率以文藝而其  
淵涵浩渺正未窺其涯涘已得請其所著詩文若干卷受  
而讀之淫液風雅侵軼屈宋立格於漢魏取材於六朝而  
青節變調出入於開元天寶之間情屬景生神在象外如  
玄造播物色相種種一物之中生意具足其文麗而則正  
而不迂若發穎堅離絕致而奇氣橫逸不可控馭又揚  
馬之所走而望焉豈非古今須臾四海一瞬無韓杜之所

王國文集序

四

不能以今立乎人之門牆而自矜堂奧者非所儼已惟靜  
既美余逆也寔余謂曰蒙惠辱言牙期絕奏誠見知音之  
不易而痛賞心之難遭也然某之佳惡非子誰定余憮然  
曰昔丁儀之文就思王正之思王猶遜而不敢惟靜之才  
十倍敬禮如余短長孰與思王非南威而論淑媛其亦不  
自知也已余方眩心奪目神爽骨驚輒論次古今之大較  
因以讎言云爾

皇明嘉靖十有八年秋九月十日

芝園定集

諸家評

伏承不鄙惠示芝園全集枕疾聞手之不釋口之弗去不  
知沉痾之脫體也何幸黃葵白雪之音以洗村墳島笛之  
耳乎其首樂府一卷往年曾於蔣百潭處得其本借錄取  
舟人歎及幽澗泉二篇附之皇明詩抄然鼎之一鬱爾今  
獲歛其全自四言以至六言冲澹穠粹沉鬱雄壯匠意鑄  
辭色具而體備準今則古轍合而範符豈彼月鍛旬練一  
聯隻篇名家譁世者比哉讀平白草番碑其式遏之畧既  
已草倫而靈陶之辭又特冠絕裴公平淮之刺不假昌黎  
之手矣再讀昭烈及六公諸葛洎少陵四祠記及定遠安

王國文集序

十

縣遷城碑知我公有大造于吾蜀往哲已彰新廢又起而  
文辭懸諸日月以不刊事績垂于丹青而弗渝于李德裕  
范石湖何讓焉載閱卷尾說林文允雋異與先秦戰國淑  
詭英偉之筆相下上其評詩小序則千載未發之蒙走自  
昔窺豹畧同於高明者也走夙嘗欲著復詩序一書以馬  
端臨所論二篇為首而取元人國初及近時文人所說附  
之而後以鄙見臆肯尾焉屬以多疾且投荒滇陰書籍不  
具不能成帙今觀執事所拈邯鄲衛鄭與伐檀南山數條  
何其犁然當心而契衷快哉溢目而盈耳邪大抵朱子平  
生尚氣不群見呂東萊尊小序太過故作意力戰之如子  
衿刺學校廢而必欲貶為男女相悅之詞至他日作南安

學記乃又引青衿城關之語有問于公者公曰舊說亦不可廢宋人小說笑之謂何異俗諺所云王波去四點依舊是王皮乎觀此則其盡廢小序非其本心蓋可驗矣慎又嘗思今之學者知讀朱子五經而未嘗探討朱子以前五經知杜子美以後詩而不知杜子美以前詩亦是印浦而未尋源諺所云開剪截舖客人原未到機坊者也探朱子以前六經而求詩於杜子美以前非明公而誰也緒論所逮晏嬰非忠臣子胥非孝子列子誣民之罪莊子欺世之雄卓見超識有裨世教莊誦之餘服膺無斂然此豈能盡明公胷中之奇哉解絃絃損珮之暇侍膳清晏之閒山林之日長矣汲古之綆脩矣續有著述不吝遠寄既以息黥補

聖國定集 評

二

則復獲洗瘴愈風是所企於大方之家也

升庵楊慎

得芝園集山中日夕奉誦如侍大雅之側受教多矣及覽說林益覺心醉第乃仰而歎曰自昔大家之所未有也如辭命諫說諸篇當與左氏國語爭雄長至若全集序譜傳記諸作使子長可作亦當左次今海內以文章稱者不為無人然多雜近代語能有如公作者乎間有之亦未有如公若韓信用兵多多益辦也在唐如樊紹述著作亦甚富矣韓愈氏稱之曰多矣哉古未有也然後學病其艱深奇澁使人讀之不能為句是故其傳不永惟公深於道德涵養精純而發之於文其旨則六經其下筆則遷固未見有

一字一句作唐宋人語亦未有艱深奇澁如樊者此豈易得哉蓋公才性天亦有以厚畀之而欲公振前古之遺響以衍斯文於千載之下也又熟復古詩樂府第又歎之曰是何其神契獨妙也若使知詩者讀之不告其為誰氏孰不曰是漢魏之遺也第嘗私論詩之作惟比為難興次之賦不足言也今觀公集中諸作獨得比興之義上契三百篇風人之旨譬諸觀花玩玉其可見者固花也玉也而其精神意象則非泥於花與玉者之所能知也近世學者間或知之而所作不逮則才性限之也嚴滄浪亦可謂善說詩矣及觀其所作則猶是宋人語爾可不謂難乎第於是益服公之不可及也已第曩在白下雖竊嚮往而時以癖

聖國定集 評

三

在聘竺乃日夜讀二氏書不及時聞雅教今投諸丘園稍擬向明之勤用補夙昔之過奈何衰病侵尋拔依無地所幸今日猶得大家名集讀之以自私慰尚不為門下棄人亦可謂不負此生矣

屋山高第

細閱尊集中新添蜀中諸作篇篇皆佳劒閣峨眉古稱奇絕其諸江山之助而愈極其妙乎說林之撰又是一奇不惟文字醇雅且有補於世教蓋子書之粹者也

大梁李瀛

頃者把玩佳集不惟浩博且皆精美誠所謂篤其實而必傳者夫道顯於文而文以載之其傳於世若運稻梁以食

人而人無不飽也以道為文而詞以飾之其傳於世若出奇葩以示人而無不悅也其傳且愛則一而所成則異僕以斯文占執事濟世之業矣

南野歐陽德

東沙張子寄余芝園集余讀之連日夜弗罷蓋於其文疊疊然如接君子之襟於其詩颯颯乎如出乎吾之衷而忘其為君子之筆也厥遇神矣竊嘗惟馬方今之士抗志藝文彬彬盛矣然根理要者鮮渾雅之辭尚體裁者遺性命之論二家相姻薄之弗為豈所謂理要體裁有二道耶顧其才有分量學有淺深故其論述有偏長爾是故夫人之學務盡其才理以主之氣以充之其言也開闢變化意之所適理要體裁備焉其茲芝園集之謂乎余也既讀而珍之矣復以颺諸衆曰夫學一而已矣諸學士尚惑於二家之言乎乃今東沙子芝園集出矣

芝園定集 評

四

兩厓朱廷左

僕山居且八載抗耜垂綸絕口不敢道文墨事不圖良工天啓芝園發靈投之琅函萬寶畢露遂使石渠亡富陳留掩袂世所稱文起八代之衰道濟天下之溺如我公者將無所謂其人哉昔人謂賢者之必有文章如名山大川必興雲雨隋珠和璞必露光輝使孔子不著六經百世而後亦何由述稱也我公制行以周孔為師陳詞與詩書比軌弘麗精微瓌奇詰屈殆不可名狀而愛君憂國秉道疾邪

辭榮獨往之意炯炯如丹使獻言諸人今尚在當為公走避三舍無疑矣

忠齋任瀚

辱賜芝園集莊誦數日如遊廣庭而聽韶鈞奇音逸節俱越凡調如觀滄海波瀾浩渺風雲變幻不可名狀而皆足以為寓內之奇觀其詞精潤如金玉其道炳耀如日星根極理要匡裨世教弘雅雅贍沈鬱敷腴粹焉不詭於正傑然自成一家之言非綜核百氏超視千古機解神悟而匠心獨妙者不足與於此天下後世當必有知之者無庸乎僕之為說也

華原徐南金

芝園定集 評

五

秋間偶為一二同志招遊匡廬天池御碑之雄三級谷簾之勝夙齡好之乘興一往既彌兩月而歸則吾師教劄及佳製一巨編在焉連日浣讀雖不能盡窺領要然於吾師立言之法亦似得其一二大抵取材先漢規摹六經而汪洋浩渺渾然無復蹊徑要之宿悟神解不可學而能也掩蔽前賢命今後代非吾師誰耶良傳焉下雖早入陶甄而未能目親函丈加以父兄皆家難嗣與俯仰支吾學殖荒落每當伸紙執筆勉欲步驥終類雕蟲其何以闢大雅之門墻窺前靈之迹迹伏惟春風不以茅屋而見棄廬扁不以病夫而不收念嘗及門時賜教督使得去蹄涔而泳大海越拘攣而睹昭融生我成我厥恩惟鈞良傳不勝

瞻歧願望之至

少初徐良傳

客有為楨談芝園集者蓋十年所數從好文家求之竟未  
有得抵於今見公始出是集覽予十年之願一朝忽償喜  
甚喜甚得集會將發不及覽既登車乃舍轡手編焉蓋一  
誦之矣則芝園集者國盛王之雄章柳之冲味也越中故  
稱多才修詞之士雲蒸霞變不可勝數至顯明天下傳世  
不疑者獨公一人耳後固陳子誠穎秀其語淺氣促寡詩  
人之致取以擬芝園不同日道也楨關西鄙人不習文墨  
之事雖守在詞曹實未有睹追憶里中先達若空同漢陂  
對山諸先生者此皆主盟騷壇擅聲當代楨俛而自顧有  
慙然之懷焉若公以其故謂關西生盡能文是邯鄲無醜  
女幽并無慄士也顧獨覽芝園集殊好之讀之久或有省  
識能躡而効一言也自抵家兩月甚苦塵瀾藝業益委廢  
不理思欲解去南圖念老親當在行不任蒸溽且坐而待  
秋從吏還附言申謝并具感服之私若此發京時辱公眷  
眷之誼至重斯乃同志相戀故事耳公所篤愛鄙人者固  
浮于此也

槐野王維楨

台斗在望不遂瞻仰戀曷極近句章君來顧辱教翰重  
以郡乘貺及是乘出自公大手筆法嚴詞古此海內數十  
年所未見以一郡槩之天下可世式已但惶惶叨大郡多

芝園文集 評

六

芝園文集 評

七

所謬戾得遊娉笑不為不厚倖至乘中所載乃過辱獎與  
且鄙言俚語並為收錄是拾唾棄以登筵舉垢汚而歸海  
感荷包容如何可言公盛德至文播在宇宙而中外嚮風  
已非朝夕今雖杜門著述為千百年計而四方多故弘濟  
時艱恐安石不能久遂東山之適也愷粗遣如昨灌園教  
子之外一無事事凡上維有芝園集一帙時取讀之不覺  
下拜今夫摘詞摘藻世所指為文人詩家者不為少也率  
多剽竊陳言援人門戶植己堂與人固笑之矣其不然一  
人而數變一體而互更初而學一人焉中而學一人焉終  
而又學一人焉及其弊也學漢不成流而之于宋變愈下  
矣猶之以鏡鑒貌半似一人焉半似一人焉已且不能辨  
其妍媸人其能低昂之耶大都成家易名家難名家易大  
家難若公者非當代所謂大家耶文似先秦兩漢能自為  
體不祖襲片言詩古體似漢魏朴矣能錄其質近體似王  
孟逸矣能培其醇他若說林似左國諸賦似屈宋古且奇  
矣又能蟬蛻迹離翻然而入于化蓋公充養完裕表裏粹  
精以故圓融中規刺畫難尋神變無極直造玄乘要之粹  
諸家之精而會其全者也斯其為學林之鉅匠藝苑之宗  
工傳之四方流諸金石豈獨侈聲明時終當與大冢爭雄  
長矣愷學殖荒落知局識淺敢僭及于此是誠以不肖論  
賢甚不自涯然精金純璧天下自有定論在公固當自信  
何待羽言臨紙惘惘東望豈勝馳情

鳳峯沈愷

頃王子百穀還辱損華絨集端拜展誦光彩炫室不啻  
奇琛異寶何自而降也且謙冲假叩獎誘過情非所敢承  
緬昔枉芳訊於清源挹光塵於都下彈指三紀餘矣公方  
周歷臺省而訪乃播遷州郡飛伏垂跡音驛罕通然歎猷  
遠邵猶或相聞至篇翰流傳間亦快觀蓋公玄悟夙超匠  
心獨契正脩辭者之所私淵而談藝者之所折衷也令郎  
過吳惠及數帙幸窺一斑茲蒙全示因得廣覽知文以班  
馬為準而吞吐六代詩以蘇李為宗而綜括三唐俱自成  
一家言是謂集大而非具體兼美而非偏伎也夫文不難  
於鋪敘繁結而難於波瀾光焰詩不貴於占綴綺靡而貴  
於興寄才情公如雲蒸霞鬱變幻百端河決川流一瀉千  
里波瀾渙而光焰長興寄深而才情賡斯指焉無盡而味  
之有餘也訪免官還山杜門却掃亦思畢其小乘附諸大  
方而橫遭兵子之變累世所藏祕書擄取一空平生所撰  
稿本散逸殆半監司非但不能理其冤又從而抵其輿抱  
憤棲病齒髮頽老學植益荒良用悵悵近兒輩稍稍莠輯  
無足為高明獻也

百泉皇甫汈

涓竊聞之傳曰太上立德其次立功其次立言此之謂不  
朽涓謂三者不朽雖同而所以不朽則異也何則功德及  
於一時文章垂於後世故六經配文於兩儀孔子稱賢於

李國定集

八

李國定集

九

嘉靖是言寔德之英華而功之藻繪也德與功賴言以  
不朽者也由是觀之不朽聲實久邇判矣伏惟明公負高  
世之姿稟絕人之智依日月而流光會風雲而振翮官跡  
所留頌聲彌宣性靈天授惠聞馳德與台鉉懋顯功同  
槐棘豐崇自有銘彝常而播竹帛者豈涓末識所能揚推  
哉至於所謂立言者竊嘗誦法芝園集而得其槩矣何者  
人固有長於文而不足於詩或有善於詩又不優於文間  
有作者隨省成章或繁采而之亮節操急而缺雍容玄音  
謝而綺縠瀛沉着多而疏暢室亦皆無取焉蓋才局有限  
兼體是難偏長繁徒不器希絕也惟公集中四言詩興致  
冲遠絕無斧鑿痕真清廟遺響也五言古詩大遍諸選而  
奇暢騰躍七言歌行矩矱少陵而體裁沈宋五七言律則  
有盛唐之頓挫渾雄而構駢清逸又準調於唐初諸家賦  
頌源委於騷賦而色澤於陸謝則麗備矣至於文之諸體  
太率古雅典懿規式先秦兩漢而魏晉之悲壯六朝之綺  
鬱間相出入焉宏裁遠調豐藻奇英可謂擷華如實升堂  
詣奧矣即如近時大梁李空同信陽何大復藝林翹秀也  
與公比德猶有可言者何則李長於沉雄而公之俊亮過  
之何長於清麗而公之莊雅過之非才擅命世藻掩前繼  
安能獨步區中雄視海內如此之盛哉

郭文涓

臣無似幸與公同桑梓更忝戚屬以貧賤故游學吳楚間

不得望履幕下數從公問學負茲夙心公不以臣為不肖  
辱賜臣以芝園集者臣肅拜使者受命而卒業焉閉閣三  
月紙散墨渝未嘗去手如貧人暴富茫然自失其故吾矣  
迺仰天歎曰嗟乎文不在茲哉文不在茲哉竊怪今之以  
文章名世者海內之士非不灑然競美矣然務為博大者  
乏風骨之奇刊落陳言者寡華腴之色趨高古者病曼艱  
樂豐褥者多冗求其大雅冲和春容色澤足稱大家而  
傳不朽者指不可一二屈且文章六經而下自先秦兩漢  
止矣不無病于理理學自宋人止矣不無病于辭公根柢  
六經而下至稗官爾雅子史百家之言靡不鏡其闢與融  
化宋人性命之旨發為先秦兩漢古雅之辭氣局高厚意  
義精深渾然天成略無畦逕居然大雅不詭于道矣謂海  
內稱大家而傳不朽者非耶且又諸體大備種種合作既  
富且精譬之良金純璧充斥天府人亦群飲于河而各飽  
所量四言古詩接統三百樂府直漢魏間鏡歌鼓吹蜀中  
諸作直與巫山灩澦爭長而長卿子雲衙官之矣白草碑  
褒然淮西之上說林中辭命雖左國再起何以過之此臣  
見大都也海天茫茫覽睹無際臣以管蠡窺測之惶恐無  
狀臣謹狀

沈明臣

芝園全集伏觀于鄭淡泉書屋非今之文秦漢之文也敘  
事匹馬班議論過劉董經濟起鼎賈辭賦凌屈宋雄深雅

健典則麗華振以晉唐之音接以瀛洛之緒藝林獨步昭  
代無雙空同大復不能敵其瞻豐渙野潯西豈可窺其突  
與是維我翁天縱真才萃南東山海環擁之秀為我昭代  
文宗也淡泉存日每為心服南禺公會祿海上首稱我翁  
蓋代人文之英且命取祿拙稿上質何幸蒙賜采入文苑  
中是滄海不擇細流愧感奚勝也竊惟篋壤文衡失之疎  
汪氏文選失之畧文苑之選惟我翁著書之富閱歷之多  
巨目海襟併包無漏禮樂文章百年而興今二百年弘德  
嘉靖極盛之時主張斯文其在我翁乎

沂陽王文祿

芝園定集 評

十一



芝園定集卷之一

賦目錄

拙客窩賦

南山賦

訟志賦

石谿賦

九遊

哀貞賦

浮沅賦

憎蚊賦

翫月賦

芝園定集卷一目錄

芝園定集卷之一

賦

拙客窩賦

橫山陳子以拙客名窩其言曰拙言性也客言寄

也吾聞鈍樵朴生四十而無稱然私心安之以為

是天地之逆旅云耳張子聞而韙之遂搗詞賦焉

惟達人之玄覽兮握貞德以為符慨品庶之馮生兮炳造

化之靈樞或便僕以倖值兮或溘落而次且或華衣而結

駟兮或齷齪而腹盈或此翼於霄漢兮或駢首於泥塗胡

后皇之降生兮紛巧拙其為就六籍以折衷兮師睿士

之所謨曰木訥其近仁兮嗟恍巧其悖圖孰敦龐而非寶

芝園定集卷一

兮孰蹇蹇而為愚彼講張以善幻兮譬猶夫即鹿之無虞

璞以秘智而殺身兮平以陰謀而醢誅羿工射而隕首兮

起善戰而捐軀故夫形魂之徵咎兮體壯乃其為犧彼烈

士之殉名兮摧靈根而要之又況夸夫之死權兮納全生

於禍惟雉以華而刎頸兮麝以香而刎臍龍章而豹藻兮

終俛抑以受羈握納都梁豈其不美兮先衆物以燔糜惟

盤樽與大觥兮終得遠於斧斯相鷄鵠之遠害兮方自幸

乎卑棲矧靈虬之避難兮又何耻於汚泥是以莊周致悼

夫靈龜兮越稷與歎於王與非冥翔而稿處兮孰免患乎

蒲且吾悲天貞風之告逝兮紛譎越之是興集萑菲以為

貝錦兮競捷徑以為夷庚肆屠龍之巧技兮驚談天之浮

稱信明聖之所戒兮將志道之必懲美夫人之愿慙兮實  
閩山之降英繩顯蒙之遺軌兮遵懿愆之修程大老聃之  
貴玄兮嘉禦寇之迹名愍二事之敗業兮惕二志之靡成  
抱淳樸以為範兮執隱約以為經略有成而迴車兮物有  
恥而不營熠燿穀之繁組兮爰蠹蝨乎女紅華棖而刺杙  
兮重有厲於吾農茲伐性其匪細兮又况妖冶與曼容世  
竝驚於華艷兮吾獨澹泊以為恒紛橫行而躡往兮且焉  
守夫筑氣藏雄辯於靜訥兮委機智於玄冲苟葆真而合  
道兮何寵曜之足崇惟道遠乃其知驥兮世偽乃其知賢  
嗟時俗之馳騁兮混真質而莫詮視螭龍猶蟻蚋兮雜鳳  
凰與鴟鵂為棄璇玉與瑤珠兮燕石什襲以為瑱璠閭媛子

芝園定集卷一

胥莫之媒兮嫫母刀父是之稱妍余惟知守雌之無累兮  
將韜光以獲全戒懷璧之賈禍兮貴道勝而陸沉仍休儻  
之往轍兮甘斥鷃之蒿林考盤石以為室兮闢衡茅以為  
宇疏鍾乳以為帳兮結猿狖以為侶紉辟芷與芳桂兮襲  
烟霞而容與守寂寞而存神兮衆孰知其所處哂里婦之  
效顰兮覆增醜而見捐肆學步於邯鄲兮羌失故而不前  
鄙桔槔之機巧兮寧抱甕以灌園希丘園之白貴兮美鴻  
食之漸磐胥懷受而徐征兮實吾性之所諧也眩德諤以  
競鶩兮固衆兆之所猜也逞謀倖而為讓兮亦孰可與併  
之矧權智之傾奪兮奚凌厲而不危知隱璞之遠害兮黜  
聰慧以自韜明大雅之庇身兮悟介石之知幾庶皇古之

淑則子返舊服以委蛇屏百家之雜碎子戒亡羊之多歧  
雖潛玉以錐采兮將考終於選期不吾知其奚傷兮吾又  
何怨乎支離

南山賦

南山賦為中丞胡公作也公名訓家于南昌山之  
下故號南山

南山嶢嶢兮凌太清奠侯服兮涵坤靈峰岫嶮兮直上石  
磴礧兮礧礧雲霞霽兮朝躋霞霏霏兮夕蒸鳥離離兮和  
雝廉吻兮群鳴若乃芙蓉為嶺兮錦繡為屏列仙託處  
兮衆緯耀精天柱矗兮寶極王檢秘兮香城梅嶺盤兮疊  
罪驚岡嶺兮崢嶸阪交加而詰曲泉漱沸以縱橫珍木羅

芝園定集卷一

三

兮揚藹群卉錯兮繁英信幽靚兮寒次曠獨處兮神澄美  
大人之安都齊鸞鶴以結盟芝房子桂棟蘭橈子葯極霓  
裳子霧縠素書子丹經朝上皇兮紫宮爛寶劔子七星鸞  
車子玉玦羽蓋子翠旂奕朱旗子集送森絳節子來迎乘  
兩龍子遨遊霏霖雨兮蒼生浮錢塘子汎溟渤鎮瓊崖子  
掃攬槍沅沅湘子洪流瀾雲夢子邀征晞余髮子五華濯  
余足子昆明既息轡子玄圃將返節子瑤京帝左右子晏  
處紛百辟子受衡死太常子華旗爰永樹子休名

訟志賦

粵民生之有恒兮固庶類之攸異唯存存之君子子羌循  
道而復志閑泉氓之蚩蚩兮豈草木之榮悴苟識路之不

先兮競投足于蕪穢比中道而改悔兮悼往躅之盡棄余  
幼抱此暗質兮嗟至今猶未曉索前愆之遺軌兮直恂愁  
而無從知寧靜之近道兮日百慮而汨之持繩墨以行法  
兮又誕慢而不羈謂顛顛其可安兮嗟仰俯之規規紛交  
戰而未決兮余何癡之能肥矧迨茲抱子之期兮豈曰余  
猶未知聊周章而修飾兮思好修之不立白日淪于濛汜  
兮將噬臍其焉及崇伯子之聖智兮惕流景之邁也何嗣  
宗之沉涵兮固賢志之所慨也衛和之既老兮猶箴儆之  
不憚何齒髮之方盛兮不能用夫強策孰不獵而有獲兮  
孰不稼而可穡兮余志其信銳兮雖金石其匪剛奚高山  
之無逕兮異大川之無梁姁姁而徐征兮虞衆芳之就歇

芝園定集卷一

四

動勦而徑往兮又顛蹶而弗達故相道之宜察兮駝余車  
之偈偈采縣圃之瑤瑤兮拾合浦之明月葆厥美以厚殖  
兮終吾身其勿越曰苟得路而駸駸兮何賢聖之遠絕余  
悲夫素絲之易涅兮奚皎皎之能純力清白以自媚兮勿  
輕適于埃塵滋蕙蘭以服纓兮荆蓀苑之交根振修翰以  
圖南兮孰鷄鶩之可群與決堤而後先兮寧隨驚馬之逐  
巡嗟聖狂之在所念兮胡為乎湓死而無聞重曰志以禮  
節兮智以學明多岐亡羊兮多方喪生歎云滅没兮有靈  
無靈孰生非性兮獨隊厥聲轟而有聞兮夕沒而寧

石谿賦

石谿者駱子君孚之所宅也體物銘心圖遵聖軌

徹何人斯可以喻此竊附詩人經衣之義因作賦  
贈焉

蓋聞蜀都之啓勝應井絡之儲精奠以宮而作服聳劍閣  
之崢嶸石門崇罪以造天玉壘崔嵬而列屏三江分帶於  
東南峨眉抗拒於離明五岷參差而蹇產三峽詰曲以凌  
兢信陰陽之交會集高厚而炳靈都塵隱脈以綺錯珎奇  
脗嚮而蟬生矧昌運之應期代乃產乎才英弘以禮而師  
聖雄以玄而著經摘藻詞以驚世奚啻于淵與長卿若乃  
捷為之開國當曩域之要衝距瀘水以連大峨通六詔而  
接三榮其山則有神龜馬腦堯子聖燈吐雲舒霞赤耀丹  
青同心祿來養秀勸農高賢寄眺遂表奇蹤其水則有西

芝園定集卷一

五

湖涵浸五龜獻琮曰蒼曰榮並派異鍾三台七曜煥彩垂  
虹龜鼉斯窟蛟龍攸宮菱芡蒲荷充物其中粵若石迴之  
靈溪渺發源於僊峰介壚山之衍派亦凌雲而來同石盤  
方丈可釣可觴孔際天成虹霓是梁驚濤噴雪舒卷無常  
組練成蛇爛焉用章爾乃巖岫嵒嶒岡巒吞吐或離或合  
或仰或俯或蜿蜒而龍騰或昂臑而虎踞或奮迅以鵬騫  
或翩躚而鳳翥或磬礪以嵯峨或喋喋而迴互天柱矗以  
干霄地維屹而四布招天姥以盤桓偉卒娥之所措矧巨  
靈之開鑿沛瀕洞之洪波織文瀾於清泚激迴瀨於盤陀  
俄澎湃而潮湧亦紆徐而委蛇條電驚以倒峽肆糾盤而  
盈科既浩淼子懷山復瀧潒以揚渦馮夷迎而擊鼓陽侯

見而鳴。羅盤谷之幽。跡異。輞川之足多美。茲域之發祥。適哲士之云。通妙一五。以為質抱靈稟。而獨秀貴。洪濤之立。園鏡洪濤之宇。宙誅衡茅。以下址。繚白石而成甃。而賴霞而作障。抗碧台之隆。構斷辛夷。以為楫。施旃檀而結牖。洞門遂以承。六約房。疏而展。岫翠。瑟靜。兮左御。圖史錯。兮在右。琅玕。綽約。以前陳。蘭桂芬芳。而樹後。爾乃集童冠。從僊侶。被霞裳。曳雲履。或散步而逍遙。或班荆而坐語。或晞髮於山椒。或濯足於水滌。采洲上之三花。玩林臯之珍羽。奇何幽而不探。勝何遠而不取。忽浮槎於天河。遂飲馬於牛渚。飛塵。蕭其翼。翔舒翔而並御。扣上帝之所都。倚閭闔而延佇。錫絳節與金書。仍瑤臺之玉女。爰返顧以下來。

芝園定集卷一

六

涉河洛而容與。喟梁園之往跡。懷汝墳之故土。徙予轡於五華。揚予舲於昆明。絡金馬以為關。瞰碧難之層城。惟商山與玉案。宵化人之所京。浩江漢之橫流。實南國之攸紀。來擊汰於沅湘。誕弭節於澧浦。擷蓀芷以充佩。紉江籬而為組。吊靈均於長沙。哀正平於鸚鵡。瞻雲夢兮遐征。矚衡岳而高舉。斯蓋遊觀之所極。而非隱情之所處也。揆百氏以折衷。慕素王之遺則。體仁智而時施。合剛柔以成德。持介特之貞心。乃結盟於匪石。守至靜而為銅。變有萬而不易。有傳嚴以作礪。賜鍾乳以旌直。相先民之遺軌。希鴻磐而自得。法蒙泉以漸進。習坎行而不息。羌外晦而內明。求中孚以無惑。納細流而成大潤。萬物以為澤。曰性不可以。

外求行不可以虛植。何時俗之靡恒。競周奇。修飾彼在泰而忘約。或明發而遷夕。既改錯於規矩。何方圓之能式。夫獨好。讎。羈以自矜。惟修。姱之是力。齊同心以斷金。翳永矢乎初服。敦素履而干邁。將夙夜之無斁。固不能與便。儼而競捷。庶幾乎譽命之終獲。

九遊

正德戊寅作

屈子遭讒。被放九年。不返抱石懷沙。自沉汨羅。以死。九歌九章之作。其悲憤極矣。余少也讀。而傷之作。九遊以廣志焉。昔王子淵作九懷。劉子政作九歎。王叔師作九思。陸士龍作九愍。皆以極藻績之詞。宣羶瘴之抱者也。僕本庸流。敢希逝彦。頗追隱。

芝園定集卷一

七

臆聊著斯文。知言君子。儻有蒙頌之嘆乎。

春

倉庚嚶其和鳴。兮青陽肆以首路。木含氣而茁榮。兮蟄昭蘇而啓戶。余令圉人夙駕。兮命車右使載旌旆。黃戎而左騶。子前。齧。膝以服。衡指周道而駝驅。子範余轡而長征。朝吾發於陽阿。兮夕余期于層城。羌道遠而心疾。兮懼馬敗而車傾。陰雲忽其朝躋。兮日黯黯而不明。雨淫淫而不止。兮流潦忽其縱橫。欲欲前進而不可。兮退敗輒又背手初盟。就耕者而訊之。兮秉耒耜而不吾聽。還予而無所。兮覓慄慄以屏營。何方春而芳萎。兮使夫鵬鵠為之先鳴。惟蘭茝與凡卉。兮衆莫辨其深馨。何松柏之偃蹇。兮孰又能察。

其堅貞故梅伯忠而殖醢兮米革順而擅榮雷開靈君以  
幸親兮比干乃焉剝削古故有固然兮豈獨靈脩之不  
懷悶督而不解兮登南山以采苓孰非忠而可安兮孰非  
義而可經苟昭質其未變兮又何必揚涇渭之濁清

夏

春既徂兮夏來睽長路兮興懷揆約言兮先就仍玉女兮  
瑤臺文車兮夕稅問閭兮旦開扣帝閭兮弗納孰不媒兮  
可諧吾今望舒使通誠兮又先之以豐隆迨芳菲之方盛  
兮苟得薦此下宮何天門之竚窺兮久俟命而不吾通九  
闕睇其流電兮霹靂振而飛龍肆陽鳥之酷烈兮赫蘊隆  
之蟲蟲欲躊躇而托處兮恐高辛之不容將隨今父而疾

楚國定集卷一

八

走兮又恐其暍死而無終思展轉而不獲兮悲予心之冲  
冲高以夢而徵筮兮文以獵兆非熊起側微而不疑兮樹  
舜鼎之豐功馬不御豈其知驥兮劍不割豈其知雄精誠  
既有所不達兮倖進又不可與同抱貞志以順命兮誓沒  
齒以表衷

秋

洞庭兮層波木葉兮辭柯白日兮將暮忽吾行兮山之阿  
假繞朝兮強策使曾陽兮揮戈欲夷猶以晏處恐年歲之  
蹉跎前兩龍兮翼旗駕白鵠兮驟蟠余何以兮獨悲相行  
踟躕多岐慨鴻雁之閔亂兮傷歎女之化離設林置以掩  
兔兮雉耿介而罹之彼羝羊之觸藩兮進與退其奚宜腸

無輪而自轉兮涕不絕而沾衣奈與藉其不同晦兮蘭與  
擬其不同憚世貴耳而賤目兮又何妍媸之能差負乘既  
以致寇兮鼯鼠又以懷危何黨人之不悟兮蹈覆轍而不  
疑悲商飈之凌厲兮奚秋至而不萎苟盛年之不顧兮澹  
衰落以何為心縷結而無訴兮吾將就重華而陳詞曰造  
父不遇兮蹇駿同馳壯士奉塵兮等秩侏儒往者既以已  
兮來者又莫之追天雖處高兮庶其聽卑

冬

草木黃落兮迫冬日增懷坎凜兮心拂蕘扣關門兮謁令  
尹入者入兮出亦出吾誠不能為繫匏之塊處兮服蹇駟  
而于徂野蕭條而無烟兮紛雨雪其載途虎豹嬉於林薄

楚國定集卷一

九

豺狼嗥於路隅馬踧局而不進兮又折軸於枯株索筵  
筵而占之兮曰時蹇蹇其將焉如方雉膏之不食兮又即  
鹿而無虞君豈不知蓬矢不可以射革兮直鍼不可以釣  
魚執專一而不化兮將焉往而不次且余陳占而太息兮  
信天命之不可為魏齊忌而賊睢子無極譏而擯胥雖樹  
績之有時兮亦難逃乎禍樞故和璞豈其非寶兮再刖足  
乃見知驪駒之千里兮初不免困於鹽車懷盛美而求合  
子世孰可與必之不相道而馳騁兮夫惟自玷於傾危是  
以犧牛惕息於文繡兮靈龜曳尾於污泥爰居褫魄於廟  
享兮廢褫永壽於嚴棲古固有明戒子豈惟今之故也反  
躬而自省兮又何以改此度也括囊而遠害子心所慕也

既近以疏遠兮亦非靈脩之病也

東方

脂輜車以先路兮米吾道乎扶桑集孔鸞以前導兮騃左右以鳳皇留成池而浴之兮鑑若木之流光來百卉之芳菲兮懷美人乎天一方觀大皞於陽谷兮訊符瑞於勾芒暨一見而遂投兮及吾年之方將路汗漫而無極兮忽反睇手舊鄉僕長跼而數袵兮頭高舉而遠翔鳥增巢而山棲兮魚穿穴而淵藏豈謀身之不周兮終貪餌以自戕矧黨人之嫉妬兮爭排駿而擯嬌隨夷為溷兮蹠躄為良防風為短兮蜉蝣人為長離婁閭處兮使矇瞍辨其文章班倕袖手兮委拙匠以棟梁方同聲而相和兮孰又別其否臧

芝園定集卷一

十

既莫與余同心兮又何方圓之能量一枘鑿以務入兮余固知其齟齬而難當持激論以彈世子又恐余身之遭殃哇咬襟還以盈耳兮孰云聽夫宮商彼江漢之深廣兮豈一輩之能航諒氣數之適然兮不吾知其亦奚傷悼申彭之隕身兮夫亦非哲士之所康

西方

居爵色而無悰兮夜展轉而不寐時常食與臨樂兮惜不知其興喟指太行以結軫兮將騰蹕而迅逝馬鳴轂以蕭蕭兮僕引旌而沛沛屈昧谷而脫驂兮望崦嵫以息轡仰曜靈之耿光兮燭重淵與廣地何終風之興霾兮將不日而有曠就少皞之所都兮求葦收以導軌曰女不可以自

媒兮士不可以自舉容有嬖而增詠兮形有獨而羣吠珠

照乘而按劍兮壁連城而蒙廢故章甫不可以適越兮鴈鵠不可以踰濟彼承徒之涉波兮猶深厲而淺揭操虞瑞以合周璧兮何左右之能契鼓瑤瑟於齊門兮徒見其恂愁而無知心重昏而猶豫兮日闇闇其將昧西皇詔余以前路兮命巫咸為余先旆經沛盤而濯髮兮登閭風以流睇忽吾至於流沙兮望崑崙而欲濟弱水不可以飛渡兮不周不可以徑至瞰雷泉之湍濤兮身靡碎而不能止揖巫咸而前進兮來其為余詳事曰君何滅頂而過涉兮甘心於異域之魑魅豕首縱目而鬢髮兮又長爪而鋸齒矧莽蕩之曠宇兮褊堂螽與象蟻爛土不可以為居子叢管

芝園定集卷一

十一

不可以充飼紛總總其上下兮孰久留此荒裔目恍惚而臨睨兮竟怔營而彌悸何泛濫而求合兮路渺渺其將焉稅諒何所之不然兮孰所如之能遂歎逝者其若斯子蹇朝榮而夕悴師大雅以庇身兮豈不知漁父之所謂

南方

指交州以歷覽兮循炎帝之故封假玉節於羲和兮遂期抵茲祝融余嬋娟之楚產兮又佩服之能工豈他所之可合兮諒左右之見庸屢敵詞而不報兮天門高高以九重呶訾栗斯豈其不美兮何直弦之可容望蒼梧而結駟兮九疑紛其來迎蹇脩為余作合兮帝子降而揚旌靈連蜷以並御兮命玄鳥使約成初既慕子之窈窕兮后信讒而

背盟驚驚既不可以介兮豈雄鳩之能聽詩非固有所不  
察兮貝錦固有所不明荃蕙固有所不化兮龜筮固有所  
不通栖鳳皇於鶉籠兮鳳所歎也珠璣貫於魚眼兮亦世  
俗之反也驅重輪以涉川兮余固知其不能轉也乘舸船  
而陸征兮亦莫之展也相先民之聖知兮唯耿介而姪  
修茅連茹而橐拔兮井以潔而見求何予命之偃蹇兮乃  
替時而逢尤亦廣驚而極騁兮渺不知路之所由亂驚濤  
之汨汨兮披瘴霧之冥冥徑荆榛兮見山鬼之儼  
儼褻秦秦而引吭兮蛾又含沙而伺之封狐瞬息而千里  
兮戴九首之雄虺雕題墨齒土所畜兮得人肉以為糜即  
跬步之多難兮神慄慄以靡靡欲奮身而殪之兮豈徒手

五國定集卷十

十一

之可為目眇眇而四顧兮心邑邑而靡怡時冉冉而迅邁  
兮路漫漫又不可期擊垂垂之薜荔兮擷米采之江離紉  
晶晶之瑤佩兮帶奕奕之華裾張搏搏之翠蓋兮載習習  
之雲旗轉油油之丹轂兮駕沃沃之輶輿前芟芟之朱雀  
兮從蛻蛻之文螭左矯矯之青龍兮右容容之鳴蜺超洋  
洋之白水兮馳蕩蕩之天衢觸湛湛之瑤池兮戾攸攸之  
仙都與人世而目遠兮也與泰吾不復知扣俛佺以為師  
子就韓衆之所居與三光而並曜兮將比壽於二儀

北方

行靡靡而不可止兮路悠悠而不可極日汨汨其欲頽兮  
心忼忼而不能釋孰覆載之弗容兮哀民生之多穉所貴

聖哲之義行兮肆亨屯而拯溺故墨不得黔笑子孔不暇  
於溫席盜故土之弗懷子焉筑筑而為客何時俗之昌彼  
子紛好惡其數易得簞簞於叢蒸兮指夜光而為石反縱  
以為橫兮倒枉以為直扣顯頊而訴之兮求前民之遺則  
先聖箴余以銜美兮玄冥戒余以守黑岸有高而為谷兮  
風有振而傾特衆未見若不克兮既仇仇而不力矧諧人  
之言兮莫好脩之是聖信機阱之可畏兮吾將窮大荒  
而奇息入晦靄之玄都兮路連遠而中絕歧織女之不成  
報章兮又斗柄之西揭嶺層氷之峨峨兮紛盛夏之積雪  
陰崖皓曲以凌兢兮寒谷嶸嶸而栗烈歎久客之無衣兮  
馬又虺隤而不能越豹澤身而霧隱兮龍戢蟄而蟠泥諒

五國定集卷十一

十三

鼠虎之有時兮孰求合之可為欲改錯而不忍兮河之清  
又不可期訊靈氛而不得兮鑒往跡以自蔡驚何為兮在  
梁鶴何為兮林隈輪何為兮河側曩何為兮屋危施繆牽  
以騁驥兮乃相士而舉肥欲戶說而不吾聽兮心佗佗而  
增悲女有怨而城圯兮士有憤而霜飛泣既盡而繼血兮  
庶君心之可回

中央

何皇天之無私照兮未能察夫民心將七政之愆紀兮相  
下土之恒陰佞何朋而高舉兮忠何獨而見沉蘭何捐而  
萎死兮艾何好而服袵鳳凰何食而拘篋兮鵠何祥而嘯林  
姬何毀而閉幽兮嫫何姣而薦食覽夫人之垂戾兮非予



志之所欽鑒四方而無正兮來容與乎中州穆陰陽之和  
氣兮錯衆曜之周流先卿雲之爛爛兮白日出之悠悠  
八極若指掌兮時騁望乎高丘陟黃帝之故宮兮諏六相  
以告猷世既遠而難遺兮予何以兮淹留彼幽壑之梗枏  
兮匪石過而見求湛盧沉於深淵兮遇風胡乃獲收其得  
幸而自和兮膠以漆而自投何總總之昏媾兮莫與我而  
為休物有寶而不好兮懷有隱而不酬方並嗜於腥膻兮  
當繁正之可直招誠客以壯棘兮夫孰異道而同謀念子  
行之踽踽兮惕予心之惓惓夜予夢之糾糾兮旦予訊之  
詩諄孰登天而澤四方孰濟海而無航不審思而信之予  
衆以我為狂鳥獸林而方下兮色斯舉而遠翔人面不如

辛酉定集卷上

十四

吾面兮吾之心豈能與人心而相當不量時而務入兮徒  
遭患而罹殃方不可利而為員兮衣不可倒而為裳犯浚  
恒之明戒兮非介石之所減歛厥美以自牧兮雖處閭而  
聞章吾不能如黃鵠之高舉兮豈將與鷄鶩爭啖夫稻粱  
亂曰聖人在上總百揆兮二八並進庶績熙兮下民皞皞  
含哺嚕兮后者不然耳目偏兮忠何偃蹇佞便佞兮龍逢  
遭難孔壬駢兮有美一人思嬋媛兮彼謫遠放久而不返  
予君心匪石然不可轉兮增傷永懷永喟嘆兮蓬蒿為棟  
桂司轡兮騷衷悲鳴不屑絆兮我言維服衆罔覺兮前車  
既覆后不改轍兮同採玉石槩量斛兮絲茅共貫紉以為  
索兮吁嗟默生之無樂兮他山之石吾以為錯兮

哀貞賦

哀貞者為南川尚書賦也予忝族父少而師焉長  
而相助好不啻乎緇衣誼有同於金石湓云徂逝  
恨矣傷悲効古人弔誄之旨強為之著悼云爾

居何思而不釋兮食何厭而不飢竟凜凜之長夜子竟營  
營以至曙涕淚淫而代隕兮悲哲人之云逝維明山之降  
神兮乃獨眷此嘉族含清淑而端形兮凝二五以降育承  
過庭之明訓兮襲徽懿於朝夕考聖彥而作範兮羅往鑑  
之墳籍下何幽之不探予上何高之不極貫瑤瑤以為佩  
兮編衡芷以為服信渥洼之神駒兮豈凡馬之能足比弱  
冠而登庸兮肆觀光乎上國讀石渠之藏書兮友金馬之

辛酉定集卷上

十五

奇碩芳有約而彌章兮光有蔽而愈赫誦白圭以結古兮  
法老氏之守黑地必擇而后蹈兮括必省而后釋方逆豎  
之扇煽子乃獨遠於矰弋既陳情而得請兮米棲遲於空  
谷躬菽水以為養兮蓋五年而不復帝眷命以作弼子爰  
振鐸於荆蜀翦蕪蕪之根莠兮樹芄芄之嘉穀豈多士之  
私阿兮實四方之型式屢乞身而嘉遜兮脫鞶帶以自息  
起作極於成均兮環多士而考德鑒下土以該輔兮皇屢  
顧而側席乃進貳於鈐衡兮誣錯枉而徵直弘新猷以翼  
化子匪桃李之私植懲握權之牙禍兮託詞垣以寄跡階  
青宮之保傅子庶縉紳之生色念母氏之末暮兮踈屢上  
而不得爰抑志而南遷兮振頽綱以表赤雖去國之云遠

兮繫邦家之柱石方經綸之屬望兮忽何為兮六鵬豈  
戰之嬰心兮乍驚悸而怵惕於乎已焉哉遭時而顯融兮  
非夫子之快也引身而托處兮亦非志之隘也積誠而不  
遠兮疇所蓋也志有極而不一試兮又何以為此戾也心  
不言而自明兮予實為此慨也覽先民之遺訓兮謂積善  
乃餘慶故吉士之好修兮諒介福之保定如夫子之純德  
兮固神明之所聽何所選之不然兮吾將就二儀而質正  
世改錯而追曲兮夫獨好鞿羈以為常鳳鳥之不羣兮乃  
備焉煥此文章執忠信之矯矯兮履繩墨之兢兢恭明命  
之翼翼兮哀民生之皇皇範轡而馳驅兮衆果以為無當  
捷徑而先至兮又非志之所滅故見善其若飴兮見不善

芝園定集卷一

十六

其若探湯與松柏而比節兮與蘭蕙而比芳何玉石之襟  
擇兮乃一概而相量皇天之離照兮又降之以酷殃他者  
亦以已兮吁嗟乎壽命之不長重曰夫人有心我所知兮  
志道專一戒多岐兮皎皎素絲涅而不緇兮如金如玉永  
勿渝兮高山仰止白首以為期兮吁嗟倏忽湓云徂兮命  
乃在天予何悲兮典刑既喪疇將師兮瘁兮怫鬱強陳詞  
兮藉用芳草薦瑤靡兮

浮沅賦

釋輶兮乘舸肅徒兮戒旅鼓枹兮擊汰橫撓兮樹羽蛟蜃  
吼兮風颭颭颭鳴兮水搖曳天冥冥兮白日昏雪飄飄  
兮雲之際層崖豁以豁豁削壁矗而矗矗洪流兮湯湯白

石兮齒齒高樹折兮鳥亂啼空谷震兮沱岸徙俄轉瀨兮  
若奔忽赴曲兮彌駛驟若驚颺割若電熾柁不及迴竿不  
及繫崩濤觸石應聲輒碎舟子愕兮色喪僕夫慄兮神悸  
於是析交妃禱玄帝懷天吳詛屏翳裂衣袂施斧鉞塗孔  
鏹極齟齬旋既脂兮復離乍將回兮忽弛睇羲和之寢曜  
懼賜侯之繁崇命舳舻以改載泝明月而東逝雖禍福之  
有定孰行險而不贖

憎蚊賦

張子宿於逆旅童僕弗戒充幙皆蚊也展轉及側  
達旦不寐而蚊亦撲殺幾盡口屬拙撰以警貪人  
嗟哉蚊之為物也有氣無氣有靈無靈云麼其質畫伏夜

芝園定集卷一

十七

興百千為黨觸物是憑柝檀之構綺殿之宮物莫敢闖汝  
靡弗經纓衣擅貴嬌麗傾城物莫敢睨汝靡弗乘欲股其  
血而不密汝聲欲啗其膚而不匿汝形謂人汝喜謂人汝  
憎而乃噉噉噉噉若鳴鍾呂若奏簫笙彼畫作勞假息於  
瞑汝乃間投隙抵頰引朋征或焚焚以散漫或緝緝以合  
弁或蒙蒙以下注或矯矯以上騰或側出以掩陣或大噪  
以巡營或嬰嬰以瞰帷或習習以戾屏或奕奕以布席或  
嘈嘈以逼躬驅之下却緩之復停時乃伏枕而卧側耳而  
聽奈何爾徒寢不遑寧比汝之集張喙鼓翎乃刺膚理乃  
吸脂膏唇脂既浹腹心是凝機弋斯發割若山崩或拊之  
掌或揮之肱或以箠擊或以火攻為蠶為粉匪剗匪黥膏

積我何一命以傾凡物之食以養其生汝獨捐軀而口腹  
是營欲則何重身則何輕嗟彼愚夫含靈孕精曾是弗鑒  
曾是弗懲千人所指時謂弗平萬目所視時謂弗明甜爾  
衆怨逞爾豪雄以獵以漁為騰為蜺毒螫所加人莫之櫻  
殘瘵骨肉矧曰友朋見者惴惴日富月增貨貝既殖堂楹  
雲仍汝曰泰山人曰春冰天道好還鬼神害盈怨仇山積  
慘禍是嬰或逢雷害或踐嚴刑或殞園棘或死寇兵或喪  
飲博或犯淫蒸汝田汝宅剪為棘荆汝躬弗保何繼何繩  
彼蚊而貪則維其恒汝人而貪伊何弗醒利為害門得以  
失庚蚺魚死賄智瑤滅宗眉鳩然卓賊奴殺崇匪今則然  
自昔有徵告爾貪夫孝奉服膺

芝園定集卷一

十八

觀月賦

去美麗之閨闈入與宵之荒區屏冠蓋而不御雜田峻與  
傭奴腰鎌鉦以晨邁持秉把而夕驅四肢既倦假息前閭  
爰有一物升于東隅似壁非壁似鑑懸殊的的燦燦濯濯  
于于光彩外曜中隱蟾蜍仰而睇之厥名望舒初睥睨於  
屋角遂搖曳於庭除炫金波於石壁散素雪於綺疏或闔  
戶而穿榻或危而襲虛或激灑以覆水或綽約以載途  
爾乃思婦恨別獨客憐孤騷人發興酒伴嘯徒紫簫吹而  
引鳳長笛弄而驚鳥潛龍出水而遊飛鴻結侶而徂丁時  
四顧無偶寂寥寡娛招童子命園夫采菱芡擷果蔬蘆菴  
羞烹匹雛無般桼之羅列匪卉木之紛敷醞新釀以餉酌

乃拊缶而歌鳴嗚嗚曰美嬋娟兮誰如湛王鏡兮冰靈懷  
佳人兮何所獨徙倚兮躊躇載吟載咏載醺載酩載起載  
坐載號載呼挹清輝之穆穆昭玉質之徐徐豁塵眸而屏  
媚游煩慮以增愉等古今於一瞬視天地為蓬廬爾乃繁  
星燦爛河漢丹霞夾於天衢沙鷄鳴於近野白露泣於平  
蕪枯梅影瘦老鶴形癯嫦娥飲色若有若無侍兒厭息或  
寢或逋余乃闌然就枕且咲且吁彼明月之升沉雖千古  
猶斯須何人生之碌碌奚啻逝隙之白駒競腥膻而罔極  
又何益生死與榮枯又歌曰夜之晦兮月則麗之月之明  
兮誰則翳之月兮月兮我所寶兮冰輪王魄舒皓皜兮彼  
誰者物斯斯之離兮猗豐隆兮庶無害允兮

芝園定集卷一

一九

芝園定集卷之二

四言古體目錄

江水

雷之轟轟

七月之交

彭彭者車

藝圃

鵲之飛

震電

日征

南山有梓

有穀

勤止

芝園定集卷二目錄

一

芝園定集卷之二

四言古體

江水

江水悵別也東橋公被命于征作是送之

江水悠悠東西其流郁郁豐草蔭于道周君子于邁誰適我謀心之憂矣曷維其瘳

中林之棘有苑其葉習習鴻雁迺彼長風澄酒在室琴瑟在宮言念君子焉所與同

誰對川有舟楫曷與偕濟陸有芳草曷與同佩訊言弗聽聽言誰對

豈曰乘車弗齊其轡豈曰服櫜弗藝其類豈曰浚川弗導

芝園定集卷二

一

其源豈曰作室弗豐其陞君子日虞小人日瘁曷究曷圖敬瞻有位

維虺在野維域在梁民之多難政亦無良維彼龍見雨澤其滂于彼黍苗于彼甘棠

江水五章三章章八句一章六句一章十二句

雷之轟轟

雷之轟轟傷友枉也韋子簡臣正直不回被讒以

黜君子惋焉

雷之轟轟震于中陵眾口蹶蹶讒言具興易我好醜干國之經嗟嗟昊天曷惠其明

翼翼王度式憲中州何惡不瘳何廢不修羔羊維服菽藿

是羞訛爾大垢快爾朋仇天監孔赫不令為謀

相古先后黜陟幽明善是用勸不善斯懲曾是弗念曾是弗程伊誰之厲僕寧侯丞

王之白兮人謂汝黑礪之平兮人謂汝辟舍我德鑑聽爾羣構乃戾天綱孰執其咎

鵲之尾脩脩謂彼鵲鵲之鳴曉曉謂彼鵲鵲無章交亂四國善人卒逋伊蘭云穀

雷震五章四章章八句一章十句

七月之交

正德庚辰作

七月之交愍潦也

七月之交陰雨滂沱自原徂隰膏澤為河洪流湯湯烈風

芝園定集卷二

二

洋洋農人告瘁舟子俵儀

黜黜玄雲于彼山椒龍之戰矣于彼東郊義和獲曜魑魅

繁妖不敢息燕矧敢遊遨

民有禾黍河則決之民有廬室河則撥之棄爾車馬挈爾

裳衣嗟來婦子梅之舟之

皇有徽猷母鄙人是以皇有職吏母虺蛇最使我氓卒荼

覆亂我紀皇天震怒曷維其已

沫之哺之不謂汝德猷之涵之獲謂汝力降灾于民維日

不足今茲愍禍淪胥以溺

杼柚之成曾不以為裳彊畎之登曾不以為糗殽用憐罰

日割日喪明明昊天曷追其殃

爾肆爾豫謂天魏魏構啟既極惡怒是貽天之方瘥無然

僭僭天之方削無然蹻蹻時雨時暘陰陽之綱爾靈政孔多式整伊何政之靈矣誰適然矣卿士大夫各念爾愆矣

七月八章章八句

彭彭者車

彭彭者車言劉子也

彭彭者車于彼河洲有美丹漆不以飾輶彼君子兮使我

心憂

彭彭者車于彼河側矯矯騏驎不以服輶彼君子兮使我

心側

芝園定集卷二

三

爾之弦矣衆維韋矣爾之石矣衆維脂矣匪爾圖之狂維

衆之迷矣

矢之既釋不可反也錦之既張不可卷也我生有定終不

可轉也

修爾疆畎藝爾黍稷保艾爾生夙夜無斁如彼見龍時哉

斯匿

彭彭五章章六句

藝圃

正德戊寅作

藝圃憂患也

我藝我圃言表其樊我作我室言樹之垣樊之夷矣豕斯突矣垣之頽矣寇斯竊矣

矯矯邊城萬邦之衛大臣是揆百師攸萃疇彈爾翰士卒  
告匱疇地爾防離伍失次

魏魏承帥綱之紀之赫赫皇度輯之威之曾是弗輯曾是  
弗威我曰前只彼則後只我曰左只彼則右只

昔也有慙今則夷之昔也有慙今則離之亦有弓弩不可  
以穀亦有戈矛不可以闢

胡之不来騎馬揚揚乃笙乃簧胥翺胥翔胡之来矣伐鼓  
鏜鏜塞爾城門棄爾牛羊

桓桓將軍士卒囚之將軍逐虜虜衆屠之士卒之囚將軍  
之尤虜衆之屠將軍之辜

爾姻爾姪肆之爪牙入爾苞苴佩之將符我王日前我衆  
至國尼集卷二 四

日通太師司馬曾不是圖  
告爾令猷亦不我諏報爾虜伐亦不我酬乃金玉是求乃

宴樂是由乃瑣夫是謀乃介直是讎  
母曰胡否姓蒸只母曰胡愚日諏日筮我有倉廩焉不

以儲我有車馬焉馳驅  
司天察象福德存昂言告司馬戎禍不小羽檄之馳如飈

如翰爾尚不虞式邀以燕  
藝圃十章九章章八句一章十句

鵲之飛  
鵲之飛訊顧于也

鵲之飛盤盤于我有車馬不與子旋兮爾寢爾興不念我

單兮

鵲之鳴喈喈兮我有琴瑟不與子諧兮爾出爾入誰爾偕  
子

現兮皖兮鍾山之陰析兮析兮東西其林  
彼磐之鴻胥衍衍兮彼林之鶴日渙渙兮瘁兮瘁兮憂不

可遑兮  
匪泰匪稷寢飲我怒匪龜匪琛寢惠我心我敢忘子子寧

不嗣音  
鵲飛五章四章章六句一章四句

震電  
震電震電也 正德己卯作

赫赫震電既災于宮湯湯大水四國攸同胡之虺矣如蟻  
如蜂民之騷矣如沸如烘

我有倉廩維其替矣我有府庫維其匱矣蒸蒸者匪維其  
瘁矣嗶嗶衆旅胥維潰矣四方日棘胡斯允矣矣

昔也曰鵲今則鵲只昔也曰蒼今則蕭只日興日崇侯卿  
侯士不適爾謀喻喻構訛

彼羔之裘踽踽令修履謂汝偷彼貂之飾粲粲不力履謂  
汝德

綏綏者狐不可渙也習習者鳥不可穽也車之無輶輪不  
可轉也有馬弗勒不可絆也

昔爾秩在下云不吾以爾寵日富爾祿日侈忘爾遠累章

爾小技相彼多難曷其有底

大號大猷皇則汝探庶獄庶慎皇則汝咨謀之不臧講張為欺皇鑒孔赫孰格汝之迷

秩秩庶官莽莽黼裳上天明命帝是用將伊胡云竊烈燭日張靡官弗謁靡餉弗嘗

佞汝附汝時謂可使弼汝格汝不可使佞之可使猶可言也賄之可使不可宣也

皇之喉舌維衆之傑袞衣章甫維衆之矩式圓式黠僭禍是速鼎足不戒覆爾公餗

如彼遏火乃以其膏如彼防墊乃以其膏是用泰殆曷維其消凡百君子各念爾勞

芝園定集卷二

六

我之憂矣告爾猷矣爾艾爾懋天俾爾休矣毋曰子誕職斯讎矣

震電十二章九章章八句一章十句二章章六句

日征

日征厲志也

日征月徂四牡斯馳爾齒日富爾德日離汔其餒矣弗穡弗苗

爾聰爾哲維帝之貽爾祿爾秩維帝之瘡不穢不力罰罔攸違

稍彼修室不以其下相彼行路不以其夜哲人之修不以其暇

為山為岳維汝之修為漸為燼維汝之偷

死茂者棘不可薪也矧可輪也楚楚者猶不可焚也矧可綯也

憲爾王章衆謂我狂我心則滅執爾恒德衆謂我惑我心則憚

母曰彼善什朱紱施施母曰彼巧目樹其貲貲之厚矣躬之圯矣仕之利矣尤之萃矣

日征七章五章章六句一章四句一章八句

南山有梓

南山有梓孝子不得養其父母也

南山有梓北山有桑霜之沃矣靡鬱不傷心之憂矣曷維

芝園定集卷二

七

興志

南山有樞北山有荆風之振矣靡華不零心之憂矣曷維其平

彼禽之駁亦附于藩彼木之藥亦庇于根父母生我不我以存心之憂矣曷維其諼

何以鞠我如蓼如荼何以翼我如菑如禽不我以祿日月于徂心之憂矣曷維其舒

我寢我興維德之似我出我入維度之以膚功載奏天子燕喜飾我褒章榮我不祉將其永懷令聞不已

南山有梓五章二章章六句二章章八句一章十句有穀



有穀志詒謀也章氏子起家進士追念先人之訓

爰名其堂

田有嘉穀后皇所殖心之穀矣時維懿德易我疆畝其畊釋釋既曰耕只易遂播其其實蠡蠹施于孫子

古我先民遵皇之極遵皇之極以燕以翼不萬胡會不稼胡穡凡爾君子夙興是力

其力云何荼蓼是除載蓄載滋百千其儲無逸斯逸匪哲伊愚敬念不替弗祿是俱

有穀三章一章十句二章章八句

勤止

勤止為離資園賦也王子元美東蒼伯之幽操篤

芝園定集卷二

八

靈均之雅尚取辟於物屬厥好修亦曰自矢其貞

云爾

君子勤止言藝其園或障之石或樹之樊或作之室或挹之泉其中何有有芷有荃郁郁蘭桂采采椒蘭

英之芳矣不云自根流之潔矣不云自源藝我嘉植是碩是蕃罔曰弗戒非類入焉罔曰弗力茂烈用捐

摧之剝之其管其蒴剔之剝之其蕭其艾矧伊也資靡德不敗言剪其萌亦屏其類保又爾生匪畏斯畏

執火者熱執冰者寒曠于垢覆用潔蠲寧是弗念寧是弗度何美不殖何惡不鐫矢其初服夙夜無愆

勤止四章章十句

芝園定集二卷終

芝園定集卷之三

樂府目錄

上之田

長歌行四解

塘上行三解

善哉行七解

西門行七解

順東西門行

上留田行

豔歌何嘗行五解

仙人篇

古意四首

上壽歌

長門怨

白紵詞七首

怨歌行

有所思

壠頭流水歌三疊

折楊柳

長安道

芝園定集卷三目錄

昭君怨二首

白頭吟

俠客行

猛虎行

舟入歎

宮詞

短歌行

子夜四時歌八首

董逃行

雉朝飛操

宛轉歌二首

自君之出矣三首

宮人入道詞

青雀歌

蕩子行

幽澗泉

采葛篇

車遥遥

潯陽歌十首

古別離二首

芝園定集卷之三

樂府

上之回

上之回班陸離列寶戟駟靈旗上之回關蕭關入甘泉登封轡上之回秩五時從萬國成百禮上之回囑皇圖朝月支臣單于上之回開明堂日杲杲鼓鐃鐘

長歌行四解

正德庚辰作

皇皇日月明燁燁華芝皇皇日月明燁燁華芝堯舜禪授湯武稱兵惟皇作極蕩蕩平平三辰既順軌五緯曜其精越裳西旅重譯而來庭陛下垂衣裳萬國永康寧歌以言志皇皇日月明一解生世各有為達者全令名生世

芝園定集卷三

一

各有為達者全令名時來鼠變虎運去鳩嗤鵬風雷動變乃顯金滕日月之聖誓於晏嬰我尚何人能不畏汝青蠅青蠅白黑君自疑白日照耀當知之歌以言志生世各有為二解二儀玄化旋大道合自然二儀玄化旋大道合自然上有白日照不見重淵鳳皇之喙不勝為我但澹穆無為可以得神仙口銜靈藥手握秘笈條忽下行九地飄颻上薄九天百千萬億永我壽年歌以言志二儀玄化旋三解種樹成繁陰種瓜多苦心種樹成繁陰種瓜多苦心樹陰尚可息瓜苦人不食東南有大鳥橫天而舒翼白日激雷霆搏擊彼誰者子懷沙抱石庭有旅樹樹有旋禽我今與汝孰可斷金上隴耶涉河耶汝今辛若勿復待來

音歌以言志種樹多繁陰四解

塘上行三解

蒲生我池中綠葉揚朱華采采君自憐時節忽蹉跎蒲生頗有花妾行願有家榮恩而不卒含涕空咨嗟一解蒲生我池中燕燕逐陽春銜泥一墮地不及梁間塵驪譏捐愛嬌懷龍乃廢中自古時如此非今獨苦辛二解蒲生我池中與君生別離昔為明河月今為濁水泥昔若盤中玉今若原上蓀食茶誰云苦妾心當自知三解

苦哉行七解

正德庚辰作

來日大難憂思如麻日中則昃豐屋部家一解禹舟昏墊武偃干戈今我不樂免罹雉羅二解共工觸石女媧補天

芝園定集卷三

二

崇侯媚紂箕子稱賢三解羲和御日蔽于陽烏閭闔之智不察子胥四解何以致憂乘雲遊凌厲五嶽逍遙九州五解受道王母徘徊赤城歷覽玄籙遂升紫庭六解紫庭之君於惟玉皇錫我遐壽介我嘉祥七解

西門行七解

出西門行當思食茶嘆矣君今甘苦自知之一解滄海化桑田高臺為曲池今日不作樂來朝難可期二解雲龍遊嘉會日月耀重離生身際盛世俯仰恒熙熙三解我酒既以旨我散既以時相逢聲所歡慎莫戰戰相識非四解於陵之操丘嫂不如靈均之醒漁父所悲爾獨嗟嗟疾苦天命詎可違五解人壽諒非金石固惟有松喬可以嬌

人壽諒非金石固惟有松喬可以嬉六解驅我車馬曳我  
裳衣何用為娛樂鳴金戛玉吹埙篪七解

順東西門行

立三極光八埏陛下聖德上齊天生盛世及芳年親戚可  
以相周旋蟬蛻耀舜華妍扶桑日出墜虞淵不作樂常也  
遭牛山隕涕亦徒然獨鏤賜走狗捐五湖赤松乃稱賢鑒  
朗月開華筵秩我邊豆揮繁絃

上留田行

鶴鵠原上飛鳴上留田庭中鬱鬱繁荆上留田與爾親為  
弟兄上留田爾獨乘肥衣輕上留田富貴即為豪雄上留  
田貧賤亦自天成上留田相彼驪園揚名上留田嗟嗟尺

芝園定集卷三

三

布不縫上留田

豔歌何嘗行五解

天有七曜地有四維天有七曜不照汝情地有四維不能  
制汝遊行一解結髮為婚媾琴瑟兩相和汝今但遠去信  
誓齊山河二解池中有鴛鴦箇箇兩相當樹上有女蘿葉  
葉自交柯三解食麥不言苦食鬱不言甘心思所親人過  
期而不詹四解醢雞處餅盡蠹蟲食桃李不得同生亦得  
同死五解

仙人篇

飄飄御華蓋奕奕乘雲軒玄洲翔赤鳳碧海戲青鸞巨訪  
列仙都鍊我九還丹緬覽以為裳擲霞以為冠桂樹火馳

道宮殿何鬱盤紫府授金策瑤臺承玉杵清宵壁門啓玉  
女相周旋秦簫弄清吹湘瑟有哀彈逡巡醉靈液六博經  
清歡俯觀宇宙內倏忽跳兩丸榮悴等朝菌生死若奔湍  
嗟哉何局促達者乃稱賢

古意四首

以我青龍劍酌君綠王琴朝為郢中曲曲盡愁予心徘徊  
白日暮仰見雙飛禽

南山桂樹黃贈此連理枝今茲楊柳綠春風日相思君看  
龍頭水猶自東西馳其二

邯鄲有姝女能為秦楚音芳菲何太盛棄置獨傷心只自  
憐顏色君門萬里深其三

芝園定集卷三

四

驂騑出大宛倏忽春明獨宿飛龍旆曾牽玉輅征長楊  
罷戈獵馳道廢簫笙羈勒年年散那聞呼召聲其四

上壽歌

金巨羅玉屈卮奉君高堂上長跪前致辭君王有道四海  
雍熙胥悅康永無為宣朗鼓諧埙篪今日樂相樂萬歲以  
為期齊三光並兩儀

長門怨

君王新寵進棄妾長門深永巷施青草清宵泣素琴情  
傷白日買賦賤黃金願以秦王鏡相將照妾心

白紵詞七首

黃金為棟白玉堂雕軒繡戶明月光華筵夜張列圓方美

人彈箏出洞房娥眉皓齒發清商纖羅輕綺隨風揚含情  
轉睇嬌態長牽牛織女空相望

紫樹烟生日西沉瑤臺綺榭羅珠禽主人愛客開繁音客  
起獻壽千黃金黃流為池肉為林紛歌屢舞樂且淫人生  
貴在相知心鐘鼎旂常何足欽其二

吳中白紵白且嬌何以裁之金剪刀先華皓皎媚輕綃腕  
約珠絡冠翠翹蘭薰膏灼吹鳴簫月落參橫轉斗杓卿雲  
爛爛明河遙望仙人王子喬其三

啞啞烏啼夜春華天河耿耿明星燦膽歌包禽作長宴椒  
漿膾豆雕胡飯胡笳奏笙鏞間瑤觥引滿那得算白紵  
歌長亂復亂但願長夜不願旦其四

芝園定集卷三

五

石榴花發明丹堦葛蒲郁郁紛紫綫千金買笑任君為傾  
國傾城君自知君不見班姬執扇悲別離長門秋草生煩  
思不惜辛勤作舞衣願君垂光照容儀其五

羅襦繡結雙鴛鴦金釵十二樓鳳凰蟋蟀宵鳴入中堂文  
窓四闌總帷張緝商綴羽歌聲揚山高水深地久天長百  
年生命不可常我今為樂殊未央其六

考朗鼓鏗鳴鍾吳歛越謳音節工三三兩兩步玲瓏飄飄  
素袖舞迴風瑤草瓊堦花紫茸華池綠水嬌芙蓉太平之  
世醴泉通小東大東那與同其七

怨歌行

正德己卯作

曜靈燭照九有覆盆難為光君子儀刑萬國小人亂其常

禍福誠無定端生命各有當雷開倂而蠱君比干乃剝腸  
望之剛以就吏帝莫察其殃鳥棲各擇其木弋者恒見傷  
葑菲不遺下體嗟今獨無良生非鳳凰之族胡為子虺蜴  
奈何訴彼有昊殛汝于遐荒

有所思

清鏡久不御朱鉛那復施忍看雲並雁愁見月穿帷華燈  
冷紅艷庭草委芳綫不及梁間燕雙雙啄紫泥

隴頭流水歌三疊

隴水下隴頭東南西北流浮萍逐隴水一去不復收

隴坂迴九折七日乃得越如何下隴水瞬息成訣絕其二  
殘月寶刀白微霜隴樹黃笛中聞折柳那得不思鄉其三

芝園定集卷三

六

折楊柳

夢轉流蘇帳粧成玳瑁簪白花飛不定綠葉舞還輕弱翠  
披芳露柔條托逝驂知君良獨苦日夜望江南

長安道

曙動開長樂鷺鳴遶建章龍媒馳道出鳳吹彩旌揚繡陌  
生朱霧銅溝映綠楊渭橋春水漲日日汎鴛鴦

昭君怨二首

昭陽殿裏望君恩忽捧天書去國門怨恨曲中彈不盡獨  
留明月照孤魂

虜帳風沙粉黛摧空將青塚瘞娥眉人生不用如花貌只  
把黃金買畫師其二

白頭吟

春風吹楊花飄飄東西颺浮萍逐流水展轉不相當本自無根蒂飄零焉所傷與君初見時女蘿纏菟絲衣帶同心結誓言不相違君今有他意與君生別離還我來時裝開我黃金箱頭上孔雀釵耳中明月瑤繁繁龍鬚席鬱鬱雞舌香艷艷紅羅襦錯落雙鴛鴦何者不可愛何者君可忘君今不相知那用復躊躇破我盤螭鏡斷我流黃機低頭謝親愛掩涕出房闌不及黃泉下相見詎有期種苗貴擇田種樹貴擇林嫁娶但擇貌那復擇其心何用與君訣朱絃白玉琴倘君一憐念當為別鶴吟君還語新人故人故所親新人若成故故人不殊新欲知安心苦來看鏡上塵

多爾集卷五

七

非關隴坂曲腸中轉車輪

伏客行

登君堂把君肘生從衛霍遊復與金張友主讎尚不報肝膽向誰剖脫下驢驢裘換得新豐酒千錢作使邸鄢倡灶斗闌干掛米脯平明走馬長安市翻身戲折章臺柳

猛虎行

賊既殺我父母又奪我鉏耜僂屍在戶未及堊縣官徵輸縛我妻與兒妻寒無衣兒餓而饑我不敢上前獄卒如虎此去生死那得知衣穿履破走敲舐求救鄰里無錢與穀四顧無所依安用此生為淚下如迸泉舉身舍皇赴深淵鄰姬望見之驚叫夫與子來救死來救死

舟人歎

予自北旋阻于荆門日擊運舟之苦

大風折樹河乾見底五步十宿一夕九起河塞不開水乾不來自顧無羽翼安能東西南北飛裂蓬且為薪賣櫓且為糜什九不得歸得歸官府相鞭箠噫嗟嗟羊腸之險猶可越人無適濟那可活

宮詞

宮車最幸百花宮歌吹喧喧動鼓鐘可憐寂寞裁新錦翠黛朝朝枉自工桃李園中各有春花落花開愁殺人芳草不承回轡跡玉街空望打毬聲非關春色易為衰自是君王無好懷清宵綺泣芙蓉帳白日羞簪雙鳳釵子織成繭

芝園定集卷五

八

燕飛飛宮使傳宣作舞衣十二闌干明月徧夢魂飄蕩向誰依

短歌行

寒雞夜鳴東方未曙童童伐鼓青旌載路虎嘯深谷鷓鴣鳴高樹役車未休歲聿云暮嗟我生人渙若朝露腐香見殘輝華自誤智矣韓終屏居守素黃金易成年命可度

子夜四時歌八首

春歌

朝朝聽鶯報日日掩重闌莫踏門前草留踪待郎歸乍來結女伴江頭去浣紗問訊郎消息夜來燈燭花

夏歌

女郎宛轉歌輕舟棹碧波打動明珠碎團團落青荷  
日出望車塵徘徊至日曛拾得紅舊草染就石榴裙

秋歌

淒淒淒淒淒淒月出光尚微郎衣猶未綻何得理懷衣  
惻惻復惻惻桑黃秋露白持糜不能餐持麻不能織

冬歌

夜來風似箭濃起雪盈床侯門教歌舞剪綵闌紅粧  
河水結層冰疾風吹曠野嗟爾衣裳單獨宿在車下

董逃行

正德庚辰作

彌豐隆驂望舒方之峻矯執驅徘徊閱風顛遊戲崑崙墟  
芊芊芝草夾夾干旗后皇不戒潛授靈符握靈符窺帝圖

聖園定集卷三

九

鞭龍掣電無次且狐赤赤烏烏泰阿倒執九鼎徂外夷  
紛矢石肉寢伏戈矢不為人獵為人漁于胥通于胥通

雉朝飛操

雉朝飛飛班班雉鳴草中雉鳴在田雉朝飛班班東西雉頸  
榮爛雌翼離徙嗟嗟枯楊兮尚復生穉我為人兮老獨無  
妃老無妃兮可奈何命當絕子奈何

宛轉歌二首

明星繁露華滋宛轉歌宛轉月白烏夜啼絃長曲何短  
綠水芙蓉夜夜開芭蕉葉落心常捲

玉柱調金徽和歌宛轉宛轉歌芳堤步羅襪綠藻蕩流波  
七襄織就鴛鴦錦夜夜停機思度河其二

自君之出矣三首

自君之出矣雕梁復生燕思君如斷石投水不得見

自君之出矣鬢髮如蓬捲思君如井幹時時轉轉轉其二

自君之出矣衾枕歇芳蘭思君如明星夜夜在雲間其三

宮人入道詞咏唐畫像

團扇秋風冷長門白日移下辭丹鳳輦特賜紫霞祠夢遶  
龍顏數恩傾錦障移碧壇瑤草細寂寞禮仙師

青雀歌

雙飛青雀兒啁啾銜羽復懷饑不隨鷓鴣九天上縱有避  
心誰得知

蕩子行

聖園定集卷三

十

春風吹柔條細雨垂絲碧蕩子行別離折贈出南陌問言  
何時歸春去秋為期君心不自保富貴易為迷芳草亂人  
意黃鸝鳴樹枝白日苦短夜苦長擁衾抱枕長相思長相  
思淚如雨明年柳條莫復青使我心苦復苦

幽澗泉

幽澗泉飛珠玉道傍白花細如栗繩樞小戶架山麓翁析  
薪婦煮粥小兒敲冰斷青竹風吹草屋寒肅肅

采葛篇

種葛南山下春風吹葛長二月吹葛綠八月吹葛黃腰鎌  
逝來撥織作君衣裳經以長相憶緯以思不忘出入君篋  
筍長得近輝光層冰布河水中野皓凝霜吳羅五文采蜀

錦雙鴛鴦君恩當斷絕歎息摧中腸中腸日以摧萬葉日以衰願留枯根株化作萱草枝

車遙遙

車遙遙遙遙復曳曳朝上青雲端暮經白水南來北去互馳逐歲暮天寒肌骨悴梅花紛紛亂如雪野田黃雀空勞利

潯陽歌十首

九江江水九流盤彩鷁朱旗霄漢間七十二峯今夜月龍門相對駱駝山

龍虎開天取上游旌旄東下定神州檣帆直照鼉鼉窟日月雙懸錦繡樓其二

芝園定集卷三

十一

村婦提魚西市西衛卒數錢不敢欺烽火莫須防寇盜太平今有好官司其三

錦雲堆樹浪花長桃李飛來片片香打鼓鳴撓何處客恠來驚散兩鴛鴦其四

澤北喧喧商賈盧澤南隱隱蛟龍居蓬頭赤腳沙中子蕩槳竿鉤學捕魚其五

清風閣下暮潮平溢浦雷鳴雨打礁龍光閃映蓮華嶂蜃氣長關雉尾城其六

夜半扶桑赤日開將軍旗幟擁雲來馬上長戈寒映雪營中飛砲亂喧雷其七

漁郎渡頭燈火明潯陽市上酒旗橫沙白水清烟水冷琵琶

琵琶猶作斷腸聲其八

江上月明山兒吼三星燭地魚在笥日出花飛鴛鴦啼行人獨折江南柳其九

女兒港裏百花鮮舞燕游絲簇簇連深院只愁花落盡朝朝暮暮打鞦韆其十

古別離三首


團團雲間月夜夜照妾房髮髮城上鼓鼗聲落妾床君如長少壯妾豈怨參商夢裡一相接偏憐夢不長

恠爾簷前燕雙來梁上棲飛時語相喚定處翼交齊萬里寄書意粧成掩袂啼莫窺門外路芳草正萋萋其二

春思已無那如何又早秋偏將一片葉飛作萬重愁鳳枕蘭香細瑤階霜杵柔暗揮雙淚眼一望大刀頭其三

芝園定集卷三

十二



芝園定集卷之三終



芝園定集卷之四

樂府目錄

芳樹

行路難五首

將進酒

燕歌行五解

鞠歌行

秋胡行三解

東門行五解

門有車馬客行

當牆欲高行

滿歌行五解

獨漉篇

昇天行

煌煌京洛行八解

梁父吟四解

別鶴操

結客少年場行

空城雀

防胡行二首

芝園定集卷四目錄

東道吟四解

思歸引

銅雀妓

苦寒行四解

噫嗟歌

公無渡河二首

臨高臺

王子喬

戰城南

出塞曲

關山月

搗衣篇

野田黃雀行

結襪子

江南曲十四首

從軍行

促促歌三首

嬋娟曲

寶刀吟

昭君怨

烏栖曲

搗衣曲

鳴琴曲

秋夜長二首

俠客吟

白頭吟

紫騮馬

芝園定集卷四目錄

二

芝園定集卷之四

樂府體

芳樹

芳樹不同根連理枝森森上枝拂雲漢下枝巢珍禽人生各有匹結交不知心本謂膠投漆誰知商間參不知心尚可奈何妬我而讒我樹枝有時落汝心徒自惡

行路難五首

正德己卯作

君不見太行山撐天拄日高鬱盤君不見黃河水翻雲倒霧千萬里渡河苦無梁上山苦無羽颯飈蓬蒿常偃僕我往訴帝帝我拒虎豹當關搜人肉雄鳩佻巧不為理時運苟未逢材藝棄如土蘇秦空上咸陽書韓信猶蒙里兒袴

其一

君不見連城壁碎不復完平地水覆難再收昔日彈冠取卿相片言不合與戈矛雷開被寵比干死竇嬰失勢灌夫囚道旁荆棘汝自力進退惟谷心煩憂綽約春華豈久妍青青松柏委山丘君如念東門之黃大何如彼西域之青牛其二

御君文茵暢轂之寶車升君旋題刻桷之華堂飲君蒲萄琥珀之美酒服以華桂繡結之衣裳妾顏不如花與玉妾心自比雙鸞鸞朝奉君前夕侍君旁承君之歡不出洞房豈知貴貌不貴心轉眼秋風霜霰侵明月長虛文錦帳清宵不斷白頭吟行路難心煩冤自家結髮尚如此路上之

入何足言其三

有口莫取猛虎食有手莫探驪龍珠商君貴寵就車裂董侯驕橫遭屠誅鞭笞電驅鬼神陰設陽施偷帝釣爵入賤人在瞬息何者踈遠不交親白日照地冰山摧家貴籍沒妻兒壘茫茫青海有田地身死竟竟何處歸君不見莊生漆園為傲吏魯連蹈海號高士行路難古如此其四良人未二十辭家遠從戎長隨李將軍逐虜入雲中轉戰突重圍積屍陰陵東既勒燕然石復事函谷封人言邊塞常苦寒十去不得一生還猛虎啣屍骨其上有烏鵲積雪淒風長自悲帶刀擊斗何時聞我一思之淚如雨縱有膏沐誰為顏其五

將進酒

將進酒烹羔羊滌瑤壺陳豪族日園園升扶桑上賓集六樂張泰階平聖道昌紛屢舞歌悅康受百祿齊千祥皇帝陛下萬萬壽立我民極永無疆

燕歌行五解

草木黃落天氣秋清霜塗地風颼颼明月耿耿照高樓客行不歸生煩憂一解將軍披甲冠兜鍪撥金伐鼓破幽州白狼河吐羽書流青海灣頭獵騎休樓蘭授首左賢囚策勲左个封公侯二解玄鳥北嚮屬南遊迢迢織女望牽牛爾獨何為父淹留欲言不言心苦愁三解雪花如掌照吳鉤白草連天嘶紫騮爾今無褐又無裘奈何憐憐持戈六

四解故鄉欲濟河無舟胡兒點桀非好仇生來不得共金  
凋死致應當返故丘五解

鞠歌行

黃鍾動葭管飛協氣相應群生熙簫韶奏鳳凰儀聖人治  
世衆賢毗歲易邁生難期佩芳服潔良不移起高臺延郭  
隗四方之士相追隨鄭尚妬誅娥眉惡聞王臭王豈知伯  
樂死驂驪悲中心慘戚那得怡

秋胡行三解

衆鳥有匹胥邀以遊擊而有別實惟睢鳩彼誰者子矯矯  
卿侯突而好我中心孔羞卿有婦子妾有夫悅彼姝子曾  
睢鳩之不如兮一解倉庚嗒嗒春日載陽執我鸛篴採彼

李園定集卷四

三

柔桑彼誰者子車馬龍驤含情流睇黃金是將獸有穴兮  
鳥有林卿有金兮不如我之有心兮二解明明日月照臨  
下土女子有行畏彼多露彼誰者子繡衣朱輅美也可悅  
不念其故山有木兮水有魚子不信兮孰可與同若兮三解

東門行五解

出東門淚滂沱少壯辭鄉里白首還蹉跎杖劍挽強弩隸  
籍李輕車我今逐虜天山壯功成歸來拜白麻一解黃雲  
塞四野擔囊行負戈陰陵迷失道壯士相顧但咨嗟二解  
倉浪天疾威我黃口小兒復怨我出無車馬入無綺羅蕭  
蕭四壁立那得復為家三解請君聽我言從今以後勿復  
咨嗟遭時則龍翔失勢則為蛇骨肉幸相守富貴皆由他

四解人惡其上獸畏網羅但共鋪糜為活卒苦經磨也  
何五解

門有車馬客行

門有車馬客乃自鴈門關下馬投車轡入門脫行纒自言  
簪纓胄尺籍隸長安幼好縱橫術熟覽黃石篇身隨漢驃  
騎逐虜祁連山左手臂繁弱右手秉龍泉本謂功名易寧  
知道路艱首級不得上跡弛無人憐水霜落毛凋面目頹  
華顏歸還故里門親戚皆凋殘附鳥須附鸞藝園須藝蘭  
為謀自不審失路將何言生不入虎穴死當赴龍淵徘徊  
長歎息惻惻摧心肝

當墻欲高行

正德己卯作

李園定集卷四

四

汝欲上高樓無梯那可及汝欲遊深宮無門那可入東家  
之奴西家叱逐灌木之禽不巢華屋身無七貴援張口奮  
臂不顯材賢丹霞可以蔽日容成反照孰別妍妍我欲面  
訴神君天長水濶予不得前結我朋友果掇芝草來授  
要道永世難老

滿歌行五解

生世一何不常東有叢棘西有長荆剪荆伐棘傷我手足  
由汝荆棘夷夷四塞嗟汝行路之人皆當苦辛今我告汝  
汝獨不聞一解幼服庭訓長師聖謨慊慊常不飽戚戚恒  
苦悲世人勸我言彼執珪戴弁如脂如韋拘仁守義餓死  
夷齊汝獨區區奈何不哺糟而吸醪二解我答世人汝言

一何愚蓬蒿不作柱蘭桂難為芻又况東流之水必有西  
土之魚出門各有好貴賤從來殊奈何不自愛金玉可以  
捐其軀三解將畧集屋上魚何可得提網在堂下獸何由  
獲流光不久待白日忽西匿獲落無所成中心空怵迫願  
欲凌風翔從彼雙黃鵠四解黃鵠見我憐我青雲端睇  
影咸池濯足浦盤東西南北離哉翻嗟汝鳥為啄腐而吞  
腥驚羅憐弋何時可安五解

獨漉篇

獨漉獨漉上陵入谷谷深無底陵高無獨王在璞中孰別  
純疵鳥在林莽孰辨雄雌閉門養蜂自求其螫出門種桂  
翻樹之棘集苑者驕集枯者恥纏牽蟲豸何由千里豎兒  
無知握策馳驅馬驚車敗叫天號呼蝦能捕蟬蚌則伺鵲  
懷機使詐水清石出

昇天行

澹穆稅塵垢端居誦丹經了悟太上玄遂得真人名王皇  
註仙錄挈我昇天行青龍駕我騶白鶴翼我衡徘徊崑崙  
顛夕息在層城謁帝雲閣門鈞樂奏廣庭朱旗懸絳節靈  
芝花紫莖口吸沆瀣漿手攀若木英采藥隨羨門雲臥同  
廣成瑤闕星辰布雕軒日月經過遙常不返億萬永遐齡

煌煌京洛行八解

北畝種桑南畝藝蘭桑葉沃沃蘭莖班班一解洋洋大海  
不擇細流思皇多士媚于京周二解清瀆屠釣時惟鷹揚

茶嘉山甫補我衮裳三解周召畢榮定于四輔九圍既式  
百蠻來敘四解白璧不揚時子之恥懷沙自沉豈其得已  
五解飛塵亂周西施敗吳假神三日叢乃立枯六解罷消  
售智孫臍以逃楚莊之霸以相叔教七解上天明明篤生  
哲人載承九德立我蒸民八解

梁父吟四解

朝上泰山鬱何盤盤崩崖崩禁石齒闌斑虺蛇橫路虎豹  
當關慄慄慄慄以盤桓一解暮上泰山白日西匿前有  
標莽後有鬼域道險天寒饑不得食欲覓雲君何由可得  
二解泰山巍巍魯邦所宗智矣齊相七國之雄二桃何甘  
以殺三士惟其忍心嗟嗟晏子三解虞羅藏機蜂螫致螫

王國定案未南

口舌之微慘慘戈戟長沙竄誼汨羅沉平誰為始禍嗟嗟  
嬰嬰四解

別鶴操

離離和鳴鳴相求兮與爾比翼成好仇兮命乃自天匪我  
由兮中道棄背忉忉憂兮君子薄終義所允兮嗟嗟水覆  
石可收兮

結客少年場行

少年縱飲博落魄廢生涯陰謀師鬼谷勇氣薄荆軻象齒  
飾雕弧黃金裝莫邪較獵平陵下一發中五犯橫行都市  
中殺人如刈麻官司急追捕埋名魯朱家親交易名姓劇  
孟相經過投我千金贈白刃重摩掌驅胡出上谷轉戰入

交河就食大宛城飲馬條支波錢刀賣首級樽蒲百萬多  
生當甘鼎鑊死即棄山阿

空城雀

空城索索鼠穴狐栖白骨不葬悲風淒淒離黃雀何不  
去此逃朝鳴嗷嗷夕呼嗷嗷慄慄長苦飢餓生一何勞雀  
聞心中苦口噤不能語大澤饒風波其上鷗鷺多東人挾  
彈西家張羅各自懷機智愛惜田中禾覆車之粟人尚收  
官倉之儲寧汝由何如關關空城裏草根木實無人主經  
年不見有行踪蓬蒿跳踉誰禁汝虫虫爾黃口慎莫生咨  
嗟待得毛羽成努力自為家

防胡行二首

至國定集卷四

七

將軍來將軍來胡今在邊吾與汝戎旆擊左先備右突後  
須防前寧斷我頭與足無壞我田與屋變予被甲猶尚可  
無衣無食愁殺我

將軍來將軍來胡今在止吾與汝馳逐蜚蜚須覆巢驅虎  
須毀族巢不覆族不毀鳥獸攫人食骨髓有斬莫險有墩  
莫固今汝不努力胡來荼毒汝

東道吟四解

泥滑滑水深車覆轍風飄雨驟不得歇一解石子繫轡車  
所由荆棘如矛滿道周跋踈狼狽我心憂二解後有猛虎  
銛牙利距前有剽虜搶奪官馬四顧田野間望不見煙火  
三解我馬躊躇我僕次且行徐徐無疾驅四解

思歸引

瞻彼遠道思吾故鄉故鄉不可見泣下沾衣裳栖鳥戀城  
樹白雲在河陽客久不言歸何用東西南北翔織女未成  
報牽牛難服箱秋蘭開復落春草青載黃蹉跎歲云暮念  
我父母不得將明月照戶蟋蟀在房飛蓬飄轉顧影淒傷  
吁嗟乎東海之波浩無際吾意較之還復長盍歸來思故  
鄉

銅雀妓

少小學歌舞君王璧愛私陽臺雲雨散丘隴朔風吹總帳  
明蟾影蘭庭湛露斯空令九秋夜三五小星垂

苦寒行四解

至國定集卷四

八

玄雲其同雨雪其豐鳥棲林蔚獸鳴谷中哀此征夫載西  
戴東此日不卒亦孔之窮一解繫冰冲澌登也燭之止風  
薄戶土也瑾之我行中野霜雪瘁之豈無父母山川間之  
二解東鄰殺牛西鄰割羊盤盂紛錯膏燭夜光撞鐘伐鼓  
為樂未央嗟嗟行役奈彼疆場三解北邙揚沙南山裂石  
莽莽白骨聚如丘積毒膚敗肌四顧怵惕衣龍何其陰沍  
固極四解

噫嗟歌

正德庚辰作

疾風揚波陰雲載途噫嗟嗟孰使雷霆孰乘戈父噫嗟含沙  
射人陸地沮如噫嗟群鳥訖鳳嫫母醜姝噫嗟申椒棄美  
蕭艾同儲噫嗟賸貨肆汙爾車爾徒噫嗟虐吏殺人無罪

律通噫嗟皇天殫怒是僂是屠噫嗟

公無渡河二首

喪虎不上山畏蛇不入淵河廣且惡毒沫千里十去不一  
還公雖無千金之貴莫黎茹藿足活爾生奈何赤身被髮  
而橫行汝力有底河廣無紀陽侯縱憐汝不得救汝死  
河水瀾瀾戟石祁祁公無渡河嗟嗟乎險危樂官伏甲魚  
膾藏鉞人防其顯不戒于微茂林張羅平地風波觸目殺  
身况彼黃河公之往矣我心悲往而不返我安適歸嗟嗟  
乎公胡弗知

臨高臺

臨高臺以望宮闕鬱何壘壘阿房複道三十六高高上薄

李國定集卷四

九

青天開下有盤龍舞鳳之雕楹其上捎雲掛斗之飛甍但  
見群鳥不敢度四顧相徘徊山東六國爭虎戰咸陽宮闕  
俱成灰狐兔穴其處黃雀啾啾哀竟舜垂衣茅茨土階峻  
宇雕牆乃為禍胎我非板蕩之臣奈何坎壈而傷懷嗟嗟  
乎臨高臺

王子喬

王子喬乘雲馭氣上遊遨上遊遨七月七日辭親友翩翩  
鶴背吹紫簫吹紫簫賓矢門栖遲玄圃養道真步房石室  
乘崑崙乘崑崙列仙家桃樹千年始一花穆和王眉醉流  
霞下來遊御靈樞御靈樞望之得見不得攀親戚恍忽空  
客嗟空客嗟睇八極離汝塵垢仙可得仙雖可得汝尚不

終年齷齪如視中之蠱蟲厭飽腥穢竟何益

戰城南

朝戰城南暮戰城北矢若飈飛戟如蜺積晨起果創血淚  
沾臆營中振鈴帳下蓐食城南舉火城北揚旗將軍如虎  
偏裨如龍衝堅陷瑕什攻五圍血流野草肉掛樹枝我聞  
有道四海寢戈桑乾草青條支不波北歎呼韓南制尉佗  
魚麗雲屯被甲則那

出塞曲

烽火馳沙漠邊城急羽書龍泉騰碣石繁弱控飛狐六郡  
材官屬三秋駟鐵徂不愁胡未滅直為繫單于

關山月

芝園定集卷四

十

東海水輪出西川桂影多子開玄菟郡鏡轉白狹河亂角  
驚城鶴清霜照鐵戈胡塵猶未滅戍客奈愁何

搗衣篇

鼓瑟襲夜何其月白露風淒淒關干北斗映南箕莎鷄  
入戶流螢飛鳴玉珮步瑤墀揜皓腕出鳳幃念君不歸搗  
君衣心煩力疾雙杵揮寒影散亂聲參差輕綃舉纈帶垂  
調玉節淚交頤庭柯葉落烏夜啼流音四轉聽者悲熠燿  
魚舒錦出自流黃機裁為合歡被夜夜待君歸君今未解  
黃龍戍戕妾年年空搗衣

野田黃雀行

渴飲野田水饑食野田粟辛苦兩雛知止復知足君不

見高樹之巢風吹落人烟所湊網羅惡深山大澤聊足安  
天長路遠心不樂

結襪子

岳不言高海不言深周公下白屋天下乃歸心月之從星  
不損其明龍之蟄淵斯耀其靈王侯雖云貴貧賤未可陵  
士易訕名難成嗟爾漢廷之人慎莫驚漢庭何有爾公爾  
卿得則九鼎重失則鴻毛輕皇皇黼黻奕奕華纓彼駕車  
而馳馬譬若朝菌之揚英結襪子禮王生張廷尉名乃成  
漢廷之人慎莫驚

江南曲十四首

儂住大江南君家大江北生長不相知江頭見顏色其一

芝蘭集卷中

上

綵草秀丹翹青雲耀錦閣朝見芙蓉開日暮芙蓉落其二  
驄馬金絡頭寶帶雙吳鉤自言五陵客彈射若雲流其三  
采蓮復采蓮蓮塘清見底前有鸛鵲遊後有鴛鴦戲其四  
月白鸞簫細江清龍笛鳴長千里中兒打鼓賽江靈其五  
捕魚橫塘濱船多不施罟南風忽來吹移舟向前浦其六  
霞裳翠羽蓋錦纜木蘭舟逍遙神女兒三五弄珠遊其七  
薛荔懸青帶芙蓉拆紫苞金南蜂作隊含北燕成巢其八  
垂垂白門柳冉冉石泉蘭承蠟貴公子日晏不知還其九  
東涯芳杜綠西渚蓮葉紅瓊英若可贈徒棹及秋風其十  
白玉為杯掌黃金買屠蘇碧榆蔭修止解帶相歡娛其十一  
朝隨海潮來暮隨飛鳥去生作江南人慣識江南路其十二

郎耕莫離田女織莫離機禾黍作儂食絲苧作儂衣其三  
揚旄為君舞擊汰為君歌我歌猶未竟君情當奈何其十四  
從軍行二首

天王戎御自臨軒定遠親承明月環此去匈奴猶未滅不  
須生度玉門關

十月祁連合陣雲親將突騎斬戎君腰間斗大黃金印麟  
閣終收上將勲其二

促促歌三首

促促復促促憂多歡不足但見車去時不見車來復其一  
促促復促促一歎復一吁園有雙蝴蝶池有雙鯉魚其二  
促促復促促調絃倚門柱郎長在門外妾長在門裏其三

芝蘭集卷中

上

嬋娟曲

繆承金屋龍轉為玉顏傷妾意有何極君恩自不常朝朝  
占鳳輦夜夜夢昭陽不惜千金賦能蒙一盼光

寶刀吟

幽并遊俠客百寶裝吳鉤處囊時電掣出匣有星流空抱  
屠龍技未逢推轂收何當承尺檄一為掃旄頭

昭君怨

自知心似石況以貌如花詎意君王誤和戎不在他驚魂  
迴漢塞血淚墜胡笳青塚空遺骨單于莫浪誇

烏栖曲

白日下虞淵烏栖繡戶前終宵驚月語寒影抱霜眠何人



憐嬌婉獨自惜嬋娟萬里龍沙戍鳴笳若箇邊

搗衣曲

不愁邊信斷只念戍衣草暗淚揮霜杵飛魂逐馬鞍無風  
音亦慘有月影俱寒何似林棲鵲晨昏自合歡

鳴琴曲

掃榻弄柔絃清宵取次彈淒涼驚別鶴宛轉奏倚蘭窗徵  
從心變鍾期入耳歡不勝思遠意曲罷起長歎

秋夜長二首

木葉蕭蕭下沉沉夜未央無端頻展轉有意愁參商屢斷  
華胥夢空懷杞國腸曉將明鏡看一倍鬢毛蒼

天上金行肅人間枕簟涼思情轉轉愁緒繭絲長玉漏

芝園定集卷四

三

斷還續城烏棲復翔南華自有夢迢迢落何方

俠客吟

壯士樂橫行交驩六郡英追風馳騁裏逐獸臂胡鷹然諾  
千金重捐生一劍輕長歌易水曲終不愧荆卿

白頭吟

琴瑟本相親拮据忘苦辛但知憎白髮那復念青春篋笥  
藏文綺粧臺積鏡塵還將嫁時服留與後來人

紫駟馬

駿馬鐵連錢天閑服錦韉鳴鑾過上苑從幸入甘泉伏櫪  
何多歲鹽車不受鞭空將千里骨死後得人憐

芝園定集卷之四終

芝園定集卷之五

雜歌體目錄

沓沓歌

逃民歌

宣府將軍歌

閭闔歌

河漲歌

歸來辭

原上歌

懷哉歌

青山歌贈蕭封君

江之樹

瓶山歌

款乃歌

公子歌

禽言八首

涿鹿謠

陌上柳

嗟哉吟二首一字至十字句

芝園定集卷五目錄

一

留郎曲

芝園定集卷之五

雜歌體

沓沓歌

沓沓歌伊誰何我有長吏黥且和紆紫綬被朱羅高旌華  
蓋赫若那私宅設網公堂張羅胥吏恣不忘丞尉奈何他  
汝今冤苦且莫辨有錢者右無錢過沓沓歌伊誰何

逃民歌

東逋逃來逋逃茹蘆烹藜腹願領以枵出門豪家打縛入  
門妻子煎熬昔饑官府賑我今饑官府禁我來逋來逋率  
彼荒野野死飮鴟鴞爲獄死飮蟲鼠野死僥倖尚可脫獄死  
則死誰賞汝

芝園定集卷五

宣府將軍歌

正德戊寅作

宣府將軍號雄駿彎弓殺賊應弦盡盤矛躍馬疾飛電出  
則當鋒還後殿虜衆如雲屯近邊將軍赫怒揮龍泉晴枚  
砍虜虜宵遯牛羊素馳都棄捐虜衆且候不虞百乘死將  
軍屠廟堂大臣諱邊禍將軍將軍狂失圖死改不吊生者  
邀以婦那不駕車騎馬甘爲原上之枯藁君不見烏號戈  
風吹沙小玉子來耶投戈逃投戈逃

閭閻歌

閭閻高高不可以頽鴟鴞鴟鴞誰教爾張翅翅之張兮噪  
復長兮翳陽精兮天狼光兮

河漲歌

河汎汎濁流不見日東沱西溢龍鼉自由舟之軒軒于彼  
樹顛枕之曳曳于雲之裔風蓬蓬兮忽以南忽以北突如  
汨如喧崩轟以觸噫嗟噫嗟誰爲破爾膽欲行不敢

歸來辭

釣之竿曳曳魚遐遊以逝車之輪班班澤行泥泥山行多  
顛彼蓬蓬者何鳥其盤其旋破巢攫鷄而鼓翼颺哉翻  
已焉哉懷之長兮蟲不可攘子戰羈自力謂汝不德提戈  
殺弩汝伺汝賊骨兮啞兮汝山有芝田有穀兮又安用終  
祿兮

原上歌

虎電電狼狽狽帶刀殺弩行逡巡械介虎阱介狼原上草

芝園定集卷五

青牧牛羊

懷哉歌

畢之長兮不如奎之祥兮豹之澤兮不如驥之德兮樂樂  
者棘不如松栢之直兮懷哉懷哉疇之式兮

青山歌贈蕭封君

青山兮是我綠水兮層波朱鳥兮上下玉樹兮交柯山有  
人兮考槃瑜玉屑兮弄潺湲荷衣兮簪冠紉之兮紫蘭彼  
簪紱兮何有徒忍尤兮抑首睠鳳羽兮高飛焚樹蕙兮盈  
畝歸來兮山中駕白鶴兮驂龍丹丘兮羽人聊與子兮從  
容

江之樹

江之樹鬱離離江之水清且漣漪上有三青鳥下有雙文  
鵲美人瓊玉床葯房辛夷楣時飲清流食紫芝木蘭為車  
鳳皇承旂凌雲躡霧不知其所之翱翔天帝側寶劍光陸  
離歲莫歸來兮青猿白鶴與爾長相期

瓶山歌

龍之川波粼粼中涵日月蕩無垠龍之山黝糾而盤旋青  
霞紫霧映層巒嗟爾銀瓶何堪薛莫玄精兮揚瑰奇羅星  
辰而在腹句中有不死之靈芝山中君子爾何為逍遙騎  
白鶴驂以雙虹霓朝游沕沕沉瀝夕飲瑤池酒排天門兮朝  
紫微天皇顧我賜寶籙仙人與之相邀嬉相邀嬉贈我黃  
金印壽以白玉卮青瑣文窓相燦爛碧雞金馬羅軒輝絳

王國定集卷五

節行春徧寰宇白雲待君君不歸芳椒成堂桂為棟紫壇  
孫壁青蘭衣瀟洲幾見三花樹與爾千秋萬歲期

款乃歌

天蒙蒙兮日將升款乃齊起榜兮櫓朋朋款乃江水黑兮  
霧露蒸款乃我把柁兮爾鋪糜款乃嗟嗟估客條而往條  
而迴款乃灘高水深上復上兮款乃前村舉火暮將餉兮  
款乃北風吹沙莽蕩蕩兮款乃

公子歌

相公當國公子橫行匪官匪吏匪公微爾徵胡駕大舟胡  
揚高旌驛傳促供州縣索兵食如豺狼驚如鷹我不上前  
遭怒刑嚇人欲死狐假虎靈時來如火炎運去冷若冰官

家門戶豈長保猛虎之皮人汝乘

禽言八首

陳殺我陳殺我天明累箇窠慎莫諍得過且過鳳凰不如  
我此號寒蟲也  
汾晉間有之

提葫蘆盛酒漿我父我母齊壽康官府不促迫歡樂不可  
當

行不得哥哥南山設阱北山張羅延頸鼓翼嗟奈何  
姑惡姑惡織素嫌遲織練嫌薄左亦不可右亦不可新婦  
在家母言不理今逢姑怒苦殺我

播穀播穀爾莫斬爾爾腹可枵官府不饒  
喚起喚起鷄鳴天欲曙大郎藝麻小郎種黍

王國定集卷五

不如歸去腹有戈才唇有弓弩汝若不歸人將屠汝

瘦兒瘦兒采新衣體坎土蒸蒸樓則蓬棘出則狐狸叔子  
伯子汝若告母母寧不歸

逐鹿謠

逐鹿逐鹿沙深折軸大風拔樹難飛上屋行人之苦且莫  
悲聽我逐鹿居民詞高原多旱燠十年無一熟去歲幸收  
成妻兒猶未贖官司鞭笞急遽遺書夜徵點還備胡東西  
車馬亂如簇薪芻秣馬丁作夫錦衣玉食憐者誰城門懸  
鼓槌鼓槌寧從他郡死不向逐鹿居

陌上柳

陌上柳陌上柳春風披拂長短條不知攀折誰人手為問

去年折柳人今年柳發歸來否雉朝飛車轉柳花飛飛  
愁殺人

嗟哉吟二首一字至十字句

噫嘻何事長悲渴飲水饑餬糜東籬來菊南畝撥芝出門  
逢所親把臂申其私今日頽垣敗壁他時高臺曲池頽垣  
敗壁猶尚可東門之犬愁殺我餘桃嬌駕以為忠愛色衰  
寵替逃刑何所人生得意叱咤生風雲箕穎之夫洗耳那  
得聞嗟箕穎之夫洗耳那得聞

哦歌咄嗟奈何踰太行渡黃河破舟折軸不斷經過何如  
市朝內平地起風波今日乘軒建節來朝法阱禍羅轅下  
之駒衆所悲主父五鼎終何為伊誰乎淵潛而山棲衆方

王國定集卷五

五

競雄而獨守雌人生禍福由來無定端君今甘苦戚休自  
知之不聞郭令公功成而身退貴寵之極終罔玷於菑危

留郎曲

三月以來無一晴郎今欲行猶未行日日鳥啼行不得郎  
心不定妾心驚芳花盡被淫雨妬出門只尺迷毒霧風吹  
白浪立如山勸郎莫閉江頭渡哀猿叫月不可聞妖蛾銜  
沙詎知數深林魑魅巧弄人百尺長蛇斷行路黃金之印  
大如斗數奇不得懸君肘有時錯誤犯刑書咄嗟那復保  
身首此時遊魂何處歸此時空房難獨守不如炊黍具蒸  
藜相對繩樞與葵藿  
芝園定集卷之五終

芝園定集卷之六

五言古體目錄

雜詩九首

顧司勳館中夜集五首

寄子揚四首

懷顧司勳三首

贈教子發四首

送彭通顯三首

相逢行貽甬川蔡酒

送張子言二首

送方世佩四首

夏日偕鄒佩之石廬伯集顧司封館二首

送舉之提學四首

北征雜詠十一首

郭城行

雁門行

寄訊南禺

詠歸軒

王國定集卷六

聚奇樓

品山亭

款仙所

舒嘯臺

步虛亭

武陵莊雜詠六首

二月朔雪飲東明山館

月湖精舍燕集得涼字

披雲閣對雨

積雨簡嘉則

芝園定集卷之六

五言古體

雜詩九首

亭亭山上松灼灼園中葵榮榮都人子采采羅裳衣徘徊  
臨大道揭揭車輪馳芳草有消息行人無返期容華未云  
落青木何當施恩愛豈獨薄錦衾予自為願言加飡飯慰  
妾長渴饑倘君勿棄捐長奉黃髮年

東風吹野草皎日薄郊垌丘中有逸士荷鋤事偶耕朝食  
巖上華暮采隰中苓青雲為帷蓋白石為軒楹親暱相讌  
樂懷此黍稷馨雖無五鼎貴庸樹千秋名其二

芝園定集卷六

亦有逕河廣亦有航君如懷姙媿誰謂道里長昨聞晨馬  
鳴今見玄鳥翔時物數遷化勢手安可常芋衣酬綈帶寶  
劍懸枯桑結交無故新永矢勿相忘其三

汎汎中流客攬衣相控語優游南海濱懷筮遵枉渚風波

日以厲同舟互猜沮言返故鄉域力耕藝稷黍瞻彼滕壑

間沃沃生長楚日月不恒居歲晏孰華予去去履長薄言

采薇與藿其四

南山有巨石難為瑚璉姿東林有樸樸不作楹與榱匠石

豈余尤受形良不移椅桐制琴瑟被之絃與徽清音擬師

曠逸響邇鍾期幸托君子御素質諒有施其五

曾鳥蒙寵渥丹臚煥以深郁郁引鼎食皦皦金石音奉養

豈不厚微軀固難任澤雉難飲啄畜樊諒非心玄豹矜文  
章終隱雲霧林如何遠路人干戈日相尋邈彼漆園吏遐  
軌良足欽其六

盈盈舜華姿楚楚蜉蝣衣晨興逞榮耀日暮已喪之托生  
覆載內奄忽何能持朝為遊俠客夕作溝中瘠尊貴等堙  
沒雅門亦懷悲微鳥尚可化金石尚可渝胡為繫良驥坐  
使流光馳其七

有客戒徒御薄遊遵西郊言歷羊腸坂丘壠何岩崿晨風  
懷好音葛藟施枯條我馬不能進道路遠且遙昨與故人  
別軟血為父要秉心諒匪石黃金詎能招但恐青蠅與坐  
令白璧消願托圖南羽乘雲以遊遨其八

芝園定集卷六

鸞斯介樊實咎咎咄鵬鵬神龍銜靈異覆為豫且輕物類  
有如此羣動安可貞握粟行廣廈不逢季主明邂逅同心  
友執手徒屏營經緯荆棘周道塵冥冥徘徊仰天歎泣  
下沾冠纓其九

顧司敦館中夜集五首用西方有佳人為韻

日晏天宇廓明星晉城西高閣疏鮮茲清歌屬皇琬婉婉

二子遵林隅瑀枝相知不在久為樂須及時

仲夏盛煩垢浣濯以自涼中庭遲明月與子陶一觴城南

有清浸信宿雙鴛鴦晤言永茲夕旅食均殊方其二

病客倦修日屆夕駢良友玄皇入層軒薄雲霏高柳幸茲

茂世諱相與省中夜強微身外名汨沒亦何有其三

士賦物庸夫多舛人月子中庶不可涯  
決言咲忻茲夜氣佳轉盼銓燭光耀耀流前皆其四

倪仰皇宇中騁志為何人擾擾事行役百歲多悲辛莊生  
逃需貴陶令耽賤貧瑤華在深谷無為驚風塵其五

寄子揚四首

白門坂遙望西江湄江流何滔滔遊子有遠思秋風  
芳桂永泰偃東窗役役肩塵網會面安可期禽鳥羣往  
日月互盈虧如何永睽隔晴明令心悲

子遠行役辛苦萬里途賤妾守空閨殷勤事錦繡商  
弓莫節弄莽草木疎寂寞吾已矣飄零子何如采采東離  
約側足以踟躕

芝蘭文集卷六

三

鮑子九萬義委已殉窮交范侯敵怨者臨難懷綈袍况我  
同盟子忠信故所徵昔別承明陽中心一以切猶如聯樓  
翻翻為兩地巢寄言勿相思相思徒鬱陶

對蕙南山下蓬蔓故相繁剪蔓恐傷手蔓長蕙不生白露  
萃百草天高夜氣清佳時難屢遇淹留亦何成逝將適樂  
土途遠不得征君心諒不遐悃款示周行

懷顧司勳三首

高林有黃雀繞繞相追呼朝遊野田間夕宿城之隅如何  
遠行人夙夜無寧居修途紛雨雪何以進輶車重憂衣裳  
單風霜薄君軀君行日以遠吾貌日以癯貌癯不足惜但  
恐會日疎

皇邑百萬家修飾相為妍燕姬一下乘誰不歆令顏援瑟  
奏清曲妙響入雲端聞者固多喜妬者生讒言魯連恥商  
賈周史尚深玄材美易翦伐壑旋斯永年駕車亟旋止沈  
嘿以希賢其二

有鳥西北來遺我文錦囊錦囊何所有君子陳今章念我  
邁多患榮名徒自戕日月如流電年壽等朝霜白璧貴無  
瑕黑袖非所戚感此切中腸臨風起徬徨飛鳥逝已遠出  
門永相望安得茵桂枝貽子山之陽其三

贈教子發四首

美人在東谷榮耀世所希伊昔阻關梁竭來共軒輝褰裳  
策駕馬日夕往從之皦皦金玉質榮若桃李姿相知信云

芝蘭文集卷六

四

樂離別在斯須樓邊豈無偶燃婉心自知願言保貞信白  
首良不疑

青雲下修坂白日懸城隅交衢羅冠蓋徒御風輶車對子  
不能食送子不得俱君為千里驥余為櫪下駒君若雲間  
鵠子若水中鳬形影豈不懷羽翼不相如言采芣上蘭與

子聊踟躕其二

葛生南山陽綿綿蒙于棘枝蔓得所依茁葉繁以碩惜哉  
飄風發零落竟安適平生心腹交自信金與石如何南省  
郎忽作西京客積雪明林皋孤鳥翔衡輶君行有時休離  
思安可極其三

驅馬嶠幽路瞻望泰華峰下有白蓮池上有青芙蓉平厓

摩日月高嶺盤蒼龍君行拂雲霧玉女遙相從洞中有紫芝服食長冲融君如念病軀遺我江之東人命不可為恩愛良無窮其四

送彭道顯三首

侵晨上高臺纍纍見青楊楊生夾廣池中有雙鴛鴦鴛鴦鳴啾啾飛舉自成行如何同心人浮沉不相當春風吹天棘展轉道路長燕雀東南飛鴻鴈西北翔轅馬顧徘徊引領遙相望

上山朝采薇下山莫采蕘采之不足掬何以遺所思所思遠別離相見詎有涯驅車復驅車膝彼行路岐白日無淹畧浮雲逝何之願以瓊玉璫酬子青桂枝其二

聖園集卷六

五

澤南亦有虞澤北亦有虞如何鳥獸林今為羅網居習習各自謀遠近居然殊近者恒惻惻遠者恒次且榆枋有不厭空視光景徂焉能傳修羽上與黃鵠俱黃鵠摩蒼天斥鷃將何如其三

相逢行貽甬川祭酒

與子同根樹枝幹夙所依東西互飄泊寒燠歷遷移交游盛宇宙何如我所思長風戾羽翰夢想觀容儀豈期前門駕改轍復來茲水深秦淮汜草長鍾山陂相逢擊衣帶歡極難為辭盛衰鑑毛髮人代多參差金壘酌旨酒列席薦芳菜中庭擷萱草庶以飫周饑

送張子言二首

溫風浹南極庭宇育僉斯青螢與野草齒齒流華滋登子白玉床奉子黃金卮三星燭下土四座揚光儀俯貯龜魚出仰瞻城闕熙宿昔夢顏色行役苦多岐知言感千楮握手不踰暮白駒逝難繫寤歎獨歎歎

東山美衆木作室用其良文沼生芙蓉君子以為裳曳裾聊躑躅振羽相翺翔皓月鑑殊品麗藻揚天光四國盛芳草奈何懷故疆夏涉孟豬澤秋放燕山陽宮徵諧金奏黃流注瑤觥出處各有為偃仰無永傷其二

送方世佩四首

秣馬橫塘郭肅徒鍾阜陰東山朝發日江介鬱蕭森執子羅裳襦贈子雙璆琳傾蓋昔如故歲月迭已侵出入同朝

聖園集卷六

六

署適遙步華林不謂中乖隔習習懷好音信誓諒不改山河阻且深

驚鶯宿蘭渚嗚道隅與子出盤遊惠風清且舒容與清江濱采蘋復采蕪僕夫駕言邁攬轡互躋躋南北不同氣寒暑更相逾行行慎霜露力保千金軀其二

浣彼椅桐樹童童覆河曲根生達下泉浸灌苦不足小人戀傳侶君子春明德處者何次且行者何促迫迤邐周庭隅列解不遑食遽欲凌風飛環顧無羽翼願為芳草枝從君薦履席其三

高臺風露涼草樹光旖旎酬酢未及終前旌已載起跋跼踰都甸信宿承明里丹霄儀彩翮雅頌諧宮徵庶秉寅清



節策勲自茲始簡書且不畏契濶將何以幸垂金玉音  
未尚無止其四

夏日借鄔佩之石簾伯集顧司封館二首

青楊翳修竹華館邇通渠鳬鷺寒岸翔繁藻續紛俱中有  
高人宅區笥富詩書開軒納賓客水陸充盤盂既諧琴瑟  
好並坐接璫璵酬酢方自此撫影良躊躇吁嗟蟋蟀咏不  
樂將何如

言不在組有酒不在觴與君兄弟親共此明月光朱霞  
層漢耀耀流水裳清風來徐徐幽蕙揚其芳西鄰綺羅  
子吹簫鳴鳳凰今夕良讌會歡樂殊未央

送舉之振學四首

王國名集卷末

清風動江介廣路曜朝曦執子羅裳袖送子南浦湄青旌  
為前導左右從文螭上堂介眉壽下堂塞壙麓人生各有  
樂嘉慶良獨希征夫懷靡及簡書戒懷歸風彼東山駕勿  
為故鄉羈

霜露被野草密葉辭高樹斯螽過戶鳴鴻鳥凌空逝晨興  
攬衣帶惻愴臨往路昔別逾八年疾病不殊故相逢不須  
更促駕一何遽丹雘映白日青雲騰修渡肅肅望遠征河  
廣不可邇願憲有銷歇盛年難人駐願保金玉軀莫使玄  
髮素

弱蓬以麻直素絲以染移自慙凡卉質陰此松栢枝風雲  
不相當中心悵有違豈無他人親不如故所知獨行懷

杜陵餐念縑衣躑躅屢歎息僕夫顧徘徊通者長親近在  
遠長相思

文章振華胄羽翰薄青雲出入麒麟殿待詔金馬門既典  
絲綸職長為黼黻臣良田敗邪徑資景傾芳藻玉石不同  
性進退各有因達人有高尚識者察其真行行樹梧梓舜  
鼎銘功勳

止征雜詠十一首

弱齡東還尚抗志在青雲沉淪耻丘壑抱璞干明君注籍  
鵷殿鳴珂鸞鳳臺要津非所托好修亦有聞蹉跎歷鼎  
流光轉朱輪頃今容髮改未階尺寸勲伐檀古有訓負  
乘安足論願秉羔羊節歲晚意彌敦

王國名集卷末

客寢不能寐舊慮雜新思申旦雞初鳴呼童理裳衣初日  
照疏牖倉皇臨路岐風塵塞四野車馬若雲馳去者未云  
息來者復如斯鼎鼎百年內形神空爾疲顧彼蓬蒿士旦  
暮偃荆扉蒸藜以為食編麻以為衣不知有朝市豈復辨  
雄雌芳餌非所羨網羅安得施其二

宮觀鬱玲瓏雙闕儼蓬萊鮮霞流貝錦白日無纖埃中有  
仙人居逍遙列三台崔嵬切雲冠黼黻爛瑤華光粲八  
極鈞樂動九坂下有麻姑女綽約非凡才明珠間文具麗  
服手中裁上宮思薦御理弱難自媒徘徊扣天闥日晏不  
得開明晨欲有謁滿路生蒿萊其三

養鳥莫養鸞鸞藝麻莫藝蘭芳香難為用過美多憂患田田

死灰白日摧冰山時運有來去禍福無定端周道茫茫  
祇餘門競彈冠咳唾生風波誅奪在一言日月不常盈人  
生行安棲樓巖穴士無為耻泥蟠其四

僧冰亘陰壑飛雪灑道周衣厚不為薄北風吹颼颼羣鳥  
各求匹上下鳴啁啾栖顧徒侶戚戚念朋儔驅馳三十  
載坎壈懷百憂改錯豈不易夜光終見收結交莫附鳩升  
木莫附猱高門懸藻鑑勉事微猷寧學伯松子巧奏取  
封侯其五

客行千里道客懷常草草道逢所相知執手共傾倒珠樹  
本同棲飲啄不同老矐矐各有傷金石還自保相逢且莫  
悲世路多嶮巇集苑未為得集枯未言非清尊對明燭盡  
其六

此金屈厄跡鐘布涼月星河垂樹枝明當復遠別豈復惜  
斯須驪駒臨廣路一步一相思依然百念結坐使髮成絲  
其六

白日麗高天萬方鈞照臨但能照人影不及照人心人影  
有時離人心終不移如何申椒芳化為菜與蔬感此長歎  
息淚下忽沾臆願將白日光來照金與石其七

羲和無停軌寒暑更相易歲暮誰不歸獨為遠行客荆榛  
當路衢鳥為翔我側疾風吹沙塵白日忽以匿筋骨既憊  
悴感此增怵惕悠悠赴壑鱗戢戢歸林翼物性有如此行  
役不遑息閭闔不可攀閑風不可即果腹適莽蒼浩蕩將  
安極其八

犂牛不為麟西施不負薪貴賤各有尚知者察其真周公  
下白屋天下乃歸仁田實相傾奪玉石俱見焚大雅東明  
哲富貴成浮雲昨日趨踰地今為灰與塵濟濟鴻都士何  
者結交親我欲竟此曲此曲難具陳其九

一氣物炎涼不同形何況雲間翼翻飛豈能并朝客孟嘗  
日夕投信陵得意膠漆歡失意尋戈兵仇多終自賊豈  
喪其朋不念王貢交千載揚芳名其十

三星澹河漢微月遠霜林有美西鄰子當軒調素琴一奏  
雲和曲再奏太始音三奏猶蘭操四奏哀鳳吟調高終寡  
和曲怨愁人心伯牙既寂寞子野亦淪沉旁人自不察一

曲直千金其十一

### 邾城行

朔風吹枯桑原野莽蕭疎烟火杳不接十室九逃遁鄉土  
豈不戀官司急徵輸上有貪令尉下有黠里胥膏血寧幾  
何浚取乃及膚親戚不得顧豈復念田廬空囊擔破釜黑  
夜牽妻孥白晝但伏匿奔走不遑舒亦知不免死且復緩  
須吏頽垣栖鼠雀長隰翳榛蕪隣邑亦以然王賦將誰需  
寄與長民者為牧不為屠

### 鴈門行

中原飛羽檄烽火若星流千郡盡徵發將軍急防秋胡騎  
度鴈門百萬屯代州降人為鄉導深入恣窮搜膏血無餘

草白骨成山丘室廬既焚蕩子女皆俘囚今來不懲創後  
者誠可憂多壘古所耻制勝貴先謀有道屬全盛干城皆  
好仇何當弘遠畧不戰落旄頭

寄訊南陽

多才為衆忌守道乃長貧昔也聞其語今茲見其人聰明  
本天縱曠識窮八垠研探盡墳索高論富經綸一擯東海  
隅漢落不復伸親識不相顧旅食經四春粗糲不充腸衆  
葛不蔽身固窮秉高節飲泌樂天真舉世好畫龍婢媼尤  
下陳齊門空鼓瑟抱石自沉淪明月逢按劍披裘甘負薪  
自古皆如此非今獨苦辛君其愛玉體無求還自珍不見  
回與憲千載揚芳塵

詠歸軒以下為茂嶼莊作

入林苦不容入山苦不深以茲營別墅傍水復依林捲幔  
群峯逼開門綠樹侵芳郊挾童冠步步幽尋烟霞敷錦  
續百卉間珍琛樵歌白雲上衆鳥懷好音芙蓉挺朱萼澄  
潭鋪翠陰耳目不暇擇異狀足賞心歸來詠窈窕拂石彈  
鳴琴舒襟明月下托夢在欽岑

聚奇樓

世人寶珠玉往往身殉之佳山與麗水誰復羨其奇余本  
丘壑士烟霞夙所怡結樓清溪上青山匝四維雲宮接水  
殿瑤草雜瓊枝丹碧紛紛見星河面垂陰晴多異賞陟  
降窮二儀離朱不易辨繪畫總難施萬狀歸目睫百寶收

斯須藏珠與懷璧妮妮徒爾為

品山亭

園林真山麓宛轉切河濬虛亭抗其腹詭異畢前陳羣峯  
莽回互窈窕結芳隣如屏復如障為蓋或為茵甲仗左右  
列旗鼓亦繽紛徵奇不下席獻秀靡朝昏人貌有榮醜山  
容無故新竭來舒眺矚一一品其珍遐跡豈逃晉離群非  
避秦物外得所適聊以全吾真

欽仙所

方池淨漣漪上有仙人衙楹棟不施繪梧竹紛交加空茫  
絕四鄰彷彿如南華眷言集同志玄覽窮幽遐安期棗未  
實方朔桃始花何用供朝夕山中有胡麻左手承沆瀣右

聖園集卷六

手接飛霞樓遲復容與八極浩無涯言御列子風復沆漲  
騫槎俗駕不敢窺庶以謝紛拏

舒嘯臺

孫登遜蘇門阮籍往希之余亦秉微尚選勝披荆茨青山  
出曠野突兀臨四陲銀河掛蒼壁長虹閣樛枝曲澗經其  
下輪雲落清溪扶筇一登陟心神曠以怡仰天發長嘯習  
習和風吹泉聲叶琴瑟谷響答墳簫宇宙知何物寧論時  
節移何當婚嫁畢言采商山芝

步虛亭

其上不在天其下不在田青空橫碧巘非霧亦非烟騰茲  
極幽賞琢石亭其巔四周不施壁眺睇窮八埏捫松出雲

背舉手接飛鳶道遙參日御恍忽揚風鞭浮丘為我右羨  
門為我前天門且不礙下界何拘攣世人徒局促達者乃  
稱賢安得無懷氏携手相周旋

武陵莊雜詠六首

秉顏物外遊結忻在何許覓路辨青山沿洄遵枉渚丹丘  
忽戾止烟霞密如堵中有千年松滴翠紛成雨叢篁茁新  
玉膠木羅珍羽眺聽不勝奇日夕憺容與  
十畝幽人宅不屏亦不垣逶迤雲作徑宛轉竹為樊孤亭  
抗木未百卉互糾蟠方池淨漣漪脉脉通仙源荷葉雜藻  
荇其上有蘭荃采之欲遺誰道遠難為言

昔聞桃源勝今葺武陵莊為林旦水曲結屋依河梁下有

李園文集卷六

十三

鷗鳬戲上有鷗鶴翔羣峯戰翠壘白日絢霓裳清溪無過

客漁郎出其旁相逢不相問擊楫歌滄浪

芳園誰所治草樹鬱以蒼山川自不易主者何難常呼童  
理荒穢選地時其良繁卉為屏障丹碧儼成行艷色奪人  
目馨香襲衣裳徘徊不知夕明月揚清光

河水何瀾瀾白石何齒齒誅茅以為宮閒曠絕閭里雞犬  
不復聞漁樵時至止碧巘插雲端銀河投澗底苔生階布  
繡花發戶施綺況有蟲鳥鳴彷彿諧宮徵

未成輞川勝頗有奇章石虎豹靜生威鸞皇矯舒翮丹碧  
綴千峯過雨淨如滌霞綵誰為裁波紋亦自織樵歌隔叢  
林農唱錯阡陌于茲弄雲烟兼得藝黍稷

月湖精舍燕集得涼字

玄冬屆海澨淒其北風涼有美騷雅客翩翩集華堂蒼雪  
尊前亂白雲欄際翔坐聽滄浪曲起視明月光  
海山何蒼蒼湖水何泱泱興言命儔侶傾此白玉觴青松  
漏華月碧草冒繁霜衣裳豈不厚暮夜不禁涼

披雲閣對雨

仙山無盡藏結伴肆窮披平林錯綺繡積水浮玻璃流雲  
不出戶飛雨羅四陲綠疇破翔鷺青天走陰霓何當驅屏  
翳頓令暘谷暉

積雨簡嘉則

陰風吹宿雨陰霧幕庭埦怯寒花委砌避濕鳥分枝天暝  
非因夜泥深不辨蹊親賓斷來往孤負黃泥厄兀坐悄無  
聊一賦愁霖詩詩成再三歎四顧將寄誰為語雲棲者啓  
戶當知之

李園文集卷六

十四

芝園定集卷之七

五言古體目錄

十五夜餞東洲公用明月皎如畫為韻賦五首

秋懷詩十六首

武祥館翫月因泛舟二首

東觀偕呂太史潘司勳陳秋官石武部餞陸伯載得

于彼高岡韻四首

送况翰臣二首

送田叔永

春夜承涇野太史雍里司勳見訪得詩三首

送周八厓入覲四首

應臺詩二首贈傅侍御

感舊詩三首

送張子言遊姑孰

懷徐編修子升

行縣有懷

芝園定集卷之七

庚申除夕舍下與諸彥言懷

辛酉元旦喜晴

春日始出南郊

元夕舍下與客觀燈

咏瑞香花

雪夜燕周荃宅

携酒見白亭訪南禺

招南禺

天台行送包參軍

訪包三川歸自天台

中秋對月雜詠十首

江行賦所見十首

郊居效唐體十首

小齋燕集以夏雲多奇峯為韻五首

錢呂尚賓歸天姥席上分得蕭字限五言古體

贈屠田仲上京謁選

君房下第歸至

芝園定集卷之七

五言古體

十五夜餞東洲公用明月皎如畫為韻賦五首

團團玉鏡滿的金波明熙光粲層漢素景流前庭我有

蕙蘭花送子遠徂征紅塵驚丹轂綠柳抗青旌馨香誓不

滅詎勉事修程

修程曠渺綿羽翼臨當別持我夜光杯惻歎相要結人代

難久居鑒此中庭月蟾光正及盈四五還復缺願保松栢

姿朝華匪云悅其二

朝華豈不榮毛嫵豈不好綽約難久妍貞心詎能保絃促

望舒翔江空淨練皎顧影悲聚螢含暉眊流藻為畢平生

歡駕言臨遠道其三

遠道不可俱金石不可渝桂席陳華階執手相躊躇羔羊

興在服至理協騶虞經綸矢姬畢禮樂模臯夔行行樹芳

烈光寵誰能如其四

光寵衆所希翩翩振華胄甘棠日以舒扶杜行當邁白駒

暫難繫館餐復何授嘉樹間頽霞華星爛消晝何當永茲

夕湛露聆清奏其五

秋懷詩十六首

正德己卯作

虎兕狎曠野鱗魴懷廣池如何游客子飄蕩逐逐期朝發

扶桑阿夕息望嶠嶺山谷屢徂遷寒暑互推移艱難經百

務髮髮變成絲腰帶不盈束中心怒如饑

白露萃豐草河漢高且清招還指西極明月流前庭中有  
幽思婦樹護不及榮申椒卷瑤篴蟋蟀中堂鳴鴛帷不復  
御鳳枕網絲乘常將合歡帶念此百結情其二

暮收肅時令百物慘以更烏鳶競朝唯鴟姑夕悲鳴天運  
有代謝人事詎可貞范睢遜蔡澤田蚡傾寶嬰懿節苟不  
立身名竟俱零其三

幽澗月華凝晨風戾北林曜日朱華墜擁條哀猿嗙征行  
感物變淋浪淚沾襟拂雲坐白石弛轡彈鳴琴高張協清  
微惻愴有餘音鍾期苟不作已矣懷所欽其四

金華有達士鍊藥青門陽白雲翳丹竈陰符秘青囊耳目  
既以廢親戚安得將夜托赤松卧朝隨黃鶴翔紫皇賜玄  
芝園文集卷七

液長視周三光嗟彼夸父愚賜死誰憐傷其五

菟絲離松栢展轉隨風翻采采蕙蘭花零露日以繁陟岵  
悵行役鶴鳴中原漸鴻漸羽儀羝羊空觸藩憂來亂無  
緒柔翰誰能宣其六

瞻彼野田坂鬱鬱生孤特夕陽耀朱華朝露渥芳澤商飈  
中夜興嚴霜委柔殖始者不如今淒淒怨離逝君子厚垣  
墉小人秉矛戟垣周足相衛敵多終自賊習習梁間燕嗤  
彼鴝與蜩其七

落葉不可綴墜景不可振荆榛彌路隅疾風起酸辛朝為  
膠與漆夕乃胡與秦談咲起干戈桃李各有因願保金玉  
姿去去勿復陳其八

晨興擊衣裳驅車驚長薄幽壑屢洄澗層巒絡赤坂  
承陰雲叢林隕飛籜栖栖城樹烏繞繞野田雀形影自相  
弔臨風長蹢躅其九

朝登太行坂雪滿太行山改轍渡黃河天寒冰塞川處世  
多網羅憂患坐相牽哲士鄙龔勝佞臣趣董賢如何卑執  
戟投閣空自捐其十

日落姑蘇臺烏樓臺上樹吳王寵西施戶牖盡金鑄楚舞  
比宮商艷曲凌雲度六博逞歡娛盤遊長達曙鐫鏤一以  
行富貴委朝露淫康盡為虞箕顓始稱智其十一

上山莫采瓊下山莫采珠明月長蒙惠懷璧竟罹誅申狄  
不庇身屈原自捐軀姒美為眾忌侏儒未云鄙鈞曲公侯  
芝園文集卷七

封弦直道遠死高舉蛇塵埃逍遙廣成子其十二

木落尚可榮水涸尚可盈如何蓬蒿士抱藝竟無成神龍  
制螻蟻斥鷃鳴鵬鵬小大各有過得失安可憑達將連駟  
騁窮即蓬萊行其十三

蛸蟥不畏重蝸牛好高升涎盡不返宅力疲竟顛傾華亭  
悲鶴唳上蔡思蒼鷹光寵難久恃機阱互相仍寧甘首陽  
餓無作五鼎烹其十四

崩崖邃千尺峻坂造青天紆軫曾巖側飛控接翔鸞懸旌  
亂心曲白日周華頰登高在霄靡乘危豈所安王陽輕九  
折班超志燕然由來功名士慷慨赴龍淵其十五  
飲河期滿腹棲林惟一枝緝緝夸紕子媒禍令人嗤其言

惑萬乘肆聲豐貴甲第羅雲漢吐氣干虹霓風波一失  
所膏火自然膺達人不遠鑒雍門有餘悲其十六

武祥館翫月因泛舟二首

高館臨清溪溪水東西流上有琅玕樹下有鷗鷺洲青莎  
間朱藻綠柳維輕舟開筵當夜涼緩坐傾芳羞素月照荆  
戶華星粲庭陬惟言侍君子酣燕極綢繆

桂棹揚清漪皇堤絢華月金波交綺窗銀漢流丹闕輕霧  
暮浮檣飛螢亂疏閣夾岸起層樓清歌當夜發石瀨轉遙  
迤鱣魴屢興沒沿沂猶未窮為懼詎能輟樂飲須盡觴轉  
盼流光滅其二

東觀偕呂太史潘司勳陳秋官石武部饒陸伯載得

聖恩集卷七

四

于彼高岡韻四首

蕙匪不可變金石不可渝伊昔同心親出入承友于良辰  
展歡讌鼓瑟復吹竽念子懷出宿行邁何次且牽衣屢徘徊  
執手徒鬱紆幸有場中藿庶以維白駒

飛觀城東隅窈窕臨流水密篠屯蒼烟微風蕩奇卉松栢  
蔭廣庭白日麗西鄙有酒盈玉壺慙慙終始環顧宇宙  
中寧識吾與彼食桃屢見投何以報子李言念形影單縑  
縑不能已其二

燕山一何遙天門一何高風雲日千里焉知我心勞鷹鷂  
驚下土鸞鳳翔丹霄輕陰有闥散微雨濡江皋相道豈不  
繁行行振華鐮春秋樹嘉穀無使稂莠驕其三

送子東郭門陟彼南澗岡蓮華媚清淑禾黍被河陽生作  
太平臣撫景多悅康羈旅勿懷歸簡書庸敢忘太史申明  
德四座陳周行清廟薦瑚璉豫章為棟梁子其慎鼎寶尉  
我長相望其四

送况翰臣二首

衆鳥出林谷皇皇求匹儔漸漸溝中水異派亦同流我友  
昔傾蓋中意結綢繆出入奉遐軌相親為好仇嚴冬霜霰  
零江水去悠悠遊子思故鄉臨風理輕舟我心若懸旌展  
轉懷百憂金玉貴成器黍稷貴有秋勗哉昭忠信中和誠  
可由

驛驕服上乘千里揚清鑣駕馬屢躑躅舉轅轅鳴號驕人

于蘭集卷七

五

耽暇豫士有深操日月不相待道路遠迢迢金柅庸自  
繫長策屢招邀嫺無瓊玉英報子金錯刀驅車向長坂使  
我心煩勞其二

送田叔禾

生與君同域仕與君同時空餘大馬齡不及瑚璉姿在公  
聞廣舉退食瞻光儀豈伊戀朋比好爵心自縻念子遠徂  
征奄忽成睽違臨岐長太息握手淚如滋中饋豈不厭使  
我怒如饑

春夜承涇野太史雍里司勳見訪得詩三首

明月麗江皋春風動高柳有客口馬米金壺酌旨酒綠水  
拂露華虛簷掛星斗遺我蕙蘭花馨香滿庭牖緇衣固所



宜授餐豈子有

清時薄領稀在職多休暇寂寂春草堂宵枉高人駕  
燐燐諸素心興言命杯竿華燈燭四隅楊柳廢庭榭願以琴瑟  
歡晤言永終夜其二

青山薄虛戶黃鳥鳴河洲遨遊懷往懼芳醕結綢繆子夜  
各言歸緩還復留慚非金王姿幸托君子仇盛年恥虛  
逝善道恒相求其三

送周八厓入覲四首

孟冬天氣肅霜露日已零林木摧為株河水凝作冰行者  
各懷歸居者獨遂征青龍建孤旆白馬服兩衛飄風振沙  
石岡嶺何崢嶸辛苦豈不畏王務各有經日短去路長執

李國集卷七

手徒屏營厚爾衣裳勉事修程

汎汎河中水流萍離不止冉冉孤生蓬長隨迅颺起人生  
非繫匏役役何能已子懷我所知我知亦惟子天寒遠徂  
征倏忽不吾已埏土亦有鈞束薪亦有旅羽翼臨當分切  
怛從此始其二

我酒既以旨我肴既以芬賓僚相集送冠蓋何紛紛白日  
匿西汜浮雲亘長津行舟無緩綽逝駟有急輪朝為官與  
商夕暮成參辰先期有心許后會良難因願少須臾留敘  
此中心親其三

登途肅儔侶結軫遊皇都左手秉文王右手握明珠雲冠  
何崔魏高步揚華裾君子慕窈窕光寵居然殊嬾婉既以

諧琴瑟相歡娛嗟彼蓬門士白首徒次且其四

應臺詩二首贈傅侍御

高臺起江漢上薄青真端層巒修坂叢桂夾繁欒晨霞  
映長澗春雨滋芳蘭丹砂秘金井鳳凰翔靈關雲興識龍  
卧霧隱知豹班由來豪傑士倜儻驚人間

乾元啓神異地軸函靈符丹丘稟藩服王璽鎮方隅玄宮  
百千尺䟽牖交明珠靈芝耀五彩窈窕藏丹書日月懸車  
蓋星斗錯衣裾下視人世間陸海皆沮洳達觀盡宇宙精  
爽誰能如其二

感舊詩三首

正德庚辰作

筑筑巖穴士讀書三十春高談希稷契杖策干明君授以

李國集卷七

赤玉符命以青絲綸行行樹梧梓抗言剪荆棘嘉穀務耘  
耔稂莠復陳青蠅問白黑譏巧傾善人黃泥注瓦釜桂  
樹摧為薪涇渭一以合清濁疇能分徘徊長歎息鬱鬱其  
沉淪

窈窕邯鄲姝結珮紛瑇瑁容顏皎霜雪皓齒揚清音慙彼  
丘中麻寧懷桑下金漢宮選才人貫魚承鸞衾衆女疾蛾  
眉謠詠云善淫棄捐不復御長門秋草深君王自不察之  
死抱貞心無令千載下空為出塞吟其二

熠熠明月珠按劍常蒙鳳凰祭九苞不與鵠鷗群絳灌  
排賈誼上官譏靈均權門多齟齬月錦恒相因閭闔閉重  
關下誠難自陳侏儒不下堂豪俊多遭迕改錯易為合幽

蘭前復紉嗟嗟柳下亭坎坷良苦辛其三

送張子言遊姑孰

暑雨散林薄大江流紫端方舟出建業緩棹揚波瀾姑孰  
歲靈異龍鳳相騰奮息足峨眉亭登眺采石巔南瞰天門  
日北挹牛渚泉浮丘為我石長庚為我前真躋入窈窕複  
嶺互迴旋青山抗疏宇芝草庶以妍波瀾萬里流綽約三  
峯連石華紛可掇白紵渺難攀道遙謝人世衣裾錯星經  
勇翮萃遐想藻思麗幽玄靈均倘可宅圭綬誠足捐逝將  
命羽翰從子青雲端

懷徐編修子升

建旆出東京結身為行旅朝遊白水湄夕宿清淮渚道逢

支園宋集卷七

所相識招余采芳杜我有朱弦琴按節為君鼓如何陰雨  
晨須更成睽阻念子不能寐風波復愁予睇彼雲間鴻肅  
肅厲長羽

行縣有懷

岩巖望神京行邁遵赤縣綽約蘭桂英之欲遺遠對非  
不見察歲月奄以晚睇彼長路衢日落野田坂

庚申除夕舍下燕諸彦言懷

問我何所惜問我何所思盤盂錯珍膳持觴惜不怡齒骨  
日以散流光疾如馳時達成落跡詭譎支離修名既未  
立亮節將安施宿垢莫余滌新愁如雨滋燕息豈不懷惻  
愴心自知眷言二三子邂逅成佳期青燈照華髮綺席承

文檠劇談申繾綣屢問夜何其歲運數徂謝人代多參差  
歎鳳終已矣泣途空懷悲雌伏匪云耻全軀或在茲

辛酉元旦喜晴

積雨連旬甲層空濛濛陰荒原凋宿草曠野斷鳴禽獻歲  
當茲旦朝暾出遙岑扶桑初擁蓋大地忽舒金瑤波文綠  
水霞彩冒平林卉木競新暉鶯燕懷好音官師沛休澤閭  
里無哀吟太平信有象六合淨氛祲願獻明堂頌於焉被  
璆琳

春日始出南郊

我行城南野心神曠以怡宿昔凋殘地天喬修華滋謹叢  
欣燕雀遵渚狎鳬鷺蘋蘩聚林薄朱紫蕩漣漪望海海生

支園宋集卷七

九

潤眇山山有輝牛羊齊出牧童豎吹參差隣里互稱慶酒  
食為娛娛士女競新粧三五相追隨耳目異聆矚光華疇  
與期生年一何幸四境樂雍熙

元夕舍下與客觀燈

帝朔布遐壤條風介滄溟占祥象緯見卜歲陽和蒸羲御  
方寢曜望舒乃揚精六街沸歌舞羅綺若川騰雕楹錯珠  
綴繡閣懸華燈雲霞競吐艷草木互舒英心志極歡豫耳  
目紛經營圓方列珍異旨酒多如澆賓朋歌湛露伐木有  
餘情琴瑟既在御車馬亦在庭今夕樂相樂千秋協良盟

咏瑞香花

翹如金作鈿爛若錦為囊舒如舞文幘芳如蕪都梁幸託

飛廉御言登君子堂山林豈不愛懷寶非所藏惟憂鷄鳴惻惻令心傷

雪夜燕周葦屋宅

同雲翳南極飛霰集庭柯瓊花澹谷與層巒遜嵯峨爰有高入宅華薨抗城阿雕軒銀作徑委巷王為河祥烟光瀲灩疎竹影婆娑開筵洽賓友蓮豆縱橫羅梁園昔有賦振驚今成歌殘更與逾劇戰冷顏俱酡豈不愛高卧繾綣當如何遊燕諒非寡此會良難多

雙酒見白亭訪南禺

瀛洲有大隱孤嶼結幽棲却客不為梁舫舟閑漁磯青雲屯四壁列岫錯文帷栽花周曲徑濯髮臨華池亦有同心

支園集卷七

十

友時來奏壻篴長謡驚燕雀撫劍干虹霞尊酒易為盡芳春難可期明月麗高天踈星懸樹枝相看轉相戀既醉不言歸懷抱各自知不樂將何為

小詩奉招南禺

豐隆散陰沍羲和曜其靈文藻出潛魚密竹鳴倉庚攬衣步踈闊跂足望友生有肉不如陵有酒不如澍新裁閒舊植百卉敷前楹及此不為樂鷗鵲還復鳴願言整高駕慰我授餐情

天台行送包參軍

有美山中人夙尚在丘壑稚雲釣明月荷衣冠紫纓忽夢赤城遊足躡夫容閣彷彿羣仙迎周旋相唯諾晨興戒征

徒翩翩馭玄鶴鳥道紆百盤羊腸轉紛錯青雲肘上生瀑布骨間落霧帷暮山椒霞標挺仙郭琳宮瞰天門神巖振風鐸石梁橫絕澗欲渡還復憚珍禽與在丹一一難窮索舉茅坐深樹鍾乳徐斟酌幸脫塵外蹤心志無繫泊為我訊山靈伊何為夢覺人生等浮漚嗟哉空娉娒

訪包三川歸自天台

遠不遠在野近不近在城雕軒瞰江腹天半出飛臺青雲與後圃白水蕩前楹珍禽耀文羽雜卉敷新榮鶴駕自天台歸來駐仙旌酌我以鍾乳飯我以黃精搜奇攀泉石博異徵圖經申言介秋爽挈我昇天行居然滌塵抱況乃捐微名何當洽真隱永結柴桑盟

支園集卷七

十二

中秋對月雜詠十首

兼旬苦淫潦海甸宿繁陰望舒一迴馭素魄揚遙岑芳園湛珠露灌木驚棲禽循簷何繾綣入室靚以深但照幽人影不照幽人心照心亦不易何況求知音

嘯歌復嘯歌調絃奏雲和冰輝屏纖翳流光燭庭柯鮫綃胃羅縠錦障彪金波光景豈不愛駒隙易為過結髮則朝籍鳴玉翔鸞坡馳驅自不力秉耒青山阿齒髮日凋謝骸體今如何晶晶匣中劍耿光猶不磨

瑤光徹層漢銀浪翻滄溟平沙兼素練疎林漏華星嚶嚶復趨趨蟋蟀向我鳴皓月尋常見何如此夜明照肝脾屢瞬照心心屏營照頰頰亦改照髮素絲生惟有一尊酒持

觸還自傾

零露華百草金風振柔條層霄月亭午寒光映次寥重敷  
被八極俯鑑析秋毫豈不誠靈曜茲益終不昭問姒敢謠  
詠資華傾中椒靈均與賈傳泣涕徒為勞

層城麗紫極雙闕儼玲瓏房辛夷楫桂棟珊瑚宮前陳  
雉尾扇後列黃金鑄羣仙集繁奏穆穆何雍雍我欲充下  
陳蹇修屬先容可望不可即虎豹衛九重媒妁既不入信  
美難為工徒令衡茅下白首怨飛蓬

冰輪出滄海皎皎騰長空五緯既寢耀銀河散妖虹清輝  
何赫赫蟾蜍蝕其中釣天輟廣樂玉女閨瑤宮竈以煬無  
光鑑以塵蔽容物理有固然造化將無同光華忽來復八

李國策集卷七

十一

表瞻蒼穹

闕地山齋側榛莽躬自除當窓列巖岫種松復種梧種松  
大十圍種梧五丈餘留雲日多態得月光轉舒團團張玉  
鏡的的炫冰壺圓影搖空碧流暉墮清渠豪門集貴遊浮  
白競歡呼不念征人婦腸斷袞裯孤

采蓮復采蓮輕舟蕩漣漪檣頭兩鴛鴦水面雙鳬鷺一摘  
蓮子落再摘蓮葉稀日夕各言歸素月出江湄我歌長干  
曲君唱橫塘詞露濯芙蓉花風吹桂樹枝今日樂相樂千  
秋難可期

商飈淅餘暑天宇湛清虛華月出雲端委照薄雲區入林  
駭栖羽入水洞潛魚盈盈幾何夕皓魄旋復虧晦明亦無

定進退何常期夜光逢按劍齊宮好吹竽相道自不察獨  
揭空馳驅本無樗里智還著虞卿書

寒暄蕩瓊宇瑤彩錯金鋪熠耀流前階啞啞噪庭鳥尊中  
湛醪醑水陸充盤盂良辰足歡宴伊何憐不舒皇圖屬全  
盛閭里無寧居東夷未悔禍徵兵還擊胡公廢亦乘間草  
竊徧寰區共言舍耒耜紛紛執戈戈何當挽繁弱一發殄  
妖狐

江行賦所見十首

步出西郭門陰霖旦方收溟濛汎洪波桂楫沙棠舟輕雲  
蒸淺瀨落日冒平疇深樹誰為家炊烟出林浮不見車馬  
跡但見雞鶩遊柴門常及開隣叟時相求

李國策集卷七

三

欽岑碧山阿誅茅屋其顛青雲為蹊徑綠竹為樊垣朝暾  
入卧內皓月懸梁間管蒯可為服薇蕨可為食昏夜無吠  
虎與寢恒自安豺狼忽隳突擔簦荷戈鉞官司數徵發十  
室九磬懸磬懸猶尚可突焚愁殺我

青青山上松斧也來斯之問言何為者薪樵供饗炊上不  
任梁棟下不支椽題後周有恒性雨露無偏滋托根既非  
所受命良不移蓬蒿與樸櫟棄捐安足悲

山椒造雲端狹斜互迴薄層巘何鬱盤飛甍絢江郭朝見  
江潮平暮見江潮落消息無定端榮悴詎能度上蔡憶牽  
犬華亭思唳鶴何如枕清流終然謝也剝

旭日春洪濤濯莽翳修陸白露塗江干鴻飛何肅肅陶家

閒棋戶各自占山麓破棟出鳴鳩散衣掛青竹小兒摘  
蔬大婦儲園粟中婦釀酒漿小婦理機軸偷此須臾安婦  
嬉亦自足

疾風吹叢棘海若驅江濤水宿不成寐鵲鷗鳴庭臯總  
百年內人生各有操千金戒垂堂有靡押登高夸父死道  
賜仲蔚甘蓬蒿寧屯非有定禍福常自招君看五鼎食何  
如陋巷瓢

江流何瀾瀾白石何齒齒雲深不見人釣魚者誰子手持  
百尺竿垂以馨香餌所志吞舟魴陽喬胡乃擬終朝竟何  
得喟歎不能已小餌以蛙蛭大餌以牛豕鉅細各有當咄  
嗟昧其理羅網若宏開幽潛無不起

芝園文集卷七

古

商飈日凌厲岬夷介陰律丹楓爛如綺落葉委修術灌木  
蔽叢丘中有幽人室白水經屋頭青蘿補簷隙池內有菰  
蒲松間富苓木高卧夢華胥日晏不然突皓首恒若斯始  
願從此畢

寒裳涉江水江水何湯湯前有鴛鴦戲後有鸛鷗翔采采  
芙蓉花佩之羅衣裳江離與薜芷馨香聞路傍欲以貽所  
思道遠不得將蕭艾方近昵信美誰為章水霜坐凋落悵  
愴心永傷

聚落何林林結廬濱水澤丁壯事耕耘女婦司蠶織雨暘  
幸及時畝收足鍾石公稅未及輸私逋相促迫未得飽妻  
等何况娛賓客長楚自天天鴻鴈逝安適泰運倘來還朝

斥還自力

郊居効唐體十首

朝出野田遊暮向林臯宿策杖入蓬門溪雲猶在足頽霞  
鳥背翔皓月江心浴樵釣共為徒庶幾鄭子谷  
曠懷謝丹轂改服遵荒丘青林抗踞館碧玉貫層樓虹霓  
掛薨棟鷄鶩階前遊相逢不相訊同為沮溺儔  
幽居屏煩喧觸目恣遐眺烟霞茁屢奇峯巒互騰蹕宿鳥  
競陽枝寒泉迸陰竅欣茲十畝宮托跡亦寧篠  
村居何所有歷歷多脩竹明星閣樹頭白雲飽溪腹釣月  
引鱖魴樵霞卧山麓枯槁故所耽飲啄亦自足  
籬菊欲辭榮林楓亦隕亦清尊湛芳醑園果繁以碩隣里

芝園文集卷七

五

相勸酬酣歌擊白石俯視池中魚仰睇雲間翼  
寄跡匪云遠清溪即故樓崇樓邀月近列岫洩雲齊鳥至  
自相悅人來乍欲迷言訪蓬瀛路丹丘倘可梯  
有鼓不自鼓有琴不自彈端居習清燕聞寂寡所歡寒泉  
盤戶碧墜葉滿庭丹采采芙蓉花零露何溥溥  
青山在屋頭流水在屋下扁舟蕩明月振衣雲葉墮醉後  
忽高歌魚鳥共相詫本無疏廣金且學樊遲稼  
種禾已堪炊種蔬已堪摘梧竹儼成行展矣幽人宅鳥篆  
文苔階雲衣冒蘭澤翹首望長空青山淨如拭  
伏枕不成寐側聽司晨鳴嚴霜切重衾疾風梳敗蕉寒燠  
固有常龍蛇由所遭集苑本非羨白首甘蓬蒿

小齋燕集以夏雲多奇峯為韻五首

百卉競芳妍薰風扇朱夏  
嬾婉集良朋填虎迭相和流雲  
閣樹頭清泉迸階下徘徊永茲夕  
魚鳥休相詫  
千林沛靈雨萬壑戰層雲  
嘉植各吐媚湖波織纖文輪蹄  
移窮巷言訪山中君棄置鷗鷺  
侶永與麋鹿群

逃名入空谷秉耒青山阿  
曠懷偶嵇阮詞藻步陰何昨日  
朱顏客轉眼鬢成皤相逢且酣飲  
為歡豈在多

交交黃鳥語戢戢游鱗嬉  
山毛間海錯掃石傾芳卮調絃  
君自解說劍我猶奇星聚匪云易  
不樂將何為

澄湖深且廣簇簇羅群峯  
園蕪紛展綠山巒萃舒紅思君  
咏伐木對酒歌風嗤彼失路人  
咄咄徒書空

芝園定集卷七

七

錢呂尚賓歸天姥席上分得蕭字限五言古體

天姥有呂生磊落稱人豪  
胸藏百萬卷筆底翻秋濤晶光  
射斗牛逸氣干青霄排雲叫閭闔  
天門一何高紅淚悲荆  
壁青春泣寶刀落魄不得意  
歸來理舊袍遨遊遍五岳天  
路恣逍遙素書扣黃石滄海訪  
盧敖足躡蓬萊頂手挹赤  
城標留題盡名勝收草入詩瓢  
知我烟霞癖杖策來相邀  
憶昔眉髮青今來見二毛慷慨  
倒百壺爛醉歌長謠君本  
千里足誰為九方臯棄置不充  
御伏櫪空鳴號舉世賤蘭  
蕙慙慙服艾蕭蘭蕙日以悴蕭  
艾日以驕君其可奈何生  
世由所遭倘逢狗監薦終應公  
車招

贈屠田仲上京謁選

春風動江介好鳥鳴河洲  
晨興戒徒御辭親事遠遊雲龍  
邁佳會禮樂際虞周孤矢四方  
志斗室諒非謀腰間雙寶  
劍晶光射斗牛不用求良媒  
有識應見收君本美無度詞  
賦推名流一入金門籍何者  
非好仇作室貴豐址力穡乃  
有秋立身在茂齒勉効前修

君房下第歸至

在在有芳草處處有青山  
君去與之去君還與之還燕臺  
空駿骨漢宮擯朱顏自古有  
如此沉寔且閉關

芝園定集卷之七終

芝園定集卷七

七

芝園定集卷之八

七言古體目錄

楚山行贈龍陽李司牧

山僧謠贈祖賢

道傍草

新城謠

江上行

還山行贈林屋山人

送陳子文之官廣西

冲庵詩為丹徒鄢封君作

西麓亭燕得長字

西巖歌壽顧孔昭先生

壽曲沃李公

陳都閭宅看烟火歌

廬山行

西屏歸隱詩

竹泉歌贈都司偉

滕王閣行酬王龍湫方伯

孫洲子歌

洞雲歌為封少宰大兄作

芝園定集卷八

海鶴蟠桃歌為包隱君壽

石川子歌為制甫姪作

雙鳳行為棟塘賦

郭生行為元定賦

竹塢席上賦得長歌行以看不過三字為韻

苦雨行

送李孝甫北上

題畫圖

呂生行贈東野山人

題東沙圖

賜谷山人篇

太霞山人行為周郡博賦

放歌行奉迓南禺

苦熱行答南禺

後苦熱行

題畫竹

贈上舍生戴仲德

再送戴仲德即席賦

芝園定集卷之八

七言古體

楚山行贈龍陽李司牧

楚山青青楚水碧達士逃名鍊金石手搴芳杜製菱荷種

來瓊玖成圭璧朝乘衡岳雲夕汎瀟湘雨心期晤喬松托

跡類巢許芝草出雲根玉液盈匏尊皓首一長嘯春風遍

鹿門

山僧謠贈祖賢

山僧高卧白雲關辟穀談玄解八還道術初成伏龍虎天

花亂落飛鳥舞白馬青牛不可期芝草琅玕積歲時何年

寶籙朝天闕恩惠我長生訣

芝園定集卷八

道傍草

道傍草青青一何好積雪凍方枯春風吹又蚤來車去馬

無休息白日朱顏宣長保咸陽卿相悲陳駒長信秋風愁

枯稿君不見崑崙丘蓬萊島瑤草年年茁紫茸三花樹上

啼青鳥手把松枝煮白石丹丘獨抱烟霞老

新城謠

城烏啞啞夜未旦城上擊鼓角聲亂南來使客未遣行止

來夫馬急須辨里長抱笏有負穀無錢顧馬特兒孺吏胥

逃避屋啄鳥苦遭官府相刺促君不見朱甍連雲列畫戟

盡是將軍內官宅里中戶口半流移沙田草沒無人犁

官縣官奈爾何乞休不得淚滂沱



江上行

東風乍雨還乍晴十里百里聞流鶯春波綠淨素練下  
山簇簇行畫屏江上花飛已如霰澤中蒲柳何青青五陵  
俠客金鞍裏瀟湘美人瓊玉箏珊瑚寶玦照碧草飛絲急  
管喧層城繡服凌雲翥翠動香輪歷霧死失驚日中關雞  
馳道塞日暮撾鼓紛吹笙金陵美人鸚鵡杯桂櫂蘭舟不  
計傾相看莫放赤日落白石清沙無限情鳳凰臺上鳥初  
下白鷺洲前笛一鳴歸途况值明月光回首猶聞白苧聲

還山行贈林屋山人

秋風多秋水波行人擊汰歸山阿朝辭鳳凰臺夕宿蒲葦  
中月照江流白霜催山葉紅征途已蕭瑟鴻鴈互西東行

芝園文集卷八

二

看洞庭樹遠在烟生處結廬枕山石時時戴雲霧米種鹿  
門田歲月奄已暮山中九月甘菊黃山家美酒鬱金香蒼  
松蔭地百尺長好呼僊客行羽觴羽觴速絃柱促玄鶴為  
我舞長歌紫芝曲拂袖還沾隴上霞著書應長門前竹竹  
葉何青青霞光何盈盈辟穀餌金石凌虛躡太清靈巖瀑  
布日夜懸下有野雉雉遠田林間彷彿白玉童雙吹鐵笛  
上青天林屋之山清且虛為問瑤草今何如湖上若逢雙  
鯉魚煩君惠我尺素書

送陳子文之官廣西

城中月明齊擊鼓城頭日出朝樹羽駟馬馳驅南楚雲嶺  
長嘯炎交雨道傍三月柳如旌攀折慙慙送子行白水

蒼梧天萬里登臨不厭伏波城

中麓詩為丹徒鄔封君作

延陵鎮上子真居種柳栽花遶屋廬生來不識王侯貴高  
卧長披黃石書朝看北固雲夕眺江門月手攀青薜蘿林  
鳥齊出沒龍目湖西招隱山桂子松花飛玉泉碧草丹霞  
深歲月黃童白叟相周旋擊石磬調朱絃荷衣雜佩舞僊  
僊鍾鼎玉帛豈吾意愧爾紛紛爭後先

西麓亭燕得長字

零露溥溥秋夜長天高水落鴻鴈翔祇園綺樹月皎皎飛  
絲急管鳴清商琅玕為床玉為案琥珀杯中椒桂漿北斗  
南箕相燭爛醉來歡咲把衣裳

芝園文集卷八

三

西麓歌壽顧孔昭先生

西麓峻嶒高插天巖頭日月流蒼烟瑤臺隱見金銀氣瀑  
布翻飛澗壑泉青松百尺倚盤石碧草丹砂人不識日月  
週迴銀漢槎風雲縹緲神仙宅山人解印學長生獨向山  
中食紫英已看鸞鳳翔金闕重見天書下赤城長騎白鹿  
弄朝霞手把參差奏落花令尹丹經君莫問蓬萊少室永  
無涯

壽曲沃李公

西嶽降神生甫申今日尚書亦不羣文章蚤遂登庸志風  
夜長為獻納臣義膽忠肝昭日月雲冠玉佩聚星辰黑頭  
事主三十載直節清風天下聞名成身退世所稀疏廣風

流良在茲懸輿每憶南莊好朝向山巔暮水涯汾陽原上  
拾瑤州五老峯頭攀紫芝姑射仙人共來往蔡虬四鶴相  
邀嬉人間甲子七十六身如山立顏如玉巖花爛熳碧雲  
居乾坤浩蕩羅胃腹翫月時登池上臺吟詩手把門前竹  
稚子應知卿相名耆英信有桑榆福綠野長開松檜堂朝  
來旭日映扶桑霄漢翻飛鸞鳳羽門庭重見蕙蘭芳四座  
盡為珠履客春酒春盤稱壽觴天長地久公莫問擊鼓吹  
簫樂未央

陳都閫宅看烟火

正月初旬長晝昏以風吹沙江吐雲千門弱柳青裊裊官  
院紅梅開正芬雨霽張燈春不遲將軍烟火夜偏奇層層

芝園定集卷八

四

島嶼神仙見燦燦雲霄星斗垂寶塔峻嶒紫峰青天削  
出金芙蓉芳蘭映日瓊瑤碧蕙蕩波瑤瑤紅蠟炬光中  
戰馬鳴奔如飛雷突如鯨戈矛寒帶陰山雪旗甲晴揮瀚  
海星野鶴雙飛乍欲沒嘶枝喜鵲喳喳發芍藥蒲萄懸翠  
屏珊瑚寶貝流明月空中捧出百絲燈神女新粧五彩明  
真人斬蛟動長劍狂客吹簫過洞庭翩翩舞蝶戲穿花海  
上樓臺散赤霞須臾錦繡被滿地明珠斗大紛如麻城中  
小兒齊拍手聲聲道好如雷吼擊鼓彈箏時轉喧河漢低  
迴掛朱牖夜深賓客各言歸主人長跪強牽衣朱苞細拆  
潭南橘白棧新盛壯地梨聯床接席出豐膳美酒平斟玉  
屈卮清宵良會豈再得今我不醉將何為

廬山行

廬山高高高與天齊西峯懸落日東峯走長霓下有赤豹  
穴上有丹鳳池池中白露長吐吞二儀日月香難分綠崖  
綠竹大如斗洞邊珠落何紛紛昔聞周顒僊怪語驚聖神  
天眼尊者知其真赤脚小僧會傳語奎章燦爛垂星辰千  
年蒲州映絕壁朵朵青蓮照孤石虹梁下瞰無底壑激澗  
崩騰喧霹靂九疊屏風五色開朱幡絳節四時來翡翠長  
穿錦繡亭銀河夜閣文殊臺五老岩堯青可攀香爐頂上  
百花斑山童騎鶴海東去野客吹簫天上還碧草鮮霞二  
月春風流況復秦使君他年曾訪丹砂客今日還隨麋鹿  
群探月窟排天門坐倚芙蓉顛屹屹龍虎蹲五更雷鳴雨

芝園定集卷八

五

酒地隔嶺哀猿啼不住疾風長吹淪浦雲飛來倒掛長松  
樹赤坂蒼苔路轉昏淹留相對倒芳尊醉卧東林歌白雪  
那知身外有乾坤

西屏歸隱詩

西屏先生不受官掛冠解組情何歡青旌高映洪都日碧  
樹遙瞻梅嶺盤芳草萋萋春正齊黃鸝紫燕往來飛種瓜  
舊有東陵地結社新栽薜荔衣龍山西畔百花亭翠壁長  
開雲錦屏手把青華馴白鹿時燒丹藥煮黃精蓬蒿門外  
綠烟深摘袖疊疊秋滿林興來倘過鍾期子應向清流鼓  
素琴

竹泉歌贈都司倬

陳將軍躍馬揮戈名早聞黑髮專城龍虎符胸中韜畧時  
能分陳將軍胡不好武而好文手披黃石之素書神游陰  
霞宿霧之湘君清渠細引湘洪水翠竹交蒸楚嶺雲彩鳳  
青鸞時向我紫芝瑤草何續紛水玉壺中日月光水晶簾  
外即滄浪波浮銀漢通丹井露濕芙蓉冷石床陳將軍湘  
中之君寧爾群銅琴豈足厭林壑豈足欣太平不用降胡  
將夢想燕然勒石勲

滕王閣行酬王龍湫方伯

雄堞龍從瞰紫峯朱甍秀出五雲中疎窗閃映芙蓉嶂回  
閣依稀翡翠宮梅嶺層巒踰赤霄章江密樹湧青濤人間  
歌舞傳彤管天上仙郎賦彩毫彩毫彤管世難忘四座歡

王國定集卷八

六

呼行羽觴清波對見雙鷗鴻短笛交鳴孤鳳凰南浦亭前  
白日斜百花橋上亂飛鴉素月娟娟流曲榭明星歷歷照  
晴沙晴沙曲榭無窮極碧漢澄江齊一色錦繡還憐峭壁  
霞珍珠暗洒漁磯石已看黃菊徧東籬何況椒漿滿玉卮  
銀床莫訝金莖冷鼓柝仍嫌星漏催邀遊得意須盡歡世  
事榮枯那有端楚楚群公俱磊落自慙野鶴同翔鸞龍湫  
夫子天下豪胸藏百萬言曹魯常對客揮珠玉真擬詩  
成奪錦袍錦袍珠玉未云奇應把華蟲補衮衣丈夫用世  
當如此蛇盤鼠伏令人嗤

孫洲子歌

孫洲子洲上居蒼桐修竹廡庭除九峯五磊盤龍鳳花嶼

文溪雜鳥魚瀛海鮮霞開貝屋扶桑旭日映芙蓉三十六  
池秋水碧芳蓀綽約齊芬敷采采衣裳佩馨香聞路衢手  
挾雙青龍謁帝承明廬風雲出沒麒麟殿日月光華錦繡  
裾身騎騶馱行天壤鸞車紫蓋懸驪珠孫洲子美且都少  
年頭角斬然殊三十明經成進士四十為郎官大夫南宮  
彷彿神仙宅閑戶長披黃石書鍾山驚水時遊行瑤草丹  
翹興不孤已聞奏績黃金闕應見傳宣赤玉符須臾霖雨  
施方甸豈作齊門鼓瑟徒

洞雲歌為封少宰大兄作

洞雲翁生在碧海之東身長八尺明雙瞳讀書衡門破萬  
卷珍奇錯落羅心胸門前自種薜蘿無草屋裏長開丹桂叢

王國定集卷八

七

手把青荷葉足躡金芙蓉衣裳時帶烟霞色肌膚真若冰  
雪容阮籍蘇門學長嘯諸葛南陽終卧龍有美麒麟兒鳴  
鸞朝燕宮紫宮真人見之喜金泥玉檢來衡宇野鹿花  
紛往還白鶴凌烟互鳴舞石橋潌迴青錦湍參差玉樹間  
檀藥鏡中日月時吞吐河上龍蛇自鬱盤峭壁峻嶒青碧  
霄卿雲五色映山椒兩兩仙童披綠髮相將甘露醪蟠桃  
蟠桃甘露世應稀達士風流良在茲北山終南未可移將  
詠表羊真爾師

海鶴蟠桃歌為包隱君壽

君不見東海水翻雲走霧千萬里中涵罔阜鬱參差春吐  
江河蕩無紀扶桑日出萬象熙隱子夢采若木枝絕離烟

霞披錦繡三山波浪湧玻璃窈窕雙青松習習來天風上  
枝拂霄漢下枝蟠虬龍千歲桃花爛漫開疊疊結實大如  
杯路轉巖窮不見人草衣木食勝蓬萊白鶴翩翩下九天  
金瞳丹頂衣裳鮮且關瓊臺真彷彿瑤池玉液流潏潏  
君生作太平人百畝樓東海濱綠蘿醉卧床頭月碧草  
長耕隴上春聲環行歌百不憂絲服還看稚子遊老來轉  
見容顏好束縛應嗟卿相謀包隱君胡不聞膏以明自煎  
薰以香自焚鼓瑟吹簫且為樂眼前朱紫空紛紜即今已  
自得長生海綠山青旭日升他年若遇西王母騎鶴食桃  
向赤城

石川子歌為荆南姪作

李商隱集卷八

吾家東海之上槎湖之濱白石齒齒波鄰鄰濠梁通日月  
戶牖錯星辰烟霞不改蘭皋色桃李長開錦鏡春羣峯對  
面羅屏嶂雪竇金峨屹相向西南流水接桃源龍虎盤迴  
信靈壯吾家卜食三百年雲仍雜沓多婢娟如爾形神更  
清絕耳目聰明人共憐憶昔垂髫同筆硯講論六藝修篇  
翰一從羅網落風塵暮雲春樹希相見爾今讀書破五車  
胸藏百萬浩無涯盧前王後何當計入室升堂安足譚鵬  
鵬未遂圖南翼翠澤榆枋暫棲息雲雨蛟龍會有期騏驎  
鹽車豈終厄君不見齊門鼓瑟王好竿匹夫拔劍噴隋珠  
下和懷玉身遭刑相如滌器妻當壚又不見終軍棄繻為  
節使千秋一言取相位豫章瑚璉為世珍莫邪鉛刀還自

分丈夫立身苦不早區區莫作蓬蒿人

雙鳳行為棟塘賦

天目山差我造雲端下瞰東溟水日夕揚波瀾扶桑萬里  
掛朝陽蜃閣玲瓏若木光丹霞閃映金銀闕赤漢翻飛雙  
鳳凰前者文采光陸離後者丰神亦自奇聯翩共飲瑤池  
水道遙遠食蓬萊之春風吹連碧琅玕律呂交鳴霜月寒  
五色衣裳裁錦繡朱旗翠蓋擁和鸞從大乙前青霓徘徊  
阿閣朝紫皇日觀天門為羽儀蕭韶昔日降虞庭至治猶  
聞應鑄京靈產已徵光岳瑞垂衣還見泰階平君不見石  
氏純德世所希于公亦自大門閭燕翼貽謀誰復爾君家  
雙鳳足稱美

李商隱集卷八

郭生行為元定賦

郭生十五眉髮青炯炯雙眸如曙星簪筆垂髮伏謁自  
言佔畢誦禮經登堂就席試新詞文彩輝煌錦繡奇造父  
未馳千里御九方已辨麒麟兒伊余遷調入閩中郭生從  
宦復相逢我然冠弁異頭角六經諸史羅心胸意氣應追  
董賈儔文章直擬班揚宗床頭白日瓊瑤榮腋下朱絲寶  
劍雄猶言至理在遺篋長跪慙懇請秘傳開關已見重門  
啓正路還將荆棘刊嘗聞耕稼貴耘耔續學無成猶斷機  
鴻毒無如懷寢藥亡羊自古戒多岐鵬鷃會有圖南羽背  
脊榆枋安足依嗟郭生聽爾師立身苦不早揚名在及時  
春風早上黃金殿補袞須裁五綵絲

竹墟席上賦得長歌行以看不過三字為韻

君家結屋臨江畔萬里風雲鏡中看銷落雕闌錦繡叢  
棟差池飛燕燕吳門昨日賦歸來故人只尺長相見屠酥  
漫倒琥珀杯海膾橫陳青玉案引白呼盧日西沒追思往  
事增悽鬱共羨朱顏映綠袍爾來眼花頭漸禿誰當麟閣  
表勲名獨向丘園慚朽質蹢躅隨夷那復辨莫邪鉛刀是  
耶不君不見雕龍衍多藪過談天論地誰能破數奇不得  
取高封古在空為人所唾海上耕漁且自娛富貴浮雲安  
足慕豺狼白日脯人肝燕雀寧知突炎禍烽火即今傳四  
境老幼皇皇淚雙隨我亦長歌當哭痛哭君兮君兮莫安  
坐

李國定集卷八

苦雨行

一月以來憂旱乾豐隆失馭應龍蟠枯槁莫挽西江水萬  
室空嗟稼穡難爾米銓艾甫登場電掣雷轟雨滂白頭  
共續豐年頌孺子休歌雲漢章那知疾風長怒雨點點如  
拳昏復朝陡見平原成巨浸居然燕寢起驚濤遠峯偷隙  
露青螺白練須更密網羅怪鱷鰐崩地窟長鯨天矯排  
天河初疑天柱剗然裂浪奔烟互糾結剛飈捲樹亂  
摧急溜衝甍四裂又疑甲兵百萬戰昆陽虎豹咆哮犀  
象狂瞬息乾坤成混沌天吳海若恣徜徉此時懷山滅千  
嶂此時駕壑夷萬丈唐堯九年未足多南北東西迷定向  
階下決渠渠轉高榻前支漏漏偏饒漁人艤棹無歸岸飛

鳥投林失故巢即今陸地可行舟沉竈產蛙猶未休何人  
得施女媧術徒令杞國懷慙憂吁嗟乎太平之世逢明良  
雨暘時若維其常極無極備古亦有但願前黎齊樂康  
送李孝甫北上

江上潮生旭日升翩翩畫鷁載青旌手持三尺龍泉劍謁  
帝今為萬里行帝城交游盡英彥傳宣擬上麒麟殿千金  
買賦未為奇錐處囊中應自見老我棲遲碧海濱送君聊  
贈紫芝吟逢人倘問山居事釣月樵雲深復深

題畫圖 其圖曰振衣千仞

君不見泰華山龍從鐵壁摩蒼天星辰盡傍巖隈宿日月  
長從峯頂懸鳥道紆迴百千折鳥驚不得窺其巔又不見

李國定集卷八

滄海水巨浸茫洋蕩無紀二儀八極齊吐吞萬壑千溪盡  
輸委龍宮鯨穴巨穹窿極蓬萊細如蟻風流逸客渺何  
方環視六合俱批糠世人醒齷不自振栖栖蟻虱依視襦  
何當脫却樊籠裡直從無始窺大荒有時策杖青雲端天  
風颯颯吹衣裳有時濯足向溟渤興來擊節歌滄浪往來  
倏忽同風雨大呼小叫如痴狂如芝時和石鍾乳飲流絕  
勝九霞觴吁嗟斯人真好奇棄置人間如徒遺軒冕旂常  
空碌碌桑田滄海誰能期眼底雌雄君莫問僅全韓衆誠  
吾師

呂生行贈東野山人

木峯之陽有呂生少通百氏羅群經身長七尺面如玉

炯雙眸懸曙星對客揮毫不停手江湖乃有能詩名落  
天涯返故鄉踉蹌來謁王芝堂須臾長跪呈篇翰云是名  
公投贈章燦爛珠璣動星斗縱橫錦繡陳琳瑯開尊正對  
洛陽花共看國色薰天香酒酣拔劍各起舞鳳兮鳳兮歌  
楚狂來朝買棹入三吳言尋帝跡之中都高懷擬著三都  
賦稷下雄談盡偉儒宵眠只有烟霞夢行素惟存山水圖  
萍蓬轉元無定此去周流任所如咄嗟叱咤生風雲滄  
海桑田安足論昔君走馬幽燕道元戎降禮何慙歎朝樹  
牙旗看較獵夜燒銀燭細論文題詩送別能幾何已聞刺  
刃同狐豚人生骯髒貴適意軒車鼎食寧長存嗟嗟呂生  
可奈何南北東西多網羅隋珠楚璧曠能識朱顏漸改髮

芝園定集卷八

十二

題東沙圖

清溪曲曲杆烟霧宛是桃源避秦處村居不繪亦不雕青  
蛻為梁白石柱玉壘平鋪枕底雲銀河錯出簷頭樹層巒  
疊嶂斷還連雪瀑霜濤翻不住出戶尋春春日遲東園桃  
李闌芳菲蒼蘚繡成千尺壁玄猿嘯擁萬年枝橫塘落日  
喧漁艇浴鷺浮鷗織釣磯行穿花徑迷幽屐手剪香霞繡  
菱衣逢人自咤還自憐昨朝鬢髮今華顛眼中不覩阿堵  
物盡載朱纓空逞妍避俗猶慙孺子宅閉門獨誦潛夫篇  
為龍為蛇亦何有莫咲楊生偏尚玄

賜谷山人篇

李家兄弟能好文叔也丰姿如玉溫慣從細帙親豪傑每  
灼青黎窮典墳雕龍炙轂胡為爾舒藻揚葩總自珍金門  
不識王侯貴結駟寧知卿相尊扁舟漫拾溪中月芒屨行  
歌龍上雲杖頭常帶烟霞色谷口還隨麋鹿群生平結客  
重然諾萬章原涉何足云以予頗得立園趣載酒論文日  
扣門涵碧堂前時說劍武陵莊上共探春少微星照紫藥  
里白石青泉不負君山中倘遇韓終輩騎鶴凌空覲八垠

太霞山人行為周郡博賦

我聞太霞山真蒙直且華夷間下有無底之洞壑上有百  
恆之峯巒烟耶霧耶瀟莽多丹梯翠壁交銀河生成羅漢

芝園定集卷八

十三

七十二石窓玲瓏跨紫駝旗鼓繽紛列左右狻猊獅象奮  
欲走芙蓉矗矗天倒垂歷歷星辰掛巖口漁樵不到飛鳥  
絕何況馬蹄與車轍華池之水常冷瑤草奇花生不歇  
相傳乃是神仙宮藥爐丹竈森其中方朔之桃凡幾實麻  
姑王女遙相從吁嗟周君何好奇神遊八極空兩儀渴飲  
如膏之王液饑食不死之靈芝常將鷄犬試丹砂佩服離  
披五色霞雲中誤落玉喬島月裡長浮博望槎更裾鳴玉  
非其好每扣天關乞蓬島軒轅不聽廣成歸淹留欲問長  
生道我亦區區晚好玄望洋徒切無真詮塵勞太息人間  
世為君一賦太霞篇

放歌行奉迓南禺



風吹白浪千尺強木葉如雨天蒼蒼偃蹇衡門正無賴長  
吟梁父空自傷竹葉為醪旨且清手栽黃菊紛盈堂未遊  
來歌豈無人願與知已傾一觴昨來雞黍夙戒具鹿榻還  
為徐孺張扁舟已舣月湖畔倉皇出近倒衣裳俄聞返棹  
歸碧沁余余于徒傍徨非關王猷興易畫一龍一蛇應  
無當夢中長嘯孫登側虛擬狂歌李白傍青山遇雨峭更  
奇烟霞匝地成文章禹有酒方豆有脯洒掃斗室焚清香  
君不來兮我如愁君之來兮我心降須臾乞枉高人駕揮  
塵寧知天地長

苦熱行答南禺

常年朱夏苦炎熱爭耐今年太酷烈坐卧清齋如鼎沸剛

芝蘭集卷八

一四

風吹來若大焚嘉樹蟲鏹徧作書四壁暄蒸半藏竭空望  
長江翻翠濤虛憐曲徑飛蒼雪迢迢河朔控長空衣絳清  
尊誰與同爭諍金谷饒佳麗何似高歡避暑宮不從天上  
問廣寒但向人間怨祝融病渴終朝廢餘寢何况當筵理  
絲桐工農操作血汗流行旅頓足嗟道周何當吹律回金  
令飛霜六月驅煩愁何當濯足清冷淵閭風之顛邀且休  
何當遙運遊華胥左揖洪崖右浮丘散髮箕踞無一可水  
簾冰簟誰為謀呼童運帚掃石鏡屈指旬時迎蓐收

後苦熱行

蘊隆蟲蟲太無極朝朝暮暮苦煎迫林皋萬木半凋青海  
嶠炎雲爭吐赤鯨鯢吸江江立枯蠅蚋紛紛起叢棘瑪瑙

冰泉不沃腸琅玕文簟空反側少者悽惶老者咨卧如焚  
灼行如炊時雨時暘有常度胡乃今年獨愆期亂翻翻飛  
怯火樹遊鱗澹澹困湯池璇官瑤榭不自得華門圭竇何  
能支披襟徙倚碧湖干散髮高歌雲漢篇涼颼不來搖白  
羽赫日下照焚青蓮家家井井盡告竭却把黃流強下咽  
群巫庭不死旱魃驕我欲奮起揮龍泉豐隆屏翳胡不仁  
降此萬室之遭迤好聲風好雨各有星尊無光耀垂天津  
奈何七曜佐酷烈不令人喜令人頻眼前百物都為厲鴟  
魅魍魎難具陳行將結伴竹林游誰同大醺醉糟丘行將  
擊汰汎溟渤安得沙棠十丈舟不如清虛守玄牝只尺之  
地皆瀛洲寄言權穢且莫至煮石食苓吾且休

芝蘭集卷八

一五

題畫竹 金太僕作

先生自號瀛洲客胸中丘壑浩無極逢人不復問寒暄呼  
童捉筆調玄液大竿小挺恣揮灑淡烟濃霧紛蕩射琅玕  
翡翠排青雲白石清泉漱寒玉綽約依稀淇水濱蕭疎彷彿  
簞簞當谷入室還疑神鬼愁隔窓似聽湘娥泣龍孫鳳種  
取次生一夜春雷破群蟄我亦平生好奇絕對此心神坐  
飛越緬懷先生渺何許筆底波濤走冰雪不須遠作湘江  
遊高卧山齋美風月

贈上舍生戴仲德

四明山水名蓬萊西望天目東天台靈秀從來降英傑傳  
聞近代稱銀臺有子青年抱殊質竟夕無眠翻卷帙方寸



中藏錦綉奇咄嗟得句驚鬼物白眼逢人不受憐倒囊沽  
酒日十千汎海直窮蛟蜃窟凌雲時躡斗牛邊負笈曾為  
白下游腰間閃映雙吳鉤佛國烟霞恣探討六朝勝槩諱  
瀛洲海內才人都結社曼玉鏗金無不可樂遊苑裏醉聽  
鶯長千里中狂走馬翩翩公子信豪華盡典春衣償酒家  
瑤臺只夢長生草雪霽歸食五色霞時來訪我碧溪頭滿  
浮大白相勸酬杞人之憂空爾爾君兮君兮行且休

再送戴仲德即席賦

日日言歸猶未歸桑門留戀獨何為揮麈頻逢稷下客典  
衣都入酒家兒扶筇曳屐來扣門白日黯黯雪離披急燒  
梢杜蘅都梁斗酒與君斟酌之酒酣耳熱便狂叫起舞長  
劍光陸離城上飛鴉驚亂柳簷前墜雀爭寒枝眼底生憎  
狐鼠輩風波世上無寧時且將懷抱對君盡不問誰何雄  
與雌明發扁舟向江滸青山原與白雲期改園春色今何  
似試扣梅花知不知

芝園集卷之九

六

芝園定集卷之九

五言律體目錄

兩京稿

隱居

碧峯寺

鳳皇臺

靈應觀

永寧寺

遊高座寺

遊邵氏花園二首

登報國寺昆盧閣

鳬溪詩為何華秀才作

竹坡兄輓詩

離別詩

送鄉人

贈悅茶翁

送林貞孚

簡常甫

簡屠合州

送何叔明

別從弟時徵

芝園集卷之九

一

寄常甫二首

蔡九達見過

招楊次和

楊蔡二子至留酌

雨過蔡九達

送應氏

懷奇純

豐吏部見過

送鄭民部之揚州

送潘直卿

贈韋希尹

簡敖子發

贈馮子和水部

簡楊惟仁二首

寄子楊二首

簡馮水部二首

贈左長臣

送林民服歸省

送人還閩

答顧子病中見訊

孟中丞顧廉憲黃秀才夜過得微字

城南閣將軍宅同萬民望屠國望訪楊惟仁分韻

贈惟中秀才弟

送袁景文

西山道院燕萬都閫黃勉之分韻

送葉生懋

送楊大理用德

代贈

石渚詩贈馬順卿

送鄭本德

夕望有懷

七夕二首

漫興

與善寺訪吳惟新不遇

郊遊二首

聞鴈

秋日雜詠三首

風雨出城

元日

隱居

元夕

芝園先生集卷之九

懷春

初秋

廣陵曉發

清河阻風雨二首

輓賀大夫朝卿二首

卧病口占三首

省中雨興

輓葉叅政良器

輓項叅政

次憲府燕集各贈一首

月夜燕客朱氏園亭

齋居

鄔地官館中集

夏日吟二首

奉使北上途中作六首

遊觀音閣三首

芝園定集卷之九

五言律體

兩京稿

隱居

島嶼春常在桃源路不迷  
山禽衝霧落野鹿抱霞棲  
蔓引青松弱崖懸碧草齊  
逍遙堪避世從此覓丹梯

碧峯寺

春雲流碧石春草映芳林  
風暖客裘薄天空鳥羽沉  
軒鋪平野綠徑轉女牆陰  
最愛青松下餐霞款素襟

鳳皇臺

春江白雲起俄與鳳凰連  
雙燕肘間出百花杯下然  
炊烟多度水堆堞已窺天  
昔日吹簫客清歌誰為傳

芝園定集卷九

靈應觀

旅病陶春草群征觸曙關  
樹頭行白日屋下控青山  
靈鏡鳥聲沉玉壇槐影閒  
後遊吾未卜揮手弄潺湲

永寧寺

春風將客騎日日到山亭  
坐愛苔生石香憐花滿庭  
竹圍華屋秀雲冠遠峯青  
有客能相款盃盃不願醒

遊高座寺

寺倚烟霞麗亭開蘭蕙芳  
相逢珠履客同醉綠蘿房  
壑暝雲俱入天長鴈作行  
丹霄今共到舉手接鸞凰

遊邵氏花園二首

金谷何年肇高賢  
此日逢飛霞映修竹  
曲磴吐芳茸白石

僊人洞青松玉女峯管絃還自媚杯竿得從容

當年承帝寵平地作蓬萊暖日羅珍木春風拂紫苔溪隨  
華屋轉筵倚翠屏開芳草萋萋發王孫何處來

登報國寺毘盧閣

蘭閣千梯轉香橋七寶纏風吹白羽扇日映紫金蓮霞綺  
春城亂丹青鳳闕連雲芝手可撥縹緲揖神仙

鳬溪詩為何華秀才作

何子窮經地迴溪勝若耶青山相對出綠樹萬行斜竹嶼  
雙文鳥扁舟五色霞逍遙命儔侶日暮眺金沙

竹坡兄輓詩

自愛青蓮舊俄驚白壁沉庭寒書帶草絃斷伯牙琴風雨

李園定集卷九

龍蛇動烟霞歲月深西河原上路長望涕沾襟

離別詩

朝食共盤匱夕夢貼衾帷肝膽自相照山河誓不違脂車  
臨遠道啓匣出裳衣寧知寸心斷還言千里歸

送鄉人

欲折一枝柳贈君千里行亂雲低樹碧小雨放船輕仕宦  
今通籍鄉邦舊識名燕臺重分首悵望不勝情

贈悅茶翁

吳門白羽客來往五湖撻素髮垂肩短青山入夢餘舊爐  
頻煮月碧盤細食霞陽羨春如許飛騰興未涯

送林貞孚

相見知何日臨岐更可憐扁舟江樹外尊酒故人前出

還吾道交游獨爾賢榕江舊書屋應復絕韋編

簡常甫

時自蜀取道江西歸不遇

傳語出巴峽江門問候人相逢唯夢寐作客信風塵鹵莽  
悲前事艱虞況此身亦知林壑好空戀秣陵春

簡屠合州

翹首西征雁絨書寄所思浮雲春不定流水暮何之巫峽  
君猶吏江城予倘羈歲時一惆悵休聽竹枝詞

送何叔明

一葉下深谷秋風吹石頭客居青柳共鄉思白雲浮尊俎  
聊同醉烟波即刺舟菽田如有暇不忘帝城遊

李園定集卷九

別從弟時澂

久客真無賴西風爾獨來素衣三載別清夜一尊開水落  
霜華動天高鴻鴈哀明朝出門去岐路幾徘徊

寄常甫二首

甬川川上客力穡壯山陰董相匡時策鹿門避地心圖書  
成寂寞魚鳥自浮沉行路多風雨韜藏不畏深

新構面東野開窓通白雲波光上踈竹鳥影下清氣綠服  
芳春意玄編太古文我行有王事天涯頻夢君

蔡九達見過

與子一彈冠休歌行路難風流高士度溪潭故人食尊湛  
清溪月花香碧玉欄散廬終日吟相得易為歡

招楊次和

弱植時應棄幽懷子倘知瓊瑤元自重夢寐亦先期竹葉  
包新雨楊花引曲池猶聞黃鳥語掃石整春巵

楊蔡二子至留酌

有酒一斟酌相看即故人清溪落日靜輕燕蹴花頻薄餉  
新炊霧高懷得借春誰憐仲蔚第碧草細生塵

雨過蔡九達

雨出畏長道雲棲及午陰青春甘菽水白首泣琅玕樹愛  
連城碧花愁滿地丹時來取琴瑟與子再三彈

送應氏

夙駕出京國行雲羃戍樓金門高不極寶劍若為投白放

支園文集卷之

秦淮月青牽吳會流憐君到東海霞嶼恣遨遊

懷奇純

憐女玉為姿埋光南海湄烟波意不盡瑤草興無涯時序  
催殘臘乾坤感宿知不應成漢落猶爾滯周畿

豐吏部見過

吾自愛幽獨獨煩高士車開軒引修竹下榻俯清渠雨長  
雲山碧風行草樹虛與君皆疾病懷抱若為舒

送鄭民部之揚州

秋雨滿江東君行深樹中寒知岸葦變碧愛渚雲豐草色  
圍官舍波光逗夕鴻應憐明月至朱瑟與誰同

送潘直卿

鴻鴈領秋色江南桂子香旌懸石門近雲度剡溪長白水  
朝朝霧黃蘆夜夜霜那堪正蕭颯把酒送潘郎

贈韋希尹

草際雪光白出門逢所思有懷各勿道握手是前期江漢  
行新臘飛翔每異枝須更君復逝卮酒詎應辭

簡教子發

朝攀石上英遺子白門亭作吏知時最著書何日寧土花  
雲助碧山木鳥分青猶共南宮柳時時逐客星

贈馮子和水部

別君今五載見君唯一朝風塵各自厭琴瑟還相招烟染  
沙中樹人驅北海潮呂梁河下路明發不停橈

支園文集卷之

簡楊惟仁二首

喧爾睢陽吏何如青瑣時鳴琴依玉署為佩繼瓊枝石近  
雲生楊川迴月滿城祗應寒秋杜夙夜寄相思

無人憐逐客獨自憶長沙諫草今何在風波詎有涯駕車  
時問俗倚柱夜聞笳失路休嗟淖河陽好種花

寄子揚二首

王陽祭在位吾道有光輝星月宵看劍風雲晝掩扉芳春  
懷杜若客路念緇衣疾病今如此南山猶未歸

仙草盈懷袖如何忘爾貽滄江聊自詠永夜每相思作賦  
憐飄泊看雲感別離簡書俱不報白壁有誰知

簡馮水部二首

水部名元重河梁政有成著書山月白放鶴晚風清  
瓢巴曲空懷李予情綈袍余自製與爾結芳盟  
鴻飛道北渚何日到河梁為爾風雲客憐予道路長天涯  
青草至石澗紫芝芳琴瑟那能御知音未可忘

贈左長臣

左思詞賦客不作栢梁臣馬宿鍾山雨花憐禁籞春風雲  
皆事主郎署復為隣及爾同遊衍沉憂莫復陳

送林民服歸省

大夫縣紫旆相送出江東那忍仙舟去猶憐尊酒同山青  
建業雨雲白武夷宮繡服承歡處芳蘭滿故叢

送人還閩

李國定集卷九

六

爾躡青雲去相將到武夷白華春有賦芳草意何其夕伴  
星辰宿晨隨燕雀飛騫應有路刷羽自今茲

答顧子病中見訊

伊昔盟心久那堪握手稀白雲繁作舍黃葉靜蒙扉齒髮  
先時落芳華復爾違春茲林上鳥晨出暮同歸

孟中丞顧廉憲黃秀才夜過得微字

碧館秋雲宿清溪北斗輝夕花文俎豆賓詠富珠璣月倚  
宮門漏風含蕙葉衣白駒無遽返永夜欲相依

城南閭將軍宅同萬民望屠國望訪楊惟仁分韻

江苑萼萼夕春風玉漏長異鄉今日會明月故人觴句樹  
圍山郭溪雲帶草堂明朝與君別兩地莫相忘

贈惟中秀才弟

爾來披雨雪尊酒得相親鼓角青城暮山河碧草新十年  
鄉國夢萬里寂寥身天路長相憶飛騰及早春

送裴景文

故國芝蘭好天涯盃酒情如何芳草發復送彩舟行樹雜  
烟霞秀江涵星斗明春風動吳會花鳥是歸程

西山道院燕萬都閭黃勉之分韻一首

醴酒黃金爵庭花白玉姿亂雲蒸雨疾密樹引風遲石閣  
烟霞秘江城錦繡奇當筵不盡醉奈爾碧山期

送葉生懋

荒落慙吾志慙慙見汝情交游非浪跡學道豈徇名曉日  
長亭柳秋風白下旌故園何日至青嶺桂花榮

李國定集卷九

七

送楊大理用德

西蜀文章客清都訟獄平舟隨落花去雲望故鄉生劉向  
功名薄楊雄賦頌成從今奏上最早晚侍承明

代贈

楊柳暗官城攀條送遠征春風雙劍迥暮雨片帆輕綠水  
蒸陰霧青山作錦屏應從赤松子服食擬長生

石渚詩贈馬順卿

石壁連芸閣青雲帶錦沙澄江千頃碧瑤草四時花晚詠  
滄浪曲秋迴星漢槎應逢謫仙子終日醉流霞

送鄭本德

二月河水泮輕舟棹碧波柳交行旆綠雲出曉峯多壯闊  
甘泉賦春風寶劍歌天涯一尊酒相送意如何

夕望有懷

落日照虛戶白雲生遠岑如何官舍裡一似翠微深沙鴈  
寒偏聚草蟲幽自吟還憐異鄉望得見羈人心

七夕二首

霞房經歲隔雲駕九霄俱未信離當合翻悲景易徂水樓  
晴吐月城樹夜棲鳥何處玉簫客長歌入紫微  
月出空堂夜星懸白王京亂螢流短草淺水照疎櫺羽蓋  
天門合雲衣鳳輦行閨中有思婦悵望不勝情

漫興

李國定集卷九

盡日不得意觀魚如柳陰天青雙鳥度雲白數峰深秋色  
戒王國鄉心漫越吟漣漪興不極把酒一謔吟

興善寺訪吳惟新不遇

訪子白雲觀朔風吹遠天地偏雙樹迥客至一琴懸草結  
鍾山雪鷄鳴楚水烟含情空自返落日正堪憐

郊遊二首

春程隨處好逕草已全生平嶺穿雲入遙村帶雨征馬移  
山色亂禽聚水光繁預擬高臺上深杯得共傾  
路出片雲外烟霞萬井同江山二月雨楊柳一春風草舍  
面岑石清溪多桂叢塵心應自遠長嘯紫霄中

聞鴈

為傍玉關樓風霜稔自知滄洲肯犯露碧海曉淪淪  
將疎影新書寄遠思唯應候春色歸羽互差池

秋日雜詠三首

初驚楊柳變復訝洞庭波欲采蕙蘭去其如霜露何遠林  
霞護竹平野雉穿蘿落日村春急豐年黍稌多  
官城元枕水朝暮白雲歸寒憶蕨落晴看鷗鷺飛輕帆  
行木杪碧草照荷衣永夜月如練沙頭莫掩扉  
青楓啼夕影黃菊殿群芳獨鶴來何晚高臺漢以涼溪雲  
晴入幔沙草碧沾裳幸有盈觴酒沉憂為爾忘

風雨出城

久客無完褐有家東海邊風雲猶漠漠意緒日懸懸亂折  
寒城雨啼鳥野市烟沙深沒馬足顧影獨凄然

李國定集卷九

元日

王衡俄改歲物物孕天和山近朝霞滿天長瑞靄多流雲  
青巖水廣隰綠生莪亦有陽春曲朱絃奈爾何

隱居

石屋倚青空流雲滿澗中朝陽花點點春雨草叢叢樹有  
禽相語苔無逕可通如何紫芝客長此偃高風

元夕

此夕寧常有深杯西爾傳星從樹杪出月自鏡中懸野火  
遷平陸華燈架廣厦猶言河漢上彷彿下神仙

懷春

車馬何時發丹榮漸以敷一春多好鳥十日長新蒲白白雲鋪樹青青雨慢湖東郊芳草路宛見水中鳬

初秋

日暮茅堂開風雨送秋來天白沙中樹潮青石上苔網蟲猶變化紈扇獨徘徊露下行人發那禁畫角哀

廣陵曉發

征夫逐草露夜夜月中眠霧擁玄猿嘯風吹白鴈旋有江能繪樹無路不生烟旭日秋光淡芙蓉亦可憐

清河阻風雨二首

客子倦行役滄江日滯留雨譁征旆晚風落紫蘋秋岸葦深藏樹溪雲白滿舟中流擷芳草南望思悠悠

玄冬猶水宿其奈朔風何素服塵中敝青山夢裡過鳴笳

芳歲晚倚劍碧雲多憐爾幽棲羽江湖有網羅

輓賀大夫朝卿二首

為官二十載直道與時違德比璫璣重材應廊廟知干將俄已化丹鳳竟何之佇望清江曲秋雲滿樹枝

寂寞泉臺夜憐君此掛冠有田俱種玉無地不滋蘭未慰蒼生望空嗟末路難緇衣不可贈日暮淚沈瀾

卧病口占三首

十稔嬰多瘁三秋瘁百病圖書俱不御藥餌近偏多受命今如此吾生可奈何若為苗畝耕稼隱山阿

漫漫冬夜長皓皓月中霜鼓柝何其近星辰具爾光遡遡

憐往昔零落念同行日月紛相禪為生已大荒

散吏章程簡幽棲巷街深鵲旋庭樹曉霞紫石城陰歲月青瓊散芝蘭白露侵人生自有命偃仰亦何心

省中雨興

何處多芳草春江日爾思高臺雲出沒雙燕雨差池水絡清溪宅花飛白石堤長安三月盡車馬至何遲

輓葉恭政良器

豈是騎鯨客長驅何所之天涯青草夢淮水白雲期雨露思東郡功名想度支故鄉原上草日夜擁懷悲

治行真無匹文章亦有聲金魚方重綰寶劍忽還征兆掩龍山月雲寒發水城鳳毛瞻遠道涕泣日沾纓

輓項恭政

次憲府燕集各贈一首

朱藥南山暮乘雲逝不知人傳驄馬跡郡有去思碑直道應三黜知幾豈後時淒涼蒿里客劍布有深悲

右孟有涯中丞

文雅中州望衣冠江左孤烟霞分五嶽風采動三吳甲第當山落千旌擁道呼他年憐放逐高咏滿江湖

鳳凰遙振羽天路罕追隨春灑龍蛇筆秋傾玳瑁卮文章

湖海望風紀廟堂推獨自憐初服飡霞白玉池

右顧東橋憲使

草玄棲石郭朱藥駐仙宮衣染山雲白窓嘶桂露紅薦書



秋未遑藻翰世無同愛湖五湖上乘乳駛遠風

右黃省曾秀才

月夜照客朱氏園亭

窈窕將軍宅招邀長者車彩霞秋竹亂零露夕花舒水抱庭除碧屏開石鏡虎尊前好明月相對意何如

齋居

湖風雲迥形庭日月臨明裡昭代典肅戒小臣心雨露天倚渥星河夜不沉長安千萬里應獻太平吟

鄒地官節中集

省忻聯署春宵恆聚星山雲流戶白江雨出林青酒綠碑磔盤花開錦繡屏憐君袍服愛車馬故須停

芝園定集卷九

夏日吟二首

積雨連昏旦陰雲被石隄柴門芳草合新水綠蒲齊野竹藏青鳥藤蘿引碧鷄著書經歲月來往小齋樓

朱陽馳廣陸多病習玄虛白水蒸陰霧青雲覆石渠門無車馬客室有養生書何似林中鹿相將縱所如

奉使北上途中作六首

歲晏苦水霰翩翩客騎征彤雲天路迥旭日綵旆明山水開雄鎮樓臺峙帝城驪駒何以賦黯黯獨傷情

右石頭城

青陽開淑景綵鷁動長流岸冷棲烟霧旌行犯女牛筌簪下環珮水仙遊風物東南盛春懷不自由

右廣陵

旅宿淞晨暮清波駐綵航雙鳧春浪雪孤雁楚天霜深處靈祠在謀臣霸略亡空餘烈士淚風雨泣干將

右淮陰

市鼓寒更肅官旄津吏遲猶言納履地長憶受書時賈舶依燈集星河逐岸移豈無柑桂酒寂寞罷衙庖

右下邳

昔聞圭組客乃與赤松期韜畧人中傑功名帝者師夜月寒城角西風枯樹枝椒漿何以奠嘿嘿動遐思

右留城

流水寒雲積荒亭宿草鋪高歌懷猛士寶劍著雄圖佐有黃公畧祥生赤帝符至今湯沐地千載仰王模

芝園定集卷九

右歌風亭

遊觀音閣三首

春江一雨過樹樹水禽喧草色沒羅幃沙光轉石門戍樓雙角渺客路片帆昏水靜月來早松醪正滿尊

同是宦遊客來登江上樓窓中雲不滅烏下水長流日薄海西樹鳥隨沙際舟長吟未能去宴息草庭幽

曲水寒橋路斜陽燕子磯星河浮海嶠魚鳥詫春衣金磬雲俱落漁舸月已輝為官得水宿顛倒話松扉

芝園定集卷之九終

芝園定集卷之十

五言律體目錄

藩臬稿

次韻留別洪都藩臬諸公

宿華嚴山館次韻二首 德安道中二首

豐城夜泊 白鹿洞六首

宿南渡 日嶺

湖山寺 龍隱潭

再至德州次壁間韻 至日行部至高唐

長清夜坐

春日同後岡山行別後有懷

夏日答午坡見期 簡屠方齋在告

三園定集卷之十

冬晚卧病答陳後岡二首

劍溪舟行酬後岡 邵武道中

歲暮山行四首 越江放舟追鳳泉不及

茶洋曉行 玄妙觀偕諸司集二首

七夕遊白雲寺二首 初冬二首

登海天寺樓 劍池

西園 烏石山

九仙山 過湖頭渡

仙姑巖 遊鼓山二首

大王峯次中溪韻 一線天

渡錢塘 初夏

自清泉至衛源舟中作五首

都城春寓 陸發喜晴

道中見新月 南廓卽事

渡黃河 裕州館中作

經子產墓 行次南陽

南徐喜逢屠竹墟使君二首

初至楚藩 寄甬川少宰二首

桃源道中 新店道中

辰陽道中 次懷化驛

貴陽道中即事三首 過盤江

入滇賦所懷四首 出郭次韓石溪

三園定集卷之十

戊戌除夕三首 已亥元日

望泰山不至四首 出湧金門汎湖至六橋

王泉寺 瑪瑙山居

昭慶寺 大佛寺

寶叔塔 岳武穆祠

紫雲洞 北高峯

賴光庵 靈隱寺

飛來峯 天竺寺

藕華居 宗鏡閣

居然亭 虎跑寺

南高峯 烟霞洞

石屋洞

龍井

雲居庵

壽春庵

聖果寺

內教場

遊育王寺二首

極目亭

遊天童寺二首

泛東湖二首

大慈寺

霞嶼寺

月波寺

遊金峨寺次定齋韻二首

遊天王寺

芝園定集卷之十

五言律體

藩臬稿

次韻留別洪都藩臬諸公

少年聞道義白首以為期豈是曾參謗應慚鮑叔知梅花江路永瑤草故園思最恨同棲羽翮飛各有差

宿華嚴山館次韻二首

石壁開幽徑征車逗短亭霞飛平野赤雲入亂峰青鐘鼓春山寺梅花驛路庭相看有雙鶴長睡夜初醒

草綠春程好花開石鏡明溪流交戶白嵐翠入簾生愜有烟霞勝空懷達士名虛簷星斗近明月最關情

德安道中二首

芝園定集卷十

陰城懸宿雨曉樹積炊烟鳥語時時變山行處處便亂藤

春匝路新水夜平田野麥漸秀人民勝昨年

密霧屯長坂輕輿驟曉噴旌旗青作隊鷗鷺白成群峭壁

連雲隨清流觸石分前村有山館花發正紛紛

豐城夜泊

白日秋逾促黃花晚正齊高城迴斗極層漢結虹霓帆落

蕪陵渚潮平楊柳堤劍江今夜月照影不成棲

白鹿洞六首

山迴盤石谷徑轉豁雲門靜榻飛花細露芝浴露繁官墻今見聖流水舊通源六籍虛塵壁青衿此共論

右洞院

平臺開絕壁西望五峯高  
暝樹棲山燕春苔繡石  
魚遊吹淺浪龍卧起驚  
濤莫學任公子垂綸釣  
巨鰲

右釣臺亭

浮橋通翠嶺蹀躞夾青  
松底柱危還峙迴流曲  
自宗日穿羅漢嶺雲出  
丈人峯學士經行地空  
餘鹿豕踪

右獨對亭

諸亭已愜意更有最高  
亭密樹斜圍屋簷花間  
作屏巖深朝礙日簷靜  
夜垂星騎鹿何年客  
餐霞養性靈

右高美亭

雲壑幽姿結層霄石磴  
懸匡廬紅掛日彭蠡綠  
浮烟恆有絃歌地深懷  
禮樂傳大觀誰共解寂  
寞愧先賢

王國定集卷十

二

右大觀亭

薄暮上高丘迢迢望九  
州江含千嶂碧壑映五  
雲流紫蓋生烟霧青蘿  
掛斗牛因懷高士跡風  
雅至今留

右六合亭

宿南渡

路出青山峽雲移碧水  
艇新蒲汶洲渚斜日照  
村家林暝鳥翻樹潮來  
月滿沙綠知丘壑內偏  
自有烟霞

日嶺

仄徑緣梯入孤峯偃漢  
撐盤迴千嶂動縹渺一  
雲生閣倚藤蘿暗泉流  
海日明山花頻送酒酩  
酊覺身輕

湖山寺

喜有湖山勝真同靜者  
居入門圍綠竹臨水數  
遊魚礪擁靡蕪草風翻  
貝葉書清虛那復爾欲  
發更踟躕

龍隱潭

磴險愁窺窳巖開始見  
天衣裳牽宿霧石罅瀉  
鳴泉四壁松蘿古孤峰  
日月偏雲雷時不歇知  
有白龍眠

再至德州次壁間韻

搖落三秋日馳驅兩度  
關星河滄海闕砧杵夜  
堂寒動業流年逝親知  
見面難青山麋鹿伴夢  
寐獨相干

至日行部至高唐

劍拂天涯客平原落日  
曛葭灰寒應律燈火夜  
連雲樹抱虬龍影城迴  
斗柄文樓遜孤館靜霜  
月白紛紛

王國定集卷十

三

長清夜坐

豈有匡時策栖栖數問  
津未諧丹壑夢空戀碧  
山春烟霧深迷樹星河  
遠趨人卜居那可賦燈  
火獨相親

春日同後岡山行別後有懷

簿領暫云輟風流良在  
茲因隨高士屐得副春  
山期竹樹看無盡烟霞  
探屨奇那堪賞心處歸  
路復參差

夏日答午坡見期

湖海誰同調丹砂祗自  
尋松雲朝結綺竹露晝  
屯陰病肺長辭酒清心  
獨賴岑多君數相慰空  
作短長吟

簡屠方齋在告

豈是文園病經旬不放  
衙避人看綠草閑戶養  
丹砂白日

長懷殊方未代瓜夜深還不寐明月映窓紗

冬晚卧病答陳後同二首

澤國寒雲積空山落木多幽懷忽不愜芳歲屢于過出處  
應憐我交游信匪他居然見風雅無復羨陰何  
澹穆邈仙源端居寂不喧莊周齊物理楊子好玄言誤以  
簪纓縛還將藥裹翻滄溟終共去歲晚意彌敦

劍溪舟行酬後同

言理還鄉棹偏聽鳴鳥繁白花飛斷浦青草暗平原心與  
雲俱逝歌從水共喧清宵何所夢把酒對君言

邵武道中

明發衝寒露征旌載曉星水穿雲竇白天掩石門青鳥雀

李商隱集卷十

爭陽谷松欒間短亭所嗟筋力薄奔走未遑寧

歲暮山行四首

磴險懸輿度山空伐木聞芙蓉寒抱日石壑亂蒸雲袖有

丹砂訣行看麋鹿群瑤花頻承掇日暮佇思君

歲晚還行役空山聚客星梅花千澗白桂樹一冬青水靜

燈偏亂雲深戶不扃清宵無別夢趺坐誦黃庭

駕壑虹橋迥盤空鳥道賒幽禽驚避節春草細迎車澗暖

紅流玉林深碧透霞野人忘禮貌長跪進胡麻

瞑宿投燈火晨興拂薜蘿天圍青野樹風纖錦溪波鴻鴈

寒仍少蘭蓀雨更多應憐白雪調不奈碧山何

越江放舟追鳳泉不及

如何青雀舫不共白雲行蘭藻期共擷風烟悵獨征轉沙

看旆遠邇瀨狎帆輕何處山椒月深杯對爾傾

茶洋曉行

涼月掛東壁曙霞揚紫光天河七星轉石瀨九溪長唧唧  
草蟲語蒙蒙山葉蒼沾濡畏多露獨立振衣裳

玄妙觀偕諸司集二首

碧嶽征驂駐層霄羽士家庭開青障月旗建赤城霞玉液  
寒通砌金蓮夕放華猶聞白雪曲游衍興偏賒

芝林標勝跡蓮宇抗清濤共是青雲客來棲白鶴岑玄巖

星漢轉丹洞薜蘿深仙馭何當即空憐靜者心

七夕遊白雲寺二首

李商隱集卷十

脉脉三秋夜盈盈一水長紅霓承鳳輦機杼染文章樹引

青霞入風吹紺殿涼還將紫芝曲長以奉瑤觴

地僻雲長據山迴樹轉青珠林翻白羽石室貯丹經乍喜

栴檀馥時看霧雨零猶言河漢上環珮正娉婷

初冬二首

草樹殷霜改魚龍入暮愁佳人裁錦字遊子振貂裘銍來

寒仍欽銀河淡不流如何江上月夜夜照吳鉤

何處悲孤角俄然霜露淒高雲看引鴈落日聽鳴鷄寒谷

曜黃采清溪出素霓大刀心共折展轉不安棲

登海天寺樓

紺殿邀仙客春樓控楚江潮通南浦浦雲斷去來艘綺樹

斜交席層巒對倚窓最憐花上蝶照影自成雙

### 劍池

石徑緣青嶂朱筵敞翠微采蓮牽水荇移舫亂雲衣夜引  
鳬鷺入秋生斗柄輝塵纓聊暫濯容與憺忘歸

### 西園

昔日稱佳麗今來作勝遊碧渠穿樹入紫霧抱階流鳥亂  
芙蓉夕歌翻幽菡秋添園如可托長揖謝王侯

### 烏石山

漸與塵寰隔俄將霄漢隣虛巖通日月踈牖錯星辰野水  
秋涵壁鳴禽晚近人荒苔時拂拭得見舊題真

### 九仙山

李園宋集卷十

高臺凌紫極極面出烟霞寺古松生甲林深石繡花朱闌  
懸海屋玉笛動雲牙自是神仙宅蓬瀛未足誇

### 過湖頭渡

旭日朱旗動河橋白馬來洩雲奄作雨積霧亂成堆赤嶂  
千峰交青郭一逕開征行無伴侶鷗鷺日相陪

### 仙姑巖

石磴盤青漢僊壇倚碧空白雲松桂嶺靈雨蕙蘭叢寶鏡  
天門迥霓裳鶴馭東塵根元自了玄事倘能窮

### 遊鼓山二首

瑤臺何處是窈窕赤山阿疊嶂流丹碧長林錯綺羅俯將  
雲作席遙睇海層波飛動真無那青天一浩歌

肩輿攀白日衣袂攝青雲瞰海芝峯出中天石鼓聞銀河  
晴的空翠濕紛紛瑰爾巖樓者長同鸞鶴群

### 大王峰次中溪韻

不有風流客那知太上峯盤雲出鳥背拂石禮仙容鍾乳  
流丹壁巖花開紫茸夷猶終永日昏黑尚捫松

### 一線天

谷轉靈泉出雲開玉樹連層巒摩白日削壁漏青天路以  
誅茅得居因避地偏平生好幽勝到此更情牽

### 渡錢塘

嚴霜塗野草晨起戒衣裳又是風塵客能令髮髮蒼艦衝  
雲片斷風逐浪花長遙看日出處螺黛儼成行

李園宋集卷十

### 初夏

春事夢中盡俄驚朱夏來寸心亦何戀延佇首重回未遂  
丹丘隱還憐白髮催故園萱草色一為壯堂開

### 自清泉至衛源舟中作五首

征途貪利涉何事乃栖栖夜泊長依柳晨興但候雞雨餘  
山盡碧風動麥初齊共說閭閻樂長歌徧大堤

飛鳥將盡舫只傍片雲行本以風波客因舒覽眺情烟凝  
村店近月上野鐘鳴一曲陽春調停琴待友生 其二

不是滄浪水臨流試濯纓桑鳩依葉語麥雉引雛行汎渚  
枯槎出揚帆泛照明渡頭簫鼓近稚子亦相迎 其三

揚舲日南邁湍湧戒舟師淇衛自茲去烟波相與期短檣

交拜燕新柳間鳴鸛落日平原上紛紛車馬馳其四

行邁未云已仍為江漢遊青山隨處好况乃在滄洲未容  
衆禽亂川平澹月流停橈來曲浦驚動夜棲鷗其五

都城春寓

長安三月至不見一枝花苑樹遲宮旭城陰繞禁鴉上公  
胥補袞中使數傳麻樽散真無用飄零莫怨嗟

陸發喜晴

一夜雨如注朝來晴日暉雲輕不障路霧重稍沾衣幽澗  
百禽響青天一鶴飛天涯總行樂早晚惜芳菲

道中見新月

徑流螢度池塘夜氣清蛾眉新月吐來照遠人行銀漢

老圃集卷十

光猶冷蟾蜍魄未盈不須三五夜鑒影已分明

南鄰即事

山川杳不極驅馬入鄰中鳥語還無異鄉音稍不同路槐  
青宿雨野日白高峯桑棗迷行跡微看一徑通

渡黃河

黃河迴九曲適郢下經過積雨初添漲無風亦自波人行  
沙岸小樹近夕陽多為愛滄浪曲因之鼓枻歌

裕州館中作

日落鳥飛急紛紛投遠林應同行邁者山館夜來尋松月  
澹相照草蟲時一吟開書對明燭因見草玄心

經子產墓

寂寞青山路猶聞遺愛傳荒碑微辨字宿草不知年斜照  
移林木歸禽破暝烟即今滄海上幾度變桑田

行次南陽

入郭誰相迓臨風獨振衣應知世人意不為姓名微野水  
一螢白青林片雨飛荒村驚客至已自掩柴扉

南徐喜逢屠竹墟使君二首

歲暮遠為客悲風日夜吹但思逢故友猶恐失前期忽報  
旌旄至相將笑語宜寒更對明燭不醉欲何為

客愁不可道有懷君倘知向人羞飲啄多病強驅馳宿草  
寒俱白陰雲凍不移空憐匣中劍步步獨相隨其二

初至楚藩

老圃集卷十

乍得近初服青山結草廬又辭東海釣來食武昌魚座引  
群峰入城含碧水虛山川自為美政理愧今初

寄甬川少宰二首

故國經年別風塵兩地秋長因羽毛至轉使夢魂愁野火  
燒殘臘水霜慘散裘壯懷那復爾談笑看吳鉤

正喜雲龍會尤憐海甸春振衣朝日月納屐近星辰古已  
思舟楫人今仰鳳麟容顏頽自愛莫使二毛新

桃源道中

山雲長作雨白日亂峰深草長泥猶滑風生鳥自吟長懷  
垂釣侶却城棄繻心萬里桃源路何因此日臨

新店道中



撫劍忽不樂長歌行路難無能空結駟有地可滋蘭斜照  
偏移樹青山一解鞍西南星漢近不似故鄉看

辰陽道中

初日映扶桑驅車上壘長雲中行劍戟谷口散牛羊桂樹  
誰相贈風塵祇自傷羊腸隨處是黑黑媿王陽

次懷化驛

石徑千峯轉溪流一鏡明日斜人影亂雲逐馬蹄行祇畏  
簡書促還憐枕簟清山房下塵榻得見晚霞頽

貴陽道中即事三首

溪條盤幽篁刀耕偏大堤亂山圍作戍細草踏成蹊鶴渚  
晴猶霧虹橋近可梯若為愁不寐徹夜有猿啼

李國宋集卷十一

毒熱正無賴天風忽下來迴溪雲葉墜斷嶺石門開谷應  
孫登嘯秋生宋玉哀相將雙白鶴倘可到蓬萊

何事栖栖者長驅度鬼方伐檀空有賦陟岵望偏長沙吐

溪流白城含樹色蒼清尊誰與共秋月正生光

過盤江

微雨灑長道征旗度曉風瘴來千樹黑溪入五雲通絕壁  
虹霓走澄潭蜥蜴官當年聞戰伐流血滿江中

入滇賦所懷四首

天邊來傳客歷險到殊方草長知烽息民流屬歲荒岩花  
童潤密木葉墮衣裳何事秋風起愁看白髮長

山路日多雨我行猶未休碧溪雲不定青草瘴仍浮客久

旌旄落天空鶴鶴秋卜居何以賦長嘯擊吳鉤

寒燠經時變浮踪不自由迢迢望鄉邑歷歷見林丘紫澗

屋頭出白雲巖際流春言霞卧者即鹿諒非謀

雲起千峯失猿鳴清晝陰褰帷從霧入度壘病泥深石出

泉流戰橋低野竹侵桑孤自有事偏動故鄉吟

出郭次韓石溪

驅車出西郭碧海望無涯澗僻晴多草林深凍有花陰雲  
舒敗屋飛鳥亂平沙况是悲秋客愁聞日暮笳

戊戌除夕三首

信美非吾土悵然生獨悲山城一騁望雲物動遐思改火  
知時變羈栖屬數奇還將一杯酒要與故人持

李國宋集卷十一

對酒忽長嘯客愁難為裁年華夢裡逝春色暗中来河柳  
青俱吐山雲濕不開空堂有明燭永夜獨徘徊

歲運若鱗次愁將明鏡看依然異鄉客不似舊時顏宦拙

從入誚陸沉且自寬懷中有書記休得上長安

己亥元日

鬢年知學道四十尚無成跡以支離病名因傲世輕青春  
奄入望白髮已初生倘共鹿門隱荷鋤還力耕

望泰山不至四首

驅馬長清道遙瞻泰岱巔封碑存漢紀石碣表秦年貝闕  
鮮霞麗瑤臺珠樹駢招邀未能去獨賦遠遊篇

丹丘何處是窈窕入雲高王帛來殊俗金壇時百靈星河

宵歷歷烟霧畫冥冥早晚食玄液逍遙爾形

自喜山城僻還憐蓬島遥青厓盤鬼谷赤嶂起神霄洞裏

金光秀雲中絳節朝飛騰誰與共天路坐吹簫

天門通羽蓋日觀啓金宮玉檢千秋秘珍符異代崇日月

垂青壁烟霞邊碧空遊人迷處所靈異未能窮

出湧金門汎湖至六橋

出郭瞰初爽移舟浪始平柳搏山霧濕鏡轉岸花明羅綺  
爭橋渡並觴藉草傾相逢霄漢侶得遂冶遊情

玉泉寺

紺宇瀟瀟澄碧青雲覆石渠穿巖驚宿鳥撥藻數遊魚掃榻  
霞扉敞藏經石室虛山僧知愛客碧草不教除

玉泉寺集卷十

十二

瑪瑙山居

闢戶通靈竇披林瞰夕波路移斜照小峯擁碧雲多徙屨  
循芳蘚褰裳礙綠蘿不因窮勝討那得伴陰何

昭慶寺

紺殿倚城隅諸方此受符彩霞騰秘閣赤日射澄湖寺古  
桺檀馥林深燕雀娛群峯堪攬結飛動欲誰俱

大佛寺

碧水映招提相過碧草齊殿頭巢鶴鶴松頂掛虹霓竹密  
難窺戶花開自作蹊高人岷岳能習靜為借白雲棲

寶叔塔

何年開化國天半削芙蓉水抱金銀闕山連日月峯蘭花

嬌映玉竹葉淨生風不有幽棲者誰憐達士踪

岳武穆祠

百六遘屯遭中原胡馬旋龍城烽火暗虎符鐫鏤捐宰木  
皆南向陰雲直北連至今瞻廟貌血淚洒幽燕

紫雲洞

木末關長閉鐘鳴路始通側窺丹嶂入兀坐紫雲豐石屋  
開三峙瓊枝秀幾叢六根那得解早晚躡仙宮

北高峯

復嶺盤青漢危峯峙碧空顏霞標海樹白日走江虹桃片  
千巖落松陰萬壑重紫微真可到脫屣會相從

韜光庵

玉泉寺集卷十

十三

僻塢人稀到珠林寂不譁翠盤龍鳳竹香洩蕙蘭葩碧水  
通雲竇陰崖吐石華春遊應自好聊爾演三車

靈隱寺

迢遞沿芳澗青山春可憐巖阿陰作霧棟宇暖生烟鳥度  
珠林樹蓮開玉井泉山僧常避客何處得安禪

飛來峯

疊石圍青壁澄湖映赤城峰迴雲盡入洞轉月初明窈窕  
丹丘秘道遥玉女行山中有真隱長坐說無生

天竺寺

真府群靈聚高臺大帝居朱旛充棟宇寶樹列階除洞長  
金光草函封玉檢書何人吹鐵笛縹緲紫霞裾

藕華居

淨土休深麓香風扇樂闌樹迷山徑斷雲墮石房寒玉沼  
環門碧林花綴日丹黃精隨處得來共遠公餐

宗鏡閣

梵閣倚天開飛簷踰玉臺星浮銀漢轉日自海門來過客  
常聽法高僧數渡杯天台何必問即此是蓬萊

居然亭

孤亭懸絕磴飛巖駐遊車石髓春流乳蓮花晚映裾雲歸  
青嶂杪雨灑碧林虛自得丘中樂逍遙興有餘

虎跑寺

瑤臺真迥絕獨自占烟霞閣暝前峯雨泉流曲澗花珠林  
李園集卷一

曹伏虎法井自騰蛇何處堪投褐青門已種瓜

南高峯

密竹通幽徑層巒疊翠屏江翻千嶂白雲出萬峯青度嶺  
迷花塢穿林憇石亭禪關終日閉不解問玄經

烟霞洞

自得烟霞路長隨麋鹿群珠泉寒映雪石榻細蒸雲寶錄  
千秋秘靈巖五色文洞中蒼蘚合寂寞對殘曛

石屋洞

已訝祗園畫猶憐洞府奇玲瓏飛霧閣截翼撫霞祠法象  
層層別青蓮朵朵垂丹梯何處轉芳草使人迷

龍井

絳闕徘徊麗靈局紫霧深神雲標碣石密樹引潮音往牒  
傳金簡輕輿控至岑遨遊非避世空有武陵心

雲居庵

時石峯方伯張燕

蘭若藏雲腹行行石徑長開窓邀樹色列席鏡湖光地迴  
星河別山深芝木芳使君能吏隱留客醉霞觴

壽春庵

眺賞真無厭山房復暝投疎星攢岫出明月映階流亂竹  
苞青篠新松長翠虬不禁清夜夢展轉入瀛洲

聖果寺

盤辟青巖畔逍遙碧漢中對門江浴日入閣樹交空洗藥  
因靈澗淪霞傍法宮山中雙白鶴與爾得相從

內教場

在聖果寺山頭勝壁諸峯下有  
九宮八卦之田云宋高祖藉也

梵宮分福地帝藉按圖經江霧吞城白湖雲壓樹青藤蘿  
齊蓋屋石壁對為肩何處聞孤嘯清風生翠屏

遊王寺二首

本是烟霞客青山夙有緣松筠隨處好猿鶴與人便拂袖  
雲中語聽泉石上眠逍遙堪避世色相為誰傳

蘭若依山腹朝霞起樹顛但從樵徑引直到斗牛邊瀑布  
留青壁藤蘿掛紫烟相將憑玉几洗藥問靈泉

極目亭

曲磴緣青草孤亭占碧空望窮三島外身在九霄中霞起  
群峯亂波翻夕照紅翩然振衣袂真欲駕長風

遊天童寺二首

徑轉諸天近，淵深衆壑歸。山峯長礙日，松霧細沾衣。展席依青草，題詩對落暉。却憐雙白鹿，時自款岩扉。石壁凌雲出，祇林傍日開。入門聞梵語，說法有瑤臺。樓倚千峯仄，天空獨鶴來。高僧知愛客，頻進紫霞杯。

泛東湖二首

春遊不知遠，到處即蓬萊。谷引仙霞入，舟隨返照來。轉沙窺碧漢，度嶺踏蒼苔。明日歸城市，應疑泛斗迴。瀛洲何處是，春盡一乘槎。石壁飛青雨，天風吹落花。地偏長隱鶴，水靜自生霞。不學任公釣，東陵且種瓜。

大慈寺

芝園定集卷十

五

丞相祠猶在，溪橋芳草深。碧池涵日月，斷碣倚山岑。架石欹成屋，穿雲甃作林。黃精隨處好，早晚合抽簪。

霞嶼寺

烟霞探不極，猶上望湖亭。孤嶼懸明鏡，羣峰轉畫屏。舸舟浮月白，松檜匝雲青。盡日山中醉，人言是謫星。

月波寺

何處探仙窟，青溪有化城。雲從山闕吐，月自鏡中明。倦與鷗同卧，閒隨鹿共行。相看唯惠遠，長坐說無生。

遊金峨寺次定齋韻二首

結伴作春遊，郊原已麥秋。峯巒經處好，烟火望中悠。雨洗高低樹，禽喧上下樓。得逢開士咲，即是虎溪頭。

何年成浩劫，名勝志神州。門啓雲初散，僧閒夢亦幽。青山開又合，碧澗斷仍流。石室如相借，常將一榻留。

遊天王寺

廢寺誰重建，峯巒四作圍。入門青草徧，遶屋白雲飛。久坐頻聞鳥，初暄數換衣。親朋同對酒，不醉且無歸。

芝園定集卷之十終

芝園定集卷十

五



芝園定集卷之十一

五言律體目錄

歸田稿

寶雲寺賞牡丹二首

重遊天王寺二首

寇報至與莓屋訪竹墟留飲

林居

范東明約遊城南僧寺即事二首

金峨寺歸途次雨疇韻

中秋後八日集陸明湖精舍

秋日村居二首

訊雨疇

夢中山行

雨疇燕集和竹墟四首

戊午元日三首

立春日

芝園定集卷之十一

心遠堂雨集即席限韻二首

它泉新居燕集即席口占二首

春日舟行四首

不寐

早春四首次竹墟韻

草堂燕集次竹墟韻二首

詠瑞香花二首

竹墟宅燕集口占

雨後見月

白雲臺雨集

客至

春日言志十首

春日遊祖關次壁間韻二首

春日陸德初載酒郊遊即席八首

次浣溪草堂賞杜鵑花

又訊梁雨疇

以南禺見新月有懷

新秋詠懷二十四首時在病

戊午初度次雨疇見贈二首

玉芝堂小集即席用韻 元日雨

次劉後溪別駕遊祖關二首

玉芝堂夜集即席限韻 春日舟行次韻二首

謝莓屋招燕病不能赴

心遠堂補賞花燈即席限韻二首

唁包庸之解官三首

咏白繡毬花

秋日四首次南禺韻

中元對月四首

喜雨四首

秋夜集涵碧堂限韻

寶雲山房燕集即席限韻

芝園定集卷之十一

訪沈南明不遇

九日陪郡長公郊遊三首

承諸公招燕竹墟所口占二首

延慶松月山房李孝甫開燕即席次韻

吳道南新宅燕集即席限韻

柴少尹宅燕集即席限韻二首

賞燈三首用竹墟韻 春日過友山草堂

雨疇宅小集

訊陸少府

招友人

詠碧桃二首

送沈開之遊吳中

答鄒東郭寄訊二首

集竹墟宅二首

秋夜獨坐次竹墟

明月引

中秋草堂待月因泛湖二首

中秋後望月二首 訊東田閉關不出

村居承雨曙月漁過訪短賦二首

春仲燕包三川宅三首

村居四首 四遊天王寺

悼牡丹 飲伍山人所二首

承諸郡公燕飲達曙賦謝二首

秋日村居六首 曉起二首

元夕張燈 元夕燕竹墟宅二首

飲竹墟宅奉答四首 燕張纓泉別館

飲全學士庄居三首 竹墟宅賞月

李國定集卷二十一

和竹墟悶坐之作四首

雪中訪李太學即席賦二首

雪五首 夢遊友人別墅口占

訊南禺三首 初至西庄作五首

小齋詠

再至武陵庄同顧沈二子作五首

牡丹初開適顧南宮見過因而命酌

送顧南宮南遊 東明宅賞月因汎舟二首

漂母祠 送戴仲德還剡源次韻

聞朱君邦憲計輓以短章二首

送吳草堂遊梁 送大兒

寄伊兒

題青玉樓

送鄭龍岡守永寧

訊余君房讀書阿育王山寺

送長文

贈備僧

李國定集卷二十一

白

芝園定集卷之十一

五言律體

歸田稿

寶雲寺賞牡丹二首

何處春偏好仙葩不染埃祇因憐國色長得傍瑤臺逸態  
迎風轉嬌枝帶雨開相看真不厭臨去更徘徊  
名花誰所種招客暮春時對席嬌無語張燈益逞姿原因  
賞心至莫遣酒行遲明發知何似風前好護持

重遊天王寺次舊韻二首

門徑還如舊新添草樹圍落花穿戶入乳燕觸人飛掃石  
頻移榻開樽即解衣只因城市遠朝暮有雲歸  
因尋蕭寺勝却被酒兵圍雨後看杯渡雲中見錫飛歌謠

芝園定集卷之十一

無梵語菱笠混禪衣自喜辭簪綬從今得所歸

寇報至與葦厓訪竹塋留酌

共有憂時念言從達者謀烽烟今只尺尊酒莫淹留畫策  
須前箸論交憶散裘醉餘還激烈拂袖看吳鉤

林居

入林惟欲密海上日垂綸自是宜藏拙非關欲避入青春  
駒隙過白髮鏡中新聊共忘機鳥逍遙野水濱

范東明約遊城南僧寺即事二首

同是懷春客招邀選勝辰烟霞鏡裏見梧竹雨中新草長  
全迷路驚啼不避人扣關尋惠遠揮麈得相親  
芝苑開芳宴清幽類浣花松高多刺日竹密盡籠霞地以

臨流勝人因拾翠諱不須尋洞壑已占白雲家

金栽寺歸途次雨晴韻

行行踏芳草歸路不知長度鎖雲根斷臨風靜動香懸厓  
泉作練古寺竹為牆仙跡今何在桃源是此鄉

中秋後八日集陸明湖精舍

天涯秋欲暮海國雁來賓水近星浮樹庭虛月媚人風烟  
悲白髮歲月憶流塵莫惜追歡後同心即是鄰

秋日村居二首

已占江村勝還憐秋日良星河低入戶蟋蟀近鳴床未了  
雲山興先便枕簟涼何當携故友同醉紫霞觴  
莫訝文園病長因病得閒沙頭馴白鶴枕上見青山漸喜

芝園定集卷之十一

能持朱休言欲賜環惟應鍊靈藥一為駐顏顏

訊雨晴

豈是文園病無旬不出門蟪蛄封几席風雨長蘭蓀已負  
東山屐空餘北海尊獨憐枝上鳥偏自歎朝昏

夢中山行

鳴鶯出深谷湛露濯芳叢偶爾探泉石悠然憇澗松青山  
容舊隱白首歎飛蓬瀟散今茲得瀛洲倘可通

雨晴集和竹塋四首

何處得芳鄰澄湖碧樹新江雲晴結綺庭草暗邀春簾角  
三星聚燈前兩鬟銀醉來共歌舞坐待月沉淪  
懷抱慘不樂無逢歲杪時清尊聊共遣幽意有誰知木落



巢鳥語天寒玉漏遲未評金谷勝預有竹林期  
今夕是何夕相携倒酒卮梅花無月白珠斗入簾垂已自  
悲搖路那堪憶別離還將瓊玉佩持贈記相思  
為歡何太劇只尺會常稀對酒復不醉披星空自歸椒盤  
寒闌玉錦障爛成團莫阿更籌促酣歌興欲飛

戊午元日三首

青陽回玉律瞬息換年華鳥語出高樹溪光間紫霞天涯  
芳草夢谷口白雲家但買登山屐何須沉斗槎  
山中更甲子海上卜星躔漫道新添算翻悲漸減年風舒  
彭澤柳日暖鹿門田泉石應如舊朝來堪可憐  
何事最關情流年轉眼更水開初汎蔭柳絲漸栖驚白髮

立春日

耽雲卧青春學耦耕呼朋對尊酒一為解愁城

立春日

東郊迴綠仗若木映華林冰澗初流玉堤楊暗吐金千門  
徵瑞色百鳥媚新音芳意自不禁臨風調素琴

心遠堂雨集即席限韻二首

塵榻何年下仙朋此日留香山元有約陶令本無愁雨灑  
竹林夜風生柳岸秋芳樽對知已勝作十洲遊  
兩暗山城拆雲寒草閣宵歸禽事舊葉密竹秀新標朱倒  
嵇康酒空懷子晉蕭蕭歡俱只尺莫問剡溪遙

它泉新居燕集即席口占二首

隔歲成期約芳春披雨來層樓排漢出曲徑抱湖開柏葉

消華燭梅花點綠苔一塵不到渾是坐瑤臺  
天邊辭綬冕為賜鑑湖歸地僻鳥窺戶春深草護扉開簾  
通碧巖把酒對斜暉莫惜今宵醉鄉園樂事稀

春日舟行四首

出郭便如意春光盡眼中雲水浮石淡樹杪看霞紅野渡  
新添水村禽各佔叢桃源在何許宛轉未能窮  
為愛春流好初晴即放船林皋青帶雨江路澹生烟漁唱  
因風亂鶯花開日妍瀛洲應不遠凝望轉堪憐  
空聞玄圃勝何似碧溪行積雪千峯白斜陽一鏡平艫移  
頻望滄岸轉只聞鶯信是滄浪好中流試濯纓  
青雲將盡舫步步可憐春野草風吹綠山峯雨洗新花枝

立春日

初綴蝶燕語故招人村叟亦何意道遠傍水濱

不寐

幽棲亦何慮展轉至更深不作莊生夢空懷姬旦心寒惟  
風乍入窺戶月徐侵漫憶平生事聊為抱膝吟

早春四首次竹塹韻

玉律殷灰暖天涯淑氣萌歌殘江閣雨目佇竹林鶯庭草  
未抽綠江流已汎清茅廬誰過訪坐看碧苔生  
一夜東風發寒梅盡放花魚潛初出藻霜冷尚驚鴉聞闌  
祥雲梁蓬萊若未華懷人不能寐旭日動簾紗  
垂釣青溪上徐看白日長客來時對酒燕坐自焚香漸遠  
風塵跡幽棲水竹鄉閒雲亦何意來往故相將

江干雲結綺林畔露凝葩已共青山老休嗟白髮加松苓  
三島近鷗鷺五溪賒便買扁舟去逍遙詠紫霞

草堂燕集次竹墟韻二首

草閣鳴疎雨春寒苦未消偶來高士駕翻作合歡宵風動  
花流幕雲輕月漏宵白駒聊暫駐莫漫謂鷦鷯  
空懷安石興長作孝先眠投轄江城夜開尊春雨前開庭  
看草綠芳意與鶯傳莫奏梅花落狂歌亂綺筵

詠瑞香花二首

仙英含絳玉獨自領春回梅萼羞先放桃花怯並開輕盈  
香漸展爛熳錦初裁徙席依瑤砌因之數舉杯  
自是神仙宅青春對異葩翠翹濃抹黛膩臉醉舒霞雨灑

鮫綃濕風翻絳雪斜芳自奇絕傾國未須誇

竹墟宅燕集口占

誰下陳蕃榻青山有逸民來從芳草引坐與碧溪鄰中酒  
無虛日尋花及好春相看莫相笑同是竹林人

雨後見月

積雨連旬朔陰雲撥不開何期今夜會忽見月華來波動  
清溪柳光搖白玉臺相逢元盡醉到此興難裁

白雲臺雨集得青字

避俗樓孤嶼春宵忽聚星湖波翻雨白城樹沒雲青藻詠  
瑤華榮高談玉屑零微風動畫帶長傍草玄亭

客至

春事正無賴賓來即命觴未圖千日醉且取百憂忘樹吐  
雲帶色花舒雨後香不因捐紱冕那得冰滄浪

春日言志十首

自慙凡羽族誤與鳳鸞儔果以違時好因之返故丘栽花  
春匝徑愛月夜登樓百畝足耕稼微生何所求  
澄湖千頃碧偶爾卜吾廬抱甕春為圃乘槎夜習漁倦來  
還卧石興到即開書祇為耽幽寂能令朋舊疎  
白首厭塵事朝朝獨閉關無方能却老有意欲求閒剪徑  
時臨水開窓只面山出郊聽鳥語日晏不知還  
未入桃源住青山且避諠綠雲溪作練間竹槿為樊無復  
長門賦空餘壯海尊還從同社者時誦老莊言

玉園集卷五

太

獨抱文園病長尋栗里盟芳花隨意發流水與心清簾捲  
青峯入樓開碧漢平非關愁緒積白髮自然生

少小學千祿衰遲未策勳因從林卧者日與鷗鷺群醉刻  
林中竹閒眠石上雲自甘丘壑老不用壯山文

聖代多麟鳳歸來且掛冠非緣同豹隱聊自學龍蟠花塢  
移詩展雲溪把釣竿春風吹寶瑟日暮詠荷蘭

萋萋芳草色只傍竹林生對月懷詩債桂愁動酒兵紅雲  
籠鳥度野樹貼天平杖屨從吾好何須竹帛名

肉眼多疑壁深宮亦妬妍何如林壑卧猶得姓名全種竹  
新遮屋開渠細引泉閑關無一事時理蠹魚編

已分成長往非云學獨醒逢人傾綠醕閉戶誦黃庭寂寞

聊存性支離亦保形空憐投閣者白首著玄經

春遊祖關次壁間韻二首

清溪流夕照竹岫敞山堂共驛烟霞徑來棲薜荔房苔階  
留夜夾柳岸繫歸航最愛庭前草無風自起香  
水抱青蓮嶂天開碧玉池蘿房僧卧穩花徑客果遲樹密  
雲常住春深鳥自知芳尊不盡醉夢寐亦相思

春日陸德初載酒郊遊即席八首

瀛洲初罷郡日作看山行碧水斜通徑芳園曲抱城中  
還載酒江上共聽鶯不用愁濕雲端已放晴  
不有芳尊約那知山館嘉遊魚牽弱荇啼鳥惜殘花四壁  
流雲輕孤洲艤釣槎隣居雞犬絕何處是仙家

李商隱集卷十

自得青山伴烟霞興不窮穿雲窺玉鏡遵渚拾芳叢花並  
河陽麗人憐洛社同緣知溪屋下長自領春風

朝朝期出郭春杪始同來草為遊人綠雲因汎艇開林蜂  
也復散沙鳥去仍迴即此足幽事何須簫管催

名園依綠水曲館簷青蘿展席陳芳酌揮絃發浩歌輕雲  
籠石細積雨孕苔多更愛溪頭鳥時時引隊過

夢遶林泉勝佳辰結伴來舟隨魚藻轉草傍柳陰開簾出  
全侵徑花飛半掩苔此中堪避世莫問予陵臺

山城春已暮出郭興還賒列嶂雨餘碧鳴禽川際譁烹泉  
分曲澗坐樹拂流霞及此須行樂吾生信有涯

共有丘中趣頻尋郭外春飛花閒點席語燕故邀人引水

如溪窄留雲愛竹新韶光非久駐莫厭酒杯頻

次浣溪草堂賞杜鵑花

花發王孫館香霞粲草堂似懷亡國恨空妬美人腸酒畔  
偏多態燈前倍有光何當調錦瑟共爾樂無央

又訊梁雨疇

何事耽雲卧經旬尚閉關巡簷窺綠草隱几夢青山貌以  
憂時瘦心因避俗閒誰憐仲蔚第首辭積成斑

次南禺見新月有懷

衡門綠徑啓花榭倚雲成照水月初出近人蟲自鳴疎鐘  
風外落碧漢樹頭平無限傷秋意同誰次第評

新秋詠懷二十四首時在病

李商隱集卷十

江城秋始至林葉動微紅竹塢漏新月蘭階逗好風有愁  
長抱膝無事亦書空棋釣已如意淒涼枕簟中

烽火連雲朔鯨鯢蕩海波憂來已不禁病至復如何曲徑  
通烟霧幽齋暮薜蘿已知超俗界猶有燕鶯過

枕水初成屋栽花亦滿林日披玄晏賦時作輞川吟漸熟  
耕田技全忘結綬心却因愁病裏自辛早抽簪

吾生知幾許半是病中過往事已漸盡新愁如雨多詩書  
充戶牖几席匝藤蘿應共青山老無為白石歌

江皋一葉下萬壑已秋暉鴈影臨汀亂蟬聲抱葉微露寒  
團作玉雲冷結成衣眺賞自茲勝嗟予獨掩扉

四時風景好爭得似新秋月出何其皎蟲鳴亦自幽清風

梳翠竹流水瀉鳴球即此足佳勝何須問十洲

悠然返初服把釣傍江濱雨着山山色霞標樹樹文鄰砧

喧滿市村笛亂穿雲薛荔新成服人稱處士君

草閣依湖曲秋來得月偏芙蓉寒醮水薛荔晚生烟小艇

聯葭發鳴禽弄管絃未須論世事閉戶且談玄

金丹雖未就已自佳蓬丘水底出河漢樓頭掛斗牛葡萄

珠作箔幽蘭錦為洲無復南華夢時為白雪謳

昔愧求名拙今嗤作宦工幸蒙綸綍寵得入鷺鷥叢水面

點疎雨林梢閣斷虹陶然成一夢彷彿馭長風

策杖槎川曲依稀似鹿門霜清見山骨雲起失江村猿嘯

千年樹蓬飛百尺根卜居元自定蕭索亦何論

空園集卷之二

祝融方弛令萬籟動清商處世已多戚感時還自傷蘭若

方委地騷騷近鳴床跡比鷓鴣困心同候鴈翔

屏居長自厭擾擾日生塵暮雨千山淨秋光一夕新青林

邀過鳥碧樹憩行入渡口月初上漁歌喧四隣

自有文園病偏憐秋氣清稍因辭俗駕聊得浣塵纓雲瞰

疏簾入星懸四壁明平生多著述不是學虞卿

芳杜秋風冷蘭舟刺水遲美人在何許遠道本難期皓月

臨瓊樹青樓出鳳吹曲中有深怨不奈妬蛾眉

桂樹金殿細瑤臺玉鏡低霞開千嶂綺鵲遙萬年枝刻竹

題詩遍吹簫度曲遲向來忘盞擲杯酒與誰持

清溪迴壁月曲徑媚幽禽時與二三子閑尊就竹林已無

青瑣夢獨抱離園心猶有瓠巴曲年來孰嘗音

山中何所事寂寞著丹經門啓千峰入川長一鏡青歸雲

爭舊壑碧漢錯疎星自咲嵇康懶交游絕戶庭

白日棲塵榻寒雲鎖碧闌何如采蓮者曲浦稱追憶螢點

秋屏亂鳥啼夜月寒忽聞歌白紵獨坐起長嘆

玄蟬悲落日湛露濯芳林秋色有何意勞人自不禁屠龍

無巧技哀鳳有孤吟尺素賦題久無由寄所欽

吾土豈不樂栖栖長獨愁風雲運海暗羽檄幾時休言匪

千金重心將一劍酬平生多自許白髮已盈頭

志士不得意休歌行路難青山隨處好幽鳥亦相歡四壁

懸耕未清溪把釣竿烟霞多變態倚杖獨盤桓

空園集卷之二

樗散為時棄雞棲亦自宜出門一以眺川谷迥爭奇野水

連天白雲屏匝戶垂江離正堪采莫待雪霜摧

何事悲秋至逡巡已暮年未謀調藥鼎先買種芝田月出

半依樹雲生併入川冷浪歌正好一為撫朱絃

戊午初度次雨疇見贈二首

掛冠何太早雅意戀南州日醉陶潛徑時登庾亮樓逢人

空歎鳳展席不驚鷗莫佐耽雲卧年來已倦遊

何處尋真隱逍遙海上州鋤雲疏作圃種竹編交樓高枕

青山月輕舸白水鷗不須餐玉液已共赤松遊

玉芝堂小集即席用韻

何事雲中客來尋湖上家寒光搖玉燭春意動梅花捲幔

星河逼巡簷水竹賒不須愁酩酊白髮興無涯

元日雨

殘鐘初改歲疎雨亂鳴空潤草初添綠滋梅併放紅魚翻波面藻鶴舞樹頭風莫畏多沾濕三農卜歲豐

次劉後溪別駕遊祖關二首

郡治臨滄海道遙巖壑間為乘青雀舫來扣白雲關覓句鐫新竹凭闌撫碧山更憐明鏡裏相與照酡顏披雨出城郭尋僧度野橋壁留高士偈雲引使君舸翠嶽齊舒幔青莎暗茁茁坐憐塵市遠竹樹自蕭蕭

王芝堂夜集即席限韻

白駒何處至草閣頓生輝過雨芳花徑清溪綠竹扉琴尊

王國定集卷二

上

留夜掃星斗亂春衣莫惜燈前醉相將踏月歸

春日舟行次韻二首

春郊芳草色步步引仙舟未試登山興先為載酒遊輕雲籠過鳥斜日趁歸牛最喜初晴霽群峰翠欲流旭日懸高樹飛鳬觸畫舟雲從沙際起人在鏡中遊有意學垂釣無心歌飯牛相看俱放達白首枕清流

謝莓屋招宴病不能赴

海甸逢元夕江城綺燕開華燈珠作氣醴酒玉為杯舞袖斜翻月歌鐘併落梅獨憐愁病者展轉未舒懷

心遠堂補賞花燈即席限韻二首

何用招仙客芳尊玉屈卮層樓金幕轉列岫匝雲垂錦樹

齊爭麗庭花亦闌奇詠歌方自此歡賞莫言遲

曲徑繁花粲芳庭翠靄濃共憐佳節逝不厭引杯重鶴舞珠林樹雲移玉女峯更憐江雨散空外度疎鐘

唁包庸之解官三首

韜光居下位何事亦相傾祇為薰香累因之貝錦成柴桑初結社中散故迹名住傍滄江曲朝朝自濯纓休嗟不得意壯歲罷朝紳已擅丹青妙還憐賦詠新雲山原識主猿鶴故依人墮甌寧當顧幽棲足避塵賦政原稱最移官亦表賢青蠅齋見妬脫穎有誰憐耕釣今方始沉冥且自全何如結駟者憂患日相牽

詠白繡毬花

王國定集卷十

上

草閣春無限瓊花爛有輝峻嶺銀作甲綽約玉為衣鶴駕凌雲出瑤華闌雪飛美人千萬里誰與贈芳菲

秋日四首次南禺韻

綠樹千章合玄蟬日夜聞林疏不礙月水靜漫書雲野艇從鷗引漁磯與伴分還因耕藝隙一讀太玄文曲館青莎徑雕弧白玉匙流雲時瞰戶歸鳥故爭枝芳醪初盈甕殘書積滿帷地偏稀過客坐起狎痴兒避俗青山麓飽踪滯一隅祗因捐綬冕長得擅江湖靈露盈仙掌寒氷淨玉壺不須探秘訣已自習虛無鹿門初學稼百畝以為憂玉笛滄江曲俄驚海國秋蟪蛄喧夕照丹鳥亂河洲欲共乘槎客還為赤壁遊

中元對月四首

空庭頻徙坐為愛挹清輝  
露下微沾席螢飛誤入衣  
輕雲舒作錦衆緯絡成機  
烏鵲緣何事終宵繞樹飛

未見中秋月先憐此夜光  
金波隨地展素練與川長  
傍几長懸鏡臨階併是霜  
祇應依玉宇慎莫照流黃

秋月尋常見何如此夜明  
清光鑒毛髮寒影射蛟鯨  
已訝銀河瀉還看雲嶺橫  
何當結仙侶萬里沉槎行

此夕當三五中天皓魄圓  
入林翻玉樹落沼絢金蓮  
沙鳥驚難定庭花暗逞妍  
美人在何許不共酒杯傳

喜雨四首

豐隆驅旱魃急溜瀉層溟  
碧海龍戰青林鸛鶴驚涼風

王國集卷二

梳草樹家霧失江城頗慰東人望  
千倉庶可盈

秋雨灑平陸白雲封遠山  
入江紛作練點石亂成斑  
魚戲爭萍出禽飛認樹還未須  
占稼穡先以破愁顏

一雨澄湖上俄然生晚涼  
已知便枕簟無得洽壺觴  
遠屋溪添白千峯樹點蒼  
會須移小艇相與詠淅浪

誰作商霖雨東郊忽應期  
驚雷無電激飛霧切簾垂  
水漲不盈尺花開復幾枝  
扶筇湖上眺面面好風吹

秋夜集涵碧堂限韻

過雨山堂夕空庭曙月秋  
城邊千澗白樹杪衆星流  
四座歡方洽深杯夜更綢  
不因風雅客誰共故園遊

寶雲山房燕集即席限韻

古殿荒苔合寒花曲徑春  
青山湖上列綠樹雨餘新  
對月忻茲夕含杯盡故人不  
因蓬島客誰共嘆言頻

訪沈南明不遇

休文風雅士避客一何深  
囊有千將劍塵封太古琴  
短牆蘿蔓覆敗壁薛衣侵  
此去休題鳳還來坐竹陰

九日陪郡長公郊遊三首

滄江成小隱出郭洗塵心  
白石斜為徑青松宛作林  
筵開臨水曲笛起度城陰  
已分逃人世丹丘倘可尋

出郭未云遠招提分外幽  
江干楓葉亂蘭漿浪花浮  
魚為聽琴出猿因說法留  
使君貪吏隱來共野人儔

野外燕遊好盈盈一水長  
雙鳬排行出孤鶩與雲翔  
漏網

王國集卷二

清溪兩歌翻子夜霜菊花何處  
覓三徑未全荒

承諸公招燕竹墟所口占二首

不到仙家久芳尊此日開  
烟霞仍舊主卉木間新栽  
水靜繁星聚天空獨鶴來  
醉深忘檢束徒倚破莓苔

終朝不得意懷抱為君舒  
漫憶停雲賦閒談種樹舒  
霜風譁市鼓野火亂江漁  
莫惜今宵醉流光信隙駒

延慶松月山房李孝甫開燕即席次韻

自得柴桑伴邀遊不計旬  
長辭金殿寵同醉故園春  
緇苑行看竹清溪坐釣鱗  
夜來歌白紵明月照江蘋

吳道南新宅燕集即席限韻

晚起看明鏡俄驚兩鬢華  
祇因親水竹無得弄烟霞  
僻巷



苔痕古連城樹色餘萋蒲浮玉液知是小仙家

崇少尹燕集即席限韻二首

貪歡何太劇結伴到仙家畫壁文成錦初冬菊有花樓高  
先見月樹密自蒸霞夜靜鄰砧發狂歌絳燭斜  
莫問桃源路神仙市上家門深三徑竹庭列四時花皓月  
遙聞笛疎簾曉見霞醉來歌白紵銀漢自橫斜

賞燈三首用竹塢韻

何用娛良夜華櫟錯綵燈共愁更漏短不厭酒杯仍鏡轉  
星河粲巖虛露霽霜寒未許金谷勝長以集仙朋  
韜光俄改歲拂拭尚如新簾箔徐舒霧珠璣不染塵常將  
邀皓月兼得媚芳辰自足成歡賞無煩歌管頻

王國定集卷十

王

麗質元無疋晶光更可憐頽霞流火樹碧沼散金蓮月下  
偏爭媚尊前故逞妍會須成一醉同賦白駒篇

春日過友山草堂

何處尋歡賞瑤臺月出時共憐春正好不問夜何其蘭玉  
寒相映星河澹不移小山泉石麗死在習家池

雨晴宅小集

地僻真何事芳春只種花竭來邀皓月還共醉流霞樹影  
風前亂湖光雨後餘綠知城市裏亦自有仙家

訊陸少府

何事嵇中散關門只避人為調爐內火却負瓊頭春車馬  
經旬歇圖書四壁陳王孫原上草日日為誰新

招友人

自有華池勝栽花匝四楹入簾舒窈窕帶雨關輕盈學舞  
頻翻錦徵歌併是驚一尊誰與共開徑候仙朋

詠碧桃二首

何處分仙種相將到草堂靚粧寒弄玉曲徑暖飛霜照水  
姿偏媚臨風舞太狂病餘長罷酒對爾一持觴  
至性元無染舒英澹有光自然成素質無復炫濃粧振鷺  
歌賓席瑤瑤薦羽觴為憐春色暮一倍惜年芳

送沈問之遊吳中

君去幾何時殷勤把酒卮休言不得意傾蓋總相知照乘  
明珠貴衝霄寶劍奇風塵須自愛莫負故人期

王國定集卷十

王

答鄒東郭寄訊二首

赤鯉將書至開緘喜欲狂百年徵舊誼千里接清光櫟櫟  
初盈畝圖書復滿床此中堪白首誰共倒霞觴  
聞看登山屐逍遙澗壑中烟霞隨處得琴瑟與誰同長嘯  
海天碧高眠山日紅何當生羽翰蓬島會相逢

集竹塢宅二首

避俗青溪上風流頗似陶言持一尊酒來此洽朋曹庭竹  
交銀漢松風汎海濤蓬瀛何處是相對興偏豪  
索處真無賴相逢一解顏鳴琴隨意好流水與心閒樹密  
斜通徑垣低渺認山白駒何用繫深夜未言還

秋夜獨坐次竹塢



皓月光初滿涼風拂座輕隣砧隨鴈度漁唱入溪清自有  
傷秋意非關憶遠情獨憐雙桂樹偏向小山生  
獨坐苔階夕冷然欲御風流螢出疎竹碧水浸長空却客  
門常掩食霞貌不豐誰云瀛海上還復見愚公

明月引

涼颼蕩繁暑碧海現冰輪入水紛成練舒林併是銀棲鳥  
驚不定太宇澹無塵到處成歡賞誰憐戍遠人

中秋草堂待月因泛湖二首

光霽尋常見何如此夜盈妖氛空自妬皓魄本來明玉鏡  
雲中吐驚簫雨後清芳尊併共倒白髮任教生  
不禁明月好來上鏡湖船艤曲何人度深杯且共傳風津

李國英集卷十一

十一

喧社鼓霞綺錯星屢已與塵寰隔爭言是謫仙

中秋後望月二首

皎潔幾何時俄看兔魄虧驚蟻行樂者空眉賞心期  
露吞城白疎星出樹遲夜深江上笛偏傍小齋吹  
清光今漸減還復照柴門已負桓伊笛空憐北海尊  
亂蟬多砌語密竹有雲屯獨坐看雙斗幽懷未可論

訊東田閉關不出

入林何太密閉戶但窮玄流水在屋外青山落枕邊  
藥從三鳥得方自上池傳勅斷人間事逍遙一睡仙

村居承雨嘯月漁過訪短賦二首

荒野方雌伏何煩達士來烟霞元共醉鷗鷺不須猜  
衣向

風前解尊從樹底開青山能悅客欲發更徘徊  
輕舸投別墅面面俯清溪疏闊雲常滿層竹與齊盤  
多野供詩卷有新題不共苔階席那知隱士栖

春仲燕包三川宅三首

偶爾出江郭言尋仙子家潮生長抱閨抑茁始藏鴉布席  
依青草開尊對落花春光已強半遊衍興無涯  
日有尋芳興無如陰霞何江干散晴旭結伴一來過畫棟  
交青嶂輕舸亂碧波休言促歸騎把酒聽鶯歌  
何處追歡賞雕軒白水濱草深時起霧地僻慣藏春綠樹  
雲中吐青山雨後新圖書陳四壁知是好奇人

村居四首

李國英集卷十一

本

乍爾捐簪垢來營野外居輕雲時展幙乳燕或窺書  
細草軟堪籍清溪近可漁還從田父語卜歲定何如  
村居不厭僻短竹匝為籬藥薑非人羨雲山亦自奇  
幽踪芳草共野性白鷗知已分經營寡常將耒耜持  
探奇不在遠屋外即青山花為酬春放禽因戀主還彈琴  
流水靜隱凡白雲閒未竟安期素清心可駐顏  
入林何太密俗駕者難侵獨有餐芝伴能明避世心  
樹陰支石坐沙際扣舷吟要自存吾拙榮名詎所歎  
四遊天王寺  
為覓烟霞宅輕舟棹碧溪歸雲將路斷密竹護樓齊  
鳥語風前亂花枝雨後低尚平如可學此地足幽棲

悼江丹

嬌姿何太盛轉弱失芳非豈畏逢人妬應慚媚世非陽臺  
雲已散金屋夢空歸鷓鴣知何意悲啼怨落暉

飲伍山人所二首

幽館涵湖曲簾前寶鏡開竹深斜引徑石古密文苔沙燕  
穿雲出漁舟蕩月來仙居應不異一試紫霞杯  
水近青山出林深亂鳥鳴自然堪引眺况乃對仙朋花落  
漸封砌雲生直到檻下疑塵世隔遊衍不勝情

承諸郡公燕飲達曙賦謝二首

急雨散新涼高筵敞畫堂欣乘郡齋暇對此晚山蒼碧漢  
文星聚華燈寶劍光停杯一問夜旭日掛扶桑

主園集卷上

使君能愛客永夜未言疲素月穿簾入驛馬嘶樹垂鐘鳴  
已報曙歌竟復傳危飲德寧辭醉風流况在斯

秋日村居六首

村居何閒寂日枕白雲眠朝市已無夢烟霞夙有緣坐撫  
猗蘭操行吟秋水篇自憐返初服白首會真筌  
衡門不却客鎮日醉經過曲徑對蒼雲薰風織細波雲峯  
紛作繪鳥語自成歌但得丘中趣榮名豈在多  
羽人不可即卜築儼丹丘室以青蘿隱門懸碧洞流翦林  
長卧石戴月始歸牛即此堪棲息無勞賦遠遊  
去市不盈舍居然息往還不須營綠野稍喜近青山鶴翁  
松雲亂魚吹雪浪閒長持一杯酒聊以潤顏頰

結茅滄海澨日日看雲生豈是隆中卧聊從谷口耕秋果

歌白石病起飯黃精四望窮遠廓臨風一振纓

何處堪投隱桃源一草亭逢人問丹訣閉戶誦黃庭月出

溪兼白雲開樹吐青苔繁應自適不愧北山靈

曉起二首

晨星開曙色風鐸響簷端白髮綈袍散青山病骨寒畦蔬

雞啄亂園果鳥啼殘竹裏收遺籜新栽廬士冠

綠樹間脩竹相看即解顏非予棄朱紱誰復伴青山錦障

烟霄外霞標渤海間林禽亦何意乍出復來還

元夕張燈

華燈何自現三五以爲期拂拭初呈彩參差互逞奇舒霞

主園集卷上

藥映月吐霧細交帷幸值昇平日長斟玉屈卮

元夕燕竹墟宅二首

令節今宵是華堂勝燕開星河依榻近歌管拂雲寒皓月

梅花障流霞竹葉林那知城市裡亦自有蓬萊

宴遊何處好只尺即仙家月窟千年樹星橋五夜花椒蘭

黃綺帶冠珮錯認霞綺同是懷春客酣歌興未涯

飲竹墟宅奉答四首

江城苦煩熱雨過疎林况爾逢同調居然得賞心雲戰

山中疊禽喧樹裏音相看憐白髮把酒一長吟

已愛清溪宅尤憐綠樹林翦苔除石鏡揮塵觸花心同是

香山隱來歌伐木音微風動疎竹徐聽暮蟬吟

何處慙幽尋仙家碧玉林輕雪羃山腹疎雨點江心但學  
袁公飲無煩陶令琴相將明月上沙際草蟲吟  
幽館古城陰長林間短林彩霞蒸水曲銀漢落天心鳥啼  
高低樹蟬吹斷續音不須歌湛露醉後復展吟

燕張纓泉別館

曲礪通仙館瑤臺綺燕開蝸書文古壁鳥篆集蒼苔細雨  
黃花徑華燈綠玉杯未須催早發還有艷歌來

飲全學士莊居三首

到處耽歡賞何如此地幽青山隨杖屨綠水狎鳬鷗玉露  
芙蓉夕金風蕙苗秋持盃還續繞明月在沙頭  
探奇不在遠出郭是仙家地僻雲交戶林深石繡花山光

全學士莊

主

鏡裡轉鳥語席間諱望蓬瀛路相將一泛槎

結社自今茲爲歡豈後期正逢秋月好涼雨過華池行挾  
飛仙至居憐老釋宜會須分石榻白首共吟芝

竹塹宅賞月

爲愛中秋月來尋溪上聚豈無一尊酒羨此滿庭花湛露  
濡瑤席流波蕩綺霞佳期那得再酣詠興無涯

和竹塹閑坐之作四首

問君何不樂息駕阻清遊皓月空相待清尊誰爲酬  
星斗逼遶砌草蟲悠長嘯滄江曲乾坤任我休  
欲知悽惻意爲報洞庭秋閑曉疎鐘度天寒碧月流驚鳥  
頻繞樹斷鴈競呼傳榮寂元無定琴尊老一丘

盛年先罷宦轉見雲盈頭懷抱已非昔門庭併是秋朱絃  
隨漏急丹鳥帶星流且樂耕漁暇休懷漆室憂  
愁緒看華月相憐轉覺愁何人貽杜若獨自擘吳鉤雨洗  
千山淨霜清萬壑幽空庭正蕭瑟更復嘯鸛鷗

雪中訪李太學即席賦二首

偶爾停冰履夷猶白玉窩瓊英巾綠竹石壁衣青蘿坐有  
山陰興吟成郢客歌未須浮太白緩爵不勝多  
何事瑤階下萋萋芳草青萬山呈玉壘千里列銀屏雲護  
書齋靜風吹鶴夢醒主人休避客閉戶誦黃庭

雪五首

朔氣凝殘臘同雲四野垂剪毛紛作毳切玉不成珪魚伏

全學士莊

主

穿深藻禽翫笑故枝江南正宜瑞休詠社風詩

今夕是何夕徘徊興未央凍雲屯屋角飛雪灑河梁石壁  
徐添白林麓乍變蒼謝庭誰與詠獨坐引瑤觴

曠野初飛霰千山白似陰叢林喧凍雀敗屋集饑鳥退竹  
時疎密穿簾下有無深閨猶怯冷况乃成邊夫

皎雪飛三徑局門且避寒自便裘臥穩不道剡舟難入地  
成新絮凝脂映曲闌最憐光潔好莫遣即時乾

乍見瓊花落俄驚鶴翅翻日斜華灼燦風拂舞迴旋看草  
光逾潤沾梅色併鮮青樓辭玉女對鏡不成妍

夢遊友人別墅口占

爲訪桃源路來依玉樹枝亂雲侵未杪新水織沙堤開闢

初時藥看山每枝藜不須尋海島到此已忘機

訊南禺三首

別子長相思與子長相期尺牘每虛往扁舟無返時為問  
新相得何如故所知花間一尊酒誰與罄瑤巵  
無情湖上草春到自芳菲白髮今何似故園猶未歸出門  
憐杜適館念緇衣莫漫耽佳麗逢郭亦可依  
豈是無家者栖栖歌式微時方悅嫫母誰復重南威不惜  
黃金盡空憐白壁輝試看湖上鳥晨出暮還歸

初至西莊作五首

解組亦已久初營隱者居買田綠水曲煮石碧山墟樹以  
前人種花從新主舒行當謝塵鞅來著伏生書

主顧南宮南遊

主

春雨亦何意偏來如勝遊舟行時觸石水漲不分洲白浪  
將鳬出陰雲挾樹流莫言清興減花圃足淹留

種松園作蓋種竹密成林未卜移家計先便獨往心迴溪  
時洩霧新柳始邀禽抱甕從茲適忘機等漢陰

本來營別業因得伴青山舒嘯丹霄上行吟綠樹間竹深  
衣襲翠臺古石成斑俗客休相問從今且閉關

一入清溪曲樓運即是家彩霞交石麗密樹引禽譁栗里  
初栽菊東陵學種瓜抽簪不待老總為惜芳華

小齋詠

夷猶不出戶總是可憐春澗石清泉細文隋綠蘚新繁花  
俱媚主群鳥不驚人未必成仙隱從茲脫俗塵

再至武陵莊同顧沈二子作五首

祇為貪春色三旬兩度來編花園作障疊石亂成臺綠竹  
交詩榻青山落酒杯已知塵世隔那復問蓬萊

為憐風雅客同作者山行碧蘚全侵徑繁花不辨名已便  
能抱甕猶喜得餐苓偃仰從吾好休嗟白髮生

武陵何處是面面列芙蓉桃李杏當年種松喬此日逢青天  
來鸛鶴絕壑舞虬龍莫道無人跡猶聞水上鐘

夜夢青山好晨興棹碧波高低見茅屋遠近簇雲蘿地僻  
烟霞古林深鳥雀多鍾期今在眼把酒一高歌

結廬青嶂裏宛是白雲家坐有黃精飯香分石鼎茶臨池  
同刺竹選地自移花遶屋添新水相將理釣槎

主顧南宮南遊

主

壯丹初開適顧南宮見過因而命酌

終朝不得意見爾即神怡映日初舒態臨風益逞姿麗應  
文錦並嬌共彩娥奇况復逢豪士相將倒酒卮

何物足傾城名花次第榮懷春如有待媚主豈無情瑤砌  
翻霞彩雕闌簇絳英芳華誰後似尊酒故須傾

送顧南宮南遊

把酒送夫君羣囊此日分神遊鴈湯月足躡萬湖雲未許  
攀仙駕先便解世紛丹丘如可住吾亦欲為群

東明宅賞月因汎舟二首

又見中秋月光輝分外多入溪紛作練匝地澹生波已暢  
齋中賞還聽湖上歌清尊對華髮不醉欲如何

沙頭明月好載酒有前期銀漢尊前落雲臺鏡裡奇魚龍  
寒弄影鳥鵲暗驚枝遊泳真無極高歌白紵詞

漂母祠

王孫不自食一飯豈恩私不望生前報寧懷死後祠顏垣  
紫萸草古棟宿陰霓抵是旌高義休論泉下知

送戴仲德還剡源次韻

風雨正無賴開尊遽友生白頭憐我拙青眼為誰明不奈  
愁成壘還將酒作兵醉深出門去玉漏屢傳更

聞朱君邦憲訃輓以短章二首

黃浦鍾靈泚生來有異聞茂先推博物司馬並雄文未展  
圖南翼徒空冀北群交游誰不死獨自苦悲君

李國英集卷十一

一謝干時策言修太上玄枕中有鴻寶匣內貯龍泉高義  
誰能並芳華衆所賢何方掛寶劍一望一潸然

送吳草堂遊梁

之子遠于征江天雨乍晴三春梁苑客萬里越山情千古  
時成賦臨風數振纓夷門貴公子虛左競相迎

送大兒

祇以簡書促其如骨肉分孤棧宵犯斗雙旆曉穿雲劍錦  
今初試趨庭昔有聞還將三尺劍勉立功勲

寄伊兒

待詔金門下翔翔鸞鳳群嘯歌燕市月夢遠越山雲散秩  
非尸位清時好樹勳長將一寸赤出入奉明君

送長文

疾風吹曠野遊越復遊吳夕伴星辰宿朝隨鶴鶴但說詩  
願共解談劍術非迂到得歸來日囊中有子虛

題青玉樓

借得青天半來成百尺樓雲霞當枕落銀漢抱簷流卓錫  
知何處藏龍只此丘乘槎方八月生恐犯牽牛

贈備僧

曲檻博蒼雪昌蒲茁紫花齋心長面壁辟穀會餐霞覺海  
誰能悟慈航路不賒緣知入定處明月照窓紗

送鄭龍岡守永寧

何地不容君移官瘴海清蠻烟將紫旆交草暗行塵叱馭  
驅車慣屠牛發刃新從茲綬異服莫敢不來賓

訊余君房讀書阿育王山寺

擔簦何所適只自占名山夜灼青藜火朝肩白石關竹深  
禪共寂雲吟鶴俱閒多少修玄草從茲取次刪

芝園定集卷之十二

五言律體目錄

歸田稿

中秋集九山莊居因觀競渡二首

次竹墟見訊二首

詠紅白雞冠花二首

屠氏慕雲莊賞菊二首

郊居三首

宿武陵莊二首

九山避客阿育王寺值雨戲簡二首

雪中飲倪竹所

葵雪詩為陸郎中震作

甲子除夕

資福寺

溪隱庵

包十叅軍歸自濟上過訪草堂

芝園定集卷之十二

乙丑春三月遊茂嶼山莊同諸彦作十首

茹春亭集次韻

遊武陵莊諸彦冒雨先歸次日開霽余始發舟途中

口占貽之二首

王芝堂賞牡丹客有好奇者禁不賦牡丹而賦壁間

畫菊即席限韻

次遊鴈蕩詩

雨赴茂嶼莊四首

七至茂嶼莊

村居雜詠六首

雪三首

包十叅軍李五山人雪中過訪村居二首

送文學李生白遊南畿

九至茂嶼莊

惜春五首

席上送呂山人遊青齊

薛子熙包明臣包庸之李賓甫包敏學屠田仲醜燕

碧岑樓即席二首

燕包別駕文臣宅二首

吳門王百穀過訪草堂賦贈

壽月漁盧山人

盧山人雨中卧病詩以嘲之

丙寅中秋集諸彦山亭翫月

丙寅秋杪十至茂嶼莊作三首

村居懷城中友人二首

兩望

夜坐

溪上

村中即事二首

屠國泰莊居賞菊三首

李賓甫詩訊村居走筆答之

芝園定集卷之十二

菊上蝶

飲包十叅軍碧岑樓二首

十一至茂嶼莊二首

十至武陵莊

和南禺十六夜對月見懷

包叅軍碧岑樓燕集即席分韻得秋字疎字

包十叅軍李五山人遠訪村居不遇賦謝二首

李山人莊居燕集三首

丁卯除夕三首

十一至武陵莊作五首

輓包十叅軍四首

十二至茂嶼莊作用樓字二首

藝蘭

春暮酌客

訊省庵移病郊居

六月一日十三至茂嶼莊觀蓮二首

悼盧九山人客死二首 灼艾謝客

十四至茂嶼莊用空字

沈嘉則遊吳箕仲遊燕歸而過我

二月杪飲竹墟園亭 十五至茂嶼莊作

沈嘉則久客初歸與諸彥燕集月湖精舍二首

戊辰元夕集諸彥觀燈二首

題侯濤山和豐大五首 十六至茂嶼莊作

夢遊四明山作限勞字首中秋獨坐對月二首

心遠堂雨集

東明池館翫月即席限秋字霜字二首

十五夜黃仲宅賞月二首

聖朝集卷三

八月十六夜李五山人携酒屠厨馬園亭作

八月十九夜屠厨馬園亭賞月二首

詠玄石吳山人卧病 送包九貢士灶上二首

山亭邀客觀紅白梅 庚午元夕

王伯穀以詩來壽次韻為答

山亭雨集二首 贈樂繁

贈材官俞尚志

端陽小集即席用節名為韻二首

同竹墟遊茂嶼莊二首 詠歸軒對雨用歸字

和答戴太學少石二首 詠沼內金魚

訊省庵莊居避客二首

病中曾汝登山入戴仲德太學見過留酌用來字

簡戴仲德太學

八月八日燕竹墟園亭不見月

十三夜山亭燕集

屠田仲戴仲德過訪得烟字二首

歸自武陵舟中用歸字 王芝堂雨集用芝字

扁舟曉行

至日晨興祝賀

聞虜警五首

至後崇正堂燕集用深字

嘉平六日屠田仲携酒見訪二首

嘉平廿日飲賜谷山人所

庚午除夕

辛未元日

聖朝集卷三

送葉子雲遊吳

辛未元夕山亭燕集二首

送洪生之建業

十八至茂嶼莊作二首

王芝堂戴仲德過訪得前字

早秋二首

七夕

田間喜嘉則見過三首 贈箕仲

遲客 詠沈山人月榭

八月十二燕集限韻二首

八月十八夜山亭燕集 病起二首

十九至茂嶼莊作三首 詠玉乳泉

詠芙蓉

立冬後五日山亭小集用冬字



贈聖二

纓泉紫微莊翫竹

十四至武陵莊

二十至茂嶼莊

為汪生題隱几樓

伏日月湖精舍與友人納涼用涼字二首

八月十一燕東明山亭翫月

十四夜與吳山人待月 中秋夜燕竹墟山亭

十八夜山亭燕竹墟東明二首

戴仲德不赴茂嶼之會詩以嘲之

陳文孺遠過草堂賦贈 訊余君房讀書大山房

題海會寺用李五山人韻

送王郡守鵬江入蜀 戴仲德過舍留酌

芝園定集卷五

五

戴少石吳草堂過王芝堂小酌用栖字二首

招沈勾章二首有序

戴仲德過訪王芝堂留酌用尊字

端陽遲客不至 送高孝廉偕計南宮

伏暑月湖精舍小集 中秋得仲德太學詩賦謝

二十三至茂嶼莊作 咏芙蓉

送沈長孺會試 送沈箕仲會試

冬日訪沈嘉則箕仲即席賦

新山對雨 月湖精舍賞菊得魚字

村居即事 雨雪吟

簡呂中父 元夕湖堂燕集分得湖字

新晴客至

新山雨集

次纓泉元夕湖堂燕集二首

月夜過濟陽谷勢酒過新山

一十四至茂嶼莊作 小瀛洲晚集得蓬字

樓山人過訪 和明翁林居書懷

又和中元山亭燕集 又和題小瀛洲二首

二十五至茂嶼莊作二首

茂嶼雨宿 甲戌至日燕李山人讀騷軒

嘉則遊吳歸燕集山亭 又得江字

乙亥新正四日月湖精舍小集

新正六日山亭燕集得山字

芝園定集卷五

六

十四夜黃省庵宅賞月 送倪佩夫赴銓

喜戴仲德至 江濤晚步次仲德

二月既望楊太學邀燕柳亭

芝園定集卷之十二

五言律體

歸田稿

中秋集九山莊居因觀競渡二首

為歡非不數何似此郊遊白玉神仙宅清風幽菑洲龍旌  
搖碧漢社鼓沸中流莫惜沙頭醉佳期不可留  
對酒欲不飲其如佳景何臨流塞意下榻胃松蘿簫鼓  
雲中亂烟霞雨後多憐君能愛客蘭漿數來過

次竹墟見訊二首

家在青溪上漁歌日夜聞平林隨鶴步幽渚與鷗分樹密  
雲長住霜清菊正芬松醪誰共對獨酌亦成醺  
曉看明鏡語雲鬟奈愁何寶劍塵中蝕流年夢裡過乘槎

芝園定集卷十二

遊月窟抱瑟奏雲和但得從吾好無勞賦九歌

詠紅白鷄冠花二首

植根凡幾許秋至始揚英不醉頻能舞迎人似欲鳴風前  
舒絳幘雨後鞭朱纓為問春花麗何如此後榮

豈有司晨德生來儼肖顏巧將銀作甲還以玉為冠疎葉  
青華綴貞姿白雪寒群芳正銷歇賴爾媚雕闌

屠氏慕雲莊賞菊二首

適館何為樂中庭菊正芳繁華交几席馥郁襲衣裳座引  
千峯秀霞浮九醞觴未須金谷勝游衍興偏長  
久已聞花發今來始見花風清徐吐麝日暖會蒸霞採作  
延年藥簪添兩鬢華已知塵市隔彷彿在仙家

郊居三首

避喧初去市耽寂乃栖荒水靜長舒霧楓丹盡染霜樵林  
驚鳥雀策杖牧牛羊終日無相款陶然醉一觴  
自有幽棲宅迴溪信許深青山來木杪明月在花陰卧起  
長聞鳥逢迎不出林居然成小隱永以謝塵心  
去海不百里輪蹄鮮所經烟雲羅四壁島嶼出孤亭簞以  
風吹落松因雨洗青屏居亦何事掌上有黃庭

宿武陵莊二首

池上故多竹因之結草亭銀河投碧澗松頂閣華星舊有  
烟霞徑新成錦繡屏桃源真不異杖屨正須停  
自買青山館頻來卧石根未云希豹隱聊學泥蟠植升

芝園定集卷十二

都成障跡泉穴匪門夷猶足幽勝不羨辟疆園

九山避客阿育王寺值雨戲簡二首

雨屐何方去空門碧草閒不因逃俗客那得伴青山尊酒  
孤燈夜禪扉壯斗間庭前古梅樹已見着花斑

何事拋車馬泥途獨杖藜浮雲千澗白細雨萬峯迷刻燭  
裁新句疏苔認舊題總緣山水癖欲共遠公栖

雪中飲倪竹所

知君多種竹策杖一來過坐拂青萍劍杯傳白雪歌燈前  
羅玉樹簷角瀉銀河此夜不成醉其如歸路何

葵雪詩為陸郎中震作

陸死南巡之諫  
舊是蜀山種托根上苑新有花能耐雪無地不生春衛足

寧非計傾心自有真性靈幸不變埋沒任風塵

甲子除夕

羲馭無停軌偏憐此夜身乾坤真逆旅湖海一閒人白髮  
愁中長青山病裏親羨茲原上草一歲一更新

資福寺

蘭若何年建空餘法相陳鶉衣僧避客旅殯鬼傷春白日  
狸狂走頽垣井竈埋猶言將公齋供禮諸神

溪隱庵

古澗青松底叢林碧漠間不因鐘磬發何處覓禪關屋破  
雲長入庭空鳥共閒囊中無寶鑑虛擬買山還

包十叅軍歸自濟上過訪草堂

支蘭定集卷上

三

春風吹客至顛倒看衣冠不為經年別安知見面歡烟霞  
仙子宅葵藿野人食亦有瑤琴在煩君作意彈

乙丑春三月遊茂嶼山莊同諸彥作十首

蘭舟一出郭步步可憐春沙草不禁綠谿花亦自新烟霞  
青竹杖湖海白綸巾總為疎狂甚豪吟不避人

誰言春已暮還見百花妍屋裏青山入天邊紫澗縣徐穿  
棲鹿徑來課種芝田更有清溪在垂綸亦自便

尋芳不一月結伴又來過種竹未成徑栽花復幾何泉分  
雲竇細鳥語夕陽多已自足幽勝還聞白雪歌

何事頻停櫂山中有蕨薇穿林披露葉拂石破雲衣門望  
青天盡溪涵碧樹輝祗緣春欲去一倍惜芳菲

披雲行海甸衝雨入山莊正愛梨花白空遲明月光蛙聲  
喧水國鳥影落河梁其有題詩興相酬不盡觴

只說晴遊好那知雨亦嘉松林遙洩霧石壑暗蒸霞荷裡  
初生葉桃開半落花甘泉何處得燒竹煮仙茶

夜來春雨急睡起望朝暉步步添青草山山長白雲芳花  
吾自惜空翠若為分俗客休相問方從麋鹿群

何處堪投轄虛亭枕碧谿群峰排漢列密樹出雲齊丹藥  
誰同採長筇手自携烟霞隨處足都作畫圖題

叢林結幽館真似堊人家社燕初營壘庭槐漸茁芽避人  
長去市却老欲喰霞何用尋幽賞還浮湖上槎

豈有桃源勝窮探路欲迷不知明月上忽聽夜鳥啼載酒

支蘭定集卷上

四

人初至看山客共題獨憐車馬斷白首足幽棲

茹春亭集次韻

燕遊何處好只愛碧山莊綠樹窺簷亂清溪入漢長隔林  
人語細墮地月波翔不惜今宵醉新成九醞觴

遊武陵莊諸彥冒雨先歸次日開霽余始發舟途中

口占貽之

昨同詞客至獨領白雲歸溪霧頻迷棹花香半宿衣雨餘  
千嶂碧風靜一禽飛為問居塵市何如偃翠微

山雨驟不歇初晴始放船推蓬隨壺葉蕩槳入青天談塵  
懷仙侶奚囊檢和篇定知歸路惡調笑亦堪憐

王芝堂賞牡丹客有好奇者禁不賦牡丹而賦壁間

畫菊即席限韻

本自殷群芳盈盈入畫堂何人施國手此日妬天香擬作  
長生藥難文楚客腸燈前一披拂游衍興偏長

次遊鴈蕩詩

鳥道千盤入丹霄四望臨豹樓偏隱霧龍卧不成霖樓觀  
諸峯錯雲雷萬壑深終朝勞應接何處發長吟

雨赴茂嶼莊四首

何事今朝雨偏乘湖上行風流連沈約賦詠失張衡展席  
排雲壘然燈動酒兵已知雞犬隔應得夢魂清時沈張二子負約不至  
蕩漿指空碧乾坤莽不分帆檣屯密雨衣袂襲青雲竟竹  
已無徑栖禽不辨群聊從二三子深夜坐論文

芝園定集卷之二

五

長途真苦雨到此亦成歡篠簜舒綠芙蓉漸吐丹談玄  
天地小說劍斗牛寒但得長樓息寧知行路難  
自有看山癖無分雨共晴迎舟千樹綠入漢一川平鑿沼  
初施石為林已聚鶯明時容我老長作鹿門耕

七至茂嶼莊

為山方一月已見百花妍魚鳥相與適壺觴祗自憐天垂  
千嶂碧雲墮曲池偏風起橫塘晚猶聞唱采蓮

村居雜詠六首

誅茅關三徑逼漢起層樓舒眺芙蓉渚寒芳杜若洲無心  
歌窈窕有意挾浮丘已幸辭鶯堦升沉非所謀  
昨為市上客今作山中君樵釣一以適風波了不聞已從

麋鹿卧詎憶鸛鷀分世少侯已識何人扣子雲

豈是文園適終年卧長卿耽書病不減作賦久無成細雨  
侵朱闌輕雲羃綠城端居神獨往虛擬沈蓬瀛

流光不可駐結願在青山日月壺觴裏烟霞枕簟間屠龍  
無巧技抱甕有餘閒莫問從前事于今且閉關

漁燈然水國水夜月如霜有鳥驚三匝無人報七襄愁隨  
黃葉亂夢與碧流長浮海非吾願年來空望洋

東槎何處是叢薄帶華川霧閣半含樹松渠細引泉尊前  
歌宛轉月下詠嬋娟未得逃人世猶言是謫仙

雪三首

乍見灑長陌俄看集內庭群峰初戰白遠樹尚標青種玉  
元無意占年信有靈不禁寒氣重日晏戶猶扃

芝園定集卷之三

六

渺渺繁寒日霏霏逐暮雲近人渾欲舞入水乍成紋玉葉  
層霄墜瓊花漢苑分何當醺濁釀暫與阮生群  
薄暮風色鮮飛絮匝郊廬梅花春欲動錦字怨空傳未擬  
梁園賦言尋刺水船栖野田雀三五自相憐

包十恭軍李五山人雪中過訪村居二首

何異山陰興隆寒蕩漿來入門披宿雪布席掃蒼苔自有  
嵇康傲誰憐窈窕哀荒村無伴侶為爾一舒懷  
四望無行跡何人却扣關樓禽喧綠竹曠野失青山瑤草  
意不盡白雲時與閒定知今夕會星聚紫霄間

送文學李生白遊南畿

伏劍何方去光搖紫極星江梅初散白野草盡輸青慷慨  
懷三策蹉跎老一經霸圖餘建業早晚弔新亭

九至茂嶼莊

尋芳不在遠幽館抗河洲苑樹初成障山雲半墮樓每因  
將藥至還以惜花留未擬平泉勝聊為靜者謀

惜春五首

如何春又暮不放一朝晴野草愁中綠山花病裏榮清尊  
雙短髮白日一柴荆不分扁舟去還聞谷口鶯

每憶青春好春來祗益愁繁陰睥睨曉積雨華門秋夢有  
東山展思深芳杜洲林皋饒百卉不會後時留

王孫在何許華潭帶清川欲汎蘭舟去其如陰雨牽已踈

芝園文集卷十二

七

蓮社會空辨酒家錢老大耽遊賞殘春更可憐

共有看花興何人載酒遊刺天青嶂沒壓戶白雲稠漢水  
誰乘鶴關門欲御牛所嗟無道術寂寞卧滄洲

佇看朝旭上結伴踏晴沙剩有題詩筆空餘犯斗槎山雲  
蒼溪霧谷鳥失林花自是春難住遊人莫怨嗟

席上送呂山人遊青齊

又向天涯去其如故國何青春稷下客白雲郢中歌酒伴  
隨方得烟霞入夢多何當並仙馭相與奏雲和

薛子熙包明臣包庸之李賓甫包敏學屠田仲醇燕

碧岑樓即席二首

盡是詞章客招邀習氏池尊前千頃碧檻外萬峯奇人世

憐青眼才華美白眉猶慚一日長杖屨數相推

共惜春如海言將酒作池園林富花鳥水陸薦珍奇夕照  
翻紅浪晴峰展黛眉相看轉相樂風雅世應推

燕包別駕文臣宅二首

每憶園亭好還同酒伴遊花因留客媚地以去城幽几席  
生雲霧簷楹宿斗牛塵心何用浣到此一銷愁

風流包少府倒屣日延賓自有琴書好還從魚鳥親開簾  
放明月種竹過東隣記得題詩處猶然翰墨新

吳門王伯穀過訪草堂賦贈

久矣逃空谷烟霞信許深何期青雀舫來賦白頭吟推轂  
多朝貴投桃滿士林休言不得意到處有知音

芝園文集卷十二

八

壽月漁廬山人

憐君多道術六十鬢猶黔取世何其薄長生信可占岐黃  
專國手博奕奮虬髯到處傳題詠爭言韋柳無

廬山人雨中卧病詩以嘲之

抱病元不適聽雨益淒其技以醫身拙山人神因覓句疲  
階前蟲作篆枕畔墨為池茶竈烟應斷誰為燒炭房

丙寅中秋集諸彦山亭翫月

何處無明月偏宜我輩看輕輝白水淨疏影碧梧寒徙席  
侵苔鮮探魚撫曲欄勝遊那得似莫惜酒杯乾

皓月尋常見何如此夜嘉徵歡來別樹聽笛出晴沙色借

千林玉光分八表霞廣寒無乃是容與憺忘家

丙寅秋杪十至茂嶼莊作三首

寒裳涉蘭澤嘯咏即生涯白日下峰變青天一徑斜無方  
飼雞犬有意問桑麻恠底玄談處羨歌向晚譚

本因逃俗至無作看山行睥睨雲中出浮屠天際明鳥啼  
多異響花落有殘英何月祛塵垢臨風試濯纓

莫訝尋常到頻來頻可憐徑深斜度竹石吟淡生烟自得  
平泉趣還同白社緣蓬萊何處覓物外即真仙

村居懷城中友人二首

出郭何方去滄洲老釣翁人行黃葉裏鳥語白雲中花樹  
夢能到金尊酒不空相思不在久獨立數飛鴻

休言裴相第已似程公廬白日鳥窺戶青叢蟲打書林深

九

堪羨鶴海近可求魚誰復來今雨空令候鹿車

雨望

高樓不可上一上一添愁落葉亂山暮滄江凍雨秋淺雲  
寒抱樹決水曲通洲白髮何為者空餘一劍留

夜坐

對酒忽不樂挑燈坐自吟漏深還聽雨隣靜不聞砧丹闕  
他年夢青蓮此夜心客愁容易集無奈二毛侵

溪上

緩步清溪上溪雲暗濕衣逢人不問訊日暮各言歸月出  
鳥驚樹潮生魚上磯臨風無限思寂寞掩柴扉

村中即事二首

數畝柴桑宅依然白水涯雲深不礙路秋老尚餘花翠壁  
屋頭出青霓樹但斜村中無酒價客至便教賒

本為稽田事因之理故園祗應課雞鶩誰與贈蘭茶把酒  
月當戶出門雲隱垣此中堪習靜不共俗人言

屠國泰莊居賞菊三首

別墅滄江上招邀日正曛風翻鸞鶴羽霜拆錦苞文緩坐  
更銀燭高歌動綠雲不因追勝賞那得醉奇芬

仙館夢常到况茲花與期含情各不語獻媚故多姿珍列  
銀絲膾香浮金屈厄未須憐放逐錦里得追隨

不是河陽縣瓊英開滿堂擬將霞比麗羞以麝為香金屋  
何當貯柴桑差可方知君憐晚節端不愛春芳

李賓甫詩訊村居走筆答之

李賓甫詩訊村居走筆答之

憐爾青山谷能懷白髮翁情深杯酒外興在尺書中芳菊  
媚疏闊鮮霞絢碧空蘭舟何日至因以訊來鴻

四望無行旅蕭然靜者廬漫裁招隱賦無著養生書耕有  
子真谷釣非范蠡魚幽懷君倘識應羨早懸車

菊上蝶

習習何為者偏來亂錦叢不知春色遠猶愛露華融繡羽  
嬌初日芳心逐晚風冷英非逐客空恨楚王宮

飲包采軍碧岑樓二首

新春長避客此日始停車宿霧全吞郭殘花細點除茶供  
雲園筍饌贈月江魚何用徵綠竹相看意自舒

終朝雨不住亭午瘴全收暖浪狂翻壁晴雲競入樓凭欄  
看海塵晒網認漁舟仙釀今初熟何妨屢勸酬

十一至茂嶼莊二首

樓遲在城市夢寐只仙山擊汰青雲渚停撓白石關藻芳  
魚共戢草長鹿初還一脫塵寰事松齋盡日間  
谷口逢人問劉郎那復來徑草生不已山花落又開雲從  
簷隙度水抱席間迴正爾耽林卧休教剪綠苔

十至武陵莊

蜀莊誰是伴面有青山竹密長扃戶雲開乍落關穿林  
窺竊森坐石弄潺湲但得從吾好何妨未老閒  
和南禺十六夜對月見懷

李國定集卷十一

十一

只尺楊雄宅何當載酒來冰輪三界淨玉宇九霄開魚破  
磯頭鏡鳥啼井上槐思君心似洗獨坐絕纖埃

包參軍碧岑樓燕集即席分韻得秋字疎字

剩有觀瀾興來登江上樓疎花三徑晚落葉萬山秋把酒  
吞明月鈎簾撫碧流不須探赤壁已自足清遊

不分江山勝偏來護隱居星光點碧草雲影亂清渠近市  
頻沽酒呼魯旋取魚青天明月至遊衍興非疎

包十參軍李五山人遠訪村居不遇賦謝二首

荒野無行跡何煩二仲來却教青雀舫空沈碧波迴不下  
陳蕃榻仍虛阮籍林閒居今有賦還擬共君裁  
本買槎川棹翻尋草楚亭沈嘉則浪花蕪雨白雙樹屋雲

青有宇空題鳳無緣得聚星還來月湖上扣戶問玄經

李山人莊居集三首

出門何所適看竹到江干文字誰知已壺觴且佐歡風濤  
遙戰白霜葉亂飛丹莫咲山公醉歸途叵耐寒  
自抱滄洲興塵心了不干飡霞元有約對酒即成歡竹湧  
沙頭綠花留砌下丹相看轉相戀漏下不知寒  
名在何許結屋水之干我亦幽棲者從君空谷歡野霧  
足林黑魚燈逐浪丹酣歌隨意足莫使舊盟寒

丁卯除夕三首

有意空憂世無文擬送窮一身饒老病鎮日寡歡衷歲運  
猶推轂乾坤亦轉蓬今宵殘臘盡春色與誰同

李國定集卷十一

十一

衰頽長獨說逝者復如斯盛世羞干祿衡門但守雌梅花  
空自好相葉共誰持甲子須更換猶憐玉漏遲

已自悲華髮那堪歲又除淒涼入匣劍生死蠹魚書世共  
輕芻狗心還感隙駒無端不成寐坐待日華舒

十一至武陵莊作五首

春意那能禁言勢二仲來繁花半開落群鳥故飛迴避雨  
深依竹疏泉錯破苔自然成繡纈一為倒霞杯  
芳園不在遠廿里即停舟雲起千峰失雷鳴萬壑浮種松  
青匝戶疊石肖為樓不是求羊徑長來逸客遊  
從來厭城市到此即舒懷雨檻全歌竹風簷半落梅穿水  
雲片斷濯沼鏡光開共有陽春曲尊前取次裁



與客何為者栖栖林壑中探泉青草潤煮石白雲宮竹秀  
偏宜雨鶯嬌不避風春光寧久駐流覽意無窮  
蕩漿沿芳渚清溪一扣關爰知仙子宅只在翠微間花落  
偏侵徑雲飛不出山恰逢新雨過相與弄潺湲

輓包十叅軍四首

瀟灑王摩詰風流顧長康乍聞親枕簟詎意即膏肓蔓草  
繁花徑歸雲認草堂舊題文字處一一斷人腸

世人誰不死獨自苦悲君無限憐才意寧論對酒群沙禽  
窺網戶石榻編苔文江上看明月鐘聲不可聞

病中頻撫榻強起慰愁煩多少傷心事相看不忍言門無  
車馬至架有簡編存觸目堪流涕何須聽暮猿

聖園定集卷三

三

本共烟霞老奄悲薤露晞未言投寶劍祗自念緇衣啼鵲  
青林暗芳花白雪飛君行不知處何日更言歸

十二至茂嶼莊作用樓字二首

只愛青山好添成百尺樓清泉梳石髮紫霧幕松頭刻燭  
磨新句持杯憶舊遊包十叅軍物故中庭明月至遽起上簾鈞

萬疊芙蓉嶂都歸湖上樓御風行碧漢長嘯落滄洲綺樹  
新酣雨陰雲莽戰秋由來謝公屐只為看山留

藝蘭

移將山谷秀栽入少微堂拂葉憐新茁批根補舊傷祥徵  
燕姑夢佩結楚臣裳長得芳心在寧湏自斲揚

春暮酌客

不分春歸去開軒遲友生對君傾白墮聽我說青萍芳草  
王孫思落花遊女情東風亦無賴轉眼是朱明

訊省庵移病郊居

在野有何意言逃市里譁樵林煮白石閉戶養丹砂水近  
雲生榻庭空雀啄花夜來河漢下高興欲乘槎

六月一日十三至茂嶼莊觀蓮二首

鑿沼何為者疏泉祗種蓮賴霞紛爛熳碧玉復聯翩色以  
朱闌媚香從綺席傳奚童休采折留取藕如椽

木末披雲閣芙蓉萬疊開遶闌標貝錦平地作瑤臺蓋密  
遊鱗伏風清宿麝果休論河朔飲且共倒霞杯

悼盧九山人客死

聖園定集卷三

七

憐爾何為者栖栖死道傍哀鴻將遠計行路亦悲傷新鬼  
迷殊俗游魂竟故鄉途中有詞賦多少付奚囊

平生多落魄白首不謀身空有倉公技仍同范子貧喪與  
歸地主沈默蓮社失詞人風雅今休賦誰當識我真山人能

灼艾謝客

閉門初灼艾言念起沉痾賓客逢迎廢生涯棄置多小齋  
虛白日曲徑掩青蘿自恨謀身晚衰遲奈爾何

十四至茂嶼莊用空字

一自逃空谷長為山水雄每逢青眼客來伴白頭翁煮茗  
燒松葉剡泉引澗虹瑤臺高不極徙倚睇秋空

沈嘉則遊吳箕仲遊燕歸而過我

南北俱為客殘年一棹歸不辭行路惡言念故園違歲月  
陳蕃榻風霜季子衣還餘匣中劍到處有光輝

二月杪飲竹塢園亭

愁霖不出戶兩月始來過對酒復不醉其如春色何花繁  
蜂影亂樹密鳥聲多漏下瑤階夕誰為子夜歌

十五至茂嶼莊作

江城春不減只自夢青山芳草為誰綠鳴禽相與還雌霓  
翠水國宿霧捍松關何處尋真隱遂瀛指顧間

沈嘉則久客初歸與諸彥燕集月湖精舍二首

吳粵遨遊盡何如故里歡尊前談塵亂肘後劍鋒寒碧水  
交清漢繁花占曲闌竹林寧勝此莫惜酒杯乾

辛酉寒食集卷二

五

何處成高會虛亭敞碧湖一逢仙馭至遽問酒家沽樹影  
分朝夕山光下有無不須談世事且自了詩逋

戊辰元夕集諸彥觀燈二首

花樹開湖曲瑤燈映照明遊觀紛士女酣詠有賓朋漫說  
長春館真同不夜城莫愁華燭盡月在簷楹

何用娛良夜開筵命故人星橋遙散綺錦障淨流銀曲奏  
梅花月杯傳綵勝春道遙誰得似蓬島近為鄰

題候濤山和豐大五首

餘腥通絕徼只望此山歸鳥語能傳梵雲生暗濕衣千峯  
天外出孤嶼浪中微為狎漁樵伴偏應朝市違

為有烟霞癖凌風上百盤冥濛招二霍山有東彷彿見三

韓吳越尊前盡乾坤鏡裏蟠未湏遊五岳此地足奇觀  
寶樹何年種劉郎不復來星河簷外落天地掌中開香結  
黃金閣霞樓白玉臺忽然捫絕壁錯破舊餘苔

浩淼疑無地何年此落星洪濤春日白遠樹貼天青賜谷  
收漁舶嵒嶺列畫屏山僧有真悟對客說玄經

何處探仙窟青春得大觀晴嵐時作雨陰洞迴生寒坐數  
夷王國眠看海若瀾誰能共棲息長鍊九還丹

十六至茂嶼莊作偕竹塢省庵

迷却桃源路千章夏木稠青峰排漢出白浪挾雲流樵唱  
風前亂桐花雨後收最憐河畔柳慣繫木蘭舟

未刻林中竹先逢谷口漁平沙分鳥篆古壁走蝸書度嶺

辛酉寒食集卷二

六

聞舒嘯排雲學步虛正逢歌帝日不是避秦餘

夢遊四明山作限勞字二首

芙蓉啓天末杖策歷山椒百道疏青澗群峯亞赤霄振衣  
雲下落入谷暑全消共有烟霞興躋攀不憚勞

欲探丹丘勝寧辭病骨勞百盤凌鳥道萬劫啓神臯象緯  
羅珠綴松篁擁翠濤此中堪避世劉阮是吾曹舊傳劉阮

中秋獨坐對月二首

皎皎冰輪出團團玉鏡縣流輝妬丹鳥素練匝清川城柝  
因風亂霜砧雜漏傳何人同此夕一醉小山前

皓魄盈三五清光滿漢津入簾寒散玉委地淨鋪銀坐憶  
吹簫侶空懸灑酒巾中庭看百草旖旎露華新

心遠堂雨集

舊雨客應至何期今雨來六街成沮如百里斷樓臺屏  
開還合陽侯怒不田強持一杯酒相與說幽懷

東明池館詠月即席限秋字霜字二首

最愛今宵月因來作勝遊繁花紅映錦曲沼碧凝秋歌管  
遙相送星河澹不流只愁尊酒盡玉漏轉添籌

芳亭開勝燕金谷詎能方未學孫登嘯聊為阮藉狂脩簞  
寒散雪白石靜飛霜莫道為歡易嬋娟不可常

十五夜黃仲宅賞月二首

如何今夕會杯竿不停揮零露徐侵席飛螢暗襲衣流光  
千樹碧皓魄萬家輝莫問曾投轄夷猶自不歸

芝園定集卷十二

七

連宵貪勝賞况乃正中秋不惜一尊酒言消白髮愁瑶林  
光遠近銀海影沉浮無限飛騰意天邊摘斗牛

八月十六夜李五山人携酒屠司馬園亭作

久有携尊約偏來就月明一年惟此夕四海幾親朋碧漢  
彤雲粲黃流玉璫盈相逢詞苑客白雪若為塵

八月十九夜屠司馬園亭賞月二首

追歡猶未已待月到君家素練三江雪丹綃萬井霞風傳  
迎鳳曲庭擁麗人花未得離九界相携汎斗槎

芳園饒物色美酒復盈尊月出先窺簾潮生直到門喧林  
多鳥雀繞榻有蘭孫不盡傷秋意休從此夜論

訊玄石吳山人卧病

問君何不樂高卧草玄窩丹藥從誰乞青山有夢過閒石  
潘令賦扣角甯生歌莫漫傷離索相知豈在多

送包九貢士北上二首

萬里長安道長亭復短亭金門新待詔璧水老明經四海  
誰知已清時足典刑莫言逢世晚腰下有青萍

折柳送江干長途春未闌公孫初獻策貢禹會彈冠莫以  
瀛洲客能忘故里歡頻頻投尺素忍使舊盟寒

山亭邀客觀紅白梅

春暉亦何意先自洩梅花影度疎簾雪香浮淺障霞酡  
微有暈玉骨淨無瑕四美於茲得微歡興未涯

庚午元夕

芝園定集卷十二

八

海上神仙國千門擁畫屏踏歌隨皓月合舞亂華星火樹  
彤雲粲香臺紫霧冥良宵寧易得杯竿不須停

王伯穀以詩求壽次韻為答

病起頻窺鏡愁來亦枕肱著書時有草夢筆近無徵不分  
青山隱能令白髮增種瓜餘百畝聊以學東陵

山亭雨集二首

經旬憂旱魃瞬息慰甘霖魚躍因爭藻禽啼不出林停雲  
陶令賦白雪郢中吟已共開懷抱飛觴不自禁

雨氣搏朝靄波紋織晚風何期青眼客來扣白雲宮穉竹  
嬌添綠繁花濕戰紅慙慙把衣袂莫惜酒尊空

贈崇繁

待詔金門久相逢髮未皓青尊燕市月白雪郢中歌把劍  
華星動停車長者過故園春不少奈爾遠遊何

贈材官俞尚志

夙有黃公略常懷烈士風無人收櫜下猶自處囊中鳴劍  
伊吾北揮戈瀚海東終應同定遠勒石表奇功

端陽小集即用節名為韻二首

故園逢令節有客款雕闌艾虎仍隨俗蒲觴亦合歡鳥聲  
斜照裡山色畫樓端自是蓬瀛近烟霞極目寬  
青尊誰與共相對有高陽勝會非金谷名園羨辟疆湖光  
兼草碧樹色雜雲蒼只為逢佳節酣歌已太康

同竹坡遊茂嶼莊二首

芝園定集卷十一

七

仙界何方是理臺霄漢間差池沿綠水次第認青山樹擁  
霓旌出雲籠鶴駕還不須防俗客已自有松關  
不到山中久亭臺近若何澄湖金欲灩翠巘玉嵯峨曲浦  
分漁唱華林沸鳥歌逍遙那得似幽勝本來多

詠歸軒對雨用歸字

青天長作兩朝暮打簷扉白日千峯暝長林一鶴歸墮槐  
頻點几輕霧暗生衣何處來歌唱前溪有釣磯

和答戴太學少石二首

疊障圍山郭蕭蕭碧樹秋常將千日酒解脫一生愁月下  
桓伊笛雲中庾亮樓知君興不淺魚鳥日同遊  
青春能幾許素髮已先秋空有王猷興長懷平子愁垂綸

時汎艇聽笛獨登樓還擬尋安道同為汗漫遊

詠沼內金魚

錦鱗何太媚碧沼百千頭日映光逾麗萍開隊轉稠驚人  
紛聚散泳兩載沉浮芳餌頻投飼逡巡不下鉤

訊省庵莊居避客二首

拋却香山社江壩獨灌園披雲朝采藥釣月夜聞猿自有  
烟霞癖真嫌城市喧他年逢令尹一為授玄言  
欲馭雲中鶴因觀濠上魚溪裳饒辟効池錦簇芙蓉肺病  
初辭酒窮愁祗著書雖然耽閑寂忍使故交疎

病中費汝登山人戴仲德太學見過留酌用來字  
豈有名園勝猶煩二仲來談因文字劇愁為酒尊開白日

芝園定集卷十一

十

千峯兩青天萬壑雷莫嫌門巷僻贏得遠塵埃  
閉關方却客投謁故人來未聽蘇門嘯先傾栗里杯澄湖  
瑤練淨列障錦屏開羨爾陽春曲烟霞取次裁

簡戴仲德太學

思君不得見見君湖上秋如何剡溪棹不為小山留度嶺  
雲衣散凌風木葉流何人共遊燕明月在滄洲

八月八日燕竹塢園亭不見月

為愛中秋節芳園豫舉觴嬋娥不可見風雨頓生涼薄霧  
縈瑤席繁雲壓草堂相逢空繾綣王漏轉添長

十三夜山亭燕集

掃徑雲初散開簾玉作鋪微風動簷鐸高樹語巢鳥醉浣

金莖露狂歌錦鏡湖無明月夜不似此宵娛

屠田仲戴仲德過訪得烟字二首

何處聞長瀟江城起暮烟病中方却客君至一談玄座引  
青山入杯從碧沼傳桂香吹不斷相對且流連

一月少晴霽局門理舊編有花都宿雨無樹不生烟謁我  
何方客開尊且命絃坐聞空外笛還共漏聲傳

歸自武陵舟中用歸字

乘朝旭出今帶白雲歸蕩槳輕牽荷飛蟲亂打衣曠懷  
天共遠高論塵頻揮亦有城南舍終宵夢翠微

王芝堂兩集用芝字

白髮亦何事青山學種芝却憐今兩客來赴竹林期歸鳥

芝園定集卷十一

喧窺戶寒雲濕滿枝醉深歌白紵四座盡忘疲

扁舟曉行

荒遯有何事晨征却戴星出門沾白露蕩槳破蒼萍若木  
初舒曜千峯稍露青須臾車馬客奔走不遑寧

至日晨興祝賀

撫枕聽鷄鳴披衣出繡楹華星閣樹杪皓月麗層城莫以  
耕田樂能忘戀闕情祥雲紛五色偏自遠神京

聞廣警五首

殺氣橫沙漠陰雲凍不飛薊門傳羽檄虜騎薄郊畿夜月  
鳴刀斗霜風捲鐵衣誰將三尺劍斬却月支歸

漢德逢全盛天驕却逞雄君王方講武宰相恥和我六郡

材官集千城轉餉同即看虎頭將勒石去奇功

羽檄若星流黃沙百草秋分符稱衛霍山塞擁貔貅避虜  
常三舍論功擬檄侯九重方側席誰為落旄頭

烽火燭長城胡奴百萬兵甘泉朝飲馬茶塞夜連營壯士  
紛乘障書生欲請纓何當舞干羽坐見泰階平

此去鑿匈門言收靖虜勲心驚榆塞月膽落龍頭雲本乏  
禽王畧空談露布文貢葵與獻雉何以慰明君

至後崇正堂燕集用深字

尋幽不在遠徙倚即芳林偶爾勢妨舊開尊傍水陰禽喧  
蒼鵠破魚逗碧波深觸目堪遊衍忻茲遯世心

嘉平六日屠田仲携酒見訪二首

芝園定集卷十一

賴爾憐幽寂邀歡歲暮時當筵不盡興何者是相知草樹  
卿雲縈樓臺夕照熙梅花偏解意先放兩三枝

終日寡娛適開軒遲友生尋梅元有約看竹豈無情日薄  
虞淵近風吹草閣清青松與白石長結歲寒盟

嘉平廿日飲陽谷山人所

出戶欲何適忻茲嘉樹林圖書充四壁睥睨引遙岑布霞  
雲初戰依人鳥自吟朱紵莫停奏相對有知音

庚午除夕

自愛林泉隱偏驚日月徂愁同冰霰積病與市朝疎守歲  
間閭共占祥太史書不煩悲代謝春已到吾廬

辛未元日

若木弄朝暉祥光現紫微未能忘魏闕且自偃荆扉城角  
催烏亂街塵逐馬飛太平今有象會見羽書稀

送葉子雲遊吳

君歸已殘臘君去又新春空下楊朱泣真同范史貧遠山  
輸黛色芳草逐行塵獨有腰間劍晶光射斗濱

辛未元夕山亭燕集二首

澄湖開別墅令節敞華筵錯落明珠粲繽紛百寶縣羽觴  
花底促鳳吹月中傳勝賞惟茲夕同歌湛露篇

何處尋蓬島星橋有路通梅浮月白大樹洩霞紅曲障  
疑金谷清川出貝宮只愁天欲曙為樂未能終

送洪生之建業

聖園文集卷三

三

嗟君不得意草草去親庭未擲班生筆言傳馬氏經逢人  
多白眼在匣有青萍還憶停車處清宵聚德星

十八至茂嶼莊作二首

本為看花至群花半已殘還憐千樹綠遙映萬峯丹積辭  
迷行徑新禽佐合歡河橋春水漲正好把魚竿

客有懷春者相携訪石林望窮滄海盡棹入白雲深曲室  
丹青遍虛亭薜荔侵名花何處約權實自難禁

王芝堂戴仲德過訪得前字

何處看明月清沙白石邊况逢佳客至同醉綠蘿前曲嶂  
千年樹華池五色蓮居然成放達不數竹林賢

早秋二首

涼月掛羅戶商風吹綵衣頻知秋色至不待鴈南飛曲榭  
清川映繁星碧漢輝幽懷何以賦祇自偃荆扉  
庭梧飛一葉伏暑晚來收睥睨青山出星河大火流乍驚  
秦塞鴈為報漢宮秋何處吹長笛能添白髮愁

七夕

今夕是何夕星河分外明誰能攀桂輦空復迂霓旌想像  
詞人賦淒涼怨女情兒曹休乞巧我已誤平生

田間喜嘉則見過三首

相見不在數相逢即賞心朱須通訊語已自憐煩襟長嘯  
小天地雄談徧古今清時容我輩莽蕩入山深  
無人憐叔夜君尚識楊雲直入烟霞徑來尋鹿豕群遠峰

聖園文集卷三

高

呈黛色清鏡蹴波文惠篴盈懷袖無風亦自芬

爾時眠石閣余亦卧雲林共有憂生歎非關避世心松泉  
寒洩玉竹日淨篩金斗酒不為薄因之調素琴

贈箕仲

扣門何者客風雅出人羣白壁連城價青萍壯斗文誰能  
知賈誼吾自惜劉蕢本是明堂器終當翊聖君

遲客

何用娛嘉客繁花手自栽流光如轉轂百歲幾銜杯雨洗  
芙蓉色風生畫角哀烟霞紛滿目品藻屬誰裁

詠沈山人月榭

為歡苦不足疊屋上青岑獨對中天月悠然澄我心白日

桓伊笛清宵中散琴還從二三友長唱紫芝吟

八月十二燕集限韻二首

此夕是何夕高懷共爾傾彩雲流碧漢華月映長庚劇飲  
杯中聖雄談稷下生夷猶渾不厭何異汎蓬瀛  
為爾風流客開尊連月明飛螢點几亂蟋蟀近人鳴隔水  
鸞簫細繁花石鏡平乾坤容我輩暢此詠遊情

八月十八夜山亭燕集

三逕秋逾好今宵聚德星湖波排戶白沙樹貼天青揮麈  
談何劇飛觴手不停不須三五夜明月滿中庭

病起二首

者石僕食芝年華每在茲如何二豎厄偏及九秋時證藥

芝園定集卷十二

共

微群帙裁方集衆醫生憎添白髮負此黃花期

伏枕何多日遠巡度好秋黃花誰作主碧月若為酬卷帙  
都拋却丹砂祇自求青山彌四壁何處是菟裘

十九至茂嶼莊作三首

清遊誰與共舊侶間新賓鷗鷺初驚客烟霞故襲人筵開  
青嶂雨饌采碧溪頻何用逃人世居然不染塵

文園未罷病偏自戀青山穿林雲葉落步石辭痕斑水近  
村多霧松深戶不關逍遙雙白鶴何處御風還

清溪迴九曲巖棹白雲遙漁舍全依水山家半入天路窮  
微有徑樹老澹生烟對酒莫辭醉芙蓉正可憐

詠玉乳泉

甘泉何滴滴日夜出山根紺碧寒浮玉輕清自有源偃松  
長作蓋甃石稍為垣何用尋丹藥能令肺病痊

詠芙蓉

拒霜何處發偏及我來時碧水澄為鏡頰霞爛滿枝漫誇  
傾國色不減麗華姿四美真難具休停玉屈厄

立冬後五日山亭小集用冬字

客來自何許節序屆新冬短榻花前月疎簾水上鐘閉門  
不題鳳仙侶擬登龍長嘯小天地應希達者蹤

贈豐二

憐爾太無賴對之長歎咨箕裘空欲紹堂構已無遺泣路  
誰相問茹荼祇自知逢人說生計架上有詩書

芝園定集卷十二

共

纓泉紫微莊記竹

共有王猷興來尋萬竹林雨晴初茁玉日漏靜飾金戶逗  
千山色亭詳百鳥音欲將流水意一為瀉鳴琴

十四至武陵莊

春遊不知遠只自愛青山漁艇分溪碧莓苔繡石斑門收  
平楚盡客共野雲閒聊用娛茲日應須載月還

二十至茂嶼莊

為問桃源路蒼茫獨扣舷遠山青簇黛新水白浮天麥秀  
雉初雉沙平鷗共眠尊中饒竹葉不用杖頭錢

為汪生題隱几樓

空谷少行旅惟多鹿豕朋雨餘青嶂蕭日出紫霞生齊物



莊周論逃入阮籍情門前有流水早晚濯吾纓

伏日月湖精舍與友人納涼用涼字二首

湖曲開新墅因貪水上涼解衣懸綠竹避日隱青楊明月  
徐窺鏡流螢亂點裳不須凌汗漫已自在瀟湘  
不是高歡宅言傾袁紹觴未圖千日醉偷取片時涼短榻  
琅玕簾輕風辟荔裳來蓮誰氏子歸棹詠滄浪

八月十一燕東明山亭翫月

皓月出雲間清光被八埏如珪何太澤似鏡不成圓室以  
芝蘭媚歌從子夜傳主人真愛客高詠白駒篇

十四夜與吳山人待月

三徑無人到猶憐二仲未如何今夜月不為賞心開海岳

芝園定集卷十一

七

歸談塵烟霞入酒杯窺雲頻出戶踏破遶階苔

中秋夜燕竹墟山亭

久負青尊約其如白社何忻茲三五夕明月傍人多近水  
鋪銀練鮮霞列絳河莫辭浮大白得意在林阿

十八夜山亭燕竹墟東明二首

本自憐同好良辰數舉觴陳生能下榻荀令慣携香畫閣  
遲華月清池照拒霜風流何得似彷彿在柴桑

人生幾佳節對酒不成歡白髮江湖老青眸宇宙寬山當  
百雉出水向十洲盤且復留俄頃相將入廣寒

戴仲德不赴茂嶼之會詩以嘲之

夙有尋山約云何負勝遊攀花誰作伴對酒君為酬到戶

空門無錢可買舟却憐三徑竹清興愧王猷

陳文孺遠過草堂賦贈

憐君天目秀早歲擅名流作賦追司馬儲書擬鄴侯未緣  
馳驅曩長自拂吳鉤塵榻余方下猶煩信宿留

訊余君房讀書大慈山房三首

豈是逃禪客棲遲湖上峯看書親佛火旅食借僧供夜寢  
頻邀月晨興每候鐘自便塵市遠日日斷過逢  
何用辭輪鞅深山絕四隣居憐霄漢近坐與佛徒親釋竹  
全侵榻幽禽不避人行時移枕簟與爾說無因  
習靜非逃世青山有宿緣林心長隱霧松頂欲捫天自得  
長生草還探太上玄歸來定何日珠玉會盈編

芝園定集卷十一

八

題海會寺用李五山人韻

廣澤開琳宇朝朝簇紫烟窓中交綠水樹杪閣青天說法  
蓮華畔傳燈繡佛前幸茲逃世劫心跡兩悠然

送王郡守鵬江入蜀

留君方自喜送君還復悲悵惟我賴心事有誰知五邑  
存棠蔭群黎樹口碑相思無限意遙逐錦江馳

戴仲德過舍留酌

危冠何者客欵我白雲窩一水遠堦碧青山入戶多江湖  
成浪跡天地一高歌相送出門去惟應明月過

戴少石吳草堂過王芝堂小酌用栖字二首

荒園來二仲問我舍東西藻句陰何並清談嵇阮齊飛雲

逢水住歸鳥認枝栖醉後看長劍華星爛碧溪

問居何所好只愛白雲栖酒留佳客焚香付小奚霜清  
寒漏動月出乳鳥啼不盡烟霞與東山擬杖藜

招沈勾章二首有序

勾章山人不安仲蔚之棲常懷子長之興薄遊江湖經  
年不返高人愛其奇節虛左相迎俗士惡其不羈受侮  
不少余謂士不得志於世便當隱處蓬蒿著潛夫之論  
續樂志之篇耕草茹木以終天年何必素妻子犯風塵  
僥倖於不可知之人哉語云侯河之清人壽幾何山人  
當有以喻此矣為作小詩招之

故鄉胡不樂一去動經年綠水堪垂釣青山好種田才應

芝園定集卷三

光

為衆忌狂不受人憐莫怪塵生甑床頭富蘭編

一丘堪樂志何事遠行遊鼓瑟非時好明珠豈暗投莫尋  
騎鶴侶來伴種瓜侯河清不可俟蓬蒿且自休

戴仲德過訪王芝堂留酌用尊字

思君不得見得見欲何言弔古詩千首論心酒一尊嗟  
傷歲月慷慨薄乾坤莫漫悲浮世憐茲交誼存

端陽遇客不至

何可無佳客良辰一舉觴花憐人共寂興與日俱長短榻  
蓬條席清風靜菰菜出門頻佇望獨自詠滄浪

送高孝廉偕計南宮

已慨交遊少如何復送君山川分楚越劍旆指燕雲絕域

微神駭層霄表鳳文章繡從此日不猶然終年

伏暑月湖精舍小集

憐爾青山客能為白雪歌有懷惟我共無酒奈愁何障日  
便深竹寒雲補綠蘿不須嫌襍乘興且來過  
我有青桐樹偏宜夏日長會祛三伏暑消受九霞觴步石  
憐爾青山客能為白雪歌有懷惟我共無酒奈愁何障日

中秋得仲德太學詩賦謝

故已交遊徇徇將玉樹憐如何今夜月不共酒盃傳忽枉  
寺秋僕來投白雪篇醉深還秉燭一為命朱絃

二十三至茂嶼莊作

自得看山伴年年愁此中湖光侵碧漢秋色遍梧桐路盡

芝園定集卷三

壬

烟霞窟臺隣牛女宮夷猶無不可莫問酒尊空

咏芙蓉

如何追勝賞艷艷見芙蓉共訝顏霞聚還憐翠黛濃天孫  
輸麗錦國媛逞嬌容况有風流客酣歌興不窮

送沈長孺會試

江亭一杯酒送子遠徂征霜花隨馬度雲樹接天平錦繡  
三千字春風五鳳城應將經濟策早晚達承明

送沈箕仲會試

久待賢良詔明揚屬數奇計偕當此日通籍際清時世有  
鸞皇瑞人憐玉樹枝虞庭多衆美何者不相知

冬日訪沈嘉則箕仲即席賦

晨興理舟楫忽漫到江濱平楚雲千頃橫塘日半曛霞蒸  
黃菊色風散碧波文況有中天月清光得共分

新山對雨

三徑開湖曲栽花徧此中青天一片雨落葉滿城風密篠  
蒼烟合層巒白石雄平生好幽寂默默但書空

月湖精舍賞菊得魚字

自有澄湖館頻來高士車山當睥睨出菊傍綺筵舒麗色  
迷青眼幽香襲彩裾尊中饒舊醖不用解金魚

村居即事

暫爾謝塵鞅來尋樵釣群夢殘江閣雨望盡海天雲鹽榔  
從茲廢烟霞誰與分由來甘豹隱不用止山文

芝園定集卷三

三

兩雪吟

山堂敞疏閣飛霰集庭柯遠徑雲如織巡簷雀可羅亂峯  
驚水杪一水混天河為憶風流客山陰興若何

簡呂中父

入林何太密只自賦新詩有客非爭席逢人總問奇青山  
枕上聚明月樹頭垂已分逃人世應憐知者稀

元夕湖堂燕集分得湖字

綺閣面澄湖春風吹綠蕪逢茲不夜節言集賞心徒星月  
中天麗烟霞匝地鋪踏歌何處起塵滿六街衢

新晴客至

豈是蔣生逕頻逢二仲來水衡青嶺翳花媚夕陽開白日

全欹樹背天半掩臺不愁春去速且盡眼前杯

新山雨集

如何不速客又聞鑑湖春江雨吞林白山禽習語新顏梅  
嬌翠壁碧草妬香塵不羨朱門賞烟霞作主人

次纓泉元夕湖堂燕集二首

銀河隨斗轉寶樹入雲平共說青春好何如此夜晴一天  
明月色三市踏歌聲徙倚瑤臺望祥光燭漢京

金波流紫陌霞綺散天河不有華堂燕其如明月何千門  
爭彩勝萬井沸笙歌但得相娛樂何妨貌自醜

月夜遇齋賜谷携酒過新山

避人成小隱何事枉高車苔徑無人掃梅花亦自舒尊前  
芝園定集卷三

三

雙玉樹月下紫霞裾但得同遊行無煩賦白駒

二十四至茂嶼莊

最憐孤嶼好却恠雨偏零一水長鞋新碧千山失舊冑谷  
虛天欲墮雲聚畫長冥自是塵寰隔輪蹄寡所經

何處無花發偏宜此地看園因新雨秀人以故交懼白水  
穿深砌青雲冒曲欄從茲學真隱誰復慶彈冠

小瀛洲晚集得蓬字

誰言城市裡亦有仙宮咲語青天上夷猶白石中松深  
斜漏日竹密澹流虹對酒休辭醉浮生似轉蓬

樓山人過訪

疏館遵湖曲層臺抗城偏共看芳沼碧愛此荷花鮮振衣

落蒼雪倚樹瞰青天倘有求羊興時來拂石眠

和明翁林居書懷

鄭莊元好士老至亦交疎門外雀常聚庭前草不除已無  
赤帶夢惟有白雲餘彷彿神仙界天風吹步虛

又和中元山亭燕集

斗畔斜開徑松根細引泉況當三五夜明月正中天庭蘭  
初茁玉池符亦連錢太液知何似紛紛見白蓮

又題小瀛洲二首

瑤臺何處是只在白雲間碧水高低樹青天遠近山莫言  
三市隔信是一人間為擬潛夫論終朝只掩關

非緣茂陵病湖上結茅堂寤寐烟霞近丹砂難大嘗目高

芝園定集卷十一

壬午

雲高濕月墮石偏涼一似壺中隱夷猶天地長

二十五至茂嶼莊作二首

一入青山裡禽聲處處聞波浮千嶂日風亂一天雲拂袖  
星辰動穿林錦繡分悲秋無限意落葉正紛紛

如何衝雨至為惜拒霜花不有清溪引那尋仙子家疎林  
屯密霧白鷗點平沙莫道無供給孤蒲亦自嘉

茂嶼雨宿

總為青山好無嫌信宿留家家葉亂樹對白雲浮浩渺  
迷三島蒼茫失十洲人生但行樂何必問丹丘

甲戌至日燕李山人讀騷軒

此日逢長至邀歡仙子家憐君情不極况我興無涯萬片

風吹露遙空霰作花醉深還授簡白雪賦誰誇

嘉則遊吳歸宴集山亭

君去莫為樂茲來乃合歡梅花照清沼竹葉媚雕闌春從  
殘臘戰雪逗小山寒故里今方稅休歌行路難

又得江字

春光何處至一日到虛窓山入夕陽盡梅因積雪降持杯  
原共侶照影亦成雙出戶看明月清輝徧大江

乙亥新正四日月湖精舍小集

春光不擇地偏自欺朱闥風引頽梅徑霞標白石壇食茲  
千日酒佐我一宵懽積雪紛紛在從誰乞碎寒香

新正六日山亭燕集得山字

芝園定集卷十一

壬午

步步憐青雨相將到小山披雲紛入袂踏石亂成斑芳草  
爭春出栖禽背暝還相看無限秉燭聽潄潄

十四夜黃省庵宅賞月

何處尋懽賞憐茲蘭桂芳銀河出海近玉樹接天長鳳吹  
千山月鳥啼五夜霜遙聞采蓮伴一路詠滄浪

送倪佩夫赴鉅

何人不朱芾子獨困青氈姓字塵中隱文章宇內傳未能  
通狗監空復撫龍泉待詔金門下應追董賈賢

喜戴仲德至

歲晚草堂靜何期艤棹過青天但長醉白日幾高歌墮葉  
打簾亂疎梅映榻多知君好題咏其奈積通何

江邊晚步次仲德

策杖步晴沙高天度鴈斜  
樵漁分作市鷗鷺聚成家  
亂落城頭葉飛來海上霞  
豪吟何所寄但以雪為花

二月既望揚太學邀燕柳亭

春光已強半結伴始郊行  
展席初依草臨風共聽鶯  
日移林影亂水逗落霞明  
何似賢公子殷勤愛客情  
出郭緣何事尋春野外亭  
總因貪綠竹兼得問黃庭  
一水遶廬碧千山入座青  
如何禪寂地此夜聚文星

芝園定集卷之十三

五言排律目錄

寄萬民望

送張參議

壽顧馬湖二十韻

送弟

寄題陳都憲草堂

十四夜驚峯寺餞顧東橋用燈字

行役書懷

寄子邦仁用書座右

送嘉則往吊朱邦憲輯其遺文

二月朔雪飲東明山館

芝園定集卷之十三

五言排律

寄萬民望

八月波濤壯錢塘錦繡迴將軍亦乘興臨水一徘徊白日  
壓行憶青山薄酒杯應弦鴈盡落點筆賦頻裁汎汎西湖  
棹凌風有遠懷

送張參議

立朝推德美為政識經綸主壁元無類驛驢詎有倫忠言  
能諫聖殊錫已榮親朝旆張寒日秋航控海濱泉餘芳藻  
暖風濯錦袍新綬帶稱金爵應憐桑梓春

壽顧馬湖二十韻

芝園定集卷之十三

閭闔開元化文章際世隆蓋簪駢衆慈肅禱應宸衷  
士必官中圖史警中秘經綸矢朴忠漸磐應自得鼎鍊不  
虞豐稔樂滿多士清修薄上公沃心稽古訓補衮治華蟲  
已秉羔羊節尤懷巷伯風封章觸忌諱虎竹介蠻戎辟殺  
風雲外燒丹烟霧中長松宿甘露幽桂展芳叢美常調龍  
虎還期遇僊僊草玄成寂寥守惠養漳蒙振振占麟趾  
說育草蟲考求元不遠主璧璽頃攻陶令身謀裕龐公德  
舉崇丘園意有適歲序興何窮霞綺高人宅花開吳苑東  
烹羊招上客緬瑟進仙童伊昔瞻星斗于焉祝華嵩深秋  
湖海碧翹首度飛鴻

送弟

金谷酒初美玉京寒正新我居猶抱病女去好為人桑  
憐遲暮行藏良苦辛身謀應不淺家食且安貧擊汰江湖  
吟歸田瓜芋殷索居如念我五月度江津

寄題陳都憲草堂

天子眷侯服名賢懷隱居俯從疏廣疏暫止范滂車興發  
洞庭野心空雲夢廬為林白水靜卷幔碧山虛芳杜情何  
已青雲意自如已知甘玉液猶爾佩金魚應念武陵曲烟  
波勝有餘

十四夜驚峰寺餞顧東橋用燈字

青春揮寶劍永夜對華燈尊酒易為盡絃歌思不勝城隅  
芳樹隱江漢白雲蒸及此臨岐別那禁感慨增風流誰共

芝園定集卷之十三

得文雅豈吾能素有甘棠愛猶聞長者稱山林全羽翰天  
路足飛騰縞帶思公子仙舟憶李膺已知敷惠匪徒爾仰  
鵬鵬千里如相憶臨風贈綵綰

行役書懷

庚申吾以降弱質連連連幸有嚴庭訓微聞遠古傳玄探  
周孔易謨測禹臯篇兩露蘭蓀渥風雲驚騰飛龍初際  
聖結綬誤推賢鼎鍊知非分鳴磬且自便南宮日多暇江  
左地仍偏學道慙原憲傳經擬伏虔文章聊假節意欲遽  
成魯浮梗原無定緇塵宿有緣皇皇求訟謀咄咄理行轡  
赤坂炎氛驟盤溪毒霧連馳驅憐僕御陟降異山川綠髮  
俄將改青鬃未可捐中懷還踴躍夷服自嬋娟聞道關門

令能留河上編丹砂成石室白鶴在芝田桂子青苔徑松  
花碧玉泉忘機仍抱甕得意已遺筌稼穡真吾寶榮名諒  
匪先耽饒樂似水挾術坐壺天路與塵凡隔心同太上玄  
逍遙離星礙終以永天年

寄子邦仁用書座右

少小寡生計多為俗所輕因之干祿仕幸得廁簪纓學問  
漸荒落經綸仰俊英辛勤立堂構匄畝課耘耕頭髮充秋  
改箕裘賴爾生殊方空有念夙夜未能平汝質元聰慧前  
修好景衍予言諄且切帝命赫斯明誦讀今何似遨遊莫  
廢程一日常檢束百務勿經營孝友敦朝夕謙恭戒滿盈  
文從有道正交遠佚遊朋家事還咨長官司不佔名步趨  
長中矩防意每如城泛濫真為病箴規切自盟豈其荒蕪  
匪而以長榛荆何況燕安樂能令憂患并少年如不力長  
大竟胡成素乏趨庭訓徒深舐犢情此身仍戀祿方寸若  
縣旌寄爾苦心語長為座右銘

送嘉則往吊朱邦憲輯其遺文

故鄉亦不惡何事又于征步步雲衣濕村村木葉鳴舟從  
霧裡度人自鏡中行心憐山陽笛笛談推稷下英青山誰作  
主黃浦莫尋盟此去修遺草休言掛劍情

二月朔雪飲東明山館

寒鐘初破曉飛雪灑庭蕪搖曳隨風轉離披匝地鋪入簾  
紛屑玉點樹淨凝珠短竹喧饑雀危簷宿乳鳥三農微作

瑞華屋侈為娛俄頃施屏障高低列畫圖翻疑春未到謾  
道臘先祖賴爾柴桑伴相將倒玉壺





芝園定集卷之十四

七言律體目錄

兩京稿

贈林貞孚

徐氏東園訪馬都督永

憶成

送唯可族弟東還因奉老親起居

遊牛首作

貽周時伯

送質甫姪

寄所思

賦得妾薄命

詠歸鴈

送易和州轉北曹

藩臬稿

東陵寺

贈柯奇純

芝園定集卷之十四

答午坡病中見訊

秋盡有懷

生日書懷

春日訪石窓山中

峽江道中

暮春道中

都司燕集因觀烟火

登拱宸樓

元日次江午坡韻

王陽湖招燕君子樓

清源除日

贈劉函山

清源至日書懷二首

德州館中

觀漲

遊寶嚴寺

登佛塔亭

遊雪竇寺

遊清道觀

訪湖山

解提學歸途中簡藩臬諸公

頌曆次谷杏山

遊北壇作

吉水偶成

左史覃湖伯携遊麻姑

綿州道中

重遊寶嚴寺

遊嚴庵

舜甫假山賞燕次壁韻

訪王小江次甬川韻

贈虞世望

春日有懷會川簡戴靜山

南陽早發

自洛至楚道中漫興四首

貴溪訪江午坡留贈二首時被放初歸

發襄陽二首

入襄陽作次壁韻

元日行東阿道中

用前韻贈沈鳳峰

遊太華寺次壁韻

威清書懷

清平道中

次平溪

次沅州

次山塘驛

益陽道中次韻

建溪逢江貞齋

贈捧詔陳大行

已亥元日

戊戌除夕和後岡

學署訪午坡夜酌

皇儲誕生詔至賦喜

道中見梅

過洛陽橋

讀王道思詩有懷

楓亭道中

海上曉行

北園與棟塘午坡同遊

劍池宴集答午坡

送張都帥

戊申生日

已酉除夕

遊城南柳亭次壁韻

除夕次高屋山

撫部稿

送劉岷川都諫

安縣督師喜雨

道中口占期高屋山

平戎詩次岐山韻

庚戌元日

凱旋入省

送羅兩華出守邵武

暮春書懷

送王中白致仕還山

靜山戴公八十壽詩

送教夢坡赴南院

送趙方泉往按南畿

送憲副曾魯源入蜀因過家省觀

仲夏閱武

壽何沅溪

遊碧雲寺次程松溪韻

送宮保孫毅齋致仕

遊碧雲寺次程松溪韻

應詔赴留都別餞送親太二首

三

暫住吳城皇甫子浚以詩投贈次韻酬答

送楊裁庵督師征夷

茅山紀遊二首

陪祀園陵

昌平夜宿

夜坐

芝園定集卷之十四

兩京稿

芝園定集卷之十四

七言律體

贈林貞孚

高入何事隱墻東白鶴青松十畝宮栗里未招同社客於

陵空有灌園功鴛鴦沼上雲長碧翡翠屏中日正紅車馬

不嫌門巷僻共將文字問楊雄

徐氏東園訪馬都督永

錦衣驄馬霍嫖姚春日鳴弦獨射鵬芳草池塘涵日月青

山臺樹亂雲霄虹龍倒掛東林樹烏鵲晴飛白石橋陰洞

花深人不到江城何處夜吹簫

憶成

芝園定集卷之十四

常年戈甲戌殊方斷鴈飛蓬可自傷紫塞參辰悲鼓角陰

山雨雪嘯豺狼雲深玉井梧桐冷月照金閨秋夜長白磧

黃沙那忍道空將涕淚搗衣裳

送唯可族弟東還因奉老親起居

海國秋風動帝京清晨車馬出都城相看綠酒青燈夜不

盡哀鴻落葉聲千里自憐鐘阜月十年空有越山情雙親

白髮今何似為勸加餐樂此生

遊牛首作

並馬春郊踏紫苔白雲何處是天台烟霞尚有神仙洞日

月常懸帝子臺山有辟支洞及芝磴迥當霄漢出石門斜

倚斗牛開芳花碧草紛紛見盡醉東風綠酒杯

貽周時伯時請居報恩寺

逐客幽棲蘭圃東，禁城花柳接金宮。  
丹砂未授長生訣，寶劍空餘烈士風。  
石壁雲生朝映郭，江樓月出夜聞鴻。  
城南盡是烟霞地，何日乘鸞上碧空。

送質甫姪

自憐飄泊不相當，七載相逢且命觴。  
歲月風塵余獨病，天涯羽翰汝能忘。  
秣陵雲起秋連樹，江漢潮生月滿航。  
何處臨流歌寶劍，霜花白鳥意俱長。

寄所思

世事無端總不聞，終年高卧碧江濱。  
榮名不向靈氛卜，遜跡聊隨綺季群。  
花徑慣邀山月住，溪雲長共野樵分。  
王孫

芝園定集卷十四

原上多芳草，欲寄相思意獨勤。

賦得妾薄命贈友人

吳姬二八正嬋娟，嫁入豪門寵幸偏。  
皎潔不殊天上月，輕盈潭似水中仙。  
暗將紅淚啼青鏡，強把歡顏奉暮年。  
自是佳人多薄命，一調朱瑟一凄然。

詠歸鴈

不禁風雪慘金微，為憶江南結伴飛。  
春日乍看滄海濶，晴雲還向薊門歸。  
千山烽淨驚弦少，萬里天長錦字稀。  
去住浮踪元不定，黃沙白草自依違。

送易和州轉北曹

歷陽城頭春雨晴，睢鳩關河上鳴。  
揚旌擊鼓出門去，振

劍寒衣夙夜征，早歲同為金馬客。  
六年不見建章鸞，燕月今千里那忍臨風贈落英。

藩臬稿

東陵寺

誰開雲壁結層樓，翠竹蒼苔一徑幽。  
玉澗流泉盤戶出，松林積露沁空浮。  
香臺久著高僧錄，石髓長留過客驂。  
萬里正懷棲隱地，滄溟東望迥生愁。

贈柯奇純

上疏金門早避名，歸來東海學躬耕。  
山房日出霞同卧，竹圃雲深鶴共行。  
姑射仙人餐石火，漆園傲吏著書成。  
君家自有青門伴，蓮社無勞遠結盟。

芝園定集卷十四

荅午坡病中見訊

蕭蕭短髮不堪梳，況復天涯憶故居。  
猿鶴尚慚招隱賦，歲時空有養生書。  
每因搖落悲洋梗，長以彫盈鑒望舒。  
自歎微官成懶廢，還將文字擬相如。

秋盡有懷

秋來秋去客心愁，天北天南總滯留。  
末路豈勝悲阮籍，南華空復夢莊周。  
商山未結烟霞伴，瀛海長懷鸞鳳洲。  
極目長安何處是，蓬萊宮闕五雲浮。

生日書懷

早從金馬曳長裾，多病支離強佩魚。  
賈誼憂時空涕淚，匡衡學道有詩書。  
江湖奔走形容換，霄漢功名歲月虛。  
瑤草

故園歸未得天涯頻望白雲居

春日訪石窓山中

爾向青山早結廬買田時藥近何如獨憐公子長垂釣苦  
學虞卿數著書星河晚映花間榻燕鶯春迎柳外車蒲瀝  
右軍真不俗試開新醪贈江魚

峽江道中

王峽江深駕鶴譚青樓夾岸轉流霞帆櫓迭照穿紅葉山  
郭浮雲擁白沙夕客盤餐誰是伴滿城砧杵正思家自憐  
朱瑟那能御獨坐長更望斗槎

暮春道中

昨日停車花滿扉今朝風雨百花稀青山返照頻鳴鵲綠  
水牽雲暗濕衣劍旂春隨殘鹿遠旌旗夜傍斗牛歸王孫  
芳草年年發瀛海何人詠采薇

都司燕集因觀烟火

榕城佳麗列仙都火樹烟樓駕紫衛璧月夜寒流翡翠綠  
雲春暖映珊瑚鳳簫吹梅花落虎帳青蓮錦繡鋪王謝  
風流俱不忝更憐開府有孫吳

登拱宸樓

紫微仙署鬱蓬萊阿閣玲瓏接上台碧海雲霓翻水殿青  
城龍虎結瑤臺綺羅晴闌干門日鐘鼓春傳九陌雷客子  
不知芳草綠香車何處起塵埃

元日次江午坡韻

蠟炬齊紅綵幕風禁城魚鑰虎符通朱雲夜繞飛龍慳黃  
道晴分太乙宮圭璧朝宗周曆遠甘泉獻賦漢京同傷心  
甲子頻年換開盡梅花上苑中

王陽湖招燕君子樓

紫極高樓秋燕開鳳簫簫笛引層臺青溪日月時吞吐天  
漢星槎數往迴短劍尚慚動業薄飄蓬不奈歲時催只今  
湖海相憐少忽漫逢君一舉杯

清源除日

野曠天空積雪明清宵燈火亂春城天涯節序勞相問江  
畔梅花喜自榮牢落風塵悲骨肉間關車馬厭功名錦衣  
華旆成何事愁病能令白髮生

贈劉函山

十年車馬厭間關萬里猶悲蜀道難歲月漸看頭髮改烟  
霞贏得酒杯寬數奇李廣難封爵名重劉郎不徙官廊廟  
故人應不少可能攜手共彈冠

清源至日書懷二首

六月樓邊河上洲風塵鬱鬱使人愁至日壺觴聊自醉中  
原戎馬近無憂江湖水落魚龍蟄丘壑天寒冰雪稠開府  
分藩真忝竊王門何意覓封侯

浙浙寒風吹客衣暉暉晴日映崇扉黃塵白馬無休息紫  
綬金章有是非海上音書時斷絕雲中鴻鴈自翻飛逢人  
盡道青春好頭鬢年來已漸稀

德州館中

疎鐘迢遞落寒扉，獨上瑤臺望紫微。  
碧海蘼蕪人共遠，高林霜露鴈初飛。  
自憐白日移玄髮，無那紺塵染素衣。  
夜半滄洲清夢醒，故園松菊待予歸。

觀漲

夜半豐隆驛王蚪，忽驚滄海變東臯。  
曉飛鳬鷖芙蓉渚，白浪吹花楊柳洲。  
稚子窺雲時出戶，漁人失岸屢移舟。  
楊雄寂寞今何事，盡日談玄不下樓。

遊寶嚴寺

十里蘭橈蕩碧沙，海天晴樹思無涯。  
石橋水漫青苔草，林薄風生萱落花。  
樓近翠屏懸日月，庭開修竹引烟霞。  
山中

支園定集卷十

六

塵鹿真吾伴，自喜無心戀白麻。

登佛塔亭

野田漠漠水泉分，山寺陰陰落日曛。  
滿徑烟霞人不到，出林麋鹿自成群。  
暮開瑤席依深竹，醉躡丹梯倚斷雲。  
昔日高僧乘化去，空中飛錫至今聞。

遊雪竇寺

輾輿宛轉陟丹梯，鐘磬遙聞度碧溪。  
桂樹靈芝春不改，桃花流水路俱迷。  
雲藏古洞知龍卧，烟暝深山有鳥啼。  
白馬青牛何處是，夕陽西望草萋萋。

遊清道觀

江浦風清白日長，蓬萊誰送紫霞觴。  
林間藥草開丹竈，歲

久雲書靜法床琳，宇畫含烟霧暝石壇。  
春散薜蘿香羽衣，道士能相款吹笛時時引鳳凰。

訪湖山

馬湖湖上午潮平，綠柳紅桃當眼明。  
草閣山深烟霧暖，石橋春盡伯勞鳴。  
清時執法還遭譴，壯臥躬耕未養生。  
對酒不須多感慨，故人相見且陶情。

解提學歸途中簡潘臬諸公

烟霧冥冥江水深，江風蕭颯動高岑。  
豫章車馬成新夢，滄海松芝有舊林。  
貝錦豈知浮世態，綠袍直見故人心。  
夢洲芳草年年綠，尊酒斜陽思不禁。

須磨次谷杏山

支園定集卷十

七

劍旆飄零秋復春，天涯王層幾迴新。  
虛疑節序催蓬髮，已喜梅花伴病身。  
日月九宵明翠幄，車書萬里覲丹宸。  
夜深象緯占靈氣，聖主龍飛自有真。

遊北壇作

日薄高城金鼓喧，遙從密竹訪靈園。  
蟠龍紫蓋通雲壑，瑤草丹霞闕石門。  
歲久松楸長作雨，夜深燈火自成村。  
天涯忍見黃花落，酌酒勸君君莫言。

吉水偶成

孤城窈窕臨流水，赤嶂連卷挂樹枝。  
雉堞夜聞刁斗亂，銀河秋見女牛遲。  
三江白露饒鴻鴈，九月黃花少故知。  
壯歲客遊長不返，何人能賦宋生悲。

左史單湖伯埤游麻姑

碧蓮池上訪丹丘五老峯前草樹幽玉湖遠連銀漢出  
雲常傍法宮浮林間道士馴龍虎天上仙人隱石樓伯父  
于今為地主藥爐名枕恣淹留山上亦有五老峯蓋借名

綿州道中

雪嶺春深我正來每逢佳處一徘徊飛雲度水開還合宿  
鳥驚人去復迴山闕盡將松竹補柴門偏向野橋開為言  
役役馳驅者何似餐霞卧草萊

重遊寶嚴寺

招提偏占碧山阿細雨斜陽喜再過谷口雲封行處斷庭  
前花落坐來多山厨巧接松溪水石屋新添燕子窠好惜

烟霞寧真隱高眠長唱紫芝歌

遊巖庵

山人送我雨還遊雨裡看山山更幽密樹叢中青澗出虛  
巖洞口白雲稠僧因好客來偏慣鳥為留春囀未休石徑  
蒼苔塵不到人間即是丹丘

舜甫假山賞燕次壁間韻

園亭夏至綠陰濃乘興來尋仙子蹤泉石有誰堪作主漁  
樵無日不相從人間種得千年樹海上飛來何處峯赤水  
丹山君莫問琪花瑤草即今逢

訪王小红次甬川韻

君家卜築海天悠片片青山在屋頭千里風光分小壑

朱花樹幾春秋故園不見尚書履桃浦空傳白雪謳短  
清尊須盡醉星河爛熳小江洲

贈虞世望

不著儒冠著道冠山林隨處可相安探奇故有詩書癖選  
勝曾窮陸海觀近水漁樵俱是伴四時風月總成歡欲知  
玄妙今何似試看囊中九轉丹

春日有懷會川簡戴靜山

何處青春最可憐芝房石室瞰清川烟花幾誤桃源路瀛  
海頻來李郭船明月故穿書榻裡綠雲不盡酒卮前主人  
若放窺猿鶴松下同烹玉井泉

南陽早發

芝園定集卷十四

九

宛城吹角聽鳴鷄馬首朝來又歎西橋上幾多題柱客隆  
中猶有卧龍堤青山日出頻啼鴉古岸雲生只到溪試把  
高歌扣長劍夕陽何處草萋萋

自洛至楚道中漫興四首

一捧金泥下紫宸卻從南國動朱輪揚花落盡仍啼鳥江  
燕飛來只傍人落日旌旗遙帶郭清溪草樹自為春匣中  
孤劍依然在不用明時枉問津地名

疋馬辭家五月餘天涯不見一封書青春歸鴈無南度白  
髮高堂自倚廬博望沙堤堤芳草暗宛城楊柳暮鐘疎  
夜來只作林泉夢孤負山中白鹿車

麥秀漸漸野雉鳴僕夫遙指日南程林間片月依孤角馬

首輕雲逐去旌芳草自憐千里夢青山應共百年盟行行漸入烟花路試向斜陽一聽鶯

日日風塵走傳車飄零已見二毛初謾言貢禹彈冠日空有相如諫獵書一路山川煩應接誰家烟樹正扶疎西南此去荆湘近又向人前強曳裾

貴溪訪江午坡留贈二首時被放初歸

風塵日日苦相思此夕相看意獨悲月下清尊還舊侶天邊逐客有新詩潛夫著論寧忘世深巷逢人總問奇白水青山君自愛殊方誰與寄瓊枝

萬里歸來一草堂烟霞終日泳滄浪簾櫳不礙青山入歲月頻看碧草長豈謂衣生高卧穩却嫌司馬著書忙閒中

倘得丹砂就多病如予未可忘

發襄陽二首

幾年踪跡徧南州雙旆仍為漢上游雨燕只依青雀舫山雲不斷白蘋洲臨風自弄桓伊笛踏月還登庾亮樓龍洞鹿門俱在眼夢魂今夜是丹丘

漢水初乘彩鷁舟卻疑天上泛槎遊青山片片捲簾入白鳥翩翩夾浪浮蘭杜何人悲逐客江村到處起漁謳從來此地多形勝欲賦先慚鸚鵡洲

入襄陽作次壁韻

石橋流水近斜陽綠樹青山非故鄉江漢共瞻新使節桑麻初見楚封疆誰憐潘岳形容老自愧王遵官轍忙神女

高唐何以賦空將雲雨夢襄王

元日行東阿道中

他年元日常為客此日天涯又獨征春草不知傷客思梅花偏自引行旌清尊每憶親交遠白髮新從寶鏡生老大功名猶未就談經何事學匡衡

用韻贈沈鳳峰

雙旌五馬出專城大雅風流早著聲紅日喜瞻天闕近白雲長對越山平尊鱸故國三秋思石室丹砂九轉成莫道明州堪吏隱江湖廊廟總關情

遊太華寺次壁韻

相得出郭采瑤華海岸風生浪作花半嶺陰雲蒸白雨滿

金蘭定集卷中

二

門青竹綴沆霞山中日月真忘世天上樓臺即是家車馬風塵猶未息却於清夜夢仙槎

感清書懷

丹霞夾道引旌麾出郭紛紛見路岐鄉土不傳天北字秋風吹動日南枝荒廬到處盤餐惡明月終宵成角悲自歎王符猶未隱空將心跡擬支離

清平道中

山城拂曙動行轡古樹蒙茸雜瘴烟野鳥向人名不辨僕夫無譯語難傳青囊漫檢高賢傳落日長歌寶劍篇芳草不須懷故土壘雲漢月亦堪憐

次平溪



盡日驅車上百盤，紫崖丹壑在雲端。乍時冰雹千山暝，滿地風雷六月寒。行役祇應憐杖屨，憂時真自愧衣冠。何人未識懷沙恨，沅水於今詠采蘭。

次沅州

不向關門早棄繻，却從南服過分符。夜郎怕見雲山惡，越嶲傳聞國俗殊。多病豈能酬厚祿，閑門終合著潛夫。紫芝白鹿今何似，慚愧山中舊酒徒。

次山塘驛

乘槎直上女牛邊，卜築空懷陽羨田。劍旆經年行海國，烟霞何計隱壺天。青峯不雨雲長濕，幽徑無人鹿自眠。夜半吹簫山月白，應知此地有神仙。

芝園定集卷十四

三

益陽道中次韻

軺車六月指滇陽，倦客那堪去路長。勳業豈能揚絕徼，姓名猶愧隱東牆。芙蓉帶雨長飛瀑，杜若無風自起香。金馬碧鷄何處是，丹山赤水信吾鄉。

建溪逢江貞齋

思君何地借長翰，此日相逢且自寬。仙吏偶從天上謫，雲山都在坐中看。長沙自識君恩厚，蜀道空悲行路難。莫謂文章憎命達，江湖到處有交歡。

贈捧詔陳大行

禮樂千年應鑄京，親將王命出承明。天涯芳草隨行騎，南國祥雲擁使旌。潘岳青春人共羨，相如文字舊知名。九重

待問須前席，旭日還聞丹鳳鳴。

已亥元日

一夜江頭楊柳春，滿城霞綺闌鮮新。天涯風俗隨時異，官院梅花偏自親。已訝鬢毛添歲月，還憐書劍落風塵。今朝携手須乘興，竹葉椒盤總勝辰。

戊戌除夕和後岡

久客殊方思黯黯，遙從北極望星纏。春光隔歲梅花發，夜色長街蠟炬燃。到處尊壘堪作伴，可憐懷抱不如前。逢人擬受長生訣，莫使容顏異昨年。

學署訪午坡夜酌

一月春風散碧桃，青雲王署路非遙。海棠病雨開猶澁，芳草迎人濕自嬌。錦席華燈看寶劍，仙臺夜月引鸞簫。江城亦有山陰興，杜甫銀鞍不用招。

芝園定集卷十四

三

皇儲誕生詔至賦喜

天子明堂御袞衣，群臣歌舞拜彤墀。青宮盡是祥符見，丹詔爭看絳節馳。五位雲龍今出震，九天日月正重離。齊民共獻華封祝，卜世應將億萬期。

道中見梅

客裡看花不奈春，况逢殘臘轉傷神。繽紛雪寒偏媚綽，約約風舞太頻。江上水僊環佩冷，雲中玉女綈衣新。孤山不共幽棲地，日暮天涯憶遠人。

過洛陽橋

洛陽橋上水仙宮  
柱棟瑤壇紫霧充  
浩浪入空翻作練  
飛雲駕石迴盤虹  
日移貝闕千峰亂  
秋轉靈槎百越通  
題柱自知非漢使  
清時慚負濟川功

讀王道思詩有懷

清涼靈氣降英奇  
簪筆含香際盛時  
三百遺音非代有  
兩鄰新賦少人知  
寰中玄圃徵瓊玉  
天上金門辨鳳儀  
濟址越南今萬里  
白雲芳草若為思

楓亭道中

鐘鼓朝鳴引使旌  
朱旗映日轉郊坰  
先春花柳侵殘臘  
到處烟霞覆短亭  
東海無波雲自黑  
南天不凍草長青  
經年馳逐無休暇  
方朔何言是謫星

王園定集卷十四

古

海上曉行

天涯搖落不勝秋  
疋馬間關賦遠遊  
長路風霜驚歲晚  
高林木葉亂鄉愁  
中天麗日明霞嶼  
夾岸晴霓起蜃樓  
莫問十洲何處是  
雲中只尺有丹丘

北園與棟塘午坡同遊

城隅曲沼枕玄冥  
竊窈窕松門慣不扃  
碧樹鮮飈時下榻  
青山白石坐談經  
驚鷺對出芙蓉渚  
鸞鶴斜分錦繡屏  
半落相看俱病骨  
高懷真儼卧雲坰

劍池燕集答午坡

若耶溪上草堂幽  
仙侶雲中彩鷁遊  
繞鏡星河翻不定  
近人螢火散還稠  
椒漿琥珀春無賴  
鐘鼓魚龍晚共愁  
巖畔

紫芝開幾許與君今夜泛瀛洲

送張都帥

早歲曾攻黃石書  
雕弧繡服綰金魚  
燕然未試飛龍劍  
淮海爭誇汗血駒  
萬里星辰聯紫旆  
五雲宮闕麗仙都  
承明雨露春無限  
細柳動名屬亞夫

戊申生日

年年生日常為客  
却喜今朝得在家  
經濟有心成夢寐  
詩書充棟即生涯  
休嗟楚國空懷璧  
且向青門學種瓜  
堂上綵衣春正好  
鏡中無奈鬢霜加

已酉除夕

今夕何為坐獨嗟  
翻憐故里是天涯  
椒盤柏酒有誰共  
市

王園定集卷十四

五

鼓城鐘偏自諱時  
以馳驅成鹿夢空  
將消息試燈花策勲  
又負平生志蓬髮  
那堪益歲華

遊城南柳亭次壁韻

江上孤洲白石房  
空中飛錫海天長  
華池不斷青山雨  
曲徑輕沉碧草香  
出郭更於臨水好  
逢人多為看花忙  
河橋楊柳年年綠  
啼鳥何情怨夕陽

撫部稿

除夕感懷

玉漏須臾兩歲分  
遙從紫極望卿雲  
故園萬里難將母  
厚祿何年可報君  
西土豺狼空攪轡  
北山猿鶴定移文  
時來擬著閒居賦  
芝草瑤花意所欣

除夕次高屋山

天涯愁病總難除，况復殘年憶故廬。  
到處風塵還極目，由來泉石可安居。  
三巴未布平戎檄，四海空聞獻瑞書。  
對對寒燈不成寐，呼童數問夜何如。

安縣督師喜雨

手提三尺自行邊，虎將征戎捷已傳。  
正喜春風吹塞草，更無時雨息狼烟。  
守臣擬上昇平頌，太史應書大有年。  
却愧懷柔無遠畧，但教反側且安眠。

送劉岷川北都諫

江流曲抱錦官城，彩鷁翩翩動使旌。  
壯極漸看華蓋近，春雲只傍馬頭生。  
久從遼徼憂民瘼，定有封章慰聖明。  
簪筆年來非舊侶，共許青瑣著先聲。

王國定集卷中

六

平戎詩次岐山韻

仗節臨戎夙有期，諸軍克捷果無違。  
但教渤海勤耕日，何事燕然勒石歸。  
露布早應傳遠近，瑤篇深得借光輝。  
明朝奏凱勞還率，彩帳彤弓耀虎闥。

道中口占期高屋山

披雨出門何所之，尺書先與故人期。  
憐君投効耽雲卧，媿我驅車泣路岐。  
南國容顏今共老，一生心事有誰知。  
山中合得丹砂訣，不惜相投見面時。

凱旋入省

去日遶城動鼓鼙，歸來一道凱歌齊。  
風前溪柳無情綠，雨

後山禽作意啼，征旆入雲人影亂。  
馬蹄趁草夕陽遲，懷素每恨流光速。  
轉向青山憶故樓。

庚戌元日

耿耿庭燎夜未央，仰看星斗定何祥。  
勛華久已光三極，玉帛朝來走萬方。  
南浦烟霞交紫陌，香城花柳媚青陽。  
亦知信美非吾土，無那瞻雲越水長。

送劉唐巖出守嘉郡

神產元誇汗血駒，騰驤早已遍天衢。  
冬曹久著千將譽，大郡新分虎竹符。  
萬里湖山春動色，一方霖雨望來蘇。  
東南民力真堪念，好把經綸贊廟謨。

送羅兩華出守邵武

廷尉元稱執法平，更聞西蜀號神明。  
九霄新寵分符竹，五馬康衢擁旆旌。  
到處青春堪作伴，眼前赤子重關情。  
知君自有循良政，渤海漁陽並著名。

暮春書懷

春草萋萋春日暉，春明門外試春衣。  
鏡中白髮愁偏長，海上青山夢屢歸。  
朝署自憐勛業薄，邊關無奈羽書飛。  
相逢尊酒休辭醉，桃李朝來已半稀。

送王中白致仕還山

白下知君三十年，風流儒雅更誰先。  
圖經直探羲黃秘，玄妙真窮釋老編。  
本以多能為衆忌，誰云清世不容賢。  
從今脫却簪纓去，釣海樵雲故所便。

靜山戴公八十壽詩

早向天門振綵裾，壯年何意即懸輿。囊中自試燒丹訣，架上頻翻種樹書。當代簪纓誇閱閱，青春蘭桂滿庭除。桃源社友時相過，老去偏憐化日舒。

送教夢坡赴南院

東天門早擅場，君王賜檢石渠藏。幾多制草留金匱，時有雄詞出建章。綵旆暫迎仙署侶，官袍猶帶直廬香。鍾陵山水真奇絕，誰共夷猶白玉堂。

送趙方泉往按南畿

早年文彩動三衢，秘籍還從校石渠。南國風霜瞻使節，帝城冠蓋擁輶車。范滂自有澄清志，賈誼空多涕淚書。到處鷹鷂知不少，好將化日照窮廬。

王國定集卷五

六

鷹鷂知不少，好將化日照窮廬。

送憲副曾魯源入蜀因過家省觀

十載鳴珂侍紫宸，一朝持節獨離群。捧與聊慰潘郎願，論蜀仍煩漢使文。百部蠻夷銷劍戟，三巴草樹動晴曛。錦江王壘多奇勝，應有高篇繼子雲。

壽何沅谿

頻將勳績奏明堂，萬里旬宣入夜郎。紫綬歸朝頭尚黑，甘棠隨處蔭偏長。虞庭濟美誰能並，韋氏傳經獨擅芳。於彼山川原勝絕，即看閎闕與爭光。

仲夏閱武

滿城槐柳轉流鶯，伐鼓堂堂試點兵。陣合風雲奔疾馬，

懸日月劍光橫。誰憐班孟空投筆，却憶終軍自請纓。聖主於今舞干羽，萬方應見泰階平。

送宮保孫毅肅致仕

天邊納履動星辰，手捧絲綸御墨新。霖雨正懸多士望，君王無奈乞身頻。九峯三泖真堪老，芳草啼鶯總是春。身在江湖心在闕，還將封事奏丹宸。

遊碧雲寺次程松谿

萬峰深處碧雲壇，錦作宮牆玉作闌。草樹偏於春日好，烟霞都在座中看。珠林巢鶴僧同定，石洞梅花曉鬪寒。百轉流泉更清絕，無人到此不盤桓。

應詔赴留都別餞送親友二首

李國定集卷五

九

脫却簪纓歸敝廬，楓宸又見下徵書。出門便道風塵惡，時氣正垂老翻憐骨肉疎。滿眼親朋相集送，臨歧杯酒共躊躇。從今只作烟霞夢，何日滄江復釣魚。

車馬間關兩鬢秋，歸來方理舊田疇。蕭疎擬著閑居賦，病廢空懷漆室憂。羽檄正看馳海徼，圖書何意到林丘。丁寧別後須相寄，瑤草丹砂是所求。

暫駐吳城皇甫子浚以詩投贈次韻酬答

城南城北盡揚旌，鐵馬金戈紫霧橫。共說君王今舞羽，猶傳瀚海未銷兵。狂傲世悲中散，痛哭憂時憶賈生。試聽陽春歌一闋，相逢莫作斷腸聲。

茅山紀遊二首

人間何處有仙都面芙蓉錦障鋪靈沼巧將珠作液瑤池真以玉為符雲中洞壑速來往天際江湖下有無頃刻

亮開多變態逍遙還擬賦蓬壺

共說深山好避人還從石室訪仙真躋攀漸覺雲霄近遊河偏憐羽客親湖底波濤翻日月巖頭戶牖錯星辰亦知未了林泉債早晚封章且乞身

送揚裁庵督師征夷

烽火連年照海嶼君王推轂簡才賢墨書忽報金門下聞令俄從建業傳方叔師干元自試馬援銅柱更誰先即看南徼妖氛淨勲業還將九鼎鐫

昌平夜宿

芝園文集卷十四

二

歇馬寒城急暮春即看明月上簾櫳霜清木末初聞鴈鐘起山腰暗度松深夜鈎燈傷往事高秋說劍向誰雄閭閻莫怨征徭巫已喜狼烟暫息紅

陪祀園陵

平沙曲澗馬駢駢贏得今朝入翠微雲起紫宮偏五色龍分青嶂作重圍行穿松徑頻歌帽坐傍槐林數振衣夜半祠臣供奉罷九天星月正交輝

夜坐

金馬休嗟似陸沉伐檀真愧古人心未舒長策匡時難徒抱遺編講藝林白首有誰堪結綬朱絃猶自憶知音故山溪鶴應相待獨坐聊為梁父吟

卷十四終